

(2)

APPARATUS ERUDITIONIS

PRÆSENTIM
AD
JURISPRUDENTIAM,

In quo
Præter Juris Universalis Principia
JUS NATURÆ, GENTIUM, DIVINUM,
APOSTOLICUM, & PONTIFICIUM, JUS
SYNODALE OECUMENICUM, NATIONALE
AC PROVINCIALE,

Unacum
Provinciarum ac Regnorum Ecclesiastico & Politico
Statu, Disciplina Ecclesiæ, Hæresibus exortis &c. continua sæculo-
rum serie ad præsens usque tempus deductum, insertisque pro re
nata multis observationibus criticis, ac controversiis
Juridicis, Publicis, ac Polemicis,

METHODO HISTORICO - DOGMATICA

colliguntur, & brevi ac clara idea delineantur,

In utilitatem eruditionis amantium, quibus vasta Conciliorum, Decretorum,
Historiarum &c. volumina perlegendi aut occasio aut tempus deficit,

AUTHORE
P. JOSEPHO BINER, S. J.
P A R S X.

Complectens
STATUM ECCLESIASTICUM ET POLITICUM
SÆCULI XVIII.

CUM APPROBATIONE.



Augusta Vindelicorum & Friburgi Brisgoja
Sumptibus Fratrum Ignatii, & Antonii Wagner, Bibliop. MDCCLXV.

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY



THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY



PRÆFATIO.

Pervenimus tandem ad sæculum ultimum, ejus vel dimidium res tam varias, multas, grandesque protulit, ut gesta plurimum sæculorum complecti videatur. Turbulenti Janfenistarum & Appellantium motus, Quesnelli præsertim centum & una Propositiones erroneæ, Bulla *Vineam Domini*, Constitutio *Unigenitus*, Noallii aliorumque Episcoporum quorundam diuturna tergiversatio, Lutheranorum, Calvinistarum & Waldensium machinationes in Gallia, Pedemontio, Helvetia, Silesia, Hungaria, Transylvania, Superiore Austria, Salisburgensi in Archidiecepsi, Curlandia, causa Religionis Palatina, Bipontina, Thorunensis, Hohenlœnsis, Bärenthalensis, Toggenburgensis, Clausula Rîsvicensis &c., quantas in Ecclesia procellas excitarunt!

Quid memorem causam Coddæanam, Alberoniam, Coscianam, Bichianam, Aquilejensem, Comaclensem, aliasque, quæ Romanas curas intenderunt? quantum disciplinæ Ecclesiasticæ per Concilium Romanum aliaque plura restaurandæ studium? quot saluberrimæ constitutiones Pontificiæ in rem hanc sunt editæ? Erecti novi Archiepiscopatus, Episcopatus, Patriarchatus. Geniti Sanctæ Matri Ecclesiæ filii, præter totam Domum Electoralem Saxonicam, ex Domo Saxo - Citica Mauritius Wilhelmus, Christianus Augustus,

PRÆFATIO.

stus, Mauritius Adolphus : Ex Brandenburgica, Sophia Christiana, & Wilhelmus Ernestus : Ex Domo Brunsvico-Welferbytana Antonius Ulricus, ejusque filia Augusta Dorothea, & Henrica, cum nepte Elisabetha Christina Imperatrice, & Maximiliano Wilhelmo, fratre Georgii I, Duce Hannoverano : Ex Domo Bipontina Gustavus Samuel cum sorore Maria : Ex Domo Birckenfeldensi, nunc Bipontina, Christianus & Fridericus. Domo Wirtembergica Stuttgartiensis cum Duce Alexandro Friderico fratre, & Ulrico Duce Oelfensi : Ex Domo *Hassellana* Fridericus, modernus Landgravius regnans : Ex *Darmstadiana* 4 fratres cum tota Linea Philippina. Ex Domo *Holsata* Fridericus Wilhelmus, Carolus Ludovicus, Dorothea Hedwigis, Leopoldus cum suis liberis : Ex Domo *Nassovia*, Wilhelmus Hyacinthus Siegensis. Princeps, cum fratribus & liberis, totaque Familia Nassovio-Hadamarensi, quæ Religionem orthodoxam priore sæculo receptam, in hoc quoque continuavit.

Jam vero si Statum Politicum dimidii hujus sæculi spectemus, quam varius ille, quam implexus, quot aspectibus horridus! quantæ, quam assiduæ, quamque cruentæ populorum, provinciarum, regnorumque collisiones, revolutiones, atque de gente in gentem translationes! Hispaniam, Angliam, Neapolim, Siciliam, Sardiniam, Mantuam, Parmam, Florentiam, Lotharingiam, Novocomum, Bremam, Frisiam, Silesiam, Poloniam, Slesvicum, Sueciam, Livoniam, Ingriam, Curlandiam, Russiam, Serviam, Moream, Persiam, Acadiam, *Canadam &c.* cogitate, ad alias manus sunt delapsæ.

Quam sanguinariam autem imaginem nobis exhibent tot bella, totius Europæ viribus gesta, atque ab extremis Gadibus hinc ad Tanain, ad Oceanum inde Hyperboreum usque exporrecta! Aut quis Rex est in Europa, quod regnum, quæ natio, quæ bellum non fuerit passa, aut amarus ejus fructus non senserit, atque

P R Æ F A T I O.

que pertulerit? sed quid Europam nomino? quænam in orbe universo major Provincia, in quam turbo bellicus non incubuerit? quantis motibus impetita vel sola successio Austriaca in Hispania & Germania?

Quot conferta ineunte jam sæculo prælia sanguinolenta, ad Fridlingam, Montem Nolanum, Höchstadium in *Germania*: ad Clarium, Crostollum, Luzzaram, Cassanum, Taurinum, Bitontum, Parmam, Guastallam, Campum Sanctum, Placentiam, Rottosfredum &c. in *Italia*: ad Exeram, Ramilliacum, Aldenardam, Malplaquetum, Denainum, Tornacum, Recoux, Laffeldam, in *Belgio*: ad Alamancam, Almenaram, Cæsaraugustam, Villamvitosam in *Hispania*: ad Molvicium, Zaslaviam, Strigoviam, Soram, Kesseldorffium in *Silesia* & *Saxonia*: ad Dettingam prope Mœnum: ad Cliftonum & Callodum in *Scotia*: ad Petrovaradinum, Belgradum, Kroskam in *Servia*. Quantas res gessit *Eugenius* Princeps in Italia, Germania, Belgio, Hungaria? quantas *Marleburgus* in Germania & Belgio! quantas *Stabrenbergius* in Italia & Hispania, *Vendomis* in Italia, Belgio, Hispania! quantas *Bervicus*, *Mauritius Saxo*, *Löwendalius*!

Septentrio quoque quantis bellis concussus, quoties suis emotus cardinibus! *Carolus XII*, turbinem illum Borealem considerate; quanto impetu in Livoniam, Poloniam, Saxoniam incubuit! quantus bellator ad Narvam, Dunam, Cliftonum, Mohiloam! sed palmas incidit & lauros decussit Pultava. *Petrus* ille Magnus Victoris Victor heroem prostravit.

De bello novissimo quid memorem? quodnam majori æstu, majori virtute, majoribus artibus gestum fuit unquam? quis enumeret victorias Magni Friderici? Magni Daunii, Magni Laudonis? Loquantur prælia ad Lobosicium, Pragam, Planian, Rosbacum,

P R Æ F A T I O.

Wratislaviam, Lissam, Hochkirchium, Lignicium, Torgaviam, Strehlam, Freybergam. Quam locuples Maxena præda! quanto ardore cum Russis concursum ad Jägersdorffium, Zorndorff, Kunnersdorff. Quoties sub armorum pondere Bohemia, Silesia, Lusatia, Saxonia, Thuringia, Marchia, Pomerania, Borussia, altum ingemuit!

Nec minor procella Rhenum & Visurgim pressit. Quantis viribus congressæ adversæ acies ad Hastenbecum, Crevelt, Sangershusium, Lutterbergam, Fillingshusum, Grebensteinium, Grumbergam, hinc sub Estræo, Subisio, Richelio, Claremontano, Conrado, Broglio, inde sub Duce Cumbrio, & Ferdinando Duce Brunsvicensi, fortuna alternante, atque Hassia, Westphalia, Saxonia Inferiore, & Episcopatibus præsertim Catholicis belli molem sentientibus.

Prætereo minores velitares pugnas, quia sunt innumerae, transita flumina, sulcata maria, nautica certamina, expugnatas urbes. Vix in Europa celebre munimentum est, quod dimidio hoc sæculo ignibus, virtuti, aut astutiæ non cesserit. Landavia, Brisacum; Friburgum, Ulma, Kuffsteinium, Ehrenberga, Scharnicium, Taurinum, Casale, Verva, Mediolanum, Mirandola, Cajeta, Messina, Barcellona, Sarragossa, Valentia, Gibraltaria, Portus Magonis, Praga, Egra, Stetinum, Colberga, Stralsunda, Neussa, Schweidnicium, Gloggovia, Zittavia, Budissa, Dresda, Torgavia, Sonnensteinium, Wittenberga, Lipsia, Ingolstadtum, Stada, Hammelia, Welferbyrum, Montes, Namurcum, Insulæ, Athum, Tornacum, Menina, Ostenda, Bruxellæ, Antverpia, Berga ad Zomam, Trajectum ad Mosam, Temesvaria, Belgradum, Orfova &c. quanta nomina!

Bella finita sunt per Tractatus pacis. Exhibebitur igitur Pax Ultrajectensis, Badensis, Viennensis I cum Hispania, Viennensis

P R Æ F A T I O.

sis II cum Anglia, Præliminaria Parisiensis, Viennensis III cum Gallia, Wratislaviensis cum Borussia, Füßensis cum Bavaro, Aquisgranensis universalis, Dresdensis cum Borussia, Araviensis, Passarovicensis, Belgradensis, Rastadiensis, Lublinensis, Holmiensis, Finnica, Aboensis, Travendensis, Stargardiensis, Parisiensis, Hubertsburgensis: Tractatus Hannoveranus, Hispalensis, Gertrudenbergensis, Hagensis, Wormatiensis, Tractatus Repagulosum, Fœdus Triplum & Quadruplum, Sanctio Pragmatica.

Accedunt causæ controversæ, Juliacenensis, Matrimoniales, de proxima agnatorum tutela, de substitutionibus, de subfeudis, de rétrovenditione, de testamentis, de Judicio Aulico & Camerali, de Vicariatu Imperii, de Reversalibus, de voto Bohemico, de navigatione Ostendana, de Langharum Feudis. Causæ item, Mantuana, Montferratensis, Novocomensis, Bullionica, Slesvicensis, Meinungensis, Virariensis, Pleinsteinia, Camachiensis, de Castro & Ronciglione &c.

Denique novum in Europa Regnum, novus in Imperio Electoratus, complures novi Imperii Principes, illustres Ministrorum aliorumque ruinæ, Ordinationes Provinciarum, Regnorum competitores, Reservata Imperatoris, Postarum Imperialium Regale, aularum ad invicem aspectus; res Monetaria, Divortia Matrimoniorum, turbæ Corsicanæ, Fœdera, Commercia, Transactiones, Decreta commissoria, Comitiorum deliberationes, Conclusa, Recessus, Capitulationes Cæsareæ, Jura Principum, Processus Judiciales, sententiæ, executiones, proh quanta materiarum sèges!

Hæc ego non pro rerum dignitate extendam (ad hoc enim pluræ volumina non sufficerent) sed pro instituto meo breviter attin-gam, nihil tamen omitturus eorum, quæ ad substantiam pertinere arbitror.

Scio


P R Æ F A T I O.

Scio equidem, quam delicatum sit de viventibus scribere: ne adulationis aut offensionis notam scriptor incurrat. Ego autem, qui me civem totius mundi existimo, singulari in id studio incubui, ut neminem usquam offenderem; hinc etiam a crisi- bus, quæ alias sal esse solent Historiæ, pennam coercui, veritatem tamen assequi conatus sum, quam si alicubi, prout in defectu scriptorum de rebus adeo recentibus, contingere potuit, non inveni, Lector benevolus condonabit.

Diu apud me deliberabam, an ad ultima hæc tempora descendendum esset; sed cum apparatus eruditionis profitear, turpe existima- vi, de Homeri Patria; aut de Baptismo & Donatione Constantini multum disputare, & temporis sui Historiam silentio præterire. Compiler sum, excerptor sum, relata refero, ut eruditioni quali- cunque serviam; quod genus studii litteralis innoxium esse confido, revocaturus publice, si quid falsum insertum, aut vel minimam of- fensionem datam intellexero.



PARS X.



P A R S X.

CAPUT I.

De

Statu Germaniæ

SÆCULO XVIII.

Art. I.

*Cæsaris Fœdus cum Anglo - Batavis. Neapolitana controversia.
Germaniæ Dissidia.*

Postquam anno 1700 Carolus II Rex Hispaniarum obierat, Philippus Andium Dux relictam testamento hæreditatem, post homines natos maximam, adiit, confusus armis atque potentia magni Avi, Ludovici XIV, Galliarum Regis, qui id effecit, ut omnes passim Hispanicæ Monarchiæ provinciæ nepotem reciperent. At vero Leopoldus Cæsar, tam pingue Domus Austriacæ patrimonium, in alienas, quas minime vellet, manus delabi non passus, cum inferiorem tanto competitori se cerneret, fœdera undique, necessarium adversus potentiorum præsidium, per omnem Europam circumspicit.

Part. X.

A

Et

Fœdus.

Et imprimis quidem ad Anglos & Batavos, qui partitionis suæ consilio se delusos ingemiscebant, oculos convertit. Nec difficile erat, in fœdus eos pertrahere, quibus perspicuum satis, quantum salutis suæ totiusque Europæ interesset, ne Borboniorum potentia, jam per se ipsam tanta, tam immensis accessionibus augeatur.

Quapropter Cæsar, Angli, Batavique, quod Ludovicus Rex Hispaniarum Monarchiam universam, nominatim Insulæ, beneficiariam Romani Imperii provinciam, Belgiumque, Batavicæ Reipublicæ aggerem, occupavit, Gadibus magnam classem habeat, aliam in Americam miserit, atque adeo Anglorum Batavorumque commercii Mediterraneum Indiasque intercludere paret, neque obscure duobus e regnis unum, unumque in Europa Imperium fundare meditetur, in hæc capita fœdus ineunt.

Ejus Conditiones.

1. Apud Christianissimum Regem mutuis officiis agunto, ut Cæsari de successionis juribus, Angli vero Batavisque de navigationum & commerciorum securitate idoneo pignore caveatur.

2. Si post bimestre cassa fuerint officia, Italicæ Belgicæque provinciæ armis Cæsari vindicantur.

3. Anglo-Batavis fas esto, quot valuerint, Americæ regiones urbesque, sed intacta religione, capere.

4. Pax ne ante fiat, quam & Cæsari satisfactum, cautumque sit, nunquam eundem Franciæ & Hispaniæ Regem, vel Americam Gallicæ ditionis fore.

Pars utraque petit invasionem Neapol.

Uti autem Batavorum consilia in Belgii recuperationem, ita Cæsaris in Italiam ferebantur: atque ut bellum gravissimum evitaretur, Clemens XI Pontifex Maximus arbitrium obtulit. Non respuit Leopoldus, ea conditione, ut Mediolanum, & Neapolis fœderis tradantur; non accepit conditionem Ludovicus, totam Monarchiam nepoti se asserturum, contestatus, simul clientelare Regni Neapolitani beneficium pro eodem petiit, Cæsar vero per Lambergium pro Archiduce. Negavit Pontifex, fas sibi esse in alterutram partem decernere, donec causa gravissima diligenti juris cognitione fuerit discussa.

Ne

Ne ad universum Patrum senatum referretur, intercessit Lambergius. Dedit igitur Pontifex causæ cognitores e Cardinalibus quatuordecim, ex aliis Prælati sex, Divini humanique Juris peritissimos, qui a partium studio maxime alieni censebantur.

Cæsarei Jureconsulti hoc præcipue argumento utebantur; hanc esse feudorum rationem, gentium usu constitutam, ut præ fœminis mares, alterius etiam lineæ, succedant, nec aliud unquam Regnum Neapolitanum observatum.

Gallicani vero Advocati ea maxime ratione usi sunt, quod, licet Regnum Neapolitanum clientelæ jure Romanæ Ecclesiæ sit adscriptum, eaque sit feudorum indoles, ut extincta seniore linea mascula, ad juniorem, ex primo acquirente descendentem, devolvatur, alia tamen sit Neapolis conditio, quæ Regno Arragoniæ sit innexa, ac proinad legitimum istius hæredem pertineat.

Has aliasque rationes, ultro citroque ab Advocatis propositas, cognitores a Pontifice dati, accurato examine discusserunt: tenuitque cognitio ad belli usque initium. Ægre autem Pontifex tulit, cum in fœderis tabulis legeret, Anglos Batavosque, nisi Neapoli restituta Cæsari, bello non excessuros, velut si nationes istæ de Pontificio patrimonio arbitrandi jus sibi arrogarent: neutram tamen in partem, quamvis molestissime prensatus, se pertrahi est passus, paterno utramque amore complexus, idque vehementer dolens, christianum orbem gravissimo bello discissum iri.

Discutuntur
a Cardd.

Omnia namque bellum spectabant, per Italiam, Hispaniam, Belgium, Germaniamque diffundendum. Habebat Cæsar sub signis octoginta millia veterani militis. Horum triginta millia in Italiam, viginti ad Rhenum, cæteri ad provinciarum præsidia, destinabantur. Ad levandam ærarii penuriam centesima omnium proventuum provinciis & ordinibus omnibus imperata, ludorum & pomparum sumptus constricti.

Armentur
exercitus.

Imperil ordines, quamvis alias haud multum sua interesse putaverant, quid fieret Hispania, alias Austriæ, alias Germaniæ esse rationes existimantes; nemo tamen erat, qui non perspiceret, quid futurum esset, si Borbonia gens, quæ occupaverat, retineret, duoque Imperia a duobus quidem capitibus, uno tamen spi-

situ regerentur: rerum arbitrio & Europæ Monopolio in unam Domum abeunte. Ad hæc acerbè ferebant, Rîsvicensè pacem necdum a Ludovico Rege executioni datam: retineri adhuc Brisacum, Palatinum, & Mûmpelgardensè necdum in integrum restitutos, captivos adhuc teneri, novum institutum ad Hunningam vestigal.

Germaniæ
facies.

Sed dissidiis adeo horebant omnia, ut facile Casar sentiret, difficulter ordines ad commune decernendum bellum permotum iri. Bavarus & Colonienfis neutras partes præferebant, Guelserbyti Dux aperte alienum se ostendebat. Hassio-Cassellanus ob Rheno-felsam agro erat animo: Danus cum Holsato bello collisus: Mechlenburgici de jure successionis litigabant. Palatinus, Wormaliensis, Campidunensis, Religionis & quarti articuli causa cum Protestantibus in Comitibus luctabantur. Nec parum negotii iniecit novum Brandenburgi Regnum, novusque Hannoverani Electoratus.

Art. 2.

Novum Borussia Regnum. Novus Hannoveræ Electoratus.

3.

Quippe *Fridericus*, Elector Brandenburgicus, excelsi Princeps animi, uti hæcenus pro tuendis ampliandisque Electorum prærogativis omnium acerrimè depugnaverat, multaque moverat, quibus non modo Regibus æquarentur, sed imperatoriæ quoque Dignitati detraheretur, ita post exsolutam clientelari Poloniæ nexu Borussia, ad coronam & sceptrum aspirabat: nec dubitabat, se omnibus Protestantibus rem gratam facturum.

Fridericus
sibi ipsi co-
ronam im-
ponit.

Causas
affert.

Igitur *Regiomonte*, principe Ducalis Borussia urbe, sibi ipsi coronam imponit, ascito Regis nomine. Legatos ea de re per Europam circummittit, qui facti rationes edoceant. Borussia olim Reges habuisse: nihil proin novi assumptum, sed postliminii jure reducram Dignitatem. Cuivis summo imperanti integrum eest, ditionis formam nomenque pro arbitrio moderari. Rodolphum Burgundiae comitem, Rogerium Neapolis & Siciliae, Boleslaum Poloniae Duces, a se ipsis Reges creatos: Henricum VIII. Angliæ Regem Hyberniae Ducatum in regnum extulisse: & jam Aristobulum suamet auctoritate Regem appellatum. Provincias sibi esse opesque, tanto fastigio pares.

Boru.

Borussiam omni ætate divisâ a Germaniâ finibus jurebusque habitam. Nihil proinde mutationis Imperium propterea subiturum; prout nihil accepit detrimenti, dum Oldenburgici Comites Daniæ, Bipontinus Sueciæ, Saxo Poloniæ regna sunt adepti: quin decus ingens accedere Germaniæ, tot Regibus fulgenti. Neque obscurari Regum splendorem pacto, cum Polonia inito, ut Electoris hæc stirpe extincta, feudi nexu agnati hæredes rursus sint adstringendi: nam & Neapolis Regnum clientelari jure possideri. (1701.)

Visum nonnullis in Viennensis aulæ senatu, non committen- Cæsar Ro-
dum, ut Protestantium nomen tanto ornamento augeatur. Alii gem salutat,
æmulationes, & orituræ in Cæsarea electione turbas timebant;
Cæsar tamen, ne potentem belli socium amitteret, misso Paariorum
comite, Regem Borussiæ salutavit. Ille vero decem armatorum
millia ad bellum obtulit. Cæsaris exemplo, si Gallum & Hispanum
demus, Reges & Respublicæ pleræque novam dignitatem gratulabantur. Ordo vero Teutonicus, cujus alias Borussia erat,
publica protestatione jurebus suis cavet.

Plus difficultatis habuit novus Hannoverani Ducis Electoratus.
Ita habet. Introducto per Pacem Westph. octavo Electoratu, emi-
nentiores quædam Principum Domus, Würtembergica, Hassiaca, 4- Hannoveræ
Luneburgica, eandem dignitatem ambiebant: & quidem Ernestus nus fit Ele-
Augustus, Dux Hannoveranus, in Comitibus Augustanis 1690 ctor.
palam, haud multum reclamantibus, qui tunc aderant, legatis.

Biennio post suscitatur causam, & Cæsarem, gravissimis bellis
implicatum, haud paulo magis faventem invenit. Exquiruntur
clam Electorum sententiæ. Moguntinus, Bavarus, Saxo, Bran-
deburgicus assentiuntur, certis tamen pactis: primi duo eam con-
ditionem adjecerunt, ut, extincta Wilhelmina Baviaræ stirpe, alius
ex agnatis Catholicis Elector subrogetur, (contra ac Westph. ta-
bulis fuerat sancitum) semperque numero vincant Catholici. Igi-
tur 22 Martii 1693 subscribitur, atque Ernestus Augustus Imperii
Electo, & Archiepiscopo salutatur.

Pacta autem hæc erant.

1. Calembergæ (seu Hannoveræ) Cellæ, Grubenhagæ Prin- Quibus
cipatus uniuntur, & indivisi patrimonium Electoris sunt. pactis.

A 3

2. Quæ

2. Quæ ad suffragandi ordinem, locum in Comitibus pertinent, cum Imperii statibus expediuntur.

3. His compositis novus Elector in Collegium Electorale introducitur.

4. Novus Elector, præter quingenta Imperialium millia, sex armatorum millia, suis sumptibus & supplementis conservanda, Cæsari ad bellum Hungaricum per biennium submittit, deinceps vero, dum bellum tenuerit, duo millia: suam nihilominus ratam trium millium ad Rhenum tenet.

5. Domus Austriaca, & Luneburgica perpetuæ unionis fœdere conjunctæ sunt. Adversa fœdera ne incuto: sed junctis consiliis agunto.

6. Jus primogenituræ Luneburgicorum, aliaque Archidux defendito.

7. Bello petitos quatuor millibus auxiliorum adjuvato.

8. Luneburgici Electores in electione Cæsarea pro Archiduc: nunquam non suffragium ferunt.

9. Cum in Hungaria, vel Hispaniæ causa bellum fuerit, duo milia præstanto, vel æquam argenti æstimationem.

10. Operam danto, ut Bohemiæ Rex eadem cum cæteris Electoribus potestate augeatur: Archiducum Legati pari cum Electoralibus Legatis honore traſtentur.

11. Denique Hannoveræ ac Cellæ Catholicorum usibus Ecclesiam, Scholam, Cœmeterium construi patiuntur.

Oppositiones.

Quamvis autem negotium hoc arcanum sit habitum, brevi tamen, ubi erupit, cum multa complurium Principum indignatione fuit acceptum. Ratisbona querimoniis impletur. Privata gratiam publicam omnium injuriam interpretati, protestationes opponunt, tria maxime questi, novitatem istam Bullæ Aureæ, Paci Westph. Principum Collegio, repugnare.

Wagn.

Et primo quidem Bullam Auream de septem duntaxat Electoribus statuere: additum Osnabrugis octavum, sed, quod habent tabulæ, *summa necessitate urgente & communi omnium Statuum consensu.* In præſenti nec necessitatem fuisse, nec ordines consensisse. Violatum

tum illud solenne Pacis scitum : gaudeant (status Imperii) jure suffragii in omnibus deliberationibus super negotiis Imperii. Quod autem negotium majus, quam quo ipsa Reipublicæ forma in re gravissima immutatur: imminui hoc pacto infirmarique magis magisque Principum senatum, alias ferme negligi solitum, Electoralem vero, ut inferioribus Collegiis dominetur, attolli augerique.

Responsum ad hæc: hanc esse Sacræ Cæsareæ Majestatis præro-*Responsum.* gativam, summamque potestatem, ut, quod Statibus pacto non fuit communicatum, id uni Imperatori competat. Imperatoria jura tot hæcenus capitulationum vinculis fuisse constricta; nunquam tamen jus illud Regium, Dignitates erigendi, fuisse circumscriptum. Collatum Electoratum Hannoverano cum consensu Electorum, quorum res agebatur in assumendo novo Collega. Si vel hodie, extincta familia, vacaret Electoratus, solum Imperatorem Electorum consilio provisurum, nullius ex Principum Collegio rogata sententia. Si soli Electores Imperatorem designent; cur non Imperatori juncti Electorem possint eligere?

Bullæ Auræ vim nullam fieri. Septem Electores, qui tunc erant, recenseri, nusquam autem vetari plures adjungi. Suffragii jus haud dubie Principibus competere, quando de bello vel pace, ferendis, abrogandis, interpretandis Imperii legibus, aut similibus est consultatio: jura tamen plura Imperatori esse reservata, alia Electoribus propria, alia Imperatori & Electoribus communia, alia toti Imperio.

Osnabrugis adhibitum assensum Statuum, quia erant præsentēs, compaciscentes, & alias ad pacem perveniri non poterat; reapse autem totum negotium de octavo Electoratu Cæsareos inter Legatos & Succos jam antea convenisse, postea autem ordinum consensum accessisse. A solo etiam Cæsare Ferdinando II, re cum Electoribus communicata, Maximilianum Bavarum renuntiatum Electorem. Prout autem ibi, sic etiam hic rogari ordines, ut creatum recognoscant.

Neque inde, sive uno plures, sive pauciores in Republica sint senatores; illius formam mutari. Ne autem quid inde Collegium Principum detrimenti patiatur, Cæsarem provisurum. *Votum ejus curia.*

curiatum tanti ponderis fore, quanti antea. Cæterum, si hæc totius Imperii sit deliberatio, ad universa comitia fuisse referendum, quin extra illa quidam Principum se opponant.

Quinam
Opponent?

Non acquirerunt Principes (*Opponentium* nomine appellati) sed inita inter se unione, diu ac vehementer repugnarunt. Hos inter ex Præfulis erant, Salisburgensis, Herbipolensis, Bambergensis, Monasteriensis, Paderbornensis, Eustadianus, quibus postea accesserunt, Constantiensis, Fuldensis, Ordinis Teutonici Magister: & Principibus sæcularibus, Saxo-Gothanus, Altenburgicus, Hasso-Cassellanus, Anhaltini, Badensis, Durlacensis, Gustrovia-Mechlenburgicus, Holsato-Glückstadianus, maxime vero Guelpherbytani fratres, Rudolphus Augustus, & Antonius Ulricus, id causati, ex ea provinciarum conjunctione in suum præjudicium passionem familiæ vetustissimas convelli, erigi potentiam, metuendam cæteris. Contra eandem Hannoveræ Cellæque conjunctionem, introductumque jus Primogenituræ, ipsi etiam Georgii Ludovici Hannoverani fratres, Maximilianus & Christianus, solenniter sunt protestati.

Catholico-
rum querelæ,

Opponentes igitur Regem Sueciæ, Westphalicæ sponforem alterum, vindicias pacis violatæ postulant, haud æquis auribus auditi. Catholici insuper summum Pontificem appellarunt, rem Cæsare indignam rati, Protestantes tantæ dignitatis ac potestatis accessione augeri. Timendum, ne veniat ætas, qua consilii perniciem sentiant orthodoxi. Ferdinandum III, quamvis difficillimis Reipublicæ temporibus, adduci nunquam potuisse, ut Protestantæ Electoralem Dignitatem redderet, nisi & Catholico eandem stabiliret.

Anno 1695 Opponentæ Francofordiæ conventum celebrant, de mediis consulturi, quibus Hannoveranus in ordinem redigeretur. Verum, cum Suecus non faveret, & Galli opem, bello adhuc fervente, implorare nimis odiosum esset, ad finem usque belli quiescendum esse statuerunt. Nec in subsecuta Risvicensi pacificatione quidquam moverunt.

& communis
Principum.

Anno 1699, cum Cæsar, mortuo Ernesto, Georgium ejus filium Electoralibus insignibus investisset, *Opponentæ* magnopere questi sunt, nullo se loco haberi: atque ineunte anno 1700, novo Goslaræ conventu celebrato, renoverunt *unionem*, 1692 Ratisbonæ cæptam,

ceptam, Francofordiæ 1695, instauratam, facta testaque servanda Principum jura, statuunt: duosque Viennam legatos mittendos, qui proponant, nonum Electoratum noxium, contra leges Imperii a solis Electoribus, spreta Principum intercessione, decretum, non admittendum. Si cunctetur Cæsar, Legatis Principum a Comitibus Ratisbonensibus assistendum, proque irritis habenda, quæ nihilominus decernerentur. Si ne tum quidem satisfiat, implorandos Franciæ & Sueciæ Reges, Westphalicæ sponsores.

Conventus
instituit,
& unionem.

Ad universa Imperii comitia causam remittebat Cæsar, ubi suffragiorum numero facile vinceret. At illi negabant, in hac re, sam ad Co-
quæ Religionem formamque Imperii concernat, secundum majora mitia refer-
pronuntiandum, aut saltem Electores, quibus multa in Collegio
Principum suffragia, a Comitibus interim arcendos.

Quantum dein congressum Norimbergam indicunt. In hoc mutua sibi spondent auxilia, legatosque denuo ad Cæsarem mittunt; qui illo maxime argumento usi sunt: Electores non suo, sed communi statuum omnium nomine & auctoritate Cæsarem eligere, velut Legatos, Vicarios, & mandatarios totius Imperii: nisi igitur Principes & statūs mandent, non posse augeri numerum legatorum. Alia adjecta contra Electorum præpotentiam.

Cum nihil impetrarent, Galliæ Regem appellarunt: qui re-Regem
spondit, æquum videri, ut in tanto jurium suorum discrimine ad Galliæ in-
juventur, ut integra conservetur Westphalica. Jam Risvici eamterpellant.
labem se perspexisse, sed ipsis silentibus dissimulasse. Officiis se
primum acturum apud Cæsarem, quæ si cassâ fuerint, non desu-
turum vindicis muneri. Villario Legato responsum a Cæsare: pau-
culos interpretationem Westphalicæ sibi vindicare. Hannovera-
num ab Electoribus, quorum intersit, Electorem receptum; eum-
que non ante in Electorale Collegium introductum iri, quam Prin-
cipibus excipientibus fuerit satisfactum.

Orto dein ob Hispaniam bello Opponentis quintum Franco-
fordiæ conventum habuere; id tempus esse rati, quo Cæsarem, auxi-
liorum adversus Borbonios indigum, in vota flectant. Id ut efficiant,
inter se statuunt, Comitibus abstinere, nec transire, nec delectum mili-
tium in ditionibus suis concedere, pro viro uno, consiliis iisdem, fide
summa standum omnibus, donec major Principum ratio habeatur.

Part. X.

B

Nulli

Guelpherbytani Nulli autem acrius repugnabant, quam *Guelpherbytani* fratres, qui communi consilio atque potestate, mira concordia, provincias regebant, unionem illam *Cellensis & Calenbergensis Principatus*, sub titulo primogenituræ introductam, familiæ suisque rationibus iuribusque pugnare, causati. Et quidem *Antonius Ulricus* defensivum fœdus icit cum Gallia, quo Domus suæ Sociorumque jura adversus *Hannoveranum* tueretur, quin tamen, si bellum commune decerneretur, ratam suam Imperio præstare prohiberentur Socil. Atque eo nomine Rex certa subsidia *gratificationis* nomine largiebatur.

Armantur. Ad duodecim armatorum millia *Ulricus* sub signis habebat, nec cessabat delectus facere. Quæ res cum periculosa videretur Germaniæ, *Hannoveranus*, consentiente Cæsare, per hyberna dispersos, suisque securos, noctu opprimit, plerosque in potestatem redigit, *Guelpherbytum* obsidet. Ad *Brandenburgicum & Hassio-Cassellanum* deferitur arbitrium: qui in hæc capita pronuntiant: *Rudolphus* abdicato fœdere Gallico ad magnum fœdus transeat: 2200 pedites, 800 equites Cæsari submittat: domi ne plus 4000 peditum, 30 equitum habeat. *Ulricus*, viribus jam destitutus, easdem conditiones ratas habere coactus est (1702.) singulari dein amicitia junctus Cæsari Domuique *Austriacæ*; quin Imperatricis avus fieri meritis, &, quæ summa felicitas, *Orthodoxæ Religioni* redditus.

Ludovici Badensis sententia. Quamvis autem deinde, fervente jam bello, & *Coloniensi* provincia a Gallis occupata, publicum Reipublicæ periculum ple-rosque ex Opponentibus a domesticis istis controversiis, ad communem causam Cæsaremque pertraherent, aliqui nihilominus, cum *Ludovico Badensi*, Domus *Austriacæ* alioquin studiosissimo, perstabant in sententia; cum Cæsar erecti Electoratus tabulas salva dignitate abolere nequeat, suspendendum tamen Electorale *Hannoverani* officium, & inter Electores sessionem, atque suffragium, donec *Wilhelmina Baviaræ* stirps deficiat, novoque Electori locum faciat.

Hannoverani introductio. Denique vero potissima jam Germania ad Cæsarem traducta, & minitante *Hannoverano*, ni Gallos prehensare Opponentem desin-
nant, eodem se jure *Anglos Batavosque* in subsidium vocaturum, nihil ultra repugnandum rati, belli communis curis se dederunt.

Han-

Hannoveranus vero postea anno 1708 ad sessionem & votum Electorale publicis in Comitibus Ratisbonæ est introductus, mitigato paulatim per externas formidines resistendi studio.

Art. III.

Affociationis Fœdus. Decretum ab Imperio bellum.

Adversus Borboniorum potentiam tota prope Europa, ad commune velut restinguendum incendium, in auxilium est vocata. Cum Anglis Batavisque fœdus jam erat ictum. Palatinus, Brandenburgus, & Hannoveranus accesserant, Danus 12000 Hollandis; Cæsari 8000 grandibus stipendiis locavit. Saxo 8000 addidit, præter non modica Saxo-Gothani auxilia, magno deinceps usui futura. Collectæ
copiæ.

Ad Imperii Circulos missus *Löwensteinius*; qui periculi magnitudinem, abreptum Austriacis avitum Hispaniæ patrimonium, abstractam ab Imperio Longobardiam cum Burgundiæ Circulo, Germaniæ discrimina, ob oculos posuit. Opus esse præsentis consilio, neque rem tardas Comitiorum moras ferre.

Pro belli denuntiatione id nequaquam accipiendum; quemadmodum Gallus se hostem neget, etsi Hispanicorum auxiliorum nomine universam regni sui potentiam Nepoti impendat, & nuper auxiliorum Burgundicorum obtentu Coloniensem provinciam occupavit.

Quamvis autem Suevicus & Franconicus Circulus fidem dederant Electori Bavarie, neutras se partes secuturos, ipsum Electorem etiam communis exercitus, ad defendendum trinum illum Circulum, Imperatorem designarint, nihilominus cum utroque Rheno, & demum etiam Westphalico, *fœdus affociationis*, prout vocabant, inierunt, ac magno fœderi subscripserunt. His tot Sociis auctus Cæsar, 15 Maji 1702 Franciæ bellum indixit. Idem eadem die Angli & Batavi fecere: sequentibus post sequestre Imperii Comitibus. Fœdus.

Bellum Gallicum
indictum.

Remoram his injecere, quas meminimus, Opponentium de Electoratu Hannoverano contentiones, aliæque dimicationes intempestivæ.

Contentio
de nomine
sanctæ Rom.
Eccles.

Præfuit Comitibus pro Cæsare Iosephus *Lambergius* S. R. E. Cardinalis, idemque Episcopus Passaviensis. Movebant ei, quam jam antea Thunio Archiepiscopo Salisburgensi, itidem Cardinali moverant, Protestantes litem de nomine: negabant religiosi homines, *Sanctæ* Romanæ Ecclesiæ Cardinalem a se appellari posse; sicut enim in Lutherana Ecclesia nihil sanctum agnoscant Catholici, ita neque se in Romana; ac proin neque Ecclesiæ, neque Pontifici *Sanctitatis* elogium posse tribui.

Responsum a Cardinale, non passuros Catholicos ab vetustis formulis, & mille amplius annorum possessione se dejici a Novatoribus. Publicis in monumentis passim Ecclesiæ *Sanctæ* nomen extare, & in Capitulationibus summum Pontificem *Sanctissimum* appellari. Protestationibus denique utrinque interpositis, lis in medio relicta est, & ad deliberationes itum.

Legati Ratisb.
amandantur.

Ante omnia autem *Noxforgius*, Burgundici Circuli pro Carolo II legatus, atque ab Andegavensi confirmatus, Ratisbona facessere jubetur a Cæsare. *Chamao* quoque *Oratori Gallico* denuntiatur, cum Rex Coloniensem in provinciam copias induxerit, alias vero occuparit, dissidiis Germaniam misceat, nec Legatus ea, qua par est, modestia agat, intra triduum Ratisbona, deinceps Imperii solo excedat.

Gallici legati
oratio.

Negavit, Legatum, ad Imperii comitia missum, a solo Cæsare abigi posse. Quin prensans Legatos singulos ingerit, suspicionibus & timoribus Europæ motum Regem, testamentum partitioni, qua Francia non modice augeri potuisset, prætulisse. Nihil eum ex tota hæreditate sibi aut regno suo vindicatum cupere. Ne duo regna coalescant, periculum nullum fore. Cautum ea de re in ipso testamento, caverique adhuc magis posse. Hispanos, moribus, lingua, vestitu, regnique ac dignitatis suæ rationibus, a Francis penitus dissidentes, nunquam commissuros, ut iisdem consiliis auspiciisque regnum utrumque gubernetur. Velle Regem copias suas illico e Germaniæ solo deducere, Andegavensem vero Mediolanum, aliasque provincias beneficiario jure ab Imperio recipere, quin illius juribus quidquam detractum cupiat. Absisterent proin bello gravissimo, Germaniæ forsan exitiali. Consistere in Belgio 70000, in Alsatia 80000, in Italia 40000, in Hispania 28000, præter Hispanam classē, bellicas 90, triremes 50. Favere paci Pontificem, Sa.

Vires Borb.

Sabaudum dedisse fidem, Venetos, oblata Mantua, facile conciliatum iri: Hispaniam totam pro Andegavensi armatam stare. At minitante Lambergio, niocius Ratisbona abscedat, in vinculis eductum iri, Monachium abiit.

Minus probata est *Opponentibus* hæc ratio, arguebantque, non rite actum a Cæsare, quod jam 15 Maji, re in Comitibus necdum definita, bellum denuntiavit, suæque unius sententia Chamaum Ratisbona ejecerit. Ad quæ Lambergius, Cæsarem non Imperii, sed Austriæ & Sociorum nomine pro defensione bellum denuntiasset. Nunc autem comitiorum suffragia rogari. Quin per capitulationes, si copiæ illenæ ditionem Imperii invaserint, etiam inconsultis Comitibus depellendi jus esse.

Protestantes detestabant ire in suffragia, nisi controversia de ^{4tus Art. d.} *quarto Rysvicensi articulo* ante componeretur. Sed Lambergii dexte- ^{Risvic.} ritate res odiosissima in opportunius tempus rejecta est.

His superatis, postquam Bavarus jam Ulmam cepisset, 6 Oct. 1702 comitiorum sententia bellum in Regem Franciæ, ac Philip- ^{Comitia} pum Andegavensem decernitur. Fœdus cum Anglo-Batavis pu- ^{bellum de-} blice sancitur. Centum ac viginti millium exercitus designatur. ^{cernunt.} Ludovicus Badensis ad Rhenum superiorem exercitus Imperator deligitur: cui ea ex parte defensio placuit: ac proin Suevi, quibus Francones deinde acceperunt, vallis, per longum ad Rhenum tractum ducendis, aggeribusque struendis, occupantur.

Art. IV.

Belli Germanici initia. Motus Colonienfes & Leodienses. Landavia capta, & Ulma. Pugna ad Fridlingam. 1702.

Cum suspecta esset fœderatis mens Colonienfis, in ejus provinciam militem induxerunt. Irritatus ea re Elector, qui alias cum ^{6.} ^{Colonienfis} ^{Gallica præ-} ^{sidia recipit.} Canonicorum Collegio, ipsaque urbe Colonia, non bene conve- niebat, Gallica præsidia in munitiores suas urbes, Bonnam, Novesium, Rhenobergam, Zohnium, Leodium recepit; hunc autem militem *Burgundicorum auxiliorum* nomine Elector compellavit, nec Gallos, ad mitigandam invidiam, dici voluit; quia Gallicarum partium studium testum adhuc cupiebat. Sed nemo erat, qui non suspicaretur, quo hæc tenderent, præsertim, ubi *Meenius*, ^{B 3} ^{Ecclesiæ}

Ecclesiæ Leodiensis Decanus, Namurum in custodiam fuit abstrusus.

Batavorum
motus.

Graviter perculit Cæsarem, & Fœderatos hoc nuntium, maxime Batavos, qui Gallos Inferioris Rheni potentes, seque a Germaniæ auxiliis interclusos dolebant. Quapropter, missis quindecim cohortibus, cum Brandeburgicis jundis, Coloniensem agrum ingressi, Cæsaris Verdam expugnarunt, soloque æquarunt. Accessere brevi Venlona, Ruremunda, ipsumque Leodium, Cohornii maxime, Batavos inter machinatores facile principis, artibus expugnatæ.

Objecta Co
loniensis.

Electo Colonienfis Viennam fuit citatus, ut respondeat ad hæc accusationis capita. 1. Quod violaverit juramentum Cæsari & Imperio prælitum - 2. Quod fœdus inierit cum hostibus Imperatoris. 3. Quod receperit Gallica præsidia. 4. Quod egerit contra leges imperii. 5. Quod curaverit Decanum Leodiensem captivum abduci a Gallis. 6. Quod se opposuerit executioni Cæsareæ.

Ejus Respon
sio.

Respondit Elector, si neutrius partis esse sinatur, discessuras illico copias Circuli Burgundici. Publicavit etiam *Manifestum*, in quo jurasse se ait Imperatori, non vero Archiduci Austriæ. Distinctionem istam contineri in præfatione Bullæ Auræ, & in Capitulatione ipsius Leopoldi Cæsaris *Art. X.* Bellum hoc esse Domus Austriacæ cum Gallia, non vero totius Corporis Germanici. Ludovicum proin non posse proprie appellari hostem Imperii post Tractatum Rysvicensem. Sicut Archiducem Austriæ, sic etiam alios Imperii Principes inire posse cum exteris fœdera. Si quid actum videatur contra conventionem Episcopi Leodiensis cum Capitulo, sciendum, illam ante P. W. turbatis illis temporibus fuisse extortam, ab Innoc. XII. tanquam abusum improbatam, & Episcopum juramento solutum. Captivitatem Decani Leodiensis nihil ad se pertinere. Cæsarem non posse Electorem proscribere, executionem militarem contra præcipere; subditos a juramento fidelitatis absolvere sine consensu Imperii. Crimen suum unice in eo consistere, quod noluerit provincias suas sacrificare rationibus privatis Domus Austriacæ. (*Daurigny Hist. Prof. ad anno 1707.*)

Ad superum Rhenum Badensis citerius littus egrégio vallo munitur; sed quia Anglo - Batavi pacti fuerant, ut Germania non solum

solummodo se defenderet, sed bellum etiam inferret, *Landaviam*, permunitam Alsatix urbem, ac præcipuum Vaubonii opus, oppugnare statuit. *Melacius*, invisum ab incendiis Germanis nomen, *Landavia* expugnata, urbi præerat, instructus omnibus, ad repellendam aggressionem, paratibus. Fœderatis multa deerant, quæ ex Suevia & Franconia lentius sunt convecta, unde ipsam etiam oppugnationem lentam esse necesse fuit.

Ubi autem Josephus, Romanorum Rex, in castra venit, tanta omnes alacritate, exemplo præeunte ipso, operi incumbabant, ut septima Septembris ad deditionem Landavia fuerit adacta.

Postridie ejus diei, octava videlicet Septembris, Elector *Maximilianus Emmanuel* inopinato *Ulmam* astu cepit. Quod sic contigit. Ejus filius Josephus Ferdinandus, ex Maria Antonia, Leopoldi Cesaris & Margarethæ Hispanæ primogenita, susceptus, Hispanæ Monarchiæ hæres publice fuerat designatus; jamque iter in Hispaniam apparaverat Parens, cum filius fatali morbo sublatu, spes grandes Patris repente destituit.

7.
Bavariæ
Electoris
consilia.

Privatus igitur & filio suavissimo & regno amplissimo, cujus Administrator ipse erat futurus, ad proximum sanguinem respexit, ad Philippum videlicet Andium Ducem, suum ex sorore nepotem, cui & testamentum favebat, & tota Franciæ potestis. Nec deerant magna hujus promissa; quibus allectus Belgium, quod pro Carolo II gubernaverat, Philippo Nepoti in manus consignavit.

Causæ Phi-
lippi Nepo-
tis accedat

Ad hæc urebat Magnanimi Principis animum, quod Leopoldus focer Saxonem, Brandeburgum, Luneburgicum, tot honorum ornamentis cumulasset, cognati vero sanguinis, generique sui, post tot merita, gloriosas expeditiones, exercitus, bello Hungarico pro Domo Austriaca impensos sumptus, nullam rationem habuerit.

Quare,

Proximam secessionis causam allegabat, quod *Suevicus & Franconicus Circulus* secum convenissent, ut ex tribus circulis neutrarum partium exercitus collectus, pro defensione ab ipso duceretur. Jam vero duos hos populos fractum fœdere, se destitutum reliquisset. Providendum igitur de vicino munito loco, ut Bavariam suam ab irruptione tutam præstaret.

Quantum

Quamvis autem neutrarum partium adhuc studium præferret, Borboniorum tamen causam sequi certus, ineunte Septembri, positis ad arcem Lichtenbergensem castris, 20000 recensuit. Ex iis cohortes aliquot, *Becmanno*, Prætorianæ legionis Protribuno, Duclore, ad intercipiendam Ulmam expedit. Variò habitu per avia Ulmæ imminet; rusticos, puellas, anus induti, alii per urbem sparguntur: alii foris præstolari jùbentur ad anserinam portam, quam minus custodita plebs rusticas suas merces importare solebat.

8.
Ulmæ inter-
cepta.

Hæc porta ubi aperta fuit, Bavari milites rusticorum specie, olera aliasque res capite, aut dorso deferentes, aliis permitti intrant. Extimum excubitorem *Becmannus* ipse pugione interimit. Arreptis, quæ præ foribus pendebant, armis, vigilias cæteras intra stationariam causam concludunt, junguntur, qui jam ante sparsi fuerant, Boii; occupatur porta, pyrobolarii cum dimachis irrum-punt.

Orto tumultu præfidiarii, ac cives, veteri more in 28 cohortes distributi, arma attoniti arripiunt: quosdam, eosque inter *Becmannum* (nisi errante pila a suis sit stratus) interimunt. Sed jam magis invaluerant Boii, quam ut illis possent resistere. Quare misso ad Duclores homine, quid ea vis sibi velit, quærunt. Responsum, Electori ad securitatem suam, & ne ad jungenda arma ab associatis cogatur, hoc Danubii claustro opus fuisse. De cætero urbi sua jura, leges, religionem, ditiones salvas fore. Post brevem inde consultationem se dediderunt, octava Sept. 1702.

Et Memmin-
ga.

Facti novitas Comitæ, Germaniam, ipsamque Bavariam attonitam habuit. Württembergicus cum Suevis & Franconibus a Landavia, pridie capta, ad suos penates trepide se refert. Cæsar adhortatur, cæptis absisteret: suam Ulmensibus civitatem redderet, Advocatoriis, ut vocant, pareret. At Elector eam, quam diximus, Franconix & Sueviæ a se defectionem, impensas, in Hungariam, Imperium, & Belgium causatus, a Sueviæ ordinibus pro copiis sustentandis contribui petiit, & 1 Oct. *Memmingam* expugnavit.

Pugna Frid-
lingana.

Et si autem Badensis interea Rheni littus diligenter communie-rit, invenit tamen *Villarius* locum, quo Rhenum transiret. Intrepide cum octo duntaxat millibus obviam Badensis processit. Medio Octobri conferitur ad *Fridlingam* prælium. Anceps utriq; e victoria. In fugam actus eques Germanus, pedes Gallicus. Signa cum machinis

chinis capta, amissaque. Parisiis tamen victoriæ lætitiæ celebratæ, ac Villarius Franciæ Mareſchallus renuntiatus. Ex Germanis ceciderunt Carolus Fürſtenbergius, Franciſcus Hohenzolleranus, Staufenbergius, Gemmingius. Badensis post pugnam, collecto ex fuga equitatu, Friburgum inter & Neoburgum castra locavit. Villarius vero trans Rhenum se retulit, frustrato cum Bavaro se conjungendi consilio.

Art. V.

Bellum Bavaricum anni 1703.

Nunquam res Austriacæ in majus discrimen adducta videbatur, quam sæculi hujus anno tertio. Exercitus duo caſi: Briſacum, & Landavia amiſſa. Hungaria tota perduellis. In Italia res anguſta: argenti magna egeſtas. Provinciæ tributis feſſæ. Cæſaris conſilium discordiis conſuſum. Inde Hungarus, hinc Bavarus Gallusque Austriæ imminens. Tyrolis ruinæ proxima.

Status Austriacæ Domus.

Hoc rerum ſtatu non deerant, qui ſuaderent, Huſſarorum legiones Baviaræ, regioni patenti, immittendas, quæ populatione, incendiis, deportatis incolis, bellum civile reſtinguerent. Sed hoc a pietate Leopoldi longe erat alienum. Badensis aliique deferendam omnino Italiani cenſebant, copiasque in Baviariam traducendas, ut extincto inteſtino patriæ bello, liberius dein exterum geratur. Sed & hoc reſectum.

Conſiſ.

Dum Viennæ deliberatur, Elector 30 Januarii Neoburgo admet exercitum, & 3 Febr. expugnat. Iſſelbachio Præſecto liber abſolutus conceſſus, præſidio (2000) more militari capto. Sed cladiſ aliquid, a Styriunſio, Gronsfeldio & Palſyo accepit ad Altmylam, Dietfurtum inter & Neoforum, captis 800, totidem ferme Bojorum caſis. Neoforum præmio fuit.

Neoburgum occupatum.

Clades ad Altmylam. Amiſſum Neoforum.

Schlückius comes primus cum Saxonibus & Hannoveraniſ in Baviariam irruit, atque Riadam, elegans oppidum, cepit, ſed mox rursus deferuit. Elector vero, veterana prudentia miles, cum oſto millibus Schardinga erumpens, eundem aggreditur, pugnaque ad Iſembiram conſerta, gravi clade proſtigat. Caſi aut capti mille, relictis omnibus impedimentis, & 16 equeſtribus ſignis.

Pugna ad Iſembiram, caſus Schlückius.

Pars X.

C

Dedito

Ad Lengenfeldam
Seyrumbius.

Dedito mox castro Neoburgensi ad Qenum sito, summa cele-
ritate Elector in superum Palatinatum abiit, atque ad *Lengenfeldam*
Styrantium oppressit, caesis 400, inter quos Marchio Onolsbacensis
(28 Martii.)

Justitium
Comitio-
rum.

Mox Elector ad Danubium, rursus sicciter, pontique ac por-
tae Ratisbonensi occupatae praesidium imponit, ocius illud deduce-
re pollicitus, si civitati Caesaris venia neutri esse liceat. Noluit
Leopoldus, ne exemplum in alias civitates eat. Quapropter neque
Elector Legatis abitum concedere voluit, nisi suis etiam Legatis lo-
cus, & suffragium in Comitibus relinqueretur. Ejus rei mentionem cum
Caesar non ferret, ad finem usque belli *Comitiorum justitium* inter-
cessit.

Electore ad
Villingam se
jungit Villa-
rio.

Villarius interea, misso ad distinendum Badensem *Tallarde*,
occupata Kehla, per Hercyniam & Kizingensem vallem penetrans,
Villingam & *Duligam* pervenit. Ubi cum Electore se conjunxit.

Hujus po-
stulata,
Cessa illi
Ulma-

Petiit *Villarius*, ut Elector Ulmam, Ingolstadtum, Brunovium,
Gallicum praesidium recipiat; summumque copiarum imperium sibi,
ceu Regis Legato, cedat. Conventum denique, ut Ulmam Galli
praesidio tenerent, & absente Electore Villarius exercitum duceret.

Ingens ab hac conjunctione per Sueviam, Franconiam, Bohe-
miam, ipsamque adeo Austriam sparsus terror. Sed Elector, prae-
teritis apertis istis campis, consilio minus felici Tyrolensem expe-
ditionem suscepit, ut, cum *Vendornio* etiam Italiaque se conjunge-
ret: prout sequenti §. exponetur.

Villarii &
Badensis
castra inter
Dillingam
& Lavium
genu.

Inter haec vero, dum Elector in Tyroli aberat, *Villarius* in
munitis, *Dillingam* inter & *Lavingam* castris se detinuit; trans rivu-
lum ad Haunshemium ex adverso Badensis metatus est, per Junium
Julique dimidium re nulla tentata; nominis etiam famam lacerari
passus, quod, decem licet millibus hoste superior, Bavaria intacta,
otiosus aspiceret. At sapiens Princeps, permunitis in castris Vil-
larium aggredi temerarium ducens, nolebat Rempublicam unius
praelii ancipiti aleae committere; cum, si pugna vinceretur, bello
victam eo rerum statu Germaniam crederet.

Lathur ad
Munderkin-
gam oppres-
sur.

Ut autem pabulationes Gallorum impediatur, *Laturium*, a Ba-
varicis signis ad Casarea nuper transgressum, cum tribus equitum
millibus Ehingae Danubium transire jubet. Ea re explorata, quinque Gal-

Gallorum millia Ulma emissæ ad *Munderkingam* eundem oppressum in fugam agunt. Christianus, Hannoveranus Princeps, Electoris frater, Danubii vadum pertentans, in medio flumine glande ictus perit.

Mense Augusto Badensis 28 cohortes, 54 turmas *Styriam*, ex Marechallicis vetustissimo, attribuit. Is ex castris Haunsheimensibus egressus, imminente hinc *Dillinga* *Uffonio*, illinc *Donaverda* Electore & Villario, *Höchstadium* inter & *Schwenningam* in medio *Schyren* deprehensus, commissa pugna, quam alii *Höchstadianam*, *Schwenningam* alii dicere, magna clade afficitur. Plus enim cædis quam pugne fuit; cum *Styriam* terrore perculsi, sub ipsum jam confectus initium fugæ locum circumspicerent. Capta 4000, cum impeditis & tormentis omnibus, prius, quam vel unam pilam in hostem evibrasset, distitante Villario, ludibundo obvenerit victoriam, nec tam ad prælium se quam prædam venisse. Exercitus reliquæ continenti fuga *Nürdingam* pervenere.

Badensis virium dimidio amisso, quamvis non amplius 16000 Badensis censeret, 6000, *Bibra* Governatore, Augustæ imposuit; *Fridbergam* deditione accepit; *Mercy* vero cum *Hussaris* & levioris armaturæ equitibus, ad populandum *Bavaricæ* agrum immittit. Castra vero haud procul *Lyco* figit, hoste prope eundem metante.

Electori, misso ad *Bavaricæ* tutelam *Arco*, ut *Badensem* ab Electore Augusta detraheret, per *Sueviam* flectit iter, tanquam *Stolbosen* *Campidona* invasurus, & hyberna in agro *Würtembergico* quaesiturus, captaque *Campidona*, Villarium in Galliam redeuntem comitatus, *Marsfeldum*, ejus loco præfuturum, cum pecunia excepit. *Badensis* vero, cum nihil ex sententia succederet, corpore & animo aeger, suffecto sibi *Tübingen*, domum concessit. At Elector ea præclari Ducis absentia usus, cum *Cæsareos* & *Vindelicias* abstraxisset, ineunte Decembri Augustam oppugnare cepit. 13 Decembris *Bibra* sub conditione, salvum educendi præsidium, urbem dedit.

Meliori Cæsareorum fortuna res gesta in *Pa'atinatu* *Bavarico*. Nam imprimis *Rottenberga*, arx ad *Norimbergensium* fines permunita, *Franconibus* dudum invisa, devicto *Muffeo*, qui subsidio venerat, ab *Aussidio* fuit expugnata, ac penitus diruta, contra, ac ioci *Præfecto* promissum fuerat. *Ambergensi* dein Consilio, de

violata publica fide exposculanti; respondit Auffessius: in tabulis exstare, in quantum suæ potestatis sit. Sed Franconum ordinibus aliter visum.

**Chambium
& Ambergi
capta.**

Herbevilius, qui ad fines Bohemiæ excubabat, & solus sine hoste & clade fuit, *Chambium*, haud immunitam urbem, deditione capit, cum 200 prædialiis: inde vero ipsam *Ambergam* cum reliquo Palatinatu. *Zolleranus* Comes urbi, provinciæ *Auffessius* gubernator impositus.

**Badensis
criminationes
diluit.**

Badensis, cum laboraret invidia, quod, absente per trimestre Electore, Villarium non fuerit aggressus, nec aliud egerit, *Styrum*, quid facto opus, non caute docuerit, pugnandi occasionem neglexerit, *Campidonam* & *Augustam* prope sub oculis capi permiserit, *Cæsari* per litteras se purgavit, difficilem Ducis esse conditionem, Provinciale maxime militem, e tyronum supplementis collectum, & quidem diversarum adeo Nationum, regentis. Temeritatis labem, cum summo Reipublicæ discrimine conjunctam, non fuisse se effugitum, si hostem, veteranis stipatum, & munitissimis castris se tuentem, invasisset: id autem suo otio effecisse, ne Galli *Sueviam* diriperent. Quod per Ductores res male sit gesta, illis tribuendum, qui largitionibus, commendatione, & gratiis potius, quam propriis meritis, bellicque experientia ad prima militiæ munia attolluntur. Illa vero tot Principum, Ductorumque, in diversa tendentium, fastidia, exceptiones, imperii detractiones, quam vel optimis consiliis sint noxia, centies deploratum. Vix esse oppidulum, quod sibi non leges dicat. *Hollandicos* nullam belli disciplinam pati, a rapinis, ingluvie, stationum desertione, & quidquid lubet, agendi libidine, coerceri non posse. Coactum se adeo *Goorium*, aciei structorem, in vincula conjicere. Sibi quidem, quoad militiam faciat, nullam expeditionem plus difficultatis ac tædii attulisse. Amicissimis litteris solatus est eum *Cæsar*, actaque ejus probavit.

Art. VI.

Bellum Tyrolense 1703.

**IO.
Electoris
Tyrolim**

Bavariæ Elector, postquam Provinciarum suarum tutelam Gallis commendaverat, in *Tyrolim*, quæ ad *Bojariam* olim spectabat, expeditionem suscepit, acceptis secum 9000 *Boiorum*, 2500 *Gallorum*,

lorum, selecto milite. Diversis itineribus Wasserburgo, Rosenhemio, Tegernsee *Kuffsteinium*, arcem monti impositam, situque & opere ^{Kuffsteinium capit} munitissimam, feruntur. 400 praesidiariis Wolkensteinus Gubernator praeerat: qui dum domibus hortisque, arci aditis, ignem admovet, flamma, resante vento, in arcem propulsa, penu bellica in auras evibrata, homines, arcem, oppidum, misere combussit. Wolkensteinus in arcem properans, cum scalas ligneas igne jam correptas videret, cum 200 militibus Ratenbergam se recipere coactus est.

Tutabatur tamen seipsam montis praecipitis natura, donec Boii alia via, minus custodita, in arcem sunt enisi, atque munimento, quod invincibile videbatur, simulque Tyrolis ea ex parte clavi facili manu potiti, interfectis aut captis, qui supererant, praesidiariis, 19 Junii.

Kuffsteinii fortunam mox sublit alterum Tyrolis propugna- *Ratenbergum* *Ratenbergam*, cuius arci, rupi ad Oenum impositae, Janus gam, centurio praeerat, fortiter initio resistens, sed ea brevi conditione ad deditionem compulsus, ne contra Electorem & foederatos duos Reges eo anno militarent.

Pubes agrestis, ignibus per montes pro more accensis, convocata, dubitabat, an in Nobiles primum, Magistratus suos, a quibus discordiis diffidebant, an vero in hostem bellum moveret. Sed sacerdotis hortatu patriae prius consulendum rata, magno numero ex montibus & vallibus se conglomerat, atque Lodronium Comitem ductorem eligit. Adjungunt se Academici Oenipontani 400. Sed ubi, capta Ratenberga, imminentes armatos milites viderunt, via relecta ad sua redierunt.

Abeuntium vestigiis haerens Elector, Sebatum (*Schwazium*) *Schwazium*, oppidum argenti venis dives, *Halauque*, sale ex montibus derivato, urbem inclitam, cum exercitu ingressus est. Oenipontani vero, *Halau*, obviam progressi, cum urbem apertam defendere non possent, claves tradiderunt. Recepit eos Elector in fidem, ea conditione, *Oenipontum*, ut simul *Scharnitzium*, permunitum in Bavariam transitum, eumque, *Scharnitz*, coeuntibus montibus, angustum, dederent. Dederunt (quid enim *Scharnitz* fauces, facerent) ut urbem servarent?

Electoꝛ 26 Junii Oenipontum ingressus, in æde principe so-
lennes Deo grates persolvit, relictisque in pristino dignitatis gra-
du Proceribus, magna in omnes clementia est usus, severitate
militari interdicens, nequa vis aut noxa fiat. Quamvis, Galli
maxime, non ita potuerint coercedi, ut manus cohiberent. Invisit
subinde arcem *Ambrasiam*, armis, signis militaribus, monetis, pi-
cturis, variisque thesauris & antiquitatis monumentis celebrem.
Pretiosa magis jam ante in Cynthiam fuerant avecta; alia vero po-
stea Monachium.

Cum autem agrestes pontem ad *Schönbergam* montem demoliri
niterentur, missus eo Tauffkirchius illos dissipavit, intercepto
Cum Ehren- Wolkensteinio. Lüzelburgius vero *Arcem Ehrenbergensem*, natura
berga. invictam, extorsit Rostio Præfecto, quem circumstantes rustici po-
pulationis metu, de rupe præcipituros minitantur, ni muni-
mentum dederet.

Bojorum
clades ad
Fünster-
münzam.

Stetit hic Electoris in Tyroli felicitas; nam, ut Vendomio
cum 25000 Gallorum ex Italia Tridento jam imminente, se jun-
geret, per *Fünstermünzam*, angustum inter Tyrolim & Grisoniam
transitum, viam aperire tentavit: incolarum in se fide confisus.
Sed Martinus quidam *Sterzingerus*, Landeggenis, populares suos
adhortatus, fistulatores in adverso utroque, quem Oenus inter-
fluit, monte, disposuit arbores inter, saxa, & vepreta quam oc-
cultissime se tenere iussos, donec signum aggressionis ederetur.

Plebis favi-
res.

Tauffkirchius & *Neubausius* duo armatorum millia eo ducebant,
qui Landeggio, Prutioque Gundlacum usque absque suspitione
profecti, cum in insidiarum locum venissent, glandium repente
imbre, devolutisque ex montibus saxis obruuntur. Nullus erat
virtuti locus: sentiebant strata passim agmina, audiebantque cacin-
nantem hostem, sed non videbant. Neuhausius cum Tauffkirchio
cum 40 equitibus fuga elapsi, ad *Stambesem* pontem ab agricolis
capti sunt. Portia Comes pecudis instar securi impacta mactatus:
superstites vario tormentorum genere enecti. Multa præda ab im-
miti victore capta.

Clades ad
Prennerum.

Nec melius excepti Bavari, dum *Prennerum* montem, Stein-
achium inter & Sterzingam situm, superare contendunt. A lati-
tan-

tantibus pariter inter arbusa & cavernas agrestibus magna clade affecti. Mille prope viri interfecti memorantur.

Perstitit nihilominus *Luigi* ad pedem *Prenneri* Elector, donec de Hala, *Scharnizio*, & *Ratenberga* a rusticis captis nunciaretur. *Hala Veritas* Comes asperius, quam tempora, & gentis indoles ferebant, agrestes ad muniendam civitatem adigebat. Numerosus igitur globus irrumpit, obvios quosque *Bavaro*s milites, istosque inter etiam Praefectum urbis Comitem *Veritatis*, crudeliter contrucidat. Veritas Hala casus.

Elector a *Prennero* redux *Oenipontum* agrestibus amnestiam offert, & gratiam. At illi tot prosperis eventibus feroces, *Leo* poldum Dominum suum inclamant. Severitatem igitur expromit in eos, qui ad montem prope *Zirlam*, *Martini* parietem appellant, (*Maximiliani* I periculosa venatione famosum) velut obsestum tenebant propinquum *Oenipontum*. Reditus Electoris Oenipontum.

Sub *Heindlio* 150 Legionarii cum 800 rusticis montem, quem *Vidi* agrestes dixi, occupaverant: 400 alii in transœnana ripa se obvallaverant. ad *Zirlam*, Hos, fortiter licet resistentes, Elector primum fudit.

Difficilior cum agmine: altero, quod in monte inter fruteta stationem ceperat, erat conflictus. Peritissimi venaticæ sunt ex *Tyrolensibus* multi, atque ad scopum collimare apprime docti. Hos inter *Schandlius* *Ferdinandum* *Arcoum*, quem e vestium ornatu Electorem existimabat, ad latus Electoris obequitantem, pila prostravit, lateque per Europam fama Electorem eneatum circumtulit. Superata nihilominus tandem loci ardui natura, hominumque pertinacia. Capti 60 Legionarii, totidemque fere, qui tardius se receperant, rustici, atque ad vindictam, aliosque absterrendos, variis suppliciis eneati: *Zirlense* autem oppidum subiecta flamma in cineres redactum. Et castigati accensum.

Accenderunt magis hi ignes agrestium animos. Quinquaginta *Bavaro*s, ponti *Muiblensi* praesidio impositos, ex edito irruentes, coincidunt *Stubacenses* revecta de *Prennero* Electoris impedimenta, interfectis custodibus, diripiunt. Tres cohortes, inde reduces, fistulatores additi prope delent. Magis accensum.

Electo-
re-
dit in Bava-
riam.

Imminebat cum suis agminibus *Guttensteinus*, *Solarius*, & expeditionis Dux *Heisterus*: Tyrolenses ubique in armis erant. Cre-
scebat in dies periculum, ne intra infidas cautes nullus amplius ad
receptum pateret exitus. Quare Elector exarmatis civibus *Oeni-*
pontanis, simulataque *Oenana* nova expeditione, cum exercitu suo
& impedimentis per *Zirlensem* montem *Seefeldam* evadit, caesis, qui
obstistere nitebantur, Tyrolensibus. *Scharnizum*, nupero incendio
lacerum, facile superatum est, soloque æquatum.

Haydon ob-
deditam
Ehrenber-
gam capite
plexus.

Tyrolenses fugato, ut interpretabantur, Bava-
ro, lætitia
triumphantes conjurant, non acquieturos ante, quam *Kuffstei-*
nium & *Ehrenbergam* e Boiorum manibus vindicaverint. *Copenba-*
gius gitor, *Würtembergicæ* legionis centurio, cum ingenti rusti-
corum multitudine *Ehrenbergam* aggressus est. Tormenta, Lyco
nuper demersa, extrahunt, atque humeris in montem, atque
Ehrenbergam deportant, iisque arcem verberant. Territus loci
Præfectus *Haydonius* properatæ deditio-
nis culpam capite luit: reli-
quis Ductoribus ignominia notatis. *Heisterus* vero e Tyroli per
Scharnizensem vallem in *Bavariam* irruens, *Mediam Sylvam*,
Paterkirchium, *Murnaviam* expilavit.

Vendom.
Tridentum
oppugnat.

Inter hæc autem, dum Elector *Oenanam* vallem subigere
conabatur, *Vendomius*, quamvis serius, ex *Italia* in *Athesinam*
infusus, captis compluribus arcibus oppidisque, *Tridento* copias
admovit, in propinquo colle metatus, unde 500 pilas ex ignariis
ollis urbi injecit. Sed cum audisset, Electorem e Tyroli recessisse,
variosque *Cæsareos* Duces cum *Legionariis* & rusticis appropinquare,
re, iter in *Italiam* reflexit.

Receptum
tandem
erant: *Kuff-*
steinium.

Supererat Electori e Tyroli solum *Kuffsteinium*, hoc oppugna-
re aggressi, mixti cum *Legionariis* agrestes, cum tormenta me-
tallina deficerent, e terebratis arboribus, vinculis ferreis firmatis,
ignitas pilas evibrarunt, in oppidum maxime, arci subiectum. Ten-
tatus in ipsum castrum assultus, sed *Seefeldii* Præfecti opera fortiter
rejeclus. *Heisterus* autem, supremus in Tyroli copiarum Ductor, in
Hungariam accersitus, *Guttensteinium* oppugnationi præfecit,
aditus, qui *Rattenbergæ*, *Scharnizii*, & *Ehrenbergæ* munimenta
reficerent, *Zumjungenio*, *Wezelio*, & *Heindio*, qui ad ingenium
agrestium se fingens, toto hoc bello Tyrolensi insignem operam con-
tulit. *Kuffsteinium* vero primum anno 1704, postquam in *Bavaria* fuit
debellatum, se deditit.

Art.

Art. VII.

Bellum Rhenanum 1703.

Villario ad Dilingam metante, & Electore in Tyrolin digressus, Tallardus, Friburgi obsidione simulata, effecit, ut Brisaco haud modicæ copiæ cum bellico apparatu extraherentur, quo Friburgo succurratur. Tallardus igitur, quod volebat, assecutus, re-flecit iter, militemque expugnando Brisaco admovet. Vixdum ad vallorum sepimentum promoverat, cum tanti operis munimentum, quod Vinariensi annuo olim oppugnationis labore consliterat, deditur.

Tallard.
Briticum
expugnat.

Badensis causam Thingenio commisit. Comes Philippus Arcous, urbis Præfectus, & Marsilius in vincula coniecti, primum Arcous capite Philippoburgum, dein vero Brigantium abducti sunt; ubi causa cognita plexus. Arcous, quod citra necessitatem opera extrema deferuerit, ac præpropere deditio, contra officii ac juramenti rationem egerit, e legem militarium formula ferali sententia, ut capite plectatur, condemnatur.

Causam suam Christo, cujus imaginem manu gestabat, commendans, mortem fortiter tulit. Marsilius, duo tribuni cum suis subtribunis, octo centuriones, procenturiones septem, totidemque signiferi, quod suo suffragio deditioem comprobarint, aut ignominia notati, aut exauctorati sunt.

Hodieum viget persuasio, cum tantæ dignitatis viro, præclare alias merito, durius actum, futurumque, ut mitius plecteretur, si Thingenius minus properasset, aut litteras, vitæ gratiam nuntiantes, resignasset.

Capto Brisaco, Tallardus Landaviam, anno superiore amissam, recuperatum ibat. Sed dum Hassio-Cassellanus, Nassovius, Vehlenus, cum federatis copiis se opponunt, ad Spiram, seu potius ad Spurbachium fluvium, ad prælium devenitur. Tallardus illustrem pugnam ad Spurbachium reportavit victoriam 6000 Fœderatorum caesa scribuntur: impedita signaque grandi numero crepta.

Friesenius nihiloscus Landaviam fortiter defendit, donec pulveris igniarum defectus ad deditioem coegit. Liberi, qui supererant, præsidium dimissi sunt.

Meliori fortuna usi sunt fœderati ad Rhenum Inferiorem; Sed fœderatam Borussici diuturna obsidione Rhenobergam, Batavi vero, Cohor-nio Rhenobergam & Trar-

bachium ca-
piunt.
Confectus
ad Eckeram.

nio machinator, vi ignium *Trabacum* cepere. Sed ad *Eckeram* cladis aliquid acceptum. Obdamus, Batavorum Ductor, fuga e confictu elapsus, Hagam terrore complevit. Sed inferiores Duces, restituta acie, dubiam Boufflerio Gallisque victoriam fecere.

Art. VIII.

Bellum Bavaricum 1704.

12.
Electo Pas-
saviu occu-
pat.

Ineunte Januario Elector *Passavio* exercitum admovit. Urbs est perampla, ad Danubii, Oeni & *Ilzæ* confluentes, arce prævalida munita. Sed quia *Gronsfeldius* duo tantum habebat præfidiario- rum millia, & Cardinalis *Lambergius* S. R. I. Princeps & loci Epi- scopus urbem, ædificiis & præstanti Basilica illustrem, nolebat in cineres redigi, Bavaris fuit dedita: terrore non levi *Viennam*, *Pragam*, *Salisburgum* diffuso.

Cum Tallar-
do & Mar-
sino se con-
jungit.

Menſe Majo Elector ad *Hercyniam* profectus, cum *Tallardo* & *Marsino* se junxit, atque Gallicis suppetiis auctus, ad fines Bava- riæ iter remensus est.

Nec minus Angli Batavique *Badensi* venerunt auxilio, addu- ctis ex Belgio in Germaniam, quadraginta armatorum millibus.

Marlebourg
in Germa-
niam.

Pugna in
Monte No-
lano.

Badensis su-
pervenientis
victoria.

Styrumb.
occumbit.

Neque diu quietus hæsit, qui eos adduxerat, *Marlebourgus*. Nam decimo, postquam ad Danubium venerat, die, (2 Julii) per- tracto in sententiam *Badensi*, duodecim Bavarorum millia, quæ in monte *Schellenbergenſi* ad *Donawerdam* se communire occeperant, altera ante solis occasum hora aggressus est. Incredibili ardore mortisque contemptu, pilarum inter procellas, Angli in jugum enituntur, alterumque in aggerem impressionem faciunt. Super- veniens *Badensis*, cum suis pariter eluctatus, ea parte irrupit, qua agger necdum erat perfectus. Cum Boji prælium huc maxime ver- terent, Angli occasionem nacti sunt, qua novo impetu irruerent, aggeremque superarent. Tum vero strages immanis edita: fugien- tium multi ad *Donawerdæ* portas a *Mercyo* & *Cusano* interfecti, alii *Danubio* hausti. Septem millium jactura fuisse fertur, fœderato- rum vero 5000. Hos inter *Styrumbicus* *Mareschallus*, *Beveranus* Princeps, *Goorius* & *Beinhemius*, primi Batavorum Ductores. Altera die *Donawerdam* ingressus victor exercitus, incendium, a Gallis sparsum, extinxit.

Electo,

Electör, intellecta ea suorum clade, desertis Dilinganis castris, ad Augustam novis operibus se communit, nova a Tallardo auxilia præstolaturus. Is, tentata frustra in transitu Villinga, 5 Aug. cum novis copulis in castra Augustana venit.

Eugenius Princeps, qui ex Italia accitus, ad Rhenum curabat, Eugenios atque Stolbisensem aggerem, Sueviæ & Franconiæ scutum, tutabatur, in Germania eodem ferme tempore cum Tallardo ad Danubium venit, atque cum Badensi & Marlebourgo se conjunxit.

Deliberatum hos magnos inter Duces, quæ belli ineunda ratio. Eugenio & Marlebourgo prælium querendum placuit, non item Badensi, qui nunquam in eam adduci potuit sententiam, ut Rempublicam unius prælii decretorii fortunæ exponendam censeret. Decernitur pugna.

Prævalentibus reliquis statutum, omni ope & arte providendum, ut hostis ex munitis suis, quæ ad Augustam habebat, castris proliciatur. Decreta proin Ingolstadii oppugnatio, quam lubens Badensis suscepit, ut nullam partem habeat, si infelici pugna in exitum detur Germania. Badensis Ingolstad. obsidere iussus.

Cum necdum hostis se moveret, Eugenius cum parte exercitus a Marlebourgo recessit, atque ad Apershoffium prope Donawerdam castra fixit, Marlebourgo ad Rhainam, ubi Lycus cum Danubio confluit, metante: ut Electör, divisos aggrediendi cupiditate, prælii occasionem daret.

Obtentum, quod sperabatur; Electör, ut Eugenium opprimeret, relicta Augusta, præsidio firmata, ad castra Dilingam inter & Lauingam rediit (11 Aug.) re cognita Marlebourgo, Donawerdano ponte mox Danubium transgressus, ad Apershoffium Eugenio se jungit (12 Aug.)

Cum autem exploratores referrent, Gallo - Bojos, Dilingam & Höchstadium transgressos, a Danubio & adito Plimbemio, Lauingam proximamque sylvam usque, duarum ferme horarum intervallo aciem explicasse, certi Duces fœderati prælio discernere, milite corpora curare iussu, primo diluculo (13 Aug.) cum universo exercitu Schwæmingam profecti in hostium conspectum venerunt.

Structa confestim acies. Dextrum Eugenii cornu, Cæsareis, Danis, Borussia constans lævo Electoris & Marfinii opponebatur. Lævum vero Marleburgii, ad Danubium protensum, atque ex Anglis, Batavis, Luneburgicis, Hallis, Würtembergicis constatum, dextero Tallardi cornui adversum stabat. Acies.

Ingens sollicitaque expectatio spe ac timore Europam suspensam tenuit, in quam partem dies illa decretorium certamen verteret. Duces erant ea ætate summi, populi potentissimi, lectissimi exercitus: ut adeo totius Europæ hoc prælium, victoria, aut clades foret.

13.
Pugna ad
Höchst-
adum.

Eugenius ad sylvam deflexus, indeque eluctatus; prima a meridie hora Bavaros invadit, non admodum auspicato; nam tres cataphractæ Cæsaris legiones, Bojorum vim non ferentes, in sylvam, unde prodierant, fuga se recipiunt. Cohortes, equestri auxilio nudatæ, eadem fortitudine labefactantur, & in eandem sylvam dispelluntur.

Equitatus
Cæsaris per
fugatus.

Eugenii Ducumque solertia retractus & in ordinem redactus miles, conflictum resumit: sed non majori constantia. Equitatus Cæsareus vehementi Bavarorum incursione, & tormentorum e Luzingenfi colle detonantium vi adactus, fuga præcipiti rursus terga vertit. Idemque post dimidia horæ dimicationem tertio facit.

Bojus collem
deserit.

Bojus, situ & pugna superior, ut percussus insistat, e colle *sam opportuno se demisit*. Quo comperto Eugenius omni vi in eum collem enititur, atque capta tormenta in Bavaros obvertit, redeuntibus ad certamen, qui fugerant, Cæsareis.

Eandem
receptui ca-
nit,

Perfiterunt nihilominus Bavari, incredibili fortitudine in hostem investiti, donec Elector, qui summi Ducis partes omnes impleverat, & victoriam jam ferme partam habuerat, de dextri Gallorum cornu fuga & Tallardi captivitate edoctus, ne universus hostium exercitus adversus se unum colligeretur, lento & ordinato gradu se retraxit.

Postquam
Gallus fugam
ceperat.

Citius in dextro Tallardi cornu fuerat debellatum. Nam licet Anglici agere amniculum, gemino exercitui interjectum, pontonibus & vimineis fascibus trajecerint, & secundo a Gallis fortiter repressi sint, adeo quidem, ut equitatus trans amniculum se fuga receperit, tertia tamen impressione, perrupto Gallorum equitatu, decem cohortes interclusæ, a Castellensi Principe magna clade funduntur. Jamque ita laxati tenuatique erant ordines, ut Anglorum vim non ultra ferrent, sed, qua cuique via patebat, diffugerent; ponte Plinthemiensi ab Anglis victoribus intercepto, 26 cohortes primum in ipso pago se obvallare sunt conmissæ, sed brevi, defensione desperata, se dederunt captivos. *Tallardus*, locorum ignarus, dubioque Danubii flexu deceptus, dum fugit, in angustias se induit, e quibus, obstante a fronte & lateribus Danubio, a tergo

Tallard. cum
1000 ca-
ptus.

tergo vero premente hoste, eluctari nequit. Captus proin cum 12000. Multi Danubio hausti; ut adeo ingens, & post Crostiacam stragem maxima, Gallis sit illata.

25000 aut caesa feruntur aut capta: 127 machinae, 4000 papi-^{Ingens cla-} lionum, signa militaria 135, currus annonarii 1500 in praedam ve-^{des.} nerunt.

Sed multo major tantae victoriae fructus erat liberata ab hoste gravissimo Germania. Galli quippe Bojique continuo cursu ad Rhenum se receperunt. Augusta, Memminga, Passavium, Straubin-^{Fructus} ga confestim deditae. Ratisbona, Ulma &c. expugnatae, ac demum ^{victoriae.} etiam Landavia a Josepho Romanorum Rege, & Ludovico Baden-^{Fructus} si, Eugenio & Marlebourgo castra sua ad Weissenburgum Villaregii ^{victoriae.} castris, ne urbi auxilio veniret, opponentibus. Tentatum etiam a Winckelhofio, Friburgi Gubernatore, Brisacum, stratagemate, quod Bojia Ulmam pepererat. Jamque in ipsam urbem penetratum fuerat, cum, ingeminante quodam retrocedendum, timore Panico afflati Caesarei praecipiti fuga se proripiunt.

Bavaria interea, Electore digresso, magnam mutationem in-^{Fructus} currit. Nam Electrix cum Josepho Rege Landaviensibus in castris ^{victoriae.} his pactis per Mörmannum Baronem transiegit.

1. Bavari ex omnibus locis munitis, praesertim Ingolstadio, Kueffsteina, Neoburgo ad Oenum, praesidia educunt, eaque Caesari cum penu bellica tradunt.

2. Milites se non amplius contra Caesarem arma gesturos jurant.

3. Avecta ex Tyroli restituuntur.

4. Captivi dimittuntur.

5. Monachium cum tota Camera Monacensi & omnibus pro-^{Fructus} ventibus Electrici & Principibus liberis reservatum esto.

6. Armamentarium tamen Monacense Caesari traditor.

7. Electrici pro corporis custodia 400 Praetorianos habere fas esto.

8. Tributorum autem exactio per Bavariam reliquam penes Caesarem esto.

9. Si Electrix conjugem sequi velit, secure deducitor.

10. Statibus Provincialibus, Nobilibus, & populis Bavariae sua jura, privilegia, & status, quem sub Electore obtinebant, sal-^{Fructus}vus & integer conservator.

Bavaria in fi- Quia autem Bavari, Principi suo Maximiliano singulari amore
dem adactis. ac fide erant addicti, adduci ægre poterant, ut alteri Domino se
subjicerent, Princeps Eugenius, ab Landavia cum milite redux, pro-
vinciam in Cæsaris fidem adegit, Ingolstadio, Brunovio, Schar-
dingæ &c. imposito præsidio.

Marlebourg Casar porro *Marlebourgum*, postquam Gallos Treviris ejecerat,
creatus Imp. & per Hassio Castellatum Principem Trarbacensem arcem medio
Princeps Decembri tandem expugnasset, Imperii Principem creatum, *Min-*
Mandelhe- *delhemienſi Dynastia* donavit.
mio donatur.

Art. IX.

Obitus Leopoldi Imperatoris. Initia Joſepbi. 1705.

14. Parta grandi illa ad Hôchſtadium victoria, hoſteque potentif-
ſimo ad Rhenum ſubmoto, Leopoldus Magnus Imperator, poſt-
quam vitam omnem graviffima inter bella, ſummaſque virtutes exe-
gerat, pientiffimo tandem ſine eandem coronavit 5 Maji 1705, æta-
tis 65, Imperii 47, Regni Hungarici 50, Bohemici 49, natus 1640,
ex Ferdinando III & Maria Anna, Philippi III Hiſp. Regis filia.

Conjuges & Regis filiam, ex qua genuit duos filios & duas filias, omnes in
liberi. primo ætatis flore demortuos, dempta *Maria Antonia*, Maximiliano
Emanueli Bavarix Electori conjugata.

Alterâ fuit *Claudia Felicitas*, Ferdinandi Caroli Archiducis Oeni-
pontani filia: ex qua duas fœmellas ſuſcepit, eodem, quo natæ
ſunt, anno mortuas.

Tertiam duxit *Eleonoram Magdalenam*, Philippi Wilhelmi, Neo-
burgici Ducis, ac poſtea Electoris Palatini, primogenitam; decem
liberorum ſubin matrem: inter quos Joſephus & Carolus, poſtea
Cæsares, Maria Eliſabetha Gubernatrix Belgii, & Maria Anna Lu-
ſitanix Regina.

Elogium. Sicut dignitate Leopoldus ſummus fuit in orbe terrarum Prin-
ceps, ita omnigenæ virtutis ornamentis multo clariffimus: pietate,
religione, fide, integritate, magnanimitate, æquabili in utraque
fortuna vitæ tenore toti Europæ admirandus. Quapropter pleri-
que Principes ceu patrem amabant, colebantque. Ludovicus ve-
ro XIV, quocum graviffima tria bella geſſit, dixiſſe fertur, non ti-
mere ſe arma Cæsaris, ſed miracula. Certe DEUS multas illi pro-
digio

digio similes contulit victorias, atque ex præfenti non raro vitæ discrimine infidiisque confidentem eripuit.

A juniore ætate aris destinatus, omni disciplinarum genere ingenium excoluit, amator eruditorum hominum, si quis alius, & æstimator, quin & censor æquissimus. Stupendum illud Bibliothecæ opus, quod filius Carolus absolvit, ipse inchoavit, plures non raro horas erudito in musæo cum *Lambecio* conversari solitus. Linguas, Latinam, Italicam, Hispanam, Gallicam apprime callebat. Præter alias per Germaniam academias, Olomucensis, Oenipontana, Wratislaviensis, ejus auspiciis sunt erectæ.

Statura corporis fuit potius infra mediocrem, labiis more Austriaco extantibus, barba supra labium retorta, cum barbula in Corporis menti medio: fronte majestate plene: habitu Burgundico, manicis ^{habitus.} diverso sæpius colore a tunica: prisca sane adhuc moris Princeps, non ascititio splendore, sed regiis virtutibus animique ornamentis se ipsum metiens.

Quamvis autem res magnas gesserit Leopoldus, Turcis ex Hungaria & Transylvania, Suecis ex Polonia & Dania, Gallis e Germania submotis, omnique prope Europa in magnum adversus formidandam Borboniorum potentiam sædus ascita; maximam nihilominus gravissimi belli partem filio Josepho, Romanorum jam ante Regi, reliquit.

Conflagrabat bello civili Hungaria, renascente identidem vel ex ipsi cladibus suis seditionis malo. Reducenda Insubria, Neapolis, Sicilia, Sardinia, Hispania, America: perfringenda concatenata Flan-^{15.}dræ, Brabantæ, Hannoniæ claustra: decertandum ad utrumque Rhenum, atque ut hostile etiam solum belli moles premat, penetrandum, siqua via aperiri queat, in ipsa Franciæ viscera. ^{Status re-}

Incumbant toto pondere in hæc consilia, præter Cæsarem & Imperium, Dania, Prussia, Anglia, Batavia, Lusitania, Sabaudia. Spes grandes inflammabant veterani ad bella durati, & vincere assueti exercitus, rebus gestis, fama, nominisque magnitudine clarissimi Duces, Eugenius, Badensis, Marlebourgus, Stahrenbergius, Heisterus: vires hostium, cladibus jam attritæ.

Et sane, quam breve, tam gloriosum fuit Josephi Imperium. Sex quippe vitæ annos, quibus ad rerum clavum sedit, grandibus victoriis & triumphis implevit, plus ultra porrecturus illustres palmas, ni præmatura falx, uti corporis compagem, ita sæderis nexum rescidisset.

Art. X.

*Bellum ad Rhenum 1705, 1706, 1707. Bavariæ tumultus.
Mors Badensis.*

16. Anno 1705 præter captum a Villario *Homburgum*, a Badensi *Hagenoam*, circumductosque mutua arte exercitus, haud multum ad rei summam est actum. *Malebours* equidem, ut in Franciam bellum transferretur, expeditionem *Mosellanam* evincere nitebatur, sed cum paratus ad eandem deficeret, & Badensis id consilium non probaret, non sine tædio cum Anglo-Batavis in Belgium recessit. Badensis vero, timidi velut cunctatoris, fama per Europam lacerabatur: nec deerant, qui eum Fabio, adversus consilium Scipionis, bellum in Africam vertendi, in senatu peroranti, compararent.

Bavariam hoc anno graviter concussit agrestium tumultus. *Eleærix Theresia* Cunigunda, ut ad matrem, *Poloniæ Reginam*, inviseret, *Venetias* iter inierat, cumque ad limites pervenisset, qui *Tyrolin* a *Veneta* ditione separant, interdictum, ne in Bavariam rediret, a Cæsare accepit; simulque *Monacensis Præfectura*, ipsius & liberorum sustentationi pactis anni superioris addicta, velut commissura eripitur.

Wagn. Pactiōnes illas minus ex fide servatas arguebant *Austriaci*: ex spoliis *Tyrolensibus* complura fuisse retenta; *Monachii* ac *Wasserburgi* defossa arma ac bellicas machinas; oblatam *Hungaris* seditionis societatem; sollicitatos per litteras *Bohemos*.

17. Doluit ea *Monachii* ditionisque coherentis jactura *Genti Boicæ*, quæ alioquin, fide & amore in veterem suum Principem necdum exuta, novi Domini imperium impatientius ferebat. Cæsarem Protestantibus nimis innexum credebant. Videbant apud se Danos, Brandenburgicos, Würtembergicos, aliosque Lutheranos, quos nulla satis disciplina cohibere poterat, quo minus ludibria, uti in *Bavaram Nationem* universim, ita & in *Catholica sacra*, ritusque spargerent.

Ob tumultum. Gens itaque, non minus Religionis Orthodoxæ, quam fidei in nativos suos Principes, tenacissima, conferre clam capita, agitare consilia liberandæ patriæ & liberorum Principum, designare urbes, ope civium interceptendas.

Erupit conspiratio, quando *Herbevillius*, armorum per *Bavariam Præfectus*, præsidium *Monachio* imponere nitebatur. Tum enim cives ad arma conclamare, portas venienti occludere, tormenta

menta stationesque per mœnia disponere, omniæque ad defensionem instruere.

Monentur, ne perire velint. Ni portis apertis præsidium recipiant, urbem in cineres redigendam. Minis territi parent. Juben-^{Præsentia} tur arma publicum in forum comportare. Authores tumultus dan-^{Monachi} tar in vincula, illosque inter duo Consilarii, quorum inter chartas tota conspirationis series deprehensa fertur.

Nec tamen propterea destitum a cæptis alibi: sed partitis agminibus *Kebbernium, Wasserburgum, Burghusum, Brunovium, Schar- dingam* occuparunt. Tum vero junctis viribus Monachium ipsa *Natali Domini* nocte aggredi decernunt. Sed re per *Stahrenbergium*, e vinculis elapsum, ad *Löwensteinium, Bavaria Administratorem*, dela-^{Natali Do-} ta, a prædialiis cum gravi clade repulsi, a *Dewendio & Krieb-* mini-^{mini.} *baumia*, quamvis in genua supplices procumberent, immitius, quam moderatio postularet, sunt habiti. Deditæ, quas ceperant, urbes, *Brunoviam* munimenta, quæ *Ferdinandus Maria* Elector erexerat, diruta. Armis omnes exuti. Authores quadrifariam secti, variis locis ad terrorem suspensi sunt.

Anno 1706, dum bellum maxime in Italia & Belgio ferveret, frigidum prope ad Rhenum erat, copiis maximam partem alio tractis. *Badensis*, qui reliquis militis Imperialis ibidem præerat, quamvis ob exiguas vires defensioni intendere fuerit coactus, impedire tamen non potuit, quin *Villarius Hagenoam* recuperaret.

Ab hac expeditione *Ludovicus Wilhelmus Marchio Badensis* aliam majoris multo momenti suscepit in orbem alterum. Natus fuit *Paris* 1655, successit *Ferdinando* patri 1669, ex *Francisca Sibylla* juniore *Julii Francisci*, ultimi Ducis *Saxo-Lauenburgici*, genuit 1702 *Ludovicum Georgium Sympertum*, & 1706 *Augustum Georgium*. In quorum sæcundo thoro serenissima *Domus Catholica* spes suas habet repositas.

Fuit *Ludovicus magnus* militiæ Princeps, per præcipuos gradus ad summi belli Imperatoris apicem elatus. Nam posito 1706 ad *Philippoburgum* illustri militiæ tyrocinio, mox *Cæsareæ* legionis *Tribunus* renuntiatus, a *Vieonensi* obsidione *Promareschallus*, sub *Lotharingo* imperatorias artes condidit. A capto *Belgrado*, trium millium agmine fuscus ad *Bosniæ* fines quindecim *Turcarum* millibus, *Mareschallus* & exercitus Imperator dictus, egregias de *Turcis*, numero multo potioribus, retulit victorias, atque subactis cum *Vidino & Nissa*, *Servia*, fines ad *Epirum* propemodum protulit. Parta subin præclara ad *Salankmenem* victoria, ad Rhenum tractus,

Paris X.

E.

ductus,

Villari. Hagenoam recuperat.

18. Obitus Ludov. Baden-
sis.

Gesta.

ductus, summis Gallorum Ducibus fuit oppositus, quorum artes viresque non raro fregit. *Landaviam* bis expugnavit; *Scellenbergensis victoria* pars magna fuit. Ultimis denique annis Imperii copiis ad Rhenum praefectus, mirum, quæ tædia molestiasque pertulerit, quantasque eam ob rem querimonias Princeps blandiri nefcius ad Cæsarem perscripserit: jam parce feroque ab ordinibus Imperii submissum militem, jam decerptas alioque traductas copias, iterum neglectam suam sententiam, & detrectatum a Ductoribus tot diversorum statuum obsequium, iterumque defectum stipendii, penusque militaris, disceptam denique famam suam, acerbè questus. Quapropter animo & corpore æger, tradito *Thüngenio* imperio, ad aquas *Schwalbacenses* semel iterumque discessit, ac denique 4 Maji 1707 obiit, ætatis 52, Princeps Cæsarum ac Reipublicæ studiosissimus, ideoque meliori tempore ac sorte dignissimus.

Gen cunctior traductus.

Reliquit imperium March. Baruthano. Villarius in Sueviam.

Sensit mox Germania annò 1707 malo suo, quantum in Badensi virum amisserit, quem velut otiosum cunctatorem dicax fama denigraverat. Nam Christiano Ernesto *Marchione Baruthano*, *Mareschallorum Imperii antiquissimo*, pro more regendis ad Rhenum copiis praefecto *Villarius* testè de industria suorum paucitate, simulatoque majori longe numero, Rhenum & *Stolhoffensem* aggerem transgressus, sparso terrore Imperiales copias in præcitem fugam avertit, atque *Gamundiam* & *Elvacum* usque propulit, *Würtembergiam* interea omnemque propemodum *Sueviam* immani contributionum exactione emungens, intercepto etiam *Schorrendorffio* & *Biberaco*, *Durlaco* vero, ob incendiarii lytri moram, militum direptioni permisso. Mox in *Palatinum* irrumpens, grandem pecuniæ vim extorsit.

Diffensiones Ducum.

Accessit ad calamitatum cumulum Ducum inter se contentio. Quippe Cæsar *Baruthano* legatum dedit *Thüngenium*, quo munere jam apud *Badensem* perfunctus fuerat: quia autem strenuum hunc bellatorem ingravescentes cum ætate morbi non raro a castris abstrahabant, *Sibertum Comitem Heisterum*, Pannonicis trophæis clarum, præstantemque bello Ducem adjunxit; voluitque, quo major esset auctoritas, ut, qui belli Hungarici summus jam fuisset imperator, absente per morbum *Thüngenio*, primus a *Baruthano* haberetur.

Ad suam id injuriam pertinere interpretantiquiores Imperii *Mareschalli*, *Nassovius*, *Zolleranus*, *Gronsfeldius*, negabant, a prisco more & antiquitatis ordine fas esse recedere. Quapropter, ne

æstus

æstus ille rei communi esset noxius, Heisterus morbi obtentu e castris abiit.

Marchio autem Baruthanus, expertus belli miseras, missionem petiit, atque impetravit. Septembri subrogatus Georgius ^{Baruthanus} Ludovicus, Elector *Hannoveranus*, magnæ postea Britannia Rex, succedit *Elings* permunita castra invenit, & egregium militem. Mox no- ^{Hannoveranus} vum tutandæ Suevia aggerem orsus, reliquis item ad Rhenum lo- ^{Electo-} cis, Friburgo maxime, provisum ibat, sed excipiente Württembergico, & rerum penuria premente, brevi sensit, quam difficile provinciam suscepisset; præfectoque exercitui *Thüngenio*, domum rediit.

Art. XI.

Bellum ad Rhenum 1708, 1709, 1710. Acta Comititalia.

Varia conversiones, & obitus.

Sequenti anno 1708 Francofordiæ conveniunt summi belli Imperatores, Hannoveranus, Eugenius (bello Italico jam prope ^{19.} confecto) Marlboroughus, de expeditionis ratione consulturi. In promptu erant optima consilia, non modo defensionem opponendi, sed in hostile quoque solum irruendi, non autem media, eadem exequendi.

Solis ferme *quatuor associatis circulis* belli Rhenani moles erat sustentanda, reliquorum copii in Belgium, Hispaniam, aut Hungaria ^{19.} majori lucro dimissis. Visum nihilominus, duos instruendos ^{Consulatio} moles incumbit. exercitus, quorum primum ad Rhenum superum Hannoveranus, alterum ad inferum aut Mosellam Eugenius in hostem duceret.

Verum, cum Marlboroughus in Belgio res fœderatorum non ita comparatas offenderet, ut solus sufficeret, invitavit Eugenium, qui alioquin sterile Rheni solum pertæsus præliique cupiditate ^{19.} Belgium, grans, copias sibi commissas in Belgium trajecit, indignante haud leviter Hannoverano, seque delusum desertumque amare questus. Cum igitur minores haberet vires, quam ut bellum inferret, de- ^{Indignante} fensione expeditionem finiit, agerque animi, quod non tam im- ^{Hannoveranus} peratoris, quam speculatoris & stationarii excubitoris munus obire coactus sit, domum concessit, Thüngenio, Nassovio, Gronsfeldio hybernis præesse iussit.

Qui in collegium Electorum introduci-
tur.

Id tamen solatii tulit, ut tandem hoc anno, post acrem viginti prope annorum disceptationem, Ratisbonæ in Collegium Electorum solenni ritu sit introductus. Limbachio legato vices ejus subeunte.

Ut etiam
Rex Bohemie in Comitibus.

Eadem die (7 Sept.) Josephus Imperator, ceu Elector Bohemie, per Kinckian possessionem in Imperii Comitibus cœpit. Licet enim Bohemie Reges semper fuerint Electores Imperii, a Comitibus tamen abstinebant, neque oneribus Imperii erant obnoxii: hoc vero anno in omnia Electorum jura & onera sunt assumpti.

Palatinus
superior ad
Joan. Wala.

Joannes Wilhelmus autem Elector Palatinus (proscripto jam anno 1706 per Josephum Imperatorem Electore Bavariæ) S. R. I. Archidapifer hoc anno 1708 est renunciatus, collato in feudum superiore Palatinatu, ac quinto inter Electores loco assignato. Addidit Cæsar, quæ pro commissis habuit, duodecim ejusdem Palatinatus oppida, tanquam feuda Bohemica clientelari jure possidenda.

Leuchten-
berga ad
Lamber-
gium.

Leuchtenbergensem vero Landgraviatum Leopoldo Mathiæ Lambergie, novo Imperii Principi Cæsar donavit: translata jam ante in Marlebourgum Mindelhemienfi Dynastia, sub nomine Principatus.

Palatina co-
pit.

Cæterum Elector Palatinus, superiori Palatinatu auctus, S. H. berti ordinem Equestrem, a Gerardo Juliæ & Cliviæ Duce anno 1444 fundatum, instauravit; & prout partes Austriacas toto hoc bello omni ope adjuvit, ita hoc anno septem suorum millia ex Italia in Cataloniam Carolo Archiduci submisit. Reliquæ vero ejusdem copię sub Principe Eugenio in Belgio militarunt.

Christianus
Dux Suabiae
obit,
Post P. W.
conversus.

Obiit hoc anno Christianus Augustus, Dux Solisbacensis, ætatis 86, regiminis 63, omnium Imperii Principum vetustissimus. Dum Augustanam confessionem adhuc festabatur, cum agnato suo Duce Neuburgico variis ob sacra litibus collisus est, quæ in executione pacis Norimbergensi vehementer sunt agitate. Verum anno 1655 ad Majorum sacra reversus, orthodoxam Religionem in provinciam possimino reduxit: quæ hodieum sub serenissimo ejusdem Pronepote, Electore Palatino, ad solatium floret. Paulo post ex eadem familia in Gallia decessit Ludovica, 86 pariter ætatis anno, omnium sœminarum Principum antiquissima: quæ cum fratre Eduardo itidem ad avitam fidem rediit; præterita propterea & ipsa, soror ejus junior Sophia Angliæ hæres est declarata.

Et Ludovicus
ob fidem
throno Angli-
co exclusus.

Obiit denique hoc anno Fridericus Hassæ-Darmstadiensis Princeps, qui cum tribus fratribus, Georgio, Philippo, & Henrico, Catholicam Religionem amplexus, Leznensi in prælio lethale vulnus accepit.

accepit. In ejus favorem Petrus Magnus Moscoviæ Dux Catholicum templum construxit.

Anno 1709 pacis quædam scintilla promicabat. Quapropter associati quatuor Circuli, Suevicus videlicet, Franconicus, & uterque Rhenanus; Hailbronniæ congressi, Viennam scribere, ^{Postulata 4.} Neomagensi & Risvicensi pace se expertos, modicam sui curam ^{Circularum.} haberi, quique belli molem præ reliquis portarint, postremo loco, haberi. Postulare proin ex æquo, ut interposita Alsatia, securus sibi a Gallis limes statuatur. Fœdere ipso cum Anglo-Batavis Nördlingæ inito, conventum, ne arma ponantur ante quam omnes urbes & regiones ad Mosellam & Mosam ab Imperio avulsæ, cum omni transrhenana Germania Corpori suo fuerint unitæ.

Sed pacis consiliis in belli studia versis, Hannoveranus Elector, cum hostem numero vinceret, acie etiam victurus, irruptionem in Alsatiam decrevit. Præmissa itaque cum 7000 Mercyo Pro-marschallo, veterano & acri Ductore, cum reliquo exercitu insequi constitutum habebat.

Sed *Mercyus* per Basileensium fines in Alsatiam progressus, a Burgo, per Harcurium, Alsatiæ Gubernatorem, immisso, ita exceptus est, ut relictis 3000 aut cæsis aut captis, celeri fuga se reciperet. Hannoveranus autem, fastidio plenus e castris abiit, relicto *Gronsfeldio Legato*. Quippe Joannes Carolus Thyngenius, strenuus in paucis bellator, ac Marschallus, idemque accerrimus disciplinæ militaris vindex, senio & morbis confectus diem supremum obiit.

In Comitibus Ratisbonensibus a Collegio Principum hoc iterum anno vehementer agitatum est negotium de conficienda capitulatione stabili & perpetua, de creatione & introductione novorum Principum: de abolkione quarti Risvicensis articuli, quam Protestantium Ordines importune urgebant. Complures, quæ præsentibus bello passi sint, damna recensebant, ut vel partem aliquam ex Bavaricis aut Colonienfibus provinciis obtinerent, vel a contributionis præstatione se excusarent. Elector Palatinus ultra tredecim miliones florenorum jacturam suam æstimabat: Dux Württembergicus autem ultra quindecim miliones: Durlacensis Marchio ultra novem miliones. Saxonie Elector ob Thuringiam, Marchionatum Misnia, & Magdeburgensem Burgraviatum, ac Misnensem, quatuor in Comitibus suffragiorum jus expetiit, contradicentibus aliis. Hassio-Rhenofelsensis vero Landgravius questus est, quod in Præliminariis munimentum Rhenofelsense Castellano sit attributum.

Quia theatrum belli post pugnam Höchstadianam in Belgio maxime erat apertum, & plerique Germaniæ Principes, Borussia, Saxo, Luneburgici, Hassi eo copias suas dimiserant; Anglorum & Batavorum stipendiis militaturas, torpebat ad Rhenum, ubi Germaniæ defensio solis ferme associatis quatuor circulis, relinquebatur, alioquin jam exhaustis: multaue ad expeditionem deficiebant; quare Elector Hannoveranus nulla amplius ratione adduci potuit, ut anno 1710 belli Praefecturam denuo susciperet. Quapropter ad Grönsfeldium, Mareschallorum vetustissimum, est delata.

Grönsfeldius
ad Rhenum
praeficitur.

Invitus eandem acceptavit, probe gnatus, quam ardua & gloriae vacua provincia sibi imponeretur, ubi miles paucus, omnes Imperarent, & ne quidem Electoris autoritas extorquere poterat obsequium. Cum igitur minus esset paratum, quam ut bellum inferre posset, defensione annum finit. Sed neque Harcurio aggrediendi animus, submissis, cum Picardiæ bellum jam immineret, validioribus in Belgium copiis, ad tyronum paucitatem redacto.

Protestan-
tium motus.

His annis Lutherani Palatini (qui ad 50000 excreverant) Hildesenses, Nassovio-Siegeneses, varias querelas Ratisbonam ad Comitia detulerant, adversus Principes & Dominos suos Catholicos, quod jure reformandi (per Westphalicas tabulas, diserte adeo art. V. §. 30 sibi asscripto) sint usi. Elector Hannoveranus Protestantium more ad vim conversus, Peinam munimentum, urbemque ipsam Hildesiam armis invasit, & occupavit. Wilhelmus Hyacinthus vero Nassovio-Siegenfis Princeps Catholicus exulare coactus est, donec anno sequenti ab Electore Palatino, Imperii Vicario, fuit restitutus.

Siegenfis
exul.

Conversio
Antonii
Ulrici.

Hoc anno (1710) Catholicam Religionem publice professus est Antonius Ulricus, Dux Brunsvico-Gueispherytanus, 77 ætatis anno, cum mortem imminere sentiret: secutus exemplum Neptis suæ, jam anno 1707 conversæ; postquam ab ipsis Lutheranis Ministris intellexerat, in Catholica Religione salutem æternam se posse consequi.

Seditiosus
Præco
Hamburgi
ad carceres.

Hamburgi Krumholz, Lutheranus Præco, quod cives adversus senatum in seditionem concitasset, discordias turbulentis concionibus in plures annos fovisset, atque eo spiritu Lutherico magnas urbi calamitates usque eo induxisset, ut, ne intestinis turbis periret tanta civitas, committente Casare Suecicas, Borussia, & Brunsvicenses, inferioris Saxoniae copias praesidio recipere necessum fuerit.

fuerit, ex Academiæ Tubingensis sententia ad perpetuos carceres fuit condemnatus.

Art. XII.

Obitus Josephi Caesaris. Electio Caroli VI. 1711.

Quod annus 1711 memorandum maxime habuit, fuit obitus Josephi Imperatoris, & electio Caroli. Profecto, si quæ unquam tempora gloriosa Caesaribus illuxerunt, fuerunt ea, quibus Josephus Imperator habens Imperii est moderatus; quippe spatium id omne gradibus victoriæ, regnis & provinciis partis signavit.

Sed hæc, quantumvis magna, aliena a se putasset, atque Ducum militumque dextris fortiter gesta, nisi auspiciis suis, sapientibusque consiliis fuissent animata. Licet enim Princeps in aciem non prodeat, ceu primus tamen motor omnia ciet, ordinatque.

Nec excessivæ mentis Principi deerant grandes virtutes propriæ, in quarum partem nemo alius venit, magnanimitas, constantia, fides, religio, & in Superos pietas. Nemo illo in pauperes afflictosque liberalior: & præcipitis licet iræ esset, domitor sui fortior, in vulgus etiam popularis magis. Quamvis etiam ab elegantiore sexu non abhorreret, sollicitè tamen cavit, ne quid offensionis præbeat. Adjunxit virtutum ornamentis scientiarum decora, quinquelinguarum peritiam, Philosophicas, Mathematicas, Historicas, Juridicas disciplinas, quarum omnium positiones per plures horas scitissime propugnauerat. Musica excelluit & delectabatur, prout etiam ludis equestribus, theatralibus, venatu, aliisque innocuis Nobilitatis exercitiis.

At vero, cum vigeret ætatis flore, nona Aprilis subita eum febris invasit; accesserunt postridie variolæ, fatale adultioribus malum. Quod ubi sensit, Vale, inquebat, Imperator: accersitoque, quo e Societate Jesu utebatur, conscientiæ arbitro, totius vitæ novos sincera confessione expiavit. Noluit deinceps, ut longiorem vitam, sed felicem, ad quem omnia comparabat, exitum præcarentur. Hunc consecutus est, sacris omnibus munitus, 17 Aprilis, 34 ætatis anno, Imperii 6, Regni Rom. 21, Hung. 24.

Natus ex Leopoldo Cesare & Eleonora Neuburgensi 1678 conjugem duxit 1699. *Wilhelmam Amaliam*, Joannis Friderici Ducis Hannoverani, jam dudum antea ad Catholicam Religionem reversi, filiam. Ex ea 1699 suscepit Mariam Josepham, Friderico Augusto

Augusto, Saxonie Electori & Poloniae Regi, 1719 desponsam: Leopoldum Josephum, brevi demortuum; & Mariam Amaliam 1701, Carolo Alberto, Electorali Bavariae Principi ac postea Imperatori, 1722 connubio junctam.

Josephus Imperator paulo ante mortem Augustam Matrem Austriacarum provinciarum pro absente in Hispania Fratre Carolo Regentem renuntiavit, adjunctis pro consilio Eugenio, Transilvaniae, Schimborno Imperii Procancellario, Wratislao Bohemiae, & Sello Austriae Cancellariis.

Horum cura tum princeps fuit, Carolum Archiducem ad culmen Imperii per Electores evehere. Quamvis autem tunc multa ageretur questio, an expediret, eundem & Imperatorem & Regem esse Hispania, Heinio in ea conjunctione libertatem Europae verti affirmante, Petroburgo vero Mulordo in contrariam sententiam non sine minis abeunte: non magnae tamen molis opus erat, Electores permovere, ut Carolum eligerent.

Villarius complures equidem copias ex Flandria ad Rhenum, (ubi Imperialibus copiis Wurtembergicus hoc anno praerat) ad infestanda Comitatus adduxit; sed Eugenius cum Caesareis insecutus, positus juxta castris quietem electioni praestitit. Capitulatio disceptationis aliquid habuit, electio vero concordanti omnium voto peracta est (12 Oct.) missusque ab Electoribus Carolus, Imperatricis Germanus, qui in Italiam jam appulso nuntium perferret.

Quippe Carolus Archidux, relicta in Catalonia conjuge cum Stahrenbergio, Anglo-Batava classe Genuam vectus, indeque, ab Italiae Principibus salutatus, Tortonam, Mediolanum, atque per Tyrolin recta Francofurtum ad capeffenda Imperatoria insignia profectus est. Colonienfis autem & Bavarus Electores, datis ad Moguntinum aliosque Electores litteris, graviter conquesti sunt, quod ad electionem non fuerint invitati, interposita etiam contra eundem protestatione.

Mox post Imperatoris mortem claudubatur Judicium Imperiale Aulicum; Vicarii vero Imperii ex Aureae Bullae sententia, tribunalia sua aperiebant, & quidem Elector Palatinus pro Rhenanis, Suevicis, & Franconici Juris provinciis, Saxo vero pro Saxonici Juris regionibus. Comitiales Legati subsisterant equidem sedo vacante Ratisbonae collecti; sed Recessus seu lex Imperii formari non poterat.

Art. XIII.

Modus Electionis & Coronationis. De Capitulatione.

Quod porro actum electionis, & coronationis spectat, more veteri solenniter est peractus. Moguntinus Imperii Cancellarius, ^{sr.} ^{Præparato-} nuntiatio Electoribus Cæsaris obitu, diem 20 Augusti edixit. Is cum Trevirensi & Palatino Francofurti præsens aderat; Bohemus, Saxo, Brandenburgicus, & Hannoveranus per Legatos. 10 Oct. peregrini ex urbe sunt amandati, clavesque Moguntino traditæ. 12 Oct. Electores, ad templum S. Bartholomæique vestri, solenni sacro interfuerunt; at Saxo, Brandenburgicus, & Hannoveranus, ^{Missæ.} contra præscriptum Auræ Bullæ, post Evangelium secesserunt, nec nisi post communionem redierunt.

Sacro finito Electores ad aram juramentum emiserunt, Ecclesiastici manu pectori admota, reliqui tactis Evangeliiis. Jurarunt autem, se idoneum caput Christiano populo electuros, nullo pretio aut promisso indutos.

Processum dein in aditum conclave; ubi facta in manus Moguntini jurata sponfione, more pristino vota majora valitura, ^{Electio.} electio intra horæ quadrantem fuit absoluta, suffragiis omnibus in Carolum collatis. Bohemicus autem Legatus, potestatem sibi factam exhibuit, Capitulationem, antea conscriptam, ejusdem nomine acceptandi; juravitque in animam electi, eandem observatum iri.

PUBLICATA in templo per Decanum Moguntinæ Ecclesiæ electione, laudatoque per Hymnum Ambrosianum Imperantium Domino, Carolus Dux Neoburgicus, Electoris Palatini frater, in Italiam ad nuntiandam Carolo electionem fuit ablegatus, eundemque ^{Adventus Caroli.} Francofurtum (quia Aquisgranum ob belli tumultus minus erat tutum) ad coronam accipiendam est comitatus, quo 17. Dec. pervenit.

Dimidio ab urbe milliari ab Electorali Collegio exceptus, solutis ex mœnibus centum machinis, recta in templum S. Bartholomæi fuit deductus: ubi solenni officio & Hymno interfuit, indeque in palatium suum concessit.

Attulerant interea Aquisgranenses & Norimbergenfes Imperialia ornamenta: illi videlicet ensen Caroli M. librum Evangelio- ^{Insignia.} rum latina lingua aureis characteribus conscriptum, & cistulam cum terra, S. Stephani sanguine confersa: isti vero coronam Caroli

Pars X.

F

M.

M. ense S. Mauritii, sceptrum & Pomum Imperiale, cum Alba, Cingulo, Stola, Dalmatica, Pluviali, Chyrothecis, Sandaliis, Imperialis habitus insignibus.

Antecedentia Coronationem.

22 Dec. peracta est coronationis solennitas. Cæsar cum Electoralibus a Palatio suo ad S. Bartholomæi principes Catholicorum templum equo vestus, a Moguntino, & Trevirensi, totoque clero ad portam fuit exceptus, atque ad aram deductus, ubi cantatis litanis Moguntinus, qui consecratoris munereungebatur, pontificali habitu indutus, ex electo Cæsare quærebant:

Puncta juranda,

1. An Catholicam Apostolicam fidem servare & custodire velit?

2. An fidelis Advocatus & Protector esse sanctæ Ecclesiæ, ejusque Ministrorum?

3. An Imperium, a Deo concessum, secundum Majorum suorum justitiam regere, & fortiter defendere?

4. An jura regni, & bona Imperii, injuste avulsa, reducere, atque ad utilitatem Regni & Imperii fideliter administrare?

5. An justum Judicem divitum & pauperum, atque defensorum viduarum & pupillorum se præbere?

6. An sanctissimo Patri in Christo ac Domino, Romano Pontifici, & sanctæ Ecclesiæ decenter obedire, & reverenter obsequi?

Ad quæ interrogata singula Cæsar respondit: *Volo*; ac postea ad altare juramento confirmavit, hæc omnia se impleturum.

A Protestantico Imperatore aliena.

Ex quibus sane perspicuum est, quam hæc promissa & juramenta, quæ ab Imperatoribus a tempore antiquissimo fieri debent, a Protestantico Imperatore essent aliena & abhorrentia. Profecto non Aurea modo Bulla, sed etiam vetustissimæ consecrationis formulæ ac solennes ceremoniæ, manifeste supponunt, non nisi Catholicum eligi & ungi posse Imperatorem.

Unctio.

Jurejurando, quod diximus, edito, Imperator a Moguntino consecratore inunctus est sacro oleo, in vertice, intra scapulas, in cervice, pectore, brachio dextro, manibus, & carpo: pronuntiatis ad singulas inunctiones verbis: *ungo te in Regem oleo sacro in Nomine Patris &c.* Unctus Imperator habitu Imperiali, quem Norimbergenfes attulerant, fuit indutus; Trevirensis vero porrexerat gladium Caroli M. quo Palatinus, Electorali vestitu ornatus, eundem cinxit. Insertus digito annulus, sceptrum in dexteram, pomum Imperiale in sinistram traditum. Moguntinus vero & Trevirensis juncta opera coronam capiti imposuerunt. Coronatus ea ratione Imperator ad aram in genua procumbens tactis sanctis

Coronatio.

Evan-

Evangelis denique juravit, latina primum lingua, tum germanica, se leges, justitiam, pacemque sanctæ Ecclesiæ Dei conservaturum, ac defensurum, subdito populo justitiam administraturum, jura Imperii, prout de consilio Principum & Imperii sibi visum fuerit, proteclurum, sanctissimo Romano Episcopo, Romanæ Ecclesiæ, cæterisque Episcopis & servis Dei competentem honorem exhibiturum, quæque a Regibus & Imperatoribus Ecclesiæ aut Ecclesiasticis personis concessa aut collata sunt, integre conservaturum, nec commissurum, ut violentur: Prælatos, Status, & Vassallos Imperii congruo honore prosecuturum.

Atque hæc omnia sub initium Missæ solennis a consecratore Moguntino sunt peracta, inter varias precum formulas, quæ plane non nisi in Catholicum, Romanæ Ecclesiæ addictum, Imperatorem cadunt.

Post Evangelium Protestantes Legati iterum recesserunt: Imperator vero ad altare processit, & donum obtulit. Dum sacrificium Missæ deinde perageretur, suo in oratorio devotissime ad sacram communionem se præparavit, eamque, corona deposita, e manibus consecrantis Moguntini summa cum reverentia accepit, submoto etiam pulvillo, quod genibus substraverant.

Finito sacro Imperator in throno collocatus, gratulationes recepit. Dum autem solenni Hymno Laudes Deo canerentur, ense Caroli M. a Saxone porrecto, 31 Equites creavit. Aquisgranenses vero Legati Canonicatum in Ecclesia sua Cathedrali eidem more veteri offerebant, quem acceptavit, fidemque ac protectionem juravit.

Peracta solennitate Imperator habitu Imperiali indutus e templo ad curiam pedes sub conopeo, a decem senatoribus Francofurtensibus deportato, procedebat. Palatinus Pomum Imperiale prætulit, Saxo ensen, Brandenburgicus sceptrum; coronam Cæsar capite gestabat. Moguntinus & Trevirensis ad utrumque Cæsaris latus extremitatem chlamidis sustentabant. In curia Imperator mensæ affedit, & officiales muneribus suis ad Auræ Bullæ præscriptum fungebantur.

De Capitulatione.

Promittit Imperator protegere Christianam Romanam Sedem, Papam, & Christianam Ecclesiam, tanquam ejus Advocatus, Electores item eorumque primogenituram, ac reliquos Status, cum

immediata Imperii Nobilitate. Nullumque Statum fessione & voto privare sine consensu Statuum: nullum assumere in Statum Imperii, nisi dominio sufficiente sit provifus, & taxam communem poffit folvere, atque alicui Circulo adfcribatur, cum confensu illius Collegii, ad quod admittitur: omnia Statuum jura defendere. Auguftanæ autem Confessionis Electores nolunt Cæfarem obligare ad Advocatiam Romanæ Ecclefie.

Spondet augere Imperium, neque illud unquam hæreditarium facere; fervare Pacem Profanam, Religiofam, Weftphalicam, Auream Bullam, cum extenfione Electoratus ad Domum Brunsvico-Luneburgicam, & quod de reitu Electoratus ad Palatinum in Pace Weft. statutum: defendere & fervare Recelfus Imperii: nullas leges novas facere sine confensu Imperii, imo neque illas interpretari sine confensu Statuum: neque committere, ut contra alterutram Religionem fcribatur.

Licet Electores non facile Romanum Regem debeant eligere, fi tamen velint, Imperator turbare non debet, neque Electores, convenire volentes. Vicariatus Imperii in fuis juribus defendet, & acta Vicariorum confirmabit. Electorum Legati omnibus aliis præcedant, exceptis Regiis, cum quibus æqualis honor ipsis deferatur.

Nullum bellum geret, nec fœdera inibit sine confensu Statuum aut faltem Electorum. Nec taxam ordinabit, nifi cum confensu Statuum in Comitiiis, nullumque Statum eximet a communi taxa. Quilibet Status poffit cum externis inire fœdera, non tamen contra Imperatorem aut Imperium.

Commercia promovebit. Nulla monopolia concedet, nec nova veftigalia sine confensu Electorum, neque jus cudendi monetam sine confensu eorundem Electorum, & Circuli illius, in quo conceditur. De Imperio non tantum nihil alienabit, fed alienata reducet: unde difquiret de feudis Italiæ: & , fi ipfe Cæfar de Imperio quid poffideret, reftituet.

Feuda vacantia non nifi cum confensu de novo conferantur, & quidem Electoralia cum confensu Electorum, Principatus cum confensu Electorum & Principum, urbes cum confensu Electorum & urbium: fed a Cæfare retineantur pro fufcultatione fua & Imperii, tanquam Imperio incorporata. Neque deinceps dentur expeftantiæ sine confensu. Circulos redintegrit. Si Comititia ceffarent, fingulis decenniis Diæta habenda; aut fæpius, fi Electoribus videatur.

Faciet

Faciet, ut observentur Concordata Germaniæ: nec permittet, ut causæ civiles ad Nuntios Apostolicos aut Romam trahantur. Statibus nullum subditum per privilegium eximet: neque facile audiet querelas subditorum contra Principem suum. Defendet e contra Principes contra rebelles suos subditos.

Iustitiam omnibus administret. Lite pendente nulla repressalia concedat. Iudicium Cameræ defendat; neque admittatur appellatio ab ea ad Iudicium Aulicum. Ministri Cæsarei se non immiscuant in res, ad Iudicium Aulicum pertinentes. Sententiam Iudicii Aulici ac Cameræ ocius exequatur: salvo tamen beneficio Revisionis & Supplicationis. Faciat tamen, ut Revisores brevi absolvant. Res iudicatas contra omnes externos defendat.

Nullum eximet a Jurisdictione Imperii. Exemptos vero defendet. A Iudicio Rottwilano & Weingartenensi detur appellatio ad Aulicum & Wezlarientem. Abusus horum tollet. Ad nudam instantiam subditorum nulla dabit mandata, sed prius audiet Principes ac Dominos.

Nullum banno feriet, nisi cum consensu Statuum, & prius auditum. Bona Banniti non Domui suæ sed Imperio incorporabit. Infantes tamen agnati succedant in feudo.

Si Vasalli Statuum feuda amittant, non trahet ad fiscum Cæsarem, sed relinquet ea Dominis Territorialibus. In numerum Principum, Comitum &c. non referet, nisi dignos, & qui cum dignitate talem titulum sustinere possint &c.

Art. XIV.

Prosecutio Belli Germanici.

Quamvis Carolus VI Imperator per Pacem Ultrajectensem esset a fœderatis exteris desertus, statuit nihilominus vel solus, adjuvantibus Imperii Ordinibus, uti sperabat, bellum adversus Franciam prosequi. Imperiales ducebat Eugenius, Gallos Villarius. Isti *Landavia*, quam Alexander Würtembergius strenue propugna-
 ta, expugnata, Rhenum transgressi, *Friburgum*, ab Harschio defensum, Capta Lan-
 cum geminis arcibus, ceperunt, præsidii libero abitu permisso. *davia & Friburgo*,

Tum vero, ne Galli, perfractis jam claustris, in Sueviam se rursus effunderent, duo supremi belli Præfecti, *Eugenius & Villarius*, Eugenius & negotium pacis confecturi, ad *arcem Rastadiensem* se contulerunt, Villarius
 anno 1713, ibique *Preliminaria* (ut vocant) Pacis formarunt, ne-
 pacis
 mine *preliminaria*

Rastadii con- mine in negotiis conficiendi societatem admissio. Quamvis autem
siciunt. moris Germani sit, ut Tractatus pacis lingua Latina aut Teutoni-
ca concipiantur, quia tamen Villarius eas minus callebat, Gallico
idiomate usi sunt, quin tamen id trahi possit in exemplum.

Altero dein anno (1714) 6 Martii tractatus ibidem fuit con-
clusus. Sequebatur 17 Martii Cæsarea, 6 Aprilis Gallica confirma-
tio. 37 Articulis constabat, quos hic peculiariter non enumero,
quia in pace Badensi sunt repetiti.

Badena pro
pace decer-
nitur.

Ut enim pax esset publica, solenniore congressum decerne-
re placuit. Igitur Cæsar pro eo celebrando tres Helvetiæ civitates
proposuit, Schaffhusium, Frauenfeldam, & Badenam. Rex istam
elegit. Quinta Junii 1714 primus fuit congressus habitus, 7 Sept.
ultimus, & Pax omnibus necessaria tandem conclusa. Enejus epi-
tomen.

Art. XV.

Pax Badensis in compendium contracta. 1714.

24. 1. Pax Rastadiensis sit universalis, & perpetua, qua tenean-
tur etiam successores. Prohibentur omnia damna, quocunque
prætextu inferenda. Neutra pars alterius rebelles foveat; sed
contra mutuo se defendant.

2. Æterna sit omnium in bello actorum amnestia; nec quis-
quam propterea ullo modo prematur.

Restitutio

3. Basis & fundamentum hujus pacis sit pax Westph. Neoma-
genensis & Risvicensis; omniaque restituantur secundum Risvicensem, nili
hic aliquid expresse aliter statuatur.

Brifaci,

4. Rex restituit Domui Austriacæ *Vetus Brisacum* cum juribus
appertinentibus.

Friburgi,

5. Item *Friburgum* cum tota *Brisgoia* & *Sylva Nigra*, salvo tamen
jure Diocesis Constantiensis.

Kehlæ,

6. Cæsari & Imperio reddit munimentum *Kehlense*, cis Rhenum
a Gallis exstructum. Reliqua ad Argentinam, & in Rheni insulis
propugnacula constructa diruantur. Navigatio per Rhenum sit libera,
nec augeantur vestigalia.

7. Prædictæ urbes reddantur Cæsari cum armamentariis.

8. Gallia demoliat omnia propugnacula, e regione Hünningæ
in Imperii solo constructa, regio vero Domui Badensi reddatur.

Diru.

Diruantur pariter omnia munimenta, in pace Risvicensi nominata, excepto munimento *Ludoviciano*, quod Regi saluum manet.

9. Nominantur alia loca, ad Rhenum diruenda, nec amplius ædificanda.

10. Intra 30 dies post ratificationem dictæ urbes tradantur plene cum Instrumentis, &c. & alia in pace Risvicensi sancita executioni dentur.

11. Intra duos menses omnia sint diruta, quæ sunt diruenda.

12. Rex omnibus Imperii membris, statibus, vasallis, clientibus, nominatim Trevirensi, Palatino, Ordinis Teutonici Magistro, Episcopo Wormatiensi, Spirensi, Domui Würtembergicæ, ac præcipue Duci Mompelgardensi, utrique Domui Badensi, Duci Lotharingæ, omnibusque aliis, ex pace Risvicensi restituendis, restituet omnia, hoc bello ablata, aut alias restituenda.

13. Collatam a Cæsare Domui *Hannoverana Electorali* Dignitatem Francia agnoscit.

14. Contra vero Cæsar & Imperium cedunt Galliæ *Landaviam* eo modo, quo jam in Risvicensi eidem fuerat cessa, cum omnibus appertinentiis.

15. Electores *Coloniensis* & *Bavarus* plene restituuntur in omnibus, cum plena omnium actorum amnestia. Renovationem tamen feudorum petant a Cæsare; & Bonnæ pacis tempore præsidium militare nullum imponatur; sed cives vigilias agant. Belli vero tempore imponantur, quot Imperio videbitur.

16. Hac amnestia fruuntur omnes officiales, alique cujusunque status, & in dignitates pristinas, bona & jura restituuntur.

17. Intra mensem fiat hæc restitutio. Intra quod tempus etiam Elector Baviaræ Cæsari restituet ea, quæ in *Belgio* possedit.

18. Si Elector regiones suas velit permutare cum aliis, Rex non obstat.

19. *Belgium*, Batavis datum in depositum, Rex Domui Austriacæ addicit eo modo, quo Hispani, præsertim Carolus II, post pacem *Belgium Austriacum* illud possederunt, cum omni jure successionis; salvo tamen tractatu limitanco, cum Batavis ineundo. *Geldria* civitas vero cum annexis Borussia obveniat, salva tamen *Religione Catholica*, ibidem conservanda.

20. *Remittit Ludovicus* omnibus Belgii urbibus, quas Carolus II usque ad mortem possedit, consentitque, ut a Batavis post pacem conclusam Cæsari extradantur.

21. Similiter Ludovicus eidem tradit *Tornacum, Mentiam, Ipras, Urbes restit. Düxmiadam, Furnas, Lucke, Russelaes, Poppering, Warneton, Communes, Warwick &c.* conceditque, ut hæc omnia a Batavis, quorum fidei sunt credita, Cæsari extradantur.

22. Navigatio Lyse in Flandria à teloniis sit libera.

23. Belgæ omnes plena fruuntur amnestia.

24. Belgis consuetudines suæ maneant, & in locis, a Rege cessis, jus illis esto, intra annum alio commigrandi.

25. Dignitatibus, bonis, juribus exuti belli tempore, restituantur, prout etiam exules, cassatis sententiis, in contrarium latis.

26. Ut autem omnis discordia ratione finium in Belgio tollatur, commissarii utrinque convenient, & eosdem amice determinent.

27. Constituti a Ludovico in locis cessis Ecclesiastici permaneant; semperque *Religio* *Religio Catholica* ibidem conservetur: nec Magistratus alii ac Catholici tolerantur. *Bona autem Ecclesiastica* restituantur.

28. Urbes Belgii cessæ relinquuntur in eo jure, quo apud Gallos utebantur.

29. Ecclesiastica Beneficia iis maneant, qui durante bello eadem canonice obtinuerunt.

30. Cæsar in Italia quicquid possideat Regnum *Neapolitanum, Ducatum Mediolanensem, Regnum Sardinia, Portus Hetruscos*, prout Reges Hispaniæ possederant: sic tamen, ut neutralitas Italici Principum, in pace Ultrajectensi stabilita, non turbetur.

31. Cæsar Principibus Italici, qui sunt Vasalli Imperii, nominatim Duci *Gualtalla, Pico Mirandulano*, Principi de Castilione promptam justitiam administret.

32. Cum autem non omnia possent examinari, quæ *particulares personas* concernunt, *ad aulam Cæsaream & Gallicam remittuntur*, ut ibidem causas suas proponant, sic tamen, ut eæ pacem istam non turbent.

33. Omnes utrinque *captivi* dimittantur liberi, & *copia* ocus *abducantur* ex urbibus cessis; prout etiam Cæsar militem suum quamprimum ex ditionibus Bavaricis & Coloniensibus deducet.

34. Mox post ratificatam pacem prohibita tempore belli *commercium* libera sunt utriusque nationis hominibus, Anseaticis nominatim civitatibus, cum antiquis ubique privilegiis.

35. Omnia, quæ contra hanc pacem obtendi posse viderentur, nulla & irrita sunt.

36. Huic

36. Huic paci omnes includuntur, qui post permutata pacificationis instrumenta utriusque partis consensu nominabuntur.

37. Utriusque partis Plenipotentarii spondent, hoc pacis instrumentum a suis Principalibus intra sex hebdomades ratificatum iri.

38. Utriusque partis legati subscribent huic paci, nec ulla adversus eandem protestatio admittenda.

Subscripserunt autem legati Plenipotentarii

Eugenius de Sabaudia.

Duc de Villars.

Petrus Comes de Goës.

Comes de Luc.

Joan. Frideric. Comes de Seilern.

de S. Contest.

Appositus fuit Articulus specialis: cum Rex Christianissimus aliquos, quibus Imperator utitur, *titulos*, ratihabere nequeat, ad nullum faciendum jus aut præjudicium eos apponi.

Hæc pax 10 Oct. ejusdem anni 1714 Ratisbonæ in Comitiiis ratihabita fuit.

Plurimi ex Italia, Germania, Borussia, Suecia, Lotharingia &c. Regum, Electorum, Episcoporum, Ducum, Principum legati Badenam confluerant: sed juxta Articulum 32 omnium Prætensiones ad Imperatorem aut ad Regem Galliæ remissæ sunt.

Cernimus hic, in toto tractatu nullam de *Hispania* factam esse mentionem; implicite tamen prohibitum videtur, bellum propter eandem moveri. Omissa etiam fuit *Sicilia*; & hinc cum legatus Sabaudicus eandem Domino suo confirmari peteret, Vienna & Ratisbona abscedere jussus est, uti scribit Hübnerus supplemento 7, ad an. 1714.

De Hisp. & Sicilia nulla mentio.

Comitia Imperii, quæ ob pestem grassantem superiore anno Augustam fuerant translata, hoc anno 1714 Ratisbonam reduta sunt.

Confecta licet jam pace Cæsar copias non dimisit, prælagus quodammodo belli instantis Turcici, diciturque Princeps Eugenius, id. *Eugenii* dedisse eidem consilii, ut constanter 100000 armatorum nutriet: consilium videlicet 20000 in Hungaria, 8000 in Regno Neapolitano, 14000 in Ducatu Mediolanensi, 22000 in Belgio, in reliquis provinciis hæreditariis 35000.

de copiis.

Art. XVI.

Gesta ab anno 1716 ad annum 1720.

25.
Eug. Gub.
Belgii.

ANNO 1716 Princeps *Eugenius* renuntiatus est *Gubernator Belgii* in *Præfectura* vero *Mediolanensi* eidem successit *Löwensteinius*, qui *Bavariam* antea administraverat, & postea *Comitiis Ratisbonensibus* *Commissarius Principalis* præfuit.

Eodem anno natus est Imperatori *Carolo* filius *Leopoldus Josephus*, sed ingenti omnium luctu eodem adhuc anno obiit.

Princ. Elect.
in Italiam.

Carolus Albertus, Princeps *Electoralis Bavarie*, qui *Patre* in *Gallicia* & *Belgio*, *Matre* vero *Venetis* absentibus, tum *Clagenfurti* in *Carinthia*, tum *Græcii* in *Styria* cum fratribus studiis vacaverat, hoc anno 1716 peregrinationem in *Italiam* suscepit, sub nomine *Comitis de Trausnitz*, *Venetis*, *Bononiæ*, *Romæ*, *Neapoli*, *Florentiæ*, *Genue*, *Mantue*, magno cum honore exceptus, præsertim *Romæ* a summo Pontifice *Clemente XI*.

Mompelgardensis divortium.

Leopoldus Eberhardus Dux *Wurtembergicus* lineæ *Mompelgardensis*, postquam a *Sabina*, *Comitum de Sponeck* dignitate cum fratribus a *Cæsare* ornata, & ex qua liberos jam genuerat, primum quoddam mensam & thorum, dein auctoritate *Consistorii Mompelgardensis*, dissoluto etiam vinculo, se separaverat, duas sorores de *Esperance* duxit, & ex utraque plures liberos reliquit. Quo jure *Canónico Protestantico* *Consistorium* ista concesserit, ipsum viderit. *Mello*ri exemplo *Mauritius Adolphus* Dux *Saxonicus* *Romana* sacra suscepit.

Saxonicus
converso.

ANNO 1717, cum Dux *Saxonicus*, *Principalis Imperatoris* in *Comitiis Ratisbonensibus* *Commissarius*, *sanctæ Romanæ Ecclesiæ Cardinalem* se merito scriberet, *Protestantium* legati conscientie sibi ducebant, hunc titulum ei tribuere, piaculi se reos existimantes, si *Romanam Ecclesiam* dicerent *sanctam*. Cæterum Imperator *Cardinali Concommissarium* addidit *Baronem de Kirchner*, qui *Consilarii Aulici* munere prius erat *Viennæ* functus.

Ex Princ.
Elect. Saxo-
nia.

Religionem *Catholicam* hoc anno *Viennæ* publice professi sunt *Fridericus Augustus Princeps Electoralis Saxonie*, (quam jam anno 1712 in *Italia* assumpserat) & *Mauritius Wilhelmus* Dux *Saxonicus*, quamvis prævideret, se administratione *Naumburgensi* spoliandum. Sed defecit constantia, uxore pervertente.

Hoc

Hoc eodem anno extincta est stirps masculina *Eggenbergica*, *Eggenbergi-*
quam Ferdinandus II anno 1623 in Collegium Principum adopta-
verat. Ad eam pertinebat *Gradiſca* in Carniola. Contra vero 13
Maji felici sydere lucem aspexit *Maria Theresia*, in spes magnas Do-
mus Austriacæ nata, Familiamque Augustissimam deficientibus ma-
ſculis optata fecunditate propagatura. *Nate Mariæ Theresiæ.*

ANNO 1718 orta est Ratisbonæ Protestantes inter legatos
gravis contentio de *Directorio* Corporis Evangelici, ut ipsi appel-
lant, quo functus hæctenus erat Elector Saxonæ. Cum autem tam
ipse quam Princeps Electoralis ad sacra Catholica rediisset, confer-
re Protestantes capita, detrectare ejus præsidium, quamvis legatus es-
set Lutheranus, de alio Direttore circumspicere. In Brandeburgi-
cum maxime & Hannoveranum conjecti sunt oculi. At Saxo tan-
tis rationum momentis jus suum, editis etiam publicis documentis,
deducebat, ut pristino res statu fuerit relicta. Cæterum novimus
Directorem Imperii, Directores trium Collegiorum, Directores
Circulorum, at Corpus Evangelicum, aut ejus Directorem non no-
runt Pax Westphalica aut aliæ Imperii Constitutiones.

Alia gravior controversia Comitibus exercuit. Anno 1708 Offi-
cium *Archidapiferi* a Josepho Imperatore in Palatinum fuerat trans-
latum, munus vero *Archithesaurarii*, ab hoc a tempore P. W. pos-
sessum in Hannoveranum. Cum autem vi pacis Badenæ Bavaro
cum Electoratu etiam Archidapiferatus esset restituendus, Palatinus
pariter Archithesaurarii Dignitatem repetebat. Laboratum igitur,
ut Hannoverano novum Imperii Officium inveniretur, sed conve-
niri non poterat. Unde propter id genus lites Comitibus ferme va-
cabant.

Cum in Camera Imperiali lites adeo accrescerent, ut annuatim
quingentis augerentur, & plura millia adhuc jacerent indecisa,
augmentum assessorum, & salariorum petierunt. *Camera.*

Ignatius de *Leotina*, Vallesianus, qui fuerat Informator Caroli
Imperatoris, creatus est hoc anno Episcopus Neostadiensis.

Cæso in Norvegia Carolo XII Rege Sueciæ, *Gustavus Samuel*
proximus agnatus possessionem Bipontini Ducatus & annexorum
hæreditario jure adiit, atque abjecto *Luthero Catholicam Religionem*
professus est. Ecce quot Principes ad Majorum sacra redierunt;
cum tamen a 150 annis ne unus quidem, a Catholicis parentibus
natus, ad Protestantes desciverit. *Gustavi Samuel, con-
versio.*

Gravis hoc tempore orta fuerat contentio inter Domum Hassio-Cassellanam & Rhenofelsensem. Illa tempore belli *Rhenofelsen* occupaverat, eique in pace Ultrajectensi fuerat adjudicata, in Badensi vero nulla fiebat mentio. Rhenofelsenfis Rottenburgensis Landgravius in aula Cæsarea urbem repetit, & pronas aures invenit. Obistente Cassellano, Circulo Rhenano Inferiori executio demandatur. Tandem, cum plures finitimi Circuli evocarentur, Hassio-Cassellanus munimentum cum annexis tradidit.

In *Academia scientiarum* Borussica *Leibnizio* Præses successit *Gundlingius*. Legatus Suecicus in Comitibus Imperii prætendit triplex votum, ratione citerioris *Pomerania*, *Bremæ* & *Verdæ*, neque enim moris esse in Imperio, ut quis ob ereptas per injustam vim provincias, voto privetur. At opposuit se Hannoveranus.

1719. Fridericus Augustus, *Princeps Electoralis Saxonie*, Viennæ Nuptiæ Sax. duxit *Mariam Josepham*, primogenitam Josephi Imperatoris filiam, Flemmingio procurante, qui etiam Principis sui nomine renuntiavit juri in hereditarias Domus Austriacæ provincias. Ducta inde a sponso Dresdam, solenni pompa fuit excepta.

14 Martii *Philippus Mauritius*, Electoris Bavarie secundo genitus, electus fuit Episcopus *Monasteriensis*, postquam biduo ante Romæ fuerat mortuus. Frater ejus *Ferdinandus Maria* duxit Eleonoram, Philippi Palatini & Annæ Mariæ Lavenburgicæ (quæ secundo nupsit Joanni Gastoni Florentiæ Duci) filiam. Quartus Princeps *Clemens Augustus* loco fratris Philippi Romæ mortui electus est mox Episcopus *Monasteriensis*, & brevi post etiam *Paderbornensis*. Quintus vero frater *Joannes Theodorus Ratisbonensis*.

Hoc eodem anno Carolus Philippus Elector Palatinus prohibuit *Catechismum* Calvinianum, in quo dicebatur, Missam esse abominandam idololatriam. Dein templum S. Spiritus *Heidelbergense* pro se & aula sua a Calvinistis petiit, paratus, aliud eisdem extruere: & cum obtinere nil posset, eisdem eripuit. At mox Anglia, Borussia, Hollandia, Hassia, vehementer se opposuit, querela ad thronum quoque Cæsareum delata. Ab hoc anno sequenti fluxit Rescriptum, quo Elector jubebat templum Calvinistis subditis suis restituere. Catechismus etiam liber fuit eis permissus, ea tamen conditione, ut quæstio 80. ma, in qua Missa idololatria appellabatur, omitteretur. Hic procedendi modus *Heidelbergensium* tantopere displicuit Electori, ut sedem suam *Manheimium* transferret, ingenti *Heidelbergæ* detrimento. Displicuit etiam, quod Reckium ceu Commissarium Cæsareum in ditione sua tolerare debuerit.

Plura

Plura alia Religionis gravamina Protestantes in Comitibus proponebant, quæ tamen re ipsa non erant gravamina, sed jura, virtute Clausulæ Articuli. IV pacis Rysvicensis, per pacem Badenensem confirmatæ, exercita ad Rhenum, & præcipue in Palatinatu, ubi data a Catholicis opera, ut Religio in eo statu conservetur, quo tempore pacis Rysvicensis a Gallis fuerat relicta.

Gravamina
proposita.

Hinc illæ Protestantium lachrymæ, querelæ, coitiones, minæ; hinc expulsi a Brandeburgo *Hadernslebte* Monachi, hinc alibi sævitum in Catholicos: hinc clamores seditiosi & arma jam circumsonabant; hinc tot scripta & Manifesta, ut appellantur, per orbem sparsa; hinc denique eo illa gravamina, in Comitibus Ratisbonæ proposita, quæ sequentibus annis ad centum accreverunt.

Motus
Protest.

Cæsar graviter querebatur, in suum supremi Judicis involari Officium: restituenda ante omnia spolia, quæ a Protestantibus *Repressalia* dicebantur, & *retorsiones juris iniqui*; simul tamen inquiri iussit, atque mandata dedit ad Moguntinum, Palatinum, aliosque Catholicos, ut, si quid actum foret contra Constitutiones Imperii, emendetur, quo motus Protestantium conquiescant.

Audiebantur insuper in Comitibus Protestantium querimoniarum contra Cæsarem Matram Imperialem, quod sibi jus arrogaret judicandi causas matrimoniales, & alias Ecclesiasticas Protestantium.

Causæ
Matr.
trimon.

Christophorus Matthæus *Pfaffius*, Professor Theologiæ & Cancellarius Academiarum Tubingensis, hoc tempore systema quoddam unionis in doctrina Protestantibus suis proposuit: sed nulli parti placuit. Quia imo multæ contra eum pennæ acuebantur, quæ eum seu Adiaphoristam & Libertinum explodebant. Desperata nempe est unio, ubi nullus agnoscitur Judex Controversiarum.

Pfaffi
systema.

ANNO 1720 causa *Meclenburgica* vehementer agitabatur Ducem inter Suerinum, *Carolus Leopoldum*, & Statum *Equestrem*, seu Nobilitatem. Sic habet: status Equestris *Meclenburgicus*, prout etiam civitas *Hanseatica Rostochium*, eximia privilegia a Ducibus suis acceperant, præsertim circa tributa, quæ modica conferebant. Cum autem succedentibus temporibus rerum omnium pretia plurimum augerentur, plus etiam tributi exigere se posse Duces putabant. Anno 1701 inita quidem *Hamburgi* fuit transactio, a Cæsare etiam confirmata; sed cum Dux *Frid. Wilh.* anno 1708 novam ordinationem Ecclesiasticam vellet introducere, etiam Nobiles in partem autoritatis venire volebant. At Dux, inita cum Brandeburgo hæreditaria unione, legionem ab eo recepit, ut Nobiles compesceret.

28.
Causa
Meclenburgica.

Carolus
Leopoldus
Nobilitatem
gravat.

Cum Friderico anno 1713 frater Carolus Leopoldus succederet, bellumque toto Septentrione flagraret, Dux quoque se armavit, tributo non modico Nobilitati & Rostochio imposito. Id cum præstare detrectarent, causa ad Imperatorem ejusque Judicium aulicum fuit delata.

Sed quia res in longum trahebatur, Dux, accepta in Conjugem Catharina, Joannis Alexieviz Moscoviæ Ducis filia, Russorum auxilio statum Equestrem vi ad obsequium flectere aggrediebatur. At Nobilium præcipui, relictis bonis & patria sub Hannoverani protectione causam in *Judicio Aulico* urgebant, unde varia Rescripta Dehortatoria & mandata pœnalia ad Ducem sunt missa.

Executio.

At ille his parum motus relictis Nobilium bonis fruebatur, condūctoque duodecim millium exercitu, Rostochio quoque & Dömitio munitis, ad omnem vim repellendam se parabat. Et sane, cum Caesar Hannoverano & Welferbytono executionem anno 1719 demandasset, Ducis copiæ strenue resistebant. Verum, cum plures circulares copias timeret, militem suum dimisit, totamque provinciam, solo Dömitio retento. Quod ipsum etiam postea reliquit, dum anno 1720 Viennam profectus est, rebus suis consulturus. At remissus ad mandata Caserea & Commissionem, Rostochii institutam, brevi iterum Viennam deseruit, atque Dömitium rediit, quod solum præsidio suo adhuc obtinebat, reliquam provinciam milite Circulari occupante. Anno 1721 Dux abiit Dantiscum, ubi mandatis Casareis & subdelegatæ Commissioni Rostochiensis contumaciter obstrictus, per plures annos est commoratus: uxor vero cum filia Petroburgum discessit, Megalopoli militi extero permissa.

Dux Ged-
nam.

Philippoburgi & Kehlensis munimenti Præfeti ad Comiticia. retulerunt, quanta damna Rhenus attulisset; nisi reparentur, utrumque Germaniæ aggerem periturum. Remotiores circuli volebant hoc onus Suevico imponere. At ille respondit, se millionem ferme florenorum in hanc rem suppeditasse, petiitque, ut a reliquis compensetur. Decreti tandem *duo menses possessionis Romanae*.

29.
Sanctio Præ-
matica.

Imperator hoc anno 1720 convocatis Statibus successione or-
dinem proposuit, (quem *Sanctionem Pragmaticam* deinceps appella-
runt) quemque observari vellet, si sine heredibus masculis esset
decessurus. *Primo* loco vocat Mariam Theresiam filiam natu maxi-
mam, ejusque descendentes. *Secundo* Mariam Annam, ejusdem so-
rorem. *Tertio* duas Imperatoris Josephi filias, Mariam Josepham,
& Mariam Amaliam. *Quarto* tres suas sorores Imperatoris Leopoldi

di filias. *Quinto* reliquos consanguineos Domus Austriacæ secundum prioritatem lineæ & gradus,

Art. XVII.

Gesta ab anno 1721 ad 1725.

ANNO 1721 *Frobenius Princeps Fürstenbergius* munus *Judicis* seu Præsidis Cameræ Imperialis, quo pluribus annis laudatissime functus erat, abdicavit, illudque Cæsar Philippo Carolo *Hohenlöwen* lineæ Bartensteinæ contulit. *Fridericum* vero Baronem *Seckendorffium*, Mareſchallum, ex Sicilia reducem, Comitis dignitate auxit. Est is frater *Viti Seckendorffii*, ab *Historia Lutheranismi* celebris.

1722. Postquam *Törringius* comes Viennæ desponsationis Nuptiæ Cæsar & renuntiationis negotium perfecerat, *Carolus Albertus* Princeps soli Alberti Electoralis Baviaræ nuptias celebravit cum *Maria Amalia*, *Josephi* Imperatoris secundogenita.

Hoc anno, petente Cæsare, consentiente Pontifice, qui & *Pallium* misit, *Episcopatus Viennensis* in *Archiepiscopatum* est commutatus; fuitque primus Archi-Præsul *Sigismundus Comes Collonitschius*, sicut ultimus erat suæ familiæ. Suffraganeus ei assignatus *Episcopus Neostadiensis*. *Passaviensis* vero & *Salisburgensis* Præsules jurisdictionem suam in reverentiam Cæsaris sunt passi dimitti.

In *Holsatia* *Comes de Ranzau* in venatione fuit occisus. Frater ejus junior in authorem cædis inquisivit, promissa illi pecunia, qui eundem proderet, quin preces publicas indici curavit, ut degeretur. Dum autem a Danis sit inquisitio, compertum est, eum ipsum fuisse aut authorem aut complicem. Quare, licet opponeret exceptionem, fori Danici declinatoriam, & ad Cæsarem appellasset, atque is illum, tanquam Comitem Imperii, immediate sibi subiectum, repeteret, a Danis nihilominus comprehensus, judicatus, & ad perpetuos in Norvegia carceres fuit condemnatus. Forum apud Danos sortiri dicebatur ratione Ordinis equestris, cui esset adscriptus, & Regi subiectus.

ANNO 1723. *Liechtensteinius* Princeps, postquam in Circulo *Liechtensteini* Suevico immediata Imperii bona (*Vadua & Schellenberg*) sibi commissa paravit, in scamno sæcularium Principum ad sessionem & votum admissus est. *Episcopus* etiam *Argentinenſis*, Cardinalis de Roban, ad Comiticia rursus admissus est tanquam Princeps Imperii. Tempore belli autem sedes illa in Comitibus vacaverat. *Marchio* vero de *Craon*,

Craon Princ. Imp. *Craon*, primus Lotharingæ Ducis Minister Princeps Imperii a Cæsare dictus est.

Colonienfis obit. Obiit hoc anno Bonnæ *Josepus Clemens*, Elector Colonienfis, 52 ætatis anno. Successit *Clemens Augustus*, ex fratre nepos, priore jam anno a Capitulo Colonienfi postulatus Coadjutor. Dispensavit Papa, quia jam alias duas possidebat sponfas, Monasteriensem videlicet & Paderbornensem Ecclesiam; cui anno sequenti accessit *Hildesienfis*, Capitulo interim regnante; & postea etiam *Osnabrugensis*. Leodienfis vero alium sibi sponsum delegit, nempe Comitem de Berghes. Passavii mortuo Comite Rabata, Episcopus est postulatus Comes *Lambergius*, Episcopus ante Secovienfis, cui successit Baro Firmian.

Succedit Clemens.

Lamberg. Ep. Pass.

ANNO 1724 Catholicis secundum *Calendarium Gregorianum* 16 Aprilis *Pascha* celebrabant, Protestantes autem 9 Aprilis. Quæ res magnas confusiones, perturbationes, & in Camera Imperiali & Comitibus disputationes excitabat.

Cum Brandeburgus ferme dimidium *Citerioris Pomerania* Sueciæ eripuisset, horum Legatus in Comitibus petiit, ut etiam in Matricula pars onerum eidem imponeretur. Equum postulare visus est.

Recruduit inter *Abbatissam* & *Landavium* vetus, de juribus controversia. Condemnata a Camera Imperiali civitas.

Obiit hoc anno Norimbergæ Joannes Baptista *Hobmannus*, qui mappas Geographicas plurimum illustravit. Familia autem Comitum de *Tilly* omnino extincta est. Herbipoli in locum *Schönbornii* demortui successit *Huttenus*.

31. Natus Elect. Palat.

In spes magnas natus est *Carolus Philippus Theodorus* ex Joanne Christiano, Theodori Ducis Solisbacensis secundo genito, & Maria Anna, Francisci Egonis Marchionis Bergensis ad *Zomam* filia hærede.

Divortium Bipontini.

Gustavus Samuel Dux Bipontinus superiore jam anno a *Dorothea Veldentina* se separaverat, matrimonio ob consanguinitatem in tertio gradu a Pontifice declarato irritum. Dein vero duxit *Dorotheam Hoffmann*, rei venatoriæ Præfecti filiam; postquam hæc Catholicam Religionem fuerat professæ. Eam postea Imperator in Comitum Imperii numerum retulit.

Verum jam eo tempore de eventuali successione Bipontina litem in Aula Cæsarea movit Christianus III, Comes Palatinus *Birkenfeldensis*, seque futurum hæredem declarari petiit, allegans pacta familiaria, & testamentum *Wolfgangi*, a quo omnes posteriores Comites Palatini descendunt. Eidem *Birkenfeldensi* natus est hoc

anno

anno filius *Fridericus*, cum jam anno 1722 *Christianum* suscepisset. Natus Frid.
Birkenfeld.
Uterque floret hodie dum.

Obit anno superiore *Leop. Eberhardus Dux Mompelgardenfis*. 32.
Obitus Mom-
peigard.
Filius ejus *Georg. Leopoldus Comes de Sponeck* pro hærede se gessit, totiusque provinciæ possessionem apprehendit, legitimatus a Re-
gente Galliæ. Graviter id tulit *Domus Württembergica*, præsertim
Studgardenfis, conquesta propterea apud Cæsarem, qui omnia
Sponeckii acta irrita declaravit, & eum cum fratribus & sororibus ali-
mentis contentum esse iussit. Mandata Cæsarea executus est Wör-
tembergicus, missoque milite *Sponeckium* expulit, & *Investituram*
ab Imperatore accepit, dissimulante Gallia, quantumvis *Sponeckio*
faveret, qui *Catholicam Religionem* fuerat amplexus. Lis de suc-
cessione.
Sponeck
pulsus a
Studgarden-
fi.

Litis quoque aliquid intercessit inter *Domum Palatinam & Baden-
sem* ratione *Comitatus Spontheimensis*; quia defuncto jam anno 1437 Lis Spon-
heim.
Joanne ultimo Comite, hæreditas pervenit ad duas filias, quarum
una *Palatino*, altera *Badensi* erat desponsa. Cum autem *Badenses*
quererentur, a *Birkenfeldensi*, post extinctam lineam *Veldenti-
nam*, loca plura, ad *Badenses* spectantia, fuisse occupata, faven-
tem a *Judicio Aulico* sententiam retulerunt.

Landgravius Hassio - Castellanus clandestina declaravit
Irrita. Mirum! Concilio *Episcoporum* *Protestantes* negant potesta-
tem statuendi impedimenta matrimonii, quam tamen *Principi laico*
facile concedunt.

Demum hoc anno *Fridericus, Dux Holfato - Gottorpiensis*, Gottorpien-
sis ducit
Moscam.
duxit *Annam, Pétri I, Moscoviæ Ducis* filiam primogenitam.

Art. XVIII.

Pax Viennensis cum Hispania.

Cum per *Pacem Badensem* de *Hispania* nihil fuerit decretum, 33.
ac proin, cessante licet bello, dominium illius inter *Carolum VI,*
& *Philippum V,* manserit controversum, quin imo *Hispanus Sic-*
ilam fuisset & *Sardiniam* aggressus, atque successio etiam *Florentina,* Cum Came-
raci convent-
Parmensis, & *Placentina,* timeretur bellum novum morura, *His-*
pania insuper *Gibraltariam,* & *Minorcam* repeteret, indictus est ri non pos-
ad lites illas componendæ *Congressus Caneracum,* ubi *Legati Cæsa-*
ris, *Galliæ,* *Hispaniæ,* *Angliæ,* *Sabaudiæ,* *Hollandiæ* per plures
annos moras trahentes convenire non poterant.

Pars X.

H

Cum

Pax Vien-
nensis est
inita.

Articuli.

Cum igitur Cameraci negotium pacis Universalis sine fructu hæreret, Carolus & Philippus, morarum pertæsi, privatam Viennæ pacem inierunt anno 1725.

Factum initium ab Hispano, qui clam Legatis Cameracensibus Baronem de Riperda Viennam misit, Conditiones pacis oblatum. Placuit propositio Legati Cæsari, & per Principem Eugenium, Comitem Sinzendorffium, Aulæ Cancellarium, & Gundacarium Stahrenbergium negotium cum Riperda confecit in hos articulos.

I. Pax sit perpetua inter Imperatorem & Regem Hispaniæ.

II. Fundamentum sit Tractatus, anno 1718 Londini initus.

III. Renuntiat Cæsar omnibus provinciis, Philippo per pacem Ultrajectensem attributis, ea tamen lege, ut Regna Galliæ & Hispaniæ nunquam coalescant.

IV. Agnoscat Cæsar Philippum *Hispaniarum & Indiarum Regem*, omnesque ejus descendentes, masculos & fœminas sinet iis pacifice frui.

V. Contra vero Philippus suo & successorum nomine renuntiat omnibus ditionibus, quas Cæsar in *Italia & Belgio* possidet, & olim ad Monarchiam Hispanam pertinuerant. Inter quas etiam est Marchionatus *Finalensis*, quem Cæsar anno 1713 Genuensibus cessit. Renuntiat item regno *Siciliæ*, ad quod sibi regressum ante reservaverat.

VI. Cæsar consentit, ut primogenitus Reginæ Hispaniæ succedat in Ducatus, *Florentinum, Parmensem & Placentinum*, a Cæsare tanquam *feuda Imperii* recipiendos, postquam Imperio fuerint aperti. Si primogenitus (Carolus) cum suis descendantibus masculis defecerit, recipiet illos sub eodem nexu feudali secundogenitus, ejusque posteri masculi.

Portus Liburnus semper maneat liber. *Portum Longum* & partem Insulæ *Elvæ*, quam Philippus possidet, filio suo tradet, quando is *Hetruriæ* Ducatum fuerit adeptus, renuntiatque omni juri & prætensionem in hos Ducatus, ut ne quidem tutor Principis esse possit. Quamdiu autem moderni Ducatum possessorum vivunt, multi milites *introducuntur*.

VII. Renuntiat Philippus juri reversionis Siciliæ ad Hispaniam; reservato tamen jure reversionis in Sardiniam.

VIII. Promittitur defensio mutua.

IX. Sit universalis amnestia, omnibusque reverti ad sua bona & iis uti frui liceat, cuicumque parti adhæserint. Dignitates hinc inde collatæ mancant, mutuoque agnoscantur.

X.

X. Tituli utrinque retineantur, quamdiu Carolus & Philippus vivunt. Successores vero eorum regnorum duntaxat & provinciarum, quas possident, titulos gerant.

XI. Dux Parmæ defendatur in suis possessionibus. Discordiæ vero ortæ eum inter & vicinas Cæsareas provincias amice per arbitros componentur.

XII. Approbatur statutus utrinque modus succedendi, pro utriusque sexus hæredibus.

XIII. Circa dotes, Imperatricibus Mariæ & Margarethæ ex Hispania adhuc debitas, conventum est, ut loca propterea Cæsari oppignorata restituantur Philippo Regi, Cæsari vero certa pecuniæ summa eo titulo solvatur.

XIV. Debita contracta solvantur ab eo, qui illa contraxit.

XV. Palatium Hagense compensetur cum Viennensi, Romani vero dimidium pretium Rex solvat Cæsari.

XVI. Pace hac comprehensi sunt, qui intra annum utrinque nominabuntur.

XVII. Pacem sic conclusam ratihabitu iri promittunt contrahentes.

XVIII. Subjunguntur hic Instrumenta renuntiationum, de quibus Art. 3, & 5 actum.

Accessit Cæsarem inter & Regem Philippum peculiare *sedus* *Fœdus amicitie* & defensionis mutue, his sex articulis comprehensum. *amicitie.*

I. Sit utrinque constans & sincera amicitia, ita ut alter alterius commodum promoveat, & damna avertere satagat.

II. Cæsar nequaquam obsistet, quo minus Anglia Gibraltariam, & Minorcam cum Portu Magonis Hispaniæ restituat; quin imo bona sua officia ad hoc impendet.

III. Rex omnibus navibus Imperatoris ejusque subditorum ingressum liberum in portus suos promittit, liberamque in omnibus Hispaniæ Regnis commercandi facultatem, cum omnibus privilegiis, quibus Galli aut Angli fruuntur.

IV. Si naves subditorum Cæsaris cis vel trans Æquatorem hostiliter invaderentur, Hispania causam cum Cæsare communem faciet, ut damnum reparetur. Idem vicissim promittit Cæsar.

V. Quamvis per Fœdus quadruplex utriusque terris cautum sit, ut tamen arctius adhuc sit vinculum, Rex Cæsari, si invaderetur, qundecim bellicis navibus, & viginti armatorum millibus assistet, vel pecuniam Genuæ pro iis repræsentabit, nempe pro mille peditibus quot mensibus octo florenorum millia, & pro mille

equitibus viginti quatuor florenorum millia. Si autem 15 naves non mitteret, decem armatorum millia superaddet.

Vicissim Cæsar, si Rex in Europa invaderetur, 20000 pedum & 10000 equitum succurret.

VI. Hoc speciale amicitiae fœdus intra tres menses ratificandum.

Postquam hæc pax Viennensis & Fœdus Amicitiae 30 Aprilis 1725 fuerat percussum, prima dein Maji accessit Fœdus Commerciale, 47 Articulis comprehensum; quibus statutum, ut utriusque subditis liceat adire commercii causa omnes alterius provincias, littora, portus, frui omnibus juribus & privilegiis, quibus amicissimæ nationes fruuntur.

Accessit Tractatus Commercialis.

Art. XIX.

Tractatus Hannoveranus.

34.

Pax Viennensis, sine arbitro composita, neminem ægrius habuit, ac Regem Angliæ, qui illam ad injuriam suam & commercii Anglicani discrimen pertinere existimabat. Conquirenda igitur contra eandem aliunde fœdera, evertenda Ostendana commercia.

Faciles aures præbuerunt Gallia & Borussia, cum quibus Rex Georgius Hannoveræ, ubi præsens aderat, fœdus iniit, quod *Tractatus Hannoveranus* dici consuevit, sequentibus octo articulis conceptum.

I. Sit firma & constans pax inter tres coronas contrahentes, ad tuitionem propriæ salutis.

II. Cavent sibi mutuo de omnibus possessionibus, intra vel extra Europam sitis, promittuntque socialia auxilia.

III. Exigente necessitate Gallus parata habeat duodecim armatorum millia, totidem Anglus, Borussus quinque millia. Hæcauxilia si non sufficerent, majoribus læso assistent, imo etiam, si necesse, declarato bello adversus lædentem, donec satisfactio præstetur.

IV. Nullus ex fœderatis tractatum inibit huic contrarium, sed omnia cum sociis communicentur, ut ea decernantur, quæ ad conservandum Europæ æquilibrium & pacem opportuna videbuntur.

V. Pax Westphalica communi opera præstetur salva.

VI. Hoc fœdus 15 annos subsistat.

VII. Alii etiam Principes, præsertim Ordines Generales fœderati Belgii, ad illud invitentur.

VIII.

VIII. Ab omnibus tribus Regibus approbetur, & ratificetur, intra duos menses.

Actum Hannoveræ 3 Sept. 1725.

Subscripserunt

Townsbend.

Broglie.

Wallenrodt.

Additi sunt tres separati Articuli.

I. Tres Reges cavent pro pace Olivenfi, &, si quid per turbas nuperas contra illam actum esset, curabunt, ut reparetur.

Hic articulus ejusdem sit efficaciæ ac reliqui.

II. Si propter hunc Tractatum Galliæ ab Imperio denuntiaretur bellum, Reges Angliæ & Borussiae nihil ad illud contribuent, vel saltem non plus, quam debent; sed tanquam membra Imperii pacem procurabunt.

III. Casu, quo bellum esset in Germania, Galli ditionibus duorum Regum non nocebunt. Si autem contra duos Reges aliquid ab Imperio moveretur, Gallus eis assistet.

Per duos Tractatus, Viennensem, & Hannoveranum, systema Europæ plurimum est immutatum. Pars utraque certabat, plures alteri socios præripere. *Viennense* fœdus præter Status Imperii plerosque attraxit Moscoviam; *Hannoveranum*, Hollandos, Sueciam, Daniam.

Obit hoc anno 1725 *Cardinalis Saxo-Cùicus*, Archiepiscopus Strigoniensis, Principalis Commissarius per novem annos in Comitatu Ratisbonæ. In ejus locum a Cæsare successus est *Frobenius Saxo*. Princeps *Fürstenbergius*, qui ante Dignitatem Judicis in Camera Imperiali gesserat.

Maria Elisabetha soror Imperatoris hoc anno in Belgium profecta est, ut illud gubernaret. Princeps vero *Eugenius*, Gubernator ante Belgii, *Vicarius Generalis Italiæ*, id est, omnium, quas ibidem Cæsar possidebat, provinciarum, est renunciatus.

Frobenius
Commiss.
Princ.
Vic. Gub.
Belgii.
Eugen. Vicar.
Italiæ.

Art. XX.

*Fœdus Cæsaris cum Suecia & Moscovia.
Pax universalis.*

35.

Fœdus Cæs.
cum Mo-
scia.

Anno 1726 Imperator accessit Holmienſi Tractatui, novum-
que fœdus defensivum cum Suecia iniit; prout etiam cum Mosco-
via in sequentes articulos.

I. Constans utrinque sit amicitia.

II. Catharina Moscoviæ Imperatrix accedit Paci Viennensi.

III. Cæsar vero Neostadiensi & Holmienſi.

IV. Legati in aulis consilia conferant.

V. Seditioſis ſubditis ne aſſiltatur, sed potius eorum machina-
tiones fideliter detegantur.

VI. Hoſtiliter invaſæ parti pars altera 30000 armatorum ſub-
ſidio mittat.

VII. Communibus conſiliis bellum geratur.

VIII. Si classiſ ſit neceſſaria, illi ingreſſus in portus Cæsareos
patet, uti etiam in Hispanos, ſi Rex huic Tractatui ſit acceſſurus.

IX. Polonia ad hoc fœdus invitetur.

X. Et ſi illa nolle, Rex tanquam Elektor Saxonæ invitetur.

XI. Utriusque opera pax inter Poloniam & Sueciam concilietur.

XII. Ratione Ducatus Schleſvicensis Cæſar iis conſentit, quæ
in pace Travendalenſi continentur, & ſpeciali tranſactione partium.

XIII. Qui voluerint, intra annum huic tractatui accedant.

XIV. Intra tres menſes ratificationes Viennæ commutentur.

Obiit Elecl.
Bavarie,

Obiit anno 1726 *Maximilianus Emanuel Elektor Bavarie*, utram-
que, ſi quis alius, fortunam expertus: in utraque heros magna-
nimus ſibiſque conſtans.

Junioribus annis grandia bellicæ fortitudinis exempla dedit.
In Hungaria adverſus Turcas, cujus Buda & Belgradum expugna-
tæ ſunt argumentum.

Ex prima conjuge Maria Antonia, Leopoldi Cæsaris Filia, ge-
nuit Joſephum Ferdinandum, coronæ Hispanicæ deſtinatum: ex
altera Joannis *Sobieski* Poloniæ Regis filia, Carolum Albertum, po-
ſtea Cæsarem, Ferdinandum, Clementem, Theodorum, ad ſummas
Dignitates eveſtos. Obiit magnus hic Princeps anno ætatis 64, æ-
terna dignus memoria.

Obiit

Obiit hoc anno pariter *Sophia Dorothea*, mater Georgii II Regis Angliæ, quam Georgius I repudiavit. Vixitque adhuc 32 annos repudiata. *Max. Wilhelmus* frater ejusdem Georgii I Catholicam Religionem amplexus Viennæ decessit, testamento sua bona in pias causas convertit, fundata pro infirmis belli officialibus domo &c. Et *Sophia Dorothea*, repud. Georg. I. Et hujus frater *Max. Wilh. Cath.* Odium inter *Luth. & Calv.*

Tantum erat *Lutheranos* inter & *Calvinistas* odium, eaque in doctrina discordia, ut Rex Borussiae severe prohiberet, ne quis suorum subditorum Wittenbergæ studiis operam daret.

Cum per duos jam annos omnis prope Europa abiisset in partes, vel Viennense vel Hannoveranum fœdus amplexa, ac proin universale bellum esset timendum, *Congressus Aquisgranum* fuerat indictus. Sed cum negotium parum procederet, anno 1727 a legatis Cæsareis, Gallicis, Anglicis, Hollandicis sequentibus 12 Præliminaribus articulis Parisiis subscriptum fuit.

I. Cum Cæsar videat, *Ostendani* Commertium apud vicinas Nationes æmulationem & turbas excitare, quietis in Europa conservandæ gratia consentit, ut ad septem annos illud suspendatur. *Præliminaria pacis universalis Parisiis inita.*

II. Omnia, quæ contrahentes vi pacis Ultrajectensis, Badensis, & quadruplicis Fœderis, aut aliorum ante annum 1725 initorum contractuum (qui Cæsarem aut Hollandos non concernunt) tanquam propria possederunt, iis salva maneant. Si quæ autem mutata, aut necdum executioni fuissent data, in proximo generali congressu erunt ordinanda. *Susp. Commert. Ostend.*

III. Galli, Angli, Batavi fruantur omnibus privilegiis & libertate commerciorum in Hispania & Indiis, quibus vigore Tractatum ante annum 1725 sunt gavise.

IV. In Borealibus regnis & provinciis pax & quies a fœderatis eorum procuretur.

V. Cesset omnis hostilitas. *Naves Ostendans*, in Indias jam dimissa, nulla molestia afficiantur, & abrepta cum omnibus mercibus restituantur. Similiter classes Hispanæ secure eant & redeant. Angli ab obsidione Portus Belli, aliorumque portuum Hispanorum infestatione abstant, & Hosterus copias in Angliam reducat.

VI. Hæc cessatio hostilitatis duret, quamdiu suspensio navigationis Ostendaniæ, ut interea jura possint examinari, & pax universalis constitui.

VII. Damna, quæ interea inferentur, sunt reparanda.

VIII. Intra

VIII. Intra 4 menses a subscriptione horum articulorum initium detur *Congressui Aquisgranensi*, in quo singulorum jura discutiantur, & pax universalis componatur.

IX. Singuli legati comitatum duobus Nobilibus, duobus ephelis, & sex famulis circumscribant.

X. Ut evitentur molestiæ, circa prioritatem loci oriri solitæ, nulla ceremonialia observentur. Protestari tamen licitum esto.

XI. Jubeantur legati negotium maturare.

XII. Intra duos menses articuli isti ratificentur.

Actum Parisius 31 Maji 1727.

Obiit Rex
Angliæ.

Has inter curas, dum *Georgius I Rex Angliæ* ad Hannoveranas suas provincias proficisceretur, in via morbo correptus Osnabrugæ extinctus est: Princeps magno animo, & artibus politicis probe imbutus. 1708 Introductus in Collegium Electorum, Rex Angliæ 1714, ob Sophiam matrem. Duxit Sophiam Dorotheam, patruelem suam, quam post natum Georg. II repudiavit.

Obiit quoque Comes *Harracbius Archiepiscopus Salisburgensis*, cui successit *Firminianus*.

Memorabilis comprimis est obitus Comitis *Metternichii*, Electoris Brandenburgici ad Comitatus Ratisbonensis legati; qui, dum conversio & mortem imminere sentiret, *Catholicam Religionem* amplexus est Ratisbonæ, exemplo suo demonstrans, in qua fide sit tutius mori.

Art. XXI.

Gesta anni 1728.

36.
Cæsar peragravit suas provincias.

Anno 1728 Carolus VI Imperator, hæreditarias suas provincias, *bonagium recepturus*, cum Imperatrice, & filia Maria Theresia, atque Francisco Stephano, Duce Lotharingæ & præcipuo aulæ comitatu, invisit. Vienna Neostadium, Gracium, Clagenfurtum, Labacum, Tergestum abiit, ubique magno cum apparatu exceptus in Styria, Carinthia, Carniola, Istria. Placuerunt hic comprimis portus Tergesti, Fluminis, Buccari, a *Teichmanno*, natione Dano, ad omnem navium & commerciorum opportunitatem, adaptati. *Gradiſcam* post extinctam Domum Eggenbergicam ad se devolutam *Straſoldum* misit, sacramentum fidei suo nomine susceptrum.

Ratis-

Ratisbonæ inter legatos ventilabatur adhuc lis de nomine & Officio Imperiali Electoris Hannoverani. Statuit quidem Cæsar, ut Elector Palatinus avitam Dignitatem Archiepiscopatus reciperet: sed pro Hannoverano varii proponebantur tituli; sed de nullo conveniri poterat.

Quia etiam sæpius controversiæ inter Principes oriebantur de prioritatis loci, decrevit Imperator, 1. Ut illi, qui sessione & voto in Comitibus fruuntur, omnes alios Principes, licet antiquiores sint, antecedant. 2. Ut inter illos non attendatur antiquitas Principalis tituli, sed obtenti voti & sessionis. 3. Ut Principes, qui non habent sessionem & votum, incedant secundum antiquitatem obtenti tituli Principalis, sive sint Principes regnantes, sive nati juniores, ita, ut hi præcedant etiam regnantibus Principibus, si familia eorum serius in numerum Principum fuit relata. 4. Idem ordo servetur inter Principes feminas. 5. Principes viduæ cedant regnantibus. 6. Præcedant tamen non regnantibus.

Ordo prioritatis inter Principes.

Cum novo Archiepiscopatu Viennensi bene multæ parochiæ aliæque Ecclesiæ, quæ ad Episcopatum *Passaviensem* pertinerant, Diocesi adjicerentur, is querelam ad Papam & Comitibus Ratisbonensibus de *Passav. exempta*, verum cum a Pontifice tota ipsius Diocesis pronuntiaretur *empta*, & *Passium* ipsi mitteretur, Cæsaris voluntati adquevit.

Cæsar varia aulæ & militiæ officia distribuit. Inter alia Bertholdum, Abbatem *Meliciensem*, Pro-Episcopum Viennensem, & Consiliarium suum Intimum esse voluit. Baroni *Kettlero* vigiliarum Præfecto legionem Arnani, & Præfecturam *Brisacensem* contulit; *Wurmbrandto* vero legionem *Herbersteiniam*.

Obiit Baro *Bentenwiderus*, anno æt. 50, legatione ad congressum Londinensem & Cameracensem clarus.

Suspensa Ostendana navigatione Cæsar ad alia emporia sua traduxit commercia, ad *Istria* nempe, *Neapolin* & *Siciliam*, ita quidem, ut *Messinæ* & *Constantinopoli* haberet curias mercato-
rias, atque in Adriatico & Mediterraneo 12 naves bellicas, 24 triremes, aliasque pro commerciis permultas, cura & industria *Teichmanni* fabricatas, obliquis licet limisque oculis id aspicientibus Venetis, Anglis, Hollandis, qui nolunt in Germaniam in-
vehiri rerum agendarum nervum.

Pro commercio mercis Italiciæ naves.

In Domo Palatino-Solisbacensi duo fratres suos conjuges amiserunt, videlicet Josephus Carolus Elisabetham Augustam, Domus Sulz-Caroli Philippi Electoris filiam; & Christianus Mariam Annam, Marchionis *Bergensis* ad *Zomam* filiam heredem, postquam ex

ea genuit Theodorum, quem avia Bergam ad Zomam educandum abduxit.

Dresda hospitem habuit Regem Borussiae; amisit vero magnum Ministrum, Comitem *Flemingium*, Viennae apoplexia tactum, cum legatione ibidem fungeretur. Dum Borussia palatium Wackerbarthi, urbis Praefecti, incoletet, noctu totum cum omnibus pretiosis confagravit.

37.
De Matrimonio
Comitis
Lippensis.

Obiit Christianus Fridericus, ex Domo Lippensi Bückeburgica vir famosus & mirabilis. Repudiavit is uxorem suam Hohenloensem, quamvis ex ea jam liberos genuisset: atque ut posset ducere Gallam, puellam Tyrolensem, Romam profectus est; ut demonstraret, matrimonium suum cum Hohenloensi fuisse invalidum, eo quod illam non aliter, ac secundum suae religionis (Calvinianae) usum separabiliter duxisset, ita, ut intentio sua non fuerit alia, nisi ut illam rursus possit repudiare. Hoc cum jurasset, matrimonio irritum declarato, Gallam duxit, magnis promissis allectam. Sed eo defuncto Hildeshemium migrare coacta est a mariti filio Alberto, qui matrem suam Hohenloensem ex Anglia, ubi morabatur, revocavit.

Observatio
de matrim.
haeret.

Profecto si Fridericus habuit intentionem absolutam & prevalentem, Hohenloensem non aliter ducendi, nisi sub conditione dissolubilitatis quoad vinculum, matrimonium erat invalidum ex defectu consensus, quem alligavit conditioni impossibili; cum indissolubilitas quoad vinculum pertineat ad substantiam matrimonii, praesertim consummati; adeoque praefacte voluit contrahere eo praecise modo, quo contrahere non potuit. Et idem dicendum de aliis acatholicorum matrimoniis; quamvis non sit praesumendum, quod adeo praefacte alligent suum consensum conditioni dissolubilitatis quoad vinculum, ut absolute & per intentionem fortiolem nolint contrahere nisi sub conditione dissolubilitatis.

Ceterum habentur quidem conditiones impossibiles, matrimonio adjectae, pro non adjectis, quia praesumantur non esse serio & absolute ita adjectae, ut consensus illis alligetur. Aliud tamen esset, si talis praesumptio elidatur per rei veritatem, & ejusmodi conditioni serio & absolute alligatus esset consensus; tunc enim matrimonium esset nullum, praesertim si conditio sit contra substantiam matrimonii, qualis est ista.

Clem. Osnab.
Epis.

Obiit *Ernestus Augustus*, Georgii I superiore anno defuncti Angliae Regis frater natus minimus, sub titulo Episcopi *Osnabrugae Administrator*; cui nihil nisi Religio & consecratio Episcopalis defuit.

Ip. ejus locum ex Catholicis, secundum introductam ibidem alterationem, a Canonicis electus est *Clemens Augustus*, Elector Coloniensis, Pfortenbergio negotium urgente.

Firminus Archiepiscopus Salisburgensis querelam Ratisbonam detulit, quod Episcopus Passaviensis Jurisdictioni suae Archiepiscopali se subtraxisset, totamque suam Diocesim ab ea exemptam fecisset, cum magno suae Ecclesiae Archiepiscopalis praedictio. Sed non legimus, aliquid propterea motum; cum haec res ad summum Pontificem pertineat, & Romano Imperio nihil fuerit detractum: (Videatur *Bulla exemptionis in Italica*.)

Obijt *Federicus* Episcopus *Carientis*; cui per electionem *Josephus Benedictus de Rost* & *Ruperto Bodmanno* in Abbatia Principali *Campidonensi*, *Abseimus Reichlinus* Baro de Meldegg successit. *Heidersheim* vero Magnus Ordinis *Melitenensis* Magister electus est *Nesselroderus*. Novae Electiones.

Art. XXII.

Gesta anni 1729.

Anno 1729 *Hispanensi Tractatu*, inter Galliam, Hispaniam, & Angliam inito, sancitum erat, ut *Carolus Hispaniae Princeps* quantocius cum sex *Hispanorum milibus* in Italiam trajiciat, munitis *Florentiae* & *Parmae* locis imponendis. Indigne tulit *Caesar*, se clam de Imperii fœdis, & quidem viventibus adhuc ducatum illorum possessoribus, contra Art. V Quadruplicis Fœderis, & VI Pacis Viennensis, disponi. Quare, missis in Italiam copiis, ad impediendam trajectionem illam impigre se parabat: prout ad annum sequentem referetur. 38. Caesar in Italiam mittit copias: Et quare.

Ad sanctius arcanum consilium astiti *Eberhardus Comes Solmenis*, *Antonius Stahrenbergius*, *Rudolphus Sinzendorffius*, *Sigismundus de Turri* & *Valsassina*, *Michael Imperialis Princeps de Francavilla*. Camerarii autem renuntiati sunt 59 ex Illustribus omnes Familiis.

Obierunt autem ex aula Caesarea: *Joannes Bapt. Colloredo* supremus aulae Mareschallus; cui successit *Martinizius*; & *Richardus Daunius*, Consiliarius Intimus, ac reitormentariae Praefectus: *Carolus* item Comes *Bartenstennius*, ex Domo *Hohenloensi*, Cameræ Imperialis per septem annos Iudex integerrimus; cui successit *Baro Ingelheimus*.

Obit Mo:
guntinus.

Schönborn-
nil.

Ex Ecclesiasticis vero defuncti sunt 1. *Lotharius Franciscus Comes Schönbornius, Elector Moguntinus & Episcopus Bambergensis*, ætatis anno 73, Electoratus 34. Successit illico *Franciscus Ludovicus Comes Palatinus*, jam anno 1710 electus Coadjutor Moguntinus. In Electoratu Trevirensi huic successit *Franciscus Georgius Schönbornius*, Præpositus Trevirensis, nepos defuncti Lotharii. Alter vero ejusdem nepos *Fridericus Carolus*, Vice- Cancellarius Imperii, jam ante electus Coadjutor Bambergensis, successit patruo in hoc Episcopatu.

2. Obiit Christophorus Franciscus *Huttenus, Episcopus Herbipolensis*, 510. anno Episcopatus. In ejus locum electus est idem *Fridericus Carolus Schönbornius*. Qui tamen, quamvis esset Episcopus Bambergensis, & Herbipolensis, atque Dux Franconiae, retinuit adhuc tribus annis munus Procancellarii Imperii, quod alias incompatible videbatur.

39.
Ordo Eque-
stris S. Ge-
org. in Bav.

Carolus Albertus Elector Bavariae cum approbatione summi Pontificis instituit Monachii *Ordinem Equestrem S. Georgii*, ad defendendam *Immaculatam Conceptionem B. V. M.* in eumque non alios suscipi voluit, atque antiquae & præcipuae nobilitatis viros. Symbolum illius: *In Fide, Justitia, & Fortitudine.*

Equites.

Magnus Ordinis *Magister* erat ipse serenissimus Elector. *Magni Priores* 1. Carolus Maximilianus Josephus, Princeps Electoralis. 2. Ejus frater Josephus Ludovicus. 3. Ferdinandus Electoris frater. *Magni Crucis Commendatores* 1. Maximilianus, Ferdinandi Ducis filius. 2. Clemens ejus frater. 3. Comes de Thierheim Consiliarius Intimus, supremus Camerae Praefectus. 4. Maximilianus Comes de Preising, supremus stabuli Praefectus. 5. Comes de Rechberg, supremus rei venatoriae Praefectus, Campi Marefchallus. 6. Comes Törting de Jettenbach, rei tormentariae, & supremus vigiliarum Praefectus.

Commendatores, Felix Preisingius. Königseckius in Aulendorff. Seinsheimius. Tauffkirchius Gubernator Ingolstadtensis. Freybergius. Baro de Clofen. Fuggerus de Zünneberg.

Equites, Piosasquius. Neuhausius. Josephus Preisingius. Maximilianus Törting de Falckenstein. Sazenhofius. Jos. Neuhausius. Hi omnes festo S. Georgii, Electore Colonienfi in aede B. V. sollemniter sacris operante, creati sunt.

Festo dein Immaculae Conceptionis facta nova promotio, nominatque: Magnus Crucis Commendator Princeps Hohenzollerano-Sigmaringanus. Commendatores alii: Jos. Tauffkirchius.

Gum-

Gumpenbergius. Seinsheimius. Guido Tauffkirchius. Comes Spreti. Hundius de Lauterbach. Törring de Seefeld. Seyboldstorffius. Haslangus. Thürheimius.

Eodem anno incendium incomparabili Monacensi palatio gravissimum damnum attulit.

Causa *Zwingenbergica* non parum molestiæ Aulæ Palatinæ fecit. *Causa Zwingenbergica*
Zwingenberga, urbs, castrum & 10 pagorum Præfectura, olim ad Hirschhorniorum familiam, anno 1632 quoad masculos extinctam, pertinuit. Ultra 100 annos dein Göhleri & Wiseri de successione litigabant, juri sanguinis utrique innixi. Illos Cæsar, hos Elector Palatinus protexit. Wiserus tandem per sententiam possessione motus, & Göhlerus in eam est introductus. Sed Elector arcem præsidio suo occupatam tenuit, superioritatem territorialem, & Jurisdictionem criminalem, quam *centenam* vocant (das Cent-*Gericht*) prætendit, atque ut Wiseri sumptus, in litem facti, compensarentur. Baro Göhlerus autem, actis typo impressis, querelam ad Comitatus Ratisbonensia, ipsamque adeo aulam Cæsaream propterea detulit. Elector præsidium ex arce quidem deduxit. Reliqua autem adhuc suspensa manebant.

Ex Domo Palatino. *Sulzbacensi* magno cum dolore totius serenissimæ Familix conjugem suam ad æternitatem secutus est *Josephus* *Dux Sultze*
Carolus Emmanuel, 35 ætatis anno, vivo adhuc patre Theodoro, *bac.*
ex Elisabetha Augusta, Electoris Caroli filia suscepit duos filios, præmatura morte abreptos; reliquit vero tres Filias, de quibus deinceps frequens occurret mentio. Solabatur mœstam Domum Christianus defuncti frater, hujusque filius Theodorus, in spes magnas quinque abhinc annis genitus.

Cum Carolus Leopoldus, Dux *Mechlenburgicus*, cum subditis *Administra-*
suis diuturna jam discordia collisus, Executioni Cæsareæ se nollet *tio Mechlen-*
subjicere, *Christiano* ejus fratri commissa est *Administratio* Ducatus. *burgica.*
Verum Leopoldi amici quæstionem Ratisbonæ movebant, an possit Cæsar, non consultis Statibus Imperii, Principem, provinciis suis privare? sed responsum fuit, Mechlenburgicum nec fuisse privatum dominio, sed administratione duntaxat, neque voce activa nec passiva in Comitibus Imperii. Cæsarem autem posse Statum inobedientem coercere, & ejus ditiones administrandas interim alteri, præsertim proximo Agnato, provisionaliter committere. Sed executores petebant refusionem sumptuum, qui supra millionem Thalerorum ascendebant, non excessuri provincia, donec hæc debita fuissent expuncta. Cæterum hoc anno *Suerius* totum Ministerium extin-

extinctum est; & quidem Schumannus Superintendens in ipsa cathedra, dum concionaretur, repente mortuus concidit.

Causa Fri-
siae Orient.
præsertim
Embdenæ.

In *Frisia Orientali* subditi adversus Principem suum insurrexerant, præsertim *Embdenæ*. Missa commissio Cæsarea. Sed nec isti civitas parebat. Unde bona illius sequestro sunt commissa. Hollandi, qui non modicam pecuniæ vim provinciae & comprimis *Embdenæ* mutuum dederant, præsidium militare jam in turris prioris sæculi eam in urbem introduxerant, atque Commissioni se opposcentes, causam primum Sueffionem ad Congressum deferrebant, dein vero Tractatui Hispanensi accedentes, a tribus coronis promissionem satisfactionis sunt stipulati. Sed respondit Cæsar, se nihil aliud egisse, quam id, quod ratio supremi in Imperio Judicis exigeret. *Embdenam*, sicut totam *Frisiam Orientalem*, ad Imperium pertinere: *Hollandicum præsidium* sine Imperatoris & Imperii consensu, fuisse introductum. Cæsaris esse, contumaces adversus Dominos suos subditos ad officium adigere, & pacem conservare.

Art. XXIII.

*De Tractatu Hispanensi lis in Comitibus Imperii. Causæ
Senensis, & Königssteinensis in puncto
substitutionis.*

40.

Anno 1730 Comitibus Imperii Ratisbonensibus non parum negotii injecti *Tractatus Hispanensis*, quo Cæsar suam auctoritatem & Imperii jura laesa credidit, quod tres coronæ se præterito de feudis Imperii disponerent; hinc per *Frobenium* Principem *Fürstenbergum*, Principalem suum Commissarium, *Decretum Commissorium* Statibus proposuit.

Comitibus
proponitur
querela con-
tra Tract.
Hisp. quo
6000 Hisp.
fruntesban-
tur.

Memorat in hoc Princeps, quanta sollicitudine statim post pacem *Badensem* in id curam Cæsar intenderit, ut etiam cum *Hispania* pax conficeretur; eum in finem accessisse Tractatui, anno 1718 *Londini* concepto, & a *Gallia* & *Hispania* acceptato (*Quadruplex* videlicet *Fæderi*) formatumque desuper anno 1722 *Recessum* Imperii, nihilque omissum, quo *Europæ* quies tandem redderetur, etiam cum propriæ Domus detrimento.

Missos propterea magnis sumptibus *Cameracum* Legatos. Traditas litteras expectativas, pro *Carolo* Principe *Hispaniæ*, eventuales ejus Investituram in *Florentiæ* & *Parmæ* Ducatibus, contingentes. Initam, cum *Cameraci* nihil concluderetur, anno 1725.

cum

cum Hispania pacem *Viennensem*, in quadruplo fœdere fundatam. Expedita anno 1728 ad Commissarium Plenipotentiarium Italiæ Cæsareæ executionis & immisionis Decreta in casum mortis eorum, qui Ducatus illos possident, ut adeo post tot liberalis amicitiae signa nemo suspicari potuisset ea in re novationem.

Nihilominus tamen contra omnem expectationem prodixit clancularium trium coronarum Tractatum Hispanensem, quo contra priores conventiones, de manifestis Imperii feudis tanquam re sua propria disposuissent, quin consensum Domini Directi, in quadruplo fœdere expressim reservatum, requirerent.

Adhæc eosdem Tractatus Hispanensis conditores in domestica Imperii se miscuisse, uti in causam Frisiæ Orientalis, & quidem se obligando; in causam subfeudi Senensis, cum despectu Imperatoris & Imperii; contra omnia jura.

Cum autem Majestas sua Cæsarea Romanum Imperium Nationis Germanicæ necdum in eum statum redactum existimet, ut talia decussatis veluti brachiis sufferre debeat, a Statibus Imperii expectari resolutionem, vindicandis Imperii juribus, & authoritati Cæsareæ opportunam.

Præiisse Imperatorem exemplo, & aliquot Legiones misisse in Italiam, non, ut cuiquam vim inferant, sed ut jura Imperii & tractatus intos, cum modernis possessoribus, contra quemcunque aggressorem defendant. Expectari proin ab Ordinibus Imperii, ut omnem in eam rem opem sint collaturi.

Adjunctæ fuerunt complurium Instrumentorum copiae, puta, articulus V Tractatus Londinensis 1718, litteræ eventualis Investituræ de Florentia & Parma, datæ Carolo Principi 1723, Reversales Philippii V super his feudis 1724, sponsio Regis Angliæ & Galliæ de hac re 1724, Articulus IV pacis Viennensis 1725, Potestas a Cæsare collata Borromæo, in casum mortis Ducum, nomine Caroli Principis capiendi possessionem Ducatum 1728, litteræ Cæsaris ad Magnam Ducissam viduam, ne post mortem fratris Carolum a capienda possessione impediatur 1728, Litteræ ad Senatum & subditos Florentiæ, ut post mortem Gastonis pro Domino suo agnoscant Carolum, 1728, Litteræ Cæsaris ad Daunium, Mediolani Gubernatorem, ut in eventum introducat Carolum, militari etiam, si opus sit, manu, Extractus Conventionis Hispanensis.

Paulo post prodierunt observationes pro hoc Decreto Commissorio; quibus auctor incognitus ostendere intendit, Tractatu Scripta pro Hispanensi contineri res, Recessui Imperii de anno 1722 omnino Decreto con-

Commissio-
no.

contrarias. Itum contra tractatus priores initos & pacta publica, in re magni momenti, quæ concernat successiones Principum. Si nullæ essent mutationes factæ per tractatum Hispalensem, cur Rex Hispaniæ tantopere urgeret ejusdem executionem? concludit denique, provide actum a Cæsare, quod hoc negotium ad Comitatus de-
tulerit, & in eventum aggressionis auxilia Imperii petierit, cum causa hæc non sit propria Domus Austriacæ, sed toti Imperio communis. Promissam eventualem successionem cæsari posse, & Vicarium constitui, atque proventus ad utilitatem Imperii applicari.

Contrahend.

Contra vero prodit Ratisbonæ adversus Decretum Commissio-
rium aliud scriptum lingua Gallica, quod *Chovignius* Legatus Gal-
liæ, ejusdem Auctor, inter Legatos distribuit, quo Hispalenses
contrahentes defendebantur. Negabat tractatum Londinensem per
Hispalensem fuisse mutatum. Id unum actum dicebat, ut, quæ in
illo fuerant disposita, per hunc magis firmarentur. Cæsarem pa-
rum fuisse sollicitum, ut eventualis Caroli successio provisionaliter
stabiliretur, quamvis propterea ei cessa fuerit Sicilia. Extorquen-
das fuisse eventualis Infeudationis litteras. In Londinensi tractatu
non fuisse expressum, quid circa assecurationem successionis aut
introductionem Caroli fieri oporteat. Imperium in Recessu 1725
negotium præsidii Florentini pro re indifferente habuisse. Cæsarem
in articulo V pacis Viennensis recessisse ab articulo V tractatus Londi-
nensis, nihilominus Imperium eidem censuisse conformem. Sic etiam
Hispalenses, cum nulla substantialis mutatio sit facta, non cen-
suisse necessarium novum consensum Imperii: sed unice Carolum
in jure jam quæsito (per Hispanum præsidium) assecurare & fir-
mare voluisse.

Cæsarem fuisse requisitum, ut ultimam operi manum imponat,
testes esse Legatos trium Regum, Cæsarem invitare iustos, cum
fiducia, quod is, si opus videretur, Statibus negotium esset com-
municaturus. Imperatorem ipsum Seviliensibus fœderatis hanc
viam indiguisse. Nec quidquam moturum fuisse, si certæ condi-
tiones, Domum ipsius contingentes, fuissent addictæ.

Non verti commodum Imperii; & modernos possessores Du-
catum vigore Londinensis tractatus fuisse obligatos, præsidia re-
cipere. Obligationem feudalem ad certum casum restringi. Hispa-
lensem tractatum eo tendere, ut priores conventiones & pacta
impleantur: quæritque, an per præviam Cæsarei militis introdu-
ctionem secure provisum foret? Badenam pacem non fuisse imple-
tanti;

tam: Electorum etiam propositionem circa Mantuam, & alia Imperii feuda Italica, effectu caruisse.

Galliam circa causam Frisiæ Orientalis & Mechlenburgicam nihil aliud desiderare, quam id, quod singuli Status, & Imperator ipse optare debeat; nec derogatum propterea Cæsaris auctoritati aut juribus Imperii, quod tertio cautum esset de suis juribus. Viderent proin Ordines, quid sibi faciendum existiment, an propter dissidentiam, non fundatam, & circumstantiam levem, nemini nocivam, periculo se committere debeant. Hoc certum, Hispalensibus fœderatis nunquam eam fuisse mentem, ut quidquam contra Cæsaris aut Imperii jura statuerent, sed eo unice collatum, ut pax duratura comparetur. Scriptum hoc confutatum rursus fuit per alias observationes impressas, ostenditque auctor inter alia, quam indigne objiciatur cessio Siciliæ, Cæsaris armis parta, & adhuc cum Sardinia commutata; quam leve hoc sit pretium pro tot regnis Domus Austriacæ, cessis Borbonicæ.

Addit, articulum V quadrupli fœderis per consensum Statuum & approbationem Cæsaris transiisse in legem Imperii, a qua neutra pars sine altera possit recedere, nec Hispalenses fœderatos salva fide data; quidquid isti per secretum Articulum inter se conclusissent.

Agitata etiam in Comitibus est *Senensis Controversia*. Nam Imperator Ducem Florentiæ monuerat, ut ratione Senarum Investituram 41. *Causa Senensis* petat. Hoc Galliæ & Hispaniæ Ministris visum est cum quadruplo fœdere pugnare, vi. cujus in Etruria omnia interim in statu quo essent relinquenda. Unde id a Chaulino Sigillifero Galliæ, & a Pazio, Secretario status Hispaniæ, Kinskio & Königseckio Cæsareis Legatis, ceu attentatum, objectum est. Cum autem plures Status Imperii informationem peterent, quænam esset hujus subfeudi conditio, Aula Cæsarea hanc dedit.

Carolus IV Imperatorem equidem anno 1347 *Urbi Senensi* Historia *Vicariatum Imperii hujus civitatis*, & regionis, ad illam pertinentis, causa. largitum esse, sed a Carolo V in pœnam rebellionis rursus illo fuisse privatam, atque anno 1554 Philippo II filio fuisse collatum, cum clausula, ut ejus filii & descendentes, secundum ordinem primogenituræ perpetuo sint Vicarii Imperii hujus urbis.

Anno 1556 eundem Imperatorem filio suo dedisse potestatem, ut etiam tertium subinfeudare possit. Cum hoc jure Philippum III, IV, Carolum II, a Rudolobo II, Ferdinando II, III, & Leopoldo fuisse infeudatos sub prædicta clausula.

Pars X.

K

VI

Jus in feo-
dandi perti-
nere ad Im-
peratorem,
jus subinfea-
dandi ad
Archiduces.

Vi hujus juris a Philippo II 1557 Cosmum II Florentiæ Ducem fuisse subinfeudatum cum masculis suis descenditibus, Portu Herculis, Orbitello, Argentaro, Telamone ad Senensem Vicariatum pertinentibus sibi reservatis.

Hoc porro jus subinfeudandi per mortem Caroli II ad Leopoldum, Josephum, Carolum VI Imperatores fuisse devolutum, & ab isto anno 1712 fuisse exercitum, dum Cosmum IV subinvestivit. Cum vero hic 1723 obiisset, Joannem Gastonem ejus filium Investituram a Carolo VI petiisse. At Regem Hispaniæ per P. Ascanium, suum Florentiæ Ministrum, se opposuisse, eo quod hoc subinfeudandi jus ejus antecessoribus, Hispaniæ Regibus, fuisset collatum. Cosmum III autem anno 1712 fuisse investitum a Carolo, non qua Imperatore, sed quatenus tunc adhuc Regem Hispaniæ se dixisset. Postquam autem Carolus anno 1725 Hispaniæ renuntiasset, hoc jus ad Regem Hispaniæ Philippum V indubitato fuisse devolutum.

Quamvis autem Dux Gasto hanc Philippi V prætensionem confutasset, censuisse nihilominus P. Ascanium, hanc causam ad Congressum Cameracensem deferendam. Galliam & Angliam judicasse, hoc jus ad neminem, nisi Imperatorem pertinere.

Hoc explorati juris esse, jus infeudandi spectare ad Cæsarem, cum Carolus V Senarum Vicariatum filio suo in feudum Imperii dederit, illudque sequentes Hispaniæ Reges ut tale agnoverint, & propterea singuli ab Imperatore confirmationem illius & Investituram petierint; cum ergo Philippus V id non fecerit, etiam si jus aliquod habuisset ad feudum, ac proin etiam jus subinfeudandi amisisset, dum non infeudatus ab Imperatore, Cosmum III defuncto subinvestiverit, & filium ejus subinvestire sit conatus.

Accedere, quod, sicut Imperator viquadupli fœderis renuntiavit Hispaniæ & Indiis, sic Philippus Rex Hispaniæ renuntiavit non modo Italiæ; sed omnibus etiam juribus, a Regibus Hispaniæ ibidem possessis (excepto ad tempus Portu Longo) ut adeo, licet hic Vicariatus ad Principes Andegavenses per mortem Caroli II fuisset devolutus, per eam renuntiationem fuisset omnino jus omne extinctum.

Denique omnes Imperii Vicariatus, etiam Italicos ex sua natura feuda esse masculina, Regalia ac recta, ut ex Sabaudico, Mantuano &c. constat, in quibus fœminæ, earumque descendentes non possint succedere; sed ea, extinctis masculis, Imperatori & Imperio aperiri; ac proin nullo titulo Senensem Vicariatum, seu-
dum

dom Imperii, Domui Andegavensi competere, consequenter neque jus subinfeudandi. Ita quidem Viennensis informatio; quam eruditionis gratia referre volui.

Carolus VI Imperator, commercia in Istria ad maiorem adhuc florem perducturus, celebres *Tergesti nundinas* anno 1730 instituit. Tergestinus
tui curavit, remissis vestigalibus, per terras hereditarias. Frequens Nundina.
igitur mercatorum multitudo ex Germania, Italia, Turcia ibidem
convenerat. Idem sua liberalitate *Monasterium Neoburgense*, duobus
milliaribus Viennæ distans, vetustate jam squalidum, construxit. Mon. Neob.
Fundatum illud fuerat a S. Leopoldo, atque in eo cum Agnete
Conjuge pluribusque Marchionibus Austriæ sepultus est. Quod
proin Aula Cæsarea non raro, præsertim die S. Leopoldo sacra, pia
peregrinatione solet invisere.

Rex Poloniæ, Elector Saxonix, splendida hoc anno *castra*, ad
omnem magnificentiam & ostentationem ingentibus impensis laud-
procul Mühlberga exornavit. Accurrit ad hoc spectaculum Indi. Castra Mühl-
crum non modo omnis late vicinia, sed cum Rege Borussia multi bergentia.
per Europam Principes. Longum foret enarrare exercitia mili-
tari, festivos ignes, comædias, spectacula super Albim exhibita,
venationes, mensarum, conviviorum, vestium &c. apparatus.
Risit, credo, Rex Borussia, dum spectavit. Accessit novus pons,
qui novam Dresdam cum Veteri committit. Huic nullum in orbe
parem existimant Saxones.

Celebrabant etiam Lutherani alterum sæculum *Confessionis Aug.* Jubilæum
flana, Carolo V porrectæ. Sed tria sunt, propter quæ luctum po- C. A.
tius debebant inducere. 1 Quod primum ante duo sæcula sit nata.
2 Ab Imperatore rejecta. 3 Iterum mortua; solo nomine relicto.

Causa Königsteinensis, jam a ducentis prope annis Moguntinam
inter Ecclesiâ, & Stolbergenfes Comites agitata, hoc anno in
Judicio Aulico sudabat. Comitatus Königsteinensis, haud procul
Francosurto ad Moenum situs, ad Comites olim Münzenbergicos,
jam anno 1255 extinctos, pertinuerat. Inde ad Falkensteinios &
Epsteinios est devolutus. Eberhardus ultimus hujus familiæ, cum
liberis careret, testamento 1535 Ludovicum sororis suæ filium, Causa substit-
Stolbergium Comitem hæredem instituit, substitutis Philippo & Ch-
stophoro, Ludovici fratribus. tutionis.

Ludovicus igitur Stolbergius capta possessione 1548 a Carolo
V Investituram obtinuit. Cum autem 1574 sine liberis decederet, suc-
cessit frater Christophorus, hæres substitutus; ille quoque 1581
sine liberis obiit. Tum vero, cum tam institutus, quam duo sub-

stituti fratres sine liberis decessissent, quartus eorum frater succedere voluit, qui nec institutus, nec substitutus erat.

At vero Daniel, Elector Moguntinus, cui jam anno 1557 Maximilianus II in casum apertionis Comitatum promiserat, feudi jam aperti possessionem adiit: Stolbergensibus causam ad Judicium Aulicum deferentibus. Transfatione tunc inita, Elector trecenta florenorum millia obtulit.

Sed Christophorus Junior, in cujus minori ætate hæc acta sunt, cum majorem ætatem adeptus, sui juris factus esset, ultra dimidium se læsum, & terminos solutionis non observatos, questus, stare transfatione nolens, causam ad Ducem Württembergæ seu Judicem Austregalem per modum reconventionis detulit, anno 1616. Interveniens dein tricennali bello, Sueci arcem Königsteiniam & regionem occupatam Stolbergio tradiderunt; Cæsarei vero recuperatam Electori. Agitatum fuit dein negotium in pace Westphalica, & iterum in Judicio Aulico, hoc præsertim anno, jussu Electore intra sex mensium terminum respondere.

Art. XXIV.

Nova pacificatio seu Tractatus Viennensis cum Anglia. Navigatio Ostendana tollitur. Sanctio Pragmatica ab Anglo & Hispano acceptatur. In Comitibus de illa dissensio.

Amicitia
Tractatus
inter Cæsarem & Anglum.

Superiore anno negotium immissionis sex millium Hispanorum in Ducatus Tusciæ & Parmæ bellum cum Hispanensibus contrahentibus attracturum videbatur, atque propterea complures Cæsareæ Legiones in Italiam jam missæ fuerant, ut Hispanos aditu prohiberent; at anno sequenti 1731 rursus mutata est rerum scena; cum Rex Angliæ per *Robinsonum* Viennæ *Amicitia tractatum* iniit cum Cæsare, invitatis etiam Ordinibus fœderati Belgii, ut eidem accederent.

1. Statuitur in illo, ut perpetua sit amicitia, inter Imperatorem, Regem Angliæ, & Hollandos; simulque omnes priores conventiones confirmantur, exceptis iis, quæ hic mutantur. Cavent sibi mutuo de omnibus, quæ possident.

Angliæ spondet pro
Sanct.
Pragm.

2. Angliæ & Hollandia cavent spondentque defensionem *Sanctionis Pragmaticæ*, prout eam de ordine successionis Cæsaris in omnibus hæreditariis suis provinciis anno 1713 publicavit.

3. Con-

3. Contra vero Cæsar consentit in pacificam introductionem 6000 Hispanorum in Ducatus Florentiæ, Parmæ, & Placentiæ, in bonum Caroli Infantis Hispaniæ; promittitque intra duos menses consensum Imperii promovere. Cæsar consentit in Introductionem 6000 Hisp.

4. Omnes articuli adeo firmi maneant, ut nulli parti ab illis vel minimum recedere liceat.

5. Promittit Cæsar, omne commercium & navigationem in Indiam Orientalem toto Belgio in perpetuum tollere, ut etiam in aliis locis, quæ tempore Caroli II ad Hispaniæ coronam spectabant, ita tamen, ut Ostendana societati duas adhuc naves semel in Indiam mittere liceat. Ostend. commerc. tollit. Compaciscentes vero promittunt, commerciorum tractatum pro Belgio Austriaco Antverpiæ cum Imperatore erigere.

6. Tractatus cum aliis Principibus sint salvi, in quantum huic non sunt contrarii: omnesque controversiæ pacifice componantur.

7. Angli & Hollandi, in Sicilia negotiantes, tractentur, sicut tempore Caroli II, & sicut inter amicas Nationes consuetum est.

8. Hoc tractatu comprehendantur, qui intra 6 menses communi consensu nominabuntur.

9. Intra sex hebdomades ratificationes commutentur.

Actum Vienna 16 Martii 1731.

Subscripserunt

*Princeps Eugenius de Sabaudia.
Phil. Lud. Comes de Sinzendorff.
Gundacar. Comes de Stahrenberg.
Thomas Robinson.*

Additæ sunt aliquot observationes, uti 1, articulum primum de cautione & assistentia non esse intelligendum de casu belli Turci; volunt igitur Angli & Hollandi assistere Cæsari & ejus successoribus contra Christianos Principes, sed non contra Turcam. Excepto casu belli Turc.

2. Noluit Cæsar consentire in introductionem Hispanorum in munita loca Florentiæ & Parmæ, nisi Angli & Hollandi declarassent, per Hispanensem tractatum non fuisse derogatum Articulo V quadrupli Fœderis, & Juribus Imperatoris atque Imperii rursus caverent.

3. Declarat Cæsar, si reliqua vidua Ducis Parmensis nullum ex eo filium pareret, se Carolum Principem in possessionem introdu-
Declaratio- nes. turum, abductis suis copiis.

4. Hispani rursus abscedant, postquam Carolus ad quietam possessionem trium Ducatum pervenerit.

5. Quamvis Minister Hollandorum ex defectu mandati subscribere non potuerit, tamen eos tanquam partem contrahentem fuisse inclusos, nec dubitari, eos pro quiete publica accessuros.

43.
Causa Fri-
sæ.

6. Ut autem certius accederent, Cæsar eis dissidentiam, quam propter *Frisiam Orientalem* conceperant, exemit, dum *Embdena* civitati & ejus adherentibus amnestiam & ablatorum restitutionem promisit, simulque, sollicitum se fore, ut *Batavis Capitale cum censibus ab Orientalibus Frisii solvantur*.

In fine hujus tractatus Viennensis subjuncta fuit Sanctio Pragmatica Cæsaris de successione: 1 Ejus filiarum. 2 Neptum. 3 Sororum. 4 Remotiorum consanguineorum, secundum ordinem primogenituræ.

Accedie Hisp.

Difficili hæc conventio Gallis, absque suo consensu inita, quod defensionem Sanctionis Pragmaticæ contineret. At acceptissimæ fuit Hispanis, cum per eam, quod optaverant, essent consecuti. Quare Rex Catholicus 6 Junii eidem accessit, cum ea tamen conditione, ut Rex Angliæ Carolum cum 6000 Hispanorum in Italiam deducat.

Et spondet
pro Sanct.
Pragm.

Quin imo *secundum Viennæ Tractatum* tres isti magni Principes inserunt, quibus conventum, 1 Ut quadruplum fœdus & pax Viennensis per hæc confirmetur, cum circumstantia sex millium, in Italiam mittendorum. *Rex Hispaniæ* acceptat *Sanctionem Pragmaticam* ejusque defensionem spondet. 2 Anglus pariter omnia denuo spondet, nominatim introductionem sex millium. 3 Curetur, ut Dux Florentiæ consentiat. 4 Cum asssecuratione, nec ipsi nec subditis fore præjudicio.

Subscriperunt, præter supra memoratos, Joan. Lud. Comes de *Königseck*, & Jacobus Dux de *Liria*.

Adjuncti sunt duo Articuli separati: 1 Promittit Rex Hispaniæ, se 6000 Hispanorum sustentaturum. 2 Si Dux Florentiæ via amabili permoveri non posset ad recipiendos Hispanos, Cæsar se non opponet, quo minus vi executio fiat.

44.
Sanctio
Pragm. Sta-
tus com-
mendatur.

Proposuit dein Cæsar Tractatus istos Comitibus Imperii, quæ illos quoad negotium Italicum acceptarunt, cum Anglia de Articulo V quadrupli fœderis seu tractatus Londinensis caverit: ac proin nullum amplius sit periculum, ne auctoritas Imperatoris aut jura Imperii lædantur.

Circa alterum autem articulum, quantum ad acceptandam Sanctionem Cæsaris Pragmaticam spectat, magnæ sunt ortæ difficultates. Ostendit Cæsar per suum Commissarium Principalem, quanti interfit Imperii, ad ejusdem defensionem, ad æquilibrium in Europa conservandum, atque ad arcendum hostem Christiani nominis, ut Domus Austriacæ, quæ sit murus Christianitatis, potentia maneat conjuncta.

Ordinem successionis statutum inniti privilegiis, sciente Imperio, jam ab aliquot sæculis obtentis, pactisque hæreditariis, accedente cautione externorum & etiam complurium Imperii Principum. Petitam Imperii sponsonem in neminis læsionem aut præjudicium cedere; sed unice ad conservationem proprii, ad emolumentum Imperii, arcendamque ejus concussionem, & avertenda pericula. Considerare proin Cæsarem, Electores, Principes & Status, ad exemplum externarum Potentiarum huic successionis ordini haud gravate communi Imperii concluso subscripturos.

Adjuncta huic Decreto commissorio fuit tum ipsa Sanctio Pragmatica, tum renuntiatio Josephinarum Archiducum, Electricum Saxoniz & Bavariz.

Missus quoque ad Electores & Principes *Kueffsteinitus* Consiliarius Intimus, ut apud eos intentionem Cæsaris promoveat. Proderunt etiam in utramque partem scripta, quæ, cum odiosa sint, ^{Opponentibus se quibusdam, n. h. d. a. Com-} non refero. Urgentibus autem licet Ministris Cæsareis, ad nullum hoc anno Imperii conclusum eventum est. Loco *Ingelheimii* Comes *Vir-* ^{busdam, n. h. d. a. Com-} *mondus Camera* Imperiali præsidere jussus. Baroni *Wensero*, Viennam eis ^{busdam, n. h. d. a. Com-} *avocato* legatus, apud Grifones suffectus est *Joannes Franciscus Co-* ^{sum.} *mes Wolckensteinius*, *Dietrichsteinius*, *Rubinius*, *Stahrenbergius*, *Uzeda*, *Salantradius*, *Waldsteinius*, in Consilium Intimum assumpti, *Harrachius Auditor Rotæ Romæ* missus a Cæsare. *Maximilianus Hasso. Casselanus*, Regis Sueciæ frater, ad militiam Cæsaream transiit. *Georgius Knorr*, Ducis *Quelferbytanl* prius Viennæ legatus, nunc creatus Consiliarius Aulicus. Comes de *Metsch* pro *Schönbornio*, donec is Viennam rediret, substitutus *Vice. Cancellarius* Imperii.

Bavariz Elector creavit 6 novos Equites S. Georgii, Notarium, *Mayrhoferum*, duos *Marhofenos*, duos *Fuggeros*. Comes *Peroussa* missus legatus *Dresdam*, Baro *Mörmannus* Viennam.

Electior

Electo Palatinus, qui novam Manhemii arcem, deportatis eo Düsseldorfio pretiosis, incolere cepit. Novos Ordinis S. Huberti Equites creavit Joannem Christianum Solisbaccensem, Joannem Principem Birkenfeldicum, ejusque fratrem Wilhelmum, Michaëlem Principem Radzivillum, Comitem Goldsteinium, Comitem Polheimium, Aule Mareschallum apud Alexandrum Episcopum Augustanum. Baro Buschius a legatione Viennensi redux, factus Secretarius Status. Bothmarus eidem Viennæ substitutus. Aule Praefectus Baro Sickingius. Comitatum Meegensem Elector Baroni Schallio donavit.

Nuptiæ Solisbacc.

Joannes Christianus Comes Palatinus *Solisbaccensis* secundis nuptiis sibi junxit Eleonoram Philippinam, Hassio-Rothemburgensem, ex aula Sardica accitam.

Tridenti obiit Antonius Dominicus Comes *Wolckensteinus*, ei-que in Episcopatu successit Antonius Dominicus Comes de *Thun*.

Art. XXV.

Transactio in causa Bipontina & Veldentina. Causa successionis Oetingana, & Rittbergenfis ob Ostfrisiā.

45.
Obiit Gustavus Samuel.

Anno 1731 ad catholicam fidem pridem conversus obiit *Gustavus Samuel*, Dux Bipontinus, nepos ex fratre Caroli Gustavi Regis Succiae, ac Ducis Bipontini. Usque ad annum 1718 Samuel tenui fortuna vivere debuit; at Carolo XII in Norvegia occiso, nulla relicta prole, Ducatum ceu proximus agnatus est consecutus. Duxit primo Leopoldi, ultimi Veldentiae Ducis, filiam; sed ea repudiata propter consanguinitatem, sibi junxit Dorotheam Hoffmanniam.

Lis de successione in Ducatu Bipont.

Cum autem nullos liberos suscepisset, acris de *successione in Ducatu Bipontino* jam pridem agitata est controversia Domum inter Electoralem & Birkenfeldiam. Elector tanquam caput familiae prioritatem Neoburgensis lineae juris sui fundamentum posuit, jus primogeniturae Rupertinae constitutione jam anno 1395 confirmatum asserens. Haec Wolfgangi abavi (a quo omnes tunc viventes Comites Palatini descendebant) testamentum opposuit, quo cautum esset, ut in his provinciis Palatinis, quae ad Electoratum non spectarent, fieret successio secundum jus commune, adeoque proximus agnatus succederet. Cum igitur tam Carolus Philippus Elector,

stor, quam Christianus III Birckenfeldensis, a Wolfsgango, communi stipite, æquali gradu, nempe quarto dissent, non posse Electorem totum Ducatum prætere. Asserebat insuper, Wolfgangum voluisse, ut juniores duæ lineæ, Bipontina & Birckenfeldensis, sibi mutuo succederent, substitutione reciproca inter eas introducta. Constitutionem Ruperti merum fuisse *projetum*, ut vocabant, nunquam in usum deductum fuisse.

Cum igitur controversia ista in litem excresceret, Imperator Ducatum Landgravi Darmstadiensi & Abbati Fuldensi in Sequestrum dedit. Europa velut in partes ivit. Protestantes magno studio assistebant Birckenfeldensi, utpote suæ religionis Principi. Catholicæ vero Electori optabant victoriam. Pars utraque proluxa deductione jura sua publice produxit.

In Sequestrum datus.

Tandem anno sequenti transactione his est dirempta, prout etiam *nissa Veldentina*, quæ inter utramque ejusdem Domus lineam controversa, ferme eisdem principiis nitebatur; nisi quod Birckenfeldensis ex testamento Wolfgangi nullum hic subsidium accersere posset, quia Veldentini Comites Palatini ex illo non descendebant, sed ex Alexandro, jam anno 1514 defuncto, communi stipite, Wolfgangi avo; a quo tamen rursus æquali gradu, id est, sexto, distabant.

Transactione autem illa conventum est, 1. Elector reservat sibi Veldentium & Lauterackium, & quæcunque de Veldentinis regionibus possidet. Cedit vero Birckenfeldensi partem suam Comitatus Lüzelsleinii & Guttenbergæ: sic tamen, ut Domus Solisbaccensis, quæ eodem jure hereditario nitebatur, dimidiam partem Comitatus Lüzelsleinii obtineret.

Transactio.

2. Veldentinum Imperiale & Circulare votum sit penes Electorem, quoad vivet. Post ejus mortem Domus Solisbaccensis & Birckenfeldensis alternent.

3. Elector agnoscit Birckenfeldensem tanquam Dacem Bipontinum Regentem, illumque ad possessionem, fructum, & homagium recipiendum admittit; Præfecturam tamen *Stadchenfem* sibi & successoribus suis in Electoratu reservat.

4. Utraque tamen pars stipulatur liberam Religionis exercitium pro locis cæsis in statu quo. Aliquam tamen exceptionem Dux facit, circa solennes in urbe processiones, portationem Venerabilis, Capellam Aulicam, & aliquos redditus Ecclesiasticos.

5. Conveniunt de appanagio, Principibus Gelbusanis, ex Bipontina linea, assignando.

6. *Causa Wildfangiatus juxta tractatum Landaviensem aliosque reguletur. Tractant dein de pactis dotalibus Sulzbacensibus, de solvendis debitis, &c. renuntiantque liti, Viennæ introductæ. Anno dein 1733 Elector & Dux propriæ manus subscriptione hanc transactionem firmarunt. Et Dux Biponte sedem fixit.*

Francisco Ludovico, Electori Moguntino, ob negotium Satisfactionis Pragmaticæ Viennam invitato, Cæsar ipse, ejusdem nepos, curru obviam processit, eumque tota aula magnifice excepit.

Bonna, ubi Elector magnificum palatium construxit, Manderscheidio in Officio Aulae Marefchalli successit Ferdinandus L. B. Plettenbergius.

Salisburgenſi in ditione ſeſta prodiit ruſtica plebecula, quæ ignorantia tenebris cæcutiens, hauſto ex libris, Ratiſbona clam illatis, veneno, varios in errores eſt abrepta. Addidit contumaciam, & refractariam ſeditionem; quam ut compeſceret Archiepiſcopus, a Cæſare ſex millia virorum obtinuit.

Quamvis autem rudes iſti homunciones ipſi neſcirent, quid crederent, nihilominus Corpus Evangelicum, quod appellant, Ratiſbonæ mox altum clamare, minari, de pace Weſt. violata ad Cæſarem queri, localem commiſſionem expoſcere; quamvis Archiepiſcopus emigrationem ipſis concederet.

Exceſſerunt autem ex ſterilibus ſuis montibus, feraciores terras quaſituri, non pauci, Proteſtantium promiſſis illeſti. Nam & Kauffburæ, & Auguſtæ, & præſertim Ratiſbonæ, ubi Gazophylacium pro ipſis erat ereſtum, liberaliter excipiebantur; in Hollandiam inde, Angliam, & Americam, ſpebus magnis ebrii, ſunt deportati.

Nec Lutherani erant, nec Calviniani ex integro, nec Catholici, ſed quantum quoddam ſectæ genus, mixtum ac varium, conſtituebant; unde, licet juſ emigrandi ipſis fuiſſet negatum, nihil habuiſſent Proteſtantes, quod de pace læſa conquererentur.

Wormatiensis etiam civitas querelam Ratiſbonam & Viennam detulit, quod Venerabile ad ægrotos publice deportaretur, contra uſum anni Normalis. Verum Franciſcus Ludovicus, Elector Moguntinus & Epicoſopus Wormatiensis, contra prætenſum hoc gravamen utrobique exceptiones ſuas oppoſuit.

Ex Domo Württembergica Religionem Catholicam amplexus Chriſtianus Ulricus; Dux Oelſenſis in Sileſia, atque hoc anno in Italiam proſectus, a Magno Florentiæ Duce cum honore ſingulari exceptus.

46.
Nova Secta
Salisburg.
rusticorum.

Ulricus Dux
Oelſenſis
converſus.

ceptus est. *Grævenzia* ab Aula Stuttgartensi dimissa, & Joannæ Conjugi ab Eberhardo Duce recepta.

Fridericus Rex Sueciæ Hassiam suam invisit. Ex *Wanfridenfi* Hassio - Rheinfelsensi linea obiit Wilhelmus sine liberis. Successit proin Christianus frater, qui *Eschwege* sedem fixerat, duxitque Mariam ex Hohenloensi Bartensteinia Familia.

Inter Electores Saxoniz & Hannoveræ, præter unionem hæreditariam, jam anno 1687 conclusam, initum est hoc anno 1731 fœdus defensivum: cujus fide indigeret hodie Saxonia.

Obiit *Augustus Wilhelmus* Dux Quelferbytanus sine liberis. Successit *Ludovicus Rudolphus*, Dux Blanckenburgicus, Imperatricis pater: atque hoc pacto Brunsvicensem, Quelferbytanum, & Blanckenburgensem Ducatus conjunxit, brevi post lineæ Beveranz eosdem relicurus. Brunsvicensia.

Carolus Leopoldus Dux *Mechlenburgicus*, de cujus cum subditis discordiis alias dictum, adhuc reluctatur Decretis Cæsareis: delata Mechlen interim Christiano fratri administratione, & subdelegata Commissio burgica ne excedere recusante, donec sumptus refunderentur. Fidebat videlicet Dux favori Aulæ Russicæ; cum Imperatricis sororem haberet conjugem, quæ ab eo separata Petroburgi degebat.

Obiit *Albertus Ernestus Princeps Oetinganus*, ultimus lineæ Aca-
tholicæ. Sed supererant tres lineæ Catholicæ, Spihlbergensis, Wal-
lersteinia & Balderana. Omnes tres volebant succedere: ex *Spihl-* 47.
bergensi Franciscus Albertus; quia erat ex prima linea Comitum, & *ganus.*
senior totius Familiæ: ex *Wallersteinia Antonius Carolus*; quia a de-
functo Principe fuerat institutus hæres, & possessionem jam cepe-
rat: ex *Balderana Crato Antonius*, qui initio testamentum acceptavit, Lis de suc-
quia in eo Wallersteiniz lineæ erat substitutus; sed deinde, cum cessione.
testamentum ut invalidum a Spihlbergensi impugnaretur, voluit,
ut hæreditas in tres æquales partes distributa, inter tres Comites
ex æquo divideretur, eo quod omnes tres æquali gradu a defun-
cto Principe distarent.

Processus igitur Judicialis, & pretiosus & diuturnus in Judicio Aulico institutus inter lineam Spihlbergensem, & Wallersteiniam. Illa ad unionem hæreditariam, anno 1522 initam, se referebat, vi cujus bona immobilia, a defuncto relicta, tanquam fideicommissa Familiæ sint consideranda; de quibus proin Princeps defunctus non potuerit libere disponere, præterito seniore & primogenito totius Familiæ. At Judicium Aulicum, relicto Wallersteinio in possessorio, Spihlbergensem ad petitorium magis probandum remi-

Wallerstei-
nio confir-
matur posses-
sio.

fit, quod potestas testandi de bonis immobilibus in Domo Oettingana locum non habeat.

48.
Causa Rit-
bergenfis.

Nec minus agitata fuit causa *Ritbergenfis* inter Carolum Albertum Principem Frisæ Orientalis, & Maximilianum Comitem Kaunizium. Sic habet. Enno III, Comes Frisæ jam sæculo XVI. conjugem habuit Walpurgim, *ultimi Comitis Ritbergenfis* in Westphalia filiam hæredem; quæ duas filias genuit, *Sabinam & Agnetem*: illa nupsit Joanni patruo suo: & ex hoc matrimonio descendit Ernestina, *Kaunizio* desponsa, multorum liberorum mater.

Agnes Gundacaro *Lichtensteinio* tradita, hujus stemma propagavit, & in partem hæreditatis venire volebat. Lis inter Domum Kauniziam & *Lichtensteiniam* transactio fuit composita, cessa Kaunizio 1724 hæreditate Comitatus, cum tribus annexis prædiis.

At vero opposuit se vehementer transactioni Princeps Ostfrisæ (descendens ex eodem Ennone, sed per secundas ejusdem nuptias ex alia matre) qui tria prædia sibi vendicavit eo titulo, quod tam Walpurgis, quam ejus filie renuntiatione jurata illa cesserint Ennoni, Abavo suo, jusque suum proluxa Deductione, Comitibus Ratisbonensibus hoc anno porrecta, probare conatus est. Dux hic quæstiones moveri poterant, 1 an prætenfa ejusmodi renuntiatio sit facta? 2 an valide sit facta; cum tam donatio inter conjuges, quam renuntiatio filiarum alias de jure sint irritæ.

Illud ex Lutheranis quæri posset; quomodo Sabina matrimonium cum patruo suo inire potverit, cum ipsi in tali consanguinitatis gradu contractum jure Divino invalidum statuunt.

In causa *successionis Lauenburgicæ*, cum Domus Hannoverana esset in possessione, Saxonica, & alii prætendentes ad petitorium remissi sunt. Prout etiam contigit Comiti Manderfcheidio, Comiti Falckensteinium reposcente a Domo Lotharingica. Hujus feudum erat Comitatus, a Carolo III Duce Valdémontio, filio suo naturali, collatum, post hujus autem mortem Domus Lotharingica illum consolidavit, quam Consilium Aulicum hoc anno in possessione confirmavit, petitorium autem reservavit Manderfcheidio.

Causa Lauen-
burgica, &
alia.

Art.

Art. XXVI.

*Sanctio Pragmatica ab Imperio per Majora acceptata, ut
etiam ab Dania & Hollandia. Domus Sulzbacensis.
Obitus Moguntini. Abbas ad S. Emeranum Prin-
ceps Imperii renuntiatus. Penatio infelix.*

Anno 1732.

Anno 1732 Negotium *Sanctionis Pragmaticæ* fervebat in Comitibus Imperii, tandemque per majora acceptatio illius & sponso accessit, protestantibus contra illam Electoribus, Bavaro, Saxone, & Palatino. Eandem cum sponfione acceptarunt Dania & Hollandia.

Comitia autem in suo concluso memorarunt; postquam Decretum Commissorium ad Principalem Commissarium a Cæsare sit missum, & per publicam *Diſtaturam* communicatum, tria Collegia de illo more consueto deliberasse, atque percepisse, quod Cæsarea Majestas ordinem successionis, anno 1713 declaratum, in omnibus hæreditariis suis provinciis in forma *fideicommissi perpetui*, indivisibilis & inseparabilis, cautione Imperii firmari exigat, prout ab Anglia per art. 2 tractatus Viennensis firmatus fuit, ideo cum sic quies Europæ sperari possit, Imperium defensionem illius suscipiat.

Imperator hoc conclusum Imperii summa cum voluntate suscepit, & approbavit, atque sic in Recessum, seu legem Imperii excrevit; quamvis non deessent scripta contraria, quæ illud quoque in questionem deducebant, an in cautionibus & sponfionibus Imperii majora valere debeant. Illud quoque notandum, vel fratres in hoc negotio non convenisse; nam Elector Moguntinus frater Electoris Palatini, & Colonienſis frater Bavari, pro Sanctione Pragmatica suffragium dederunt.

Mortuo *Francisco Ludovico* Electore Moguntino lis antiqua re-
cruduit; nam tempore sedis vacantis tres Electores *Colonienſis*, *Trevirensis*, & *Saxo Directorium Imperii* sibi vendicabant. Omnes tres invitarunt Status ad congressum. Sed nullus comparuit, donec per Electionem *Elzii* novi Electoris Moguntini controversia cessavit. *Seckendorffius* Philippo-Burgi, & *Pfulius*, Kehlæ Præfectus, crebrioribus litteris instabant apud Comitibus, ut ruinæ utriusque limitanei munimenti subsidii occurrerent. Sed ad rei summam parum profectum.

In *Consilium Intimum* Cæsaris adleſti, Daniel de Mayern Archiepiſcopus Pragenſis: Mauritius Adolphus Dux Saxo. Neoftadienſis, Epifcopus Regiæ Gradeciæ: Harrachius Legatus Bohemicus Ratiſbonæ: Pio Legatus Venetiis: Saffenhofius primus ante Miniſter Moguntinus: Kinskius Regius Vicarius in Bohemia: Rothallius: Weiſſen-Wolffius, Jörgerus, Gundemarus Stahrembergius, Hohenfeldius.

Electoꝝ Bavariz cum Saxonico per Comitem Peruſa amicitiz & mutuz deſenſionis ſœdus Drezdæ iniiit.

Obiit Theo-
dorus Dux
Sulzbac.
Liberi.

Ex Domo Palatina obiit *Theodorus* Dux Sulzbacenſis 71 æt. anno, filius Chriſtiani Auguſti, qui Catholicam Religionem amplexus fuerat. Conjugem habuit ex Domo Rheinfelfenſi. Ex ea genuit 1 Joſephum, Electoꝝ Palatini filiz deſponſum. 2 Joannem Chriſtianum, moderni ſereniſſimi Electoꝝ Palatini Patrem. 3 Chriſtianam Abbatiffam Thornenſem & Eſſenſem. 4 Erneſtinam, nuptam Wanſridenſi. 5 Annam, moderno Regi Sardiniz collocatam. Multis annis proximus ex ſæcularibus fuit Dignitati Electoꝝali; nec unquam adduci potuit, ut de ſuo, & liberorum ſuorum eventuali in Juliacenſes & Montenſes Ducatus jure quidquam remitteret. Succēſſit Joannes Chriſtianus, primogenito ſine liberis, maſculis jam mortuo, brevi & ipſe moriturus, relictō filio, ſpe magna Domus.

Obiit Elec-
tor Mog-
g.

Ex eadem ſereniſſima Domo obiit Vratiſlaviæ *Franciſcus Ludovicus*, Electoꝝ Moguntinus, Electoꝝ Palatini frater, anno ætatis 68, Regiminis Moguntini quarto. Fuit electus Epifcopus Vratiſlaviæ in Sileſia 1683, Wormatiēſis, & Præpoſitus Elvacenſis, atque Teutonicæ Ordinis Magiſter 1694, poſt obitum fratris ſui Ludovici Antonii, Coadjutor Moguntinus 1710, Electoꝝ Trevirenſis 1716, Electoꝝ Moguntinus 1729, æternitatis incolā 1732. Epitaphium ſibi hoc inſcribi voluit: *Hic jacet peccator Franciſcus Ludovicus: orate pro eo.*

Electus in ejus locum fuit *Philippus Carolus de Elz* ex Rhenana Nobilitate, qui Erfordiz Vicarium conſtituit Warsbergium.

Abbas S.
Emmerami
Princeps
Imperii.

Obiit Rhelingius Princeps Abbas Berchtolsgadēſis: electusque Notthaſtus. Anſelmus de Gordon Abbas ad S. Emmeramum Ratiſbonæ cum omnibus ſuis ſucceſſoribus a Cæſare renuntians eſt Princeps Imperii.

Venatio
Cæsaris in-
felix.

Princeps *Schwarzenbergicus*, Aulæ Mareſchallus, cum Imperatorem Pragā comitaretur, eumque in Crumloviēſi ſuo Ducatu ſplendide exciperet, in venatione fortuito globo, ab amica ſed incauta manu emiſſo, percuſſus occubuit; ſummo dolore Cæsaris. Filius, tunc duodennis, ſumma dein gratia apud eum valuit.

Art.

Art. XXVII.

Obitus Regis Poloniæ. Electio turbida. Bellum propterea inter Cæsarem & Gallum. Cui accedunt Hispanus & Sardinus. Varii obitus. Alex. fit Dux Würtemb. Investitura Bremensis & Verdensis. Mechlenburgica & Hobenloensis.

Anno 1733 obiit *Augustus*, Rex Poloniæ. De electione autem novi Regis gravissimæ tum in Regno, tum extra illud ortæ sunt Obitus Regis contentiones. Pars magna Optimatum elegit *Stanislaum Leszcynski*: pars altera *Fridericum Augustum*, Regis defuncti filium. Miscebant se negotio Imperator, Russia; & Gallia. Illi Socerum Regis Galliæ vicinum veriti pro Saxone stabant: hæc pro Stanislaio; omnes liberam electionem prætexentes.

Russi cum copiis in Poloniam movebant; Cæsarei in Silesia atque finibus Poloniæ consistebant. Galli, injuriam, ut dicebant, vindicaturi, transmissis Rheno, *Kehl* expugnarunt. Omnes, ut justitiam suæ causæ tueantur, & persuadeant orbi, *Manifesta* sua, ut vocant, publicarunt.

Atque imprimis Gallia, inito cum Hispania & Sardinia fœdere, objiciebat, post mortem Regis se imploratam a Republica, ut liberam electionem protegeret. Polonos, exclusis exteris, voluisse *Stanislaum* eligere. Opposuisse se Cæsarem, quia esset Socer Regis Galliæ. Quamvis autem Cæsareæ copię non sint ingressæ Poloniam, metum tamen e propinquo incussum, & minas intentatas: atque *Russos* ac *Saxones* incitados, ut in Poloniam irrumperent, libertatem electionis turbaturi. Electum nihilominus Stanislaum liberis suffragiis, impeditum tamen, quo minus quietam regni possessionem consequeretur. Coactum igitur Regem, arma corripere, ad vindicandam injuriam, socero & sibi illatam.

Querelis istis Cæsarei prolixam Deductionem opposuerunt, in qua memorant, Cæsarem & Russos a Primatæ Potokio ejusque fratre Kioviæ Palatino fuisse initio requisitos, ut copias ad fines collocent, libertatem Reipublicæ defensuras. Cæsarem nemini de hoc debere rationem reddere, sicut nullas petat a Gallia, modo finibus suis non egrediatur. Necessse fuisse, ut Silesia tunc a rapinis tuta præstetur.

Electiōni Stanislaī nemini se fuisse oppositurum, si quiete, libere, sine factionibus & violentia fuisset peracta, nec *liberum Veto*, anima Reipublicæ, eversum: Prætextum hunc fuisse Galliæ, jam a biennio turbas quarentis, ut Sanctionem Pragmaticam elideret, & provincias austriacas dissecaret. Fas proin fuisse Cæsari, media licita adhibere, ut is, liberis tamen suffragiis, promoveretur, quem ere sua magis fore censeret. A Gallis contra eos, qui coactæ electiōni obfisterent, male tractatos.

Horatio in
Comitis.

Misso etiam *Decreto Commissorio* Ratisbonam Imperator Comitibus proposuit: Badensem pacem per hostilem in Imperium irruptionem ruptam, prætextu electiōnis Poloniæ. Sabaudiam eo tempore, quo homagium Viennæ ratione feudorum præstitisset, cum Galliæ fœdus inisse, ut Imperatorem in Italia aggredierentur. Cæsarem nec militem immisisse Poloniæ, sed tantum in Silesia fines custodire: nullam igitur Galliæ belli inferendi causam datam. Galliam Polonos, obtrudendo Stanislaum privare conatam eligendi libertate, se vero ceu sponsores illam conservare. *liberum Veto* extortis juramenti violatum. Propterea varios Poloniæ Magnates implorasse Cæsaream & Russicam assistentiam.

A Primate Turcas & Tartaros fuisse sollicitatos per Legatum Gallicum. Russos Polonium ingressos tanquam amicos, qui libertatem defenderent. Stanislaum anno 1717 sub sponsione Russica *ineligibilem* declaratum. Ex his satis patere, quis sit aggressor. Sicut igitur Cæsar jam Angliam, Daniam, Borussia, Holandiam imploravit, ut pro ratione fœderis auxilia submittant, ita non dubitari, Status per Conclusum Imperii bellum Galliæ denuntiaturus.

Protestantes postulabant, ut, antequam negotium istud susceperetur, *Clausula Articuli IV* pacis Rysvicensis aboleretur. Sed cum Catholici Status se opponerent, ad nullum hoc anno Conclusum deveniri poterat.

Interea vero Galli non omittebant, Decretum Cæsaris *Commissorium* proluxa *Deductione* confutare, illud inter alia commemorantes: Imperatorem non Stanislaum solummodo propter arctam affinitatem cum Galliæ Rege a throno exclusisse, sed initio etiam Electorem Saxoniæ, donec is Sponsores Sanctionis Pragmaticæ se dedisset.

Cæterum exercitus Cæsareus *Pilsam* inter & *Egram* castra locaverat, donec exeunte Octobri in *Sueviam* sunt translata Ductore Brunsvico-*Beverano Principe*. Cum autem copiæ viginti diuturnat

mil

millibus confarent, hyems conscribendis militibus impigre impensa est; obeuntibus interea Electorum & Principum aulas, hinc *Kueffsteinio* Legato Cæsareo, inde *Blondello* Gallico: illo, ut eos cum Imperatore suo conjungat: hoc, ut abstrahat.

Cæsar autem multos renuntiavit militiæ Duces: & mortuo *Hobenzollerano* Comiti, *Friburgi* Praefecto, subrogavit Baronem *Tillierum*, qui prius *Petrovaradino* in Hungaria præerat.

Obiit *Joannes Christianus* Comes palatinus, Dux *Sulzbacensis*, anno ætatis 33. Ex prima conjuge, *Maria Anna*, *Francisci* Egonis *Marchionis* *Bergensis* ad *Zomam* Filia hærede, reliquit *Carolus Philippum* Theodorum, modernum Electorem Palatinum, qui tunc sponsalia contraxit cum *Maria Elisabetha*, patruele sua, *Caroli Philippi* Electoris nepte.

Obiit Christianus Dux Sulzbac.

Decessit quoque *Eberhardus Dux Wirtembergie*, cui, cum nullam prolem masculam relinqueret, successit *Carolus Alexander*, agnatus proximus. Quia autem hic ad Catholicam Religionem fuerat conversus, cum Statibus Provinciæ *Affecuationis tractatum* inire coactus est: quod nempe religionem in statu quo relinquat: aliam, ne quidem simultanee, introducat, nec templa aut Monasteria ædificet: Theologicum Stipendium, & Scholas *Tubingæ* conservet: nec in Universitate aut Collegio Illustri mutationem faciat: Ecclesiastica & civilia Officia Lutheranis conferat: prout etiam in Comitibus Imperialibus & Circularibus Lutheranum Legatum habeat, qui secundum principia Corporis Evangelici procedat: jussus renuntiare omnibus Pontificiis Dispensationibus, Indultis, restrictionibus, exceptionibus doli & persuasionis, aliisque Juris subsidiis. An hæc non sint contra Pacem *Westph.* quæ Jus reformandi Statibus Imperii *Art. 5 §. 30* aperte tribuit, alii judicent.

Eberhardo Wirtemb. succedit Alex.

Reversus extorret.

Muhlbusi, civitate Imperiali in *Thuringia*, cives adversus Senatum Turbæ infurgebant; resque eo processerat, ut Imperator Commissarios designaret, qui causam examinarent, demandata executione Circuli Inferioris Saxonie Directoribus. Igitur *Brandeburgicæ* & *Lüneburgenses* copiæ admoventur urbi; quæ in arbitrium Saxo-Gothani Ducis compromittit. At Cæsar, rescisso eo compromisso, jussit Executores procedere, & a Commissione Cæsareâ causam cognosci. Autores rebellionis publico in foro carnificis manu ultimo supplicio sunt affecti. Denique, cum plures civium reorum diffugissent, citatio curiæ fuit affixa, qua sistere se jubentur, secus eorum convictos & confessos condemnandos.

Pons.

Hannover.
Invest. in
Bremenſi
& Verd.
Ducatu.

Götting.
Acad.

Hoc tandem anno Elector *Hannoveranus Investituram Bremenſis & Verdenſis Ducatus*, unaque cum illa *duo vota* in Comitibus obtinuit, Bremenſis Civitatis immediate ſalva. *Coinveſtita* eſt Domus Brunsvicensis, certis tamen in eventum extinguendæ familiæ Hannoveranæ conditionibus, refundendæ nempe hæredibus allodialibus pecuniæ, quæ ab Hannoveranis in eos Ducatus comparandos fuerant expenſæ. Gymnaſium *Göttingenſe* hoc anno in *Academiæ* mutatum, accedente confirmatione Cæſarea, & privilegiis impertitis. Beverana Domus duplici matrimonii vinculo innexa fuit Boruſſicæ.

Mechlenb.

Mechlenburgi Ducatum graves adhuc turbæ miſcent. Carolus Leopoldus, quamvis Cæſareis ſe mandatis pariturum ſcriberet, aliud tamen ſœdus cum Gallia initum loquebatur. Chriſtianus frater, designatus Adminiſtrator, cum fratre certabat; dum Lüneburgicæ, Brunsvicensis, & Brandeburgicæ interim copiæ provinciam depaſcebantur.

Hohenloen-
ſis tranſactio.

Inter tres fratres Hohenlo - Bartenſteinensēs, arbitratore Epiſcopo Bambergensi & Herbipolenſi, tranſactio fuit inita. Poſt mortem patris, quæ contigit anno 1729, Senior Carolus Philippus ſolus jure primogenituræ regnare volebat; quia duo fratres juniores Statul Eccleſiaſtico ſe addixerant. Hi autem *corregentes* eſſe cupientes cauſam ad Conſilium Auſlicum deferrebant. Sed jubente Cæſare per Bambergensem res ita fuit compoſita, ut duo fratres ſeniores in *Bartenſtein* communiter gubernarent, minimus autem natu Rupertus *Pſätelbachii* regeret, adjecta Præfectura Sindringeniſi. Comes Styrumbius duxit Carolinam, Ottonis Comitæ Hohenloeniſis in Schillingsfürſt filiam.

Comes *Lippenſis Detmoldenſis linæ* a Camera Hannoverana mutuo accepit quingenta thalerorum millia ſub hypotheca Sterenbergſis Præfecturæ.

Plettenberg.
dimiſſus.

Ferdinandus *Plettenbergius*, ab Imperatore Carolo VI in Comitum numerum relatus, ſupremus Aulæ Colonienſis Miniſter, gratia Electoris excidit, atque dimiſſus eſt, quod majorem Domus Auſtriacæ, ut ſpergebatur, quam Bavaricæ in negotio Sanſtionis Pragmaticæ habuiſſet rationem.

Art. XXVIII.

Bellum contra Galliam per Majora in Comitibus decernitur.

Clausula Rivoic. Beroici mors. Causa Nassovio-Siegenfis.

Hyacinthi Principis fata. Spilbergensis Princeps Imperii.

Anno 1734, cum Protestantes in Comitibus urgere pergerent abolitionem invisæ sibi *Clausula Rivoicensis*, Cæsar, indulgendum alii. *Claus. Rivoic.* quid ratus, pronuntiavit, quæ mutata essent, secundum constitutiones Imperii in pristinum statum reductum iri. Tum vero negotium belli, adversus Galliam declarandi in tribus Imperii Collegiis propositum, deliberatumque, an, & quomodo bellum esset gerendum.

Per Re- & Correlationem in duobus superioribus Collegiis re expedita, & cum Collegio civitatum communicata, formatum est hoc conclusum, a Directorio Moguntino Commissario Principali traditum, atque ab hoc ad Imperatorem pro ratihabitione transmissum, ut in Recessum Imperii evadat: hæc autem summa.

Cum Gallia, præter alias violationes pacis, Imperium nunc, *Bellum contra Gall.* occupando *Kehl* invaserit, Cæsareæ Majestati pro cura & sollicitudine agendas gratias, atque, secundum Decretum Commissorium Imp. decernitur. Ejusdem, Galliæ, Sardinia, & omnibus eorum adhaerentibus bellum. Inim nomine Imperii denuntiandum esse, juxta normam anni 1681, 1689, 1702, 1704. Nemini, ut neutrarum sit partium, permittendum. In occupandis aut recuperandis locis in statum omnia pristinum restituenda. Rogandum Cæsarem, ut consuetæ *Avocatoria, Inhibitoria*, ad eos, qui apud hostem militaribus aut civilibus muneribus funguntur, prout etiam *Mandata penalia* propter exportationem equorum, alimentorum, munitionum, armorum, prohibitiones item Commerciæ realis ac litteralis, in hostiles terras dirigat.

At vero Electores, *Coloniensis, Bavarus, Palatinus*, & Episcopus Ratisbonensis, contra Conclusum istud exceperunt: notorium esse, præsens bellum ex ea duntaxat causa fuisse exortum, quod Stanislaus a corona fuerit repulsus, quin ea de re ad Imperium referretur. Hinc Galliam irritatam, permotamque, ut vindictam sumeret: non igitur pro aggressionem habendum, quod fecisset Gallia, sed pro reparatione honoris læsi. Non videri consultum, bellum decernere, quamdiu maritimæ nationes quiescunt.

Opponunt
se Bavarus,
Palat.
Colon.

Cæsarem in Decreto Commissorio anni 1714 factum, sine auxilio Angliæ & Hollandiæ non posse bellum contra Galliam utiliter continuari; cum tamen res Imperii in Italia tunc floreret, & Gallia multis gravissimis cladibus esset attrita. Pacem quoque Westphalicam exigere, ut mita ante remedia tententur. Factu optimum videri, si Imperium Mediatoris suscipiat partes, donec appareat, an Gallia, secundum Blondelli promissa, Kehlam sit restitutura, & damna illata reparatura. Si restitutio difficultatem pareret, posse interim munimentum indifferenti præsidio committi.

Cum nihilominus conclusum esset bellum, memorati tres Electores non tantum contra Conclusum, sed etiam contra obrogationem clausulæ ad Protocollum per Legatos suos sunt protestati; illud quoque addentes, clausulam illam esse fundamentalem legem Imperii, quæ sine consensu omnium Statuum non possit aboleri.

Bello igitur tubas inter & tympana Ratisbonæ declarato, ulterius decretum est, ut Imperiales copiæ triplo, seu centum viginti virorum millibus constarent: Princeps *Eugenius* hunc exercitum duceret, tanquam supremus belli Præfectus. Cui tres Imperii Campi Marefchalli ceu Legati adjuncti sunt, Alexander Dux Württembergiæ, Ferdinandus Albertus Dux Beveranus, Leopoldus Princeps Dessavius. Quatuor insuper renuntiati Rei Armamentariæ Præfecti, Julius Comes de Marck, Maximilianus Hasslo-Cassellanus, Adolphus Saxo-Weissenfelsensis, Ferdinandus Dux Bavarie.

Duces belli.
Gall. progressus sub Service.

Quantum vero ad ipsum bellum spectat, Dux Beveranus castra ad Heilbrunnam posuit, Dux *Berovicus* vero Gallorum Duxor ad Landaviam; indeque movens *Spiram* aliaque loca ad Rhenum opportuna occupavit. Expugnatum *Trarbachium* cum Grævenburg, arce munita. Superato dein Rheno, & Etlingensi linea, in Durlacensem provinciam Gallicus exercitus se effudit; atque inde *Philippoburgum* expugnavit, quod *Wigenavius* strenue propugnaverat.

Erat in propinquo cum exercitu Princeps *Eugenius*, obsidionem soluturus; sed Galli viciniam urbis ita obseperant atque munierant, ut sine ingenti exercitus detrimento accessus nullus pateret.

At

At caro Gallis Philippoburgum stetit; dum, ut fertur, præter 7000 armatorum, Jacobum, Ducem *Bervicensem*, magnum bellatorem, & a victoria Alamancensi aliisque gestis clarum, amiserunt, globo tormentario, dum vias obsidionales lustraret, stratum. Filius erat naturalis Jacobi II Regis Angliæ, Franciæ Marschallus, Jacobi Ducis de Liria pater. Qui cecidit.

Bervico substituti sunt duo Duces, *Noallius & Asfeldius*. Ille Wormatiam, Oppenheimium, Franckenthalium progressus, Molestiæ imminabat, sed providentia Eugenii retrocedere coactus, ad Sylvam Nigram, ut transitum prohiberet, se obvallavit. Non dubitabatur, quin Galli Friburgum aut Brisacum essent aggressuri, sed utrumque insigne munimentum solerter provisum viderunt. Wormatia capta a Gallis, tum ab Imperialibus, & iterum a Gallis, Schmettavi cum 3000 excedente.

In hyberna ubi concessum, Eugenius, cujus vix non fama laborabat, Viennam abiit, præfectura exercitus *Alexandro Würtembergio* commissa.

Cæterum hoc anno Firmianorum Familia in Comitum numerum fuit relata. In Intimum Consilium a Cæsare assumpti, Blasius Bender Abbas S. Blasii, Prælatum omnibus virtutum ornamentis clarus. Enckenvortius, Hohenfeldius, Oedus, Questenbergius, Firmianus, Archiepiscopi Salisburgensis frater: Metschius Vice-Cancellarius Imperii renunciatus: suprimi castrorum Præfecti Vicarii, Welseckius, Sucovius, Fürstenbuschus, Zungenbergius, Hohenembius: Consilii bellici Præses Max. Stahrenbergius, loco Königseckii, in Italiam missi ad regendum exercitum: Hamilton Gubernator Temesvarensis: Barb Jodoci, qui fuerat Legatus Austriacus Ratisbonæ, & Director Collegii Principum, creatus Concommissarius, loco Baronis Kirchneri mortui. Legatus Comitalis Austriacus Palmius, Bohemicus Coloredus loco Kueffsteini: Kevenhüllerus Legatus Hassniam, Ostelnus Petroborgum, Wafnerus in Lusitaniam. Jablonowski cognatus Stanislai, Viennæ custoditus, cum Esterhasio, Argentinæ detento, commutatus. Aula Cæ.

Pallavicinus, Cæsareus Archichalassus, *Tergestum* munire iussus, & ripas tormentis instruere, ad arcendas naves Hispanas & Gallicas, si forte in Istriam tentarent irrumpere. Iussi omnes Galli & Sabaudi Viennam excedere. Juvenis *Ragozius* non iussus excessit, & Venetias fugit.

Bellum ad
Rhenum.

Moguntinus Elector Eugenium de periculo suae arbis monuit, qui misso primum Petraschio cum valida cohorte, tum exercitu secundo Rheno imminente Asfeldium avertit. Moguntiae datus Gubernator *Seckendorffius*, *Wugenavio* Mantuam misso.

Trevirensis ditionem cum urbe principe *Gallis* occupabant, Electore *Hermansteinium* se recipiente, & Archivio primum *Confluentias*, dein *Coloniam* translato.

Coloniensis Elector, licet contra bellum sit protestatus, copias tamen pro rata Imperio contulit; hyberna *Borussica* coactus pecunia redimere. A *Gallis* autem nihil incommodi pertulit.

Dum *Mars* alibi flammam spargit, casus fortuitus *Leodientis* Episcopi palatium in cineres redigit.

Princeps *Abbas Fuldensis*, *Baro de Dalberg*, *Academiam* fundat, quatuor *Facultatibus* ornata, & a *Cæsare* approbatam.

Kevenhüllerus, *Canonicus Augustanus* & *Olmucensis*, ad Episcopatum *Neostadiensem* favore *Cæsaris* promotus.

Bavaria.

Quamvis *Aula Viennensis* & *Parisiensis* per Legatos suos Electorem *Bavariae* in partes suas inclinare conabantur; ille tamen, cum bellum jam ante improbasset, indifferentem se declaravit. Quia autem bellum ab Ordinibus per majora erat decretum, atque ut nulla indifferentia permittatur, Status *Provinciales Müldorffii*, praesente *Firmiano*, congregati, ad contingentem se portionem (3475) paratos exhibebant. Sed cum Elector circa suam ratam (1700 viros) difficultatem injiceret, nemo hoc anno ad exercitum *Rhenanum* accessit. Quia autem magni fiebant defectus, *Austria* fines suos *Bohemicos* & *Tyrolenses* custodiebat; licet Elector assereret, ad defensionem duntaxat regionum militem suum esse intentum. Equites *S. Georgii* creati, *Lüzelburgius* & *Murbachius*.

Falcing.

Cum *Galli* ad *Necaravium* *Rhenum* transissent, non modica *Viennae* in Electorem *Palatinum* suspicio cadebat; sed ille per suum *Viennae* Legatum est contestatus, eum transitum repente, nec se nec subditis suis conscis, esse susceptum. Interim autem *Manhemium* muniebatur, Imposito 6000 praesidio.

Obiit *Manhemii* *Fortunatus Baro Isibachius*, *Imperialis* & *Palatinus Rei Tormentariae Praefectus*, *Gubernator urbis Manhemii*. Successit in hoc munere *Zobelius*. Copiis vero praefectus fuit *Hazfeldius*. Cum hoc anno controversiae, inter *Domum Electoralem* & *Birkenfeldensem*, ratione *Bipontini* & *Veldentini Ducatus* agitata, ultima manus per transactionem fuisset imposita, *Christianus*,

stianus III, Dux Birckenfeldensis Ducatus *Bipontini*, Elector vero *Veldentini* possessionem quietam adiit. Transactionem supra retulimus.

In *Saxonia* obiit Augustus Christophorus Comes *Wackerbartus*, summis apud Electorem multis annis muneribus perfunctus, privilegio suo adoptato; qui nomen adoptantis assumpsit. Comes vero *Hoymius*, primus Aulae Minister, gratia excidens, in arcem *Königsteiniam* deductus est. Saxonica,

Elector affectionem Religionis subditis suis tradidit, quæ promissit, statum religionis Confessionis Augustanæ, ejusque confortes nunquam turbatum, sed omnia secundum pacem Westphalicam conservatum iri.

Elector Hannoveranus 6000 armatorum Cæsari ad Rhenum misit, quæ novem legiones conficiebant.

Alexander Dux *Württembergicus*, Director Circuli Suevici, Castrorum Præfectus, & Legionis *Dimacharum*, copias suas ita auxit, ut 18000 armatorum complecterentur, præter Martiam pu- Alex. Würt.
bem, ex stiva excitam, & in ipsa provincia ad arma tractanda ex- armatus.
ercitam. Amisit vero duos hoc anno fratres suos, *Henricum* *Fri-*
dericum ad Rhenum, & *Fridericum* Ludovicum in pugna ad *Gua-*
stallam, 44 æt. anno.

Obiit *Christianus Ulricus*, lineæ *Bernstadiensis*, jam anno 1723, Bernstad.
Romæ ad fidem Catholicam conversus. Liberi tamen ejus *Stutt-* conversus
gardia educabantur, ut a patre degenerarent. obiit.

Ernestus *Rhenofellensis*, *Cassellensi* transactione concessit, ut *Rhenofella* præsidio *Cassellensi* teneretur, reservata tamen sibi superioritate territoriali, & vestigali *Rhenano*. *Philippus Darmstadiensis*, a pluribus annis *Gubernator Mantuæ*, *Viennam* advocatus. Successit *Witgenavius*, qui *Philippoburgum* prius defenderat. Hessica.

Mechlenburgica causa propter renitentiam *Caroli Leopoldi Ducis*, qui *Sverini* se detinebat, semper fit deterior, dum nunc etiam *Hol-* Mechl.
fato-Gottorpensis & *Schwarzenburgicæ* copiæ immigrarunt, & sumptus semper augerentur.

Obiit Princeps *Lobkowitzus Philippus*, Dux *Sagani*, Eques *Aurei Velleris*, *Aulæ Imperatricis* supremus Moderator; successit *Wenceslaus* primogenitus.

Nassoviæ Domus, *Ottonianæ* stirpis, post extinctam *Auriam*, prima ac principalis familia *Siegenfis* fuit. Hæc in duas *Hyacinthi-* Hyacinthi
neas divisa est; quarum prima ac senior est *Catholica*, ejusque caput *Siegenfis*
Princeps *Wilhelmus Hyacinthus*, cui mala administratio fuit objecta, Siegenfis
atque.

atque ab ea remotus 1708, sed ab Electore Palatino restitutus 1711. Cum autem ei cum subditis non conveniret, in Hispaniam discessit; administratio vero (præteritis duobus fratribus intermediis) delata est *Emmanueli*, fratri natu minimo.

Linea *Acatolica Siegensis* extincta est hoc anno in Principe *Friederico Wilhelmo*. Successio spectabat haud dubie ad lineam Catholicam, *Hyacinthum* nempe & ejus fratres; sed remotiores lineæ, *Dillenburgerensis* & *Diezensis* in partem venire volebant. At *Cæsar* administrationem *Acatolicæ* etiam portionis detulit *Emmanueli*; cujus frater *Alexius*, *Canonicus Colonienfis* & *Leodienfis* hoc anno mortuus est.

Obiit quoque *Georgius Albertus Princeps Frisiæ Orientalis*, relicto filio hærede *Edzardo*, stemmatis ultimo.

Spitlberg.
creatus Prin-
ceps Imp. cum filio *Joanne Aloyfio* in Principum numerum a *Cæsare* relatus est.

In carcere *Norvegienfi* obiit infelix Comes *Adolphus Wilhelmus Ranzovius*, ultimus suæ lineæ. Bonorum relictorum partem potissimam cepit *Rex Daniæ*, allodialibus sorori defuncti permixtis, cum onere solvendi ejus debita.

Art. XXIX.

Continuatio Belli Germano - Gallici. Russica auxilia.

Præliminaria pacis Viennensis cum Gallia. Gallia

accedit Sanctioni Pragmaticæ. Varii obitus

Principum. Causa Rocbefortiana.

55.
Russica auxilia. Anno 1735 Imperator, ut trium Coronarum potentia resistat, ab *Anna*, *Russiæ Imperatrice*, cui fœdere erat conjunctus, accepit octo legiones, quæ tredecim circiter peditum millibus constabant, & ab *Electore Saxonie* sex millia.

Copiarum numerus. *Cæsar.* *Eugenius Princeps* 13 Maji in castra, ad *Etlingam* posita, venit. Miles in 60 legiones erat distributus: præter eas 6000 armati ad *Moguntiam* stabant, & 10000 ad *Bruchsaliam*. Gallorum exercitus 120 cohortibus, & 130 equitum turmis definiebatur, supremo belli Imperatore *Marchione Coinio*, qui superiore anno in *Italia* gubernaverat. *Russi*, more suo tardi, mense primum Augu-
Ro

sto in castra venerant. *Bellicus* vero copias Gallicas novis suppetiis auxit.

Tantis exercitiis, immensis sumptibus, & populorum sudore, comparatis, præter varias traductiones militum & aliquot velitationes, nihil admodum actum. Nullum commissum justum prælium, nullum munimentum expugnatum, arte bellandi artem eludente. Moguntiam quidem Galli tentaverant; nec deerat proditio; sed ea mature detecta, repulsi sunt.

Eugenio inde Viennam regresso, præfectoque iterum copias Alexandro Würtembergio, 20 Octobris de induclis nuntiatum est, atque in hyberna utrinque concessum.

Maritimæ siquidem *Potentia*, quæ neutras in hoc bello partes fuerant secutæ, cum trium Coronarum vires, in Italia præsertim, prævalere cernerent, ne Europæ tolleretur æquilibrium veritæ, bonis pacem officiis suadebant, propositaque idea tandem persuaserunt.

Misit igitur Rex Christianissimus *Nierotum & Baundum* Viennam, quos cum Ministris Casareis ita tractarent, ut Stanislaus suus honor, & Galliæ emolumentum constaret. Jacta igitur *Viennæ Præliminaria*, fundamentum pacis inter Cæsarem & Galliam, cujus articuli sunt sequentes, magni momenti.

1. Socr Regis Galliæ *Stanislaus* Rex Poloniæ & Dux Lithuanie agnoscat, titulumque gerat, atque bona illi & conjugii restituantur; coronæ tamen renunciet.

2. Plena amnestia publicetur & singulis bona sua restituantur. Polonis omnia sua privilegia confirmantur, uti etiam electio Regis in perpetuum libera.

3. Stanislaus cedatur Ducatus *Barrensis*, prout a Ducibus Lotharingiæ fuit possessus.

4. Domus *Lotharingica* obtineat Magnum Ducatum *Florentinæ* post mortem Magni Ducis: sed tunc Stanislaus etiam Lotharingam cedat.

5. Eo casu Stanislaus utrumque Ducatum (*Barri & Lotharingiæ*) possideat ad tempus vitæ. Post ejus vero mortem in perpetuum uniantur *Galliæ* regno. Quia autem aliqua sunt feuda Imperii, Cæsar consensum ejusdem Imperii procurabit.

6. Tam Rex autem, quam socr ejus renuntiant *Sessioni & Voto* in Comitibus Imperii.

7. *Augustus* Elector Saxonie ab omnibus, qui huic paci sunt accessuri, agnoscat *Rex Poloniæ & Dux Lithuanie*.

Part. X.

N

Hæc

Hæc prima fuit Transactionis pars, Stanislaum & Poloniam concernens. Pars altera tractabat de Italia, videlicet

1. Ut Dux Lotharingæ Magnum *Tuscia Ducatum* pro cessa Lotharingia obtineat; & de eventuali successione ipsi caveatur ab omnibus, qui in partem hujus tractatus venerint.

2. Ad securitatem Hispanæ copiarum educantur, & *Cæsarea inducantur*. Prout de neutralibus copiis in quadruplo fœdere fuit conventum.

3. *Reditus Ducatus Barrensis* Cæsar Domui Lotharingicæ tamdiu compensabit, donec possessionem Hetruriae adeat, quia Dux propter quietem publicam Barrum cedit. Lotharingiam vero usque ad mortem Magni Ducis possideat.

4. Portus Liburni maneat liber.

5. *Neapolis & Sicilia* Principi Carolo obveniat, & Rex utriusque agnoscat.

6. *Portum Longum & Statum Praesidii* pariter obtineat, prout Pater ejus tempore quadrupli fœderis possedit.

7. Publicatione amnestiæ bona sua consequantur, qui in hoc bello parti alterutri adhæserunt.

8. *Rex Sardinie* potest pro lubitu eligere *Novaram & Vigevanum*, vel *Novaram & Tortonam* cum suis districtibus, de Ducatu Mediolanensi ipsi cedendis.

9. Quæ autem ex istis elegerit, cum aliis Ipsius provinciis uniatur; sic tamen, ut tanquam *feuda Imperii* recognoscantur; cum de statu Mediolanensi, qui est feudum Imperii, sint abscissa.

10. Terras *Langharum*, secundum designationem, a Marchione Solario anno 1732 Viennæ factam, tanquam *subfeuda* possideat, easque pariter ceu feuda Imperialia agnoscat.

11. Insuper, secundum laudum arbitrorum de anno 1712, habeat hæc 4 bona, S. Fidelis, Torre Forti, Gravedo, & Campum Majorem.

12. Fas est Regi, in locis cessis munimenta pro lubitu construere.

13. Cætera omnia in Italia restituantur Domui Austriacæ, quæ ante bellum possedit: & insuper *Parnæ & Placentiæ Ducatus* ipsi cedantur.

14. Cæsar vero se obligat, incorporationem Ducatus *Castri & Comitatus Roncilonis* non prosequi.

15. Domui *Gualfella* ratione Ducatus Mantuani juxta 32 articulum pacis Badensis justitiam ministret.

16. Con-

16. Contra verò Rex Christianissimus Cæsari & Imperio omnia ablata hoc bello sine exceptione restituet.

Pars tertia complectitur *Sandionem Pragmaticam*, pro qua Rex Gallia cavet, spondetque, respectu omnium locorum, quæ Impera Gall. cavet tor possidet, aut vi hujus Tractatus possidebit. Fines autem in pro Sanct. Alsatia & Belgio per Commissarios secundum pacem Badensem determinentur. Hi articuli secreti habeantur, donec intra mensem confirmentur. Pragm.

Actum Viennæ 3 Oct. 1735.

Subscripserunt

*Philip. Lud. Comes Sinzendorffius,
& Joannes Bapt. Baunius.*

Aditi sunt tres separati articuli.

1. Imperatrix Russiæ & Augustus Rex, tanquam partes contrahentes, in quantum Poloniam spectat, ad futurum Congressum invitentur: in quo, brevi finiendo, nullæ aliæ materiæ tractentur, quam eæ, quæ partes bellantes immediate contingunt. Cæsar autem conabitur consensum Imperii impetrare circa omnia, quæ illius intersunt, cum præsens status non concesserit tempus, eum petendi.

2. Cum aliqui tituli non agnoscantur, nulli sint præjudicio.

3. Prout etiam, quod hæc Præliminaria lingua Gallica sint concepta, quamvis alias in tractatibus Imperatorem inter & Galliam usus latinæ linguæ sit consuetus. Subjungitur Specificatio bonorum Langhensum, Regi Sardinia cessorum.

Quia autem in horum omnium executione variæ occurrebant difficultates, Baro *Schmerlingus* Parisios Cæsareus Minister abiit, *du Fheilus* vero Gallicus Viennam.

Comitia Imperii priore jam anno Cæsari 30 menses profectionis Romanæ promiserant, sed quia aliqui parum, alii nihil de rata sua solvebant, debita pro exercitu facta ultra millionem florenorum ascendebant, & pro anni hujus expeditione multa adhuc opus erat pecunia, prout Imperator Comitibus proposuit.

Frobenius Ferdinandus Princeps *Fürstenbergius*, septuagenario jam major, munus Commissarii Principalis, quo per plures annos magna cum prudentia fuerat perfunctus, deposuit atque *Moskircium* rediit. In ejus locum a Cæsare successus est *Josephus Wilhelmus* Princeps *Fürstenbergius*, Stillingensis lineæ. Frobenio
Batish. suc-
cedit Jos.
Fürst enberg.

Castra ad
Ingolst.

Elector Bavariae ad *Ingolstadtum* castra posuit; 14000 viris circumstantia. Ad ea Princeps Eugenius a Rheno redire invisit; magna honoris significatione ab Electore exceptus. Ordinis S. Georgii Magnae Crucis Commendatores renuntiati Carolus Comes Königseckius, Felix Preisingius, Max. Seinsheimius.

Palatinus Elector, quamvis neutrum se declaraverat, ingentia ab utroque exercitu damna passus est.

Oblit Bipont.

Oblit *Christianus III Dux Bipontinus* & *Birckenfeldensis*. Reliquit duos filios, *Christianum IV*, qui successit, & *Fridericum*, adhuc impuberes, sub tutela Palatini Electoris. Provinciam vero administravit mater vidua ex Domo Nassovia.

In Saxonia supremus armorum Praefectus renunciatus Joannes Adolphus Dux *Weissenfelsius*.

Et Lud. Rud.
Welferbyti.

3 Filia.

Welferbyti obliti Dux regnans *Ludovicus Rudolphus*, 64 ætatis anno, Regiminis quarto; nam successit fratri 1713. Conjugem habuit *Christinam*, *Alberti Ernesti I Principis Oetingani* filiam. Ex ea genuit tres filias, 1 *Elisabetham Christinam*, *Carolo VI Imperatori* nuptam, postquam Catholicam fidem *Bambergæ* anno 1707 fuit professæ. 2 *Carolinam*, desponsam *Alexio Principi hereditario Russiæ*. 3 *Antoniam Ferdinando Alberto Duci Beveranæ* collocatam.

Succedit tertio
linea
Beverana.

Quia autem nullum genuit filium, successit agnatus proximus, prædictus *Ferdinandus Albertus*, lineæ *Beveranæ*; factus repente dives. Sed post aliquot mensium Regimen pariter mortuus est. Successit igitur in *Brunsvicensi*, *Wolferbytano*, & *Beverano Ducatu* *Carolus* filius, qui moderni Regis *Borussiæ* sororem habet conjugem, ex qua hoc anno genuit *Carolum Wilhelmum*, hodierno ad *Visurgim* bello celebrem; cujus patruus est Princeps *Ferdinandus*, exercitus *Anglo-Hannoverani* supremus hodie Imperator.

Mechl.

Cum *Carolus Leopoldus Dux Mechlenburgicus* Cæsareis mandatis parere adhuc contumax detrectaret, *Schwarzburgicæ* copiæ, quibus executio fuerat demandata a Cæsare, *Sverinum* munitam urbem, ac sedem Ducis, expugnaverunt, Duce in *Saxoniam* primum, dein *Wismariam* profugiente. Dömitium autem frustra obsidebatur.

Heching.

Ex Domo *Hohenzollerana*, *Hechingensis* lineæ, obiit *Fridericus Wilhelmus*, anno regiminis 64, æt. 72. Successit *Fridericus Ludovicus* filius, etiam in munere Imperiali supremi Equitum Magistri.

Siegen.

Ex Domo Principum *Nassovio-Siegenium* Catholica obierunt duo fratres, *Franciscus Hugo* in *Hispania*, & *Emanuel Ignatius*, Administrator Principatus pro fratre nato maximo, *Hyacintho*, ab administratione suspenso, qui solus ex Catholica hac Familia superest,

est, brevi illam finiturus. Cæsar autem novos Administratores constituit, Dillenburgensibus & Diezanis, prædæ jam inhiantibus, copias suas ex Siegenfi ditione iussis abducere. Duo Principes hære-Nuptiæ, ditarii, Carolus *Fridericus Müskirchensis*, & Joannes *Aloysius Spillbergenensis*, matrimonium hoc anno contraxerunt cum duabus sororibus, ex Ducali *Holsato-Wisenburgensi* Familia.

Ex Catholica *Löwensteinia* Wertheimensi Familia obiit Princeps Dominicus Marquardus caput Familiæ; eique successit ex 5 filiis Senior Carolus Thomas.

Ex Domo *Rochbergica* defunctus est Gaudentius, Coloniensis & Bavaricus Consiliarius Intimus, Præses consilii bellici, copiarum Bavaricarum supremus Præfectus, Gubernator Monachii, & Auglæ Marefchallus.

Lis annosa in Camera Imperiali fuit ventilata inter Domum *Löwensteiniam* & *Stolbergiam* ratione *Rochforti* Comitatus in Lu-*Lis de Ro-*
xemburgicis. Cum enim Ludovicus *Stolbergius* sine filiis obisset, *chefora*.
Comitatum illum reliquit filiæ Annæ, quæ Comiti *Löwensteinio* nupta, Comitatum illi in dotem attulit. Repetebant eundem *Stolbergii*, contra pacta familiæ, ut dicebant, in *Löwensteinios* alienatum. Tandem post 150 annos, quibus lis in Camera aut servabatur, aut frigebat, pro *Stolbergiis* lata est sententia.

Löwensteinii adquietendum non putabant, sed tanquam graviter læsi petebant restitutionem in integrum adversus sententiam: Episcopus vero *Leodiensis*, se feudi Dominum gerens, causam ad Imperii Comitæ detulit, atque excipiens contra forum, sententiam seu irritam accusavit; neque enim primam Instantiam ad Cameram, sed curiam suam feudalem pertinere. Hoc forum præteriri non potuisse, prout satis ex ordinatione Cameræ constat.

Petit igitur, ut executio sententiæ, contra suum jus clarum a Iudice incompetente latæ, inhibeatur, atque *Stolbergii* ad primam Instantiam remittantur; Judicium Camerale vero moneatur, ne deinceps terminos suæ Jurisdictionis transcendat.

Art. XXX.

Nuptiæ Mariae Theresiæ. Præliminarium mutatio & executio.
Stanislaus Dux Lotharingiæ. Lotharingus Dux Florentiæ.
Accedit Imperium. Clausula Riscvic. Obitus Eugenii Principis,
& aliorum. Extincta Domus Wartenbergia,
& Hanovia &c.

53.
 Nuptiæ Mariae Theresiæ. Annus 1736 nihil majus habet aut magnificentius, quam nuptias Francisci Stephani Ducis Lotharingiæ cum Maria Theresia Augustissimi Imperatoris Caroli VI Filia, natu maxima, Benedictionem iis impertiente Passioneo Nuntio Apostolico. Et benedixit ex alto Deus Regali Thoro, in numerosam seriem Archiducum secundo.

Tractatus Executivus. Cum varæ difficultates occurrerent circa executionem Præliminarium, initus est hoc anno *Tractatus Executivus*, qui figit tempus, quo exactio contributionum cessare debeat, & commutanda loca, utrinque cessa, evacuandæ urbes Philippoburgum, Kehl, Treviri, Mediolanum; procurandus egressus Russorum e Polonia. Mutatum etiam aliquid circa Præliminaria; nam actum de Stanislao brevi in possessionem mittendo non tantum Ducatus Barrensis, sed etiam Lotharingici, cum annexis & allodialibus, Falckensteiniæ Comitatu excepto. Nec Stanislaus tamen, nec Rex subjectionem exigit, a quibus Dux Lotharingiæ illam non exegit, neque unionum systema locum habeat: Lotharingiæ vero Duci Francisco-Stephano omnia bona Ducatus Florentini, cujuscunque sint conditionis, procurentur.

Decretum commissorium de Prælim. In *Decreto commissorio*, quo Cæsar ad Status Imperii Ratisbonæ retulit de initis Præliminaribus pacis, memorat, se dudum conventionem cum Gallia initam fuisse communicaturum, ut communium omnium consensu peragerentur, nisi necessitas secreti aliud exigisset; nunc autem peti, ut in Præliminaria consentiant, atque ad communem pacis tractatum concurrant, prout factum anno 1714, & 1722.

Imperii jura manere illis. Se non modo providisse, ut status in sancienda pace libero gaudeant suffragio, sed etiam ut Gallia ratione Lotharingiæ rebus Imperii nullatenus se immisceat, aut adversus Status sub prætextu Reunionum, aut Dependendarum jus ullum sibi arroget.

Ratione

Ratione Thufciæ, Parmæ, & Placentiæ multo melius esse consultum Imperio, majusque bonum accreviffe, quam ex amiffa Lotharingia. Circa ea, quæ addita sunt Regi Sardinia, jura Imperii manere illæfa. Quoad terras Langharum jam tempore Ferdinandi II, & Leopoldi Domui Sabaudicæ spem esse factam. Cum igitur Cæfar & Dux Lotharingiæ pro quiete & bono Imperii publico tam multa obtulerint, non dubitare se, quin Ordines Imperii sint accessuri.

Deliberatum dein in Comitibus, an accedendum Præliminari-
bus, & an Imperatori plenum pacis conficiendæ negotium, sicut factum in pace Rastadiensis, sit deferendum. Conclufum tandem, agendas Imperatori gratias; *acceptanda Præliminaria*: permittendum, ut Cæfar pro hac viſe, cum Gallia plenum pacis tractatum ineat, sine præjudicio tamen suffragii liberi in pacificationibus, Imperium concernentibus, & ita, ut nullus Status, ratione cessæ Lotharingiæ, in iuribus suis turbetur.

Comitia
acceptant
Prælimia.

Agunt etiam Comitibus Duci Lotharingiæ gratias pro cessis in bonum publicum provinciis, voluntque integrum ipsi relinqui suffragium in Congressibus Imperialibus & Circularibus propter *Nomercy*, & regiones reliquas immediatas in Imperio.

Antequam hoc conclusum Imperii fuerat conceptum, Protestantes iterum moverunt thicas contra memoratam sæpius *Clausulam Rysvicensem*, ejusque abolitionem paci inferi petebant. Respondit Cæsar, statutum se verbo, & uti hætenus, curaturum, ut omnia ad rectam Constitutionem Imperii disponantur.

Trice de
Clausula
Rysvic.

Quia vero timebant, ne Gallia, quæ auctor erat illius clausulæ, abolitioni se esset oppositura, Angliam, Daniæ, Sueciam, Hollandiam, quin & Russiam interpellarunt, ut Regem Christianissimum in vota sua flecterent; quod illi diligenter præstitere. Prodiit etiam Catalogus, quo 1323 urbes, oppida, pagi recensebantur, atque 600 templa Protestantium, in quibus a tempore illius clausulæ simultaneum fuisset introductum. Summus Pontifex vero Clemens XII Moguntinum aliosque Principes Catholicos monuit, viderent, ut clausula illa salva maneat. Quid autem hortatio ista, & quid Protestantes suis postulationibus effecerint, dicetur ad annum sequentem.

Proposita etiam fuit in Comitibus querela de *re Monetaria*, adeo Res Monetaria corrupta, ut aliqui cudendo monetam, a justo pondere & valore taria intrinseco deficientem, usque ad 20 pro 100 lucrari, vel potius publicum defraudare audeant, cum magno commercii detrimento.

Quæ.

Quæsitum is a 200 annis tanto malo remedium, sed necdum ex integro inventum, pluribus privatam potius utilitatem, quam bonum Reipublicæ spectantibus.

Obit Princeps Eugenius. Cæsar hoc anno 23 Consiliarios Intimos actuales, & 158 Camerarios creavit. Amisit autem summum ea tempestate belli Imperatorem, *Principem Eugenium* Franciscum, rebus gloriose gestis toto orbe clarissimum Heroem, anno ætatis 73. Natus quippe est 1663 ex *Eugenio* *Mauritio* Comite *Suessionensi*, cujus avus erat *Carolus Emmanuel I Dux Sabaudia*.

Obit Princeps Eugenius. Fuit *Eugenius* *Generalis Locumtenens Imperatoris & Imperii*, *Præfès* *Consilii bellici*, *Belgii Gubernator*, *Vicarius Italia*. *Victorias* celeberrimas repartavit anno 1697 ad *Zentam* in *Hungaria*, 1704 ad *Höchstadium* in *Germania*, 1706 ad *Taurinum* in *Italia*, 1709 ad *Bavacum* in *Belgio*, 1716 & 17 in *Pannonia*. Cum autem coelibem vitam egisset, nullumque testamentum reliquisset, successit hæres ab intestato *Ludovica Victoria de Carignan*, *Eugenii* ex fratre neptis; *Principi Hildburghusio* postea nupta, sed ab eo rursus separata. Supererat adhuc *Emmanuelles Thoma* (*Suessionis Principis*, *Eugenii* nepotis) *Vidua*, ex *Domo Lichtensteinia*, *Mater Eugenii junioris* (qui anno 1734 in apparatu nuptiarum obiit) quæ Collegium *Sabaudicum*, aut *Lichtensteinium Viennæ* fundavit.

Obit Princeps Eugenius. In *Bavaria* obiit *Etaliæ* 18 ætatis anno *Maximilianus Emmanuel*, *Wartembergica Familia ultimus*. Descendit ea *Domus* ex *Ferdinando*, *Wilhelmi V Bavaricæ Ducis* fratre, justo quidem, impare tamen thoro. Bona relicta ad *Electoralet Domum* redierunt.

Obit Philippus Darmstad. Ex *Domo Hassio - Darmstadiensi* *Viennæ* obiit, in *Catholicis*, quam assumpserat Religione, *Philippus*, *Generalis Castrorum Præfectus*, *Gubernator olim Mantuæ*. *Filius* ejus *Josephus* est *Episcopus Augustanus*, filia vero *Theodora* *Duci Guastalla* nupta.

Obit Princeps Eugenius. Obiit *Joannes Comes Hanovia*, nulla relicta prole mascula; quare ex pacto unionis successit *Domus Hassio - Cassellana*, & quidem *Wilhelmus*, quia *Fridericus Rex Sueciæ* frater natu major in ejus favorem renuntiaverat: quia autem *Princeps Darmstadius Ludovicus* unicum filiam defuncti *Comitis* conjugem habuit, & plures ex ea liberos, partem amplissimi *Comitatus* præterendit, & nominatim *Præfecturas Münzenbergam* atque *Bolenshusum*, cum bonis mobilibus, causa ad *Consilium Aulicum Viennam* delata.

Eustadii obiit Episcopus Franciscus Ludovicus ex Comitibus Schenkis de Castell. Electus vero Joannes Antonius ex Baronum Freibergiorum Familia. Cæsar ad eam electionem ablegavit Comitem Coloredum.

Art. XXXI.

Bellum Turcicum propter Moscoviam. Responsum Cæsaris de clauula Riscic. Aula Monacensis. Obiit Alexander Dux Württembergiæ. Lis de proxima agnatorum tutela. Episcoporum & Abbatum obitus.

Cum bellum *Russiam* inter & *Turciam* altero jam anno flagrasset, & Cæsar Conciliatoris Officia incassum adhibuisset, muneris sui esse censebat, ex fœdere, quo decem jam annis *Russiæ* erat conjunctus, propter Moscos bellum Turcis indicare, consilio, si ex eventu sit metiendum, non optinuo. 54. Cæsar pro-

Causas belli Principalis Cæsaris Commissarius Josephus Princeps Fürstenbergius per publicam Dictaturam Ratisbonæ proposuit anno 1737, *Russiam* videlicet esse partem læsam. Omnem Cæsaris conatum animos conciliandi fuisse frustraneum. Turcam nec satisfactionem de præterito, nec securitatem de futuro voluisse præstare. Causæ in Comitibus proposuit. Aulam Turcicam ab aliquot jam annis in id laborasse, ut fœdus, Cæsarem inter & *Russiam* anno 1726 percussum, dissolveret. Si unitæ hæ vires, & bellum Persicum non inhibuissent, Sultanum jam anno 1734 Passarovicensem pacem fuisse fracturum. *Niemerovensem*, Musulmannis arcum nimis tendentibus, congressum esse frustratum. Imperatricem Russorum fœderis fidem exigere.

Auxilia Cæsarea non posse in *Russiam* transportari; alibi proin divertendum hostem potentissimum, ne totum pondus Moscovitis fœderatis incumbat. Cum igitur contra juratum Christiani nominis hostem regiones, quæ pro muro sunt Romano Imperio, sint defendendæ, confidere Cæsarem, Ordines pro suo Divini honoris zelo, & amore Christianitatis, ad hoc bellum liberaliter esse contributuros.

Diu in Comitibus deliberatum, tandem vero sub finem anni 50 *Menfes Romani* sunt promissi. Quamvis Protestantes non admodum Decreti 50 iubentes consenserint, ægri animo propter responsum, quod eis *Menfes* in *Romani*.

Pars X.

O

in causa *Clausula Rivicensis* Cæsar Religiosissimus dederat ; nimirum :

Resp. Cæs.
de clausula
Rivic.

Requisitam fuisse Galliam , ut ea clausula revocaretur ; verum Galliam Ultrajecti eo adduci non potuisse , & necdum cogiposse , ut clausula , duobus solennibus pacis Instrumentis illata , eradatur. Cæsari igitur objici non posse , quod non obtineant Protestantes , quæ ipsis præstari non possint. Non peti a parte Catholica , ut , quæ in eorum favorem sunt statuta , abrogentur. Eandem rationem eorum , quæ Catholicis favent , esse patientur : nec negent aliis , quod sibi velint concedi. Pacis fœdus , cum Gallia initum , ad nullius offensam pertinere , sed ad totius Europæ quietem esse intentum. Atque hinc optari , ut ii Principes , qui eam ob clausalem Imperatorem tantopere interpellarunt , remotis impedimentis , pari zelo ad hunc finem obtinendum conferrent. Romani Imperii felicitatem & securitatem verti in membrorum concordia. Ad hanc conservandam aut instaurandam omnia callimare Cæsaris consilia.

Mansit igitur clausula ille salutaris integra ; nec sperare poterant A Catholicis , in Definitivo pacis cum Gallia Tractatu aliud iri dispositum.

Conatus
corrighendi
erm num
mariam.

Revocata ad *incudem causa Monetaria* , conclusumque in Comitibus Imperialibus , ut severe prohibeantur omnes nummorum sortes , quæ justo leviores , aut valore intrinseco sunt destitutæ , & reos Cæsar castiget. Secundum normam *Lipsiacam* , Thalerus duobus & Ducatus 4 florenis quoad pretium extrinsecum interim valeat , donec universalis rei nummarie ordinatio fiat. Ad hunc finem Ratisbonam , ut secundum valorem intrinsecum externum statuunt , accersiti Nummarie periti ; ex Austria , Bavaria , Suevia , Franconia , utraque Saxonia , Rhenanis provinciis , convenerunt quidem loco , sed non animis & sententiis ; unde ad rei summam nihil admodum actum.

Mareschall.
Imp. Franc.
Dux Loth.

Loco Alexandri Ducis Württembergici defuncti eligendus erat *Generalis Imperii Mareschallus Catholicus*. Candidati erant quatuor , *Dux Lotharingie* , gener Imperatoris , Princeps *Hobenzolleranus* , *Ferdinandus Dux Bavarie* , & Comes *de Marck*. Prælati ob sua & Majorum in Imperium merita *Lotharingus*.

Mareschalli
Cæsarei.

A Cæsare dicti *Generales Mareschalli* Ferdinandus Dux Bavarie , Comes Philippi , & Andreas Comes Kevenhüllerus. Lichtensteinius Equitum Magister. Mettschlio Vice - Cancellarius Imperii subrogatus Rudolphus *Coloredus*. Ingelheimius Iudex Cameræ in Comitum Dignitatem evectus. Alexandri Württembergici Defultorium legio

Coloredus
Procancell.
Imp.

Iegio collata Württembergio Neostadiensi, pedestris Kolovrato : Wutgenavica Reizensteinio, Guidostarenbergica Halweilio : qui dein in infelici ad Banialuckam certamine occubuit.

Dominica Martinizia, quæ post sponsalia cum Windischgræzio matrimonium promissit Richecourtio, Lincium in Monasterium missa ad agendam pœnitentiam.

De bello Turcico, per *Seckendorffiam* Lutheranum, exercitus Cæsarei Imperatorem, hoc anno 1737 haud satis ad votum gesto, de substituto alio belli Præfesto, in Hungaricis dabitur relatio.

Elector Bavariz cum Ferdinando fratre piam peregrinationem *Lauretum* instituit, ibique obtulit lampadem & calicem aureum : Aula *Mon-Oetingæ* veteris vero Statuam argenteam, quæ Electoralem Princens. cipem repræsentabat.

Dictus Consilii Aulici Præses *Hennenbergius*, Pro-Præses *Herwartus* : Vice-Dominus Landishuti *Frauenhovius* : Max. Freisingius Moderator Principis Electoralis : Santinius, Portia, & Valesius Consilarii Intimi. Ordini S. Georgii adscripti Comites Lodron, Max. Törringius, Truchsesius Waldburgicus : Max. & Jos. Fuggeri, cum Baronibus Jos. Dopor Moravizkio, & Franc. Gumpenbergio.

Obierunt ex Domo *Seinsheimia* tres Comites, Jos. Max. Camerarii, & Franc. Ant. Consiliarius Intimus, Moderator Principis Electoralis, Præses Consilii Aulici, relicta unica filia. *Notboffius* Consil. Intimus & Vice-Dominus Landishuti.

Ex Domo Palatina obiit *Alexander Sigismundus Episcopus Augustanus*, Electoris frater, 74 ætatis anno, Episcopatus 47. Augustan. Nova electione non fuit opus ; nam illico successit anno ætatis 79 *Joannes Franciscus L. B. Schenck de Stauffenberg*, Episcopus Constantiensis, qui jam anno 1714 electus fuerat coadjutor, & ob infirmitatem Alexandri Episcopatum Augustanum aliquot jam annis magna cum potestate administraverat, Coadjutor simul & Coadjutus.

Post mortem Alexandri lis de *Successione Juliacensi* recruduit. Causa Juliacensis. Anglia enim, Hollandia, Brandenburgus, alique Protestantes metuebant, ne Dux Solisbacensis eventuale homagium, exemplo Alexandri, reciperet. Angli Hollandique institerunt, ut vivente adhuc Electore Palatino ea causa definiretur. Idem urgebant Saxo & Brandenburgus, quorum prætensiones *Part. VIII* attulimus.

Gallia vero cum Imperatore illis proposuit, optimum factu videri, *Solisbacensi provisionalem possessionem* spondere, donec hoc tam gravi de negotio amice conveniretur.

Hanovienfis. *Ratione Successionis Hanovienfis* lis enata est inter *Moguntinum* & *Wilhelmum Casselannum*. Ille quasdam ditiones privative petebat, hic condominium, atque a Camera mandatum *de non turbando in compassione* obtinuit. Dein vero, re examinata, Camera per sententiam Electori privativam possessionem addixit. Hassius vero ad Petitorium remissus, negotium ad Comitata detulit.

Lites Statuum non pertinere ad Comitata. At Caesar negavit, Judicium de *Conversis Statuum inter se* ad Comitata pertinere; Conventum Ratisbonensem non esse Judicium feudale Imperii, sed hoc esse *Reservatum* Majestatis Caesaræ, atque privatas Statuum inter se lites ad suprema Imperii tribunalia spectare.

Obit Episc. Basil. Obiit Joannes *Conradus Rainachius*, ab anno 1705 Episcopus Basileensis, electusque Arlesheimii ex eadem Baronum Familia *Jacobus Sigismundus* Præpositus, juri suo jam quæsito renuntiante Joanne Bapt. illius cognato, qui Coadjutor electus fuerat.

Lis Fuldenfis in causa retrovenditionis. Obiit quoque Adolphus *Dalbergius Princeps Fuldenfis*. Successit *Amandus Bussackius* Baro, qui fuerat Decanus. Adolphus gravem litem intentaverat Saxoniz Ducibus *Meinungensi & Eisenacensi*, propter Præfecturas, *Salzungensem & Lichtenbergensem*, quas Abbas Fuldenfis anno 1366 vendiderat, sed adjecto pacto *retrovenditionis*. Volebat igitur Dalbergius oblato pretio illas redimere.

At Duces exceptionem præscriptionis 400 prope annorum opponebant. Fuldam equidem anno 1625 recurrisse ad Caesarem *Ferdinandum II*, atque Rescriptum in favorem suum impetrasse: verum dein rursus per 100 annos tacuisse, donec an. 1724 rursus pro se Rescriptum obtineret. Porro hanc causam non summarie tractandam, sed coram Judicio *Austregali* processu ordinario terminandam esse. Negari sibi nec posse nec debere beneficium, omnibus Statibus concessum.

Necum docia. Cum igitur querelam ad Comitata detulissent, Imperator per Con-Commissarium significavit, gratum sibi fore, si causa per arbitros Compromissarios finiretur. Habitus tum quidem in Comitatu *Hennebergico* congressus, sed ne quidem de eligendis arbitris & formula Compromissi conveniri poterat.

Fatalis fane hic annus Principibus fuit Abbatibus; nam præter *Fuldensem*, etiam *Corbeyensem & Stablo-Malnediensem* fustulit.

Comendatione Saxoniz Electoris, *Brühlensis*, & *Sulkovskia* Familia Dignitate Comitum S. R. I. a Cesare auctæ. *Hubertus Florianus* Baro *Wessenbergius*, ad aulam Saxonicam vocatus, Consiliarius Intimus, & Moderator Principis *Xaverii* fuit renunciatus. Luthera-

na Aulæ capella in cubile versa. 8000 Saxonum Ductore Sul-8000 Saxo-
kowskio Cæsari in Hungariam adversus Turcas missa. nes in Hun-
gariam.

Elector Hannoveranus in nova Academia *Göttingensi* primum
Restoratum Magnificum solenni cum pompa acceptare dignatus est.
Antonius Ultricus, Ducis Brunsvicensis frater ad summas militares
Dignitates in *Russia* fuit evectus.

Ludovico - Burgi obiit *Carolus Alexander Dux Wirtembergiæ*, anno
ætatis 54, Regiminis 4, non sine suspitione veneni: Princeps magno Obiit Alex.
animo & virtute militari præstans, Cæsareus & Imperialis Mareschal- Dux Wür-
lus, qui plura in favorem Catholicæ Religionis ordinaturus time- temb.
batur, & sperabatur.

Vidua reliquit *Mariam Augustam*, Anselmi Francisci Principis Uxor & li-
de Taxis filiam, atque ex ea tres filios, *Carolus Eugenium*, moder beri.
num Ducem regnantem, *Ludovicum Eugenium*, & *Fridericum Euge-
nium*, hodieum florescentes: atque filiam *Augustam Elisabetham*,
Carolo Anselmo Principi de Taxis nuptam.

Cum autem hi Principes adhuc essent impuberes, *Alexander*
testamento tutricem illis dedit Matrem, simulque administrationem pro- Mater tutrix
vinciæ, addito in consortium Episcopo Bambergensi. ex testam.

At vero *Carolus Rudolphus*, Neostadiensis linæ, professionis
Lutheranæ, tanquam *proximus agnatus*, impugnato testamento, tu-
telam & administrationem sibi vendicavit, receptoque a Statibus ho- Lis de pro-
magio, possessionem adiit. xima agna-
torum tutela.

Delata fuit propterea ad Aulam Cæsaream querela. Sed cum
causa delicata ibidem hareret, transactum fuit ea lege, ut *Rudol-
phus Administrationem* Ducatus obtineret solus, *Mater* vero sola pu-
pillorum *tutela* gereret, assumpto tamen ultro in tutorem hono-
rarium Rege Poloniæ, excluso Bambergensi, qui contra transa-
ctionem istam, testamento contrariam, est protestatus. Additum
fuit transactioni, si *Rudolphum* mori contingeret, administrationem
ad Ducem Oelsensem ex tertia linea devolvendam fore. Assignati
annuatim matri pro dotalitio 20000 floreni, pro tutela 16000, to-
tidemque fere Administratori.

Augustus Marchio Badensis Ludovici regnantis frater, magno
cum luctu amisit filium *Ludovicum*, spem Catholicæ Familiæ, in
duobus duntaxat capitibus superstitis.

Leopoldus Metapolitanus & hoc anno *Wismariæ*, urbe Suecica,
substitit. Homines autem, qui ejus contumaciam fovere crede-
bantur, consentiente Sueciæ Rege, a latere ejus avulsi, in custodi-
am ducti sunt, prohibitumque severe omne subditorum cum Duce
commercium.

O 3

Alexan-

Natus Princeps de Taxia. *Alexandro Ferdinando S. R. I. Principi de Taxis natus est filius, Franciscus Alexander. Amisit vero fratrem Christianum Adamum, Tribunum Cæsareum, in Hungaria mortuum.*

Obit Guido Stahrenberg. *Obiit quoque Viennæ Guidobaldus Stahrenbergius, anno æt. 80, Teutonici Ordinis Eques & Commendator in Austria, Consil. Intimus, Mareschallus, Gubernator Sclavoniæ. In bello Hispanico, tum in Italia; tum in Hispania summus Cæsarei exercitus Imperator, grandes res gessit, inter summos Heroes numerandus, Magni Eugenii æmulus.*

Art. XXXII.

Seckendorffius ob rem male in Hungaria gestam missus in custodiam. Bavariæ funera. Nuptiæ Regis utriusque Siciliæ. Administratio Württembergica. Judæi Sūs supplicium. Obitus Durlacensis. Causa Salmensis.

55- *Anno 1738 Definitivus inter Cæsarem, Imperium, & Galliam Tractatus tandem confectus est; sed quia anno sequenti primum per ratihabitionem capitum robor suum accepit, illius relationem differimus.*

Generales Mareschalli a Cæsare renuntiati sunt, Carolus Princeps Lotharingiæ, Fridericus Princeps Waldeccius, Augustus Princeps Saxo-Gothanus. Knorrius Consil. Aulicus duxit Bartensteiniam. Obiit Hamiltonus, Consil. Intimus, Magister Equitum, Gubernator Temesvariensis. *Passioneus per plures annos Viennæ Nuntius Apostolicus, locum reliquit Paoluccio, Dresda illuc translato.*

Seckendorff in custodia. *Urbes, quas Sylvestres vocant, Rhénofelda, Seckinga, Laufsenburgum, Waldshutum, Helvetis pignori assignabantur pro sex-qui-millione, ad bellum Turcicum suppeditata. Comes Seckendorffius, infelix prius in Hungaria belli Imperator, a Viennensi custodia in Græcensem abductus est; ut a violentia populi esset securior. Causa interea illius fuit examinata.*

Bavariæ funera. *Bavaria duo funera magnè cum luctu extulit; imprimis Maximilianus Francisci, 28 æt. anno variolis extincti; Principis summæ speciei, quem tota Bavaria deploravit. Secutus est post aliquot menses filium Pater Ferdinandus Maria, Electoris Frater, Princeps æterna dignus memoria, relicto filio unico, Clemente Francisco, quem hodie.*

hodieum superstitem veneramur. Elector 6400 milites Cæsari in Hungariam submisit.

Electoꝝ Palatinus accepit conclusum Imperatoꝝ, Franciæ, Angliæ, & Hollandiæ, ut Princeps Solisbacensis, moriente etiam Ele- Juliaci pos-
ctore, in Ducatu Juliacensi & Montensi quæta possessione maneat, sessio.
donec causa Hagæ esset discussa.

Saxonia celebrius nihil habuit, quam desponsationem Mariæ Ama-
liæ cum Carolo, utriusque Siciliæ Rege. Dux vero Josephus Sa- Nuptiæ Re-
xo - Hildburgshusius duxit Ludovicam Victoriam, divitem Princi- gis utr. Si-
pis Eugenii neptem & hæredem. cillæ.

Württembergi Ducatus Administrationem Rudolphus Dux Rud. Würt.
Neostadiensis transulit in agnatum suum Ducem Oelsensem, qui administat,
ad hunc finem ex Silesia venit Stuttgartiam. transfert in

Furca suspensus est famosus per Germaniam Judæus, Joseph Süss Oelsensem.
Oppenheimer, repetundarum reus, ob defraudationem, ut infimula Süss Jud.
batur, ærarii publici.

Obiit Carolus Wilhelmus Marchio Durlacensis, 59 ætat. anno,
Cæsareus Marschallus, cui successit Carolus Fridericus, ex filio Obiit Durlac.
præmortuo nepos; quia autem pupillari adhuc erat ætate, testam-
to datus est ei tutor & administrator Carolus Augustus agnatus.

In Iudicio Aulico agitata est controversia Salmenfis. Quip-
pe Princeps testamento hæredem scripsit Leopoldum Agnatum,
præteritis aliis, eodem gradu ipsi conjunctis; qui proin querelam
deferabant, in partem admitti petentes. Causa hoc anno necdum
finem accepit.

Obiit quoque Viennæ Carolus Antonius Comes Oettinganus in
Wallerstein, æt. 59. Successit filius Joannes Carolus Fridericus.

Art. XXXIII

Tractatus Definitivus Pacis Viennensis.

Continet is 20 Articulos.

1. Statuitur pax & amicitia inter Cæsarem, Imperium & Re-
gem Franciæ.
2. Omnes subditi & captivi restituantur in integrum.
3. Pax Westph. Neomag. Riffvicensis, Badensis, & Fœdus
quadruplum sint fundamentum hujus tractatus.

4. Prout

4. Prout etiam Preliminaria anni 1735, Tractatus Executivus 1736, cum conventione de cessione *Bavri & Lotharingæ*. Causa autem *Gustallæ* futura transactioni reservatur.

5. Cæsar iterum promittit, se nunquam incorporationem *Castri & Roncibonis* tentaturum.

6. Continentur Acta abdicationis Stanislaï, reservato solo titulo *Regis Poloniæ*. item Acta, quibus Gallia & Russia *Augustum* agnoscunt *Regem Poloniæ*.

7. Exhibentur Declarationes & Diplomata, quibus Cæsar *Neapolim & Siciliam* in Carolum Principem transfert: hic vero & Hispanus *Parmam & Placentiam* in Cæsarem, & eventualem successionem *Florentinam* in Ducem Lotharingæ.

8. Documenta, quibus Cæsar Sardinia tradit *Tortonam & Novaram*, cum *Langbarum* feudis: quibusque *Sardus accedit Preliminibus*.

9. Mutua sponsio pro Lotharingia & Tuscia.

10. Gallia spondet Cæsari pro *Sanctione Pragmatica*, quæ esset medium æquilibrii, in Europa conservandi.

Reliqui articuli tractant de restituenda Domo *Würtembergica*, in certas Præfecturas, sitas in territorio Gallico, quæ ante ad lineam *Münspelgardensem* pertinerant; Gallia autem Comiti de Sponeck attribuere voluerat, aut Esperantiis liberis, Eberhardi, ultimi possessoris, illegitimis liberis.

Item de finibus *Alsatiæ & Belgii* determinandis. De debitis *Camere Enlishemianæ* liquidandis, prout dudum fieri oportuerat juxta Art. 84. P. W. de finibus Lotharingæ regundis. De commerciis. De bonis in Lotharingia Ordini Teutonico refervandis. De inclusis huic tractatui Statibus Imperii, & nominatim Episcopo Basileensi.

Hanc conventionem ab anno 1735 elaborarunt Comites, Philippus Sinzendorffius, Gundacarus Stahrenbergius, Raymundus Harrachius, Adolphus Metschius, cum Marchione Mirapinio (seu *Mhrepoix*) Gallo.

Anno 1739 hujus tractatus accessit confirmatio; prout etiam finis belli Turcici, minus feliciter gesti; uti in Hungaricis refertur. Marechallos Cæsar renuntiavit *Weissenfelsium*, *Hildburghusium*, *Hohenzolleranum*, *Lobkovitzium*.

Obiit *Ernestus Darmstadiensis* anno æt. 72. Ægiminis 60, successit Ludovicus filius, cum quo Castellæ sis continuavit litem de successione Hanovica, recursum ad Comitæ ubi litem propugnans.

Obit

Obiit quoque *Carolus Fridericus Dux Holsatæ - Gottorpiensis*, natus 1700. Conjugem duxit *Annam*, Petri I Moscorum Imperatoris filii Et Gottorpiam; atque ex ea genuit *Carolum Petrum Ulricum* 1728, futurum piam, Imperatorem Russiæ. Ex ordine proximæ agnatorum tutelæ provinciam pro isto administravit *Adolphus Fridericus, bodiernus Rex Suediæ*. *Carolus Fridericus*, quod ex *Magdalena Bipontina* descenderet, in partem successionis *Juliacensis & Clivenis* venire volebat.

Lites, inter Gottorpiensem, Danum, & Hannoveranum propter *Steinhorstium* exortæ, in transactionem tandem desierunt, manente in possessione Hannoverano, & pecunia illam redimente.

Obiit *Bruxellis Anselmus Franciscus Princeps de Taxis*, Eques Aurei Velleris, supremus Postarum Præfectus, anno æt. 60, suc- Et Princeps cessit *Alexander Ferdinandus* filius, qui hoc anno conjugem quoque de Taxis, suam, *Sophiam Baruthanam*, 1733 ad Catholicam Religionem conversam, amisit.

Eandem æternitatis viam adiit *Christianus Princeps Dillenburger-sis*, cumque nullos reliquisset liberos, Principatus *Dillenburgicus*, Et Dillenburg-heredes & Comitatus *Hadamarensis*, cum civitate *Herborna* ad agnatum proximatum ex linea *Diezensi*, Principem *Auriacum*, translati sunt. *Diezensis*.

Art. XXXIV.

Obitus Caroli VI Caesaris. Borussi in Silesiam irruptio. Præfensio Electoris Bavaria. Vicariatus Imperii simultaneus. Causa Heristallensis. Obitus Sebencii Episcopi Constant. & August. in celebritate Jubilæi Möskirchen-sis.

Dies 20 Oct. 1740 toti Europæ luctum indixit, dum *Carolus VI Romanorum Imperatorem* sustulit, anno ætatis 56, Imperii 29. Princeps fuit magnanimus & more Austriaco pius, primis Imperii sui annis potentissimus & invictus, sequentibus dein annis felix minus, in Italia & Hungaria multa passus, semper tamen magno animo, & utriusque fortunæ Dominus.

Nihil autem inter res magnas gestas ita sollicitum habuit, atque *Sancto sua Pragmatica*; pervicitque, ut illa a plerisque Europæ Statibus non modo acceptaretur, sed insuper pro eadem sponderetur.

Part. X.

P

Secun-

56.
Obit Carolus VI Imp.

Secundum hanc Sanctionem ex asse hæres erat *Maria Theresia*, filia defuncti primogenita. Sed plures amplissimam hæreditatem aut petebant integram, aut in partem venire volebant. Superfedeo, varia Documenta, Instrumenta, Testamenta, Codicillos, Manifesta, recensere, recentiora illa sunt & notiora, quam ut hic produci debeant, & fortasse magis odiosa, quam ut expediat.

Borussus in Siles. Arma primus corripuit *Rex Borussæ*, atque Silesiam invasit. Tota dein prope Europa in partes distracta, gestumque bellum in Bohemia, Austria, Bavaria, Italia, Belgio.

Vorum Bohemicum. Cum de novo eligendo Imperatore tractaretur, multa erat contentio de *Voto Bobemico*, quod pro ea vice quiescere volebant alii, alii jura Bullæ Auræ & exempla voti, per maritos exerciti, oponebant.

Præsentio Elect. Bav. Carolus Albertus *Elect. Bavariæ* successionem in terris Austriacis prætendit, se referens ad testamentum & præcipue Codicillum Ferdinandi I Imperatoris. Quæ autem per Comitem Perousa, Baviaræ Legatum, Viennæ circa collationem exemplarium, & alias acta sint, abunde sunt notoria.

Vicariatus Imp. Interea autem, dum vacaret Imperium, *Vicarii* regebant more veteri, Saxo & Palatinus, quibus tamen alienatio & collatio feudorum majorum est interdicta. Bavarus autem & Palatinus *communi Consilio* Vicariatum administrabant, prout inter utramque Domum, aut potius unius Domus utramque lineam, alias etiam communes rationes habentem, fuerat conventum, non tamen sine murmure quorundam Ratisbonensium Legatorum.

Causa Mümpelgard. Administrator Württembergicus urget traditionem novem ditionum, ad Ducatum *Mümpelgardensem*, prout dicebat, pertinentium, quas, cum Sponeckiani & Esperancii Eberhardi liberi, negantes, se in systemate Protestantium illegitimos, prætenderent, Rex Galliarum sequestro subjecerat, atque cum in Burgundico territorio essent sitæ, ad tribunalia sua vocabat, dans optionem Administratori, an coram Consilio Regis Aulico, an vero coram Parlamento Parisiensi causam velit agere; neque enim, quæ in Tractatu Definitivo de controversiis his locis essent acta, aliter esse intelligenda, ac salvo jure tertii.

Nuptiæ Castellani. *Fridericus* Princeps hæreditarius Hasso-Castellanus ducit Mariam, Georgii II Angliæ Regis filiam. Hic, in Germanicas suas provincias advectus, conciliatione sua componit litem, non armis minus quam calamis inter Moguntinum & Castellenum agitatum in puncto juris ligandi, quod Hanovienfes prætendebant.

Frideri-

Fridericus novus Rex Borussia, cum ab Herstallo homagium ei negaretur, armata manu ditionem Leodiensem invasit. Epi- Causa Her- scopus Leodiensis, Dominus directus Herstalli, contra hanc vim, stallanæ a Vasallo sibi illatam, Ratisbonæ conquestus, tandem, ut talem vicinum arceret, porrectis Regi 150000 Thaleris, dominium utile cum directo consolidavit.

Dum Frobenius Princeps Fürstenbergius Möskirchii duplex Jubilæum solenniter celebrat, matrimonii nempe sui, & Regiminis, aderat Joannes Franciscus Baro Schenck de Stauffenberg, Episcopus Constantiensis. Obiit Episc. ab anno 1704, & Augustanus ab anno 1737, qui ibidem subita Const. & morte fuit oppressus, ætatis 87. A capitulo Constantiensi regnante August. ductus in custodiam Weinbachius novator, primæ admissionis Minister. Christophorus, frater Religiosus, ædilis, in aula potens, jam ante aufugerat.

Constantiæ successit Damianus Hugo, Comes Schönbornius, Cardinalis, & Episcopus Spirensis, jam anno 1722 electus Coadjutor. Successores, Augustanus vero Episcopus electus est Josephus Princeps Hasslo-Darmstadtensis, Landgravius Philippi, Cæsarei Marefchalli & Mantuæ olim Gubernatoris, filius.

Art. XXXV.

Lis de Voto Bohemico, cessare jussu. Prætensio Bavariæ, Saxonæ, Hispaniæ, Sardinia, Borussia, in provincias Austriacas. Responsiones Austria.

Toto adhuc anno 1741 vacavit Imperium, Vicariis Augustæ & Dresdæ exercentibus jurisdictionem. Legati Electorales Francofordiæ, Principes Protestantes Offenbachii ad Dietam per legatos conveniebant, de iis, quæ Electoribus ratione futuræ Capitulationis Cæsareæ essent proponenda, consulturi. De Voto Bohemico, pro hac vice cessare jussu, multa contentio. Brandovius, Legatus Francisci Stephani Magni Ducis Florentiæ, cui, in Contio. Regentem assumpto, Votum Bohemicum commiserat conjux Maria Theresia; Regina Hungariæ, &c. a conventu exclusus, tum quod negarent, suffragium Electorale sœminæ posse competere, tum quod eandem Bohemiæ hæredem diffiterentur, aut dubitarent.

57.

De Voto
Boh. cessare
jussu conten-
tio.

Bavarie
prætenſio.

Nam 1. *Bavaris* ad pacta dotalia, Testamentum, & Codicillum se referebat, quo Ferdinandus I per substitutionem, post extinctam masculam suam stirpem, Annam filiam suam, Alberto V Bavarie Duci nuptam ejusque posteros ad hæreditatem vocasset. Renuntiationem vero anno 1722 tantum respectu conjugis suæ esse factam, non autem jura antiqua Domus Boicæ fuisse abdicata. Eadem mente Sanctionem Pragmaticam 1726 fuisse acceptatam, nempe, in quantum conjugem concerneret. Primos Marchiones Austriæ usque ad Henricum *Jasemergott*, primum Ducem, atque ab eo usque ad Fridericum Bellicosum fuisse ex gente Boica, ex Arnulpho Malo ejusque filio Eberhardo descendentes: ac proin Friderico Bellicoso mortuo successionem ad alteram Bojarie Ducum lineam, per Arnulphum, alterum Arnulphi Mali filium, propagatam, pertinuisse, ac privilegium successionis fæminæ, a Frid. I Jasemergotto concessum, nullatenus Familiæ Habsburgicæ sed Boicæ Austriacæ fuisse concessum. An. 1156 Conradinum, cum in Italiam expeditionem susciperet, omnia sua in Suevia Ludovico Severo tutori & avunculo suo donasse in casum, quo improlis obiret, &c.

Saxonie
prætenſio.

2. *Saxonie* Elector duplici titulo jus succedendi in universam hæreditatem prætenſit, ratione *sui* videlicet, & ratione *Conjugis*. Ratione sui quidem, quod linea recta descenderet ex *Constantia Sorore Friderici Bellicosi*, ultimi Ducis Austriæ ex familia Bambergensi, anno 1246 sine liberis mortui. Ratione Conjugis vero, quod Imperator Leopoldus anno 1703 eum in Domo sua successione ordinem statuisset, ut, si filii sui Josephus & Carolus sine masculis obirent, eorum filia secundum *ordinem primogenituræ* succederent. Nec obſtare renuntiationem suæ Conjugis, anno 1719 factam, utpote profectam ex ignorantia sui juris, & dispositionis Leopoldinæ. Sed neque acceptationem Sanctionis Pragmaticæ obſtare ſucceſſioni Saxonicæ, ut quæ non aliter poſſit intelligi, niſi ſalvo jure cujuſcunque tertii, & cujus Sanctionis nunc nemo rationem haberet, neque Carolum VI diſpoſitionem ſui Parentis poſuiſſe evertere.

Regis Hiſp.
prætenſio.

3. *Rex Hiſpaniæ* Philippus V pariter totam hæreditatem prætenſit, juſ ſuum deducens ex Anna, *Maximiliani II Imperatoris filia*, Philippo II *Hiſpaniarum Regi nupta*, ex qua ipſe deſcenderet. Carolus V autem Cæſarem, Germanicas Domus Austriacæ provincias, Austriam, Stiriam, Tyrolin, Alſatiam, Briſgoviam, fratri ſuo Ferdinando ceſſiſſe quidem, ſed ſub ea conditione, ut, ſi

ma-

mascula ejus progenies deficeret, Hispanica linea succederet. Cum igitur in Carolo VI hæc defecerit, succedere Hispanicam, cujus ipse sit caput, ex Anna descendens, & Caroli II hæres.

Eandem esse rationem Hungariæ & Bohemiæ, quarum Maximilianus II, ex matre hæres, jus succedendi filiæ suæ Annæ (jam memoratæ) reservavit in casum, quo Masculina series Teutonica deficeret. Idemque a Ferdinando II anno 1617 Pragæ fuisse confirmatum. His autem juribus, dudum quæsitis, Carolum VI per Sanctionem suam Pragmaticam non potuisse præjudicare. Hæc Montichius legatus Hispaniæ per aulas Germanicas late dispersit.

4. *Rex Sardinie* non totam quidem hæreditatem, Ducatum tamen *Mediolanensem* prætendit, ex ea ratione, quod Carolus V anno 1549 successionem in eo ita ordinavit, ut deficiente propagine mascula Philippi II filii, succedant filiæ, earumque masculi secundum ordinem primogenituræ. *Primogenitam* autem *Philippi II* fuisse *Catharinam*, Carolo *Emmanueli Duci Sabaudia* nuptam, ex qua ipse descendat, ac proin sit hæres legitimus. Domui Sabaudicæ jam eo tempore, quo Carolus II Rex Hispaniæ decessit, jus competisse, nullo magis nunc, tota masculina Domus Austriacæ stirpe extincta.

Regis Sard.
prætensio.

5. *Rex Borussia* prætendit successionem in quatuor *Silesiæ Ducatus*, *Regis Borussia* *Lignicum*, *Briegam*, *Woblaviam*, & *Jägerndorsium*. Et quidem jus in prioribus tres Ducatus fundavit in pacto *Confraternitatis*, anno 1537 inito inter *Joachimum II*, Electorem Brandenburgicum, & *Fridericum II*, trium illorum Ducatum possessorem, vi cujus mutua sit statuta successio, sub nexu tamen antiquo feudali cum Regno Bohemiæ: qui nexus nullatenus impediatur *Confraternitatem*, atque hoc pacto eventualem alienationem, cum *Bogislaus III*, anno 1329 suos Principatus *Joanni Luxenburgico*, Regi Bohemiæ, subjecerit quidem, jure clientelari a se possidendos, reservato tamen jure eos alienandi, ac proin pactum illud *Confraternitatis* fuisse omnino validum, quin illius confirmatio esset necessaria.

sic præten-
sio.

Jägerndorsium anno 1524 a *Georgio Marchione Brandenburgico* fuisse emptum; ab ejus vero filio, cum anno 1603 improlis obiret, *Joachimo Friderico Electori* fuisse legatum; ab hoc vero juniori filio suo *Joanni Georgio* relictum; quem dein, partes *Friderici V* in turbis Bohemicis sequentem, *Ferdinandus II* anno 1623 proscriptum Ducatu spoliavit. Jure igitur possiminius illum cum fructibus perceptis & percipiendis reposci.

Re-

Responsiones Austriacorum.

His omnibus responderunt Austriaci.

Contra Bay. Jammodo casum fuisse substitutam, quo ex tribus Ferdinandi I filii nullus superesset *heres*, legitimo matrimonio natus. Atqui plures adhuc superesset tales *heredes*, & inter eos *Mariam Theresiam*, Caroli VI ultimi possessoris filiam primogenitam, cui vi privilegii, a Friderico I concessi, vi Sanctionis Pragmaticæ, anno 1726 ab Electore acceptatæ, vi denique rationis & ordinis naturalis, jurisquæ Divini & humani, paterna hæreditas competat.

Neque ab antiquis temporibus jus aliquod derivari posse, cum antiqui Marchiones & Duces Austriæ non fuerint stirpis *Boicæ*, ab *Arnulpho Malo* descendentes, sed stirpis *Bambergensis* sive *Babebergensis*; ex qua familia Albertus I *Elisabetham* duxisset, omnium Archiducum matrem. Privilegium successionis fœminæ a Frid. I Imperatore fuisse concessum Henrico *Jasemergott* ejusque in eodum Ducatu successoribus, nec non terræ Austriæ. Idem privilegium confirmatum fuisse a Rudolpho Habsburgico, cum consensu Electorum, etiam Ludovici Severi, Baviaræ Ducis & Electoris Palatini: & postea ab Alberto I, Henrico VII, Carolo IV, Wenceslao, Sigismundo, Friderico III, Carolo V, & ipso etiam Ludovico Bavaro Imperatore.

Quantum ad Hungariam, Ferdinandum I ne quidem potuisse de successione libere disponere. Patere ex juramento, quod Reges præstare sint soliti, eos non habuisse manus liberas. Primum an. 1687 ab Hungaris Leopoldo, ob res adversus Turcas præclare gestas, successionem masculinam fuisse firmatam, & anno 1723 ad fœminas secundum normam Sanctionis Pragmaticæ extensam. Posteriori testamento Ferdinandum I, cum ex Maximiliano filio jam nepotes haberet, de successione filiarum nullam factam mentionem, nisi quod singulis centum florenorum millia assignaret pro dote. Denique Sanctionem Pragmaticam ab ipso etiam Electore anno 1722, & 1728 absolute fuisse acceptatam &c. Hæc aliaque *Bartensteinus* Secretarius attulit; amplior autem deductio *Knorrio* fuit demandata.

Contra Sax. Ad 2. *Fridericum Bellicosum* habuisse fratrem seniore *Henricum*, ex quo descendat *Elisabetha*, Alberto I Imperatori nupta, ac mater omnium Archiducum. *Constantiam* autem, Marchioni Misnienfi nuptam, fuisse ejusdem *Friderici Bellicosi* sororem natu minorem; merito

merito autem præponi progeniem fratris natu majoris propagini sororis, & quidem natu minoris. Dein a Rudolpho Habsburgico post devictum Ottocarum, Austriæ incubantem, Albertum filium Austriæ pseudo fuisse investitum, consentientibus Electoribus, ob magna in Imperium merita.

Josephi Imperatoris filiam natu majorem, Saxonie Electoris conjugem, utique successuram fuisse, si Josephus supervivisset Carolo, quæ mens fuerit Leopoldi Cæsaris, non vero, dum Carolus supervixerit. Tunc enim prolem succedere patri præ nepte ex fratre. Denique Josephinas Archiduces renuntiassent secundum normam Sanctionis Pragmaticæ, a toto Imperio & plerisque Europæ Statibus approbatæ.

Ad 3. Responderunt Austriaci, secundum privilegia, a Fridrico I, & II anno 1156, & 1245 concessa, & ab aliis Imperatoribus confirmata, filiam Archiducis ultimi possessoris succedere. Regem Hispaniæ hunc succedendi ordinem anno 1725 in pace Viennensi art. 12 cum sponsione approbasse, & an. 1731 denuo confirmasse. Hoc ipsum privilegium etiam a Carolo V Imperatore & Rege Hispaniæ fuisse confirmatum.

Contra Hisp.

Carolus V, cum provincias Germanicas Ferdinando fratri cederet, eam solam adjecisse conditionem, ut, si stirps Germanica mascula extingueretur, succederet Hispana mascula; hanc autem in Carolo II defecisse. Regem Philippum non per masculam sed fæmineam duntaxat propaginem a Carolo V, & Austriacis descendere: fæminis autem Hispanis nullum esse jus quæsitum in terras Germanicas. Annam quidem, Philippi II Conjugem, sibi jus reservasse, sed tantum in eum casum, quo masculina & fæminina in Germania series deficeret. Philippum quoque III in contractu domestico, anno 1617 Pragæ cum Ferdinando II inito, pro solis masculis suis jus successionis sibi reservasse in terris, a Carolo V cessis, si mascula Ferdinandi I linea deficeret.

Adversus Regem Sardinie Austriaci nullam Deductionem protulerunt, sed potius eum, ab Hispanis, Mediolanum prætententibus, irritatum, lucrari, & in partes suas trahere conabantur. Hoc certum putabant, quod Sanctioni Pragmaticæ subscripserit, sique juri suo renuntiavit.

Cont. Sard.

Ad Argumenta denique Regis Borussiae responsum fuit a Kanengiessero Consiliario: Boleslaus Ducem anno 1329, & 1331 Lignicum & Briegam tanquam hæreditaria feuda Regno Bohemiæ subjecisse, jure clientelari deinceps a se & masculis suis hæredibus possidenda,

Cont. Boruss.

denda, cum expressa declaratione, etiam a filiis Boleslai approbata, ut, si mascula ejus stirps deficeret, Principatus isti Regi Bohemiæ ejusque *heredibus & successoribus* aperirentur, atque cum corona Bohemiæ *consolidarentur*, cum ea tamen reservatione, ut pro casu necessitatis unam vel alteram urbem aut arcem Regi, vel si is nollet emere, alteri vendere liceat. Potestatem proin aliquid ex his, feudis alienandi ad *casum necessitatis* esse restrictam.

Equidem a Rege Uladislao anno 1511 Duci Lignicensi *Friderico II* factam potestatem libere testandi; idque a Rege Ludovico 1522, & 24 fuisse confirmatum; sed eas litteras sub & obreptitie fuisse impetratas, ex falsa allegatione, quod Duces vi primæ infeudationis potestatem liberam alienandi habeant, & reticentia consolidationis in casum deficientis stirpis masculæ, Regi Joanni & coronæ addictæ, & juramenti Regii, accrescentia ejusmodi bona sine consensu Bohemiæ Statuum non alienandi.

Igitur *Fridericum II*, qui Lignicium, Briegam, & Wohlaviam possidebat, non potuisse in præjudicium Regis & Regni Bohemiæ disponere, & cum *Joachimo II*, Electore Brandenburgico, *factum hereditarium Confraternitatis* inire: sed Status regni jure a Ferdinando I Rege petiisse, ut illam declarat irritam. Quod & factum anno 1546, postquam partes legitime citatæ, litem contestatæ, eorumque probationes ultro citroque auditæ & expensæ fuissent, protestante licet Electore contra sententiam, nullitatis declarationem.

Duces tamen acceptasse sententiam, & anno 1596 revocasse Confraternitatem. Ipsum etiam Brandenburgi Electorem *Joannem Georgium*, successorem Joachimi, agnovisse æquitatem sententiæ, ac propterea Rudolpho II Regi supplicasse, ut unum sibi Principatum ex gratia concederet; quod tamen negatum fuerit. Ab anno dein 1593 usque 1683 per 90 annos a Domo Electorali nihil motum, ne quidem anno 1675, quo mortuus est Georgius Wilhelmus, ultimus Dux ex Pfistorum Stemmata. Oblatam autem *Friderico Wilhelmo* Electori ab Imperatore Leopoldo fuisse pecuniam, alienum esse a veritate; quin imo rescriptum ab eo, Electorem nihil posse prætere, sed post ultimi Ducis mortem tres Principatus sibi ac regno Bohemiæ accrescere.

Nihilominus tamen Leopoldum Imperatorem anno 1686 præmente bello Turcico & turbis in Imperio, cum opera Electoris indigeret, ad preces *Friderici III* Electoralis Principis *Soubisavum* *circulum* Electori ultro dedisse, per litteras Reversales spondente *Fri-*

Friderico Principe, se post mortem patris eundem restitutum. Dici proin nullatenus posse, Freytagium Cæsaris Legatum has litteras per fraudem extorsisse. Puffendorffium, qui ex Archivio Brandenburgico scripsisset, nequaquam, si quis dolus intervenisset, fuisse taciturnum.

Post cessionem dicti circuli, & prætensionis Lichtensteinianæ in Principatum Frisiæ Orientalis, Fridericum Wilhelmum Electorem omni prætensioni in memoratos Principatus non modo pro se, sed etiam hæredibus & successoribus suis, erecto instrumento, renuntiassè, factumque verbis conceptis, eidem instrumento insertis, prætensiones suas non fuisse fundatas, ac propterea omnia documenta ea super re irrita ac nullius roboris fuisse a se declarata, atque Freytagio restituta.

Mortuo anno 1688 Friderico Wilhelmo Electore potuisse Cæsarem, vi Reverfalium, quas in manu habuisset, possessionem Svibusianam rursus capere; sed in respectum Domus cum novo Electore novum iniisse tractatum, quo conventum, ut Svibusianam restitueret Elector, Cæsar vero Electori *Dux Borussie* titulum (absque præiudicio tamen Ordinis Teutonici) tribueret, una cum *expectativa gratia ad Frisiam Orientalem*, ac promisso, virum Protestantica Religionis in Iudicium Aulicum assumendi. Tum vero anno 1695 Svibusium una cum litteris feudalibus, aliisque documentis Cæsari fuisse restitutum: nec postea ultra 40 annos mentionem ullam de prætensione Brandenburgica esse factam. Quin imo eundem Electorem Fridericum anno 1700, cum Imperator Leopoldus eum Regem Borussie agnovisset, omni prætensioni in Principatus Silesie iterato renuntiassè, pro se & omnibus suis successoribus.

Nulla igitur ratione capi posse, quo jure aut æquitate Fridericus II Rex Borussie Silesiam invadere vi armata potuerit, contra jus gentium, absque ulla prævia denuntiatione belli.

Quantum ad Principatum *Jägerndorffium* spectat, nec illum esse feudum simpliciter hæreditarium, aut vendibile, aut alias alienabile, sed feudum rectum masculinum. Neque sub alia qualitate a Georgio Marchione Anspacensi fuisse anno 1524 obtentum a Ludovico Rege, & quidem pro se, fratre & filiis tantum. Georgii filium *Georgium Fridericum* a Ferd. I anno 1557, & a Max. II anno 1567 eo fuisse investitum tanquam pseudo masculino. Cum autem cerneret, Franconicam Marchionum Brandenburgicorum veterem lineam masculinam secum emorituram, adeoque nullos superesset feudi capaces, omnemque de eo dispositionem sibi esse præcisam,

apud Rudolphum Regem instituisse, ut illud Joachimo Friderico Electori Brandenburgico, agnato suo, donare liceat. At Rudolphum legibus Regni Bohemiae fuisse constrictum, quo minus posset, reversa ad coronam feuda alienare.

Marchionem nihilominus *vi facti* Jägerndorffium cum quatuor aliis ditionibus in Electorem per *donationem mortis causa*, erecto instrumento, an. 1595 transfuisse, contra jus omne & equum: cumque an. 1603 obitus Marchionis fuisset secutus, Electorem in illis belli turbis possessionem invasisse, eamque filio suo Joanni Georgio tradidisse, ad quam neuter fuerit habilis.

Rudolphum autem Regem perpetuo eis negasse Investituram, & Principatum cum fructibus perceptis repetisse: Ferdinandum II Joanni Georgio an. 1623 non tam propter crimen feloniae Principatum ademisse, quam propter injustam ejusdem possessionem, quod ex linea Franconica, unice infeudata, non descenderet.

Hanc Deductionem Austriacam, quam brevi compendio obiter retuli, consutare jussus Baro Coccejus, Borussiae Minister, prolixum scriptum edidit; id potissimum probare conatus, Boleslaum Ducem, cum in clientelam Joannis Bohemiae Regis se dedidisset, libertatem alienandi sibi reservasse, atque a prima Investitura eos Principatus fuisse feuda hereditaria, libera ac promiscua, non autem masculina. Ejusmodi feuda hereditaria post extinctam masculinam stirpem non aperi domino directo, si vassallus per actum inter vivos aliter disposuerit. Fatentibus ipsis Bohemiae Regibus, Duces de his liberis feudis hereditariis potuisse disponere; ac proin Confraternitatem hereditariam & validam & licitam fuisse, ejus vero cassationem irritam, & consequenter post ultimi Ducis mortem feuda illa coronae Bohemicae non fuisse aperta, sed dominium utile ad Domum Brandenburgicam fuisse translatum, remanente cum regno nexu feudali. Jägerndorffium pariter fuisse feudum improprium, simpliciter hereditarium, dispositioni Ducis subiectum, ideoque a linea Franconica legitime ad Marchicam fuisse translatum. Propter feloniam autem Joannis Georgii non fuisse puniendos liberos & agnatos innocentes.

Hac Deductio rursus ab Austriacis fuit consutata; pluraque alia scripta in utramque partem per Europam sunt dispersa; ex quibus brevissimam syncopem pro eruditione aliquali Historica extraxi, quin ullo modo judicium meum interponam, cum minor sim, quam ut de Juribus magnorum Principum quidquam possim definire.

Art. XXXVI.

*Borussus in Silesiam. Legatum Viennam mittit. Regina
responsum. Neupergius pugna ad Molvicium vin-
citur. Römeri virtus. Schnöllendorffenfis
conventio, sed non servata.*

Audita vix morte Caroli VI Imperatoris, antequam hæc scri-
pta ederentur, Rex Borussia Fridericus II validum exercitum Silesiæ,
adversus talem tantumque hostem non satis præparatæ, nulla belli
denuntiatione facta, infudit, atque anno 1740 exeunte jam duos belli
Principatus, Saganum videlicet, & Glogaviam, in quos nullam un-
quam præensionem formaverat, expugnavit; Glogaviam, autem,
permunitam urbem, dum milite cinctam habebat, Coterum Vien-
nam misit, qui Reginæ proponeret; timendum esse, ne Gallia &
alia quædam Aula Silesiam occuparent; hinc Regem paratum esse
Germanicas Regiæ provincias omnibus suis viribus defendere, ini-
turum se cum illa, uti & Russia, Anglia, Hollandia eam in rem
facturus. Effecturum, ut Conjux ipsius Dux Lotharingia eligatur
Imperator: simulque daturum Reginæ duos florenorum miliones.
Pro his tamen conditionibus cedendam sibi Silesiam Inferiorem.
Respondit Regina, quodlibet membrum corporis Germanici
esse obligatum, parti invase succurrere; idque non tantum propter
Imperii communem nexum, sed etiam in præsentī casu propter
Sanctionem Pragmaticam, cui totum Imperium sponsor accesserit.
Fædus cum Russia, & potentis maritinis jam alias subsistere, & sub-
stitisse, antequam Rex Silesiam invaderet. Electionem Imperato-
ris secundum B. A. debere esse liberam, nihilque magis impedire
eam libertatem ac turbas in Imperio excitatas. Oblatos duos mil-
liones multum excedi damno, per irruptionem in Silesiam illatæ.
Cæterum statutam Reginam Sanctione Pragmatica, nec quidquam
cessuram de Silesia. Si autem Rex illa excedat; paratum esse reno-
vare cum illo amicitiam. Atque hac ratione abscissa tractatione
legati domum sunt revocati, Borussusque pleno velut alveo Sile-
siam inundavit.

Per Europam autem nuntiari jussit, suum in Silesiam ingressum
nullatenus oriri ex hostili adversus Reginam intentione, multo
minus ad turbandam Imperii quietem; sed unice ad vindicandā ma-
nifesta sua in Silesiam jura, in contractibus & Confraternitatibus

maisebat)

58.

Boruss. Sile-
siam invadit.Ejus propo-
sitiones.Responsum
Reginæ.Rex causas
publicat.

cum prioribus Ducibus fundata. Præsentes temporis circumstantias celeritatem exegisse, ne alii, qui successionem sibi vendicarent, prævenirent. Quamvis igitur non potuerit prius cum Regina ea super re conferre, non omissum tamen Domum Archiducalem fuisse.

Præstadium
occupat.

Interea autem Rex, Sagano & Glogavio Principatu occupato 28 Dec. ad *Urtisloian* admovit exercitum. Regina 5000 in præsidium huic urbi obtulerat; at illa obtendens sua privilegia, recipere recusavit; quo in rem suam Rex usus, urbi *neutralitatem* obtulit, quam illa acceptavit, sub conditione plenæ immunitatis ab omni onere, & militari præsidio. At mox 3000 in ædes Ecclesiasticas introducta sunt, atque officiales Austriaci cum Schaffgotscho migrare iussu.

Alasque urbes & provincias.

Sub initium anni 1741 expugnata *Olavia* & *Otmacevis*, ad *Neissam*, urbem Silesiæ munitissimam, ductæ copiæ. At *Rathius* Baro tam strenue eam defendit, ut cessante oppugnatione, corona duntaxat cingere eandem oportuerit, prout etiam munimenta *Briega* & *Glogavia*. Expugnata autem *Oppalis*, *Namulavia*, *Tropparia*, *Fägerndorffium*, cum munita *Fabianca* transitu, ut Hungari ingressu prohiberentur; atque sic Rex, qui quatuor solummodo Principatus sibi vendicaverat, duos intra menses utramque Silesiam rigente bruma armis percurrit, *Moravia* quoque contributione indita.

Commisso dein *Schwerino* exercitu Rex 29 Januarii ovans Berolinum ingressus est. At altero jam mense reversus, tot copias adduxit, ut in Silesia ultra sexaginta armatorum millia sub signis haberet; cum quibus appetente jam vere expeditione cæpta, primo *Glogaviam*, quam Wallisius propugnaverat, per Dessavium Anhaltinum noctu expugnavit 8 Martii, præsidio 800 virorum more militari capto.

Pugna ad
Molvicum.

Römeri
cirado.

Inter hæc *Neupergius*, quem Regina copiis suis præfecerat, collecto in Moravia exercitu, in Silesiam movit, atque 10 Aprilis ad *Molvicum*, pagum non plus millari Briega distitum, stetit. Rex, pugnam conserturus, obviam processit; instructaque utrinque acie accerrime est dimicatum. Singularis in hoc prælio virtus enituit *Römeri*, qui sinistrum cornu Austriacorum regebat. Is enim cum Dimachis & cataphractis tanta vi distracto gladio in dextram Borusorum alam quinquies fuit invehsus, ut ordines primum turbaret, dein vero totum cornu retrogeret: sed *Dessavius* & *Schwerinus*, celeberrimi Duces, ita restituerunt aciem, ut cadente *Römero*, fortitudinis

diæ suæ victima, post quinque horarum cruentum consilium Neupergium receptui caneret, Borusso in acie persistente. Vitio receptui datum, quod dextro Austriacorum cornu serius adventante, finicant. istrum initio solum universis hostium viribus fuerit obiectum; nihilominus tamen reportandam fuisse victoriam, si eandem pedites, quam equites fortitudinem objecissent, hostes ipsos fuisse confesos. Ipsi etiam Rômero culpæ datum, quod in hostiles acies ardore nimio irrupisset, antequam acies in ordinem fuissent redactæ.

Victoriæ fructus erat Briega, quam Octavius Piccolominus defenderat, a Borussis expugnata, libero abire permissio præsidio, cum promisso tamen, per duos annos non militandi adversus Regem. Briega dicitur. Nec multo post Rex *Uratislaviam*, urbem Silesiæ principem, quantumvis neutralitas ei fuerat promissa, præsidio octo millium occupata, eo obtentu, quod Syndicus Austriacos advocasset, scriptis ad Neupergium litteris, a Borussis interceptis.

Cum autem *Protestantes* passim, fidem, Domui Austriacæ datam, ejurarent, & homagio præstito se Regi subjicerent, *Canonici* Protestantes tamen id recusarunt, quod fundatio sua sit a Polonis, solique Episcopo suo & summo Pontifici essent subiecti, & si id facerent, Ecclesiæ bona sua in superiori Silesia, & Moravia essent amissuri. perfidia. constantia.

At Rex, hoc responso irritatus, eos, ademptis bonis, *Vratislavia* expulit; bonorum etiam jacturam comminatus omnibus Inferioris Silesiæ incolis, si militiam Austriacam non ocius desererent, Philippum Ludovicum vero *Sinzenдорffium*, Cancellarii Aulici, viri celeberrimi, filium, S. R. E. Cardinalem & Episcopum *Vratislaviensem* *Ottmachovio* captivum abduxit, & post 6 dies *Viennam* dimisit.

Venerant interea in castra Regis *Hindfordus* & *Robinsonus* Angliæ, *Ginkelius* Hollandiæ, *Bellilius* Galliæ, & *Monticubus* Hispaniæ Legatorum Legati, priores suafuri pacem, posteriores dissuafuri, atque ad studia fœdus Gallo-Boicum pertracturi.

Rex cum utraque parte transigit; & cum Austriacis quidem *Conventio* Oct. 1741 *Conventionem Schnöllendorffensem* clam inivit, qua promissum sit inducias pro cessione superioris Silesiæ, moxque exercitum *Neisendorffensis* admovit, quæ ad speciem duntaxat aliquot diebus se defendens, *Nessæ* deditionem fecit. dedicio.

Regina Hungariæ, &c. hac pactione ex illa parte se tutam rata, copias suas, e Silesia & Moravia extractas, in Bohemiam adversus Fœderatos irrumpentes duxit. Verum Rex, nulla induciarum ratione habita, in superiorem etiam Silesiam, *Glacensem*

Olonetium Comitatum, a Fœderatis sibi addictum, & in Moraviam, ubi Olomucium expugnavit, movit; contestatus nihilominus per Legatum Ratisbonæ, se Pacem West. exacte servaturum.

Art. XXXVII.

*Electoꝝ Bavariz, Galliz & alioꝝ fœderatoꝝ auxilii
adjutus, superiorem Austriam & Bobemiam occupat,
& Rex proclamatur. Hannoveranus neuter.
Causa Wuerttembergica in puncto subseudi.*

59- Ex altera parte adhuc potentior procella in Reginam incubuit, quippe, postquam Elector Bavariz ampla Deductione, a Joanne Adamo Ickstadio, Professore olim Herbipolensi composita, Domus sue jura, ex Gente Boica, ante Habsburgicos in Austria regnante, ex Testamento & Codicillo Ferdinandi I. Cæsaris, atque ex Donatione Conradini, Sueviz Ducis, petita, allegaverat, nihil autem obtinere posset, opportuna auxilia circumspexit, inito cum Regibus Galliz, Hispaniz, Poloniz, utriusque Siciliz, Borussia, Electoribus Colonienſi, & Palatino fœdere.

Magnum Fœdus.
Et Gallis junctus, capto Passavio, In Austriam, Et Boh. movet.
His viribus confusus Elector 31 Julii anni 1741, per Tribunum Minucium Passavium occupavit. Postquam autem Gallicæ copiz, ad 40000 æstimatæ, tum Passavi, tum Schardingæ Bavaricis se conjunxerunt, Elector, commissa Bojariz administratione Electorici & Baroni Unerilio 17 Sept. Monachio profectus, supremum totius exercitus imperium suscepit, atque Austriam superiorem, recedentibus Austriacis, breve intra tempus occupavit, receptoque Statuum 2 Oct. homagio Lincii, in Inferiorem Austriam progressus, recta Viennam petiturus credebatur; sed flexo itinere in Bobemiam movit, relictis ad præsidium superioris Austriæ, sub Minucio & Segurio 12000 armatorum.

Pragam capit.
Rex proclamatur.
Electoꝝ cum sociali Gallorum exercitu Pragam usque progressus, 24000 Saxonum invenit; cum quibus triurbem, tribus locis impetitum, 26 Nov. expugnavit; Ogilvio urbis Præfecto cum 2780 præsidiariis captis, Austriacis vero, qui urbi succurrere volebant, Budweisum usque prope ad fines Bobemiz propulsis. Carolus Albertus vero Rex proclamatus, & a fœderatis agnitus. A Statibus Bohemiz fidei sacramentum & homagium solenniter recepit, postquam suæ illis jura & privilegia confirmavit. Kaisersteinus dictus regni

regni Cancellarius, *Kolowrat* Præfes Iustitiæ, Comes de *Bavaria* Præfatus, *Broglio* vero militiæ. Comitatus *Glacensis* Borussæ cessus. Quibus confectis Carolus Albertus Monachium rediit 29 Dec. inde *Frankfurtum* profecturus ad electionem Cæsaream.

Prius tamen copiis Bavaricis præfecit *Törringium*, locum tenentes vero *Max. Fuggerum*, *Theodorum Moravitskium*, *Carolus Piosasquium*, *Ludovicum Fürstenbergium*, *Josephum Fridericum* Principem *Hohenzolleranum*.

Electo *Palatinus* septem suorum millia cum Gallicis copiis & decem *Colonienfium* millibus ad *Düsseldorfium* conjunxit. Saxo pariter, a *Bellio* persuasus, editis prætensionis suæ, quam supra attingimus, monumentis, magno fœderi accessit, & expugnata Præfatus pars magna fuit, *Mauritio* fratre prælucente victoriis, quas hoc bello deinceps reportavit.

Electo *Hannoveranus* 24 Junii, inito cum Regina fœdere, causam Austriacam defendere promisit, atque in eam rem triginta millium exercitum collegit, geminis castris ad *Nienburgum* & *Hammelmiam* locatis. Verum, cum *Mallebæus* cum majori exercitu in *Westphaliâ* irrumperet, & provinciis *Lüneburgicis* minitaretur, atque *Brandenburgicæ* etiam copiarum, ad *Gentinum* collectæ, terrorem incuterent, 27 Sept. *Neutralitatis* Tractatum iniit, quo promisit, se nulla Regiæ præstiturum auxilia, nec *Borussis*, *Boiis*, aliisve fœderatis obstiturum, quin imo in electione Cæsarea Electori *Bavariæ* Votum daturum. *Mallebæus* vero spondet, se in terris *Hannoveranis* hyberna non capturum; & *Borussus*, se castra *Gentiniana* soluturum.

Hoc eodem anno *Maria Augusta*, *Alexandri*, *Würtembergiæ* Ducis, Vidua, a Rege *Borussæ* in Ordinem Equestrem *Nigræ Aquilæ* fuit suscepta, & invitata cum tribus filiis suis; consilio ne scio quo; *Berolinum*, ad Regem eos misit educandos. Fortassis id factum suavis Ducis *Oelsii* tutoris *Lutherani*, arrepta ansa ex controversia cum Regina *Hungariæ*, quæ, ceu universalis *Caroli VI* patris sui hæres, etiam Ducis *Würtembergiæ* titulum cum insignibus assumebat.

Displicuit hoc tutori, qui obtendebat, cum stirpe Austriaca mascula jus omne in *Würtembergiam* fuisse extinctum; cum enim *Maximilianus I* Imperator anno 1495 *Wormatiensibus* in Comitibus *Würtembergiam* in Ducatum erigeret, Comitibus *Beutelsbacensis* originis in feudum masculinum pro Imperii more fuisse concessum, nec unquam hanc feudi recti naturam fuisse mutatam.

Quippe

Quippe, licet Carolus V Württembergiam a Fœdere Suevico (quod Ulricum Ducem ea privaverat) emerit, & anno 1519 fratri Ferdinando cesserit, Ulricum tamen post pugnam Lauffensem, ope Philippi, Hassiæ Landgravii, an. 1534 fuisse restitutum. Et quamvis in Tractatu Cadanensi fuerit conventum, ut Domus Württembergica Ducatum a Ferdinando tanquam *sub-feudum masculinum* recipiat, anno tamen 1599 a Rudolpho II hoc subfeudum fuisse sublatum, & solum jus reservatum succedendi, si stirpem Württembergicam masculinam extingui contingeret. Semper autem consideratum fuisse ceu feudum masculinum, quam qualitatem ne quidem utraque Domus sine Imperii consensu potuisset mutare: neque ex ullo contractu haberi, quod etiam fœminis Domus Austriacæ eventualis successio competat: consequenter Reginæ neque titulum amplius Württembergicum neque insignia competere.

Hæc tutor nomine pupilli per suum Viennæ Legatum proposuit, & proluxa Deductione publicavit. Non tamen, quod sciam, fuit responsum; quia majoribus tunc Vienna negotiis fuit distracta. Titulis tamen & juribus paternis Regina uti perrexit, etiam vigore Sanctionis Pragmaticæ, a toto Imperio acceptatæ.

Wilhelmus Hassiæ Landgravius armata manu *Holzhusum* occupavit, quod ad Comitatum Hannovium pertinere prætendebat. Oppidum hoc tempore tricennalis belli *Reiger-spergio*, Cancellario Moguntino, in feudum a Cæsare fuerat collatum; Elefector autem Anselmus illud Ingelheimianæ suæ Familiæ emit, quæ, oblato licet pretio, tradere Wilhelmo noluit. Inde violenta invasio.

Ejus filio Friderico natus est hoc anno ex Maria Angliæ Regis filia Wilhelmus. Ex Darmstadiensis vero linea obiit *Henricus*, Catholicam Religionem amplexus. Fuit is Philippi, Mantuæ olim Gubernatoris, frater.

Carolo Leopoldo Duci Mechlenburgico spes affulsit recipiendi suum Ducatum, cum Anna ejus filia ad Russiæ regimen fuit evectæ. Sed cum brevi rursus fuisset dejecta, evanuit, maxime postquam Saxo, Imperii Vicarius, Christiano fratri administrationem confirmavit.

Henricus
Darmstad.
obiit Catho-
licus.

Art. XXXVIII.

*Electio Electoris Bavariæ in Imperatorem, unctio & coronatio,
prout etiam Imperatricis.*

Annum 1742 celebrem reddit electio Caroli Alberti Electoris in Regem Romanorum & Imperatorem. Peractum negotium ritu con- 60.
sueti. Præstitum Electorali Collegio a Senatu & civitate Franco- Carol. Alb.
furtensi securitatis iuramentum. 21 Jan. indictum peregrinis, ut pridie eligatur Im-
electionis urbe excedant. 24 Moguntinus & Colonienſis, qui perator.
præſentes aderant, & reliquorum Electorum Legati, ex Curia ad
Eccleſiam S. Bartholomæi ſe conferebant, reliqui equites, Mogun- Ordo elec-
tinus propter ſenium curru veſtus. Cantatum ſolenne de Spiritu tionis.
Sancto officium ab Oſteſio Proepiſcopo Moguntino. Poſt Evan-
gelium, Proteſtantes Legati receſſerunt contra Aureæ Bullæ præ-
ſcriptum, nec redierunt ante Communionem. Poſt Miſſam editum
iuramentum conſuetum, ab Eccleſiaſticis Electoribus poſita pe-
ctori manu, a ſæcularibus Legatis tactis ſanctis Evangeliis. Tum
conceſſum in Conclave, ubi intra horæ quadrantem totum electio-
nis negotium fuit abſolutum, cadentibus omnium præſentium Vo-
tis in Carolum Albertum, Electorem Bavariæ. Acceptata a Lega-
tis Bavariæ Königsfeldio & Seinsheimio capitulatio. Promulgatus ele-
ctus primus ab Electore Moguntino in Conclavi, dein a Decano
Moguntino in Eccleſia, reſonantibus & reboantibus lætitiæ & gra-
tulationis inſtrumentis.

Electus, qui interea Manheimi ſubſtiterat, nuntio per Comi-
tes Elzium & Pappenhemium Imperii Vice-Mareſchallum accepto,
30 Jan. publico cum applauſu Francofurti exceptus, primo Eccle-
ſiam, dein Conclave ingreſſus in Articulos Capitulationis iuravit,
diſtoque ſolenni hymno ab Electoribus & Legatis in palatium ſuum
deductus eſt.

Facta dein præparatio ad ſolennem coronationem, quæ 12 Febr.
coram innumerabili Nobilium multitudine ſumma cum pompa ab
Electore Colonienſi, cedente pro hac vice jus ſuum Moguntino, Ordo natio-
peracta eſt. Ritus ac ceremoniæ eadem adhibiti, quæ in corona-
tione Caroli VI, eademque interrogationes, quæ a vetuſtiſſimis
temporibus aliis Imperatoribus propoſiti: an Sanctam, Catholi-
cam, & Apoſtolicam Eccleſiam conſervare & defendere velit, ejus-
que Miniſtros protegere? Imperium ſecundum juſtitiam regere &
Pars X. R. tueri?

tueri? bona alienata reducere ad Imperium? sanctissimo in Christo Patri ac Domino, Romano Pontifici, & S. Romanæ Ecclesiæ decenter obsequi? &c. ad singula autem respondit: *Volo*. Quomodo hæc convenirent Imperatori A catholicico, facile patet.

Consecratio fiebat in vertice, pectore, humeris, & brachio dextro, pronuntiata formula: *ungo te in Regem oleo sacro in nomine Patris* &c. alia longior formula fuit adhibita in unctione manuum. Ita unctus Imperialia ornamenta induit. Moguntinus porrexit enssem Caroli M. Colonienfis consecrator annulum digito inferuit, sceptrum autem dextræ, & Pomum Imperiale sinistræ.

Et coronationis.

Norimbergenses Legati ad altare deferabant Pallium Imperiale, quod pro hac vice ei circumdedit Legatus Brandenburgicus. Electores vero Moguntinus & Colonienfis; cum Legato Trevirensi, juncta opera coronam capiti imposuerunt, consecratore ad singulas has actiones ritu veteri certam formam pronuntiante, & Choro per intervalla respondente, præmissis Litanis, sub quibus Catholici genua flectebant, Protestantes vero recesserunt.

Coronatus ita Imperator coram altari, tactis sacris Evangeliiis, iterum juramento, primum latina lingua, tum germanica, promisit, se leges, justitiam, & pacem sanctæ Ecclesiæ servaturum ac defensurum. Peractum tum in sacro Missæ Officio. Cantato Evangelio liber Imperatori ad osculum oblatus, thusque adolitum. Sub symbolo ad oblationem altare accessit. Cum ad sacram communionem ventum, deposita corona, super nudum pavementum flectens SS. Eucharistiam sub utraque specie, a Colonienfi, fratre suo, Consecratore & Officiatore, sibi porrectam, devotissime sumpsit.

Missæ finita Throno fuit impositus. Facta a consecratore communi nomine gratulatio, & hymnus Ambrosianus cantatus, sequente publico applausu. Creatisque per enssem Caroli M. 71 Equitibus, Capitulum Aquisgranense more Majorum in Ecclesia sua ei Canonicatum per Legatos obtulit.

Denique, postquam hæc solennitas in Ecclesia ad secundam usque fuerat protracta, Imperator in curiam regressus (quam *Römer* appellant) mentæ accubuit, Officialibus Imperii hæreditariis pro more muneribus suis fungentibus, *Archipincernam*, cum Bohemia pro hac vice fuisset exclusa, egit Cæsareæ Aulæ Præfectus *Törringius*.

Sex dein hebdomadis post, octava videlicet Martii idem Archiepiscopus Colonienſis iisdem ferme ceremoniis coronavit etiam *Marian Amaliam Imperatricem*, præſentibus Legatis Moguntino & Trevirenſi, cum Abbatibus, Fuldenſi, Imperatricis Archicancelario, & Campidonenſi, ejusdem Archi-Mareſchallo, qui officiis ſuis fungebantur.

Coronatio
Imperatricis.

Proceſſum ex Palatio Cæſareo eodem ferme ritu ad Eccleſiam S. Bartholomæi ad ſolenne Miſſæ ſacrificium. Unctionem peregit Colonienſis, coronam vero a Fuldenſi porrectam, impoſuit cum Legatis Moguntino & Trevirenſi. Sceptum autem & Pomum Imperiale, a Campidonenſi ſibi porrectum, ſolus Conſecrator Imperatrici in manus tradidit. Collocata in Throno ad latus Imperatoris. Menſæ benedicebant duo illi Abbates. Legati Electorum aſidebant. Comites Imperii inſerviebant.

Art. XXXIX.

Rerum grandis mutatio. Recepta Austria. Capta Bavaria.

Harcurii ſupplicia. Kevenbüllerus & Törtingius. Huic

ſuſſectus Minucius, & huic Seckendorffius. Har-

curio Mauritiuſ. Verſa alea. Recepta

Bavaria.

Apicem gloriæ ſummæque in terris felicitatis attigiffe videbatur Carolus Albertus, proclamatus Rex Bohemiæ occupatæ, electus, coronatusque tanta, quam vix unquam videre licuit, pompa & accurrentis Nobilitatis frequentia, S. R. I. caput Auguſtiſſimum; Hiſpania, Gallia, utraque Sicilia, Borussia, Ubii, Saxonia, Palatinatus ſtabant in fœdere.

61.

Regina vero Hungariæ excluſa a ſuffragio, deſerta ferme ab omnibus, quin undique armis impetita, Auſtriam, Bohemiam, Siſleſiam, Moraviam, Italiam, jam prope amiſerat, & in Germania ſui vix ſecura, cum vagiente in cunis filiolo in Hungariam velut aſylum profugit.

Sed proh quanta brevi mutatio! Eodem adhuc anno 1742 recepta Auſtria, Moravia, Bohemia, & occupata Bavaria, a natiſ ſuis provinciis excluſus Imperator, Francofordiæ velut exul ſubſiſtere debuit. Qua id ratione contigerit, perſtringendum breviter.

R 2

Keven-

Austria re-
cepta.

Kevenhüllerus Comes, supremus belli Imperator a Regina renunciat, summa hyeme, copiis Hungaricis, quæ decem millibus constabant, auctus, expeditionem in Austriam superiorem adversus Gallo-Boios, qui prope ad ipsa Viennæ mœnia jam procurrebant, suscepit, proturbatisque ultra Anisî primis eorum ordinibus, munitiones, quas excitaverant, locaque omnia ad *Lincium* usque occupavit. Urbs hæc, superioris Austriæ caput, quod 10000 præsidio sub *Minucio* & *Segurio* teneretur, longiorem insecutura moram credebatur. Verum *Magnus Florentiæ Dux*, qui in castra venerat, admoto sub finem Januarii 1742 exercitu, tribus eam locis tanta vi oppugnavit, ut obsessi brevi eandem dederent, liberum discessum pacti, qui ea lege fuit concessus, ut intra annum contra Reginam non militarent. Atque hoc pacto 24 Januarii, qua *Carolus Albertus* ab octo Electoribus electus fuerat Imperator, Austriam amisit. Erratum in eo, quod traductis in Bohemiam plerisque copiis, hoc latus prope nudatum sit relictum.

Bavaria in-
vasa,

Quare non stitit hic cursum victoria. 26 Jan. *Passavium* venienti *Bernclavio* portas aperuit. *Platinus* urbis Præfectus *Straubingam* ductus, capite plexus est. *Menzelius* autem *Schardingam* & *Vilshovium* cepit. Uterque una cum *Trenckio* magna cum severitate grandes contributiones exegit; ut adeo tres isti Duces hodiernum in Bavaria etiam rusticis sint notissimi. Adduxerat quidem *Törringius* 1300 ex Bohemia armatos; sed pauciores erant, quam ut cladem evaderent, per hostium cuneos penetrantes.

Et cum Mo-
ra hio ma-
ximam par-
tem capta.

Sub finem Januarii & initium Febr. *Kevenhüllerus* cum toto exercitu in Bavariam irrumpens, *Brunavium*, *Burgbustum*, *Deckendorffum*, *Dingelsingam*, *Landshutium*, *Wasserburgum*, occupavit. 13 Febr. *Menzelio* deditum *Monachium* his pactis, ut præsidio liber abitus *Ingolstadtum* concedatur: arces voluptuariæ, supellex, Archivium, Bibliotheca conserventur integra, prout etiam *Salinæ Traunsteinii*, & *Halz Divitis*. *Bernesius* Comes urbi Gubernator impositus. 20000 supra millionem florenorum exacta ab urbe, contributionibus aliis per totam Boiariam severe indictis; nam & *Menzelius*, capta *Fridberga*, ad *Augustam* usque omnia occupavit.

Collegit quidem ad *Meymburgum* *Törringius* copias, sed a *Bernclavio* interceptus, fususque est. Ex altera parte e *Tyroli* erumpens *Stencius*, disjectis Boiorum munitionibus, *Rosenbeimium* & *Traunsteinium* cum aliis locis cepit: cumque ad *Kelbeimium* fœderati rursus convenissent, Austriacis imminentibus, *Donawertham* recesserunt. Austriaci vero etiam in Ducatum *Neoburgicum* infusi, du-
centa

centa florenorum millia exegerunt; quod Elector Palatinus partes Imperatoris adjuvaret.

Wurmbrandus 6 Apr. *Straubingam* infestare cœpit; sed *Harcourtio* cum 20000 imminente, et ejusdem obsidionem solvere coactus est. Meliori fortuna usi sunt Austriaci, dum *Halam Divoitem* expugnarunt, præsidio 1302 virorum capto, & apparatu salino, ducentis, ut fertur, florenorum millibus æstimato, inde abstracto. *Bernclavius* etiam *Ingolstadium* milite cingere orsus est. Verum *Gallis* imminentibus recessit.

Harcourt ad-
ducit sup-
petias.

Eædem *Harcourtii* suppetiæ id quoque effecerunt, ut occupato *Deckendorffio* Danubius eo usque *Bavaricus* flueret, magno annonæ advehendæ emolumento; *Isaræ* quoque ostia clausa tenebantur. *Törringio*, *Francofurtum* a Cæsare avvocato suffectus est. *Minucius*, qui ad *Straubingam* cum *Harcurtio* se conjunxit. At tota ferme æstate ibidem in castris hæsit exercitus, *Harcurtio* pugnam detrectante, quod mandatum non haberet. *Velitationibus* igitur actum, inter quas erat, quæ ad *Hilgersbergam* accidit, dum fœderati, eam arcem intercipere conati, cum clade repulsi sunt.

Törringio
suffectus est.

Denique uterque Dux Augusto mense successorem est nactus, & *Minucius* quidem Dux Cæsareus *Seckendorffium*, *Harcourtius* vero *Mauritium Saxonem*, qui, *Kevenhüllero* cum copiarum parte in *Bohemiæ* digresso, in *Palatinatum* superiorem abiit, ut ibidem cum *Mallebas* se conjungeret, atque fœderatis in *Bohemiæ* auxilium ferret. *Seckendorffius* vero ad *Isaram* profectus, *Landshutum* intercept.

Et huic *Seckendorffius.*

Berenclavius se *Monachii* non amplius securum ratus, 8 Oct. cum 6000 urbe excessit, atque ad *Oenum* contendit *Schardingam* versus. *Monachium* vero 7000 *Bojorum* ingressi sunt; brevique *Burghusium* quoque & *Brunavia* recepta, *Austriacis* ad fines *Austriæ* propulsi.

Monachium
cum tota fere
Bavaria recu-
paratum.

Haud dubie fœderati hyberna in *Austria* superiore potuissent fi- gere, nisi *Kevenhüllerus* 27 Oct. e *Bohemiæ* rediens progressum stitisset. Venit cum eo Princeps *Carolus*, Dux *Lotharingiæ*, cum *Königseki* legato, novisque copiis, quæ *Brunaviam* oppugnabant, sed a Ductore *Broglia* repulsi, ita in hyberna distributi sunt, ut *Austriam* protegerent, & communicationem cum *Passavio* & *Bohemiæ* conservarent. Fœderati vero in *Bavaria*, jam tota prope- modum recuperata, hyemarunt.

Art. XL.

*Nec minor mutatio in Bobemia. Post prælium Zaslavienſe
pax cum Boruſſo, & Saxone. Praga tandem recepta,
Gallis in Palatinatum fugientibus; Mallebozo
ſuccurrere fruſtra conante.*

62.

Egra tan-
dem expu-
gnata.

Bobemia quoque magnas hoc anno 1742 mutationes ſubiit, quas hic ſubjicere placuit, quia cum Bavaricis & ſtatu Germaniæ connexionem habent. Et initio quidem anni res fœderatorum proſperò curſu ibant. Tota ferme Bohemia erat occupata: Egra, tota hyeme cinctâ, ac dein oppugnata, atque 20 Aprilis a Comite Mauritio Saxone expugnata. Procurſum in Moraviam, ubi Saxones & Brandeburgici ſe conjunxerunt; ſed Auſtriaci in Bohemia auctis, poſtquam victorici arma per Bavariam circumtulærant, recedere coacti ſunt; Gallo-Boicis variis velitationibus, morbis, reſreſſu in Bavariam ita imminutis, ut vix 20000 conficerent.

Pugna Za-
slavienſis.

Princeps Carolus Lotharingus, pugnæ cupidus, Boruſſos ex Moravia diſcedentes inſecutus, 17 Maji ad Zaslaviam in Bohemia cruentum cum iis prælium conſeruit, in quo victoria quidem penes Boruſſos ſtetit, utrinque tamen multi cecidere, plures tamen apud victos. Secuta eſt Pax cum Boruſſis, de qua infra.

Carolus princeps, ab hoſte tam potente liber, cum Lobkovicii exercitu ſe conjunxit, atque Piſeckum & Piſenam expugnavit, præſidio capto. Tum vero 25 Jun. majus & ad poſteritatis commendationem memorabile opus aggreſſus, Pragæ videlicet obſidionem. Venit in caſtra frater Caroli Dux Florentia, & copiarum imperium recepit. Tormenta Vienna & Olomucio adveſta ſunt.

Obſidio Pra-
gæ. I

Dux Broglie cum parte Gallorum extra mœnia in aggere & vallo ſub tutela tormentorum ſtetit, Bellius in urbe imperabat. Exarmati cives. 26 Julii urbs ignibus inſeſtari cœpta. 28 viæ obſidionales apertæ. Multæ vehementes eruptiones tentatæ, cum clade obſidentium, diſjeſta opera. Tormenta adactis clavis fruſtrata. Arctiores tamen in dies res in urbe fiebant. Ingentia erant cibariorum pretia, &, quod conſequens eſt, fames invaleſcebat, ut adeo Galli urbe, quin tota Bohemia ſe exceſſuros ſponderent, ſi liber cum rebus ſuis abitus concedatur. Sed obſidentes poſtulabant, ut captivos ſe tradant: cujus conditionis adjectæ eos poſtea pœnituit,

nituit, cum audirent, *Mallebæum* cum exercitu novo imminere, ut urbem obsidione liberaret.

Igitur postquam ingens pilarum vis in urbem frustra fuisset coniecta, cessatum est, versaque 12 Sept. *oppugnatio in circumvallationem*; majori vero cum parte exercitus itum obviam *Mallebæo*, ad Egram fines Bohemiæ jam ingresso. Et sane, postquam *Kevenhüllerus* novas ex Bavaria adduxerat copias, ea erat Austriacorum virtus, ut *Mallebæus* urbi non posset succurrere, sed in Palatinatum superiorem regredi fuerit coactus.

Ea spe destituti obsessi fame pressi consilium inibant, qua ratione ex urbe evadere, & liberos se salvosque præstare queant. Et quidem *gam de Dux Broglis* cum aliquot Gallorum millibus 27 Oct. occasionem *naferunt.* Aus est, evadendi in Saxoniam, atque inde in Palatinatum ad *Mallebæum*: relictis tamen *Leutomerici* obtingentis ad præsidium, qui capta 25 Nov. urbe, in *Lobkovicis* potestatem venere.

Cum autem interea fames *Pragæ* ingravesceret, *Bellilius* quoque viam invenit, qua 15 Dec. cum 11000 peditum, & 3000 equitum Egram atque in Palatinatum posset eluctari. At multi ab hoste capti, multi in itinere frigore & fame sunt enecati, multi quoque *Ambergæ* & in reliquo Palatinatu perierunt; ut adeo *Franciæ Regi* hæc expeditio incredibili omnino militum & pecuniæ damno steterit.

Causa tantæ calamitatis non minima erant *Borussi & Saxones*, a *Borussia* qui inita cum Austriacis pace, socios Gallos, in medio velut confecti desertos, universis Austriæ viribus objecerunt, *Bellilio* frustra ad utrumque Regem excurrente.

Porro post *Broglis* & *Bellilii* *Pragæ* discessum *Chevretus*, qui residuis in urbe Gallis præerat, sub finem Decembris deditionem fecit, id solum pactus, ut præsidio Egram libere abire liceat. Acceptavit conditionem *Lobkovicus*, ignarus paucitatis in urbe superstitis, sed cum ea limitatione, ut ægroti captivi maneant, & obsides, a *Bellilio* abstracti, restituantur.

Moravia facilius quam *Bohemia* ab hostibus liberata fuit. Rex *Moraviæ*, *Borussis*, *Glazio* per *Deßauum* expugnato, *Olomucium*, quod corona cinxerat, ad exercitum suum abiit, omnemque circa regionem severæ, quod consueverat, contributioni subiecit, in Austriam usque, quo *Schwerinus* procurrerat, exporrectæ, levis armaturæ militibus ad ipsa adeo *Viennæ* mœnia prædas agentibus. Saxones pariter varia *Moraviæ* loca occupaverant, donec utrique pacem oblatam respicerent.

Art.

Art. XLI.

Pax Uratislaviensis cum Boruffo.

Postquam Rex Boruffiæ Silesiam & Comitatum Glazensem occupaverat, Hindfordio Angliæ legato conciliatore, cum Regina pax Uratislaviæ 11 Junii 1742 composita, 16 constat articulis.

I. Rex Boruffiæ retinet Superiorem & Inferiorem Silesiam cum independentia a corona Bohemiæ, cui ab anno 1355 constanter fuerat incorporata. (Domus tamen Austriaca retinet Titulum, & aliqua in superiori Silesia sibi reservat.)

II. Præterea 10 loca, quæ ad Moraviam pertinerant.

III. Comitatum Glazensem cum independentia a Bohemia.

Domus Austriaca retinet in superiori Silesia 1 Principatum Teschen, cum octo dominiis appertinentibus.

2. Urbes principes Troppavium, & Jägerndorffium.

3. Olbersdorffium, & Hennersdorffium cum bonis appertinentibus. Reliquis articulis comprehenduntur limites.

Renuntiat insuper Rex omnibus ultterioribus prætensionibus. Obligat se ad Religionem Catholicam in statu quo relinquendam. Recipit in se summam debiti, ratione Silesiæ anno 1735 apud Anglos & Hollandos contracti; sic tamen, ut ea, quæ hi ipsi debent, compensare liceat.

Omnibus subditis sit integrum, intra quinquennium emigrare. Rex omnia archiva & documenta cessarum regionum consequatur, & titulum Silesiæ & Glazil præferat, tanquam supremus Imperans, sine nexu feudali cum Bohemia. Eodem titulo Silesiæ Domini suipremi utatur Austria.

Denique mutua promittunt, sub nullo prætextu hostes alterius juvare. Nec sædus pangere huic paci contrarium; sed fovere insolubilem amicitiam: nec ullam hostilitatem directæ aut indirectæ exercere: omnes captivos sine lytro remittere: limites per Commissarios determinare; commercia libera relinquere.

Huic autem paci includunt Regem Angliæ, qua Electorem Hannoveranum, Russiæ Imperatricem, Regem Daniæ, Status Generales, Regem Poloniæ, etiam qua Electorem Saxonie, ea tamen conditione, ut intra 16 dies post hujus pacis notificationem copias suas a Gallis separet, & Bohemia educat.

Hanc pacem Rex, presentibus etiam Wilhelmo & Henrico fratribus, festo eucharistico Uratislaviæ in templo Cathedrali voluit condecorari, Sinzendorffio Cardinale & Episcopo ad concionem dicente, Schafgotschio vero Præposito habitu Pontificali solenne Missæ Officium celebrante.

Rex solenniter pacem celebrat.

Cum igitur Silesia non amplius a Bohemia dependeret, sed supremo eam jure gubernaret, regiminis ordinem haud parum immutavit. Duo quippe tribunalia juri dicundo erexit, alterum Uratislaviæ, Glogaviæ alterum, ad quæ causæ in prima Instantia deferrentur, appellationes vero Berlnum ad supremum Dicasterium, atque inde supplicatio ad Regem. Duæ item erectæ Camerae, in duabus, quas dixi, civitatibus, quibus cura contributionum incumbere.

Tribunalia erecta.

Cum autem quidam Silesiæ Ducatus proprios adhuc haberent Principes, eos Rex Vasallos suos esse voluit, clientelari jure sibi subjectos. Non tamen eos privavit jure pristino (quod *Jus Principum* appellant), quo videlicet causæ, inter Silesiæ Principes controversæ, judicabantur: simulque Uratislaviensi civitati omnia jura & privilegia confirmavit, tertiamque dignitate in suis provinciis esse voluit.

Cardinalem Sinzendorffium non modo omnibus in Silesia, sed in aliis etiam terris suis degentibus Catholicis præesse voluit, confirmato, quem vocant, *Vicariatu Generali*. Protestantibus vero duo consistoria erexit, alterum Uratislaviæ, alterum Glogaviæ.

Vicariatus generalis.

Art. XLII.

Obit Elector Palatinus. Caesar Monachium redit. Imperium ordinat. Varia promotiones. Idea pacis rejicitur.

Anglus Reginae partibus accedit, & Duce Staurio cum exercitu ad Rhenum movet.

Palatinus Elector Carolus Philippus Manhemii obiit hoc anno 1742. 31 Dec. ætatis 81, natus Neoburgi ad Danubium ex Philippo Wilhelmo Electore, 1661. 27 annis S. R. J. Elector & Archi-Thesaurarius: Princeps fortitus animam vere bonam; summa religione, probitate, fide, integritate, clementia, liberalitate, & facilitate in omnes incredibili. Ante Electoratum Gubernator fuit pluribus annis in Tyrol, ubi hodie ejus grata viget memoria.

63.
Obit Carolus Elector Palatinus.

Part. X.

S

Ele

Uxores &
liberi.

Elector, pauperum pater, subditorum & omnium bonorum amor, solia instar ad infirmorum etiam vota se inclinans.

Conjuges duas habuit ex Polonia, *Radziwilliam & Lubomirskiam*. Ex prima genuit *Elisabetam Augustam*, Josepho Emmanuelli, Principi Solisbacensi nuptam; qui ex ea suscepit tres filias, hodieum superstites, *Elisabetam Augustam*, moderno *Electori*; *Mariam Annam*, *Clementi Bavaria Duci*; *Dorotheam*, *Friderico Duci Bipontino* desponsatam.

Fratres defunctus Elector habuit novem, & inter eos duos Electores, sorores octo, atque ex iis Imperatricem & duas reginas; atque ex tot fratribus nec unicus relictus est masculus, qui succederet.

Successit igitur ex proxima agnata linea *Solisbacensi Carolus Theodorus*, totius stirpis *Neoburgicae*, paulo ante tam numerosae, unicus superstes Surculus, in Aula Palatina in eam spem educatus, 18 tunc annorum Princeps, utpote qui natus fuerat anno 1724 ex Christiano Duce Solisbacensi & Maria Anna Marchionatus Bergae ad Zomam haerede.

Neostad.
nea ex-
tincta.

Wirtembergico-Neostadiensis linea extincta hoc anno est in Carolo Rudolpho Duce, qui aliquanto tempore administrationem & tutelam gesserat Stutgardiensium Principum cum *Matre*, quae ad filios *Berlini* inivit.

Landgravius Hassiae Wilhelmus Hannoverae Comitatum a Rheni superioris circulo separare conabatur. 6000 militum Anglici stipendio alendos tradidit. De ejus filio Friderico, Angliae Regis genero, ad thronum Suecicum evehendo agebatur.

Elector Hannoveranus, cum Mallebœus per Westphaliam transiret, 14000 armatorum castra ad Nienburgum collocavit, ut provincias suas protegeret.

Hallae Saxonum obiit Hoffmannus, Medicus celeberrimus.

Imp. Mona-
chium.

Anno 1743 19 Aprilis Carolus VII Imperator *Monachium Francosurti* rediit. Anno jam superiore ibidem Judicium Aulicum erexerat; cui Praesidem dedit *Osteinium* Comitem; & quia ad ipsa usque Ratisbonae mœnia arma circumsonabant, comitia quoque Imperii Francofordiam invitaverat cum Principali suo Commissario Josepho *Fürstenbergio*, & Barone de *Raab* Con-Commissario. Archivium etiam Imperii, quod Viennae adhuc detinebatur, a Comite *Königsfeldio* Vice-Cancellario Imperii, & ipso etiam Electore Moguntino, qua Imperii Archicancellario, fuit petatum, sed non impetratum.

Im.

Imperator præter 22 Comites, in Consilium Intimum adlectos, quinq̃ue creavit S. R. I. Principes, *Stollbergium*, *Selmsen*, *Grimbergium*, & duos fratres *Wid. & Rbeingravios*: quatuoritem Comites Imperii, *Bünavium*, *Osteinium*, *Schmettauum*, *Staubenbergium*: *Virmonium* vero, mortuo *Inglheimio*, Judicem Cameræ Imperialis, *Wuchterum*, *Kreitmeyerum*, Comitem *Spibbergensem*, Consiliarios Imperiales Aulicos: & jam ante pro scamno Nobilium, *Seydevicium*, *Bünavium*, *Bredavium*, *Morawizkium*, & pro scamno Doctorum, *Kleem*, *Fritschium*, *Habermannum*, *Linckerum*, *Cramerum*. *Seckendorffius* præfectus copiis, postquam Legionem Austriacam, quam habuerat, abdicavit.

Josephus Princeps *Fürstenbergius* gravissimum Officium Principis Commissarii cum Dignitate Supremi *Aula Cæsareæ Moderatoris* commutavit. Illud vero suscepit *Alexander Ferdinandus Princeps de Tiurn & Taxis*, qui nomine Cæsaris Comitibus Imperii *Frankofurtensis* hortatus est, ut pacem & quietem concilient, atque in hunc finem exercitum colligant.

Conciliandam quietem in Electorum & Principum Collegiis facile fuit conventum, quo autem modo hoc esset perficiendum, diversæ fuerunt sententiæ. Plures privatum hoc esse bellum atque domesticum inter Domum Bavaricam & Austriacam, ad Imperium non pertinentes censebant, ac proin neutras partes sunt amplexi.

Cum autem dein Comes *Stairius* cum *Anglicano exercitu* e Belgio ad Mænum moveret, Rex Galliæ *Noallium* cum copiis eidem opposuit. His transitum concedi, illis negari volebant Cæsarei, reclamantibus. In Comitibus *Hannoveranis*, Galliam novos identidem novosque per terras Imperii exercitus ducere pro Domo Bavarica; cur Angliæ vetitum esset, Domui Austriacæ assistere, cum id fides Sanctionis Pragmaticæ, a toto Imperio acceptatæ, postulet?

Imperator *Ludovicum Carolum Augustum Fouquet*, Ducem de Bella Insula (*Belleisle*) quem *Belilium* hæctenus appellavimus, omni conatu pro se laborantem, S. R. I. Principem remittavit. Nuntio Apostolico vero *Georgio Doria*, allatum ab abbate *Amaldo* Cardinalium insigne, Biretum imposuit. Quo ornatus, & pretiosa admodum cruce donatus, discessit, *Franciscum Stoppani* successorem nactus. *Monticibus Hispanus*, & *Blondellus* Galliæ apud Cæsarem legatus, Parisios discesserunt.

Adum quoque de concilianda pace; nam & *Haslangus* Baro Cæsaris Londini Legatus, ideam illius, qua partitio continebatur, *Chartereto*, Status Secretario, proposuit: & Cæsar ipse *Wilhelmus*

Casellano Landgravio potestatem fecit, cum Rege Angliæ tractandi, sic tamen, ut Cæsareæ Dignitati nihil indecorum promitteretur.

Idea pacis.

Propositum igitur, Cæsarem copias Gallicas ex Imperio remissurum, si Regina Hungariæ suum exercitum e Bavaria abduceret, & omnes peregrini milites ab Imperii solo recederent; lis de Austriaca successione jure componeretur: universalis amnestia publicaretur: captivi utrinque restituerentur: Cæsari in singulos menses certa pecunia penderetur, ut Aulam, & militiam sustentare possit.

Rex Angliæ has conditiones Reginæ proponendas in se recipit, eo tamen pacto, ut omnes Galli prius Germania excederent: simulque Cæsari trecenta florenorum millia suppeditaturum se promissit. Verum cum Parlamentum Angliæ dissentiret, & Regina, prosperis armorum suorum successibus confisa, nihil cederet, Imperator cum Gallia & Hispania fœdus renovavit, adpromittens, se absque earum consensu conventionem nullam initurum.

Austria autem & Anglia, ut Regem Sardiniae firmitus adhuc, propter Italiam maxime, sibi adstringerent, *Warimatiensem Tractatum* cum eo inierunt; quem vide in *Italiæ*.

Art. XLIII.

64.

*Minucius ad Brunoviam captus. Ab Austriacis occupatus
rursus Bavaria, & Palatinatus, Boijs & Gallis
Bavariam deferentibus. Imperator Franco-
furtum abiit. Boii ad Wembdingam. Cadit
Ingolstadtum.*

Hyberna.

Lobkovicius, commissâ Festeticio Egræ obsidione, in superiore Palatinatum, Gallos fugientes Praga insecutus, Neoburgi potissimum hyemem transegit, Kevenhüllerus vero Schardingæ in Bavaria; ita tamen, expugnata Weidena, hyberna sua extenderrunt, ut extimi utriusque exercitus se se contingerent, & Egræ obsessæ omne commercium absunderent.

Ex parte Gallorum Broglie, qui post discessum Malleboei præfuit, Straubingæ, ut ope Danubii cum Pedeponto & Palatinatu communicationem servaret, morabatur: Comes de Saxonia Deckendorffii: Seckendorffius Landishuti. *Minucium* cum 8000
Haffis,

Hassia, coplis auxiliaribus, *Bernclavius* concubia nocte *Pfarkirch* inopinato oppressit; & velitum Præfectum de Cruce, (*la Croix*) famosum procursores, multis cæsis, captivum abduxit.

Prælium hoc erat; nam 9 Maji Princeps Carolus & Comes *Kevenhüller* *Minucius* cum 8000 *Hasforum* & *Palatinorum* haud procul *Brunavia* obvallatum aggressi, 4000, ut fertur, cæsis, cum multo castris, multos alios ceperunt; *Seckendorffio* cum reliquis *Landishutum* & captis, profugiente; Gallis in stationibus suis immotis.

Funeſta hæc clades *Bavariam* hostibus omnino aperuit, dum victicia eorum signa per provincias volitabant. *Dinglinga*, & *Landavum* a *Daunio* expugnata; *Burghufium*, *Oetinga*, *Müldorfium* a *Nadaſtio*, cæsis ad *Dorffenam* equitibus. Cum autem *Auſtriaci* *Landishuto* imminerent, *Seckendorffius* *Ingolſtadium* profugit. Occupatum proin a *Bernclavio* *Landishutum*, a Principe *Carolo* & *Hohenembſio* *Deckendorffium*, a *Gaisruckio* *Hala Dives*. *Stenzius* cum *Croatibus* & *Panduris* e *Tyroli* irrumpens ea ex parte *Bavariam* vastavit. Occupatum mox *Rosenheimium* & *Wasserburgum*.

Quibus oculis Imperator aspexerit fumantes circum pagos, urbes, oppida, partim ab hostibus, partim a Gallis, ne in manus hostiles reciderent integra, flammis tradita, facile est conicere. Igitur *Monachii* non amplius se tutum ratus, 9 Junii cum *Aula Augusta* discessit.

Sequenti mox die *Huffari* & *Licani* *Monachium* accesserunt, quibus, cum præsidio eſſet deſtitutum, portæ ultro apertæ, & claves traditæ sunt. Galli ægroti capti, promptuarium militare direptum. 10^{ma} *Bernclavius*, & 11^{ma} *Nadaſtius* urbem ingreſſi sunt. Quid civitas inde paſſa ſit, & Religioſæ præſertim *Domus*, præſtat ſilere.

Nadaſtius 12 Julii cum aliquot millibus *Fridbergam* movit, urbisque deditionem poſtulavit. Cum illa negaretur, ſuburbium combuſtum, & urbs tormentis impetita eſt. Quapropter multi Officiales bellici, 150 Galli dimachæ, 1060 partim *Cæſares*, partim *Haffi*, & ſe ipſos, & urbem, & rem armamentariam, captivos tradere, ingenti *Cæſaris* diſpendio, & *Bavariæ* jactura.

Interim vero ex altera parte Princeps *Carolus* *Deckendorffio*, & *Lobkovicjus*, ejeſtis *Ambergæ* & *Neoforo* Gallis, ex *Palatinatu* moventes, Gallos, ſecundum *Danubium* munitos propellebant, capto *Pedeſonto*, *Kellheimio*, *Neofladia*. Quapropter *Dux* *Broglio* & *Seckendorffius* ad *Ingolſtadii* mœnia non amplius ſecuros ſe exiſtantes,

Cæsarei &
Galli Bava-
riam dese-
runt.

mantes, primum *Neoburgum*, ac dein, cum Elector Palatinus neu-
trum se declarasset, *Donaverdam* fugerunt, Galli, atque inde *Nörd-
lingam*, ad *Nicarum* & *Rhenum*, Cæsarei vero per *Augustam*, *Di-
lingam*, reliquamque *Sueviam*. *Segurius* quoque, qui *Montem No-
lanum* cum 10000 occupaverat, *Broglum* secutus, cum eo ad *Spi-
ram* trans *Rhenum* se recepit, Cæsare apud Regem *Galliæ* conque-
rente contra *Duces Gallos*, quorum primus exauctoratus est.

Cæsarei ad
Wemdingam.

Hoc rerum Articulo Cæsar inducias & neutralitatem obtulit;
convenieruntque *Schönfeldæ* Seckendorffius & Kevenhüllerus 27 Ju-
nii, transacturi. Sed cum Regina conventionem rescidisset, Impe-
rator copias suas, ad *Wemdingam* collectas, neutras ac *Circulares* de-
claravit, exauctoratoque Seckendorffio Lutherano, *Piosasquium*
Comitem eis præfecit: atque 28 Junii relicta *Augusta*, hostibus
circumfusa, *Francfordiam* rediit. *Austriaci* vero munimenta *Ba-
variæ*, fortius resistentia, expugnaverunt, & primo quidem *Bruno-
vium* 1 Julii, præsidio capto: tum vero 20 Julii *Straubingam*, quam
300 Cæsarei & 1600 Galli defenderant, qui, Capitulatione cum
Bernclavio inita, liberi dimissi sunt, Cæsarei quidem *Wemdingam*
ad exercitus reliquias, Galli vero *Spiram*.

Imp. Fran-
cofurtum
redit.

Munimenta
expugnan-
tur.

Solum in *Bavaria* supererat *Ingolstadium*, hætenus virgo, quia
nunquam expugnatum. Erant præsidio 360 Cæsarei, cum 3000
Gallis, quibus *Grandvillius* præfuit. *Bernclavius* 16000 armatorum
admovit, omnemque comæatum interclusit. 26 Aug. viæ obsi-
dionales sunt apertæ, & utrinque tormentis & pilis igniariis vehe-
menter certatum. Tandem vero 1 Oct. hæc virgo cecedit. *Ba-
varis* in *Sueviam*, Gallis ad *Rhenum* liberis abire concessum. At-
que hoc pacto tota *Bavaria* cum *Superiore Palatinatu* in *Austriaco-*
rum potestatem venit.

Regina utrique *Goesium* Comitem præfecit, qui 16 Sept. *Mo-
nachii*, *Landshuti*, *Straubingæ*, atque *Burghusii* juramentum fide-
litatis recepit, protestante Imperatore.

Art.

Art. XLIV.

*Princeps Carolus cum exercitu ad Rhenum superiorem :
Rex Angliæ ad inferiorem. Pugna Dettingana.
Sponsalia Caroli cum Regina sorore.*

Sed necdum finit anni hujus 1743 tragœdia. Gemina adhuc scena supererat, ad Rhenum acta. Cum enim post infelix ad Brunaviam prælium omnia in Bavaria ad casum inclinarent, divisus est Austriacorum exercitus: & pars altera sub Bernclavio, aliisque Ducibus Ad Rhenum relicta est, ad persequendas belli Bavarici reliquias; pars altera ^{sup.} sub Principe Carolo & Kevenhüllero cum 70000 8 Julii ex Bavaria per Sueviam ad Rhenum movit; atque 14 Aug. Brisacum attigit, Rhenum inde trajectura. Primus transitum tentavit *Trenckius* cum suis Licanis & Croatis, alter Princeps *Waldeccius* cum 5 cohortibus: sed cum rustici militibus mixti magno numero in adversa ripa excubarent, cum non levi suorum jactura repulsi sunt. Cum igitur trajectus spes non esset, & alioquin autumnus jam inclinaret, 19 Octobris pieræque copiæ in Bavariam hyematum redierunt, relicto in Brisgovia cum aliquot legionibus *Waldeccio*. Et hæc quidem ad Rhenum superiorem.

Cruenta magis scena ad Inferiorem Rhenum aperta est. Quippe 50000 Angli, Austriaci, Hassi sub initium veris ex Belgio in Angliæ Germaniam profecti sunt, *Arenbergio* Principe & Comite *Stairio* Duce ducebantur. Postquam autem in Ubiis Rhenum transierant, mense Aprili Moguntiam, Francofurtum, & Hannoviam usque se explicabant. Galli, quos *Noallius* ducebat, ad 50000 æstimati, pariter Rhenum trajecerant. Variis munitionibus & profectionibus consumptus Majus. 19 Junii Rex ipse Angliæ cum filio, Duce *Cumbriæ*, in castra Fœderatorum venit, periculum sui in acie facturus.

28 Junii ad *Dettingam* pagum, haud procul *Aschoffenburgo*, ventum ad manus, confertumque prælium pertinax & sanguinolentum. Pugna Dettingana. Novem quippe horis pugnatum acerrime; diuque nutabat victoria, Anglico equitatu jam ferme prosligato. At tandem, postquam fœderati, fugam simulantes, Gallos ex opportuna statione in locum insidiarum traxerant, tanta ignium pilarumque vi in eos actum, ut *Noallius* receptus, fœderati victoriam canerent. Strages utrinque fuit magna, dubitesque, ex qua parte major.

Galli

Menzel.

Galli Seligenstadium ac inde trans Rhenum se receperunt, Rex vero cum exercitu Hanoviam concessit, ubi cum Georgio Principe Castellano, & viginti Hollandorum millibus, in auxilium, post longas moras, ex fœdere missis, se conjunxit. Nihil tamen admodum majoris momenti amplius gestum: famosus *Daniel Mentzelius*, Hussarorum Dux equidem cum 3000 in Lotharingiam excurrit, & Metas usque atque Nancejum prædas egit; conatus etiam Landavi promptuaria annonaria Gallorum comburere, sed in fossam lapsus pedem fregit; atque Bipontem est deportatus. Rex Angliæ Hannoveræ hyemem egit.

Sponsalia
Principis
Caroli.

Dum res Austriæ tam prospero cursu procederent, festiva Viennæ gaudia personabant. Nam & Dettingensis victoria solenni hymno in Ecclesia S. Stephani est celebrata; & Hymenæus Epithalamium cecinit, cum *Princeps Carolus*, Dux Lotharingiæ, Ducis Magni frater, *Mariam Annam*, Reginæ sororem unicam, sponsalibus sibi jungeret 19 Nov. postquam illa secundum ordinem Sanctionis Pragmaticæ renuntiaverat. Accessit solennis ludus equestriis Reginæ, & aliarum seminarum Principum, quæ, Amazonum habitu indutæ, in hippodromo decurrebant.

Art. XLV.

Obitus Moguntini, Constantiensis, Leodiensis, Hyacinthi Principis Siegensis. Saxonis Fœdus cum Regina. Unio Francofurtensis. Carolus Princeps Rhenum trajicit. Irruptio Borussi in Bobemiam. Exercitus Austriacus revocatur. Galli Constantiam capiunt, urbes Sylvasiacas, & Friburgum. Imperator redit Monachium. Recuperata Bavaria.

66.
Elio succedens
Ostein.

Obiit 20 Mart. 1743 Philippus Carolus Comes Eltz, Elector Moguntinus, hydrope, æt. 78, Regiminis 11, justitiæ & pacis amans. Quamvis autem plures & potentes essent competitores, etiam exteri, electus tamen 23 Aprilis est ex gremio Joannes Friedericus Carolus Comes Osteinus, qui Custos fuerat, & Ecclesiæ S. Bartholomæi Francofurti Præpositus, 15 Sept. ab Archiepiscopo Coloniensi consecratus.

Fuit

Fuit electio hæc ad Votum Reginæ Hungariæ & Regis etiam Angliæ. Hinc mox Moguntiam gratulatum accesserant, Arembergius, Neupergius, Stairius, ac dein ipse etiam Rex Angliæ, postquam Elector ad ipsum inviserat.

Acceptavit is (quod Antecessor recusaverat) scriptum, quo Regina protestabatur contra electionem Cæsaream, suspenso Voto Bohemico factam, atque ad Dislaturam dedit. Graviter id tulit Imperator, conquestus de Electore, quod absque consensu Electorum id genus protestationis recepisset, & Imperii Protocollo inseruisset, contenditque, illam ab actis Imperii rejiciendam. Plura in hanc rem scripta ultro citroque volabant.

Moguntinum Electorem ad beatam perennitatem 20 Aug. secutus est *Damianus Hugo* S. R. E. Cardinalis, Episcopus *Spirensis* & Card. *Schön-Constantiensis*, 67 ætatis anno. *Spirensi* Ecclesiæ datus *Franciscus born*. *Christophorus Huttenus*, *Constantiensi* vero *Casimirus Antonius B-Sicking*. *ro Sickingius*, Præpositi antea functus dignitate.

Sed necdum funeribus satiata mytris & pedis inhians superba falx, duos adhuc Episcopos mense Decembri demessuit, videlicet 6 Dec. Episcopum *Leodiensem*, Georgium Ludovicum de *Bergbes*, 81 æt. anno, 20 Regiminis; & *Basileensem*, Jacobum Sigismundum de *Reinach* 16 Dec. æt. 60, Regiminis 6.

Elector Palatinus Philippus Theodorus, cum Junio Anglo-Austriaci imminerent, neutralitatem amplectens, copias suas a Cæ. Palat. neu-fareis separatas revocavit. Variolis dein periculose laborans Divi-tralis. no favore subditis suis fuit servatus.

Elector Saxonie novum Fœdus cum Austria iniit: quo præter amicitiam firmatur Sanctio Pragmatica, vi cuius post Descendentes Caroli VI primus ordo tangit Principes Saxonie utriusque sexus, Fœdus Saxo-Austriacum. ex Josephi Cæsaris Primogenita nascentes. Renovatur Fœdus anni 1733, cavetur de assilientia, & defensione mutua. Nullum contractum, huic contrarium, inibunt. In Dietis Imperialibus & Circularibus privatæ suæ ac mutuæ, atque communis in Imperio utilitatis rationem habebunt. Russiæ Imperatricem & Angliæ Regem ad hoc fœdus invitabunt. Limites per Commissarios determinabunt.

Quæ in Domo Holfato - Gottorpiensi & Mechlenburgica memorabilia hoc anno contigerunt, opportunius in actis Suecicis & Russicis dicentur.

Præter 4 Episcopos, supra memoratos, obierunt hoc anno
 1 Wilhelmus *Hyacinthus*, Princeps Nassovio-*Siegenfis*, ultimus li-
 neæ *Catholicæ*, anno æt. 77, varia per vitam suam expertus, quæ
 sparsim supra attigimus. Successit *Diecentis* Princeps Auriacus,
 omnium ditionum lineæ Ottonianæ jam possessor, &, quod gau-
 dium complevit, auctus filia Carolina, cujus patrini Rex Angliæ
 & Borussia.

2. Christoph. Franc. Josephus L. B. *de Rodt*, Gubernator urbis
 Friburgensis in Brisgovia. 3. Oeniponti Tribunus Comes Waldseg-
 gius. 4. Comes Czerninus Pragæ. 5. Franc. Ant. Stahrenbergius,
 Aulæ Viennensis Moderator, cum coronationi Reginæ assisteret
 Pragæ. 6. Eleonora Princeps *Oelfensis*, ad Catholicam Religionem
 conversa.

Anno 1744 inita est *Unio Francofurtensis* inter Carolum VII
 Imperatorem, Regem Borussia, Electorem Palatinum, Landgra-
 vium Hassiæ, cui Gallia & Hispania accessit, postquam Rex Fran-
 ciæ, qui hactenus copiarum auxilium nomine Cæsari adfuerat,
 Reginæ Hungariæ, Angliæ, & Sardinie bellum denuntiavit.

Unione autem illa conventum 1, ut finis illius sit conservatio
 Imperii secundum illius leges fundamentales: pax reducenda: de-
 fensio Dignitatis & Auctoritatis Majestatis Cæsareæ.

2. Bonis Officiis efficiendum, ut Aula Viennensis Imperato-
 rem agnoscat, Archivia Imperii extradat, eidemque provincias
 suas restituat.

3. Curandum, ut lis de successione Austriacæ, vel a toto
 Imperio amice componatur, vel via juris, sanctis Interea in-
 ducis.

4. Cavent sibi invicem de terris possessis.

5. Omnibus Statibus liberum sit, huic Unioni accedere: spe-
 cialiter vero invitentur Electores Colonienfis & Saxo. Circumfe-
 rebatur etiam Articulus privatus, qui Cæsarem inter & Borussum
 ferebatur initus, quem tamen hi negabant.

Colonienfis *fratrem de-* Stipendiarios dedit. Saxo vero Fœderi suo cum Regina inhære-
feris. bat, prout etiam Russia.

Per Comitia Imperii acria adhuc scripta volitabant. Propone-
 batur inter alia, si Protestatio Austriacæ ab Actis Imperii rejiceretur,
 Reginam provincias suas a nexu Imperii, prout vi privilegii
 facere posset, sejuncturam. Sed non sunt refricanda vulnera, quæ
 audum cicatricem obdlexerunt.

Cum

Cum Gallia Regiæ bellum denuntiasset, Carolus Princeps, cui Traunius Legatus additus, ad Schreckium in Marchionatu Duri- Carolus Rbe-
laciensi cum 70000 Rhenum trajecit. Superataque linea Lauterbur- num trajecit,
genſi, Weiſſenburgum, Hagenom, Tabernas, aliasque urbes cepit.
Jamque Argentinæ imminēbat, cum geminus eum triftis nuntius, Nova Scena.
& de Adventu Noſſii & Hærcurii cum ſubſidiis, & de irruptione Bo-
ruſſi in Bohemiam, Rhenum remetiri coegit, cum jactura non mo-
dica, Gallis poſtremam ejus aciem carpentibus.

Cæſareus dein exercitus in Bavariam movit Duſtore Secken-
dorffio, Galli vero occupata Conſtantia & urbibus Sylvaticis, Brigæ Conſtantia
tium tentarunt, ſed gravi cum jactura ſunt repulſi. Speraverant capta,
quidem Cæſar & Boruſſus, eos Auſtriacos inſecuturos. Sed ad
Friburgum in Briſgoja hæſerunt, eamque oppugnabant.

11 Oct. Rex ipſe, poſtquam a morbo, quo Metis periculoſe
decubuerat, convaluit, in caſtra venit, in colle Lauretano vir-
tutis ſpectator & hortator. Coignius oppugnabat, Damnicus ſtre-
nue propugnabat. Tandem tamen 7 Nov. urbs ſe dedere co-
gum.
gum.
ſta eſt, præſidio in arces, extra urbem monti adharentes, ſe re-
cipiente. Quæ tamen & ipſæ, capto præſidio, ad deditionem com-
pulſæ ſunt. Miſerrimum erat, quod Galli non tantum pulcherrima
caſtella (quæ tamen ipſi olim conſtruxerant) ſint demoliti, ſed
urbem etiam ipſam munimentis omnibus reliquis exuerint.

Auſtriacus exercitus a Rheno in Bavariam & Palatinatum
ſuperiorem movit; interceptum Neuburgum ad Danubium & Solis-
bacum, imperata contributiones, quia Elector Palatinus vi Unio-
nis Francofurtenſis copias ſuas cum Cæſareis & Haſſicis conjun-
xerat iterum. A Rothenbergæ obſidione Auſtriacos Comes S.
Germani Tribunus Cæſareus depulit, ac poſtea Donawerden occupa-
Bavaria re-
chium hic cum 10000 abiit, ſed cum Seckendorffius immineret,
cuperata.
primo Monachium, dein etiam Landshutum deſeruit, ut Bruno-
vium, Schürdingam & Paſſavium defenderet. Expugnatum a
Bojis Burghuſium, Roggendorffio cum præſidio Auſtriaco
capto.

Venerat interea Imperator Francofurto Monachium, atque ad
exercitum Viſſebovium profeſtus eſt, ubi hyemis rigor ſubſiſtere
Imp. Mona-
copias coegit. A Tribuno Segur intercepta Amberga, ſed adve-
nientibus ex Bavaria & Bohemia Auſtriacis iterum amiſſa, ſicut
etiam Pedepontum ad Ratisbonam.

spondente
securitatem
Anglo.

Imperator autem cum ingenti populi devoti lætitiæ exceptus Monachii, interveniente Rege Angliæ a Regina affecurationem accepit, quod in urbe sua principe sit futurus tutus, etiam si arma Austriaca in Bavaria rursus prævalitura forent.

Imperium
ordinat.

Cæterum ordinavit Imperium, ejusque suprema tribunalia, Judicium Aulicum, cui Præsidem dedit Comitem Truchesium *Zeilen- sen*, pluresque Assessores, & Cameram Wezlariensem, cui, mortuo Comite *Virmondo*, Domus suæ ultimo, Judicem præfecit *Montfortum*. Comitem *Ißenburgo-Birsteinium*, Comites item *Hohenloenses* Waldenburgeris linæ, in Bartensteinios & Schillingsfürstos divisam, S. R. I. Principes enuntiavit.

Principes
creat.

Art. XLVI.

Borussi Manifestum. Viennensis Responso. Rex Pragæ capit; at veniente Carolo deferit. Recuperata Silesia superior, Saxone socio. Nuptiæ Principis Caroli. Varii obitus. Bellilius captus.

67.

Borussi Ma-
nifestum.

Antequam Rex *Borussia* in Bohemiam denuo irrumperet, per Comitem *Dohna*, suum Viennæ oratorem avocatum, declarari jussit, Regem equidem suum promississe, quod litibus Reginæ cum aliis Principibus se non sit mixturus, per hoc tamen nullatenus abdicatum nexum & obligationem, quam S. R. I. Elector habet erga Imperatorem & Imperium. Nequaquam indifferentibus oculis spectari posse, Imperatorem, legitime electum, atque ab omnibus (Austria excepta) agnitum, provinciis suis exutum, contemptum, exulem, ejusque copias, novo in Historia exemplo, ultra Romani Imperii fines propulsas, Dignitatem Cæsaream oppressam, spretum Collegium Electorale.

Hoc fuisse, cur Rex unionem cum potentibus quibusdam Imperii statibus inierit, ut oppressa Cæsarea Majestas vindicaretur, cum omnia bona officia nullas aures invenerint. Arripienda igitur arma, ut Imperio libertas, Cæsari sua Dignitas, Europæ quies restitueretur. Hanc dein declarationem, cum Bohemiam invaderet, publico scripto manifestavit.

Respon-

Respondit Aula Viennensis, si Rex tanto ardore sit intentus Viennæ conservandis aliorum Statuum juribus, cur non tangeretur illis, quæ sponte Bohemico ad electionem legato & contra votum Bohemicum Francofurti acciderant? cum Regina fundamentalibus Imperii legibus, Aurea Bulla, Pace Publica & Westphalica nitatur, insimulari non posse delatâ constitutione Imperii. Pacis propositiones non fuisse tales, ut acceptari potuerint: *Secularizando* bona Ecclesiastica, uti Salisburgum &c., dissolvi compagem Imperii. Germaniam non amplius esse Theatrum belli. Non cupere Reginam crescere, sed indemnitatē & in futurum securitatem.

Quomodo unio Francofurtensis & ejus præsertim articulos privatus, cum juribus Imperii & pace Uratislaviensi combinari possit, non facile dispiet. Primo statim hujus articulo promissum a Rege, se hostibus Reginæ nulla præbiturum auxilia sub quocunque demum prætextu, nec fœdus conclusurum huic paci contrarium. Si tantus sit Regi pacis amor, cessaret arma minitari; duas tantum arcto sanguinis vinculo conjunctas Domos per se ipsas, absque interventu tertiæ, conciliari posse, & electionis negotium ad præscriptum Auræ Bullæ componi.

Sed a verbis & calami ventum ad gladios & catapultas; nam Rex in 10 Aug. Rex, trifariam diviso exercitu, qui 90000 hominum Bohemiam constituisse dicitur, Bohemiam invasit. Primam partem ipse per Saxoniam ducebat, alteram per Lusatiam *Deßavius*, tertiam ex Silesia per Glacensem Comitatum *Schæverinus*, cum magno rei tormentaræ apparatu. Praga erat centrum, in quo tot hæc debebant concurrere.

Regina, comperto tanto motu, *Festeticium* cum sex velut millibus ocus ex Bavaria & Palatinatu in Bohemiam properare jussit, eique *Batzianus* cum 20000 submisit, defensuros Pragam, quæ, refectis antiquis & erectis novis munimentis, diu noctuque operi instabat, ut hospes condigne excipi possit. Armata tota civitas, Gubernatore *Ogylto*, *Harschbio* vero rei armamentariæ, & propugnationi præfecto.

Borussi, certamine *Berumenfi* superiores, 2 Sept. ad Pragam ita Pragæ obsidebant, tantaque vi eandem impetebant, ut 16 Sept. 16000 præsidium captivum se cum triurbe tradere compulsus fuerit. Relicta civitati sua jura, præterquam quod magna pecuniæ summa fuerit exacta ad redimendas campanas, eo quod tempore obsidionis fuissent pulsate. *Ogylvius* & *Harschbius*, data fide Nobili, se sistendi, dimissi Viennam abierunt, rei gestæ tristes nuntii. Urbi præfectus

Sed venia-
te Carolo.

Rursus de-
ferit.

Et in Sile-
siam se re-
cipit.

Recuperata
Silesia su-
prior.

— 1763 —

fectus *Rinsidius* cum 10000 præsidio; cum reliquo exercitu Rex Bathiano obviam processit. At is, pugnam declinans, cum imparibus omnino esset viribus, in Prachinum circulum regressus, 2 Oct. cum Principe Carolo, a Rheno adveſto, feliciter se conjunxit, ut adeo Austriacus exercitus 66000 præter Croatas, & alios levioris armaturæ permultos, constaret. 22 Oct. dein cum 24000 Saxonibus, quos ex fœdere Dux Weissenfelsius in auxilium adducebat, se univit, ut adeo Borussis pares viribus censerentur.

Certe Borussi, rebus suis diffusi, mense Novembri non modo Taborem, Bechinum, Frauenbergam, Budvisum, aliasque, quas occupaverant, urbes, sed ipsam adeo *Pragam* deseruerunt, fugientium instar in Silesiam se recipientes, relicta non modica præda, etiam tormentaria. Quamvis grandia etiam damna, armamentariis præsertim, intulerint, apparatu bellico aut confracto, aut in Moldavam projecto. Cuniculi autem feliciter detecti sunt. Kolowrat Pragæ, tam facile receptæ, præfectus. Missus Thüngenius cum valida manu in circulum Pilsensem, adversus Gallos, in superiori Palatinatu circumstrepentes, invigilaturus.

Judæi propter perfidiam, tempore obsidionis pro indole sua innata exercitam, solum vertere jussi, atque non Praga solummodo sed toto Regno excedere. Verum propter importunas Anglorum & Hollandorum intercessiones executio fuit dilata.

Interea autem, dum in Bohemia duorum mensium spatio res tantæ gestæ sunt, Marvicus Uratislaviæ Præfectus, & Dux Holsatæ Becensis, relicti in Silesia, occupato Jägerndorffio & Troppavia, jussi sunt in Moraviam movere, & Olomucium expugnare; sed Keilius urbis Præfectus eam defensionem opposuit, ut urbem aggredi non ausi, circumlata per provinciam populatione, & ipsi inglorii in Silesiam redierint.

Princeps Carolus fugientium Borussorum vestigiis insistens, occupato Comitatu Glacensi (cujus urbem principem Nadaſtius corona cinctam habebat) in Silesiam irrupit, Troppavium, Jägerndorffium, Oppeliam, Ratiborium, totamque Silesiam superiorem in Regine potestatem redegit (Kosela duntaxat & Neissa exceptis) ut adeo spes optima affulgeret, Silesiam totam recuperandi. Quapropter Regina scripto, ad Silesios dato, Regi objecit, fractam pacem Uratislaviensem, ictum fœdus cum hostibus, Bohemiam invasam, ademptum Silesiis præcipuum decus *Dietam* Principum, immanibus exactionibus oneratos Ecclesiasticos, omnes provincias in perpetuum mansipatum redactas.

Hæc

Hæc postquam acta sunt, Rex, commisso Dellavio imperio Berolinum abiit, Princeps vero Carolus cum Traunio, relicto in Silesia superiore Hohenembfio, Viennam.

Elector *Saxoniz*, quamvis sæpius invitatus ad Unionem Francofurtensem, e re sua non censebat eidem accedere: sed cum Domo Austriacæ arctius se conjunxit. Passus dein per provincias suas transitum exercitus Borussia in Bohemiam, cum 24000 armatorum, ^{Saxoniæ} insecutus est, & cum Austriacis conjunctus, gessit ea, quæ diximus, ^{sociis} ductore *Weissenfelsio* Principe.

Dux Saxo-Vinariensis prohibuit Præconibus, ne ratione confessionis aliquid exigant; voluit tamen, ut singuli quater in anno aliquam confessario suo oblationem faciant.

Elector *Palatinus*, antequam Imperator Francoforto discederet, eidem valedixit; & cum Heidelbergæ transiret, per primum suum Ministrum Marchionem Itterum eundem salutavit, atque ceteros socios Unionis Francofurtensis in recuperanda Bavaria fideliter adjuvit.

Austria velut *ambidextra* brachium alterum ad Danubium & Rhenum, ad Moldavam, Albim, & Viadrum alterum extendit; cum duobus potentissimis Regibus decertans, quorum alterum Germania, alterum Bohemia eiecit, ad proprios utriusque lares invensens.

Inter Martios tamen fragores, lituos & tympana, auditus etiam Hymenæus, dum Carolus Alexander Dux Lotharingiæ, hostibus superatis, sibi despondit Mariam Annam Archiducem, ^{Connubium} Regi Caroli cum ^{Caroli} næ sororem. Peracta nuptiarum solennitas Viennæ 7 Jan. hujus ^{Caroli} sorore ^{Re-} anni 1744, Paoluccio Nuntio Apostolico sponso conjungente, & ^{Caroli} ^{Re-} benedicente. Addidit Regina dotem 100000 florenorum, pro ornatu vero, supellectili, scatula, itinere, æconomia instruenda, multo plura, adeo quidem, ut liberalitas ad millionem florenorum ascenderet. Secutæ sunt illustre exemplum, impari quamvis gressu, devoto tamen studio Provinciæ Hæreditariæ, 444000 florenis contributis; additque aliquot millium aureorum nuptiali dono. Enituit pariter largitas Belgii, cujus Gubernatio serenissimis conjugibus a Regina fuit attributa, brevique ad eam capeffendam, Praga, Dresda, Lipsia, Guelpherbyto, Bruxellas sunt profecti.

Expedito hoc nuptiarum negotio, Magnus Dux Hetruriæ creavit 16 Aurei Velleris Equites, inter quos Princeps Esterhassius, reliqui Comites. Regina vero Comitem *Christiani*, Placentiæ antea Gubernatorem, Cancellarium Mediolanensem dixit.

Luxit

**Obit Kreen-
biller.** Luxit Austria magnos viros, & Ludovicum Andream Comitem *Kreenbillerum*, Senatus Bellici Vice-Præsidentem, Sclavoniæ Gubernatorem, & Viennæ Præfectum; de quo jure dici potest, quod alter velut Fabius restituit rem, non quidem cunctando, sed magna celeritate liberando Austriam, occupando Bavariam, hostem extrahendo e Bohemia: quæ sane basis fuit omnium actorum deinceps prospere, prout Regina ipsa Augustissima grato animo est contestata. Cum bellicarum artium esset peritissimus, reliquit commentaria, comprimis opportuna, eaque Comiti *Leopoldo Daunio*, rei armamentariæ tunc Præfecto, legavit, quem etiam, non minus fidum, quam rei militaris gnarum Regiæ moriens commendavit. Implevit annos 61.

**Aliique
Ministri.** 2. Comitem *Leopoldum Herbersteinium*, consiliarium Intimum, variis legationibus celebrem. Obiit in Thermis Carolinis anno æt. 48. Secutus est agnatus ejusdem *Cajetanus*.

3. Joannem Comitem *Clarum* Altringerum Bohemiæ Vicarium, Pragæ extinctum anno æt. 54. 4. *Olivierum* Comitem *Wallisum* castrorum Præfectum. 5. *Gundaccarum* Comitem *Dietrichsteinium*. 6. *Josephum Kaunitium*.

**Circularum
querelæ.** Quamvis *Saravicus* & *Franconicus* Circulus neutrarum se partium sint professi, non tamen belli calamitatibus propterea sunt liberati. Transitus frequentes, hospitaciones, annonæ procuratio, neglectus disciplinæ militaris, & præsertim occupatio Anterioris Austriæ, a Gallis facta, erant querelarum materia, crebrius a Conventu Ulmenſi ad Imperatorem Francofurtum delata.

Sed negabat ille, regiones Anterioris Austriæ in tractatu neutralitatis esse comprehensas; & cum pars adversa in circulo Suevico omne genus hostilitatis adversus Cæsarem & auxiliares ejus Gallicas copias exercuerit, sufficientem fuisse datam causam, ditiones illas Austriacas, alioquin a circulo se eximentes, occupandi, maxime cum hac via Imperatori aditus in Bavariam, ab hoste detentam, aperiri videatur. Intercepta etiam *Schmettau* ad Imperatorem epistola de non toleranda circularum indifferentia strepitum in Comitio Ulmenſi excitavit, *Ramschwagio* Regiæ Ministro strenue illa in rem suam uso. Sed quid? Galli post captum Friburgum Sueviæ quodammodo dominabantur.

**Col. & Mog.
dant Anglo
copias.** Clemens Augustus Elector *Colonienſis*, relictis hoc anno partibus fratris sui Imperatoris, cum Angliis & Hollandis. Tractatum iniit, quo istis 6000 armatorum promisit pro 18000 Sterlingarum sub-

subsidis. Eadem consilia inuit Osteinius Elector Moguntinus, Anglo apte ad persuadendum dicente.

Obiit Leopoldus Comes Firmianus Archiepiscopus Salisburgensis Obiit Fir-
 et. 65, Reg. 17. Immigrarunt mox copiae Austriacae, Caesare acer- mian. Arch.
 be conquesto. Hujus frater Joannes Theodorus, Episcopus Ra- Salisb.
 tisbonensis & Frisingensis, mortuo Berghensi, postulatus est ad
 Episcopatum *Laudensem*, commendante Imperatore, & postulatio- Theod. &
 nem admittente Pontifice, quae res frigoris aliquid in Aulam Bon- Leod. Ep.
 nensem induxisse videtur; propior enim quisque sibi est, quam
 fratribus suis.

Capitulum Cathedrale Arlesheimense, defuncto Rheinachio,
 Episcopum *Bajuleensem* elegit Georgium, Josephum, Wilhelmum,
 Aloygium L. B. Rinck de Baldenstein.

In Electoratu *Hannoverano* contigit aliquid, quod multis ser-
 monibus & querimoniis occasionem praebuit. Notissimus orbi
 Franciae Mareschallus Dux Bellilius, (*de Belle Isle*) Aurei Velleris Bellilius
 Eques, dum cum fratre suo Berolinum ablegatus fuerat, *Elbingero*- captus &
da, Hannoverana civitate, captus, adeptis, quas penes se ha- Londinum
 bebat, litteris, Osterodampsum, dein Londinum abductus est. abductus.
 Gravissime capturam hanc tulerunt Imperator & Rex Franciae, jus
 Gentium in Legato laesum questi, cui innoxius modico cum comita-
 tu transitus non fuisset tanta poena luendus. At negabant Angli,
 Legati eum munere fuisse perfunctum, & ex ejus litteris nescio quae
 arcana detecta spargebant.

Extincta est hoc anno in Carolo Friderico Principe Domus *Liniae Mös-*
Fürstenbergicae linea Miskirchenfis, cum 30 duntaxat annos natus kirch. succe-
 ex conjugis Holsati. *Wisenburgensi* nullos liberos reliquisset. Suc- dit Stillinge-
 cessit igitur pientissimo Principi, sola jam ex amplissima olim Fami- na.
 lia superstes, *linea Stillingensis*, cujus caput *Josephus Wilhelmus*, qui
Donschinga sedem fixit.

Art. XLVII.

Obitus Caroli VII Imperatoris. Fœdus Varsoviense, oppositum Unioni Francofurtensi. Borussia prælio Strigaviensi, Sorano, & Kesseldorffensi Victor. Dresda &c. dedita. Fœdus Angliæ cum Borussia.

68.
Obit Carolus VII.

Anno 1745 communi omnibus mortalibus, summisque etiam capitibus, fato concessit Monachii Carolus VII Romanorum Imperator 20 Jan æt. 48, Imperii 3, Electoratus 19: Princeps Religione, animi fortitudine, mentis excellæ perspicacia, in utraque fortuna constantia admirabili. In faciem a privatis sibi obijci patiebatur Heros magnanimus, quæ privatus a privato non ferret. Obiit autem plenissime, omnibus morientium sacramentis ad constantius Imperium accinctus, & coronam gloriæ. Polypus in corde, & lapis in renibus, gravissimos inter, quos fortissime tulit, dolores magnam hanc animam separarunt a corpore.

Liberi

Ex Maria Anna Augustaissima Conjuge, Josephi Imperatoris filia reliquit 1 Maximilianum Josephum, Electoralem Principem, quem, cum adhuc duo menses deessent, venia ætatis concessa, Majorem declaravit, ut adeo sine tutore aut curatore in Electoratu succederet, & Vicariatum Imperii administraret. 2 Mariam Antoniam Waldpurgam, Friderico Electorali Saxonie Principi 1747 nuptam. 3 Mariam Josepham Augustam, Marchioni Badensi 1755 desponsam. 4 Josepham Antoniam 1739 natam.

Electori unioni adheret.

Magna erat Europæ expectatio, in quam partem novus Elector se verteret: trahentibus hinc Gallo, Borussia, Palatino, inde Austria, Saxonia, Anglia, Hollandia. Francofurtensis unio, mutato tantopere per mortem Caroli VII systemate, hiatum passa, omni ope contendeat, ut jura sua persequeretur, promissis in singulos menses quingentis librarum Gallicarum millibus: eviceruntque; nam Elector vias Paternas inire tandem statuit.

Fœdus Varsoviense.

Contra Unionem vero Francofordiensem Austria, Saxonia, Anglia, & Hollandia, novum inter se fœdus inierunt, quia Varsoviæ coaluit, Fœdus quadruplum Varsoviense appellatum. Ejus hæc sunt capita.

1. 2. Spondent sibi mutuam auxilium, & defensionem provinciarum.

3. 4. Saxo renovat sponfionem pro Sanctione Pragmatica: & pro defensione Bohemiæ promittit triginta armatorum millia.

5. 6. Quamdiu hæc defenfio erit neceffaria, Anglia annuatim pendet Saxoni 100000 Sterlingarum, Hollandia vero 50000. Periculo autem a Bohemia & Saxoniam difpulfo, Saxo tradet Angliæ & Hollandiæ 10000 militum pro 330000 florenis.

7. 8. Saxonia, fi invaderetur, a reliquis contrahentibus fervetur indemnitas in acquirendis partem fuam habeat. Et in futura pace commoda hujus Domus curæ funto.

9. 10. 11. Etiam poft confectam pacem fœdus hoc perfeveret. Invitentur ad accessum Ruffia, Polonia, Ordines Imperii, omnesque, quibus Germaniæ libertas cordi eft. Ratificationes intra duos menses commutentur.

Actum Verfvie 8. Jan. 1745. Subfcripferunt, *Thomas Villiers* pro Anglia: *Comes Esterhafi* pro Austria: *Comes Brühl* pro Saxonia: *Cornelius Calkien* pro Hollandia.

Hoc fœdus Unioni Francofurtensi vehementer, ut facile creditu, difplicuit, Regi præfertim Boruffiæ, qui hanc fabam, propter irruptionem Bohemicam, in fe potiffimum cuſam, arbitrabatur. Viſus eft timere propterea, atque ad pacem animum inclinare, invocata etiam Moſcoviæ conciliatione. At cum Regiæ Hungariæ Sileſiam repeteret, ad arma & belli continuationem conſilia converſa funt.

Quanta autem felicitate & celeritate anno ſuperiore Boruffi ex Bohemia & ſuperiore Sileſia fuerant depulſi, tam adverſa fortuna Auftriaci ſub Principe Carolo, & Saxones ſub Weiſſenſelfio Duce, hoc anno ſunt uſi. Gemina infelix pugna mali fons & origo: *Strigaviensis* nimirum ſeu *Friedbergensis*, in qua caſi primo Saxones, qui in lævo cornu ſtabant; dein etiam Auftriaci, ingenti utrinque ſtrage. Fœderati in Bohemiam regreſſi, ad Regino-Gradecium caſtra locarunt.

Altera commiſſa fuit ad pagum *Sora*, victoribus rurfus Boruffis. Velites tamen Hungari *Ærarium Regis* bellicum, in quo 80000 Aurei inventi dicuntur, cum litteris arcanis ceperunt. Hyeme autem appetente Rex in Sileſiam rediit. At ubi comperit, Fœderatos Luſatiæ imminere, occultis itineribus eo properans, per *Winterfeldium* tres legiones Saxonicas oppreſſit. Auftriaci in Bohemiam reverti compulſi. (*Menſe Novembri*)

Et Kessl.
dorffensis,
decretoria.

Tum vero Borussi, occupata utraque *Lusatia*, Saxones persecuti, *Lipsiam*, *Misniam*, atque *Torgaviam* occuparunt. Saxonice copias, cum *Griani* Austriacis cohortibus ad *Kesseldorffium*, pagum haud procul *Dresda* distitum, opportuno admodum loco, se munierunt. *Deßavius* nihilominus eas aggressus, plenam victoriam reportavit, quamvis multo milite sibi contantem. Rex Borussiarum & Princeps Carolus, qui cum Austriacis auxilio venerat, huic prælio non erant præsentēs, sed ille haud procul *Misnia*, hic autem ad *Dresdam* stabat, se mutua observatione continentes. Pugnam autem moderabantur ex una parte *Rutowski* & *Grünus*, & altera *Deßavius* & *Geslerus*.

Principes
Sax. rece-
dunt,

Cum post cladem istam fœderati infirmiores essent, quam ut robori Borussico se opponerent, versus *Bohemiam* recesserunt, relicta suo fato *Dresda*. Rex *Poloniæ* cum conjuge & duobus filiabus senioribus jam ante *Pragam* discesserat: tres Principes seniores *Norimbergam*, duo Principes cum sororibus, natu minimis, *Dresdæ* remanebant.

Dresda de-
dita.

Cum *Dresda*, ab exercitu destituta, adversus Borussorum potentiam defendere se non posset, 18 Dec. Regi se tradidit, præsidio capto. Tanto stetit miserae *Saxoniae* *Varlavienſe* fœdus.

Hannovera-
num fœdus
Anglo-Bor-
ussicum,

Rex *Angliæ* primus illius auctor, primus ab eo jam ante descevit, dum 26 Aug. *Hannovera*, consilio cum suis confœderatis ne quidem communicato, conventionem cum Rege *Borussiarum* iniit. In hac art. 1 & 2 addicitur illi *Silesia* secundum Tractatum *Uratislaviensem*, sine ulla mentione refusionis immanium damnorum & sumptuum, quos irruptione in *Bohemiam* causavit. Spondet art. 3, cavetque insuper ei *Anglus* pro eadem *Silesia*, promittitque etiam sponſionem *Batavorum*.

Contrarium
Varſaviensi.

4. Saxo eidem cessionis actum ratione *Silesiæ* tradat. 5. Si Regina hanc conventionem acceptat, Borussus in electione Cæsarea Ejusdem Conjugi det iusſragium. 6. Regina & Borussus sibi reciproce de provinciis suis caveant: reliqui articuli continent alia, Borusso tradenda.

Graviter di-
ſplicet
Reginæ &
Electori.

Gravissime tulerunt Regina *Hungariæ* & Elector *Saxoniarum* hunc tam celerem & inopinatum *Angli* recessum a fœdere, nuper primum inito, quod debebat esse perpetuum, eumque insciis suis confœderatis de bonis & fortunis eorum disposuisse. Reſecta igitur hac conventionē, bellum, eo usque prospere gestum, placuit prosequi: sed eventu, quem vidimus, infelici; cum ultimis duobus anni men-
sibus

sibus exercitus, Silesia, Lusatia, & Saxonia sint amissæ, & immensæ contributiones a Borussia exactæ.

Respectum igitur ad pacem, quæ 25 Dec. *Dresda* est inita, Angli conciliators, & auctore amissæ Silesiæ.

Art. XLVIII.

Pax Dresdensis Austriacæ.

I. Sit amicitia insolubilis inter Reginam Hungariæ &c. & Regem Borussia. Pars neutra alterius hostibus assistat.

II. Articuli Præliminares pacis Uratislaviensis, & subsequens Tractatus Definitivus de anno 1742 atque Conventio Hannoverana, sint basis. Regina *renuntiat Silesiæ*, prout Rex omnibus aliis prætensionibus.

III. Sit amnestia. Hostilitas & confiscatio cesset. Copiæ post ratificatam pacem educantur.

IV. *Tionatum* in Brabantia Regina restituit Regi.

V. Captivi sine litro dimittantur.

VI. Ereptæ ab Ostendanis Borussiae naves restituantur. Commercium reparetur.

VII. Rex Borussiae conjugem Reginae agnoscit Imperatorem, & votum Bohemicum cum omnibus annexis. Regina autem nomine Imperatoris Regi addicit sua jura & prærogativas, etiam eas, quas a Carolo VII accepit.

VIII. IX. Cavent sibi reciproce de suis provinciis, curabuntque cum Anglia, ut non tantum Hollandi, sed omnes Ordines Imperii, & pacis universalis Ineundæ consortes pariter caveant.

X. &c. Saxo, Hannoveranus, Castellanus, Palatinus, huic paci includuntur, sed hic ea conditione, ut Imperatorem & votum Electorale Bohemicum agnoscat.

Subscripserunt pro Regina Fridericus Comes Harrachius Cancellarius Bohemiæ; pro Rege Henricus Comes Podevillius.

U

Art.

Art. XLIX.

Pax Dresdenfis Saxonica.

Eadem die etiam hæc pax Saxoniam inter & Borussiam fuit conclusa per Bilovium, & Stubenbergium, Status Ministros, nomine Saxoniz, & Podevillium nomine Borussiz. Ejus summa hæc est.

1. & 2. Sit firma pax, & amicitia, cum plena amnestia, sine damnorum reparatione.

3. Præter contributiones usque ad 22 Dec. indictas, Saxoniz Status & præsertim Lipsia Borussis solvent *millionem Thalerorum*. Borussi autem excedent e Saxonia.

4. Captivi sine litro dimittantur.

5. Saxo acceptat conventionem Hannoveranam.

6. Regina Poloniz renuntiat pro se & suis hæredibus *juri in Silesiam*, ratione Sanctionis Pragmaticæ, eventualiter ipsi competenti.

7. Saxo cedit Borusso vectigal Fürstenbergense ad Viadrum, hæctenus litigiosum, pro æquivalenti.

8. In utriusque provinciis conservetur Religio Protestantica secundum normam Pacis West.

Reliqui articuli concernunt commercium, liberum transitum Saxonis in Poloniam per Silesiam cum rebus huc aut illuc de-
vectis &c.

Art. L.

Austriaci Bavariam invadunt. Ad Pfaffenbosum Gallos & Palatinos opprimunt. Pax Füssensis. Aulæ Monacensis ordinatio. Vicariatum Rhenanum, alternatione decreta, solus pro hac vice gessit Elector Bavaria.

70.

Austriaci in
Bavariam.

Cum Elector Bavariz post mortem Patris Imperatoris Unioni Francofurtensi inharere statueret, Duces Austriaci ante omnia Bavariam sibi debellandam censebant; maturius igitur, quam Unionis Francofurtensis socii, Gallus, Borussus, Palatinus, & Hassus crediderant, hybernis *Bathyano* Duce egressi, 21 Martii transito Qeno, unitoque exercitu, cujus dexteram alam *Bernclavius*, lævam *Brundus* regebat, *Griesbacum*, *Vilsbovium* (ubi Croatia, invitis Du-
cibus

cibus Austriacis, immaniter sæviebant) *Pläulingam*, *Landavum*, *Dinglingam*, prædiis potissimum captis, occuparunt.

*Straubingen*es prædiali, imminente *Tripso*, urbe exceſſerunt; prout etiam Galli *Kehlheimio*. Cumque ad Monachium vires eſſent contrahendæ, ad principem eam urbem defendendam, *Landisbutum*, *Burgbushum*, *Wasserburgum*, *Hala Dives* hoſtibus relictæ ſunt.

Comes *Segurtus*, qui Gallos ducebat, *Geiſſenfelda Pfaffenbouvium* movit, unde, unitus cum *Palatinis*, Monachium tendebat, ut cum *Segour* *Pfal* Bavaris & Haſſis, ibidem metantibus, ſe conjungeret, ſed ab exercitu Austriaco, 15 Aprilis, inopinato oppreſſus, conſerto certamine, victoriam, rem tormentariam, impèdimenta, multumque militem amiſit. ſenhoſil casus.

Licet autem non admodum magnum, decretorium tamen *Pfaffenbouvienſe* hoc erat prælium; quippe Galli & Palatini Rayna, & Donawerda in Sueviam ſe receperunt, *Tripſio* Günzburgum uſque, non levi illato damno, illos perſequente.

Cum jam univerſus Austriacus victor exercitus Bavaris & Haſſis, a focis deſtitutis, atque *Fridbergam* interea digreſſis, immineret; Haſſi, quibus Brandius præerat, *Neutrales* ſe declarantes, a Bavaris ſe ſepararunt, *Lecbhuſum* dilapſi. Sed Austriaci eos interceptos belli more captivos detinuerunt, donec tandem, compositis diſſidiis, menſe Julio libertati ſunt redditi. Idem Palatinis accidit, qui cum Gallis necdum auſugerant.

Electoꝝ Bavarix, licet bellum cum Boruſſo adhuc ferveret, a focis jam dereliſtus; ne totam belli molem ſolus ſuſtineret, & provincias ſuas hoſtili potentix in prædam relinqueret, incerto in futurum eventu, ad pacem reſpexit.

Rudolphus Comes Colloredus Reginx Miniſter, proſpiciens, quod futurum erat, Oeniponti ſubſtitit, donec oliva viſceret. Tum vero per *Ehrenbergenſia* Clauſtra Fuſſam, Auguſtanæ ditionis in *Algovia* urbem, ad Lycum & pedem montis poſitam profeſtus, cum Principe *Fürſtenbergio* Aulæ Moderatore, *Seckendorffio*, *Looſio*, Miniſtro Saxónico, *Droſto* Colonienſi Canonico, qui ab Electoꝝ mandato acceperat, pacis negotium ſuſcepit. Quod, cum adhuc occulte tractaretur, & hæreret, certamen *Pfaffenbouvianum* 22 Apr. abſolvit. Summam ſubjicio.

Art.

Art. LI.

Pax Füssensis.

I. Regina agnoscit defunctum *Carolus VII Imperatorem*, ejusque Viduam Imperatricem.

H. Restituit Electori totam *Bavariam*, prout ante annum 1741 a Patre illius fuerat possessa.

II. Nullam damni compensationem exigit.

IV. Elector pro se & suis hæredibus ac successoribus renuntiat omnibus prætensionibus *Successionis Austriacæ*, Sanctioni Pragmaticæ contrariis, tituloque Archiducis aliisque assumptis. Agnati pariter renuntiabunt. Eandem Sanctionem acceptat.

V. Renuntiat pariter locis, quæ in Anteriori Austria a Gallis decinentur, cohortemque suam *Günzburgo* avocabit.

VI. Agnoscit *Votum Bobemicum* cum annexis in quacunque electione Cæsarea.

VII. Promittit Reginæ Conjugi in proxima electione Cæsarea suum suffragium.

VIII. Accedet Associationi quinque Circulorum Imperii, si sit absolvenda, & nihil aliud, ac quietem & securitatem Imperii intendet.

IX. Usque ad electionem Cæsaream *Ingolstadio* imponantur neutrales copię, *Brunavio* vero & *Schardingæ* Austriaci, prout etiam regioni, inter Oenum & Salzam sitæ, absque civili tamen gubernatione & proventibus.

X. Omnes captivi sine litro dimittantur.

XI. Res tormentaria cum annexis, quæ adhuc in munimentis *Bavaricis* extat, aut *Viemann* abducta est, atque ante annum 1741 ad Electorem spectabat, post futuram pacem universalem Electori restituetur, si Gallia *Friburgensem* restituat. Quod evincere Elector conabitur.

XII. Boña, fisco addicta, subditis utrinque restituantur.

XIII. Auxiliaries copię, quæ in Bavaria fuerant, ab obligationis nexu absolvantur.

Reliqui articuli contingunt discessum copiarum ex Bavaria, Tractatum Definitivum erigendum, limites figendos, navigationem oenanam, telonia, transfugas non extradendos, commutandas *Salisburgi* intra 14 dies Ratificationes horum Præliminarium.

Actum Füssæ 22 Apr. 1745.

Secuta

Secuta mox 2 Maji Ratihabitione, Elector Monachium reversus est, atque in id curam suam intendit, ut, soluto stipendio, exercitus abdicaretur, & exhausta bellis Bavaria ad pristinum omnigenæ felicitatis florem reduceretur.

Dum autem Elector cum Domo Austriaca ita componitur, Legatus Galliæ *Chavienius*, & Hispaniæ *Benius* discesserunt, Austria-
 Mutaciones. co & Sardo succedente. *Stoppanius* autem Nuntius Apostolicus ad electionem Cæsaream Francfurtum abiit, & *Seinsbeimius* Comes a legatione Hollandica ad *Viennensem*. Comites vero *Josephus Preisingius* & *Christophorus Minucius* ex sua bellica captivitate Monachium redierunt. *Felix Törringius* quoque, ex prædiis suis rediit, ad Aulam rursus inivit.

Aulam autem suam, Matrisque, Elector, reductis quibusdam minus necessariis, ad parcendum sumptibus, officiis ordinavit. *Josepho* Principi *Fürstenbergio*, ad Dignitatem Principalis Commissarii in Comitibus Imperii a novo Imperatore rursus assumpto, in supremi Aulæ Præfecti munere suffectus est *Maximilianus Preysingius*, huic vero in supremi Camerarii officio *Königsfeldius*, *Lerchenfeldius* Aulæ Marefchallus creatus: *Tattenbachius* supremus stabuli Præfectus &c.

Quod *Vicariatum Imperii* Rhenanum spectat, cum illum post mortem *Caroli VII* Bavarus & Palatinus Electores communiter Vicariatum
 Imp. solus
 gerit El.
 Bav. gessissent, alternatione jam introducta, Bavarus solus pro hac vice illum administravit, erecto *Monachii* *Judicio* Aulico Imperiali, cui Præsidentem dedit *Truchsessium Zellensem*, cum 11 Assessoris, quos inter *Kreitmeierus*, *Cramerus*, *Ickstadius*, *Münchius*, quos S. R. I. Barones creavit, Comites vero *Ponikavium*, *Hasslangum* Legatum *Londinensem*, *Ravenheimium*, & duos ex Familia *Franconica* de *Leonrodt*. Regi *Borussiæ* *Frisiæ* *Orientalis* Investituram contulit, contradicente licet Electore *Hannoverano*.

Art. LII.

De Electione Imperatoris.

Mortuo *Carolo VII* Imperatore novus Baviaræ Elector per
 71. *Sickingium* Baronem nuntiavit hoc factum Electori *Moguntino*; qui Invitator
 per *Kesjellstadium* Præpositum, *Trevirenses*, *Colonienses*, *Bavarum*, & *Palatinum*, Electores, per *Ertballium* vero Baronem, *Bohemum*, *Saxonem*, *Brandeburgum*, & *Hannoveranum* ad 1 Junii invitavit *Francfurtum* ad electionem.

Part. X.

X

Interes

Confilia.

Interea autem varius erat animorum habitus. Unio Francofurtensis (quæ prius Imperii Circulos neutros esse nolebat, sed, ut Imperatori suo assisterent, voluit cogere) novum Bavaricæ Electorem in partes suas initio trahebat. Regina, Saxo, Anglus, Hollandi, Unioni Francofurtensi socius suum Varsaviense opposuerunt. Ab hoc, ut Gallus & Borussia Saxonem abstraherent, Coronam Cæsaream ei obtulerunt, sed acceptare recusavit, nisi omnes Electores voce unanimi libere omnino se eligerent.

Galli admoto exercitu sub Principe Contio (qui Mallebæum sublevaverat) electionis libertatem adversus Austrios defensuros se prædicarunt. Moguntinus, neque petere Imperium, neque indigere tali defensione, respondit. Sed potentius ad persuadendum dixit exercitus *Pragmaticus*, ex Belgio ab *Arnhem* adductus, quem copiarum Austriacæ post pacem Bavaricam plurimum auxerant, quemque dein ipse *Franciscus Stephanus*, Magnus Dux Florentiæ moderabatur. Nam Galli Rhenum remetientes, liberam electionem reliquerunt.

Sub finem Augusti conveniunt Francofurti Legati Electorales: videlicet *Moguntini*, Kesselstadius, Stadionus, Erthalus, Benzelius. *Trevirensis*, Ingelheimius, Leyensis, Spangenbergius. *Colonienses*, Hohenzolleranus, Droftus, Sierstorffius. *Bobemi*, Wurmbrandus, Kevenhüllerus, Prandavus. *Bavarici*, Seinsheimius, Ravenheimius. *Saxonici*, Schönbergius, Wessenbergius, Lofius. *Brandenburgici*, Danckelmannus, & Pollmanus. *Palatini*, Schasbergius, & Menschenius. *Hannoverani*, Minchhusius & Hugo.

Quamvis autem hi essent congregati, Legati tamen *Brandenburgicus* & *Palatinus* (pace Dresdensi necdum composita) electioni obicem posuere. Negabant illi, Votum Bohemicum, Conclusionem Electorali quiescere iussum, sine consensu omnium Electorum potuisse suscitari; perperam igitur actum a Moguntino, qui ad Vota Electorum, privatim conquesta, Votum illud a quiete sua dimovisset.

Brandeb. &
Palat. re-
spond.

At responsum, Votum Bohemicum tantum pro ea vice, quæ electus est Carolus VII, fuisse iussum quiescere; non opus igitur ulla suscitatione; cum more veteri secundum præscriptum Bullæ Auræ cursum suum & activitatem habeat; prout perique Electores facile agnoscant. A Pragmatico exercitu nullum libertati electionis inferri præiudicium (nam & hoc objiciebatur) sed eam, ne ab aliis turbetur, defendi. Cum Mallebæus terras Ecclesiasticorum Electorum premeret, Unionis confortes altum siluisse; cur
nunc,

nunc, dum Germanæ copiæ ad solam protectionem pertinerent, tantopere clamarent?

4 Aug. Kesselftadio nomine Moguntinæ Præside habita est prima præliminaris collatio, ad quam tamen Brandenburgicus & Palatinus non comparuere, sed contra Votum Bohemicum, quod in illa est agnitus, scripto sunt protestati.

13 Aug. 500 Rheni superioris circulares milites Francofurti ad custodiam sunt recepti. Aliquot dein sessionibus *Pollmannus & Disceus*, *Menschenius* erant presentes, ex ultima autem, 11 Sept. habita, discesserunt, protestatione interposita. Revisâ tum Capitulationi Cæsares, ad normam illius, quæ Carolo VII proposita fuerat, paucis mutatis, concepta. Collegium Principum sua circa illam monita per Directorium Salisburgense obtulit Electoribus. Duo addita puncta: primum, ut alternatio *Vicariatus* Rhenani, inter Electores, Bavarum & Palatinum statuta, ab Imperatore & Imperio confis- *Alternatio Vicariatus* metur: secundum, ut Dux Sabaudie de Ducatu Montis Ferrati infeudetur, & in Vicariatu Italiæ defendatur.

Pridie electionis more Majorum omnes Legati Regum & Principum, etiam Imperii, cum omnibus peregrinis ex urbe dimissi sunt, solis Electoralibus remanentibus, ex quibus tamen Brandenburgicus quoque & Palatinus Hanoviam discesserunt. S. Severino ægrotantibus indulgentum, ut remaneret, sed adhibita ædibus militari custodia.

13 Sept. processum more veteri ex curia ad Catholicum S. Bartholomæi templum. Celebrato solenni Missæ sacrificio, edito- *Eligitur Imperator*, que juramento, in Conclave concessum, ubi, Electore Moguntino præsentem ac Præside, *Franciscus, Magnus Hetruriae & Lotharingie Dux* a septem Electoribus electus est Imperator; gaudiogestiente & applaudente tota civitate. Perlatum illico Nuntium *Heidelbergam*, ubi interim electus hospitabatur, atque ad exercitum, pone mantem. 25 Sept. Imperator insigni cum solennitate ingressus est Francofurtum, ante portas a Moguntino & Electoralibus Legatis exceptus, atque ad templum S. Bartholomæi deductus, ubi in Capitulationis capita juravit, quæ hic compendiose inferenda duxi.

Art. LIII.

Capitulatio Casarea Francisci I, synoptice relata.

Art. I.

1. Promittit Imperator in vim liberi pacti, Christianitatem, Sedem Romanam, Pontificem, & Christianam Ecclesiam tanquam ejus Advocatus protegere.

Proteclio.

2. Nationem Germanicam, Rom. Imperium, Electores tanquam præcipua ejus membra & columnas fundamentales Imperii, & nominatim Domos Electorales secularium in sua primogenitura, reliquosque Principes, Prælatos & Status (comprehensa immediata Imperii Nobilitate) in suis Dignitatibus relinquere.

3. Nullum Statum a Sessione & Voto excludere sine consensu Ordinum.

4. Nec jurisdictione aut gubernatione territoriali privare, five provisorie, five in contumaciam.

5. Neque in Statum assumere, qui non sit provifus fufficienti immediato dominio, & congruam taxam solvat, nec sine consensu Electorum, & collegii, ac circuli, cui adscribitur.

6. Nec sine consensu Electorum & Principum jus Sessionis & Voti ad aliam lineam extendere.

7. Principum & Statuum, ab anno 1654 assumptorum qualitates examinare.

8. Juri territoriali in negotiis religionis, politicis, judicialibus, nihil derogare.

9. Confirmare jura, privilegia, uniones hæreditarias Statuum, contraria cassare.

10. A. C. Consortes nolunt Imperatorem obligatum ad Advocatiam Romanam, neque hanc tractatibus initis derogare.

11. Iisdem juxta Instrumentum Pacis, Executionis Recessum Norimbergenfem, arctiorem modum exequendi, aliasque constitutiones Imperii promptam exhibere justitiam; religionis gravamina secundum easdem constitutiones tollere. Idem promittit Catholicis.

Art. II.

1. Volumus Imperium pro viribus defendere & augere.

2. Successionem hæreditariam Imperii nullatenus prætereendere.

3. Bullam

Constitutio-
nes.

3. Bullam Auream cum extensione ad Electoratum Brunsvico-Luneburgicum, Pacem Publicam, Religiosam, Recessum de anno 1555, præsertim vero Pacem Westph. maxime *art. 5 §. 2 & art. 8*, sicut etiam *art. 7 §. unanimi quoque &c.* posteriores insuper Recessus, servare, nec, sub quocunque prætextu, absque consensu Statuum contraire, nec permittere, ut contra illa directè vel indirectè agatur.

4. Nec aliquid ex illis mutare.

5. Neque se solo novas ordinationes, pacificationes, leges, aut earum interpretationes facere; neque Judicio Aulico aut Camera id permittere, sed omnia hæc ad Comitum remittere.

6. Non permittere, ut Pax West. scriptis impugnetur: Protestationes contra illam rescindere.

7. Nec permittere, ut Judicium Aulicum, aut Commissarium librorum Francofurti, uni parti magis faveat, quam alteri.

8. Fiscalis non permittere, ut contra libros symbolicos Protestantium, aut eorum editiones aliquid molitur. Idem respectu librorum Catholicorum observetur. In libris autem omnis male dicentia evitetur.

Art. III.

1. Electores, tanquam intima membra & columnas, peculiari Electores-consideratione prosequi.

2. Eos titulo *Reverendissimi & Serenissimi* honorare.

3. In rebus magni momenti sine eorum consilio nihil suscipere.

4. Ipsi conservare specialia sua jura, præminentias, & prærogativas.

5. Electoratum Brunsvico-Luneburgensem tueri, & curare, ut convenienti Archi-Officio eidem provideatur.

6. Prout etiam Unionem Electorum Rhenanam, tam communem, quam particularem, approbare & confirmare.

7. Salvo tamen Instrumento Pacis, ceterisque Imper. Constitutionibus, & aliorum Statuum juribus.

8. Coronam pro more recipere; imploratis Electoribus, ut officio suo fungantur.

9. Salva transactione, inter Moguntinum & Colonensem inita.

10. Libertatem electionis permittere.

11. Et cum Ratisbonæ Electores inter & Principes fuerit conventum, ut vivente Imperatore non facile Rex Rom. eligatur, nisi Electio videlicet Imperator diu extra Imperium versaretur, aut propter se Regis Rom. nium vel invalitudinem præesse non posset, vel aliunde necessitas publica

publica urgeret, hoc casu vero Electores ad electionem procedere possint, cum vel sine consensu Imperatoris, debite tamen requisiti, Imperator hoc conclusum ratum habebit.

12. Conceduntur Electorum liberi conventus ad expedienda negotia Imperii,

13. Licet id non fiat auctoritate Cæsarea.

14. Libertatem Senatui Electorali Cæsar relinquet.

Went.

15. Jura Vicariorum Imperii inviolata conservabit, ut tam post mortem Imperatoris, quam etiam in diuturna illius absentia, vel si alias regere non posset, munere suo fungi possint.

16. Ita, ut lites etiam, in Judicio Aulico pendentes, ad suum tribunal advocare possint.

17. Finito tamen Interregno Vicariorum Acta ad electum Cæsarem mittantur, ut per Moguntinum, vel ejus Vice-Cancellarium ad Acta Imperii reponantur.

18. Cum Domus Bavarica & Palatina anno 1745 convenirent, ut deinceps alternatim Vicariatum Imperii gererent, idque a Collegio Electorali fuerit approbatum, Imperator eam alternationem toti Imperio proponet, & approbationem illius promovebit.

19. & 20. Quæ a Vicariatu Rhenano & Saxonico tam in causis justitiæ quam gratiæ acta sunt, confirmabit.

21. & 22. Cum ab aliquo tempore Legati Rerumpublicarum in Aula Cæsarea prioritatem loci ante Legatos Electorum præstiterint, hoc porro ne concedatur, sed isti ante omnes Legatos non Regios & ipsos etiam Principes personaliter præsentés, præcedant.

23. Comites Imperii, qui sessione & voto gaudent in Comitibus, omnibus aliis Comitibus & Consiliariis, atque Camerariis Cæsariæ præcedant, statimque post Imperii Principes incedant.

24. Electorum Vicariis seu Officialibus hæreditariis debitus honor habebitur, ac permittentur suis muneribus fungi, quin Officiales Cæsarei se immisceant: &, si in illorum absentia isti vices gererent, Officialibus Electorum nihilominus omnia emolumenta obveniant.

25. Cum Archimareschalli Officio competat, in erectione potestatis & taxarum Directorium gerere, & ordinationes nomine Cæsaris publicare, a Mareschallo Aulico aut aliis ne impediatur.

Art.

Art. IV.

1. In omnibus deliberationibus de negotiis Imperii, præsertim ^{Bellum.} iis, quæ in Instrumento Pacis sunt expressa, permittemus Statibus liberum suffragium, & absque eo nihil de iis statuemus.

2. Erga finitimos pacifice nos geremus, nec Imperium exteris bellis implicabimus, nec fœdera inibimus sine Statuum aut saltem Electorum omnium, ubi in mora est periculum, consensu, & postea cum omnibus Statibus communicanda.

3. Nec aliter bellum Imperiale geremus, nisi secundum præscriptum Constitutionum, assumptis ex utraque religione pari numero bellici Senatus Directoribus, Consiliariis, Ducibus &c.

4. Nec se miscebit Consilium bellicum Aulae Cæsareæ &c.

5. Si autem Imperator ratione Imperii invaderetur, omnibus mediis uti potest, quæ Imperio non sunt præjudicialia.

6. Nulla in regionibus Statuum munimenta eriget, nec colapsa restaurabit; cum hæc ad Dominum Territorialem spectant.

7. Sine consensu Statuum nullos defectus militum in Imperio instituet, nec milites in Imperium ducet, nec permittet, ut alii ducant exterum militem per terras Imperii.

8. Nec sine eodem consensu militiam extra Imperii fines deducet, sed ad defensionem Imperii & Statuum adhibebit.

9. Neque Status hospitationibus aut transitu militum onerabit sine eodem consensu.

10. Præsertim locus, in quo est Camera Imperialis, ab ejusmodi hospitationibus sit libera, salva compensatione æqua, iis facienda, quorum interest.

11. Nullum pacis tractatum inibit sine consensu Statuum, nisi vera actualis necessitas urget; quo casu interim, donec res ad totum Imperium deferatur, saltem Collegii Electoralis consensum procurabit, antequam aliquid statuatur. Nec privabit aut privari permittet Status jure Deputationis ad tractatus pacis, sed inter Legatos Cæsareos & Deputatos Imperii, sicut in aliis Deputationum Dietis, consuetus tractandi modus servabitur. Quantum autem spectat congressus cum fœderatis, vel aliis exteris, præsertim cum quibus pax componenda, Deputatis Imperii liber accessus pateat, nec sine illis aliquid tractabitur. Si autem Status Imperatori plenam tractandi potestatem impertirentur, ea non aliter utetur, nisi prout verba potestatis collatæ præferunt.

12. Curabit, ut ablata ab hoste, aut in Ecclesiasticis aut politicis mutata, in statum pristinum, juxta fundamentales leges Imperii,

perii, & pacificationum conclusa reponantur (quo nomine tamen Protestantes Pacem Risvicensem intelligi nolunt, Catholici vero hanc reservationem suo loco relinquunt.)

13. Prasertim vero servabit Pacem West. nec alios finet contra eandem agere.

14. Si exteris defectus militum concederetur, curabit, ut Imperij viribus non nudetur, atque ne Status & subditi transitu, aut hospitacionibus graventur.

15. Proin etiam Cæsareæ propriæ aut auxiliares copię non aliter, nisi requisito prius consensu, per Statuum terras innoxium transitum suscipiant, atque ex propriis vivant, omniaque necessaria pecunia numerata solvant.

16. Idem de officialibus bellicis statuitur; ne alimenta ulla, sicut & gregarii, præendant, solo diversorio contenti.

17. Atque in hanc rem transeuntes idoneam cautionem præstabunt.

18. Curabit, ut Statibus, ejusmodi transitu gravatis, succurratur, & Immedietas ipsorum inviolata conservetur.

19. Atque in his omnibus defensionem & tutelam promittit.

Art. V.

1. Promittit Imperator, Status, per taxas Cancellariæ, tributis & vestigialibus non onerare absque necessitate.

Contributio-
nes.

2. Contributiones, non nisi de consensu Statuum in Comitibus determinare.

3. Easque a deputatis Circulorum Officialibus recipere, ac morosos ad solutionem etiam præteritorum urgere.

4. Atque de receptis (nisi ad liberam dispositionem Cæsaris sint concessa) Imperio rationes reddere.

5. Nec ea ad alium finem, quam ad quem fuerant concessa, impendere.

6. & 7. Neque provincias hæreditarias, aut Statum quemcunque ab hoc onere contribuendi eximere.

8. Neque assignationes aut compensationes in hoc negotio admittere.

9. Neque exemptiones aut moderationes taxarum, in Matricula conscriptarum, alicui concedere sine consensu Statuum.

10. Sed curare, ut punctus Redintegrationis Circulorum, Moderationis Matriculæ, & Peraquationis, atque exemptionis errores

tores in Comitibus vel speciali Dieta, intra biennium, si fieri possit, expédiantur.

11. Omnes Status ad ea, quæ obligationis suæ sunt, præstandæ adigere, & adversus contumaces juxta executionis ordinem procedere.

Art. VI.

1. Nullum in negotiis Imperii cum aliis in, vel externis fœdus fœderi.

2. Aut saltem Collegii Electoralis consensu, si publica salus & utilitas moram non ferret.

3. Nullum etiam fœdus ratione propriarum Ditionum cum præjudicio Imperii.

4. Status possunt inire fœdera inter se vel cum externis ad propriam securitatem & utilitatem, modo non sint contra Imperatorem & Imperium, aut contra ejusdem constitutiones, salvoque jramento, quo Status quilibet Cæsari & Imperio est obstrictus.

5. Nec aliter externa petenda auxilia, nisi secluso Imperii damno & periculo.

Art. VII.

1. Servabit ordinem politiæ, in Comitibus statutum vel statuendum, atque commercia terra marique pro viribus promovebit.

2. Commerciales civitates, præsertim Lubecam, Bremam, Hamburgum proteget.

3. Societates vero mercatorias & monopollia abrogabit.

4. Nulla dabit Privilegia monopollis.

5. Neque aliis politiæ Statuum præjudiciosa, quæ apud priores Imperatores non fuerint consuetæ, neque concessa renovabit.

6. Si in vicinis regionibus importatio mercium prohiberetur, providebit, ut prohibitio abrogetur, secus vero curare, ut neque ex illis in Imperium merces invehantur.

Art. VIII.

1. Spondet, nulla nova telonia concedere, nec antiqua pro Telonia rogare vel extendere: neque pro se ipso novum erigere vel augere.

2. Nisi unanimes omnium Electorum consensu collegiali hæc fiant.

3. Et

Par. X.

3. Et audito circulo, in quo novum telonium esset verigendum, transferendum, augendum, aut prorogandum, & finitimis, quorum interest.

4. Nec petentibus id genus telonia dare litteras Promotoriales ad Electores, sed ad horum collegium conjunctum remittere.

5. Quo casu respiciendum etiam, ne nova telonia antiquis sint præjudiciofa.

6. Neque ad Rhenum aut alios fluvios, navium capaces, aliquid admittere in præjudicium commerciorum, aut Statuum.

7. Neque committere, ut per structuram aliquam navigatio per flumina impediatur.

8. & 9. Si quis novum telonium absque debitis requisitis erexisset, auxisset, aut extendisset, per mandata sine clausula, aliisque urgentibus mediis, illud abrogare & cassare.

10. Neque permittere, ut quis propria auctoritate novum telonium erigat, augeat, transferat, aut erecto utatur.

11. & 12. Tollere abusum, quo ante portas civitatum mercibus imponuntur sub variis nominibus & pretextibus vestigalia, & contributiones.

13. 14. & 15. Jubentur puniri abutentes teloniis. 16. Et cuius Statui sit licitum, se suosque talibus gravaminibus liberare.

17. 18. 19. 20. Quia autem voci telonii aliud non raro nomen substituitur, uti juris *stapula*, *axis*, *commagatus*, *comitatus*, *pedagogii*, *pontivegii*, *depositionis mercium* &c. omnes ejusmodi impositiones, tanquam usurpationes, in ruinam commerciorum tendentes, sint abolitæ, & cassatæ, neminique absque consensu Electorum concedendæ.

21. Salvis tamen privilegiis, ab Imperatoribus eo tempore, quo consensus Electorum per pacta & Capitulationes necesse fuerat introductus, concessis, vel alias quiete possessis.

22. 23. Nulla amplius privilegia *stapulae* concedantur, nisi eum prædicto consensu, & illegitime obtenta aboleantur.

24. 25. Nullæ dentur in præjudicium Statuum exemptiones a vestigalibus & teloniis legitime erectis, & illegitime concessis aboleantur.

26. 27. Electores eorumque domestici & familiares immunes sint a solvendis vestigalibus, de novo concessis, auctis aut prorogatis: denturque Electoribus Reversales de hac immunitate.

28. 29. Imperator informationem petet & specificationem a Circulorum Directoribus de legitimis Vestigalibus, vel si Directores

res ipsi essent de illegitimis telonibus suspecti, a vicinis Statibus gravati, ut illegitima oculis abolere possit.

30. 31. Eam specificationem & informationem prædicti tradent. Status autem eorumque Legati ad Deputationes Collegiales, & congressus circulares, ubique, etiam in terris hæreditariis Cæsaris, cum rebus suis immunes sint a telonibus, & aliis exactionibus, prout etiam mortuorum legatorum hæredes & successores, si res suas avehere velint, non tamen alienas.

Art. IX.

1. Curam impendet cum Ordinibus, ut rei Monetariæ defectus corrigantur.

2. Eaque media adhibere, quæ Receptu de anno 1570 adstipendendas in quovis circulo tres urbes monetarias, & in Comitibus anni 1603, aliisque de inducenda conformitate tam in Imperio quam cum finitimis, & punitione contravenientium fuerunt proposita.

3. Et in Comitibus in futurum proponentur.

4. Postquam anno 1737, & 1738 in Comitibus varia sunt tractata, & a sequentibus Imperatoribus confirmata, tum vero adhuc tractanda restant, curabit, ut omnia ad effectum deducantur, conclusa per valuationis tabellas publicentur, & ab omnibus, præsertim iis, qui monetandi Regali gaudent, curate observentur.

5. Monetariæ Dietæ in circulis diligentius observentur, & juxta numarium ordinem numi externi non recipiantur majori pretio, quam juxta Imperialem taxationem valeant.

6. Nemini jus monetandi concedet sine assensu Electorum.

7. Cum experientia constet, eos Status, quibus Regale ac privilegium cudendi monetam fuit indultum, contra Edicta & constitutiones numarias eodem per se vel per alios abutantur, ac proin jus monetandi ipso facto amiserunt; Imperator ipsis cusionem monetæ prohibebit, uti etiam iis, qui jus monetandi non sunt legitime adepti, executione Circulis demandata.

8. Nec ejusmodi Status, privilegio monetandi privati, restituitur, nisi de consensu Statuum in Comitibus.

9. Præter privationem privilegii, talis Status, qui eo contra Constitutiones Imperiales abusus est, suspendendus est a Sessione & voto (modo tamen Art. 1 hujus Capitulationis indicato) necnisi in Comitibus, satisfactione præstita, restituentis.

10. Si vero mediatus Imperii subditus, sive Landsassius privilegio numario abuteretur, Dominus territorialis adversus ipsum procedat, eique privilegium adimat.

11. Eiusmodi Mediatis Imperator non dabit ius monstandi, nisi cum consensu Electorum, & aulico circulo, aliorumque, quorum interest.

Art. X.

Alienatio.

1. Promittit Imperator, nihil de Imperio alienare, pignori aut hypotheca subicere, onerare, nisi de consensu Statuum.
2. Nulla exorbitantia privilegia concedere.
3. Sed potius omni studio providere, ut perperam alienata, cadauca, aperta, confiscata ad Imperium reducantur.
4. Status tamen in possessione, quieti pignorum Imperialium relinquere absque reuocatione juxta Instrumentum Pacis, usque ad aliam compositionem Imperatorem inter & Status.
5. In determinationibus limitum Imperii sine hujus & Statuum, quorum interest, consensu nihil suscipere.
6. Inquirere intra annum in alienationem fendorum Italiae, & informationem ad Cancellariam Moguntinam mittere, ut Statibus communicetur.
7. Et ea de re deliberari, ac statui possit.
8. Curam impendere, ut Ordini Equestri S. Joannis bona, in Imperio & bellis Belgicis adempta, restituantur, salvis tamen Pace West. & cuiusque juribus.
9. Et si ipse Caesar aut sui aliquid retinerent, spectans ad Imperium, illud eidem restituere, si absque iusto titulo possideatur.
10. Curare, ut omnia feuda Imperii in & extra Germaniam, praesertim in Italia, juxta Recessum anni 1722, illata ferventur, de his casibus recipiantur ac renoventur, atque Vasalli contra omnem vim iniquam defendantur.
11. Caesar quoque sua feuda recipiet, vel, si hoc commode fieri non possit, per Reversales Imperio securitatem & recognitionem praestabit.
12. Neminem ultra aequum contributionibus onerari patietur.

Art. XL

Feuda.

1. Feuda & litteras feudales secundum priorem (nisi circumstantiae aliud exigant) tenorem sine contradictione Vasallis Imperii extrahere.
2. Neque sub praetextu non editorum pastorum familiae, aut illiquidarum taxarum feudalium vel laudemiorum moram injicere.
3. Neque obligationem feudalem ad suam Domum dirigere.
4. Ec-

4. Ecclesiastici Electores & Principes possint per Ecclesiasticos ex gremio Capituli, vel per sæculares delegatos, feuda Imperii coram throno Cæsareo recipere.

5. Minores per tutorem aut curatorem feuda recipient, & juramento fidelitatis non alter obstringantur, acsi illud post susceptum regimen ipsimet præstitissent.

6. Postquam autem Majorennitatem fuerint adepti, non exigatur ab illis nova receptio feudi aut nova taxa.

7. Eadem ratio est de feudis, a Vicariis Imperii vigore Bullæ Aureæ collatis; nam & hæc habeantur rata.

8. Litteræ feudales, & expectantiæ deinceps in sola Cancellaria Imperii expediantur.

9. Infeudationes & expectantiæ, quæ priorum Imperatorum datis & confirmatis expectantiis, & confirmatis hæreditariis unionibus sunt præjudicio, nullæ sint.

10. Si deinceps vel per obitum vel per feloniam feudum Imperio aperiatur, quod aliquid notabile importat, Electoralia cum consensu Electorum, Principalia cum consensu Electorum, & Principum, civitates insuper cum consensu civitatum, conferantur; nullæ vero de illis expectantiæ impertiantur.

11. Sed pro emolumento Imperatoris Imperio incorporentur.

12. Salvis tamen expectantiis legitimis, a prioribus Imperatoribus secundum Constitutiones illius temporis Statibus bene meritis concessis.

13. 14. 15. Si in futurum Imperatori bona obtingant, Contributionibus Imperialibus obnoxia, vel actu illa possideret, jura sua præstabit Imperio pro more Circuli, ad quem spectant, seculo omni prætextu exemptionis. Terris autem istis & bonis acquisitis sua jura & privilegia relinquuntur.

16. Steuras Imperiales civitatum aliosque proventus, aliis obligatos, ad Imperium reducet, & ad illius utilitatem impendet.

17. Ac intra annum designationem illorum ad Cancellariam Moguntinam mittet, ut Statibus communicetur.

18. Nec permittet, ut Imperio subtrahantur.

19. Nisi Collegiali Electorum consensu id factum esset.

20. In posterum autem non nisi ex consensu Electorum, Principum & Statuum fiat.

21. In negotiis magni momenti Consilium Electorum exquiret.

Art. XII.

Circular.

1. Redintegrationem Circulorum promovebit, cavebitque, ut nullus eis Status subtrahatur, aut se ipsum separet.
2. 3. Restitutos Circulos Statusque reductos in sua Immediatione & iuribus defendet, ut in statu suo relinquantur.
4. Non permittet, ut tribunalia Imperii in statum bellicum, civilem, aut æconomicum Circulorum se immisceant, aut cognitionem de eo prætendant.
5. Nihil mutabit circa executionem Imperialem & Ordinationes Circulares, nisi in Comitibus ab omnibus Statibus id approbetur.
6. Idem de ordinariis Deputationibus Imperii, quibus suus cursus relinquetur.
7. Salva tamen auctoritate Cæsarea.

Art. XIII.

Comitia.

1. Si præsentia Comitia cessarent, singulis 10 annis, & quoties publica necessitas exigeret, illa indicet cum assensu Electorum.
2. 3. Deliberanda a Directorio Moguntino proponantur; deliberationes & conclusa mature expediantur.
4. Status non teneantur ad servandum ordinem punctorum, in propositione contentorum.
5. Cæsar ad Conclusa Imperii suam declarationem & Decreta quamprimum communicabit Statibus.
6. Non impedit, quo minus Moguntinus querelas Statuum ad Collegium Electorum vel etiam alia deferre, & ad deliberandum proponere possit, nec alias Archicancellario & Imperii Directorio limites ponet.
7. 8. Neque impedit, quo minus oblata decenter Memorialia ad Disputationem tradantur, & sic Statibus communicentur: & postea a Directorio Imperii ad propositionem & deliberationem deducantur.
9. Cum post obitum Imperatoris, aut ejusdem Minorennitate aut diuturna absentia extra Imperium regimen ad Vicarios Imperii pertineat, Comitia pro more indicant, eaque dirigant sua auctoritate.
10. Statibus Imperii & Circulorum liberum sit, etiam extra Comitia Generalia Collegiales aut Circulares Conventus celebrare, quoties necessitas vel utilitas exposcit.

Art.

Art. XIV.

1. Curam apud curiam Romanam impendit, ut *Concordata Germaniæ*, Episcoporum & Capitulorum privilegia, statuta, consuetudines, observentur, nec Gratiis, Rescriptis, Provisionibus, Annatis, multiplicatione fundationum, Reservationibus, Dispensationibus, Resignationibus, Collationibus, Coadjutoriis, Judicatura super statu Nobilitatis, vel aliis modis in præjudicium Fundationum Ecclesiasticorum vel Juris Patronatus aliquid agatur. *Concordata Germaniæ.*

2. Aut parte altera non audita Romæ judicium præcipitur.

3. Sed juxta Acta in Comitibus Augustanis de anno 1530 gravamina tollantur.

4. Nec permittere, ut causæ civiles ad Nuntios Apost. aut curiam Romanam deducantur.

5. Curare, ut causæ Ecclesiasticæ & civiles bene distinguantur, nec altera pars in alterius forum ingrediatur.

6. Salvis iis, quæ A. C. confortibus in pace Religionis & West. fuerunt concessa.

Art. XV.

1. Mediatorum tutelam assumere, atque ad obedientiam, Domini Mediat. nis suis territorialibus præstandam, adstringere.

2. Nec aliquem ab hac aut præstandis oneribus eximere.

3. Nec concedere, ut Status Provinciales circa Steuras soli cum exclusione Domini territorialis dispositionem usurpent.

4. Si mediatas subditus ad Imperatorem, Judicium Aulicum aut Cameram, ut a debitis oneribus se subtrahat, recurreret, non facile audiatur; sed a limine Judicii ad debitam partitionem, Domino suo territoriali præstandam, remittatur.

5. Sub- & obreptitie, obtenta a mediatis subditis privilegia, protectoria, exemptiones, cum omnibus clausulis & declarationibus, ac confirmationibus, sicut omnes inde dati contra Constitutiones Imperii Processus, Decreta, Mandata, prævia summaria causæ cognitione, pro irritis habenda, nisi petita prius scripto & accepta a Domino territoriali informatione.

6. 7. Omnes subditorum coadunctiones, fœdera, conspirationes contra Status tolluntur.

8. Fas esto Statibus, se & jura sua, etiam cum assistentia vicinorum, contra subditos defendere.

9. Si autem lites ad Judicem legitime deferentur, quamprimum expediantur.

Art.

Art. XVI.

Judicia Imperii.

1. Unitatem & pacem plantabit, justiciam, sine acceptatione personarum, administrabit, etiam si propriam Domum causa tangat, omnia more Majorum.

2. Neminem extra Imperium in jus vocare, neque ad acceptanda feuda: sed omnia intra fines Imperii juxta Constitutiones Imperii peragere.

3. Nullum novum Imperii tribunal erigere, nisi de consensu Statuum in Comitibus.

4. In Judicio Aulico & Camera Justiciam indifferenter administrare.

5. Curare, ut lite pendente nullus Status alterum repressaliis aut arrestis oneret.

6. Ordinationes Judicii Aulici & Camerae observare.

7. Neutrum Judicium in alterius Jurisdictionem involet, aut Processus avocet, nec Aulicum de sententiis & judicatis Camerae cognoscat, neque huic manus ligentur, quo minus ad Comitum referat.

8. Sed Camerale Judicium in suis juribus defendendum.

9. 10. Constitutiones Imperii & ordinationes servandæ.

11. Quidquid huic Capitulationi contrarium est, irritum esto.

12. Ministri & Consilarii Casarei negotiis Imperii, quæ ad Consilium Imperiale Aulicum pertinent, se non immisceant, multo minus eidem limites præscribant.

13. Processus, Mandata &c. non alibi, quam in Judicio Aulico resolvantur & expediantur: secus nulla sunt.

14. Imp. Judicium Aulicum proteget adversus Consiliarios & Ministros.

15. Votum Judicii Aulici Casari referatur in præsentia Præsidis, Vice-Cancellarii, Referentum, & Consiliorum ex utraque religione, si causa utriusque consortes tangat.

16. Quæ in Judicio contradictorio, cum debita causæ cognitione, decisa sunt, nusquam alibi ad novam cognitionem vocentur, salva tamen Revisione & Supplicatione.

17. Causæ in Camera pendentes non avocentur ad Judicium Aulicum.

Art.

Art. XVII.

1. Sententiæ latæ mox executioni dentur.
2. Quamvis beneficium *Revisionis* & Supplicationis locum habeat, ne tamen lites sint immortales, celeriter sunt expediendæ, absque effectu suspensivo. Cameræ.
3. 4. Visitatio Cameræ suscipienda per Deputatos, a Moguntino vocandos.
5. 6. 7. 8. 9. De Visitatione & Deputatis ad istam tractatur.
10. Impetrantes Revisionem, ad illam prosequendam intra 4 menses Moguntino & Cameræ se sistunt, sub pœna desertionis.
11. Durante tamen visitatione Camera non cesset, sed operationes suas prosequatur.
12. 13. Agit de Decreto commissorio provisionali, & salario Assessorum Cameræ.
14. Quantum ad *Supplicationem*, loco Revisionis in Judicio Aulico consuetum, refert se ad Art. 5 §. quoad processum, & Ordinationem Judicii Aulici. Jud. Aul.
15. Nullus Status in rebus, quæ præviam causæ cognitionem requirunt, & ad Judicium Aulicum spectant, Decretis Arcani Concilii oneretur.
16. Res Judicatæ Imperii contra omnem vim externam defendantur, & executioni dentur.
17. Taxa Cancellariæ &c. in Comitibus determinanda, nec augenda.
18. Taxæ Feudales secundum præscriptum Auræ Bullæ exigendæ. Et tamen quis plura feuda recipiat, una tantum taxa est solvenda.
19. Neque laudemis aliisque insuetis exactionibus Status sunt onerandi.

Art. XVIII.

1. Neminem a Jurisdictione Imperii & Judiciis eximere.
2. Illos tamen Status, qui exemptionem vel contractu cum Imperio, vel privilegio, vel alias legitimo titulo, ab Imperatori-Privilegio. bus obtinuerunt antehac, & in ejus possessione hæcenus persisterunt, in sua exemptione relinquere, ac defendere, simul tamen illos, ut pacta servant, adstringere, atque ut Imperio præstent, ad quæ eorundem vigore obligantur.
3. Omnes Status (comprehensa semper Immediata Imperii Nobilitate) eorumque subditos in Imperio, in Juribus suis relinquere.

Exemptio-
nes.

4. Prout etiam in sua Intermediatione, privilegiis de non appellando & evocando, tam in civilibus, quam criminalibus & feudalibus causis, electionis fori, item jure Austregarum, tam legalium quam conventionalium vel Familiarium in prima Instantia, sublati omnibus, quæ fortassis quocunque prætextu acciderant, contraventionibus, inhibitoriis &c.

5. Nec ullum commissionibus, mandatis, ordinationibus contrariis gravare, nec permittere, ut per Jud. Aulicum vel Cameram gravamen inferatur. In specie vero in decernendis commissionibus servare ordinationem in P. W. art. 5 §. in *Convent. Deputat.* factam: si causa inter utriusque religionis consortes vertatur, paritas Deputatorum, quantum fieri potest, observetur. Nullum autem Commissarium deputare, cujus interesse sit involutum.

6. Privilegia de non appellando, non evocando, Electionis fori, aliaque id genus, quæ ad minuendam Jurisdictionem Imperii, Statuumque antiquioribus privilegiis aut tertio præjudicare possunt, non facile concedere.

7. Neque jus Austregale extendere ad eos, qui hætenus eo caruerunt.

8. Cum adversus Cæsareo-Aulicum Judicium Rottwilense, Weingartense, & alia Provincialia a multis annis variæ querelæ sint propositæ in Imperii Conventibus, eorumque abolitio fuerit petita, curabit Imperator, ut ejusmodi querelis obviæ eatur, & ratione abolitionis aliquid certi in Comitibus statuatur. Interim vero abusus tollantur, & in eum finem indifferentes Status deputentur.

9. Statuum vero ab ejusmodi Dicasteriis exemptio defendatur.

10. Et ab iis cuicunque gravato appellatio ad Judicium Aulicum vel ad Cameram libera sit.

11. Atque exemptio Electorum & aliorum ab istis tribunalibus manuteneatur.

Art. XIX.

1. Quæ violente abrepta, vel vigore Pacis West. adhuc restituta sunt, restituantur juxta Edictum restitutionis, ærtioris modi exequendi, Norimbergensis Recessus executionis.

2. Idem præstandum Cæsari, si aliquid restituendum.

Justitia.

3. Iis Statibus Immediatis, qui in Imperatoris aut Electorum, Principum, ac Statuum territorii domicilium fixerunt, pariter justitia ministrabitur.

4. Statuum gravatorum processus non impediuntur.

5. Nulla

5. Nulla mandata emanent pro teloniis, absque consensu Electorum noviter erectis.

6. Si Status Provinciales ac subditi contra Dominos suos territoriales querelas proponant, praesertim contra Regalia, jura collectarum, armaturæ, sequelæ, defensionis provinciae, praesidiorum in munimentis, ad nudam instantiam subditorum nulla mandata, protestoria, aut conservatoria impetiri, sed ad Judicium Austregale prius remittere.

7. Ubi vero Jurisdictio est fundata, antequam mandata emittantur, accusatum Magistratum cum sua informatione prius audire. Secus non teneatur mandatis parere.

8. Commissarii & cognitores causarum poenaliu de poena nihil participant.

Art. XX.

1. In causa proscriptionis seu banni se conformabit Paci Osnab.

2. Nemo sine justa causa, aut non auditus, aut sine assensu ^{Bannum.} Statuum proscribatur.

3. 4. Ordine procedatur, & ubi ad Conclusionem in Judicio Aulico vel Camera devenum fuerit, Acta ad Comitata deferantur, & a Deputatis ex omnibus tribus Collegiis examinentur; eorumque responsum Statibus ad concludendum in causa referatur.

5. Hoc Statuum Conclusum si Imperator approbaverit, suo nomine illud publicabit in Circulo, ad quem proscriptus pertinuerat, & exequetur, secundum Ordinem executionis.

6. Bona proscripti non attribuantur Domui Caesaris, sed Imperio; ante omnia autem parti laesæ ex iis satisfiat.

7. Salvo jure Domini Directi, si proscriptus particularia feuda mediata habuit.

8. Salvo item jure agnatorum innocentium aut expectativam habentium; nec valeat hic principium, agnatos etiam innocentes propter feloniam proscripti feudo privandos.

9. Violente spoliatus pendente lite banni restituendus.

10. Proscriptio, quæ hoc modo & forma non perageretur, sit nulla.

11. Bannum contumaciae abolitum esto; civilia autem coercendi & compellendi media adhibeantur.

Art. XXI.

Vasalli.

1. Jura Feudalia Statuum inviolata conservabit.
2. Et licet Vasalli eorum aut subditi ex crimine læsæ Majestatis aut alias iis excidissent, se non immiscebit.
3. Non autem caduca ejusmodi feuda ad Fiscum suum Cæsareum trahet.
4. Neque allodialia eorum bona sed Territorialibus Dominis dispositionem de illis relinquet.
5. Nec sub specie justitiæ eos turbabit.
6. Sed ad viam Juris in tribunalibus Imperii prætensiones remittet.
7. Nec ullam violentiam contra Constitutiones Imperii in his permittet.
8. Et si damnum inferretur, illico curabit, ut illud reparetur per arbitros vel Comitæ.

Art. XXII.

Status exaltatio.

1. In dignitatem Principum, Comitum &c. non referre, nisi bene meritos, Imperii incolas, & talibus mediis provisos, quibus talem dignitatem sustinere queant.
2. Neque ita evectis Votum & Sessionem concedere, nisi sub conditionibus & modo, Art. 1 hujus Capitulationis relatis.
3. Nec in præjudicium antiquiorum Familiarum Principum noviter evectis titulis aut insignibus ornare.
4. Neque ex impari matrimonio, aut illegitime natos ad patris dignitatem, titulos, insignia evehere, multo minus successioneis capaces declarare, & si antea hoc factum esset, pro irrito habere.
5. Neque Status exaltatio cujuscunque Domino territoriali aut ejus Jurisdictioni ulli sit præjudicio.
6. Et si ullus Status in hac re esset gravatus, gravamen tollere.
7. Omnes expeditiones Cæsareæ, Diplomata, Nobilitationes, Palatinatus, Consiliariorum Imperii, cum omnibus privilegiis, quæ sub nomine Imperatoris conferuntur, in nulla alia quam Imperiali Cancellaria expendantur, prout ab antiquo consuetum est.
8. Diplomata &c. aliter expedita irrita sunt.
9. Expeditæ in Cancellaria Imperii literæ, gratiæ, Status exaltationis, privilegiorum, aliis Cancellariis Cæsareis intimatæ, ab his gratis omnino & sine nova taxa recipiantur, agnoscantur, novusque titulus impetrantibus tribuatur.

10. Ad solum Archicancellarium Imperii pertineat, *taxas moderari.*

11. Si litteræ gratiales intra tres menses e Cancellaria Imperiali, soluta taxa, non redimantur, gratiæ a Cæsare concessæ, nullæ sunt.

12. Si nihilominus iis gratiis & titulis uti attentarint, a Fiscali Imperii puniantur.

13. Prout etiam qui falso prætendunt, se ejusmodi gratias ab Imperatore accepisse; aut litteras, taxa Cancellariæ soluta, non redimunt.

Art. XXIII.

1. Imperator in Imperio residet, nisi circumstantiæ temporum aliud exigant.

2. Statibus eorumque Legatis celerem audientiam & expeditionem impertiet.

3. In negotiis Imperii solius germanicæ aut latinæ linguæ usus vigeat, nisi negotia extra Imperium essent tractanda.

4. Officia Imperialia, uti Protectionis Germaniæ, Legationum, Aulæ Præfecti, Camerarii, Marechalli, Corporis Custodiæ &c. ex Germanis potissimum constituet.

5. Atque illis sui honores, dignitates, salaria, conserventur.

Art. XXIV.

1. Consilium Aulicum ex hominibus idoneis utriusque religionis ex Circulis desumptis constituet.

2. Qualitatibus debitis sint ornati.

3. Nulli Statui, minus externis Potestatibus, obligatione adstricti, Consilarii Aulici.

4. Nulla contra eos querelæ relinquatur occasio.

5. Ordinationem perficiet Consilii Aulici.

6. Decreto Commissario exquiret Consilium Statuum de modo visitandi Consilium Aulicum, & Concluso vim dabit.

7. Interea vero visitabit Moguntinus tertio quoque anno, & Acta Comitii exhibebit.

8. C. A. vero procedet secundum ordinationem veterem, donec nova conficiatur.

9. Qui prior est in officio Consilarii Aulici, præcedat juniores.

10. De cætero incedent sicut statutum est in ordinatione C. A.

11. Præses ac Vice-Præses sit Princeps Imperii aut Comes vel alius, qui in Imperio bona possideat.

12. Præfidi soli in Judicialibus competat Directorium, nec alius se misceat.

13. Omnes causæ in pleno Senatu tractentur, nec ad ullam Deputationem vel Commissionem trahantur.

Art. XXV.

1. Constitutio Cancellariæ Imperialis, Vice-Cancellarii, Referendariorum, Secretariorum, omniumque aliarum, ad Cancellariam pertinentium personarum, sit penes Archiepiscopum Moguntinum, qua Archi-Cancellarium Imperii per Germaniam, sine ullo obice.

2. 3. Cassatis contrariis omnibus.

4. Causæ Imperii, Comitiorum negotia, Instructiones Cæsareorum Legatorum, ipsorum relationes in rebus Imperii, negotiationes belli & pacis, per manus Imperii Vice-Cancellarii eant, non vero ad Cancellariam Aulicam Provinciarum hæreditariarum trahantur.

5. Salaria Consilio Imperiali Aulico exacte solvantur, tum ex Camera Aulica, tum ex mediis ab Imperio provenientius.

6. A teloniis aliisque oneribus Consilarii Aulici, sicut Camerales, sint immunes.

7. Prout etiam, sicut Statuum Legati, Residentes, Agentes, a Jurisdictione Regionis Præfectorum, aliisque obsequationum, Inventuræ, editionis testamentorum, liberorum tutelæ &c. personabilibus oneribus.

8. Si velint discedere, liber eis abitus cum suis bonis, sine ulla exactione, concedendus, cum litteris salvi conductus.

Art. XXVI.

1. Regi Sardinia, tanquam Duci Sabaudia, juxta P. W. Instructionem feudum Montis Ferrati conferre, prout jam olim Ferd. II Victori Amadeo Duci Sabaudia illud contulit, secundum jus Feudale, sine inductis clausulis reservatoriis aut salvatoriis.

2. Nec Infeudationem illam differre sub quocunque prætextu.

3. Sed pœnalibus mandatis inhibere, ne quisquam se opponere auit.

Vicar. Italica. 4. Vicariatum Italiae Domui Sabaudica confirmare ac defendere, non obstantibus, quæ in favorem Mantuæ quondam acta sunt.

Art.

Art. XXVII.

1. Cum a prioribus Imperatoribus externis quibusdam Potestatibus litteræ Protectoriæ super aliquos Status ac civitates sint concessæ, vel ipsi externi jus protectionis sibi arrogarint & usurparint, vel ipsi etiam Status aut urbes protectionem illorum implorarint, non sine gravi Imperii præjudicio in civilibus & judicialibus, Imperator tales litteras protectoriales non amplius dabit, nec concedet, ut quis tales petat aut acceptet, nec acceptas confirmabit.

De externa protectione.

2. Sed curabit, ut jam datæ vel acceptæ revocentur, aut saltem ad primum tenorem restringantur.

3. Omnes vero Status ac membra, absque imploratione externæ protectionis & assistentiæ, sub tutela Imperatoris & Imperii, atque administratione justitiæ in sacris & profanis secundum constitutiones Imperii censerventur & protegantur.

4. Cum etiam ab aliquo tempore per abusum causæ Judiciales ab Ordinariis Judicibus ad externas potestates non raro evocentur, præsertim sub prætextu Bullæ Aureæ Brabantinæ, cum non modico Statuum præjudicio, Imperator id genus evocationes penitus tollet, & per dictam Bullam Brabantinam gravatis jure retorsionis assistet.

Art. XXVIII.

1. Non concedet, ut externæ Potestates, aut earum Legati, negotiis Imperii se immisceant.

2. Neque permittet, ut Legati apud Deputationes, aut in aliis Imperii conventibus, aut apud Aulam Cæsaream, cum armata equitum & peditum custodia plateas oberrent.

Art. XXIX.

1. Cum adversus ordinatas in Imperio Postas non leves querelæ sint allatæ, atque illæ ad mentem P. W. ad Comitæ sint remissæ, Imperator non permittet, ut in Statuum regionibus & ditionibus, in quibus ejusmodi Cæsareæ Postæ sunt constitutæ, locentur personæ, quæ non sunt Imperii subditi, & quorum fides non est assecurata, quæque (excepta personali immunitate) etiam a realibus oneribus sint exemptæ.

De Postis.

2. Præterea Generalem Imperii Postarum Magistrum adstringet, ut ipsius Postæ omnibus necessariis sint bene provisæ, epistolas pro justa taxa, quæ in omnibus Postarum domibus sit affixa, secure promoveat, ut nullus querelæ sit locus.

3. Con-

3. Contra vero provincialibus & civitatum Imperialium cursoribus interdictum sit, ne epistolas ferant, equos mutant, personas, aut fasciculos assumant; sed civitatum alique cursores Cæsareis Decretis & Rescriptis de anno 1616, 1620, 1636 se conforment. Ac proin nuntii isti neque Moguntinæ Postarum Imperialium protectioni, nec Generali Postarum Imperialium hereditario Præfecto sint præjudicio.

4. Curabit Imperator, ut Generale Cæsareum & Imperiale Postarum Officium in suo vigore ubique conservetur, atque ad illius diminutionem nihil suscipiatur, concedatur, vel conniveatur, ac proin illud in Imperio in quietâ possessione permaneat.

5. Hic tamen articulus tandiu sit ratus, donec Imperium aliud ordinaverit.

Art. XXX.

1. Hanc Capitulationem Imperator Consilio Aulico, Cameræ, Juramentum. Ministris, Consiliariis jurandam & exacte servandam proponet.

2. Negotium Capitulationis perpetuæ (ubi tamen Electores reservant sibi jus *accapitulandi*) in Comitibus suscipiet, & ad perfectionem deducet.

3. Collegii Electoralis consilia, ad se directâ, observabit.

4. Cum propter absentiam non potuerit jurare in puncta Capitulationis, Commissariis suis plenam potestatem dedit, in animam Imperatoris jurandi.

5. Promittit autem, se adhuc ante coronationem in propria persona juraturum.

6. Antea vero Regimini se non immiscere, sed Vicariis continuationem administrationis relinquere.

7. Hæc omnia se servaturum iterato promisit, renuntiando omni dispensationi, absolutioni &c.

8. In horum testimonium novem exemplaria majore sigillo suo obsignata confecit, & cuivis Electori unum tradidit, Francofordiæ 13 Sept. 1745.

Coronatio
præsentante
Conjuge &c.

Quarta dein Oct. consueta solennitate unctio & coronatio Imperatoris ab Electore Moguntino assistente Trevirensi fuit peracta. Aderat etiam Imperatrix & Regina *Maria Theresia*, quam tamen noluit coronari, quod moris non esset in imperio, ut duæ essent Imperatrices coronatæ. Auxerunt celebritatem mater Imperatricis

patricis & Imperatoris soror. Diē septima Octobris vero gratulatum supervenit Elector Colonienſis.

16 Oct. utraque Cæſarea Majeſtas Viennam diſceſſit. Cum conſenſa Ulmæ navi per Bavariam tranſirent; Elector *Mottinga* eos veneratus, atque *Straubingam* comitatus menſæ hoſpites adhibuit, renovata firmataque magis Domus utriusque cognatæ amicitia.

Imperator ad Imperii curas mox converſus, conſtituit Conſilium *Aulicum rufus Viennæ*. Præſidem eidem dedit *Wurmbrandum*, Vice-Præſidem Comitē Hartig; Præcancellarius Imperii renuntiatus Colloredus.

Comitia Imperii rufus *Ratiſbonam* Francofurtō translata, eiſque Imperium Principalis Commiſſarius iterum præpoſitus Joſephus Princeps *Stenbergius*, Palmius vero Con-Commiſſarius. Initium deliberationum a ſecuritatē Imperii, ordinanda collapsa remonetaria, negotio Capitulationis perpetuæ, toties jam agitato. In iisdem porro Comitibus comparuerunt, *Sternbergius* pro Bohemia Legatus, *Cobenſelius* pro Austria, eoque ad Aulam Colonienſem digreſſo *Buchenbergius*. Venit quoque, novo exemplo, *Kaiſerlingius* Legatus Ruſſicus.

Quatuor Imperii Circuli, Sæviæ, Franconicus, & uterque 4. Circuli Rhenanus, neutri belligerantium parti ſe addiſcos profitebantur. *neutraleſ.* Augebant tamen in omnem eventum copias. Palatinus autem Elector contra Auſtriacos fuit conqueſtus, quod terras ſuas depaſcerent. Cumque Elector Moguntinus Mallebæum moneret, ut cum *Querelæ.* Gallis ſuis Germano ſolo decederet, reſpondit, id ſe non ante faciurum, quam Auſtriaci e provinciis Palatinis exceſſiſſent. Quare aſſociatio 4. circuloꝝ, & motus copiarum ad Rhenum, quam *Ramſchwagius* Ulmæ vehementer urgebat, perfici non potuit; ſed placuit neutralitas. Interea autem belli tempeſtas in Sileſia, Belgio, & Italia detonuit. Conciliatio vero inter Domum *Auſtriacam* & *Palatinam* facta 25 Dec. per pacem *Dreſdenſem*, cujus articulo XII Elector fuit inclufus.

Art. LIV.

*Lichtenstein Archiep. Salisburg. Acta Herrenbusiana.
Nuptiae Principis de Taxis: Obitus Ruperti Principis
Hohenloensis.*

72. 13 Jan. Salisburgi novus Archiepiscopus electus est Jacobus Lichtenstein. Ernestus Comes *Lichtensteinus*, commendatione Reginae, quam, cum Arch. Salis. esset Episcopus Olomucensis, Pragæ coronaverat. Carolus VII Imperator graviter eam electionem tulit, quod absque praesentia legati Caesarei esset peracta. Unde per Cardinalem Borghesium apud Pontificem institit, ne illam confirmaret. Sed mortuo paulo post Caesare causa fuit composita. Olomucii per electionem capituli suffectus est Episcopus Comes Ferdinandus Troyer Tyrolensis.

Electo *Hannoveranus*, postquam cum Harringtono, Status Secretario *Herrenbusiani* venit, cum Borussio Hannoveranam Conventionem procudit, deserto Varsoviensi foedere. Sub finem tamen anni pacem Dresdensem conciliavit. *Herrnhutii* ad eum invisit Maria filia, & Fridericus gener, *Hassia* Princeps, qui, inito post mortem Caroli VII Tractatu subsidario, 6000 armatorum duxit in Belgium, ac dein adversus Praetendentem in Angliam. *Conciliata* etiam Domus *Cassellensis* cum *Austriaca*. Darmstadianus Landgravius novam ad Rhenum urbem condidit, quam *Freystadtium* appellavit, omnibus tribus religionibus communem.

Obiit Berolini Princeps *Homburgicus*, Generalis in Russia castrorum Praefectus, anno ætatis 41, nulla ex Cantiminia, quam duxerat, relicta prole. Constantinus Rheinfelsensis, Rothenburgensis lineæ, sibi despondit Stahrenbergiam, Hyacinthi Principis Siegensis viduam: neptem vero suam Rohano Principi Subisio.

Academia Helmstadiensis a fundatore suo Julio dicta est hactenus *Julia*, jam vero, cum Hannoveranus suo in eam communijure cessisset, appellata est *Julio-Carolina*, in honorem Caroli Ducis Guelpherbytani regnantis.

Carolus Leopoldus Dux Mechlenburgicus a Vicariatu Saxónico & Ordinibus Imperii petiit restitui, sed, cessante necdum contumacia, incassum.

Princeps Alexander Ferdinandus de *Thurn & Taxis*, Baruthana Coniuge jam anno 1739 defuncta, Parisiis secum copulavit Ludovicam de *Harcourt Armagnac* ex Domo Lotharingica. Ejus vero Frater

Frater unicus Christianus Adamus, supremus apud Cæsarem Vigiliarum Præfectus, Comes itineris obiit.

Obiit Rupertus Princeps Hohenlöensis *Pfelelbaci*, cui successerunt duo fratres seniores, Carolus Philippus Camera Wezlariensis ^{Domus} Judex, & Josephus Antonius, Argentinæ, Augustæ, Salisburgi, ^{Hohenlohe.} Colonie, & Elvaci Canonicus; quorum ille *Bartensteinii*, hic *Pfelelbaci* domicilium elegit. Horum propatruus vero Ludovicus in *Schillingsfürst*, & hujus filius Philippus in *Wilmersdorff* residet; duplici vinculo familiæ Limburg-*Stürmbica* innexus. Omnes autem hæ lineæ Domus Hohenlöensis Religionis sunt Catholicæ.

Art. LV.

Annus 1746. Acta in Comitiiis. Trenckius & Cantacuzenus in carcere. Electoris Bavarie sponsalia. Tractatus Subsidiarum. Causa Palatina & Bipontina.

Obit Schönborn Epif. Bamb. & Herbip. Lis de Directorio. Abbas S. Blasii Princeps S. R. I.

Bello in Belgium translato, major Germaniæ data quies; quamvis multæ in illud & Italiam transmittendæ fuerint copiæ, eventu dispari, secundo in Italia, ex qua depulsi hostes, visitata ipsa Gallia, in Belgio vero, amissa Flandria & Brabantia, minus felici.

Conclusum quatuor circularum, Rheno propiorum, suppediandi triplicem ad tuitionem finium, a Principe Fürstenbergio, supremo Cæsaris ad Comitata legato, fuit confirmatum. Verum, cum Gallia & Borussia ad neutralitatem hortarentur Imperii Ordines, atque pericula, quæ ex copiarum motu impenderent, per Legatos suos proponerent, nihil admodum actum est; quamvis Flannovetanus, quantum poterat, negotium urgeret.

Per electionem Francisci in Imperatorem vacabat Dignitas Generalis Imperii *Marescalli* Catholici. Collata ea est voce unanimi Ejusdem Fratri Carolo.

Agitatum rursus in Comitiiis est negotium de statuenda Capitulatione Cæsarea perpetua; nec alienos se præbebant Electores, qui alias nullos sibi in hac re figi volebant terminos. Sed, cum Elector Colonienfis, seu supremus Ordinis Teutonici Magister, ju-

79

Carolus
Loth. Mares-
callus
per i.

Acta Comit-
talia.

ra sua in Borussia Capitulationi inferri peteret, atque Elector Brandenburgicus vehementer se opponeret, totum negotium hæsit.

Kaiserlingius, Russiæ Legatus, scriptum Imperatricis suæ Comitibus obtulit. Sed, cum in eo simpliciter expressum esset *Romanum Imperium*, omissa voce *sacrum* & loco *Electorum* nominarentur solum *Principes*, displicuit. At excusavit Legatus, errorem esse Cancellariæ Russicæ, deinceps non amplius committendum, sed juxta Comitiorum styllum ponendum: *Sacri Romani Imperii Electores, Principes, & Status*. Quo facto Comitibus Russiæ Regenti *titulum Imperatricis & Majestatis* detulerunt, & Maria Theresia Imperatrix & Regina fœdus defensivum cum eadem renovavit; quod, quamdiu illa vixit, fideliter est servatum.

Advenērunt novi ad Comitibus Imperii Ratisbonam Legati, Baro Schneidius, Bavaricus ratione Leuchtenbergæ: Polmannus Borussia, Menschengius Palatinus, Bibra Herbipolensis, Bachovius Danicus: Oexelius Auerspergica, Schwarzenbergica, Lichtensteinia, & Prælatorum Suevica atque Rhenana mandata exhibuit. Gallicus quoque Francofurto se insinuavit, sed quia ipsius Rex Franciscum necdum Imperatorem agnoscebat, non fuit admittus. Principes Taxius & Lobkovicus, Comites item Esterhazius & Stampa renuntiati Intimi Cæsaris Consiliarii.

Viennam venerunt novi Legati Sorbellonius Pontificius: Podewillius Borussia, Diedo Venetus, Rosenfeldius Bavaricus, qui instrumentum accessionis Palatinæ ad pacem Dresdensem ferebat. Marius Genuensis non fuit admittus.

Trenckius in
custodiam.

Baro Trenckius, famosus levis & irregularis militiæ Duxor, Viennæ missus in custodiam, quod in Slavonia seditionem concitare conatus esset, atque deprædationibus & rapinis infamem se reddidisset, cum non levi exercitus turbatione; id quod in pugna præsertim Sorrana contigisset: quod denique Comitem Cosa ad duellum verbis indignis provocasset.

Et Cantacuzenus.

Constantinus Princeps Cantacuzenus, Valachiæ Hospodaril, Cpoli strangulati filius, in Neostatiensem carcerem ductus, quod Turcas adversus Domum Austriacam, & Hungaros ad seditionem concitare fuisset conatus.

Palatium Suburbanum, quod *Favoritam* appellaverant, Patribus Societatis Jesu Regina tradidit, pro erigendo Collegio Theresiano, & Academia Nobilium.

Sponsalia
gemina.

Electores Bavariae & Dresdam abijt, ubi gemina sponsalia sunt contracta, videlicet inter ipsum Electorem Maximilianum Josephum,

&

& Mariam Annam, Regis Poloniæ secundogenitam: prout etiam inter Fridericum Electoralem Saxonie Principem, & Mariam Antoniam, Caroli VII Imperatoris filiam, natu maximam. Anno vero sequenti solennes Monachii & Dresdæ celebratæ sunt nuptiæ.

Franciscus Comes *Hollensteinius* renuntiatus est Vicarius Superioris Palatinatus, Clemens Topor vero Comes de Morawitski Provicarius.

Initus *Subsidiorum Tractatus*, vi cuius Bavaria 7000 armatorum tradit Confederatis, Austriacis, Anglis & Hollandis. Collectæ ad Donawerdam hæ copiæ in Belgium profectæ sunt. Peculiare insuper fœdus & unionem Elector cum Regina inivit, qua pax Füssensis & Tractatus subsidiorum confirmatur, atque amicitia adhuc magis stabilitor.

Subsid. tract.
Bav.

Comes de Riva Mantuanus, Electori a cubiculis, duxit Monachii Eleonoram Gonzagam, Principis Sigismundi Gonzagæ, Vescovati Marchionis, qui in Aula Bavarica versatur, filiam.

Ut Justitia securius administraretur, Revisorium Senatum Monachii Elector instituit, cuius Ipse Præsidium gereret.

Postquam Elector *Palatinus* paci Dresdensi accesserat, & Franciscum I Imperatorem agnovit, recesserunt copiæ Austriacæ, quæ in ejus terris hybernaverant. Translulerat quidem sedem Manheimi Düsseldorfium; sed, cum anno sequenti tabulatum & tegumen cubilis, a quo, Deo protegente, tunc absens erat, decideret, Manhemium rediit. Emit a Göhlerianis hæredibus ditionem Zwingenbergicam quadringentis florenorum millibus, sed protestante Nobilitate Equestri Franconica, & querelam ad Consilium Aulicum deferente, jus collectandi, quod in ea haberet, hoc contractu sibi esse ablatum.

Palatin.

Fridericus, Princeps *Birkenfeldensis* & *Bipontinus*, Catholicam Religionem amplexus, nuptias contraxit cum Francisca Dorothea, Electricis Palatinæ sorore, defuncti Principis Solisbacensis filia tertiarum. Elector Fridericum supremum copiarum suarum Ducem declaravit. Post 9 menses natus est ei Princeps, *Carolus Augustus*, cognominatus.

Frid. Bipont.
conversus.

Nuptiæ.

Natus Carolus.

Academia *Moguntina* illustrata auctaque est ab Electore nova Bibliotheca, Hippodromo, theatro Anatomico, horto botanico.

Colonienfis Elector in tres annos renovavit subsidiorum cum Anglis tractatum. Loco Comitum *Archinto*, Varsoviam digressi, venit Colonia *Spinola* Nuntius Apostolicus.

Herbipoli obiit *Fridericus Carolus* Comes *Schönbornius*, Bamber-Obis *Frid. genfis* & *Würzburgensis* Episcopus, æt. 72, vir magni nominis; qui Schönborn.

multo tempore fuit Procancellarius Imperii. *Bambergenſe* Capitulum, cum ſede vacante ad illud transferatur Jurisdic-
tio, Directorium Circuli Franconici volebat exercere, ſed Ba-
ruthano & Onolſbacenſi ſe opponentibus, Conventus Circuli quie-
vit, donec novus electus fuiſſet Episcopus, qui fuit Baro *Francken-
ſteinius*. Herbipoli vero electus eſt *Ingelheimius*, cujus pater fuerat
Judeus Camerae Imperialis.

Abbas S.
Blasii Prin-
ceps Imp.

Abbas S. *Blasii* Franciſcus Schachtelinus cum omnibus ſuis ſuc-
ceſſoribus Principis dignitate ornatus eſt.

In *Saxonia* obiit Saxonicus Dux exercitus, Dux *Weiffenſelfus*;
cumque extincta eſſet maſculina linea, ſucceſſit hæres in omnibus
bonis Elector, uti in Principatu Querfurtenſi, Comitatu Barbyo,
Præfectura *Weiffenſelfæ*, *Langenialzæ*, *Sangershufii*, *Freyburgi*,
Weiffenſæ, *Eckartsbergæ*.

Art. LVI.

*Annis. 1747. Cauſa Meinungenſis, & Zwingenberg. Affocia-
tio 4 Circulorum. Tergeminæ Nuptiæ Saxonice. Cauſa
Gleichenia. Prætenſio Haſſii in Brabantiam. Obitus
Principum, Salisb. Brixin. Campid. S. Blasii,
Leopoldi Mecklenburg.*

74

Genuit hoc anno Maria Thereſia, Auguſtiſſima Imperatrix &
Regina tertium Archiducem, Petrum *Leopoldum*, Ruſſiæ Imperatri-
cis patrini vices obiit Carolus Princeps Lotharingæ. Archiduch
Joſepho, cum annum ætatis ſeptimum jam impleſſet, datus eſt Mo-
derator Generalis Mareſchallus Comes *Bathyani*, qui in caſtris Bel-
gicis tunc verſabatur.

Complures Principes Imperii hoc anno feuda ſua renovarunt,
ut Baro *de Liliën* nomine Principis de Thurn & Taxis ſuper ſupre-
mo ac Generali Poſtæ Imperialis Officio hæreditario, quod *Feudum*
Regale Carolus VII Imperator declaraverat: Episcopus item Augu-
ſtanus, Conſtantienſis, Euiſtettenſis, *Bambergenſis*, *Herbipolenſis*,
Brixinenſis, *Curienſis*, *Leodiſenſis*, *Baſileenſis*: Principes quoque
Abbates, *Campidonenſis*, *Fuldienſis*, *S. Gallenſis*, *Einfidienſis*,
Berchtolsgadenſis, *Stabulenſis*.

In Comitibus Ratisbonensibus fervide agitata est lis, jam diu pendens, de successione Saxonico-*Meinungenfi*. Sic habet: Antonius *Causa Mei-
Ulricus*, Dux *Meinungenfi & Coburgensi* anno 1713 matrimonium *ungenfi* contraxit inæquale cum centurionis Hassiaci filia, atque ex ea complures liberos progeniit. Hos Carolus VI anno 1727 per speciale privilegium ad Principum Imperii dignitatem evexit, protestante Domo Saxonica, præsertim contra capacitatem successionis, quam eis etiam Carolus VII absolute negavit. Mortuo autem illo Dux Antonius Ulricus causam ad Comitum Imperii detulit, quæ hoc anno per Conclusum Comitiale declararunt, Ducis liberos propter imparitatem natalium esse incapaces successionis in *Meinungenfi & Coburgensi Ducatu*, feudis Imperii. Nec aliud pro iis a Carolo VI fuisse obtentum, quam Dignitatem Principum, prout ipsemet 1735 Consilio Aulico propria manu declarasset. Hoc Imperii Conclusum Franciscus I confirmavit, litemque pretiosam finit.

In Consilio Aulico ventilata est causa *Zwingenbergenfi*, superiore jam anno introducta. Imperator illam potestate delegata quibus, *Causa Zwin-
dam* commisit. Petiit, ut Elector Palatinus aliquid æquivalens assignet, quo juri collectandi Nobilitatis Equestris satisfaceret. At Elector respondit, emptionem esse talem, cui nihil solidi possit opponi: Göhlerianos hæredes ceu venditores in se recepisse non modo evictionem, sed etiam æquivalens, Nobilitati præstandum pro suo jure.

Imperator in numerum Principum retulit Abbatem *Ochsenbusa-
mum* ejusque successores. Kettlerus & Grünius Comitibus accensi. *Ochsenbu-
Barones* creati Leon, Thavonatus, Wolffius, Pencklerus, qui *senus Prin-
Cpoli* residebat. Königseckius ex linea Rottenfelsensi dictus *supre-
ceps*. *mus Aulæ Moderator*: Lichtensteinus Viennæ Gubernator. Kuefsteinus Inferioris Austriæ Vicarius.

Obit Sigismundus Rudolphus *Sinzendorffius*, A. V. Eques, Grandis Hispaniæ, supremus Aulæ Moderator, æt. 78; hæredem ex æsse scripsit filiam Mariam Annam sub ea causa, ut Prospero agnato nuberet. At illa, relicta pingui hæreditate, Hamiltonem prætulit.

Tandem *Associatio Circulorum Rhenensium* consulit, accedente tribus reliquis etiam Suevico, contradicente licet Duce Würtem- *Associata*, bergico, Directore Circuli, cui Gallia 9 *Mompelgardensis* ditiones, hætenus retentas, extradidit. Enituit hic industria & studium pro Domo

Domo Austriaca Francisci Conradi L. B. de Rodt, Præpositi, qui legatus Episcopi Constantiensis Con-Directoris aderat.

Tergeminae Nuptiæ. Sponsalia, superiore anno in Saxonia contracta, in tergeminum connubium abierunt: primum erat Friderici Christiani, Electoralis Principis, cum Maria Antonia, sorore Electoris Bavariae, nati maxima, Archinto Legato Apostolico nuptiis benedicente.

Alterum Mariae Annae, Regis Poloniae secundogenitæ (nam primam Carolus Rex utriusque Siciliae jam ante duxerat) cum Maximiliano Josepho Electore Bavariae.

Tertium Mariae Josephæ, tertiæ ejusdem Regis filiæ, cum Ludovico Franciæ Delphino. Quanta autem solennitate Dresdæ, Monachii, Parisiis Regales hæ nuptiæ sint celebratæ, longum fuerit describere.

Ducem Saxo-*Meinungensem* lis de successione suorum liberorum anno lapso exercuit, hoc vero causa aliena. Sophia Comes *Salmenfis*, inficia matre vidua totaque Illustri Familia, cum Pfaffenrotho nobili juvene *Meinungam* profugit, ibique matrimonium cum eo contraxit, sub protectione Ducis Antonii Ulrici, qui sponsum Regiminis sui Consiliarium assumpsit, sponsam vero, ceu Comitum Imperii, primum in gynæceo locum habere voluit.

Causa Gleicheniæ.

Ferre hoc, pro muliebri ambitione, non poterat Christina, *Gleichenis* rei venator: & Præfetti uxor, &, ubicunque poterat, præcurrens Sophiæ locum digniorem præripuit. Quamobrem ei Dux Aula sua interdixit. At illa, vindictam coquens, famosus (ut credebatur) in Sophiam libellos sparsit; & quia maritus complex putabatur, Dux, crematis per carnificem libellis, utrumque conjugem custodia detinuit, ultiores pœnas, in famosæ chartæ auctores statutas, comminatus.

At illi, ad tribunal *Camerae* Imperialis appellantes, duo mandata pœnalia impetrarunt adversus Ducem, quibus, accepta cautione *de Judio sisci*, jubebatur eos dimittere liberos, causaque merita ad legum placita, exactius cognoscere, delata, si refragaretur, Duci Saxo-Gothano executione. Cum autem non pareret, *Gothana copia* in *Meinungensem* ditionem irruerunt, Walsunga vi occupata.

Dux, qui Coburgum confugerat, dimissis e custodia *Gleichenis* conjugibus, querelas suas contra eos, *Cameram*, & *Gothanos*, ad Comitum Imperii Ratisbonam dedulit, frustra conatus, istos vi armata Walsunga depellere. — Varia interim hac de re Comitibus oblata.

oblata sunt scripta. Camera vero Duci Gothano, seu Commissario, duas Præfecturas Meinungenfes possidendas addixit, donec Antonius Ulricus sumptus, in executionem impensos, qui ad decem thalerorum millia afeendebant, refudisset.

Haffiacis quòque controversiis scriptisque perstrebebant Comitæ, dum Cassellensis urbem & Præfecturam *Braubachienfes* cum arce *Mariburgensi* aliisque locis a Darmstadiano petiit. Quin imo. *Kappus Cassellensis* Cassellensis Procancellarius longa Deductione Juris etiam Ducatum *Brabantiam* *Brabantia* Hassiacæ Domui vindicavit, a 400 & ultra annis repetens *pretendit*. Juris originem, ab Henrico II videlicet, Duce Brabantia, qui filio *seniori Brabantiam*, *juniori* autem, Henrico Infanti, ex quo Hassias Landgravi descendere, *Hassiam & Thuringiam*, ratione matris Thuringicæ debitam, anno 1247 reliquisset.

Extincta autem anno 1355 seniori masculina Brabantina linea in Joanne III jus succedendi ad juniorem lineam, nempe Hassicam, pertinuisse; sed Ducatum invasum a *Joanna*, ejusdem Joannis filla, & ab ea anno 1404. contra fas institutum heredem Antonium *Ducem Burgundie*, atque a Domo Burgundica ad Austriacam pervenisse, prævalente Familia utriusque potentia.

Renuntiasse quidem Bruxellis Henricum Infantem; sed eam renuntiationem non pertinere ad ipsum Ducatum Brabantinum, sed allodialia duntaxat aliqua bona & adquisita. Neque potuisse renuntiare Henricum, qui præjudicare nequiverit juri suorum filiorum, cum illud non ab ipso, sed ex pacto & providentia Majorum a primo acquirente acceperint. Quasi vero omnia bona sint fidei commissâ Familia.

Ludovico Darmstadiensi Landgravio per Rescriptum Gratia concessum est ab Imperatore privilegium *de non appellando*.

Obiit 12 Junii Ernestus Comes *Lichtensteinus*, Archiepiscopus *Salisburgensis*, æt. 58, Regiminis tertio. Electus autem in illius locum est 10 Sept. a Capitulo Ecclesiæ illius Præpositus, Andreas Jacobus Comes *Dietrichsteinus*, 1689 natus: vir cordatus & probus, ac pater pauperum.

Ad perennem pariter in cælis vitam 31 Jul. transit Episc. *Brixinensis* Casparus Ignatius Comes *de Künigl*, æt. 75, Reg. 45; successit *Brixinensis*, Canoniorum suffragiis Decanus Leopoldus Maria Josephus *de Spaur*; *Campidona* vero Anselmo L. B. *Reichlin* de Maidegg defuncto *Campidona*. Principi Abbati Engelbertus L. B. de *Sirgenstein*, abque nova electione, quia Coadjutor jam fuerat electus. Mortalem denique vitam hoc anno clausit Franciscus Schachtelinus Princeps Abbas ad

S. Blasii.

S. Blasii, æt. 77, Reg. 20, successus eidem Cælestinus Voglerius Wolfachensis, qui prius Oberriedæ in Brisgovia Prioris munere erat functus.

Verum non tantum in Principes Ecclesiasticos Libitina deservit, sed Martios etiam heroes, quibus plumbeus grando pepercit, mors prostravit. Hos inter erat Leopoldus Princeps *Deffavius*, Mare-schallorum Imperii & Borussia antiquissimus, totius Familiae *Anhaltinæ Senior*, Magdeburgi Gubernator, æt. 71, Reg. 44; successit secundum Jus Primogenituræ introductum Maximilianus filius. Ex eadem Domo lineæ Servestanæ (*Serbst*) obiit Christianus Augustus, *Mareschallus & Gubernator Stettini*. Ejus filia *Sophia* nupta est Carolo Petro Ulrico Duci *Holsatiæ*, qui mortua nuper *Elisabetha* Russorum Imperatrice, Moscoviticum thronum conscendit, sub nomine *Petri Federavici*, atque deserto fœdere absque ullo cum Fœderatis suis communicato consilio, cum Borusso privatim tractavit. Uterque Conjux Græcam fidem juravit. Hoc est pretium Belgradi amissi, tot millionum consumptorum, tantique sanguinis propter Russiam profusi.

Obiit Leop.
Dux Mech-
lenb.

Vitam turbulentam clausit *Carolus Leopoldus Dux Mechlenburgicus*, Sverinen-sis lineæ, cum Statibus suis Provincialibus primum collisus, tum Administratione privatus, copiis alienis; quia flecti noluit, per tot annos regionem depascentibus. Uxorem duxit *Diezensem Frisonis* filiam, ea vero repudiata, Catharinam Joannis *Zari* Moscoviæ filiam, Annæ Imperatricis sororem; ex qua suscepit Catharinam Christianam, throno Russico destinatam, sed *Elisabetha*, Petri filia, ad eundem evecta; cum Coniuge Antonio Ulrico Principe *Beverano* & liberis, in spem Imperii natis, reliquum ætatis in custodia transigere debuit; donec anno 1746 obiit.

Successit Carolo Leopoldo, masculis hæredibus destituto, frater *Christianus Ludovicus*, qui jam ab anno 1728 Ducatum Sverinensem pro fratre exauctorato Cæsaris voluntate administraverat.

Art. LVII.

Pax Aquisgranensis. Protestationes. Princeps de Taxis Commissarius Principalis. Causa Vinariensis. Miles Austriacus perpetuus. Bavariz prætensio. Causa Pleinsieim.

Annus 1748.

Hoc tandem anno, quo Galli Trajectum ad Mosam, urbem permunitam ad deditionem compulerant, Præliminaria pacis (Bredæ antea frustra tentatæ) *Aquisgran* iacta sunt, primum inter Galliam, Angliam & Hollandiam 29 Aprilis. His Præliminariis amore pacis per Kaunizium accessit Imperatrix & Regina Hung. &c. 25 Maji. Rex Sardinie 31 Maji. Hispania & Genua 28 Junii: prout refertur in Supplemento Hübneri 41 c. 3.

75-

Præliminaria autem in eodem summatim ita recensentur.

1. Pax Westph. Neomag. Rivic. Bredana, Ultrajectensis, Badena, Fratr. Madritanus, Hagense Fœdus Triplum de anno 1717, Præliminaria Londinense Fœdus Quadruplum de anno 1718, Pax Viennensis de pacis Aquisgran.
2. Omnia, quæ durante bello in Europa & utraque India tempore belli occupata sunt, restituuntur.
3. Dunkerka, qua parte continentem contingit, munita maneat, ex ea, qua Oceano alluitur, secundum tractatus pristinos.
4. Parma, Placentia, Guastalla, Hispano Principi Philippo cedantur; in casum vero, quo is sine prole mascula decederet, aut ipse vel ejus successores Regnum utriusque Siciliæ, aut Hispaniæ obtinerent, Parma & Guastalla ad Austriacos, Placentia ad Regem Sardinie recidant.
5. Dux Mutinensis restituitur in integrum.
6. Prout etiam Genua.
7. Rex Sardinie retineat, quæ anno 1743 Regina Hungaric eidem cessit, videlicet Vigevanum, partem Paviæ, & Comitatum Anghiere.
8. Rex Angliæ hic includitur.
9. Ut ex ab Hispania solvatur prætensum debitum, Gallia & Hollandia curabunt.
10. Tractatus de Æthiopibus ex Africa in Americam transportandis, (*de Asiento Tractat*) anno 1713 initus inter Hispaniam & Angliam,

Angliam, extenditur ad tot annos, quot Anglia ejus commodis frui non potuit.

11. Regi Angliæ corona de novo confirmatur.
12. Causa Palatino-Pleysteiniana ad universalem pacis congressum rejicitur.
13. Prout etiam controversia de Magisterio Aurei Velleris.
14. Imperator ab omnibus agnoscitur.
15. Definitio finium Hannoniæ & Abbatæ S. Huberti ad Congressum generalem & Tractatum Definitivum rejicitur.
16. Hostilitates terrestres cessent post 6 hebdomades, nempe a tempore subscriptionis, maritimæ eo tempore, quo anno 1712.
17. Ei, qui his articulis non accedit, nihil restituatur: & eadenus articulus 2 restringitur.
18. Cessiones & Restitutiones, atque introductio Principis Philippi eodem tempore fiant.
19. Sponsio Sanctionis Pragmaticæ de anno 1713 renovatur, excepta Silesia, & iis, quæ in Italia Principi Philippo ceduntur.
20. De Silesia & Comitatu Glazensi Regi Borussia cavetur.
21. Decernitur amnestia; & ii, qui huic tractatui accedunt, suas terras & bona, sibi addita, rursus consequuntur.
22. & 23. Omnes ad accessum huic tractatui invitantur.
24. Ratificationes intra tres septimanas a die subscriptionis commutabuntur.

Actum Aquisgrani 29 April. 1748.

Ægre habuit plures Principes, bello implicitos, aliosque, se insciis, in hos articulos fuisse conventum, variasque propterea protestationes opposuerunt. Regina Hungariæ doluit, de Silesia Regi Borussia fuisse cautum, Parmam & Guastallam sibi fuisse ereptam. Rex Sardiniaë difficulter inducebatur, ut Ducatu Placentino, & Finariensi Marchionatu, per tractatum Wormatiensem sibi additis, cederet.

Protestationes.

Protestati sunt etiam contra hanc conventionem 1. summus Pontifex, quod de Parma & Placentia disponderetur, quæ essent feuda Romanæ Ecclesiæ. 2. Eduardus Stuartus, Princeps Walliæ, nomine patris sui Jacobi III, quod Domus Hannoverana in regno Angliæ sit confirmata. 3. Domus Austriaca & Hispana propter Magisterium Ordinis Aurei Velleris, quod utraque sibi vendicabat. 4. Domus Condæ ratione Ducatus Monferratenfis, prætenzione deducta

deducta ex tritavie. 5. Domus Boica propter Mirandolam & Concordiam, Mutinensi attributam, ut postea dicitur.

Gallia quidem obtinuit, ut gener Regis tres in Italia Ducatus obtineret, Domui Borbonicæ ea ratione insertos; at totum Belgium Austriacum restituere, & partem Fœderatis, tanto labore totque impensis partum, non adeo facile acciderat. Verum cum triginta quinque Russorum millia Belgio Galliæque imminerent, & Fœderati copias suas plurimum augerent, satius duxit, mediis in victoriis pacem conficere, quam tempora, magis fortassis ardua expectare.

Post Præliminaria 29 Aprilis composita subsecutus est Definitivus Tractatus 18 Oct. quem, cum a Præliminaribus non abludat ^{Far.} quoad substantiam, necesse non existimo, hic repetere. Mutinensi dominium Arad in Hungaria adjicitur. Tractatum de Nigris Africanis Hispania in favorem Angliæ ad 4 annos prorogat. Causa Pleysteinensis ad Commissarios remittitur. Angliæ Regi etiam de Germanicis suis provinciis cavetur.

Subscripserunt: nomine Galliæ Comes de Severin, & du Thell.

Nomine Angliæ Sandvich & Robinson.

Austriæ Comes de Kauniz.

Hispaniæ Sottomajor.

Sardinia Oforius, & Chavannes

Hollandiæ Bentick, Wassenæ, Hasselaer.

Genuæ Marchio Doria.

Borussiæ Ammon.

Mutina Comes Monzonus.

Josephus Wilhelmus Princeps Fürstenbergius amplissimum munus Commissarii Principalis ad Imperii Comitia, quod sub tribus ^{Princeps de} Imperatoribus laudatissime gesserat, abdicavit, illudque Cæsar in ^{Taxis Comes} Alexandrum Ferdinandum S. R. I. Principem de Thurn & Taxis missarius transtulit, qui illo in hodiernum usque diem magna omnium satis- ^{Principalis.} factione præclare fungitur.

Delata ad Comitia causa Saxo-Vinariensis in puncto tutelæ Principis Ernesti. Gothanus eam prætendebat ex testamento patris, ^{Causa Vini-} Coburgensis Saalfeldius ceu proximior agnatus. Ratisbona causa ^{riensis.} Viennam, ad Judicium Aulicum fuit translata. Pronuntiatum pro Coburgensi. Verum cum Rex Borussæ per Gotterum pro Duce Gothano apud Aulam Cæsaream se misceret, transactio tandem est inita, vi cujus Gothanus Ernesti tutelam gereret, & Isenacum ac

Jenam solus administraret, Coburgensis vero Ernesti sororum curam susceperet cum Vinariensi administratione.

Tandem industria Cobenzellii Comitis confecta est Unio seu *Fœdus Defensivum* quinque Circulorum, Austriaci, Suevici, Francologici, & utriusque Rhenani, salvis per omnia Imperii juriis.

Miles pec-
petuus.

Quamvis bellum & controversia de successione Austriaca per pacem Füssensem, Dresdensem, & Aquisgranensem fuerit finita, Augustissima tamen Regina exercitus suos non abdicavit, sed voluit, ut stationarius miles 180000 capitum, per regna & provincias hæreditarias divideretur, facta inter illas subsidiorum, quæ ad 16 florenorum milliones excurrerent, partitione: id, quod jam dudum Princeps Eugenius suaserat.

Cum Carolus Comes Bathiani ex Belgio, ubi supremam armorum Præfecturam gesserat, Viennam rediisset, Archiduci Josepho Moderator datus est.

Bavarie præ-
sulis.

Electior Bavarie, cum Aquisgrani pacificatio ageretur, per Spohnium Legatum suum ratione Mirandolæ & Concordiæ Mutinæ Duci additorum, protestationem interposuit; quippe eos Ducatus jam anno 1637 ab Imperatore Ferdinando III Bavarie Electori Maximiliano I fuisse promissos in casum, quo extincta Piccorum Familia Imperio essent aperiendi. Hoc promissum a sequentibus Imperatoribus fuisse confirmatum, nominatim a Carolo VI anno 1726. Quamvis igitur Dux Mutinæ anno 1710 eos florenorum milione emerit, & anno sequente a Josepho Imperatore fuerit investitus, actibus tamen his juri Bavarie non potuisse derogari, sed cum Domus Piccorum anno 1747 in Francisco Maria exaruerit, promissam Investituram eidem deberi.

Cæsar, Pleh-
steinia.

Causa *Pleysteinia*, quod dictum supra, in Præliminaribus ad Tractatum Definitivum, in hoc vero ad Commissarios fuit remissa. Ita sic habet: Pleysteinium urbs cum arce & districtu in superiore Palatinatu, ad Comites olim Leuchtenbergenses pertinens, anno 1350 Coronæ Bohemice in feudum fuit concessum. Ita autem abdicante, Fridericus IV Elector Palatinus est investitus. Cum vero hujus filius Fridericus V crimen Feloniæ incurreret, Ferdinandus II Imperator Alberto Bavarie Duci anno 1623 hoc feudum contulit. Albertus anno sequente illud cum consensu Imperatoris Wolfgango Wilhelmo Duci Neoburgico vendidit, qui pro se & masculis suis descendentibus eodem fuit a Cæsare investitus, exclusis tamen hæredibus collateralibus.

Carolus

Carolus Philippus Elector Palatinus anno 1720 apud Carolum VI instabat; ut feudum Pleysteinianum ad Domum Solisbacensem extenderet. At ille anno 1725 Comitj Sinzendorffio, Aulæ suæ Cancellario, infeudationem eventualement contulit. Mortuo dein anno 1742 Electore Palatino, modernus Elector anno 1743 Pleysteln possessionem cepit. At 1745 prævalentibus in Palatinatu Austriacis Sinzendorffius in illam introductus est. Quapropter hæc controversia tum ad Aulam Cæsaream, tum ad congressum pacis Aquisgranensem deducta, sed ab eo ad Commissarios remissa. Elector inter alia ad pacem Dresdensensem se retulit, qua anno 1745 in integrum est restitutus.

Carolus Eugenius Dux Württembergiæ duxit Elisabetham, Frederici Marchionis Baruthani filiam unicam, quamvis A catholicam, plaudentibus Lutheranis. Sed non videtur benedixisse cælum his nuptiis.

Art. LVIII.

Obitus Episcopi Herbipol. & Argent. Elis. Imperatricis Viduæ. Anglus movet negotium electionis Regis Rom. opponit se Russus. Tractatus subsidiorum Bavariz. Causa Habensienfis, cui se miscet Corpus Evang. invito Cæsare. sensus P. W. Obit Mauritius Saxo. Navigatio Emdana. Obit Hobenzolleranus.

Anno 1749 obiit Anselmus Comes Ingelheimus, Episcopus Herbipolensis, tertio anno Regiminis. Ejus in locum electus est Greiffenclavius.

Secutus est Armandus Gaston de Rohan Princeps Soubisus, Cardinalis & Episcopus Argentinenfis, æt. 75, Reg. 45. succellit Armandus de Rohan, prioris Agnatus & Coadjutor, pariterque S. R. E. Cardinalis. Ratione duarum Præfecturarum cis Rhenum in Ortenavia, Oberkirch, & Eternheim, est Vassallus Imperii, atque propterea vi pacis Riscvicensis & Badensis habet Sessionem & Votum in Imperii Comitibus.

Finit quoque vitæ suæ comœdiam famosus Baro Franciscus Trenckius in arce Spilbergenfi, Brünæ apud Capucinos sepultus. Gente erat Hungarus, cohorti incondita Licanorum, cui omnem præ-

prædandi licentiam permiserat, præfectus, atque propter enormes grassationes (qualis erat Chambiana) fundis bonisque, quæ ampla in Hungaria habuisse fertur Fisco additis, ad perpetuos carceres damnatus.

Annus 1750 non minus ferax erat magnorum funerum; primum erat Joannis Wilhelmi Comitis de Wurmbbrand, qui anno 1722 ad fidem Catholicam conversus, ab anno dein 1728 Consilio Aulico magna cum laude præfuit, donec octogenarius pientissime decessit.

Imperatrix
vidua.

Wurmbbrandio in amplectenda vera Religione dudum antea illustri exemplo præluxerat Elisabetha Christina, jam anno 1707 Bambergæ, abjecto Lutherò, Romanis sacris initiata, quibus ad hunc usque annum, quo vitam clausit, quam ad 60 annos perduxit, constantissime adhæsit. Fuit Ludovici Rudolphi Ducis Brunsvico - Welpherbytan, & Christianæ (quæ erat ultimi ex Seniori stirpe Principis Oetingani foror) primogenita filia: Caroli VI Imperatoris conjux, Augustissimæ Imperatricis & Reginæ Nostræ Mater.

Optasset illa haud dubie, Josephum Archiducem Nepotem suum adhuc videre Romanorum Regem; nam præcipuum hoc erat negotium, quod hoc anno agitabatur, a Rege Angliæ comprimis, qui, ut turbæ & pericula, quæ in electionibus Imperatoris suo tempore possent occurrere, hoc consilium suggessit: Placuit Reginæ Matri, nec alieni ab eo erant Electores Moguntinus, Trevir, & Bavarus.

Electio
Rom. Regis
se opponit
Borussus.

Verum acriter se opposuit Rex Borussæ; cum enim Cæsares Majestates per Comitem de Puebla, suum Berolini Ministrum, pro suffragio se insinuassent, respondit: cum Imperator optima florebat ætate atque valetudine, non apparere necessitatem, aut causas, quæ ad hanc electionem secundum ipsius moderni Imperatoris Capitulationem requirantur, adhuc juxta articulum VIII Pacis Westph. hoc esse totius Imperii negotium. Si contingeret, Imperatorem mori, quæ deinde fors Imperii sub decenni impube, & sub tutoribus constituto Imperatore? expectandam proin Majorennitatem Principis, ubi omnia melius ad Constitutiones & dignitatem Imperii possint confici.

In eundem sensum Rex ad Electores scripsit. Bavarus & Hannoveranus Electores rescripserunt: per electionem Romani Regis futuris incommodis ad conservandam quietem Imperii posse obviari; nec tempus ad hoc esse opportunius, quam præsens, quo

quo tota Europa tranquilla fruatur pace: &, quamvis optandum foret, ut Archidux Josephus ætate esset provector, nihil tamen in hac florente ætate & sanitate Imperatoris esse periculi. Si autem humanitus quid ei contingeret, satius fore, juvenem Imperatorem, quam nullum habere, cui, si necesse sit, provida tutela succurri posset.

Non acquievit Rex Borussia, sed datis ad Moguntinum litteris, ad art. VIII §. III pacis West. potissimum se referens, questionem præliminarem, an eligendus sit Rex Romanorum, ab omnibus Imperii Statibus definiendam esse, inquebat; nec Status unquam huic juri suo renuntiassent, ac proin non posse illos ab Electoribus excludi.

Nota. Memorato §. 3 tractatio de Rege Romanorum, vivente Imperatore eligendo, ad proxima Comitia Imperii remissa est. In his nihil definiri potuit, Electorum Collegio pro juribus suis pristinis stante, Principibus vero antiquiorum Domuum in partem, quoad questionem *An venire volentibus.*

Antiquum Electorum jus privativum expressum est in Capitulatione Mathiæ Imperatoris, in qua art. 24 dicitur, *Electores omnitempore, quoties in subsidium Imperatoris, aut sacro Romano Imperio necessarium vel utile visum fuerit, Romanorum Regem, vivente Imperatore, cum hujus consensu vel sine illo posse eligere.* Qui textus in sequentium Imperatorum electione repetitus est.

Cum dein §. 3 laudato, suggerente Gallia & Suecia, statueretur, ut in proximis Imperii Comitibus ea de re decerneretur, Principum Collegium anno 1653, quando de electione Ferdinandi IV agebatur, & anno 1658 in electione Leopoldi, ejusque Capitulatione concipienda, his ista acriter movebatur. Sed Electores insistebant juri & formæ veteri.

Anno 1665 de temperamento Viennæ deliberatum, quo Electorum & Principum Collegia conciliarentur. Hoc Archiepiscopus Salisburgensis, Principalis Cæsaris Commissarius, anno 1667 Comitibus Ratisbonæ proposuit. Cautum eo, ut *Electores non facile ad electionem Regis Romanorum vivente Imperatore procederent.* Quod tandem anno 1671 est acceptatum.

Necdum tamen penitus sublata est controversia; nam cum anno 1689 de eligendo Josepho in Regem Romanorum tractaretur, protestantibus licet Principibus, non adesse casum necessitatis, electus est nihilominus a Novemviri Collegio. Tandem anno 1711 in electione Caroli VI loco formulæ, a tempore Mathiæ Cæsaris

tata, memoratum paulo ante temperamentum Capitulationi Cæsarem fuit insertum; quod deinceps etiam in Capitulatione Caroli VII & Francisci I est observatum.

Tractatus Serenissimus Elector Bavarie Tractatum hoc anno cum Anglia
Subsidiorum & Hollandia subsidarium, accedente Imperatrice, per Haslangum Legatum Hannoveræ iniit, his articulis comprehensum.

1. Sit constans amicitia inter partes contrahentes.
2. Anglia & Hollandia tribuent Electori annuatim 40000 Libras Sterlingarum, seu 200000 thaleros Imperiales. Anglia duas tertias, Hollandia unam solvet.
3. Elector vero sex millia peditum parata habebit, submittenda, quando requirentur.
4. Hic tamen miles nunquam contra Imperatorem aut Imperium serviat.
5. Elector negotium de electione Romanorum Regis tam in Comitibus, quam Electorali Collegio promovebit.
6. Si Elector ratione hujus tractatus a quopiam esset impugnandus, Potentiæ Maritimæ illi succurrent, & indemnem præstabunt.
7. Hic Tractatus sex annis subsistat.
8. Instrumenta confirmationis intra quatuor menses Hannoveræ commutabuntur.

Causa Hohenloensis.

In hunc quoque annum 1750 incidit celebris *causa Hohenloensis*. Ampla Domus Hohenloensis in Franconia, duas principales in stirpes est divisa, *Neuensteiniam*, Lutheranam, & *Waldenburgicam*, quæ Pfedelbacensi excepto Stamine, circa annum 1667 ad Catholicam Religionem reversa est, atque anno 1744 a Carolo VII ad Principum Dignitatem erecta, Comitatu anno 1757 in Immediatum S. R. I. Principatum cum omnibus Dignitatibus & prærogativis a Francisco I Moderno Imperatore converso.

Stirps utraque in varias lineas est subdivisa; & quidem Waldenburgica in Bartensteiniam, Pfedelbacensem, & Schillingsfürsticam. Mortuo anno 1728 Ludovico Gottfrido Comite Pfedelbacensi, Lutheranæ, successerunt Comites Catholici, proximi agnati ex stirpe Waldenburgica. Ili nimium Catholici videbantur alteri stirpi Neuensteinie, Lutheranæ. Quapropter anno 1740 Bartensteinio 18, Schillingsfürstio vero 29 gravamina object, eaque ad Consilium Aulicum detulit.

Man-

Mandarunt dein anno 1744 Waldenburgici Principes, ut Lutherani eorum subditi, ad varia incommoda turbasque evitandas, cum Catholicis pascha celebrarent. At detrectarunt imperium Lutherani, instigantibus Prædicantibus, quorum quinque depositi aut ab officio suspensi sunt. Altius tunc elatus clamor, extortumque anno 1748 a Consilio Aulico Decretum comminatorium executionis, a Directoribus Circuli Franconici faciendæ, nisi gravamina tollerentur.

Principes Hohenlœenses hoc Concluso se graviter læsos questi, scriptum *pro Informatione prævia* inter Legatos Comitales Ratisbonæ distribuerunt, petito etiam remedio Restitutionis in integrum adversus conclusum. Hæc petitio cum Viennæ locum non inveniret, pro Revisione Cæsari supplicarunt; quæ tandem impetrata est, dilata executione, ad quam Marchio Baruthanus, pro ea vice (nam cum Anspacensi alternat) cum Episcopo Bambergensi Director Circuli, jam stabat accinctus.

Pendente autem Revisionis negotio, Protestantes Principes, *Corporis Ev. se misit.* sub nomine Corporis Evangelici, se miscuerunt, tantoque ardore Comitum causam propugnarunt, ut scriptis ad Cæsarem litteris peterent, executionem illico decerni, ne obligentur, secundum pacis Westph. Sanctionem Comitibus armatam opem ferre. Nec intra minas res stetit, sed 29 Aprilis 1750 statuerunt ad executionem procedere, quam commiserunt Marchioni Onolsbacensi, ad quem vices Directoris Circuli tunc redierant, & Baruthano ceu Duci Circuli, præterito Episcopo Bambergensi, perpetuo Condirectore, imo ipso Imperatore, supremo Judice; & quidem pendente in Judicio Aulico revisione, id, quod Principes Hohenlœenses in Comitibus Ratisbonensibus vehementer questi sunt.

Onolsbacensis igitur, autoritate Corporis Evangelici, quod vocant, armatus, misit primum in ditiones Principum Commissarios, atque ut illis pondus adderet, centum pyrobolarios, qui destitutos Prædicantes restituerunt, & Waldenburgenses Principes ad solvenda executionis debita & alias pœnas condemnarunt.

Graviter accepit Imperator hunc privatum Protestantium *ex-Invito Com. quendi modum, eumque penitus irritum declaravit, Constitutio sacre.* quendi modum, eumque penitus irritum declaravit, Constitutionibus Imperii, & Cæsareæ Majestati, supremo Judici, præjudicium. Revisionem tamen ceu non satis fundatam rejectit, omniaque in pristinum statum restitui voluit, salvo Principibus jure adversus executionem Onolsbacensem, quam tamen Protestantes defendendam susceperunt.

Nota. Quod dicitur de privata & armata sui tuitione, tanquam in pace Westph. fundata, secundum arbitrarium Protestantium interpretationem dicitur: pax illa loquitur de executione eorum, quæ tunc in pacificatione illa statuta & restitui iussa sunt, & quidem cum pluribus limitationibus, nullatenus vero de futuris temporibus, quibus lites orirentur; nam quoad ista omnem vim armatam sapius prohibuit, sub pœna fractæ Pacis, sed voluit, ut omnia legitimis iudiciis definiantur. De corpore aliquo Evangelico in toto Instrumento nulla prorsus sit mentio.

Hoc eodem anno Carolo Eugenio Duci Württembergensi Catholico ex Elisabetha Baruthana nata: est filia Friderica, in cujus baptismo 36 patrini & patrinæ utriusque Religionis sunt adhibiti.

Carolus Fridericus Marchio Durlacensis Italiam ipsamque adeo Romam invisit; ubique pro Dignitate Personæ acceptus.

Obiit Mauri-
tius Saxo.

Obiit hoc anno Comes Mauritius de Saxonia, filius naturalis Augusti II Electoris Saxonie & Regis Polonie, quem anno 1696 ex Königsmarckia suscepit. A teneris annis militia imbutus, primum in Belgio meruit, dein vero anno 1720 Gallie se addixit, ibique ad summos honores Marefchalli Francie, & supremi belli Imperatoris, quamvis esset Lutheranus, fuit evectus. Grandia Herois istius facinora, victorias, urbesque, in Belgio præcipue expugnatas, in decursu narravimus. In juventute uxorem duxit, quam tamen, facto divortio, a se dimisit, alteri dein nuptam. Obiit Chambordi in arce sua anno ætatis 54, illud supremum elocutus: *Sumus in fine pulchri somni.* Corpus Argentinam ad sepulchrum deportatum est.

Christianus Ludovicus, Dux Mechlenburgicus, Sverinensis lineæ, fratris Leopoldi, cui successerat, exemplo, cum Statu Equestri, qui semper magis magisque se eximere conabatur, collisus est. Causa ad Casarem fuit delata, petitaque Commissio.

Navigatio
Embdana.

Rex Borussiae possessionem Frisie Orientalis vix adierat, cum de commerciis & navigatione in Indias cogitare cepit. Opportunus ad quæstuosum hoc negotium visus urbis Embdenæ portus, ubi Emsa in Dollartum locum se effundit, atque Oceano jungitur. Ut autem uberius floreret commercium, Societatem mercatorum hoc anno instituit, multis privilegiis ornata, cum jure, duas quot annis naves mittendi in Chinam. Mirum, quod hic tacuerint vicini, qui adversus navigationem & Societatem Ostendamam tam altum clamaverant.

Obiit

Obiit Fridericus Ludovicus Princeps Hohenzolleranus, linea Obiit Hohenzollernensis, Cæsareus *Generalis Campi Marschallus*, legionis Cata-phraætæ, & Equitatus Imperialis Præfectus, æt. anno 62; & cum æsthem vitam duxisset, successit ei patruelis Josephus Wilhelmus Princeps, & obiit æt. 60. Carolus Josephus L. B. de Palm, Concommissarius in Comitibus Imperii Cæsar ad Dignitatem Comitum S. R. I. exivit.

Art. LIX.

Post varias lites Fuldenſis Abbatia in Episcopatum erigitur.

Novum Conſtantiæ Dicasterium. Templum Dresdenſe

conſecratur. Obitu. Geroldi Princ. Murenſis: Kol-

lanſii Card. primi Archiep. Vienn. & Ferdi-

mandæ viduæ, Regis Sueciæ.

Anno 1751 negotium de eligendo Romanorum Rege tum in Comitibus Imperii per varia oblata scripta, tum in Aulis Electorum & Principum rursus, fervide est agitatum. Austriacæ intentioni accesserunt Colonienſis quoque & Saxo, ut adeo solus Brandenburgicus & Palatinus, votum suum negarent; ad quos brevi Colonienſis rediit.

Causa Fuldenſis optatum finem accepit. Principalis hæc Abbatia, toto orbe celeberrima, jam anno 744 a S. Bonifacio pro Illustrissimo Ordine S. Benedicti fundata, a Zacharia summo Pontifice anno 751 Sedi Apost. immediate fuit subiecta. Fassi sunt hoc Metropolitanus Moguntinus, & Episcopus Herbipolitanus, sed eam exemptionem ad universum populum & clerum etiam sacularem extendendam negabant, atque eas terras, quæ cis Fuldæ fluvium (qui ad Mundam Brunsvicensem Werræ junctus Visurgim efficit) Hassiæ imminet, Diœcesis esse Moguntinæ, quæ vero trans Fuldæ Orientem respiciunt, ad Herbipolensem spectare, contendebant. Abbas vero provincias suas exemptas, nulliusque esse Diœcesis volebat, sibi que potestatem quasi-Episcopalem vindicabat.

Anno 1662 inita est concordia, qua Moguntinus, qui simul erat Episcopus Herbipolensis, agnoscit Jurisdictionem Abbatis Quasi-Episcopalem in prima Instantia, salvo tamen Jure Metropolitico, & appellationis in secunda Instantia. Eandem Jurisdictionem Quasi-Episcopalem Abbatis in suos subditos agnoscit Moguntinus,

qua Episcopus Herbipolensis, absque jure tamen appellandi ad Herbipolensem. Semper ex gremio eligendus Abbas, factaque electio Moguntino & Herbipolensi significanda &c.

Mortuo Philippo Archiepiscopo Moguntino & Episcopo Herbipolitano, successor Herbipoli Concordia inita stare noluit, sed causam ad Romanam Curiam detulit, in qua anno 1702 eadem invalida fuit declarata, quod Philippus non potuerit jura Ecclesiae Herbipolensis sine consensu Sedis Apost. abdicare & alienare, neque adfuerit legitima causa, necessitas nempe, aut evidens Ecclesiae utilitas. Fulda possessionem quadragenariam obtendit: Herbipolis immemoriam requisivit.

Suppl. Hist.
meri 44.

Anno 1722 inter Herbipolim & Fuldam rursus facta est transactio; quae tamen & ipsa Romae non placuit. Tandem vero hoc anno fuit conventum, ut Romae in id laboraretur, quo Herbipolensi impetraretur usus pallii, cum jure crucem praeferendi, Fuldensis vero Abbatia in Cathedrali Ecclesiam & Episcopalem erigeretur. Quod a Benedicto XIV fuit impetratum.

Fuldensis
Abbatia in
Episcopatu
tum erigitur.

Supererat dein adhuc contentio cum Moguntino, qui jus suum Metropolitum hac mutatione laedi existimavit. At Pontifex se declaravit, intentionis suae nunquam fuisse, juri Metropolitano quidquam detrahare: fore proin Fuldensem Episcopum Moguntini suffraganeum, atque a subditis Fuldensibus ad Metropolitam appellari posse, salva exemptione passiva Fuldensis, & subiectione ad Sedem Apostolicam. Consensit etiam in erectionem Episcopatus Imperator, sic tamen, ut novus Episcopus qualitatem Abbatialis in Comitibus & aliis Imperii Conventibus retineret.

Obit Princeps
Murensis.

In Principali Abbatia Murensi in Helvetia obiit Praeful *Gerardus* Haimb Stühlingensis, aetatis anno 73, 29 Regiminis, Princeps virtute & doctrina excellens, qui gloriosi sui antecessoris insistsens vestigiis, ab eo coepit ad summam perfectionem perduxit. Successit Fridolinus Kopp Rhenosfeldensis, Director Cancellariae, vir eruditissimus, prout demonstrant *Vindiciae Altorum Murensium*, adversus Marquardum Herrgott, ob praestantem doctrinam orbi litterato notissimum, ex S. Blasii sacra Familia, magnorum semper virorum altrice.

Novum Con-
stantiae Dic-
asterium.

Separatae sunt hoc anno Suevicæ Domus Austriacæ provinciae ab Oenipontano Regimine, erecto pro illis Constantiae novo Representationis, & Camerae Dicasterio, cui Praefes datus L. B. de Summeraw. Tribunal istud translatum postea est Constantia Friburgum Brisgoviae.

Sic.

Susceptum quoque negotium determinandi Austriacæ Domus, & Venetæ Reipublicæ limites controversos, Wolckensteinio Comite & Correro Roboretum in hunc finem missis.

Dresdæ a Nuntio Apostolico ritu Catholico consecratum de Templum dicatumque est templum Aulicum, per plures jam annos magnifice Dresdensæ constructum, dicente ex Cathedra Regis confessario.

In alteram vitam migravit Sigismundus Comes Kollonitschius, ^{Obit Kollonitschius.} primus Viennensis Archiepiscopus, S. R. E. Cardinalis, anno æt. 74, Princeps, Religionis zelo flagrantissimus. Successit ejusdem Coadjutor Joannes Josephus princeps Trautsohnus, de quo nescio, cur scribat continuator Hübneri *Suppl.* 44, Protestantibus sibi multa bona promittere.

Defuncta quoque est Maria Anna, filia Philippi Comitis Palatini, & Franciscæ Lauenburgicæ, vidua Ferdinandi Ducis Bavaricæ, ^{Et Ferdinanda.} quæ filium suum Clementem hæredem universalem instituit.

Obiit pariter Fridericus Rex Sueciæ, unde successit ei frater natu maximus Wilhelmus in Hassiæ Landgraviatu, quem per plures jam annos nomine fratris administraverat.

Art. LX.

Controversia de Postis Imperialibus, & Provincialibus.

78

Bellum ultimum variis querelis & deliberationibus in Comitibus Imperii materiam & occasionem dedit. Hassiæ Landgravius sæpius fuit conquestus, per cursum Postæ Imperialis juri suo territoriali injuriam damnumque inferri. Idem Brandenburgicus, Hannoveranus, Brunsvicensis querebantur. Unione propterea inter se inita, Postas per suas provincias erexerunt a Gedano usque in Hollandiam.

Multa in hanc rem ex utraque parte scripta sunt edita, de Reservatis Cæsareis & Postarum Regali, atque de Postis Provincialibus ex Jure Territoriali prætenis tractantia.

Illam inter est liber, cujus Titulus *Aquila Gloriosa*, a magni cujusdam Principis Ministro, qui se *Cæsareum Turrianum* appellat, ^{De Libro Cæsarei Turriani.} scriptus, atque Leopoldo Imperatori anno 1694 dedicatus. Proficitur in hoc Auctor, se ex Jure communi, Recessibus Imperii, Actis Publicis, Tractatibus Pacis, Capitulationibus Cæsareis, Electorum ac Principum Mandatis & Edictis defensurum Postarum Regale per totum Romanum Imperium omnesque ejus provincias S. C. Majestati esse reservatum.

Atque imprimis Postarum originem ad Cyrum Persarum Regem & primos Romanos Imperatores refert, qui ad promovendum celerius

celerius faciliusque litterarum commercium equos veredarios & vehicula per intervalla disposuerint: a Friderici IV vero temporibus hoc jus Illustrissimæ Familiæ de Turri Vassina & Taxis, quæ primum Baronum, dein Comitum, ac denique S. R. I. Principum Dignitate fulget, ab Imperatoribus fuisse collatum, primo quidem tanquam Officium, dein vero a Mathiæ Cæsaris tempore tanquam Feudum Imperii.

Edicta Imp.

Exhibet Auctor ad hoc probandum, & demonstrandum, Postarum per Imperium ordinationem pertinere ad *Reservata* Imperatoris, Constitutionem Caroli V de anno 1522, de anno 1542, & anno 1543, (quo hoc munus Leonardo de Taxis contulerit) Ferdinandi I de anno 1561, Rudolphi II de anno 1576 & 77, (quo ad querelas Lamoralii Baronis de Taxis lanionibus, aliisque; prohibuerit, veredarios cursus suscipere, iisque Postarum Regale turbare) addit, cum anno 1579 Principum quidam Postas per Italiam & Belgium ordinare tentasset, id ab eodem Imperatore Rud. II fuisse interdictum, monitumque anno 1595 Tassium, ut Officio suo, ne ab aliis impediatur, aut turbetur, invigilaret.

Mathiam vero Imperatorem, Rudolphi fratrem, bis omnes extraordinarias ejusmodi cursorias vecturas, & Postas Provinciales severe vetuisse, simulque Comiti Tassio Postarum Regale anno 1615 in Feudum Imperiale contulisse: confirmatum anno 1621, a Ferd. II cum Mandatis inhibitoriis, ad urbes, Coloniam, Francofurtum, & Norimbergam, aliosque anno 1624 missis, ne Generali Postarum Imperialium Praefecto ullum obicem ponant, aut damnum inferrent. Eademque Mandata inhibitoria anno 1618, & 35, fuisse renovata.

Comitum.

Ferdinandum III pariter, re cum Electoribus & Principibus collata, anno 1637 ad omnes Imperii Ordines dedisse Mandata, ut extraordinarios cursores veredarios abrogarent, nihilque contra supremum Regale Cæsareum fieri patiantur. Atque hoc Mandatum, nemine contradicente, fuisse acceptum: quin imo anno 1641 ab electoralibus ad Comitum Legatis ad Imperatorem fuisse rescriptum, Imperiale Postarum Officium quoad totum Imperium jus questum & fundatum habere, idque in futurum Receptum Imperii ejusdem anni §. 69 cum Edicto, ut Cæsareum Postarum Regale in sua integritate conservetur, nec quidquam ad ejus diminutionem suscipiatur, aut quacunque via indulgeatur. His conformiter Cæsarem in Ducatu Brunsvicensi & Lüneburgensi ad facilitandum commercium Francofordiam inter

& Hamburgum Postarum aliquot stationes collocasse, Duce ipso nullatenus dissentiente.

Sub pacificatione quidem Osnabrugensi Norimbergenses Deputatos Suecis & Statibus inspirare conatos, ut Postarum usum singulis territoriis proprium facerent. At Imperatorem anno 1646 Norimbergenses reprehendisse, ac declarasse, nec eos, nec Status alios in Cæsareo Postarum Regali ullam partem habere, nec commissurum se, ut sibi aut Comiti de Tassis, infeudato Generali Postarum Præfecto hæreditario, ratione Postarum mensura ulla præscribatur. Cum autem Sueci non desisterent, erectionem Postarum P. W. Provincialium urgere, Imperatorem anno 1647 Legatis suis mandasse, ne quidquam in hac re in præjudicium Reservati sui Regalis cederent, operaque Legatorum, Moguntini, Colonienfis, Bavari, aliorumque Statuum accedente, effectum, ut in Instrumento Pacis contra Cæsareum Postarum Regale nihil decerneretur, nec art. VIII, quo Statuum jura recensentur, mentio fieret, sed id duntaxat articulo IX infereretur, *ut immoderata Postarum onera tollantur*, seu, ut litterarum taxa moderamen accipiat, quo usus ipse Postarum sit confirmatus, & jus quoad substantiam agnitus, solumque in moderatione taxæ desideratum remedium.

Post reductam dein pacem, cum in quibusdam, Borealibus præsertim, provinciis, ob belli furores, Postarum cursus fuisset interruptus, Imperatorem anno 1649 ad omnes Electores & Status Imperii dedisse litteras, quibus petierit, ut Comiti de Tassis ejusque Officialibus in suis terris omne præsidium & opem præstent, qua Postarum Directores ibidem stationes collocent, suis privilegiis, exemptionibus, usibus, libere & absque turbatione fruantur, atque Postarum negotium sine impedimento administrare valeant.

His autem mandatis Circularum, etiam Saxonix Inferioris, Status sine contradictione se accommodasse, stationesque cursorias fuisse dispositas Brunsvici, Nienburgi, Zellæ, Lüneburgi, Hannoveræ, Hamelæ, Guelpherbyti, Osterodæ, Mündæ, Göttingæ, Castellis, eisque Postarum magistros impositos. Nec minus Electores, Saxonicum & Brandenburgicum, promptos se exhibuisse.

Equidem anno 1658 Francofordiæ in electione Leopoldi Imperatoris a Statibus Protestantibus *Monitum* fuisse porrectum, ut Statibus invitis nulli exteri Postarum Præfecti, aliive, Officiales obtruderentur, neque a Jurisdictione territoriali, aut communibus oneribus essent exempti; sed Electoral Collegium in Capitulatione Cæsarea nullam illius rationem habendam duxisse, prout ex art. 35 apparet.

Part. X.

D 8

parcat.

pareat. Difficuisse id quidem Principibus quibusdam Protestantibus, sed responsum ab aliis, Jus Postarum esse jus Regale Majestatis, soli supremo Imperii Capiti proprium, quod proin sine Cæsaris injuria diminui aut restringi non possit. Collatam ab Imperatoribus Postarum Præfecturam Familiæ de Tassis in feudum Imperiale; sicut igitur Status in feudis suis, a S. C. Majestate acceptis, turbari noliat, sic neque prædictam Familiam in feudo suo turbari oportere, eo minus, quod omnis injuria redundet in Imperatorem, supremum feudi Dominum.

Leopoldum porro Imperatorem, Prædecessorum insistentem vestigiis, anno 1659 Edicto, ad omnes Electores & Principes misso, Postas omnes Provinciales prohibuisse, nemine reclamante, Brandenburgico Electore excepto, cujus Legatis in congressu Lüneburgensi Circuli Saxonie Inferioris, reliquos ad communem causam faciendam incitantibus, conceptum sit per Majora conclusum, pro defensione Postarum Provincialium.

Verum Imperatorem, negotio cum Moguntino, Postæ Imperialis Protectore, aliisque Electoribus collato, non destitisse, jus suum Majestaticum tueri, misso etiam ad Principes Saxonie Inferioris Comite Gronsfieldio, mandatisque anno 1663, 78, 80, 82, 84, 85. ad Status Imperii directis, quibus a plerisque debitum sit præstitum obsequium.

Assignet
regulam.

Ostendit ulterius Auctor, sicut antiquum Romanum Imperium, sic etiam instauratum a Carolo M. Occidentale fuisse plene Monarchicum, sub absoluta dominatione Cæsarum. Quos hodie veneramur Duces, Marchiones, Landgravios, Comites, Officiales fuisse Imperatoris. Additam subin ab ipsis Cæsaribus proprietatem, dominium, jurisdictionem: erecta feuda, concessum bene meritis aut gratia valentibus dominium utile, retentum supremum & directum; donec tandem ad eam, quam hodie cernimus, magnitudinem, auctoritatem, potentiam perventum. Promanasse tamen omnia a Cæsarea Majestate velut radios a sole.

Hoc posito fundamento infert, quidquid non inveniatur ab Imperatoribus Imperii Ordinibus concessum, id censi reservatum, & velut Majestatis ossibus inhaerere, confirmatque ex receptis Juris principijs & præsumptionibus: uti: olim Dominus etiam hodie Dominus præsumitur. Mutatio non præsumitur. Ex possessione præterita inferitur possessio de presenti. Possessio continuata præsumitur; nam qui semel possessor, semper possessor. Quod stetit, cur stare prohibetur? consequenter, quidquid Imperatores potestatis a se non abdicarint, aut in membra Im-

Imperii transfulerint, vel eisdem communicarint, id hodieum tanquam jus Regale ac Majestaticum Reservatum ab eisdem etiamnum possideri.

Atqui non inveniri ullum actum, contractum, concessionem, privilegium, donationem, quibus Imperator supremo ac generali per Imperium Postarum jure se abdicarit, aut illud Ordinibus communicarit; nec Bullam Auream, Pacem Publicam, Westph. Neomagensem, Rysvicensem, Badensem, nullam Capitulationem, nullum Recessum, aliamque Constitutionem aut legem Imperii, de hac cessione ullam mentionem facere, sed semper Imperatores hoc suum Regale contra omnes invasiones, cursores extraordinarios & Postas Provinciales defendisse: quin imo Maximilianum II ab omnibus Statibus fuisse rogatum, ut hoc suum Regale tueretur: atque propterea omnes Juris Publici Interpretes (ne quidem Hippolyto a Lapide negare aucto) hoc Regale seu Casareum Reservatum agnoscere,

Omnes quippe Jurisconsultos, Publicistas, & Politicos cum Lampadio jura Imperii in tres classes dispescere. 1. In Reservata Imperatori, quorum 20 enumerentur, & inter ea jus Postarum generalium per totum Imperium. 2. In communia Casari cum Electoribus. 3. In communicata omnibus Statibus: illos vero, qui Postarum jus inter Casarea Reservata collocant, simul tamen Statibus commune faciant, sibi ipsis contradicere.

Adducit autem auctor libri praedicti etiam argumenta, quae pro Postis Provincialibus a quibusdam scriptoribus afferuntur, videlicet 1. in statu quidem Monarchico potestatem omnem Postas per totum Imperium pro arbitrio ordinandi penes solos Imperatores stitisse: jam vero, mutatis tantopere rebus, etiam Statibus fas esse easdem per provincias suas erigere.

Quippe 2. Statibus in suo territorio omnia licere, quae non abdicata aut lege publica adempta inveniantur; ac proinde stare in dubio praesumptionem pro Statuum libertate, contra Imperatoris potestatem.

3. Ut adeo regula sit, competere Statibus in suo territorio, quidquid competit Casari in toto Imperio

4. Hanc Statuum potestatem fundari in superioritate, & omnimoda jurisdictione territoriali, ipsis concessa.

5. Feuda Statuum esse antiquiora feudo Tassiano, ac proinde per istud non potuisse illis derogari, neque enim hanc infeudationem

nem potuisse fieri, nisi salvo jure Statuum; atque ante id tempus jus Postarum ab iisdem fuisse exercitum.

6. Electores in Comitibus anni 1637 Cæsari significasse, Statibus jus in suis terris Postas disponendi competere; idque per Recefsum Imperii de anno 1641, per Instrumentum item pacis, sub nomine possessorum antiquitus Jurium Regalium; per Capitulationem denique Cæsaream art. 35 fuisse confirmatum.

7. Domum Austriacam in hereditariis suis provinciis (extra Tyrolin & anteriorem Austriam) jus Postarum exercere per Comitum de Paar. Ergo alios etiam Status in suis regionibus id posse facere. Idque ex Protocollo quoque Electoralis Collegii constare, ex Capitulatione videlicet, anno 1658: concepta.

8. Præscriptione quoque & consuetudine immemoriali Status esse munitos; quandoquidem jam ante Carolum Magnum, ipsisque adeo Julii Cæsaris temporibus apud Germanos fuisse Duces & Comites, cum potestate jurisdictionis præpositos; idque etiam post Carolum M. usu observatum. Respondit ad hæc auctor: & quidem

Resp. auditoris.

Ad 1. Cum Regimen fuerit plene Monarchicum, & Imperator sit caput ac fons omnis jurisdictionis, quæ in membra Corporis Germanici emanat, qui jus aliquod, mutationem, aut privilegium aliquod præterit, uti jus Postarum, id ei probandum esse; quod enim non mutatur, cur stare prohibeatur? Unde

Ad 2. ait, cum constet, olim omnem potestatem fuisse penes solum Imperatorem, eum esse in possessione sui juris, donec probetur, quod hoc jus suum abdicarit, aut in alios transtulerit.

Ad 3. Falsam esse hanc regulam, si etiam ad Reservata Cæsarea se extendat, quale sit jus Postarum.

Ad 4. Jus Territoriale se non extendere ad Reservata Cæsarea; alias enim Imperatori nihil amplius reliquum fore.

Ad 5. Per collationem Feudorum & Regalium non esse collata Reservata Cæsareæ Majestati. Jus Postarum autem, Imperatori competens, antiquius esse omnibus feudis, & Jurisdictione Territoriali Statuum.

Ad 6. Talem declarationem Collegium Electorale non dedisse, sed id tantum voluisse, ut, ubi nullæ sunt Postæ Imperiales, Ianionibus & civibus cursum relinqui posse; verum mandata Cæsarea mox emanasse, ut Postarum Regale, sibi suoque Clienti Beneficiario factum testumque relinquatur: atque his mandatis Status

tus obtemperasse, ac anno 1641 declarasse, Comitem de Taxis quoad totum Imperium habere jus quæsitum & fundatum. Neque per Instrumentum pacis huic juri fuisse derogatum.

Ad 7. Domui Austriacæ in provinciis hæreditariis non competere potestatem Postarum ratione juris territorialis, sed ratione specialis privilegii, ab Imperatoribus concessi: quo ipso confirmetur Jus Cæsareum de suo Regali disponendi, illudque pro summo arbitrio vel per se vel per alium exercendi. Ex actis Capitulationis Cæsareæ de anno 1658 aliud non constare, quam Statum quemdam ex jure territoriali Postarum jus voluisse erui; pleraque autem suffragia pro Regali, Cæsari proprio, stetisse, nemine Electorum contradicente. Non autem attendi oportere unius vel alterius Status desideria, sed quid conclusum fuerit.

Ad 8 ait, eas Germaniæ provincias, quas Romani occupaverant, summa ab Imperatoribus potestate fuisse gubernatas: translata a Romanis ad Francos Germania Galliaque plene Monarchicam fuisse formam Regiminis, Rege omnia gubernante pro arbitrio tum per se ipsum, tum per Duces & Comites (qui iustitiam administrabant nomine Imperatorum) Officiarios suos & Ministros, qui non aliam habuerint potestatem, quam ab Imperatoribus accepissent, testante Vadiano l. 1 de Colleg. Monast. in Germ. vet. non suam, inquit, seu propriam, sed publicam regni ditionem administrabant: non sibi juris erant Duces & Comites, sed Regum atque Imperatorum Officiarii atque Ministri. Quamvis autem eorum Officia non essent hæreditaria, cœpisse tamen paulatim Imperatores filios in paternis muneribus confirmare. Erecta subin feuda, Beneficiario seu Clientelari jure possidenda.

Addit, suprema Cæsareæ Majestatis Jura, tanquam intrinseca, coronæ inherentia, ac personalissima per nullam ufucapionem præscribi posse; præsertim ubi, intervenientibus tot Cæsareis mandatis, constitutionibus, & protestationibus, videatur deficere titulus, bona fides, & possessio sit interrupta.

Subjungit idem Auctor Apologiam pro Ludovico ab Hornick contra Emeranum Ackolt, Juris Licentiatum. Scriptum ille edi Hornick vindicabat de Reservato Cæsareæ Majestati Postarum Regali. Hunc confutavit Aguilæ Gloriosa. Verum in tribus his scriptis nihil admodum diversum ab iis, quæ hæcenus relata sunt, occurrit.

Hornickius contendit, Statibus fas non esse Postas erigere. 1. Quod non competant eis Jura Majestatica. 2. Quod observan-

tia circa Postas Cæsari suffragetur. 3. Quod Status ipsi in Comitibus declararint, Postarum Regale soli Cæsareæ Majestati competere, illiusque usum eidem commendarint. 4. Quod sine præjudicio Postæ Imperialis fieri non posset, ut Princeps in suis terris Postas adornaret.

Contra
& kolt.

Accostus intentionem suam fundat in superioritate Territoria-
li, Statibus Imperii concessio cum Regalibus. Non tamen negat,
Imperatori competere jus Postarum per totum Imperium; sed negat illud esse *privatum*, cum etiam Statibus sit commune in suis territoriis.

Apologista vero Hornickii distinguit inter Regalia, Statibus *Communicata*, & inter ea, quæ Cæsareæ Majestati *privative* sint *Reservata*; & inter hæc etiam Regale Postarum collocat. Denique Diplomata Cæsarea, Constitutiones Imperiales, & Comitiales, aliaque documenta, Postarum negotium concernentia, in extenso adjungit.

Recentior
bellus,

Anno 1759 Viennæ typis impressum est aliud scriptum, quo non negatur quidem Statibus usus Postarum Provincialium, sed restringitur ad cujusque Status territorium, ita ut ultra illud excurrere non liceat. Simul tamen propugnatur Jus Regale Cæsareum, cum ea differentia, quod Postæ Provinciales intra territorium cujusque Status sint constringendæ, Postis vero Imperialibus per omnes Imperii Provincias liber patere campus debeat.

In utilitate
& convenientia se
suadet.

Atque ad hoc demonstrandum, præter Edicta & Constitutiones Imperiales, Comitiales, Collegiales adducit insignem pro toto Imperio utilitatem, quin & necessitatem, tum ad singularum Imperii provinciarum litterale commercium, tum ad assicurandam cum exteris etiam regnis & nationibus communicationem, & epistolarum per totum Imperium securum trajectum: quod inter tot Provinciales Postas, & tabellarios cursores, a cujusque Provinciæ Domino dependentes, obtineri non possit.

Si enim vel unus Status Postas nollet erigere, vicinis vero per suum territorium transitum neget, totum cursum interceptum iri. Et quam confusionem fore, si taxa litteralis tot inter Status esset dividenda, quam singuli pro arbitrio possent statuere. Si litteræ deperdantur aut pecuniæ, a quonam ratio exigenda: & quid futurum tempore belli, aut inimicitie inter vicinos?

Solos quatuor esse Status, Brandenburgum, Hannoveranum, Guelferbytanum, & Hassio-Cassellanum, qui communione inita, erectisque non modo per suas terras, sed etiam alienas, Postis, Imperia-

periles Postas eliminare, aliosque etiam Status sollicitare, & in societatem consilii pertrahere nitantur. Quanta autem inde confusio, quanta incommoda orirentur, cum eversione Regalis Cæsarei, Auctor libelli prolixius deducit. Plura alia ab utraque parte scripta sunt edita, & querelæ in Comitibus Ratisbonensibus sæpe propositæ, quæ longum fuerit recensere.

Hæc ego in hoc eruditionis apparatu non nisi historice relata velim, quin ullo modo Principum juribus discutiendis me immisceam; quamvis id Juris Publici scriptores, præsertim Protestantes, passim faciant.

Art. LXI.

Alia quadam negotia in Comitibus proposita.

Præter Postarum negotium ultimis hisce annis curas Imperatoris & Comitiorum exercuerunt res *Monetariæ*. Ad plures Status, præsertim Civitatum, quæ aut cuderunt nummos valore deficientes, aut cursum sis liberum permiserunt, nec transgressores punierunt, Mandata Cæsarea pervenerunt. Francofordienti ad Mænum civitati executio Directorum Circuli Superioris Rheni a Cæsare est intentata. 78.

De *Mensibus* quoque *Romanis* non una Ratisbonæ contentio, consentientibus plerisque Catholicis, ex Protestantium quibusdam Mandati defectum excusantibus, Plocho Legato Brandenburgico, Gemmingio Hannoverano, cum sociis aperte, non sine minis, reclamantibus. Verum ad majora Statuum suffragia Cæsar ratum habuit conclusum. Menses Romanici.

Aliud Decretum Commissoriale Imperator Ratisbonam misit, quo Ordinibus commendavit causam Electoris Colonienfis, qui contra Hannoveranos conquestus fuerat, quod Episcopatus suos occuparint, iisque gravissima onera imponant, non alia ex causa, quam quod Elector Conclusi Imperii & Mandatis Cæsareis obtemperarit. At Hannoverani regerebant, Electorem fuisse partem belli, suum hostem, addictum Gallis; mirum proin non esse, quod belli incommoda experiri debeat. Causa Colonienfis.

Verum, antequam Clemens Augustus, Elector Colonienfis, Dux Bavarie, Episcopatus suos reciperet, ex hac vita ad æternam quietem migravit 6 Febr. 1761. Iter in Bavariam fuerat ingressus, sed postquam Hermansteinii ad Electorem Trevirensensem inviserat, pientissime ibidem obiit, anno ætatis 61, Electoratus 37; natus quippe est anno 1700. Episcopus Monasterienfis & Paderbornensis anno

anno 1716. Coadjutor Colonienſis 1722. Elector 1723. Epifcopus Hildeſienſis 1724. Præpoſitus Leodienſis 1725. Epifcopus Oſnabrugenſis 1728. Supremus Ordinis Teutonici Magiſter 1732. Corpus deportatum Bonnam ac inde Coloniam. Galli vero Bonnæ præſidium imponebant.

Successor.

6 Aprilis electus eſt ad Canonum normam a Capitulo Maximilianus Fridericus Comes *Königseckius*, Rothenſelfenſis lineæ, anno 1708 natus, consecratus Archiepiſcopus 16 Aug. 1761. Miſſus a Cæſare ad hanc electionem Comes de Pergen. Reliquos Epifcopatus, quos Clemens Auguſtus viduatos reliquerat, necdum Hannoverani ſinebant ſucceſſore inſtrui.

Carolo Theodoro Electori Palatino natus eſt anno 1761 filius, ingenti totius Aulæ omniumque fidelium ſubditorum gaudio & ſolatio, quin totius Europæ melioris gratulatione. Sed, quæ eſt rerum humanarum volubilis inconstantia, publicam læticiam triſtis mox luſus excepiit, cum ſæva Libitina florem hunc vix ortum matura nimium, ſi humanas rationes penſemus, falce demeſſuit.

Controversia in Comitiis.

Cum anno 1761 pacis Auguſtæ componendæ conſilium eſſet publicatum, in Comitibus Ratiſbonenſibus multiplex erat diſceptatio; an Cæſari plena poteſtas indulgenda, nomine Imperii paciſcendi? an Weſtphalica aliæque Pacificationes pro fundamento ſubſternendæ (Proteſtantiſbus pacem Riviſicenſem ob inviſam ſibi Clauſulam excipientibus) an Gravamina, a Boruſſicis in Circulo Inferioris Saxonie commerciis illata, in pacificatione proponenda? an & quomodo Boruſſicis conductionibus militum per Imperium, ab aliquibus Imperii Statibus, præſertim a Civitatibus Imperialibus, & quibusdam Status Equeſtris, cum præjudicio vicinorum, nimium facile diſſimulatis aut indultis, obviari poſſit?

Quomodo damna, quibusdam Ordinibus hoc bello illata, ſint compenſanda? quomodo indemnes præſtandi, qui ob Boruſſicam monetam, nimis levem, ſunt læſi? quomodo Camera Imperiali ob non ſolutam a Brandeburgicis ratam, ſit ſuccurrendum?

Cæſaris que
relat.

Hæc aliæque Cæſari, cum ad pacificationem eventum fuerit, commendanda, plerique Status, maxime Catholici, cenſebant, Mens Proteſtantium varia. Brandeburgicus, Hannoveranus, Brunſvicenſis, Caſſellanus, belli Socii negabant, pluralitati Votorum, ubi res ſingulorum agitur, deferendum, ſed ita in partes lo, cum eſſe. Pomerania citerior, Culmbacenſis, Würtemburgicus, via media incedendum putabant. Darmſtadius, & Sverinenſis abolitionem Clauſulæ Riviſicenſis urgendam. Alii defectum mandati obtendebant.

Quia

Quia autem duo superiora Collegia post *Re- & Correlationem* factam per Majora convenerant, Cæsari pro hac vice, & sine præjudicio in futurum, plenam paciscendi potestatem relinquendam, accessit etiam Civitatum Collegium, atque sic formatum Conclufum, quod Imperator ratum habuit, protestante licet cum aliis Magdeburgensi. Verum totus apparatus ad pacificationem Augustanam corrui.

Imperator vero intellectis, quæ Comitia turbaverant, diffidiis, ad Con-Commissarium Comitem Seidevicium dedit litteras, publice promulgandas, quibus docuit, quantas curas pro pace Augustæ reducenda, & Imperio universum impenderit: relictum arbitrio Ordinum, an quosdam ad Congressum velint deputare, an vero Cæsari pacificationis negotium committere. Per multo majora, etiam Protestantium plurimum, suffragia relictam Imperatori plenam tractandi potestatem.

Verum a Comitialibus Legatis, Brandenburg, Hannoverano, Brunsvicensi, Vinariensi, Eisenacensi, Gothano, Onolsbacensi, Casselano, Durlacensi, insciis, & reclamantibus Saxonico-Electorali, Würtembergico, Darmstadiensi, Mechlenburgico, Pommerano-Suecico, Votum quoddam privato congressu per *Majora Protestantium* fuisse conceptum, atque tanquam commune Evangelicorum oppositum, ut *isio in partes* prætendi posset, tantasque eo prætextu turbas concitatas, ut actum *Re- & Correlationis* abruptum oportuerit, atque in aliud tempus differri: auditasque Brandenburgici minas, demonstratum iri Catholicis, quid sit *isio in partes &c.*

Conatus istos eo collimasse, ut Status Protestantici a Catholicis separarentur; sed id liquido sibi fuisse solatio, inquit Cæsar, quod de Collegio Electorali Saxonico, de Principali Pommerano Citerior, Darmstadii, Sverinensi, Güstroviensi, Würtembergico, Gottorpiensi, Mompelgardensi, Schwarzburgico, concepto illi privatim Voto constanter contradixerint, protestatione sua Protocollo inserta, se nolle ullam in eo habere partem, nec esse auditum, tot Protestantibus exclusis, Votum commune Corporis Evangelicorum formari posse. Invitatos quidem postea fuisse Protestantibus omnes, ad commune Evangelicorum Votum formandum, sed, quos dixi, legatos constanter protestationi suæ inhæsisse.

Sperare se proin, subjungit Imperator, Principes legatorum suorum commentis & falsis relationibus nullam fidem habituros, eorumque acta, tanquam sine Mandato attentata, improbaturos.

Annus quoque sequens (1762) non sine contentione Comitibus abuit. Petiit Imperator per Principalem suum Commissarium

Causæ exi-
gendi.

stium novam pro exercitu Imperiali pecuniæ contributionem, ad 40 mensium Romanorum rationem. Commemorat in litteris, oblatas a Gallis æquas condiciones rejectas ab Anglis, Congressus Augustani spem intercisam, omnia bellum continuandum, novamque expeditionem spectare: ærarium in tot belli sumptus exhaustum; 30, 20, 40 Menses ad quinquennem expeditionem nequaquam sufficisse. Plures provincias auri loco ferrum obvertere; ex fidis alias esse in hostium manibus, alias belli calamitatibus, & hostilibus exactionibus oppressas. Ex reliquis nec dimidiam partem representatam: se ipsum ad duos milliones pro exercitu Imperii ex proprio impendisse, & in dies, ne exercitus ille intercidat, plura addere.

Vehementer sibi dolere, in sextum jam annum sub armorum pondere patriam gemere, sed bello huic intestino nec a se, nec ab Imperatrice Regina occasione aut causam datam, plures vero exercitus & immanes sumptus imensos in bonum Imperii, ut vis ab Ordinum cervicibus propulsetur. Idem a Rege Christianissimo pro Imperio esse præstitum. Tantos vero sumptus, tantum sanguinem fufum, tot res fortiter gestas, tantasque spes conceptas, fructu suo destitutum iri, nisi junctis viribus animisque expeditio, ut sperandum, ultima, animose suscipiatur, rerumque agendarum nervo instruat.

Legati
Brand. mi-
ni.

Cum hoc Decretum 11 Junii in Comitibus Ratisbonensibus proponeretur, L. B. de Plötho, Legatus Brandenburgicus, ut pagellæ publicæ, & Relationes Francofordienses memorant, seorsim Moguntino Directoriali Legato insinuavit, dolendum esse, quod de nova Romanorum Mensium concessione agatur, protestationibus suis non attentis: Regem suum cum Russis & Suecis pacem jam confecisse, cum Saxonie Electore aliisque belligerantibus actu tractare. Si Status consentiant in novam exactionem, pro nova belli declaratione id eum habiturum, & pace negata in singulos acerbe vindicaturum. Viderent proin, quid sibi faciendum existiment.

Causa Ha-
noviensis.

Typis prodit anno 1762 scriptum, cujus titulus & summa: Deductio juris, cur Landgravius Hassio-Cassellensis se non obstrictum credat Renunciatione, qua post suam ad Catholicam Religionem conversionem anno 1754 Primogenito suo cessit Comitatum Hanoviae. Fundat autem suam intentionem in eo, quod successio sibi debeat ex pacto & providentia Majorum, secundum ordinem Primogenituræ, & Art. 15 Pacis West. quo argumento semper sit usa Domus Cassellensis adversus Darmstadianam. Landgravius causam ad Imperatorem & Imperium detulit.

CAPUT II.

Status Italiæ

SÆCULO XVIII.

Art. I.

Clemens XI Pontifex edit Bullas Vineam Domini & Unigenitus. Pacis studia. Eugenius in Italiam. Pugna ad Clarium, Crostollum, Luzzaram. Vendomius Tridentum infestat. Sabaudi transitus. Pedemontii invasio. Pugna ad Cassanum.

In locum Innocentii XII anno 1700 26 Sept. electus est 23 Nov. Joannes Franciscus *Albanus*, Urbinas, qui nomen Clementis ⁷⁹ XI assumpsit. Humaniori non minus literaturæ, latina & græca, quam Theologiæ ac Jurisprudentiæ peritiâ excelluit, inter Pontifices, de Ecclesiâ optime meritos, jure numerandus, Ecclesiasticæ disciplinæ & Immunitatis vindex imperterritus: eloquio potens populum publice docebat: confitentibus in sacro Pœnitentiariæ tribunali aures frequens præbuit, omnibusque zelo virtutis, constantis, vitæque integerrimæ splendore præluxit.

Janfenistis magna virtute se opposuit, per Constitutionem ⁷⁹ *maxime Vineam Domini Sabaoth*, qua non externam solummodo flagit. obedientiam præcipit, sed internam quoque, atque sinceram: per Bullam insuper *Unigenitus*, toto orbe notissimam, centum & unam Janfenistarum & Quæsuellistarum propositiones erroneas profligavit. Verum de ejus Comitionibus postea plura.

Cum bellum gravissimum ob successionem Hispanicam incumberet, intercessit, operam ad partes conciliandas offerens; nec detrectavit Conciliatorem Leopoldus Cæsar, ea conditione, si Neapolis, Medolanum, Belgium, sequestro traderentur, donec jure fuisset disceptatum. Inde enim apparituum, an Galli serio pacem Bellum cuperent. Verum Ludovicus media hyeme inmissis per Alpes legionibus Mediolanum occupavit; atque Investituram Neapolita-

nam pro Nepote petiit a Pontifice; quod cum etiam Cæsar faceret, is neutri concessit.

Galli eo argumento sunt usi, Philippum Ducem Andegavensem legitimum Arragoniæ Regem esse, igitur etiam Neapolis: Cæsarei vero, hanc esse feudorum indolem, usu gentium constitutam, ut mares præ fœminis succedant: extincta Caroli V stirpe mascula, superesse e Ferdinando I stirpem Austriacam masculam, cujus juri quæsito per testamentum præjudicari non potuerit, quoad regnum præsertim clientelare.

De Sabaudiæ Duce in partes trahendo magna inter competitorum erat contentio. Prævaluit initio Gallia, gemino oblato conubio. Veneti velut ex orchestra spectabant. Parmensis pariter neutras partesuit amplexus: Mutinensis accessit Cæsari Mantuanus Gallo, ejusque præsidium in urbem recepit, prout etiam Mirandulanus.

Eugenius in
Italiam.

Exeunte Majo 1701 Eugenius Princeps cum octo & viginti armatorum millibus per Tyrolin Roboretum venit, inde vero superatis montibus Veronam in Venetorum fines, ubi exercitus Gallicus sub Catenato, belli Imperatore, in adversâ Athesis ripa stetit. Fluvio hoc trajecto Eugenius Gallos ad Carpos cædit, Athesinque suæ potestatis fecit. Catenato revocato successus a Ludovico Villaregius.

Pugna ad
Clarium.

Eugenius fugienti hosti insistens, trajecto Mincio, Castilionem Stiverorum occupavit, cum Godofredi castello, Principe in fidem Cæsaris recepto. Villaregius, adductis novis supplementis ex Gallia, transitoque Ollio flumine, pugna se accinxit. Commissa ea est ad Clarium, ac victoria penes Cæsareanos stetit, haud magnotamen operæ pretio, propter annonæ & pecuniæ inopiam. Subin veno variis procursionibus & velitaribus pugnis feliciter tentatis, captum Ustionum, Burgum forte, Governolum, atque transmissa Pado Guastalla & Luzzara: Brixellum Mutinensis tradidit. Parmensis Romanæ Ecclesiæ clientelam obtendit. Mirandola ultro est tradita. Infelicem vero successum habuit consilium Comanum lacum occupandi.

Anno 1702 pluribus e Nobilitate instantibus multa fuit de expeditione Neapolitana habita deliberatio; jamque Cæsar exulum precibus inclinatus annuerat, ut decem millia ablegarentur; sed Princeps Eugenius ea Longobardiæ, prius expugnandæ, necessariâ esse demonstravit; unde ea missio dilata est.

Incidit

Incidit in hunc annum *irruptio Cremonensis* per canalem, quam *irruptio* in Gallicis descripsi. *Cæsarei*; quos *Viscontius* ducebat, a Ven. *Cremonensis* domo ad *Crostellum* acie vincuntur, numero obruti. *Mutinensis* *gs.* Ducatus a victoribus subigitur. Sequitur pugna ad *Luzzaram*, pugna ad cuius victoriam pars utraque sibi attribuit. Si ex effectu metiaris, *Crostellum*, vicere Galli; qui mox *Luzzaram* & *Guaftallam* occuparunt, cum *Ad Luzzaram* Borgo forti, ut adeo, accedente cibarium & æris penuria; *Cæsareani* magnas in angustias sint redacti.

Contra *Clementem Pontificem* & *Lambergius Cæsaris* & *Janfonus Fourbonus Ludovici Regis Romæ* Orator querebantur, quia pars utraque Pontificem totum habere suum volebat; ille vero communem utriusque patrem se exhibere. Quin pacis studio *Viennam*, *Parisiis*, *Madridum* Legatos destinavit, ut pacem suaderent. Renuit Imperator *Spadam* Legatum admittere, ne fœderatis suis, *Anglo-Batavis* præsertim, sinistra suspicio ingeratur. *Papæ studio pacis.*

Anno 1703 *Vendomius*, cum *Electore Bavaris* se conjunxit. *Vendom.* *Aurus*, *Tridentum* usque penetrat, injectisque 500 ollis igniariis, *Tridentum.* postquam intellexerat, *Ducem Sabaudie* ad *Fœderatos* transisse, in *Italiam* rediit, ibique ad *Sechiam* *Starenbergium*, qui *Eugenio* in *Germaniam* digresso, paucis, quæ supererant, copiis erat præfectus, angusto loco conclusum frustra aggreditur. *Brixellum* tamen fame potius, quam vi hostili coactum, se dedit, capto præsidio cum *Gubernatore Deventhio*.

Rebus Cæsareis in Italia assilctis subvenit *Victor Amadeus Dux Sabaudie*, qui, cum *Vendomio* suspectus esset, ut aliquas urbes Gallico præsidio permetteret, postulatus, ad Imperatorem & *Fœderatos* eo pacto transit, ut sibi *Ducatus Montisferrati* cum *Alexandria* & *Dertona* traderetur, cum auxillorum viginti millibus, certoque stipendiorum numero. Examavit *Vendomius* ejus, quos apud se habebat, milites; *Dux* quantum poterat, vices reddidit, capto, quidquid Gallorum erat in suis terris; nec segniter novomagno numero conducit milites, *Lucernensis vallis* incolas ad arma vocat, auxilia promissa exigit. *Viscontius* cum equitum turma a *Stahrenbergio* missus, ad *Serravallem* cladem accepit; prout etiam ad *Bormidam* occubuerunt *Solarius* & *Lichtensteinius*, insignes Duces. Impedire tamen non poterant *Franci*, quo minus *Germani* se jungerent *Sabaudis*. *St.* *Sabaudi transiit.*

Stahrenbergio cum copiarum parte anno 1704 in *Pedemontium* ad *Ducem* digresso, vix ultra octo armatorum millia ad *Sechiam* & *Ofsiliam* sunt relictæ; quibus præfuit primum quidem *Trautmans-*

dorsius, tum vero Vaudemontius Princeps (cum Stahrenbergio nuper dictus Mareschallus) qui reliqua Sechia, Kevera, & Ostilia, febris maligna extinguitur: eique in copiarum imperio succedit Herbersteinus, & huic Leiningius, qui pauculas, quas habebat, copiarum reliquias in Venetorum ditionem & fines Tyrolis reducit, cum Astallius Ferrariæ Gubernator in ditione Pontificia locum negaret.

Copiarum
status.

Leiningius Imperatori Höchstadianam victoriam gratulatus regavit, ut ejusdem fructus in Italiam quoque desertam porrigeretur: dolore se confici, quod se duce copiarum Italia sint dejecta, copiaque facta Magno Priori (Mediolani Gubernator is Vaudemontio seniori suffectus fuerat) Vendomio fratri magna in Pedemontium auxilia mittendi. Non modicam autem res lapsas restituendi oportunitatem esse: Gallos lue confici, præsidia urbium vix ad portarum custodias & solitas excubias sufficere, vim omnem in Pedemontium averfam. At in tanta militis paucitate absque pecunia confici nihil posse. Describit dein tristem copiarum statum, atque, veteranas tot palmarum legiones, cibariis, vestibus, equorum pabulis destitutas, inedia, macie, squalore contabescere.

Pedemontium
invasum.

Interea autem Galli Mirandolam quoque, quæ unica in Longobardia Germanis supererat, expugnaverunt. Nec melior multo in Pedemontio rerum facies. Quippe post Ducis ad Fœderatos transitum Vendomius & Fevillada potissimas vires in illud vertērunt, tantaque vi incubuerunt ut Vercellas, Juream, Susam, Augustam Prætoriam, Montmelianum, Nicæam, Villafrancam, ac demum etiam Verrucam & Clavassum, præstantissimæ munimenta, expugnarent, nihilque Duci superesset ferme, nisi Taurinum; quod ipsum etiam haud dubie cecidisset, si non succurrisset Eugenius cum Germano exercitu.

Pugna ad
Castellum.

Anno 1705 Eugenius cum novo exercitu in Italiam profectus, ad Castellum cum Vendomio, Magno Franciæ Priore. conferuit pugnam acrem, de qua pars utraque triumphum cecinit. Tantam tamen cladem passus est Germanus miles, ut intra Venetorum fines reliquo anni tempore fuerit conclusus, ob magnam præsertim rerum omnium penuriam.

Quamvis autem Eugenius in Pedemontium penetrare hoc anno nequiverit, hoc tamen Duci commodum attulit, ut Gallorum magna parte in Longobardiam contra se excita, obsidionem Taurinensem impederet.

Art.

Art. II.

Pugna Taurinenfis. Solutio obfidionis. Italia evacuatio. Mantuam infelicitas. Expeditio in Galliam. Neapolitana felicior. Sardinia recepta. Pontifex irroasus. Pax. Ira Borbon. Principum Italiae fata. Lis de Langharum feudis. Causa Mantuana, Cordd.

Anno 1706, antequam Eugenius veniret in castra, Vendomius ad Calcinatum Germanos & Danos subito oppressit, magnaue clade affect. At versa mox alea. Ludovicus Vendomius, excellens belli Imperator, post Ramilianam lanienam in Belgium avocatus, Ducem Aurelianensem successorem in Italia habuit, qui cum Marfinio Legato suo obfidionem Taurinensem ingenti vi auspicatus, jam prope ad deditionem urbem compulerat, cum Eugenius Princeps, milite Casareo, Borussico, Palatino, Hasso, Gothano, stipendiisque Anglicis & Hollandicis auctus, cum exercitu accurrit, commissoque acerrimo praelio victor, Gallis in fugam actis, obfidionem solvit.

Tota propemodum Italia hac victoria vertebatur; nam Sabaudiae Duci restitutum Pedemontium, adiectusque Monferratenfis Ducatus, Casali expugnata. Mediolanum portas aperuit, Novara, Laus Pompeia, Alexandria, Tortona &c. occupatae: Mantua, Sabioneda, Cremona, Mirandula &c. pacto universalis evacuationis traditae. Atque sic Gallis uno fortunae ictu perit sex annorum ingens labor & immanis sumptus; quin amisso utriusque etiam Siciliae, totiusque Italiae huic praelio debentur.

Infelicitissimus omnium fuit Carolus IV Dux Mantuae, qui Gallos in urbem receperat, indignationem propterea Caesaris incurrens. Cum post praelium Taurinense intelligeret, Gallos Mantua demigraturos, Venetias se recepit. Postquam autem accepit, urbem Casareans traditam, & suam uxorem, Ellbovil Principem, ultra cum Vaudemontio in Galliam redisse, gravem in morbum incidit. Solaturus exulem, Principatu & bonis omnibus exutum, Franciae ad Venetos Legatus, centum scutatorum milia in annos singulos ejusque restitutionem inter prima fore pacis capita, Regis sui nomine promissit. At ille paucos intra menses pientissime obiit, adeptus

ptus regnum, cuius non erit finis. Cum prole careret, agnati Ducatum sibi vindicabant, sed labore frustraneo.

**Expedi-
tio in
Galliam.**

Anno 1707 post exactos Italia Gallos constitutum Fœderatis Franciam in Francia debellare. Angli Telonem Martium invadendum duxere, post frangatam per Gibraltariam & Portum Mahonis Hispaniam, Gallorum etiam commerciis compedes injecturi. Alienus ab eo consilio fuit Eugenius, expeditionis eventum prospiciens, & oculos suos ad Neapolim & Siciliam defigens. Sed parandum erat sociis, rerum arbitris, atque suscipienda, jam alias infelicitè tentata expeditio, immanibus expensis & laboribus comparata. Quippe Telone frustra oppugnato cum acciso exercitu recedendum fuit in Italiam.

**Neapolitana
felicitas.**

Feliciofuit, quam Daunius cum octo duntaxat armatorum millibus susceperat, Neapolitana expeditio, animis gentis jam alias in Austriacos pronis. Occupata primum Capua, tum regni caput Neapolis, denique Cajeta princeps munimentum, vim experiri ausum, expugnata. Facile accessere reliqua. Promota ad Statum Præfidii victoria. Daunius a Cæsare dictus Prorex. Cui postea successit Cardinalis Grimani Venetus, Imperatori additus. efficitur. Confirmata incolis privilegia. Duces Hispani paulo acerbius habiti, atque in varias custodias abducti.

**Sardinia
capta.**

Anno 1708 cum a sicula expeditione, quam Cæsar optabat, copiarum paucitas abstergeret, Sardinia haud magno opere est occupata. In Pedemontio vero Dux per suum & Cæsareum militem Exillas, Castellum Barra, Sezanam, Seltrieram, Briansonem, Fonestrellam &c. cepit.

**Lis cum Pon-
tificis.**

Incidit in hunc annum, quod non debuerat, aulam inter Romanam & Viennensem dissidium; cui Comaculum maxime (*Comachio*) in Ducatu Ferrariensi duo inter Padi ostia oppidum, aut causam aut occasionem dedit. Cum Ferraria illud in Romanæ Ecclesiæ possessionem transiit. Imperiales autem Jurisconsulti Beneficario nexu Imperio obnoxium contendebant. Lis minime opportuna temporis, quo de regnis conquiendis agebatur. Certe ipsi Protestantes, cum Cæsare fœderati, improbarunt, novi in Italia jaci belli semina. Initium offensionis a tribus legionibus Cæsareis, in agro Ferrariensi hyberna capientibus. Stativis præfuit Alexander Bonnevallius, jam tum execrandum adeo nomen, ut, si quem malum notare vellent, Bonnevallianæ religionis hominem dicerent.

Comaculum.

Is eo progressus est, ut Comaculum cum arcibus circumjacentibus præsidio occuparet. Roma vim opponendam ducens, se armat. Non in Italia tantummodo, sed & Avenione delectus sunt. Præficiuntur Galli Duces, Archistratego Marfilio, Brigantii ob Brisaci deditionem ignominia notato. Cæsarei Ferrariam obsident, in Bononiensem, Faventinum, Ravennatensem agrum effunduntur.

Tandem vero Priæo Marchione Romam Legato, in hæc capita pax sancita. 1 Pontificiæ copiæ ultra 5000 ne angeantur. 2 Pro Mutinensi Duce ne quid moveatur. 3 Legiones ex statu Ecclesiastico deducuntur. 4 Quæstores Pontificii cibaria & pabula procurant. 5 Cæsareis per territorium Romanum Neapolin transitus innoxius ultro citroque permittitur: sed legiones singulæ eunto & redeunto & quidem via brevissima. 6 Padi navigatio libera esto. 7 Structa monumenta diruuntur, nec nova ædificantur. 8 Comaculum interim Cæsar retinet, donec de jure fuerit cognitum in Judicio Imperiali Aulico. 9 Sex legionibus Cæsareis hyberna in ditione Pontificia designantur. 10 Pontifex Carolum Hispaniæ Regem recognoscat.

Hæc pacificatio Galliam & Hispaniam adeo male habuit, ut Theßæus & Dux Uzeda Legati Roma discesserint, & Nuntio Apost. Aula Madritensi sit interdictum. Sic filii discernunt patrem. Austriacis fuit nimium Borbonius, Borbonis nimium Austriacus, dum communem se exhibuit patrem. Certe nimium a veritate abhorret insulsum scoma Hübneri, a Breitingero Præcone Tigurino descriptum; auditum fuisse Clementem dicere, non posse se infantem adulterinum cum legitimo sub corde suo gestare. Quis a tanto Pontifice levia adeo verba profecta credat? Hübneri inventum sunt, sicut multa alia de Pontificibus figmenta, & scomata, viro litterato plane indigna.

Cæsarei hoc anno Principi Sorano ademerunt Principatum Plombinum, in littore Hetrusco situm, bonis etiam Neapolitanis fisco additis, quod Gallicas partes esset secutus. Idem fatum cum Duce Mirandulano plures alii subierunt. Dux vero Guastallæ, neutras partes secutus, Principatui suo est restitutus, & pro jure suo, in Mantuum prætenso, Bozzolo, & Sabloneda investitus a Cæsare. Dux Parmæ, in bello neuter, jussus Imperiale feudum agnoscere, protestante Pontifice. Per conventionem autem Romanam causa ad juris disquisitionem remissa est. Pars Pontificia non tantum allegavit antiquissimas Donationes, sed possessionem etiam quietam, Pars X. F f multo

83.

Pax.

tra Borbone.

Hübneri scoma.

Principes Italia.

multo antiquiorem annō 1545, quo Paulus III Parmam & Placentiam Petro Aloysio Farnesio in feudum Rom. Ecclesiæ contulerit: fessum id esse Leopoldum Cæsarem cum Consilio Aulico, litteris anno 1691 14 Dec. & 1697 27 Jul. ad Innocentium XII datis.

Addit scriptor Gallus (*Aurignius*) Imperatorem Josephum, cum Principes Italiæ hyberna negarent, iussisse inquiri in jura Italiæ, eaque reduci ad Imperium, quæ pertinuisse olim ad illud deprehenderentur; atque hac ratione Pedemontium, Sabaudiam, Venetias, Genuam, Florentiam, Mutinam, pariter fuisse involutas, nisi ostenderent, cum consensu totius Imperii fuisse alienatas. Si non valeat multorum sæculorum præscriptio, ad Orientis Imperatorum dominatum esse redeundum, nec amplius Gallis obijci posse unionum & reunionum systema, neminemque amplius esse securum. Querit deinde, an Mediolanum cum consensu totius Imperii ad Viscontios, Sfortios aliosque fuerit translatum.

At Gallus iste mentem Josephi imperatoris non bene inspexit; non volebat ille Principes Italiæ spoliare possessionibus suis, sed Imperii feuda respici, nec universim hoc negotium urgebat.

Anno 1709 in Italia plus forensis quam castrensis belli fuit Cæsari cum Duce Sabaudie. Præcipua contentio fuit de *Langbarum* feudis, ab Ottone Magno Marchioni olim Montisferrati collatis, postea vero in varios Comitatus, Dynastias, Marchionatus dissectis, vario dominii genere; quod alii Montisferratenfibus Marchionibus, alii Mediolanensibus Ducibus, alii soli Imperatori, alii simul Imperio se obnoxios dicerent.

Has terras iam Leopoldus Imp. Sabaudie Duci anno 1692 clientelari jure possidendas tradiderat, & Josephus 1706 cum Montisferratenfi Ducatu, & Vicariatu Imperii per Italiam. Cum autem asperius ac more veteri se haberi putarent incolæ, querimoniis Aula Viennensis & Taurinensis personuit.

Cæsar causæ cognitores Taurinum mittit, qui publicato Decreto solverunt omnes juramento, quo nuper Duci se adstrinxerant, donec causa tota discussa de singulorum juribus decerneretur.

Ussit vehementer Decretum istud Ducem, conquestum propterea Hagæ Comitibus apud Anglo-Batavos, qui tempori pacisque minime illud convenire rati, causamque Ducis calide urgentes, Decretum antiquari voluerunt. Litigatio hæc in multos postea annos fuit extracta, non sine indignatione Ducis.

Daunio exercitum per Tarantasinam vallem & Mauriennam in Bessum Sabaudiam duxit, sed inde in Pedemontium in hyberna rediit, id Reile. emolumenti consecutus, ut multa Gallorum milia a Rheno & Catalonia abstraheret.

Obierunt hoc anno 4 Cardinales, Cencius Romanus, Astius Roan., Sperellus Spoletanus, & Ludovicus Portocarrerus Hispalius, Cardd. Archiep. Toletanus, æt. 74, ex Historia successionis Hispanicae notissimus. Franciscus Maria Medicæus vero, frater Cosmi III Ducis regnantis, purpuram cum Guastallæ Ducis filia commutavit, ut Domus peregrinitati consuleretur. Sed aliud superis placuit. Franciscus paulo post improlis obiit, & in Cosmi filius stemma defecit. Quamvis autem plures galeri vacarent, Pontifex duos tantum Cardinales creavit, Gozzadinum Bononiensem, suum Secretarium, & Sanvitalem Parmensem Archiep. Urbinatem.

In littorè Florentino Plombinum Orbitellum, & Portus S. Stephani & hoc anno manebant in potestate Cæsaris, Portus Longus vero, & Herculia Philippi V.

Venetis Aloysio Mocenigo mortuo succedens est Joannes Cornarus, cujus frater est Cardinalis, & filius Reipublicæ Londini Legatus. Non sunt passi Veneti, ut Cardinalis Ottobonus civis suus esset Protector Galliarum.

Anno 1710 bellum in Pedemontanis alpihus plus difficultatis quam emolumenti habuit, Duce ob forenses de Langhis controversias tepefcente. Deferenda Sabaudia, Daunio in alpestribus qualecunque bellum, ut Galliarum vires distraherentur, prosequente.

Mota iterum apud Fœderatos causa Mantuana a Guastallæ Duce, agnato proximo, & Venetis, ab Austriaca circumfusa potentia sibi metuentibus. Demortuum Ducem, aiebant, satis pœnarum dedisse, nec criminis Feloniæ insontem Guastallensem eodem supplicio multandum.

24.
Causa Mantuana.

Responsum a Legato Cæsareo, Longobardicis & Imperialibus feudorum legibus esse sancitum, non solum Vassallos, Majestatis reos, damnari, sed & agnatorum jus omne Felonia extingui. Nihil igitur juris Gonzagarum Familiæ esse reliquum: ex Imperii Insuper more, & Capitulationis Cæsareæ capite 29 proscriptorum Vassallorum bona, vel ad sustentationem Aulae Cæsareæ, vel alteri bene merito fiduciario jure possidenda, cum Electorum assensu attribui. Quæ autem gens de Imperio melius esset merita, quam Austriaca? aut cui fideliori custodi committeretur hæc Italiæ janua, ne unquam fiat Borbonica? Constare satis, quantum inde mali effusum in terras Au-

Striacas, quantum inde bellum retardatum. Remittendum Guastallensem ad Consilium Imperiale Aulicum, quo causa ista pertineat; ceu proprium suum forum.

*Card. mor-
tui & creati.* Sacrum Cardinalium Collegium amisit hoc anno Marcellum Duzazzo, & Vincentium Grimani, ad purpuram promotum commendatione Domus Austriacæ, cui gratiam referre toto vitæ tempore est conatus, dictus propterea a Cæsare Prorex Neapolitanus, quam Dignitatem prospera inter & adversa ad mortem usque retinuit. Successit Carolus Borromæus Mediolanensis.

Anno 1711 ad vitam meliorem transferunt 5 Cardinales, 1. Caprara Bononienfis, 2. Gabrielli Anconitanus, 3. Archinto Mediol. 4. Santacrucius Rom. 5. Tournonius Pedemont. Sinenfis Visitator. Purpuram vero induerunt, Hannibal Albani, Davia Bonon. Cusani Mediol. Nuntius Paris. Piazza Nuntius Vien. Zandadani Senen. Nuntius Madrit. Armandus de Rohan Princeps Subifus Episc. Argent. Comes de Schrattenbach Episc. Olomuc. d'Acunha Lusit. Priuli Venet. Tolomei Pistoienfis S. J. Tomasi Siculus Theatinus. Cafini de Arezo Capucinus. Sanctorum numero adscripti fuerunt Pius V, Andreas Avellinus, Felix de Cantallio, Catharina Bononienfis.

Fœderatus exercitus iterum per montes & valles excurrit in Sabaudiam, ut prospectaret in Galliam; nam ea visa eminens, in Pedemontium rediit, Bervico insistente. Cæterum Sabaudia Duci multa fuit cum Aula Romana de Beneficiis præsertim Ecclesiasticis, de Jurisdictione &c. contentio.

Art. III.

Italiae mutatio. Pax Sabaudica. Res Florentina & Parmenses. Bellum Venetum cum Turcis. Mirandola. Corcyra. Alberoni. Prætendens. Res Sicilia & Sardinia. Bellum. Löwenstem obit. Cardinales. Clemens XI obit. Succedit Innoc. XIII.

85.

Anno 1712 *Portus Hercules* Hispanico adhuc tenebatur præsidio; unde illud Zumiungenus Dux Cæsareus expugnat. Investituram Mutinæ, Rhegii, & *Mirandolæ* a Cæsare petit Dux Mutinæ. Obtinet, protestante licet Duce *Pico*, ad quem *Mirandola* spectaverat. Contra

tra vero Guastallæ Duci negatur. *Ottobonus* Cardinalis Protector Galliarum deligitur, graviter id ferente Republica Venetorum, & in agnatis vindicante, quæ non vult suos id genus muneribus publicis occupari.

1713 Genuenses emerunt a Cæsare portum & ditionem *Finslersem*. Sabaudiarum Dux, cui hæc emptio non admodum erat grata,

coronatus est *Rex Siciliae*, quam pax Ultrajectensis ei addixerat, invito Papa & Cæsare, illo ut Domino *Dirctio*, hoc *Utill*.

Pax autem *Ultrajectensis* Duci Sabaudiarum tribuit Sabaudiam & Nicæam restituendam, Pragelas, Exillas, Fenestrellam, Ulsæ, Se-Pax Sabaudiarum, & Bardonnachæ Valles; munimentum Delphini, cum *Re-dica*.

gno Siciliae. Gallia approbat cessionem, a Cæsare Leopoldo anno 1703 factam Sabauda, videlicet Ducatus Montisferrati, & ex Ducatu Mediolanensi, Alexandriæ, Valentia, regionis Lomellinae, cum Valle Sesia, & Vigevano. Agnoscit etiam Gallia successione Domus Sabaudicæ in Hispanica Monarchia in casum, quo Dominus Andegavensis extingueretur.

Reliqua spectant amnestiam, commerciorum libertatem, jus ædificandi munimenta, vendendi bona, quæ Dux in Gallia possidet: captivos, contributiones & confiscationes tollendas: confirmationem pacis West. Pyrenæ, Neomagenis, Risvicensis, in quantum huic non repugnant.

Princeps Emmanuel, Thomæ Comitissæ Sueffionensis filius, Eugenii Principis nepos, hoc anno duxit Theresiam, prædivitem Principis Lichtensteinii filiam.

Obiit Ferdinandus, Cosmi III Magni Hetruriæ Ducis filius, 50 jam annos natus. Conjugem habuit Violantam, Bavarie Electoris sororem. Nullos reliquit liberos. Declaravit igitur Cosmus *Rea Florop* pater, jam septuagenario major, ut post mortem suam succedat Joannes Gasto, junior filius, & post eum, spe liberorum carentem, Maria Anna filia, Joanni Wilhelmo Electori Palatino nupta.

Vincentius Dux Guastallæ Investituram Guastallæ, Luzaræ, & Sabionedæ a Cæsare obtinuit, non autem Mantuæ.

Porro Princeps Eugenius erat Gubernator Mediolanensis. Archiepiscopo Cardinali Archinto subrogatus est Erba: Borromæo Daunius, Prorex Neapoli.

Anno 1714 Achmetes III Turcarum Imperator Venetis, propter Peloponesum maxime, bellum indixit. Genua Ducem elegit Justinianum. Legati Ducis Sabaudiarum Vienna & Ratisbona dimissi sunt, propter Siciliam, quam Cæsar & Dux sibi vendicabant.

Sed Dux illius possessionem priore jam anno adierat, tractatui Ultrajectensi innixus, contra quem tamen Cæsar protestabatur.

Et Parma.

Domui Farnesiæ singularem hoc anno honorem habuit Philippus V Rex Hispaniæ, dum defuncta prima conjuge, Sabaudicæ Ducis filia, sibi copulavit *Elisabetham*, Odoardi II Parmæ Ducis filiam; unde magna in futurum jacta rerum semina. Quippe expiratura videbatur Medicæ & Farnesiæ Familia, sola Elisabetha remansura utriusque furculo; nam & filia erat Parmæ & Placentiæ Ducis, & proneptis Margarethæ, Cosmi II Florentiæ Ducis filia. Quapropter haud gratum erat Cæsari hoc Elisabethæ cum Philippo V matrimonium; quia haud vane prævidebat, facile posse contingere, ut nobilissimi tres Ducatus (quamvis feuda masculina crederet) ad Domum Borbonicam devolvantur.

Obiit Vincentius Dux Guastallæ octogenarius. Successit filius Antonius Ferdinandus. Philippus Darmstadiensis Princeps regnantis frater renuntiatus a Cæsare Gubernator Mantuæ. Zantedarius a Pontifice Archiepiscopus Senensis, præsentante Cosmo III.

87-
Venetorum
apparatus.

Anno 1715 Turcæ occupata *Morea* Italiæ imminabant. Veneti excitati ad vim repellendam strenue se armabant, conducto exercitu, quadraginta capitum millibus æstimato, quorum 22000 ex sola Germania conscripta narrantur. His copiis Schulenburgium, Teutonicæ generis Comitem præfecerunt. Nec electionis penituit. Rei maritimæ Grimanus præfectus. Insula Corcyra, Italiæ clavis magis munita. Præcipuum adjumentum Cæsar attulit, a Pontifice ad arma Turcis inferenda persuasus. Nec sacris thesauris paritum, ad periculum & Christianis cervicibus avertendum.

Dux Sabaudicæ amisit Victorem Amadeum filium natu maximum. *Carolus Emmanuel*, Princeps Augustæ Prætoriæ (seu *Aosta*) nunc appellatus Princeps Pedemontii, prout primogenitus appellari consuevit.

Dux Genæ Justinianus per electionem successorem habuit Centurionium; qui propter ademptum gladium Cæsareo Officiali Bellico Aulae Viennensi satisfactionem præstare debuit.

Picus de Mirandola, quia Philippo V adhæserat, Cæsaris gratia excidit, & amisso Ducatu, in Ducem Mutinæ per venditionem translato, factus est stabuli Præfectus apud Regem Hispaniæ, cum pensione annua 36000 aureorum.

Obiit Romæ Cardinalis Bullionius Princeps Turenus, Decanus sacri Collegii, cujus fata alias descripsimus.

Ex

Ex Germanis Cardinalis creatus est Damianus Hugo, Comes Schönbornius, nepos Electoris Moguntini, a Rege Poloniae praesentatus: ex Gallis Henricus Bussi Episcopus Meldensis, strenuus Bullae Hugenitus in Gallia propugnator: & cum iis septem Itali: quo Caraccioli Neapolitani, Scottus Mediolanensis, Marinus & Spinola Genuenses, Patricius Romanus, Nazzius Archiep. Nicenus.

Anno 1716 Turcarum triginta millia *Corcyram* aggrediebantur, & extensione in Insulam facta urbem ipsam, bene munitam, oppugnarent; sed ingenti suorum clade repulsi sunt. Schulemburgius Venetiis, velut olim apud Romanos, ovans belli Imperator fuit exceptus.

Corcyra.

Genus Centurionio Dux successit Benedictus Viale. Coris arma adempta propter varias caedes patratas. Löwensteinius, qui Bavariam administraverat, & cum postea Ratisbonae Comitibus praesesset, S. R. I. Princeps creatus, hoc anno dictus est Gubernator Mediolani, Principe Eugenio Belgis praefecto.

Anno 1717 Veneti instructa gemina classe, cui etiam Pontificiae & Genuenses naves se adiunxerant, terra marique gemina relata Victoria, adversus Musulmannos impigre bellum prosequabantur, Caesare in Servia triumphante. At turbavit posteriores spes optimas *Alberonius*, Sardinia intercepta, ex amico & socio, qualis credebatur, factus hostis, cui soli Turcae erant debitores. Hanc gratiam retulit summo Pontifici, qui paulo ante eum purpura donaverat; qua sanctius usi sunt Borromaeus Mediolanensis, & Zackyus Hungarus, eodem ornat.

88.
Alberoni.

Clemens XI ac melior orbis, gravissime tulit hoc prorsus inexpectatum Alberoni facinus, incidentis palmas Pannonicas, & Morae amissa rei. Nec valuit apud eum ulla paterna hortatio, ut male coeptis desisteret. Sed graves sedi Apostolicae etiam in aliis molestias intulit. Aula quoque Caesarea minus amicam se erga Pontificem exhibuit, quod suspicaretur, illum ad pellendos Italia Germanos cum Alberonio & Hispanis clam colludere.

Cum post Triplum foedus *Jacobus III*, Jacobi II Angliae Regis filius, etiam Avenione deberet excedere, Papa in amplexum ex-
his explicavit brachia, demonstrans luculente, commune Christianis Romae esse domicilium, quin & Patrem & patriam, filiis afflictis & desertis ab agnato etiam sanguine, paterne providentem. Is, ut Romae omnia recto ordine florerent, Falconerium urbi Gubernatorem dedit.

Plus

Turba seu
be,

Plus negotii Pontifici fuit cum novo, quod Victor Amadeus Rex constituerat, Tribunali *Siciliæ*. Hoc Ecclesiasticas etiam causas ad se trahebat, & Clerici, opposcentes exceptionem fori declinatoriam, aut Romam appellantes, exilio plebentur. Idem patiebantur, qui Pontifici obsequentes Interdictum ab eo latum observarunt. At anno sequenti *Sicilia* ad alios transit.

Sardinia autem jam hoc anno, expugnata Calari, urbe principe, a Marchione Ledeo, Hispanorum Ductore, fuit occupata, Rubyo Prorege Cæsareo in Corsicam profugiente.

Anno 1718 *Passeravici* cum Turcis pax fuit conclusa, qua illis *Morea* fuit relicta, Venetis autem loca quedam in *Dalmatia* & *Albania* cessa sunt; prout in Hungaricis memoratum.

Et bellum.

Hispani 30000 armatorum sub Ledeo Marchione in *Sicillam* effundunt, & plerasque urbes qua vi, qua ditione Maffeo, Sabaudie Ducis Proregi, resistendo impari, eripiunt. Castagneta vero cum navali exercitu Insulam aggreditur. Sed *Bingius* Anglicæ classi præfectus, adjunctis sibi sex Cæsarianorum millibus, gemino navali prælio victos Hispanos penitus dissipavit, capto etiam Castagneta Archithalasso, lethaliter faucio. Nihilominus tamen Ledeus in continente *Siciliæ*, (quam Dux Sabaudie in manus Imperatoris consignaverat) bellum prosequatur, Messina quoque in ditionem Hispaniæ redacta. Duo tunc erant in *Sicilia* Proreges, Cæsareus nempe Dux de Monteleone, & Marchio de Leede Hispanus. Quamvis autem quadruplo fœdere sancitum sit, ut Sabaudus loco *Siciliæ* *Sardiniam* obtineat, Hispanus tamen istam hoc anno retinuit.

Interea vero Cæsareæ copię, finito bello Turcico, magno numero per Italiam *Siciliam* versus tendebant, non sine relictis itineris sui vestigiis.

Löwenstein.

Obiit Maximilianus Carolus Princeps *Löwensteinius*, Mediolani Gubernator; cujus familia ex Friderico I Electore Palatino, legitimo quidem, impare tamen thoro descendit. Bavariam decennio administraverat: Principalis dein *Ratisbonæ* ad Comitiam Imperii Commissarius, Mediolani denique Gubernator vitam, magna in Cæsares fide, transactam finit. Successit ei Comes *Colorado*.

Cosmus III Dux *Hetruriæ* 78 ætatis anno & 50 Regiminis aspicere debuit, de suo Ducatu per Fœdus Quadruplum, exclusa etiam filia, disponsi, & alienos milites in eo velut pro arbitrio dominari. Protestatus propterea per Legatum *Viennæ*, *Parisiis*, *Londini*.

Anno

Anno 1719 Casareæ coplæ in Siciliam penetrarunt, Duçtore Mercio, Anglicis navibus vectæ, ibique Messinam cum arce tandem expugnarunt; non tamen sine multorum capitum impendio.

Neapolis hoc anno tres habuit Proreges: 1. Daunium, quieam dignitatem abdicavit. 2. Gallaschium, qui Casareus ante fuerat Romæ Orator; cui brevi mortuo successit Comes Schrattenbachius, Olomucensis in Moravia Episcopus. Neapolitanis bellum non erat, apparatus tamen ad Siciliam Hispanis extorquendam præbere oportuit.

Obierunt Cardinalis Casinus Aretinus, ex sacro Cappucinatorum Ordine 1712 assumptus, Acciaiolius Adduanus, & Spinola: novi vero creati, Gevrens & Mayllius Galli: Georgius Spinola Genuensis, qui fuerat Nuntius Viennæ: Bentivolius Ferrariensis, Nuntius Parisiis: Bosiu de Alsatia Archiepiscopus Mechliniensis: Beluga Hispanus: Comes de Althan Germanus: Peyrera Lusitanus: Salernus Neapolitanus S. J. commendante Rege Poloniæ. Cardinalis autem de Judice a partibus Hispanis ad Casareas transiit, recepitque, quæ in regno Neapolitano amiserat. Multis etiam Hispanis, qui partes Austriacas secuti fuerant, sedes in eodem regno aut etiam Viennæ sunt assignatæ; sicut Italici, Borbonici Domui adhærentibus, in Hispania.

Anno 1720 numerus Cardinalium ad 70 ascendit. Obierunt autem Priulus, Cafonus, & Tremollius, Gallicus Romæ Orator, priore primum anno Archiepiscopus Cameracensis renuntiatus. Eorum vero loco tres alii purpuram receperunt: Barberinus Venetus, Episcopus Brixienfis, Borgia Hispanus ex Gandia, Archiepiscopus Toletanus, Cienfuegos S. J. Hispanus, qui singulari apud Casarem gratia pollebat.

Cardinalem Alberonium, ex Hispania ad Genuenses profugum, Pontifex ad dicendam causam Romam citavit. Sed contumax comparere recusavit.

Jacobo III Sobiesky genuit hoc anno Carolus Eduardus, in spem Anglicæ coronæ natus. Nec defuit Pontificis, Hispaniæ, & Cardinalium liberalitas.

Hispani ex Sicilia recesserunt. Casari, tanquam Regi Siciliæ, Panormi præstitum homagium. Dux de Monteleone, Neapolitanus ex Domo Pignatellia, dictus Prorex. Ad continendos Siculos retenti in regno 16000 milites.

Sardiniam pariter, inito tractatu, cui Mercius, Ledeus, Binius subscripserunt, Hispani deferebant, eamque Octavius de Medicis nomine Caesaris Sabaudico Proregi tradidit.

Mocenigus Provisor Dalmatiæ finium regundorum opus hoc anno cum Turcis absolvit: atque redeunti Constantinopoli Ruzzino Legato, subrogatus a Venetis est Emo. Qui Cardinali Ottobono omnia bona, ob Protectoratum Galliæ ablata, restituerunt.

Obit Clem.
XI.

Anno 1721 pientissime, ut vixerat, obiit *Clemens XI* Pontifex Maximus, genere Albanus, patria Urbinas, plenus dierum & meritorum, ætatis anno 71, Pontificatus 21, prudentia, fide, morum gravitate, zelo, cura pastoralis, vitæ innocentia & integritate multo clarissimus. Jansenianam hæresin per Constitutionem *Vineam Domini*, Quesnellianam per Bullam *Unigenitus* profligavit. Jura Ecclesiæ strenue defendit, difficillimis sane temporibus. 67 Cardinales elegit, virtute & doctrina conspicuos.

Rege exule recepto, causa Aurelianensi æquissimo arbitrio composita, pace inter filios, de coronis certantes, conciliata, paternæ sollicitudine in omnem partem exporrecta, calamitatibus temporum magno animo toleratis, æternam sui reliquit memoriam.

Multas edidit Constitutiones; quas sequenti parte referam. Bullam autem *Unigenitus* cum Observationibus hic interferendam putavi.

Art. IV.

Bulla Unigenitus seu Propositiones 101 per Constitutionem Unigenitus a Clemente XI profligata
Anno 1713.

89.

Unigenitum Dei filium nos admonuisse, inquit Pontifex, ut attenderemus a falsis Prophetis, qui veniunt ad nos in vestimentis ovium, quorum nomine potissimum demonstrentur Magistri illi mendaces, qui splendida pietatis specie prava dogmata latenter insinuantes, introducunt sectas perditionis sub imagine sanctitatis, utque facilius incautis subrepant, quasi deponentes lupinam pellem, & se se Divinæ legis velut quibusdam ovium velleribus obvolventes, sacrarum scripturarum verbis, quæ multipliciter in suam aliorumque perniciem depravent, nequiter abutantur, antiqui videlicet,

eet, a quo progeniti sunt, mendacii parentis exemplo ac magisterio edocti, nullam omnino esse expeditiorem ad fallendum viam, quam, ut, ubi nefarii erroris subintroducitur fraudulentia, ibi Divinorum verborum prætendatur auctoritas.

His se Divinis monitis instructum, pergit Pontifex, ubi accipisset, librum quemdam Gallico idiomate olim impressum, & in plures tomos distributum sub titulo: *Le Nouveau Testament en François avec des reflexions morales sur chaque verset &c. a Paris 1699.* Aliter vero: *Abrege de la morale de l'Evangélie, des Actes des Apôtres, des Epîtres de S. Paul; des Epîtres Canoniques, & de l'Apocalypse, ou: Pensees chretiennes sur le texte de ses livres sacrez &c. a Paris 1693 & 1694,* tametsi alias a se damnatum, ac revera Catholicis veritatibus pravarum doctrinarum mendacia multifariam permiscentem, adhuc tamen, tanquam ab omni errore immunem a pluribus haberi, ac Christi fidelium manibus passim obtrudi, quaque versum disseminari, etiam latine redditum, ut contagium transeat de gente in gentem.

Verfutus hujusmodi seductionibus atque fallaciis creditum sibi gregem in viam perditionis sensim abduci summo opere se dolere, ait. Quapropter se pastorali non minus curæ stimulis, quam frequentibus orthodoxæ fidei zelatorum querellis, maxime vero complurium, præsertim Galliæ, Episcoporum litteris ac precibus excitatum, gliscenti morbo validiore aliquo remedio obviam ire decrevisse.

Cum autem summa libri hujus pernicies ideo potissimum invalescat, quod ea intus lateat, & velut improba sanies non nisi secto ulcere foras erumpat, cum liber ipse primo aspectu legentes specie quadam pietatis illiciat, nihil propterea opportunius salubriusque, quam si fallax libri doctrina, generatim solummodo antea indicata, pluribus singillatim excerptis propositionibus, distinctius & apertius explicaretur, atque universis Christi Fidelibus zizaniorum femina, e medio tritici, quo tegebantur, educta, velut ob oculos exponerentur, Episcopis & Christianissimo in primis Rege, cujus eximius in tuenda fidei Catholicæ pietate, extirpandisque erroribus zelus laudari non satis possit, id flagitantibus.

Hinc extractas summa fide propositiones, a compluribus in sacra Theologia Magistris, pluribusque Cardinalibus, accurate discussas, coram ipso dein etiam summo Pontifice quam maxima diligentia ac maturitate, singularum insuper propositionum cum ipsomet libri textu exactissime facta collatione, pluries iteratis congregationibus

expendi & examinari Papa mandavit. Hujusmodi autem propositiones sunt sequentes.

Propositio I.

Quid aliud remanet animæ, quæ Deum atque ipsius gratiam amisit; nisi peccatum & peccati consecutiones, superba paupertas & segnis indigentia, hoc est, generalis impotentia ad laborem, ad orationem, & ad omne opus bonum.

Reflexio. Sensus est clarus: nihil post amissam gratiam (utique sanctificantem) remanet animæ nisi peccatum, & impotentia ad omne opus bonum. Ergo amittit & fidem, & spem, earumque habitus. Tridentinum autem dicit anathema, si quis dixerit, amissa per peccatum gratia, simul & fidem semper amitti. Ergo amittit etiam characterem sacramentalem. Ergo desinit esse sacerdos, imo & Christianus. Et sic confirmabitur articulus 30 Joannis Hufs: *Nullus est Episcopus, dum est in peccato mortali &c.*

Sequitur ulterius, peccatorem post amissam gratiam sanctificantem ad pœnitentiam & justitiam redire non posse: quia in eo generalis est impotentia ad omne opus bonum. Sequitur denique, inutiliter a Deo in sacris scripturis præcipi pœnitentiam, operationem salutis, orationem, aliosque actus bonos moraliter, imo etiam supernaturales, quod dici non potest; licet enim homo in statu peccati mortalis non possit elicere actus meritorios vitæ æternæ, potest tamen elicere actus supernaturales, uti fidelis, spei, contritionis. Alias enim nunquam amplius posset justificari.

Denique in homine post peccatum remanet ratio, libertas, cognitio Dei, capacitas recipiendi gratiam, fides in Christum, spes remissionis peccatorum per sacramentum pœnitentiæ, gratiæ actuales, quæ facienti quod est in se non denegantur. An hæc sint peccata? An non sunt dona Dei? An non remanent gratiæ externæ, exhortationes, sanctorum exempla, orationes?

Rursus, si in peccatore datur generalis impotentia ad omne opus bonum, non tenetur actiones suas referre ad Deum, Deum diligere, ejusdem præceptis obsequi, aut ullas obligationes muneris sui præstare. Imo peccator omni naturali, Divina, humana obligatione absolvetur. Denique hæc est prima propositio Janfenii damnata, videlicet, aliqua Dei præcepta hominibus esse impossibilia.

Heu quam enormes sequelæ ex hac prima Quesnelli propositione! quam falsæ! quam scandalosæ! quam hæreticæ! nam Trid.

Sess.

Sess. 6 can. 7 ait: *si quis dixerit, opera omnia, quæ ante justificationem fuerint, quacunq; ratione facta sint, esse peccata &c. anathema sit.*

Propositio 2.

Iesu Christi gratia principium efficax boni cujuscunque generis, necessaria est ad omne opus bonum; absque illa non solum nihil fit, sed nec fieri potest.

Reflexio. Etiam hæc propositio coincidit cum prima Janseniana, quia ait, sine gratia efficaci nihil fieri posse; adeoque eliminatur omnis gratia mere sufficiens, quia omnis gratia semper esset efficax, seu obtinens effectum. Non posset igitur homo elicere actum virtutis, etiam præceptum, quem omittit, nec vitare peccatum, quod committit; quia non habet gratiam efficacem. Excusabilis ergo esset omnis peccator. Verum quidem est, quod sine gratia efficaci nemo operetur bonum, ad salutem conducent, sed falsum est, quod non possit; habet enim potentiam operandi, &, si uteretur hac potentia, gratia esset efficax.

Propositio 3.

In vanum Domine præcipis, si tu ipse non das, quod præcipis.

Reflexio. Sensus est: vana & inutilia sunt præcepta Dei, si per gratiam efficacem non dat, quod præcipit. Eliminator igitur rursus gratia sufficiens, & arguitur Deus a Quesnel o imprudentiæ & injustitiæ, quod imponat nobis præcepta vana, quæ observare nullatenus possumus. Quoties enim ea non observamus, toties secundum Quesnellum observare illa non possumus, ex defectu scilicet gratiæ efficaciæ, quæ, ut ait, non tantum ad actualem operationem, sed etiam potentiam operationis simpliciter est necessaria.

Diffiliat penna blasphema! Deus non in vanum seu inutiliter vel imprudenter imponit præcepta. Serviunt ad finem, a Deo intentum, nempe ad manifestandam ejus misericordiam, bonitatem, liberalitatem, clementiam, si observentur, ad justitiam vero vindicativam, si non observentur. Nam ex culpa & perversa voluntate hominis non observantur: Deus dat gratias sufficientes ad observationem præceptorum, & quidem cum seria voluntate omnes salvandi, nolens aliquos perire, sed omnes ad penitentiam reverti. Sibi imputet homo, si sit servus nequam, virgo fatua, si sit rebel-

Ns lemini, si Spiritui Sancto resistat; si stanti ad ostium & pulsanti non aperiat, si vocanti non respondeat, si opera misericordiae non exerceat, si fidei linea instructuosa excindatur & in ignem mittatur, si Betſaida ingratæ & refractariæ væ intentetur: si fiat anathema, qui non amat D. N. J. Christum.

Propositio 4.

Ita, Domine, omnia possibilia sunt ei, cui omnia possibilia facis, eadem operando in illo.

Reflexio. Sensus re ipsa est, præcepta tunc tantum impleri posse, cum implentur, non autem tunc, quando violantur. Unde hæc propositio incidit in priores; nullam dari a Deo gratiam, nisi efficacem; consequenter, peccatores nullam habere gratiam, quæ observatio mandatorum ipsi fiat possibilis, omnesque reprehensiones & adhortationes, ad peccatores in S. Scriptura directas, esse meras ludificationes; ad quas profecto sequelas horrendas præmenti ambæ aures tinniant. Accedit, quod propositio asserat omnia possibilia fieri per actualem operatorem, cum tamen hæc præsupponat possibilitatem per gratiam etiam prævenientem.

Propositio 5.

Quando Deus non emollit cor per internam unctionem gratiæ suæ, exhortationes & gratiæ exteriores non inserviunt, nisi ad illud magis obdurandum.

Reflexio. Loquitur Quesnellus rursus de gratia efficace; neque enim aliam agnoscit. Et sic per se patet virulenta ejusdem sanies. Quid? exempla Christi, prædicationes, exhortationes, præcepta, oratio, passio, mors, instituta ab eo sacramenta, aliæque gratiæ exteriores, iis, qui non sunt conversi, ad nihil inservierunt, inserviuntque, nisi ad illos magis obdurandos? os blasphemum: si ita est, peccator neque concionem accedet, nec exhortationes audiet, neque Missæ sacrificio assistet, nec orabit, ne magis obduretur.

Propositio 6.

Discrimen inter fœdus Judaicum & Christianum est, quod in illo Deus exigit fugam peccati, & implementum legis a peccatore, relinquendo illum in sua impotentia, in isto vero Deus dat peccatori, quod jubet, illum sua gratia spuriſicando.

Re-

Reflexio. Falsum est, quod Deus in fœdere veteri peccatores reliquerit in sua impotentia. Erat David peccator; an Deus eum reliquit? an filius, qui secutus est patrem peccantem, non etiam sequi potuisset penitentem? Si Deus reliquit peccatorem in sua impotentia, absque omni auxilio, etiam sufficiente, quomodo ab eo exigere potuit fugam peccati, & implementum legis. Tyranni est, Quiesnello, exigere, quod est impossibile.

In isto vero Deus dat peccatori, quod jubet; id est, omni peccatori dat gratiam, vel efficacem vel sufficientem, non autem determinate efficacem, præter quam tu omnem negas. Si omnes haberent gratiam efficacem, omnes converterentur; non autem omnes convertuntur; ergo aliqui, imo plurimi habent gratiam mere sufficientem.

Propositio 7.

Qua utilitas pro homine in veteri fœdere, in quo Deus eum reliquit propria infirmitati, imponendo ipsi suam legem? qua vero felicitas non est, admitti ad fœdus, in quo nobis Deus dat, quod petit a nobis?

Reflexio. Propositio hæc consonat priori. Amplior est Divina providentia, amorque erga naturam rationalem, quam ad vitam æternam condidit, atque redimere ab æterno statuit, quam ut eam infirmitati suæ relinquat, imponendo ipsi legem, quam servare non possit. Aliud loquuntur sacræ scripturæ veteris etiam testamenti, aliud sanctorum veteris quoque legis exempla. Quantum ad novum fœdus spectat, an Deus omnibus dat gratiam efficacem ad faciendum id, quod a nobis petit?

Propositio 8.

Nos non pertinemus ad novum fœdus, nisi in quantum participes sumus novæ ipsius gratiæ, quæ operatur in nobis id, quod Deus nobis præcipit.

Reflexio. Antiquam nobis cantilenam, aliis aliisque verbis fucatam, occinit Quiesnellus, ad exterminandam gratiam sufficientem, & statuendam solam efficacem, cum cooperatione nostra conjunctam. An infans baptizatus non pertinet ad novum, id est, Christianum fœdus? At ille non habet gratiam actualem, utpote consistentem in illustrationibus intellectus, & bonis inspirationibus voluntatis. Et loquendo etiam de adultis, an omnes adulti, in quibus gratia non operatur, quod nobis Deus præcipit, non pertinent ad hoc novum fœdus? non sunt Christiani? non sunt membra Ecclesiæ? peregrinum sane est hoc idioma. Quamdiu in homine manet habitus fidelis, tam-

tamdiu manet Christianus, atque ad fœdus novum, id est, Ecclesiam Christi pertinet: habitus autem fidei non extinguitur, nisi per formalem hæresin, aut peccatum grave contra fidem.

Propositio 9.

Gratia Christi est gratia suprema, sine qua Christum confiteri nunquam possumus, & cum qua nunquam illum negamus.

Reflexio. Sensus obvius & naturalis est: omnis gratia est Christi gratia suprema, semperque efficax. Nam propositiones indefinitæ in materia dogmatica sunt universales, prout etiam definitiones, qualem hic Quæsnellus nobis vult proponere, & hinc rursus excludit gratiam sufficientem, negatque peccantibus omnem gratiam.

Propositio 10.

Gratia est operatio manus omnipotentis Dei, quam nihil impedire potest, aut retardare.

Reflexio. Si omnis gratia est operatio, si nihil hanc operationem impedire potest, ubi libertas? ubi gratia sufficientis? cur S. Stephanus Judæis exprobravit: vos semper Spiritui Sancto resistitis? cur Dominus conqueritur de vinea, de ficulnea? cur dicit: *vocaui, & non venistis; curavius Babylonem, non est sanata: extendi manus ad populum non credentem & contradicentem?* Si omnis gratia esset operatio, nemo peccaret. Cur Tridentinum sess. 6. can. 4. anathema dicit illi, qui dixerit, liberum hominis arbitrium, a Deo motum & excitatum non posse dissentire. Si Deus vellet agere tanquam omnipotens & absolutus Dominus, utique semper sequeretur operatio; at supposita concessione libertatis hominem non cogit, neque necessitat. Habet tamen in thesauris suis tot gratias congruas, ut, salva etiam libertate voluntates humanas semper posset ad bonum flectere.

Propositio 11.

Gratia non est aliud, quam voluntas omnipotentis Dei jubentis, & facientis, quod jubet.

Reflexio. Recoquit Quæsnellus antiquam crambem, perpetuoque contendit eliminare gratiam sufficientem, & libertatem, seu cooperationem liberam hominis, omnesque actus bonos vult esse necessarios homini, aut impossibiles; quod est ipsum pus Jansenii, & Calvini. S. Augustinus vero lib. de gratia Christi cap. 14 in illa ver-

verba, omnis, qui didicit, venit ad me, scribit: quis non videt, & venire quemquam ad Patrem, & non venire, ex arbitrio pendere voluntatis?

Errat denique Quefnellus etiam in eo, quod gratiam nihil aliud esse velit, quam voluntatem Dei, cum tamen sit donum Dei, in anima receptum, adeoque a voluntate Dei distinctum, nempe illustratio intellectus, & pia inspiratio & excitatio voluntatis humanæ. Hi autem sunt actus hominis, menti humanæ a Deo inditi, non autem sunt ipse Deus, aut voluntas Dei, quæ est ipse Deus.

Propositio 12.

Quando Deus vult salvare animam, quocunque tempore, quocunque loco, effectus indubitabilis sequitur voluntatem Dei.

Reflexio. Falsum hoc; nam Deus vult omnes animas salvari, ut innumeris locis testatur Sacra Scriptura. Sic Deus dilexit mundum, ut filium suum Unigenitum daret; nolens aliquos perire, sed omnes ad pœnitentiam reverti. Ipse enim est propitiatus pro peccatis totius mundi: illuminat omnem hominem, venientem in hunc mundum. Nolo mortem impij, inquit, sed ut convertatur & vivat: convertimini, convertimini, ingeminat: quid potui vixæ meæ facere, & non feci? quoties volui congregare filios tuos, quemadmodum gallina congregat pullos suos sub alas, & noluiisti.

An tam patheticæ expressiones non sunt satis manifesta signa voluntatis Divinæ salvandi omnes. Quare ergo plurimi non salvantur? quia noluerunt: quia fuerunt rebelles lumini: quia resisterunt Spiritui Sancto: quia dereliquerunt fontem aquæ vivæ, & foderunt sibi cisternas dissipatas, quæ continere non valent aquas. Deus dat omnibus sufficientia gratiarum auxilia, & quidem cum optima intentione salutis, quibus possent, si vellent, cooperari, & salutem consequi; quod non cooperentur, non stat per Deum, sed per voluntatem hominis refractariam.

Ex his patet venenum impiæ & scandalosæ propositionis Quefnellianæ, quod omnes salvantur, quos Deus vult salvari, consequenter innumeros, qui non salvantur, non velit salvari. Videantur, quæ de hac re scripsi in Theologia Janſenistica cap. 8 & 9.

Propositio 13.

Quando Deus vult animam salvam facere, & eam tangit interiori gratia sua manu, nulla voluntas humana ei resistit.

Reflexio. Est idem Sirenis cantus, ad abjiciendam salutis curam intentus, omniaque forti prædestinationis relinquenda. Sequitur enim, eos, qui non salvantur, interiori gratiæ manu non fuisse tactos, adeoque salutem ipsis fuisse impossibilem; quod est contra omnes scripturas, contra finem creationis, incarnationis, redemptionis, contra sanctitatem, misericordiam, bonitatem, suavem providentiam Dei, imo & contra justitiam; quomodo enim justissimus Deus ad ignes æternos damnare poterit innumeros homines, quibus absolute fuit impossibile, salutem operari; cum sine gratia, & quidem supernaturali, nullum opus salutare, seu ad æternam vitam conducens, præstari possit, talis autem gratia (proxima & remota) ipsis defuerit, nec medium ullum habuerit, eam consequendi. Nescio sane, quem Deum sibi fingant Calvinistæ eorumque progenies, Jansenistæ & Quæsnelliani. Si boni estis, sentite de Domino in bonitate.

Propositio 14.

Quantumcunque remotus a salute sui peccator obstinatus, quando Jesus se eidem videndum exhibet lumine saluari suæ gratiæ, oportet, ut se dedat, accurrat, sese humiliet, & adoret Salvatorem suum.

Reflexio. Oportet, id est, necesse est. Ubi ergo libertas? Cain, Pharaon, Judas, latro blasphemans in cruce, obstinati peccatores, Deus se vobis videndum præbuit lumine suæ gratiæ; cur necessitati non parvultis? Utinam omnes, quos Deus gratia sua visitat, ita promptum exhiberent obsequium, nemo damnaretur; quia omnibus lumen gratiæ affulget. *Illuminat omnem hominem venientem in hunc mundum.* Joan. 1.

Sed videte vafritiem hominis versipellis! utitur voce æquivoca oportet, quæ & decentiam significat, & necessitatem. Ipse vero hanc intelligit, ut ex toto ejus systemate manifeste constat; adeoque & libertatem & gratiam sufficientem captiosa sua propositione tollit, ad exemplum Magistri sui Jansenii.

Propositio 15.

Quando Deus mandatum suum & suam externam locutionem comitatur unitione sui spiritus, & interiori vi gratiæ suæ, operatur illa in corde obedientiam, quam petit.

Re-

Reflexio. Bono animo estote peccatores! dormite in utramque aurem. Si veniat illa gratia, evigilabitis certo, & obedientiam præstabitis: si non veniat, actum est de vobis, quidquid conemini. Nihil ergo vobis superest, nisi, ut curam salutis abjiciatis, & abyssum Divinorum judiciorum expectetis in vestris sceleribus. Scandalosa doctrina! secundæ Jansenii propositioni damnatæ conformis: *Interiori gratiæ in statu naturæ lapsæ nunquam resistitur.* Uterque excludit gratiam sufficientem, solamque agnoscit necessitantem; qua si quis careat, impossibile est salutem operari: ita novelli hi Magistri in Israel. Nos autem Catholici tenemus, nullum esse hominem, cui non detur gratia, saltem sufficiens, remote vel proxime; multos autem homines vitio suo gratiæ non obedire.

Propositio 16.

Nulla sunt illecebræ, quæ non cedant illecebris gratiæ; quia nihil resistit omnipotenti.

Reflexio. Utinam hoc verum esset! sed tristis experientia monstrat contrarium. Heu! quot miseri mortales, quibus non deest gratia, cedunt illecebris carnis, illecebris oculorum, & superbix vitæ. Canit Quæsnellus identidem, mutatis aliquantum vocibus, antiquum melos de gratiæ suæ necessitante. Nos fatemur, nullum esse hominem, ita obduratum, quem Deus non possit convertere, dando gratias illi tam fortes, atque in tam opportunis circumstantiis, ut, licet illis posset resistere, non tamen sit restitutus. Et sic salvatur Divina omnipotentia in corda hominum, simulque libertas humana, quam Deo ad merendum placuit concedere.

Propositio 17.

Gratia est vox illa Patris, quæ homines interiorius docet, ac eos venire facit ad Christum Jesum. Quicumque ad eum non venit, postquam audit vocem exteriorem filii, nullatenus est doctus a patre.

Reflexio. Mirum sane, homines istos, qui Christiano, imo & Catholico nomine, gloriantur, adeo in Deum O. M. esse impios, ut non crudelem tantum eum nobis repræsentent, sed peccata etiam humani generis, & obstinationem in malo eidem tribuant, defectui nempe Divinæ gratiæ interioris: *nullatenus est doctus a Patre,* inquit hic homuncio; cum tamen, sacra testante pagina, illuminet omnem hominem venientem in hunc mundum. Ipse tu Quæsnelle suffi-

H. h. 2

cienter

cienter doceris a Patre, & illuminaris; sed es rebellis lumini, & omnibus viribus contendis, verbo Dei, Ecclesiæ, Conciliorum, Patrum, ac Theologorum unanimi doctrinæ, contradicere, atque innumeris hominibus omnem viam ad salutem æternam, ad quam tamen conditi sunt, intercludere, dum omne gratiæ auxilium interius, sine quo tamen ad illam non possunt pertingere, pervicaciter eis negas: contra vero prædestinatos gratia necessitante, & hoc ipso tolente libertatem arbitrii, instruis. Mi bone! hæc non es doctus a Patre cælesti, sed ab alio.

Propositio 18.

Semen verbi, quod manus Dei irrigat, semper affert fructum suum.

Reflexio. Semen verbi omnibus spargitur, etiam tibi Quesnelle, sed tibi non affert fructum suum, quia culpa tua illud suffocas, & frontem obduratam obtendis veritati, quæ docet, semen verbi Dei, quamvis irrigatum gratia cælesti, vitio agri non semper afferre fructum suum.

Propositio 19.

Gratia Dei nihil est aliud, quam ejus omnipotens voluntas. Hæc est idea, quam ipse Deus nobis tradit in omnibus suis scripturis.

Reflexio. Nova prorsus gratiæ definitio! novum dogma! novusque error, & quidem duplex! voluntas Dei est ipse Deus; neque enim in Deo datur quid distinctum a Deo. An gratia actualis, animæ humanæ a Deo inserta, est ipse Deus? Voluntas Dei est æterna & immutabilis, una & simplicissima, gratia est donum Dei, productum in tempore, multiplex, ac transiens; aliud est causa, aliud effectus: nihil est causa sui ipsius: voluntas Dei est causa, gratia effectus. Voluit Deus mundum condere; an propterea mundus est voluntas Dei? vel, ut alia Quesnelliana gratiæ definitione utar, gratia est irrigatio seminis; an autem aqua irrigans nihil aliud est, ac voluntas irrigantis?

Falsissimum est secundo, quod Deus hanc ideam gratiæ nobis tradat in Sacris Scripturis. Tertius error, isque gravissimus est, quod etiam hic Quesnellus conetur solam gratiam necessitantem adstruere.

Propositio 20.

Vera gratiæ idea est, quod Deus vult, sibi a nobis obediri, & obeditur: imperat, & omnia sunt: loquitur tanquam Dominus, & omnia sibi submissa sunt.

Reflexio. Nova sane & paradoxa fursus idea gratiæ, omnibus hætenus bonis Theologis incognita, certe falsissima, temeraria & scandalosa, imo innovans omnes Jansenii hæreses. Nam secundum hanc ideam, qui præceptis Divinis non obediunt, nullam accipiunt gratiam, nullum salutis remedium: ergo servare præcepta ipsis est impossibile: ergo præcipit Deus impossibilia: Deus pro eis non est mortuus, & tamen demerentur, faciendo id, quod non possunt non facere: contra vero qui obediunt, necessario obediunt: ergo nulla datur libertas indifferentiæ: & tamen merentur; ergo ad merendum & demerendum non requiritur libertas a necessitate. Quot hæresum monstra, toties profligata!

Propositio 21.

Gratia Jesu Christi est gratia fortis, potens, suprema, invincibilis, utpote quæ est operatio voluntatis omnipotentis, sequela & imitatio operationis Dei incarnantis, & resuscitantis filium suum.

Reflexio. Propositio Quesnelli in materia dogmatica est iterum universalis, omnis gratia est suprema, invincibilis. Igitur excludit omnem gratiam sufficientem, distinctam ab efficaci, quæ juxta eum est necessitans, ut proin plurimis actus salutaris sit absolute impossibilis, aliquibus vero necessarius. Utrumque est error in fide, damnatus in Jansenio.

Propositio 22.

Concordia omnipotentis operationis Dei in corde hominis cum libero ipsius voluntatis consensu demonstratur illico nobis in incarnatione, veluti in fonte, atque archetypo omnium aliarum operationum misericordiæ & gratiæ, quæ omnes ita gratuiæ atque ita dependentes a Deo sunt, sicut ipsa originalis operatio.

Reflexio. Pulchra enim vero concordia gratiæ necessitantis cum libero voluntatis consensu! quid tam contrarium libertati, quam absoluta necessitas? & quid tam contrarium necessitati, quam libertas? calorem & frigus, nigrum & album, dulce & amarum facilius componas. Verum est, gratiam gratuitum omnino esse donum Dei, sicut Incarnatio est gratuitum donum Dei; sed liberum est homini, hæc dona ad fructum applicare, ut adeo, qui non applicat per bonam operationem, id sibi imputare debeat, nullatenus vero Deo, qui omnibus sua dona, ad salutem necessaria offert,

H h 3

Pfo.

Propositio 23.

Deus ipse nobis ideam tradidit omnipotentis operationis suæ gratia, tam significans per illam, quæ creaturas e nihilo producit, & mortuis vitam reddit.

Reflexio. Chorda eadem semper oberrat exotica hic vitiligator, ad extendam gratiam sufficientem, & libertatem hominis, gratiam vero necessitantem inducendam. Ita enim re ipsa, fucatis licet verbis argumentatur: sicut homo non potest resistere sui productioni ex nihilo, aut mortuus restitutioni vitæ, sic homo non potest resistere operationi gratiæ. Deinde, si hæc est vera idea operationis gratiæ, homo nunquam cooperatur gratiæ, sicut non cooperatur sui creationi, aut mortuus sui resurrectioni ad vitam; sed solus Deus omnia agit. Ubi ergo libertas? ubi actus virtutis? ubi meritum aut demeritum?

Propositio 24.

Iuxta ideam, quam centurio habet de omnipotentia Dei, & Jesu Christi in sanandis corporibus, solo motu suæ voluntatis, est imago ideæ, quæ haberi debet de omnipotentia suæ gratiæ in sanandis animabus a cupiditate.

Reflexio. Si Deus animas sanaret solo suæ voluntatis, omnes sanarentur; nam habet seriam voluntatem sanandi & salvandi omnes. Experimur autem mortales, quod Deus motu suæ voluntatis solo non omnia vulnera nostra sanat, sed requirat cooperationem voluntatis nostræ sæpe difficilem. Quanta enim pars adhuc nobis relinquitur, ut superemus cupiditatem, generi nostro congenitam, ad cooperationem nostræ voluntatis cum voluntate Divina, quanta lucta, quantum certamen, quanta difficultas nobis superant, in vincendis tentationibus, carnis illecebris, præceptis Divinis observandis, aliisque virtutum actibus non raro arduis exercendis.

Expertus est Apostolus, qui ingenue fatetur, datum sibi stimulum carnis, se tamen bonum certamen certasse, amplius omnibus laborasse. Addit autem, *non ego, sed gratia Dei mecum*: & alibi: *unusquisque propriam mercedem recipiet secundum suum laborem*; Dei enim adiutores sumus. Piget plura addere contra fabulatorem in re manifesta, contra mentem & propriam experientiam loquentem, nisi frænum contra vitia plene laxaverit.

Propositio 25.

Deus illuminat animam & eam sanat æque ac corpus sola sua voluntate, jubet, & ipsi obtemperatur.

Reflexio. Eandem exorbitantem revolvit orbitam Quesnellus, contra verbum Dei, Ecclesiæ definitiones, Patrum doctrinam, & propriam cujusque manifestam experientiam. Bene habet peccatores! indormiscite! nihil agite: Deus sola sua voluntate facit omnia; jubet, & ipsi obtemperatur, quin voluntas humana cooperetur; imo obtemperat necessario, quin aliquid agat; quia Deus sola sua voluntate operatur omnia. Vah! monstra doctrinæ!

Propositio 26.

Nulla dantur gratia, nisi per fidem.

Reflexio. Quomodo ergo homo pervenire potest ad ipsam fidem, si nullæ dantur gratiæ, nisi per fidem? certe ad fidem supernaturalem prærequiritur gratia. Semipelagianum est dicere, nullam præquiri gratiam ad fidem: & Tridentinum intorquet anathema, si quis dixerit, sine præveniente Spiritus S. inspiratione, atque ejus adjutorio hominem credere posse, sicut oportet. Deinde sequitur, quod infideles nullam accipiant gratiam, quia fidem non habent, neque gratiam disponentem ad fidem. Ad quid ergo exprobrationes, toties in S. Scriptura iteratæ contra incredulos? si ante fidem nullum habuerunt gratiæ adjutorium, impossibile ipsis fuit credere, sicut oportet.

Propositio 27.

Fides est prima gratia & fons omnium aliarum.

Reflexio. Eandem prorsus rotam versat excentricam. Prima gratia, quod dictum, datur a Deo ad ipsam fidem, tanquam dispositio ad illam eliciendam. Infideles accipiunt gratiam sufficientem, licet non habeant fidem. Ergo fides non est prima gratia, sed prima est, quæ disponit ad fidem. Est equidem fides initium salutis, fundamentum & radix omnis justificationis; sed hoc intelligendum est de initio salutari, seu meritorio vitæ æternæ. Præcedit tamen gratia illustrationis, & sanctæ inspirationis, supernaturalis quidem, sed non meritoria.

Pro-

Propositio 28.

Prima gratia, quam Deus concedit peccatori, est peccatorum remissio.

Reflexio. Quomodo hæc concordant? in propositione proxima dictum est, quod fides universaliter sit prima gratia: in hac autem, quod prima sit peccatori (quales omnes in mundum intramus) sit peccatorum remissio. At non est prima fides peccatorum remissio, sed in homine post baptismum lapso prima gratia est, quæ datur ad fidem, secunda ipsa fides, tertia contritio & detestatio peccati cum proposito non peccandi de cætero, quarta confessio salutaris vel actus perfectæ charitatis, quinta demum remissio peccatorum.

Propositio 29.

Extra Ecclesiam nulla conceditur gratia.

Reflexio: Quomodo ergo pervenire possunt ad Ecclesiam infideles, atque ad veram fidem? An per vires naturæ? at hoc Pelagianum est dicere. Dein quomodo observare possunt jus naturæ, si nullum accipiant a Deo adiutorium gratiæ, quod secundum Quesnellum absolute est necessarium ad servanda Dei præcepta? quomodo evitare possunt peccata, si ad ea evitaanda nullum accipiant gratiæ auxilium?

Propositio 30.

Omnes, quos Deus vult salvare per Christum, salvantur infallibiliter.

Reflexio. Hic error jam sæpius a nobis fuit confutatus. Est autem hoc Jansenii & Quesnelli systema: voluit Deus omnes homines & Angelos salvare ante lapsum, deditque eis gratias sufficientes ad perseverandum in iustitia originali, si voluissent gratis cooperari, iisdem auxiliis etiam gavisi fuissent posteri, si Adam non peccasset. At eo lapso, omne auxilium mere sufficiens sublatum est. Pauci ad salutem sunt electi, pro quibus solis Christus est mortuus, quosque solos vult salvari, reliquis omnibus in massa damnationis, sine omni gratia atque salutis remedio, derelictis. Electis autem, seu prædestinatis dantur non nisi gratiæ efficaces, quibus resistere non possunt. Hinc inferunt, omnes salvari, quos Deus vult salvare, quia eos, qui non sunt prædestinati, non vult salvare. En puris virulenti compendium.

Catholica autem veritas est, quod Deus etiam post lapsum Adæ omnes & singulos homines velit salvare voluntate, antecedente peccata,

peccata, voluntate autem *consequente*, seu consequenter ad peccata, & finalem impœnitentiam velit sceleratos pœna æterna per justitiam vindicativam plectere: sicut Princeps terrenus vult, ut omnes subditi leges servant, & felices vivant, consequenter autem ad crimina vult facinorosos morte punire.

Voluntas porro illa antecedens salvandi omnes est *seria*, & *affectivè efficax*, imo etiam aliquo modo *effective*; nam ex hoc omnes salvandi desiderio propter nos homines & propter nostram salutem descendit de cœlis, & incarnatus est, crucifixus, & mortuus: pro omnibus pretiosum suum sanguinem fudit, pro omnibus sacramenta, salutis fontes, instituit; omnibus dat gratias & media salutis sufficientia, & quidem ea intentione optima, ut iis utantur, & cooperentur ad salutem. Reliquit tamen voluntatem liberam, his mediis utendi vel abutendi, cum voluntate, consequenter ad peccata sceleratos & impœnitenes damnandi.

Propositio 31.

Desideria Christi semper habent suam effectum: pacem intimo cordium inferi, quando eis illam optat.

Reflexio. Eandem Quesnellus rotam versat, atque Christum sua desideria ad solos prædestinatos direxisse; quod sæpius jam est confutatum. Plenæ sunt Sacræ Scripturæ energicis expressionibus, quibus Christus Jesus enixum suum desiderium salvandi omnes nobis manifestat. Quam effectum desiderabat congregare filios refractarios Jerusalem venit pastor ille bonus querere perditam oviculam; venit, querere & salvum facere, quod perierat: atqui totum humanum genus perierat. Quod autem Christi desideria sæpe suo destituantur effectū, nimium quantum demonstrat tristis experientia. Impium plane est, dicere, quod Christus non omnium animarum salutem optet, atque desideret.

Propositio 32.

Iesus Christus se morti tradidit ad liberandum pro semper suo sanguine primogenitos, id est, electos, de manu Angelis exterminatoris.

Reflexio. Non tantum electos, sed omnes, etiam eos, qui ex culpa sua sunt reprobī. Meretur igitur Quesnellus censuram, quam Magistri ejus propositio quinta, dum scripsit: *Semipelagianum est dicere, Christum pro omnibus omnino hominibus mortuum esse, aut sanguinem fudisse.*

Propositio 33.

Proh! quantum oportet rebus terrenis & sibi ipse renuntiasset, ad hoc, ut quis fiduciam habeat, sibi, ut ita dicam, appropriandi Christum Jesum, ejus amorem, mortem, & mysteria, ut facit S. Paulus dicens: qui dilexit me, & tradidit semetipsum pro me.

Reflexio. Lupus hic se vestimentis ovium vult contegere, ut eo certius mactet, & perdat. Sed vel ex cauda propendente dignoscitur. Amorem & mortem Christi solis electis, imo solis, qui terrenis rebus & sibi ipse renuntiaverunt, appropriat, quasi ad alios mors Christi nihil pertineat. Certe Paulum dilexit, antequam rebus terrenis & sibi ipse renuntiavit. Mundum, in maligno positum, sic Deus dilexit, ut filium suum unigenitum daret. Et Christus non venit vocare justos, sed peccatores. Matthæum; Zachæum, Magdalenam, Latronem in cruce, Saulum cogita, persequentem Ecclesiam.

Propositio 34.

Gratia Adam non producebat, nisi merita humana.

Reflexio. Conditus fuerat Adamus ad finem supernaturalem; cælestem videlicet beatitudinem; unde Deus media ad hunc finem proportionata eidem suppeditavit, gratias nempe supernaturales; dependenter ab his gratiis elicit actus supernaturales, meritorios & conducentes ad supernaturalem beatitudinem, donec propter lapsum privatus fuit justitia originali, gratia nimirum sanctificante, dono immortalitatis, immunitate a rebellionē concupiscentiæ. Falsum ergo omnino, gratiam Adam non produxisse nisi merita humana. An Pelagium hic fortassis aliquem olfacimus? an solis viribus naturæ Adamus merita posuit? an gratia Dei nihil egit? an merita humana seu naturalia sufficiebant ad finem supernaturalem creationis?

Propositio 35.

Gratia Adam est sequela creationis, & erat debita naturæ sanæ & integræ.

Reflexio. Hic enim vero Pelagius factore suo se prodit. Gratia, quæ debetur naturæ, seu sequela creationis, est gratia Pelagiana, certe non est supernaturalis; imo non est gratia; nam gratia est donum gratuitum, quod autem debetur naturæ, non est gratuitum. An ergo Adamus conditus est in statu puræ naturæ? &, licet Quesnellus addat, naturæ sanæ & integræ; nam nec huic Deus debet gratiam,

gratiam, sed bonitati suæ, elevanti hominem ad finem supernaturalem. Et hinc propositio ista jam damnata fuit in hac 21 Bajana: *devotio naturæ humanæ ad participationem naturæ Divinæ debita erat integritati naturæ humanæ.*

Propositio 36.

Differentia essentialis inter gratiam Adami & statum innocentie, ac gratiam Christianam est, quod primam unusquisque in propria persona recepit, ista vero non recipitur, nisi in persona Jesu Christi resuscitati, cui nos uniti sumus.

Reflexio. Certum est, omnem gratiam, quæ hominibus confertur, aut unquam collata est, conferri ex meritis Christi; unde merito dicitur *gratia Christi*. Sed quod illa recipiatur in Christo, non autem in nobis, falsissimum. Sive enim loquamur de *gratia habituali* seu sanctificante, definitum fuit a Tridentino *Sess. 6 Can. 11*, illam per Spiritum S. diffundi in cordibus nostris, nobisque inherere, contra Calvinum, qui dixit, nos formaliter justos fieri per justitiam, quæ Deus ipse justus est, quatenus ea nobis imputatur.

Si autem Quesnellus velit, quod *gratia actualis* non recipiatur, nisi in persona Christi, cui nos uniti sumus, iterum graviter hallucinatur; nam non sumus uniti Christo, nisi moraliter, gratiæ autem phyice nobis uniuntur. Deinde infideles & peccatores nullam recipere gratiam, quia Christo non sunt uniti.

Propositio 37.

Gratia Adami sanctificando illum in semetipso erat illi proportionata: gratia Christi nos sanctificando in Jesu Christo est omnipotens, & digna filio Dei.

Reflexio. Paulo ante Quesnellus dixerat, gratiam Adami fuisse naturæ debitam, adeoque ordinis naturalis; quomodo autem talis potuit Adamum sanctificare? Erat illi *proportionata*, hoc est, ipsius naturæ debita; gratia Christiana est *omnipotens*, id est, juxta Quesnellum, resisti ei non potest. Confundit gratiam habitualement & actualem, ut non satis dignoscas, utram intelligat. Sanctificare est effectus formalis gratiæ habitualis; dum autem ait, esse omnipotentem, videtur loqui de actuali.

Propositio 38.

Peccator non est liber, nisi ad malum, sine gratia liberatoris.

Reflexio. Ego alias ostendi, (Part. VIII de Theol. Transf.) posse actum liberum, moraliter bonum, elici absque gratia supernaturali liberatoris: & tales actus naturaliter honestos exercitos etiam fuisse a gentilibus, quos teste S. Aug. Deus Græcis & Romanis etiam remuneratus sit præmio naturali ac terreno, uti potentia & divitiis. Mereri non potest peccator præmium supernaturale; sed quod ad nihil sit liber, nisi ad malum, sine temeritate dici non potest. Potest, quod dixi, operari naturaliter honeste; ut nihil dicam de actibus indifferentibus, quodque multi principium illud, facienti, quod est in se, Deus non denegat gratiam, intelligant de faciente per vires naturæ,

Propositio 39.

Voluntas, quam gratia non prævenit, nihil habet luminis, nisi ad aberrandum, ardoris, nisi ad præcipitandum, virium, nisi ad se vulnerandum: est capax omnis mali, & incapax ad omne bonum.

Propositio 40.

Sine gratia nihil amare possumus, nisi ad nostram condemnationem.

Reflexio. Propositio hæc utraque idem melos insonat, videlicet, sine gratia Christi supernaturali hominem nihil posse, nisi peccare, eum in omni opere peccare, nihil naturaliter honestum, cum adjutorio gratiæ ordinis naturalis, posse peragi. Peccare filium, si ex naturali motivo amet parentem; peccare eum, qui ex naturali charitate & commiseratione erga pauperem, dat ei elemosynam; omnes virtutes morales gentilium, qui fidem non habent, esse mera peccata: imo omnes homines, qui gratiam efficacem non habent (quam solam Quesnellus admittit) necessario in omnibus operibus suis peccare: opera omnia, quantumvis lumini naturæ conformia, esse mer a peccata. Si non adest gratia efficax, nihil possumus nisi peccare, & agere ad condemnationem nostram. Si autem adsit gratia efficax, actum est de libertate: mereri nihil possumus. Quid ergo conemur declinare a malo, & facere bonum: necessitas & impossibilitas non habent legem. Permittamus nos fato nostro: abiciamus curam salutis inutilem, & sinamus rotam volvi. En! quo tendant tot scandalosæ propositiones Quesnellianæ; quales etiam sunt duæ sequentes.

Pro.

Propositio 41.

Omnis cognitio Dei, etiam naturalis, etiam in Philosophis ethnicis, non potest venire a Deo, & sine gratia non praeclucit, nisi praesumptionem, vanitatem, & oppositionem ad ipsum Deum, loco affectuum adorationis, gratitudinis, & amoris.

Propositio 42.

Sola gratia Christi reddit hominem aptum ad sacrificandum fidei; sine hoc nihil; nisi impuritas, nihil nisi indignitas.

Reflexio. Ita pergit crocitare hic corvus, ad exterminandos omnes actus moraliter honestos, ad convertendam justitiam, pietatem erga parentes, officia & virtutes, secundum jus naturae ex lumine rationis profectas, in mera peccata, praesumptiones, vanitates, impuritates, indignitates: ad negandam gratiam sufficientem, evertendam libertatem, & omnia reducenda ad absolutam necessitatem, aut impossibilitatem. Te ipsum compello, Quesnelle? an habes gratiam efficacem Christi, quam solam agnoscis, vel non habes? si habes, actum est de tua libertate, quia absolute necessitatis, non potes resistere, nihil mereris: si autem non habes, te ipso iudice, nihil es, nisi impuritas, indignitas, vanitas, malitia, nihil habes luminis, nisi ad aberrandum, nihil ardoris, nisi ad praecipitandum, nihil virtutum, nisi ad te vulnerandum, capax es omnis mali, & incapax ad omne bonum: haec tua in te est sententia: credamne? hoc credo & scio, quod gratiam habeas sufficientem ad emendandam vitam tuam: te vero gratiae pervicaciter resistere, & contra verbum Dei, contra sententiam Ecclesiae, contra Conciliorum decreta, contra Patrum doctrinam, contra Pontificum definitiones, contra Theologorum unanimum consensum, temerarios, male sonantes, piarum aurium offensivos, scandalosos, & haereticos errores obtrudere non verearis.

Propositio 43.

Primus effectus gratiae baptismalis est facere, ut moriamur peccato, adeo, ut spiritus, cor, sensus, non habeant plus vita pro peccato, quam homo mortuus habeat pro rebus mundi.

Reflexio. Si ita est, homo baptizatus non potest amplius peccare: sicut homo mortuus non potest amplius se miscere rebus mundi. Secundum sanam Theologiam, & doctrinam Ecclesiae, in verbo

verbo Dei fundatum, baptismum comitatur triplex effectus. 1 Si non ponatur obex, confertur gratia sanctificans, cum habitibus virtutum. 2 Remittuntur peccata omnia, quoad culpam & pœnam. 3 Imprimatur character indelebilis, signum hominis Christiani, quo simul tribuitur jus ad reliqua sacramenta suscipienda. At quantum illum effectum Quesiellianum, quo homo ita moriatur peccato, ut non amplius possit peccare, sicut homo mortuus, in nullo Theologo legi. Mirum profecto, homines istos eo devenire impudentia, ut audeant didactice asserere, quæ sunt contra manifestam omnium experientiam, quæ demonstrat, homines, etiam baptizatos, quotidie peccare. Aliud sane S. Joannes 1, 8 nobis proponit: *Si dixerimus, quoniam peccatum non habemus, ipsi nos seducimus, & veritas in nobis non est.* Et quomodo hæc propositio concordat cum prioribus, quibus dicitur, quod homo sine gratia efficaci ad nihil sit aptus, nisi ad peccandum. An omnes baptizati semper habent gratias efficaces? O! utinam!

Propositio 44.

Non sunt nisi duo amores, unde volitiones & actiones nostræ omnes nascuntur: amor Dei, qui agit omnia propter Deum, quemque Deus remuneratur, & amor quo nos ipsos, ac mundum diligimus, qui, quod ad Deum referendum est, non refert, & propter hoc ipsum fit malus.

Reflexio. Amor Dei perfectus, quo Deus amatur propter Deum, principalis quidem est virtus, quam Deus præcipue remuneratur; sed sunt præterea multæ aliæ virtutes, ut fides, spes, justitia, temperantia, prudentia, fortitudo, aliæque virtutes, quæ Deo sunt gratæ, atque ab eo remunerantur, & amari debent. Ergo non tantum dantur duo amores, quo amatur Deus propter Deum, & quo amatur mundus, sed multi alii, Deo grati ac meritorii. Deinde præceptum Domini habemus, ut diligamus proximum & etiam nos ipsos: *diliges proximum tuum sicut te ipsum: salutis amorem æternæ, & fruendi cælesti beatitudine desiderium, quatenus etiam nobis bona est, atque spes & amor concupiscentiæ appellatur, an malum dicemus?*

Propositio 45.

Amor Dei in corde peccatorum non amplius regnante, necesse est, ut in eo regnes carnalis cupiditas, omnesque ejus actiones corrumpat.

Reflexio. Jam dixi, præter Charitatem, dari etiam multas alias virtutes inferiores, quæ non sunt carnalis cupiditas, nec actiones nostras corrumpunt, sed illas meritorias reddunt. Certe non tantum charitatem; sed alias etiam virtutes ex præcepto Domini tenemur exercere.

Propositio 46.

Cupiditas aut charitas usum sensuum bonum, vel malum facit.

Reflexio. Ita est, sed non solæ istæ; nam etiam aliæ virtutes sensum bonum faciunt. Hæ excludi non debent. Temperantia, mortificatio, sensuum rigida custodia, an non faciunt sensum bonum?

Propositio 47.

Obedientia legis profluere debet ex fonte, & hic fons est charitas. Quando Dei amor est principium illius exterius, & gloria Dei ejus finis, tunc purum est, quod apparet exterius, alioquin non est, nisi hypocrisis & falsa justitia.

Reflexio. Excludit rursus omnes virtutes, a charitate distinctas; ac si hæ essent hypocrisis & falsa justitia; quod jam ante in propositione 16 Baji fuit damnatum, dum dixit: non est vera legis obedientia, quæ fit sine charitate. Si quis legem Dei servet ex timore Dei vindicis, aut ex amore æternæ mercedis, an est hypocrisis & falsa justitia? aliud definit Tridentinum Sess. 6 can. 31. ibi: Si quis dixerit, justificationem peccare, dum intuitu æternæ mercedis bene operatur, anathema sit.

Propositio 48.

Quid aliud esse possumus, nisi tenebræ, nisi aberratio, & nisi peccatum, sine fidei lumine, sine Christo, & sine charitate?

Reflexio. Ex hac propositione sequitur, quod omnes Infidelium actiones, quamvis naturaliter honestæ, & secundum lumen rationis & naturæ exercitæ, nihil sint, nisi peccata.

Propositio 49.

Ut nullum peccatum est sine amore nostri, ita nullum est opus bonum sine amore Dei.

Reflexio. Intelligit semper amorem Dei perfectum, seu quo amatur Deus propter Deum, prout expressit propos. 44. Igitur neque

que fides, neque spes, neque aliæ virtutes, etiam supernaturales, erunt bonæ, quas tamen S. Scriptura toties nobis commendat, & præcipit. Neque dici potest, omnes virtutes esse amorem Dei perfectum, cum quælibet suum objectum formale, seu motivum, per quod specificantur, distinctum habeat; & alias omnes virtutes peccatorem, etiam extra sacramentum pœnitentiæ, justificarent, sicut amor Dei perfectus.

Propositio 50.

Frustra clamamus ad Deum, Pater mi, si spiritus charitatis non est ille, qui clamat.

Reflexio. Per fidem, spem, aliasque virtutes, uti etiam per orationem Dominicam, non frustra clamamus, dum præcipiente Domino oramus: adveniat regnum tuum: dimitte nobis debita nostra: & ne nos inducas in tentationem, sed libera nos a malo; licet hæ preces respiciant amorem nostri.

Propositio 51.

Fides justificat, quando operatur, sed ipsa non operatur, nisi per charitatem.

Reflexio. Fides præcedit charitatem, quia est radix & origo omnis justificationis; & in peccatoribus, imo & iustis, non semper operatur per charitatem: potest enim etiam peccator fidem supernaturalem elicere (recitando e.g. symbolum Apostolorum) cum habitu fidei, in baptismo accepto, & gratiis etiam actualibus non careat, quin tamen hæc fides semper operetur per charitatem.

Propositio 52.

Omnia alia salutis media continentur in fide, tanquam in suo germine & semine, sed hæc fides non est absque amore & fiducia.

Reflexio. Gratia, quæ dantur ad eliciendam ipsam fidem, sunt salutis media, & tamen non continentur in fide, quam præcedunt: unde fides non est semen harum gratiarum, sed hæc gratiæ sunt semen fidei. Deinde hæc gratiæ etiam dantur Infidelibus, qui non habent fidem, quomodo ergo possunt contineri in fide? Qui graviter peccant, amittunt charitatem, non tamen amittunt fidem (nisi contra ipsam fidem peccent) ergo tunc fides est absque amore. Item, qui de salute desperat, potest retinere fidem. Ergo tunc fides

fides potest esse absque fiducia. Hinc Alexander VIII damnavit hanc propositionem, ordine 12: *Quando in magnis peccatoribus deficit omnis amor, deficit etiam fides, & etiam si videantur credere, non est fides Divina, sed humana.*

Propositio 53.

Sola charitas Christiano modo facit (actiones Christianas) per relationem ad Deum & Christum.

Reflexio. Ergo fides, spes, & virtutes morales non faciunt Christiano modo, non sunt actiones Christianae, imo virtutes sunt vitia. Sine fide impossibile est placere Deo, ait sacer codex: spe salvi facti sumus: timete eum, qui & corpus & animam perdere potest in gehennam: initium sapientiae timor Domini: diligite iustitiam: beati mites, beati mundo corde: beati misericordes; bonum est ieiunium cum elemosyna. Sed haec omnia non faciunt Christiano modo, non sunt virtutes Christianae. Quis non videt, insana haec eo tendere dogmata, ut virtutes Deo probatae, commendatae, praeceptae, penitus ex albo virtutum deleantur?

Propositio 54.

Sola charitas est, quae Deo loquitur, eam solam Deus exaudit.

Reflexio. Quid evidentius, quam, quod omnes alias virtutes, Theologicas & morales, extritum eat, contra manifesta verbi Divini oracula? Credidit Abraham, & reputatum est ei ad iustitiam. Rom. 4. Adjuvit eos Dominus & liberavit eos, quia speraverunt in Domino. Psal 36. In te Domine speravi, non confundar in aeternum, ait Propheta: in te speravi, salvum me fac: propter misericordiam inopum, & gemitum pauperum, nunc exurgam, dicit Dominus. Oratio est actus Religionis, an Deus illam nunquam exaudit? petite, & accipietis, inquit. Quot aliis virtutibus mercedem aeternam promittit?

Propositio 55.

Deus non coronat, nisi charitatem, qui currit ex alio impulsu, & ex alio motivo, in vanum currit.

Reflexio. Antiquam lyrat lyram hic virtutum hostis. Quantam Deus vel solis operibus misericordiae, spiritualibus & corporalibus mercedem promittit? vel potum aquae sitienti praebens non carebit mercede sua: quantam patientiae, & tolerantiae tribulationum?

Par. X.

k k

num?

num? Quod in presenti est momentaneum, & leve tribulationis nostræ, supra modum in sublimitate æternæ gloriæ pondus operatur in nobis, inquit Apostolus 2 Cor. 4. Omnes videlicet virtutes, excitante & adjuvante gratia Divina, ex proprio etiam cujuslibet motivo elicita, augent in iustis gratiam sanctificantem, quæ est semen gloriæ, peccatores vero ad poenitentiam & justificationem disponunt. Falsissimum proin, scandalosum, & hæreticum est dicere, quod in vanum currat, qui ex impulsu & motivo harum virtutum operatur.

Propositio 56.

Deus non remuneratur, nisi charitatem; quia charitas sola Deum honorat.

Reflexio. Vos piæ ac devotæ in terris animæ! nolite deinceps exercere actus virtutum, actus fidei, spei, adorationis, iustitiæ, misericordiæ, mansuetudinis, patientiæ; procul vota religiosa, paupertatis, castitatis, & obedienciæ; cessate ab oratione, ab operibus misericordiæ, ab operibus poenitentiae; nolite credere octo beatitudines, promissas a Christo, pauperibus spiritu, mitibus, humilibus, mundis corde, misericordibus, pacificis, iustis persecutionem patientibus. In vanum curritis, Deus his virtutibus, his vestris operibus non honoratur; ista non remuneratur.

Deum immortalem! cujus hæc loquela, impia, blasphema, hæretica, ad quam omnes piæ aures cohorrescant? Quesnelli est. Mirum sane, hominem tam effrontem, insanum, impudentem, impium invenire sectatores ac defensores; sed stultorum plena sunt omnia.

Propositio 57.

Totum deest peccatori, quando ei deest spes; & non est spes in Deo, ubi non est amor Dei.

Reflexio. Paulo ante spes nihil valuit; jam totum deest, quando deest. Sed vide! spem præcedit fides, & fidem gratia Dei ad fidem. Quomodo ergo totum deest peccatori, cum deest spes? Deinde amor benevolentiae, quo Deus amatur pure propter Deum, non involvit spem. Ergo, si quis elicit actum amoris benevolentiae, abstrahendo a spe, non totum deest, quando deest spes, cum habeat charitatem perfectam. *Et non est spes in Deo, ubi non est amor Dei.* Atqui spes & amor sunt separabiles. Spes manet in peccatore, non autem amor: in comprehensore non manet spes, manet autem amor Dei.

Pro-

Propositio 58.

Nec Deus est, neque religio, ubi non est caritas.

Reflexio. Ergo peccator non est Christianus, quia non habet charitatem. Audi Tridentinum sess. 6 can. 28: Si quis dixerit, amissa per peccatum gratia, simul & fidem semper amitti, aut fidem, quæ remanet, non esse veram fidem, licet non sit viva, aut eum, qui fidem sine caritate habet, non esse Christianum, anathema sit. Atqui ubi non est religio, non est fides. Ergo si in peccatore non est religio, neque est fides. Consequenter Quesnellus hoc anathema incurrit. Deinde fides, spes, adoratio, aliæque virtutes Christianæ sunt actus Religionis Christianæ; hi autem elici possunt etiam a peccatore absque caritate.

Propositio 59.

Oratio impiorum est novum peccatum; & quod Deus illis concedit, est novum in eos iudicium.

Reflexio. Possetne aliquid dici impium magis, & execrabilius? quid ergo faciat miser peccator? Oratio est ipsi novum peccatum. An novum peccatum est, si oret, cum dolore de commissis, & fiducia in Deum, dimitte nobis debita nostra? An Publicanus novum peccatum commisit, dum oravit: Deus propitius esto mihi peccatori? An Satro in cruce, dum oravit: Domine memento mei dum veneris in regnum tuum? Verum est, peccator, quamdiu privatus est gratia sanctificante, mereri per orationem nihil potest ad salutem æternam conducens, impetrare tamen potest a misericordissimo Deo gratias actuales, quibus ad salutem pœnitentiam se disponat. An, etiam hæc gratiæ Divinæ sunt novum in eos iudicium?

Propositio 60.

*g. Propositio-
nes de timo-*

*Si solus supplicii timor animat pœnitentiam, quo magis est hæc violentia, re-
eo magis ducit ad desperationem.*

Reflexio. Contrarium docet S. Scriptura, dum ait, timorem Domini initium esse sapientiæ, item, dum jubet, ut timeamus eum, qui corpus & animam potest perdere in gehennam. An timor, qui animabat pœnitentiam Ninivitarum, eos duxit ad desperationem? & cum veteris testamenti homines juxta Quesnellum omnes fuerint in ancipia per timorem (Propos. 55.) an omnes desperarunt? Contrarium pariter docet Tridentinum, quod sess. 6 can. 8 ait: Si quis dixerit, gehenna metum, per quem ad misericordiam Dei ad peccato dolendo

confugimus, vel a peccando abstinemus, peccatum esse, aut peccatores peiores facere, anathema sit.

Sess. 14 c. 4 addit: illam vero contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ & pœnarum metu communiter concipitur, si voluntatem peccati excludat, cum spe veniæ, declarat, non solum non facere hominem hypocritam, & magis peccatorem, verum etiam donum Dei esse, & Spiritus S. impulsum.

Propositio 61.

Timor non nisi manum cohibet; cor autem tamdiu peccato addicitur, quamdiu ab amore justitiæ non ducitur.

Reflexio. Timor æternæ damnationis non tantum manum cohibet, sed etiam cor, cum sciat, ad evitandam gehennam etiam voluntatem peccandi excludi debere.

Propositio 62.

Qui a malo non abstinet, nisi timore pœnæ, committit illud in corde suo, & jam est reus in corde suo.

Reflexio. Qui timore gehennæ abstinet a peccato, potest animum peccandi absolute deponere, seu habere propositum firmum & absolutum non peccandi de cætero, cum sciat tale sincerum & serium propositum esse absolute necessarium ad evadendam gehennam; adeoque non committit illud in corde suo; nec reus amplius est in corde suo. Nam, qui timet Dominum, odit malum. Proverb. 8. conditionem autem illam, si infernus non esset, scit esse hypothesein impossibilem; unde propositum non est conditionatum, sed absolutum; sicut qui detestatur peccatum ex motivo spei, non habet animum peccandi, si cælum non esset.

Propositio 63.

Baptizatus adhuc est sub lege, sicut Judæus, si legem non adimpleat, aut adimpleat ex solo timore.

Reflexio. Exoticum dogma! an ergo homo baptizatus, si a peccato abstinet ex motivo timoris, sit Judæus? an non amplius manet Christianus? Si adhuc est sub lege, tenetur observare leges Mosaicæ, etiam ceremoniales. Quis sanæ mentis unquam tam stulte deliravit?

Propositio 64.

Sub maledicto legis nunquam fit bonum; quia peccatur, sive faciendo malum, sive illud non nisi ob timorem evitando.

Reflexio. Jam dixi, baptizatos, etiam si peccent, non esse subiectos legi Mosaicæ. Quod autem homo peccet, peccatum ex timore pœnæ evitando, ex terminis absurdum, & jam refutatum est.

Propositio 65.

Moses, Propheta, Sacerdotes, & Doctores legis mortui sunt, absque eo, quod ullum Deo dederint filium, cum non fecerint, nisi mancipia per timorem.

Reflexio. Non paucos fuisse in lege veteri sanctos homines, non mancipia, sed filios Dei, per charitatem Deo conjunctos, S. Scriptura testatur; uti Abraham, Isaac, Jacob, Joseph, Moïsen, Samuel, David, Ezechiam, Josiam, Eliam, Elisæum, Isaiam, Jeremiam, Ezechiel, Daniel, Mathathiam, Eleazarum, 7 fratres Machabæos; cum eorum matre, Zachariam, & Elisabeth, eorumque filium Joannem Baptistam, Simeonem & Anniam Prophetissam, Josephum, B. V. M. sponsum, pluresque alios Patriarchas & Prophetas. Deinde si isti nihil aliud fuerunt, ac mancipia per timorem, profecto per timorem facti sunt sancti; sed injuriam sanctis istis hominibus facit Quesnellus, qui non tantum per timorem, sed per fidem, spem, charitatem, aliasque virtutes fuerunt Deo conjuncti.

Propositio 66.

Qui vult Deo appropinquare, nec debet ad eum venire cum brutalibus passionibus, neque adduci per instinctum naturalem, aut per timorem, sicut bestia, sed per fidem & amorem, sicuti filii.

Reflexio. Comparat hic homo inficetus timorem salutarem cum brutalibus & bestialibus passionibus, supponitque, quod operans ex timore pœnæ æternæ, operetur ex instinctu mere naturali, non autem per aliam virtutem possit appropinquare Deo, nisi per fidem & amorem. Omnia tria membra sunt falsa. Timor Domini non est bestialis passio: non est dependens ab instinctu mere naturali, sed sæpe secundum Trid. ex instinctu Spiritus Sancti. Præter fidem & amorem sunt etiam aliæ virtutes, per quas appropinquamus Deo.

Aliud longe loquuntur de timore Divina oracula: *sapiens timet, & declinat a malo.* PROV. 14. *qui timet Dominum, faciet bona.*

Propositio 67.

Timor servilis non repræsentat sibi Deum, nisi ut Dominum durum, imperiosum, injustum, intractabilem.

Reflexio. Timor, etiam servilis, non repræsentat sibi talem Deum, sed ut justum scelerum vindicem, qui infligat pœnam, quam merentur scelerati, & hoc salubri terrore perculsi, sæpe ad viam salutis redeunt, adjuvante Divina gratia, aguntque pœnitentiam, & fructus ferunt dignos pœnitentiæ.

Propositio 68.

De iustifica-
tione.

Dei bonitas abbreviavit viam salutis, claudendo totum in fide & precibus.

Reflexio. Pro heum & Vertumnum videmus: qui prius per multas propositiones omnia tribuit charitati, nunc autem omnia fidei & precibus; ad exemplum Lutheri & Calvini, totum salutis negotium sola fide desinientium: quasi vero nullæ aliæ essent virtutes, nulla charitas, Regina virtutum, nulla pœnitentia, nulla iustitia, nulla sacramenta, jejunia, sui ipsius abnegatio. Arcem alias Jansenistæ faciunt salutis viam, sed hic nimium quantum eam dilatant, Quietismum velut aliquem inducentes. Aliud dicit Christus: *non omnis, qui dicit mihi; Domine! Domine! intrabit in regnum celorum.* Oportet unam virtutem ita extollere, ut reliquæ non deprimantur, vel omnino supprimantur.

Propositio 69.

Fides, usus, augmentum, & præmium fidei, totum est donum liberalitatis Dei.

Reflexio. Si hoc totum est, nihil aliud est liberalitatis Dei, non aliæ virtutes supernaturales, non ipsa vocatio ad fidem, non gratia excitans, ad fidem prærequisita. Deinde hic excluduntur nostra bona opera ac merita. Verum quidem est, primam gratiam non cadere sub meritum; si tamen primæ gratiæ cooperemur, fides nostra est meritoria novæ gratiæ atque augmenti fidei, & præmii fidei. Sunt tamen etiam opera nostra salutaria & merita, Dei gratia ac dona liberalitatis Divinæ, quia descendunt ex prima gratia, prorsus gratuito concessa. Ex hoc tamen non sequitur, quod non etiam opera nostra bona sint merita nostra, quibus Deus toties mercedem æternam promittit. *Non ego, sed gratia Dei mecum,* ait Apostolus. Gratia Dei

Dei est causa prima ac principalis actus salutaris, meriti, ac præmil, nos vero dum libere actus salutares elicimus, causa secundaria, præventa & adjuncta per gratiam: hinc illa vox: Gratia operatur totum, sed non totaliter, quia etiam voluntas nostra excitata & adjuncta per gratiam cooperatur gratiæ. Unde Tridentinum sess. 6 can. 31: Si quis dixerit, inquit, hominis justificati bona opera ita esse dona Dei, ut non sint etiam bona ipsius justificati merita, aut ipsum justificatum bonis operibus . . . non vere mereri augmentum gratiæ, vitam æternam . . . anathema sit.

Propositio 70.

Nunquam Deus affligit innocentes; & afflictiones semper serviunt vel ad puniendum peccatum, vel ad purificandum peccatorem.

Reflexio. Infantes Innocentes utique fuerunt innocentes, & tamen martyrium passi sunt. B. V. Maria fuit sine peccato, originali & actuali, & tamen quantas afflictiones tulit, dum ipsius animam pertransiit gladius. Jobi, & Josephi afflictiones non tribuuntur eorum peccatis. Sæpe Deus piis hominibus afflictiones immittit, ut eorum virtus probetur, & coronetur. Quia acceptus eras DEO necesse fuit, ut tentatio probaret te, inquit Angelus ad Tobiam. An omnes sancti Martyres propter peccata sua tantas persecutiones & afflictiones passi sunt? De cæco a nativitate interrogabant Apostoli, quis peccaverit, ut cæcus nasceretur. Respondit Christus: neque hic peccavit, nec parentes ejus, sed ut manifestentur opera Dei in illa. Deus varios habet fines, cur etiam servos suos afflictionibus visitet.

Persecutionem & afflictionem te passum esse & socios tuos, inquit Quesnelle; an fateris, propter peccata tua tibi immisissas? certe.

Propositio 71.

Homo ad sui conservationem potest sese dispensare ab ea lege, quam Deus condidit propter ejus utilitatem.

Reflexio. Scandalosum assertum! Eo usque nullus unquam Casuistarum, quamvis laxissimus, progressus est. Deus omnes leges condidit propter hominum utilitatem; nam omnis lex ex essentia sua tendit in bonum subditorum. Ergo homo ad sui conservationem potest se ab omni lege, quam Deus condidit, naturali & divina, dispensare. Bella enim vero doctrina! alias apud omnes Jureconsultos scitum est certissimum, quod dispensatio sit actus Jurisdictionis Superioris in subditum. Sed juxta Quesnellum quilibet privatus potest dispensare,

fare, & quidem etiam in lege naturali & Divina, in qua etiam publica humana potestas dispensare non potest. Quomodo velata Janfenistarum austeritas ita larvam ponere, & seipsum prodere potuit?

Propositio 72.

7 Proposi-
tionis de
Ecclesia.

Nota Ecclesia Christiana est, quod sit Catholica, comprehendens & omnes Angelos cali, & omnes electos, & iustos terra, & omnium seculorum.

Reflexio. Hoc est, Wicleffi, Hussi, Lutheri & Calvinii exemplo Ecclesiam facere invisibilem; quis enim scit, quinam sint iusti, quinam electi? Et hoc est insigne artificium horum hominum, sibi fingere Ecclesiam invisibilem, a qua propter hareses suas nunquam judicari possint. An peccatores, quorum multi sunt firmi in fide Catholica, non pertinent ad Ecclesiam Catholicam? & quodnam esset caput Ecclesiae hujus invisibilis? an vero est acephala & anarchica? Ecclesia Catholica Christi ordinatione pro visibili suo capite veneratur Romanum Pontificem, S. Petri in cathedra successorem, & Christi in terris Vicarium. Cur iste siletur? nempe homines isti exleges esse volunt, & tamen Catholico nomine sibi blandiri; hinc comminiscuntur Ecclesiam, quam nemo scire, nemo invenire possit, contra Divinae Scripturae oracula, contra omnem sacram auctoritatem.

Propositio 73.

Quid est Ecclesia, nisi cætus filiorum Dei, manentium in ejus sima, adoptatorum in Christo subsistentium in ejus persona, redemptorum ejus sanguine, viventium ejus Spiritu, agentium per ejus gratiam, & expectantium futuri sæculi.

Reflexio. Pulchra verba! sed sensu vacua, & infucato poculo propinquantia venenum, dum iterum Ecclesiae visibilitatem adimit, & eos, qui post baptismum peccant, ab ea excludit, ac si non amplius essent Christiani; cum tamen Christus compareret Ecclesiam agro, in quo critico mixta sunt z zania: fagenæ, missæ in mari, & ex omni genere piscium congreganti: decem virginibus, inter quas quinque sunt fatuæ.

Propositio 74.

Ecclesia, sive integer Christus, incarnatum verbum habet ut caput, omnes vero sanctos ut membra.

Pro.

Propositio 75.

Ecclesia est unus solus homo, compositus ex pluribus membris, quorum Christus est caput, vita, subsistentia, & persona; unus solus Christus, compositus ex pluribus sanctis, quorum est sanctificator.

Reflexio. Exoticis his locutionibus, rursus Ecclesiam invisibilem asserit, quæ tamen est civitas supra montem posita, ut ab omnibus conspici possit: comparatur luci, quæ non absconditur sub modio, sed supra candelabrum ponitur, ut luceat omnibus, qui in domo sunt. Excluduntur ab Ecclesia peccatores; cum tamen nemo, qui per baptismum ingressus est Ecclesiam, ex ea egrediatur, nisi per formalem hæresin. Licet autem peccatores pertineant ad Ecclesiam & maneant Christiani, Ecclesia tamen est sancta, tum propter multitudinem sanctorum, tum propter sanctam professionem, tum propter sanctitatem fundatoris & capitis; nam Christus est caput Ecclesiæ invisibile, supremum, independens, & sub eo caput morale visibile, subordinatum, & dependens.

Propositio 76.

Nihil est spatiosius Ecclesia Dei, quia omnes electi & iusti omnium seculorum illam component.

Reflexio. Si peccatores non excluderes ab Ecclesia, esset multo spatiosior. Ergo aliquid est spatiosius tua Ecclesia.

Propositio 77.

Qui non ducit vitam dignam filio Dei, & membro Christi, cessat, interius Deum habere pro patre, & Christum pro capite.

Reflexio. Ergo nullus peccator potest orare, ac dicere: *Pater noster*, qui es in caelis? filius prodigus non potest dicere: *furgam, & ibo ad patrem* - - *Pater mihi peccavi &c.*? ergo Christum peccator non potest habere pro capite, ex quo desuunt in membra gratiarum vivi? quid ergo faciendum peccatori? desperandum.

Propositio 78.

Separatur quis a populo electo, cujus figura fuit populus Judaicus, & caput est Jesus Christus, tam non vivendo secundum Evangelium, quam non credendo Evangelio.

Reflexio. Tam non vivendo secundum Evangelium &c. igitur peccator (& quis non est peccator?) sicut infideles, separatur a corpore Ecclesiæ, Christum non habet caput, Deum non habet Patrem. Ergo, cum corda hominum inspicere non possimus, invisibilis esset Christi Ecclesia: pastor non posset cognoscere suas oves, nec oves pastorem. Nesciretur, quinam sint veri Episcopi, parochi &c. quanta confusio! separantur aliqui ab Ecclesia per potestatem Ecclesiasticam per excommunicationem, aliqui se ipsos separant, & per hæresin egrediuntur ex Ecclesia; sed quod omnes peccatores separantur ab eadem, error est Wicleffi, Hussi, Lutheri, Calvini, Janfenii, Quesnelli: qui, ut Judicia potestatis Ecclesiasticæ eludant, fabricant sibi Ecclesiam incognitam.

Propositio 79.

7 Propositiones de
lectione S.
Scripturæ.

Utile & necessarium est, omni tempore, omni loco, & omni personarum generi, studere & cognoscere spiritum, pietatem & mysteria sacre Scripturæ.

Propositio 80.

Lectio S. Scripturæ est pro omnibus.

Reflexio. Itane? omni tempore? omni loco? omni personarum generi? opifici & mercatori in taberna? Judici in tribunali? rustico in agro? fœminæ ad colum? ita: omni tempore, omni loco, omni personarum generi legenda S. Scriptura, eique studendum. Sed multi non habent S. Scripturam, legant tamen: multi ne quidem sciunt legere: legant: sunt incapaces penetrandi mysteria, sæpe recondita: legant, studeant. At multi vel ex imperitia, vel malitiâ ac protervia, omnium hæresiarcharum exemplo venenum ex salutis fonte hauserunt; legant tamen omnes, omni tempore, omni loco. Quæso! an hoc omni personarum generi est necessarium necessitate medii vel præcepti? ubi hoc præceptum?

Propositio 81.

Obscuritas sancta verbi Divini non est laicis ratio dispensandi se ipsos ab ejus lectione.

Reflexio. Sed quid juvat legere, quod non intelligis? aut quod perperam intelligis? tot insunt locutiones tropologicæ, allegoricæ, metaphoricæ, tamque sublimes sensus, ut doctorum ingenia fatigent, rudium vero capacitatem longissime transcendant. Securius a pasto-

a pastoribus & Doctoribus expositum fideles verbum Dei percipiunt.

Propositio 82.

Dies Dominicus a Christianis debet sanctificari lectionibus pietatis, & super omnia sacrarum scripturarum. Dannosum est, velle Christianum ab hac lectione retrahere.

Reflexio. Aliud est iudicium & adhibita cautela a Concilio Tridentino, experientia edocto. Auditione concionis, piæ exhortationis, catechesis; sacrificio Missæ, confessione & communione, vespers, visitandis agris, piis colloquiis, bene sanctificatur dies Dominicus.

Propositio 83.

Est delusio, sibi persuadere, quod notitia mysteriorum Religionis non debeat communicari faminis lectione sacrarum librorum; non ex faminarum simplicitate, sed ex superba virorum scientia ortus est scripturarum abusus, & nata sunt hæreses.

Reflexio. Hinc, quia ex lectione incauta ortus est frequens Scripturarum abusus, & tot natæ sunt hæreses, Ecclesiæ visum est, eam lectionem aliquot Regulis Indicis temperare, & cautelas præscribere. Quesnellus autem alique Jansenistæ, Lutheri, Zvinglij & Calvini exemplo, pervicaces Ecclesiæ, omnia repagula perfrerunt, & erga devotum fæmineum sexum nimis devoti, in sanctæ sanctorum illum promiscue induxerunt, ut ex re sanctissima, temeritate sua & prævaricatione, errores sibi procudant. Maximillas, Priscillas, Margarithas, & Joannas, Navarræ Reginas legimus. Etiam ex arbore scientiæ boni & mali fructus nobis omnibus fatales sibi decerpserunt primi parentes nostri.

Propositio 84.

Abripere e Christianorum manibus novum Testamentum, seu eis illud clausum tenere, auferendo eis modum, illud intelligendi, est illis Christi os obturare.

Propositio 85.

Interdicere Christianis lectionem S. Scripturæ, præsertim Evangelij, est interdicere usum luminis suis lucis, & facere, ut patiantur speciem quandam excommunicationis.

Reflexio. S. Scripturam legere, Hebraice, Græce, aut Latine scriptam, nemini est interdictum: versiones vero, ab hæreticis factas, sæpe corruptas, legere est prohibitum; alias translationes in linguam vulgarem, Ecclesia cum certis limitationibus permittit. Quod autem interdicit versionem & reflexiones in Evangelium Quesnellianas, non est obturare os Christi, sed Anti-Christi, seductoris, & corruptoris hæretici.

An nullus alius est modus, quo Christus loquitur? an non loquitur per suas gratias, per sanctas suas illuminationes, & inspirationes? an non loquitur per os Ecclesiæ, per Doctores & pastores?

Post Christi in cælum ascensum per plures adhuc annos nullum erat scriptum Evangelium. An tunc os Christi fuit obturatum? an usus luminis filiis lucis tunc fuit interdictus? an patiebantur Christiani speciem quandam excommunicationis? quot anni abierunt, cum nulla Scriptura fuit translata in linguas vernaculas? harum lectionem promiscuam prohibere, non est interdicare usum luminis, sed cavere abusus, quos nimis frequentes experta fuit Ecclesia. Verum de lectione S. Scripturæ plura dixi Part. VIII in Theologia Jansenistica, & proprio libello de verbo Dei contra Præcones Tigurinos.

Propositio 86.

Eripere simplici populo hoc solatium, jungendi vocem suam voci totius Ecclesiæ, est usus contrarius praxi Apostolicæ, & intentioni Dei.

Reflexio. Exigit hic Quesnellus, ut Officia Divina, Missa, Canon Missæ, & ipsa etiam consecrationis verba, in linguam vernaculam translata, a toto populo, etiam mulieribus (quas tamen Apostolus in Ecclesia vult tacere) alta voce recitentur cum sacerdote, contra usum & praxin Apostolicam, totiusque Ecclesiæ. An, cum Christus in ultima cæna verba consecrationis: *Hoc est corpus meum*, protulit, omnes Apostoli eadem verba cum Christo protulerunt? ubi hoc legitur? Apostoli, eorumque successores non nisi lingua Hebraica, Græca, aut Latina Missam celebrabant, etiam apud gentes, quæ linguas illas ignorabant, atque hunc usum perpetuo retinuit Ecclesia. Sed novissimi isti Magistri in Israel novum omnino ritum in Ecclesiam introducere conantur, incurrant licet anathema, quod Concilium Tridentinum Sess. 22 Can. 9 intenuit in eum, qui dixerit, *Ecclesiæ Romane ritum, quo submissa voce pars Canonis, & verba consecrationis proferuntur, damnandum esse, aut lingua tantum vulgari Missam celebrari debere.*

Pro-

Propositio 87.

Modus plenus sapientia, lumine & caritate est, dare animabus tempus portandi cum humilitate, & sentiendi statum peccati, petendi Spiritum poenitentiae & contritionis, & incipiendi ad minus, satisfacere iustitia Dei, antequam reconcilientur. De poenitentia.

Reflexio. Universaliter hic docetur, gravibus peccatoribus negandam a Confessario absolutionem, donec emendatione ipsa sequatur, interim vero in statu peccati relinquantur miseri. Si homo iste propositionem suam retrinxisset ad certos casus, e. g. ad occasionem proximam, in qua peccator hæret, ad consuetudinem graviter peccandi, ad restitutionem famæ, ærisque alieni obstructos, ad pertinax in proximum odium & spiritum vindictæ, aliosque ad gratiam absolutionis recipiendam necdum dispositos, neminem ex sanis Theologis habuisset contrarium. At vero, dum universaliter sine exceptione dicit, omnes peccatores in statu suo misero, cui interim possunt immori, esse relinquendos, profecto nimium dicit. Rigor iste nimius non conducit ad salutem peccatoris, sed ad eum magis indurandum, & desperandum, vel certe ad absolutionem sacramentalem contemnendam, prout his, qui multas confessiones audiunt, experientia demonstrat.

Propositio 88.

Ignoramus, quid sit peccatum, & vera poenitentia, quando volumus statim restituere possessioni bonorum illorum, quibus nos peccatum spoliavit, & detestamur, separationis istius ferre confusionem.

Reflexio. Multi peccatores satis agnoscunt statum miserum suæ animæ, veniuntque ad confessionale, ex remotis sæpe locis, animo vere contrito, & cum proposito serio, non peccandi de cætero. An hos promiscue repellamus sine absolutione? quid hoc aliud est, quam peccatores a Sacramento poenitentiae, alias difficili, Janseniano more avertere, atque fideles gratia justificante privare? egregii hi directores animarum per menses & annos sinunt poenitentes in peccatis suis computrescere. Non ita egit pater in Evangelio, qui filium suum prodigum, poenitentem, illico recepit. Et quid fuit ille pater, nisi figura Patris nostri cælestis, qui cor contritum & humiliatum non despicit? & quid in sensu Quesnelli proderit peccatori, si statum peccati agnoscat, & pectus interea, dum expectat absolutionem, percutiat? vel enim in statu gratiæ hæc faciet,

Ll 3.

&

& non agnoscat magis statum peccati: si autem non sit in statu gratiæ, secundum Quesnellum omnia sunt peccatum & turpitudō, quæcunque agit.

Propositio 89.

Quartus decimus gradus conversionis peccatoris est, quod, cum jam sit reconciliatus, habet jus assistendi sacrificio Missæ.

Reflexio. An ergo omnis peccator est excommunicatus, ut non possit assistere Missæ? novum plane dogma, & hætenus inauditum! commoda sane res peccatori; diebus Dominicis & festis non amplius tenetur assistere sacrificio Missæ. Quis unquam, nisi hæreticus, talia docuit? docet Quesnellus; post reconciliationem primum habet jus assistendi. Næ! peccatores non multum urgebunt, ut a peccatis absolvantur, ut diutius hoc privilegio frui possint.

Propositio 90.

Ecclēsia auctoritatem excommunicandi habet, ut eam exerceat per primos pastores, de consensu, saltem præsumpto, totius corporis.

Reflexio. Evertit hæc thesis Hierarchiam Ecclesiasticam, Primatum & Jurisdictionem in terris supremam Romani Pontificis, potestatem Episcopalem; quia non possunt contumaces cōercere sine consensu totius corporis, id est, omnium laicorum, nobilium & rusticorum: addit, ad tegendam nequitiam, saltem præsumpto, ut ex una parte propositio nequam minus absone incurrat in oculos, ex altera parte, ut eludere possit censuras Romanas, quas nullas esse dicet, quod præsumi non possit consensus Jansenistarum, melioris, ut ipse putat, partis Ecclesiæ, quia aperte dissentient. Nos autem firmiter tenemus, potestatem ligandi & solvendi datam esse Petro, ejusque ex providentia Divina, in cathedra successoribus, & quibus illi contulerint.

Propositio 91.

Excommunicationis injustæ metus nunquam nos debet impedire ab implendo debito nostro, nunquam eximus ab Ecclesia, etiam quando hominum nequitia videmur ab ea expositi, quando Deo Jesu Christo, atque ipsi Ecclesiæ, per charitatem affixi sumus.

Reflexio. Hic Quesnellus Judicem se constituit, an excommunicatio sit injusta. Altioris hæc quaestio est fori. Ad privatum hominem, qualis est Quesnellus, non pertinet judicare de justitia censuræ; alias omnis ligandi potestas Ecclesiastica esset frustranea, quia semper is, qui censura fuit notatus, dicere posset, eam esse injustam. Aliud foret, si aperte & notorie esset injusta, aut manifeste contineret errorem intolerabilem.

Propositio 92.

Potius pati in pace excommunicationem, & anathema injustum, quam prodere veritatem, est imitari S. Paulum: tantum abest, quod sit se erigere contra auctoritatem, aut scindere unitatem.

Reflexio. Nunquam legi aut scivi, S. Paulum fuisse excommunicatum, aut anathema injustum passum esse in pace. Deinde, an adeo res vilis est, excommunicari, privati sacramentorum, sacrificii Divini, & commercii cum fratribus communione, ut contemptu quodam stoico excipi debeat? an non omnibus viribus connitendum excommunicato, ut absolvatur, & fidelium communioni restituatur?

Propositio 93.

Jesus quandoque sanat vulnera, quæ præceptis primorum Pastorum instigat festinatio, sine ipsius mandato; Jesus restituit, quod ipsi inconsiderato zelo rescindunt.

Reflexio. Christus ligandi & solvendi potestatem Ecclesiæ suæ tradidit, una cum potestate clavium; unde non sanat vulnera, per censuram inflicta, præsertim hominis contumacis, & potestati Ecclesiasticæ pervicaciter resistentis; tua inquam Quesnelle, & Sodalium, qui, quemadmodum Lutherus Bullam Leonis X, sic censuras Innocentii X, Alexandri VII, Clementis XI, & Episcoporum Galliarum ridenti sibilu, iisdem infordefcentes, exploditis. Talia profecto vulnera Jesus non sanat, quamdiu frontem obduratis, & medicinam respuitis. Certa nempe animalia lapidem ammordent, quo petuntur.

Propositio 94.

Nihil pejorem de Ecclesia opinionem ingerit ejus inimicis, quam illis dominatum exerceri supra fidem Fidelium, & foveri divisiones propter res, quæ nec fidem laedunt, nec mores.

Re-

Reflexio. Nihil meliorem de Ecclesia debet opinionem ingerere, etiam inimicis ejus, quam si videant, doctrinam fidei & morum conservari integram, & adhiberi cauterium adversus discolos, & abscondi schismaticos ac hæreticos, ne corpus reliquum inficiant. Quis fovet divisiones, nisi qui ab Ecclesiæ doctrina recedunt, & pervicacia sua inflexibili se ipsos ab illa separant? Itane vero? hæreses Jansenianæ & Quesnellianæ nec fidem lædunt, nec mores?

Propositio 95.

Veritates eo devenerunt, ut sint lingua quasi peregrina plerisque Christianis, & modus eas prædicandi est idioma velut incognitum; adeo remotus est a simplicitate Apostolorum, & supra communem captum Fidelium. Neque satis advertitur, quod hic defectus sit unum ex signis maxime sensibilibus senectutis Ecclesiæ, & ira Dei in filios suos.

Reflexio. An Donatum aliquem hic audimus, Ecclesiam Christi, supra petram fundatam, columnam & firmamentum veritatis, contra quam portæ inferi non prævalebunt, cum qua Christus manet omnibus diebus, usque ad consummationem sæculi, quam Spiritus S. docet omnem veritatem, defectionis accusantem? corrui petra; cecidit columna, eversum est firmamentum veritatis, Christus & Spiritus eam deseruerunt, prævaluerunt portæ inferi, evacuatae sunt promissiones Evangelicæ. Hæc lingua omnium hæreticorum satis nota est, qui, ut apostasiæ suæ fucum illinant, Ecclesiæ, quam in doctrina est sine ruga, sine macula, senectutis arguunt.

Ita est, Ecclesia nostra est senex, jam ante 1700 annos a Christo fundata, semper tamen eadem, eodem vigore florens; vestra autem est valde juvenula, nuper primum abortiva sæcunditate in mundum extrusa.

Propositio 96.

Deus permittit, ut omnes potestates sint contraria prædicatoribus veritatibus, ut ejus victoria attribui non possit, nisi Divinæ gratiæ.

Reflexio: Per prædicatores veritatis intelligit Jansenistas & Quesnellistas, quibus se opponebant Potestates Ecclesiasticæ & Politicæ ex publico, quod gerebant officio. Quales autem heterodoxi illi fuerint prædicatores veritatis, prolixè ostendit P. Jacobus Fontaine Professor Theologiæ Lovanii, in amplissimo & eruditissimo suo opere de *Constitutione Unigenitus Theologice propugnata*, Tomo præsertim quarto, in quo charactere proprio homines istos signat.

Pro-

Propositio 97.

*Nimis saepe contingit, membra illa, quæ magis sanctæ, ac magis stri-
cte unita sunt Ecclesiæ, respici atque tractari tanquam indigna, ut sint in Ec-
clesia, vel tanquam ab ea separata; sed iustus ex fide vivit, & non ex opi-
nionem hominum.*

Reflexio. Quid hoc aliud est, quam jugum omne abjicere, se
ipsum judicem constituere, & adversus omnes Ecclesiæ correctio-
nes & pœnas medicinales, contumaciam ostentare? Cum hac obsti-
nati animi tui pervicacia quomodo potes ex fide vivere, quæ jubet
obedire & subiacere præpositis, eos audire, tanquam Christum au-
dient, & omnia, quæ dixerint, facere? Consolatur hic suos con-
sodales & contribules, ut legitimos suos superiores bona conscien-
tia spernant, omnemque obedientiam denegent.

Propositio 98.

*Status persecutionis & pœnarum, quas quis tolerat, tanquam hæreticus,
flagitiosus & impius, ultima plerumque probatio est, & maxime meritoria,
supote quæ facit hominem magis conformem Jesu Christo.*

Reflexio. Hoc dicunt omnes hæretici, ab Ecclesiâ proscripti.
Persecutiones appellat iustas pœnas, quas potestas Ecclesiastica inflig-
git contumacibus hæreticis, & potestas Politica exequitur. Se ip-
sum & socios suos, Christi Vicario perduelles, comparat Christo, qui
Præpositis obedire jubet. Judicem rursus homo privatus se ipsum
constituit. Omnium hæreticorum hic est character.

Propositio 99.

*Pervicacia, præventio, obstinatio in nolendo aliquid examinare, aut
agnoscere, se fuisse deceptum, mutant quotidie quoad multos in odorem mor-
tis id, quod Deus in Ecclesiâ sua posuit, ut esset in ea odor vitæ, v.g. bonos
libros, instructiones, sancta exempla &c.*

Reflexio. Pervicacia, præventio, & obstinatio ad Quesnellum
& Symmistas pertinet, non ad summos Pontifices & corpus majo-
rum Pastorum, a quibus propter errores & hæreses fuerunt puniti.
Quesnellus est, qui non vult agnoscere (aut potius fateri) se
fuisse deceptum, & alios decepisse. *Bonos libros:* nempe Reflexio-
nes Quesnelli in novum Testamentum, hoc est, pestilentum paro-
tum, lue, scabie, sanie, toxico scatentem: *Instructiones, pestiferas*
in animarum ruinam: sancta exempla: O sanctum genus hominum!

Pars X.

M m

totum

totum ad simulandum, & decipiendum compositum. Sub vestimentis ovium contegere se fatagunt: intus autem &c. imo non tantum intus.

Propositio 100.

Tempus deplorabile! quo creditur honorari Deus, persequendo veritatem, ejusque discipulos. Tempus hoc advenit - - haberi & tractari a Religionis Ministris tanquam impium & indignum omni commercio cum Deo, tanquam membrum putridum, capax corrumpendi omnia in Societate Sanctorum, est hominibus piis morte corporis mors terribilior. Frustra sibi quis blanditur de intentionum suarum puritate, & zelo quodam Religionis, persequendo flamma ferroque viros probos, si propria passione est excæcatus, aut abreptus aliena, propterea, quod nihil vult examinare; frequenter credimus, nos sacrificare Deo tanquam impium, & sacrificamus diabolo Dei servum.

Reflexio. Crocodilum audimus, gementem, ut devoret incautos; & antiquos suos questus contra Potestates Ecclesiasticas & seculares, hæreses eliminare, & lupos ab ovili Domini repellere conantes, ingeminantem. Hæccine est reverentia, quam mens pia, quæ non modo Christiano, sed & Catholico nomine vult gloriari, summo sacrorum Antistiti, Episcoporum Ordini, & Regibus, Dei ministris debet? servum Dei immolant diabolo, inquit. At sinamus ranam, ex palude Batavica, in qua se abscondit, coaxare.

Propositio 101.

Nihil Spiritus Dei & doctrina Jesu Christi magis opponitur, quam communia facere in Ecclesia juramenta; quia hoc est multiplicare occasiones pejerandi, laqueos tendere infirmis, & idiotis, & efficere, ut nomen & veritas Dei aliquando deferviant consilio impiorum.

Reflexio. Hoc apophthegmate Quesnellus rursus bilem evomit in Romanos Pontifices & Episcopos Galliæ, qui Formulæ notificatio subscribi cum juramento jusserant. Consilium impiorum appellat homo reverens. Quod plures Jansenistæ juraverint, & jurando pejeraverint, credo facile. Hauserunt hoc ex disciplina suorum Magistrorum. Æquivocationum alias hostes infensissimi, ut apparere volunt, hic largi fuerunt, approbantes juramenta fidei, licet animus dissentiret. Sed hæc perjuria tam parum obsunt Formulæ, quam præceptis Decalogi peccata hominum.

Art. V.

Innocentius XIII Pontifex. Dulcignotorum rapina. Lis de Florentia & Parma. Invesitura Neapol. Archiep. Vienneſis. Obitus Coſmi III. Succedit Gaſtoſilius.

Altero poſt mortem Clem. XI menſe electus eſt Michael Angelus Conti, qui *Innocentii XIII* nomen aſſumpſit. Spinolam dixit 9a. Innoc. XIII. Secretarium Status, Oriſhium Præſidem Congregationis Concilii, Ruſſum Legatum Bononiæ, Paolucium Vicarium Generalem, Corradinum Datarie Præfectum. Decanus vero Collegii Cardinalium fuit Tanara. Additi tres novi, Contius, frater Innocentii, Dubois, Archiepiſcopus Cameracenſis, & primus Miniſter Galliæ, atque Alexander Albanus, Clementis XI nepos, cujus frater Hannibal jam antea dignitate illa fuerat ornatus. Erant autem hoc tempore 68 Cardinales: & hos inter Alberonius, cui poſt electionem a novo Pontifice interdictum eſt, ne Roma diſcederet, donec cauſa ejus eſſet finita.

Dulcignoti, Turcicus in Dalmatia populus, rapto vivere aſſuetus, Venetorum Rempublicam, non procul abſuit, quin novo cum Turcis bello committeret; cum enim pyratæ iſti, quod Adriaticum rapinis infeſtum redderent, a Venetis eſſent caſtigati, Turcæ infractionem pacis dicebant. Sed res iterum fuit aliquali ſatisfactione compoſita.

Genueſes ſtatuerunt, ut nullus in ſenatum aſſumatur, qui 35 ætatis annum necdum compleſſet, & in aliis etiam Reipublicæ muneribus fuiſſet verſatus. Biennio exacto, novus pro more electus eſt Dux.

Victor Amadeus Rex Sardinie, Dux Sabaudie, Pedemontii, & Montisferrati, quiete tandem provinciis ſuis fruebatur. Ejus gener Dux Carignanſis, idemque ex linea collateralis proximus agnatus, obortis, neſcio quibus, cum ſocero diſſidiis, cum Conjugē in Gallia per aliquot jam annos degit.

Mediolanenſi in Ducatu inquiſitum in fraudatores ærarii publici, ut peculatus crimen eliminetur. Quo pacto camerales proventus ita aucti ſunt, ut Cæſar notabilem contributionum ſummam poſſet ſubditis remittere, gaudio exultante populo.

Hoc tempore in Academiis agitabatur quaſtiō, ſcriptis quoque ventilata, an Heſturgia ſeu Magnæ Ducatus Florentiæ ſit feudum ab imperio dependens: quod Cæſar volebat: an vero ab omni nexu feudali ut liber & independens, prout Coſmus prætendebat. Vi-

sum multis, non aliam esse conditionem Hetruriæ ac Insubriæ, aliarumque provinciarum, quæ ad regnum olim Longobardicum pertinerant. Similis ferme lis vertebatur, an Parma & Placentia sint feuda Pontificia, an vero Imperialia. Biennio post Dux illa a Pontifice per Marchionem Sachettum, præstito fidei sacramento, accepit.

Anno 1722 Alberonius in jus vocatus, in Monasterium velut custodiam missus est ad quinque menses.

Investitura
Neap.

Collatum tandem Cæsari ab Innocentio Pontifice feudum Neapolitanum, quod hætenus Borbonii impediærant, dum jus esset controversum. Observatus ritus antiquus. Oblatus Pontificia Columna, Comite Stabuli, sonipes cum bursa, 7000 scutis, Canone annuo referta. Contigit id pro more 28 Junii, SS. Petri & Pauli Vigilia. Idem Pontifex concessit Imperatori, ut Episcopatus Viennensis in *Archiepiscopatum* erigeretur, Salisburgensi & Passaviensi hætenus obsistentibus.

Archiepisc.
Vienn.

In Sicilia Duci de Monteleone Proregi surrogatus est Marchio Almenara. Copiis præfectus Abumada Hispanus, Messinæ Wallisus. Neapolis vero Prorex fuit Cardinalis Althaus.

Cornaro Duci Venetorum mortuo successit Aloysius Mocenigus, qui generalis Dalmatiæ Provisoris munere fuerat functus.

Zundedaril Itali defuncti in locum Magnus Ordinis Melitenfis Magister electus est Almeida Lusitanus, qui Turcicam classem Melitæ apulsam, evocatis Equitibus, strenue depulit.

Anno 1723 Rex Sardinie *Codicem Juris Victorianum*, suo mandato a Jurisperitis compositum, subditis suis promulgavit.

Cosmus III
obit.

Obiit *Cosmus III* Magnus Dux Florentiæ, 82 ætatis anno, Regiminis 53. Conjugem jam anno 1661 duxit Margaritham Ludovicam, Gastonis Joannis Baptistæ, Ducis Aurelianensis, filiam, Ludovici XIII ex fratre neptem. Ex ea genuit 1. Ferdinandum, Violanthæ Beatricis Bavaræ maritum, qui jam anno 1713 improlis obiit. 2 Mariam Annam, Joanni Wilhelmo, Palatino Electori nuptam, sed thoro sterili. 3 Joannem Gastonem, qui jam anno 1697 duxit Franciscam, Julii, ultimi Ducis Laveburgici filiam natu majorem, Philippi Palatini viduam: quæ thorum pariter sterilem nacta a Gastone discessit, & in Bohemia reliquum ætatis exegit.

Hos tres steriles liberos postquam Margaritha Aurelianensis Cosmo genuit, abiit in Galliam patriam suam, ibique ad 30 annos, a viro suo separata, vixit ad annum usque 1721, quo discessit.

Quanto

Quanto vero tædio aspicere debuerit Cosmus, de sua viventis hæreditate & patrimonio ab exteris disponi, alias dictum fuit. Successit autem ei tunc *Gasto* filius, ultimus Domus Medicæ surculus, *Gasto* successit 52 annos natus, qui, a matre in testamento ab hæreditate exclusus, causam in Gallia fuit lucratus.

Art. VI.

Gesta sub Pontificatu Benedicti XIII. Cosciam creat Cardinalem. Jacobo Stuart nascitur alter filius. Comacinium restitutum. Fleuri fit Cardinalis. Lites cum Sabauda compositæ. Domus Farnesia. Principes Italia Familiae &c.

Anno 1724 obiit Innocentius XIII tertio Pontificatus, ætatis 69. Vacavit sedes duos menses. Tum vero a 53 Cardinalibus, Romanæ præsentibus, electus fuit Cardinalis Vincentius Maria *Orsini*, ex Illustrissimo Prædicatorum Ordine assumptus, qui, ad extinguendam Petri de Luna Antipapæ memoriam, *Benedictus XIII* appellari voluit. 91. Bened. XIII.

Ex nobilissima & antiquissima *Orsina*, Romana Familia, natus, 75 ætatis annos jam impleverat, & 50 Cardinalatus; Manfredoniæ primum, dein Cæsena, Beneventi, in regno Neapolitano, tandem Episcopus, insigni vitæ sanctimonia, supremo Dignitatum apice se dignum reddidit. Quia Cardinalium erat antiquissimus, jam bis eum ordo ad Collegii Decanatum vocaverat, sed quia in Archiepiscopatu suo Beneventano absens erat, post Bullonium Astallo, & Tanaræ is honor obtigit. Et cum hoc anno Tanara obiisset, Decanus sacri Collegii successit Cardinalis de Judice. Paolucius dictus Secretarius Status, seu primus veluti Minister Pontificis. Cardinales creati Altierus, Falconerius, Marefoschius, Petra, Pipia, Dominicanorum Generalis. Pontificis nepotem Ducem Gravina Cæsar S. R. J. Principem creavit.

Edita Venetiis fuit Ferdinandi Ughelli *Italia sacra*, a Nicolao Coletto adeo aucta, ut decem tomos impleret.

Anno 1725 obierunt ex Cardinalibus, 1 de *Judice*, antea pluribus annis potens in Aula Hispanica, tum vero ad partes Cæsareas transiit. Ejus loco Decanus sacri Collegii simulque in annexo Osthensi Episcopatu successit *Paolucius*. Cardin. mortui.

2. Franciscus *Aquaviva* pariter Neapolitanus, qui constanter Philippo V adhæserat, pluribus annis Protector, & ab anno 1716 apud Sedem Apostolicam Orator Hispaniæ. In quo munere ei successit Cardinalis *Bentivolius*.

3. Cardinalis *Saxo-Citicus*, Archiepiscopus Strigoniensis, & Principalis Commissarius in Comitibus Ratisbonensibus.

4. Valemannus.

Costia fit
Card.

Eorum vero loco creati 1. Nicolaus *Coscia*, Beneventanus, qui singulari apud Benedictum XIII pollens gratia, varia deinceps facta fuit expertus. 2. Nicolaus de Judice, defuncti nepos, Principis Cellemarii frater.

Jac. III alter
filius.

Jacobo III Stuardo hoc anno conjux Sobiesky alterum filium genuit, quem ipse Pontifex baptizavit, atque Henricum *Benedictum* nominavit. Mater vero paulo post a conjuge Jacobo in Monasterium secessit; nec persuaderi poterat, ut tunc rediret.

Comacinium
restitutum.

Restituit Cæsar Pontifici *Comacinium*, quod jam anno 1708 Cæsareus miles occupaverat, tanquam esset feudum Imperii. Cum vero per pacem Viennensem Parmæ & Placentiæ Ducatus feuda Imperii essent declarati, Pontifex, celebrato prius Consistorio, est protestatus.

Mortuo Barbarigo Venetorum Patriarchæ successit Grandenicus: Coloredo vero Forojulensi, Viennam ad munus Aulæ Præfetti avvocato, in Gubernatione Mediolanensi Daunius a Præfectura Belgica translatus.

Cardinales 7
mortui.

Anno 1726 ex sacro Cardinalium Collegio obierunt 1. Fabricius Paolucius, Decanus & Secretarius Status. 2. Joannes Baptista Tolomeus S. J. probus ex æquo ac doctus. 3. Julius Piazza, Bruxellensi, Lucernensi, Polonica, Viennensi legatione perfunctus. 4. Laurentius Fieschius, Archiepiscopus Genuensis. 5. Galeacius *Maresbottus* Romanus, 99 annos natus, Protector Oratorum, quod dein Officium ipse Pontifex in se suscepit. 6. Bernardus Scottus Mediolanensis. 7. Joannes Baptista Buffius Viterbiensis, Episcopus Anconitanus.

Novi.

Novi vero creati 1. Hercules *Fleurius*, toti orbi notissimus, Præceptor olim Ludovici XV, ac dein primus Minister. 2. Nicolaus Lercarius, quem Papa Secretarium Status antea renunciaverat; sed cum Regum Oratores sua cum eo negotia nollent communicare, Cardinalem fecit. 3. Laurentius Cozza, Ordinis Minorum Generalis.

Jaco

Jacobum III Hispani in Scotiam ducere conabantur, sed cum Angli Hispaniam invaderent, tota classis re infecta rediit, proprios Penates defensura. - *Lucensis Episcopus* in Archiepiscopatum fuit conversus. Caterum Luccana Respublica quovis bimestri sibi Præsidem eligit, quem *Consalonarium* appellant. Regimen autem est Aristocraticum, sicut Venetiis & Genuæ.

Venetiis obiit Finius, Procurator S. Marci, quod Officium in illa Republica magnæ est dignitatis, adeo quidem, ut Cardinalis Quirinus in vita sua, a se ipso scripta, gloriatur, ex familia sua plures fuisse Procuratores S. Marci.

Anno 1727 Cardinales defuncti sunt Sacripantus, pauperum pater, Protector Scotiæ & Hiberniæ: Joannes Patricius, & Fabronius. Novi vero subrogati, Angelus Maria Quirinus, ex Ordine S. Benedicti, Episcopus Brixienfis, peregrinationibus in Germaniam, & epistolis, ad Protestantibus zelo optimo scriptis, celebris; Sigismundus Comes Kollonitschius, Archiepiscopus Viennensis, S. R. I. Princeps: Cespedes Hispanus, Archiep. Toletanus. Motha Lusitanus: Sinzendorffius Episcopus Jaurinensis.

Hoc anno Sobleskia ad Jacobum III conjugem rediit, cum eodem reconciliata.

Similiter controversiæ, quæ ab aliquot annis Aulam inter Pontificiam & Sabaudicam, ratione Immunitatis, Beneficiorum Ecclesiasticorum, nominationem Cardinalis, Sardinia, ceu feudi Romanæ Ecclesiæ, gliscebant, hoc anno fuerunt transactione compositæ, vacansque diu Ecclesia Taurinensis Archiepiscopum iterum accepit. Sardinia autem per Proregem, qui Sassari debebat, gubernabatur.

Venetorum Respublica jucunda pace florebat, Schulenburgio adhuc armorum Praefecto, qui visitandis muniendisque variis locis hactenus fuerat intentus. Cunigunda Theresia post mortem Electoris Bavarie sui conjugis Venetias rediit, reliquumque ætatis ibidem transegit. Filius vero ejus Clemens Augustus Elector Colonienfis Viterbii ab ipso Papa est consecratus Archiepiscopus. Romæ ad Sobiesklam amittam suam invisit.

Genuenses inter & Regem Sardinia vix non bellum exarserat, quia illi navem Oneglianam, merces vetitas vehementem, interceperant: vis ultro citroque illata. Sed Comes Daunius, Mediolani Gubernator, se nomine Cæsaris interposuit, litemque sopiivit.

Veneti

Bucentaurus.

Veneti novam fabricarunt navem Prætoriam, quam *Bucentaurum* appellant, auro large obductam, atque ad omnem splendorem vario opere exornatam, quæ tamen magnitudine bellicam nullatenus æquat. Prostat cum aliis navigiis & omni apparatu bellico, in magno armentario (*Arsenale* vocant) quod propter amplitudinem iustæ magnitudinis urbem dixeris. Dux quot annis cum Senatoribus & Legatis festo Ascensionis Domini Bucentauro vectus, demisso in mare annulo, Adriaticum sibi despondet, in signum apprehensæ possessionis atque dominii.

Mantuae Theodora, Philippi, Darmstadiani Principis ac Ducatus Mantuani Gubernatoris filia, Augustani Episcopi foror, nubit Antonio Ferdinando Duci Guastallæ, qui tamen lapsò biennio impolis obiit.

92.
Domus Farnesiana.

Decessit quoque Franciscus *Farnesius*, Dux Parmensis, qui duxerat Dorotheam Palatinam, Odoardi fratris sui viduam, Elisabethæ, Hispaniæ reginæ, matrem. Sed nullos ex ea reliquit liberos, Unde in Ducatu successit *Antonius*, Odoardi & Francisci frater natu minimus, ultimus Farnesianæ masculinæ stirpis furculus, qui tamen & ipse quadriennio post exaruit, relicta Henrica Mutinensi, *improli* vidua.

Domus Principes.

Cæterum, præter Pedemontanos, Parmenses, Mantuanos, Mutinenses, Florentinos, multi hoc tempore erant in Italia Duces & Principes, uti 1. *Picus de Mirandola* & Concordia; cujus ditio, quia Gallicas partes fuit secutus, anno 1711 Mutinensi in feudum fuit a Cæsare data. *Urbini* vero Principatus jam ante cum dominio directo Ecclesiæ Romanæ fuit consolidatus.

2. *Grimaldus* Princeps Monocci, Dux Valentinus in Delphinatu.

3. *Cibo* Dux Massæ & Cararæ.

4. *Doria* Dux Melphitanus.

5. *Boncampagnus* Princeps Soranus & Plumbinensis. Hic autem Principatus (*Piombino*) ab Apiana & Ludovisia Domo ad Boncampagnam per matrimonia devolutus, a Cæsare fisco fuit addictus, sed per pacem Viennensem restitutus.

6. *Spinola* Genuensis Dux Sestensis & Sanseverinus.

7. *Aquaviva* Dux Atrienensis in regno Neapolitano.

8. Ex Domo *Colonna* Principes Pagliani, Sonnini, Carbanani, Bassanelli, Palestrini.

9. Ex Domo *Sfortta* linæ collateralis Duces Cesarini, Segnien-
ses, Laviniani.

10. Ex Domo *Ursina* Romana Dux de Gravina, & Monte
Mileto.

11. Ex

11. Ex Domo *Pignatellia* Neapolitana Dux de Monteleone.

12. Ex Domo *Ottobona* Veneta Dux Fianus in statu Ecclesiastico.

13. Ex Domo *Odoſcalco* Dux Braccianus.

14. Ex Domo *Conti* Dux Poli.

15. Ex Domo *Cor. ſſa* Dux de Matalone.

Anno 1728 obierunt Cardinales: *Priulus*, Venetus, Episcopus Pergamenſis: *Caracciolus*, Neapolitanus, Archiepiſcopus Capuanus: *Gozzadinus*, Bononienſis, Episcopus Fori Corneliſ, ſeu Imola: *Gualtierus*, Urbevetanus, qui fuerat Pro-Legatus Avenione, Cardinales Nuntius Pariſiſ, Proteſtor Angliæ: cujus Regi Jacobo pretioſa legata reliquit.

Creati vero ſunt *Finius*, Romanus, Theologus Pontificius: *Anſideus*, Peruſinus, Aſſiſſor S. Officii: *Proſper Lambertinus*, Bononienſis, Secretarius Congregationis Concilii, poſtea Pontifex: *Sellerius*, Peruſinus, ex Ordine S. Dominici: *Banchierus* Piſtorienſis, Secretarius Status: *Collicola*, Spoletanus, Theſaurarius: *Gottus*, Bononienſis, ex Ordine S. Dominici: *Porcia*, Foro-Julienſis, ex Ordine S. Benediſti: *Accorambonus*, Spoletanus: *Caraffa*, Neapolitanus, Secretarius Congregationis Episcoporum & Regularium.

Neapoli Prorex Althano ſucceſſit *Harrachius*: Portocarero de Almenara vero *Saſtagus* Prorex Siciliæ. Portus Neapolis & Siciliæ ad augendum commercium declarati ſunt liberi. Ad Cameram re-^{Varia} tracta bona, quæ tempore Caroli II fuerant avulſa. Mediolani *Copii* Caſareis præſtitur Comes Montecuculus, Daunio Gubernatore. In re monetaria facta eſt magna mutatio, pretio depreſſo; unde murmur ſubditorum.

Antonius Dux Parmenſis duxit Henricam, Reinaldi Mutinæ Ducis filiam, præſentibus Jacobo III Stuarto, Duce Guallaſſæ, & Principe Darmitadio, Gubernatore Mantuæ. Cum autem Dux Antonius debili & infirmo eſſet corpore, Legatus Hiſpanus ab eo petiit, ut illa, quæ de ejus provinciis pace Vienneniſ, & quadruplo etiam ſuadere, eſſent ſancita, haberet rata. Sed ſpe liberorum concepta permoveri non poterat.

Anno 1729 ex ſacro Collegio deceſſerunt Cardinales *Cozza*, *Sellerius*, *Salernus*, *Noallius*, recepta Conſtitutione *Unigenitus* cum Eccleſia reconciliatus.

Novos autem Cardinales Benediſtus XIII creavit, Camillum Cibo, Antonium Borghesium, Vincentium Ferrerium.

Pars X.

N n

Ex

Gonzaga.

Ex Domo Gonzaga obiit Ferdinandus, Dux Guastollæ, relicta improli vidua Theodora, Darmstadiensis Principe, Episcopi Augustani sorore, Mantuæ Gubernatoris filia. Successit frater unicus *Josephus Maria*. Ejusdem Gonzaganæ Domus linea *Novellerana* superiore jam anno fuit extincta; unde Imperator possessionem hujus Principatus adiit.

Obiit denique anno 1730 Benedictus XIII, Summus Pontifex, vitæ integritate, & Ecclesiasticæ disciplinæ zelo laudatissimus. Præter complura Beneventana celebravit Romæ Concilium, quod hic interferendum putavi.

Art. VII.

Concilium Romanum, in *Basilica Lateranensi* anno *Jubilæi* 1725 a *Benedicto XIII* celebratum.

21.

Inter gesta Benedicti XIII celeberrimum est Concilium Romanum, quod, convocatis Provinciæ Romanæ Episcopis, celebravit anno Pontificatus sui primo. Continet 32 Titulos, ad normam Decretalium. Tituli dividuntur in Capita. Quæ pro instituto summatim attingo.

Titulus I.

De Summa Trinitate & Fide Catholica.

Cap. 1. Statuitur, ut Professionem Fidei emittant 1. Episcopi, & Clerici, Beneficiis Eccles. provisi, aut sacris Ordinibus initiati, in Diocesana Synodo, primo celebranda. 2. Dignitates & Canonicatus obtinentes, post adeptam possessionem, tum in manibus Episcopi, vel ejus Vicarii, tum in Capitulo intra trimestre. 3. Vicarius Generalis, & Foranei. 4. Procuratores & Promotores Fidei Episcopalis, Cancellarii, alique ministri curiæ. 5. Novi Concionatores. 6. Confessarii. 7. Docentes publice vel privatim. 8. Medicinam aut Chirurgiam exercentes.

Cap. 2. Constitutio *Unigenitus* Episcopis commendatur. Male de ea sentientes aut loquentes puniant, perveraces ad Sedem Apost. deferant. Libros contrarios sibi tradi mandent, Papæ denuntiandos.

Cap. 3. Episcopi per seipso concionentur.

Cap. 4. *Parochorum obligationes*, populum in fide & moribus instruendi, Sacramenta ministrandi, visitandi infirmos, pro populo orandi,

orandi, prælucenti verbo & exemplo, pueritiam catechizandi ex libello Card. Bellarmini, a Clem. VIII præscripto.

Cap. 5. Quomodo instruendi rustici & ignorantes adulti intra Missarum solennia, de Signo Crucis, SS. Trinitate & Incarnatione, Symbolo Apost. Oratione Dominica, Salutatione Angelica, præceptis Decalogi, præceptis Ecclesiæ, septem Sacramentis, actu contritionis.

Cap. 6. Theologalis Præbenda, ad Trid. præscriptum erigenda.

Cap. 7. Cui & quomodo illa conferenda. 40 saltem lectiones quot annis in Ecclesia esse habendas.

Cap. 8. Sacra Scriptura exponatur.

Cap. 9. Cui intersint Canonici, Parochi, Confessarii.

Cap. 10. Concionatores constituentur docti, eruditi, maturi, fortes, probi, etiam ex Regularibus.

Titulus II.

De Constitutionibus.

Cap. 1. Archiepiscopi sua in provincia, Episcopi in sua Diocesi ad Synodos habendas excitantur, exemplo Pontificis, qui in Ecclesia Beneventana 38 Diocesanas & 2 provinciales habuit.

Cap. 2. In virtute S. obedientiæ præcipitur, ut præter annuas Synodos, quovis triennio provinciales celebrentur.

Cap. 3. Diocesana Synodi semel saltem in anno celebrentur.

Cap. 4. Ecclesiarum capitula, si non habent antiqua statuta, nova faciant, Tridentino, & Constitutionibus Pontificis consentanea, ab Episcopis examinanda. Consuetudines non nisi rationabiles tolerentur.

Cap. 5. In Statutis exprimat, quænam sint Ecclesiarum origines, foundationes, insignia, jura, consuetudines, redditus, onera & munera, nihilque in eis sit, quod a juris dispositione, Congregationum Decretis, usuque recepto & approbato exorbitet.

Titulus III.

De Rescriptis.

Cap. Unica. Quoniam Decreta superiorum tribunalium Episcopis sæpe non suo loco & tempore importune & crude obtruduntur, statuitur, ut deinceps non ipsi Episcopo, sed ejus Fiscali, aut Cancellario extradantur.

Tit. IV.

De supplenda negligentia Prælatorum.

Statuitur, ut Abbates Regulares perpetui ab Episcopo Diœcesano benedicantur.

Tit. V.

De Temporibus Ordinationum.

Cap. 1. Qui habent privilegium, ut possint ordinari a quocunque Episcopo extra tempora, ordinari non possint, nisi a proprio Episcopo.

Cap. 2. Regulares habentes privilegium, sive expresse, sive per communicationem, ut extra tempora ordinari possint, tuto illo possunt uti.

Tit. VI.

De ætate & qualitat. Præfic.

Cap. 1. Disquisitio de admittendis ad primam tonsuram.

2. Certæ Ecclesiæ servitio adscribantur.

3. Ad sacros Ordines non nisi vere digni probatique promoveantur.

4. Ordinandi ad Beneficium alienæ Diœcesis, ab Episcopo domicilii examinentur, & litteris testimonialibus ab eo sint instructi.

5. Circa promovendos ad Canonicatus & Beneficia similia justitia distributiva observetur.

Tit. VII.

De Officio Judicis Delegati.

Cap. 1. Episcopi diligentem curam suæ Diœcesis gerant, visitent, executioni Decretorum invigilent, & corpore licet absentes, spiritu tamen cum Apostolo sint præsentēs.

2. Episcopus in oppidis insignibus Vicarios Foraneos constituat, doctrina, probitate, & prudentia præditos.

Tit. VIII.

De Officio Judicis ordinarii.

Cap. 1. Episcopi quot annis totam Diœcesin diligenter visitent, aut saltem, si ampla sit Diœcesis, singulis biennis, & quidem per se ipsos, si fieri possit.

2. Epi-

2. Episcopus in Vicarium Generalem non eligat fratrem suum, aut nepotem, vel civem urbis Episcopalis.

3. Pro pauperibus in quavis civitate constituentur procuratores vel advocati, qui gratis eorum causas agant, curentque Episcopi, ut in sua civitate erigant Confraternitatem S. Ivonis, prout Romæ est instituta, magno cum pauperum solatio.

4. Clerici Episcopo solvant Cathedriticum, quod est duorum solidorum, in signum honoris & subjectionis erga Cathedralē Ecclesiam. Nec potest Episcopus illud ex integro remittere.

5. Regulares, in quorum Ecclesiis defuncti tumulantur, parochis quartam funeralium solvant.

Tit. IX.

De Majoritate & obed.

Cap. 1. Episcopi exempti, qui sibi Metropolitanum necdum elegerunt, illum tandem secundum præscriptum Trid. eligant, & provinciali illius Synodo intersint.

2. Non tamen in Metropolitanum eligi potest Archiepiscopus, qui Provincia & suffraganeis caret; quia talis non potest Synodum provincialem cogere.

3. Ut Clerici sub Episcoporum disciplina contineantur, exemptioni modus ponatur.

Tit. X.

De Foro competente.

Ut omnis cupiditatis suspicio a foro Episcopali dimoveatur, in causarum expeditionibus taxa servetur. Si nulla habetur taxa, in prima Diocesana Synodo conficiatur, & ad Papam pro confirmatione mittatur.

Tit. XI.

De Feriis & Festorum observantia.

Cap. 1. Dies festi cultui Divino & devotioni impendendi, non vero otio, aleis, choreis, comestationibus, aliisque vanitatibus. Missa sub gravi præcepto audienda, & abstinendum ab opere servili.

2. Messis tamen & vindemiæ tempore, aliaque simili urgente necessitate, cui tunc aliter provideri non possit, potest Episcopus licentiam dare, servile opus faciendi, Missa saltem prius audita.

Tit. XII.

De Fide Instrumentorum.

Cap. 1. Bonorum Ecclesiast. Inventaria infra annum conficienda, atque ab Episcopis recognoscenda.

2. Authenticum Inventarii exemplar unum custodiendum in Archivio Apostolico, alterum vero in Episcopali.

3. Custodiatur Archivium Episcopale, & in ordinem disponatur; ubi vero non habetur, erigatur; atque in eo omnia Instrumenta causarum, processuum, aliaque documenta, ad Diocesim pertinentia, reponantur.

4. Moriente Episcopo vel peregrinante Archivium bene custodiendum.

5. Decernuntur pœnæ in violantes Archivium.

6. Qualibet Ecclesia Archivium loco tuto habeat & instruat.

Tit. XIII.

De Jurejurando.

Cap. 1. Episcopi servent juramentum visitandi limina Apostolorum.

2. Prohibetur, ne juramentum de veritate dicenda exigatur a criminaliter inquisitis.

Tit. XIV.

De Appellationibus.

Cap. 1. Non deferendum appellationibus, quæ ad injustitias & diffidia fovenda usurpari videntur.

2. Constituitur Romæ Procurator pro Episcopis & Regularibus Superioribus, a quorum sententia in causa criminali a reo fuerit appellatum.

Tit. XV.

De celebratione Missæ. Sacramento Eucharistiæ & Divinis Officiis.

Cap. 1. In his approbati & præscripti ritus observantii.

2. Observandum Decretum Clementis XI circa usum Altaris portatilis, & Oratoria privata, sublata insuper cuivis in privatis cubiculis, ubi dormire solet, celebrandi facultate.

3. Refertur Decreti Clementini declaratio, ab Innocentio XIII facta, circa personas Episcoporum, iter agentium.

4. Anniversarium pro summis Pontificibus infra octavam commemorationis omnium defunctorum celebrandum in Capella Pontificia, & Ecclesiis Patriarchalibus saltem & Collegiatis Urbis.

5. Idem fiat in singulis Dioccesibus pro defunctis Episcopis.

6. Vetatur indecorus concentus musicus, & organorum pulsatio in Missis pro defunctis, item tempore Adventus & quadragesimæ, exceptis Festis.

7. In festi Corporis Christi processione, præter consueta lumina, 4. laternæ accensæ deferantur.

8. Cassinensibus datur facultas super Missarum reductione, certis tamen conditionibus. Eadem facultas datur Episcopis hujus Concilii.

9. Clerus quater saltem in mense conveniat ad discutiendos alternatim Rituum & conscientiæ casus.

Tit. XVI.

De vita & honest. Cleric.

Cap. 1. Episcopi præluceant, & juxta Ordinationis tempus alius alii deferat locum & honorem.

2. Consuetudine Sæcularium Dignitatem suam ne deprimant, præsertim in aulis Principum, quas non oportet accedere, nisi suadente necessitate, pietate, vel utilitate Ecclesiæ, neciis discumbentibus ipsi stent.

3. Clerici studiis & sacris litteris se exercent: sacros ritus, rubricas, cantum Gregorianum, ceremonias calleant: Divina munia in Ecclesia obeant cum pietate & majestate: a profanis, venationibus, ludis indecoris, mulierum familiaritate, abstineant.

4. Curialibus laicis toga Clericalis nigra conceditur, non autem collare, clericis proprium.

5. Clerici in sacris singulis 15 diebus confiteantur & communicent intra Missarum Solemnia: Clerici vero inferiores quolibet saltem mense.

Tit. XVII.

De Clericis non resident.

Cap. 1. Refertur Decretum Concilii Trid. de Residentia Episcoporum.

2. Episcopi post mensem a sua electione ad Ecclesias suas se conferant.

3. Fa-

3. Facultates Episcoporum absentiae a Congregatione super Episcoporum Residentia examinentur & corrigantur.
4. Stylus Congregationis Concilii quoad hoc observetur.
5. Quid aliud præter testimonium Medici pro licentia absentiae requiratur, ad Congregationem remittitur.
6. Parochi ultra biduum absque Episcoporum licentia non absint.
7. Ad residentiam obligati ne diutius in urbe commorentur.

Tit. XVIII.

Ne Sede Vacante &c.

- Cap. I. Sede vacante Vicarii Capitulares disciplinæ invigilent.
2. Intra annum Sedis vacantis ne dentur Dimissoria.

Tit. XIX.

De Rebus Ecclesiae non alien.

Immobilia Ecclesiarum bona ultra triennium aut quadriennium ne dentur in emphyteusm aut locentur (nisi evidens Ecclesiae utilitas id exigeret) absque spe renovationis. Ne laudemium pro primo ingressu majus recipiatur in præjudicium annui canonis. Completo concessionis tempore, seu adveniente casu devolutionis ne fiat amplius renovatio emphyteusis aut locationis, sed bona incorporentur rursus Ecclesiis.

Tit. XX.

De Testamentis.

Cap. I. Testamenta, quæ Parochiani coram duobus vel tribus testibus a Presbytero suo conficienda mandarint, rata sunt & valida: nisi obstet Statutum, auctoritate Apostolica in forma specifica confirmatum, quo Juris civilis dispositio servari mandetur. Testes eodem numero adhibeantur, si quædam ad pias causas coram confessario legentur, legansque coram testibus dicat, se ita velle observari.

2. Laudatur consuetudo, qua Episcopi aliquid applicant de hæreditate pro anima defuncti, qui intestatus decessit.

Tit. XXI.

De Regularibus.

1. Regulares ad subdiaconatum promovendi authenticum testimonium de solenni emissa professione, & factis exercitiis habeant.
2. Regulares non nisi ab Episcopo propriæ Diœcesis ad Ordines promovendi, servata forma Decreti Clementis VIII.
3. Tractatur de Monialibus, earumque paupertate. Constitutio Clementis VIII de largitione munerum innovatur.
4. De puellis in asceteriis Monialium pie educandis.

Tit. XXII.

De Statu Monachorum & Eremitarum.

- Cap. 1.** Eremitarum status, olim tam florens, reparandas cura Episcoporum.
2. Quam in rem præscribuntur regulæ.
 3. Quot annis Episcopus eos convocet, de Ecclesiis, quarum servitio sunt deputati, de eremis, eleemosynis, & in via spiritali profectu rationem reddituros.

Tit. XXIII.

De Religiosis Domibus &c.

- Cap. 1.** Episcopi laicorum Confraternitatibus curam suam impendant, ut in omnibus Constitutionem Clementis VIII observent.
2. Episcopi rationem administrationis quot annis ab eis exigant, aut Minister saltem ejusdem sit præsens.

Tit. XXIV.

De Jure Patronatus.

- Cap. Unicum.** Episcopi inquirent, quinam Patronatus sint legitimi, & justo titulo acquisiti, atque ad Sedem Apost referant.

Tit. XXV.

De Consecratione Ecclesie &c.

- Cap. 1.** Curent Episcopi, ut altaria, necdum perfecta, perficiantur, & solenniter consecrentur.

2. Atque Encænïa seu anniversarium Dedicationis quot annis celebretur.
3. Si dubitetur, an Ecclesia vel altare sit consecratum, absolute consecrentur.

Tit. XXVI.

De Bapt. & Confirmat.

- Cap. I. Benedictio fontis baptismalis bis in annó perficiatur, & solennius ministretur.
2. Baptizati candida veste induantur, in signum regenerationis & novæ innocentie.
3. Catechismus baptizandorum extra Ecclesiæ januam peragatur, baptismus vero in Ecclesia ministretur.
4. Confirmationis sacramentum magna devotione & reverentia conferatur & recipiatur.

Tit. XXVII.

De Ecclesiis ædificandis &c.

Ecclesiarum Cathedralium & Collegiatarum fabricis fructus dimidii primi anni de quolibet Beneficio applicentur.

Tit. XXVIII.

De Immunitate.

- Cap. I. Confirmatur Constitutio Cum alias nonnulli Gregorii XIV.
2. Laicos, qui Clericorum immunitatem violare, eos ad suum tribunal citando, aut eorum Jurisdictionem turbando, non verentur, Episcopi censuris Ecclesiæ perstringant.
3. Uti etiam laicos prohibentes, ne juvenes absque sua licentia statum Ecclesiasticum amplectantur, & ipsos talem facultatem petentes.
4. Laici Officiorum Divinorum tempore ne ingrediantur intra septa presbyteriorum & altarium.

Tit. XXIX.

De Accusationibus.

In Conciliis provincialibus testes synodales eligantur, qui in ea, quæ in Diœcesi correctione aut reformatione indigent, inquirent, & ad Episcopum deferant.

Tit.

Tit. XXX.

De Magistris.

Cap. 1. Circa Seminaria jam erecta observentur, quæ Trid. ordinavit: circa erigenda vero, quæ Bened. XIII Constitutione peculiari disposuit.

2. Omnes, ad sacros Ordines promovendi, per sex saltem menses continuos in Seminariis vel Episcopis commorari debent, ubi Theologia Morali, sacris ritibus, Catechismi Romani doctrina, atque sacris Exercitiis sunt imbuendi.

Tit. XXXI.

De Sent. Excomm.

Cap. 1. Ubi alia suppetunt Juris remedia, non est descendendum ad excommunicationem, utpote qua caute utendum Episcopis.

2. Censuras, ab uno Episcopo latis, etiam alii observent, præsertim Regulares.

Tit. XXXII.

De Penit. & Remiss.

Cap. 1. Excommunicatur Medicus, si tertio ad ægrotum inviset, antequam sacramentum penitentiae susceperit.

2. Regularibus Episcopus non committat munus Confessarii, nisi a suis superioribus aptitudinis testimonium habeant.

3. Pueri circa sacramentum penitentiae instruuntur, sed ita caute, ut nihil mali, quod nesciant, discant.

4. In Cathedralibus constituatur Præbenda pro Penitentiario, qui statis diebus & horis in Ecclesia Cathedrali in sua sede Confessionali sit præsens; & tunc, & non alias, si Canonicus erit, fructus integros faciat suos, ac si choro interesset.

Subscriptiones.

Huic Synodo subscripserunt 32 Cardinales. 4 Cardinalium Procuratores. 44 Episcopi. 3 Abbates. 23 Episcoporum, & 5 Abbatum Procuratores. Præter hos interfuerunt Concilio 48 Theologi, 31 Decretalistsæ, 7 Historici, Chronologi, & Geographi Sacri. 2 Promotores Fiscales. 2 Secretarii. 7 Magistri Ceremoniarum. 2 Notarii Apost. 3 Scribæ. Cum aliis pluribus officialibus.

Appendix.

Addita proluxa appendix de explicanda doctrina Christiana : De Præbenda Theologali & Pœnitentiaria : De Obligatione Abbatum suscipiendi Benedictionem ab Episcopis, in quorum Diœcesi sunt electi. De Clericis laicali habitu incedentibus. De Quarta funeralium, parochis solvenda a Regularibus : De conscribendis Inventariis : De Archivis. De Relatione status Ecclesiarum conscribenda in visitatione sacrorum liminum.

De Appellationibus : De celebratione in Oratoriis privatis. De conventibus Clericorum hebdomadariis ad casus conscientie enucleandos, & sacros ritus. De vita & honestate Clericorum. De locatione & emphyteusi. De eremitis certæ Ecclesiæ servitio addicendis. De mediis fructibus primi anni fabricæ applicandis. De Ecclesiarum Immunitate locali. De Seminariis erectis & erigendis. De instructione puerorum pro sacra Confessione, & Communione.

Hæc omnia una cum Decretis recentitis collecta sunt in libro, anno 1726 Augustæ Vind. edito, juxta Exemplar Romanum.

Art. VIII.

Gesta sub Pontificatu Clementis XII. Cardinales. Motus in Corsica. Abdicatio Regis Sard. Domus Farnesia extincta.

Bichi tandem Cardinalis. Cæsarci in Corsicam.

Gastonis dispositio de Florentia, invito Cæsare.

94-

Anno eodem, quo Benedictus XIII obiit (1730) a Cardinalibus, post varios motus, quos sæculares maxime Principes per suas exclusivas, ut vocant, concitaverant, magno tandem consensu electus est Laurentius Corsini Florentinus, *Clementis XII* assumpto nomine.

Cardinales,

Mortui autem sunt eodem anno Cardinales : Barbarigus, Venetus, Episcopus Patavinus : Ansideus, Perusinus : Augustinus Pipia, Sardus, qui prius erat Generalis Ordinis S. Dominici : Pamphilus, Romanus : Bernardus Conti, frater Innocentii XIII : Caracciolus Neapolitanus : Collicola Spoletanus : Cusanus, Mediolanensis.

Creati

Creati vero a novo Pontifice sunt Grimaldus Genuensis, sub tribus Pontificibus Nuntius Apost. Viennæ: Muffeus Pedemontanus, Nuntius Parisiis: Aldobrandinus Florentinus, Nuntius Venetiis & in Hispania: Ruspolus Romanus, Secretarius Congregationis de propaganda Fide: Corfinus nepos Pontificis. Allemannum autem Salvati, Florentinum, Benedictus XIII adhuc ante mortem renuntiaverat.

Corfica intestinis turbis miscetur, incollis adversus Genuenses, Dominos suos, insurgentibus. Nam cum Gubernator pecuniam Turbæ in reposceret, quæ Corfis anno superiore ad coemendum frumentum *Corfica*, fuerat suppeditata, & alioquin cum jugo suo ægris animis luclarentur, ad 20000 conglobati, ductore *Pampiliano*, Bastiam, urbem Insulæ principem, fufis in tormenta campanis, expugnarunt, Gubernatore Pinello in arcem profugiente. Genuenses efferratos animos mollire satagebant; sed Corfi obstinatis in libertatem pefforibus seditioni suæ institerunt, per 30 jam annos in hanc usque diem continuatæ, ingenti Genuensis Reipublicæ molestia, sumptuque.

Aula Taurinensis magnam hoc anno mutationem subiit, quippe *Victor Amedeus II* translatò in filium *Carolus Emmanuelem* Regno *Abdicatio Sardinie & Principatibus*, sub nomine Comitiss de Tende *Amedei*, rium in Sabaudiam abiit, privatam ibi vitam acturus, reservatis sibi 25000 thaleris annuis.

Verum anno sequenti pœnitere, & repetiturus sceptrum visus, in arce Rivolio fuit custoditus, conjuge Cevam abducta. Filius autem, lectis egregiis Ministris, Regimen sapientissime est assignatus.

Aliquid tamen controversiæ cum Aula Viennensi incidit, ubi in Ducatibus Sabaudie, Pedemontii, & Montisferrati per Solarium Legatum infeudationem petiit, quæ tamen ceremonias modumque magis eam recipiendi, quam substantiam concernebat. Quo situ corporis Legatus eam reciperet, disputabatur, & an minora feuda coram Judicio Aulico?

De aliquibus feudis etiam cum Aula Pontificia mota est quaestio, an Pontifex ea tanquam Dominus directus, an vero Rex conferret. Rex contulit, Roma protestante.

Anno 1731 obiit *Antonius, Dux Parmensis*, 52 ætatis, Regimini quarto, ultimus masculæ stirpis Farnesiæ. Supererat autem ejus ex fratre Odoardo Neptis *Elisabetta*, Regina Hispaniæ, cujus filius *Carolus*, natu maximus, secundum Fœderis Quadrupli & pacis Viennensis placita tunc successisset, nisi Henrica, Ducis Antonii vidua,

95.
Datus Farnesiæ emor-
tua.

Administratio
provisionalis.

vidua, Ducis Mutinensis filia, prole gravidam se dixisset. Nam interim Caesar, donec eventus ostenderet, quid rei sublit, immis- sis octo armatorum millibus, Ducatum Parmensem & Placentinum occupavit, & per Comitem Stampa administravit.

Cum autem Henricæ imaginatio & spes prolis disparuisset, Caro- li jus nemo amplius disputabat. Quia tamen minorennis adhuc erat (15 videlicet annorum) Imperator Dorotheam Sophiam Pala- tinam, Elisabethæ, Hispanæ Reginae, matrem, Caroli Principis Aviam, provinciarum Regentem, Florentiæ vero Ducem Caroli, donec 18 ætatis annos impleisset, tutorem constituit, recedente Caesare milite, & præsidio nationali locis munitis impo- sitis, cui tamen Caesar Parmæ Löwensteinium, & Placentiæ Witgenavium præfecit, Friderico Wirtenbergico militiæ præposito.

Clemens XII. comperta Antonii Ducis morte, Oddum Parmam misit, utriusque Ducatus, seu feudi Pontificii vacantis, possessionem capturum. Et favebant cives; sed ubi Stampa, exercitu ad- moto, vim minabatur, Castris etiam & Roncilionis invadendi men- tione injecta, apertis portis, Caesareum militem receperunt, Oddo solenniter protestante.

Obiit hoc anno 1731 unus tantummodo ex Cardinalibus, nimi- rum Jacobus Boncampagnus, Ducis Sorani filius. Creati vero sunt, Sinibaldus Doria, Vice-Legati Avenionensis, & Archiepiscopi Be- neventani perfundus muneribus: Josephus Firrao, Neapolitanus, Nuntius in Helvetia & Lusitania: Antonius Quadagni, Florentinus, Episcopus Aretinus, Pontificis ex sorore nepos, ex Carmelitano Ordine assumptus: Xaverius Gentili, Romanus.

Bichi Car-
dinalis.

Ac tandem Vincentius Bichi, Senensis, magnarum contentio- num vel auctor vel occasio. Erat quippe Nuntius Apost. in Lusita- nia. Rex, advocatum licet, noluit dimittere, nisi purpura orna- tum: quam tamen Innocentius XIII & Benedictus XIII constanter ei negaverant. Contentio eo usque incaluerat, ut Rex omnes Lu- sitanos Roma advocaret, commerciumque cum eadem suis interdi- ceret, neque admitteret Firaum, quem Papa Nuntium Bichio sub- stituerat. Denique Clemens XII. cedendum ratus, Bichio Cardinale renuntiato, Regem pacavit.

Caesarei in
Corsicam.

Quamvis Genuenses 4000 milites in Corsicam miserint, sopire tamen non poterant turbas. Quare 6000 Caesareorum, quos Wach- tendonchius Tribunus ducebat, in Insulam transportarunt, suis stipendiis alendos. Verum nec decem ista millia sufficiebant; siqui- dem Corsi, jam fugiendo in montes, jam majori numero reversi, omnem

omnem operam ludebant: nec movebantur, cum oppida sua conflagrare cernerent.

Conditiones tamen dandæ pacis obtulerant, quas Genuenses acceptare non poterant. Petebant etenim, omnia privilegia sibi restitui. Extraordinarias exactiones, quibus ab anno 1715 contra litteras suæ libertatis fuissent pressi, penitus tolli. Sibi dedi eos, qui talium exactionum causa fuissent. Omnia præsidia ex insula abduci. Adhæc postulabant, magnam ejusdem partem, supremo jure gubernandam, sibi cedi.

Luccana Respublica recusabat, Cervionem, a Pontifice designatum Archiepiscopum, acceptare. Unde l'apa ejus Legato accessum prohibuit. Postea tamen cessit quoad personam, & Colloredum eis dedit Archiepiscopum.

Gasto Dux Florentiæ de nulla hæcenus conventionem circa Ducatum suum mentionem fieri voluit. Jam vero animum ad Carolum, Hispaniæ Principem, ex Margaretha avi sui sorore descendentem, opera P. Salvatoris Afcanii Capucini, Hispaniæ Internuntii, magis applicuit, & pactum velut Familiæ crexit.

In hoc statuitur, ut, si Magnus Dux sine masculo hærede decederet, Princeps Carolus ei immediate succedat, huic vero filius natu maximus, & si tali careret, frater. Si autem nullus talis superesset, Elisabetha, Regina Hispaniæ, Caroli mater: ac de super Senatus Florentini subscriptio & juramentum exigatur. Ex parte autem Caroli promittitur solutio debitorum status.

Ecclesiasticum & Politicum Regimen in statu quo conservetur, relictis subditis suis privilegiis. Commerciis cum Hispania fruantur, quibus amicissimæ Nationes. Interea autem Dux regat, quamdiu vivit, sicut antea. Post mortem autem illius omnia bona, mobilia & immobilia, feudalialia & allodialia, ubicunque sita, Carolo tanquam Magno Duci obtingant, cum aliis juribus, prout ea Domus Medicæa possederat. De bonis autem hæreditariis, ab avia sua Victoria, ultimi Ducis de Urbino filia, relictis, Gasto sibi reservat liberam dispositionem.

Post mortem Gastonis ejus soror Maria Anna, Electoris Palatini vidua, Magnæ Ducis titulum gerat, & ex publico fundo ejus Aula sustentetur, atque usque ad majorennitatem Caroli tutrix regat: imo etiam, postquam Carolus 18 annos impleverit, omnia ejus consilio dirigantur. Horum demique sponsio ab Anglia & Hollandia petatur.

Adjectus fuit separatus articulus, quod Princeps Carolus vivente adhuc Gastone Florentiam venire, & ibidem suis sumptibus degere possit, quin tamen Regimini se misceat: simulque Gatto permittit copiis Hispanicis liberum in Parmensem Ducatum transitum, quin tamen in ditione Florentina subsistant.

Quæ displicet
Cæsari.

Non placuit Cæsari hæc conventio, quod per eam de Imperii feudo velut libera hæreditate disponderetur, contra tenorem Quadrupli Fœderis, & pacis Viennensis. Sed res ista commoda interpretatione salvi juris Cæsarei fuit composita, ita quidem, ut Carolus cum sex millibus Hispanorum in Hetruriam trajiceret.

Violente
obitus.

Obiit hoc anno *Violanta* Beatrix, Ferdinandi Florentiæ Ducis jam ab anno 1713 improlis vidua, Senensis Gubernatrix, ætatis anno 58. Hæredem scripsit Ferdinandum, Ducem Baviaræ, suum ex fratre nepotem.

Art. IX.

Coscia in jus vocatus. Pactio cum Corsis. Carolus Dux Parmæ. Lusitania placata. Sententia in Cosciam. Bellum Italicum. Carolus Neapolim occupat & Siciliam. Pugna ad Bitontum. Papa Investituram negat. Pugna Parmensis, & Guastallana. Mercius occumbit.

96.

Anno 1732 continuatæ sunt Controversiæ Pontificem inter & Aulam Taurinensem, ratione Jurisdictionis & Immunitatis Ecclesiasticæ, cum Venetis vero Romæ propter asyllum Palatii Veneti Legati.

Coscia in jus se receperat, citatus est Romam, ut actum suorum rationem reddat. Comparuit, atque ad examen tractusest.

Cardinales obierunt, Prosper Marefoschi, Cornelius Bentivoglio, & Emericus Czacky. Creati vero sunt novi, videlicet 1. Trajanus *Aquaviva*, Præfectus Palatii Apost. Ducis Atri in Neapolitanis filius. 2. Agapitus *Mosca*, Pisaurus, Camerarius Apostolicus.

Neapoli Dux *Coscia*, Cardinalis frater, prædium emit a Cardinale Cibo, sed lite apud Cæsarem mota restituere debuit, eo quod esset

esset Fideicommissum Familiae. Harrachio Proregi Neapolis suffectus est Julius *Vice-Comes*, primus hactenus Minister Aulae Bruxellensis.

Cum Corsi tumultuari pergerent, Caesar, a Genuensibus implo-
ratus, adhuc 6400 milium in Corsicam misit, sub Ludovico Wür-
tembergio & Schmeltavio; a quibus, post varia certamina, cum
Corsi Conventio sub Caesarea cautione est inita.

1. Captivi liberentur. 2. Corsi etiam assumantur ad officia
militaria, ne quidem suprema belli praefectura excepta. 3. Colla-
tio Beneficiorum sit penes quamlibet Ecclesiam. 4. Praecipuae re-
gni familiae Nobilitati Genuensi adscribantur. 5. Quatuor ex octo
Episcopatibus Insulae Corsis conferantur. 6. Corsis fas sit, scho-
las & seminaria propriis sumptibus erigere. 7. Mediolani sit tribu-
nal, ad quod Corsi appellare, atque ad Caesarem, seu sponso-
rem, possint recurrere, si Genuenses hos articulos non servarent.

Quatuor nihilominus seditionis capita, Baeticae capta, Genuam
abducta sunt, quo etiam Würtembergius concessit, relictis sub
Wachtendonckio aliquot cohortibus, & 2000 Genuensium.

Aloysio Mocengo Venetorum Duci successit Carolus Ruzzini,
Procurator S. Marci, qui Ultrajectensi & Passarovicensi pacificatio-
ni interfuerat, de Republica optime meritis.

Dux Carolus hoc anno Parmae & Placentiae magna cum vene-
ratione exceptus est, Duce de Liria, Hispano Viennae Legato in
id incumbente, ut Caesar Investituram eidem conferret, Roma ve-
ro petente, ut feudum Pontificium recognosceret. Florentiae au-
tem Carolus jam ante homagium receperat, invito Caesare, ac
protestante. Usus etiam est Carolus titulo Principis Castri & Co-
mitis Roncellionis. At Pontifex sua jura reposuit, hac Romanae
Ecclesiae feuda dudum cum Dominio directo fuisse consolidata.

Anno 1733 Galli Avenionem cingebant, quod homines, qui
vetitas merces regno intulissent, in illam velut asylum confugissent.
At res per Vice-Legatum cum Mallebojo, eorum Duce, brevi
fuit composita.

Bichio Cardinale creato, restituta omnino fuerat Sedem inter
Apost. & Joannem V. Regem Lusitaniae amicitia. At hoc anno Rex
petiit, ut eorum, qui ad Inquisitionem traherentur, bona fisco
addicerentur, & appellatio eorum ad Regem deferretur, atque ut
Patriarcha Olyssipontensis deinceps semper Cardinalis esset. Prima
dix negabant; ad tertium responsum, modernum Patriarcham
ad Cardinalatum promotum iri.

Obierunt Cardinales, Salviani, Borgia, Banchieri, Doria, Grimaldi: creati vero, Dominicus *Riviera*, Urbinas, commendatione Jacobi III Regis Angliæ: Joannes Bapt. *Spinola*, Genuensis, qui hæcenus fuerat Gubernator urbis: Marcellus *Passeri*, Auditor Palatii Apostolici.

Sententia in
Castellam.

In Cardinalem Coscia lata fuit sententia, ut decennem custodiam in Castro S. Angeli subeat. Beneficiis Ecclesiasticis sit privatus, prout etiam jure eligendi Pontificem. Damnum Camera Apostolicæ illatum compenset, & insuper multam pecuniariam pendat; quod gratia prioris Pontificis abusus, lucri cupidus, munera acceperit, falsi & Simonix reus, injustas opes corraferit &c. Verum rigor hujus sententiæ multum dein est mitigatus, loco carceris Monasterio S. Alexii substituto.

Romæ baptizatus est Princeps Maroccanus.

Sardus in-
vestitus.

Rex Sardinia, compositis utcunque circa ceremonias controversiis, per Comitem Solarium Investituram feudalem in Ducatus Sabaudia, Pedemontii, Montisferrati, terras Langharum, & Vicariatum Italia, coram throno Cæsareo receperat, cum legatus conqueritur, portam sibi non satis, ut fieri soleret, ad introitum fuisse apertam.

97.

Brevi autem post fœdus, cum Gallia & Hispania initum, Rex promulgavit, & edito *Manifesto*, ut vocant, Cæsari bellum indixit.

Bellum de-
nuntiat Cæ-
sari.

Gallicus interea exercitus, 40000 constans, Ductore Villario, per Delphinatum & Sabaudiam in Pedemontium profectus, ad Vercellas cum 12000 Sabaudorum se conjunxit. Indeque Rex, supremus, ut tabulæ fœderis statuerant, belli Præfectus in Ducatum Mediolanensem movit: ibique anni hujus expeditione quatuor insignia munimenta, Vigevanum, Paviam, Pizzighetonam, atque adeo ipsam permunitam Mediolanensem arcem cum urbe occupavit. Daunius vero, Mediolani Gubernator, comperta hostium irruptione, cum Archivio Mantuam se recepit, indeque Viennam profectus, gratia Cæsaris excidit, quod Ducatui non melius providisset.

Mediolanum
occupat.

Carolus, Dux Parmensis, particeps tripli fœderis, publicari curavit, se, cum 14 ætatis annum attigerit, a Patre suo *Majorem*, atque Regiminis capacem fuisse declaratum. Quo facto Sophia Dorothea, ejus Avia, & Gasto Dux Florentiæ, qui neutras partes sequebatur, tutelam Caroli posuere, Hispanus autem exercitus, *Montemario* ducente, *Liburnum* appulsus est.

Sequenti

Sequenti vero anno 1734 suis sumptibus per statum Ecclesiasticum in Regnum Neapolitanum, ipso Carolo Duce supremo Archiefratego, progressus, Traunium, qui vix ultra 3000 sub signis polim habebat, a finibus S. Germani depulit, & Capuam inter & Cajetam castra locari coegit. Propulso non minus Caraffa, Duce Casareo, a transitu Mignano, per Cajacium & Averfam processit Neapolim usque, quam, expugnatis arcibus, triumphantis more Carolus ingressus est: Vice Comite Prorege Brundusio Anconam trajiciente.

Dux Castropignanus interea cum Marchione *Minafio* in Apuliam movens a Caraffa est victus ad Bovinum; sed Montemario cum suppetiis accurrente ad *Brionum* decretoria commissa est pugna, qua victus Imperatoris exercitus profugit, Pignatellio, Rodoschio, aliisque captis.

Sola supererant Caesari duae permunitae urbes, Capua & Cajeta; verum illam Marcellus Traunio, hanc Dux de Liria Tattenbachio extorsit; ut adeo unius aestatis expeditione totum Regnum Neapolitanum ab Hispanis expugnaretur.

Imo mense Augusto copiae in *Siciliam* trajectae, sub Montemario *Panormum*, sub Marcellaco *Messinam* occuparunt, sequentibus exemplum capitum reliquis urbibus, Comite Sastio Prorege Melitam profugiente. Atque hac fortuna duo regna unius expeditionis fructus fuere.

Hispanorum victoriam promoverunt, tum propria virtus bellica, tum paucitas Germani militis, tum etiam non omnium in Domum Austriacam fides integra.

Pontifex, ut tanquam Pater universalis neutri ex filiis magis favere videretur, tranlitum quidem innoxium per terras suas Hispanis permisit, pristini tamen possessoris memor, negavit tunc Carolo Hispaniae Principi Investituram Neapolitanam.

Ex Cardinalibus hoc anno 1734 obierunt, Franciscus Falconieri Romanus; Didacus Dastorgas de Cespedes, Hispanus; Fredericus Comes Althaus, Germanus; Franciscus Pignatelli, Archiepiscopus Neapolitanus & Decanus sacri Collegii. Eorum vero in locum successerunt

1. Pompeus *Aldovrandi*, Bononienfis, Gubernator urbis.
2. Seraphinus *Cenci*, Romanus, Archiepiscopus Beneventanus.
3. Jacobus *Lansfredini*, Florentinus, Secretarius Congreg. Concilii.
4. Petrus Maria *Pieri*, Generalis Ord. Servorum B. V. M. natione Senensis.

Corti rursus
tumultuans.

Corficani, in superhabita conventionem, qua ipsi insignia privilegia fuerant concessa, & quatuor etiam, qui capti fuerant, rebelles, cum famoso *Raffaele* fuerint liberi dimissi, stipulata plena amnestia, rursus, dum Genuenses tributa consueta exigebant, tumultuarii coeperunt, *Ginastro* maxime & *Ornano* auctoribus, interfectis non paucis ex Genuensibus, & Castello Cortensi expugnato.

99.

Gallo-Sabaudi, Ducatu Mediolanensi subacto, Mantuano imminabant. Verum Comes *Mercius*, cum 5000 per fines Venetorum, qui neutras partes sequebantur, in Italiam profectus, propulsis hostium stationibus, Padoque superato, *Mirandolam* cepit, atque inter Colornum & Parmam castra metatus est.

Pugna Parmensis.

29 Junii ad *Parmam* pertinax & cruentum commissum est praelium, quo, ut fertur, 6000 Caesareorum, 4000 Gallo-Sabaudi ceciderunt. Penes istos, opportuno loco dimicantes, victoria sterit, *Mercio* ipso, supremo Austriacorum Duce cum Principe *Culmbacensi* in acie casso. Caesarei versus Mantuam, ut eam defenderent, se receperunt, atque ad *Quistellum* tam opportune se locarunt, ut federati eos non auderent invadere; hoste utroque adversam *Secia* ripam occupante.

Mercii mors.

Königs-
eckius

Venit interea in castra *Lotharius* Comes *KönigsECKIUS*, in supremam belli Praefectura subrogatus *Mercio*, qui noctu cum parte exercitus, transmissa *Secia*, *Broglum*, Gallorum Ducem, nihil tale suspicantem, oppressit, & in tumultuariam fugam egit, multa praeda relicta, captisque non paucis. Quod stratagema omnibus Germaniae pagellis praedicabatur.

Broglum su-
get.

Pugna ad
Gualtallam.

19. Sept. prope *Gualtallam* rursus ventum ad manus, pugnaque conferta acerrima, aequo ferme Marte, in qua cum multis aliis cecidit *Ludovicus Wirtembergius*. Post praelium Caesareus exercitus versus Mantuam, servatis tamen ordinibus, se recepit, suppetias ex Tyroli expectaturus.

Mirandolam Marchio *Mallebois* tentaverat; sed *Neupergius* Comes eum ab obsidione depulit. His utrinque gestis, in hyberna concessum est.

Federati
Mutinam oc-
cupant.

Raynaldus Dux Mutinae, quamvis se neutrum declarasset, quia tamen Caesarei *Mirandolam* occupaverant, federati eum suspectum habebant, provinciamque ejus praediis tenebant. Ipse autem cum aula sua Bononiam abiit, Princeps vero ejus haereditarius primo Genuam, dein Parisios.

Parmam

Parmam & Placentiam Hispanica præsidia occupabant, reliquam ditionem Galli. Carolus vero Dux, post cessionem sui patris, renunciatus est Rex utriusque Siciliae, magna cum solennitate Neapolim, sedem Regiam ibi fixurus, ingressus, singularem in omnes clementiam & liberalitatem exhibuit. Plerique Nobiles fidem ei iurarunt; quibus dein officia distribuit. *Montenarium* vero Principem *Bitontinum* dixit, ad memoriam victoriæ, ibidem relatæ.

Porro Hispanus exercitus, postquam nullus amplius in Neapolitano & Siciliae regno debellandus supererat hostis, regressus magnam partem in Hetruriam, *Orbitellum*, aliaque, quæ Cæsareis adhuc præsidiis tenebantur, loca expugnavit.

Art. X.

Cæsareus exercitus se recipit in Tyrolin. Præliminaria pacis.

Non placent Hispanis & Sardinis. Turbæ Rom. Theodorus personatus Rex Corsicæ. Acceptatio Præliminarium.

Anno 1735 Königseckius Vienna, quo per hyemem concesserat, redux in Italiam, trium coronarum grandem exercitum conjunctum invenit, suum vero plurimum imminutum. Cum igitur resistendo non esset, ne reditus sibi in Tyrolin, aut communicatio cum illa intercluderetur, primum in Veronenses fauces, dein vero Roboretum se recepit. Secutus est quidem *Noallius*; sed omnes Tyroleos aditus ita obseptos munitosque invenit, ut penetrare nulla ex parte posset.

Hispani interea *Mirandolam*, quam Stenzius defenderat, expugnarunt; solaque in Italia Cæsari Mantua erat reliqua. De hac de *Mirandolæ* liberatum inter fœderatos Duces. Montemarius eam oppugnari vobediebat, nolebat Rex Sardiniae. Tandem obsidio placuit. Propugnavit autem eandem *Vigenavius*.

Verum dum hæc aguntur, nuntiantur Induciæ & *Præliminaria* pacis, Cæsarem inter & Galliam Viennæ inita. Constant illa septem *Præliminaria* Articulis, quorum Italiam quatuor contingunt, secundus videlicet, pacis. tertius, quartus, & quintus.

2. Statuitur, ut Ducatus *Florentinus* post mortem Gastonis obtingat Duci *Lotharingia*, pro cessa *Stanislao*, Regi *Poloniæ*, *Lotharingia*.

ringia. Interim autem eductis ex Tuscia Hispanis præfidiis, Cæsarea introducantur. Liburnus tamen portus liber maneat.

3. *Princeps Carolus* retineat regna Neapolis & Sicilia; atque Rex utriusque Sicilia agnoscat. Possideat etiam Portum Longum, & loca in littoribus Hetruriæ, quæ Pater ejus, Philippus V tempore Quædrupli Fœderis possedit. Per generalem amnestiam omnibus restituantur bona & Beneficia Ecclesiastica, qui hoc bello alterutri parti ad hæserunt.

4. *Rex Sardinia* ex Ducatu Mediolanensi consequatur aut Novarram & Vigeanum, cum suis districtibus, aut Novarram & Tortonam, prout elegerit, simulque Langbarum feuda, quæ 56 loca complectuntur, sed omnia sub nexu feudali Imperii.

5. Reliqua omnia, quæ ante hoc bellum in Italia possederat, restituantur Cæsari; simulque *Parmæ & Placentiæ* Ducatus ei ceduntur pro Neapoli & Sicilia. Prætenfionem vero in Ducatum Castri, & Comitatum Roncilionensem non prosequatur. Domui autem Guastallæ ratione Mantuæ justitiam administret.

Hæc præliminaris conventio, a Sinzendorffio & Baunio Viennæ confecta, non placuit Hispanis, qui Tusciam, Parmam, & Placentiam deberent dimittere, neque Regi Sardinia, qui ad Mediolanum respexerat. Unde Hispani, induciis cum Gallis jam factis, ab *Hildburgshuffo* ex agro Mantuano propulsi, Portum Herculis & Status præsidii expugnaverunt. In Sicilia vero Rex Carolus magna cum solennitate fuit coronatus, brevique etiam Siracusa & Trepanum, quæ hæcenus resisterant, in potestatem Regis venerunt.

Corsi, Principum viribus alio abstractis, animosiores facti, jugo omni excusso, novum sibi, qui regnum gubernaret, Senatum constituerunt, in quem lecti sunt *Ciccardus, Paulus, Giafferus. Rivarola* vero præfectus fuit militiae.

Veneti Ruzzino Duci suo mortuo subrogarunt Aloysium *Pisani*, cujus loco præcurator S. Marci electus est Bragadinus, & loco Vernieri defuncti Zacharias Canale. Patriarcha vero Aquilejensis seu Utinensis Delphinus consecravit Cornerum novum Patriarcham Venetum.

Obiit Cardinalis Nicolaus Spinola, creati vero sunt Josephus *Spinellus*, qui Pignatellio Archiepiscopus Neapolitanus successerat. Alter, quem Papa ad commendationem Aulæ Madritensis purpuræ honore donaverat, erat *Ludovicus Princeps Hispaniæ*, Caroli utriusque Sicilia Regis frater, dictus subin *Cardinalis Borbonius*, etiam Archiepiscopus Toletanus renuntiatus, quamvis novem tantum

Lud. Card.
Borbonius.

tum esset annorum. Cum autem ad maturiorem pervenit ætatem, nec Galerius, nec Thiaia placuit.

Obierunt quoque duæ Reginæ, Sardinia & Angliæ, videlicet Polyxena, ex Domo Hasso - Rhenofelsenfi, & Clementina Jacobi III Coniux.

Anno 1736 magnus Romæ tumultus fuit concitatus. Cum enim Hispani milites frequentes per terras Status Ecclesiastici transirent, contributiones exigent, & homines ad militiam adigerent, plebs Romæ palatium Farnesium invasit, fenestras lapidibus impetiit, & insignia Caroli Regis decussa confregit. Accurrerunt Marchio Crescentius, & ipse etiam Princeps a S. Cruce, Cæsaris Orator extraordinarius ad sedandas turbas; cumque aliqui tumultuantes a Cardinale Aquaviva, Hispano Legato, veniam rogassent, res composita videbatur.

At, cum ad Ostiam quatuor ad militiam coacti Romani, a plebe salinaria, captis officialibus Hispanis, eriperentur, turbo vehementius in Pontificias terras ac subditos incubuit, iussis etiam Cardinalibus Belluga & Aquaviva cum omnibus Hispanis Roma excedere. Obtulit quidem Cæsar, seu Defensor Romanæ Ecclesiæ, auxilia, sed, recedentibus brevi Hispanis, iis haud opus esse videbatur.

Corsici hoc anno coeperunt exhibere comœdiam, satis lepidam.

Theodorus Neuboff, natione Westphalus, Anglica navi vestus in Insulam splendide cum comitatu, apparatuque bellico, & duobus, ut fertur, thalerorum millionibus instructus, Rex Corsicæ libero in campo eligitur & coronatur, præmissa tamen Capitulatione: qua decernitur, ut regnum etiam ad posterum ejus transeat, 24 tamen habeat ex Corsis assessores, quorum 12 semper in ejus Aula versentur, & sine eorum consensu nihil gravius statuatur: Genuenses, confiscatis eorum bonis, exesse jubeat. Ad honores non nisi Corsos evehat. Ultra 1200 peregrinos milites ne introducat. Academia & Ordo Equestris erigatur. Regi tributum pendatur &c.

Creavit dein Rex Theodorus novos Comites & Barones, atque ex iis Equestrum Ordinem constituit. Cum Genuensibus geminum prælium conferuit. Primo vicit, altero victus est; & cum pecunia jam deficeret, mutato habitu Liburnum evasit, relicto tamen promisso, cum nervo belli novoque apparatu propediem se rediturum.

Rex Sardinia hoc anno Præliminaribus Viennensibus subscripsit, extractisque Mediolano, Pizzigethona, & Cremona præsidiiis, Novar.

101.
Theodorus
Rex Corsicæ.

Sardus accepit præliminaria.

Novarram & Tortonam cum suis districtibus elegit, simulque cum 4 aliis locis Langharum feuda ab Imperatore recepit. Despondit sibi Elisabetham Lotharingam.

Et Hispani.

Novellera
ad Mutinen-
sem.

Hispani, acceptatis tandem & ipsi Præliminaribus, *Parma & Placentia* excessere: illius, Caesaris nomine, possessionem cepit Lobkovitius, hujus Wachtendonckius. Quia tamen cessionis acta necdum fuerant commutata, Hispani adhuc hærebant in Thuscia. Dux vero Mutinensis Bononia ad sua rediit. Quia autem tempore belli ejus ditiones multa sunt perpessæ, Imperator ei Ducatum *Novellera*, fiduciali jure possidendum, tradidit, ut ea ratione damnum ipsi compensaretur.

Obiit Emmanuel *Vilbena*, Lusitanus, Magister supremus Ordinis Melitenensis, 15 anno Regiminis. Altera mox die Equites elegerunt Raymundum de Puig, Nobilem Majoricanum. Si intra tres a morte dies Equites non eligant novum Magistrum, jus devolvitur ad Papam.

Art. XI.

Regis Theodori fata. Nuptiæ Sardi. Stirps Medicea extincta.]
Succedit Dux Lotbringiæ. Obit Dux Mutina

102.

Anno 1737 Controversia oriebatur inter Pontificem, & Carolum, Regem Utriusque Sicilia, qui nominationem ad Episcopatum & Abbatias prætendit, vetuitque, ne quid ultra ad mortuas, ut ajunt, manus deveniret.

Obierunt 4 Cardinales, 1 Renatus Imperiali, Genuensis; in duabus electionibus dignus Pontificatu visus, sed Casareis non placuit. 2 Curtius Orighius, Præses Congregationis Concilii. 3 Henricus Bissius Gallus, Episcopus Meldenfis. 4 Antonius Zandedari, Senensis.

Creati vero sunt sex. 1 Thomas Almeida, Lusitanus, Patriarcha Olyssiponenfis. 2 Josephus Comes *Lambergius*, Episcopus Passaviensis. 3 Casparus *Molinos*, Hispanus, Episcopus Malacentis. 4 Henricus *Turentius d' Auvergne*, Gallus, Archiepiscopus Viennensis. 5 Joannes *Lipsky*, Polonus, Episcopus Cracoviensis. 6 Carolus *Rezzonico*, Venetus, natus anno 1693. Dominus conservet Eum!

Rex

Rex Carolus, accepta cessione Cæsaris, factaque pace, ad decem Hispanorum millia dimisit, regnaque sua sapientissime ordinavit. Consilio bellico præfexit Comitem Charnium, Boncampagnum Aulæ, Corsinum Siciliæ.

Coris Regem suum Theodorum expectabant reducem. At ille ^{Theodori facta.} Amstelodami propter debita in custodiam datus; illis vero solutis liberatus, latuit, ut nemo sciret, quo devenisset. Genuenses novum in Corsicam miserunt Commissarium, qui turbas componeret; sed *Ortoconi* pervicacia effectum nihil.

Veneti *Eduardo*, Jacobi III filio, ad urbem suam venienti, magnos honores exhibebant; quæ res tam graviter Londini accepta est, ut Legatus Venetus ex regno discedere fuerit jussus. Excusarunt Veneti, se id genus honoris aliis etiam Principibus deferre solitos. Cæterum Respublica a Cæsare permoveri non poterat, ut & ipsa in Turcam arma caperet.

Carolus Emmanuel Rex Sardinie tertium hoc anno matrimonium Lunevillæ per procuratorem, Principem Carignanum, agna-^{Nuptiæ.} tum suum, inijt cum Elisabetha Theresia, Francisci Stephani, Lotharingie Ducis, sorore. Rex illam in Sabaudia excepit, & mox Camberii Archiepiscopus Benedictionem nuptialem illis impertivit.

Imperator, pacificam Mediolani, Parmæ, & Placentiæ possessionem adeptus, omnibus tribus Ducatibus Gubernatorem præfexit Ottonem Ferdinandum *Trautium*, qui prius copiis Cæsareis Neapoli præfectus fuerat.

Florentiæ Asta Cessionis inter Cæsaream & Neapolitanam Aulam fuerunt commutata. Hispanæ copię decesserunt; Cæsareæ vero immigrarunt, atque ductore *Wachtendonkio* Pisam, Liburnum, & Portum Ferrarium occuparunt. Francisco Stephano vero Duci Lotharingiæ Investitura in eventum est collata.

At brevi post obiit *Joannes Gasto*, Dux Magnus Hetruriæ, 67 ^{103.} ætatis anno, Regiminis 14, Medicæ stirpis ultimus. Successit ^{Cum Gasto extrinsecus stirps Mediceæ.} (fratre Ferdinando jam mortuo) Cosmo III patri suo 1723. Conjugem, vel quasi talem, habuit Franciscam, Julii Francisci, ultimi Ducis Saxo-Lavenburgici primogenitam, Philippi Palatini viduam, quæ tamen ab eo in Bohemiam ad sua bona jam pridem recesserat, propter impotentiam, ut putabat, impedimentum. Supererat unica soror Maria Anna, Joannis Wilhelmi Electoris Palatini vidua, pariter sterilis: quæ ætate jam provecta quieti & præparationi ad mortem se dedit, mundo muliebri, regia habitatione, & 40000 scutorum annua pensione contenta.

Part X.

Q q

Suc-

Succedit
Dux Loth.

Successit igitur secundum pacta publica in Magno Thuscæ Ducatu *Franciscus Stephanus* Dux Lotharingæ, Imperatoris gener; & Princeps *Marcus de Croon*, Lotharingus, ejus nomine Acta Investituræ populo promulgavit, Ducatusque possessionem cepit, homagio & juramento fidelitatis exacto.

Obit Dux
Mutinæ-

Obiit quoque *Raynaldus*, Dux *Mutinæ*, ætatis anno 83, Regiminis 44. Commendatione *Jacobi I* Regis Angliæ, qui ejus neptim habebat conjugem, primum factus est Cardinalis, sed cum *Franciscus II* (ejus ex seniore fratre nepos) 1694 sine liberis decessit, deposita purpura, eidem in Ducatu Mutinensi successit, ceu hæres proximus.

Anno 1696 duxit *Carolinam Felicitatem*, *Joannis Friderici*, *Hannoverani Ducis* (qui Catholicam Religionem professus fuerat) filiam, sororem Imperatricis *Wilhelmine Amaliæ*. Propter quam affinitatem *Raynaldus* semper partes Austriacas fuit secutus.

Quapropter a Gallis bis Ducatu pulsus, videlicet 1703 & 1734. Sed bis iterum restitutus, nempe 1706 & 1736. in compensationem damni *Novellaram* a Cæsare accepit, prout etiam *Aradum* in *Hungaria*. Ducatum autem *Mirandulæ* & *Concordiæ* jam anno 1710 emptione acquisivit a Cæsare, protestante licet *Domo Gonzagana*; in *Ferrariensi* autem Ducatu insignia bona per hereditatem, defuncto *Marchione Estensi* agnato.

Succedit
Franc. filius.

Successit *Filius Franciscus Maria*, natus anno 1698, qui ducta anno 1720 *Carolina*, *Philippi II Ducis Aurelianensis*, *Galliæ* tunc Regentis filia, ob, nescio quas, dissensiones, a Ministris Aulæ nutritas, a patre *Raynaldo* se separavit, & modo *Genuæ*, modo *Parisiis* cum conjugē degebat. Tempore mortis paternæ bello Turcico interfuit; unde provincias interim soror administrabat, donec frater, quem Imperator large *Viennæ* donatum rei tormentariæ per omnes in Italia Cæsareas provincias præfecit, *Mutinam* rediret, & habenas capefferet. Filius ejus *Franciscus Constantinus* priore jam anno sibi desponderat *Theresiam*, *Massæ* & *Carraræ* Principem.

Art. XII.

Investitura Siciliae. Nuptiae Caroli Regis. Galli in Corsicam. Theodorus in carcere. Alberoni spiritus. Obiit Cienfuegos Card. Tencin fns Card. Obiit Clementis XII.

Anno 1738 Pontifex, compositis dissidiis, Carolo Regi utriusque Siciliae Investituram contulit, postquam per Cardinalem Aqua-^{104.} viva juramentum fidelitatis deposuit. Recepit etiam a Colonna ^{Investitura Siciliae.} Comite Stabuli sonipedem cum 7000 aureis annuo canone. Protestati contra hos actus sunt Cardinalis de Judice & Comes Harrachius, Ministri Casarei, eo quod Rex Hispaniae necdum subscripsisset tractatui pacis initae.

Cardinales mortui sunt 4, nimirum 1 Fabius Olivieri, Pisaurus. 2 Hannibal Comes a Schrattenbach, Episcopus Olomucensis. 3 Franciscus Barberini. 4 Josephus Pereira. Suffecti vero tres. 1 Reinardus Dilei, Bononiensis, Nuntius Parisiis. 2 Dominicus Passionei, Fossombrunensis, Nuntius Viennae. 3 Valentinus Gonzaga, Mantuanus, Nuntius Madriti.

Carolus Rex utriusque Siciliae duxit Mariam Anoliam, Poloniae Regis & Saxoniae Electoris filiam primogenitam, splendida ubique ^{Nuptiae Regiae.} veneratione exceptam. Frater ejus quoque, Princeps Electoralis, Romam & Neapolim invisit, sub nomine Comitum Lusitaniae, comitibus Wackerbarthio, & Brühllo. Rex, praeter alias solennitates, Ordinem S. Januarii instituit; cujus regulae sunt, defendere Religionem Catholicam: tollere inimicitias: Deo & Regi fidem servare: ^{Ordo S. Januarii.} 19 Sep. Ordinis festo communicare: pro defunctis Equitibus orare: ^{nuaril.} duello abstinere, nec illud, acceptare: cultui Divino interesse. In hunc Ordinem, cujus Rex ipse supremus est Magister, primo suscepit Philippum & Ludovicum fratres suos, cum Principe Electorali Saxoniae, dein praecipuos Nobilitate Procures 48.

Inter Casarem & Regem Sardiniae orta controversia ratione Serravallo, urbis & transitus in finibus Genuensibus, quem Rex ad Tortonam spectare dicebat, negabat Imperator.

Venit cum sex cohortibus Gallicis Comes de Boissieux in Corsicam, pacem suaturus: sed frustra, praesertim, postquam Theodorus cum novo rursus armorum apparatu in Insulam appulsus est. ^{Galli in Corsicam.} At hortatus incolas, ne Gallos audiant, fidaeque sibi persistant, Neapolin

Theod. in
carcere,

polin abiit, ubi captus, datusque Cajetæ in carcerem, brevi rursus liberatus est. *Castaneta* interea & *Hyacinthus Paoli* Gallos & *Genueses* vicerunt.

Anno 1739 mortuo Boffio Marchio de *Mallebois* succedens, novas in Corsicam adduxit copias, Corsosque ita concidit, ut multi cum *Paolo* & *Giaffero* se submitterent.

Dux Magnus
in Italiam.

Franciscus Stephanus Dux Magnus Hetruriæ cum conjuge sua Archiduce in Italiam profectus 20 Jan. Florentiam attigit, rebusque ibi compositis, Taurini ad sororem invisit. Serenissimum hoc par Veronæ, Mantuæ, Bononiæ, Florentiæ, Liburni, Pisis, Mutinæ, Parmæ, Placentiæ, Mediolani, Oeniponti, quo Mater Ducis Nanceio excurrebat, incredibili, ut par est, solennitate exceptum est. Itineris Comes fuit Princeps Carolus, Ducis frater.

Cum Aula Taurinensi adhuc fervebat dilectatio de Serravalle, an ad territorium Tortonenſe pertineat; tandem tamen Rex tractatui, Casarem inter & Galliam inito, subscript.

Franciscus Maria Dux Mutinæ Investituram *Novelloræ* ab Imperatore accepit. Conjux ejus Carolina Aglais, post quinquennem in Gallia, patria sua, moram, Mutinam rediit.

Alberoni
spiritus.

In parva S. Marini Republica inter senatum & populum ortis discordiis, hic ad Sedis Apostolicæ tutelam recurrit. Quare Cardinali *Alberoni*, Ravennæ Vice-Legato, injunctum est, ut causam cognoscat, & pro æquitate componat. At ille, adhuc dum Martiis spiritibus fervens, armato cum milite in urbem irrupit, & Pontifici homagium præstari petens juramentum fidei imperavit. At Pontifex, re cognita, omnia in pristinum statum reponi jussit.

Cienfuegos
obit.

Obierunt hoc anno Cardinales tres: 1. *Alvarus Cienfuegos*, Hispanus S. J. anno æt. 82, vir profundissima doctrina Theologicæ, prout ænigma ipsius Theologicum de SS. Trinitate satis demonstrat, nec minus tamen politicis artibus clarus. Quapropter eum Cæsar suum Romæ Oratorem esse voluit. Quamvis autem eidem etiam Montis Realis in Sicilia Archiepiscopatum attribuisse, solutis tamen debitis, nihil superfuit. 2. *Carolus Colonna*, 3. *Georgius Spinola*.

Tencia Card.

Subrogati vero sunt quinque: 1. *Cajetanus Stampa*, Archiepiscopus Mediolanensis. 2. *Petrus Tencia*, Gallus, Episcopus Ebrodunensis, vir magna probitate & doctrina, quam ostendit, dum postea Romæ Gallici Legati munere fungeretur, & Parisiis inter intimos Ministros assumeretur. 3. *Marcellinus Corio*, Mediolanensis, Gubernator Romæ. 4. *Prosper Colonna*, Romanus. 5. *Carolus Maria Sacripanti*, Narniensis.

Quan-

Quantum ad Nuntios, Barnius ibat in Hispaniam, loco illius Durini in Helvetiam, Archinto Florentiam, Oddi Venetiis in Lusitaniam, Crivelli Coloniam, Crescentius in Galliam, Stoppani Florentia Venetias. Nuntii.

Anno 1740 obiit *Clemens XII* Pontifex Maximus, ætatis 88, Pontificatus X. Multas Constitutiones edidit, quæ Bullarii Romani Tomum XIII & XIV implent; primam constituunt Regulæ Cancellariæ, quas more aliorum Pontificum confirmavit, & breviter delibandas censui. Obiit Clem. XII.

Art. XIII.

Regulæ Cancellariæ.

Et imprimis quidem renovavit & confirmavit 72. *Regulas Cancellariæ*, similes illis, quibus alii Pontifices a longo tempore auctoritatem, & vim legis impertierunt. Pleræque concernunt Beneficia Ecclesiastica, Reservationes nempe eorum, quæ Joannes XXII in Bulla *Execrabilis* Sedi Apostolicæ reservaverat. Item reservantur Dignitates Pontificales, majores post Pontificales, Beneficia vacantia per affectuionem pacificam alterius Beneficii, vacantia per obitum Cardinalis, aut ejus familiarium, aut per obitum curialium, Collectorum, aut quæ vacant Romæ in Ecclesiis S. Joannis Lateranensis, S. Petri, B. Mariæ Majoris; item Menses Papales, & quæcunque a Prædecessoribus sunt reservata. 106.
Regulæ
Cancellariæ

Revalidantur gratiæ, ab Bened. XIII ultimo ejus anno concessæ. Revocantur uniones, dismembrationes, suppressiones, quæ suum non sunt sortitæ effectum; item facultates dispensandi in gradibus prohibitis matrimonii, aut retinendi plura Beneficia incompatibilia. Traditur modus & forma expediendi litteras Apostolicas. Reg. 19 traditur *Regula de viginti*, quod videlicet resignatio sit irrita, si infirmus intra 20 dies post resignationem obeat. Idem de Beneficio adhuc viventis, qui asseritur mortuus. In unione exprimens valor Beneficiorum, & Commissio facienda in partibus, vocatis, quorum interest: Idem in dismembrationibus &c. Reg. de vi-
ginti.

Non valeant Commissiones causarum, nisi litteris expeditis. Reg. 36 agit de *Trienniali possessione* Beneficii suffragante, si titulum coloratum habeat, nec Simoniace illud obtinuerit, nec fuerit intrusus. Reg. 37 non appellandum ab Interlocutoria, nisi habeat Tunc poss.

vim definitivæ, & per hanc gravamen non possit reparari. Reg. 49. In dispensationem in gradu consanguinitatis aut affinitatis ponatur in litteris clausula: *Si mulier rapta non fuerit.* Reg. 50. In dispensatione in defectu natalium, quod non præjudicetur ob inestato succedentibus.

Reg. 52 Nulla dispensatio suffragetur, nisi in litteris contineatur.

53. In litteris Indulgentiarum ponatur, non valere dispensationem, si in Ecclesia eadem habeantur aliæ Indulgentiæ, de quibus nulla in petitione facta est mentio.

54. Nec expediantur *ad instar*, nisi specificentur.

55. In Beneficiis obtinendis exprimatur valor annuus, & quantitas: apponaturque in litteris Cancellariæ Clausula: *si est ita.*

67. Sub gravibus censuris prohibet Pontifex, ne officiales curiæ pro expeditionibus aliquid exigant ultra taxam.

68. Beneficia Sedis Apost. reservata, si vacent Sede Apost. vacante, reservantur Pontifici successori.

70. Cardinales in odiosis Regulis non comprehenduntur, nisi exprimantur.

71. Regulis Cancellariæ non derogatur in litteris, constitutionibus, & clausulis derogatoriis, nisi earum fiat expressa mentio.

Art. XIV.

Electio Benedicti XIV. Coscia absolutus. De Sicilia & Sardinia. Variæ prætensiones. Massa Carrara ad Mutinensem. Obitus Ducis Veneti.

106.
Electio Bened.
XIV.

18 Februarii 1740 Cardinales Conclave ingressi, Canones, de electione summi Pontificis latis, observaturos se jurabant, & a Fabricio Colonna, Duce Pagliano, Conclavis Gubernatore, juramentum fidei exigebant. Diu vota inter Aldrovandum & Gottum dividebantur. Nec mirum est, duas tertias non adeo facile nec ita cito in unum caput convenire

Post semestre tandem tempus unanimi voce electus est Cardinalis Prosper Laurentius *Lambertinus*, Bononienfis, natus 1675, Cardinalis creatus 1728, Archiepiscopus Bononienfis 1731, & quia a Benedicto XIII purpura fuerat donatus, *Benedicti XIV* nomen assumpsit, vir omni litteratura, sacrorum præsertim Canonum eruditione & doctrina præstans.

Car.

Cardinalis *Coscia*, qui hactenus Monasterio S. Alexii fuerat in-
clusus, ad electionem in Conclave fuit admissus, & ab electo Pon-
tifice voce activa & passiva donatus, ad Palatium suum rediit.

Cardinales hoc anno Benedictus nullos creavit, officia tamen
distribuit, *Aldrovandus* dictus Secretarius Status, *Passioneus* Secreta-
rius Brevium, *Alberonius* Legatus Bononiæ, *Delcius* Ferrariæ.

Defuncti autem Cardinales sunt septem :

Obitus 7

1. *Davia*, Boronienfis, Præfex Congregationis Indicis.
2. *Gilbertus Borromæus*, Mediolanenfis, Episcopus Novarræ.
3. *Seraphinus Cenci*, Romanus, Archiepiscopus Beneventanus.
4. *Joan. Bapt. Altieri*, Romanus, in Conclavi morbo correptus.
5. *Leander Portia*, Foro-Julienfis, Episcopus Bergomenfis,

Card. 112

Ord. S. Benedicti.

6. *Petrus Ottoboni*, Venetus, Jubilæus Cardinalis.
7. *Benedictus Odescalculus*, qui antea fuerat Archiep. Mediola-
nenfis.

Cum Camillus Paolucius Nuntius Viennæ mortem Caroli VI
Imperatoris nuntiasset, communis Romæ erat luctus, & timor fu-
tutorum. Mox autem Pontifex Mariam Theresiam Archiducem
agnovit hæredem, atque Ducem *Doris*, Camerarium suum, Fran-
cosurtum, electionis locum ablegavit Internuntium, adjunctis
Mansio & Emaldio, illum, ut Secretarii, hunc, ut Advocati mu-
nere fungeretur.

Rex utriusque Siciliæ cum Turcis tractatum commercialem iniiit,
misso Constantinopolim Legato, & Hebræis, qui ab anno 1540 in
neutro regno tolerabantur, ad 50 annos ingressum concessit, at-
que Neapoli, Messinæ, Panormi, Synagogam; fore ratus, ut sic
commercia, ab Anglis abstracta, magis efflorescerent. Hoc anno
Rex neutras adhuc partes fuit secutus, vetuitque, armatas naves
suis in portibus recipi.

Rex Sardinia, audita Cæsaris morte, litteras patentes Vicaria-
tus sui Italici in omnibus provinciis, ab Imperio dependentibus, *Sard.*
affigi iussit, suæque munimenta reparari. Agnovit tamen Mariam
Theresiam hæredem, prout subscribendo Sanctioni Pragmaticæ
promiserat.

Henrica Mutinensis, Antonii Farnesi, ultimi Ducis Parmen-
sis vidua, nupsit Leopoldo Darmstadiensi Principi, Philippi Guber-
natoris olim Mantuani filio.

Anno

Rex Carol.
accedit fœ-
deri.

Anno 1741 Carolus Rex utriusque Siciliæ accessit fœderi, contra Mariam Theresiam Archiducem inito; atque munimenta Status Præsidii militie firmavit. Commencia autem adhuc altius provecturus, cum Duce pariter Tripolitano contractum inivit. *Corfino* Duci S. Colum. bæ Proregem Siciliæ subrogavit Ducem *Castropignanum*, qui fuerat Legatus Parisiis. Excepit Neapoli Legatum Turcicum.

Sard. præ-
tensio in Me-
diol.

Rex Sardinia edidit Deductionem Juridicam prætensionis suæ in Ducatum Mediolanensem. Fundavit eam in *ordinatione Caroli V* de anno 1549, qua vocasset ad successionem Philippi II filii sui masculos hæredes, iis autem deficientibus illius filias, & earum legitimos masculos, secundum ordinem Primogenituræ.

Jam vero se descendere recta linea ex *Catharina*, Philippi II filia, Carolo Emmanueli, Duci Sabaudia, atavo suo nupta; ac proin se ante filias Philippi III fuisse vocatum, utpote ex filia primi acquirentis descendentem. Dum Rex ita disputat, amisit tertiam suam conjugem *Lotharingam* eo tempore, quo ipsi peperit filium *Benedictum Mauritiū*.

Et Domus
Gonzagæ in
Mant.

Traunius autem Gubernator Mediolani nomine Mariæ Theresiæ homagium recepit: uti etiam Mantuæ, non obstante protestatione Ducis Guastallæ, Caroli IV Mantuæ Ducis, anno 1708 in banno mortui, agnati proximi: qui propterea prætensionem suam Electoribus Francofurti proposuit, uti etiam alii Domus Gonzagæ Principes, quibus Imperator Josephus, quod in bello Hispanico partes Philippi V sequerentur, Castilionis Principatum ademit, Principatum vero Bozolum & Sabionedam in Ducem Guastallæ transulit: inde Principum Castilionis & Sulzerini prætensiones.

Maffia Carraræ.

Ducis Mutinensis Princeps hæreditarius *Hercules Reynaldus* sibi junxit Mariam, prædivitem hæredem Domus Cibo, & cum ea Ducatum *Maffia* & Principatum *Carraræ* ad mare Ligusticum, cum pluribus aliis ditionibus. Erat autem Maria Alderandi ultimi Ducis *Maffia* filia, desponsa antea juniori Principi Eugenio.

Bello majori in Germania exorto, Galli magnam partem Corsica excessere, reliquis præerat Villemurius Marchio. Baro *Droffus*, Theodori propinquus, novas turbas concitare molitus, interceptus, & in custodiam datus est.

Bouchio Melitenium Magistro defuncto successit Emmanuel *Pinto*, Lusitanus, qui hætenus fuerat Cancellarius Ordinis.

Venetia.

Obiit quoque Aloysius *Pisani* Venetorum Dux, cui successit Petrus *Grimani*, Viennæ antea & Londini Legatus Reipublicæ. In locum vero *Correri* defuncti Patriarchæ Veneti & Dalmatiæ Prima-

tis

tis electus est Aloysius Foscarini. Ad Veronam secundum Athesin locabant Veneti 20000, ut fines defenderent. Iis præerat Emo, Schulenburgio ob ætatem invalido.

Neque hoc anno Papa novos Cardinales creavit, quamvis 5 obierint, videlicet 1. Bartholomæus *Ruspoli* ex Domo Marescotorum. 2. *Lanfredinus*. 3. Laurentius *Alveri* Cardinalis Jubilæus. 4. Marcellus *Passeri*. 5. Melchior *Polignac* Parisiis, de regno Gallia & Ecclesia optime meritus.

Art. XV.

Hispani prætenso in ditiones Domus Austriacæ. Sardus accedit Austriacis, Mutinensis Hispanis; qui Sabaudiam subigunt. In Italia minus felices. Montemario surrogatur Gaglius.

Tractatus Wormatiensis: Pugna ad Campum Sanctum. 10 Cardd. mortui, 24 creati.

Anno 1742 Rex Hispaniæ, quia relictam a Carolo VI Cæsare amplissimam hæreditatem sibi vendicabat, Italicas præsertim provincias, exercitum sub Montemario in Italiam misit, cui copiae utriusque Siciliæ se conjungebant sub Duce Castropingnano. Quæ tamen, quod classis Anglica Neapolin tormentis impetere minaretur, separare se rursus domumque reverti cogeantur, Regem se neutrum declarante. Reliquit tamen aliquot legiones Montemario, Hispanis stipendiis eas jam inde ab ultimo bello sustentatas asserens.

De Rege Sardinia magnis studiis certabatur, Austriacis & Gallo. Hispanis eum in suas partes pertrahere conantibus; quia maximum in eo momentum esse non ignorabant. Sed cum Hispani Mediolanum sibi vendicarent, accessit Austriacis. Permovit eum maxime Rex Angliæ, qui, conventionem 1 Febr. inita promissit, toto belli tempore pro custodia Italiae excubituram classem Anglicam.

Igitur Rex copias suas cum Austriacis, quas Traunius Vicarius ducebat, in Placentino & Parmensi Ducatu conjunxit, atque in ditiones Francisci Mariæ Ducis Mutinensis, qui contra morem patris sui Raynaldi partes Hispanicas fuerat amplexus, Ferrariam & Comacinum, ut fertur, sperans, atque in Venetam ditionem secesserat, exercitum duxit.

107.
Hisp. præten-
dit hæred.
Austri.

Sard. con-
silia.

Accedit Aus-
triacis;

Mutinensis
Hispanis,

Pars X

R r

Fortas

Portas *Mutinae* apertas invenit; at castello vim experiri placuit: sed 1 Julii expugnatum est, & praesidium more militari captum. Volebat quidem illud diruere, sed intercedente haereditario Principe, qui ibidem remanserat, reliquit integrum. *Mirandula* dein vis admota, quæ 23 Julii se dedit, praesidio dimisso libero. Victori-
 bus praestitum homagium.

Hispani, qui ad solvendam obsidionem accurrerant, hoc comperto, in territorium Romanum recessere. Insecuti foederati, Austriaci & Sabaudi, Neapolin usque propulsuri eos credebantur; cum mutato consilio in Insubriam redierunt.

Causa inexpectati reditus erat, tum quia Rex utriusque Siciliae se iterum declaravit neutrum, tum maxime, quia Hispani ex altera parte cum novo exercitu (quatuordecim millium censebatur) sub *Philippo*, Regis Hispaniae filio, & Comite *Glimessio* per Delphinatum in Sabaudiam irruerant, Pedemontium, ut videbatur, invasuri. Jamque Camberii a Sabaudis juramentum fidei exegerant, cum Rex Sardiniae per montem, quem minorem *Bernardum* vocant, superveniens, eos ex Sabaudia in Delphinatum expulit.

Displicuit Regi Hispaniae haec praiceps suorum ex *Sabaudia* fuga, exauctoratoque *Glimessio*, *Minasium* (de *las Minas*) qui exercitum rogeret, cum supplementis misit. Is *Gratianopoli* in Sabaudiam movens, sub finem anni illam subegit, Rege, non modica clade affecto, per Alpes in Pedemontium recedente. Hispani vero ad lacum *Genevensen* ita se diffuderant, ut *Genevenses* *Helvetique* non parum commoverentur, atque suspicarentur, eos per *Vallesiam* in *Mediolanensem* provinciam iter molituros. Sed illi, *Montmeliano* etiam occupato, hyemem in Sabaudia exegerunt, *Philippo* Principe *Camberii* sedem figente.

Sicut autem Rex Hispaniae *Glimesium* praefectura belli privavit, ita etiam *Montemarium* veteranum licet Hispanorum Archistrategum, ob res minus prospere in Italia gestas, quod scilicet *Mutinam* & *Mirandulam* eripi velut otiosus spectasset: illique substituit *Gagium* (*Gage*) natione Belgam, arte militari virum praestantem.

Novus hic armorum praefectus, cum tempus rei gerendae esset elapsum, in castris ad *Bononiam* munitis se continuit, equitatum vero *Imolam* (*Forum Cornelii*) hybernatum misit. Austriaci & Sardinum in Ducato *Florentino*, *Parmensi* & *Mutinen*si, tum ad fluvium *Panarum*, ad tegendam *Mutinam* hyberna capiebant. Et hic anno isto fuit fructus & finis expeditionis: Hispani occuparunt Sabaudiam, foederati *Mutinam* & *Mirandulam*.

Porro

108.
 Hisp. in Sa-
 baudiam.

Montemario
 substitutus
 Gagius.

Fructus ex-
 peditionis.

Porro Franciscus Stephanus, Florentiæ Dux pro suis provinciis neutralitatem professus est; voluitque Gallia, ut Tuscia, titulo admodum oneroso accepta, in hoc bello intacta remaneret.

Quanta autem Status Pontificius hoc & priore anno a tot militibus, illum percurstantibus, imo & hyberna in eo figentibus, passus sit, facile est æstimare. Pontifex autem a Carolo Alberto suæ opera Articulus IV pacis Riscicensis adhuc integer persistat, non obstante multo Protestantium molimine; id quod Papa agnoscat Carolum VII. Cardinalium Consistorio dilaudavit, per speciale dein Breve coronam Imperialem gratulatus, conquerente licet Thunio, Legato Austriaco, Electorem Baviaræ tam facile agnitum Imperatorem; cum Regina sua a voto contra fas exclusa fuerit.

Venit etiam Romam Mansfeldius, extraordinarius novi Imperatoris Legatus, a Pontifice magna cum humanitatis significatione ad alloquium admissus. Ordinarius autem Cæsaris Orator Romæ fuit Pompejus Scarlatti, & Cardinalis Borghesius Germaniæ Protector. Doria vero, qui ad electionem Cæsarem fuerat ablegatus, iussus est, apud Aulam Imperatoris subsistere.

De Cardinalium Collegio morte abrepti sunt, 1. Vincentius Gotti. 2. Vincentius Ferreri, Episcopus Vercellensis. 3. Cajetanus Stampa, Archiepiscopus Mediolanensis. 4. Marcellinus Corio.

Cardinalis vero Coscia in omnia sua Beneficia fuit restitutus, excepto Archiepiscopatu Beneventano, quem Franciscus Lanti possidebat.

Anno 1743 cum Galli & Hispani cernerent, se difficulter ab Occidente in Italiam evasuros, si Regem Sardinie potentissimum haberent adversum, omni conatu promissisque eum lucrari, suisque partibus adungere laborabant. At ille Domus suæ rationibus magis consentaneum censebat, si Domus Borbonica non nimium potens fieret in Italia; cumque amplissima accederent promissa per tractatum Wormatiensem, totis viribus incumbendum censuit, ut illa ab Infubria & Liguria arceretur.

Quoniam autem Tractatus ille Wormatiensis celeberrimus, a Regina Hungariæ & Rege Angliæ, Wormatiæ 1 Febr. 1743 cum Rege Sardinie initus, Italiam potissimum spectat; non fuerit Wormatienscopo alienum, illius summam hic interferere. Constat 18 Articulis.

1. Tres contrahentes mutua sibi promittunt auxilia.
2. Cavent sibi invicem de omnibus provinciis, quas possident, aut possidebunt vi fœderis, anno 1703 Taurini percussi; quod rehovant, exceptis iis, quæ hic mutantur.
3. Rex Sardiæ renuntiat prætensionis suæ in Ducatum Mediolanensem, spondetque Austriacæ Sanctionem Pragmaticam tueri, prout jam anno 1731 spondidit, ea tamen conditione, ne Regina extra Italiam mittere auxilia debeat.
4. Hinc conjunctæ in Italia copiæ pergant, terras Regiæ tueri.
5. Hunc in finem Regina 30000, Rex vero 45000 alet belli tempore.
6. Rex totius fœderati exercitus summus sit Imperator.
7. Anglia, quamdiu opus fuerit, habebit in Mediterraneo, ad obsequia Austriæ & Sardiæ paratam classem.
8. Anglia, quamdiu bellum durabit, quot annis Regi Sardiæ solvat ducenta librarum Sterlingarum millia.
9. Regina de Mediolanensi Ducatu cedit Regi Sardiæ: 1. *Vogevanum* cum suo districtu. 2. Partem illam *Ticinensem* seu *Papiensem*, quæ inter Padum & Tessinum sita est, ita, ut *Tessinus* sit limes utriusque ditionis, a lacu Verbano seu lacu Majore usque ad locum, in quo cum Pado seu Erydano se cominiscet: sola Insula juxta Ticinum excepta, quam Tessinus efficit.
- Insuper 3 territorium *Bobbienſe* cum urbe *Placentia*, & partem hujus Ducatus, usque ad *Nuram* fluvium porrectam. 4. ex parte *Anchieræ* terras, quæ cis lacum Majorem porriguntur, una cum dimidio ejus lacus. Has autem terras, partim de Mediolanensi, partim de Placentino Ducatu decerptas, Rex potest unire cum suis provinciis sub feudali tamen nexu cum Imperio.
10. Adhæc Regina cedit Regi omne suum jus & prætensionem ad Marchionatum *Finalensem* & portum, sperans, Genuam præmium emptionis recepturam. Ad hoc tamen refundendum nec Regina, nec Rex se obligat. Portus autem Finalensis, sicut *Liburnus*, sit liber.
11. Tres contrahentes nullam pacem aut inducias se inituros promittunt, nisi cessiones istæ, Regi Sardiæ factæ, & restitutio omnium ablatorum, in iis comprehendantur.

12. Contra vero Rex promittit, se constanter fidem servaturum, donec bellum non tantum in Italia, sed etiam Germania finitum fuerit.

13. Bello in Italia finito, Regina non potest tantum copias suas ex Italia in Germaniam avocare; sed etiam petere, ut Sardiniae copiae sibi ad tutelam Longobardiae cedantur.

14. Nullus omnino tractatus cum hostibus ineatur, nisi consensu & approbationibus omnibus foederatis. Hic tractatus etiam post pacem conclusam ad securitatem foederatorum persistat.

15. Angliae promittuntur commoda & praerogativae commerciorum.

16. & 17. Ad hunc tractatum invitentur Hollandi, & omnes, quibus securitas Europae, Germaniae, & Italiae cordi est.

18. Ratificationes intra sex hebdomades commutentur.

Wormatie 13 Sept. 1743.

Hunc tractatum conceperunt, nomine Reginae Baro *Wafner*: nomine Regis Angliae *Carteretus*: nomine Regis Sardiniae *Ossius*. Ita tamen clam fuit conclusus, ut articuli illius non innotescerent, nisi postquam sub initium anni sequentis Parlamento Angliae erat proponendus.

Cum Gallia videret, Regem Sardiniae nullo pacto a Regina Hungariae posse abstrahi, decem suorum millia cum Hispanis, quorum viginti circiter millia sub Philippo Infante & Minasio militabant, in Delphinatu conjunxit. Omnis industria eo collimabat, quomodo in Italiam penetrare possent. Igitur cum fauces & angustam vallem Augustae Praetoriae Rex haberet obseptam, atque per montem Jovis & Simplonium Vallesiani ac Helveti negarent transitum, per Salutias aditum tentarunt. Verum ad *Castrum Delphini*, cum iniquo loco pugnandum esset, a Rege praelio victi atque repulsi sunt, 8 Octobris. Hyberna dein rursus in Delphinatu & Sabaudia capta.

Alter Hispanorum exercitus, sub Joanne Bapt. *Gagio*, quem Montemario substitutum diximus, jam 2 Februarii ex hybernis Bononiensibus egressus, superato Panaro flumine, in Mutinensem provinciam irrupit. At *Traunius* Austriacorum, & *Aspremontius* Sardorum ductor, quamvis necdum receptis, quae expectaverant, supplementis, obviam ad *Campum Sanctum* processerunt.

Pugna ad
Campum
Sanctium.

Commissum ibidem vehemens prælium. Equitatus fœderatorum in fugam jam ferme actus fuerat, cum peditatus, phalangis instar Macedonicæ firmiter consistens pugnam restituit. Pars utraque victoriam sibi attribuit. Verum si ex effectu illa æstimanda venit, facile, penes quam partem steterit, iudicabitur. Nam fœderato exercitu in acie adhuc persistente, Hispani viam relegentes, Bononiam, unde venerant, redierunt. Fœderati vero recedentes infecuti, eos ex Ferrariensi primum agro, dein ex Romaniola seu Flaminia quoque ad mare usque Adriaticum propulerunt, ibique circum Ariminum hyemem exegerunt, utroque exercitu terras Pontificias premente, quæ alimenta eis præbere cogeantur.

Traunio succedit
Lobkovicus.

Cæterum in cruento ad Campum Sanctum prælio lethaliter vulneratus est *Aspremontius* Sardorum Duxor, Comite de *Manta* ei substituto. Traunio vero in Germaniam avvocato subrogatus est Princeps *Lobkovicus*, qui Taurinum abiit, de futura expeditione cum Rege collaturus. Conquestus sapius est Pontifex apud Cardinalem Aquaviva, Hispanum Romæ Ministrum, de territorio suo oppresso; at excusatione necessitatis contentus esse debuit.

Pozzobonellus.

Mortuo Stampa Archiepiscopo Mediolanensi Regina ceu Dux Mediolanensis Pontifici tres proposuit, sed is, cum nullus ex iis placeret, Iosephum *Pozzobonellum* instituit, cui Regina, id graviter ferens, redditus temporales subtrahi voluit.

Nuntiorum
mutatio.

Darinus Mediolanensis Lucerna missus est Nuntius Lutetiam, ad Helvetos vero *Acciajolus* Florentinus; *Stoppanus* Mediolanensis Venetiis Viennam: Venetias *Caracciolo* Neapolitanus: *Simonettus* a Nuntiatura Neapolitana revocatus, factus est Gubernator urbis; *Gualtierus* vero in ejus locum successit Neapoli. *Emaldus* post visitata Seminaria & Alumnatus Pontificios, quibusdam suppressis, Romam rediit. Quidam Episcopi a Pontifice petierunt, ut aliquot Festa abrogarentur, & impetrarunt.

10 Card.
mortui.

Cardinales obierunt hoc anno omnino decem: 1 *Camillus Cibo* Malaspina, ultimus suæ Domus. 2 Petrus Maria *Pieri* ex Ordine servorum B. V. M. 3 Andreas Hercules *Fleury*, primus Gallicæ Minister. 4 Nicolaus de *Judice*. 5 Marcellinus *Corradini*. 6 Ludovicus *Belluga*. 7 Prosper *Colonna*. 8 Antonius *Fini*. 9 Ludovicus *Pico* de Mirandola. 10 Damianus Hugo Comes de *Schönborn*, Episcopus Constantiensis & Spirensis.

Sub

Sub Pontificatu Benedicti XIV. jam 27 Cardinales obierant, nec tamen ullum haftenus subrogaverat; tandem vero 24 creavit: videlicet 1 Hieronymum *Bardi*, Florentinum, 2 Joannem Bapt. *Barni* Lodensem; qui fuerat Nuntius in Helvetia & Hispania, virum summa in omnes facilitate, cui Rex ipse Galerum imposuit. 3 Joachimum *Befozzi*, Mediolanensem, Generalem Procuratorem Cisterciensem Congregationis Longobardica. 4 Marium *Bolognetti*, Romanum; Thesaurarium Camerae Apost. 5 Carolum *Calcagnini* Ferrariensem, Decanum Rotæ.

6. Carolum *Cavalchini* Tortonensem, Sacrae Inquisitionis Praesidem. 7 *Hieronymum Colonna*, Romanum, Ducis Pagliani filium, Aulæ Pontificiæ Praefectum. 8 *Prosperum Colonia*, Ducis Anticoli ex tortia linea hujus Domus filium, supremum Camerarium Apostolicum. 9 Marcellum *Crescenti*, Romanum, Legatum Parisiensem. 10 Georgium *Doria* Genuensem, Legatum ad electionem Cæsaream, cui ipse Imperator Carolus VII Galerum imposuit. 11 Cosmum *Girolami*, Florentinum. 12 Franciscum *Landi*, Placentinum, Archiep. Beneventanum.

13. Marcellum *Lanti*, Romanum, agnatum Principis de Belmonte. 14. Ludovicum *Lucini*, Comensem. 15. Philippum *Monzi*, Bononiensem, Secretarium Collegii Cardinalium. 16. Jacobum *Oddi*, Perusinum, variis Legationibus perfunctum. 17 Dominicum *Orsini*, Ducem de Gravina, viduum. 18 Camillum *Paozucci*, Legatum Viennæ. 19 Joachimum *Portocarrero*, Marchionem de Almenara. 20 Josephum *Pozzobonelli*, Archiepiscopum Mediolanensem. 21 Franciscum *Ricci*, Romanum, Gubernatorem urbis. 22 Antonium *Ruffo*, Neapolitanum. 23 Fortunatum *Tamburini*, Mutinensem. 24 Alexandrum *Tanara*, Bononiensem, Auditorem Rotæ.

In Corsica necdum quies. Theodorus, Anglica navi Olyssipone advectus, ad regnum suum phantasticum invisit. Sed quia Genueses caput ejus magno pretio fuerant licitati, mox rursus disparuit. Bastiæ obiit Dominicus Spinola, Vicarius Regni, & olim Dux Genuæ, cui successit Petrus Justiniani.

Genueses protestati sunt contra articulum 10 Tractatus Wormatiensis; nec permoveri poterant, ut portum Finalensem cederent Regi Sardinia, titulo valde oneroso adquisitum.

Theod. invistum regnum.

Art. XVI.

Castra ad Veletras. Philippi Principis progressus, superato Baro. Genuenses Gallo - Hispanis accedunt. Bastia a Corsis expugnata.

378.
Castra ad
Veletras.

Anno 1744 continuatum bellum Italicum. Carolus, Rex Utriusque Siciliae, ex castris ad Veletram, opportuno admodum loco, positus, Romam profectus ad Pontificem invisit, a quo amicissime fuit exceptus. Redux ad exercitum, neutralitate sublata, Hispanum se declaravit. Austriaci, ut eum ex Velitrensibus permunitis castris prolicerent, in Neapolitanas ditiones irruperunt; sed inde repulsi sunt, sollicitatis frustra incolarum animis. Tandem vero, cum tota aestate exercitus ad Veletras adversi stetissent, absque re magna gesta, Lobkovicus in agrum Bononiensem se recepit, Hispani in Ducatum Spoletanum, Neapolitani in suum regnum.

Philippus
Princeps Ve-
rum superat.

Rex Sardiniae, traditis sibi Placentia, Vigevano, aliisque locis, per tractatum Wormatiensem superiore anno promissis, omnem curam intendit, ut Gallo-Hispanos, prout hactenus strenue fecerat, ab ingressu in Pedemontium arceret. At vero, cum Hispani anno priore frustra ad Sabaudia aditum in Italiam per Alpes tentassent, relictis in Sabaudia sub Sadio, qui illam defenderent, tribus millibus, Antipoli cum Gallis, quos Contus Princeps ducebat, conjuncti, Varumque transgressi, qui Provinciam ab Italia separant, Nicæam, Turbiam, Montem Albanum, Vilam Francam expugnaverunt, traditis Philippo Principi clavibus, Pedemontanis ad naves Matteusii propulsis, & Onegiam deductis.

Castrum
Delph. &
Demont.
occupata.

Philippus fugientes terrestri itinere insecutus, Onegiam quoque cepit. Verum cum Rex angustas valles, montes & colles valida manu obsessos haberet, armata etiam agresti pube, penetrare ulterius per torjuga & claustra, arduum omnino opus; imo, nisi exercitum immolare vellent, impossibile videbatur. Relictis igitur, quos occupaverant, locis, solisque Nicæa & Villafranca retentis, in Provinciam redierunt, alia ex parte irruptionem tentaturi. Expugnatum impetu *Castrum Delphini*, non levi tamen cum iactura; prout etiam *Demontium*, insigne monumentum. A Cuneo, quod Baro Leutrum defendebat, cum eade repulsi, Demontio diruto, in hyberna concesserunt, quæ Hispani in Sabaudia & Comitatu Nicaeno, Galli vero in Delphinatu & Provincia ceperunt. Contus Parisios, Philippus Camberium abiit.

Sicut

Sicut Austriaci, Sardi & Angli Venetos in partes suas trahere nitebantur, ita Galli & Hispani Genuenses. Sed hoc anno nihil impetratum, Matteusio, qui cum classe sua mare Genuense oberrabat, pilas ferreas minitante, si per suam ripam hostibus transitum permetterent. A Republica Luccensi Menses Romani nomine Cæsaris postulabantur; sed excusabat, eos nunquam fuisse præstitos. In Ducatu Florentino optime Oeconomia ordinabatur, reductis ad ærarium publicum proventibus, qui neglecti fortassis antea fuerant. Rex Theodorus mandata in Corsicam mittebat ex Senensi agro, sed agebat indistans. Dux Mutinæ extorris tum Venetiis, tum in castris Veletrensibus apud Regem Carolum versabatur.

Obierunt, 1 Cardinalis Gaspar de Molina Madriti. 2 Cardinalis Josephus Firraus. 3 Leo de Gevres Gallus Card. 88 ætatis anno. 4 Josephus Sfortia Cæsarinus, S. R. I. Princeps, Dux de Lavinia & S. Flora, Grandis Hisp. & Eques A. V.

Sereniori anno 1745 vultu Gallo-Hispanis in Italia fortuna arrisit, postquam Genuensis Respublica sedus cum illis pacta est, ut Genuenses portum & Marchionatum Finaliensem, in Tractatu Wormatiæ Regi Gallo-Hispanis accedunt. Sardinia quodammodo additum, servaret. Sic enim illis facilius erat in Insubriam transitus. Patuit mox fructus.

Nam a Regno Neapolitano removebatur periculum, quia bellum trahebatur in Longobardiam. Gagus Hispanorum Dux, fortis & prudens, cum exercitu ex Ducatu Spoletano Genuam movit, ubi cum Gallis, quibus hoc anno *Mallebæus* præerat, & Philippus Principis se conjunxit copiis.

Pauciores erant Austriaco-Sardinenses copiae, quam ut in Eorum proprio campo tantis viribus resisterent. Ad urbes igitur expugnandas versa hostium consilia. Capta Arx *Serravallis*, *Tortona*, *Placentia* cum *Castello*, *Parma*, *Pavia*, *Valentia*, *Casalis* cum *arce*, *Asta* *Pompeja*, ac denique Insubriae caput *Mediolanum*, quod Princeps Philippus cum Duce Mutinensi gloriose ingressus est.

Austriaci, quibus primum *Lobkovicus*, tum *Schulenburgius*, denique *Lichtensteinus* imperabat, numero impares, ad tantos hostium progressus ad *Novoram* attoniti stabant, Rex vero Sardinia in Pedemontium se receperat, ubique hybernabat, Hispani in Mediolanensi Ducatu, & Galli in *Monferratensi*.

Genuenses, portu Finaliensi aliisque locis munitione & præsidio firmatis, decem armatorum millia tribus Borbonicis Regibus addidit, magnum in occupandis Mediolanensi, Parmensi, Placentino, Monferratensi Ducatibus adjumentum. At Rex Sardinia,

Pars X.

S 8

infen-

Bastia capta. insensus propterea Reipublicæ, *Corfis*, qui sub *Comite Rivarola* rursus arma arripuerant, suam fœderatorumque suorum opem & protectionem adpromisit. Nec inanis fuit promissio. Nam Angli sub *Kopo* classis Præfecto mari, *Rivarola* vero terra, *Bastiam*, urbem Regni Principem, tam vehementer infestabant, ut ad deditionem fuerit compulsæ, sequentibus exemplum locis pluribus.

Casus Venetus. Cum *Henrieta*, *Antonii Ducis Parmensis* vidua, atque *Leopoldi* dein *Darmstadiani* conjux, *Venetis* cum fratre suo *Duce Mutinensi* per fenestram prospiceret, a Nobili quodam *Veneto*; scelopum purgante, in brachio leviter perstricta est, atque deliquio prolapsa. Accusabat quidem *Franciae Legatus* Nobilem de culpa, si non *Theologica*, saltem *Juridica*; at, quia *Judices casum* fortuitum interpretabantur, a graviore pœna absolutus est reus.

Romam venit *Marchio Prieus*, *Orator Cæsareus*; *Gallicus* vero *Rupescaldius Archiepiscopus Bituricensis*. Obierunt, *Cardinalis Lucinus*, & *Dominicus Aquaviva*, *Dux Atriensis*, in *Hispania* *Minister Regius*: quos secutus est *Marchio de Ormea*, primus *Minister Status Regis Sardiniae*.

Art. XVII.

Insubria ab Austriacis recuperata. Vincunt ad Placentiam & Rottofredum. Genuam capiunt. Sed ejiciuntur. Borbonii Italia expulsi &c.

112.

Bellum æstui marino sæpe est persimile: fluunt resuuntque ab uno extremo ad alterum armati exercitus; quod vel hoc bello in *Bohemia*, *Bavaria*, *Germania*, *Italia* videre non raro fuit: *Gens Borbonia* anno superiore totam *Italiam* inundare videbatur; hoc autem accidit refluxus, quo *Galli* & *Hispani* tota *Italia* pellebantur; quin ipsam in *Galliam* fluctus sese effundebant.

Insubria recuperata. Quippe *Imperatrix & Regina*, anno 1746 confecta cum *Borug* so pace, validas sub *Nadaſtio & Bernclavio* in *Italiam* copias misit: *Sardus vires* magnas contraxit; *Anglus* classibus immisissis communem causam fortiter adjuvabat. Quibus sane præsidis factum, ut hi fœderati *Aſtam Pompejam*, munitam ad *Tanarum* in *Pedemontio* urbem, *Aqui* in eodem agro, *Casalin*, *Monferrati* caput, occuparent, atque conjunctis dein *Lichtenſteini*, *Brunii*, aliorumque

Du.

Ducum copiis, cum *Pizzigitiona*, *Mediolanum* quoque reciperent, liberata arce, quam Hispani corona cinctam hæcenus tenuerant.

Eadem dein felicitate capta *Gualtalla*, *Parma*, *Valentia*. Cum autem *Placentiam* obsiderent Austriaci, hostes obsidium soluturi, instructa acie imminabant. Dextrum cornu tenebant Hispani, lævum Galli; *Neapolitani* & *Genuenses* medium occupabunt locum. Austriaci, quamvis copiæ Regis *Sardinia* necdum advenerant, in aciem dispositi aggressiorem expectabant.

Conferunt igitur haud procul *Placentia* memorabile prælium, Austriaci vi-
quo victi Fœderati magna cum strage, in castra ad *Placentiam* mu-
nita se receperunt. Unitis dein copiis ad *Trebiam*, quibus Rex
Sardinia præerat, ad *Rottosfredum* commissa est altera vehemens
pugna, qua Austriaci rursus victores, *Placentiam* & *Serravalle* cum
cum aliis locis prælium retulerunt. Quin imo *Borbonicus* exerci-
tus ita attritus est, ut deserta *Insubria* in *Liguriam* ejusque caput
Genuam se reciperet.

Secuti sunt Austriaci sub *Brunio* & *Botta*, superatisque tandem
montium jugis (*Bochettam* appellant) *Genuam* imminabant, Hispani
vero, (substituto in locum *Gagii Mnasio*) ea fato suo relicta, cum
Gallis *Nicaeam* usque profugerunt, *Sardo* interim *Savonam* & *Fi-*
nariam, *Genuensium* urbes, obsidente.

Genua resistendo impar, Capitulatione inita, Austriacis se de-
didit, iussa, grandem pecuniæ vim pendere. Missus *Viennam*
Marius ad rogandam aliqualem remissionis gratiam, non est auditus.
Verum subitus *Genuæ* casus accidit, qui omnia invertit. Nam,
cum Austriaci rem tormentariam in Provinciam ad suum exercitum
vellent abduci, jamque omnia in suburbio, quod a *S. Pet o de*
Arena nomen habet, essent parata, (quod hæc potestas in Capi-
tulatione non esset comprehensa) orta est plebis seditio, quæ a
jurgio cum machinatoribus & vectoribus capit. Conglomeratus
magis magisque populus armatus: accurrit miles. Conferitur pro-
miscua pugna eo eventu, ut *Botta* cum suis 6000 Austriacis urbe
excedere, & per *Bochettam* in *Insubriam* se recipere coactus fue-
rit.

Et hoc sane tantæ mutationis *Genuensis* obstaculum magnam par-
tem fuit, cur *Brunius* cum exercitu, ex defectu machinarum, non
admodum multum in Provincia profecerit, atque redire coactus
fuerit.

Progressus
Ragus Sard.

Interea autem, dum Austriaci cum Genuensibus, & Gallis in Provincia consistabantur, Rex Sardiniae Genuenses urbes, agrosque strenue demessuit, occupatis omnibus usque ad Varum, ut adeo Borboniis in Italia nihil superesset (regno utriusque Siciliae excepto) *Tortona* & *Savona*, quæ fortius resisterant, in Sardorum pariter protestatam redactis. En fluxum & refluxum! quo etiam rapiebantur decem illa millia, quæ Rex utriusque Siciliae sub *Vieillio* in Lombardiam miserat. Nam prælio Placentino & Rottosfredensi haud leve damnum passa, cum Gallo-Hispani in Galliam se reciperent, in patriam redierunt, ut eam defenderent. *Vieillius* vero, eorum Ductor, dictus est Prorex Siciliae, Duce *Castropignano* copiis præfecto.

Florentina.

Imperator, ceu Dux Magnus Florentiæ, cum Borboniorum arma in Italia prævalerent, castra undecim millium sub *Chateletto* Marchione ad Pisas locavit, ad securitatem Tusciæ, quamvis neutræ. Postquam autem inversa est fortunæ rota, periculumque disparuit, hæc castra soluta sunt. Cæsar autem Annam Charlottam sororem suam, Gubernatricem Magni Ducatus renuntiavit.

Joan. Theodorus Card.

Benedictus XIV summus Pontifex, qui superiore anno Carolo VII Imperatori parentaverat, ejusque ac totius Domus Bavaricæ Religionis zelum, & in Sedem Apostolicam observantiam publico in Cardinalium Consistorio dilaudaverat, hoc anno Ejusdem Imperatoris fratrem, *Joannem Theodorum*, Ratisbonensi, Frisingensi, & Leodiensi Episcopatibus jam antea ornatum, S. R. E. Cardinalem dixit. Per Cardinalem vero *Sinzendorffium*, Episcopum Uratislaviensem, Regi Borussiae pacem initam gratulatus est, eique Ecclesiam Silesiam commendavit; quod gratum Regi accidisse legimus. Ex sacro Purpuratorum Collegio obierunt, *Carolus Cavalcini*, & *Joannes Lipsky*, Cracoviensis in Polonia Episcopus.

Domus Gonzagana fata.

Ex Domo Gonzaga obiit *Josephus Maria Dux Guastalla*, lineæ hujus ultimus. Cum infirmus esset, jam anno 1733 administrationem Ducatus detulit *Eleonoræ* Conjugi, ex Familia *Holsato-Wisenburgensi* natæ. Ducatus autem *Guastallæ*, cum Principatibus *Sabionedæ*, & *Bozoli*, atque Marchionatu *Ostiano*, ab Aula Viennensi Ducatui *Mantuano* rursus unitus est, brevi iterum dividendus. Porro ex Familia *Gonzagana* quatuor adhuc supersunt lineæ, *Vesavatana*, *Luzarana*, *Castillonensis*, & *Salferina*, acerbitate temporum multum passa.

Art.

Art. XVIII.

*Obitum Card. Sinzendorffii Rex Borussiæ nuntiat Pontifici.
Bellum Genuense. Borbonii rursus in Pedemontium.
Bassia recepta. Anno 1747.*

Septem omnino S. R. E. Cardinales anno 1747 purpuram posuere. 1 Carolus *Marini* Genuensis æt. 80. 2 Trajanus *Aquaviva* Neapol. æt. 52, Archiep. Monrealis in Sicilia, Hispaniæ Orator. 3 Vincentius *Pera* Neapol. æt. 58, libris de Jure Ecclesiastico editis clarissimus. 4 Jos. *Accaromboni*, Spoletanus, æt. 75. 5 Oswaldus de *Toure*, Cardinalis Arvenus appellatus, Gallus, æt. 75. 6 Joannes de *Matta* Lusitanus, primus Minister Status Olyssipone, æt. 63.

7. Philippus Ludovicus Comes *Sinzendorffius*, Germanus, Inter quos
Episcopus Uratistaviensis, & Vicarius Generalis omnium Catholicorum in terris Regis Borussiæ, æt. 48. Idem Rex Pontifici per *Sinzendorffii*
Francolinum, suum Romæ negotiorum Administrum, hunc obitum nuntiari jussit, adjuncta assecuratione protectionis erga Catholicos, in suis provinciis degentes, prout etiam illis potestatem fecisset, in urbe sua Regia Ecclesiam construendi, sumptusque pro ea in suis terris colligendi. Cujus obitum Rex Borussiæ Pontifici nuntiavit.

Cum dein Catholici per Marchionem Bellonum pro subsidio ad hanc structuram institissent apud Pontificem, is negotium, non sine largo effectu, Cardinalibus commendavit, cum laude benevolentiae Regiæ.

Novi Cardinales creati 12. 1 Alvarus de *Mendoza* Hispanus, Patriarcha Indiarum. 2 Daniel *Delphinus*, Venetus, Patriarcha Aquileiæ. 3 Fridericus *Rupescaldius*, Franciæ Regis Romæ Orator, Archiep. Bituricensis. 4 Armandus de *Rohan*, Princeps Subisus, Coadjutor Argentinus. 5 Ferdinandus Comes de *Troyer*, Tyrolensis, Episcopus Olomucensis in Moravia. 6 Jos. *Attalaya*, Præpositus Ecclesiæ Patriarchalis Olyssipone. Creati 12 Card.

7. Cajetanus *Albani*, Romanus, frater Principis Soriani. 8 Marius *Mellini*, Romanus, Decanus Rotæ. 9 Carolus *Lanzeus*, Pedemontanus Abbas. 10 Reinerus *Simonetti*, Mediolanensis, Gubernator Romæ. 11 Joan. Bapt. *Mesmerus*, Mediolanensis, Thesaurarius Pontificis. 12 Henricus Benedictus *Stuart*, Jacobi III Regis Angliæ, quem Prætendentem vocant, filius junior.

Cardinalis *Valenti Gonzaga*, Secretarius Status, dictus *Camera-rius Apostolicus*, postquam *Hannibal Albanus* hoc officium resignavit: Imperialis Gubernator urbis.

115.
Bellum
Genuense.

Italicum hoc anno bellum *Genuam* potissimum exercuit; cum enim illa, quo dictum, modo, in liberatem se restituisset, in omnem fortis defensionis partem curas suas exporrexat. Munimenta reparata, suggestus tormentis instructi, *Bochetta* valido firmata presidio, cive, plebe, agresti turba, ingenti ardore pro Republica se armante, manifesto argumento mitis & temperati Regiminis. Attulit etiam ex Gallia, Anglis nequidquam mari excubantibus, suppetias *Busserius*, haud aliter ac cælestis quidam genius exceptus *Genuæ*, qui animos ita accendit, ut pluribus velitationibus *Austriacos* aggressi, non levia illis damna inferrent.

Marchio de Botta, quod minus circumspecte egisse videretur, Imperium cedere jussus est *Schulenburgio*; qui tamen, licet *Bochetta* jam esset superata, *Genuam* aggredi non est ausus, donec *Brunius* ex Provincia rediisset, & *Rex Sardiæ*, qui initio bello *Genuensi* se miscere recusaverat, donec nova cum *Regina* conventionem *Finaria* & *Savona* sibi addita, copias suas jungeret.

Genua
liberata.

Verum, cum *Belisilius* in *Pedemontium* irrupisset, revocatus est miles *Sardus*; *Schulenburgius* vero abruptis omnibus, quæ ad invadendam urbem præparaverat, recessit, *Brunio* quoque cum exercitu suo reduce in *Pedemontium* movente. Rustici autem *Genuenses* recedentes ex insidiis aggressi, plures eorum mactarunt; palatio etiam *Suburbano Doriæ* ab eis exulto, atque *Spinola* crudeliter obtruncato, quod hostibus fuisse existimarentur.

Obiit interea *Genuæ* *Busserius* variolis; cui magnifice parentatum. Successit eidem primo *Bissus*, dein vero *Ricardus* Gallorum, Hispanorum, & *Genuensium* Ductor, qui omnia, si hostis de viro irrere tentaret, ad eum excipiendum solerter apparavit. *Prignone* autem Dux *Genuensium*, & seniores de senatu, qui futuro um metu suspensi, neutros quodammodo se gesserant, eventu tam fortunato animati, omnem operam junxerunt.

Borh, rursus
invadunt
Pedemont-
ium.

Genuensibus salutis fuit propria animositas; quæ tamen adversus hostium potentiam non fuisset in longum sustentura, nisi *Galli* & *Hispani* *Brunium*, ex Provincia digressum insecuti, *Pedemontium* invasisent; tum enim ad domesticum restringendum incendium accurrere necesse fuit. Quippe illi Duce *Belisilio Nucæan*, *Montalbano*, *Villafrancani*, *Turbiani*, *Vintimiliæ* jam occupaverant, simul

simulque sub Vilmurio & Bellilio Equite, Ducis fratre, inter Exillas & Fenestrellam penetrare conati sunt, sed repulsi a Rege cæso cum multis aliis Bellino Equite.

Connitebantur quidem tum Rex & Brunius, amissa loca maritima recuperare, atque in Provinciam aut Delphinatum rursus irruere, sed hostis ita sese obvallaverat, ut re infecta in Lombardiam redire, appetente jam hyeme fuerint compulsi. Philippus Princeps vero cum Duce Mutinensi rursus Chamberium hyematum concessit, Minasius, Hispanorum post Gagium Ductor, Madritum, Bellilius Parisios, Mirepōsio in Comitatu Nissensi & ora maritima ad Vintimillam usque excubante.

Genua non modo se ipsam, opitulantis Gallis, ab hoste liberavit, sed *Bastiam* quoque, eorundem opera, in Corsica Rivarola extorsit. Turbarum etiam aliquid Genuensibus intercessit cum Florentinis & Luccensibus, quod neutralitatem non satis observasse sint visi. Sed motus sunt rursus compositi.

Bastia recuperata.

Carolo utriusque Siciliae Regi, quiete hoc anno fruente, ad summum solatium natus est filius, qui Philippus Antonius Princeps Calabria dictus est, applaudente non modo utraque Sicilia, sed & Hispania, Gallia, Polonia, Saxonia. Dux Medina Cœlius, Legatus extra ordinem, pretiosa Infanti Hispaniæ attulit, cum assignatione annuorum proventuum.

Natus Princeps Calabriae.

Obiit Veronæ Mathias Comes *Schulenburgius* 87 æt. anno. 31 annis apud Venetos armorum Præfetti functus munere. Vitam cœsulibem cum duxisset, sororis suæ filium, rei Venatoriæ apud Electorem Hannoveranum Præfectum, hæredem instituit. Cæterum Domus Schulenburgica, ex Geldria oriunda, atque in Albam & Nigram lineam divisa, late per Marchiam Brandeburgicam, Saxoniam, aliasque provincias diffusa est.

Schulenburgii obitus.

Mediolani eandem 87 annorum ætatem clausit Hannibal Vicecomes, Cæsareus Marefchallus, & Gubernator arcis Mediolanensis.

Art. XIX.

*Pax Aquisgr. ejusque executio. Philippus Parmæ possessionem
adit. Nuptiæ Amadei Princ. Sard. Obitus Muratorii.
Causa Aquilejensis.*

116.

Executio pa-
cis Aquile-
gran.

Per pacem Aquisgranensem Principibus Italiæ ditiones suæ sunt restitutæ, videlicet Regi Sardinia Ducatus Sabaudia, & Comitatus Niceæ, cum omnibus locis, hoc bello ereptis: retinetque, Vigevanum, partem Ticinensis ditionis, & Anchieram. Placentiam vero urbem, aliaque, quæ in eo Ducatu Tractatus Wormatiensis eidem addixerat, Principi Philippo relinquere debuit: prout etiam Savonam & Marchionatum Finariensem cum portu, omnibusque, quæ ante bellum possederant, Genuensibus. Restitutus quoque suis provinciis Dux Mutinæ. Ducatus autem Parmæ, Placentiæ & Guastallæ Philippo Hispaniæ Principi obtigerunt, Regis Franciæ genero.

Hujus Avia *Dorothea Sophia*, Philippi Wilhelmi Electoris Palatini filia Parmæ obiit, 78 ætatis anno. Ex primo conjugē, Odoardo II Duce Parmensi, genuit Elisabetham Philippo V Hispaniarum Regi nuptam, Caroli, Philippi, & Ludovici matrem, quæ hereditatem in Hispaniam asportari jussit.

Anno 1749 Papa Jubilæum universale indixit, atque in pervigilio Nativitatis Domini, ipsemet portam Ecclesiæ S. Petri, auro malleo ter illam pulsando, aperuit, Cardinalibus Ruffo, Corsino, & Colonna ad Ecclesias S. Pauli, S. Joannis in Laterano, & S. Mariæ Majoris, eandem ceremoniam peragentibus. Cardinalis vero Simonettus, Mediolanensis, Episcopus Viterbiensis portam æternitatis aperuit.

Regi utriusque Sicilia Pontifex facultatem impertit, reducendi plura Festa, & donum gratuitum a Clero recipiendi.

Cors.

Marchio Cursæus cum copiis suis Gallicis, quæ post ultimum bellum in Corsica remanserant, omni ope contendit, ut gentem reluctantem Genuensibus tandem subjiceret. At illa sub protectione Regis Gallia recipi petiit; quod tamen eidem negatum. Interea autem Cursæus Baltiæ, urbe regni principe, Academiam instituit.

Cæterum Corsi Legatum Aquisgranum ad pacificationis locum miserant, ubi querelas suas contra Genuenses proposuere: Nobilitatem suam penitus deprimi: a muneribus publicis se excludi, omnes

omnes Episcopatus Insulæ a Genuensibus occupari, iustitiam male administrari, omni cum exteris commercio sibi interdicti. Rogabant igitur Legatos, ut sub protectionem Galliæ sibi liceat concedere; alias enim turbas nunquam finiendas.

Quia circa executionem pacis variæ adhuc difficultates se opponebant, institutus est Nicæ congressus, quo dissidia Statuum Italiæ componerentur.

Carolus Emmanuel Rex Sardinia portu Finariensi Genuensibus restituito; alios tres instruxit, atque ut commercia magis semper magisque efflorescerent, liberos declaravit; & ut vinculum cum Hispania magis firmaretur, Victorem Amedeum primogenitum suum cum Maria Antonia, Regis Philippi V filia despondit.

Nuptia.

Philippus, jam Dux Parmæ, Placentiæ, & Guastallæ, provinciarum istarum possessionem solenni ingressu adiit, atque conjugem suam Ludovicam Elisabetham, quam bellum per aliquot annos ab eo abstraxerat, cum filia Elisabetha Maria, ex Gallia ad se accersivit.

Parmæ.

Dux Mutinæ, in provincias suas redux, Sassoli sedem fixit, ac subditos suos, belli calamitates passos, pecuniæ subsidio solabatur.

Princeps Marcus de Craon, postquam 12 annis Regimini Florentino, Magni Ducis nomine præfuit, abdicato propter senectutem munere, primum Viennam, dein Commercium in Lotharingiam patriam suam concessit, reliquum ibi ætatis transacturus. Successit Marchio Steinvillius, pariter Lotharingus, Magni Ducis antea Parisiis Minister.

Anno 1750 pridie Natalis Domini Pontifex Bened. XIV jamnam Basilicæ S. Petri rursus solenni ritu clausit, & Jubilæum per reliquum orbem Christianum indixit.

Cardinales vero duo vitam clauferunt: Vincentius Bichi Senensis anno æt. 82, famosus antehac Nuntius in Lusitania: & Nuntius d'Acuña, Lusit. æt. 85.

Rex utriusque Siciliæ Carolus, pacis fructus lecturus, urbes portusque maritimos provide reparavit, munitque. Cursus Marchio cum Gallicis suis copiis hoc etiam anno permanfit in Corsica, habuitque incolas satis sibi obsequentes. Venetos cum Aula Romana Patriarchatus Aquilejensis collisit, prout in annum sequentem referetur. Cæsari Cattaneo, per biennium pro more Ducis Genuensis munere perfuncto, successit Augustinus Viale. Jacobus Durazzo Legatus Viennæ Reipublicæ offensam incurrit, quod Austriacam duxerit conjugem, eique pingue dotalitium assignarit ex Ban-

Part X.

T t

co

co Viennensi. Revocatus propterea Genuam, ut gesta Legationis rationem redderet, non comparuit, sed Austriacis obsequiis se addixit.

Sponsa Hisp. *Taurini* insigni cum celebritate & applausu excepta est Hispana Princeps Maria Antonia, Victoris Amadei Regii Principis conjux. Pactis dotalibus, præter magnam auri vim allatam, & navibus Pedemontanis promissa privilegia, Hispania cessit sua præensione in Ducatum Mediolanensem. In contradotem vero sponsæ pro Vitalitio assignatum est Cuneum (*Coni*) opulenta & permunita civitas, in amœna regione monti imposita.

Harrachio Mediolanensi Gubernatori successit Pallavicinus, patria Genuensis, Austriacarum per Italiam copiarum Præfectus. Mantuanus Ducatus a Mediolanensi rursus fuit separatus. Hujus Gubernator renuntiatus Leopoldus Princeps Darmstadius, Comes Christiani Cancellarius Longobardiæ Austriacæ, Vice-Gubernator.

Muratorii obitus.

Mutinæ obiit Ludovicus Antonius *Muratorius*, Ducis Bibliothecarius, anno æt. 78, per libros suos magnum apud eruditos nomen adeptus. *Italia Illustrata* ab omnibus celebratur. *Moderamen Ingeniorum in Religionis negotio* videtur immoderatum. Qui proficitur moderamen, non debet sectari extrema. *Votum sanguinarium* non est satis reverens in Conceptionem Immaculatam B. V. Mariæ, & Ecclesiæ de ea sensum. De rebus Paraquariæ relationem, uti animosam, ita veram scripsit.

117.

Causa Aquilejensis.

Anno 1751 composita est *controversia Aquilejensis*. Quamvis Patriarchatus Aquilejensis (qui Schismati, propter tria famosa Capitula exorto, suam originem debet) in Austriacæ Domus & Venetorum ditiones late fuerit exporrectus, soli tamen Veneti Patriarcham, qui Primas erat Istriæ, constituendi privative sibi jus vendicabant; atque, ut semper Venetus promoveretur ad eam dignitatem, nec ordo providendi ad Domum Austriacam deveniret, cuivis Patriarchæ a multis jam annis copiam fecerunt, Coadjutorem sibi assumendi, cum jure successionis.

Indignum hoc videbatur Austriacis, eo etiam ex capite, quod Aquileja in sua ditione esset sita: quare causam ad Sedem Apost. detulerunt, petieruntque, ut alternatio saltem decerneretur, opposentibus se acriter Venetis. Unde Papa ordinavit, ut Spiritualis Jurisdictio in terris Austriacis non per Patriarcham, sed per Vicarium Apostolicum exerceretur. Neque hoc placuit Reipublicæ. Cum autem Pontifex sententiæ inhæretet & Carolum Comitem de Attymis Vicarium renuntiasset, jussus est Capellus Legatus

Legatus Roma discedere, protestatione relicta, quam tamen Cardinalis Valenti, Status Secretarius, ei remisit. Nuntius quoque Apost. Vnetis Ferrariam discessit.

Tandem Cardinalis Rezzonicus (modernus Pontifex Clemens XIII) Benedicto XIV transactionem obtulit, quam Viennæ Ulfeldius Cancellarius Aulicus cum Trono Reipublicæ Legato conceperat. Convenit per illam, ut Patriarchæ Aquilejensis nomen & dignitas penitus extingueretur, Cardinali Delphino, quoad viveret, titulo relicto; loco Patriarchatus autem duo erigerentur Archiepiscopatus, alter Gorizii in ditione Austriacâ, alter Utinæ in Veneta: hujus reditus & suffraganei sint ex ditione Veneta, illius ex Austriacâ. Ad hunc nominet Respublica, ad illum Archidux, neuterque ab altero dependeret. Pontifex edita Bulla hanc conventionem approbavit, ut infra dicitur. Capellus vero ad Legationem Romanam rediit.

Præter Kollonitsium, supra memoratum, obiit Cardinalis Hannibal Albani, Episcopus Portuensis, anno æt. 70, Cardinalatus 40, quem a Clemente XI patruo suo fuit consecutus. Hæredem instituit Horatium Albanum, Principem Soranum, nepotem suum.

Carolo, Regi utriusque Siciliæ natus est tertius Princeps Ferdinandus Antonius. Idem Rex Capuæ erexit Academiam, ad instituendam juventutem in arte maritima & navali, uti etiam Neapoli Hospitale Regium, & societatem commercialem; atque ut ea magis floreret, cum Hollandis tractavit.

Coris hoc anno, opera Gallorum, Gennensibus, tanquam legitimis Dominis suis, se subjecerunt. Sed constantia eos destituit.

Victori Amadeo Sabaudicæ Principi ex Philippi V Hispaniæ Regis filia natus est filius, cui nomen avi Caroli Emmanuelis fuit impositum. Similiter Philippo Parmensi Duci ex Galliæ Regis filia Ferdinandus Ludovicus Philippus, magna cognatarum Domuum lætitia, quam auxit Ludovica, eodem adhuc anno Philippo nata.

Natales.

CAPUT III.

Status. Galliæ

SÆCULO XVIII.

Art. I.

*Partitiones Hispaniæ. Testamentum Caroli II. Bullionius Card.
Regis gratia excidit. Bellum Italicum Universale. Prælia
in Italia. Imperator, Imperium, Anglus, Hollandus,
Lusitanus, Sabaudus in fœdus.*

118.] Quia Gallia in Italia, Germania, ad Rhenum, in Belgio, in Hispania, in Lusitania bellum gessit, boni consulectator, si in brevem hic epitomen contraham, quæ propriis locis dicta sunt aut dicentur, ut rerum connexio oculis clarius subjiciatur.

Anno 1698 Hagæ initus Partitionis tractatus, quem vide in *Hispanicis*. Delphino designata Sicilia, Neapolis, Sardinia, portus Hetrusci, Marchionatus Finalensis, Guipiscoa, &c. Archiduci Carolo Ducatus Mediolanensis, reliqua Hispaniæ Monarchia Principi Electorali Bavariz, qui anno sequenti Bruxellis obiit.

Successio
Hisp.

Igitur anno 1700 altera facta est a Gallis, Anglis, & Hollandis Hagæ divisio, qua addita Delphino Lotharingia, Mediolanum vero Josepho Duci Lotharingiz assignatum: reliqua Monarchia Carolo Archiduci. Quidam Scriptores existimant, omnes istas partitiones merum fuisse ludibrium, artemque arcanam Ludovici, qua Europæ Principes inter se committat; cum prope sciret, Hispanos Proceres ab omni Monarchiæ divisione abhorreere, neque Imperatorem, ad Italiam maxime respicientem, eidem assensurum.

Testamen-
tum Caro-
li II.

Eodem anno 1700 i Novemb. obiit Carolus II Hispaniarum Monarcha, nulla relicta prole. Aperitur testamentum, quo memorabatur, Annam Austriacam Amitam & Mariam Theresiam sororem Caroli non renuntiassse successioni, nisi ad evitandum, ne regnum Hispaniæ uniretur Francico. Hoc fundamentum renuntiationis cum non subsistat, jus successionis esse penes proximos consanguineos secundum leges Regni; in casum igitur, quo Carolus sine prole decederet, coronam Hispaniæ debitam fore Philippo, Duci Andegavensi, Delphini secundo genito, secundum ordinem sanguinis & cursum nature, hunc proin a se nominari successorem, cum mandato,

dato, ut omnes subditi eundem recipiant & recognoscant pro suo Rege ac Domino.

In casum, quo Dux Burgundiæ Ludovicus obiret improlis, & Philippo regnum Franciæ obtingeret, Carolus Philippo substituit Ducem Bituricensem, tertio genitum Delphini. Post istos tertio loco ad hæreditatem vocat Carolum Archiducem, & quarto Ducem Sabaudia; hortaturque subditos, ne vel minimam sectionem divisionemve Monarchiæ patiantur. Ita & *Aurigny Hist. Prof. ad an. 1700*, additque, Carolum propria manu signasse, ac declarasse, hanc ultimam suam esse voluntatem; subscripsisse Ministros Status & Justitiæ: missumque illico cursorem ad Regem Ludovicum, qui hæc nuntiaret: deliberasse illum, quam sibi rationem ineundam putaret: conquestum Philippum Ducem Aurelianensem, Regis fratrem, se ex Anna Hispana natum in testamento fuisse præteritum: Delphinum declarasse, sibi quidem soli jus successione competere, sed cum Imperator, & Principes Germaniæ atque Italiæ Tractatui Partitionis nolint assentiri, Hispani autem nolint Monarchiam dividi, abdicare se jus suum in favorem filii secundo geniti, ut possit cum solatio dicere: *Rex pater meus: Rex filius meus.*

Non desunt ex Scriptoribus etiam Gallis, qui hic prudentiam Ludovici Regis requirant, quod deserto partitionis tractatu, quo grandia incrementa accessissent coronæ Franciæ, testamentum acceptarit, quo Gallia nihil luceretur, imensos vero sumptus faciendi prævideret, tantumque sanguinis fundendum fore. Sed voluit sui sanguinis Principem esse Regem Hispaniæ; quamvis non ignoraret, ejusdem stirpis & familiæ Principes non semper in idem consentire.

Hoc anno Cardinalis Bullionius a Consilio Status omnibus suis officiis, dignitatibus, & redditibus fuit privatus. Vitio ei datum, quod, dum Legati munere Romæ fungeretur, non satis urgeret condemnationem libri, quem Fenelonus Archiepiscopus Cameracensis de *Regulis Sanctorum* ediderat, & Bullam eligibilitatis pro Abbate Subisio ad Episcopatum Argentinensem impetrare neglexisset, sed quodque Roma avocatus non statim discessisset, sed adhuc tanquam Decanus sacri Collegii electioni Clementis XI interfuisset. Unde Regis gratia excidit, tandemque Romæ in Domo Probationis S. J. plentissime obiit.

Bullion. gratia Regis excidit.

Anno 1701 abiit Philippus in Hispaniam, reservato tamen sibi & successoribus suis jure ad Coronam Galliae pro casu, quo Ludovicus frater senior sine liberis decederet, aut ejus progenies deficeret. Hollandi Anglique eum Regem agnoverunt, missisque literis sunt gratulati. Elector Bavariae Belgii urbes tradidit, & in patriam rediit. Mediolanum, Sicilia, Sardinia Philippo homagium praestant, quin & Dux Mantuae praesidium Gallicum recipit.

Eugenius in
Italiam.

Eugenius Princeps cum viginti quinque armatorum millibus ad Carpos Gallos caedit, Castilionem Stiverorum occupat. Villaregius Catinato succedit, sed non majori fortuna belli. Mox enim ad Clarium magna caede profligatus est, caesis duobus Gallo-Hispanorum millibus, quingentis captis. Vix passum faciebant Galli, quem Eugenius non praeverteret. Initum jam erat foedus cum Victore Amedeo Duce Sabaudiae, qui promissit suppeditare pro Philippo, cui Ludovicam Gabrielam filiam secundo genitam despondit, octo millia peditum, & duo millia quingentos equitum. Angli & Hollandi petebant, ut Belgium ipsis tradatur in depositum, & Imperatori satisfiat.

Tractatu Hailbrunnenfi inter Moguntinum, Coloniensem, Bavarum, & Circulos, Suevicum atque Franconicum conventum de *neutralitate*. At non diu haec tenuit. Interim vero Angli & Batavi Hagae cum Caesare in foedus eunt. Ludovicus vero mortuo Jacobo II ejus filium Jacobum III Regem magnae Britanniae proclamat. Quare Parlamentum Londinense Annam haereditatem denuntiat, eique Sophiam substituit. Ne Carolus XII Sueciae Rex Gallo-Hispanis faveat, Angli & Hollandi foedere cavent. Colonienfis Galliae recipit praesidia, tanquam auxilia circuli Burgundici adversus Hollandos, qui armati imminabant, ut electorem in partem trahant. Et decorum visum, Philippum nepotem defendere. Exigebat tamen a praesidiarii juramentum, quod nemini, nisi sibi parere velint, nihil hostile contra Imperatorem & Imperium sint acturi: atque sint recessuri, cum Electori placuerit. Scripsit dein primum Comitibus Ratisbonensibus, dein etiam Caesari, se nihil egisse, quod non sit conforme libertati Germanicae, Bullae Aureae, & constitutionibus Imperii. Colonia contra praesidium Hollandicum recepit.

In Italia, postquam uterque exercitus per bimestre ad Ollium confedit, Eugenius, ut ampliore pro hybernis haberet locum, occupat Ustacum, Burgum, Governolum, Guastallam, Luzaram, Brixellum, Mirandulam. Neapoli multi Nobiles, Domui Austriae faventes pro Archiduce Carolo advocando conspirant: sed de-

detestis conatibus Eugenius expeditionem Neapolitanam, magnis difficultatibus obnoxiam, & Romæ ingratam, intermisit.

Anno 1702 commune igitur sædus inter Cæsarem, Anglos, Batavos, Brandenburgum, Palatinum, Hannoveranum, & Ludovico Regi bellum denuntiatur. Undique igitur classicum insonat. Bellum uni-
Dux Burgundiæ cum Boufflerio Cliviam & Juliacum, Tallardus & versale.
Montrevillus superiorem Rhenum infestant. Quibus Cæsar oppo-
nit Ludovicum Badensem, Nassovium, Tillium, Athlonem, cum
Imperialibus, & Franconia, Sueviæ, superioris & inferioris Rhe-
ni circulatorum, in sædus recens attractorum, legionibus. Occu-
pantur ab iis varia loca, interque illa Leodium & Landavia, præ-
sente Josepho Romanorum Rege.

In Italia Eugenius totum ferme Mantuanum agrum occupave-
rat, urbe principe excepta, quam aliquamdiu obsessam tenebat.
Mutinensis Berselli Cæsareum recepit ultro militem. Opportuna
autem admodum fuisset *Cremona*, celebris ad Padum civitas. Hinc
astu eam interciperi conabantur Cæsarei. Nam 1 Febr. per cana-
lem, unde fordes ex urbe egerebantur, prodicione curionis, per
cujus cellam canalus ductus fuerat, immissi milites, præstolantibus
extra urbem copiis portas aperuerunt. Nox erat concubia. Stre-
pitu excitantur Galli, hostemque, qui urbem jam pene subegerat,
retrudunt, ope potissimum Hibernorum. Cæsi captique sunt utrin-
que multi, & inter allos ipse Villaregius, quem urbem obequitantem
Germani interceptum primum Oenipontum, dein Gracium ab Cremonæ
duxerunt. Diel potest, hoc stratagema utrinque aliquid honoris attentatio,
habuisse, & aliquid dedecoris: altera pars facinus astute aggressa,
decemque horas fortiter pugnans urbem pene oppressit, Ducemque
primum hostium vel victa & fugiens secum abduxit captivum, sed
tamen victa fugit. Altera se opprimi passa propemodum victa vi-
cit, sed jactura Ducis, multorumque militum: illi initium felicius,
huic finis. Astus felicem creditur habiturus fuisse exitum, si Val-
demontius cum altera copiarum parte satis mature potuisset adesse.

Plus damni Cæsareis Vendomius ad *Croftollum* intulit; perque
hanc victoriam Mantuæ obsidionem solvit, per Albergottum Muti-
nam & Rhegium expugnat. Secutum est prælum ad *Luzzaram*: pars
utraque triumphum cecinit. Et quamvis plures Galli ceciderint,
Vendomius tamen Luzzaram & Guastallam recepit, Tessæus autem
Borgofortum, cum aliqua Germanorum clade.

Philippus

Philippus Andegavenfis hoc anno venit Neapolim & Mediolanum, ubi homagium recepit; inde vero Genua solvens in Hispaniam rediit; ubi trifte nuntium accepit, classem Indicam, auro argentoque onustam a Rookio, Angliæ Archithalasso, fuisse interceptam; Ruremundam, Venlonam, Landaviam & Leodium esse occupatum a Fœderatis. Solata tamen est victoria *Fridlingana*, quam Galli suam, Germani ancipitem dixerunt. Certe illa Villario Franciæ Marefchalli dignitatem, & armorum Imperium ad Rhenum contulit.

Tallardus Treviros & Trarbachium capit, Elector Bavarix Ulmam, Memmingam, Biberacum, Ehingam, Pfullendorfium: Reges Fœderati ei Belgium attribuunt.

Anno 1703 Villarius, Rheno transmissio, Kehlam occupat, & per Hercyniam progressus, Dutlingæ cum Electore Bavarix se conjungit. Villaregius Tungros, Marleburgus vero Bonam expugnat; Tallardus Brisacum & Landaviam, Fœderati Limburgum, & Geldriam.

In Italia copiæ Cæsareæ, quas Guido Stahrenbergius ducebat, & cum nulla supplementa mitterentur, in magnas angustias sunt redactæ, fervente in Germania belli incendio.

Lusitanus
Sabaudus
fœdus.

Auctum tamen magnis accessionibus est magnum fœdus, Lusitanix nempe Regis, & Ducis Sabaudix. Artis hic licet per duas filias illigatus vinculis duobus generis, ac fœdere etiam inito; quia tamen ab Imperatore Montisferrati ei Ducatus, in quantum ad Mantuanum spectabat, ac præterea Alexandria, Valentia, cum terris, intra Padum & Tanarum sitis, aliaque plura offerebantur, ditionis incrementum sanguini & affinitati præhabuit. Galli jam pridem suspectam ejus fidem habebant; at postquam animus patuit, Vendomius ejus copias exarmavit; Dux vero Gallis, quantum potuit, vices reddidit.

Eadem ferme ratio erat Petri Regis Lusitanix; initio Gallo-Hispanis favebat, dein autem tractus a fœderatis in societatem fuit sub conditione, ut Lusitanix regno accederent Pax Augusta, Alcantara, Albuquerque & Valentia in Extremadura: Bayona, Vigo, Gardia in Galicia, pluresque regiones in America.

(D'Avrigny ad an. 1703.)

Art.

Art. II.

*Belli per! Europam facies. Gallorum clades. Vervæ cruenta ex-
pugnatio. Calvinistarum in Occitania rebellio. Fæderato-
rum progressus. Pugna Höchstadiana pro Germania,
Ramiliaca pro Belgio, Taurinensis pro Italia decisiva.
Neapolis quoque amissa. Frustra tamen tentata ir-
ruptio in Galliam: quam etiam pugna ad Ala-
mancam aliquantum recreavit. Causa
Ferraria & Comacii. Oranum
amissum.*

Anno 1704 in Sabaudia Fevillada Nizzam & Susam capit, Ven-
domius Vercellas, Juream. Peculiare sædus Dux cum Anglis per-
cussit. Quo illi promittunt 4000 armatorum, & annuatim 40000
Sterlingarum. In Lusitania, postquam Philippus V Regi, in fæ-
deratorum partes jam transgresso, bellum denuntiarat, varias illius
urbes occupat, multosque captivos abducit. Sed advenientibus
fæderatorum copiis ablata Rex recepit; ac insuper Fæderati Gi-
braltariam, male custoditam, facile expugnarunt. In Belgio atque
ad Rhenum vix aliquid memorabile hoc anno actum, quia tota
belli procella Danubio incubuit. At victoria Höchstadiana Germa-
niam bello liberavit. 20000 qua cæsos qua captos fatentur ipsi
Galli. Conspecta mox est inscriptio: *agnoscat Ludovicus XIV, nemi-
nem ante obitum debere aut felicem aut magnum vocari.*

Accessit pugna ravalis, qua victores pariter erant Fæderati,
favente illis maxime vento. Hoc certum, multum utrinque sangui-
nis fufum & damni allatum; prout etiam in pralio ad Vervam, Gal-
lis fortiter resistentem; quæ tandem Vendomii arbitrio se permitte-
re coacta est. A sæculo non est audita tam diuturna, aut tam cru-
enta oppugnatio; nec tam urbem, quam bustum & lapidum con-
geriem Galli ingressi sunt.

Ad calamitates anni 1704 nihil Gallis deerat, quam ut dome-
stico etiam bello premeretur. In Languedociam ac Cebennarum
præsertim montes vallesque multi Calvinistæ penetraverant. Hi
tributorum collectores suspendio necarant, confractis crematisque
sacris imaginibus, vasis sacris profanatis, Ecclesiis incensis, sacer-
dotibus ad altare jugulatis, exempla Majorum suorum instaurarunt.

Pars X.

U u

bello

Vervæ

Calvin. re-
bellio.

bello gravissimo, quo Francia opprimebatur, confisi. Nemini jucundius hoc erat spectaculum, quam Anglis & Hollandis, qui fanaticos istos rebelles fratrum nomine honorabant.

Major erat mali vis, quam ut presidarius locorum miles compefcendo sufficeret; sed nec Montrevelius Franciæ Mareſcallus, cum novis missis copiis par erat. Quare Villarius suppetias ferre coactus alios nece, alios exilio multavit. Sapius postea regressum tentabant, sed Ludovicus maluit vires suas atteri, quam religionis officiis deesse.

Hisp.

Anno 1705 Fevillada Villafrancam cepit. Ad Gibraltariam vero quinque Gallorum bellicæ a Leackio Anglo aut captæ aut destructæ sunt. Valentia & Alcantara Gallova'o deditæ. Exercitæ in illis Anglorum & Hollandorum in sacra insolentia animos Hispanorum adhuc magis alienarunt. Expugnarunt tamen Fœderati Barcinonem, quo pacto duas provincias, Cataloniam & Valenciam sunt adepti; accessit brevi cum Cæsaraugusta Arragoniæ regnum. Ex altera parte Lusitani, occupata Albuquerque, Extremaduram apertam habebant. Nec Tessæus, ut resisteret, sufficienti milite erat instructus.

Ital.

Princeps Eugenius, Germania liberata, cum novo exercitu in Italiam rediit, ubi expugnata a Gallis *Mirandola*, vix quidquam Cæsareis erat reliquum. At Eugenius plura mox loca occupat. Ad *Cassanum* haud procul Adda fluvio ventum ad prælium, admodum cruentum. Pars utraque victoriam sibi attribuit: sed utraque iactura gemebat. Summi utrinque Archistrategi Eugenius & Ven domius recessere vulnerati. Galli tamen ultimi persistere in campo Martio. Galli Montmelianum rupi impositum demoliuntur, uti etiam Nizsam.

Belg.

In Flandria Baro de Monte Gubernator Lovaniensis se & præsidium captivum tradidit Fœderatis, antequam isti tormenta in fugestibus collocarent. Captum etiam ab illis Tillemontium. Cæterum Elector Bavarix, Villarius, & Villaregius ex una, & Marlebourgus atque Fœderati ex altera parte mutuis militaribus artibus se in Belgio circumduxerunt.

Ramiliaca

Nullus annus majorem Galliæ calamitatem attulit, quam 1706; geminam siquidem cladem, eamque immanem perpessa est in Belgio & Italia: quippe in illo Villaregius cum Marleburgo Anglo, & Owerkerkio Hollando ad pagum Ramiliam (*Ramiliès*) prælio congressus, tanta clade fuit affectus, ut completa Fœderatorum victoria deciderit omnino statum Belgii Hispanici, sicut Höchstadiana Ger-

Germaniæ. Scribitur, tum in prælio, tum in fuga tot Gallos esse caesos captosve, ut ex 60000 vix tertia pars evaserit salva.

Magnitudinem victoriæ loquuntur fructus, qui fuerunt ingentes; nam Gallimox ultro deseruerunt urbes multas insignes, Mechliniam, Lieram, Bruxellas, Gandavum, Brugas, Dainan, Aldenardam, quæ omnes Carolo, ceu Hispaniarum Regi se subjecerunt; Flandricque dein Ordines tanquam legitimum Dominum suum eundem promulgarunt.

Antverpia sex Hispanicis & sex Gallicis cohortibus defendebatur. Cum autem per dies aliquot arcte premeretur, Hispani armis positos Gallos quoque ad deditionem permoverunt. Mox Ostenda, trium illud annorum olim cruentum opus, octidui spatio ab Oberkercio est expugnata. Excessere 5000 Gallorum. Idem fatum subierunt aliæ urbes munitissima, Dendermonda, Athum, Menina.

Alterum lethale vulnus Gallo-Hispanis inflictum est in Italia. Pug. Taurin.
Lata erant anni initia. Vendomius 3000 Germanorum ceciderat, totum Pedemontium, Taurinum si excipias & Cuneum, erat subactum, cum Rex Ludovicus, ut prostratas Belgii res erigeret, novosque militi animos inspiraret, Ludovicum Vendomium (Henrici IV pronepotem) quo meliorem Ducem Gallia non habuit, Italia extraxit, & Villaregio, viro probo artiumque bellandi gnaro, sed infelici, substituit: Vendomio vero in Italia Philippum Ducem Aurelianensem, suum ex fratre nepotem, & Marfinium Marschallum.

Illi, ut conceptas de se spes impleant, *Taurino* oppugnando exercitum admovent. At Eugenius superveniens eos aggressus tantam stragem edidit, ut Aurelianensi vulnerato, Marfinio occiso, tum in acie, tum in fuga confusa, multa Gallorum millia occumberent, aut ad hostem transirent, relicto in castris 255 tormentorum, 108 mortariorum, alioque apparatu bellico profusimani.

Completæ victoriæ fructus erat Italia: partus Ducatus Pedemontanus, Mediolanensis, Mutinensis, Mantuanus, cum permultiplicitis urbibus, Pavia, Soncino, Castilione, Pizzigitona, Alexandria, Novarra, Tortona, Chiva, Casali, Asto. Quin & regnum Neapolitanum huic victoriæ debetur. En, quantum momenti sit in uno secundo prælio! *Hübadianum* Germaniam, *Ranilianum* Belgium Hispanicum, *Taurinense* Italiam evacuvit.

Barcino.

Atque ut nulla provincia sit expers cladis, Galli obsidionem *Barcellonæ* solvere coacti sunt, relictis omnibus impedimentis, 106 tormentis bellicis, 47 mortariis, 2000 globis ignivomis, alioque apparatu sane plurimo. Philippus ipse ad Pyrenæos fugit. Accessit jactura *Balearium*.

Ludovicus Rex, ante hoc sæculum perpetuo victor terrorque Europæ, tantis undique cladibus & calamitatibus pressus pacem petiit; sed frigide & superbe responsum ab Anglo-Batavis.

Et Italia] liberata.

Anno 1707 cum, accisis viribus, Longobardiam recuperandi spes non esset, velletque saltem Hispaniam nepoti servare Ludovicus, Mediolani cum Eugenio *Evacuationis tractatum* iniiit, quo Gallis liber abitus ex Italia concederetur, qui alias fuissent perditus. Eugenius hoc pactum ineundum putavit, quia alias per biennium bellum per varia munimenta arcesque, quas Galli infederant, adhuc circumferendum fuisset; hac autem ratione partæ Italiæ gloriæ, exercitusque, alibi mox impendendi, conservationem est consecutus.

Neapolis occupata.

Quippe Gallis ex Italia digressis Daunium cum decem millibus armatorum ad occupandum Neapolitanum regnum ablegavit. Capta in itinere Capua, superveniunt Legati Neapolitani, claves urbis Daunio oblaturi, totumque regnum, principis urbis exemplum secutum, sui deditionem fecit. Comes Martinivus datus ei Prorex, Duce de Ascalone, qui ea dignitate fuerat ornatus, Gaetam aufugiente, quam urbem Daunius tertio obsidionis mense impetu cepit, prædamque, aliquot millionibus æstimatam, reperit. Eam quippe in urbem, præclare munitam, tum Prorex, tum alii dynastæ bona sua, tanquam asylum tutissimum, deportarant. Ascalona vero, Cellemarius, præter alios e prima Nobilitate complures cum 2000 gregariis capiuntur.

Daunius inde cum expedita suorum manu Florentinis portibus imminens Plombinum & Orbitellum, quod commodam navibus stationem præbet, Gallo-Hispanis eripuit.

Irruptio in Gall.

Eugenius interea cum Victore Amedæo Duce Sabaudia in ipsam Galliam expeditionem arduam suscepit, cumque Thessius omnia in Delphinatum itinera valido occuparet præsidio, in Provinciam irrupit, ibique Telonem Martium (Toulon) obsidebat; sed obsidionem solvere coactus viam repetiit, & in reditu Sufam expugnavit. Schovellius Anglus mari Telonem oppugnavit, sed re pariter infecta discessit. Mirum videri posset, quantumvis undique

que Gallus contundatur, nunquam tamen in Gallia theatrum belli figi posse.

Tandem hoc anno post diuturna densa nubila Phœbus Bonis aliquantum resplenduit; quippe Philippus multo firmatus ^{Pug. ad Al-} milite Fœderatos, quos Gallowæus ducebat, ad *Alamanam* adeo ^{mancam.} cecidit, ut plenam eamque insignem victoriam *Bervickii* Ducis opera reportaret, cæsis, ut fertur, 6000 fœderatorum, totidemque captis. Altera die ab hac victoria Dux Aurelianensis in castra venit, ac usus victoria, a *Bervickio* parta, sex intra dies totum Regnum *Valenciæ & Arragoniæ* in *Philippi* fidem adegit; tanti refert vel unius pugnæ felix an infelix alea.

In Belgio, Vendomio bellum pro rerum præsentī articulo prudenter administrante, tota expeditio variis itineribus & aliquot velitationibus stetit. In Germania *Villarius* in *Sueviam* & *Palatinum* procurrit, a *Mercio* dein ultra *Rhenum* retrusus.

Anno 1708 in Belgio Bellona acerbius sæviit. Duces *Burgundiæ* & *Biturigum*, *Philippi* fratres, centum millium exercitum adduxerant, amissa ut recuperent. At spes sua eos fefellit; quippe *Eugenio* cum triginta millibus *Marleburgo* se conjungente, tanta ad *Aldersdam* clade affecti sunt, ut 3340 Francorum in acie ceciderint, ad 9000 capta sint, 3000 transfugerint. Galli hunc numerum valde imminuunt; imo dicunt, suos usque ad noctem in acie stetisse, & in receptu damnum aliquod passos; paremque utrinque fuisse iacturam. Insulæ (*L'Isle*, *Ryssel*) victoriæ præmium fuerunt, a fœderatis expugnata, quamvis a *Bouffierio* defensæ. Accessit *Wynendalis* Gallorum clades. Visi sunt Galli malle perire, quam *Vendomii* consilia aut ductum sequi. Ille pertæsus rerum privatus vixit, donec in *Hispaniam* fuit avocatus.

Ad Aldersd.

I
LOND.

In Italia Dux *Sabaudiæ* suis receptis denuo in Galliam irruit, atque *Fenestrellam*, *Perousam* & *Exillas* occupavit. Imperator ei *Investituram Montisferrati* contulit, ea lege, ut in fœdere permaneat usque ad universalem pacem; certam pecuniæ summam pendat *Mutinesi*, donec possessionem *Ferrariæ* obtineat. *Cæsariani* ^{Comacinum} occuparunt *Comacinium*, & alia loca, ab Ecclesia Romana, jam inde a *Pipini*, & *Aistulphi* Regis *Longobardorum* temporibus possessa. *Carolus* M. eandem possessionem & proprietatem Ecclesiæ confirmavit. Ineunte sæculo XIV *Ferraria* & *Comacinium* collata *Domui Estensi* in feudum, Principesque illius Familiæ tanquam *Vasalli Ecclesiæ*, dominium ejus directum agnoscere homagium præstabant.

Comacinum
captum.

Anno 1597 Alphonsus II Ferrariæ Duce sine liberis defuncto Clemens VIII feudum Ecclesiæ apertum declaravit, & dominium utile Ducatus Ferrariæ & Comachii cum directo consolidavit, protestante licet Cæsare Estensi, Mutinæ Duce.

Causa.

Continua dein fuit Ecclesiæ possessio ultra centum annos, usque ad annum videlicet 1708, quo Belliduces Josephi Imperatoris Ferrariam obsederunt, & Comachio præsidarium militem immiserunt. Causæ narrantur 1. quod Clemens XI causæ Borbonicæ addictior videretur, nolletque Carolum Archiducem Hispaniarum Regem publice declarare. 2. Quod Imperator Mutinæ Ducis, qui toto hoc bello partes ejus fuerat secutus, prætensionem faveret. 3. Quod quidam Jureconsulti Germaniæ quoddam *Reunionum* systema Imperatori proposuissent, non modico terrore Principibus Italiæ injecto, ne libertatis iacturam incurrere cogerentur.

Clemens XI cum miles Germanus insolentius in ditionibus Ecclesiæ se gerere videretur, nec arma spiritualia formidaret, vim vi repellendam ratus, milites conducere iussit, suppetias a Catholicis Helvetiæ Cantonibus petiit, atque ad defensionem impigre se præparavit, acceptis ex castro S. Angeli belli subsidiiis.

Sed cum plures hinc ex Ducatu Mediolanensi, inde ex regno Neapolitano Romæ imminerent legiones, imparem tantæ potentie se fore facile prospiciens, has tandem condiciones inire coactus est.

P. x cum
Pont.

1. Ut copias suas Pontifex ad 5000 reducat, Cæsareæ vero ex Statu Ecclesiastico discedant, exceptis sex millibus, quibus sua Sanctitas sustentationem præbeat.

2. Ut Papa abdicet Gallos & Hispanos, quos suo servitio addictos habet.

3. Ut controversiæ inter Pontificem & Ducem Mutinæ arbitris committantur.

4. Ut non assistat hostibus Imperatoris aut ejus fœderatorum, nec Neapolitanis transfuga.

5. Ut Comachium interea in possessione Cæsaris permaneat, donec per Commissarios conveniatur de feudis Cæsareis, sicut etiam de Parma & Placentia.

Quamquam autem in his articulis non fuerit expressum, ut Pontifex Carolum Archiducem agnoscat Regem Hispaniæ; quia ad Cardinalium Congregationem hoc negotium erat remissum; Marchio tamen de Prie Legatus Cæsareus id præcise exigebat; alias totum Tractatum nullum fore.

Opor.

Oportuit igitur opponente se licet Tessaō, Legato extraordinario Galliaē, ad cavenda majora mala Nuntium Apostolicum Barcinonem mittere cum Brevis Apostolico. Sed hujus inscriptio: *Nostro Dilectissimo Filio Carolo Catholico Regi in Hispania*, Casareis displicuit. Igitur hic erat ponendus titulus: *Nostro Dilectissimo Filio, suae Majestati Catholicae, Hispaniarum Regi.*

Graviter Hispani tulerunt hoc *Breve Pontificium* Madriti. Amandatus Nuntius Apostolicus: prohibitum Episcopis commercium cum *Dataria Romana*: discessit Roma Legatus Hispaniaē, quin Papæ valediceret: Cardinalis del Judice, Coronæ illius Protector Genuam abiit. Nec placabantur, quantumvis Pontifex declararet, nullatenus suæ fuisse intentionis, ullatenus præjudicare Philippo V, etiam Regi Catholico & Hispaniarum. Refert se hic Clemens XI ad Clementinam *summus Pontifex 4 de Sentent. Excomm.* ubi Clemens V ait, licet Papa novum dignitatis titulum cuidam tribuat, per hoc illum in dignitate non approbari, neque novum ipsi jus tribui. (*Franciscus Durenas in continuat Hist. Eccles. Abbat. Fleury ad ann. 1703. d'Avrigny Hist. Prof. ibid.*) Postmodum Carolus VI pientissimus Imperator tempore Benedicti XIII Comachium Ecclesiæ restituit.

Hispania, efflicta Catholica, hoc anno magnum damnum incurrit, dum *Oranum*, munitissimam in Africa urbem, amisit. Hæc anno 1509 opera & consilio Cardinalis Ximenez barbaris Algerianis fuerat erepta, at durante hoc de Hispanica successione bello, Anglorum consilio & auxilio Mahometani eandem post semestrem oppugnationem expugnarunt, cum probro non exiguo Christiani nominis, nec ante annum 1732 ad Hispaniam rediit.

Archithalassius Leackius *Sardiniam* & *Minoricam* cum munimento S. Philippi & Portu Mahonis expugnat, contra vero Hispano-Galli Tortosam, Deniam, Alonam (*Alicante*) recuperant. Ne Galli, quod consueverant, in Germaniam ad prædas agendas possent excurrere, Germani occupati erant in ducenda *Estlingensi* linea.

Art. III.

Hagenſes pacis articuli Gallix duri. Belli proſecutio. Malplaquetana Laniena. Cælus Mercius. Gallix calamitas. Gertrudenbergſis Conventus ſolutus &c.

120.
Artic. Ha-
genſis.

Anno 1709 Haga Marchioni Torſſo, quem Ludovicus eo legaverat, propoſiti ſunt 40 pacis articuli, quorum hæc ſumma. Rex Chriſtianiſſimus Carolum III agnoſcat Hiſpaniarum Regem. Dux Andegavenſis intra duos menſes eidem reſtituat omnia loca, quæ tenet occupata. Hoc ſi non faciat, Ludovicus XIV ſe conjungat confœderatis, & cum iſdem armis nepotem cogat. Argentinam, Kehlſam, Briſacum, Landaviam Imperatori tradat. Alſatiam non alio quam titulo Proteſtoris poſſideat, nec aliud, quam juſ Præſecturæ in decem Imperiales Alſatiæ civitates habeat, ſecundum Inſtrumentum Pacis Weſtphalicæ. Demoliantur ſuis ſumptibus omnia munimenta, quæ conſtruxit a Baſilea Philippoburgum uſque, nominatim Hünſingam, novum Briſacum, munimentum Ludovicianum (*Fort Louis*) Electorem Brandenburgicum agnoſcat Regem Boruſſiæ, & Principem Neoburgi (*Neuf-Châtel*) Ducem Hannoveranum Imperii Electorem: Annam Reginam Magnæ Britanniæ, exigatque Francia perſonam, quæ præſendit, ſe eſſe Regem Angliæ; cedatque huic coronæ, quæ poſſidet in inſula terræ novæ.

Graves.

Dunkercam demoliat, & portum illius ſubruat. Hollandiſ pro limitum ſecuritate cedat Furnas, Meninam, Ipras, Inſulas, Condeum, Tornacum, Malbodium: Duci Sabaudiæ Ducatum hujus nominis, Exillias, Fenestrellam, Chaumontium &c. Hos autem articulos tantum præliminares eſſe volunt, ſingulisque confœderatorum extendere ſuas prætenſiones. Cauſam Electorum Coloniæ & Bavarix in generali pacis tractatione diſcutiendam, Electori tamen Palatino ſalvum fore Superiorem Palatinatum, cum Comitatu Cham, quo jam ſit inveſtitus. Namurcum, Montes, Carolo-regium, Luxemburgum, Neoportus, Malbodium, Tornacum, Ipræ mox evacuentur. Arma autem non ceſſabunt, donec hæc omnia fuerint completa.

Quamvis autem Ludovicus, continuis cladibus bellicis inſeſe calamitatibus eſſet attritus, provinciæ milite & pecunia exhaustæ, præſensque Gallix ſtatus pacem omnino depoſceret, acerbiores tamen erant, quam ut omnes acceptare poſſet, præſertim ut nepotem ſuum

suum propriis armis ab Hispania depelleret, omnes prædictas urbes ante pacem restitueret, & nihilominus post hæc omnia executioni data liberum cuiuslibet fœderatorum esset, quæ vellet, in pacificationis tractatu deposcere.

Quidam Galli scriptores referunt, Eugenium & Marleburgum, Hagæ præsentem, tam arduas condiciones suasisse, quas Borbonii non possent acceptare, ut victoriarum gloriam ad summum apicem possent provehere, Galliamque priori sæculo toti Europæ tantopere formidandam, ad eum statum redigere, unde non posset resurgence. Et sane non erant ita comparatæ res Galliæ, ut cum spe emolumenti bellum continuare posset, maxime cum fœderatorum exercitus supra centum armatorum millia in Belgio excresceret, multi-que per Europam Principes in partem victoriarum in illo Martis campo sub Eugenio & Marlebourgo, summis ea tempestate Ducibus, mereri vellent, Galli vero multo essent inferiores numero.

Bello igitur resumpto, expeditionem Fœderati inchoarunt ab expugnato Tornaco. Secutum est prælium celeberrimum ad pagum *Malplaquet*, haud procul Montibus *Hannoniæ*, Ducibus hinc *Eug. Ad Malpl-*genio & Marleburgo, inde *Villario & Bousserio*, commissum. *Vi. que.* Victoria iterum penes illos stetit. Primi quippe campo excessere Galli, ordinibus quamvis non turbatis. De numero occisorum & vulneratorum nihil dico, quia Scriptores in infinitum quodammodo variant, quolibet augente vel minuente casorum numerum, prout partium studium suggerit. Quidam scribunt, 16000 Gallorum cæsos, captos, aut vulneratos fuisse, Galli vero, multo plus damni Fœderatos quam Gallos fuisse perpeffos. Hoc certum, toto hoc bello non fuisse pugnam magis pertinacem magisque cruentam, imo non tam pugnam quam lanienam. Villario propter vulnus in genu acceptum ex acie deportato, Bousserius præerat. Eugenius etiam vulneratus scribitur. *Jacobus III Rex Angliæ*, inter Gallos primos ordines duxit, editis præclaris bellicæ virtutis argumentis.

Expugnati mox ab *Wilhelmo Nassovio*, *Frisiæ* Governatore, *Montes Hannoniæ*, testes & fructus victoriæ *Malplaquetanæ*.

Non tam secundo rerum cursu ibant res fœderatorum in *Germania & Hispania*; nam in illa casus fuit a Gallis *Mercius*, qui cum *Mercius* 7000 per agrum *Basileensem* in *Superiorem Alsatiam* progressus, sus. ab *Harcurio & Bourgo* ita exceptus est, ut suorum 3000, vel, ut Galli scribunt, 5000 suorum amiserit, vel cæsos, vel captos, vel *Rheno* submersos.

In Hispania vero Marchio de Bay cum Lusitanis, aliisque confederatis acie congressus, ultra tria illorum millia aut cecidit, aut cepit. Galli 5000 occisa scribunt.

In Sabaudia Daunius expugnavit Anicium, Duce hoc anno quiescente, quia alieniore ab Imperatore erat animo, quod is Langharum in Ducatu Mediolanensi feuda, aliaque a Leopoldo M. ut putabat, promissa, sibi vendicaret.

Privatus hoc anno tractatus Anglos inter Batavosque est initus, quo successio Hannoverana in regnis Magnæ Britanniae fuit stabilita, Batavis vero titulo repagulorum, seu securitatis limitum vix non tota Flandria fuit concessa, in præjudicium Domus Austriae & ipsius etiam Angliæ.

Obiit hoc anno Henricus Julius Princeps Condæus, uti etiam Ludovicus Contius, Candidatus olim coronæ Polonicæ, & P. de la Chaife Regis Confessarius anno ætatis 84, cui successit P. Tellier S. J. non sine invidia.

Galliæ calamitas.

Anno 1710 Ludovicus rursus pacem petit, quam vidit regno suo summopere necessariam; quippe status Galliæ nunquam erat inferior. Commertium jacebat, populus erat exhaustus, copiar sine stipendio. Obtulit proin se paratum ad omnes condiciones, superiore anno sibi propositas acceptandas, implendasque, id unum si excipiat, ne contra naturam cogatur, propriis armis Nepotem de throno Hispanico dejicere. Sed erectis in ulteriores victorias Fæderatorum animis, pacemque in Galliæ visceribus quærendam esse dicentibus, Conventus *Gertrudenbergensis* solutus est. Jactanda igitur Franciæ brachia, quantumvis lassa, ni perire vellet.

Convent.
Gertrud. so-
lutus.

Galliæ populi, qui diuturno gravissimoque onere pressi ante murmuraverant, pacemque importune postulaverant, ubi viderunt, septuagenarium Regem suum eo usque descendisse, ut gloriam suam publicæ tranquillitati immolaret, atque condiciones, licet gravissimas, ab Anglo-Batavis acceptare paratus fuerit, quod paupertas reliquum fecerat, libenter contribuerunt, exacerbati etiam ab Hollandis, dum Polignacus & Uxellius, Galliæ ad Congressum Gertrudenbergensem Legati conquesti sunt, fidem publicam & jus Gentium esse violatum, dum velut captivi detinerentur Gertrudenbergæ, litteræ eorum aperirentur, & accessus ad eos fuisset prohibitus. Fæderati expeditionem hujus anni ab expugnatione *Ducis*, quod Albergottus propugnauerat, sunt auspicati; tum vero ad *Beibonium*, *S. Venantii sanum*, *Comineum* & *Ariam* protulerunt victoriam.

In

In Hispania Archidux Carolus duas a Duce Andegavensi reportat victorias, primam ad *Almenaram*, pleniorē alteram ad *Casaraugustan*, quā mox capta est. Ductus inde Carolus, Stanhopii consilio praevalente, Madritum, Philippo fuga dilapso. At cum Vendomius & Noallius novas ex Gallia copias adducerent, Stanhopius cum octo cohortibus captivum se tradere coactus est, frustra in auxilium accurrente Stahrenbergio, cuius extrema ars virtusque bellica effecit, ne Gallo-Hispani ad *Villam vitiosam* plena potirentur victoria.

Hisp.

Art. IV.

Obitus Delphini, ac Caesaris. Rerum mutatio. Praeliminare Londinense pacis. Pugna Deniana. Regia Domus funera. Pax Ultrajectensis. Villarii ad Rhenum progressus. Pax Badena.

Anno 1711 14 Aprilis obiit *Ludovicus omnium Sanctorum*, Delphinus Franciae, quinquagesimo aetatis anno, Regis filius, Regis pater, Regis avus, nunquam Rex. Nullum tantae aetatis Delphinum vidit Gallia. Connubio sibi junxit Mariam Annam, Ferdinandi Mariae, Bavariae Electoris filiam, anno 1680, ex qua genuit, Ludovicum Ducem Burgundiae, moderni Galliarum Regis patrem. Philippum Ducem Andegavensem, Regem postea Hispaniae, moderni Regis patrem: Carolum Ducem Bituricensē. Commendatur in eo maxime ingenua morum probitas, & filialis in Ludovicum XIV & Parentem & Regem observantia. Vidit illum in apice gloriae, vidit, ut rerum humanarum fert conditio, depressum & cum acerba fortuna luctantem. Vidit filium corona redimitum, sed spinis horrente, & tum adhuc nutante.

Cum Foederati novas palmas cogitarent demetere, mors Imperatoris Josephi consilia eorum disturbavit. Marleburgus, expugnato Buchaino iussus cursum sistere; inita Londini pacis praeliminaria. 1 Ludovicus Annam agnosceret Reginam. 2 Gallia & Hispania nunquam uniantur sub eodem capite. 3 commercium restitueretur. 4 Hollandis cedantur muniti limites. 5 Munimenta Dunkercæ subruantur. 6 Præensiones foederatorum discutiantur.

Praelim. Londinense

Anglia rece-
dit.

Hos articulos Regina sociis communicavit, eosque Ultraje-
stum ad pacificationem invitavit. Carolus inter hæc Archidux, re-
lictæ Barcinone sua Coniuge, Francofurtum abiit; Stahrenbergius
vero bellum strenue est profecutus; quamvis cessantibus Anglis &
Lusitanis modicæ ipsi superessent copiæ. Victor Amedeus Cambe-
rium recipit, cum tota ferme Sabaudia, Bervico ob paucitatem co-
piarum non valente resistere.

Obierunt hoc anno cèlebres Franciæ Marechalli, Bouffierius
& Catinatus, hujus tamen mortem alii ad annum sequentem refe-
runt.

Rerum
mutatio.

1712. Elestor Bavarie recepit homagium a Ducatu Luxem-
burgico & Comitatu Namurcensi, quos Philippus ei tanquam pro-
prios cesserat; nam hos solos Fœderati necdum expugnaveant.
Adjecit Rex Ludovicus de suo Ipras, Meninam, Dûxmûdam, mu-
nimentum Knock, Hollandorum præsidio tenendas, si Regi resti-
tuantur Bethunium, Aria, Duacum, Buchainum, S. Venantii
Fanum; atque ad demolendam Dunkercam se offert, si sibi red-
dantur Insulæ & Tornacum. Verum ex his plura, ut mox videbi-
mus, fuerunt immutata, maxime cum Anglia copias suas abduxisset;
nam tunc Villarius plures in Belgio urbes brevi tempore re-
cuperavit, uti Duacum, Quercetum, Buchainum, Marchicanam.
Depulsus Albermarle cum Hollandis ab obsidione Atrebatensi, ma-
nifesto documento, quantum momenti prius fœderi addiderint
Angli. Celeberrima autem est victoria *Deniana*, quam Villarius
a Germanis & Hollandis reportavit, quos *Albermarlius* duxerat. Ex
17 cohortibus vix 400 milites evaserunt. Inter captos erat Dux
ipse Batavorum Albermarlius, Principes insuper Nassovius, Hol-
satus, Anhaltinus. Galli hoc certamine gloriam suam reparatam
dicunt. Desuit Eugenius. Quid dixissent, si illum vicescent?

Pugna Deni-
ana.

Oblitus Prin-
cipum.

Quamvis autem hæc læta fuerit Gallis rerum conversio, nescio
tamen, an ullus toto hoc bello fuerit Familiæ Regiæ annus luctuo-
sior. Eodem quippe morbo Versaliis obiit Ludovicus Dux Burgun-
diæ, 30 ætatis anno, hæres corona, cum sua coniuge & filio,
Duce Britannici sextæ ætatis anno, in proximam post patrem spem
regni natus, superstite fratre bienni, qui tamen & ipse eodem
morbo tunc periculose laborabat, & quamvis bimus duntaxat ef-
fet, dicere tamen poterat, se quatuor Delphinos vidisse. Vole-
bat quippe cælum propitium Ludovicum XIV per adversa ad se
trahere.

Luētum auxit funus Ludovici Josephi, Ducis Vindocinensis (*Vendome*) qui in apparatu novae expeditionis in Hispania ad aliam eamque perpetuam vocatus est anno ætatis 58. Fuit Pronepos Henrici IV ex Estrea, bello in Italia, Belgio, & Hispania Præfectus: Princeps, uti indole mansuetus, popularis, ac militi acceptus, sic consilio, arte & virtute militari Eugenio & Marleburgo, summis ea ætate belli Imperatoribus, suppar. Quamvis enim Gallia annuas hoc bello acciperet clades, nullam tamen, quando illè ceu supremus belli moderator exercitum solus gubernabat: expertus tamen & ipse infidas humanæ gratitudinis vices. Obierunt insuper Marchio Noallius armorum Præfectus, Cardinalis frater. Item Franciscus de Rohan Princeps St. bisius, Dux pariter militaris inclitus, relictis tribus filiis; quorum unus Cardinalis & Episcopus Argentinenſis.

Ven-
domi-

Renuntiavit hoc anno Philippus successioni in regno Franciæ, Dux Bituricensis autem & Aurelianensis in Regno Hispaniæ; quo facto Anglia penitus est conciliata.

Anno 1713 Pax Ultrajectensis fuit conclusa. Rex Christianissimus abdicavit causam Jacobi III Regis Angliæ, in Gallia hæcenus exulis, sicut in pace Risvicensi patris Jacobi II. Excessit igitur ex Gallia in Lotharingum, protestatione Ultrajecti interposita. At Angli apud Lotharingum institerunt, ut eum ditione sua expellat; quasi vero non sufficeret amisisse coronam patrum suorum, nisi & omnis commoratio in orbe Christiano ei interdiceretur. Accepit tandem asylum in communi Christianorum patria. Felicius protestati sunt Status Leodienses contra præsidia Hollandorum.

Jacobus III
exul.

Dux Sabaudia uti cœpit titulo Regis Sicilia, per pacem ipsi tributa, & Panormum profectus coronam suscepit, contradicente Carolo VI Imperatore, atque in Decreto, quo ejus Legatum Vienna dimisit, allegante, quod sanguine Germanorum servatus sit sæpius a totali ruina, & nihilominus, nulla Imperii & Imperatoris ratione habita, in particularem cum Gallo tractatum descendisset contra sædus & factas promissiones. Verum non omisit Dux causam suam defendere.

Sabaudus
Rex Sicilia.

Villarius Landaviam & Friburgum in Brisgovia expugnat; jamque in Germaniæ viscera erat penetraturus, cum etiam Imperator & Imperium ad pacem cœpit respicere, Eugenio & Villaro Rastadium ad Præliminaria componenda se conferentibus. Hæc autem & pacem Badensem anno 1714 subsequutam supra in Germanicis retulimus; Pacem vero Ultrajectensem opportunius recensebimus,

cum de statu Hispaniæ tractabitur, eo quod in ea pace præcipue actum sit de dismembratione Monarchiæ Hispanicæ.

Art. V.

Conventus Cleri Gallicani damnat 4 propositiones Jansenistarum. Juvencii Historia Societatis male accepta. Molesia ob dimissis e Societate. Dissertatio in Cap. 6. de statu Monachorum.

155.

Episcopi Galliæ singulis quinquenniis celebrare solent Comitia Generalia, quæ vulgo dicuntur *Conventus Cleri Gallicani*, & sunt instar Conciliorum Nationalium. Hi simul in unum opus, in sex Tomos dispersitum, collecti, anno 1675 Parisiis in lucem sunt editi sub hoc titulo: *Collectio Actorum, Titulorum, ac Documentorum, Clerum Gallicanum spectantium*. Congregati autem sunt eum in finem, ut extirpentur sectarum reliquiæ, ut obtineant promulgationem Regiam Concilii Tridentini, ut errores emergentes & laxa morum doctrina proscribantur, atque Ecclesiæ disciplina instaretur, aut conservetur, ut vindicaretur ac stabiliatur auctoritas & Jurisdictio Ecclesiastica, ut denique rerum temporalium institueretur apud clerum recta administratio, Regique præbeantur subsidia.

Celebris est Conventus, anno 1700 in Regio palatio in suburbio S Germani habitus, in quo 127 laxas propositiones, ab Alexandro VII & Innocentio XI jam proscriptas, censura perstrinxit, una cum thesibus, a Jansenistis sparsis.

Prima ex his damnatis sic habet: tandem Ecclesiæ & Regnorum Principes ex hoc clarissimo argumento agnoscunt, phantasma Jansenii quæsitum ubique, sed nusquam inventum, præterquam in laborante quorundam phantasia.

2da: Constitutione Innocentii X nihil aliud actum, quam ut renovarentur, & exacerbarentur disputationes. . . . In eandem viam pertractus est Alexander VII, ut homo ab hominibus facile impellendus in eas res, quæ parum ejus officio convenirent &c. Innocentius quoque XII cum ex officio teneretur, claram proferre sententiam, generalibus, æquivocisque verbis adhibitis, dat locum existimandi, non ausum esse clarius loqui, tanquam errare metuentem &c. atque illud in sensu obvio ejusdem Pontificis, magis adhuc

huc generale est & vagum, quam verba Alexandri VII : *In sensu, a Jansenio intento &c.* Episcopi denique Gallicani libertates Ecclesiæ Gallicanæ, sub eorum asserendarum specie, labefactarunt super suscipienda Constitutione Innocentii X contra Jansenium.

3^{ta}: Aliquam huic malo attulisse medicinam videbatur Innocentius XII in Brevis suo die 6 Febr. 1694 &c. verum mitigationem illam præsumptam non parum extenuavit Brevis dato 24 Nov. 1696, ubi Pontifex diserte negat, Constitutionem aut Farmularium Alexandri VII Brevis suo alteratum aut reformatum &c. in aliqua minima ejus parte.

4^{ta}: Circa condemnationem Augustini Jansenii opus esset collatione regulari, vel coram Judicibus, a Romano Pontifice, vel a Rege datis &c. Nondum interierunt omnes, qui sciunt deliberationes (de Janseniano negotio) quas nunc Episcopi ut regulas suarum hodiernarum deliberationum sumunt, Cleri Gallicani æternum fore præjudicium.

Quatuor hisce propositionibus Jansenistarum Clerus Gallicanus hanc censuram inussit: „ Hæ quatuor propositiones, quibus „ inquieti homines Innocentii X, & Alexandri VII Constitutiones, „ Innocentii quoque XII Brevia æquissima, & ab omnibus appro- „ bata, aperte contemnunt, Episcopos Gallicanos, rebus judica- „ tis adhærentes, incessant maledictis; & causam hanc de integro „ retractari postulant; tanquam tot Constitutionibus Apostolicis, „ etiam accedente Ecclesiarum consensione, causa nondum finita „ fuerit, *falsa sunt, temeraria, scandalosa, contumeliosa in clerum Gal- „ licanum, summos Pontifices & universam Ecclesiam, Schismatica, & „ erroribus damnatis faventes.*

Reprobavit etiam propositionem, semipeiagianismum olentem, quæ causam discernendi inter justos & injustos in opera mere naturalia refert: & alteram, quæ pactum comminiscitur inter Christum & Patrem conferendi gratiam facienti quod est in se viribus naturæ. Verum illi, qui principium illud, Deus facienti, quod est in se, non denegat gratiam, sobrie explicant de faciente viribus naturæ, hæc duo non dicunt: sed, quod Deus etiam facienti per vires naturæ, quod est in se ex misericordia & bonitate sua non denegat gratiam supernaturalem, per quam actus supernaturales ponat, & justificetur, respiciendo opera naturalia ut meritorum terminum, nullatenus vero ut meritum aut conditionem, sine qua non.

Proscripsit denique propositiones aliquas nimium laxas, quod sufficiat attritio, ex metu gehennæ concepta, absque ullo ad Deum offensum respectu. Requirit autem conventus initialem & inchoatam dilectionem Dei in pœnitente, quæ videlicet, ut loquitur Tridentinum, *incipit diligere Deum tanquam omnis justitia fontem*. Denique hortatur omnes, ne doctrina de usu opinionum probabilium abundantur, & in laxas sententias declinent, sed id, quod est tutius, sectentur.

Editus fuit anno 1710 a *Josepbo Juvencio* Historia Societatis Jesu *Partis V Tomus Posterior*, eo sermonis nitore, qui sæculum aureum referat. Sed quantum stylus placuit, & concatenata narrationis series, tantum Gallis quibusdam displicuit, quod author non satis, se in Gallia natum esse meminerit; eaque scripserit, quæ plures ante eum innoxie litteris mandarant.

Tria autem reprehensione digna sunt visa. 1 Quod laudasset Gregorium XIV ob missâ *Lige* Catholicæ in Galliam adversus Henricum IV, tunc adhuc Hugonotum, auxilia: per quod *Lagam* ipsam approbatam interpretabantur. 2 Quod narrando Jesuitarum exilium & mortem P. Guignardi arguere Judices videretur. 3 Quod *Defensionem fidei*, a P. Suarez contra Regem Angliæ compositam, & in Gallia male exceptam, excusare censeretur.

Parlamentum ultra simplicem suppressionem libri procedere volebat; sed Rex, qui Societatem æstimabat & amabat, vetuit ulterius progredi: unde Parlamentum acquievit Patrum declarationi, quod auctori aliqua verba exciderint, quæ in malam partem accipi possent; se legibus & usibus regni addictos, supremam Regi auctoritatem agnoscere.

Alia molestia major, & quæ ipsum Societatis Institutum tangit, eandem anno 1715 exercuit, & quidem occasione Nobilis cujusdam Juvenis, qui fuit dimissus e Societate. Repetit is a consanguineis sua bona: illi restituere detrectabant. Inde lites in Parlamento.

Habet hoc Institutum Societatis Jesu, a pluribus summis Pontificibus, & ipso adeo Concilio Tridentino approbatum, ut ii, qui tria vota *simplicia* post Novitiatum emiserunt, fiant quidem vere Religiosi, possint tamen post plures etiam annos usque ad professionem solennem dimitti a Patre Generali, & solutis votis suis religiosus ad sæculum redire, ibique bonis suis uti frui, ac etiam, si Ordines sacros necdum receperint, matrimonium inire; neque enim Societas se obligat ad eos retinendos, quamvis illi se obligent Societati.

cletati ad remanendum, & Gradum acceptandum, *omnia intelligendo secundum Societatis Constitutiones.*

Ut proin liberius dimitti possint, qui Societati non satisfaciunt, voluit S. Fundator, ut dominium bonorum retineant, donec fiant professi; nihil tamen de iis disponant, sine facultate superiorum. Jesuita itaque per votum simplex paupertatis neque dominium neque possessionem bonorum suorum abdicat, sed solum usum eorum liberum, a superiorum voluntate non dependentem: sicut pupillus, licet sit dominus omnium, sub tutoribus tamen & actoribus est usque ad praefinitum tempus.

Omnes Europæ Catholice Principes introduxerunt aut receperunt Societatem sub eo modo, ut possit juxta suum Institutum & Constitutiones vivere. Nec alia ratio erat in Gallia, usque ad calamitosa illa tempora, quibus a Parlamento Parisiensi proscripta fuit.

Volebat quidem Henricus IV, ut absolute restituatur in integrum; at tandem id dedit adversantium importunitati, ut Societas Edictum sanctis Scholasticis (ita appellamus eos, qui votis simplicibus ligati necdum certo stabili Gradui sunt adscripti) & Coajutoribus spiritualibus ac temporalibus, jus successionis hæreditarium adimeret, sic tamen, ut, si a Societate dimitterentur, in omnia sua jura restituerentur; prout Edicto anni 1603 cautum erat: neque ullum in Gallia extat Decretum, huic Edicto contrarium.

Nihilominus tamen *Aubercourtio* (hoc nomen dimisso e Societate Nobili) injecta est molestia. Parlamentum etenim hac occasione anno 1701 Regi supplicandum decrevit, ut Edictum anni 1603 explicaret, certumque tempus figeret, post quod dimissis e Societate non amplius esset integrum redire ad bona & jus hæreditarium, ne per ejusmodi regressum turbentur familiæ.

Rex noluit causam decidere, sed jussit Parlamentum partibus debitum jus dicere. In longum protractum est negotium. Societas initio se non miscuit; nec decrant, qui dicerent, non esse e re ipsius, ut per spem regressus ad bona, juvenum tentationes, quibus cupiditas, tædium, inconstantia eos incurSAT, augeantur, iisque ad egressum porta velut aperiatur.

Sed ratio in oppositum, Instituto ac fini Societatis magis consentanea, visa est potior. S. Ignatius velut punctum substantiale respexit, ut sui Instituti homines bonorum proprietate se non spoliarent ante professionem, ut minori cum molestia noxia aut inutilia membra possit abscindere. Porrecto igitur libello Regem rogarunt,

Pars X

Y y

Patres

Patres, ut dimissos a Societate ad bona sua redire permittat, sicut in tota Christianitate esset consuetum.

Duo autem maxime capita representabant: & quod Edictum anni 1603 adhuc subsistat, & quod ejus executio nullam insolitam molestiam, nedum injuriam asserat familiis, aut regno præjudicium; non alias nunc versari rationes, ac illas, quibus discussis, Henrico IV visum sit durum & inhumanum, insontibus suum addimere patrimonium, aut eos veluti exhæredare, quamvis nunquam bonis ac juribus suis renuntiarent.

De dimissis.

Ex adversis principiis secuturum, parentem viduum non posse ad secundas transire nuptias, ne liberorum primi matrimonii portio hæreditaria minuatur. Eum, qui cœlibem vitam ducit, non posse de rebus suis disponere, sed consanguineis debere illas relinquere ad exaltandam ditandamque familiam, & sic omnes personas Ecclesiasticas patrimonio suo & jure hæreditario privandas.

Rationem Jesuitarum in hac parte in Gallia non esse singularem, sed Presbyteris Oratorii & S. Lazari communem; Equites Melitenses longo sæpe tempore disserre professionem Religiosam; & ante illam retinere dominium suorum bonorum, atque successionis hæreditariæ esse capaces, quin tamen quis jure possit conqueri, hoc cedere in præjudicium familiæ aut Reipublicæ.

Religiosos, retinentes dominium usque ad tempus Professionis, comparari posse peregrinantibus, qui longiori tempore domo absunt. Redeuntes recipiunt possessionem suorum bonorum, nec excluduntur ab hæreditatibus, imo possessionem saltem civilem semper retineverunt, dum velut depositum bona sua custodienda tradiderunt, recepturi possessionem etiam naturalem illius, postquam redierint; nec tamen propterea dicturum quenkum, turbari hoc pacto familias, aut Reipublicæ incommodari. Et licet in peregrinas regiones profectus crederetur jam mortuus, licet etiam hæreditas jam divisa esset inter alios, reduci tamen legitima sua restitui debet. Et quid fieri oportet, si pater jam habeat filium, & post multos annos ei supernascatur alius? an hic privari debet portione hæreditatis, quam integram prior jam spe devoraverat?

Videbatur Rex pronus ad reducendam Societatem in eum statum, quo fruebatur juxta Institutum suum ante exilium. Nam sæpius concessit, ut Jesuitæ post edita vota simplicia ad hæreditatem admitterentur. Ut tamen stabile quid decerneretur, negotium Commissariis demandabat; qui Edictum anni 1603 confirmarunt, ea adjecta declaratione, ut dimissi e Societate ante 33 ætatis annos

com-

Declaratio
Regis.

completos, bona sua & jura hæreditaria recuperarent; si vero post eos annos essent dimittendi, bonis suis renuntiasse censendi sint.

Illud non raro, qui ad decempedam aliorum Religioforum Ordinum Societatem metiuntur, objectare solent, per vota simplicia Jesuitas aut non fieri Religiosos, aut incapaces reddi omnis proprietatis. Votum paupertatis & abdicationem proprietatis pertinere ad substantiam religionis, atque in ea (juxta Canones) neque Papam dispensare posse. *Cap. cum ad Monasterium 6 de statu Monach. in fin.*

Sed indubitatum est, Jesuitas per vota simplicia Scholasticorum fieri vere Religiosos, & nihilominus bonorum dominium retinere posse usque ad professionem solennem, vel vota publica Coadjutorum formatorum, prout per plures Bullas Pontificum fuitclare definitum, uti per Bullam *Ascendente Domino* Gregorii XIII &c. neque in hoc ulla apparet impossibilitas. Quid enim aliud est Religio, nisi certus modus colendi Deum? hic autem modus potest esse varius, prout ab Ecclesia ordinatum fuerit. Potuisset status Religiosus institui, quem duo vel quatuor vota constituerent.

Diversi Ordinum & paupertatis ratio.

Potest diversimode paupertas voveri, prout nempe vel strictius vel laxius ab Ordine præcipitur secundum cujusque constitutiones. Franciscani, Capucini, Domus Professæ Societatis Jesu, ne quidem in commune habent dominium: alii Ordines habent. Religiosi Ordinum Equestrium, uti Teutonici, Melitenis &c. non tamen strictam paupertatem voverunt ac alii: prout etiam Episcopi, aut ipse summus Pontifex, ex Religioso Ordine assumpti. Religiosi Societatis Jesu, quamvis ante solennem Professionem retineant dominium, nulla tamen re (in quo perfectio paupertatis consistit) tanquam propria uti possunt, sed in omni usu, & dispositione, a superiorum voluntate penitus dependent.

Religiosus status, seu certus modus colendi Deum atque vovendi certas virtutes, non est juris Divini aut naturalis, sed Ecclesiastici. Votum equidem, legitime factum, jure Divino obligat; sed hoc jus non præcipit, hoc vel illud, hoc vel illo modo vovere. Ad Ecclesiam spectat, hos vel illos cultus, has vel illas Religiones approbare, improbare, abrogare, mutare, prout ad gloriam Dei videbitur.

Scholastici Societatis aut Coadjutores, qui post biennium Novitatus emittunt vota simplicia, per votum paupertatis non abdicant bonorum dominium, sed tantum liberum eorum usum. Et ratio hujusmodi voti a Sede Apostolica est approbata. Mirum proin est,

aliquos eo proveſtos audaciæ, ut præſtacte impugnent, quod Sedes Apoſtolica ſub pœna excommunicationis latæ ſententiæ prohibuit impugnari, aſſerantque, per prædictum votum paupertatis voveri, quod non vovetur, abdicari dominium, quod neque ex intentione voventis, neque ex Inſtituto ſenſuque Societatis, neque ex Conſtitutionibus Apoſtolicis abdicatur: imo hæc abdicatio poſitive excluditur, dum expreſſe vovetur *juxta Societatis Conſtitutiones*.

Sed tales ſunt incapaces proprietatis, inquiunt. Hoc jam dividimus. Unde, quæſo! iſta incapaciſ? ante votum fuerunt capaces. Voti vis dependet ab intentione & voluntate voventis. Neque ab hac intentione, neque a mente Ordinis aut Eccleſiæ hunc effectum incapaciſ importat. Sed neque contradictionem ullam importat, habere dominium, & eo non poſſe ſine ſuperiorum licentia uti, prout patet in pupillo, minore, prodigo, cui adminiſtratio eſt interdicta. Aliud eſt, habere jus, & aliud eo uti. Reſervato jure proprietatis poteſt quis promittere eo non uti, niſi ſub certa conditione.

Ad cap. 6 de
ſtatu Mon.

At obſtat, inquiunt, *cap. cum ad Monasterium 6 de ſtatu Monach.* quod ita habet: *Nec aſſinet Abbas, quod ſuper habenda proprietate poſſit cum aliquo Monacho diſpenſare; quia abdicatio proprietatis, ſicut & cuſtodia caſtitatis, adeo annexa eſt regulæ Monachali, ut contra eam nec ſummus Pontifex poſſit licentiam indulgere.*

Reſpondetur, Innocentium III *cap. cit.* locutum fuiſſe in ſenſu *compoſito*, quod ſcilicet Pontifex non poſſit licentiam indulgere, ut quis agat contra votum (quia hoc eſſet intrinſece malum) aut, quod non poſſit cum Monachatu, ſeu regula Monachali, ut præcipiente abdicacionem proprietatis, conjungere proprietatem. Sive, quod Papa non poſſit facere, ut quis habeat proprietatem & ſimul Monachatum ut conſtitutum per regulam abdicacionis illius, cum abdicatio proprietatis ſit de eſſentia Status Monachalis, ut includentis abdicacionem; alias enim idem eſſet, & non eſſet; ſeu daretur abdicatio proprietatis, & ſimul in ſenſu *compoſito* proprietas, quod contradictionem involvit. Verbo: fieri non poteſt, ut quis conjungat proprietatem cum Monachatu, per regulam excludentem proprietatem.

Diſpenſare tamen absolute, & neceſſitate publica exigente, poteſt Pontifex in ſenſu *diviſo*: hoc eſt: ut quis proprietatem acquirat, ſed hoc ipſo amittat Monachatum, ut conſtitutum per abdicacionem proprietatis. Quia poteſt de plenitudine poteſtatis tollere votum, etiam ſolenne, paupertatis, quo abdicacionem proprietatis vovit, ſicut contingere poſſet, ſi talis Monachus fieret Papa, ut multoties con-

contigit, aut si Rex fieret, ut de Ramiro, Arragoniæ Rege, legimus, atque sic jus proprietatis acquireret.

Et ratio est, quia summo Pontifici subjectæ sunt voluntates fidelium, actusque, quibus voverunt, in quantum ad rectam Ecclesiæ gubernationem est necessarium, revocare igitur tanquam Vicarius Christi potest hos actus, sicut parens vota filiorum impuberum; & tunc per se cessat obligatio voti.

Quamvis autem abdicatio proprietatis fuerit de essentia Status Monachalis, ut constituti per tale votum & talem regulam, hodieque sit de essentia solennis professionis Religiosæ, taliter constitutæ; non tamen repugnat alius Monachatus, specie diversus, per alias regulas, aliaque vota constitutus, quæ proprietatem non tollerent. Certe nullatenus repugnat alius ordo Religiosus, qui aliter sit constitutus, cujus votum paupertatis non quidem ipsam bonorum proprietatem, ejus tamen liberum usum excludat. Cum constet, diversas Religiosorum Ordinum esse regulas, vota, eorumque effectus diversos, prout de Equestribus quibusdam Ordinibus diximus: quorum aliqui in Hispania castitatem tantum conjugalem vovere dicuntur. Unde Concilium Tridentinum *sess. 25 c. 1 de Reg.* ait, vota & regulas Ordinum Regularium *ad eorum respectivæ essentiam*, observandas esse. Ubi manifeste supponit, diversas esse Ordinum Religiosorum essentias.

Sic Societatis Jesu Scholastici sunt vere Religiosi, ut per plures Pontificum Bullas definitum fuit, & tamen illi non vovent actualem abdicacionem proprietatis, sed tantum abdicacionem usus liberi, & a superiorum voluntate independentis; quia ad finem, quem intendit Societas, id genus voti est aptissimum.

Ratio autem est, quam supra attigi; quia introductio Status Religiosi, ejusque ordinatio, forma, regulæ, non descendunt a jure naturali aut Divino, sed Ecclesiastico; unde pertinet ad summum Pontificem supremum Ecclesiæ ac sacrorum Antistitem, diversos Religiosos Ordines auctoritate sua approbare, regulare, formare, quæ ad finem intentum apta videbitur, præscribere. Ad finem autem Societatis, qui est, non modo ad propriam perfectionem, sed proximi quoque salutem per multa diversaque officia incumbere, visum est medium aptissimum, si suos diu multumque probet, minus idoneos rejiciat, eosque retineat, quibus propria sibi munera tuto possit confidere. Ut autem dimissi habeant, quo sustententur, necessarium erat, ut bonorum suorum proprietatem retineant, nulla tamen re, quamdiu in Societate vivunt, tanquam

propria utantur, sed in omni usu & dispositione a superiorum voluntate dependeant, atque parati sint, quocunque tempore P. Generali placuerit, proprietatem bonorum abdicare, & in pauperes aut alios pios usus erogare. Sæpius hic aliqua erant repetenda; quia aliqui nolunt capere.

Art. VI.

Obitus Ludovici XIV. Elogium. Testamentum. Hujus mutatio in causa Maynii & Tolosani. De Maintenonia.

124.

Obit Lud. M.

Anno 1715 obiit Ludovicus XIV ob res præclare gestas cognominatus *Magnus*, anno ætatis 77, regni 72, quot in regno annos nullus unquam Princeps explevit: dies ejus boni & mali; nam dotibus naturæ fuit excellentibus, magnanimus, liberalis, litterarum bonarumque artium protector, Religionis amator cultorque eximius; utraque fortuna heros exercitatus; priori sæculo bellis felix; unus contra omnes, Europæ terror. At sæculo isto se hominem sensit, nihilque in rebus humanis esse tam magnum firmumque, quod deprimi non possit. Unde quidam hoc Chronostico annum mortis ejus expressit: *DIV VICI, DIV LVXI, DIV VIXI, IVI.*

Grandibus virtutibus defectus immiscuit, geminos maxime, continentiae & pacis.

Testamentum.

Regni heredem reliquit Ludovicum XV quinquennem tunc Principem, Pronepotem suum, voluitque testamento, pupillarem ejus ætatem regnumque dirigi a Consilio, ex Ducibus Aurelianensi, Borbonio, Mainio, Comite Tolosano, Cancellario, Marschallis, Villaregio, Villario, Uxellio, Tallardo, Harcurio, quatuor Secretariis Status, composito; iussitque, omnia ad votorum pluralitatem concludi. Educationi Regis impuberis præfecit Mainum & Villaregium; Fleurius Foro-Juliensem in Provincia Episcopum, instructorem; P. Tellierum S. J. confessorium; qui & ipsi a sacris confessionibus sacrat. Tutelam Religionis summo opere commendavit. At vero, cum postridie mortis in pleno Parlamento coram Ducibus & Paribus Franciæ testamentum aperiretur, tutela Duci Aurelianensi fuit delata, cum Reginine, cujus jure sanguinis debita proxi-o agnato. Dux etenim Bituricensis Regis patruus & ipse nuper obierat.

Ante

Ante mortem actu solenni natalibus restituit Ducem Maynium & Comitem Tolosanum filios suos, statuitque, ut inter Principes sanguinis Regii ultimum locum occupent, ante omnes tamen alios Principes, atque successionis in regno sint capaces, aliisque prarogativis gaudeant, indignantibus licet Aurelianensi, Condæ & Contia Familiis; quibus tres filias, ex Montespina pariter susceptas, collocaverat.

Causa May-
nit & Tolo-
sani.

Verum post mortem Regis Maynio & Tolosano gravis mota fuit controversia status a Principibus Borbonio, Carolesio, & Contio. Courtenacenses etiam Domini, qui a Ludovico VI descendere prætendunt, Regii sanguinis Principes declarari petierunt.

Caterum Ludovicus cum *Maintenonia* matrimonium conscientiae habuit, illamque publice declaraturus fuisset Reginam, nisi Principes obstitissent. Fuit hæc femina nata in America, indeque in Europam translata Scarroni Poetæ nupsit. Hoc autem mortuo per Montespnam Regi innotuit. Post ejus mortem Afceterium, a Ludovico pro illustribus puellis fundatum, ingressa est.

Maintenon.

Art. VII.

Ducis Aurelianensis cura ærarii publici. Fædus Triplum, & Quadruplum. Lavusii fraudes, ut Galliam emungat. Chartaceum commercium. Mentiti montes aurei Mississippici.

Pestis Massiliæ. Cartouchius. Obitus magnorum virorum. Turbæ ob Bullam Unigenitus, sponsalia tergemina. &c.

Ludovicus XV per septennium a Ventadouria educatus, anno 1716 Villaregii curæ commissus est. 125.

Dux Aurelianensis, qui Galliam regebat, omnem curam intendit, ut immensa, quæ Rex reliquerat, debita exsolverentur. Primum aggressus est quæstores, collectores tributorum, dardanarios, Inquisito in
& annonæ flagellatores, qui Regis conniventia abusi multos libra- fraudatores
rum miliones malis artibus corraferant, iisque privatam bursam infarferant. Unde eusa moneta dicitur, quæ una ex parte Ludovicum XIV repræsentabat cum epigraphe: *esurientes implevit bonis*, ex altera parte effigiem Regentis, cum inscriptione: *& divites dimisit inanes*. Certe tam severa erat inquisitio & executio, ut 284 fa-
milliæ

milie intra mensem ad incitas reductæ scribantur, ex Iris Cræsi, & ex Cræsi iterum Iri; eaque ratione ultra ducentos librarum milliones collecti, atque in ærarium publicum illati. Miserrima eorum fuit conditio, qui opibus male partis statum illustrem, sibi indebitum, comparant. Multi occulta largitione dedecus redemerunt.

Fœdus Triplex.

Anno 1717 initum est *Fœdus Triplex* inter Galliam, Angliam, & Hollandiam, his capitibus.

I. Sit perpetua pax inter tres nationes.

II. Prætendens illico Avenione amandetur, nec in Galliam aut Lotharingiam redeat. Gallia illi nec directe nec indirecte assistat.

III. Nullus fœderatorum alterius rebelles toleret.

IV. Portus Dunkercæ diruatur, nec ullus alius in vicinia construatur.

V. Omnes articuli pacis Risvicensis, in quantum cedunt in commodum Fœderatorum, & præsertim successionem in Anglia Protestantium, & in Gallia Regentis, si Rex sine liberis decederet, conserunt, firmi mancant.

VI. Si quis ex tribus fœderatis invaderetur, reliqui duo succurrant, & quidem Gallia cum 8000 peditum, & 2000 equitum: cum totidem Anglia: Hollandia vero cum parte horum dimidia.

VII. Subsidia ista post requisitionem duos intra menses mittantur, sumptibus mittentis, post sopitas tamen turbas refundendis. Si autem hæc subsidia non sufficerent, augeantur, vel aggressori bellum indicatur.

VIII. Intra quatuor septimanas sequatur ratihabitio.

Ex hoc fœdere satis elucet, quemlibet ex his sociis timuisse; Gallum, ne Hispanus successionem in Gallia prætenderet, si Regem mori contingeret: Anglum, ne Jacobus ad thronum evehatur: Hollandum suis commerciis.

Fœdus Quadruplex.

Cum dein Alberonius Europam Italiæ invasione turbasset, & Galli, nescio qua, conspiratione detecta, Cellemarium Legatum Hispaniæ expulissent e Francia, novum *Fœdus Triplex* initum est inter Cæsarem, Gallum, & Anglum, quod postea, accedente Hollandi *Fœdus Quadruplex* est appellatum; & accedente etiam Sabaud, *Fœdus Quintuplex* dici potuisset; sed prior nomenclatio mansit.

In Preliminaribus hujus fœderis continebantur ea, quæ Imperatorem & Regem Hispaniæ contingunt, videlicet, ut Hispanus a Sardinia abscedat: coronæ Galliæ & Hispaniæ nunquam uni capiti imponantur; Donus Autuiaca Hispaniæ renuntiet, atque Philip-

pum V Regem Hispaniæ & Indiarum agnoscat. Contra vero Philippus abdicet provincias Italiæ & Belgii, quæ olim ad Monarchiam Hispaniæ pertinuerant. Ducatus Florentinus & Parmensis feuda Imperii agnoscantur, eaque filiis Philippi V ex conjuge Parmensi susceptis, conferantur, sic tamen, ut Rex Hispaniæ nunquam eos possideat. Cæsari Sicilia cedatur; pro ea vero Sabauda Sardinia tradatur. Cæsar agnoscat jus successionis Hispanicæ, quod Sabaudus habet in casu, quo posteritas Philippi V esset defectura.

Secutum dein est ipsum Fœdus Quadruplex, quod Londini contractum exhibebo infra, ubi de Angliæ statu tractabitur.

Interea vero Regens Galliæ, ad extinguenda residua adhuc magna coronæ debita, ut pecuniam compararet, usus est opera *Lawsii* hominis Scoti, qui varia illi consilia suggessit; atque inter alia, ut omnis pecunia subditorum ad Regentem deferretur, & recedatur sub effigie & nomine Ludovici XV. Recipiebatur pecunia minuto admodum pretio, & reddebatur chirographum, accepti testimonium. Hoc papyraceum negotium graviter afflixit Galliam, alias per bella exhaustam. Accessit pestis, Massiliæ præsertim, Telone Martio, Aquis Sextiis, aliisque Provinciæ locis sæviens, ac multa mortalium millia depascens. Tertium malum inferebant prædones, qui duce *Cartouchio*, famoso grassatore, Galliam infestabant.

Parlamentum Edicto Monetario Regentis vehementer se opposebat, illudque approbare actisque inferere recusabat. Unde Regens in Parlamentum secum duxit Regem, eumque throno imposuit, Parlamento parere iussit: cumque obstreperent quidam, eos in exilium misit, reliquis mandato obtemperantibus.

Obierunt hoc anno 1718 Mater Jacobi III, quem Prætendentem dicunt. Item Stephanus *Baluzius* 88 ætatis anno, libris eruditis clarus: & Henricus Dux Harcourtius, Marschallus Franciæ, non ex Lotharingica, sed Normanica stirpe oriundus. Franciscus Daguesseau vero Cancellarius & Sigillifer gratia Regentis excidit, & numeribus suis, quæ vix annum possederat.

Anno 1719 cum Hispani adhuc Italiam infestarent, Cæsarque & Angli contra eos bellum gererent, Galli quoque illos aggressi, Fontarabiam & Fanum S. Sebastiani in Guipiscoa expugnarunt.

Miram his annis comœdiam aut potius tragœdiam in Gallia lussit Joannes Laws, cujus supra mentio injecta est, Regentis, cui varia comparandæ pecuniæ systemata proposuit, favore subnixus. Nam societatem erexit *Mississippicam*, montesque aureos, in Ame-

Part X.

Z z

nam

Laws.

Calamitas
Galliæ.

Regens Par-
lamentum
coerces.

Lawsii frau-

des.

nem insuper spatiosam, paradyso non ab similem. Qui pecuniam daret, plusquam centuplum recepturum.

Atie.

Spes ista ingentem attraxit, etiam exterorum, multitudinem, ex societate ista lucrari volentium, præsertim cum Regens magna privilegia eidem contulisset. Pro pecunia 500 librarum dabantur a societate litteræ, quibus cavebatur de pecunia sibi credita: has litteras licitum erat alteri vendere (unde appellabantur *Atie*). Ascendebat autem vel descendebat earum pretium pro variis rerum & temporum circumstantiis. Licebat vero plures ejusmodi pro lubitu litteras emere.

Certatim pro hac papyro ab opulentis & ignobilibus offerebantur pecuniæ, ut proin incredibilis summa coacervaretur, præsertim cum vetitum esset, nequis ultra 500 libras in parata pecunia possideret. Eo usque denique unius litteræ pretium ascendebat, ut 2080 libris emeretur.

Lawfil fuga.

Tandem vero ejusmodi papyracea nundinatio multis cœpit esse suspecta, cadebatque magis magisque litterarum pretium, donec innumeri homines se delusos, atque ad paupertatem redactos experirentur. Unde tanta in Lawfilium, auctorem hujus comediæ, exarsit indignatio, ut plebs eum fuisset discerptura, nisi in palatio Regentis asylum quæsiisset, ibique per mensem delituisset, donec militari custodia protectus e regno evasit.

Obierunt hoc anno 1719 viri celebres; 1. P. Michael Tellier S. J. Ludovici XIV Confessarius, & ab eo etiam destinatus Ludovico XV, Apostolicæ Sedis contra Jansenistas strenuus defensor.

2. Elias Dupinus scriptor eruditus, sed cum cautela legendus.

3. Tres præstantes Mathematici, P. Mariote, & de la Hir, pater & filius.

4. Henricus a S. Ignatio, famosus tubicen.

5. Paschasius Quesnellus Prior Ordinis Jansenistici.

6. Maintenonia in Monasterio S. Cyri, fœmina versutissima, quam Ludov. XIV in senectute conjugem habuit.

1720 adacta fuit Hispania, ut Quadruplici Fœderi subscriberet. Unde indictus est Congressus Pacis Cameracensis. (*vid. Hispanica.*)

Arausium purgarum.

Cum Principatus Arausicus adhuc esset in Protestantium potestate, Hugonoti frequentes in illum confluxerant; at vero, postquam a Rege Borussia in pace Ultrajectensi pro Geldria Regi Galliæ fuerat cessus, atque Principi Contio priore anno donatus, templum eis hoc anno ereptum est.

Dux

Dux Aurelianensis filiam suam Mutinæ Duci collocavit. Abbatem vero *du Bois*, qui anno 1718 Londini Fœdus Quadruplex inierat, ad Archiepiscopatum Cameracensem præsentavit, Cardinalem proxime futurum, & primum Aulæ Ministrum. Abbas vero *Tenctus*, qui famosum Laws converterat, ad Episcopatum Gratianopolitanum fuit promotus.

Non eadem gratia Parlamentum Parisiense a Regente fuit exceptum; nam cum mandatis parere nollet, omnes Senatores in exilium misit, non revocandos, donec imperata facerent, & Bullam *Unigenitus* reciperent, atque *Registro* infererent. Quod postquam promiserunt, a semestri exilio Lutetiam redierunt.

Obiit P. Bartholomæus *Germon*, S. J. vir eruditus, qui de re diplomatica diu multumque cum doctissimo Mabillonio disputavit. Certe amica eorum concertatione studium istud criticum non parum est illustratum. Sicut autem P. Germon cum collegis suis pro Constitutione *Unigenitus* laboravit, sic appellationi suæ immortalis est Ludovicus Hldeux Doctor Sorbonicus.

Anno 1721 Europæ facies non parum mutabatur per sponsalium consilium, quo Ludovico XV destinabatur conjux Anna Victoria, Regis Hispaniæ filia, quamvis tres duntaxat annos esset nata; Principi Asturiæ vero & Carolo ejus fratri Ducis Aurelianensis Gallia Regentis filia: Quæ tamen provide concepta consilia non habuerunt constantiam; quamvis destinatæ sponsæ, ut moribus nationis assuescant, ad sponfos fuerint missæ.

Ludovicus XIV equidem testamento disposuerat, ut P. Tellier esset Ludovici XV Confessarius, sed post ejus mortem ad hoc officium lectus est Abbas *Claudius Fleury*, ab Historia Ecclesiastica scriptor celebris, diversus ab Hercule Fleury, Episcopo Foro-Julienensi, postmodum Cardinale & primo Ministro. Hoc autem anno susceptus est in munere Confessarii P. Lignieres S. J. contradicentelicit Cardinale Noallio, Archiepiscopo Parisiensi, & approbationem revocante.

Obiit hoc anno litteratorum decus Daniel *Huetius* prope nonagenarius, libris doctissime scriptis celebratissimus. Postquam tempore Ludovici XIV fuerat Præceptor Delphini, factus est Episcopus Sueslionensis; ingravescente autem ætate abdicato Episcopatu reliquum vitæ inter doctos viros transegit Parisiis in Domo Professa S. J. ubi etiam mortuus est.

Hunc secutus est Franciscus Mailli, Cardinalis & Archiepiscopus Rhemenfis, Bullæ Unigenitus adversus Quesnellianos zelofus protector.

Tertius Petrus *Coustant*, Congregationis S. Mauri, editis scriptis sanctorum Patrum, & litteris Romanorum Pontificum clarissimus.

Quartus Franciscus *Pagius*, qui Antonii Pagii, agnati sui, jam anno 1699 mortui, Historiam Criticam in Annales Baronii continuavit.

Viris istis, de republica litteraria optime meritis, subjungi non meretur Cartouchius, famosus Prædonum dux, hoc anno pro merito rota contritus.

Art. VIII.

Coronatio Regis. Villaregius ab aula dimissus. Obitus Regentis, ejusque Matris Palatinæ, du Bois primi Ministri, aliorumque magnorum virorum. Nuptiæ Lud. Ducis Aurelianensis cum Badensi Principe.

126.
Regis coronatio.

Anno 1722 Cameracensi pacificatione diversas inter disceptationes hærente, Gallia cum ingenti pompa Regem suum Rhemis coronavit. Ingens erat hominum, etiam exterorum, affluxus, quos inter quatuor Bavariæ Principes, & plura Anglorum millia. Fœminis, etiam Principibus, interesse non licuit, excepta Regentis conjuge, & sorore, Duci Lotharingiæ nupta. Exclusi etiam sunt Cardinalis Noallius, & Dux Maynii cum fratre, Comite Tolosano. Comitabantur autem Regem Principes Regii sanguinis, Aurelianensis cum filio, Duce Carnutenfi, Borbonius cum fratribus Carolefio & Claramontano, Princeps item Conti.

Unctionis ceremonias peregit pro more Archiepiscopus Rhemenfis, accepto ex sacra ampulla oleo, eoque caput, pectus, & scapulas inunxit. Tum vero Rex sacram synaxin percepit pro hac vice sub utraque specie, & quidem omnino jejunos; quia dispensatione uti noluit. Coronatione dein peracta, ad duo millia struendorum hominum ad eum accedebant, quos manu attingens dicebat: *Rex te tangit: Deus te sanat.* Ab eo tempore Rex Versallii degebat; cum antea Parisiis fuisset educatus, a Moderatore potissimum

tiffimum suo Duce *Villaregio*; qui jam octogenarius, virque integer- *Villaregius*
 rimus, experiri debuit, fidem, industriam, curamque Regis, di- *dimissus ab*
 missione propra ab aula, & exilio, Rege invito, compensari. *Aula-*
 Suffectus ei in Regii Moderatoris munere Bethunius. Cardinalis
 autem Dubojus primus Minister est renunciatus.

Dux hoc anno fuerunt erectæ Academiæ: altera Divione in
 Burgundia, altera Pali in Bearnia.

Obiit hoc anno *Carolina Elisabetha*, Philippi II Ducis Aurelia- *Obitus ENC.*
 nensis, Galliæ Regentis, mater, soror unica legitima Caroli, ul- *Aurelianen-*
 timi Electoris Palatini ex linea Simmerensi, sine liberis defuncti; *da.*
 unde prætenſio Carolinæ & Domus Aurelianensis in Palatinatum,
 secutumque inde grave bellum, & urbium vastatio. (*Videantur Ger-*
manica.)

Anno 1723 matrem in domum æternitatis secutus est filius *Phi-* *Et Regentis*
lipus II Dux Aurelianensis, anno ætatis quinquagesimo, subitanea *filii.*
 propemodum morte extinctus, postquam ab anno 1715 per octo
 annos Galliam cum magna auctoritate gubernaverat. Conjugem ha-
 buit Franciscam patrualem suam, Ludovici XIV filiam; atque ex
 ea genuit Ludovicum, Ducem hæctenus Carnutensem, jam vero
 post obitum patris Aurelianensem, Principem integerrimum; Lu-
 dovicam Duci Bituricensi, Carolinam Mutinensi, Elisabetham Prin-
 cipi Asturiæ, Franciscam Principi Contyo nuptam, & Philippi-
 nam Carolo Hispaniæ Infanti desponsam.

Eodem anno obiit Cardinalis *Du Bets*, qui olim erat Infor-
 mator Ducis Aurelianensis qui clavo rerum admotus ejus opera
 gravissimis in negotiis est usus; nam per eum patre Chirurgo na-
 tum anno 1717 Fœdus Triplex, Galliam inter, Angliam, Hollan- *Obiit Dubois*
 diam, anno vero sequente Fœdus Quadruplex Londini confecit. *Card.*
 Anno 1720 creatus est Archiepiscopus Cameracensis, anno 1721
 Cardinalis, anno 1722 primus Minister, anno 1723 funus, post-
 quam 66 ætatis annos inter vivos fuit. In dignitate primi Mini-
 stri illi successit *Condeus Dux Borbonius*, indignante licet Ludovico,
 Duce Aurelianensi, primo sanguinis Regii Principe. Dux vero Maynius
 & Comes Tolosanus non parum fuerunt depreſſi, atque a successio-
 ne in regno in perpetuum exclusi.

Obierunt hoc anno 1 Princeps Turenus Ducis Bullionii filius,
 in ipſo cum Sobieskia nuptiarum apparatu Argentiniæ extinctus, nu-
 ptiali thalamo in lectum funereum, & epithalamio in lectum repen-
 te mutato.

Fleuri.

2. Claudius *Fleury*; quem celebrem faciunt plures lucubrationes, maxime vero Historia Ecclesiastica, ad Concilium usque Constantiense perpetua serie deducta, ab aliis dein ulterius continuata. Titulum Confessarii Regii jam ante abdicaverat, obtento senio, quod ad 83 annos produxit.

3. Memmius Comes Avallius, supremus Parlamenti Præses, insignis Jurisprudentiæ decus. Successit Novionus: qui tamen sequenti anno hoc munus rursus abdicavit, illudque Portello cessit.

4. Pelletierus Status & rei numariæ Director & Regentis Cancellarius. Successorem habuit Dargensonum.

Anno 1724 Rex, præter Equites S. Spiritus, septem creavit Mareschallos Franciæ, puta, Broglie, Roquelaurum, Medavium, Bourgum, Alegrium, Fevilladam, Grammondum.

Nuptiæ Ducis Aurel.

Ludovicus Dux Aurelianensis duxit Mariam, Ludovici Badensis, celebratissimi Herois filiam: Princeps vero Turenus Sobieskiam, fratris sui, Argentinæ in ipso nuptiarum apparatu defuncti sponfam, dispensante Pontifice in impedimento publicæ honestatis.

Obit Alex. Natalis.

Obiit 1. P. Natalis *Alexander*, Ordinis Prædicatorum, Doctor Sorbonicus, anno ætatis 86. Præter alia doctissima opera edidit Historiam Ecclesiasticam, quæ plus habet eruditionis, quam venerationis erga Romanam Ecclesiam, summosque ejus Antistites, Indici librorum prohibitorum insertam prop'erca. Prodiit postea hoc opus cum notis Censorum Sacri Ordinis, & observationibus Constantini Roncaglia, ut aconito opponatur antidotum.

2. Amelotus: Consiliarius Status, multis Legationibus commendatus.

3. Abbas Timoleon, ab Historia Ecclesiastica & Politica, Gallice scripta, celebris.

Art. IX.

*Mutatio sponsæ. Rex Stanislaus cum filia Regina in Galliam.
Inversio theatri Europæi. Pax Viennensis. Fœdus Han-
noveranum. Dux Borbonius Primus Minister ab Aula
dimissus. Rex Aulam ordinat. Preliminare pacis.
Fleury Card. Tractatus Hispanensis. Natus
Delphinus. Mors Card. Noallii.*

Annus 1725 vidit magnam mutationem in Aula Gallica & Hispanica. Septennium jam agebat Maria Victoria, quo sponsalia cum Rege contrahi poterant. At Consilium aliud iniit Rex, atque Mutatio destinata sibi sponsam, post triennem in Francia commorationem Sponsæ. in Hispaniam ad parentes remisit.

Magna tunc erat expectatio, quam sibi thori consortem eligeret. Sors bona cecidit in Mariam, Stanislai Lescynski, Poloniæ Regis, filiam, quæ anno 1703 nata præclara corporis & animi ornamenta in dotem afferebat. Contractum proin fuit matrimonium primum Argentinæ per Ducem Aurelianensem, procuratorem Regis, dein vero Fonte Bellaqueo, Cardinale Rohanio benedictionem nuptialem impertiente.

Stanislaus quoque Reginæ pater, postquam e Polonia exul, primum Stetini, dein in Bipontino Ducatu, denique Weissenburgi in Alsatia commoratus fuerat, filiam in Galliam cum familia sua comitatus, ac regio honore exceptus Chamborensi in castro prope Blesas domicilium fixit.

Postquam autem hæc in Hispaniam fuerant perlata, sorores quoque Ducis Aurelianensis, Ludovici Regis vidua, & Caroli sponsa in Galliam sunt remissæ, indignante Hispania maxime Conde, Duci Borbonio, primo Ministro, quem ex æmulatione cum Domo Aurelianensi repudii illius auctorem suspicabatur.

Inversum tunc theatrum Europæum. Cæsar & Rex Hispaniæ hætenus Cameraci maxime inter se dimicabant; cum mox litibus compositis privatam Viennæ pacem, fœdusque Commerciale iniierunt. Solutus mox Cameracensis Congressus, & Gallia cum Anglia, & Borussia, confato Hannoverano fœdere, in partem adversam ibat. (Videatur Status Germaniæ.)

Obiit

Obiit 1. Theſſeus, Mareſchallus Franciæ, cum Fevillada, Grammondo, & Medavio.

2. Dionyſius *Sannmaribus* Ordinis S. Benediſti Congregationis S. Mauri, ejusque ſuperior, ab edita *Gallia Chriſtiana* notus.

3. Carolus Ruzæus S. J. Orator eloquens, qui præter ſermones ſacros, Virgilium in uſum Delphini edidit, & tragædias, prout excellentes. Vixit 82 annos.

Annus 1726 rurfus exhibuit illuſtre exemplum, quæ ſit indoles humanarum rerum. Ludovicus Henricus de Conde Dux Borbonius, qui poſt mortem Ducis Aurelianenſis clavo rerum agendarum admotus primi Miniſtri titulo Galliam per triennium gubernaverat, ſubito gratia Regis excidens, officioque deſectus, ab Aula Chantillum fuit amandatus. De cauſa tam repentinæ mutationis varius rumor. Quidam Hiſpaniæ & Domus Aurelianenſis offenſæ id datum exiſtimabant. Alii paratum Fleurio locum dicebant. Id ſolum Borbonio inſinuatum, Regem ipſum deinceps habenas regni moderatarum.

Condeus ab
Aula dimiſ-
ſus.

Ereſtum mox novum Status Conſilium, cui Rex ipſe præſideret, aſſiſtentibus, Aurelianenſi, Contyo, Maynio, Tolofano, Villario, Berwickio, Uxellio, *Fleurio*, quem Papa hoc anno Cardinalium numero adſcripſit.

Obiit Maria Badenſis, Ducis Aurelianenſis Conjux, in flore ætatis, poſtquam genuerat Ludovicum Philippum, Ducem Carnutenſem, modernum Ducem Aurelianenſem.

Trallim. pacis.

Anno 1727 cum Europa per pacem Viennenſem & Traſtatum Hannoveranum adhuc in partes eſſet diſtracta, Gallia pacem reducere contendit, inter Angliam præſertim & Hiſpaniam. Præliminares articuli, quos ſupra in relatione de Statu Germaniæ retuli, & Cæſare, Gallia, Anglia, Hollandia, jam erant ſubſcripti; ſola adhuc hærebat Hiſpania, Minoricam cum Portu Magonis & Gibraltariam, quam tunc obſidebat, conſtanter repetens.

Obiit 1. Ludovicus Armandus Conty, ex regio ſanguine Princeps, 32 ætatis anno. Per tres annos litem habuerat cum ſua Conjuge, Ludovici Henrici Ducis Borbonii ſorore, quæ a marito ſe ſeparavit, & in monaſterio Sancyrano fuit commorata; tandem vero reſpuit, & cum viro ſuo rurfus fuit conjuncta. Filium reliquit Ludovicum Franciſcum, virtute militari inclitum, & copiis ad inferiorem Rhenum hodieum præfectum.

2. Philippus Dux Vendomius, ultimus suæ stirpis, ab Henrico IV deductæ: frater magni illius herois, qui in Italia, Hispania, Belgio exercitibus præfuit.

Anno 1728, postquam Rex Hispaniæ Præliminaribus subscripserat, cæptus est Congressus *Suessionensis*. Aderant legati, Cæsareus, *Suessionensis*, Gallus, Hispanus, Anglus, Hollandus, Russus, Danus, Suecus, sis. Bavarus, Palatinus, Leitharingus, Mutinensis, Parmensis. Conabantur quidem Protestantes in Comitibus Ratisbonensibus evincere, ut ex suo corpore *Suessionem* mittatur; sed Sinzendorffio ab Imperatore & Imperio delegata est tractandi potestas. Idem & Fleurius oratione eloquenti sessionem inchoarunt.

Galli, Angli, Hollandi volebant abolitam societatem Ostendanam. Hispanus, præter successionem Caroli Principis in Thuscia & Parma, petit restitutionem Minoricæ & Gibraltariæ, cum compensatione damni ereptarum navium, alii alia. Cum igitur tot controversiæ componi non possent, Hispania anno sequenti Hispanensem Tractatum cum Gallia & Anglia inivit, quo introductio Tract. Hispanensis. Caroli stipulabatur; opponente se Cæsare, atque ad Fœdus Quadruplum & pacem Viennemensem atque ad Jus suum supremum feudale, appellante. Missæ propterea in Italiam copiæ, ut excensionem impedirent. Fœderi Seviliensi accessit Hollandia. Congressus vero *Suessionensis* est dissolutus.

Dux Borbonius duxit Carolinam Hasso - Rhénosensensem Principem. Obierunt autem 1 Camillus Comes Tallardus; 77 æt. anno, a prælio Höchstetensi & captivitate Anglicana notus. 2 Claudius Le Blanc, Status Secretarius. 3 Argensonus Burdegalensis, & Demaretus Auscianus Archiepiscopi. 4 P. Gabriel Daniel S. J. 81 æt. anno, libris doctissimis editis & Historia Franciæ clarus.

Summum vero gaudium attulit anno 1729 Universæ Franciæ nativitas Ludovici *Delphini*, congratulantibus undique Europæ Principibus, Legatis vero Franciæ Natalem illum festive celebrantibus. Natus Delphinus.

Obiit Ludovicus Antonius Cardinalis *Noallius*, & Archiepiscopus Parisiensis, postquam anno superiore Bullæ *Unigenitus* tandem Obiit Card. subscripserat. Ætatem usque ad 78 annos perduxerat. Matignus *Noallius*.
ninus vero Marefchallus Franciæ & Gubernator Rupellæ ad 83 annos.

Anno 1730 natus est Galliarum Regi alter filius, Dux Andegavensis. Eodem anno præcipui quidam Duces & Principes Gallia
Pars X. A a a Car-

Cardinalem Fleurium a rerum clavo depellere nitebantur ; muneribus suis privati , & ab Aula dimissi propterea.

Dux Lotharingæ Investituram Feudalem in Barri Ducatum Verfallis a Rege accepit, præsentibus, Aurelianensi & Borbonio, hujusque fratribus Comite Charolesio & Clarimontano, Principibus, Contyo & Dombensi, Comitibus Augensi (Eu) & Tholoano, Regii Sanguinis Principibus.

Varia.

Ad commercia domi forisque magis perficienda Rex Consilium Commerciale erexit, cui Aurelianensem & Fleurium præfecit.

Obierunt, 1 Princeps Courtenacensis (*de Courtenay*) ultimus suæ Familiæ, ex Regio Sanguine oriundæ. 2 Franciscus Dux Villeriegius, notissimus Franciæ Mareschallus, qui filios, nepotes, & pronepotes vidit. 3 Marchio Richelius, relicto filio Armando Ludovico.

Anno 1731 nuntiatus fuit tractatus, Cæsarem inter & Angliæ Regem initus. Non displicebat, quia Hispalensi non fuit contrarius. Id solum minus placebat, quod adjungeret acceptationem & sponsonem Sanctionis Pragmaticæ.

Anno 1732 soror Ducis Aurelianensis nupta est Ludovico Francisco Principi Contyo, cui Rex Principatum Auriacum donavit, & Ordinis S. Spiritus insignia imperavit. Mallebæus & Bellilius supremi copiarum Præfecti, Luxemburgus ex familia Mommorantia, & Tremollius Mareschalli Franciæ sunt renunciati, Ludovicus Constantinus, Ducis Rohanil frater Coadjutor Argentinensis.

Cum Fleurius propter senium laboribus Primi Ministri esset impar, adjunctus est ei Chauvelinus, sigilli custos.

Rex Parisiis fundavit Academiam Chirurgicam, 70 membris constantem, in quam etiam exteris ingressus patet. Calvinismus novo Edicto vetitus, proscriptis sectatoribus.

Art.

Art. X.

*Bellum Polonicum. Chauvelinus exul. Nuptiæ Philippi
Principis cum Primogenita Regis Franciæ. Obiit
Fleurius Card. Tencinus succedit, extincto tamen
Primi Ministri titulo.*

Anno 1733 Novum belli theatrum, mortuo Rege Poloniae, 128.
sefe aperuit. Stanislaus Lescynski, focer Regis, mutato habitu ^{Bellum}
ex Gallia in Poloniam evasit. Cum autem Imperator copias suas ^{Polonicum}
in Silesiam mitteret, Gallus petiit ab Anglo ex lege Conventionis
Hispalensis auxilia. Sed negavit iste, hunc esse casum fœderis;
neque enim Silesicam illam militis protectionem pro invasione aut
pacis læsione haberi posse; cum Principi cuivis integrum sit, copias
per provincias suas pro arbitrio distribuere, maxime, quod Cæsar
contestetur, se pacem sancte servaturum. Minus grata cum esset
Galliæ hæc responsio, Hispaniam & Sardiniam in partes suas per-
traxit.

Suscepta expeditio, junctis sociorum viribus, in Italiam, cui
præfectus Villarius Ludovicus Hæctor, anterioribus jam bellis omni-
bus notus: Legati eidem adjuncti, Asfeldius, Coignius, Broglio,
Mallebæus; manipulorum Ductores, Buserus & Luxemburgus.
Exercitus, in Germaniam missi, Imperator Bervicus. Directa quo-
que classis, ut Gedano subveniret, in Balthicum. Reliqua, quæ
ad hoc bellum pertinent, videri possunt in relatione de Italia,
Germania, & Polonia, in quibus gestum est.

Nata est Regi filia, & alia denata. Sed luctum non levem in-
duxit Dux Andegavensis, Regi ante biennium natus, hoc vero
anno mortuus. Mœrorem temperavit tamen nata brevi filia, quæ
quinta dicebatur (*Madame la cinquième*) sicut priori anno nata appel-
lata est quarta. Kehlæ expugnatae præfectus Fittæus. Antinus &
Estreus in Consilium arcanum asciti. Anianus Delphino quinquen-
ni, e gynecæo extracto, datus Moderator; Episcopus Sylva-
næstensis Præceptor.

Eidem Delphino ab urbe Parisina pro more veteri oblata sunt
arma, gladius, fistula, duo sclopetæ manualia, quorum pretium
ad centum thalerorum millia ascendisse dicitur.

Principi Contyo natus est ex Diana Aurelianensi filius Ludovicus, cui titulus Comitis de Marchia (*de la Marche*) fuit adjectus. Obiit autem Philippina Aurelianensis, ante 12 annos Carolo Hispaniæ Principi desponsa, sed iterum remissa.

Ad continuandum bellum Status Ecclesiasticus contulit 12 miliones librarum, totidemque ordo S. Spiritus. Huic adscripti Bellius, Memmius, Ravignanus, Periganus, agnatus Fleurii: in Ordinem vero S. Ludovici Cadrieus, ob rem in pugna Guastallana fortiter gestam: & Marchio Valcurtius. Renuntiati Generales locum tenentes 125, Marefchalli Campi 61, Manipulorum Ductores (*Brigadiers*) 83. Rothenburgo suffectus Vaugrenanus Legatus in Hispania, Marchio de Monti in deditione Gedani a Russis captus. Javelierus Philippoburgo præfectus. Seneterranus Legatus ad Aulam Sardiniam, Fenelonus Hagam.

Villarius
obit.

Obiit Ludovicus Hector Dux Villarius Gubernator Provinciæ, 82 æt. anno; natus quippe fuit anno 1652 Taurini, ubi pater legatione fungebatur, inter præcipuos, quos Gallia habuit, Heroes numerandus. Jam octogenarius adhuc expeditionem Italicam belli Imperator suscepit. Sed senio & morbis confectus redire debuit, & fato suo caput, quod tot ballistis & catapultis obtulerat, tandem concedere. Filium reliquit unicum Honoratum, paternæ virtutis & fortunarum hæredem. Obiit pariter Bassompetrius, Marchio, suæ familiæ ultimus. Carolus autem Subisus Princeps, ex Illustri Rothana Familiæ, matrimonio sibi junxit Ludovicam Bullionii Ducis filiam. (*Anno 1734.*)

Anno 1735 promicabant aliquæ pacis ineundæ scintillæ. In vindicando Stanislai honore versabatur difficultas. Propositum Systema de cedenda illi ad tempus vitæ Lotharingia, & post ejus mortem unienda Galliæ, Lotharingiæ vero Duci destinanda Thufcia. Non displicuit Aulæ propositio: sancitæ induciæ: concepta Præliminaria. (*Videantur Germanica, Lotharingica, Italica.*)

Obiit Alexander Comes Rothenburgus, Marefchallus, & Legatus olim in Hispania. Cum cœlibem vitam duxisset, instituit hæredes Ecclesias & pauperes.

Anno 1736 Rex Stanislaus ex Polonia redux, Versaliis salutavit generum & filiam, atque inde Meudonem ad palatium, sibi destinatum, concessit, ubi reliquum anni exegit preparando ingressum in Lotharingiam. Donec autem ea in possessionem missio esset confecta, morabantur Galli, Kehla, Philippoburgo & Treviris excedere.

Do-

Domus Regia aucta est sexta filia, minuta vero Ludovico Mayhnæ (du Mayne) Ludovici XIV filio, qui obiit anno æt. 66, relictis ex Ludovica Condea duobus filiis Principe Dombensi & Comite Augi. Anno sequenti secutus est frater, Comes Tholosanus Archithalassus Franciæ, anno ætatis 59; filium reliquit hæredem Ludovicum Ducem de *Penbievre*: cum autem hic 12 duntaxat esset annorum, Rex munus Archithalassi Duci Antino, officium vero supremi venatorum Præfæcti Principi Dombano commisit, donec Ludovicus adolefceret. Hujus autem tuleram gessit Dux Aurelianensis.

Anno 1737 Delphino nomen Ludovici, & tribus senioribus sororibus sua pariter fuerunt imposita, patrinis ex Regio sanguine Principibus. Accessit nova foror, *Madame la Septieme* appellata interim, donec maturiori ætate, suppletis ceremoniis, nomen aliud sortiretur.

Chauvelinus, sigilli custos & Minister Status, hoc anno gratia Chauvelis Regis excidens, ab Aula fuit relegatus. Causas, quæ ferebantur, exal. nolo memorare.

Gedano in compensationem damni, quod propter Stanislaum passum est, Rex quingenta librarum millia supra millionem transmisit.

1738 plures in Parlamento mutationes a Rege susceptæ sunt, Consilii autem Regii Status Secretarius renunciatus est Comes de *Maurepa*: ex 55 manipulorum Ductoribus creati totidem Campi Marefchalli: & 32 Generales locum - tenentes; qui prius erant Campi-Marefchalli, seu castrorum Præfæcti.

Obiit 1 Carolus Joachimus Colbertus, Episcopus Montis Pefsulani, 71 æt. anno, 42 Episcopatus, pertinaciter Constitutioni *Unigenitus* oblatatus. 2 Ludovicus Bonacus, ex variis Legationibus notus. Principes, Lichtensteinus Cæsareus, & Cantimirus Russicus Legatus venerunt Parisios.

Godefredus Bullionius Regi vendidit Vice-Comitatum Turenium quatuor millionibus librarum Gallicarum.

Annum 1739 illustrem fecerunt nuptiæ inter Philippum, Regium Hispaniæ Principem, anno 1720 natum, & Ludovicam Elisabetham, ^{Nuptiæ Philippi.} Galliarum Regis primogenitam, natam 1727. Marchio Minasius, Hispanicus extra Ordinem Legatus, nomine Philippi illam in sponfam petierat. Dux Aurelianensis procuratorio nomine eandem Philippo despondit, benedictionem nuptialem impertiente Cardinale Rohano, tota Aula, & tribus aliis Cardinalibus, Arverno, Fleurio, & Polignaco præsentibus. Deducta dein in Hispaniam nuptiale fœdus

cum Philippo præsente renovavit. Incredibile dictu, quanta in utraque Aula sollemnitate hæc acta sint. Solus ornatus sponsæ dicitur 1500000 libris constitisse.

Obit Dux
Borbonius.

Anno 1740 obiit Ludovicus Henricus Dux Borbonius, æt. 47, ab anno 1723 ad 1726 Primi Ministri munere perfunctus. Reliquit quadrimum filium, Principem Condeum hætenus appellatum, sub tutela Comitis Charolesii patrui. Burgundiæ vero gubernatio Aniano interim, donec majorem ætatem attingeret, fuit commissa.

Petrus Guerinus *Tencinus* ab Ebrodunensi Archiepiscopatu ad Lugdunensem fuit translatus. Illum obtinuit Bellilius ex Familia Fouquetana. Villenovano Constantinopoli Legatus susceptus est Marchio Castellanus.

Regina Hungariæ nuntiavit Regi mortem Patris sui, eumque sanctionis Pragmaticæ admonuit; sed ex dubio responso apparuit, nubes se in tempestatem contrahere. Interim Gallia, cum audiret, Portum Bellum ab Anglis obsideri, classem Bresto & Telone Martio in Americam misit, quæ Hispanos adjutura videbatur, sed anno sequenti rediit.

Anno 1741 Rex geminum exercitum adversus Domum Austriacam, quam divisam volebat, misit, alterum in Italiam, alterum in Germaniam & Bohemiam, sed non eo, quem speraverat, eventu: prout alias dictum.

Fleurio, cum vires fatiscerent, adjuncti Cardinalis *Tencinus*, & *Argensonus*, qui in partem laborum venient.

Cum Principes Regi Sanguinis in Gallia nascuntur, privatim baptizantur; quando autem ad rationis usum pervenerunt, publice magna cum sollemnitate supplentur Ceremoniæ, atque nomina imponuntur; prout hoc anno contigit cum Principe Condeo seu Borbonio septenni, qui Ludovicus Henricus est cognominatus, & Comite Marchiæ, Principis Conty filio, pariter septenni, qui Ludovici Francisci nomen accepit.

Obit Card.
Fleurius.

Anno 1743, sicut dierum, sic meritorum plenus, ætatem 90 annorum clausit Andreas Hercules Fleurius, anno 1653 Lutevæ in Occitania natus, primum Foro-Julienfis (*Freius*) in Provincia creatus Episcopus, subin Præceptor Regis, anno 1726 loco Ducis Borbonii primus Regni Minister, ac Cardinalis. Hereditatem, quæ fuit modica, reliquit Duci Fleurio, suo ex sorore nepoti. Dicuntur, proventus primi Ministri in singulos menses ad 50000 libras ascendere. Pingue hoc salarium Fleurius recusavit. Laudes summi hujus viri in solennibus exequiis P. Neuvillius S. J. prædicavit.

Quam-

Quamvis autem titulus Primi Ministri supprimeretur, Cardinalis tamen Tencinus magna apud Regem valebat gratia, & in rebus gerendis auctoritate. Negotiorum molem augebat gravissimum bellum, quod minus prospere in Germania succedebat; quippe Galli e Bavaria pulsi, & Dettingensi clade attriti, ultra Rhenum se recipere sunt coacti, & proprios fines defendere.

Succedit
Tencin Card.

Dux Carnutenfis (de Chartres) Aurelianensis Ducis filius Ludovicus Philippus duxit Henrieta, Principis de Conty filiam.

Art. XI.

Rex Angliæ & Austriæ bellum denuntiat, cum Auxiliares tantum copias hactenus Bavariz præbuisse. Morbo, quo Metis correptus fuerat, liberatus, Austriacos ex Alsatia pellit, Friburgum expugnat. Delphino sponsam Hispanam jungit. Gloriosam expeditionem in Flandria animat. Stuartum in Scotiam dirigit. Austriacos Provincia depellit. Anglos mari vincit.

Anno 1744 cum Galli ex Bohemia, Bavaria, atque omni prope Germania essent expulsi, immanem hominum & pecuniæ jacturam passi, jamque ceu bello victi haberentur contemptui, Rex Christianissimus id non ferendum ratus, ut orbi, quantæ Franciæ superessent vires, demonstraret, Angliæ & Austriæ bellum denuntiavit: illi quidem 15 Martii, huic vero 26 Aprilis.

129.

Angliæ quidem objiciebatur; licet Rex Franciæ post mortem Cæsaris nihil sibi vindicasset, tentatisque frustra omnibus amicæ transactionis remediis, debitas duntaxat sœderatæ Bavariz auxiliares copias misisset, ab Anglia tamen Aulam Viennensem a pacificis fuisse consiliis abstractam, turbata contra solennia tot pacta publica, contraque jus gentium Galliæ commercia. Initum 1741 neutralitatis tractatum, post Gallorum ex Westphalia discessum, a Rege Angliæ ruptum, in omnem occasionem intento, qua plures in Galliam hostes concitare posset. Portum Toulonensem ab Angliis clausum, directas spoliatasque naves. His motum Regem, ut Regi Angliæ & Electori Hannoverano bellum terra marique denuntiaret.

Angliæ bellum denuntiat.

Anglia

Anglia 9 Apr. indicto pariter bello vices reddidit. Gallia tres exercitus expedit, primum ad Rhenum sub Coignio, alterum in Flandriam sub Noallio, tertium in Hannoniam sub Harcurtio. Immenfis hi sumptibus stabant. Sed Rex ex solis reductis officiis 126 librarum milliones comparasse dicitur.

Et Austria. Indicti Austriae belli hæ causæ allegabantur. Licet Rex, si partem belligerantem facere voluisset, facile fines suos potuisset protendere, aut conditiones ab Austria oblatas acceptare, nisi sanctior sibi fuisset fides, Bavarie data. Quo major autem fuerit Regis moderatio, eo acerbius cum Gallis processum, captivos dure habitos, virulenta scripta sparsa, Alsatas ad defectionem sollicitatos, contemptum Regem, &c. atque per hæc adactum se, Reginae Hungariae bellum denuntiare. Simulque per suum ad Comitatus Imperii Francofurtensia Legatum Ordines hortatus est, ut Imperatori suo adversus Reginam assisterent.

Aula Viennensis indicto vicissim bello querebatur, Galliam toto hoc bello ad id tota vi incubuisse, ut Domus Austriaca everteretur, prout Circularibus suis Rescriptis abunde sit demonstratum. Cum Fulgida Porta moveri non potuisset, in Septentrione excitatum incendium. Haslangianas prioris anni propositiones non fuisse tales, ut acceptari potuissent. Galliam anno 1738 per Tractatum Definitivum ad defendendam Sanctionem Pragmaticam se obligasse, & Imperium jam anno 1732 per R. I. fidem desiderari &c.

Interea vero Anglica classes Gallie littora circumbant, quantumque poterant, vastabant, exili ad rei summam momento. In America naves & oppida ultro citroque rapta, nullo tot sumptuum & operæ pretio.

Expeditionem Belgicam Rex ipse suscepit, cujus uberes fructus in Belgicis representabimus. In castris ad Meninam Rex creavit Mauricii supremi Ducis Legatos Richelium, Momorancium, Ponsium, Estræum, cum 4 aliis, & 12 castrorum Praefectis: Mauritium de Saxonia Mareschallum Franciae: Argensonum Status Secretarium loco Ameloti, praefecit.

Friburgi ex- Cum nuntiatum fuisset, Austriacos transmissis Rheno in Alsati-
pugnatio. am irrupisse, Rex cum parte exercitus e Belgio occurrit; sed cum Metas pervenisset, periculoso morbo correptus fuit. At postquam convaluit, Argentinam, indeque ad oppugnationem Friburgi concessit, eaque urbe in potestatem redacta, Versalias gloriosius reidiit, atque futuram expeditionem solerter ordinavit.

Anno

Anno 1745 venit in Galliam Delphini sponsa Maria Theresia, Philippi V Hispaniarum Regis filia. Post celebratas autem maxima cum solennitate & apparatu nuptias, Rex rursus expeditionem Belgicam suscepit, cui summa cum potestate praefecit Comitem Mauritium, Regis Poloniae fratrem naturalem, totaque aestate in Belgio substitit, tot expugnationum testis, & Archistrategi sui contra inviam protector, subactaque tota Flandria Austriaca 1 Sept. Versailles rediit. (vid. Belgica.)

Incidit in hunc annum trajectio Principis Caroli Eduardi in Scotiam, cui pater Jacobus Stuartus, quem *Pratendentem* vocant, jus suum in Magnam Britanniam cesserat. Jam anno priore tentata fuerat haec transportatio, sed tempestatum procellis impedita. Hoc vero anno cum classica, cui 360 tantummodo personae (Galli, Scoti, Hiberni) erant impositae, ex portu S. Lazari solvit 14 Julii cum Comite Murrae Scoto. Ex Insula Bella dein adjuncta est ipsis pro tutela navis bellica cum 600 viris. Occurrerunt autem illis tres Anglorum Bellicae 20 Jul. Cum his dum pugnat Gallica, evasit classica, atque feliciter appulsa est ad littus Lochabrie, Scoticae provinciae. Noluit tamen videri Gallia, in hac traiectione partem habuisse. (*Quid autem in Scotia actum, in Anglicis referetur*). (*De captivitate vero Bellilii dictum in Germanicis*).

Obiit Dux de Broglie, Mareschallus Franciae & Gubernator Argentinae anno aetatis 74. Grammondus autem pariter Franciae Mareschallus in praelio Fontenacensi cecidit. Villenovanus quoque Marchio, humili genere natus Marsiliae, defunctus est aet. 70. Fuit multis annis Gallicus Cpoli Legatus, & an. 1739 pacem inter utrumque Imperatorem conciliavit, ab utroque donatus propterea. Carolus Princeps Subisus tertiis nuptiis duxit Victoriam Hassio-Rheinfelsensem. Löwendahlus Marchionatus Cressy emit.

Anno 1746 captis Bruxellis, Rex, comitante Henrico Benedicto, Juniore Jacobi Stuarti Angliae Regis filio, ad Belgicam rursus expeditionem profectus est, atque Antverpiam, Montes, Carolo-Regium, Namurcum &c., per Duces suos expugnavit. Redux in Galliam Eduardum Walliae Principem, ab infelici expeditione Scotica, cum pluribus Milordis Gallicis navibus advesum clamentissime excepit, & utrique fratri annuam pensionem liberaliter assignavit.

Austriaci ex Italia, superato Varo flumine, in Provinciam irruerunt; sed tentata frustra ob defectum rei tormentariae Antipoli, accurrentibus pluribus Galliae copiis, ac deficientibus alimentis, Galliam.

Pars X.

B b b

Viam

viam in Italiam relegere coacti sunt, amissis rursus munimentis S. Honorati & S. Margarethæ, quæ ope classis Anglicanæ occupaverant. (vid. Ital.) Mallebæo, quod Austriacis transitum Vari permisisset, abrogatum imperium & delatum Bellilio.

Marl bis victi sunt Angli a Gallis; Insulam tamen *Capitis Bretonici* seu *Regiam* recuperare non poterant, classe non tam ab Anglis quam ventis & tempestatibus *Brestam* redire coacta.

Art. XII.

Obit conjux Delphini. Nuptiæ cum Josephæ Saxonica. Belgicæ victoriæ. Pax Aquisgranensis. Stuartus Avenionem.

Natus Delphino Dux Burgundiæ, pluresque postea Principes.

130.

Luſtum Aulæ indixit obitus Mariæ Theresiæ, anno superiore Delphino nuptæ; quæ semellam enixa in puerperio extincta est. Ut stirps Regia propagaretur, conjecti oculi ad Aulam Saxonicam, quæ præstantes animo & corpore viragines educabat.

Bellefonde Archiepiscopo Parisiensi defuncto, Rex ad hanc dignitatem nominavit Christophorum Bellomontium (*Beaumont*) virum cordatum, & intrepidum Jurium Ecclesiasticorum Defensorem, qui prius erat Archiepiscopus Viennensis.

Obierunt præterea 1. Joan. Bapt. Colbertus Marchio de Torcy, Status Minister, Cancellarius Regius, Postarum omnium Præfectus, octogenario major. 2. Marchio Fenelonus de Salignac, a legatione sua Hollandica omnibus notus, ex vulnere, in pugna Leodiensî accepto. 3. Princeps Tingrius Mareschallus Franciæ, Gubernator Valencenis. 4. Damwillius, dum classem in Americam duceret. 5. Cæsar Phæbus de Bonneval, infelicis ad Turcas transfugæ fratrem, copiarum Duxor.

Anno 1747 Regia solennitate celebratæ sunt nuptiæ secundæ Nuptiæ alte- Delphini cum Maria Josephæ Poloniæ Regis tertia filia, Principe, quam admirari non satis poterant Galli. Hac celebritate peracta Rex in Belgium rursus abiit, anima sui exercitus, qui, cum Hollandi copias suas ab Anglis & Austriacis nollent separare, totam Flandriam Batavicam occupavit, reportata insigni ad *Laffeldam* in Leodiensî agro victoriæ, cujus fructus Bergæ ad Zomam, quamvis cruenta expugnatione.

pugnatio. (vid. Belg.) In mari autem Americano Angli aliquot bellicas Gallis ademerunt.

Argensono Status Secretario est subrogatus Puiffæus, a legatione Hollandica avocatus, quam Abbas Villanus suscepit. Mauritius Saxo ob res fortiter gestas renunciatus Gubernator Belgii conquisiti.

Anno 1748 Rex singulari usus moderatione pacem Aquisgranensem composuit, redditis, quæ in Belgio occupaverat, in eo Pax Aquitamen, quem tunc obtinebant, statu, dirutis videlicet pluribus granensis munimentis, id unum assecutus, ut Philippus gener tres in Italia Ducatus obtineret.

Princeps Eduardus Stuart e Gallia vi pacis migrare iussus, Friburgum Helvetiorum primum sedem sibi destinaverat, protestante Stuart publicet Anglo; at consilio mutato Avenionem, Pontificiæ ditionis in ^{sus e Gallis.} Gallia urbem, abiit.

Quamvis autem pax esset reducta, quia tamen immensis sumptibus bellum confiterat, ut debita extinguerentur, pars vigesima proventuum exigebatur, cum antea decima fuisset tribuenda.

Albemartius Legatus Angliæ dicitur cum Rege luisse, & duos librarum Gallicarum miliones perdidisse.

Anno 1751 natus est Delphino Princeps Lud. Jos. Xaverius, quem Rex Ducem Burgundiæ compellavit. Tota Gallia gaudio exultabat. Nec minorem latitiam ad exterarum Aularum Legati publicæ solennitate sunt contestati. Nox ignibus festivis illuminata, cusa nova moneta, sparsa in vulgus pecunia, remissa subditis pars tributorum, hymnus undique Divinus personuit. Sed quantum in nativitate hujus Principis erat gaudium, tantus decennio post, cum moreretur, luctus.

Sicut Ludovicus XIV grande nosocomium *Invalidorum*, pro infirmis videlicet militibus ingenti sumptu construxit, ita Ludovicus XV Academiam Regiam militarem pro 500 Nobilibus, ut arte bellica imbuantur, erexit, Academiam item Chirurgicam, & Marinam ad ediscendam rem nauticam & classiariam. Vires autem maritimas ita adauxit, ut 76 bellicis constarent, ultra quatuor tormentorum milia instructis.

Cardinali Tencino, & Puiffæo Status Secretario, ab Aula recedentibus, suffecti sunt Status Ministri Comes Florentinus, Marchio Vrillierus, cum Rovilæo, & Contesto, qui Legatione Hægæ fungebatur. Dagenfonus autem, Franciæ Cancellarius & sigilli

custos octogenarius obiit, cum Comite Seguro, ex ultimo bello Bavarico noto, & Mommorantio, Franciæ Mareſchallo.

Funus Mauriti Saxonæ Franciæ Mareſchalli Argentinam deductum eſt, ut more Lutherico ibidem ſepeliatur. Hæres ejus Comes Bellegardus, Regis Poloniæ Taurini Orator, Chambordi hæreditatis poſſeſſionem adiit.

Ab anno 1751 ad 1760 numeroſa ſobole augebatur Domus Regia, quippe ex Ludovico Delphino, ejuſque ſereniſſima conjuge Maria Joſepha Poloniæ ac Saxonæ Principe nati ſunt 1. Ludovicus Auguſtus *Dux Bituriciſis* anno 1754, baptizatus ſolemniter 1761. 2. Lud. Stanisl. Xaverius *Comes Provinciæ* 1755, bapt. 1761. 3. Carolus Philippus *Comes Artoſia* 1757, bapt. 1761. 4. Clotildis Xaveria 1759, bapt. 1761, & hi quidem hodieſum ſunt ſuperſtites, Deusque conſervet ſopſites. Ante hos vero lucem aſpexerunt quatuor proles, 1. Maria Theſia. 2. Maria Zephyrina. 3. Dux Burgundiæ. 4. Dux Aquitaniæ. Quos tamen vernantes flores præmatura falx demerſuit.

Anno 1756 collifa eſt Gallia cum Anglis gravi bello, quod ſeptem annis in omnibus quatuor orbis partibus varia forte geſtum eſt, prout poſtea prolixius aliquantum narrabitur. Fortunatum Gallis initium: eſectus prope in Oceanum ex Germania hoſtis: expugnata a Richelio Inſula Minorica, res aliæ proſpere geſtæ. Sed progreſſus initiis minus reſpondit; amiſſis in America præſertim pluribus locis, quorum tamen aliqua per pacem recepta ſunt.

Art. XIII.

Concilium Ebrodunenſe, anno 1727.

12.

Concilium hoc Provinciale celebravit Petrus *Tencinus* Archiepiſcopus tunc Ebrodunenſis, præſentibus 15 ſuæ Provinciæ Epiſcopis. Præter ſtatuta ſaluberrima de doctrina & diſciplina Eccleſiæ, agitata eſt cauſa *Saniceniſis Epiſcopi*, qui 80 annorum ſenecio litteras Paſtorales ediderat, quibus Reflexiones Quesnelli approbat, Conſtitutionem vero *Unigenitus* conſutare præſumpſit. Citatus propterea ad ſynodum, ſolitis appellantium tergiverſationibus & effugiis ſe ſubtraxit.

CAPUT

CAPUT IV.

Historia Janseniana & Quesnelliana

SÆCULI XVIII.

Originem & Progreſſum Jansenismi in Belgio

& Gallia Parte VIII recenſuimus ad Sæculum uſque

XVIII, nunc ea, quæ hoc, quod vivimus, ſæculo acta ſunt, breviter perſtringemus.

Art. I.

Coddei, Archiepiſcopi Sebaſteni, Apoſtolici in Hollandia Vicarii, ſuſpenſio a ſacris. Quesnelli, Brigodi, & Gerberonis captivitas. Eorum effigies.

Anno 1702 Coddeus, Archiepiſcopus Sebaſtenus, Vicarius Apoſtolicus in Hollandia, a ſacris functionibus fuit ſuſpenſus. Res ita habet.

132

Coddeus, Oratoril Berulliani Presbyter, anno 1686 Nercasse-lio mortuo in Vicariatu per unitas provincias Batavicas fuit ſuffe-
ctus, datusque Catholicis Episcopis, lupus ovibus. Quippe Janse-
nistarum capitibus ſingulari amicitia illigatus, novellas eorum opi-
niones diſſeminare omni ope adlaboravit, nunquam ſe adduci paſ-
ſus, ut formulæ Alexandri VII & Cleri Gallicani ſubſcriberet.

Sub tali paſtore quomodo proviſum fuerit ovili Chriſti inter hæ-
reticos, facili conjectura eſt aſſequi. Sacerdotes plures, ventri
ſervientes, adminiſtrabant ſacramenta, & preces Eccleſiæ recita-
bant lingua vernacula, talisque corruptio invaluit, illamque Miſſio-
nem turbavit adeo, ut Catholici magno numero querelas ad Sedem
Apoſtolicam deferre cogerentur.

Innocentius XII cauſam 12 Cardinalium Congregationi exami-
nandam commiſit, quæ Coddeum Romam citavit, ut per ſe ipſum
accuſationi reſpondeat. Nihil non egit Vaucelius Janſeniſtarum Or-
dinarius Romæ Legatus, cum aliis in Gallia & Belgio Coddei ami-
cis, ut Congregationem diſturbaret, fulmenque averteret. At illa
conſtans denuntiavit, niſi veniret, alium Vicarium ſuſſectum iri.

Vaucel.

Delbec.

Ingressus igitur iter est anno 1700 cum P. *Delbecque* Dominicano amico zelofo. Bruxellis transiens noluit conferre cum Gerberonio, ut Romæ possit dicere, nihil sibi esse cum illo commercii. At vero cum Patavium venisset, invisit ad eum *Hiacynthus Serry*, magnam *Quesnelli* æstimationem præferens, totiusque sanctæ Familiæ; qui favor spes ejus auxit, præsertim cum intellexisset, mortuum esse *Innocentium XII*, eique subrogatum Cardinalem Albanum.

Et sane non omnis eum spes sefellit. Nam *Clemens XI* cum magna benevolentia significatione ipsum excepit, si *Novellis Hollandicis* fides. At cum Cardinalium Congregatio 26 accusationis capita ei diluenda proponeret, conscientia mordente territus, cœpit causæ diffidere.

Suspensio.

Ultima Congregatio habita fuit præsentē *Papa 7 Maji 1702*, omniumque suffragia suspensionem ab officio decreverunt. Vix autem ea, quæ Romæ contigerant, in Hollandiam nuntiata fuerant, cum de Clero quidam, doctrinæ rigida, & vitæ laxa, cui sub tali Rectore jam assueverant, homines, atque *Jansenismi* tæbe jam infecti, sæcularem adversus executionem Hæreticorum potestatem implorantes, *Heinsium Pensionarium* & *Consules Amstelodamenses* convenerunt, qui in vota supplicum faciles, *Cockio*, quem *Papa* interim Vicarium substituerat, omni functione & administratione interdixerunt: contra vero *Huffenium*, quem *Coddeus* Provicarium constituerat, officio fungi voluerunt.

Quesnelli
consilium.

Hic, cum a *Papa* esset subjectus Interdicto, dubitavit, an eo teneretur. Consultum Oraculum (*Quesnellus*) e *Delphico* velut tripode respondit: pergeret ire vias suas, sine respectu ad ea, quæ Romæ essent acta. *Sebastenum Archiepiscopum* contra omnes æquitatis regulas esse condemnatum: judicium de hac causa ad *Generales Ordines* pertinere: Romam majorem dominationis amplificandæ quam Religionis rationem habere: *Antichristum* unum ex Romanis fore. An hæc vox hominis, qui se Catholicum & Ecclesiæ filium profitetur? *Lutherum* aliquem aut *Calvinum* audimus blaterantem.

Pontifex de omnibus informatus scripsit ad Catholicos, in *Batavia* & vicinis regionibus degentes, hortatusque est, ne seduci se paterentur a tumultuantibus: hos esse pastores, non ad custodiendas, sed mactandas & perdendas oves intentos, ad scindendam inconfutilem Christi togam, ad potestatem Ecclesiasticam funditus evertendam: affectari ab illis exstimationem severæ doctrinæ, at satis patere, quo consilia & conatus eorum tendant.

Seba-

Sebastenus remissus quidem est in Hollandiam, sed ab officio Vicariatus penitus depositus. Quod sectarios adeo in furorem egit, ut Breve Pontificium infame & seditiosum dicerent, atque, ut supprimeretur, ab Hollandis peterent. Credi vix potest, quot quamque insolentes libelli mox prodierint, quibus absque pudore decidebatur, Coddeum non obstante Romana depositione pollere plena authoritate, quam Innocentius XI eidem tribuisset, dum Vicarium Apostolicum denuntiavit. Cusa in ejus honorem numismata, incisa æri imago, quæ exhibebat S. Petrum in cælos eundem recipientem.

Obiit mirabilis hic sanctus anno 1710, an autem S. Petrus clavibus suis cælum eidem aperuerit, non constat. Qui claves contempnit, credo, cæli janitorem tam promptum non invenit. Certe dei successor S. Petri pro ejus anima orare prohibuit, ut qui suæ ob-
Obitus Cod-
stinatiori & errori fuisset immortalis.

Tanta autem erat Jansenistarum in omnes hominum ordines, atque potestates, sibi adversantes, impudens petulantia, ut anno 1703 tres eorum principes, Quesnellus, Gerberonius, & Brigodus Bruxellis merito sint comprehensi & in custodiam dati.

P. Paschasium Quesnellum Oratorii Berulliani Sacerdotem, Jansenismi veneno plenis visceribus hausto, adversus superiores suos contumacem, pœnarum metu jam anno 1685 in Belgium, ubi liberiorum aulam se captaturum crediderat, profugisse, ibique Religioso exuto habitu, veste laica latitasse, supra diximus. Et quidem initio Bruxellis cum Arnaldo se occultavit. Inde 1690 Lugdunum Batavorum, tum in agrum Leodiensem, ac dein rursus Bruxellas secreto concessit, ibique grandem libellorum numerum conscripsit, quorum plerique Romæ, in Gallia & Belgio fuerunt condemnati, plures manu carnificis in ignem projecti.

Labores ipsius crescebant, ubi mortuo Arnaldo succedens patriarchatum iniiit, commercium litterarum cum omnibus Jansenistis, per curias, aulas, Academias, Religiosas domos, Monialium claustra, communitates sæculares, per Europam distributis, sedulo nutritiens, ac partibus suis augendis ubique intentus.

Archiepiscopus Mechliniensis, cum tot sparsos ab eo noxios libellos, animarumque crescentem in dies ruinam cerneret, de mediis sistendi impetum apud se deliberavit. Jam anno 1702 ad Congregationem S. Officii eum detulerat. At Roma parum poterat adversus homines, sacra Vaticani fulmina omnemque authoritatem Ecclesiæ cachinanti sibilo explodere assuetos. Brachium igitur sæ-
culare

culare implorandum ratus, a Rege Catholico obtinuit, ut Marchioni Bedmario, qui pro Electore Bavarix Belgium administrabat, Quesnellum ac socios capiendi mandatum daretur.

Capit.

Comprehensus igitur anno 1703 Bruxellis a militibus in suo cubiculo, in Archiepiscopalem custodiam ductus est. At ecce! nobilis quidam Gallus perfoſſo noctu muro illum liberavit: fuiſſetque plenum gaudium, ſi litteræ etiam illius & ſcripta per eandem rimam potuiſſent evadere. Ex his ſcriptis multa fuerunt deſecta iniquitatis myſteria, Eccleſiaſticis & Politicis Poſteſtatibus ſumme injurioſa, fraudes, cuniculi, machinationes, totiusque ſectæ inſanæ ſubſtrudiones, ipſa adeo maligna animorum errantium ſenſa, eorum quoque, qui pro ſinceris Catholicis habebantur.

Evadit.

Scripta.

Quamvis autem ſummum Janſeniſtarum in Jeſuitas odium alias plurimis argumentis manifeſte fuerit proditum, ex ſcriptis tamen iſtis multa in lucem fuerunt producta, quæ tenebris alias manſiſſent involuta, colluſiones etiam cum Catholicis in Societatis exitium.

Profeſto, ſi Queſnellus ejusque ſocii cum ſcriptis ſuis arcanis non fuiſſent comprehenſi, neſciret orbis obligationes, quibus Societatis Jeſu adverſarii, etiam Catholici, Janſeniſtis ſunt obſtriſti, nodumque, quo cum illis erant conſtricti. Quis e.g. ſciret, quantum Hiacynthus Serry iis debeat, ut Hiſtoria Congregationum de *Auxiliis* poliretur & ederetur? quis, Seminarium Miſſionum externarum Pariſienſe uſum Queſnelli calamo ad denigrandas Ceremonias Sinenſes & Jeſuitas?

Vix e cuſtodia Queſnellus eruperat, cum nimbum injuriarum effudit, in Archiepiſcopum maxime Mechlinienſem, captivitatis ſuæ auctorem. An S. Petrus, e cuſtodia liberatus, vel in Herodem ſic egiſſet?

Hæ calumniæ, multaue crimina, de quibus ex propriis aliorumque ad eum litteris erat conviſtus, Mechlinienſem Archiepiſcopum permoverunt, ut publice eum citaret ad reſpondendum; cum non compareret, contumaciæ condemnatus, & excommunicatus per ſolemne ſententiam eſt denunciatus.

Brigod. ſi do-
loſa conver-
ſio.

Cum Queſnello eodem in loco & tempore comprehenſus fuit Arnoldus Joſephus *Brigodus*, qui poſt ſeſtrem carcerem ea converſi animi dedit indicia, ut viſæ ſint tenebræ lucem aſſuſiſſe; nam Archiepiſcopo libellum ſupplicem porrexerat, in quo faſſus eſt, præcipuum ſuum fuiſſe officium a pluribus jam annis, curare, ut libri Janſeniſtarum imprimantur & diſtribuantur.

Petiit

Petit veniam, exemplo usus Divinæ in pœnitentes misericordiæ. Archiepiscopus liberavit captivum ea lege, ut ederet professionem fidei, formulæ subscriberet sine distinctione, sacris exercitiis 15 dies impenderet, generali confessione animum expiaret, his præstitis e Diœcesi Mechliniensi exulatum discederet. Nequam omnia promissit: fervavit nihil. Sed quid aliud a Jansenista expectes?

Tertius Bruxellis interceptus est P. *Gabriel Gerberon*, ex Congregatione S. Mauri Religiosus, qui plures in Gallia libellos sparserat, effigies. hæresi faventes, dandus propterea mandato Regis in custodiam, ad Corbeienſe Monasterium jam anno 1682 profugit. Inde Sanctissimo suo Ordini rebellis, in Hollandiam evadens, Roterodami subsistit, assumptoque nomine Augustini *Kergre*, Unitas Provincias Flandriamque diluvio libellorum de gratia inundavit. Jansenismi non alius defensor ardentior; ut adeo inter Patriarchas Janseniani Ordinis censeretur sit meritis; spesque affulſisset, post mortem Arnaldi Abbatem fore, nisi singularibus opinionibus inharens suos non raro contribules invaſisset, Arnaldum adeo & Quesnellum. Id maxime vitio illi dabant, qui ejusdem mentis erant, quod sensa sua nimis aperte proloqueretur, majori arte & circumspectione proponenda rati, ut verba ambigua, prout occasio tulerit, in omnem partem circummagi queant.

Postquam interceptus fuerat, clementiæ Archiepiscopi se submisit, paratus, ut assererat, ad omnes, quas irrogare placuerit, pœnas. Institutus juris Processus; 29 *Interrogatoria*, ut vocant, proposita: convictus docuisse hæresin, præsertim postquam abjecto Religioso habitu laicum induisset; proſcidiſſe Papam contumeliis, Principes, omnesque, quos adversari sibi credidiſſet: condemnatus est ad emittendam professionem fidei, signandam formulam, abjurandam 5 propositionum doctrinam, ad regressum in suum Monasterium, ubi inclusus maneat, donec Ecclesiæ sit satisfactum, & de emendatione vitæ & doctrinæ constet.

At quamvis ante submissionem promiserat, post sententiam tamen latam doctrinam suam retractare & formulam signare noluit sine restrictione. Quæ pertinacia Regem Christianissimum permovit, ut eum ceu subditum suum ex Belgio reposceret, ac primum in Ambianum, dein Vincennarum carcerem mitti juberet.

Ergastuli rigor emollire non poterat pluribus annis induratum pectus senis octogenarii; tandem vero gratia Dei potentior flexit pervicaciam.

Paris X.

C c c

Quip.

Quippe anno 1710 obtulit se ad signandam formulam: retractavit doctrinam erroneam, falsus, defensas a se propositiones damnatas. Eandem retractationem habuit ratam, postquam ex Vincennensi carcere liberatus in Monasterium S. Germani ad fratres suos fuerat translatus. Paucis vero post mensibus lethali morbo correptus pœnitens obiit, postquam dimidium & ultra sæculum rebellis fuerat, Ecclesiæ plene subiectus.

Art. II.

Clementis XI Constitutio Vincam Domini Sabaoth adversus Jansenistas.

133. Anno 1705 Clemens XI occasione *Casus Conscientiæ*, quem Parte VIII retulimus, & a 40 Doctoribus approbatum diximus, edidit Bullam adversus Jansenistas celeberrimam, cujus initium *Vincam Domini Sabaoth* (cujus Synopsin subjicio.) In hac memorat, ab Innocentio X quinque famosas propositiones, ex libro Jansenii excerptas, fuisse confixas, atque hanc Constitutionem, ad publicam tranquillitatis perturbatorum subtili tectis calliditate machinationes penitus everteudas, ab Alexandro VII confirmatam, novarumque declarationum accessione constabilitam.

Insertis dein horum Pontificum Constitutionibus Clemens XI prosequitur: *Causam equidem esse sentiam, non tamen sic, ut par erat, finitum errorem, Apostolico toties mucrone percussam. Neque enim defuisse & adhuc desse homines, veritati non adquefcentes, & nunquam Ecclesiæ contradicendi finem facientes, qui variis distinctionibus, seu potius effugiis, ad circumventionem erroris excogitatis, Ecclesiam ipsam turbare conantur, quodque deterius est, ipsamet Apostolicæ Sedis Decreta, præsertim Clementis IX, & Innocentii XII in erroris sui patrocinium advocare, temerario plane ausu, non erubescunt, perinde, ac si memoratus Clemens aliquam in tam gravi negotio exceptionem, seu restrictionem, quam nullam se unquam fuisse admissurum protestatus fuit, re ipsa admisisset, Innocentius XII vero, dum prædictas 5 propositiones in sensu obvio, quem verba ipsa exhibent, damnatas esse pronuntiavit, non de ipsomet obvio sensu, quem in Jansenii libro habent, quive ab eodem Jansenio intentus, ac ab Innoc. X & Alex. VII damnatus fuerat, sed de alio quodam diverso sensu cogitasset, diutiusque Constitutiones temperare & restringere voluisset iisdem ipsis litteris, quibus eas in suo robore fuisse & esse, sequè illis firmiter inbarere verbis apertissimis assererat.*

Præ-

Præterea iidem inquieti homines, inquit porro Pontifex, sparsis undequaque scriptioribus ac libellis, exquisita ad fallendum arte compositis, non sine gravi Sedis Apostolicæ injuria, maximeque totius Ecclesiæ scandalo docere non sunt veriti, ad obedientiam, Constitutionibus Apostolicis debitam, non requiri, ut quis Janseniani libri sensum, in dictis 5 propositionibus damnatum, interius ut hæreticum damnet, sed satis esse, si ea de re obsequiosum Silentium (ut ipsi vocant) teneatur. Quæ quidem assertio, quam absurda sit, & animabus fidelium perniciosa, satis apparet, dum fallacis hujus doctrinæ pallio non deponitur error, sed absconditur: vultus tegitur, non curatur: Ecclesiæ illuditur, non paretur, & lecta denique filiis inobedientiæ via sternitur ad fovendam silentio hæresin, dum ipsam Jansenii hæresin, quam a Sede Apostolica damnatam Ecclesiæ universalis extorruit, adhuc interius abjicere, & corde improbare detrectant.

Quin etiam eo impudentiæ nonnullos devenisse compertum est, ut veluti naturalis honestatis, nedum Christianæ sinceritatis oblitii, asserere non dubitaverint, formulæ, ab Alexandro VII præscriptæ, subscribi licite posse, etiam ab iis, qui interius non judicant, in Jansenii libro doctrinam hæreticam contineri, quasi vero liceat Ecclesiæ jurejurando decipere; dum loquuntur, quod Ecclesiæ loquitur, quod tamen sentit ipsa, non sentiunt, seque parere Constitutionibus Apostolicis profitentur, quibus animo contradicunt.

Hinc est, quod nos ad opportunum & efficax tam exitialis morbi, qui ut cancer serpit, & quotidie in deterius vergit, remedium adhibendum - - primo quidem præsertis Innocentii X & Alexandri VII Constitutiones, omniaque & singula, in eis contenta auctoritate Apostolica confirmamus, approbamus, & innovamus.

Ac insuper; ut quævis in posterum erroris occasio penitus præcidatur, atque omnes Catholice Ecclesiæ filii Ecclesiæ ipsam audire, non tacendo solum (nam & impii in tenebris conticescunt) sed & interius obsequendo, quæ vera est hominis orthodoxi obedientia, condiscant, hæc nostra perpetuo valitura Constitutione obedientiæ, quæ præsertis Constitutionibus Apostolicis debetur, obsequioso illo silentio minime satisfieri, sed damnatum in 5 propositionibus Jansenii sensum, quem verba illarum præferunt, ab omnibus Christiani fidelibus ut hæreticum, non ore solum, sed & corde rejici ac damnari debere, nec alia mente, animo, aut credulitate supra dictæ formulæ subscribi licite posse, ita, ut, qui secus aut contra, quod hæc omnia & singula, senserint, tinnerint, aut prædicaverint, verbo vel scripto docuerint aut asseruerint, tanquam præfatarum Constitutionum Apostolicarum transgressores omnibus illarum censuris & pœnis omnino subjaceant, eadem auctoritate Apostolica decernimus & declaramus.

Tametsi autem hæc Bulla adeo clara sit atque dilucida, ut solis radiis scripta videatur, non tamen deerant excæcæ mentes, quæ obscuritatis eandem accusarent, dicerentque, circa punctum principale nihil fuisse decisum. Alii ex Jansenistis, cum omne aliud effugium sibi præclusum viderent, ad vituperia, calumnias, Sedisque Apostolicæ contemptum versi sunt. Ex illis Withus Licentius Lovaniensis non exhorruit petulanti ore effutire, opus esse tenebrarum, Antichristo dignum, quo vera Christi gratia destrueretur, & Pelagianismus stabiliatur.

At, ringentibus hæreticis, alius multo sensus erat orbis Catholicis, qui Bullam, ut par est, summa veneratione recepit. Rex Christianissimus illico jussit, eandem in Aëta Parlamenti referri, ac toto Regno promulgari, additis litteris, executionem imperantibus.

Solus Episcopus S. Pontii in Occitania tergiversatus est, allegans exemplum 23 Episcoporum, qui anno 1667 pro obsequioso silentio stetissent. At mandatum ipsius, ad Diœcesanos missum, anno 1709 fuit condemnatum, cum epistola ad Atrebatensem scripta.

Quamvis autem Episcopi Galliæ receperint Constitutionem, displicuit tamen Pontifici modus. Nam (præterquam quod Noallius dixisse feratur, Ecclesiam non esse infallibilem in decidendis quæstionibus facti, etiam dogmatici, si non sit revelatum) Archiepiscopo Rothomagensi duce conventus Cleri pronuntiasse dicitur, Constitutiones summorum Pontificum obligare totam Ecclesiam, postquam fuissent acceptatæ a corpore Pastorum, atque hanc acceptationem ex parte Episcoporum fieri per viam Judicii.

Hac clausula offensus Papa anno 1706 ad Regem scripsit, quod Episcopi non tam fuerint congregati ad recipiendam Bullam, quam ad restringendam auctoritatem sanctæ Sedis, aut potius evetendam.

Cum igitur Rex vellet, ut Papæ satisfaceret, Cardinalis Noallius, qui conventui præfederat, cum aliis sex Archiepiscopis & 5 Episcopis, qui omnibus deliberationibus interfuerant, 1710 explicationem processus sui verbalis Romam misit. Addidit epistolam anno sequenti, in qua magno cum dolore se intellexisse ait, Sanctitatem suam judicare Constitutionem contra errores Jansenianos non fuisse cum debito respectu & submissione, quæ eidem debetur, receptam; cum tamen conventus anni 1705 crediderit, se eandem

Quomodo
Bulla sit ac-
ceptata in
Gallia.

re-

recepisse cum eadem veneratione, qua Antecessores sui Bullas priorum Pontificum super illa ipsa materia.

Quando Conventus dixit, quod Constitutiones summorum Pontificum obligent totam Ecclesiam, postquam acceptata fuerint a corpore Pastorum, non intendisse dicere, acceptationem esse necessariam, quæ sit solennis, neque alio fine id dictum, quam ut Janſenistis omne præcludatur effugium, quo elabi essent conaturi. Neque cam fuisse mentem, ut Conventus velut Iudex Constitutionem examinaret, aut tribunali suo subiceret, sed ut conformitatem suæ doctrinæ cum Apostolica, magno cum gaudio accepta, significaret.

Conventum habuisse sibi persuasissimum, nihil deesse Bullæ, quo minus totam Ecclesiam obliget; nullaque ratione ab ea appellari posse, neque ulli mutationi esse obnoxiam.

Sub finem rogat, ut sua Sanctitas bene sentiat de Ecclesia Gallicana, sicut S. Bernardus, qui Innocentio II scripsisset, quod illa sit firma in fide, pacifica in unitate, semper submissa & obediens Sedi Apostolicæ. Talem adhuc hodie esse animum omnium Episcoporum. *Quantum ad me, addit Noallius, semper primus ero in exhibenda obedientia debita. Religio, gratitudo, & respectus, quo ex imo corde feror erga Romanam Ecclesiam, frequenter in memoriam mihi reducant obligationes, quibus Apostolicæ Sedi obstrictus sum: neque est, quod me obſcurem in hoc proposito perfectæ obedientiæ; sufficit aspicere purpuram, qua me placuit vestire.*

Hæ litteræ argumento manifesto sunt, quod Episcopi Galliæ non prætendant judicare summum Pastoris, conformiter iis, quæ Zosimus Papa olim scripsit ad Episcopos Africæ, quod *traditio & Patres tantam attribuerint Sedi Apostolicæ auctoritatem, ut nemo disputare debeat de ejus sententia.*

Eodem tempore Rex quoque scripsit Pontifici, eumque certum esse jussit, se semper paratum fore, auctoritate sua tueri venerationem, Capiti Ecclesiæ, & Jesu Christi in terris Vicario debitam.

Academia Lovaniensis, recepta Bulla *Vineam Domini*, iterum damnavit Casum conscientiæ, a Janſenistis propositum, declaratque 1 Ecclesiam infallibiliter judicare posse de sensu librorum.

Acad. Lovan.
judicium.

2. Doctrinam de gratia intrinsece efficace & prædestinatione gratuita esse plurimum scholarum, & etiam suam; sed eam defendi posse modo hæretico, prout faciant Janſenistæ, qui negant gratiam sufficientem, per quam observatio præceptorum fiat possibilis.

3. Agnoscunt obligationem, omnes actiones virtualiter referendi ad Deum; improbant tamen opinionem, quod detur præceptum particulare, quamcunque actionem referendi ad Deum *per amorem actualem*.

4. Opinionem eorum, qui exigunt contritionem perfectam ad sacramentum poenitentiae, sibi non videri conformem principiis fidei, neque naturae sacramenti.

5. Assistere sacrificio Missae in peccato mortali non esse novum peccatum mortale.

6. Sibi videri, quod fautores Jansenistarum parum faveant cultui B. V. ejusque immaculatae conceptioni.

7. Rejeiunt libros, quorum lectionem 40 Doctores, de quibus supra, approbaverant.

8. Prout etiam versionem S. Scripturae in linguam vulgarem, praesertim novi testamenti Montensem.

Papa summa voluptate accepit hanc Acta Universitatis Lovaniensis, laudavitque scriptis litteris; hortatus simul, ut pergerent esse defensores & ornamentum Ecclesiae Belgicae. Nec novas atque peregrinas opiniones patiantur doceri

Art. III.

De Abbatia Portu - Regia Janseniana.

134-

Frequens hactenus facta est mentio Portus-Regalis, ejusque incolarum, Jansenianis erroribus efflicti faventium. Unde fortassis lector in hoc Eruditionis Apparatu expectabit enucleatorem hac de re explicationem.

Fuit igitur Portus Regalis Abbatia Ordinis Cisterciensis Monasterium, sex milliariis Parisiis distans, anno 1204 fundata. *Angelica* Arnaldina Abbatissa, celeberrimi Doctoris Antonii Arnaldi soror, anno 1626 communitatem suam Lutetiam transtulit, ibique sub directione Joannis Vergerii, Abbatis San-Cyrani, novum domicilium fixit, quod *Portus Regius Parisiensis* appellabatur, ad distinctionem a Portu Regio *Campestri* seu rurali, ad quem locum vacuum variae conditionis homines, doctrina etiam conspicui, se receperunt.

Anno

Anno 1647 quædam Moniales ex Portu Regali Pariſienſi in Campeſtrem cum conſenſu Archiepiſcopi migrarunt, ea tamen lege, ut Abbatiffæ Pariſienſi manerent ſubjectæ.

Erat autem Cœnobium utrumque a viris eo confugientibus ſœde corruptum, atque Janſeniana tæbe infectum. Quippe formula pure & ſine diſtinctione ſubſcribere noluerant; licet Harduinus de Perſixo Archiepiſcopus Pariſienſis fidem tantum humanam circa factum requireret. Quin ſcriptum eidem obtulerant, in quo iis, quæ ad fidem pertinent, aſſenſum promittebant; circa ea autem, quæ ſunt facti, ſilentium tantummodo.

Archiepiſcopus proin Abbatiffam Pariſienſem aliasque 12 Moniales abduci juſſit, & in varia clauſtra diſiſit, reliquiſque in utroque Monasterio Sacramentorum uſu interdixit; donec tandem anno 1669 compoſitio aliqua fuit inita, ſororibus exemplo 4 Episcoporum Clementis IX declaratione abutentibus. Cumque aliquæ abſolute ac pure ſubſcripiſſent formulari, aliæ vero cum reſtrictione, ortum eſt eas inter ſchiſma ac diſcordia, ut neceſſe fucrit, utrumque Cœnobium cum bonis & redditibus omnino ſeparare, data utrique Antiſtite, ab altera independente.

Conſtitutioni *Vincam Domini* anno 1705 ſe rurfus oppoſuerunt, atque Abbatiffis ſuis inobedientes Pontificis & Regis mandato, iterum per varia monaſteria ſunt diſperſæ, Domo Campeſtri penitus ſublata, & cum Pariſienſi unita.

Fœminæ iſtæ, tum indole ſua refractariæ erant & novitatum cupidæ, tum a viris, quorum directioni ſe commiſerant, pietatis ſpecie ſeducæ ſunt. Hos inter erant Abbas Sancyranus, Arnaldus (qui plures Janſeniſtas ad Portum Regium, magna patrimonii ſui parte a ſe ditatum, adduxerat) Petrus Nicolius (alias ſub nomine Guilielmi Wendrockii latens) Theologiæ Baccalaureus, Arnaldi ſocius, qui plures famoſos libellos penna virulenta conſcripſit. Blaſius Paſchalis, Litterarum Provincialium conſarcinator, & calumniator notorius, intimus Arnaldi amicus. Godefridus Hermant, quia Arnaldo adhærebat, a Sorbona exclusus, Janſenianos errores pluribus ſcriptis defendit. Claudius de S. Martha, confeſſarius Monialium Portus Regalis: Ludovicus le Nain de Tillemont, famoſi pariter ſcriptores Janſeniſtæ, qui omnes ſub nomine *Dominorum aut Doctorem de Portu Regali* compellantur.

Art.

Art. IV.

Papa damnat Reflexiones Morales Quesnelli in Novum Testamentum, a Noallio approbatas. Turba propterea orta. Bulla Unigenitus, qua 101 propositiones Quesnelli damnantur.

135.

Quesnellus
projicit po-
timum discor-
dia.

Quesnellus tacito nomine suo librum edidit famosum, in 4 tomos divisum, sub hoc titulo: *Le nouveau Testament avec des reflexions morales sur chaque verset &c.* Qui sermonis Gallici elegantia & pietatis specie multos decepit, magnisque deinceps in hanc usque diem motibus Galliam Belgiumque concussit. Auctor illum dedicavit anno 1693 Noallio, tunc adhuc dum Episcopo Catalaunensi, postmodum ad Archiepiscopatum Parisiensem & S. R. E. Cardinalatum assumpto, qui opus hoc splendenti elogio exornavit, & approbavit.

Noallius, cum audisset, librum a multis reprobari, Theologis illum de novo examinandum tradidit, notandumque, si quid correctione indigeret. Verum tot erroribus scatebat, ut quacunque correctione & interpretatione adhibita, multum adhuc veneni superesset.

Multis interim editionibus opere recuso, eo usque in dies crescebat malum, ut querelæ Romam deferrentur. Cardinales & Theologi, quibus Papa librum examinandum commisit, post exactam discussionem, lectionem illius prohibendam censuerunt, quod textus, ad imitationem versionis Montensis, multis locis essent corrupti, notæ vero & reflexiones textibus appositæ qualibet pagina exhiberent doctrinam seditiosam, temerariam, perniciosam, erroneam, jam condemnatam, & manifeste Jansenianam.

Hoc fuit fundamentum Decreti, per quod Papa non tantum prohibuit sub pœna excommunicationis, ipso facto incurrentiæ, lectionem, impressionem & distractionem libri; sed insuper jussit, omnia exemplaria deferri ad Ordinarium loci, aut Inquisitores, ut publice comburantur.

Ubi hoc Decretum, anno 1708 editum, in Galliam pervenit, auctor de *la Clef du Cabinet des Princes*, seu Diarium Verdunense, ut honorem Quesnelli, ejusque Approbatorum defenderet, finxit, opus per editiones, Protestantium in terris factas, fuisse corruptum, ac proin merito condemnatum. Displicuit ipsis etiam Jansenistis

senstis tam apertum mendacium, cum constaret, nunquam a Protestantibus fuisse recusum. Igitur in malignas curiæ Romanæ affectiones retulerunt, & factionem Cardinalis Fabroni, qui magis esset Jesuita, quam ipsi Jesuitæ, opus tenebrarum, & attentatum scandalosum appellantes Decretum.

Quamvis autem hoc decretum (ex respectu credo erga Cardinalem Noallium, qui *Novum Testamentum cum Reflexionibus Moralibus* Quesnelli approbaverat, & grandi, quod diximus, elogio honoraverat) non fuerit statim universaliter receptum in Gallia, plures tamen Prælati *Reflexiones Morales* proscripserunt; alios auctoritas Noallii retinuit.

Cum autem hoc negotium in dies agigaretur ferventius, Rex Christianissimus Papæ supplicabat, ut de libro Reflexionum solenniter & modo maxime authentico pronuntiaret, propositiones, censura dignas, assignando; &, cum obtinere a Noallio revocationem suæ approbationis non potuisset, anno 1711 per Decretum sanctioris sui consilii prohibuit novam libri editionem, ejusque distractionem.

Præterea tres Episcopi, Lucionensis, Rupellensis, & Gapensis, Instructionem Pastoralem in Diæcesibus suis promulgarunt, qua eadem Reflexiones Quesnelli Morales in novum Testamentum fuerunt condemnatæ. In hac ordinatione dicebatur, quinque famosas propositiones clare contineri in libro Jansenii, easque omnes renovari in Reflexionibus Quesnelli; S. Augustinum autem longe remotum esse ab hac doctrina, ejusque textus, a Jansenistis adduci solitos, doctissime explicarunt, quin tamen Scholæ ulli Catholicæ præjudicium inferrent.

Contra hanc trium Episcoporum Ordinationem Card. Noallius anno 1711 *Instructionem Pastoralem* edidit, in cujus principio ait, relatum sibi esse, in Ordinatione illa trium Episcoporum contineri plura contraria fidei & puritati doctrinæ moralis, &, Noallii In-
quamvis velint oppugnare errores Jansenii, tertiæ tamen ejus propositioni, & quibusdam Bajanis eos favere; de S. Augustino autem contemptum loqui. Peccatores absolvi, antequam se probent; sub prætextu ignorantia invincibilis excusari scelera, juri nature opposita: hac via si procedatur, brevi renovatum iri omnes laxas propositiones, a Pontificibus & clero Gallicano damnatas anno 1700.

His præmissis Noallius prohibet lesionem dictæ ordinationis, additque, quod sine acceptatione personarum proscripserit e sua Diœcesi omnes novitates, uti 1696 *Expositionem fidei*: 1699 *Quietismum*: 1700 laxam doctrinam moralem: 1703 *Casum conscientiæ*: 1706 *Institutiones Theologicas P. Juvenini ex Oratorio*, & novissime *Moniales Portus Regalis*.

Dum sic fervebat contentio, & Noallius nollet acceptare compositionem a curia oblatam, Rex iterato apud Papam institit, ut Reflexiones Quesnelli distinctius damnaret: simulque Delphinus, qui Romam, acsi faveret Quesnello, delatus fuerat, doctissimam pro se apologiam scripsit.

Tandem Clemens XI anno 1713 celeberrima *Bulla Unigenitus* condemnavit 101 propositiones, ex Reflexionibus Moralibus Quesnelli extractas, prohibetque illas defendi sub censura Ecclesiastica, ipso facto incurrenda.

In hac Pontifex Constitutione ait, *Unigenitum Dei Filium saluberrimo documento nos admonuisse, ut attenderemus a falsis prophetis, qui veniunt ad nos in vestimentis ovium, & splendida pietatis specie prava dogmata latenter insurantes, introducunt sectas perditionis sub imagine sanctitatis. Utque facilius incautis obrepant, quasi deponentes lupinam pellem, & sese Divinæ legis sententiis, velut quibusdam ovium velleribus obvolventes, Sanctorum Scripturarum verbis, quæ multipliciter in suam aliorumque perniciem depravant, nequiter abutuntur; antiqui scilicet, a quo progeniti sunt, mendacii parentis exemplo, ac magisterio edocti, nullam esse ad fallendum expeditiorem viam, quam ut Divinorum verborum pretendatur auctoritas.*

Memorat dein Pontifex, se cum intimo dolore accepisse, librum quandam, Gallico idiomate olim impressum, & in plures tomos distributum, sub titulo: *Le Nouveau Testament* &c., tametsi alias jam a se damnatum, ac Catholicis veritatibus pravarum doctrinarum mendacia multifariam permiscentem, adhuc tamen tanquam ab omni errore immunem haberi a pluribus, fidelium manibus passim obtrudi, etiam latine redditum, ut pluribus noceat.

Quapropter se non minus Pastoralis curæ suæ stimulis, quam frequentibus orthodoxæ fidei zelatorum querelis, maxime vero complurium Galliæ Episcoporum litteris ac precibus excitatum, gliscenti morbo validiori modo obviam ire decrevisse.

Cum igitur constet, summam hujus libri perniciem ideo potissimum invalescere, quod eadem intus lateat, & velut improba facies non nisi secto ulcere foras erumpat, legentes vero specie quadam pietatis primo aspectu illiciat, nihil salubrius præstari posse,

posse, quam si fallax libri doctrina, generatim solummodo haecenus indicata, pluribus singillatim excerptis ex eo propositionibus, distinctius & apertius explicaretur, atque fidelibus noxia zizaniorum semina & medio tritici, quo tegebantur, educta, velut ob oculos exponerentur.

Id ipsum e re Catholica maxime futurum, non modo praefatos Episcopos, sed & ipsum etiam Regem Christianissimum pro eximio suo in Catholica Religionem zelo, sapius contestatum fuisse, repetitis propterea vere piis officiis & ardentibus votis a Sede Apostolica efflagitantem, ut animarum necessitati censura consulere-
retur.

Hinc plurimas e praedicto libro propositiones extractas a compluribus in S. Theologia Magistris, primo quidem coram duobus Cardinalibus accurate discussas; deinde vero coram ipso summo Pontifice, adhibito etiam aliorum plurium Cardinalium consilio, quam maxima diligentia ac maturitate, singularum insuper propositionum cum ipsomet libri textu exactissime facta collatione, pluries iteratis congregationibus, expensas fuisse & examinatas.

Recensitis dein 101 propositionibus, subjungit Pontifex: *Auditis itaque, tum voce tum scripto Nobis exhibitis, praefatorum Cardinalium, aliorumque Theologorum suffragiis, Divinique in primis luminis, privatis ad eum finem, publicisque etiam indidit precibus implorato praesidio, omnes & singulas propositiones praefatas, tanquam falsas, captiosas, male sonantes, parum aurium offensivas, scandalosas, perniciosas, temerarias, Ecclesia & ejus praxi injurias, neque in Ecclesiam solum, sed etiam in Potestates seculi contumeliosas, seditiosas, impias, blasphemias, suspectas de haeresi, ac haeresin ipsam sapientes, nec non haereticis & haeresibus, ac etiam schismati faventes, erroneas, haeresi proximas, pluries damnatas, ac demum etiam haereticas, variasque haereses, & potissimum illas, quae in famosis Jansenii propositionibus, & quidem in eo sensu, in quo haec damnatae fuerunt, acceptis, continentur, innovantes, respellice, hac nostra perpetuo valitura Constitutione declaramus, damnamus & reprobamus.*

Additur mandatum, ne quis de dictis propositionibus sentire, praedicare, docere aliter praesumat, quam in hac Constitutione continetur, ita, ut, quicunque illas, vel illarum aliquam docuerit, defenderit, ediderit, aut de iis, etiam disputative tractaverit, nisi forsan impugnando, Ecclesiasticis censuris, aliisque contra similia perpetrantes a jure statutis poenis ipso facto absque alia declaratione subiaceat.

Per expressam autem dictarum propositionum reprobationem alia, in eodem libro contenta, nullatenus approbantur; cum præsertim in decursu examinis complures aliæ deprehensæ sint propositiones, damnatis istis similes & affines, iisdemque erroribus imbutæ, nec sane paucæ, sub imaginario quodam veluti grassantis hodie persecutionis obtentu, inobedientiam & perversitatem nutriendas, easque falso patientiæ nomine prædicantes; quas propterea singillatim recensere nimis longum foret, & minime necessarium; ac demum ipsum Novi Testamenti textum damnabiliter vitiatum, a vulgata vero editione, quæ tot seculorum usu in Ecclesia probata est, atque ab orthodoxis omnibus pro authentica haberi debet, multipliciter discrepantem & aberrantem, pluresque in alienos, exoticos, & sæpe noxios sensus, non sine maxima perversitate, detortum auctor exhibet.

Ac propterea Papa eundem librum, quocunque titulo inscriptum, iterum prohibet ac damnat, ejusque lectionem, retentionem & usum sub pœna excommunicationis, ipso facto incurrendæ, omnibus & singulis fidelibus interdicit, adhibendis contra rebelles omnibus juris & facti remediis.

Datum Romæ ad S. Mariam Majorem anno 1713.

Art. V.

Noallii & aliorum tergiversatio in recipienda Bulla. Registratur a Parlamento. Aliorum zelus. Litteræ Pastorales Noallii.

Clamores Quesnellistarum. Turbæ in Sorbona.

Decreta Apostolica.

136.

Quam primum Bulla *Unigenitus* pervenit in Galliam, Rex convocavit magnum Episcoporum numerum Lutetiam, atque Cardinali Noallio reliquit electionem Commissariorum, sic tamen, ut Cardinalis de Rohan eorum esset Præses: brevique acceptationis negotium ex integro fuisset confectum, si Noallius dicere voluisset: *Petrus locutus est per os Clementis*, sicut antea dixerat de Bulla Innocentii.

Verum ille putavit, se non teneri consensu suorum Confratrum. Quamvis enim improbaret plures Quesnelli propositiones, & sibi subreptum diceret ad eliciendam approbationem *Observationum* ejusdem

Noallii relictum.
Ratio,

eiusdem *Moralium*, impetrare tamen a ſe non poterat, ut cum aliis Bullam abſolute acceptaret; traxitque exemplo & autoritate in ſuas partes, Archiepiſcopum Turonenſem, Episcopos Virodunenſem, Catalaunenſem, Sanitienſem, Bayonenſem, Bononienſem; *Et aliorum.* qui conſeſſati ſunt equidem, ſe Obſervationes Morales Quesnelli nullatenus approbare, ſed in Dioceſibus ſuis eaſdem proſcripturos, exceptionem tamen contra Bullæ ſolennem acceptationem opponebant.

Ad Clementem quippe Papam anno 1714 epiſtolam confece-
rant, in qua memorabant, ſe zelum ſuum demonſtraſſe in oppugnan-
dis erroribus, maxime Janſenii, ſuumque ardorem pro defendenda *Vani præ-*
veritate, pro conſervanda unitate & honore Sedis Apoſtolicæ; at-
que in hoc ſuos in Episcopatu collegas ſibi inferiores eſſe, ſequē pa-
ratos librum damnatum proſcribere. *textus*

Verum Bullam iſtam audaciores reddituram hæreticos, & con-
turbaturam fidem recens converſorum, aliorumque magna probita-
te hominum, qui teneræ eſſent conſcientiæ. Totum corpus Eccle-
ſiæ & Status politici offenſum iri.

Petebant igitur explicationem propoſitionum damnatarum,
quam ſibi negandam præſciverant, aut nunquam talem fore, ut
contra eam rursus cavillari aut tergiverſari nequeant.

Rex prohibuit, ne epiſtola hæc ad Papam mitteretur, juſſitque
Bullam publicari, librum vero Quesnelli, & omnia in ejus deſen-
ſionem ſcripta ſupprimi, atque hoc mandatum Bullamque in Regi-
ſtrum Parlamenti referri. Quam in rem Fleurius, Advocatus Ge-
neralis, ſacundam in Senatu Orationem habuit, id maxime conten-
dens, Bullam a Rege expetitam neque in materia neque forma quid
quam continere, quo minus acceptari & in acta referri poſſet; ut
tamen omnis abuſus & ſiniſtra interpretatio præcluderetur, addi
poſſe clauſulam, generalem & ordinariam, qua reſerventur jura
coronæ, libertates Eccleſiæ Gallicanæ, poteſtas & juridiſſio Epi-
ſcoporum: ea vero, quæ de excommunicatione dicuntur, Nova-
tores dixit reſpicere, qui ſuos docent fulmina Eccleſiaſtica poteſta-
tis contemnere. *A Parlamen-*
to.

Episcopi 40 Pariſiis congregati unanimiter Bullam acceptarunt;
quibus brevi acceſſerunt 40 alii. Illi communi nomine mandatum Ab 80 Epi-
ſcopis Gal-
licis, quod ſubditis ſuis promulgarent, conceperunt, ſignarunt.
Secuti ſunt in eo ordinem Bullæ, oſtendentes, ſingulas ex li-
zæ.
damnatis propoſitionibus eſſe aut erroneas, aut captioſas, aut hære-
ticas, ac proin aliquam ex cenſuris meritas.

In Epistola dein ad Pontificem data, se eodem ac Præcessores suos spiritu & zelo pro Sede Apostolica animatos, exemplumque secutos, inquiebant: Bullam *Unigenitus* eadem promptitudine ac veneratione a se receptam. Uniforme instructionis pastoralis decretum a se communiter conceptum, ut omnis diversitas tollatur, & malefantis spiritibus cavillandi occasio adimatur. Hoc mandatum ad alios etiam Episcopos a se missum, ut omnes Sedi Apost. fideles, sicut idem sentiunt, sic etiam uno ore loquantur.

His addiderunt, dici cum veritate posse, quod sua Sanctitas sepelierit doctrinam Novatorum hujus temporis, atque feliciter detexerit venenum, quod nequiter ad fallendum doctrinæ suæ miscuerant.

Epistola hæc erat signata a Cardinale de Rohan Episcopo Argentinenſi, Archiepiscopis, Burgenſi, Rhemenſi, Burdegalenſi, Rothomagenſi, Aqueſi, Tolofano, Aufconenſi, multisque Episcopis.

Singulariter zelum suum demonstravit Archiepiscopus Cameracensis, dum ostendit, Novatores non posse contradicere Constitutioni, a maxima in Gallia Episcoporum parte expresse, & ab aliis Ecclesiis, ad quas error non penetravit, tacite acceptæ, cum Quesnellus ipse in suo libro de *Traditione Ecclesiæ Romanæ* instar principii irrefragabilis posuerit, quod omne judicium dogmaticum Sanctæ Sedis, cui pars notabilis Ecclesiarum suæ communionis positive, & reliquæ tacite acquiescunt, censendum sit judicium totius Ecclesiæ.

Eorum
lus.

Doluit summopere magno huic Prælato contemptus Romanæ Ecclesiæ, unde exclamavit: *O Ecclesia Romana! O civitas sancta! O cbara & communis patria omnis vera Christianitatis! unde provenit, quod bodie tot filii degeneres non agnoscant suam matrem? insurgant contra illam? velut novercam odierint illam? unde provenit, quod ejus auctoritas tot vanas suspitionum umbras eis projiciat? O Ecclesia, in qua Petrus confirmat fratres suos! manus mea dextra prius obliviscatui sui, quam ego tui inquam obliviscar! lingua mea palato adhaereſcat, & fiat immobilis, si tu non eris ad ultimum usque suspirium vita meæ principale objectum meæ lætitiæ, & mei cantici!* Ita hic cygnus paulo ante mortem cecinit.

Idem Religionis zelus ardorque inflammabat Rohanium & Bisſum S. R. E. Cardinales, excellenti fide, integritate, probitate, virtute, doctrina, sapientia viros, qui pro Sede Apostolica omnem auctoritatem suam Jansenistis objecerunt, etiam post mortem Ludovici

vici XIV, ubi res, in deterius lapsæ, Novatoribus amplius grassandi spatium indulserant.

Aliam longe viam sibi ineundam putavit Cardinalis Noallius, qui *Mandatum Pastorale* anno 1714 publicavit, in quo renovavit quidem condemnationem Novi Testamenti Quesnelliani, anno superiore editam, simul tamen sub pœna suspensionis, ipso facto incurrendæ, prohibet, ne quis Ecclesiasticorum suæ Archidiœcesis Bullam Unigenitus absque sua auctoritate recipiat, aut actum aliquem jurisdictionis respectu illius exerceat.

Sapientissimum sibi videri, si recurratur ad Papam, & eidem proponantur difficultates, cum supplicatione, ut provideret de mediis, quibus quies reddatur conscientis turbatis; libertas relinquatur Scholis Catholicis, & pax in Ecclesia conservetur.

Noall. mandato Pastoralis Bullam recipi vetat.

Hanc partem se non ante fuisse amplexum, quam postquam fuisset convictus, quod sit erga S. Sedem reverentior, veritati magis propria, reducendæ suis Diœcesanis paci, tanto jam tempore exuli, quam vel vita sua vellet redimere, opportunior. Neque abferreri se debere per apparentem divisionem, aut potius per diversitatem sententiarum, quæ sint inter Episcopos; hanc enim non attingere substantiam fidei, nec rumpere vinculum charitatis; cum nullus ex congregatis Episcopis amplexus sit errorem, aut veritatem impugnet. Denique omnium piarum animarum precibus se commendat.

Et hoc est famosum illud *Mandatum Pastorale*, hæc tuba dissensionis, & fax discordiarum, contra Constitutionem Apostolicam, maxime authenticam, quæ unquam facta est in Ecclesia extra Concilia. Primus fortasse in Gallia ex Episcopis fuit Noallius, qui sub pœna suspensionis prohibuerit acceptari Constitutionem Apostolicam adeo solennem, a tanto Episcoporum numero receptam, munitam Regis auctoritate, in Parlamento actis publicis insertam. Certe, qui Bullam simpliciter & absolute receperant, hoc mandatum tanquam opus monstrosum excrebantur, quod acceptari nequeat sine lapsu in Apostasiam & Schisma.

Quia autem Cardinalis iterum damnabat librum Quesnelli, quem ante approbaverat, simulque reverentiam erga Sedem Apostolicam profitebatur, atque Episcopos, qui Bullam receperant, ab errore immunes declaravit, neque Janenistis satisfecit, qui propterea illum ceu hominem inconstantem, versatilem, sine fide, sine religione, tradebant.

Libel-

Furor Quesnelli.

Libelli famosi, quos Quesnelliani post damnatas 101 propositiones in vulgus sparserunt, numerari non possunt. In eorum una Quesnellus ipse tubam inflat: *Venit tempus, quo Apostolorum exemplo supra omnes terrores oportet assurgere, super omnes minas magni Presbyteri, super omne genus sacerdotale.* Addit, a Papa in 101 propositionibus 101 veritates fuisse profligatas, quarum plures ad essentiam religionis spectent: veritates, quæ negari non possint, quin renuntietur fidei, clare in Scriptura & Traditione contentæ.

Concinnuerunt Quesnelli socii ac defensores, adversus summum Pontificem sanctamque Sedem frendentes eodem spiritu, eadem audacia, eodem furore ac rabie, qua olim Lutherus in Leonem X, a quo damnatus fuerat.

Quodque magis mirum, Sorbona quoque, altrix illa tot Doctorum Sacerdotum, quæ Religionem Sedemque Apostolicam tam acriter hætenus adversus hæreticos, etiam Jansenianos, defenderrat, spectaculum mundo dedit, ab illius fundatione inauditum, post mortem Ludovici XIV potissimum.

Rex ille magnus, uti hostium domitor, ita Religionis vindex, per Cardinalem Rohanum postulavit, ut Sorbona quoque Constitutionem *Unigenitus* expresse acceptaret, & *Registro* suo inferret, ad eum modum, quo Bulla *Vincam Domini* fuerat illata.

Sorbonæ discordia.

Ingredientibus in magnam Theologicæ Facultatis aulam ad deliberandum Cardinalis Noailles, ut partes suas augeret, distribui jussit suum mandatum, quo sub pœna suspensionis Bullam acceptari prohibuerat, nec sine effectu. Quamvis enim per se notum ipsis esse debuisset, ubi Papa imperat aliquid, Episcopus vero contraarium, illi potius tanquam superiori & capiti obtemperandum esse; & aliunde Doctores Sorbonæ a jurisdictione Archiepiscopali essent exempti; nihilominus tamen plures ex illis, cum aut Quesnelli aut ejus doctrinæ essent amici, aut Noailii partibus adhererent, ac propterea Bullam haberent exosam, ne illam acceptare & actis inferere deberent, obtenderunt, nolle se periculo suspensionis exponi; atque sic suffragia divisa sunt, sic tamen, ut, multo majori parte pura & simplici acceptatione stante, Bulla 5 Martii 1714 fuerit acceptata & Registro illata, Decano Facultatis conclusum his verbis pronuntiantem omnium nomine: *Consuetudo Facultatis Constitutionem suscipiendam cum reverentia, & Commentariis una cum duobus literis Regis inscribendam.* 10 Martii hoc Conclusum fuit approbatum sine ullius contradictione. 14 ejusdem duodecim Doctores deputati Versalias profecti sunt, nuntiatum Regi, ejus voluntati fuisse obtemperatum.

Acceptat Bullam.

Exem-

Exemplum Sorbonæ secutæ sunt aliæ per Galliam Academiae omnes. 5 Aprilis Doctores aliqui hoc negotium reasummi volebant, sed aliis reclamantibus vehemens tumultus est concitatus.

Rex certior de eo factus, Habertum aliosque tres renitentes relegavit, aliis quinque ingressu in conventum interdixit. Usque ad mortem dein Ludovici XIV omnia in Sorbona satis erant tranquilla. At vero anno sequente 1715, quo obiit, tragica & turbulenta mota est scena; nam metu discusso, Rex defunctus velut tyrannus, exules vero ceu fidei Martyres a Quesnellistis plangebantur, Decretum autem, per quod recepta in Facultate fuit Bulla, impugnabatur, & tanquam falsum, corruptum, suppositum, metu extortum accusabatur: Doctores vero, qui his violentiis se opponere conabantur, appellantes contra eas ceu abusum, conventu Facultatis arcebantur, Principe Regente ad ista connivente.

Cum aliis
Acad. omni-
bus.

Romæ a S. Congregatione mandato Pontificis expresso editum fuit Decretum contra litteras pastorales Cardinalis Noallii & Archiepiscopi Turonensis, qui pariter Constitutionem proscripsit tanquam captiosam, scandalosam, temerariam, nulla tamen adjecta pœna suspensionis.

Affixum quoque Romæ Decretum contra mandata Episcoporum Catalaunensis, Bayonensis, Bononiensis. Primus suum conformavit Noalliano, protestatus tamen, quod non caro & sanguis persuaserit, ut fratris sui sententiam præferret 40 Episcoporum sententiæ, sed amor veritatis & justitiæ. Prohibuit nihilominus librum Quesnelli, non quod malus esset, utpote ex quo Diœcesani sui magnum fructum retulissent, sed quia ejus lectio post condemnationem Pontificiam scandalum posset parere.

Renitentes
Romæ dam-
nati.

Bayonensis putavit, diversas Episcoporum sententias non attingere fidem. Bononiensis propositiones damnatas ambiguitatis & obscuritatis accusavit, ut adeo nesciatur, quid sit damnatum.

Papa 1 Maji 1714 Breve ad Regem direxit, in quo ostendit, quantum doleat, quod aliqui obedientiam Constitutioni subtrahant, volentes plus sapere, quam oporteat sapere; & docere magis quam instrui. Laudat simul Regis zelum, semper intentum ad eliminandam e regno suam doctrinam corruptam, & proscriptam, atque rebelles compefcendos. Implorat denique ulteriorem Regis operam; non agi particularem Romanæ Ecclesiæ causam, sed causam Dei, causam fidei, causam unitatis Catholicæ, quæ nequeat subsistere, nisi sub uno in terris capite.

Pars. X

E e e

Alias

Alias litteras dedit ad Cardinalem Rohanum, omnesque Prælatos, qui in ultimo cleri conventu præsentés erant. In his graviter conqueritur de Episcopis, qui se a Confratribus suis separaverant, sub vano prætextu petendi novas explicationes, ut novas sine fine quæstiones & tricas injiciendo, obedientiam, Sedi Apostolicæ debitam, possint eludere. Statutum sibi esse, omnes nervos intendere, ut unitas fidei conservetur integra.

Art. VI.

Bulla acceptata ab Academicis, & Episcopis.

137.

Promptior quam Parisiensis in acceptanda Constitutione *Unigenitus* fuit Facultas Theologica *Duacensis*; quippe hujus Doctores declararunt, quod illam recipiant pure & simpliciter, sine ulla distinctione, explicatione, aut interpretatione: omnes fideles sub gravi peccato schismatis & hæresis esse obligatos eidem se conformare. Non minus illam esse claram, quam editas contra Wicleffum, Hussum, Lutherum, Bajum, Jansenium, Molinos, & laxos Casuistas: mori se paratos pro tuenda illius autoritate, æquitate, & veritate: eos, qui nolunt illam recipere, nisi prius explicetur, non recipere Constitutionem ipsam, sed suam explicationem propriam, privatis suis præjudiciis ac sensibus conformem; consequenter eos non obedire voci Pastoris, sed privatæ suæ opinioni.

Iidem Doctores, postquam ex Conciliis & Patribus demonstrarunt necessitatem, in fide se uniendi S. Petro ejusque successoribus, scripserunt Facultati Theologicæ Lovaniensi, eamque hortati sunt, ut confundat Novatores, qui in Gallia sparsissent, Lovanienses Constitutionem rejecisse.

Rescripsit Facultas, persuasum sibi esse, circa condemnationem Reflexionum Moralium, omnia legitime & ex ordine esse acta, omnesque ac singulas propositiones damnatas fuisse vere condemnabiles, & merito condemnatas. Neque publico hoc testimonio contenta, anno 1718 alio instrumento maxime authentico Bullam solenni ritu acceptavit.

Prima autem Duacensis exemplum secuta est 11 Jan. 1715 Academia Colonienfis, & 1716 Mussipontana, quæ, tametsi virus in Lotharingiam penetrare non potuerit, nihilominus declaravit, Constitutionem esse judicium irrefragabile, & regulam dogmaticam penitus

penitus immutabilem: simulque formulam singulis Doctoribus subscriptendam proposuit, ut eo certior esset de submissione.

Idem fecit Universitas Conimbricensis 1717, cujus juramentum hac forma fuit conceptum: *Ego me submitto penitus Constitutioni Apostolicae N. S. P. Clementis XI de 8 Sept. 1713, qua incipit Unigenitus Dei Filius. Ego rejicio, condemno, & anathematizo omnes propositiones, quae fuerunt condemnatae, & in eo sensu, in quo sunt condemnatae. Sic juro: sic me Deus adjuvet, & haec sancta Evangelia.*

Huic formulæ subscripserunt 103 Doctores aut Professores Theologiæ: 12 Professores Juris Canonici: 10 Professores Juris Civilis: 7 Professores Medicinæ: 9 Deputati de Universitate. Acceptatio fuit unanimis & uniformis.

Idem sensus circa Bullam fuit Academicarum omnium extra Galliam, in Italia, Germania, Polonia, Hispania, imo in ipsa etiam Gallia ab omnibus fuerat recepta.

Similiter Bulla promulgata & acceptata fuit in Archiepiscopatu Colonienſi, Moguntino, Trevirenſi, in Episcopatibus Leodiensſi, Namurcensſi, Hildesſenſi, Ratisbonenſi, Spirenſi, Basileenſi, Herbipolitano &c. Chamberii etiam senatus eandem expresse recepit, & Registro suo inseruit: prout etiam Taurini, non obstantibus cum Pontifice dissidiis, sine omni oppositione est publicata, imo etiam in toto Belgio Catholico, excepta sola Diœcesi Atrebatensi.

Soli Gallorum aliqui se plus omnibus illuminatos putabant, rerum novarum cupidi. Quod scriptor quidam Gallicus (*D' Aurigny*) in magnum gentis suæ dedecus vergere censuit. Nemo tamen sibi persuadere debet, totam Galliam pervicaciæ fuisse consortem; cum octoginta, quod diximus, Episcopi, cum reverentia & obedientia debita Constitutionem receperint & promulgarint, cum Parliamentis, Academiis, majorique parte Parochorum, communitatum Regularium, ac populi.

Suessionensis Episcopus, cum aliqui ex suis Parochis ad Concilium appellassent, in secunda sua admonitione demonstravit, quod ii, qui subicere se Constitutioni detestant, ab Universali se Ecclesia separent, quam errasse contendunt. Quasi vero Christi Ecclesia esset contracta ad novem Galliæ Episcopos, sine capite extravagantes, ad aliquot sacerdotes, suis Pastoribus rebelles, ad aliquot fœminas non minus ignorantes, quam cerebro suo læso inharcentes, aut aliquot laicos seductos, quorum separationem longe major pars suorum popularium cum fidelibus omnium nationum exterarum amare deplorat.

Neque sufficit dicere cum Quesnellistis, quod propositiones damnatæ desumptæ fuerint ab eorum auctore ex SS. Patribus, Traditione, aut Scriptura; nam hoc omnes Hæretici dixerunt. Omnes varios textus, aut corruptos, aut male intellectos atque in finistram sensum detortos, compilarunt. Julianus Pelagianismum ex S. Chrysostomo probare nitebatur. S. Augustinus Calvinista, & Janseista erit, si harum sectarum auctoribus fides est. Possunt quandoque propositiones aliquæ in uno sensu acceptæ innocentes esse, in altero noxiæ; si jam in hoc usurpentur a Novatoribus, prudenter agit Ecclesia, si eas prohibeat. Plures credo propositiones censuram effugissent, si nulli fuissent Quietistæ, nulli Phana-tici, nulli Novatores, qui ad errorem suum stabiliendum doctrina ambigua abutuntur, eamque in malignum suum sensum detorquent.

Art. VII.

Noallii aliorumque Renitentium trica. Mors Regis insolentes reddit. Appellatio 4 Episcoporum, Sorbonæ, & aliarum Academicarum. Studia pacis frustranea. Mors Clementis XI.

138.

Postquam Constitutio *Unigenitus* recepta fuerat a tota Europa Catholica, & etiam in ipsa Gallia ab 80 (quod dictum) Episcopis, a Parliamentis, Academicis, majorique parte cleri ac populi, Clemens Pontifex per Internuntium suum Regem rogavit, ut auctoritate sua renitentes octo Episcopos compelleret ad præstandam obedientiam, & consentiret, ut Cardinalis Noallius tanquam membrum Sacri Collegii Romam citaretur.

Quantum ad Parlamentum Parisiense optabat Pontifex, ut clausula, quam receptioni Bullæ adjecerat, pro salvandis privilegiis Ecclesiæ Gallicanæ & independente Regis auctoritate, temperamentum acciperet.

Noallius metuens, ne Romam a Rege mitteretur, per Rohanium Nuntio Apostolico significari curavit, Constitutionem se recepturum, dummodo bimestre spatium sibi indulgeretur pro conficiendo acceptationis instrumento. Indultum fuit: sed indulgisse pœnituit, ubi animadversum fuit, nihil aliud quæri, quam ut negotium in longum protrahatur.

Tres

Tres autem erant eorum classes, qui huic causæ se immiscebant; in prima erant ii, qui puram ac simplicem Constitutionis acceptionem urgebant, atque ut Papa per viam Canonicam adversus renitentes procedat; in secunda, qui se opponebant, & explicationem Bullæ postulabant; in tertia Conciliatores seu mediatores, qui neque per pœnas Canonicas, neque per explicationem Bullæ procedi volebant.

Rex omnes attente audivit, cumque cerneret, Noallium, cui, ut novas Pastorales litteras Romam mitteret, injunctum fuerat, moras ex moris nestere, Romam ipsummet mittere decrevit, secundum Canones puniendum. At intercessit Cardinalis Polignacus; misitque Rex Amelotum, qui de Concilio Nationali in Gallia congregando cum Pontifice tractaret. At hic suam Regisque auctoritatem ad compescendos Ecclesiæ rebelles sufficere respondit, misitque duas ad Regem epistolas, unam severiorem, qua Noallio minabatur, se cum eo secundum rigorem Canonum processurum, nisi pure & simpliciter se submitteret, alteram mitiorem, qua eundem ad submissionem sine minis hortabatur, Regi vero optionem fecit, quam vellet, Noallio traderet. At Rex intentioni suæ de Concilio cogendo institit, nisi alia via Noallius & alii renitentes ad obedientiam reduci possent; & sane reducti fuissent.

Verum dum hæc anno 1715 maxime aguntur, mors Regis Ludovici XIV omnia immutavit. Vivente illo hæresis non est ausa caput aperte attollere. At mortuo illo palam se ostentare, robore, veritati insulare. Vidisses despectos imperantes, populos excitatos adversus Principes, Judices a subditis judicari, Episcopos & Academiæ discordiis in se ipsas conversas, diluvium libellorum inundare provincias, triumphare errorem, omnia ad exitiale schisma vergere.

Mutatio post mortem Regis.

Dux Aurelianensis, qui pro quinquenni Rege Ludovico XV regnum gubernabat, litteras dedit ad Clementem Pontificem, quibus eum venerationis erga Sanctam Sedem, animique addicti, quem Rex defunctus gessisset, securum reddebat, se intra mensem vel uno ictu radicem mali excisurum pollicitus. Noallius honoribus & benevolentia significatione ab eo delinitus receptionem Bullæ promissit, sed promissio non stetit. Jansenistæ vero omnia in favorem suum, a Duce Regente facta, interpretabantur. Quamvis famosi duo Jansenistarum libri, *Hexapla*, & *Testimonium veritatis*, eodem tempore a Clero Gallicano & Parliamentis fuerint condemnati.

Infinita foret narratio omnium, quæ deinceps in hac causa acta sunt. Plures Cardinales censebant, Noallium, omnes admonitiones eludentem, privandum purpura. Papa vero hortabatur omnes Episcopos obedientes, ut se unirent contra renitentes, volebatque suspendere privilegia Sorbonæ. (anno 1716) At Aurelianensis Regens vetuit acceptari Romanas Constitutiones, quæ non fuerint Registro curiæ illatæ. Idem omnia Regni Parliamenta vetuerunt. Quibus cognitis Papa Nuntium suum Parisiis discedere iussit.

Eodem anno 1716 Universitates Rhemensis & Nannetensis, exemplum Parisiensis secutæ, Decretum, quo Constitutionem ante receperant, revocarunt. Parisiensibus Jesuitis vero Noallius prædicatione verbi Divini, & confessionali interdixit, quod P. Ferre per Adventum in Aula Regia prædicasset. Et quamvis Dux Regens Confessarium ex Societate retineret, uti etiam Principes, amoto tamen P. Tellier Confessarius Regi datus est Abbas Claudus Fleury, celebris Historiæ Ecclesiasticæ scriptor.

Sorbonæ de-
sciscit,

Anno 1717 Sorbona 150 Doctores deputavit ad Cardinalem Noallium, qui eidem significarent, totam Facultatem Theologicam ejus causæ esse penitus addictam, unaque salutis patriæ, Ecclesiæ & Religionis consulturam. Decanus ipse orationem blandientem ad Cardinalem habuit.

Appellatio
ad Concil.

Noallius cum reliquis Episcopis renitentibus, tanto Doctorum accessu contumacior, palam declaravit, 26 de 101 propositionibus damnatis, in sensu proprio ac naturali acceptas esse innocuas, nec ullam censuram mereri. Quatuor vero Episcopi, Mirepincensis videlicet, Monpelienensis, Bononiensis, & Saniciensis, ad futurum Concilium Generale appellarunt in ipso Conventu Sorbonæ, cujus 97 Doctores eidem appellationi adhæserunt, cum omnibus Parochis Diœcesis Parisinæ, pluribusque communitatibus, secularibus & Religiosis. Accessit Rector totius Universitatis Parisiensis, quatuor Facultatum nomine, pluribus regni Academiis exemplum sequentibus. Auro quoque & argento in appellationis societatem traicta multitudo, ejusque, ut terrori esset, grandis contextus catalogus.

Ducem Regentem exorbitantes hi passus non parum irritarunt; quapropter Notarium, qui acta appellationis conscripserat, exilio multavit, omnemque appellationem prohibuit acceptari. Crevit nihilominus appellantium numerus, iisque accenseri etiam voluit Noallius, totius factionis caput. Proposuit is quidem Schema aliquod acceptationis, sed Apostolicæ Sedis auctoritati adeo inimicum, ut ab obedientibus Prælatibus tanquam intolerabile fuerit rejectum.

Nihil

Nihil intentatum reliquit Pontifex, quo Noallum flecteret, & qua minis qua blanditiis doceret sapere, propria etiam manuscriptis ad eundem litteris. Sed ille sequacium multitudine confusus, nec Papam amplius nec Regentem audivit.

Quamobrem Regens, suadente Tremolio Cardinale, Franciæ apud Sedem Apostolicam Legato, severum de Bulla *Unigenitus* indixit silentium, cum mandato, ne quis de illa loqueretur aut scriberet, donec res esset composita. Quod tamen mandatum appellantes non observarunt.

Anno 1718 appellatio quatuor Episcoporum aliorumque a Congregatione sacri officii Romæ fuit proscripta, tanquam schismatica & continens propositiones hæreticas, appellatio vero Noallii tanquam schismatica & proxima hæresi. Mirum, quantum laborarint Cardinales de Rohan, Bissi, & Tremoulle, ut Noallio persuadeant acceptationem Bullæ. Formulæ plures, plura temperamenta, plures idæ pacis propositæ, sed nullum apud obstinatos effectum sunt consecutæ; unde tandem Pontifex tanta obstinatione commotus, edita Constitutione *Pastoralis Officii*, Cardinalem Noallium a communionem fidelium removit. Ille vero ab hac pariter Bulla appellavit ad Concilium, asserens, post interpositam appellationem a Constitutione *Unigenitus* Papam esse Judicem incompetentem, jure decidendi ad Concilium Generale devoluto. Parlamentum quoque Parisiense Decretum edidit contra Bullam *Pastoralis Officii*, quod tamen Regens suspendit, & quosdam appellantes in exilium misit, atque Parliamentis mandavit, ut assisterent Episcopis contra Clerum secundi Ordinis.

Anno 1719 appellantes varia inter se agitabant consilia; modo enim constitutum erat, omnes Reges Catholicos interpellare, Consilia ap- ut explicationem Bullæ a Papa petant, modo de unione cum Ec- pellantium, clesia Anglicana loquebantur; cujus pulchri consilii auctor ferebatur Dupinus, per scripta sua famosus Doctor; cujus chartæ fuerunt sublata, & in palatium Regium deportata. Cogitabat autem introducere *Presbyterianismum* Angliæ. Eo usquecum nondum omnes appellantes essent prolapsi, decreverunt, ut omnes Quesnelli Sectatores arcte se unirent, conceptis 12 Articulis, qui ad omnes superiores locales, & qui novos facere Profelitos nitebantur, fuerunt missi.

Facultas Theologica Cadomi in Normania appellantium numerum auxit, declaravitque, quod opinio de infallibilitate Pontificis sit erronea. Idem fecit Sorbona. Et quamvis Aula iterato silen-
tium

tium indixerit, mox tamen illud a Sorbonicis ruptum est. Quare vehementer commotus Regens mandavit, ut omnia oblitterentur, quæ a Sorbona contra Bullam *Unigenitus* acta fuerant, atque præsentè Decano & Syndico eradi debebat conclusio, quæ erroris accusabat sententiam de infallibilitate Pontificis.

Edidit hoc anno Noallius novam Instructionem Pastoralem, quæ cum pejor esset prioribus, Romæ pariter fuit damnata; & sic crescebant utrinque vulnera, quibus sanandis tanto conatu laborabatur. Vacabant eo tempore plures in Gallia Episcopatus; at negabat Papa Institutionem, nisi sufficienter sibi cautum fuerit, Constitutionem pure & absolute in Diœcesi observatum iri. Quæ res terrorem aliquem appellantibus, qui promotionem sperabant, incussit.

Postulata explicatio.

Annus 1720 similis inter tricas fuit exactus. Noallius mandato Aulæ instrumentum acceptationis confecit, sed adjecta iterum conditione explicationis, imo adjectis etiam notis & observationibus in explicationes. Pontifex, probe gnarus, non esse ex usu Ecclesiæ, Constitutionibus suis, quibus certæ propositiones damnantur, explicationes addere, cernensque, novas ex illis objectiones & lites orituras, atque tam facile ac ipsam Bullam a refractariis rejiciendas, adduci non potuit, ut consentiret. Sed simplicem ac puram obedientiam Mandatis Apostolicis præstari constanter voluit, nullamque ac irritam declarari appellationem, cum omnibus, quæ contra Bullam fuissent scripta.

Dum Clemens XI ita laboraret pro Religione & Sedis Apostolicæ auctoritate, anno 1721 19 Martii pie in Domino fuit defunctus, ipso festo S. Josephi, cujus officium composuerat. Pontifex fuit vere magnus, qui patrem fidelium cum majestate throni Apostolici miscere sapientissime noverat, adversus totum mundum, summasque difficultates imperterritus. Caveam sibi construxerat, cui corpus suum inferri voluit cum hac inscriptione: *hic jacet Joannes Franciscus Albani*. Obiit anno ætatis 71, Pontificatus 21.

Art.

Art. VIII.

Quesnellistarum molimina. Bulla a pluribus recepta. Obitus plurimum. Concilium Romanum. Noallius contumax. Concilium Embrodunense. Sanitiensis Episcopus depositus.

Innocentii XIII, qui Clementi XI in Cathedra S. Petri fuit successus, prima cura fuit, ut pacem & quietem Ecclesiæ redderet in Gallia; firmus tamen institit Prædecessoris vestigiis, nolebatque Constitutionis explicationem admittere, quam tamen ipse etiam Cardinalis Rohanius, ut Noallium reduceret, perurgebat.

139.

Mortuo Romæ Cardinale Tremollio, Abbas Dubois, Minister Status, negotium Constitutionis tractabat, anno 1721 ab Innoc. XIII in Cardinalium Collegium adlectus, simulque Archiepiscopus Cameracensis renuntiatus: Linierus vero S. J. Confessarius Regis, quamvis Noallius approbationem illi negarit; quam tamen dedit Rotomagensis Archiepiscopus.

Anno 1722 septem Episcopi renitentes ad Papam Innocentium dederunt epistolam, quæ Romæ fuit condemnata, ceu continens ^{Litteræ 7} plures propositiones, Episcopis Catholicis injuriosas, nominatim Episcopo-Gallia, Clementi XI & Sanctæ Sedi: a Regio vero Consilio ceu præ-judiciosa sacerdotio & regno. Eo nihilominus impudentiæ deven-^{rentium.} runt Quesnellistæ, ut spargerent, ab Innocentio XIII improbari acta Clementis XI ipsamque Bullam *Unigenitus*. Ad eos confunden- dos Rex jussit imprimi litteras Papæ, damnarique denuntiationem, qua Cardinalis Bissi Instructionem Pastoralem accusaverant. Papa quoque condemnavit litteras Episcopi Antisiodorensis, Ordinationem Rutenensis, Mandatum Bajocensis.

25 Oct. 1723 Rex ingressus 14 ætatis annum, declaratus major, ab Archiepiscopo Rhemensis ceremoniis consuetis fuit consecra- tus. Ab eo tempore appellantes, aliquanto modestiores facti, non paucos suorum amiserunt. Quippe anno 1723 Presbyteri Missionis, *Lazaristæ* in Francia appellati, Constitutionem acceptarunt, exclusi a Congregatione, quid detestantur. Capitulum Generale Carthusia- norum eodem anno per Decretum omnibus suis Religiosis injunxit, ut eandem acceptent. Parlamentum edidit quidem Sanctionem con- tra hoc Decretum, sed Consilium Regis intimum cassavit hanc Par-

Part. X.

F f f

lamenti

lamenti Sanctionem. Cum eodem anno a Patribus Oratorii Congregatio Generalis fuisset indicta, Dux Aurelianensis appellantes excludi præcepit, voluitque, ut Præfes Politicæ sit præsens in Conventu, tanquam Regis Commissarius. 29 tantum aderant Deputati, exclusis 23 appellantibus. Obtulerunt quidem exclusi scriptum conventui, quo omnia ejus acta declarabant irrita; sed nulla eorum ratio est habita.

Obiit 20 Aug. 1723 Cardinalis Dubois. Primi Ministri dignitatem a Rege recepit Dux Aurelianensis; qua tamen non diu frui licuit; quippe 2 Dec. ejusdem anni apoplexia tactus obiit. Falluntur, qui cum aut appellantibus aut Jansenistis favisse putant; quin imo post ejus mortem audacius illi caput extulere. Obiit eodem anno Abbas Fleurius, Historiæ Ecclesiasticæ Scriptor celeberrimus 84 ætatis anno.

Secutus est anno 1724 Innocentius XIII Papa; eique successit vetustissimus Cardinalium Vincentius Maria Ursini ex Illustrissimo Prædicatorum Ordine, Benedicti XIII nomine assumptum, ad abolendum nomen Antipapæ Petri de Luna, qui idem nomen usurpaverat.

Noallio, dignitatem gratulanti, benigne respondit, ut ad unionem eum retraheret; cumque ille scholarum libertatem per Bullam Unigenitus fuisse læsam crederet, Papa Constitutione edita declaravit, opinionem de gratia per se ipsam efficaci, & prædestinatione gratuita ad gloriam, & independente ab omni prævisione meritorum, nihil habere commune cum erroribus per Bullam damnatis. Verum Noallius nova instructione contumaci per Diocesim sparsa spem pacis ademit. Instructio illa continebat 12 Articulos, quos Roma missos appellantes fingebant, tanquam explicationem Bullæ. Fraude detecta Rex scriptum illud suppressi jussit.

Benedictus Papa anno 1725 Romæ Concilium celebravit, in quo inter alia declaravit, quod Constitutio Unigenitus sit regula fidei; simulque proseripsit omnia, contra illam acta. Verum cum ad omnia remedia obduratos haberet, severitate exprompta, quosdam Ecclesiasticos Hollandiæ censura perstrinxit. 40 Catholicorum millia adhuc erant in Unitis Provinciis; verum plures pastores illius regis moribus & contumacia adversus Sedem Apostolicam scandalo erant, atque jam a Sebasteni tempore in schisma prolapsi.

Noallio nova acceptionis idea anno 1726 fuit proposita, sed permoveri non potuit, ut illam reciperet.

Carthusiani, in capitulo congregati, Bullam acceptarunt; sed contra eam acceptionem renitentes appellarunt ad Parlamentum Parisiense, tanquam abusum, quod eis syngrapham appellationis prosequenda impertiit. At Rex negotium ad suum Status Consilium advocavit, & confirmavit Decretum Capituli. Alterum eorum Capitulum pœnas Canonicas contra refractarios decrevit: tertium in aliquos perveraces excommunicationis sententiam pronuntiavit.

At tantum abfuit, ut resipiscerent, ut 26 eorum in Hollandiam fugerent; ubi alii Religiosis appellantis conjuncti, malam suam causam male defenderunt. Jansenistæ & Calvinistæ grandia eis elogia, ceu primæ Christianitatis heroibus, scripserunt. At Parlamentum Parisinum apologiam, pro eis consarcinatam, suppressit. Aliqui redierunt, cæteri flecti non poterant, ut contumaciam ponant.

Crescebat interim appellantium multitudo; unde Conventus Cleri querelas ad Regem detulit, qui tamen mederi malo, tam late serpenti, sine concussionem status, non satis poterat. Credi enim nequit, quanta audacia, impetu, furore hæc pestis sit grassata, quot petulantia in omnes potestates scripta sint edita. Prohibita, suppressa, cremata non raro sunt illa, sed velut hydræ capita identidem sunt renata.

Anno 1727 Tencinus Archiepiscopus Ebrodunensis (postea Cardinalis & Archiepiscopus Lugdunensis) Concilium Provinciale convocavit adversus Episcopum Sanitiensem, qui tamen obedire detrectavit, asserens, postquam ad futurum Concilium Generale appellasset, non agnosci a se Concilium suæ provinciæ Judicem, neque suum, neque scriptorum suorum.

Huic Episcopo crimini dabatur, quod in sua instructione pastoralis Constitutionem Unigenitus nigris coloribus depinxerit, librum Sanitiensis vero Reflexionum Moralium miris laudibus extulerit. Non erat ab ipso concepta hæc instructio, sed suam esse videri volebat. Assumpti autem licet essent decem Episcopi ex vicinis provinciis ad hoc Concilium, Sanitiensis tamen comparere detrectavit ad primam & secundam citationem, ad tertiam comparuit quidem, sed suo & Episcopi Mompeliensis nomine protestationem opposuit.

Examinatum nihilominus est Pastorale, & unanimes voce condemnatum a Concilio Embrodunensi, tanquam temerarium, scandalosum, seditiosum, injuriosum Ecclesiæ, Episcopis, auctoritati Regiæ, schismaticum, plenum spiritu hæretico & erroribus.

Sanitienſis autem declaratus fuit ſuſpenſus ab omni poteſtate & Jurisdictione Episcopali, ab exercitio Sacerdotali, atque relegatus in Monasterium, in quo paucos poſt annos fuit mortuus; Diœceſin vero ejus gubernabat Vicarius Generalis.

Aliam lucubrationem damnavit hoc Concilium, traſtante de valore ordinationum, factarum ab Episcopis Anglicanis. Auſtor, Religioſus S. Genovevæ, in Angliam fugit.

Advocato-
rum conſul-
tatio.

Benedictus Papa Concilium Embrodunenſe approbavit, & Tencinum dilaudavit. Regi quoque hæc acta ſunt probata. Appellantes autem ad Pariſienſes Advocatos recurrerunt, qui numero 50 *Conſultationem* habuerunt ad inſirmanda Acta Concilii. Rex Episcopos, qui Lutetiæ erant, congregari voluit ad ferendum judicium de conſultatione Advocatorum: quam temerariam, injuſtam, authoritati Regiæ, & venerationi, Episcopis ipſique ſummo Pontifici debitæ, præjudicioſam pronuntiarunt. Rex vero eandem per Decretum ſui Conſilii ſuppreſſit; & quereſas appellantium, hac ſuper re ad ſe delatas, improbavit.

At illi ingenio prompti novam ſcenam aperuerunt. Hominem quendam ceu Vicarium Generalem Diœceſis Sanitienſis ſubornarunt, qui Concilium condemnavit, legitimum Vicarium depoſuit, omniaque per Diœceſin pro authoritate egit, ſed non diu perſonam. Nam larva detracta Rex eum in carcerem dari mandavit. Bulla vero per Diœceſin Sanitienſem fuit promulgata. In ſe ipſam etiam verſa eſt factio; quippe Janſeniſtæ in Hollandiam profugi acriter inter ſe dimicabant. Quidam, ut celebrare poſſent Concilia, certum Episcoporum numerum conſtitutum volebant, aliis contrarium viſum: quidam probabant uſuram Hollandicam, alii damnavant: formabant proin peculiarem ſectam, atque *Figuriſtæ* dicebantur, quia non aliter, niſi per figuras loquebantur.

Art. IX.

*Noallii conversio. Ejus exemplum multi secuti, præsertim Sorbona.
Regis zelus. Fraudes appellantium circa sanctitatem Paris
Diaconi. Parlamentum favet appellantibus. Episco-
porum zelus.*

Fellicior Ecclesiæ Gallicanæ illuxit annus 1728, quo Noallius 140.
Cardinalis, tot annorum contumacia posita, Constitutionem *Unigenitus* acceptavit, atque per totam Diœcesin Parisensem acceptari præcepit, & quidem pure, sine omni conditione, aut restrictione, revocata Instructione Pastoralis anni 1719; Quesnelli insuper Reflexiones Morales, quas olim approbaverat, in eo sensu condemnavit simpliciter, quo eas per Bullam Clemens XI condemnaverat, atque 101 propositionibus eos errores attribuit, quos Papa censura affect.

Conversio
Noallii,

Fuit sane hoc Divinæ miserationis illustre exemplum; nam anno sequenti Noallius, cum Ecclesia plene conciliatus, pientissime obiit. Aliud nempe est, ex humanis rationibus & vano respectu in discordia cum Ecclesia vivere, aliud in eadem mori.

Prælatus fuit optimæ de se mentis, sed falsis amicis nimium fidens, & decipi facilis: nec minus toto corporis habitu, modesto & exemplari, ad fallendum compositus, dum factioni ducem se præbuit. Successit illi in Archiepiscopatu Parisiensi Comes du Luc, Archiepiscopus Aquisgranensis; qui cum cerneret, infinitam libellorum multitudinem efræni licentia dispergi, litteras Pastorales edidit, in quibus declaravit, Constitutionem *Unigenitus* nihil continere contra veritatem dogmatis, opiniones scholarum, & jura regni, eamque ceu legem Ecclesiæ exigere perfectam submissionem ab omnibus fidelibus.

Hac ordinatione & instructione novi Archiepiscopi permoti sunt multi, integri cætus & numerosæ communitates, (torrente renitentium ante abreptæ) ut Bullam acceptarent, atque ad unitatem & veritatem redirent. Exemplo præluxit Capitulum Cathedralis Parisinum anno 1729. Secuta est brevi Sorbona; quæ post plures congressus declaravit, quod Constitutionem jam receperit anno 1714, & illam rursus acceptet, ceu legem non tantum Ecclesiæ, sed etiam regni; misitque Deputatos ad Regem. Horum caput, celeberrimus tot doctissimis lucubrationibus *Tournellius*, contestabatur.

Et Sorbona.

tur, recognitam a Facultate sacra veritatem Decreti de anno 1714; hoc rati haberi & confirmari, omniaque contra illud acta ex Commentariis Facultatis esse erasa. Bullam recipi cum profunda veneratione & plena submissione, tanquam iudicium dogmaticum Universalis Ecclesiæ: revocari appellationem, omniaque acta contraria: si quæ membra se sint oppositura, ea de corpore Facultatis fore rescindenda, neminemque deinceps admissum iri sine certa asscuratione submissionis erga Bullam.

Acta hæc Sorbonæ typis fuerunt impressa, atque ab omnibus Europæ Academiis approbata, ab ipso etiam summo Pontifice per *Brevs* peculiare confirmata. Firma deinceps huic Decreto suo inhæsit Facultas, non exiguo omnium recte sentientium solatio, & unitatis in Gallia restaurandæ emolumento.

Nihilominus tamen 25 parochi Parisienses Archiepiscopo scriptum obtulerunt, plenum obstinationis & inobedientiæ. Cum iusta indignatione illud recepit, atque ad Regem detulit, qui ad compescendos contumaces omnem suam auctoritatem obtulit, si via lenitatis, iniquis, & charitatis non sufficiat ad reducendam publicam tranquillitatem, severitate legum extorquendam ab iis, qui turbare niterentur.

Regis zelus.

Cum igitur renitentes benignitate flecti nollent, Rex novum mandatum dedit super executione Constitutionum Apostolicarum contra Jansenismum, & super Bulla *Unigenitus*; quod dein mandatum Parlamentum ingressus, & insidens suo *Leito justitiæ*, ut vocant, monumentis illius senatus inferri curavit, & paulo post Seminarium Jansenistis ademit anno 1730, quo obiit Benedictus XIII Papa cum fama peculiaris sanctimonie.

Per vota unanimia electus est Laurentius Corsini, qui nomen Clementis XII assumpsit. Animum is illico applicuit ad reddendam pacem Gallicanæ Ecclesiæ, implorata Regis auctoritate, ut mandatum suum exqueretur. Verum iustissimæ Regis intentioni Parlamentum se opposuit, admisitque appellationes renitentium. Rex, delatis ad se querelis Episcoporum & Cleri congregati, id genus causas ad sanctius suum Consilium avocavit. Parlamentum vero petiit a Rege, ne via avocationis frequentius uteretur, movitque Episcopis controversiam de jurisdictione Ecclesiastica, quam isti immediate a Deo descendere prætendebant.

Fraudibus etiam actum, & imposturis a Jansenianis, ut improvidis fucum facerent, plures suæ factionis homines sanctos proclamabant. Sed miracula decrant. fingenda igitur. Diaconus Paris,

Ap

Appellationi suæ pertinaciter inhærens, anno 1728 oblit, pro sancto a suis habitus. Varia ad ejus tumbam miracula patrata dice-^{Paris fide} bant. Quæ inter fuit altiori clamore promulgatum, impressa etiam ^{miracula.} panegyri dilaudatum, quod cæcæ puellæ visum reddiderit, postquam novenam devotionem ad ejus sepulchrum peregrisset.

Archiepiscopus Parisiensis ex forma juris rem examinavit; omnia conficta deprehendit, testes corruptos, puellam nunquam cæcam. Falsum igitur & suppositum miraculum fuit declaratum, panegyris condemnata, omnisque cultus hujus Paridis prohibitus. Feliciores tamen appellantes in patrandis miraculis fuerunt Calvino; nam illi tantum mentiti sunt visum puellæ videnti restitutum, hic vero ex vivente mortuum fecit.

Appellantes, hac impostura detecta ferociore, acrius in Pastores suos insurgabant, moxque in lucem protruserunt scriptum, cui titulus: *vita D. Paris Diaconi*. Verum Archiepiscopus illud condemnnavit tanquam hæreticum, illiusque lectionem sub pœna excommunicationis prohibuit. (anno 1732.)

Spargebant nihilo secius Appellantes, quotidiana ad tumbam hujus Paridis fieri miracula, omnemque Lutetiam testem nominabant. Qui ad ejus sepulchrum auxilia petebant, *Convulsionarii* appellabantur. Abusus & superstitio eo processit, ut portam cæmeterii claudere, & interposita Regis auctoritate concursus dissolvere necesse fuerit. Convulsionarii autem in duas potissimum classes erant partiti. Alii quippe eorum dicebantur *Mitigistæ*, alii *Melan-gistæ*, Ultrajecti ad Rhenum nati, atque in varios errores prolapsi.

Per totam interea Europam Novellæ sanctitatem & miracula Diaconi Paris diffundebant. At Archiepiscopus censura illas perstrinxit, opponentibus se 21 parochis, qui mandata Archiepiscopi ad Parlamentum detulerunt. Sed Rex vetuit, ne quid illud statuat de causis Ecclesiasticis. Quid deinceps in causa Constitutionis *Unigenitus* Episcopos inter, Parlamentum, & Appellantes actum sit, melius tacetur, quamvis multorum libris orbi sit proditum. Hoc certum, Ludovicum XV Regem Christianissimum, Proavi sui exemplo, & Episcopos plerosque, quantum poterant, Quesnellianis furoribus restitisse.

Anno 1735 Gallicanam Ecclesiam afflixit Episcopus S. Papuli in Occitania, qui ad Episcopos Appellantes transiit, per mandatum revocatis omnibus, quæ pro Bulla *Unigenitus* scripserat. At Rex mandatum illius suppressi jussit; & acerbius actum fuisset cum hoc Præ-

Prælati in Comitio Cleri, nisi Cardinalis Fleurius obstitisset, metu majorum motuum; prout etiam propterea ad querelas Episcopi Laudunensis nihil responsum est. Pontifex ejus doctrinam approbavit, laudavitque zelum, quo Appellantes a communione sua removit, atque opera Episcoporum, Altissiodorensis, Sanitiensis, & Montpellierensis (Montis Pessulani) sub pœna excommunicationis legi prohibuit.

Non desierunt autem Episcopi, ii præsertim, qui recens erant instituti, per instructiones suas & mandata Pastoralia zelum suum pro Constitutione, seu Judicio Dogmatico & irrefragabili Ecclesiæ ad extirpandum Janseñismum & Quesnellismum explicare, Regisque protectionem implorare. Nec defuit ille, judicans sapientissime, causas Ecclesiasticas ad Ecclesiasticum forum pertinere, nec a laico Senatu petendam credendi regulam.

Episcopus Carpentoracensis 1736 in mandato suo Diœcesano non modo Bullam pure & absolute recepit tanquam regulam fidei (eo quod de fide sit, Ecclesiam quoad doctrinam fidei & morum esse infallibilem) sed insuper declaravit, quod neminem sit admittendum ad Ordines, Beneficia & Officia, qui non sincere & absolute se submiserit; Appellantes vero ad futurum Concilium seu schismaticos, hæreses & tenebrarum-fillos respiciebat.

Anno 1737 Instructionem Pastoralem edidit Episcopus Laudunensis, qua prohibuit, ne Confessarii absolvant eos, qui Bullam *Unigenitus* non recipiunt, aut scripta contra illam retinent, declaravitque ipso facto suspensos sacerdotes, qui non dicunt Canonem Missæ voce demissa & secreta. Similiter Episcopus Aquæ Augustis negavit Sacramenta & sacram sepulturam Bullæ adversariis. Idem fecerunt anno 1739 per epistolam, Ipris impressam, septem Galliæ Episcopi, videlicet Amianus, Marsiliensis, Laudunensis, Nannetensis, Bononiensis, Catalaunensis, Dolensis, contra omnes appellantes. Sed hæc epistola a Parlamento Parisiensi, sicut alia id genus scripta, suppressa fuit.

Renitentibus
negatur abso-
lutio.

Laudunensis nihilominus aliam Instructionem Pastoralem edidit, in qua decidit, Appellantes esse hæreticos, etiam in morte privandos Sacramentis Ecclesiæ, & sacra sepultura, atque in vita communione cum fidelibus.

Parlamentum proposuit Regi 4 articulos. 1 Non esse tollerandum, ut Pontificis *Brevia* in regno executioni mandentur, nisi a Parlamento, cujus esset, illa exequi, sint acceptata, in *Registrum* relata, & litteris patentibus munita. 2 Nihil mutandum circa

circa consuetudinem, vi cuius Universitas Parisiensis immediate sit subiecta Jurisdictioni Parlamenti. 3 Quidquid in contrarium ageretur, pugnare cum principiis regni. 4 Si introduceretur simplex & pura acceptatio Bullæ, eversum iri modificationem, a defuncto Rege appositam. Respondit Rex Deputatis, se non indigere monitionibus in hac materia, sed res in statu suo relinquendas. (1739)

Postquam anno 1740 Prosper Lambertini Bononiensis sub nomine Benedicti XIV suffectus est Clementi XII, Episcopus Laudunensis pro ardenti suo zelo & reverentia erga Constitutiones Apostolicas novam Diœcesanis suis Instructionem Pastoralem promulgavit, quid agendum cum iis, qui notorie Constitutioni sunt rebelles. Sed Parlamentum prohibuit negare sacramenta aut sepulturam Ecclesiasticam titulo appellationis.

Anno 1746 Rex Patres Oratorii, inter quos non pauci erant Appellantes, monuit, ut Constitutionibus Apostolicis obtemperarent, neque ullum ad Congregationem Generalem admittant, qui non esset paratus pure & simpliciter subscribere Formulæ Alexandri VII, seque plene submitteret Bullis Apostolicis, nominatim Constitutioni *Unigenitus*. Renitentes autem Officialis suis esse privandos. Monitionem secuti sunt Patres, quantumvis aliqui se opposerent, & aliqui etiam Institutum desererent. Idem fecerunt Fullienses Patres in Capitulo Generali, condito Decreto, quo voce activa & passiva privantur, qui intra tres menses non subscripserint Formulæ, & Bullam *Unigenitus* pure receperint.

Huic puræ acceptationi Parlamentum anno 1747 minus favens Decretum edidit; sed Rex per Sanctius suum Consilium Status illud irritum declaravit, mandavitque, ut Bulla in toto Regno recipiatur & observetur cum veneratione, iudicio Ecclesiæ Universalis in materia doctrinæ debita.

Quamvis autem Parlamentum Parisiense varia opera, in favorem Bullæ scripta, suppresserit, condemnavit tamen etiam duo folia, quorum unum contra Constitutionem *Unigenitus*, alterum contra Bellefondum, qui de Luco Vintimillio in Archiepiscopatu Parisiensi successit, scriptum fuerat.

Sequenti anno 1748 idem Parlamentum hanc Sedi Apostolicæ *Sapientissimæ* & Benedicto XIV confessionem edidit, tam Illustri senatu sane *Præstantissima* dignissimam: *Ecclesia Gallicana omni tempore demonstravit, quod inviolabiliter adhaereat Cathedræ S. Petri, centro unitatis, illique Ecclesiæ, in qua traditio Apostolica perpetuo est conservata. Veneratur in persona Papæ Vicarium Christi & caput visibile Universalis Ecclesiæ: qua veneratio novum a-*

Paris X.

G g g

apit

capit incrementum a virtute & profunda sapientia Pontificis, qui bodie adeo digne replet Sedem Apostolicam.

Quæ vero Parlamentum inter & Episcopos, qui suspectis de Janfenismo aut Quesnellismo sacramenta negarunt, ultimis his annis ortæ sint Controversiæ, notius est, quam ut narrare necesse sit.

Art. X.

Observationes de Charactere Janfenistarum, & Quesnellistarum.

141.

Janfenistæ, ut in Catholicorum animos fraudulentius blandiusque illaberentur, rejecerunt plures abhorrentes Calvinii propositiones, uti, quod Deus sit auctor peccati, quod figurate duntaxat Corpus Christi sit in Eucharistia, quod duo solummodo existant sacramenta novæ legis, quod Missæ sacrificium sit abominatio, cultus sanctorum & invocatio idololatria, quod nullum detur purgatorium, quod Papa sit Antichristus.

Effigies Jan-
senist.

Quin imo, disciplinæ rigorem zelumque præferentes, ferventes Catholicos simulabant, agnita ad speciem Hierarchia Ecclesiastica. Unde in hominum cœtus, sæminarum maxime, & Religiosas domos teste sese insinuantes, pietatis specie fallunt multos.

Scribere litteras, libellos spargere, criminari, quos adversarios habebant, aut habere putabant, Semipelagianismi, laxitatis, corruptæque morum doctrinæ accusare, illis solenne. Errores suos Augustini esse doctrinam, ab Ecclesia approbatam, mentiuntur. Quinque propositiones Janfenii publice damnant, clam in corde retinent, & quantumvis obsequens silentium promittant, ubi ubi dat occasio, easdem disseminant; summorum Ecclesiæ Antistitum Constitutiones eludunt, geminum aspectabile caput comminiscuntur, tergiversantur, effugia quærunt, ad altius tribunal provocant, Sedem Apostolicam per sæculum integrum cum umbris & phantasmatis depugnasse criminantes.

Coram populo sanctimonie famam affectare, attenuata coma, talari veste, diuturna in templis genuflexione uti, inter loquendum frequenter oculos ad cælum erigere, trahere suspiria, delaxitate & abusibus ingemiscere, illis consuetum; cum tamen, ut in tot famosis libellis obsequiosum eorum silentium altum clamat, pleni

pleni sint superbia, arrogantia, fastu, invidia, odio, maledicentia, calumniandi convitiandique libidine, culicem excoriantes, camelum autem glutientes, lupi in vestimentis ovium, Pharisæica turgentibus hypocriti, toti ad fallendum compositi.

Collatio are non modico emissarios alunt, qui venenum per provincias incautis instillent, donec paulatim corde receptum Catholicas de sacramentorum usu, prædestinatione, gratia, libertate, morte Christi, veritates extinguant. Initio quidem meram pietatem & devotionem spirant, sensim vero de caelesti illa sua & terrena delectatione victrice dicere exorsi auram pestilentem afflant. Exemplo esto Joannes Vergerius Abbas Sancyranus, Jansenistarum præcursor, dicere solitus: *Secretum meum mihi propter metum Judæorum*, illud solum in Calvino arguens, quod causam quidem bonam propugnasset, nimis tamen aperte de illa locutus fuisset.

Et quantus in eis contradictionis Spiritus! Quesnellus decedit, quod quis sine periculo perjurii formulæ Alexandri VII absolute subscribere possit, & condemnare 5 propositiones in sensu Jansenii, quamvis non credat, eum esse sensum Jansenii. An sic loqui possunt, qui tantos clamores excitarunt contra æquivocationes & restrictiones mentales? an sic ludendum cum juramentis, & quidem in materia dogmatica?

Alias vero (*in litteris Episcopi ad Episcopum*) idem Quesnellus scripsit, a 30, aut 40 annis nihil esse actum, nisi ut extorquerentur perjuria, mendacia, falsa juramenta, hypocrises. An hæc concordant? libellum Gerberoni contra Card. Noall. nunc mirifice dilaudat, nunc criminatur: nunc cognitum sibi auctorem, nunc incognitum dicit, calidum & frigidum uno ore efflans; prout nimirum res ejus exigebant, & contradictionis spiritus impellebat.

Dicunt Jansenistæ, quod Christus pro solis prædestinatis sit mortuus: simul tamen dicunt, quod pro omnibus sit mortuus; quia sanguis ejus fuisset sufficiens pro omnibus, si voluisset pro illis mori. Quanta contradictio? condemnarunt 5 propositiones tanquam hæreticas; & tamen in variis scriptis illas defendunt.

Credunt, mandata Dei quandoque justis observatu esse impossibilia. Simul tamen etiam dicunt, quod illa semper possint observare; sed hanc potentiam esse similem potentiæ equitandi sine equo. Quanta ludificatio!

Credunt cum Jansenio, gratiæ resisti non posse. Simul tamen sæpe asseruerunt, semper illi resisti posse, si homo velit. Quando

urgentur, admittunt gratiam sufficientem, in sensu tamen, ut ajunt, Thomistarum acceptam. At simul dicunt, gratiam sufficientem Thomistarum re ipsa non esse sufficientem, eamque ceu Chimaram explodunt.

Quesnellus protestatur, se inviolabili nexu addictum esse S. Sedi ejusque Apostolicæ authoritati. Simul tamen integros in Pontifices convitiis torrentes effundit, eorumque Constitutiones & mandata refractarius deridet.

Antonius Arnaldus, antequam a Sorbona condemnaretur, coram Deo fuit protestatus, quod se subiciat judicio Sorbonæ suæ matri. Postquam autem fuit ab ea condemnatus, protestatus est aperte contra illius judicium.

Antequam 5 propositiones fuerant damnatæ, a Jansenii sectatoribus Romæ & Parisiis habebantur pro Jansenii doctrina. At post condemnationem non amplius erant Jansenii. Postquam autem ostensum ipsis est, eas contineri in libro Jansenii, obtendebant, eas fuisse damnatas in sensu Calvini, qualis nequaquam fuisset sensus Jansenii. Jansenius asserit, doctrinam de gratia ante S. Augustinum fuisse Ecclesiæ incognitam, post S. Augustinum vero Ecclesiam per 500 annos in errores circa gratiam rursus fuisse prolapsam, usque dum a se rursus fuerit restituta. Confitetur igitur, se 500 annis incognitam introduxisse in Ecclesiam doctrinam.

Quando illius liber illatus fuerat Flandriæ ac Franciæ, inflammavit illico discordias in Universitatibus, Communitatibus, familiis. Quapropter 88 Episcopi Galliæ librum Pontifici denuntiaverunt. Decem anni, inquebant, lapsi sunt, ex quo liber posthumus Jansenii gravissimas in Francia turbas concitavit. Postquam autem Urbanus VIII & tot alii Pontifices doctrinam libri condemnarunt, omnes Episcopi secuti sunt. Novella igitur fuit illa doctrina, & contraria veritati, apud corpus Pastorum deposita.

Dixit Lutherus: *Augustinus meus est*; Wiclefus: *meus est*; Calvinus: *meus est*; Jansenius: *meus est*. Audiant novi S. Augustini Discipuli, quid S. Augustinus ad Julianum scribat: *redite ad nos: vos non estis nati de parentibus, qui id crediderunt, quod vos docetis: sed estis regenerati in Ecclesia, quæ contrarium credit.*

Jansenius opera sua publice subjecit judicio Sanctæ Sedis. Judicavit ergo, hoc judicium præferendum esse persuasioni suæ, quæ credebatur, doctrinam suam esse conformem S. Augustino, aut saltem,

tem, S. Auguſtinum potuiſſe decipi. Si Janſeniſtæ credunt, hanc Magiſtri ſui ſubjectionem fuiſſe ſeriam, imitentur: ſi fraudulentum deceptorem judicant, eum deteſtentur.

Quando Janſeniſtis obijcitur, quod impugnent Conſtitutiones Apoſtolicas, reſpondent, id a ſe fieri ideo, ut ſiſtantur querelæ Calviniſtarum. Mira ſane eorum, qui Catholici haberi volunt, reſponſio! Vellent, Romæ Bullam cudi, quæ ſit ad guſtum Miniſtro- rum Genevæ, & Amſtelodami. Grande paradoxum! ne murmurant hæretici, prætenſi Catholici cum illis murmurant contra Conſtitutiones Catholicæ Eccleſiæ.

Jam ipſe Janſeniſtarum fundator in Gallia Abbas Sancyranus ſcripſit: *Bene ſenſit Calvinus, male locutus eſt* (in materia de gratia & libero arbitrio.) Commiſſi equidem inter ſe Arnaldus, & Petrus Jurius, ille Janſeniſtarum, hic Calviniſtarum. Calypha, vehementer rixati ſunt, ut patet ex libro, quem Jurius de *Spiritu Arnaldi* ſcripſit; de nomine tamen (in quantum ad materiam de gratia) potius, doctrina quam de re ipſis erat contentio.

Quam abominandum utriuſque partis ſyſtema de Deo I derelinquit, abdicat juſtos, quamvis omnes vires ſuas impendant, ne eum offendant. Facientibus, quod eſt in ſe, denegat gratiam. Præcipit ipſis res impoſſibiles. Damnât ad æternos ignes, quod non fecerint id, quod facere non poterant ex defectu auxilii. An benigniſſimi & miſericordiſſimi patris, an vero tyranni hæc idea eſt? hæccine reverentia, quam mens Chriſtiana Deo O. M. debet?

Sine gratia omnis conatus reſiſtendi malis inclinationibus eſt inutilis & fruſtraneus, imo ipſe conatus eſt impoſſibilis: cum gratia vero impoſſibile eſt, tentationi ſuccumbere: habere gratiam aut non habere, nullo modo dependet a nobis. Si hæc tria Janſeniſtarum principia ſubſiſtant, quid ſupereſt, niſi ut in peccato tranquille vivas, & gratiam patienter exſpectes? Vana eſt omnis exhortatio, vana comminatio, quamdiu non habes gratiam *viſtricem*; & quando adeſt hæc gratia, ruruſus vana eſt exhortatio & comminatio; nam etiam ſine illa neceſſario te convertes. Cum gratia omnia ſunt neceſſaria, ſine gratia omnia impoſſibilia, nec ullo modo tuæ eſt poteſtatis habere vel non habere gratiam. Quid ergo facias, niſi ut curram ſuo permittas curſui, & fatum tuum otioſus exſpectes?

Si Christus pro me non est mortuus, quid creatio mihi prodest, nisi ut me relinqueret in massa perditionis? si Christus pro me non magis oravit, quam pro salute diaboli, ut inquit Jansenius, desperata sunt omnia. Ad quid ergo præceptum amoris? ad quid observatio mandatorum? ad quid cura salutis? inutilia sunt hæc omnia, imo impossibilia.

Lupi sub
ovina pelle.

Vah detestandas consequentias, quæ ex talibus principiis pleno alveo fluunt! ne tamen nimis aperte in oculos incurrant, oportet eas obvelare larva severitatis. Laxam disciplinam deplorant; cum tamen nemo magis illam inducat, dum doctrina sua abominabili curam salutis extinguunt, observationem præceptorum impossibilem faciunt, libertatem arbitrii tollunt, confessionis & communionis usum penitus ferme convellunt, atque peccatores in lethargum præcipitant.

Hinc videas ipsa etiam factionis capita, quamvis externo rigore & affectata morum severitate multos decipiant, & in calles suos pertrahant, levato tamen velo vitiorum, superbix maxime, sordibus fœtere.

Certe de Jansenio Abbas ad S. Germanum, primus Reginx Mariæ Medicæ Eleemosynarius, testis exceptione major, epistolam edidit, in qua inter alia ait, Jansenium Ipresem sibi apprime esse cognitum, cumque omni veritate se posse dicere, quod nunquam viderit hominem magis superbum fastuque turgidum, quigloriosius de se ipso, & contemptibilis de aliis senserit, iis præsertim, quos umbram sibi facere putarat. Contra Regem Franciæ & Hispaniæ gravissimas ab eo disseminatas calumnias. Ecce ideam primi Sancti tam sancti Ordinis!

Sancti Jansenii.

Libri Arnaldi pleni sunt atrocibus injuriis. Convictus sæpe fuit de mala fide, totus ad fallendum compositus. Obiit rebellis Ecclesiæ ac Regi suo; prout etiam Quesnellus. Inventum est inter scripta Monialium Portus Regalis Calendarium, cui cum Abraham, Jeremia, Elia, Amos, & aliis quibusdam, soli inserti fuerant *Sancti Janseniani*, uti Jansenius, S. Cyrano, Arnaldus, mater Angelica, cum infante trium annorum, quem nominabant Infantem Portus Regalis.

Calumniandi libido.

Quanto furore & calumniandi libidine Jansenistæ insurrexerint adversum Patres Societatis Jesu, ex infinitis eorum famosis libellis constat. Sed quid hoc mirum? impune istos laceSSI posse credebant. In ipsos summos Pontifices, Regem suum, Episcopos, omnemque Ord-

Ordinem Ecclesiasticum petulantes linguas & calamos acuebant. An sic debacchati sunt Apostoli?

Jansenistæ nunquam voluerunt accenseri Calvinistis, ne quidem in materia de gratia, quin imo illos tanquam teterrimos hæreticos sunt detestati. Sed audiamus aliquot Calvinistas hac de re loquentes.

Et imprimis quidem Drelincourt, famosus Præco, in *Responsione ad Landgravium Hassiæ* p. 340, Videtur, inquit, quod Jansenismus sit hæresis abominabilis; sed non est ita: purum continet Evangelium de gratia Dei, quam prædicarunt Paulus & Augustinus. Calvinistæ in pluribus.

Lambadius vero Minister Genevensis, qui antea fuerat Jansenista, in epistola, ad Jansenistas scripta, sic loquitur: doctrina de prædestinatione & gratia, prout illam Jansenius explicat, est pura doctrina Ecclesiæ Reformatæ: & quantumcunque laborarint, ut discrimen assignarent, in substantia tamen doctrinæ nullum invenerunt. Non igitur opus, ut Jansenistæ se uniant cum Reformatis, sed tantum ut declarent, quod re ipsa jam sint.

Suscipio defensionem eorum, qui adhuc sunt uniti externe Sedi Romanæ (inquit Samuel Marezius Professor Theologiæ Gröningæ in *Compendio veræ & Catholicæ doctrinæ de gratia*) non enim solummodo agitur causa Jansenistarum, sed etiam Reformatorum; quia circa negotium 5 propositionum sequuntur eandem opinionem. S. Augustinus æque est noster, ac Jansenius facit suum.

Nos agnoscimus eandem impotentiam faciendi bonum in statu naturæ corruptæ: eandem efficaciam & infallibilitatem gratiæ medicinalis, præparatæ per Divinam prædestinationem: illam admirandam concordiam necessitatis & libertatis actionum humanarum. Negamus pariter, Christum pro omnibus mortuum esse. Verbo: omnes 5 propositiones nostræ sunt.

Certe Heroes vestri (sic alloquitur Jansenistas) monstrarunt suam debilitatem, quando conati sunt ostendere differentiam. Si dici potest, quod idem non sit idem, poterit dici, quod vestra doctrina non sit nostra. Solus timor pœnarum vos impellit, ut sitis proditores veritatis, & negetis, vos esse id, quod estis. (*Marezii apol. pro defens. S. August. contra Papam & Jesuitas.*)

Accedit Henricus Hottinger Minister & Professor Tigurinus, qui in sermone impresso Jansenistas ita sollicitat: si vestra doctrina subsistit, Papatus non potest subsistere. Si agnoscitis auctoritatem Papæ, actum est de vobis: supprimentur vestra scripta, evellentur plumæ,

plamæ, obturabitur vobis os. Ipsi judicate. An non impugnatis Jesuitas ceu Pelagianos? an non utuntur Jesuitæ armis Pelagianorum, ad vos debellandos? verum an aliam Jesuitæ habent doctrinam, ac Concilium Tridentinum? an aliter sentiunt ac Papa? an non Papa & Jesuitæ sunt corpus unum & anima una? (*Hotting. l. c.*)

Cæterum jam olim Janfenius Episcopus, Vergerius Abbas, Arnaldus successor, Quesnellus magnus Ordinis Janfenistici Prior, ejusque Discipuli, nihil intentatum reliquerunt, quo sub specie sanctæ sanæque doctrinæ venenum suum poculo inaurato propinarent, fraudibus non tantum occultis, sed apertis etiam mendaciis in hanc rem usi; quæ inter fuit, qua impudenter vulgaverant, Quesnelli Reflexiones Morales in Novum Testamentum Delphino probari, eumque illarum protectorem fore. Sed integerrimus Princeps publico scripto commentum palam detexit.

Crimen falsi
contra Bos-
suetum.

Sed, qui semel depuduit, deprehensa licet manu in sacco, ad alias mox fraudes dolosque convertitur. En aliam stropham, suis auctoribus dignam! Benigno Bossueto doctissimo illi Meldensium Episcopo, ut ejus suffragium elicerent, aliquas ex Quesnelli propositiones obtulerant, quas ille innocentes declarasse fertur. Mox illi, quod totum opus approbarit, jactarunt. At Bossuetus fraude detesta, approbationem suam revocavit, librumque Quesnelli tot scelere erroribus asseruit, ut corrigi non possit. Janfenistæ nihilominus, (sed primum post mortem ejus) testimonium aliquod in favorem suum produxerunt, nulla omnino revocationis & suæ fraudis facta mentione. Quesnellus modo laudat Bossuetum, modo nullius authoritatis, nullius judicii, nullius prudentiæ, ut propheta in utramque partem claudicans, ab eo traducitur. Approbatores nempe libri Quesnelliani omnes sunt doctissimi; quicunque improbant, rudissimi.

Verfälscht.

Dum Alexander VII 28, & Innocentius XI 65, nimium laxas propositiones damnarunt, *os Domini fuit locutum.* At vero dum idem Alex. VII 5 propositiones Janfenii, & Alex. VIII 31 Janfenizantes profligarunt, justitia illico Romanum tribunal deseruit; Consultores erant rudes, inepti, malis affectionibus inducti; tunc Galli Judices deposebantur, tunc ad Generale Concilium appellabatur.

Restriktionen mentales vehementer accusabant, & tamen ubi res ipsorum agebatur, tam enormes usurpabant, quas nec laxissimus Casuista admitteret. Licitum esse dicebant damnare 5 propositiones in sensu Janfenii, licet in mente contrarium credatur. Catholicos simulant, ne Beneficiis & Officiis priventur, aliasque penas incurrant,

incurrant, Prædeterminationes physicas, ut orthodoxi videantur, obtundunt, quas cum Lignio stultitiam, cum Witte nequitiam quorundam Pseudo-Thomistarum appellant.

Quas non fraudes, quas non machinas adhibuerunt Quesnellistæ, ut Episcopos, ut Sorbonam, ut alias Universitates ab acceptanda Constitutione retraherent! quam vane quamque falso de magno Episcoporum numero sunt gloriati; quasi vero non multo plures Ario, Eutyebi, Monothelitis adhæserint. Quot Africæ Episcopi cum Cypriano Stephano Papæ & veritati se opposuerunt! quod igitur studiose magnaue vafritie Jansenistæ id egerint, ut semper aliquos Episcopos in partes suas aut patrociniū malæ causæ pertraherent, nihil alienum ab aliis fecerunt sectariis, qui adversus Ecclesiam frontem obdurarunt.

Habet hoc quippe tum omnis hæresis, tum maxime Janseniana, Prothei instar in omnes formas se transmutat; jamque sub larva pietatis, & zeli pro disciplina, in Gynecæum se insinuat, & more, jam olim Pelagianis & Priscillianistis familiari, per mulierculas venenum spargit: jam sub specie doctrinæ Patrum, maxime Augustini, incantos salit; jam per calumnias, dolos, factiones, aliasque malas artes agit cuniculos, ad subvertendos incautos: atque in eam rem infinitos libellos famulos dispergit, quibus suos in cælum extollit, ceu viros doctrina, religione, integritate summos, eorum vero, quos adversarios habet, aut habere existimat, non charitatis, non justitiæ, non conscientie habita ulla ratione, famam lacerat, ridendosque conatur proponere.

Sed quid mirum, eos spiritu vindictæ accensos, in homines sibi obstitentes, ut Lutherus olim & Calvinus fecerat, maledictis & calumniis furere, cum in ipsum cælum os impium sonant, & sanctos Dei cælestes contumeliis laceffant. Cultus Sanctorum, quo Ecclesia Sanctos colit, est ipsa spina in oculis: in ipsam adeo sanctissimam Virginem Matrem Dei, quam Angelus gratia plenam, Elisabeth benedictam in mulieribus, prædicant, virulentam linguam exerunt, eique præconia, ab Ecclesia & SS. Patribus attributa, invident.

Quippe Auctor *Instructionis salutaris B. V. Mariæ ad suos devotos indiscretos*, ait: *Mariæ non debet appellari Mediatrix, Advocata, Mater Injurii in misericordiæ, neque ornandæ sunt ejus imagines, aut altaria.* Quis non B. V.

Par: X.

H h h

videt,

videt, quibus ex fontibus hæc profluant. Hæreticorum jam olim hæc lingua fuit, & hodieum est, ex quibus Jansenista eandem hausit.

At velit nolit, nos cum Ecclesia Catholica invocamus Mariam, Reginam cæli, Mediatricem nostram, Advocatam nostram, ut pro nobis intercedat apud Filium suum Divinissimum, qui est principalis ex propria excellentia Advocatus noster apud Deum, & Mediator inter Deum & hominem. Maria est advocata nostra apud Filium, Filius apud Patrem. Per Filium, Mediatorem & Advocatum omnipotentem habet Mater, ut sit Advocata, ut sit Mediatrix secundaria, potens tamen, quia est Mater Dei. Est Mater Christi: ergo Mater Misericordiæ. Est honor Filii, quod Mater sit Virgo potens, Virgo clemens. Gaudet Redemptor Filius, quod Mater sit refugium peccatorum, Consolatrix afflictorum. Non soli Joanni, mihi quoque pendens in Cruce Filius Matrem dedit: ecce Mater tua, ecce Filius tuus!

Salve Regina, Mater Misericordiæ! Eja ergo *Advocata* nostra illos Tuos *Misericordes* oculos ad nos converte! Ora pro nobis peccatoribus! Oro, ut ores. Oro Jesum Christum Filium Tuum Deum omnipotentem, gratiarum omnium fontem, ut misereatur mei peccatoris: sed oro insuper, ut Mater Dei, ut Mater fratrum Christi, ut Mater Misericordiæ, Mediatrix mea, Advocata mea, mecum ores ad Thronum Gratiae.

De cultu
Imaginum.

Oratio hæc Patrum & Clientum Mariæ ingratum baud dubie melos est in auribus Jansenistæ; qui Matri Dei etiam ornatum Imaginum & Altarium invidet. Sed cur invidet? quia cum Iconoclastis, cum Calvinistis, cum Zwinglianis sentit, contra id, quod sensit, sentitque Ecclesia. Regem colis in ejus imagine: parergis istam exornas: in honorem Regis cedere existimas istum ornatum. Accipis a Rege epistolam: reverenter excipis, oscularis, asservas, manum Regis osculari te credis. Matrem Dei aut alios sanctos in effigie colimus, cultus in sanctum, in cælis cum Christo regnantem, tendit: cultus coram imagine exhibitus, in illum tendit: illum rogamus, ut pro nobis Deum oret. Ab imagine nihil speramus, nullam in ea collocamus fiduciam, nihil ab ea petimus; ut tamen honorem & cultum erga sanctum externe etiam exhibeamus, imaginem exornamus, in altari collocamus. Quid hic jure vituperes? imo quid non laude dignum? an Ido-

la hæc esse quisquam existimare queat? absit. Ethnici aut ligna aut lapides adorabant ac cultu latriæ adorabant, aut per imagines aut statuas proposita falsa Numina, ut Jovem aliquem aut Mercurium. Nos neque adoramus seu cultu latriæ colimus imagines Sanctorum, neque repræsentatum per illas aliquod Numen.

At Sanctis in cælo, inquit Jansenista, non alius deferendus est honor, ac justis in terra; sed hic civilis duntaxat est atque politicus, qualis etiam magnis, quos æstimamus, viris, ut Regibus & Principibus deferitur, at vero cultus, qui sanctis deferitur, sacer est & religiosus.

Resp. ita est, religiosus est hic cultus, sed cultus *Dulæ* solummodo, qui deferitur Sanctis reliquis, & *Hyperdulæ*, qui deferitur B. V. Mariæ; quorum uterque est longe inferiori gradu, quam cultus latriæ, qui soli Deo, supremo omnium Domino, debetur, ac deferri debet.

Sed ecce, quem honorem Sanctis Jansenistæ deferunt, quos solenni Apotheosi Ecclesia sanctos declaravit! duo tantummodo exempla afferro. *Franciscus Salesius*, inquit Hennebel *Thest Theol. rum.* an. 1680 edita, infelix fuit error *Semipelagianorum*. Item: *Joannes Capistranus* canonizatus est ab *Alexandro VIII*, sed ejus doctrina non est propterea minus perniciosa, & si dubitemus de ejus sanctitate, non erimus propterea minus Catholici. Ex quibus sane videmus characterem Jansenistarum, qui Ecclesiam & ejus sanctos tantopere contemnunt. Illud denique ex dictis hactenus nimium quantum liquere arbitror, quam falso quidam dicant, nullos in mundo esse Jansenistas, cum nemo 5 propositiones Jansenii defendat, in reliquis autem omnes cum Ecclesia consentire.



CAPUT V.

Status Hispaniæ
SÆCULO XVIII.

Art. I.

Fœderati Archiducem ducunt in Hispaniam. Occupata Gibraltaria. Favent Catalauni. Obitus Darmstadii. Occupata Catalaunia, Valentia & Arragonia a fœderatis.

143.

Cum magni per orbem Principes, qui iudicem in terris non recognoscunt, vix alio, quam jure gladii controversias suas soleant definire, Cæsar Gallusque Hispanicam quoque de jure hereditario litem eodem arbitro decidere sunt aggressi; & initio quidem in Italia & Germania exarsit incendium: dein vero in ipsam etiam Hispaniam est propagatum.

Et quoniam totius Europæ hoc erat bellum, aliis remissis alio, quæ Hispaniæ sunt propria, hic breviter exequemur.

Magaum Fœdus.

Flagrante bello in Italia, Germania, & Belgio, Philippus Augustus Dux quiete fruebatur Hispania ad annum usque 1703, quo Angli & Batavi, sero experti, quantopere per partitionis tractatum essent a seipsis delusi, inito cum Cæsare fœdere, atque in illud Lusitano quoque assumpto; petierunt ab Imperatore, ut Carolum Archiducem quantocius in Hispaniam mittat, ubi ab iis, qui Austriacæ genti adhuc essent addicti, avide expectetur.

Melgarus,

Certe Melgarus Comes, Castiliæ antea Almirantes, præcipuus post Portocarerum regni Administrator, quod Regiæ Austriacæ videretur addictior, aula motus est, specie Legationis Parisiensis. 50000 duplionum ex ærario instructus, collectis domesticis rebus suis pretiosis, reductisque in pecuniam bonis, lætus suscepit provinciam, assumpto e Grandium ordine & nobilitate 500 capitum comitatu; 400 mulis, omni opum genere onustus iter iniiit.

Et Oropefa
secedunt.

Quin Lutetiam pergeret, nemo dubitabat. At ille sentiens pedicas, a cursore, quem in id subornaverat, citatis equis advolante, accipit epistolam, velut a Regio Consilio scriptam, qua jubeatur, dilata tantisper prosecutione Parisiensi, apud Regem Lusitanæ prius Legatione

Legatione fungi, eumque in partes Gallicas pertrahere. Quo commento totum Comitatum opesque Olyssiponem traduxit. Nec diu post secutus Oropeſa. Uterque vero apud Cæſarem inſtitit, ut Archiducem quamprimum in Hiſpaniam mittat.

Georgius interim Darmitadius patentes ab Archiduce litteras per Hiſpaniæ urbes ſpargere, pacatum & ſuave Auſtriæ regimen extollere, animare torpentes, atque ad excipiendum Carolum Regem ſuum hortari.

Igitur Cæſar 12 Sept. 1703 præſatus, Hiſpanicæ Monarchiæ ſe unum legitimum eſſe hæredem, jus ſuum in Carolum Archiducem tranſtulit; Joſepho Rege jure ſuo pariter ſe abdicante. Mox Carolus, a Legatis, Anglo, Batavo, Boruſſo, Moguntino, Hannoverano, Mutinenſi Rex Hiſpaniarum ſalutatur. Pontificius, Polonus, Danus, Venetæus, Florentinus, vario prætextu abſuere. Pontificio valetudinem excuſanti aulæ aditu interdictum.

Carolus ſalutata devote Cellerſi Virgine, lachrymante Vienna itineri ſe dedit, magno honore exceptus a Saxone, Palatino avunculo, Batavis. 20 Novemb. Haga ſolvit, in Angliam trajecturus, ſed tempeſtate Roterodamum rejeſtus, horribili procella in omnia littora ſe effundente, per duos ferme menſes ſecundos ventos præſtolari cogitur. Denique 6 Jan. 1704 conſenſa rursus navi, Londinum vela fecit, ubi ab Anna Regina totaque Natione Anglicana regio honore eſt exceptus. Carolus in Hiſpaniam.

Sexta, quam venerat, die Portſmuthii, Roockio Archithaſſo, navem conſcendit, ſævaque rursus jaſtatus tempeſtate, futurorum velut prodromo, Olyſſiponem tandem appellitur, omnibus humanitaris officiis cultus: Melgaro & Oropeſa primos inter Regis ſui genibus advolutis.

Tota Luſitania Carolus Rex promulgatur, Andegavenſi vero, ſparſis per Hiſpaniam litteris, dataque tranſituris impunitate, bellum indicitur. Sed præter expeſtationem, quia ab Acatolicis religioni timebant, nemo ſe movit; quod Schombergius Anglorum Dux Melgaro, alia ſpondenti, acerbe exprobravit. Ne autem Ductorum ſimultas communi rei officeret, Regiæ voluntate Gallorum Schombergio ſuccceſſit. Neque is in Luſitania, quem ſperaverant, belli apparatus inventus.

Galli, Hiſpanis juncti, ubi viderunt, Luſitanos magno adverſum ſe fœderi acceſſiſſe, Duce Bervico, Jacobi II Angliæ Regis filio, comitante Andegavenſi, in Luſitaniam, quadripartito agmine irruunt, Salyaterram, Idagniam, Seguram, Pennagarciam,

H h h 3

Ros

Rosmarinum, Montem Sanctum, Mirandam, Castellum Brancum, magna cum præda occupant: rursusque, Batavorum duabus cohortibus casis, Portalegia, Davidium aliaque loca intercepta.

Has ruinas ut fœderati sarcirent, Catalonicam expeditionem susceperunt, consilii veteri gratiæ Darmstadii, qua apud eam gentem, cujus Gubernator fuerat, valebat. Et erant, qui Barcinonem prodere nitebantur: sed eorum consiliis detectis, Velasus Prorox complices supplicio affecti, & Anglorum classem discedere coegit. Lusitano haud æquis oculis id aspiciente, qui a Regno suo bellum amotum volebat.

Gibraltar
cepta.

Sed animos erexit nuntius de Gibraltaria, insigni ad fretum Gaditanum munimento, quod male custoditum, Anglo-Batavi quatruidi spatio expugnarunt, magno etiam in futurum Catholica rei præjudicio. Darmstadius urbi præfectus; cives vero, alienæ religionis homines exosi, passim dilapsi sunt. Locus ipse alioquin & situ & opere egregie munitus, novis operibus, centum tormentis, omnique adversus quamcunque vim apparatus fuit comparatus.

Constructa fuit hæc urbs ad pedem Calpis, rupis præaltæ, cui arx ad defensionem urbis, alioquin munitæ, est imposita. Petra ipsa tanta est duritie ac soliditate, ut cuniculi agi non possint. Ad latus petræ alia adhuc munitio visitur, cujus præsidio naves in portu adjacente secure consistunt.

Doluit vehementer Hispanis jactura tanti loci, qui invincibilis videbatur, nihilque non egerunt, ut hanc freti Herculei clavem, tam leviter amissam, reciperent. Villadariam cum quindecim millium exercitu, & Pointium cum classe mittunt, qui urbem terræ marique oppugnent. Certamen navale commissum geminum: primi anceps erat victoria: altero Pointius cum classe Gallica a Leako Anglo est profligatus. Villadarias vero, postquam Darmstadius trium millium præsidio auctus est, semestrem obsidionem solvere coactus fuit. (1705)

Anno 1710 Gallo-Hispani ad oppugnationem redierunt: sed eventu æque infelici. In pace Ultrajectensi Gibraltaria Anglis fuit relicta. Sed cum Hispani tanti momenti urbem, arces, propugnacula, portumque, in ipso Hispaniæ fundo sita, in alienis manibus hære ægerime cernerent, anno 1727 oppugnationem rursus, sed frustra, tentarunt.

Ex.

Expugnata Gibraltaria deliberatum inter fœderatos, quo arma essent vertenda. Difficilem sententiam fecit horror Hispanorum ab Anglis & Batavis, quibus ferme solis, præter Lusitanos, Caroli Archiducis exercitus constabat. Nutriebant sedulo augebantque eam aversionem sacri in templis oratores, instantia Religionis pericula exhibentes: rem plenam esse discriminis, ab hæreticis Hispaniæ dari Regem Catholicum: quid facilius, quam stabilem illis sedem concedi, quibus regnum debeat, sensimque religionis integritatem fervoremque intepestere? Id genus concionibus effectum, ut etiam, qui Austriacam gentem, & Carolum, insignem probitate, regiisque virtutibus ornatum Principem amabant, Protestantibus tamen cinctum averfarentur.

Diversa a cæteris Hispanis Catalaunorum erat conditio. A Castellanis omni ætate erant alieni; atque hoc ipso, quod Andegavensis partes illi amplectebantur, in contrarias concedebant. Invitant igitur ultro Darmstadium, veterem suum gratumque Gubernatorem, veniret cum armato milite, se officio suo, ut Barcino tradatur, non defuturos.

Decernitur itaque Catalaunica expeditio. Advolant cum classe Anglo-Batavi. Confluit ad Archiducem multitudo, eumque prona Regem salutat. Bis mille agrestes armantur. Jovia primum arx Barcinoni propinqua capta, in cujus oppugnatione occubuit *Georgius Darmstadiensis* Landgravius, magnum hæctenus rei Austriacæ in Hispania columen, sœra Catholica jam ante cum tribus fratribus amplexus. At nihilo remissius institit *Petroburgus*, Ductor Anglus. Cir aciolus arcis Præfectus ruina muri cum aliis sepultus. Ad urbem ipsam Barcelloenam mox conversa oppugnatio, quam Velasclus Prorox deditit. Arcis & urbis fatum acceleravit bolis ignita, in pulveris nitrati cados incidens.

Obitus Darmstadii.

Barcinocæpta.

Interea, dum hæc ad Barcinonem a Fœderatis strenue geruntur, *Miqueleti* (agrestium ad Pyrenæos levis armaturæ genus, sed bello admodum utile) totam Catalauniam, alias pronam ad Carolum adduxerunt: intercepta primum Lerida, dein Tortosa, Gerunda, Tarracona. Magna sui parte accessit Valentia, & Arragoniæ regnum. (1705)

Cum Catalaunia, Valentia & Arragonia.

Art. II.

Galli obsident Barcelлонam, sed repelluntur. Fœderatorum discordia. Carolus Madriti Rex proclamatur. Sed brevi recedit. Pugna ad Almanzam. Arragonia & Valentia recepta.

143.

Barcello-
nae
obsidio

Soluta.

Sequenti anno Philippus ipse, Thesseo Ductore, cum Gallo - Hispanis Madrito in castra egressus, Barcinonem obsidet. Quia autem a ruinis necdum erat reparata, & modicus præsidio miles, magnopere suavum est Carolo a suo Consilio, ut urbe egressus tanto discrimini se subducatur. At ille moriturum se potius, quam suos Catalaunos deserturum contestatus, flagrantia jam alias populi in se studia amoremque tantopere accendit, ut omnis ætas sexusque ad Regem suum defendendum accurreret: quin ipsa adeo Religiosorum hominum cœnobia phalanges suas emisserant. Quadringenti eorum gladio accincti ad saccos suos, atque ad cucullum galea tecti prodibant; tantaque celeritate & alacritate omnium ope urbs munitur, & defenditur, ut, licet hostis arcem Joviam jam expugnasset, tamdiu tamen ab urbis ingressu arceretur, donec quadrifaria Anglo - Batavorum classis, sub Leackio, Stanhopio, Bingio, & Wafenario, Archithalassis, auxilio accurrens, obsidionem solveret, ingenti cum hostium detrimento.

Tolosæ quidem Comes, ubi comperit, omnes Anglorum ac Batavorum maritimas vires adversum se collectas venire, classem illico Telonem reduxit. Tesseus vero fuga tam præcipiti atque confusa cum milite suo in Galliam per Pyrenæos se conjecit, ut castra relinqueret omni opulencia plena, centum tormenta, clavis non adacta, pulverum dolia 5000, annonæ tantam copiam, qua diu exercitus viveret.

Poterat tunc, si unquam, Austriaca fieri Hispania, si aut fugientium tergis inhæssissent, aut recta Madritum fœderati procurrisissent. Nullus toto Regno Dux Gallus, præter Bervicum ad fines Lusitaniae cum decem milibus agentem. Erat liberata Catalaunia, Valentia in potestate; Arragonia eosdem cum Catalaunis animos gerebat; Castilia, licet inimica, inermis tamen fuit, ducibus & munimentis vacua.

Sed rei gerendæ opportunitatem perdidit Ductorum discordia. Licet enim grandem fœderati haberent exercitum, toti Hispaniæ tunc occupandæ parem; quia tamen ex diversis adeo Nationibus erat

con-

conflatus, Hispanis, Lusitanis, Anglis, Batavis, quot erant capita, tot sententiæ. Quod placebat Gallowæo, Anglo, dis- ^{Ducum} placuit Minasio Lusitano: quod visum Noyellio Hollando, improba- ^{discordia-} bat Petroburgus, omnibus se opponere confectus.

Hac dissensione factum, ut toto hoc bello præclaræ non raro occasiones sint neglectæ, consilia optima suffocata, multæ clades acceptæ, res etiam bene gestæ evanescerent, & tandem in pacem, Gallis optatam definerent. In præsentī vero, dum consultatur, dum disceptatur, ab octava Maji ad quintam Augusti usque necdum convenerant copiæ; datumque Philippo tempus, quo se colligeret, priorque in Castiliam rediret. Suscepta nihilominus denique expeditio Castellana. Salmanticæ Senatus Academicus & Urbanus in Caroli fidem receptus. Cumque Madrito immineret fœderatus exercitus, Philippus urbem, undique apertam, deseruit, atque Segoviam ad Bervicum, qui non ultra novem legionariorum millia habebat, se recepit, duabus non nisi septimanis Madriti a suo ex fuga reditu commoratus.

Carolus vero eandem Regiam, sed tunc ferme vacuam, urbem ingressus, publice Rex est proclamatus, prout etiam in regno Arragoniæ & Valentiniæ factum. Sed alternante fortuna brevis ea gloria fuit. ^{Carolus Ma-} ^{dritem}

Quippe, dum fœderati Duces, dissensionibus distracti, cefatione sua Bervico, quem cum suis novem millibus delere facile poterant, copiis augeri sinunt, omnia prope, quæ feliciter gesta fuerant, sunt retroacta. Excessit Madrito Carolus, subijt Philippus: stabantque mutuo in conspectu, tenui duntaxat fluvio divisi, hi duo coronæ rivales.

Ad prælium res spectabat; verum fœderati, e re non fore rati, si uni fortunæ ictui causam exponerent, satius duxerunt, Castellam inviam deserere, præsertim ubi intellectum, Minasium cum suis Lusitanis, nemine salutato, jam discessisse. ^{Recedit.}

Fugientes insecutus Bervicus, plures Valentiniæ urbes recepit. Quod expeditio tam feliciter cœpta infauftum adeo fœderatis sit exitum nata, variis causis fuit adscriptum.

Prima fuit, quam dixi, Castellanos a partibus Austriæ aversio: non, quod Domum Austriacam oderint, sub cuius mansueto regimine, magnis accessionibus, opibus, gloria, se auctos noverant: sed quia absonum ipsis visum, ab A Catholicis, Anglis nempe & Batavis, regem sibi dari Catholicum. Accesserunt oratorum sacris e ^{Causæ receptæ} pulpitis voces, quibus religionis, tam sancte per universam Hispaniam

spaniam cultæ, discrimina ingerebant. Nec modicum sui cedium inspirabant, dum licentia militari Protestantes in rapinas, expilationes, ædium agrorumque vastationes sunt effusi, sacratis templis rebusque manus injicientes.

Alteram dabat inveterata Castellanorum cum Arragoniis & Catalaunis æmulatio, deque prærogativa utriusque gentis contentio. Cum igitur illi cernerent, tanto ardore istos Austriacas partes amplecti, omnem apud Austriacos gratiam sibi præreptam ominabantur: cumque soli ferme Castellani, Regum apud se præsentia usi, ad præcipua Regni provinciarumque munia hæcenus essent adhibiti, Catalaunos Arragoniosque potiores deinceps fore suspicabantur. Proceribus vero Castellanis altior adhuc hærebat spina. Timebant, ne Rex Austriacus memor sit, a quibus testamentum illud sit procuratum, Gallusque Princeps ad coronam accersitus. Atque inde etiam sacri Præcones instigati credebantur, populusque inflammatus.

Tertia denique causa ferebatur Ducum fœderatorum dissensio, per quam post Barcinonem liberatam omiſſa hostis trepidantis persecutio, Bervico datum spatium augendi quasi per otium copias; quolibet fœderatorum Duçore, relicta rei summa, aut moras neſtente, aut ad peculiare expeditiones pro arbitrio dilabente.

Gallovæ maxime, præſtanti alias duci, ea mora ſecutaque expeditionis, tam bene cœptæ, infelicitas vitio data eſt. At ille in Petroburgum, apud Valentinis æquo diutius hærentem, atque in Luſitanorum ceſſationem, culpam rejecit. Neque tamen moras ſuas ita purgavit, quin jaçtura Hiſpaniæ quinquennio poſt ipſi a Parlamento ſit crimini data. Quidam ſuſpicabantur, hominem origine Gallum, ac propter ſectam exulem, nimis memorem fuiſſe ſuæ patriæ.

**Deliberatio
de pugna.**

Uti ſuperiorem cunçtatio, ita anni 1707 expeditionem nimius pugnandi ardor præcipitavit. Ita nempe medium quoddam eſt, quod bellica etiam conſilia regat. Per hyemem, quam Valentia egerat Carolus, multa de belli ratione ſervebat diſceptatio, atque antiqua Duces inter diſſenſio. Carolus, Petroburgus Angluſ, & Noyellus Batavus ad partorum deſenſionem reſpiciebant. Catalauniam, omnemque prope Arragoniam, Valentiam, partemque Murciae haberi in poteſtate, per unius infelicis pugnae aleam provincias iſtas ſupremo offerri discrimini. Unum haberi exercitum, eumque, quoad equitatum præſertim, non admodum validum: hoc cæſo, ubi alterum ſint naçturi? nequidem ſupplementa per tanta ma-

rium

rium spatia expectari posse. Philippum contra, extracto ex evacuata Italia veterano milite, copiis præstare, semperque ex vicina Gallia novas posse suppetias accersere.

Stanhopius contra, Gallowæus, & Minasius ducendum ex-temple in hostem, pugnaque conferta, antequam augeatur experiundum putabant. Non posse Angliam, Hollandiam, & Lusitaniam immenso sumptu pro aliena Domo æterna bella gerere. Inerti cunctatione superioris anni expeditionem Castellanam penitus fuisse vitiatam: abitergendam hanc labem: redeundum confestim in Castellam, & si hostis se objiciat, configendum. Certamine uno debellari posse. Duobus anno superiore præliis Italiam magnamque Flandriæ partem venisse in manus. Idem in Hispania sperari posse. Expeditionem Neapolitanam & Francicam a fœderatis hoc anno generose suscipi. Num ipsi soli inerti otio torpescerent? necessitate ipsa imperari prællum: exhaustis horreis deficere cibaria, aut famendum igitur aut certandum.

Vicit hæc sententia, Stanhopii maxime importunitate. Itum in ruinam. Gallorum exercitus uno & viginti millibus, fœderatorum sexdecim duntaxat millibus fuisse scribitur. Ad *Almanzam*, Pugna ad
Almanzam. Castellæ ad Valentia: fines urbem, in mutuum conspectum ventum. Acies utrinque instruitur. Hora post meridiem quarta inchoatur prællum. Diu anceps nutat fortuna. A Lusitano equitatu fugiendi initium, fauciat Minasio; qui dextrum cornu regebat, sequente cum suis Gallowæo, qui sinistro præfuerat. Bervicus Gallorum. Ductor plenam reportavit victoriam.

Atque ut cladis magnitudinem æstimes, fœderatorum ad quinque millia in acie ceciderunt. Quinque cohortes Anglicæ, totidem Hollandicæ, tres Lusitanæ, Asfeldio, fugientes insequenti, capivas se tradiderunt. Ex Gallo-Hispanis quatuor millia partim cæsa, partim fauciat. Signorum militarium grandis numerus, impedimenta omnia, Valentia: & Arragonia: regna, cum parte Catalunia: victoria: præmium fuerunt. Atque huc tandem Stanhopii certa fiducia, uno die debellandi, ac finem Andegavensi in Hispania: dominatui imponendi fuit. Bervicus *Grandis Hispania: titulo*, & *Liria*, Valentia: oppido, in Ducatum evecto, a Philippo donatus. Almanza privilegiis & annuis nundinis ornata. Madritum vero anniversariam ejus victoria: diem, ut Vienna liberata: ab obsidione Barcinomis, festam ac solennem agit.

Valentia & Arragonia ad Gallos. & Arragonia urbibus, Catalaunia incolumitatem suam tueri posset. Licet enim Carolus, initio anni 1708 aliquas Italarum & Germanarum copias, interque istas quatuor Palatinorum millia receperat, impedire tamen non potuit, quo minus Dux Aurelianensis Tortosam cum castello Arensis expugnaret.

Stahrenbergius per æstatem & autumnum per virium imbecillitatem signa extra valla efferre non ausus, ineunte hyeme Tortosam, murorum ruinis adhucdum hiantem, astu intercipere tentavit, jamque ope civium quorundam porta effracta pars urbis erat in potestate, cum affluente undique hoste recipere cum suis se coactus est, eventu Cremonensi simili, & jactura utrinque prope pari.

Idem, suis ad Cæsarem Josephum litteris conquestus est, nullam a Tarracone Gibraltariam usque stationem fœderatis superesse: commodissimum Italiæ cum Hispania commercium cum Alicante erectum: tria legionariorum millia apud hostem hæreere captiva: illum Ilorda & Tortosa expugnata jam sui securum, omnem ex Arragonia militem posse deducere: fœderatorum fidem nutare: promissis effectum non respondere. Anglicanam classem trimestri ferme spatio Liburni in anchoris otiosam hæsisse.

Art. III.

Minorica ab Anglis occupata. Pacis ideæ. Præliminaria Hagensia. Dissolvuntur, quia Regi Lud. nimis dura. Prosecutio belli. Stahrenbergii victoria. Sarragossa præmium.

144.
Minorica
capta.

Stanhopius autem hoc anno Balearum minorem, a defensoribus ferme vacuum, facili negotio occupavit. Gubernator Hispanus præproperam deditionem capite luit. Portus autem Magonis, velut jam tum Anglicæ Nationi acquisitus, fœderatorum conjunctionem sauciavit; siquidem Batavi, commerciis suis & navigationibus inhærentes graviter acceperunt eum de Minorica, ab Anglis sibi vindicata, nuntium; jamque ad pacem cum Francia cupidioribus oculis respiciebant, ne Anglicæ majus dominium maris accrescat.

Pacis semina.

Anno 1709 sparsa sunt aliqua pacis semina. *Rovilleus* Voerdæ ad Hollandiæ fines cum Batavorum Legatis congressus, Regis Christianissimi desiderium, Europam in pacem reponendi exponit; cumque

que Batavi eam non alia lege confici posse assererent, quam si Hispaniæ Monarchia, qualem Carolus II reliquit, Carolo Cæsaris fratri restitueretur, Rovillæus, Regem suum ab ea conditione non alienum asseruit: affuturum brevi primi ordinis legatum, qui cum fœderatorum Ministris negotium auspicetur.

Eo nuntio accepto, fœderatorum quisque pacis typum, quem rationibus suis commodum existimabat, adumbravit. Anglia Pro-^{Pacis Systema.} testantiæ stirpis in regno perennem successionem a Francia & fœderatis communi sponcione firmatam volebat, Jacobi Regis filio, quem *Præterdentem* vocant, e Galliæ finibus ejecto. Atque ut Anglicæ navigationi securitas præstetur, Dunkerkæ portum dirui postulant, nulla unquam ætate restaurandum. Oblique etiam jam tum ad Minoricam, & Gibraltariam respiciebant, ut pateret, cui militarent.

Batavi munimenta Belgii Austriaci limitanea, præsidii sua sed Austriæ sumptu insidenda, deposcunt, ut sepimento a Galliæ finibus Batavia sit seclusa. Geldriæ insuper superioris dominatum affectabant, sæpius licet contestati, præter mercaturæ securitatem se nihil petituros.

Austriaco consilio amplior multo fuit deliberatio, qua forma restituenda Monarchia: neque enim acquiescendum putabat, si ad eum, quo sub exitum Caroli II fuit, modulum reducatur: sed restituenda omnia, quæ post pacem Pyrenæam fuerant abstracta. Visum etiam, Austriacæ potius Domus, quam Caroli nomine repetendam Monarchiam.

Ludovicus Franciæ Rex post tot clades acceptas ex tota Monarchia unam Siciliam & Neapolim sibi vindicabat.

Cum igitur quævis belligerantium pars privatum sibi pacis systema format, Haga Comitum deligitur tractationi locus. Anglo-Batavi proferunt suum, quod vocant, pacis *Præliminare*. Cujus hæc est epitome.

1. Rex Christianissimus Carolum III Hispaniæ, Indiarum, Neapolis, & Siciliæ Regem, omniumque provinciarum, ubivis terrarum Monarchiæ subiectarum, hæredem dominumque legitimum agnoscit; efficitque intra bimestre, ut, quidquid in Hispania, Indiis, Belgio, Sicilia Andegavenfis adhuc possidet, abductis copiis, Carolo III tradatur. Ni faciat Andegavenfis, Rex junctis cum fœderatis consiliis efficiet.

*Præliminaria
fœderatorum
Hageniæ.*

2. Rex omnes suas copias ex omnibus Monarchiæ provinciis quantocius avocabit, spondetque fide regia, se nulla auxilia renitenti Andegavensi præbiturum.

3. Tota Monarchia genti Austriacæ adeo sit propria, ut nullus unquam Gallici generis Princeps quamcunque illius partem possideat.

4. A commerciis in Occidentali India Reges Franciæ abstineant.

5. Argentina, Kehla, Brisacum Imperio restituantur, uti etiam decem liberæ Imperii in Alsatia civitates, secundum normam pacis Westphalicæ & Reccessus Norimbergensis.

6. Quidquid est cis aut trans Rhenum munitionum, inde Bafilea Philippoburgum usque, nominatim Hunninga, novum Brisacum, Ludovicium castrum, diruentur.

7. Rhenofelsa sit Hassio-Cassellani, nisi aliter conveniatur.

8. Controversia de quarto Rîsvicensis pacis articulo ad generales tractatus remittitur.

9. Rex Christianissimus Annam agnoscat legitimam Britannicæ Reginam: uti etiam sancitam a Parlamento Protestanticæ stirpis successionem.

10. Quod in *Nova Terra* insula Galliæ fuit, Angliæ cedatur.

11. Dunkerkæ portus & munimenta solo æquantur.

12. Jacobus Stuartus e Gallia migrabit in locum, de quo in pacis tractatu conventum fuerit.

13. Lusitanicæ Rex, quæ cum fœderatis pactus est, quiete possideat.

14. Borussus Rex agnoscat Princeps Neocomensis & Valengini Comes.

15. Batavica Reipublicæ cedantur Furnæ, Knochia, Menina, Ipræ, Warnetonium, Comineum, Poperinga, Insulæ, Tornacum, Condaem, Malobodium, cum suis territoriis, sintque pro limite.

18. Iisdem superior Geldria e 12 Pacis Westphalicæ articulo attribuat.

19. Cæteræ quoque Hispanici Belgii urbes illas restituantur, cum tormentis & penu bellica.

20. Hannoveranus pro Electore habeatur.

21. Ad Sabaudicæ Ducem Sabaudicæ Ducatus, Nicienfis Comitatus, Exilla, Fenestrella, Calvomontium, Pragelensis vallis redeant. Sitque mons Genebræ limes.

22. Ele-

22. Electorum Bavarorum causa ad tractatum pacis rejicitur : quin tamen de Palatinatu superiore aliisque belli tempore a Cæsare alienatis quidquam mutetur.

23. Leodii, Bonnæ, Huyæ Batavica erunt præsidia : dum liud cum Imperatore convenierit. Sitque fœderatis fas, alia adhuc postulare, quæ visum fuerit, quin propterea induciæ rumpantur.

24. Rex Galliæ, mox a subscripto Præliminari, 5 Junii evacua-bit Namurcum, Montes Hannoniæ, Carolo-regium : 15 diebus post Luxen-burgum, Condæum, Tornacum, Malobodium : usque ad 5 Julii Ipras, Furnas, Knockium, Neoportum.

25. Si bimestri omnia effectui data, totaque Monarchia Caro-lo III tradita fuerit, induciæ usque ad absolutionem pacis du-rabunt.

26. Hæc pro basi secuturæ pacificationis serviant, in qua de cæteris cessionibus, renuntiationibus, limitibus, &c. tractabitur.

27. 15 Junii Hagæ Generalis Legatorum Congressus instituitur. Et hoc erat famosum illud Præliminare, quod, quamvis Bor-Dissolvitur, boniæ genti durissimum, verbis approbare visus est Colbertus, Tor-cyl Marchio, Franciæ Legatus : subscribere tamen noluit, eo quod insint quædam, quæ, nisi re prius cum Rege collata, potestatem suam transcendant. Iturum se quantocius Lutetiam, operamque daturum, ut subscribatur.

Rovillæus, alter Ludovici Regis Legatus, negabat, intra bi-mestrem totam Hispaniam evacuari posse : nihil quidem omissum Regem, ut Philippus nepos consentiat, arma vero avum adversus nepotem, sanguinem suum, cum fœderatis conjungere, nimis inhu-manum fore. Sufficere utique, si nulli sit ipsi deinceps auxilio. Sed cum fœderatos in sententia obfirmatos cerneret, & ipse Parisios abiit : omniumque animi in belli prosecutionem versi sunt.

Et in Hispania quidem Carolus artus Catalauniæ angustis velut conclusus tenebatur ; Stahrenbergius tamen audendum aliquid ra-tus, cum ex Hispania avocatos a Rege Gallos intellexisset, *Aqui-lario*, qui Hispanos ducebat, obviam processit ; illo vero prælium detrectante, Balaguerium, munitum ad Segram oppidum, expu-gnavit, tribus Hispanorum cohortibus captis : lætus simul nuntio de Venasquo, non ignobili in Pyrenæa valle oppido, a Pueblæ Co-mite obsidione liberato, cæsis geminato conspectu facile mille ho-stibus.

Belli profectus.

Re Madritum nuntiata, Philippus ipse ad exercitum profectus est. Sed cum Stahrenbergium e munitis castris prolicere non posset, nihil memorabile est actum: nisi quod ex altero Catalauniæ latere cladis aliquid a Noallio, cum 12000 Gallorum Ruscinone adveniente, fuerit acceptum, caeso cum suo agmine Franckenbergio.

Ne majores progressus faceret Carolus, Stanhopius, dubie fidei homo, obstitit: qui geminam Anglorum classem, subsidio missam, cum Archithalassius, Jenningsio & Bingio, Gades abduxit, urbem illam portumque non foederi, sed Anglicæ Nationi vindicaturus, (1709)

Annus 1710 Austriaci felix initium in Hispania habuit, pluribus victoriis nobile, sed tandem deficientibus a foederatis subsidii, & expeditione in Castellam, pertinaciter semper averfam, cum grandi jactura suscepta, minus prospere finiit.

Stahrenbergii victoriæ.

Et quidem Stahrenbergius, summi Imperatoris laudem promeritus, Gallo-Hispanos primum ad *Amenaram* equestri prælio vicit, multis hostium caesis; nec sterilis victoria fuit, compluribus Arragoniæ oppidis in potestatem venientibus. Villadarias, rei male gestæ reus, fasces Bayo Marchioni, non feliciore futuro, cedere debuit: Medinacælius vero Dux, Senatus Princeps, collusionis cum hoste postulatus, Segoviæ primum arctam in custodiam, dein Pampelonam traductus, interiit.

Saragossæ capta.

Altera ad Casaraugustam (*Sarragoßam*) victoria major & plenior fuit, caesis aut vulneratis Andegavensium quinque millibus, reliquis fuga dispersis. Victoriæ præmium fuit Casaraugusta, seu *Sarragoßa*, princeps Arragoniæ civitas, ac pleraque ejusdem provinciæ oppida.

Bayus cum exercitus reliquis ad Castellæ montes, Philippus vero deserto Madrito Vallisoletum se recepit, suppetias ab Avo expectaturus. Petitque, *Vendonium* sibi mitti, qui tutelariorum velut Angelus fuit exceptus.

Art.

Art. III.

Stanhopii malo consilio suscipitur rursus expeditio Castiliana.

Stanhopius captus. Stabrenbergii virtus.

Fœderatos inter victores multa fuit consultatio, quo maxime fructu tantis victoriis uti oporteat. Plerisque visum, trepido fugientique hosti ocus insistendum: profligato milite facile urbes & provincias subactum iri. Quidam censebant, ad Pampelonam (quam Pompejopolim olim dixerè) obsidendam extemplo eundum. Hanc dignum esse victoriæ præmium: ea siquidem in potestatem redacta, ocellum iri Gallis, qua in Hispaniam suppetias veniant, januam.

Neutra sententia Stanhopio placuit: qui Castellam Madritum, que recta petendum statuit; gentis infensæ corpora ferro edomanda, ut animi pervicaces subigantur. Inhorruere ad id consilium, qui pertinacem viri indolem noverant, sapientiores Ductores reliqui. Perdi sic tempus, hostique, ut novis ex Gallia auxiliis exercitum reparat; spatium concedi. Insidam Castellam, & exitiali fœderati nominis odio flagrantem, subtrahentem cibaria aut corrupturam. Neque Madritum aliquid ad victoriam momenti asferre: locum apertum, quam facile subeatur, tam prompte, hoste imminente, deserri. Expeditionem Castellanam, quadriennio abhinc susceptam, satis utique documento esse, commodi nihil, detrimenti autem plurimum inde relatum.

Frustra argumenta. Stanhopius Dictatoria velut potestate professionem Castellanam edicit, secessionem minitatus, ni Carolus sequeretur. Parendum igitur fuit, ne gravius noceret. Ingrediuntur iter fœderati: medio Septembri ad Madritum castra consistunt. Carolus Rex salutatur, urbe jam secundo in fidem recepta. Necquidquam expectatis Lusitanis ultra mensem otiose desidetur. Exesa regione deficient alimenta: MILES in rapinas effunditur. Nec facratis Deo templis a Protestantibus parcitur. Castellani in supremum iusti doloris sensum aguntur.

Imminente cum reparato exercitu Vendomio, & Noallio novas e Ruscinone in Cataloniam adducente copias, Carolus ad eam defendendam ex Castilia rediit, medio Decembri Barcinonem delatus, ubi magno civitatis gaudio fuit exceptus. Secutus brevi exercitus, postquam trimestri spatio, nullo tanti temporis & operæ pretio, Castellam est depastus.

Parç X.

K k k

Cum

Stanhop. vi-
tus captus-
que a Ven-
domio.

Cum inter Duces non conveniret, Stanhopius cum Anglicano suo milite a Stahrenbergio & Germanis secessit, suumque agmen seorsim duxit. Brihuegam, amplum murisque clausum oppidum ingressus, sui que tum maxime securus, a Vendomio, callidissimo Duce, cingitur; cumque incassum defensionem opposuisset, cum octo cohortibus Anglicis, una Lusitana, sex turmis, equis & armis, captivum se dedit, consilii sui de expeditione Castellana fructum expertus.

Pugna ad
Villamvitio-
sam.

Atum erat in Hispania de re Austriaca, si in Stahrenbergium & Germanos eadem incubuisset sive ignavia sive incuria. At ille, accepto de Stanhopii periculo nuntio, reflexo mox itinere, urbe jam fociisque captis supervenit: & quamvis paucioribus esset copiis, cruentum omnino ad *Villamvitiosam* prælium cum Vendomio conseruit. Certatum siquidem utrinque acerrime. Initia pugnae prosperiora erant Vendomio, finis Stahrenbergio favit. Nox prælium diremit. Stetitque ea nocte alteriusque diei parte Germanus in acie. Andegavensium sex millia, fœderatorum tria cecidisse feruntur.

Inter hæc, dum pernicioso Stanhopii consilio miles fœderatus in Castellanam expeditionem abripitur, Noallius cum novo exercitu e Rufcinone progressus, Gerundam (*Gironam*) amplæ ditionis & permunitam Catalauniæ urbem expugnavit; ut adeo, amissis jam ante Ilerda, Tortosa, Lampurdania &c., e magno Catalauniæ Principatu, præter Tarraconem & Barcinonem, parum superesset. Tanto nempe impendio unius hominis importunum pertinaxque consilium stetit.

Stahrenbergius, ad copiarum paucitatem redactus, ducto prælongo vallo, ad defensionem industriam retulit, donec novis ex Italia Angliaque viribus augeretur. (1710)

Art. IV.

Nova pacis consilia & idea. Gertrudenbergæ Congressus. Anglo-Bataavorum crifes. Gallorum prospectio.

146.
Consilia pa-
cis.

Quamvis Præliminare Pacis, superiore anno Hagæ Comitum conceptum, evanesceret, nihilo tamen secius idem negotium hoc anno (1710) medio licet in belli strepitu rursus motum est. A Colberto ad Heinsum Pensionarium venerunt litteræ, quibus signi-
ficabat,

scabat, dolere regi, quod illi Præliminarium articulo, quo de Andegavensi Duce, communibus studiis ex Hispania amovendo, tractatum est, non possit subscribere. Mitior fieri posse, si Rex spondeat, Nepotem ab avo nullo auxilio adjutum iri: atque in fidei pignus Duacum, Carolomontium, Vinobërgam pro obsidibus tradat: etsi novum sit, ante pacificationem pacem exequi.

Batavi, belli gravissimi pertæsi, & propter Minoricam, Gibraltariam, proprio velut jure infessas, Gadesque attentatas, Anglicæ navigationis æmuli, a pace minime erant alieni: quapropter contra aliorum fœderatorum sententiam Lutetiam mittunt Beckumium. Is redux inde ad fœderatos retulit, Regem pacem serio optare, petere Convantum generalem: Gallicas ex Hispania deductas copias: viderint fœderati, qua ratione Andegavensem ab Hispania deducant. Ut avus arma jungat in nepotem, nimium esse abhorrens: promptissimam fore viam, si Siciliæ regnum pro Hispanico eidem attribueretur.

Rejecta hæc sunt a fœderatis. Quapropter nova ad Beckumium missa est pacis formula: Rex mox a signata pace Carolum agnoscat Nova pacis
idea. Regem Hispaniæ, omniumque, ad eam pertinentium, provinciarum dominum. Nulla nepoti auxilia mittet: in pignus quatuor insignes Belgii urbes tradet. Nullum Borbonii generis Principem ullam Hispanicam provinciam possidere patietur. Argentinam, decem liberas Alsatiæ civitates, & Brisacum restituet. Diruet, quidquid munimentorum a Basilea Philippoburgum usque constructum est. Hasso-Cassellani agnoscat Rhenoseliæ Dominum, Hannoveranum Electorem, Borussia Regem, Annam Reginam Britanniciæ, Protestanticam stirpem legitimam hæredem. Anglis, Batavis, Sabaudis, ex præliminarium formula satisfaciatur: id unum sibi stipulatus, ne conditiones istas ante signatam pacem exequi cogatur, atque, ut duo Electores Bavari restituantur in integrum.

His acceptis, placuit, Gallis Congressum addici, ea tamen conditione, ut præliminaribus a Rege ante tractationem subscriberetur. Rescriptum Parisiis, placere Regi Convantum, in quo de Andegavensi tractetur: quoad reliqua, præliminaria ceu basin substernenda. Dissiluit in hoc rescripto, quod nulla fiat mentio de subscribendis præliminaribus, iisque exequendis. Quare Sinzendorffius Cæsaris Legatus epistolam nullo dignam responso censuit. Mitius fenserunt Pensionarius, & Buyssius Senator Batavus: commeatusque litteras mittendas judicarunt.

Gertrudenbergæ, Hollandiæ oppidum Congressui locus deligitur. Buyssius & Dussenius interlocutores a Republica designati, qui Hagam ad commune consilium referrent.

Gertruden-
bergæ Con-
gressus.

Comparent sub medium Martii (1710) a Ludovico Rege Legati duo, Uxellius Marefchallus, & Polignacus Abbas. Ille de pacis studio præfatus, alterutrum faciendum dixit: Andegavensem aut armis ab Hispania amovendum, aut conditionibus. Vi agerent fœderati, ut luberet. Ut avus in nepotem innocentem arma stringat, nec justitiæ, nec humanitati, nec regis honori esse consentaneum. Illum legitimo Caroli II testamento hæredem institutum; consultos de justitiæ causæ Juris peritissimos, Andegavensi Monarchiam adjudicasse. Ipsum Innocentium XII respondisse, renuntiatione Theresiæ Delphinum & Burgundiæ Ducem exclusos, ne simul Franciæ & Hispaniæ Reges essent, non autem post natos impediri, quo minus solum Hispaniæ regnum possideant. Suo nihilominus fato nepotem, nulla ope ab avo adjutum, relictum iri. Hujus promissi obsides quatuor munitas Flandriæ urbes daturum.

Subjecit Polignacus, abiturum regno Andegavensem, dummodo sit quo abeat, ut regiam dignitatem tueri possit. Facilem Europam bello liberandi viam fore, si Sicilia decoro receptui attribuat, Archiduci maneat cætera.

Quamvis autem hæc pugnare cum Præliminaribus Interlocutores dicerent, quibus tota Hispaniarum Monarchia cum omnibus suis partibus Carolo Archiduci tradenda statuatur; non tamen Anglo-Batavi ab ea propositione multum videbantur alieni: modo certum foret, Andegavensem ea conditione Hispania Indisque decessurum.

Anglo-Ba-
tavorum
mens.

Neque enim amore Domus Austriacæ bella ista gesserunt, tot classes, exercitus, pecunias contulerunt, sed ne Franciæ, alias præpotentiæ, vires nimium augeantur, tum maxime quia gens utraque nautica opulentis suis commerciis, velut animæ suæ timebat: quippe, ut alias observavimus, per indulgentiam posteriorum ex stirpe Austriaca Hispaniæ Regum, & desidiâ Hispanorum, præcipuos Americæ fructus Angli & Batavi decerpserunt. Formidabant, Borbonii generis Principem non eadem lenitate, & inertia futurum, sed Franciæ cognatæ exemplo & instinctu curaturum, ut Hispanis suis Gallisque amicis, quam exteris utiliore faciat Americam, classes ædificet, civium industriam ad mechanicas artes excitet, aureumque illud flumen, quod Londinum potissimum par-
tem

tem & Amstelodamum devolvebatur, in Hispaniam Galliamque derivetur.

Quapropter mercatoriam status sui rationem exigere arbitrabantur, omni ope sumptuque prohibere, ne Gallus Hispania & America potiatur: minus solliciti, quem Dominum Sicilia, aut etiam Neapolis, Sardinia, & Insubria sit habitura.

Aliam prorsus, istisque oppositam, rationem ineundam, sibi putavit Cæsar: Italiam videlicet propiorem provinciis Germanicis, atque ad mutuam defensionem magis opportunam, omnibus, quamvis arripissimis, ultramarinis terris præhabendam. Unde jam Leopoldus Imperator, eum partitionis ille typus excuderetur, Italiam pro semisse sua eligere maluit, quam totam reliquam Hispaniarum, per utrumque orbem porrectam Monarchiam.

Jam vero novam istam, propositam a Gallis, Monarchiæ sectionem, pugnare cum fœdere & præliminaribus initis. Nec minus periculosam fore: ex Sicilla etenim cuilibet vicino, Neapolis maxime Regi, formidini fore ejus gentis Regem: nec Germaniam & Hungariam satis securam, asserebant Austriaci.

Disceptatum dein, num generali bello vindicanda sit a fœderatis Hispania, illud videlicet, prout hætenus, partibus omnibus, Germania, Belgio, Italia, Hispania, Lusitania, gerendo, dum patefacta in ipsam Franciam via, Rex nepotem cogeretur evocare, atque adeo prout Eugenii & Marleburgi, militaris gloriæ appetentium, in Gallia debellaretur Hispania. An vero acceptis in pignus urbibus ex præliminarium typo pax ineunda cum Francia, tum vero belli vis universa ad depellendum Andegavensem converteretur. Allatæ in utramque partem grandes difficultates: nec quidquam conclusum: Hollandis pacis cupidine ab utraque abhorrentibus.

Hanc cum adverterent Galli arcum intendendum aliquantum rati, Siciliam, Sardiniam, & Hetruscos portus pro Hispania Philippo petunt: vel horum loco Arragoniæ regnum, aut alterius Principatus ditionem. Cæterum cursorem Lutetia rem attulisse, cum omnibus fœderatis communicandam. Cum autem Sinzendorffius maxime vehementi oratione, ad Heinsum, & geminos Interlocutores habita, acerrime omni Monarchiæ partitioni se opponeret, Franciæ Legati eo Regem descendere asserebant, ut Sicilia & Sardinia pro nepote impetratis, nihil non sit acturus, ut cæterarum provinciarum quieta possessione potiatur Archidux. Voluntatem equidem nepotis non esse in manu avi, metuendumque, ne Casteli-

Gallorum
propositio.

lani eundem vel invitum detineant, aut Europa ejectum in Americam abripiant: spem tamen esse, cessurum Avo suadenti. N cedat, quatuor præfiniendos menses: quibus elapsis, si Hispaniæ renuntiet, Sicilia quoque & Sardinia excidisse judicandum, belloque a fœderatis cogendum. Ad id bellum (quod arma jungere implium censeat) quoad duraverit, certam pecuniæ summam Regem supeditaturum.

Hæc Legatorum oratio captiosa visa est fœderatis, graviterque rursus adversus eandem Sinzendorffius, velut meram ludificationem, detonuit: tandemque effecit, ut Legati a Batavis in Franciam remitterentur, acerbè conquesti, se Gertrudenbergæ velut in carcere conclusos, famosis libellis laceratos, litteras suas reclusas, aliisque indignis modis habitos.

Cum itaque Gertrudenbergensiæ pacis consilia evanescerent, bellum ubique fuit resumptum, eaque in Hispania anno 1710 gesta, quæ articulo superiore attigimus.

Art. V.

147. *Conversio rerum post mortem Josephi Imperatoris. Frederici biatus per recessum Angliæ. Carolus Cæsar conditiones pacis proponit. Non placent Anglis. Catalaunorum oratio: discessus Imperatricis, & Stabrenbergii cum copiis. Catalauni soli resistunt, sed suo malo.*

Conversio
rerum post
mortem Jo-
sephi Imp.

Mors Josephi Imperatoris, quæ 17 Aprilis 1711 majori Europæ parti luctum indixit, magnam animorum rerumque conversionem secum attulit. Anna Britannicæ Regina jam anno superiore ab Austriacis partibus alienior, in Gallicas inclinaverat. Jam vero, defuncto Imperatore, Duci Andegavensi Hispaniam designabat. Batavi vero satius esse ad Europæ securitatem putabant, si Carolus Archidux & in Germania, & Hispania imperaret.

Cum igitur Sinzendorffius classem, quæ Carolus & Catalonia in Germaniam vheretur, a navalibus locis peteret, Angli quidem facile consentiebant: Heinsius vero Pensionarius eum ex Hispania discessum non ita præcipitandum arbitrabatur. Germaniæ provincias Eleonoram matrem sapienter gubernaturam. Electorum suffragia prope manibus teneri, Capitulationem eandem cum Josephina fore.

fore. Ob discessum Regis Catalaunos, aliosque amicos populos, velut profligatis rebus animos cum armis abjecturos.

Verum Carolus, relicta Catalaunis Elisabetha conjuge in pignus certissimum, & Stahrenbergio belli imperatore, promissisque majoribus, quam haecenus acceperant, ex Germania subsidii, 27 Sept. classe Anglica Barcinone solvit, felicique decem dierum trajectu Genuam fuit ingressus; indeque ad acceptandam Imperii coronam in Germaniam profectus est.

Multa tunc, post Gerundæ jacturam & Cataloniae res in angustum redactas, de Hispania asserenda deliberatio. Classis Anglicana stabat quidem Olyssipone in anchoris, sed debilior erat, quam ut cum hostili, Gadibus hybernante, congrediretur. Occupavit Vendomius Venasum, commune pluribus annis Miqueletorum, ad rapinas excurrentium, receptaculum. Alia multo fortuna Galli ad Cardonam usi sunt, ab ejus oppugnatione cum strage depulsi. At vices reddiderunt Caesareis ad Tortosam, quam hi a civibus vocati intercipere tentaverant: sed proditione detecta ita excepti sunt, ut cruentis cum capitibus viam reflecterent. Nec ultra quid per virum infirmitatem suscipi poterat.

Quippe ingenti jam hiatu fatiscebat grande illud Europæ pro-Fœderis pe universæ adversus Borbonios fœdus, per quod tantæ haecenus ^{hiatua} ^{hiatua} erant partæ victoriæ, redactaque ad veteres suos propemodum fines Gallia.

Anglia, potissima fœderis pars, primâ defecit; non enim rationibus suis congruum ducebat, ut idem Imperator esset & Rex ^{Per recessum} Hispaniæ, ac formidanda redeat Caroli V potentia, quin imo ^{Angliæ.} majus, Hungariæ quoque & Bohemiæ Regnis adaucta.

Oxfordiæ Comes regni thesaurarius, Bullimbrockius, & Rabyus Mylordus Staffordiæ Comes, qui Franciam penitus imbibierant, totius negotii instrumenta, Regina & Parlamento, (commissis inter se Wigsiis & Torriis) in partes suas pertractis, pacis propositiones, a Gallis oblatas, quibus decretam a Parlamento successionem probant, Minoricam & Gibraltariam Anglis cedunt, Dunkerkam demoliiri spondent, audiendas putarunt, Hispaniam & Indias Andegavensi relicтури. Indicitur Ultrajectum congressus generalis. Invitantur ab Anglis socii.

At illi, maxime Cæsar, hanc Britanniae secessionem ægerrime ^{Marleburgo} ferentes, omnem movent lapidem, ut Anglos ad fœdus, haecenus ^{suffectus} tam gloriosum, reducant. Verum isti, dominantibus trium viris, ^{Ormondus.} exauctorato Marleburgo, cujus singularis toto hoc bello fortitudo bel-
lique

lique experientia per orbem inclaruit, *Buteum Ormunda Ducem*, Jacobo Stuarto additum substituunt. Qui pugnam detrectans in Belgio Eugenium destituit; ut adeo ab eo tempore non modo sisterentur foederatorum victoriae, sed res eorum omnino sint retrolapsae.

Batavi, quamvis graviter ferrent privatam illam Anglorum cum Francis tractationem, atque illius vigore Andegavensi cum America relinquere Hispaniam, Anglis vero Minoricam cum Gibraltaria, condixerunt nihilominus ad congressum Ultrajectensem, reclamante Caesare. (1712)

Non levis tamen adhuc Gallos inter Anglosque fervebat disceptatio. Nam Regina cautum secure voluit, ne Galliae & Hispaniae regna unquam coalescerent. In id tandem conventum, ut Philippus, si Hispaniae regnum vellet retinere, jam nunc renuntiet coronae Gallicae, a qua nascendi ordine, sublatis intra anni spatium tribus Delphinis, proxime aberat, solo Ludovico moderno Rege, bienni tunc infante, successionis jure praeparato Philippo ornat.

Carolus
Imp. pacis
conditiones
proponit.

Hoc negotio Gallos inter Anglosque composito, Caesar per Hoffmannum, Procuratorem suum Londini cum Oxfordio de pacis conditionibus egit. Itum per tres gradus; primo Hispaniae Indiaeque partem repetit Imperator, & jus extinctae Andegavensi stirpei in alteram partem succedendi; ex Italia autem, praeter Neapolim & Mediolanum, Siciliam quoque & Haetruscos portus: jus creandi Equites Aurei Velleris, Burgundiae innexum: Argentinam, ulterioremque Rhenum, prout ante Pacem Westph. ad Imperium pertinuit: tres denique Lotharingiae Episcopatus.

His conditionibus rejectis, alterum gradum Hoffmannus promittit Caesarem Italia, Arragonia, Catalonia, Valentia, Ruscinone contentum fore. Hoc quoque exploso, ad tertium descensum: quo Caesar petiit, Cataloniae saltem, de se tam bene meritam, pro libera Republica declarari.

Non placuit
Anglis.

Horum nihil placuit Anglis. Satis esse prospectum Europae securitati, quod Hispania & Francia nunquam in unum regnum conflari possint. Cataloniae, si libera esset, bellorum sedem & vicinorum spoliis fore: qua enim ratione se defensorum, quam ne universi quidem foederati praestare integram potuerint? Sat ei consultum videri, si praeter amnestiam, antiqua privilegia retineat. Caetera ad Ultrajectensem pacificationem rejici.

Caesar

Cæsar, cum cerneret, Cataloniæ jam non posse porro defendi, Angliis, Lusitano, Sabaudis, inducias paciscentibus, pro Catalonia & Italia pariter easdem petiit, ea lege, ut Imperatrix, Aulica familia, Catalonia demigrare volentes, Anglica Jenningsii classe in Italiam debeantur: Cataloniæ vetera privilegia sint salva: post evacuatam Cataloniæ induciæ in Italia etiam obtineant. (1712)

Cum autem Catalauni metuerent, ne ob suam in fide Domus Austriacæ constantiam, Borbonios difficiles experirentur in asserendis pristinis privilegiis & immunitatibus, quibus supra omnes Hispaniæ provincias fuerant potiti, Feranum Comitem Londinum & Hagam ablegarunt cum supplicibus litteris, ad fœderatos datis, quibus sua de fœdere merita commemorabant.

Catalano-
rum oratio.

Se primos Carolum Archiducem, fœderatorum classe in Hispaniam appulsum, Regem salutasse: ad eripiendam Borboniis Barcinonem animos opemque attulisse: secutam totam provinciam. In ea urbe obsessum a se unis ferme propugnatum: victori Valentiam, Arragoniam, Castiliam suo exemplo & auxilio partam: legiones a se conscriptas, fortunas, argenteas supellestili in monetam conflata, impensas: minas, populationes, cruciatus toleratos. post cladem ad Almanzam & Brihuegam a solis perfugium præbitum. Amissa Tortosa, Ilerda, Gerunda, insignibus provinciæ suæ urbibus, Barcinonem, Tarraconem, Cardonam, Ostalricum, adhuc dum defendi, & ad extremum defensum iri. An honorificum sibi putarent fœderati, ut socios, per octo jam annos tanta fide & constantia communem causam tuitos, privilegiis exutos, ad miseram servitutem detrudi patiantur?

Æqua petere Regiæ visi sunt. Sed responderunt Borboni: si ceteris Hispanis æquentur, Angliæ commendationi debituros; vitam, libertatem, fortunas salvas fore, aliud contumaces ne expectarent: id agerent potius, depositis armis regiæ clementiæ se submittant quantocius.

Post inducias pro Catalonia & Italia anno superiore initas, Imperatrix mense primum Martio 1713 Barcinone Anglica classe discessit, dissimulato abitus die, ne vi retineretur. Tum vero Stahrembergius Mareschallus deferendæ Cataloniæ mandata militibus exponit. Si cui Hispanorum Regis Caroli militiam aut fortunam sequi lubeat, classem Anglicam una conscendere esse integrum. Et conscendit voluntariorum exulum multitudo, quæ magnis deinceps Cæsari impensis stetit. Septembri primum Barcinone solum,

Recessus
Imperatricis,

Et copiarum.

Pars X.

L I I

MO-

moras neſtentibus Anglis, ne Cataloniæ copię uſui eſſent ad Rhenum Cæſari.

Deſerti a Cæſareis Catalauni, animoſo magis quam prudenti Catalauni ad conſilio ſtatuunt, extrema potius omnia experiri, quam amiſſis pri-
deſenſionem vilegiis, præ vita charioribus, idem cum Caſtellanis jugum ſubire.
ſe perant.

Armantur cives, in urbes migrant montani populi: militiæ Præfe-
ctos eligunt. Quidquid auri, argenti, gemmarum adhuc in facul-
tatibus, depromunt in medium, ut 20000 provincialium ali que-
ant: annonam conferunt, complent horrea; Miqueleti ad littorum
deſenſionem navigiis impoſiti diſponuntur: ſtat omnibus firmum,
vitam pro libertate dependere.

Obſidium
Barcellonæ.

Sub finem Julii Barcino cinſta eſt a Gallo - Hiſpanis obſidione,
per integrum prope annum fortiter tolerata. Cum obſeſſorum vir-
tus omnia ſuperaret, graviæque obſeſſoribus damna inferret, Ber-
vicius in caſtra venit cum inſtrutiſſima claſſe & triginta Gallorum
millibus, ubique trinam oppugnationem admovet, qua vehemen-
torem vix ulla vidit ætas: ſed neque deſenſionem pertinaciorẽ,
experimentum dante deſperatione, quas vires habeat. Quidquid
arma ferre poterat, laicis permixtus clerus, in ſtationes ſuas diviſi
tota vi obluſtantur.

Tandem vero, cum hoſtis propugnacula jam tranſcendiſſet, poſt
oſto horarum continuum conſiſtũtum in has leges ſe dedere ſunt co-
acti. Res & vita eſſet ſalva: direptionem pecunia redimant. Mo-
niovie arcem, Cardonam, quæque tenerent alia, Philippo Regiſuo
ſubmitterent: Majoricenſes ad idem hortarentur.

Wagn.

Expugnatur.

Tum arma civibus erepta: introducta nova tribunalium & Ma-
giſtratuũ forma: urbis vexillum, ſenatorum ornamenta, privi-
legiorum tabulæ publico in foro per carnificem ignibus tradita: re-
bellionis, ut aiebant, capita ducesque, qui fuga evadere non po-
terant, ad perpetuos carceres damnati. Ad 60 ſacerdotes in exi-
lium miſſi. Majoricani pari virtute ſe defenderunt, pari ad extre-
mum eventu.

Art. VI.

*Pacificationis Ultrajectensis initium. Principum
Postulata.*

Quamvis Ultrajecti de Europæ omnis prope fortunis decernebatur, quia tamen Hispana successio belli & pacis originem attulit, & de illius maxime mutilatione & provinciarum urbiumque in futurum statu agebatur, haud abs re fuerit, si pacis Ultrajectinæ historiam hic breviter pertexamus.

148.

Convenere ad hunc, a Gallis Anglisque delectum locum, a Rege Ludovico Nicolaus Uxellius, Franciæ Mareschallus, Argentinæ & Alsatiæ Gubernator, Melchior Abbas Polignacus, qui Gertrudenbergensi conventui jam interfuerant; additus Mesnagerus a Secretis. A Regina Angliæ Robinsonus, Brisfolensis Episcopus, ac Staffordiæ Comes, qui Legatione ad Batavos fungebatur. Sinsendorffius, & Mendoza, Legati Cæsarei, Hagam concesserunt.

Ultima Januarii 1712 primus Ultrajecti congressus est habitus, tribus Gallis, duobus Anglis, totidem Sabaudis, quatuor Batavis Legatis constans. Cæsarei, habita deliberatione Haga Ultrajectum se contulerunt, cum Lusitanis, Borussis, Palatinis, Hassis &c.

Galli pacis suæ typum primi protulere, cujus hæc sunt capita.

1. Franciæ Rex agnoscit Annam pro Regina Britannicæ, & statutam successionem pro legitima.

2. Dunkerkam pro æqua compensatione diruet: Insulas nempe & Tornacum pro ea recipiet.

3. S. Christophori insulam, sinum, fretum Hundsonium, Acadiam cum Portus Regalis munimento, Terræ Novæ insulam in America Septentrionali Anglis cedit.

4. Batavis Hispanici Belgii pars, nuper Bavaro ab Andegavensi donata, sit pro limite; cui ampliando Rex de suo Ipras, Meninam, Furnas, Knockii castrum adjiciet. Eorum autem loco Duacum, Bouchainum, Ariam, S. Venantii Fanum recipiet.

5. Commercii ratio sit, quæ Risvicensi pace convenit. Cæteræ Nationes in Hispaniam, Indiamque, ut sub Caroli II mortem navigent.

6. Efficiet Rex, ut Andegavensis jus omne in Neapolim, Sardiniam, Mediolanum abdicet, si Austriaci vicissim reliquas Monarchiæ partes abdicent; indeque copias mox deducant.

L 112

7. Nun-

7. Nunquam Franciæ & Hispaniæ regna in unum coalescant.
8. Germaniæ limes Rhenanus idem esto, qui ante hoc bellum.
9. Colonienfis & Bavarus Electores in integrum restituantur.
10. Rex Borussia Regem, Hannoveranum Electorem agnoscat.

scit.

11. Sabaudiam inter & Franciam pristinus limes figatur.
12. Idem in Lusitaniæ regno fiat.

13. Monasteriensis, Neomagensis, Riffvicensis, pacificationes vim suam obtineant, nisi quid hac pace derogetur.

Ilic Gallorum typus pacis fœderatis displicuit, maxime vero Cæsari: qui Eugenium Principem in Angliam proterea Legatum misit, ut de proxima belli expeditione agat. Sed in Anglica Aula, quam triumviri versabant, in Gallos & pacem prona, nihil effectum.

Post varias autem dimicationes 5 Martii 1712 Fœderatorum Legati suorum pariter Principum postulata Ultrajecti produxere.

Et quidem *Cæsareus* Imperii nomine repetiit,

Singulorum
postulata.

1. Quidquid per Monasteriensem, Neomagensem, Riffvicensem pacem a Gallis fuit detractum.
2. Circulorum Rhenensium securum limitem.
3. Lotharingiam, prout ante Carolum IV fuerat, a regio homagio liberam.

4. Pro Domo Austriaca totam Monarchiam Hispaniarum, exceptis iis, de quibus cum Lusitano & Sabauda convenerit.

Anglus præter ea, quæ privata transactione, de agnitione Regiæ, successione Protestantica, Dunkerkæ demolitione, commerciorum commodis, Minorica & Gibraltaria, atque de Americæ Septentrionalis terris, sibi jam fuerat stipulatus, petiit insuper, ut Prætendens longe a Galliæ finibus arceatur: fociis & amicis ex æquo satisfiat. Quartus pacis Riffvicensis de Religione articulus eratur.

Batavi petierunt.

1. Ut Belgium Hispanicum, nominatim, quæ a Gallis adhuc possidebantur, Luxemburgum, Namurcum, Caroloregium, Neoportus Imperatori redderentur.

2. Bello vero per fœderatos acquisita, Menina, Insulæ, Duacum, Tornacum, Aria, Teroana, S. Venantium, Bethunia, Bouchainum, cum suis ditionibus, in plenum Batavorum dominium cedant.

3. Eo-

3. Eodem proprietatis jure a Gallis Reipublicæ tradantur Furnæ, Dixmuda, Ipræ, Valenciensæ, Warnetonium, Warvicum, Poperinga, Castellæ, Condæum, Malobodium, cum horum territoriiis, tabulariis, & omni bellico apparatu.

4. Huyæ, Leodii, Bonnæ præsidia sint Batavica.

5. Commercia eadem, quæ Risvicensi pace, sint ratione.

Ex quibus sane enormibus postulatis liquido patet, pro quo Angli & Batavi bellum gesserint: certe non pro Domo Austriacâ, sed pro se ipsis. Contestati fuerant initio fœderis, nihil de Monarchia Hispanica pro se petituros, sed id unum per fœdus & bellum spectare, ut impediunt, ne Domus Borbonica, cum alias nimium, quam Europæ securitati expediat, potens, accessionibus augeatur: quapropter totam Monarchiam cum omnibus provinciis Carolo Archiduci asserturos. Sed finis ostendit, quam alia fuerit mens atque intentio.

Lusitanus postulavit, ut Tarraco, & extrema ad Amazonum flumen in Brasiliæ finibus regio, in perpetuam Lusitanorum ditionem cedat. Reliqua Monarchia Hispana soli Carolo restituatur.

Borussus Regium titulum, Auriacam hæreditatem, Neocomensem & Valanginum Comitatum, Geldriam item urbem cum territorio prætendit.

Sabaudus Hispanicam, post Domum Austriacam, successionem, Philippi IV testamento assertam: Nizzæ & Sabaudie Comitatus, Fenestrellam, Exillas, ac cis Genebram montem valles omnes: in compensationem vero tot munitionum dirutarum arcem Monoecii, Montis Delphini, Briançonis, Barrovii.

Trevirensis Associatorum Circulorum nomine limitem, ad Monasteriensis pacis normam, sibi vero urbem Trevirim, ac Saræpontum deposcit.

Palatinus superiorem Palatinatum:

Wûrtembergensis, cæterique fœderati, damnorum, bello illatorum, compensationem petierunt.

Ad hæc postulata respondit Polignacus 30 Martii, sibi a Rege commissam potestatem, superiorum pacificationum more, cum singulis seorsim transigendi. Placuit hæc ratio Anglis, non vero fœderatis cæteris: seorsim cum singulis paciscendo solvi unionem fœderatorum, quosdam largioribus conditionibus, relictis reliquis, in pacem privatam abstractum iri, exemplo pacificationis Neomagensis & Risvicensis pernicioso. Galli sub initium Maji se responsuros pollicentur.

Verum, dum legatorum singuli ad Principes suos referunt, varizque Gallos inter Anglosque de abdicatione Philippi, de commerciis, fœderatorum postulatis, cum variis legationibus & nova expeditione bellica intercederent, annus 1712 abiit, & primum 11 Aprilis 1713 Ultrajecti ad pacis conclusionem devenit. Neque tamen universalis illa fuit, sed solos inter Gallo-Hispanos ex una, & Anglos, Lusitanos, Borussos, Sabaudos, Batavos, ex altera parte conclusa, Cæsare & Imperio, quibus usque ad 1 Junii tempus deliberandi datum, contra id genus pacem publice protestantibus. Transactionis autem hæc erat summa.

Art. VII.

Pax Ultrajectensis.

149.

1. Rex Christianissimus Hannoveranæ in Regnum Britannicæ successioni (anno 1708 a Parlamento definitæ) nihil obstat.
 2. Jacobo Stuarto, Jacobi II filio, nullum in ditionibus suis domicilium præbebit.
 3. Cavebit, ne unquam sit idem Franciæ & Hispaniæ Rex: cujus conjunctionis metu bellum hoc maxime exarsit.
 4. Ea de causa mutæ Andegavenfis in Franciam, & Principum Regii sanguinis in Hispaniam renuntiationes, sacrosanctæ habentor.
 5. Galli ex Hispano-Indico commercio non majoribus prærogativis aut emolumentis potiantur, ac Carolo II regnante.
 6. Dunkerckæ portum quinque mensium spatio suis sumptibus Rex solo æquabit.
 7. Restituet Angli fretum Hundsonium, Insulam S. Christophori, Acadiam, (seu Novam Scotiam) urbem Portus Regalis sic, ut incolis Canadensibus non nisi 30 leucis a litore sit piscatus, Insulam Terræ Novæ cum Placentiæ castro, sic tamen, ut neque Galli piscari, & pisces in aditis tuguriis desiccare prohibeantur.
 8. Quartus articulus Ratisvicensis de Religione ad normam Pacis Westph. redigatur.
- Et hæc quidem Francia in favorem Angliæ concedere debuit, Philippus V vero Rex Hispaniæ multo plura his legibus:
1. Nigrorum mercatu Angli deinceps fruantur iisdem conditionibus, quibus Galli hucusque.
 2. Gibral.

2. Gibraltaria civitas, arx, portus Anglis cedantur, quin tamen agri quidpiam, vel cum vicinis commercii sibi arroget.

3. Minorica Insula cum portu Magonis pariter Anglis tradatur, ea tamen conditione, ne Judæis domicilium, aut Mauris pyratibus perfugium ibidem permittatur. Incolis vero libera sit religio, secundum leges tamen Angliæ.

4. Catalauni iisdem, quibus Castellani, legibus reguntur: abolit tamen veteribus privilegiis.

5. Rex Catholicus Siciliæ Regnum Duci Sabaudia attribuat.

Præter Regnum Siciliæ *Dux Sabaudia* magna alia ex hac pace emolumenta retulit. Nempe

1. Restituet Francia Comitatus Sabaudia & Nizza:

2. Valles, Pragelanam, Ulsiam, Sefanæ, Bardonnachæ.

3. Cedet munimenta Exillæ & Fenestrellæ, Montis Delphini; ut adeo summa montium juga pro limite sint, ulterior vero Barceloneta Vallis sit juris Gallici.

4. Ex Mediolanensi agro pars Alexandrinæ & Valentiniæ ditionis, cum Langarum feudis, & Vigevano, Duci obveniat, sub sponsione Gallia, Hispania; & Angliæ.

5. Cum Siciliæ regno Regium titulum consequatur.

6. Extincta Andegavenfi stirpe Dux in omnes Hispani regis ditiones succedat.

Rex *Lusitania* his conditionibus pacem iniit:

1. Francia nihil juris habeat in terras, flumen inter Amazonum & Pinsonium ad caput usque Boreale porrectas.

2. Litus Amazonium utrumque Lusitanici juris esto.

3. Nec Galli trans Pinsonis fluvium, nec Lusitani Cajenam negotientur.

Borussus his legibus accessit:

1. Copias omnes, adversus Franciam adhibitas, domum revocabit, excepta rata parte, quam Imperio debet.

2. Eidem Geldria civitas cum amplissimis Dynastiis, salva tamen Catholica Religione, asseritur.

3. Comitatus item Neocomensis, & Valengini supremus dominatus.

4. Auriacum

4. Auriacum Principatum cum annexis in Francia & Burgundia fundis in Regem Galliae transfert, receptis tamen ab eo quatuor millionibus librarum.

5. Fas tamen ei sit, Auriaci Principatus titulum & insignia gerere.

6. Hujus pacis vindex & sponsor esto Britannia.

Batavi his conditionibus a Cæsaris & Imperii partibus fuerunt abstracti.

1. Eorum bono Austriacæ Domui ceditur Belgium Hispanicum, quale sub mortem Caroli II fuit:

2. Galliae autem Rex insuper Imperatori cedat Tornacum, Meninam, Knockium, Ipras, Dillmidam.

3. Luxemburgum vero, Namurcum, Caroloregium, Neoportum, Batavi suis præfidiis occupent, servatis tamen Bavariæ Electori fructibus, donec in integrum restituatur. Reliqua concernunt commercium Batavorum.

Alius postea tractatus de Limitaneis urbibus, quas ad suæ Reipublicæ securitatem Batavi præfidiis custodiant, anno 1715 cum Cæsare fuit initus.

Tandem etiam Cæsari & Imperio oblata pax est, qualem Galli Anglique conceperant:

1. A subscripta pace Archidux Carolus Imperator, Dux Hannoveranus Elector saluator.

2. Germaniæ fines iidem sint, qui a pace Ratisvicensi, videlicet, ut Rhenus ditionis utriusque sit medius.

3. Brisacum & Kehl Imperio restituuntur.

4. Ludovicia munitio, & alia ad Rhenum munimenta diruuntur.

5. Landavia Austriaci juris esto.

6. Regnum Neapolitanum, cum quatuor Hetruscis portubus, Imperatori relinquatur:

7. Prout etiam Ducatus Mediolanensis, iis exceptis, quæ anno 1703 Duci Sabaudiae pacto sunt cessa.

8. Belgium Hispanicum Imperator iis conditionibus obtineat, quas limitis causa cum Batavis inierit.

9. Urbs Geldria cum annexis dynastiis Regi Borussiae traditor.

10. Colo-

10. Colonienſi dignitas, Eleſtoralis, ſacerdotia, prærogativæ priſtinæ reſtituuntur.

11. Bonna diruitur. Leodium & Huyæ Batavico præſidio tenentur.

12. Bavaro vero Eleſtori ditio omnis, ut ante bellum, reſtitutor: ſuperiore Palatinatu excepto. (*mutatum in pace Badenſi*)

13. In hujus compenſationem idem Eleſtor Sardinæ Rex eſto. (*pariter mutatum*)

14. Luxemburgi & Namurci proventus interim percipiat, donec reapse poſſeſſionem Sardinæ inierit.

15. Amneſtia ad Hiſpanos, Italos, & quamvis Nationem pertineat.

16. Urſinæ Principi in agro Luxemburgenſi vel Limburgenſi fundus quiſpiam Principatus titulo cum 30000 Scutatorum proventus assignator.

17. Has conditiones niſi Imperator uſque ad calendæ Junias acceptet, bellum habeto.

Cur Principi Urſinæ Principatus fuerit designatus in Belgio, inde eſt; quod illa (Tremovillii Principis filia, ac Flavii Urſini, Bracciani Ducis, vidua) diu in aula Madritenſi verſata, & tam aulam ipſam, quam regios liberos moderata, eam apud Philippum V. inierit gratiam, ut in meritorum præmium Ducatum Limburgenſem in Belgio eidem donaret. Quapropter Aula Madritenſis, & Pariſina in hac pacificatione vehementer inſtitit, ut Caſari, cui cedendum erat Belgium, onus imponeretur, erigendi huic ſæminæ Principatum, qui 30000 Scutatorum annuos proventus ferret.

Ludovicus XIV hac pace id eſt conſecutus, ut Nepotem Hiſpaniæ Regem videret. Sed ad hoc opus non erat bello, quod tanto hominum auriſque impendio ſtetit, quo Chriſtiani fines ad Indias uſque proferri potuiſſent: quippe Leopoldus Imperator, partitione illa Hagenſi, ante Caroli II mortem ſacta, adæctus, totam Hiſpaniam, cum Minorica, Gibraltaria, Indiisque relinquere Bononiis voluit, ſola ſibi Italia ſervata, & Belgio, quibus ſi Ludovicus fuiſſet contentus, haud paulo majori Inviſi Herois gloria obiiſſet: nec vidiffet, Franciam ſuam tot clades immanes paſſam, & in ſumma adductam diſcrimina. Sed voluere Superi, ut utraque fortuna ſummum Principem probaret.

Art. VIII.

Magnatum promotiones. Alberoni noxia molimina novum bellum concitant. Invasa Sardinia. Et Sicilia. Classis Hispana bis victa. Alberoni postulata. Dissensio cum Papa. Gallia contra Hisp. Expeditio in Scotiam infausta.

150.
Bel Judice.

Anno 1715 Cardinalis Franciscus de *Judice*, natus quidem Neapoli, oriundus autem Genua, qui gratia Regis exciderat, ita cum eo est conciliatus, ut non modo primus Aulae Minister, sed supremus etiam Asturiae Principis Moderator sit constitutus. Verum anno sequenti dignitatibus istis rursus fuit exutus.

Picus.

Franciscus Maria *Picus*, quod Philippi V partes esset secutus, amisit *Mirandolam*, quam Caesar anno 1711 Duçi Mutinae vendidit. *Picus* in Hispania propterea hoc anno supremus Stabuli Praefectus est renuntiatus, attributis in annos singulos 36000 aureis. Cellamarius vero Neapolitanus pariter in Hispaniam discessit, missusque est Legatus in Galliam.

Loco P. Robineti Confessarius Regis lectus est P. Daubenton S. J.

Postquam Rex Philippus ope Gallorum Barcinonem cum reliqua Catalaunia in suam potestatem redegerat, multi in Majoricam fugerunt, ut Insulam illam defenderent, sed classe Gallica juvante fuit expugnata; expectato frustra Neapoli auxilio.

Dux de Liria.

Anno 1716 Jacobus Dux de Bervick, Jacobi III Angliae Regis filius naturalis, Marefchallus Franciae, rebus bello praeclare gestis notissimus, filio suo ejusdem nominis Principatum *Liria* in Regno Valentiae situm, cessit. Unde postea dictus fuit *Dux de Liria*, frequentioribus legationibus adhibitus.

Unica classe hoc anno decem thalerorum milliones ex America advecti dicuntur.

Anno 1717 novum subito & inexpectatum prorsus bellum ab Hispania erupit. Venetis classem validam adversus Turcas missurus erat Rex, decimasque etiam Ecclesiasticas, per Hispaniam colligendas a Papa obtinuerat.

Sardinia invasa.

At perverso Cardinalis Alberoni consilio classis illa, quam Marchio de Leede ducebat, reflexo itinere *Sardiniam* invasit, Caesarique, in bellum Turcicum tunc abstracto, eripuit.

Tota

Tota Europa tam improvise irruptione attonita causas requirebat, quæ Regem Catholicum, alias pientissimum, ad tam inopinitum bellum potuissent impellere. Necdum equidem Cæsarem inter & Hispanum pax erat composita; Molines Hispanus, Auditor Rotæ Romanæ, fuerat interceptus, & in Castellum Mediolanense abductus. Querebantur de adjutis post Pacem Risvicensem Catalaunis & Majoricanis. Sed hæc, qualiacunque fuerint, visa non erant tanti, ut propterea Cæsarem e mediis adversus juratum hostem Christiani nominis relatis victoriis avelli oportuerit.

Clemens ipse Papa XI per litteras ad Regem datas paterne conqueſtus est. Non dubitasse se dicebat, naves expeditas cum Christiana classe fore conjungendas adversus Turcam; summo autem cum dolore acceptum nuntium, Regem a malevolis deceptum in Christianos arma convertisse: de quo facinore supremo Domino sit reddenda ratio, a malignis maxime consiliariis: neque enim, quod fides Regi data forte videatur violata, Deo datam esse frangendam. Rogat dein Pontifex paterneque monet, ut arma adversus Muselmannos vertat.

Verum *Alberonius*, telam pertexendam ratus, adversus potentissimos Europæ Monarchas, Imperatorem, Regesque Galliæ & *Alberoni* Angliæ, qui per sædus Londinenses coiverant, viribus suis confusus, molimina bellum prosequi statuit.

Igitur anno 1718 Archithalassus Castagneta, 40 bellicis, & 400 minoribus armatus navibus, Siciliam, quam Pax Ultrajectensis Duci Sabaudia addixerat, invasit, atque ad Panormum ad triginta militum millia, quibus Marchio Leedeus præerat, exposuit, qui mox viginti Siculorum millibus, ad Hispanos confluentium, aucti sunt. In Siciliam.

Tantæ moli resistere non poterat Maffeus, Prorex Sabaudicus; sed præter Messinam, Syracusas, Trepanum, & Melassum tota Insula in Hispanorum potestatem venit.

Verum mox Hispanica classis ingens vulnus accepit. Nam Bingius Angliæ classis Præfectus, assumptis ex regno Neapolitano sex Cæsareorum millibus cum 21 bellicis Siciliam versus navigavit. 11 Aug. confertum navale prælium haud procul Syracusis, continuatum 13^{id.} inter Siciliam & Melitam, tanta Hispanorum strage, ut sex eorum naves penitus confagarint, 14 sint ab Anglis captæ, reliquæ dispersæ. Captivorum numerum ipse classis Præfectus Castagneta auxit, atque haud multo post Catana ex vulnere decessit. Classis Hisp. bis victa.

M m m 2

Post

**Postulata
Alberonii.**

Post tantam nihilominus cladem Hispani in Sicilia Messinam hoc eodem anno expugnarunt; tantosque adhuc dum Alberonius gerebat spiritus, ut quadruplicis fœderis sociis has conditiones proposuerit.

I. Sicilia & Sardinia Hispaniæ perpetuo incorporatæ sunt.

II. Cæsar Duci Sabaudie ex Ducatu Mediolanensi pro Sicilia æquivalentem portionem cedito.

III. Italiæ Principibus satisfactio præstator.

IV. Cæsaris copiæ, in Italiam missæ, revocantur.

V. Cæsar in Italicis suis provinciis milites ultra certum numerum non habeto.

VI. Nec successioni in Ducatibus Florentino & Parmensi se immiscito.

VII. Nec eos pro feudis Imperii habeto.

VIII. Rex Angliæ classem suam ex Mediterraneo quamprimum revocato.

**Dissensio
cum Papâ**

Mirabatur orbis, qua ratione Hispania, post pacem Ultrajectensem, in id genus consilia potuerit abripi, ut contra potentissimos Europæ Monarchas, per fœdus quadruplex unitos, viribus maritimis gemina gravi clade jam fractis, potuerit insurgere; præfertim cum & Sabaudus propter Siciliam accessisset hostis, & barbari Marochiani in Africa Ceutam oppugnarent, quin & cum summo Pontifice gravis dissensio intercessisset.

Siquidem ille, indignatione adversus Cardinalem Alberonium, propter motum bellum concepta, ad Archiepiscopatum Hispalensem, a Rege nominatum, instituere detrectavit, inhibuitque, ne decime Ecclesiasticæ, propter bellum Turcicum indultæ, adversus Christianos impenderentur.

Quare ab Aula Hispana Nuntio Apostolico datum abeundi consilium; Hispani Roma advocati, sublatum commercium, prohibitæ Annatæ, incensore Alberonio, S. R. E. Cardinale.

Anno 1719 Mercius 15000 armatorum in Siciliam duxit, Mellasum obsidione liberavit, commissoque prælio, in quo, ancipiti victoria, multi, etiam Duces, ceciderunt, Messinæ castella expugnavit.

**Gallia contra
Hisp.**

Gallia quoque, indicto vigore quadruplicis fœderis Hispanis bello, missoque cum exercitu Bervickio, superatis Pyrenæis Biscam jam invasit, atque Fontarabiam cum Fano S. Sebastiani expugnavit. Adversus Gallos Rex Philippus ipse expeditionem suscepit, persuasus ab Alberonio, qui eum comitatus est, adversus primum Regii sanguinis

nls Principem nullum Gallum pugnaturum. Sed per mortem Ludovici XIV scissum fuerat vinculum, quo Regnum utrumque erat colligatum.

Alberonius, ut Anglos diverteret, expeditionem in Scotiam adornavit, accersito etiam Jacobo Stuardo, exule Rege Angliæ, quem *Præsentem* vocant. Aderant Coronæ, Gadibus, aliisque Hispaniæ portubus paratæ multæ naves, sed pelago immixtæ ventorum turbine disjectæ sunt pleræque, paucis ad Scotiæ litora appulsi: ubi expositis aliquot centenis militibus, frustra expectabantur Scotorum auxilia; ac proin etiam hæc expeditio finem suum non obtinuit; quin imo Anglos excivit, ut Galliciam invaderent & spoliarent, Jacobus vero Rex, spe sua frustrata, Romam rediit.

Expeditio
Scotica.

Art. IX.

Alberonii ruina. Ejus vita. Hispaniæ mutatio. Africana expeditio.

Tandem vero sub finem hujus anni rerum scena penitus est immutata. Quippe Rex Philippus, cum experientia nimium pretiosa didicisset, quo Alberonii inquietis consiliis esset præcipitatus, quot amissæ classes, quot hominum millia cæsa, quot auri milliones projecti, quot expeditiones frustratæ, ac denique cum potentissimis hostibus adhuc esset depugnandum, aliam omnino rationem sibi ineundam duxit.

151.

Ab auctore tot calamitatum factum initium, Alberonio, inquam, Alberonio cui primum Aula, tum vero tota Hispania fuit interdictum. Excedendum igitur fuit illico, amissis amplissimis, quas in Hispania obtinuerat, Dignitatibus & fortunæ opibus, atque, ne quidem salutatis Rege & Regina, repetendâ Italia, natalis patria.

dimissus.

Natus siquidem fuit Julius Alberonius Placentiæ anno 1664, patre hortulano, cui adolescens operam navabat, postea vero studiis. Presbyteratus Ordine suscepto nepoti Archiepiscopi Placentini præceptor est adhibitus. Innotescens hac occasione Duci Venetomio, qui Gallicis in Italia copiis præerat, anno 1706.

Ejus notes
&c.

Ab eo in Galliam, atque ad expeditionem Belgicam ductus fuit, inde vere anno 1710 ad Hispaniam. Ubi apud Philippum Regem ita se insinuare noverat, ut in variis tractandis negotiis ejus operaretur,

M m m s

retur,

retur, maxime anno 1714 in contrahendis sponfalibus cum, Elisabetha, Parmensi Principe.

Negotiis istis feliciter confectis tantam apud Regem & præsertim Reginam, popularem suam, inist gratiam, ut primum Episcopus Malacensis, dein vero Archiepiscopus Hispalensis, quin & primus Minister regni sit renuntiatus. Summus Pontifex purpuram addidit, rei Catholicæ profuturam ratus. Sed, quod vidimus, vehementer sua eum spes fefellit.

Mirabitur fortasse quispiam, qua ratione Hispania, quæ tempore Caroli II penitus jacebat, & nec uni hosti retundendo par erat, terrestri & maritima potentia languente, nunc vero decem annorum bello exhausta, potuerit geminam prævalidam classem mari committere, simulque terrestrem exercitum geminum hinc Gallis in Biscaja, illinc Cæsareis, Anglicis, Sabaudicis copiis in Mediterraneis Insulis opponere: si quis, inquam, hoc miretur, is apud se perpendat, velim, ingens discrimen gubernationem inter novam & antiquam, præsertim, quam despoticam rationem regendi tenuerit Alberonius, qui non minore potestate Hispaniam, quam Richelius olim aut Mazarinus Galliam, moderabatur.

Is enim Provinciarum privilegia, & grandes pensiones sustulit, atque Collegia in aliam formam redegit, flumen argenteum, alio derivatum, mutato alveo in Hispaniam direxit, Indiasque, quarum opes ad externos fluxerant, excitata Hispanorum ignavia, erectisque fabricis, domino suo fecundas esse voluit, uberrima gaza inde advecta; privatorum denique pinguedine ærarium publicum saginavit, Grandesque Hispaniæ eo permovit, ut propriis sumptibus milites legerent, navesque fabricarent. Quibus aliisque artibus effecit, ut, demptis etiam Italicis Belgicisque provinciis, major esset Hispaniæ terra marique potentia, quam ante a centum annis fuerit. Sed hæ ipsæ artes grande illi apud Hispanos externosque odium conciverant, ut omnes ejus casum lætis oculis aspicerent, moxque revocati pristinis suis muneribus restituerentur, quos exules fecerat.

Porro Cardinalis Alberonius post suum ex Hispania discessum in ditione Genuensi adeo clam latuit, ut diu nemo sciret, quo devenisset; tandem vero detectus, a Pontifice, rationem redditurus, Romam citatus est. Sed, male fortassis sibi conscius comparere noluit, nec Genuenses eum volebant adigere. Anno dein 1721 mortuo Clemente XI invitatus a Cardinalibus ad Conclave, datis securitatis litteris, comparuit. Electo Pontifice jussus est Romæ subsistere,

Mutato
Hisp.

Alberonius
sua.

stere, & exitum sui processus expectare. Tandemque post multa utrinque ventilata ad commorationem aliquot mensium in monasterio condemnatus est, documento futuris posteris, quam noxius sit zelus, qui non est secundum scientiam.

Dejecto a potestatis apice Alberonio, suffectoque in ejus locum Marchione *Grimaldo*, Rex consilium iniit, qua ratione tantis e turbis sese evolveret. Nihil visum opportunius, quam accedere ad Fœdus Quadruplex, quieti Europæ intentum. Subscripsit proin illi 26 Jan. 1720. Revocatus cum milite ex Sicilia Leedenfis; tradita illa Cæsari, Sardinia vero Duci Sabaudia.

Reducta, finito bello Italico, videri poterat pax Europæ; at hærebat adhuc Hispaniæ spina, quam evulsam magnopere cupiebat. Incubare nempe Anglos Minoricæ & Gibraltariæ æquo animo ferre non poterat, easque omni occasione repetebat. Gallia tot milliones, in bellum successionis Hispanicæ impenso, compensari optabat, tantaque erat ultro citroque prætensionum farrago, præsertim circa successionem in Ducatu Florentino & Parmensi, ut ad pacem universalem firmiter concludendam, novo congressu opus videretur, qui sub finem hujus anni 1720 *Cameracum* fuit inditus.

Metum interea novum injiciebat novus in Hispania belli apparatus. Traductæ ex Sicilia copiæ, multisque incrementis auctæ, Africam suspicionem ingerebant, Gibraltariam peti. Et fortassis fuisset hæc meta, nisi provide vigilasset Anglia. Suscepta autem, ductore eodem, qui in Sicilia imperaverat, Marchione Leedenfi, in Africam fuit expeditio, ubi Imperator Marochii jam a 26 annis Septam, seu Ceutam obsessam habuerat. Ter cum barbaris dimicatum, ter cæsi sunt, sed identidem majori numero reversi. Cum igitur exiguus esset victoriarum fructus, imposito Septæ quinque millium præsidio, copiæ in Hispaniam anno sequenti (1721) sunt revocatæ, eo quidem operæ pretio, ut tres, ut fertur, thalerorum milliones & 5000 capita huic bello Africano sint immolata. Nam Barbari, prout ante, rursus obsederunt Septam.

Causa eventus minus felix refertur in Ducem quosdam Hispanos, quorum æmulatione & invidia graviter ferebat, Marchionem de Leede, hominem exterum (Belgam videlicet) *Grandem* Hispaniæ primæ classis, Cataloniae Gubernatorem, & supremum belli, Italici & Africani, Ducem fuisse creatum. Jacturam, utroque bello incursum solata est classis Indica, argento auroque onusta, ad viginti thalerorum milliones æstimata.

Art.

Art. X.

Tergemina sponsalia Borbonica. Cameracensis congressus.
Pax bello similior. Philippus V abdicat coronam,
eamque resumit, mortuo Ludovico filio.

152.

*Tergemina
sponsalia.*

Hispania, pro qua sanguini suo asserenda tam grave, diuturnum ac pretiosum bellum gesserat Ludovicus XIV, post hujus mortem separatas a Gallia rationes iniit; quin bello etiam fuerunt collisæ. At vero anno 1721 ad finem vergente, arctiori rursus vinculo sunt colligatæ. Factum id est tergeminis sponsalibus. Primo contractæ sunt a Rege Ludovico XV cum Anna Victoria, Philippi V filia ex secundo matrimonio, quæ tres duntaxat annos erat nata, & sequenti anno Versaliam, ut ibi educetur, fuit abducta.

Altera sponsalia sunt inita inter Ludovicum, Principem Asturiæ, filium Philippi V natu maximum, ex primo matrimonio susceptum, & Elisabetham Mompenseriam, Ducis Aurelianensis, Galliæ Regentis filiam seniore. Ille 14, hæc 12 annos ætatis habebat.

Tertium contractum sponsalitiū celebrarunt, Carolus, Hispaniæ Regis primus filius, ex secundo matrimonio, videlicet ex Elisabetha Parmensi progenitus, & Philippina Bellijocensis (*de Beaujolois*) Ducis Aurelianensis juniore filia. Ille quintum, hæc septimum ætatis annum agebat. Ab eo proin tempore communes utriusque regni erant rationes, Cæsare Angloque, ut æquilibrium servetur, altera in lance positis. Verum hæc pacta sponsalitia destruit constantia.

*Cameracensis
congressus.*

Cameracensis Congressus, hoc anno cœptus, parum ad rei summam proficiebat. Cæsar postulabat, ut non modo Philippus Rex, sed etiam Ordines Hispaniæ renuntiarent omnibus provinciis, quas Cæsar in Italia & Belgio possidebat. Francia voluit, ut aliqua fieret compensatio pro sumptibus in bellum successionis impensis. Anglia Minoricam & Gibraltariam sibi in perpetuum assertam optabat. Hispania vero quoad hæc omnia in partem oppositam nitebatur. Difficultates quoque circa successionem Caroli Principis in Ducatus Florentinum & Parmensem congressum fatigabant. Cæsar tanquam secula Imperii conferre illos volebat: pro Carolo ceu bona allodialia sunt petiti.

Ut autem in omnes casus Hispania expedita foret, finitis licet bellis armabatur, statuitque, pacis etiam tempore 70000 virorum alere,

alere, interque eos 54000 peditum, & 16000 equitum, quibus Leedesius præflet. Sumptus autem potissimum præbebat gaza Indica, ex America quot annis advehi solita, quaque melius in rem suam Rex uti didicerat.

Anno 1722 orbis universus pacem habuit, talem nihilominus, Pax bello quæ damnofo bello non esset abfimilis; cum enim Cameracum an-
similia.
mos in concordiam reducere non posset, ingentes ubique provincias premebant exercitus, æquora; classibus tegebantur, & majores adhuc in dies delectus fiebant.

Quamvis enim Philippus iis, quas Cæsar in Italia possidebat, quasque Fœdus Quadruplex ei addixerat, provinciis renuntiaret: circa Ducatus tamen Flœrentinum & Parmensem, prout etiam circa ea, quæ Anglia de Monarchia Hispanica decerpserat, adhuc hærebat controversia. Sed neque sequenti anno 1723 promotum magis Cameracense negotium, tabellariis frustra Europæ aulas percurfantibus. Cæterum hoc anno Patri Daubenton, Confessario Regis, suffectus est P. Bermudez S. J.

Anno 1724 rarum orbi moderationis exemplum præbuit Philippus V Rex Hispaniæ. Curarum is, quas regnum invehit, per-
Abdicatio
Regis.
tæsus, atque solitudinis sacræ appetens, coronam deposuit, eamque in Ludovicum, Asturiæ Principem transtulit. Atque sic regno omni abdicato in Castrum S. Ildephonsi cum conjugè Parmensi secessit, certam pecuniam pro annua sustentatione pactus; quamvis 40 duntaxat ætatis annos expleffet. Quidam longe alio hanc abdicationem sunt interpretati; dum Gallicum diadema ipsum, ceu proximum Ludovici XIV sanguinem, prensaturum dicerent, si quid nepoti Ludovico XV humanitus contingeret. Neque enim hac ratione conjungendum Regnum Galliæ & Hispaniæ in uno capite.

Verum causas hujus abdicationis Rex ipse 15 Jan. aulæ suæ manifestavit: se miseras hujus vitæ satis expendisse, memorabat, atque calamitates bellorum a 20 jam annis nimium quantum expertum. Ludovicum, filium suum natu maximum, ea jam esse ætate (17 annos numerabat) ut regni habenas possit capeffere: se proin Monarchiæ Hispanicæ renuntiare, eamque Ludovico cedere. Statutum sibi esse, in Castro S. Ildephonsi Deo soli servire, mortem meditari, omnemque curam salutis suæ æternæ impendere.

Datum ad S. Ildephonsi 15 Jan. 1724.

Valedixit proin Philippus aulæ, solo Marchione Grimaldo, P. Bermudez Confessario, & modicissimo famulatu secum retento. Nec amplius *Majestatis* nomine compellari voluit, sed *Philippus Borbonius*. Sequebatur Elisabetha Conjux, exiguo pariter cum comitatu.

Ex ea solitudine Philippus filio suo Regi scripsit epistolam, documentis vere Christianis plenam, illumque paterne inter alia est hortatus, sacram Inquisitionem tueretur, Religionem Catholicam in toto regno puram integramque conservaret, subditos oneribus levaret, exemplum S. Ferdinandi Hispaniæ & S. Ludovici Galliæ Regis imitaretur, eosque sibi ideam proponeret.

Coronam
refumit.

Respondit Rex Ludovicus, ut filium decet, regnumque magna cum laude est auspicatus. Verum, prout fert inconstans rerum humanarum conditio, intra eundem adhuc annum funus erat, 31 Aug. variolis extinctus, ne octo quidem regni mensibus expletis.

Pridie mortis coronam patri reddidit, qui contestatus est, se non nisi necessitate & precibus regni Ordinum compulsum eandem recipere, cum nullus ex filiis sit ea ætate, ut posset illam gestare: simulque Ferdinandum secundo genitum cum Statuum consensu Principem Asturiæ, cui jus est thronum vacuum occupandi, re-nuntiavit.

Cameraci idem, qui prioribus annis, nodus manebat intricatus, imo magis implicabatur.

Art. XI.

Nova rerum scena per nova sponsalia. Pax Viennensis. Mors Ledæi, Landi, Paceci. Porti Belli obsessio. Ripperdæ Ruina. Ejus vita. Gibraltariæ obsidio. Aquisgran. & Cameracensis congressus.

153.
Nova scena.

Anno 1725 penitus rursus eversa est in Europa rerum scena. Rex Galliæ, annos pubertatis adeptus, remisit in Hispaniam Annam Victoriæ, sponsam suam, Philippi V filiam. Quare irritatus Rex Franciæ quoque sœminas, Elisabetham, Ludovici Regis viduam, & Philippinam, Caroli Principis Regii sponsam, Ducis Aurelianensis defuncti filias, in Galliam remisit.

Con.

Conversi mox in Lusitaniam Hispaniæ oculi, contractaque gemina de futuro sponsalia, nempe inter Josephum Emanuelem Principem Brasiliæ, Joannis V Lusitanæ Regis filium, & prædictam Annam Victoriam: atque inter Ferdinandum Asturiæ Principem, & Mariam Barbaram, ejusdem Joannis V primogenitam. Matrimonium vero utrinque primum anno 1729 fuit contractum.

Quamvis autem hac ratione Hispaniæ bene fuerit provisum, ægerrime nihilominus Regem habuit remissio ex Gallia filiæ; ut adeo Pax Vien- abrupto Cameracensi congressu, relictisque ibidem legatis Regum, nentia. privatam Viennæ cum Cæsare pacem, quam in Germanicis exhibuit, inierit. Remissi pariter ex Gallia & Hispania Legati, conversaque amica conjunctio in odium & aversionem utriusque agnatæ Domus: præsertim ubi Hispanis innotuit *Hannoveranum fœdus*.

Obiit hoc anno Marchio de Leede, natione Belga, qui ad su- premam armorum bellicque Præfecturam, quod supra memini, ad- motus, Sardinicam, Siculam, & Africanam expeditionem suscep- rat, supremi ad extremum in Consilio bellico Præsidis honore cu- mulatus. Vixit annos 57. Varii obitus.

Secuta brevi post fuit mors Marchionis Beretti Landi, Placentini Itali. Obierat primum munus primi Ministri in Aula Mantua- na: tum vero reliquam vitam Hispaniæ impendit, Legati dignitate Lucernæ in Helvetia, Hagæ in Hollandia, Cameracensi in Con- gressu, ac demum Bruxellis in Belgio, ubi vitam finit, egregia cum laude perfunctus; secunda eundem prosequente hodiedum memoria.

Viam denique universæ carnis ingressus est Emmanuel Paceus de Cabrera Dux Escolanus, Prorox olim Neapoli, anno 1707 a Cæsareis Cajetæ captus, anno 1710 cum Stanhoppio permutatus, creatusque supremus Aulae Hispanæ Præfectus, Directorque Aca- demiæ Regiæ; quibus in muneribus successorem habuit filium.

Anno 1726 rem militarem strenue promovit Hispania, & forte Gibraltaria & Portus Magonis scopus erant. Quod cum suspicaretur, aut timeret Georgius I Rex Angliæ, classem alteram immisit Mediterraneo, alteram Oceano, obseditque Portum Bellum, & in eo gazam Regiam.

Incidit in hunc annum ruina Joannis Wilhelmi Baronis Rip- perda, ex summo honorum & dignitatum cacumine subito in ima præcipitatus. Erat natione Hollandus, militis filius. Anno 1715 Ripperda a Batavis missus est in Hispaniam Legatus, ubi Cardinali Alberonio consilia suggessit, qua ratione fabricæ publicæ erigi possent, atque satum.

ex lanificio præsertim grande lucrum regno conquiri, quod ante in Angliam & Hollandiam fuerat aversum. Vocati ex Hollandia & Belgio multi, artis gnari, qui Hispanorum desidia excitarent. Persuafus denique Ripperda, ut abdicatis, quæ a Republica habebat, muneribus, susceptaque Religione Catholica, Hispaniæ operam suam addiceret.

Cum Alberonio ipfius quoque fortuna prolapsa est; ut adeo ab anno 1719 obscurus in Hispania degeret. Sed hoc ipsum idoneum fecerat, ut anno superiore ad pacem Viennæ clam componendam mitteretur. Hæc feliciter confecta gradum ei ad summos dignitatum gradus substernebat; nam mox creatus Dux de Ripperda, munere Legati Hispaniæ in Aula Cæsarea insignitus, quem characterem grandi pompa, ingentique sumptu sustentabat.

Revocatus in Hispaniam, & inter *Grandes* primæ magnitudinis relatus, pluribus curiis præsidebat, tandemque primus regni Minister fuit renuntiatus. Sed ecce versatilem fortunæ rotam! bolidis instar igniariæ sublatus in altum, ut disruptus profundius cadidit. Vix enim annus abierat, cum novus hic Eutropius gratia Regis penitus excidens asylum apud Stanhopium, Legatum Angliæ, quærere cogitur. Cum is eundem nollet extradere, vi ex ejus palatio abstractus est, & in arcem Segoviam captivus abductus, Stanhopio omnia Gentium Jura violata inclamante, & eadem adhuc die Madrito excedente.

De noxa Ripperdæ varius erat per Europam rumor. Creditum multis, prodita ab eo Anglis Batavisque regni arcana, pluraque ab eo emissa mandata Rege inscio, & abusum re pecuniaria. Filius ejus, qui tunc Viennæ Legati Hispanici munereungebatur, intremuit, ubi casum patris audivit. Sed intercessioni Cæsareæ tandem datum, ut characterem servaret.

Ripperdæ suffectus est, quamvis non tam universali cum potestate, Orendanus Marchio *de Pace*, Status jam ante Secretarius; venientibus in partem curarum Patinho, Grimaldo, Castellariorio &c.

Gibraltaræ
obsidio.

Anno 1727 Hispani *Gibraltariam* oppugnabant, Duce Torrefio. Tres jam menses tenuerat obsidio, cum de Præliminaribus pacis, Parisiis initis, nuntiatur. Abductæ proin copiæ, ea tamen conditione, ut obsessis nihil reparare liceat, donec tractatibus per solennem pacem finis fuerit impositus. Locus congressui lectus *Aquisgranum*, postea vero *Cameracum*, ubi superioribus annis frustra

fra Legati quatuor coronarum hæserant. Archithalassus Antonius Castagnetta jam ante maximam thesauri Indici partem, Hosiero Anglo frustra excubante, Gadibus feliciter invexerat. Quæ ad Anglos mercatores spectabant, Rex sequestro commisit.

Art. XII.

Novum rursus theatrum aperuit Tractatus Seviliensis. Ejus articuli. Ut Cæsar placetur, Anglus iniit Tractatum Viennensem. Oranum Mauris ereptum. Bellum occasione Poloniæ. Carolus Rex Utr. Sicilia. Obitus Ripperdæ.

154.

Anno 1728 pacis negotium (quod alias dictum) Sueffione sufflaminauit Gibraltaria, quam Hispani corona adhuc cinctam habebant, & successio in Italicos Ducatus. Dux Ripperda e carcere Segoviensi fugitivus in Angliam, repetitus est ab Hispania, ceu Majestatis reus; sed non fuit traditus, ea excusatione, Ormondum & Whartonum versari in Hispania. Obiit Comes Castagnetta, classis olim Præfectus, a clade Sicula notus.

Anno 1729 dum Legati Sueffione adhuc disputabant, Gallia, Hispania, & Anglia, præterito Cæsare, Tractatum celebrem *Sevillie* seu *Hispallii* inierunt, cujus sequentia sunt capita. Tractatus Hispanicus.

I. Pax sit perpetua inter tres coronas ad communem defensionem.

II. Cavent sibi mutuo de provinciis & commerciis. Quævis pars in hunc finem contribuet 12000 armatorum cum navibus.

III. Declarat Hispanus, in tractatu commerciali Viennensi de anno 1726 intentionis suæ non fuisse concedere privilegia, prioribus contractibus contraria.

IV. Confirmat omnia privilegia, ante annum 1725 Gallis aut Anglis concessa. (*Videlicet per pacem Ultrajectensem 1713, per Tractatum Madritensem 1715, per tractatum de evadendis ex Africa in Americam Mauris.*)

V. Tractat de compensatione damnorum illatorum.

VI. Decernuntur Commissarii ad hæc damna examinanda,

VII & VIII idem argumentum prosequuntur.

IX. Portus Liburni, Ferrarius, *Parma & Placentia* a 6000 *Hispanorum*, ad securitatem successionis pro Carolo Principe, occupentur.

X. Hæ copiar, Hispaniæ stipendio alendæ, dictorum locorum possessoribus fidem jurent, nullamque molestiam inferant.

XI. Quando autem Carolus ad quietam possessionem venerit, copiar Hispaniæ abducantur.

XII. Tres coronæ hanc successionem defendent adversus omnes, eam impugnantes.

XIII. Speratur, Regem Hispaniæ super hac successione cum Ducibus Florentiæ & Parmæ transacturus.

XIV. Fœderati Belgii Ordines ad accessionem invitentur, omnesque, qui volunt accedere.

Actum Seville 9. Nov. 1729.

Subscripserunt Brancas, de la Paz, Patinho, Stanhope, Keene.

Non admodum placuit hæc conventio pluribus Hispaniæ, qui querebantur, emolumentum Nationis non satis fuisse curæ: Minoricam & Gibraltariam rehdas in Anglorum manibus, plura commerciorum commoda isdem fuisse concessa. Nec cessabant murmura, donec Regina aliquos in exiliem misit.

Cum autem Imperator huic conventioni se opponeret, eamque Quadruplo Fœderi & paci Viennensi contrariam diceret, missis etiam in Italiam, quæ exscensionem impedirent, copiis, Gallia & Anglia, quantumvis per Legatos impulsæ, executionem nequaquam præcipitabant; ut adeo toto anno 1730 trajectio in Italiam sufflaminaretur, donec anno sequenti Rex Magnæ Britanniæ novo Viennæ tractatu, sponsione Sanctionis Pragmaticæ impetravit, ut Imperator in trajectionem Principis Caroli cum 6000 Hispanis consentiret. Trajectui huic Viennensi accessit Hispania; secutaque est transportatio Caroli, a Patre emancipati, in Italiam. (1731.)

Dux de Liria, a Legatione Russica redux, Viennam Orator missus. Joachimus Fernandes Portocarrerus Dux de Almenara, Cæsareus quondam Siciliæ Prorex, quamvis ultimus esset suæ Familiæ, Romæ statum Ecclesiasticum, suscepto sacerdotio, est amplexus.

Anno 1732 Hispania cum Europæis Principibus pacem nacta, ne miles otio torperet, atque ut abscissa membra corpori suo rursus uniret, expeditionem in Africam suscepit. *Oranum*, munita in Barbaria ad Mediterraneum urbs, scopus erat, quo collimabatur.

Hanc

Novus tractatus Viennensis.

hanc annō 1509 Cardinalis Ximenius Mauris eripuerat, qui sæpius deinceps armis, at frustra, eandem repetebant, donec tandem anno 1708 fervente in Hispania bello fame eandem ad dedicationem compulerunt. Hoc vero anno Montemarus cum valida classe appulsus ad Orani littora, conferto cum Barbaris prælio victor, urbem cepit, simulque munimentum Masalquiviri. Commissa dein plura cum Mauris prælia variante fortuna. A Septa quoque, facta eruptione, depulsus hostis. Rex Montemarum & Patinnum; Status Secretarium, ob rem bene gestam, Aureo Vellere remuneratus est. Creati etiam plures *Grandes*, ut vocant, *Hispaniæ*.

Anno 1733 novæ tricæ sunt ortæ Cæsarem inter & Hispaniam; quæ tamen circa formalitates magis & ceremonias Investituræ, Carolo Principi impertiendæ, versari videbantur, quam circa rem ipsam. At vero cum de novo Rege Poionæ eligendo ageretur, dissidium in bellum apertum erupit.

Editum scriptum Hispaniæ, quo causas belli commemorabat: exclusionem Stanislai ad injuriam totius Domus Borbonicæ pertine-
 re inquiebat: mortuo Antonio Parmensi Duce Cæsarem provincias Ionicas occupasse; fictum propterea Henriætæ viduæ utrum: adjectas minas expellendi rursus Hispanos. Fines Principis accisos: Mediolanenses Vasallos prohibitos homagium præstare: interdictam Principi possessionem bonorum allodialium Domus Farnesiæ in agro Neapolitano: crimini datum Duci Florentiæ, quod Carolo eventuale homagium præstari permisisset, eique Magni Principis titulus fuerit delatus: Angliæ mediationem acceptatam ab Hispania, sed ab Aulâ Viennensi novas semper exceptiones & moras fuisse injectas. Cogi proin Regem jura sua armis persequi.

Responsum ad hæc a Cæsare, prout in Italicis memoratum. Summa eo recidit, nihil in hac causa a se actum, nisi quod supremum Domini Directi officium & Imperii jura exegissent, quæ Hispani excutere fuissent conati.

Sed non diu verbis certatum. Initum fœdus trinum, Galliam inter, Hispaniam, & Sardiniam. Habiti delectus, instructæ classes, expedita arma, legati revocati, nullis parsum sumptibus, quos classes Americane suffecerant.

Anno 1734 cum arma trium coronarum prosperum in Italia progressum haberent, Carolus Dux Parmæ renunciatus est Rex utriusque Siciliæ: Montemarus vero in præmium rei feliciter gestæ Dux Bitontinus & Grandis Hispaniæ primæ classis.

Oble-

Obierunt 1 Marchio de Paz, celeberrimus Minister Status: Patinho jam ad clavum sedente. 2 Dacunha Prorex Mexicanus. 3 Corduba classis Praefectus. 4 Marchio Alcaudette de Toledo in Caesareis constanter militaribus obsequiis. Marchio Almendarus Peruviae Prorex advocatus, ut rationem reddat.

Anno 1735 cum Caesare ex Italia propemodum essent expulsi, Carolus Rex Hispania non sine taedio intellexit, Galliam inter & Caesarem fuisse utriusque Siciliae conventum, ut regnum utriusque Siciliae Carolo, Parma vero & Placentia cum Hetruria aliis obtingeret. Regina has provincias tanquam suas hereditarias respiciebat, majorisque census, quam Neapolin & Siciliam. Quare tractatui Viennensi accedere recusavit, atque Potentiis etiam Maritimis, ne accedant, persuadere conata est.

Quamvis autem Hispania per solitariam ejusmodi conventionem, qua Gallia foederatorum suorum commoda Lotharingae immolasset, solaeque belli, feliciter gesti, fructus decerperet, se non parum laesam quereretur, persuaderi tamen, & quidem ab ipsa potissimum Gallia, se denique passa est, ut anno 1736 transactionis Viennensis Praeliminaria acceptaret, & Parmam atque Placentiam Caesari, Thusciam vero Duci Lotharingae in eventum pro regnis duobus cederet.

Ludovicus filius Regis natu minimus 9 aet. anno creatus Archiepiscopus Toletanus & S. R. E. Cardinalis. Obiit Josephus Patinho, seu Patingo, notissimus Secretarius Status, & *Grandis Hispaniae* primae classis, anno aet. 77.

Anno 1737 Rex, filiis reliquis sublimi dignitate fulgentibus, Philippum Archithalassum Hispaniae cum regio censu annuo constituit: Carolo vero Regi utriusque Siciliae sponsam selegit ex Domo Saxonica Mariam Amaliam, Electoris Saxoniae & Poloniae Regis filiam.

Perdurabant adhuc lites cum Anglia, quae praetendit, sibi fas esse, per maria Americana libere navigare, & commercari. Hinc naves repetebant, a littorum custodibus sibi ereptas. Hispania vero replicabat, Anglis nihil aliud ac Batavis esse concessum. Cum his autem Art. 6 pacis West. esse conventum, ut neutra pars alterius portus, littora, ripas, aut loca accedat, aut in illis commercetur. Nihil igitur Anglis esse permissum, nisi ut ad suas terras, colonias, & plantationes navigent; esse proin, quod sibi impudent, si portuum & littorum defensores naves eorum, ultra limites evagantes, capiant, & legitime praedae declarentur.

Marchio

Marchio de la Quadra creatus Secretarius Status. Obijt Te-
tuani in Africa famofus Ripperda, gente, ut dictum, Belga, ab Hol-
landis Legatus miffus in Hispaniam, ubi Catholicam fidem amplexus
obfequiis Regis fe addixit, ab Alberonio gravibus negotiis adhibi-
tus. Legatus Viennam pacem 1725 composuit, Dux propterea
& Grandis Hispaniæ primæ classis renuntiatus, primusque Regni Mi-
nifter. At gratia brevi excidens, in Segovienfem carcerem abdu-
citur. Inde in Angliam & Hollandiam elapfus, cum nec ibi secu-
rum fe crederet, Marochium in Barbariam fugit, miferamque vi-
tam claufit.

Obit Ripper-
da.

Anno 1739 in Hispania celebri folennitate excepta eft Primo-
genita Regis Chriftianiffimi, Philippo Principi desponfa.

Postquam inter Anglos atque Hispanos de reparandis damnis diu
multumque frustra certatum eft, erupit tandem bellum, de quo in
Anglicis. Vastatus Portus Bellus. Carthagera incassum tentata &c.

Nominati 25 supremi locumtenentes, inter quos Duces, Atri-
enfis, Arifconus, Linnarius. Uftaricius, Secretarius Status, au-
ctus Marchionis dignitate. Obierunt Medina - Cælius ex Domo Cor-
dubenfis, & Medina Sidonius ex Familia Guzmanæ.

Art. XIII.

*Philippus V Austriacam hæreditatem prætendit, & votum Bo-
hemicum. Bellum Italicum. Pugna navalis. Sponsalia*

Delphini. Obitus Philippi V, conjuges ac liberi.

Succedit Ferd. VI, & huic Carolus III.

Anno 1740 mortuo Imperatore Philippus Rex totam Austria-
eam hæreditatem, Italicas maxime provincias jure regressus præten-
dit; eo quod linea recta descenderet ex Carolo V, eique in regno
fuccessisset, qui testamento cavisset, ut, si Germanica stirps mascula
deficeret, Hispana succederet; sub hac enim conditione Ferdinando
fuisse cessas provincias Germanicas. Hungariam vero & Bohemiam
ad fe pertinere, quia descenderet ex Anna, Maximiliani II filia,
Philippo II nuptui data, quæ successionem sibi reservasset in casum,
quo mascula stirps exaresceret. Protestatus est etiam Legationis Se-
cretarius Carpenterus, antequam Vienna discederet, post mortem
Caroli VI nemini jus competere creandi Equites Aurei Velleris,
nisi suo Regi, jure sanguinis & ex testamento Caroli II ultimi pos-
sesso-

155.
Prætenfio in
Austriam.

Part. X.

O o o

fesso-

cessoris successori: Respondit ad hæc Austria, prout in Germanicis & Italicis retulimus.

Cum bellum adhuc arderet Anglicanum, Haddocus Mediterraneum, Balchenus vero Gallicæ littora cum classibus infestabant. Torrefius autem cum 33 bellicarum classe in Americam navigavit, eandem defensusus.

Obit *Maria Anna*, Philippi Wilhelmi Palatini Electoris filia, Carolo II anno 1690 nupta. Post Conjugis mortem Bayonam, urbem Gallicam, abiit, vixitque vidua 40 annis, ætatis 74 defuncta. Testamento hæredem instituit Elisabetham, Hispaniæ Reginam, sororis suæ filiam.

Anno 1741 Rex per Portocarrerum Comitem Montichium, suum ad Electionem Cæsaream Legatum votum Bohemicum præten- dit, suamque juris deductionem Electoribus obtulit. Idem Legatus, dum Maria Posonii Regina Hungariæ coronaretur, ex Silesia protestationem misit; sed Hungari ne quidem apertam remiserunt.

Bellum Ita-
licum.

Trajectæ mox in Italiam copiæ Duce *Montemario*, classis Præfecto *Navarro*. Sed morbis ita fuerunt attritæ, ut Orbitelli consistere, & nova ex Hispania subsidia expectare fuerint coactæ.

Anno sequenti, postquam Rex Sardinia Austriacas partes aperte est amplexus, Mutinam & Mirandulam expugnavit, Montemario in Statum Ecclesiasticum se recipiente, nactus propterea successorem *Gagium*. Nec multo felicius ex altera parte gestum bellum; nam Philippus Princeps Sabaudiam quidem occupaverat, in Italiam tamen penetrare non poterat. Sed hæc in Italicis prolixius referuntur. Ubi etiam exponitur pugna ad Campum Sanctum, quæ 1743 fuit commissa, parte utraque sibi attribuyente victoriam, quamvis Hispani primi acie exceßerint. (*vid. Italica*)

Joanni Bapt. *Barni* Nuntio Apostolico Rex ipse purpureum Gal- lerum imposuit. Marchio de *Ensenada* renunciatus Minister Status, Consiliarius bellicus, ærarii Præfectus. *Bellinius*, Franciæ Marschallus, Eques Aurei Velleris, quod ei in Germaniam mis- sum est.

Pugna na-
valis.

Anno 1744 continuatum est bellum cum Anglia maritimum in Europa & America. *Matteuius* classis Præfectus, cui suberant Le- stockius, & Rowleus (*Vice-Admiralem* & *Contra-Admiralem* Angli vocant) in alterum jam annum ad Telonem Martium oberrant; naves Gallo-Hispanas (quas Curtius & Navarrus gubernabant) in portu continuerat; cum iussu inde egredi, cum Anglicis confi-
xere,

zere, eo eventu, ut nox prælium dirimeret, & altera die Angli cum laceræ classis reliquis in Minoricam ad Portum Magonis, Hispani Carthagenam, Galli Alicantam solverent. Mattevius contra Lestockium, Navarrus contra Curtium querebatur. Huic substitutus Gabaretus. Venatorium reliquo anni tempore velut erat bellum Marinum, classium Præfectis multa agentibus, ad rei substantiam nihil.

Philippus V Rex Hispaniæ, ut cum agnata Domo Francica arctius se conjungeret, Delphino filiam suam Mariam Theresiam Nuptiæ. despondit, agente Procuratorem Delphini Ferdinando Principe Asturiæ.

Franciscus Maria, Dux Mirandolæ, Aulæ Moderator, contractis cum Maria, Ducis de Berwick & Liria filia, jus suum in Mirandolam Regi vendidit. *Minasius* Marchio ex Italia revocatus, quod ei cum Principe Contyo, ad Cuneum præsertim, non satis conveniret. Carillus vero Dux *Montemarius* Ensenadæ maxime opera in gratiam Regis receptus.

Madritum venerunt, Henricus Henriquez, Nuntius Apost. Törtingius de Jettenbach Junior, Legatus Cæsareus: quem tamen Rex anno 1745 post initam pacem Füssensem dimisit. Quantos autem Gallo-Hispani hoc anno in Italia fecerint progressus, dictum est in Italicis.

Anno 1746 9 Julii obiit Philippus V Hispaniarum & Indiarum Rex, Ludovici XIV Galliarum Regis ex filio Delphino nepos, secundogenitus, Ludovici XV patruus, fide, Religione, integritate, atque in utraque fortuna constantia Princeps clarissimus. Annos ætatis implevit 62, Regni 45. Aperto corpore inventa est in sinistro cordis ventriculo vacuitas, per quam sanguis, in pericardium effusus, mortem accelerasse dicitur.

Reginas conjuges duas habuit: primam *Ludovicam*, Victoris Amedei Sabaudiæ Ducis filiam, Moderni Sabaudiæ Ducis Caroli Emmanuelis fororem. Ex qua genuit 1 Ludovicum, qui, vix cesso sibi a patre regno, anno 1724 obiit. 2 Ferdinandum, qui Patri defuncto in regno successit.

Secundam *Elisabetham*, Odoardi Ducis Parmensis filiam, ex qua suscepit 1 Carolum, Ducem primum Parmensem & Placentinum, utriusque dein Siciliæ, ac demum Hispaniarum Regem. 2 Mariam Annam, primum Ludovico XV Franciæ Regi desponsam, dein Josepho Emmanueli, Brasiliæ Principi, Moderno Lusitanæ Regi nuptam. 3 Philippum, qui per pacem Aquisgranensem

fem Ducatus Parmæ, Placentiæ, & Guastallæ est consecutus, Galliarum Regis gener. 4 Mariam Theresiam, Franciæ Delphino, anno 1746 nuptam. 5 Ludovicum Antonium, Archiepiscopum Toletanum & Hispalensem, S. R. E. Cardinalem creatum; quas tamen dignitates abdicavit anno 1754. 6 Mariam Antoniam, Victori Amadeo, Regio Sardinæ Principi 1750 connubio junctam.

Testamentum jam anno 1724 condiderat, quo Reginæ palatium S. Ildephonsi cum omni suppellectili & ornatu ad tempus vitæ possidendum assignaverat, cum 600000 solidis argenteis (*Piañres* appellant) ultra 200000 aureorum consuetum in Hispania Reginarum vitalitium, proventu annuo. 1727 adiecit Codicillum, quo non tantum testamentum suum, apud Magnum Castellæ Senatum depositum, confirmavit, sed Reginæ etiam potestatem fecit, ubicunque vellet, vitalitio suo utendi fruendi.

Fœd. VI.

Succesit jure primogenituræ patri Ferdinandus VI Caroli Emmanuelis Sardinæ Regis ex sorore nepos. Natus 1713, qui anno 1729 duxit Mariam Barbaram, Joannis V Lusitanæ Regis filiam; ex qua tamen nullos liberos suscepit. Vestigiis patris insitens fœdere cum Galliæ Rege Patruelis suo renovato, bellum terra marique prosequi decrevit, donec fratri Philippo sedes condigna in superiore Italia pareretur.

Reges Hispaniæ ungi aut coronari non solent, sed id suppletur solenni & publica proclamatione, per Grandes Proceres facta. Processum magnifico cum comitatu ad palatium suburbanum (quod *Buenretiro* dicunt) atque inde deductus Rex, acclamante ubique populo, ad palatium suum Escorialæ.

Sub initium anni hujus, licet res Borbonicæ in Italia optimo loco essent constitutæ; quia tamen Austriacæ vires, sancita cum Boruffo pace, timebantur, Galli, velut futuræ expeditionis præfagi, ideam quandam pacificationis Regi Sardinæ proponebant, quæ tamen nec isti, nec Hispanis placuit. Quare versis in bellum continuandum consiliis, acta sunt, quæ in Italicis retuli.

Anno 1747 Elisabetha Regina vidua ad castrum S. Ildephonsi cum Ludovico filio Cardinale secessit, aula, quæ nolebat, ut Status negotiis se misceat, id ei insinuante. In Status autem Ministerium assumpti sunt Carvajallus, Villarias, Ensenada &c.

Obiit

Obiit Ferdinandus VI anno 1759 regni 13, successit frater Carolus; qui, antequam discederet in Hispaniam, regnum utriusque Siciliæ in Ferdinandum filium tertio genitum solenni abdicatione transulit; quia Philippus primogenitus declaratus est, ob debilitatem mentis, ad regendum inhabilis. Carolus vero secundogenitus, tanquam Princeps Asturiæ, cum patre Rege in Hispaniam abiit.

Carolus III
Rex Hisp.

Dum autem novus Hispaniæ Rex per pacis studia ad novum florem regnum perducit, partem charissimam amisit, lectissimam videlicet suam conjugem, Mariam Analiæ, Saxonici Principis, Augusti III Poloniæ Regis filiam, omnium virtutum ornamentis conspicuam, quæ 27 Sept. 1760 pientissime decessit, postquam sex liberis masculis & septem fœmineis Regem Maritum locupletaverat. Nata est anno 1724, nupta 1738 primum Dresdæ per procuratorem, dein Cajetæ. Luxit orbi 36 annos: lugebit eam orbis perpetuo. Patrem, vix non exulem, juvit, quantum potuit, Matrem triennio ante amisit; conjugem sibi, subditis, & coronæ in ævum conservent cælités.

Anno 1761 Carolus Rex amicum & cognatum fœdus iniiit cum patruele suo Rege Franciæ, 28 capitibus comprehensum, quæ eo spectant, ut fœdus sit defensivum, ad conservandas terras, quas utraque corona post initam pacem possidebit. Extenditur ad Regem Siciliæ, & Ducem Parmæ. Designantur auxilia pro casu invasionis præstanda, quæ tamen se non extendunt ad casum, quo Gallia in Septentrione, aut ratione pacis Westphaliæ in Germania bellum gereret, nisi Potentiæ Maritimæ se immiscerent, aut nisi ipsa Francia invaderetur. Galli in Hispania & Sicilia non aliter tractandi ac incolæ, & vicissim. Ad hunc Tractatum consanguineum non alii admittendi Principes, nisi qui sunt de Domo Borbonica.

Fœdus amicitiæ cum Gallia.

Conventio hæc domestica 15 Augusti conclusa, & 8 Sept. 1761 utrinque rathabita, clam initio habebatur; sed brevi ad Bristolum Angliæ Legatum, omnibus attentum, transpiravit. Is igitur communicari sibi eandem petiit, præcisumque responsum a Rege exegit, an vires suas Galliæ contra Anglos sit juncturus? si categoricum responsum sibi non daretur, Hispania se excessurum.

Dispicuit Regi tam præcisa postulatio, eamque pro belli denuntiatione se habere dixit. Gestum dein anno 1762 bellum; quod infra perstringam.

CAPUT VI.

Status Lusitaniæ

SÆCULO XVIII.

Lusitania accedit magno fœderi, bellumque cum Gallo- Hispanis gerit. Pax cum utrisque. Nuptiæ geminæ. Causa Bichiana. Patriarchatus erectus. Obitus Regis & Reginae. Terræ motus.

156.

Cum de successione Hispanica ferrum inter & ignes flagraret contentio, magna per Europam erat expectatio, in quam partem Petrus Lusitaniæ Rex se verteret, sine quo arduum omnino erat Fœderatis, bellum in Hispania, jam tota a Philippo occupata, bellum feliciter gerere.

Expectatio
de Lusit.

Et primo quidem apparebat, Portugalliam aut nullas, aut Borboniæ gentis partes secuturam; nam Philippum Regem Catholicum agnoverat: fœdus cum Gallia & Hispania erat percussum: Batavos anno 1701 fuerat hortata, ut paci in Europa conservandæ curam impenderent: Gallicos machinatores, ut fines suos muniret, receperat. Plures ejusdem nationis naves in portubus Lusitanis stabant sub anchoris.

Sed tandem Petrus Rex sive metu futurorum, sive spe victus fœderatis, Imperatori, Anglis, & Hollandis anno 1703 manus dabat, accedens focius magno fœderi. Periculo non carere visum, maribus & gente præpotente undique cingi.

Auigny.

Imperator largis promissis nutantem traxit; nam cessurum se spondit Lusitaniæ Pacem Augustam (Badajoz) Alcantaram, Albuquercum, Valentiam in Extremadura, Bayonam in Biscaya, pluresque urbes in Galicia, & latas possessiones in America. Anglia offerebat securam littorum custodiam, defensionem navium, commercium liberum, 12000 armatorum, a fœderatis sustentanda, quibus Lusitani præficerentur, denique pro 8000 Lusitanorum sustentandis millionem thalerorum.

Hoc fœdere, quod clam habebatur ad adventum usque Caroli Archiducis, adversus Borbonios inito, terra bellum marique gestum.

Et

Et quidem Carolus anno 1704 Olyssiponem Anglicis navibus cum octo capitum millibus appulsus litteras publicavit per Lusitaniam, quibus Rex Hispaniarum fuit promulgatus, Legatus vero Gallicus dimissus e Portugallia.

Apparuit etiam declaratio belli Lusitana, qua Rex querebatur, non servatum a Gallis partitionis tractatum: non missa in Lusitaniam promissa subsidia: prodiisse sculpturam, qua Philippus Rex rati. Lusitaniae appelletur. Denique periculum a Domo Borbonica imminens, & metus, ne corona Gallica & Hispana in uno capite conjungantur, opponeretur.

Philippus igitur Lusitaniam aggressus, Salvaterram, Seguram, Idanham, Monlantum, Montalvanum, Castelbrancum, expugnavit, Tagoque pontem imposuit, ut Portalegrum obsidere posset. Schombergius, qui foederatis praeerat, suasit, ut Lusitani adjuvantur; ubi consilium suum neglectum vidit, tanto animi tædio langueret, ut revocari petierit.

Sed autumnus foederatis fuit felicior, recuperatis, quas amiserant, urbibus. (anno 1704.) Anno sequenti Barcino & Gibraltaria Sed repel-
potissimas copias a Lusitania averterunt. Anno 1706 copiae Lusitaniae foederatis junctae ea gessere, quae in Hispanicis retulimus. Anno 1707 Lusitani quoque, ad Alamancam fusi sunt. Furbinus vero Anglos, armorum apparatus in Lusitaniam deferentes, navali certamine vicit, captis navibus aut depressis. Anno 1709 Lusitani alique foederati a Marchione Bayo ad Cayam prælio victi, cæsis, ut fertur, 5000, sed ob paucitatem copiarum Hispanicarum non magnus fuit victoriae fructus.

Translato in Catalauniam, Arragoniam, Valentiam bello, respirare Lusitaniae licuit, ejusque copiae, foederatis junctae, parem cum iis fortunam subierunt. (vid. *Hisp.*)

Anno 1712 Hispani irruptionem in Lusitaniam tentabant, sed amissis 4000 repulsi sunt. Felicior fuit classis Gallica, quae in Brasilia urbem S. Sebastiani expugnatam compilavit. Eodem tamen ad-
huc anno Lusitaniam inter & Galliam induciae sunt initae, & anno sequenti pax Ultrajecti conclusa.

1. Inter utramque Nationem sit constans amicitia.
2. Cum plena amnestia.
3. Captivi liberentur.
4. Extra Europam omnia in statum pristinum reponantur.
5. Uti etiam commercia.
6. Subditi æquali libertate fruantur.

7. In portu magis munito non plures quam sex bellicæ recipiantur, in minus munito non plures quam tres.

8. Gallia abdicat prætenfiones in caput Boreale ad flumen Amazonum in America.

9. Lusitaniæ fas est, munimenta, ubicunque velit, construere.

10. Utrumque litus Amazonicum apud Lusitanos permaneat.

11. Gallia renuntiat omnibus, quæ Lusitani possident.

12. Galliæ subditi in regione Cayena Lusitanis ad flumen Amazonum nullam molestiam inferant.

13. Nulli Missionarii Gallici in Americam Lusitanicam veniant.

14. Mox post conclusam pacem omnes articuli dentur executioni.

15. Casu novi belli subditis utrinque sex menses concedantur, quibus res suas in tuto collocare queant.

16. Anna Regina magnæ Britanniæ pro hac pace vult cavere.

17. Alii etiam Principes includantur.

18. Sequatur ratificatio.

19. Et quidem intra 50 dies.

Hæc pax cum sola Gallia a Lusitania erat inita, necdum autem cum Hispania; ea enim postrema omnium primum biennio post, anno videlicet 1715, est secuta, in hos articulos.

1. Sit vera pax & amicitia.

2. Cum oblivione omnium hostilitatum.

3. Amnestiæ etiam includantur, qui partes alterutras sunt secuti.

4. Captivi & obsides liberentur.

Cum Hisp. 5. Omnia loca abrepta restituantur, nominatim Lusitanis Castellum Nudar, Insula Verdoria, Colonia SS. Sacramenti in America, Hispanis Albuquerque & Puebla.

6. In Colonia SS. Sacramenti soli negotientur Lusitani, contra vero in suis territoriis soli Hispani.

7. Si Hispani intra annum & dimidium pro Colonia SS. Sacramenti æquivalens repræsentarent, eis cedatur.

8. Evacuatio in Europa & America fiat intra 4 menses post ratificationem.

9. Loca restituantur in statu, quo sunt occupata.

10. Liber tamen discessus incolis relinquatur.

11. Bona in bello confiscata proprietariis restituantur.

12. Om-

12. Omnes legitimæ ereptiones navium ratæ habeantur.
13. Confirmatur articulus octavus tractatus anni 1668.
14. Uti etiam articulus 14 transactionis de anno 1701.
15. Hispania pro antiquis prætensionibus solvat Lusitaniam 600000 thaleros.
16. Lusitania vero renunciet omnibus prætensionibus.
17. In Europa commercia in pristinum, quo fuerant ante bellum, restituantur statum.
18. Nullus Lusitanus tabacus Hispaniæ, & vicissim, inferatur.

19. Naves bellicæ rursus in portus admittantur, sed in majores non nisi sex, & in minores tres.

20. Pax a publicatione vim suam habeat. Si quid hostile posita evenierit, satisfactio præstetur.

21. Si novum bellum oriretur, subditis sex menses relinquantur, quibus se cum bonis suis alio possint recipere.

22. Anglia pro hac pace spondeat.

23. Intra 6. menses possunt etiam alii Principes cum consensu utriusque coronæ huic paci accedere.

24. Omnes hi articuli sancte observentur.

25. Intra 50 dies post subscriptionem pax ratificetur.

Post pacem istam conclusam Rex Lusitaniam militiam suam ad 10000 peditum reduxit, & 3000 equitum.

Anno 1715 *Emmanuel*, infcio fratre Joanne V Lusitaniam Rege, in Hollandiam abiit, indeque Viennam, atque anno 1716 ad bellum Hungaricum, sub disciplina Eugenii artes militares percepturnus.

Rex novum Olyssipone Archiepiscopatum & Patriarchatum, cum Papæ consensu erexit, large fundatum dotatumque, atque in eo ad morem, Romæ usitatum, cultum Divinum solenniter haberi tus. voluit. Ecclesia Archiepiscopi Cathedralis erat sacellum Regium, in quo 32 Canonici ei, sacris operanti, ministrabant.

Anno 1718 finito bello Turcico *Emmanuel* natu minimus, Regis frater, peragratis variis regionibus, Viennam rediit, ibique bellicis obsequiis se devovit, factus supremus vigiliarum Præfectus, attributa etiam Cataphractorum legione. Duo vero fratres naturales Tago navigantes, subito turbine inversa navi, anno 1724 aquis haulti sunt.

Inita anno 1725 sponsalia inter *Josepbum Emmanuelem*, Principem Sponsallam Brasiliæ, & Mariam Annam Victoriæ, Philippi V Hispaniæ Regis filiam, *Regi Principis*.

Pars X.

P p p

filiam,

filiam, quam Rex Galliae in Hispaniam remiserat: item, inter Mariam Barbaram, Joannis V filiam, & Ferdinandum Principem Asturiae. Quo gemino vinculo Lusitania cum Hispania intime colligata fuit.

Causa Bichiana.

Per plures annos controversia inter Aulam Romanam & Lusitanicam, propter Nuntium Apostolicum Olyssipone Vincentium *Bichium*; quem Rex purpura donari petebat, Roma recusante. Ubi de hoc negotio relatio data est in Italicis.

Anno 1728 Joannes V Rex Lusitaniae propter causam Bichianam, mox indicatam, Cardinalem Pereyra, & Comitem Galvesium Roma, omnesque Lusitanos ex Statu Ecclesiastico avocavit; Firraum vero Nuntium Apostolicum ex Lusitania dimisit.

Nova Academia Olyssiponenfis, ex multis doctissimis, Ecclesiasticis & saecularibus, membris constans, sub protectione Regis ad majorem semper majoremque florem fuit perducta, Historica praesertim eruditio, quam pluribus jam editis Tomis illustraverat.

Legatus in Chinam.

Missus ex Brasilia in Chinam Menesius Legatus propter commercia Macaensis & Cantonensis; Pekini ab Imperatore Sinarum magno cum honore exceptus.

Nuptiae.

Contractum geminum matrimonium, quippe Josephus Emmanuel Princeps Brasiliae duxit Victoriam Hispaniae, Ferdinandus vero Asturiae Princeps Barbaram Lusitaniae Principem. (1729.) A flumine Januario rediit classis opibus dives. Emmanuel Regis frater per plures annos varias Provincias peragratus, in Lusitaniam rediit 1734. Sed non diu ibidem substitit, Bayonam profectus.

Dissensio.

Tam arcta vincula impedire non poterant, quo minus Hispaniam inter Lusitaniamque oriretur dissensio, propter delinquentem, dum in carcerem duceretur, a famulis Legati Lusitani ereptum. Ducti rex ejusdem domesticis in custodiam Madriti, totidem Hispani Olyssipone. Interea autem Hispani in America urbem SS. Sacramenti obsidere ceperant. Et fortassis ulterius esset processum, nisi intervenissent Gallus, Anglus, & Hollandus, pacis Ultrajectensis sponsores. (1736.) Unde etiam classis Anglica ex Tago recessit.

Cum Pontifex Patriarcham Olyssiponensem Thomam Almeyda Cardinalem creasset, Rex Nuntium Apostolicum recepit, & Cardinalem Motta suum Romae Oratorem renuntiavit. (1738.)

His annis Barbari saepius Goam infestabant, sed incolarum virtute, venientibus in auxilium e Lusitania navibus, tandem reclusi sunt, postquam totam insulam usque ad urbem vastaverant.

Anno

Anno 1742 Rex tertio apoplexia tactus, Reginæ administratio-
nem Regni commisit, quam illa sapientissime gessit. Obiit autem
Regis frater Franciscus Xaverius. Duo vero ejusdem fratres, An-
tonius & Emmanuel, peragrando Europam mundi vanitatem ex-
perti, ingressi sunt Tertium Ordinem S. Dominici, 1744. Nuntius
Apostolicus Templo successit Oddus.

Frater Re-
gis ordi-
nem ingressi.

Cum anno 1745 Sebastianus Carvallius Londino, ubi functus
Legatione fuerat, Viennam mitteretur, suspicionem id aliquam
Aulæ Madritensis movit; quæ proin per Candiam, suum Olyssipone
Oratorem proponi jussit, sperare se, Carvallium nullis instructum
esse mandatis, quæ regni utriusque amicitiam possent lædere. Re-
sponsum, eam professionem ad solam gratulationem pro obtenta
Imperiali Dignitate pertinere: Lusitaniam; propt hæcenus, nullam
belligerantium partem amplexuram.

Quamvis autem Rex infirma esset valetudine, duo tamen anno
1746 animum illius non parum recreabant: primum, quod gene-
rum suum cerneret Regem Hispaniæ, & filiam Reginam; alterum,
quod opima admodum classis Pernambuco esset adveſta, de qua
magnam partem genero in Hispaniam dono misit. Non tamen po-
terat pacem conciliare, licet in eam rem præſentes essent Olyssipone
Rosenbergius Austriacus, & Kenius Legatus Anglicus.

Anno 1747 Rex piensissimus, diruta veteri, novam Patriarcha-
lem Basilicam, magnifici operis, construi jussit, novamque scien-
tiarum Academiam erigi. Cum autem adhucdum infirmitas virium
a regni negotiis eum arcerent, perrexit Regina illud administrare.
Sed, defunctis hoc anno Cardinale de Motta, primo Ministro, &
primo Status Secretario Pereira de Cerda, Rex filium, principem
Basilix, in partem Regiminis venire voluit, adjuncto Azevedo.

Rex Joannes V (prout etiam ejusdem Majores Reges Lusita-
niæ) de fide Catholica, quam singulari fervore per omnes quatuor
orbis partes propagaverat, tam bene fuerat meritis, ut Benedi-
ctus XIV summus Pontifex Eidem Titulum *Regis Fidelissimi* deferret,
murmurantibus licet quibusdam Protestantibus, quod Pontifex co-
ronatis Capitibus id genus titulos deferre præſumat; sed homines
istos necesse est ignorare Historiam, unde tituli Regis *Christianissimi*,
Catholici, *Defensoris fidei* proflexerint.

Obitus
Regis.

Verum frui non diu licuit Regi Fidelissimo glorioso hoc titulo, nam anno sequenti (1750) post plurium jam annorum infirmitatem, Sacramentis morientium munitus, pientissime, sicut vixerat, decessit, anno ætatis 61, Regni 44.

Conjugem habuit Mariam Josepham, Leopoldi Imperatoris filiam, Principem lætissimam, in qua vere pietas Austriaca relucebat. Ex ea genuit Mariam Barbaram, Ferdinando VI Regi Hispaniæ nuptam, *Josephum Emmanuelem*, Brasiliæ Principem, qui Patri in Regno successit: Petrum Clementem, in spes alteras Regni natum.

Anno 1752 obiit Olyssipone Gaspar Mascarenia, qui omnibus abdicatis Ordinem S. Francisci ingressus fuerat; verum a Joanne V Aulæ adhibitus, Primi Ministri munere functus est ad obitum usque Joannis. Josephus vero Rex eas partes commisit Mendozæ & Carvallio.

Et Regine.

Anno 1754 pientissime obiit Olyssipone Maria Anna Regina Vidua, Leopoldi Cæsaris filia, anno 1708 Joanni V Lusitanæ & Algarbiorum Regi nupta, Josephi I regnantis Mater, Princeps summa & vere Austriaca pietate, integritate, religione, charitate, liberalitate in pauperes & calamitate pressos, aliisque Regalibus virtutibus multo florentissima. Obiit, uti annorum, ita meritorum plena, 71 ætatis anno. Cor ejus P. Ritter Confessarius Viennam deportavit, Augustorum Mausulæo recondendum. Societas Jesu magnam in ea Patronam amisit, imo Matrem, erga Missionarios, præsertim Germanos, in Indiam destinatos, benevolentia singulari & liberalitate conspicuam.

Ac Patriarchæ.

Reginam hanc, encomio omni superlorem ad beatam æternitatem præcessit Thomas Aimeyda Patriarcha Olyssiponenfis, S. R. E. Cardinalis, per omnes honorum gradus ad summas istas Dignitates eluctatus. Decessit anno vitæ 84, pauperibus scriptis hæredibus.

Cogitabant quidem Canonici Patriarchais Ecclesiæ ad electionem procedere, sed Rex nominavit Cardinalem de Attalaya, quem Bened. XIV publico in Consistorio confirmavit, & Nuntius Apost. Lucas Tempus consecravit, cui Rex Cardinali renuntiato Biretum im-

imposuit. Hoc munere ornatus Romam abiit, cessa Nuntii Dignitate Philippo Acciajuoli, apud Helvetos ante Legionem perfuncto.

Sebastiano Ignatio Carvallio Status Secretario natus est filius Ludovicus Ferdinandus.

Annus 1755 Olyssiponi fatalis venit; quippe trinus terræ motus urbem inclitam, 250000 habitatoribus frequentem, tam vehementi impetu, ipso Sanctorum omnium Festo, concussit, ut palatium Regium, magnificas Basilicas, ædes, pro ludis theatralibus ex ligno Brasilo a Rege Josepho ingenti sumptu erectas, totam propemodum urbem sus deque verteret, triginta, ut fertur mortaliū millibus ruina sepultis. Accessit ad calamitatem ingens incendium, quod tristes domorum reliquias redegit in cineres.

Cælo factum propitio, ut Rex cum Familia sua Regia non esset in urbe, sed Belemi, oppido duobus milliaribus a Lisabona distante, in suo, quod ibi habet, palatio.

Plurimum quoque damni passæ sunt tabernæ mercesque Anglorum, quibus in Lusitania est frequens & opimum commercium. Jacturam solabantur aliquantum naves, quæ aurum, argentum, aliaque nova subsidia ex utraque India advehebant.



CAPUT VII.

Status Angliæ
SÆCULO XVIII.

Art. I.

Status sub Anna Regina.

158. *Fœdus, a Wilhelmo initum, confirmat. Marleburgum in Belgium & Germaniam mittit. Hujus victoriæ, & urbium expugnationes. Navales exercitus cum Archiduce in Hispaniam. Ibidem gesta. Anna fratris amore tepescit. Mortuo Josepho tota Natio in pacem particularem fertur. Hujus articuli. Marleburgum exauktoratur. Ormondus (Jacobita) substituitur.*

Jacobus ob
religionem
regno exclu-
sus.

Cum Wilhelmus Auriacus ejusque conjux Maria improles decessissent, Angliæ corona fuit imposita Annæ, juniore Jacobi II filiæ, præterito Jacobo Eduardo ejus fratre, cui hæreditario Gentium jure sceptrum debebatur. Quæ enim per orbem terrarum gens, quæ masculos non præferat fœminis, si defunctum eodem gradu contingant? sed fratri obstitit Religio, inquis: at quomodo ob stare poterat Religio avita, per tot sæcula in Britannia continuata? quam tot ante Reges antiquissima possessione firmarant? obstitit tamen, factio, non jure: quam Universitas Oxoniensis, Angliæ primaria, ob stare non debere sapienter pronuntiaverat. Amaigitur sceptrum fratris capessens anno 1702 fœdus, a Wilhelmo III cum Cæsare & Batavis adversus Galliam initum, confirmavit, quantumquæ poterat, pecunia & milite terra marique promovit; tum, ne Hispaniarum Monarchia ad Philippum devoluta, Domus Borbonica, jam alias Europæ formidanda, immensis accessionibus augetur, tum, quia Regi Ludovico erat infensa, quod mortuo patre Jacobo II, Jacobum III ejus filium Regem Britannię proclamasset; tum denique, quia id bellum Nationi gratum videbat,

bat, *Wigfus* præsertim ac Inferæ popularium Camera, quæ belli nervum large suppeditabat.

Terrestrem proin exercitum sub *Marleburgio* immisit Belgio, classem sub *Roockio* Archithalasso Oceano. Ille *Wenloam* & *Ruremondam* expugnavit, hic *Andalusie* littora legens, *Gades* frustra tentavit, abhorrente pietate Hispana ab hæreticis, qui sacra juxta ac profana vastarent. Prohibere tamen non poterant, quo minus Angli classem Hispanam, 18 Gallorum bellicis roboratam, atque auro *Gaza Indica* & argento Indico onustam, occuparent, postquam Galli ipsi suas capta. naves accenderant. (1702.)

Sequenti anno *Marleburgus* Bonnam, Huium, & *Limburgum* expugnavit. Anno vero 1704 Anglos ad Danubium usque duxit, ibique pars magna fuit *Schellenbergensis*, & *Höchstadianæ* grandis victoriæ, uti etiam expugnationis *Landaviensis*, dum Gallos, ne succurrere obsessis possent, arcebat. Inde vero progressus, *Tre-viros*, *Sarburgum*, *Trarbachium* cepit. Marleburgi
victoria.

Eodem anno *Carolus III* Londini Regio apparatu ab *Anna* Anglisque exceptus fuit; atque inde classe, cum *Hollandica* conjuncta, in Hispaniam deductus, ad fretum *Herculeum* *Heracleam* (*Gibraltariam*) cum munimento, Calpi imposito, expugnavit, in hodiernam diem ab Anglis retentam, & classem Gallicam ad *Malacam* in fugam egit Anglica. Gibraltar.

Conati sunt quidem Hispano-Galli anno 1705 *Gibraltariam* recuperare, sed irritò magno labore & sumptu, propugnante munimentum *Darmstadio*, *Leackio* vero, classis Anglicæ Præfecto, pugna navali Gallos vincente; dum interim *Gallowæus*, terrestris Britannici exercitus Dux complures Hispaniæ urbes expugnat, & adveniente cum nova classe *Schovelio*, *Barcino* cum tota *Catalonia* in potestatem fœderatorum venit, *Marleburgus* vero in Belgio munitos ad *Tirlemontium* Gallorum aggeres transcendit.

Anno 1706 *Barcionem* a Gallis oppugnatam, atque ad deductionem jam ferme compulsam, *Leackius* cum nova Anglorum classe appulsus liberavit, Gallis, omnibus impedimentis relictis, in fugam datis. Tum vero *Gallowæus*, *Leackius*, *Petroburgus*, Anglorum Duces, *Valentia*, *Arragonia*, *Ivica*, *Majorica*, multisque urbibus occupatis *Carolus* Archiducem in regnum *Castiliæ* deduxerunt, atque *Madriti* Regem Hispaniarum promulgarunt. At *Philippi Andegavensis* copiis imminuentibus, in regnum *Valentiæ* recedendum fuit.

Progressus in
Belgio.

Meliori adhuc fortuna hoc eodem anno in Belgio usus est Marleburgus; nam profigatis ingenti ad Ramelliacum clade Gallis, quos Villaregius ducebat, Lovanium, Mechlinia, Bruxellæ, Gandavum, Brugæ, Antverpia, Ostenda, proh quanta nomina! in potestatem Fœderatorum venerunt. Acceperunt Menina, Athum, Aldenarda, Teneramunda. Præterea Anna Regina septem Palatinorum millia, sub stipendiis suis militatura, in Italiam ad Eugenium Principem misit, magnum certe adjumentum ad liberandum ab obfisione Taurinum.

Quis non tot cædibus contritos penitus Gallos crederet? At illi, velut e cruore fuso nascentes, anno 1707 Ductore Berwico cæsis ad Alamancam (*Almanzam*) Anglis grandi potiti sunt victoria; qua recepta sunt Arragoniæ & Valentiniæ regna, retransitis in Cataloniam Fœderatis. Nec Marleburgus in Belgio quidquam hoc anno promovit.

Felicio rursus Anglis, eorumque fœderatis fuit annus 1708; siquidem in Belgio sub Vindocino Duce (*Vendomio*) magnus congregatus erat exercitus, quem haud proci! Aldenarda Marleburgus aggressus, Insulas, munitissimam in Flandria Gallica urbem, victoriæ præmium capit. Nec minus mari triumpharunt Angli; quippe Leackius & suppetias in Cataloniam a Gallis missas, & Sardinie regnum eis eripuit. Bingius vero, alterius classis Præfectus, Gallicas naves, Jacobo III in Angliam tendenti datas, disiecit.

Anno 1709 secuta est, post expugnatum a Fœderatis Tornacum Malplaquetensis sanguinolenta pugna, aut potius laniena, hinc Villario, inde Eugenio & Marleburgo, summis ac peritissimis ævi sui Ducibus pertinacissime dimicantibus. Fœderati post victoriam cruentam & pretiosam Montes Hannoniæ expugnarunt.

Secutæ sunt anno sequenti Duacum, Bethunium, Aria, Fanum S. Venantii. Jamque tot partis victoriis, tot thesauris effusis, magnum erat Angliæ nomen, & Anna Regina ceu Mater Europæ celebratur, cum sensim fervor intepuit. Postquam enim mortuis propriis liberis nulla spes supererat, ex se heredem regni relinquendi, amorem & miserationem in Jacobum fratrem exulem convertit, successorem dictura, si posset, ne ad alienam familiam regnum devolveretur.

Duo autem ad hoc obtinendum adhibenda putavit media; si nempe Galliæ Regis, qui Jacobum jam Regem declaraverat, opera uteretur, & dejectis Wiglis (popularibus) Torrii (Regii) eleventur.

Instru-

Instrumentis ad hoc usa est Tallardo, fœderi magis noxio in Angliâ captivo, quam Höchstadii utili, & Roberto Harlejo, Oxfordiæ dein Duce; quibus Straffordiæ Comes, Bullimbrochius alique accesserunt. Hi omnes instabant, ut Marleburgo remoto cum Gallia pax conciperetur.

Anno igitur 1711 facta est magna rerum mutatio; etenim mortuo Josepho Imperatore Anna Regina pacis propositionibus, a Mutatio Anglica.
Gallia propositis, aures præbuit, & amoto Marleburgo Duci (quem Cæsar Dynastia Mindelheimensi donatum, Principem Imperii dixerat) Buttlерum Ormondi Ducem subrogavit, qui cum neutras veluti partes sequeretur, luculente patuit, quantum causa fœderatorum Angliæ debuerit, & maxime Marleburgo. Angliæ quies sitit victoriarum cursum, etiam alicujus Eugenii.

Pacis dein tractatio Gallos inter Anglosque Ultrajecti anno 1712 suscipitur, & anno 1713 completur. Pinguescunt Angli, ut pateat, cui militarint. Successio Domus Hannoveranæ, quam nuper Ordines conceperant, stabilitur. Jacobo III ne quidem in Gallia ab Anglis subditis suis locus conceditur. Munimenta Dunkerckæ Gallus diruito, portumque destruito. Fretum Hudsonicum, Insula S. Christophori, & Terræ Novæ Anglis ceduntur. Insula Minorca & Gibraltaria Anglorum posthac sunt. Ecce! quorum spectarint Anglorum arma. Incrementa sua non Austriæ salutem quærebant. Ne in unum caput confluant Hispaniæ & Germaniæ provinciæ timent, sed sibi; hinc jam non amplius placet bellum; neminem se ipso proximiorē sibi esse existimant. Contra fidem datam rumpunt fœdus, cum sibi non amplius commodum existimant. Si Domui Austriacæ militarunt, cur illam discerpunt? cur Hispaniam avellunt? cur ejusdem artubus, corpori suo insertis, pacem vendunt? quod facit Brito, sibi facit.

Paci Ultrajectensi Anna Regina non diu supervixit, anno sequenti 1715 demortua, ætatis 54, regni 12; conjugem habuit Georgium Friderici III Daniæ Regis filium natu minimum; ex quo multas proles suscepit, sed nullam superstitem reliquit. Hinc, quod dictum, ne ad alienam Domum regnum devolveretur, ad Jacobum fratrem suum revocandum ab exilio, thronoque inaugurandum, respexit. Sed majr hæc moles erat, quam ut moveri posset, Torris & Wiglis in hoc consentientibus, ne Catholicus unquam Rex esset. Mortuo autem Josepho Cæsare tota Natio in pacem ibat, tot provinciarum accessione in Carolo sexto quantum verita. Hinc Gertrudenbergenses primum, dein Ultrajectenses tractatus, Cæsare

Part. X.

Q 99

frustra

frustra se opponente, & Eugenio ipso Principe eam ob rem Londinum excurrente.

Obit eodem anno 1714 Sophia, Jacobi I ex filia neptis, Ernesto primo Electori Hannoverano nupta. Inde præsentio ad coronam, cujus hæres fuerat declarata.

Art. II.

Status Angliæ

sub Georgio I.

§. I.

Jure sanguinis plures alii Hannoveranos præcedunt. Jacobi III expeditio in Scotiam frustranea. Fœdus Londinense contra Hisp. Classis Hisp. bis cæsa. Jacobus III Romam. Ejus fautores puniti.

859.

Successio
Anglica.

Mortua Anna sorore sceptrum Angliæ haud dubie debebatur Jacobo III (quem, hodiedum Romæ supersitem, *Pratendentem* aut *Equitem S. Georgii* aliqui vocant) legitimo Jacobi II Regis filio. Hoc autem, licet per injuriam, excluso, jure nascendi regnique multi per Europam Principes Hannoveranam Familiam præcederent; quales sunt & omnes, qui ex *Henrica*, Caroli I Anglorum Regis filia, Philippo I Duci Aurelianensi nupta descendunt. Ex ea autem descendunt Carolus Emmanuel modernus Dux Sabaudie & Rex Sardinie: Ludovicus XV Rex Gallie ratione matris Sabaudie: item omnes, qui ex primo matrimonio Philippi V Hispaniarum Regis orti fuerant.

2. Omnes, qui descendunt ex liberis natu majoribus & masculis Elisabethæ, Jacobi I Britannie Regis filie, Friderico V Electori Palatino nuptæ, uti ex *Carolo Ludovico* Electore, Elisabethæ filio descendunt Domus Aurelianensis & Lotharingica, ac proin etiam Austriaca: ex *Eduardo* vero, juniore Elisabethæ filio, Domus Salmensis, Condæ, Contia, Mutinensis, Wilhelmina Amalia Josephi Imperatoris conjux, & ex ea descendentes Domus Saxonica & Bavarica.

Hi

Hi omnes jure sanguinis & primogenituræ excluderent Hannoveranos, ex *Sophia*, filia Elisabethæ Anglicæ, natu minima, & li-
nea & sexu inferiore, prognatos.

At vero hi omnes Parlamenti Anglicani lege a successione hæ-
reditaria exclusi sunt, non alio crimine, ac quod essent Catholici,
metumque facerent, ne avitam Majorum Religionem aliquando in
regnum reducerent. Hinc additum Senatus-Consultum, ne quis
unquam Catholicus Rex esset Magnæ Britannię, contra vero Ge-
orgius, Elector Hannoveranus, nuper creatus, cum suis posteris
Protestantibus, legitimus hæres haberetur, ut, qui jure nascendi
regniq; ultimus, jure hæresis esset primus.

Hanc legem sumptuosi belli summum pretium statuebat sena-
tus: hujus fidejussores Galliam, Hispaniam, omnesque fœderatos
esse volebat, recessurus illico a fœdere, nisi in postulatum istud
concederent. Nec difficiles admodum fuerunt in illo acceptando;
quamvis enim durum videbatur, & conscientię parum consenta-
neum, legem, cum tanta & justorum hæredum, & veræ Religio-
nis injuria conjunctam, non probare solum, sed & sociatis armis
defendere. Verum non minus durum apparebat genti Austriacæ,
alienata Anglia spem hæreditatis Hispanicæ abjicere.

Juris utriusque Doctores, ea super re consulti, responderunt:
viam tenendam videri, quam Imperator Leopoldus ingressus esset,
dum anno 1688 amoto Jacobo II Wilhelmus Auriacus, Rex ascen-
dit, coronam apprehenderet. Non pertinere ad Cæsarem judica-
re, æqua an iniqua sit lex, a Parlamento rogata: non tam cum
Rege, quam Republica Anglicana fœdus fuisse percussum, eum in
finem, ut Domus Austriaca a justa Hispaniarum possessione deje-
cta, eandem recuperet. In civilibus privatorum causis *Interdicto*
unde vi, in publicis summorum Imperantium armis locum esse.

Wago.

His igitur insuperhabitis Georgius Ludovicus, Elector Han-
noveranus, ex *Sophia*, Jacobi I Angliæ Regis nepte, prognatus,
secundum legem successionis, jam ante a Parlamento latam, 31
Oct. 1714 Magnæ Britannię, Franciæ & Hiberniæ Rex pro-
mulgatur.

Jacobo III vero, post pacem Ultrajectensem etiam a Gallia
deserto, nihil erat reliquum, ac ut disperfis per Angliam Scotiam-
que litteris protestaretur, atque Divina humanaque jura appellaret.
Et habebat amicos, æquitati suæ causæ faventes, præsertim Sco-
tiæ septentrionalis incolas, quos *Hochlanders* vocant.

Jacobi expe-
ditio in Sco-
tiam frustra-
nea.

Isti etenim anno 1715 collecto sub Marchione Hundleyo & Comite Marrio justo exercitu, Jacobum variis in locis Regem proclamant, ipsamque Scotiæ Metropolim Edenburgum invadunt: ipse etiam Jacobus, licet Georgius ingenti ejus caput pretio licitatus fuerit, in Scotiam venit. Sed cum ejus copiæ ab Argylio Britannorum Duce ad Dumblanum, & a Wilsio ad Prestonum fuissent cæsæ, viam in Lotharingiam relegere coactus est. Oxfordiæ Dux, primus pacis Ultrajectinæ promotor, in custodiam cum pluribus aliis Nobilibus datus, & Majestatis reus est accusatus. Ormondus vero in Galliam fugit, quo Bullinbrokius jam præcesserat.

Fœdus con-
tra Hisp.

Cum anno 1717 Philippus Rex Hispaniæ Sardiniam, auctore, ut creditur, Alberonio invasisset, & anno 1718 Siciliam, atque sic tota rursus Europa novo bello involvenda timeretur, Cæsarem inter, Gallum, & Anglum Londini triplex, accedente vero Batavo, quadruplex fœdus est initum, quietis in Europa conservandæ causa.

Classis Hisp.
cæsa.

Quia autem Hispanus cæptis suis insistebat, Georgius Angliæ Rex validam classem sub Bingisio Archithalasso immisit Oceano, qui 11 Augusti 1718 classem Hispanam, quam Castagneta gubernabat, tanto ardore invasit, ut 12 bellicis & sex aliis navibus potitus, totam classem ita disjiceret, ut laceræ ac dispersæ navium reliquiæ vix fuga in portus evaderent.

Cum nihilominus Hispani sub Marchione Ledeo Siciliæ Sardiniaque insiderent, Cæsar e mediis Pannonicis victoriis revocatus, coactus est ab Anglis pacem Sultano dare, minitantibus, classe e Mediterraneo, nisi id fieret, se abducturos.

Anno 1719 Hispanus, cladem, ab Anglis illatam, ulturus, classem in Scotiam direxit, ut causam ibi Jacobi III, qui in Hispaniam propterea abiverat, promoveret. Sed vento ac tempestate adeo inimica classis vexata est, ut, ea dissipata, pleræque naves in portus Hispanos redirent. Paucissimæ in Scotiam delatæ cum aliquot centum viris, facile a Britannis victæ captæque fuerunt. Cæsareæ autem coplæ ex Pannonia in Siciliam, Mercio Ductore, advectæ, Bingisio Hispanas suppetias arcente, Siciliam recuperarunt.

Jacobus Ro-
mam.

Jacobus III jam ante, dum in Gallia ac Lotharingia exul vivebat, præter Gallicam pensionem Pontificia etiam fruebatur; post pacem vero Ultrajectensem postulante Anglia a secularibus Principibus excluso, Papa in amplexum explicavit brachia, Romam velut in asylum fugienti; nec cessat in hodiernum usque diem Re-

gio eum cultu liberaliter fovere; hoc etiam exemplo demonstrans, quod sit Pater universalis Christianorum.

Robertus Harlajus, qui sub Anna Regina ad summos honorum gradus ascenderat, ac demum Oxfordiæ Comes, & regni Thesaurarius creatus, sub Georgio I gravissime fuit accusatus, quod cum Gallia conspirarit, Præliminaria pacis Ultrajectensis in perniciem Angliæ & fœderatorum fabricarit, Annam Reginam in partes Galliæ & Prætendentis pertraxerit, quo minus Philippus regno Hispaniæ privatus fuerit, obstiterit, pecuniam publicam male administrarit. Quamvis autem amplam apologiam pro se scripserit, ductus nihilominus est in carcerem.

Harleus in carcere.

Idem contigisset Jacobo Butlero, Duci Ormondæ, nisi matura fuga in Galliam se subduxisset. Is partes Wilhelmi Auriaci contra Jacobum II secutus, Anglicis copiis in Catalaunia anno 1695 præfuit. Anno 1703 Prorex Hiberniæ dictus, 4 annis regnum illud cum eximia laude administravit. Imperium dein militare in Belgio a Marleburgo anno 1712 in eum fuit translatum, cum mandato tamen brevi submisso, ne porro hostile quid contra Gallos ageret. Cum autem sub Georgio I, dejectis Torriis Parlamentum impleretur Wigsiis, Stuartorum familiæ inimicis, facta fuit anno 1715 severa inquisitio in Ministros Annæ Reginæ, atque in ipsum etiam Ormondum, qui accusatus fuerat, quod Villario arcana Fœderatorum prodiderit, atque per hoc id effecerit, ut Comes Albemartius ad Deninum a Gallis cæsus captusque fuerit.

Ormondus exul.

Fuga pariter in Galliam sibi consuluit Vice-Comes Bullinbrockius, Status Secretarius; cui vitio datum, quod primus fuerit inceptor separatæ pacis, & quidem Inscis fœderatis, cum Gallis conspirarit & Hispanis, illudque etiam Ormondo persuaserit, Villarii voluntati parere jussu. Jenningium prohibitum, aggredi Clafsem Gallicam. Cum Prætendente quoque secreta consilia communicata.

Nobiles præditionis accusati.

Thomæ Wentwort Comiti Straffordæ objectum, quod inducias cum Gallis suaserit; Hannoveranos Ministros contemptim habuerit, eosque cum Regina collidere studuerit, ac permiserit, ut Dominus Borbonica Hispania & India potiatur.

Multi præterea Nobiles, severissima inquisitione vexati, & Majestatis damnati furca suspensi sunt. Sævitus maxime in Catholicos, quos Jacobi partibus adhærere credebant. Wigsi quoque Torryos de conspirationibus in Georgium & reducendo Jacobo insimulabant. Unde Anglia agitato ventorum turbinibus mari similis

videbatur. Multi ex dignitatum culmine dejecti; Parlamenta æstuebant, fora perstrebebant, carceres implebantur.

Arguebantur etiam de conspiratione adversus Regem Georgium inita quinque Ministri Suecici, Görzius præsertim, & Gyllenburgus, Suecicus in Anglia Legatus; cui *Arrestum* indictum, omnibus ejus litteris scriptisque obsignatis. Jus Gentium in eo violatum querebantur aliorum Principum Legati: respondit Stanhoppius Secretarius Status, Gyllenburgum Regis subditos in favorem Prætendentis ad rebellionem concitasse, per militem peregrinum nutriendam; cum ergo fidem publicam infregerit, protectionis, legato alias debite, jure excidisse. Görzius, urgentibus Anglis, in Hollandia fuit interceptus. Suecia vero Legatum Anglicum Holmia amandavit. Regentis tamen Ducis Aurelianensis industria facta fuit reconciliatio.

§. 2.

Fœdus Triplex.

160.

Cum anno 1717 Hispani Sardiniam invassent, & non minus Aurelianensis successioni Domus suæ in Gallia, quam Hannoveranus suæ possessioni in Anglia timeret, percussus est ad securitatem *Triplex Fœdus*, Galliam inter, Angliam, & Hollandiam his conditionibus.

1. Sit perpetua pax inter tres Nationes.
2. Prætendens illico ex Gallia facessat, nec in eam, aut Avinionem, vel in Lotharingiam redeat. Francia illi nec directe nec indirecte assistat.
3. Alter alterius rebelles ultra octo dies non toleret, sed ad requisitionem abigat.
4. Portus Dunkercæ, & quæ Mardici recens constructa sunt, diruantur; nec in vicinia novus portus erigatur.
5. Pax Ultrajectensis, in quantum utilitatem, & successionem Protestanticæ linæ in Anglia, & Regentis in Gallia, si Rex sine liberis decederet, concernit, exacte observetur.
6. Siquis ex tribus Fœderatis invaderetur, reliqui duo succurrant; Gallia quidem 10000 armatorum, totidem Anglia, Hollandia 5000 mittat.
7. Hæc auxilia post requisitionem intra duos menses mittantur propriis cujusque expensis, restituendis tamen finitis turbis.

Si

Si hæc non essent suffectura, augeantur, aut etiam bellum aggressori denuntietur.

8. Intra 4 menses sequatur ratihabitio.

Cùm autem Rex Angliæ Bingium cum classe in Balthicum dimisisset, & alias se armaret, pro defendendis etiam Germanicis suis provinciis, extraordinaria petiit a Parlamento subsidia. Multi senatorum, præsertim ex Torryis, negabant, Angliæ pecuniam pro Electore Hannoverano expendendam esse. Multique ex præcipuis Ministris officia sua abdicabant. Per majora nihilominus suffragia subsidia sunt decreta. Offensionis etiam aliquid accessit inter Regem & filium, Walliæ Principem: prout inter Domum superiorem Parlamento & Inferiorem. Illa Comitem Oxfordiæ e carcere liberatum volebat, hæc obstabat. Victoria penes illam stetit.

Tandem Rex hoc anno 1717 pro detentis in carceribus libertatem & amnestiam a Parlamento promulgari jussit, exceptis tamen, præter alios, qui Prætendenti adhæserant, & Catholicis, qui juramentum fidelitatis nollent præstare, aut successionem Protestantiscam agnoscere legitimam.

§. 3.

Fœdus Quadruplum anni 1717.

Cum Hispani anno superiore Sardiniam invasissent, hoc vero 1718 Siciliam, atque inde, nisi obstitetur, ulterius progressuri viderentur, donec Monarchiam pristinam restituerent, Imperator primum, Gallia, & Anglia fœdus inter se pacti sunt, quod accedente postmodum Hollandia *Quadruplum Fœdus* est appellatum, cumque Londini sit initum, proprius hic de eo est tractandi locus. Constat autem primum octo articulis, de controversiis, inter Imperatorem & Regem Hispaniæ vertentibus, ejus hæc est summa.

161.

I. Rex Hispaniæ Sardiniam rursus cedat.

II. Cæsar agnoscat ordinem successionis Gallicæ & Hispanicæ, vi cujus nunquam regnum utrumque in eodem capite coalescat.

III. Cæsar Philippum V Regem Hispaniæ agnoscat.

IV. Philippus V pro se & successoribus suis renuntiet omnibus provinciis in Italia & Belgio, quæ olim ad Hispanam Monarchiam pertinebant.

V. Ducatus Florentinus, Parmensis, & Placentinus, agnoscantur Imperii feuda masculina; & in casum, quo Imperio essent aperienda, filio Philippi natu maximo ex secundo matrimonio, ejusque

ma.

maſculis deſcendentibus conferantur, hiſque deficientibus, ſecundo filo, ejusque hæredibus.

Portus Liburnus fruatur libertate reſpectu omnium Nationum. Portus Longus cum inſula Elva ad Ducatum Florentinum accedat. Ducatus iſtos nunquam poſſideat Rex Hiſpaniæ. Tempore autem vitæ Ducis Florentini & Parmenſis nec Cæſar, nec Gallus aut Hiſpanus copias in eas regiones introducat. Helveti vero ſumptibus Conſœderatorum 6000, Liburni, in portu Ferrario, Parmæ & Placentiæ præſidium habeant, & poſtea Principi, hoc ſœdere deſtinato tradant.

VI. Rex Hiſpaniæ Cæſari regnum Siciliæ tradat.

VII. Cæſar & Hiſpanus de regionibus ſibi mutuo caveant, quæ hoc tractatu eis aſſeruntur.

VIII. Intra duos meſes poſt ratihabitionem omnes hæc conditiones impleantur cum generali amneſtia.

Sequuntur quinque articuli tranſactionis, Cæſarem inter & Du-
cem Sabaudiæ initæ.

I. Regnum Siciliæ Cæſari cedatur.

II. Duci vero Regnum Sardinie.

III. Cæſar confirmet tranſactionem, anno 1703 Taurini initam, & Dux retineat, quæ in Monferratensi & Mediolanensi Ducatu ei ceſſa ſunt, caſſatis aliis prætenſionibus, quas Dux ex illo tractatu formare voluit.

IV. Cæſar agnoſcat jus ſucceſſionis, quod Dux habet in Hiſpaniam & Indias in caſum, quo Philippi V poſteritas deficeret.

V. Hæc intra duos meſes poſt ratificationem impleantur.

Præliminaribus hiſ articulis ſubjunctum eſt ipſum *Fœdus Quadruplum*, novem hiſ placitis comprehenſum.

I. Sit exactum Fœdus inter Imperatorem, Regem Gallie, & Angliæ, atque Generales Ordines uniti Belgii: vi cujus quiſque teneatur alterius provincias & ſubditos defendere, atque publicam quietem.

II. Pax Ultrajectenſis & Badenſis, præfertim illius articulus, a quo in iſta reſeſſum eſt, & Fœdus Triplum, inter Galliam, Angliam, & Hollandiam 1717 Hagæ conſuſum, vim ſuam omnem retineant.

III. Fœderati pro omnibus provinciis, quas Cæſar vi hujus tranſactionis poſſidere debet, caveant, nec ullum illius rebellem tolerant.

IV. Si-

IV. Similiter caveant pro Gallicis provinciis, & successione, juxta pacem Ultrajectensem, & acta successionis Hispanicæ de anno 1702, nec Galliæ rebelles in suis regionibus tolerant.

V. Item caveant pro successione Domus Hannoveranæ in magna Britannia, nec Prætendentem aut ejus liberos in ditionibus suis tolerant.

VI. Caveant pro omnibus ditionibus & Juribus Statuum Generalium. Nec eorum rebelles in terris suis subsistere patiantur.

VII. Si quis ex 4 fœderatis invaderetur, reliqui eidem assistant, & quidem Cæsar mittat 4000 equites, & 8000 pedites, totidem Gallia, totidemque Anglia, Hollandia vero 2000 equites cum 4000 peditum. Sit tamen penes invasum, an milites, an naves, an pecuniam petere velit: sic tamen, ut pro 1000 equitibus quot mensibus solvantur 30000, & pro 1000 peditibus 10000 floreni Hollandici. Et secundum hanc proportionem naves æstimentur. Si autem hæc subsidia non essent suffectura, augeantur, imo, si necesse foret, bellum adversus aggressorem publice declaretur.

His subjuncti sunt 4 articuli separati.

1. Si Hollandi nollent ad sustentationem præsidii Helvetici in Italia concurrere, Rex Hispaniæ eorum portionem in se suscipiat.

2. Tituli, Regi Hispaniæ & Duci Sabaudicæ dati, Cæsari nullatenus præjudicent. Et, si Hispanus & Sabaudus hunc tractatum non reciperent, Cæsar, jure omni sibi reservato, solenniter contra protestatur.

3. Cum Cæsari aliqui tituli sint dati, quos Gallia non agnoscit, nulli eidem aut alteri præjudicio sunt.

4. Cum hic ita actum sit, acsi Hollandi præsentibus contraxissent, hoc autem factum non sit, hæc omnia ipsis communicentur, certa cum spe, ab eisdem acceptatum iri. Si tamen detrectarent, tractatus hic nihilominus inter tres confœderatos vim suam obtineat.

Hoc Fœdus nomine suorum Principum interunt, Baro Pentenrieder, nomine Cæsaris: Dubois Secretarius Status, nomine Galliæ: decem Ministri Status nomine Angliæ.

Additus fuit Tractatus Secretus, 12 puncta complexus, quid faciendum, si Hispanus & Sabaudus executionem detrectarent. Dux Sabaudicæ per Ministros suos Comites Provanam & Perousam

Pars X.

R r r

brevi

brevi Londini subscripsit; at Hollandi, quo minus tunc accederent, obstitit Marchio Beretti Londi, Hispanus Hagæ Orator. Alberonius vero omnia potius tentanda duxit, quam ut Regi suo leges ab aliis præscriberentur.

Hinc ab invasione Siciliæ nullatenus absterri potuit, sed misso Ledeo cum terrestri, Castagneta cum navali exercitu, classem gemino ab Anglis prælio cæsus amisit, grandi Hispaniæ jactura, lucto vero Turcarum maximo, quos Anglia Christianorum victoriis eripuit; comminata etiam, se classem Mediterraneo educturam, si Cæsar Christianos fines ultra produceret. (*Videantur, quæ supra de rebus Hispanicis diximus.*)

§. 4.

Nuptiæ Jacobi III. Sponsa detenta Oeniponti. Calumnia in Jacobum. Commertium chartaceum. Wigsi & Torrii.

Obeunt Stanbope & Marleburgus. Novi officiales.

Fœdus Hannov. Tres classes. Obiit Rex. De

Imped. Consangu. Obitus Newtoni.

162.

Jacobi III
nuptiæ.

Jacobus III Majorum jure & suo Rex Angliæ Avenione in Italiam pulsus, atque desertus ab omnibus, a Papa, Universali Christianorum Patre receptus, anno 1718 matrimonio sibi junxit Mariam Clementinam, Jacobi Sobieski Regii Polonici Principis & Hedwigis Palatinæ filiam, neptim Imperatricis Eleonoræ, & Electoris Palatini. Ac proin cum summis Europæ Principibus consanguinitate vel affinitate erat juncta, ac proin etiam exules ejus filii.

Sponsa
captiva.

Dum autem sponsa ex Silesia, ubi parentes ejus domicilium fixerant, per terras Austriacas in Italiam tendit, ut Ferrariæ cum sponso conjungatur, postulante id Saphorino Legato Viennæ Anglico, Oeniponti in Tyroli fuit intercepta. At, cum minus arcte custodiretur, inde elapsa feliciter in Italiam pervenit.

Jacobi Regis mater, Alphonfi IV Mutinæ Ducis filia, Jacobo II Angliæ Regis vidua, ad S. Germanum in Gallia pientissime obiit, anno ætatis 60, satis mariti & filii diu multumque jactata.

At tolerabilia hæc visa sunt, si cum mendaciis Protestantium, impudenter confictis, comparentur, quibus Jacobum suppositum

et

ei filium comminiscuntur. Detectam ab eo in morte fraudem ca- Calumnia in
lumniantur. Sed ubi in re tanti momenti probatio? id ex Gallia per Jacobum.
scriptum ajunt. Sed quis perscriptit? quo teste idoneo perscriptum?
quare non dicunt, id Romæ a Pasquino narratum fuisse Marforio?
grandi nempe calumnia fucus illinendus erat grandi injuriæ. Si Cal-
vini sectam professus fuisset, nemo finxisset, nec Natalis accu-
lasset, nemo coronam disputasset. Constat, cur pater ea sit spolia-
tus. Quis unquam Protestantium sceptrum maluit quam Religio-
nem amittere? est profecto, est hæc vis solius veritatis, quæ præ-
ferre docet immarcescibilem coronam justitiæ.

Hanc ut per rerum aspera sibi compararet Jacobus, cælo per-
mittente, anno 1719 classis Hispana, quæ eum in Scotiam vehebat,
tempestatibus magis quam vi hostili fuit disjecta, fidi Jacobi co-
mites, Nobiles Scoti, inter quos Perthi Dux & Comes Marrius
primum Vogheræ, postea Genævæ in custodiam dati sunt, tri-
denti Neptuni Britannii omnibus se inclinantibus.

Anno 1720 nundinatio Scedularum seu papyraceum commercium
(der Aëien-Handel) a Societate Occidentalis Indiæ fuit intro- Chartæcedm
ductum in Angliam ad eum fere modum, quo Lawsius illud introdu- commer-
xit in Gallia, non modico commerciorum, quibus Natio ista vivit, cium.
vigetque, damno. Nam multi decepti pro grandi pecunia expensa,
nihil tandem in manibus invenerunt, quam papyrum, inanibus pro-
missis divitem, multis hominum millibus ad paupertatem redactis.
Inquisitum in auctores perniciosæ hujus inventionis; sed nemo
nomen suum profiteri voluit.

Gravis hoc anno in Hibernia & Scotia sæviebat Catholicorum
persecutio, severissimis in sacerdotes editis decretis, & Edenburgi
Synodo Præconum instituta, qua remedia inquirebantur adversus
presentem Papatum.

Obiit 1721 Comes Stanhopius, natus anno 1670 Madriti, ubi pater
Legatione fungebatur. Ab anno 1704 copiis Anglicis in Hispania Obiit Stan-
præfuit, multisque postea summis muneribus adhibitus, Hanno- hope.
ræ Domui intime fuit addictus: Legatione Viennensi aliisque ce-
lebris. Tandem cum in Parlamento argueretur negotiationis papy-
ræ author aut particeps, ira, quam preffit, æstuans, ubi domum
rediit, concidit exanimis.

Secutus est Dux Buchinghamus 84 ætatis anno, sub quatuor
Regibus præcipuis officiis admotus. Epitaphium sibi his verbis scri-
pserat: *dubius vixi; Ens tantum miserere mei.* Grassata est Londini hoc
tempore Atheorum secta.

Wigſii &
Torſil.

Per ſeptem jam annos continuabatur Parlamentum, cum Rex illud diſſolvit anno 1722. Magna tunc erat *Wigſios* inter & *Torſios* contentio, quænam pars majorem ſenatorum numerum obtineret. Emebantur paſſim vota, ventumque a verbis ad verbera, non alio compendio, niſi ut Chirurgi lucrarentur. Tandem, dum novum Parlamentum conſtitueretur, electi ſunt potiſſimum Wigſii, huic Aulæ grati.

Singulis ferme annis novas pro Prætendente conſpirationes Angli ſpargebant. Trahebantur in carceres, a carceribus ad tribuna-
lia, ab iſtis vel ad furcas vel in exilia.

Obit Marle-
burgus.

Obiit hoc anno 1722 celeberrimus bellator Joannes Churchill Dux *Marleburgus* 73 ætatis anno. Nullo reliſto filio. Nepoti au-
tem teſtamento legavit ſexaginta ſterlingarum millia redditus annuos ex Capitalibus.

Fuit heros incomparabilis, Germanorum deſenſor, Batavo-
rum conſervator, Gallorum Viſtor, S. R. I. Princeps, attributa Dy-
naſtia *Mindelhemienſi*, ſub Anna Regina Præſectus belli ſupremus:
prudens, ſtrenuus, felix. Teſtes *Höchſtadium*, *Malplaquet*,
Blendheim, *Ramelia* &c. Ultimis Annæ Reginae temporibus, tra-
dito Ormondo exercitu, exauſtoratus, turbatis tunc Angliæ rebus,
in Principatum *Mindelhemienſem*, ſibi a Cæſare ob præclare geſta
donatum, conceſſit. Revolutis ſub Georgio I rebus in Angliam
rediit, & priſtinum characterem recepit, eumque ad finem vitæ
retinuit.

Novi Offi-
ciales.

In ejus officia militaria ſucceſſerunt *Petroburgus*, & *Cadoga-
nus*. Reliqua negotia ſuprimi Miniſtri *Towſendus*, & *Carteretus*,
atque gemini fratres *Walpoli*, *Robertus* & *Horatius*, modera-
bantur.

Prout ſingulis ferme annis, ita & 1723 Rex provincias ſuas
Germanicas invifebat, ubi frequens Principum ad eum recurſus.
In Anglia executio in exiſtimatos rebelles continuata eſt. Obiit
Carolus *Lenoxius*, Dux *Richmondus*, filius naturalis Caroli II
Regis.

Walpol.

Anno 1724 nihil admodum fuit mutatum. *Robertus Walpolus*
ad altiores dignitates promoveri recuſavit, ne Inferius Parlamen-
tum, in quo Regi plus ſervire poſſit, deſerere debeat. Obiit Co-
mes *Oxfordia*, potens olim in Aula Annæ Reginae, ſub Georgio
vero, quod Galliæ & Prætendenti favens, pacem *Ultrajectenſem*
præcipitaſſet, in carcerem datus, prout ſupra memoratum.

Anno

Anno 1725 pax Viennensis, Cæsarem inter & Philippum V conclusa, cum non levi indignatione a Georgio fuit excepta, auctoritati suæ & rebus Angliæ adversam rato, quod per eam via aperiretur ad invadendam Minoricam & Gibraltariam, quarum restitutioni Hispania mordicus insisteret. Quare, cum Georgius Rex in Germanicis suis ditionibus tunc versaretur, cum Gallia & Borussia *Fœdus Hannoveranum*, quod supra in Germanicis exhibui, percussit.

Promissa in eo cautio & defensio mutua. Determinantur in casum invasionis auxilia. Vetatur, ne quis contrarium huic statutum ineat. Spondetur tuitio pacis Westphaliæ, & Olivenfis.

Anno 1726 Parlamentum hæc Regis Acta comprobavit, eique grandia subsidia decrevit; quibus succinctus tres formidandas classes *Tres classes immixta.* milite & armis probe instructas pelago immisit: stupente orbe, & admiratione suspensò, quo tantus apparatus tenderet, cum nullus uspiam hostis esset.

Primam quidem sub Archichalasso *Hofiero* misit in Americam, undecim bellicis constantem, haud dubie eo fine, ut Hispaniam gazam interciperet. At ea ex Portu Bello, Havanam, urbem in insula Cuba præmunitam, jam fuerat reducita: non tamen in Europam deduci hoc anno poterat: quia Angli Portum Bellum obsederunt, & mare.

Alteram viginti navibus bellicis, & septem virorum millibus formidandam, Carolus Wagerus duxit in Balthicum, adfuturam Dano, si Russus Schlesvicensem Ducatum tentaret, atque ut Suecum, nulli adhuc parti addictum, argumentis fortioribus ad fœdus Hannoveranum pertraheret. Quem in finem Wagerus Hafniam, & Holmiam excurrit, atque ut Mosco se ostentaret, classem suam Livoniæ sinibus admovit. Postquam autem per totam æstatem maria borealia oberraverat, bruma ingruente fuit in Angliam revocata.

Tertia, sexdecim bellicis valida, sub Joanne Jenningio in Mediterraneum missa est, ut Hispanis terrorem incuteret, & Minoricam atque Gibraltariam, munitione & annona instrueret, ad defensionem præpararet.

Hæc acta foris; domi quoque consultum rei publicæ, dum nova Orientalis Indiæ societas, compositis jurgiis, cum veteri conjuncta est. Quippe Elisabethæ tempore præcipui mercatores collata nova Societas Indica nova & vetus comm-
ta grandi pecuniæ summa societatem inter se commercialem erexerant, eo concessio privilegio, ut aliis commercium Indicum esset junctæ.
inter.

interdictum. Verum spectatum lucrum opulentum aliorum quoque cupiditatem accendit, ut & ipsi in societatem coirent.

Vehementer collisæ inter se sunt duæ istæ societates, vetus & nova, Hollandis inter duos litigantes gaudentibus. Unitæ tandem utraque tres pro commerciis stationes obtinuit: primam in urbe Madras ad Coromandelæ littora: alteram in portu Bombayæ: tertiam in regno Bengalæ. Data simul illi potestas condendi commerciales leges, statuendique pœnas civiles & criminales: solo crimine majestatis Regi reservato.

Rex obit
Osnabrugis.

Cum anno 1727 Georgius Ludovicus Rex Magnæ Britanniæ & Elector Hannoveranus ad lustrandas suas provincias proficisceretur, in via ægrotare cœpit, atque Osnabrugam deportatus, eo ipso in cubiculo, in quo natus fuerat, obiit, anno ætatis 67, Regni 13, Electoratus 19. Natus quippe fuerat anno 1660, patri Ernesto Augusto designato Electori successit 1698, in Collegium Electorale introductus 1708, Rex Angliæ 1714.

Conjugem habuit Sophiam Dorotheam, Ducis Cellensis patrui sui filiam, a qua anno 1694 divortio se separavit, postquam ex ea genuit Georgium Augustum, qui ei successit, & Sophiam Dorotheam, Friderico Wilhelmo Regi Borussia anno 1706 nuptam.

De Impet.
consangu.

Nota. Dicunt Protestantes, matrimonia in primo & secundo consanguinitatis gradu jure Divino esse illicita & invalida. Quomodo ergo Georgius Ludovicus ducere potuit patrui sui filiam, in secundo gradu sibi conjunctam? utique non dicent, liberos ex hoc matrimonio natos fuisse illegitimos. Cur autem Georgius Ludovicus repudiaverit Sophiam, & cur Georgium Augustum, Walliæ Principem, ex ea sibi natum, ab aula amandaverit, non levi diffensione cum eo collisus, mihi non constat. Plebs infrunitam ejus statum contrivit.

Succedit
Georg. Aug.

Quamprimum autem Georgius Augustus Richmondiæ, ubi per plures jam annos privatus degebat, mortem patris intellexit, Londinum profectus est, atque sub nomine *Georgii II* Rex salutatus, plura de suo in religionem & Rempublicam amore præfatus. Acta quoque patris sui, & inter ea Fœdus Hannoveranum confirmavit.

Primum novo Regi negotium cum Hispania fuit, quæ hoc anno 1727 Gibraltariam obsedit, in pace Ultrajectensi cum Minoricæ insula Angliæ relictam. At Hispani obtenderunt, cessionem illam factam ideo, quia Anglia cavit pro libertate Italiæ, quæ causa cum nunc post pacem Viennensem cesset, prædicta loca Hispaniæ esse

esse restituenda. Contra vero Anglia cessionem illam absolutam & perpetuam contendit, ceu pretium diuturni belli.

Collegium Regium Scientiarum, a Cancellario Francisco Bacone Verulamio, viro celeberrimo, olim fundatum, amisit hoc anno Isaacum Newtonum, Præsidentem suum, ab editis doctissimis operibus toto orbe notissimum, postquam 35 ætatis annos implevit. Successorem habuit Joannem Sloanum. Societas ista Philosophiam maxime excolit, & rerum naturam scrutatur, earumque inventiones, quæ singulis trienniis in *Miscellaneis curiosis* communicantur orbi literato. Singulis annis novus hujus Collegii eligitur Præses cum duobus Secretariis. Optimates regni honori sibi ducunt, eidem accenseri.

Obit Newton.

Art. III.

Status Angliæ

sub Georgio II.

§. 1.

Pluribus displicet Tractatus Hispanensis. Nuptia cum Auriaco, & Hasso. Fœdus cum Dania. Dissidium inter patrem & filium. Bellum cum Hisp. Carthagena obsidione liberata. Bellum cum Gallia. Dettingensis victoria.

Postquam anno 1728 Hispania Preliminaribus articulis subscripsit, Anglia classes suas revocavit. Cum in nuptiis Ducis Parmensis Jacobo Stuarto præsentis Majestatis titulus fuisset delatus, Comes Ducis Legatus illico Anglia excedere debuit. Hosiero Archithalasso defuncto successit Hopsonus. Hovardus Staffordiæ Comes Catholicus cum filio regno excessit.

Anno 1729 Conventio Hispanensis multis in Parlamento non placuit. Mutatum Fœdus Quadruplum querebantur: loco 6000 copiarum Parlamentum indifferendum 6000 Hispanos in Florentinum & Parmesanum Ducatum displiceret & quidem opera Angliæ inducendos. Irritari per hoc Casarem & possessores. Tractatus Hispanensis. Timendum inde novum bellum, magno sumptu absque Nationis emolumento gerendum. Dunkeræ portum, Anglicis navigationibus ini-

163.

Tractatus Hispanensis.

Inimicum, contra Ultrajectensia pacta impune reparari. Adhæc in Tractatu illo nullam mentionem factam Minoricæ & Gibraltariæ, quæ tamen præcipuum Sueffione contentionis caput fuissent. Tacuisse hac de re callidam Hispaniam, ut possit rursus repetere. Sed tacendum non fuisse Anglis, tractatum compingentibus.

Hæc aliaque quirita batur adversa pars: sed numero vicit aulæ addita, rogataque est lex de acceptando Hispanensi tractatu, Rege ipso in pleno Senatu conquesto contra eos, qui sapienter acta maligne interpretentur, & discordias in populo disseminare identidem satagant. Facta dein anno 1730 in publicis mutatio. Mylordus Harrington, seu Wilhelmus Stanhope dictus Secretarius Status loco Vice-Comitis Townsendi: Horatio & Roberto Walpole ad magna quoque officia promotis. Initus eodem anno Tractatus Commercialis cum Abdala Rege Marochii.

Lis compo-
sitæ.

Anno 1731 constitutum jam fuerat, Carolum Hispaniæ Principem, secundum Tractatum Hispanensem, etiam armata, si opus sit, vi in Italiam abducere, atque ad hæc Domus Parliamenti Inferior subsidia Regi jam addiderat; cum interea Viennæ conventum est, ut Cæsar tractum Caroli cum 600 Hispanis in Italiam permitteret, Anglia vero pro Sanctione Pragmatica sponderet. Missus proin Wagerus cum classe in Hispaniam, ut Carolum cum copulis trajiceret.

Obiit hoc anno Philippus Dux *Wbartonas*, qui constanti fide adhæsit Prætendenti; exul propterea, bonis Fisco additis, in Hispania potissimum reliquum vitæ egit, donec Barcinone est mortuus.

Anno 1732 Rex ad Senatum retulit, Seviliensem Tractatum nunc esse impletum, Carolum Hispanum Parmæ & Placentiæ possessionem cepisse: Hollandos Viennensibus prioris anni placitis accessisse; quo Europa in æquilibrium suum & quietem sit reposita.

Aquisgrani obiit notissimus orbi Comes *Marrus* Joannes *Areskin*, præcipuus Prætendentis fautor, & adversæ fortunæ socius.

Nuptiæ cum
Auriaco.

Anno 1733 Rex Georgius II Annam filiam suam despondit Wilhelmo Principi Auriaco, Frisiæ Gubernatori, 1709 nato. Dotem pro illa Parlamentum assignavit octoginta Sterlingiorum millia. Pensionem annuam 12000 Sterlingiorum Rex ipse adjecit.

Robertus Walpolus certum quibusdam mercibus tributum imponi voluit, exosus propterea toti Nationi. Intentum erat, ut
hac

hac via debita coronæ solverentur, quæ ad 48 milliones librarum Sterlingarum ascendisse narrantur.

Anno 1734 subsidiorum tractatus Angliam inter & Daniam fuit compactus. Dania præbet 6000 viros, 5000 pedites, 1000 Fœdus cum equites, ea lege, ut Anglia pro quolibet equite solvat Daniæ 80 ^{Dania.} Thaleros, pro pedite 30; Regi autem 25000: & postquam hic manipulus ad stipendium Anglicum venerit, 150000. Promittitur mutua defensio. Pactum hoc in triennium valere jubetur, videturque ideo duntaxat istum, ut Dania a Gallia abstrahatur. 16 Scoti in superius Parlamentum assumpti. Jennings & Norrisius celebres classium Præfecti a laboriosa vita in quietem se dederunt, suffectis Forbessio & Haddockio.

Ex Salisburgenfibus emigrantibus multi in Americam, & quidem in Georgiam, translati sunt, quia spes ipsis facta, pinguorem multo fortunam se inventuros, quam in montibus suis reliquerant.

Anno 1735 per omnia tria Regna multæ erectæ sunt scholæ pro juventute gratis erudienda liberalibus artibus & scientiarum disciplinis.

Anno 1736 Fridericus Princeps Walliæ, qui anno 1728 primum in Angliam venerat, duxit Augustam Saxo-Gothanam.

Rex ad Parlamentum retulit, pacis Præliminaria Cæsarem inter & Gallos esse conclusa modo, non multum abludente ab idea, a potentiis maritinis proposita; atque hinc sublevaturum se Nationem per reductionem militiæ, a gravi subsidiorum onere. Abdicabantur autem 9000 milites, & 8000 nautæ.

Obiit Carolina Angliæ Regina 54 æt. anno, ex Domo Onolsbacensi oriunda.

In annum 1737 incidit dissidium inter Regem patrem, & Principem Walliæ filium. Quippe Rex ex summa 800000 Sterlingiorum, qua sustentatur Regia Familia, Walliæ Principi assignaverat in annos singulos 50000. Minor hæc portio videbatur Principi, quam ut inde familiam suam congrue sustentare possit. Res delata est ad Parlamentum. Non paucis visum, augendum Principi censum. At superabant suffragia, pro dispositione Regis lata. Crescebat interim tantopere discordia, ut Principem juberet ex palatio Regis S. Jacobi emigrare. Privata hæc erat contentio, publica verocum Hispania ob ereptas naves a littorum custodibus.

Dissidium
inter patrem
& filium.

Anno 1738 natus est Principi Walliæ filius Georgius Wilhelmus, ^{Natus hodie.} Fridericus, hodiernus Rex Angliæ. Quamvis autem dissidia inter Rex Angliæ
Pars X. S s s patrem

patrem & filium necdum essent composita, nuntiari hic tamen iussit hanc nativitatem.

Mercatores querelas suas ob ereptas naves ad ipsum Parlamentum detulerunt, quod 257 suffragiis contra 209 conclusit, gravamen Regi proponendum, curandumque, ne Respublica detrimentum patiatur. Nationi Anglicanæ fas esse per omnia Americæ maria navigare. Petita satisfactio. Inita cum Giralдино, Hispania Londini Legato, conventio, quam tamen Hispania limitavit, Anglia illimitatam voluit; & sic inter contentiones & querelas mutuas annus abiit. Interea autem bellum preparabatur. Ex Lusitania Caravallius Legatus Londinum venit, Azevedum sublevaturus. Bibliotheca Regia redacta in cineres.

Bellum cum
Hisp.

Anno 1739 Angli, indicto Hispanis bello, miserunt cum classe Veronum in Americam, qui Portum Bellum, ditissimum mercaturæ emporium, occupavit, & munimentis exiit. Walliæ Principi natus est alter filius Eduardus Augustus.

Carthagena
liberatur.

Non tam feliciter Vernono successit anno 1740 Americana expeditio, nam ab obsidione *Carthagenæ* Hispanorum & Indorum virtute magna cum iactura rejectus, indignationem Anglorum incurrit, qui immanes expensas frustra consumptas querebantur. Munimentum tamen Chagræ & S. Laurentii solo æquavit, frustra tentata urbe S. Dominici. Missus quidem cum suppetiis Oglæus, sed pleræque copiarum morbis aut tempestatibus periit. Ereptæ quoque non paucae ab Hispanis naves.

Nuptia Haf-
siae.

Rex hoc anno filiam suam Mariam Friderico, *Hassiae Principi*, moderno Landgravio regnanti, despondit. Hannoveram profectus regni administrationem 16 Proceribus commisit; inter quos Neucastellus & Harringtonus, Secretarii Status.

Anno 1741 Rex cum assensu Parlamenti Mariam Theresiam agnovit hæredem Paternorum Regnorum & Provinciarum, recepitque, se ex pacto Sanctionem Pragmaticam defensurum; sed ubi Gallos, Westphaliam ingressos, ditionibus suis Hannoveranis imminere vidit, neutrarum se partium professus est, atque Electori Bavariae suffragium se daturum promisit.

Bellum maritimum cum Hispania pyratice simile visum, navium direptionibus constabat.

Bellum cum
Gallia.

Anno 1742 Anglia majori studio in res Austriacas ferebatur; nam Regina 500000 & Regi Sardiniae 200000 Sterlingorum pondo promississe subsidia dicitur. Viginti insuper virorum millia sub Comite *Stairio*, natione Scoto, in Belgium trajecit, & cum Armbergii

copiis

copiis conjunxit, sollicitatis frustra in armorum societatem Hollandis, donec Mallebæus in Bohemiam movit. Verum non tam amor Austriæ, quam odium Galliæ & timor, ne crescat, hanc machinam Anglicanam movisse vel inde videri potest, quod eodem tempore Rex Magnæ Britanniæ cum Boruffo peculiarem amicitiae tractatum confecerit, eique sponfionem Silesiæ addiderit. Motus etiam dignitate sua Robertus *Walpole*, quod nimium Gallicus putaretur. Successit in munere Cancellarii Sandysius. *Walpole cadit.*

Rex Angliæ hoc anno cum Walliæ Principe post sexenne diffidium est conciliatus, eumque ad alloquium rursus admisit, opera maxime Ducis Gothani.

Anno 1743 Rex cum filio Duce Cumbriæ ob relatum *Dettingen* victoriam, & desponsam filiam cum Daniæ Principe, magna cum gratulatione Londini exceptus est. *Detting. Victoria.*

Cum Hispanis bellum eodem ferme ac priori anno modo gestum, nulla in publicum utilitate, tentata ab Anglis aliquot in America loca, sed cum damno repulsi sunt. *Matheus* tamen naves Gallicas & Hispanas Telone Martio ita habebat conclusas, ut Philippis, Hispaniæ Principis, expeditioni Italiæ nulli possent esse subsidio. Obierunt Wagerus & Cavendishus classium Præfecti.

§. 2.

Rex belli cum Gallis causas proponit Parlamento; quod extraordinaria subsidia addicit. Eduardus Princeps in Scotiam.

Vincit Copum. Carliliam in Anglia subigit. Advolant auxilia. Pugna ad Cliftonum, & ad Callodum decretoria. Fugit Eduardus in Galliam. Angli capiunt Cap Breton, in Gallia victi, mari victores.

Postquam Angliæ Rex denuntiationem belli a Francia recepit, ^{164.} *Belli cum Gallis causa.* re cum Senatu collata, eandem reddidit, allatis in medium his rationum momentis. Galliam, contra sponfionem Sanctionis Pragmaticæ, Germanicum bellum excitasse, ut Europæ æquilibrium tolleretur: Angliam vero, servata ejusdem Sanctionis fide, ambitiosis consiliis se opposuisse. Cum bellum Anglo-Hispanum erupit, Galliam ex pacto neutram esse debuisse: at in Europa & America colulisse, immissa Oceano & Mediterraneo classe.

Per reparationem munitionum Dunkercæ, receptionem juvenis Prætendentis in Gallia, destinatam ejusdem trajectionem, apparatam

ratam in hanc rem classem, vim in Matteusium exercitam, manifesta esse argumenta fractæ pacis. Neutralitatis Tractatum anni 1741 non esse a se initum ut Rege, sed tanquam Electore Hannoverano. Non posse proin Gallum, dum Angliæ bellum indicit, illum lasum queri. Non Anglicanos Ministros, sed Gallos in Aulis Principum turbas concitasse.

Parlamentum magna & extraordinaria Regi decrevit præsidia. Majestatis reus declaratus, quicumque cum Prætendente litteras commutare deprehenderetur. Mox Rex, ut Gallo subtraheret Imperii Principes, cum Moguntino & Colonienfi tractatum subsidiorum composuit, sex virorum millia a singulis stipulatus. A Rege vero Borussia poposcit 10000 armatorum, vi fœderis 1742 isti, ut aiebat, sibi debita. Respondit Rex, Gallum dicere, se non esse aggressorem, sed Britannum, cum copias suas, cum Austriacis conjunctas, in Alsatiam miserit, ac proin non esse casum fœderis, mere defensiui.

Anno 1745 Rex Hannoveram profectus cum Rege Borussia conventionem iniit. Sed postquam nuntiatum est, Prætendentem in Scotiam appulsum, confestim in Angliam rediit, ubi Parlamentum non modo subsidia, Regiæ Hungariæ, Regibusque Poloniæ & Sardinia ex fœdere debita, sed etiam magna extra ordinem adversus Prætendentem, ejusque in Scotia adhærentes addixit.

Cum autem Eduardus Regius Princeps, Jacobi III filius, cum 300 suis hominibus in Scotiam venisset, Aula Londinensis 30000 Sterlingarum caput ejus licitata est, misitque adversus eum cum exercitu *Copium*, Vernonio & Martinio cum classibus suis excubare jussit, ne quid subsidii ad eum ex Belgio penetrare possit.

Verum Princeps *Eduardus* majores nihilominus progressus fecit, quam Londinum sibi persuaferat. Nam postquam jura Regia Domus Stuart Manifesto ut vocant declarasset, multi ad ejus signa convolabant, præsertim Scoti Montenses, qui tria armatorum millia eidem adduxerant, quos Comes Mardonellus regebat. Et secunda fuerunt sane initia. Occupatæ Atholum, Perthæ, ipsæque urbs Scotiæ princeps Edimburgum, ubi acta patris Jacobi, quibus filium Walliæ Principem omnium trium Regnorum Regentem constituit, inter tubarum applausum, publice prælegi jussit.

Nec mora: Eduardus cum copiis suis obviam progressus *Copium* prælo superavit, 500 Anglorum in acie cæsis, 900 sauciatis, 1400 captis. Tum vero in Angliam cum decem, ut fertur, millibus, irrueas, *Carliliam*, munitam in Cumbriæ Comitatu urbem, expugnavit,

Eduardus in
Scotiam.

Vincit Co-
pium.

Carliliam ca-
pit.

gnavit, atque in interiora Angliæ penetravit. Trepidatum jam Londini. Et profecto, si majoribus viribus Gallia aut Hispania, quibus bellum erat cum Anglia, Principem sustentassent, nescio, quid actum foret. Verum magnis Principibus, etiam dum bella gerunt, mutua sunt politicæ officia. Diverti voluit Gallia Anglorum arma, ut Belgio subvenire nequirent, non statum præsentem, oppresso Georgio Rege, convelli. Quamvis etiam, si voluissent, ob contubulum Anglicis classibus mare, penetrare non potuissent.

Advenērunt interim in Angliam Hannoveranæ, Hollandicæ, & Hassiæ, quas Princeps ipse Fridericus adduxerat, subsidariæ co-
piæ, quæ Anglis junctæ justum, cui par non erat Eduardus, con-
stabant exercitum, quem Dux Cumbriæ in Scotos duxit. Ad Clifton-
liam. Fuga
num pagum conferta pugna 29 Dec. vicit Cumberlandus. Pugna ad
dilapsi Scoti ad Glascoviam se conjunxerunt, quibus Dux Perthi Cliftonam.
800 Gallos, recens advectos, adjunxit.

Plures aliæ naves, tum ex Gallia, tum ex Hispania, cum multis belli officialibus, varioque apparatu armorum in Scotiam directæ sunt, sed omnes in manus Anglorum, mare possidentium, devenerunt. Qui Anglicæ aut Scoticæ erant nationis, ceu perduelles & Majestatis rei in carceres Londinenses abducti sunt. Centum etiam Sterlingarum pondo promissa illi, qui Clericum Catholicæ Religionis, Jesuitam præsertim, detegeret.

Anno sequenti (1746) Scoti, Eduardo adherentes, Stanlæum Anglorum Ductorem acie quidem vicerunt, variaque ad
oram Borealem loca fortiter defenderunt, sed quia subsidia Gal-
lica in Scotiam penetrare non poterant, & Anglicæ copiæ semper
augebantur, in angustias coniecti, prælio adhuc periclitari decre-
verunt. Commissum illud est ad *Callodum*. Victi sunt Scoti, ma-
gnæque strage profligati, atque omnibus impedimentis exuti.

Hæc Anglorum victoria bellum hoc finitum est. Princeps Eduardus inter varia pericula in Galliam tandem evasit. Multi vero Nobiles Scoti, tum in pugna Callodensi capti, tum alias deprehensi, quod Præteritis partes essent secuti, Londini ad mortem condemnati & interfecti sunt. Hos inter *Lovatus*, quem tubam & facem rebellionis Angli dixere. Scotis Montensibus arma adempta.

Dum hæc in Scotia gerebantur, & Anglia, fervebat bellum cum Gallia & Hispania, maritimum præsertim, nec Angli navium
duntaxat rapinis ingentia damna intulere, sed etiam ad sinum flu-
minis S. Laurentii expugnata urbe Ludoviciana Insulam, quæ Caput
Britonum (*Cap Breton*) in potestatem redegerunt. Quo nuntio
accepto

accepto Angli, eorumque latrevæ, acsi totam Americam occupassent, triumpharunt.

Angli in
Gallia victi.

Angli per trajectum Prætententis irritati, anno 1747 vices reddere volebant, dum classe ad Britanniam Minorem sub Lestockio Præfecto appulsi, prædas & rapinas non modicas exercebant. Sed postquam miles Gallus advenerat, eos victos velut ranas in undas propellebat, plus mille illorum cæsis. Eodem ferme eventu Quiberonum & Calonesum (*Belle Isle*) tentarunt, factis in classem magnis sumptibus: præda non magna a muricolis reportata.

Chesterfieldus Prorex Hiberniæ, & Harringtonus Status Secretarius clypeos mutarunt. *Haddocus*, famosus classium Præfectus, obiit.

Mari victores.

Anno 1747 Angli potiores mari erant Gallis; nam geminam eis cladem reddiderunt, quam superiore anno acceperant. A *Ponticherio* autem in India Orientali cum clade repulsi sunt. Nihil autem Regem Angliæ magis delectabat, quam nuntius de electo genere suo in Vicarium Fœderati Belgii; quia sperabat, sic Rempublicam promptius in vota sua ituram.

Duces.

Rex multos classium Præfectos, albi, rubri, & cærulei vexilli, constituit, uti *Oglium*, *Stewartum*, *Rowleum*, *Ansonem*, *Warrenum*, *Bingium*, *Knowleum*, *Boscavum*: Duces item, qui sub Principe Cumbriæ in Belgio militarent, *Ligonierum* Magistrum Equitum, qui dein in pugna *Lassfeldensi* captus est: *Hawleum*, *Albemarleum*, *Hamiltonum*, *Howardum*, *Marleburgium* &c. Legatos seu Vicarios supremi Ducis. 16 denique Pares Scotiæ, quibus iussessionis & voti in Parlamento Anglicano, ut *Gordonum*, *Argyllium*, *Duglassum*, *Murræum*, *Leslæum*, *Hayum*, *Lind sæum*, *Laudonum*, *Ogilvium*, *Hindfordum*.

Obiit Antverpiæ *Dux Perbi*, Scotus, qui cum sua Familia, quia constanter Jacobo Stuarto adhærebat, in Gallia exulabat, militaribus ibidem functus officiis.

Subsidiorum
quantitas.

Subsidia, quæ hoc anno Parlamentum Regi concessit, assignantur sequentia: 1 pro 65000 Austriacis in Belgio 433333 Sterlingarum pondo. 2 Moguntino 8260. 3 Coloniensi 24299. 4 Bavaro 26846. 5 Hannoverano pro 5000 equitibus, & 13000 peditibus 410000. 6 Hasso pro 6000 militibus 161607. 7 Pro 11550 Anglis navali-
bus

bus militibus 206253. 8 Pro 40000 nautis 2080000. 9 Pro re maritima 176259. 9 Pro solvendis debitis maritimis 100000. 10 Pro Belli Officialibus 29914. 11 Pro militia Anglica campestri 49229 armatorum 1298100. 12 Pro sumptibus in expeditionem Scoticam 166198. 13 Pro Ponte Westmonasteriensi 301000. 14 Pro bello rāsente præterea 500000 pondo Sterlingarum librarum

Quæ simul sumpta faciunt summam 6871069 seu 34 miliones, & 355345 Thalerorum Imperialium. Neque in hac summa adhuc continentur, quæ ad Aulam Regiam & Principis Walliæ, atque Cumbriæ Ducis Familiam regie sustentandam fuerant contributa. Sed unde tantæ divitiæ? ex commerciis. Europa vestigialis pendit Insulæ, ferme extra Europam projectæ, ignobilis olim nominis. Conspirent Nationes aliæ, & alveum ad se derivent; abruptant cum Anglis mercaturam; vetitas eorum merces declarent, & importari prohibeant; quam alia brevi foret rerum facies! aut quid tandem est mercium, quod non aliæ nationes advehere, & mutuis Commerciis communicare queant? Habent maria, flumina, merces, portus, naves. Quid prohibet, strenue & graviter illis uti?

Pax Aquisgranensis, anno 1748 conclusa, ea sui parte genti Anglicanæ displicuit, quæ omnia non modo in Europa, sed etiam India occupata, atque inter ea Caput Britonicum quoque, restituenta decernitur. Nationi insuper indecorum putabant, duos obsides in Galliam mitti, donec plena sit facta pacis executio, partemque continentem Dunkeræ munitam relinqui.

Anno 1751 obiit *Fridericus Ludovicus* Princeps Walliæ 45 ætatis anno, Regis filius, Regis pater, sed nunquam Rex, cum patre Rege conciliatus. Ex conjuge Saxo-Gothana reliquit octo liberos, quinque videlicet mares Principes & tres filias, accessit quarta posthuma. Natu maximus inter filios est *Georgius* Wilhelmus Fridericus, hodiernus Angliæ Rex, natus anno 1738. Præter Walliæ Principis, Cestriæ Comitatus titulum post mortem patris ab avo Rege accepit, cum ordine Periscelidum.

Suscepta est anno 1751 mutatio Calendarii, ommissisque 14 diebus æquinoctium sedi suæ restitutum est, ad exemplum Calendarii Gregoriani.

Anglia & Hollandia subsidiorum tractatum inierunt cum Electore Saxonie, quo eidem promittunt solutionem annuam 48000 Sterlingarum, ita, ut Anglia duas tertias solvat, Hollandia unam. Elector vero pro casu invasionis 6000 armatorum præbeat, & suffragium suum Josepho Archiduci in electione Rom. Regis: similis tractatus cum Saxo-Gothano initus, & Colonienfi, qui tamen a Guebriano Gallico, & Ammone Borussico Ministro aliud fuit persuasus.

Anno 1756 ortum est bellum atrox Anglos inter & Gallos propter limites in America. Direptæ primum naves Gallicæ; eamque direptionem Francia pro aggressionem habuit, atque Insulam Minoricam per Ducem Richelium expugnavit. Commissa prælia navalia plura. Victi Archithalassi Laclujus a Boscavio, & Constanfius ab Hawkæo. Interceptæ ab Anglis Insulæ, Bretonica, Quadalupa, Bellilia, Martinicia &c.

Initum fœdus cum Rege Borussia. Trajectæ in Germaniam Anglicæ copię, fortuna varia; prout infra magis declarabitur. Renovatum sæpius fœdus Borussicum, nominatim anno 1759 & 1760. Anglia promittit Borusso 670 millia librarum sterlingicarum, Londini solvenda. Cavetur, ne alterutra pars sine altera conventionem ineat.

Anno 1760, 25 Oct. subitanea morte Kensingtoni corrui *Georgius II* Rex Angliæ 77 ætatis anno; natus siquidem est in Germania anno 1683. In Angliam profectus est cum patre *Georgio I* anno 1714 Princeps Walliæ declaratus. Anno 1727 successit parenti in regno Angliæ, & Electoratu Hannoverano. Magnamque in theatro hujus mundi Personam egit, prout tot negotia per totum orbem politica, tot bella, tot tractatus publice demonstrant.

Reliquit ex Carolina Onolsbacensi tres liberos, Amaliam Sophiam, Wilhelmum Augustum, Ducem Cumbriæ (qui in Belgio & ad Rhenum, ac Visurgim supremum fuerat militiæ Præfectus, majori spe & commendatione nominis quam fortuna; quapropter Præfecturam illam abdicavit) & Mariam, Friderico II Hassiæ tunc Principi, nunc regnanti Landgravio desponsam, ex quo tres filios suscepit.

Successit ordine Primogenituræ Georgio II *Georgius III* ex filio præmortuo nepos; qui in eadem sædera cum Borussio, idemque regnandi systema cum avo abiit, confirmatis Ordinibus suis juribus ac privilegiis. Natus is fuit anno 1738, post mortem patris Princeps Walliæ 1751, ac demum, quod dixi, post mortem avi Rex & Elector Imperii.

Bellum mox impigre continuatum, missa in Germaniam nova supplementa, in Oceanum classes, præsertim postquam Hispania hostis accesserat. Non tamen semper Angli fines suos sunt affecuti; nam cum ingentem classem expediissent, quæ toti orbi minitari videbatur, illa, postquam ad Insulam S. Helenæ aliquamdiu subsistisset, relecto itinere Portsmouthum rediit. Ad Grænzam quoque Insulam cursus fortunæ impegit, Anglis cruentis cum capitibus a Gallis repulsa.

Feliciores erant anno sequenti (1761) in expugnanda Insula Belliæ, quam Eques de Cruce strenue defenderat. Sed tandem multitudini cedere debuit.

Annus 1762. novum Bellum Hispanicum, expugnanda Havana, & Lusitania defendenda occupatos habuit. Nova classis sub Hawkæo expedita, coactione ad naves compulsi remiges, ex tribus regnis collecti milites, missæ rursus in Germaniam suppetiæ cum annona. Subacta Insula Martinicia, ac postea etiam Havana; illa Gallis erepta, hæc Hispanis. Tandem vero pax conquestionibus metam posuit. (anno 1763.)

In Hibernia hoc tempore lymphati quidam homunciones, ex face infima conflati, circumcursantes, seditionis speciem præbebant; sed ab Hallifaxio, detrusis in carceres capitibus, in ordinem sunt redacti. In Anglia quoque tumultuatum a plebe propter aditum maxime pretium cerevisiæ.

CAPUT VIII

Status Belgii

SÆCULO XVIII.

Art. I.

Belgium Hispanicum Philippo traditur: quem Angli & Batavi Regem agnoscunt. Sed alia mox rerum facies. Postulata. Fœdus. Belli denuntiatio. Prælia. Urbium expugnationes. Gallia cladibus attrita ad pacem petendam compulsa.

165.

Anno 1701 Elector Bavarie Nepoti suo Philippo, tanquam hæredi Hispaniarum, per testamentum Caroli II scripto, Belgium; quod gubernaverat, tradidit, admissis Neoportum, Aidenardam, Athum, Montes, Carolo-regium, Namurcum, Luxemburgum &c. Gallicis præsiidiis, dimissis vero Hollandicis, quæ urbes istas munitas infederant, copiis, nec minimum quidem resistentibus. Noluit Rex eas copias captivas detinere, ne aggressor videretur.

Angli & Batavi Philippum salutant Regem.

Quinimo tam Batavi quam Wilhelmus III Philippum Ducem Andegavensem, datis officiosis ad eum litteris, Regem Hispaniarum salutabant, sinceram amicitiam se culturos polliciti; necdum quippe eo res eorum erant loco, ut, quod sentiebant aut destinatum apud se habebant, auderent proloqui, meliores politici, quam fidei & candidæ veritatis amatores.

Verum diuturna non fuit illa simulatio; nam, cum Avallias Comes Hagam Legatus venisset, Regem suum publicam quietem, securitatem, & omnia, quæ in pace West. Neomagensi, & Risvicensi transacta fuissent, curate servaturum, prolixè fuit pollicitus, responderunt Batavi, quis sibi in pacem sit animus, abunde se demonstrasse, dum Philippum Hispaniæ Regem agnovissent; nihil proin superesse, nisi ut Domui Austriacæ congrua satisfactio præstetur, miles Gallicus Belgio Austriaco excedat, Franciæ nihil accrescat, securitatis obsides sibi tradantur, Venlona, Ruremunda, Steyensverta, Luxemburgum, Namurcum, Montes, Carolo-regium

gium, Dendermunda, Dama &c. privilegia autem navigationum ^{Postulata} & commerciorum in Hispania & Indiis sibi a Philippo Rege depo- ^{Holl. &} scunt, quæ hæstenu fuerant concessa, & deinceps aut Gallia aut Angl. aliis Nationibus amicissimis concedentur.

Eadem Stanhopius, Angliæ ad Fœderati Belgii Ordines Lega- tus, postulabat, satisfactionem videlicet Cæsari pro jure suo præ- standam, evacuationem Belgii, privilegia, & urbes maritimas, Ostendam & Neoportum credendas Anglorum præsidii. Denique utrique integrum sibi volebant, his postulatis alia plura adjungere.

Obscurum haud erat Avallo, quo hæc vergerent; quare de tanta diffidentia questus Parisios rediit. Cæsar vero cum Anglis Fœdus. Hollandisque fœdus Hagæ percussit, quo maris potentibus sua po- stulata, Imperatori vero Mediolanum, Neapolis, Sicilia, cum aliis Mediterranci Insulis & portubus Hetruscis vindicarentur.

Sexto articulo Anglis Hollandisque copia fiebat, quas vellent, in Indiis Hispanorum terras urbesque occupandi ac jure proprio retinendi. Verum hac potestate usi non sunt; quia neutra natio volebat alteram in Indiis crescere, consultius in rem suam rata, si Rex Hispaniæ eas terras possideat. Octavo conventum, ne qua pars absque aliarum consensu a fœdere recedat.

Mirum quibusdam visum, quæ ratione gens utraque maritima fuerit ausa, in fœdus istud descendere, cum viderit, a multis jam annis solam Franciam contra omnem prope Europam stetisse vi- ctorem, relatas victorias, expugnatas urbes, protensum regnum, lates pacificationum leges: jam vero sustentatam tota Hispaniæ po- tentia, Sabaudia Ducis duorumque potentium Electorum auxiliis auctam, ad Scaldim, Padum, Rhenum, Danubium firmatam, multoque validiorem, quam anno 1672, quo eversa propemodum fuerat Batavorum Respublica. Verum Fœderati consilii erant sua- rum opum, & quæ opibus constant, virium. Certe sequentium anno- rum felicitas non a temeritate modo, sed audacia etiam eos absolvit.

Anglos præsertim Wilhelmumque Regem irritavit nuntium, quod Ludovicus post mortem Jacobi II, quæ in hunc annum inci- dit, ejus filium Jacobum III Angliæ Regem salutarit, conquerente Jacob. III. Wilhelmo, pacis Rivicensis fidem violatam. At exceperunt Lud. Rex salutaris. Franci, nihil a se contra pacta: pollicitum quidem Regem Chri- stianissimum, se Regem Wilhelmum in possessione suorum Statuum non turbaturum, nec copias aut naves daturum turbare volenti- bus. Mortuo Jacobo II se titulum Regis ejus filio negare non po- tuisse, quem ipsa nascendi conditio tribuisset. Regem Angliæ in

374
33

titulo suo se appellare Regem Franciæ, & se ipsum proferre titulum Regis Franciæ & Navarræ, quin propterea se læsam conquæratum Hispaniâ; titulum Regis dari posse Jacobo, quin propterea illi præstetur auxilium: ac proin nihil actum contra fidem datam.

Belli denun-
ciatio.

Verum Fœderati, Imperator, Anglus & Hollandus, tantam Domus Borbonicæ per accessionem Hispaniarum potentiam non ferentes, ad rem ipsam progressi, bellum anno 1702 Ludovico & Philippo denuntiarunt. Batavi Regi Franciæ id vitio dederunt, quod non steterit tractatu partitionis: contra illum nepotem suum throno Hispanico imposuerit, ubi ipse sit regnaturus despotice, & ad Monarchiam universalem grassaturus. Inundatam jam Italiam, Belgium, Electoratum Colonensem, Hispaniarum vastissimam Monarchiam omnem, cum evidenti periculo Europææ libertatis.

Besp. Gall.

Responderunt Galli, Imperatorem adduci nunquam potuisse, ut partitionis tractatui subscriberet; Anglos ab eo recessisse; idem facturos fuisse Batavos. Acceptatum testamentum Caroli II crimini dari non posse: Ludovicum paratum esse, omnes copias suas ex Hispaniæ terris revocare, modo quietem impetret; Colonienſi missa auxilia adversus eos, qui ad bellum cogere illum & rapere voluerint. Quæ de Monarchia Universali dicuntur, vana esse, & jam olim Carolo V ejusque filio, Philippo II objecta. Quærunt denique, cur Hollandi non timeant Monarchiam Sultani, multo potentioris, quam sit Rex Franciæ? cur vires suas nunquam adversus eundem exerant? Ceterum, ne Gallorum vicinia umbram in Hollandiam projiciat, Ludovicus cum Philippi consensu Belgium Hispanicum in Electorem Baviaræ translaturum.

Postquam verbis scriptisque ultro citroque necquidquam est disceptatum, ventum ad arma. Dux Burgundiæ exercitum Hollandorum, cui Athlon Comes præfuit, ad Neomagi usque mœnia propulit, mille illorum cæsis. Fœderati vero Venlonam occuparunt, Stevensvertam, Ruremundam, Leodium. Tallardus vero Trarbachio & Treviris captis ad Mosellam se explicavit.

Obdamus
ceditur.

Anno 1703 Boufflerus, & Bedmarus, qui pro Electore Baviaræ absente Belgium administrabat, Obdamum, Hollandorum Ducem, *Exerens* prælio, haud procul Antverpia, profligarunt, cæsis, ut fertur, 4000, direptisque impedimentis. Contra vero, convolantibus magno numero fœderatis, Geldria a Brandeburgicis longa obsidione ad deditionem compulsâ, Limburgum & Hujum a Marleburgis.

Anno

Anno 1704 cum belligerantium copię ad Danubium essent profectę, parum belli in Belgio fuit. Owerkerchius Hollandus aliquid tentandum putavit; sed Namurcum supervacaneo conatu investavit.

1705 Fœderati, expugnato Tillemontio, quę Flandriam tegerat, lineam superarunt, non sine Gallorum clade.

At nullus annus Gallis infelicior, quam 1706; ingentibus quippe pręliis cęsi sunt profligatique ad Taurinum, & Barcinonem, ad *Romiliacum*. Evacuata Italia, Catalaunia, pars magna Belgii. Desertę mox, quantę urbes! Brugę, Gandavum, Lovanium, Mechlinia, Bruxellę, Aldenarda, Antverpia, Ostenda. Revocatus Parisios infelix Villaregius; detractus Italię (ut & illa periret) *Vendomis*, atque ut famam deperditam repararet, bello Belgico pręfectus. Collectis is exercitus reliquis molem incumbentem utcunque sustentabat, atque virtute sua famaue id effecit, ut & anno 1707 ruinam sisteret: nec dubium, quin id porro effecisset, nisi auctoritati suorum Principum debuisset cedere.

Pugna ad
Romiliacum.

Vendom. in
Belgium.

Hinc anno 1708 alieno consilio pugnam ad *Aldenardam* coactus conferere. Stetit uterque exercitus die tota in acie. Sed nox Gallis fatalis fuit. Deserto etenim certaminis campo ad duo millia cęsi sunt. Secuta est cruenta ac diuturna obsidio *Insularum*, ac tandem expugnatio, ab Eugenio & Marleburgo confecta, defensore licet Bufflerio.

Pug. ad Aldenard.

Insulę capte.

Anno 1709 Ludovico Regi, ad pacem aspiranti, propositum est Hagę schema quoddam pręliminare, in 40 articulos divisum. Petunt in iis Anglo-Batavi: Rex Christianiss. agnoscat Carolum totius Hispanię Regem: Dux Andegavenſis intra bimestre cedat ei omnia, quę occupata tenet. Id nisi faciat, Ludovicus se jungat fœderatis, eumque cogat. Kehlram, Brisacum, Landaviam reddat Imperatori: Alsatię possideat ad modulum pacis West. Argentinam restituat cum 10 urbibus. Omnia munimenta a Basilea ad Philippoburgum ad Rhenum constructa, nominatim Hünningam, novum Brisacum, fortalitium Ludovicianum demoliantur: Electorem Brandeburgicum salutet Regem Borussię, & principem Neoburgi (*Neuf Chatel*) Ducem Hannoveranum pro Electore: Annam Reginam Magnę Britannię: Prętendentem Gallia expellat: Terram Novam in America Anglię cedat. Dunkercę munimenta diruat, portumque oppleat: Hollandis pro securitate cedat Furnas, Meninam, Iprę, Insulas, Condeum, Tornacum, Namurcum, Montes, Caroloregium, Neoportum, Maubegium, Duci Sabaudię

Postulata
Fœderatorum.

omnia erepta; ac præterea Exillas, Fenestrellam, Chaumontium, Pragelas. Palatinus maneat quintus Elektor, atque in possessione Palatinatus superioris, & Comitatus Chamensis. Atque hæc omnia executioni dentur ante conclusionem pacis; liberumque Fœderatis esto, plura petere.

Rex, quantumvis pacem efflictæ undique Galliæ summopere necessariam videret, velletque pleraque fœderatorum postulata, utut acerba, implere, Philippum nepotem deferere, Belgium evacuare; quia tamen hæc ante conclusionem pacis executioni tradi volebant, liberumque sibi ad plura pro arbitrio postulanda campum relinqui, qui eo usque se exporrecturus foret, quo cujusque desideria, Torcius & Rovilæus re infecta Parisios rediere.

Pugna ad
Malplaquet.

Igitur consilia ad arma rursus conversa sunt, fœderatique, ultra centum armatorum millibus validi victorias suas in Belgio sunt persecuti, & primo quidem Tornacum expugnarunt; tum vero ad Montes oppugnandos progressi, in exercitum Gallorum ad oppidum Malplaque inciderunt; commissâ ibidem pugna, qua nulla hoc bello atrocior; tenuit ab octava matutina ad tertiam pomeridianam. Graviter faucius Villarius, qui copiis præfuit, acie exportari debuit. Boufflerus vero exercitum ordinibus servatis campo extraxit. Cæsa utrinque sunt hac laniena multa millia, parte utraque, ut fit, hostium cladem adaugente.

Montes.

Victoria autem haud dubie penes Fœderatos stetit, ejusque fructus fuerunt Montes Hannoniæ dediti. Scripsit tamen Bufflerus Regi, copias suas eo esse in statu, ut alterum prælium committere valeant. Sed vetuit Consilium bellicum; non enim erant amplius tempora, quibus centum millia in Belgium mltti poterant, Gallia exhausta, & bello ad Rhenum & in Hispania multa adhuc millia deposcete.

Traçt. inter
Anglos &
Moll.

Novus interea Hagæ Comitum initus est tractatus Anglos inter & Hollandos, quo conventum, ut Batavi defendant successionem Hannoveranam in throno Anglico: imponere ipsis liceat sua præsidia, impensis tamen regionis, Neoporto, Furnis, Knokio, Ipris, Meninæ, Insulis, Tornaco, Condeo, Valencenis, Maubegio, Namurco, Carolo regio, Castro Gandavensi, Dendermondano, aliisque Belgii urbibus & munimentis, Galliæ propinquis, quin

a. Do-

a Domo Austriaca in hoc jure suo. & possessione turbari possint; quin imo etiam Leodii, Huiæ, Bonnæ, ut videlicet cum toto Belgio, Electoratu Colonienfi, & Principatu Leodienfi sine suis impensis pro arbitrio suo possent disponere, conqurente Eugenio, hoc pacto Carolo III non nisi umbram relinqui Belgii Hispanici, & indignante ipsa Anglia Marleburgo & Townsendio Legato, postquam se ipsam respexit. Protestati sunt nihilominus Batavi, nolle se fines suos extendere. Miratus est orbis, Angliam eo usque descendere, ut immanibus impensis Hollandos in perniciem sui commercii tantopere augetet. Sed Marleburgo Anglia se inclinabat.

Anno 1710 cum apicem attigisset Gallia calamitas, Rex Gertrudenbergis pacem petiit, paratus omnia implere, quæ ab Anglo-Batavis superiore anno fuerant postulata, id unum deprecatus, ne propriis armis cogatur nepotem ex Hispania ejicere. Indictus propterea *Gertrudenbergensis* in Batavia conventus, ad quem Rex Uxellium & Polignacum misit, sed elatis secundo armorum progressu Fœderatis, & Eugenio atque Marleburgo, summis belli Imperatoribus, victoriarum cursum sisti indignantibus, aspernabantur postulationes. Fuitque summa Gallia felicitas, quod pacem obtinere nequiverit, nullaue re acta Conventus fuerit dissolutus.

Fœderati bello resumpto *Duacum* expugnarunt, Gallia copias necdum collectis. Idem satum subiere Bethunium, Aria, Fanum S. Venantii, & Buchainum.

Anno 1711 mors Josephi Imperatoris Gallis fatiscensibus salutis fuit. Alia mox Ratio Status, alius habitus animorum, alia consilia. Visum Anglis ominosum, si corona Imperii & Hispania unum caput tegeret. Frigere Marleburgi apud Reginam gratia, obstrepere æmuli, sex milliones Sterlingarum quot annis impensos in bellum Flandricum, ut augeantur Batavi, totius mundi commerciis inhiantes, & unius hominis, Hollandis efflicim additi, satiretur gloria cupiditas.

Art. II.

Rerum inversio. Ormondus substitutus Marleburgo. Anglorum secessio. Clades Fœderatorum. Pax Ultrajecti. Causa Bullionica.

164.
Ormondus
Anglos
separat.

Anno 1712 Ormondus, Marlebourgo surrogatus, ab Eugenio se separavit, voluitque, ut Germani, sub Anglicis stipendiis militantes, idem facerent. At illi secuti Eugenium Quenarum expugnaverunt, Landresio frustra tentato. Procursum etiam ab Hollandis in Campaniam, & omnia vastitate completa.

Pugna ad
Denainum.
Cæsus Alber-
male.

At mox inversa belli alea. Comes Albemarle Dux Hollandus ad Denainum cum suis a Villario cæsus acie, captusque. Duacum, Quenarum, Buchainum, Knochium a Gallis expugnata.

Pax.

Interea vero Ultrajecti pacificationis congressus habebatur, ad quem tota Europa per Legatos convolaverat. Denique anno 1713 Pax fuit conclusa, Cæsare & Imperio bellum adhuc continuante. Pacis Ultrajectinæ Instrumentum vide supra in Hispanicis. Subiungitur est Tractatus Commercialis Gallos inter & Hollandos. Munimentum vero Dunkercense cum insigni portu vi pacis dirutum est.

Tract. com-
merc. inter
Hisp. & Holl.

Anno 1714 inter Hispanos & Hollandos peculiaris pacis & commerciorum initus est tractatus, 40 constans articulis, quorum præcipui sunt: sit pax cum plena amnestia, securitate, & restitutione evictorum in iudicio. Repressalia sint vetita, excepto casu denegatæ justitiæ. Privatis nulla fiat molestia ob debita publica. Neutra pars tractatum contrarium ineat. Pax Westphalica sit basis. Commercium sint libera; nec mercatores in domibus suis visitentur, nisi fraudis sint convicti.

Peregrini non plus teneantur solvere quam incolæ, aut amicis finæ nationes. Merces ne detineantur Arresto, nisi post Judicis sententiam. Naves portibus recipiantur, & quidem gratis; si nihil vendant, a visitatione sint liberæ. Naves hostiles cum alterutrius spoliis non admittantur. Consulibus consueta sit potestas. Pars utraque omnibus juris beneficiis fruatur. Nullius mercatoris libri rationum exigantur. Jure hæreditario utrinque gaudeant.

Nemo

Nemo in Religione turbetur, nisi scandalum creet. Bello mutata in pristinum statum reponantur. Hispanus nulli nationi commercium in Indiam Occidentalem Hispanicam concedat: salvo tractatu ratione nigrorum cum Anglis inito. Captivi utrinque liberi sunt, solutis tamen debitis. Novo oriente bello subditis integer annus concedatur ad sua salvanda. Renuntiatio Philippi V respectu Galliae confirmatur, tanquam lex fundamentalis quietis. Liceat, alios Principes huic paci includere.

Tractatus iste confectus est pro Hispania a Duce Ossuna, & Marchione Monteleone: pro Hollandis a septem provinciarum Legatis; atque hæc causa fuit, cur Batavi ad Triplum & Quadruplum foedus accedere postea sint tergiversati.

Inventæ sunt hoc anno 1714 litteræ Originales, quibus Ecclesia Leodiensis probavit emptionem Ducatus Bullionii, quem ei-
Causa Bullionensis.
 jam olim Godefredus Bullionius, cum anno 1096 ad sacrum bellum proficisceretur, vendiderat. Sed nihil impetravit, Gallia Bullionios Duces protegente.

Art. III.

Tractatus Repagulorum.

Annus 1715 celebrem facit Tractatus Repagulorum (der *Barriere. Tractat*) quippe Hollandi, ut adversus Galliam munitos haberent limites, jam in pace Ultrajectensi obtinuerunt, ut ei assignarentur tales limites, seu munimenta Austriacæ, quibus ceu repagulis, claustris, & aggeribus, a Gallorum invasionibus defenderetur. Verum hæc munimenta non erant satis in ea determinata, nec modus, quo præsidia sustentarentur. Res igitur ista in Hol-
Barriere. Tractat.
 landorum commodum sequentibus articulis ab Imperatore cum illis fuit composita.

I. Hollandi Casari extradant Belgium Hispanicum, in pace Ultrajectensi interim apud illos depositum, prout illud Carolus II anno 1700 possederat, cum urbibus in ea pace a Gallo cessis.

II. Casar nihil ex istis unquam Gallico Principi cedat; sed omnia sub dominio Domus Austriacæ permaneant, exceptis iis duntaxat, quæ Borussia in Geldria, aut Hollandis cessa sunt.

III. Cæsar & Hollandi perpetuo in Belgio habeant minimum 30000 armatorum. Cæsar duas quintas partes solvat pro iis. Tempore belli 40000 alantur.

IV. Hollandi in Austriacis munimentis Tornaci, Namurci, Meninæ, Furnis, Warnetonii, Ipris, Knockii ex propriis copiis præsidia habeant.

V. Dendermondæ & Ruremundæ pars dimidia præsidii ex Cæsareis constet, & alterum dimidium ex Hollandicis militibus. Cæsar Gubernatores in illis constituat, qui tamen etiam Hollandis fidem præstent, ne in eorum præjudicium quidquam agant.

VI. Contra vero in urbibus, ubi sola Hollandica sunt præsidia, Batavi Gubernatores constituent.

VII. Hi tamen Cæsari fidem jurent, quod munimenta pro Domino Austriaca sint defensuri.

VIII. In locis, ubi mixta sunt præsidia, præfectis utrinque par honor deferatur.

IX. Religio maneat in statu, quo fuit sub Carolo IP; præsidia-riis tamen Hollandicis liberum suæ Religionis exercitium permittitur, absque tamen sonitu campanarum, & publicis solennitatibus.

X. Rei tormentariæ, machinis bellicis, armis Hollandorum liber sit transitus, absque vectigali; modo litteris commeatus sint instructi.

XI. Hollandis liceat, præsidia sua pro lubitu mutare, & pro casu necessitatis copias suas per urbes Brabantiae & Flandriae ducere, pontesque construere.

XII. Tempore belli aut periculi possunt augere præsidia.

XIII. Urbes magis munire, cum consensu tamen Gubernatoris generalis.

XIV. Liber cursoribus Hollandicis per urbes prædictas limitaneas sit transitus. Mercatoriae tamen litteræ Postis relinquantur.

XVI. In casu invasionis possunt præpugnacula erigere, terram inundare.

XVII. Cæsar cedit Hollandis Dulam, Polderum, Retum &c.

XVIII. Similiter in Geldria Venloam, Stevensvertam, propugnaculum S. Michaelis, Montfortum, Neostadium, Eicham, cum suis districtibus.

XIX. Hollandi quot annis quingenta thalerorum millia percipiant ex redditibus Austriaci Belgii pro præidiis & munimentis.

XX. Cæsar confirmat varia acta.

XXII.

XXII. Cæsar solvet debita, pro Carolo II in Belgio contracta.

XXIII. Item contracta pro Cæsareis copiis.

XXVI. Commerciorum contractus maneat, prout in Pace Westph. fuit conceptus.

XXVII. Castellum Leodienſe & Hujenſe impenſis Principatus diruantur.

XXVIII. Rex Angliæ hunc tractatum ratum habet, & pro eo cavet.

XXIX. Ratificatio accedat intra ſex hebdomades.

Ex his videas, an Hollandi pro Domo Auſtriaca, an vero pro ſe iſpis bellum geſſerint. Certe plures ex his articulis adeo difficiles viſi ſunt, ut Status Belgii Auſtriaci miſſa Viennam deputatione contra eos exceperint, & ratificatio ultra annum adhuc fuerit dilata.

Additus fuit articulus ſecretus, quo Cæſar, Anglia & Hollandia ſibi mutuo pro omnibus in Europa poſſeſſionibus cavebant.

Art. IV.

Ordinatio Belgii. Cauſa Limburg. & Herſtalleniſis. Tranſactio Colonienſis paradoxa. Navigatio Oſtendana erecſta. Opponunt ſe Batavi. Scriptores de Marti clauſo & libero.

Anno 1716 Princeps *Eugenius* declaratus fuit Gubernator Belgii Auſtriaci; ſed quia ejus præſentia neceſſaria erat apud exercitum, vices ejus expererunt tum Comes *Königſeckius*, qui tractatum de limitibus Hollandicis iniverat, tum *Marchio de Prië*. Porro Gubernator Luxemburgi dictus eſt *Cronsfeldius*, Montium *Arembergius*. Thomas *Philippus* de Alſatia, Comes de Boſſu, ex familia de Ligne, frater Principis Chimæi, poſtea Cardinalis, Archiepiſcopus Mechlinienſis; *Eſtraus* Archiepiſcopus Cameracenſis, loco *Fenelonii*, qui olim Regionum Principum Moderator, *Telemachum* pro ejus compoſuit; poſtea cum Boſſueto, *Meldenſi* Epſcopo colluſus, de Quietismo fuit accuſatus.

Causa Limburg.

De Ducatu *Limburgensi* non levis erat contentio. Cæsar Electori Palatino pro restituto Bavaro superiore Palatinatu Limburgum obtulerat. Sed cum vehementer se opponerent Hollandi, causantes, pugnare id cum tractatu limitaneo, res mansit infecta.

Et Herstall.

Herstallum, Baronatus ad Mosam, inter Trajectum & Leodium situs, pariter controversiam movit Borussum inter & Hollandos, quorum utrique præsidium induxerunt. Pertinet ad hereditatem Auriacam; inter Borussum, & Nassovio-Diezensem, Vicarium Frisiæ, litigiosam. Ille pro se pronuntiatum dicebat ab Episcopo Leodienfi, feudum Domino. Hic vero, cui Batavi assistebant, esse feudum Ducatus Brabantini prætendebat.

Transactio mirabilis.

Bonna ab Electore expugnata. Belli tempore Hollandicum illi impositum erat præsidium. Cum autem Elector esset restitutus, Hollandicum præsidium vi armata expulit. Insuper Elector graviter ferebat, quod Hollandi adhuc Leodium & Hujam occuparent, atque ad defendendum Trajectum, in monte Petrino ditionis Leodienfis castellum excitassent.

Tandem transactio inita, mediante Legato Cæsareo, vi cujus i arcis Leodienfis munimenta versus urbem persisterent, reliqua diruerentur.

2. Munimenta castelli Hujensis pariter demolirentur.

3. Idem statutum de monumentis Bonnæ.

4. Propugnaculum Petrinum ad Trajectum salvum maneat Hollandis.

5. Res tormentaria Bonnenfis Hollandis cedatur.

6. Gubernatori Bonnenfi & aliis belli officialibus Hollandicis satisfiat.

7. Elector apud Hollandos se excuset de iis, quæ Bonnæ acta sunt.

8. Si Elector hæc acceptet, illico fiat executio.

Transactio alias fit aliquo dato, & aliquo retento. At hæc facta est, ut alter omnia daret, & retineret nihil. Insuper alias secundum Jura, quod inædificatur solo, cedit solo; at hic solum cessit ædificio.

Quia Respublica Hollandica, alias obærata, tempore belli multa debita contraxit, copias suas ad 32000 capita reduxit: & quia Societas Orientalis Indiæ pecuniam illi subministravit, magna accepit privilegia; inter quæ illud, quod severe interdiceretur, ne quis-

quisquam in Indiam commercii causa naviget, nisi membrum sit illius societatis. Indultum hoc privilegium anno 1717, quo *Fœdus Tripium*, de quo supra, Galliam inter, Angliam & Hollandiam fuit istum.

Cœptum eodem hoc anno *Ostendarum commercium*. Dux quippe naves sub signis Cæsareis ex hoc portu missæ sunt in Indiam Orientalem, quæ anno 1718 mercibus onustæ, quæstuoso cum lucro redierunt. Amplius proin portus, septemque omnino naves ad ^{Ostendana navigatio.} cursum expeditæ.

Ostendana hæc navigatio velut pupillam oculi tangebatur Angliis & maxime Hollandis, qui constituto Londini & Amstelodami monopolio, dominium maris sibi arrogabant, Amphitriten sibi solis desponsam rati. Igitur Hollandi anno 1718 in littore Guineæ navem Ostendanam prædati sunt. Sed redditæ vices, cum eadem prædatrix navis ad Ostendam intercepta pœnam Talionis luit. ^{Spina in oculis Holl.} Id genus rapinæ deinceps ultro citroque frequentes erant, non sine animorum motu. Hollandi, ne alveus Ostendam derivaretur, merces Indicas levissimo pretio vendebant, gaudente inter hos litigantes Germania de leviori pretio.

Neque internis tumultibus Belgium carebat; cum enim Cæsar novum Senatum constituisset, ex Merodio, Westerloo, Aramber-Tumulus. gio, Lignio, Rubempro, Urello, aliisque compositum, novaque juramenti formula exigetur, Bruxella, Gandavum, Lovanium, Antverpia, tanta commotione se opposuerunt, ut Marchio de Frie, loco Eugenii Gubernator, satius duceret, interim cœptis abstinere. Plebem autem tumultuantem per milites compescuit. Postea tamen jubente Cæsare juramentum præstari debuit.

Wilhelmus Friso, ex Domo Nassovio-Dieziana, Vicarius Hereditarius Frisæ, anno 1718 a Gröningensi quoque Provincia electus est Vicarius, licet septem tantummodo annos esset natus.

Invitabantur ad Fœdus Quadruplum Hollandi a Cæsare, Gallia, & Anglia; sed Beretto Lando obstante, hoc anno nihil impetratum.

Anno 1719 Hollandi urgebant, ut a Cæsareis debita, apud eos per mutuum contracta, solverentur. Cum dein Hispani classem in Scotiam dirigerent, promissa ex fœdere sex virorum millia Anglis mittebant, qui tamen, classe Hispana tempestate disiecta, brevi reversi sunt.

In Hollandiam quoque irruit negotiatio papyracea, quæ Galliam & Angliam afflixit; sed non sine gravi tumultu finita est.

U u u 3

Anno

Heinsii obi-
tus,

Et Leyde-
ckeri.

Societas
Ostendana.

Anno 1720 obiit Antonius *Heinsius* 80 ætatis anno, ultra 30 annos *Pensionarius* Senatus, & fulcrum Reipublicæ. Quam vile autem est nomen Pensionarii, tam magnæ apud Hollandos est dignitatis & auctoritatis. Successit ei Hornbeckius. Obiit quoque anno 1721 Melchior Leydeckerus 79 at. anno, Professor Theologiæ Ultrajecti, variis operibus pro secta Calviniana famosus, uti etiam ex *Historia Jansenismi* edita anno 1695.

Anno 1722 de locis limitaneis, pro securitate Batavorum relictis, & commercio Ostendano, magna fervebat Cæsareos inter & Hollandos contentio. At Imperator cœpta strenue prosequens litteras dedit ad Belgii Ordines, quibus Societatem Indicam mercatoriam erigendi concessit potestatem, eique protectionem suam prolixè addixit, collatis insignibus privilegiis ad 30 annos. Concessio autem ista constabat 103 articulis, ad normam aliarum ejusmodi societatum concinnatis.

Vix promulgata fuerat hæc facultas, cum mox societas coaluit, quæ sex florenorum milliones contulit, florebatque anno 1723 spectatissime commercium. Sudes in oculis erat hæc nova Societas Flandrica societati Orientalis Indiæ Hollandicæ; quare instantissime supplicavit Ordinibus generalibus, ut sibi assisterent. Et astitere, quantum poterant, missis ad Legatos suos in Aulis exteris litteris, graviter questi, adimi sibi contra pacta Monopolium mercatus in Indiam Orientalem. (1723)

Arreptæ mox pennæ, & bellum litterarium gestum. Primus in hanc aciem prodiit Abraham Westerkenus, Syndicus Societatis Indicæ in Hollandia; qui tacito suo nomine scriptum edidit hoc titulo: *De jure, quod competit privilegiatæ societati fœderati Belgii ad navigationem & commercia Indiæ Orientalis adversus incolas Belgii Hispanici, hodie Austriaci, quos a navigatione in Indiam Orientalem exclusos volebat.*

Ecce! quantum mutatis Hollandorum rebus eorum quoque lingua sit mutata. Ante centum annos Hispani Hollandis navigatione in Indiam interdicerere volebant. Reclamabant Hollandi, mare a Deo & natura esse liberum, cuivis genti ad alteram, commercari volentem, accessum per Oceanum, orbi terrarum circumfusum, patere accessum debere. Cum jure naturæ & gentium Hispanos pugnare, quod sibi vindicare præsumant, quæ Deus & natura omnibus volunt esse communia. Atque hoc argumento per suum Hugonem Grotium librum ediderant de *Mari libero*, contra

Libri de mari
clauso &
libero.

tra Seldeni *Mare clausum*. Et hoc erat, quod Belgæ Austriaci Hollandis hoc tempore non raro objectabant.

Convicti hoc argumento, ad *hominem* formato, nihil habebant Batavi, quod reponerent, nisi ut ad mare *pactis clausum* confugerent: per quintum & sextum articulum pacis Monasteriensis interdictum Flandris navigatione Indica caussantes. Articulis enim illis expressum statui, ut *Hispani intra fines, hactenus consuetos, navigationem suam Indicam contineant: Hollandi vero loca, a Castilianis in India Orientali possessa, ne accedant.*

De 5 & 6
pacis Rific,
art.

At facile responderunt Belgæ Austriaci; aliud his articulis non contineri, quam inhibitionem reciprocam, ne pars altera portus & littora alterius accedat, Belgas autem id curate observaturos: ad alia autem loca, ab Hollandis non possessa, mare nec natura, nec Jure Gentium, nec pactis ullis esse clausulum. Adhæc Instrumentum Pacis Monasteriensis de Castilianis loqui, Flandros autem & reliquos incolas Belgii Austriaci non esse Castilianos, imo nec Hispanos, cum quibus ea pax est inita. De Belgis ne quidem cogitatum; naturali proin illos frui debere libertate. Antverpiam fuisse olim universale emporium, nec conscientia duxisse Hollandos, illud ad se transferre. Non frustra naturam sibi dedisse portus & littora, quæ Oceanus alluat. Communes esse undas; num & aeris elementum sibi proprium dicant Batavi? Denique articulum quartum prædictæ pacis Belgis favere. Hæc aliaque Ludovicus de Bergen, Nennyus, Matcinyus, Dumontius, alique Scriptores latius deduxerunt.

illi non
obstant.

Nec verbis tantummodo certatum. Hollandi, velut cor sibi e corpore evulsum rati, cælum & terram inclamabant; atque imprimis sub severissimis pœnis prohibuerunt subditis, nequis in partem societatis Ostendanae venire audeat; deinde, ut id ipsum quoque in Gallia & Anglia fieret, impetrarunt. Augendum videlicet Imperatorem, nimiumque potentem fore existimabant, se vero minuentos, si & ipsi, prout aliis Regibus & Rebuspublicis, Oceanus pecunias afferret.

Alterum negotium hujus anni 1723 fuit promulgatio *Sanctionis Pragmaticæ*, facta etiam in Belgio, de qua jam alias. Statutum nempe jus primogenituræ, ita quidem, ut 1 succedant Carolinæ. 2 Josephinæ. 3 Leopoldinæ Archiduces: quælibet cum tota sua linea.

Obiit

Obiit Jacobus *Bafnage* 70 ætatis anno, ob Ca'vinismum ex Gallia profugus in Hollandiam, ubi Præconis munere functus est. Ecclesiasticam & profanam Historiam, aliaque opera gentis illius more scripsit, a suis multum dilaudatus.

Art. V.

*Cameracenses, Sueffionenses, Hispalenses, Viennenses contentiones.
Hollandi Cæsari infensi ob navigationem Ostendamam,
Quæ tandem abrogata est.*

169.
Bonnevallii
casus.

In annum 1724 incidit ruina Comitis *Bonnevallii*, quem Marchio de Prie, Belgii Vice-Gubernator, ob verba aliqua in eum sparsa Antwerpiam in custodiam abduci iussit: indeque volente Cæsare Spilbergam in Moravia captivus migravit.

Cameracensis & hoc anno varia in medium fuerant adducta, sed nihil conclusum; contentionis serra ultro citroque trahebatur circa congressus futuram successionem Caroli Hispaniæ Principis in Ducatu Parmensi & Placentino.

Postulabant Hispani, Carolo feuda illa ita conferri, ut ejus posterius necesse non habeant, illa innovare, & Investituram petere: ad omnes filios Reginæ Hispaniæ illa extendi: feuda illa non appellari *Ligia*: contra vero adjungi verba: *cum omnibus juribus & pertinentiis*. Nimia hæc Cæsareis videbatur petitio. Insuper Hispani repetebant Minoricam & Gibrakariam. At surdæ erant Anglorum aures. Unde tam diuturna & vacua congressus productio.

Protestabatur etiam summus Pontifex Cameraci, Parmæ & Placentiam non esse feuda Cæsarea, sed Pontificia. Litteras etiam, quibus Carolo feuda illa contulit, Cardinali Aquaviva Hispaniæ Legato Romæ tradidit. Cumque Status Imperii Cæsaris arbitrio feuda illa permisissent, Papa Ecclesiasticos reprehendit, quod non majorem Pontificii juris rationem habuissent.

Princeps de Taxis etiam per Belgium Generalis Postarum Præfectus fuit renuntiatus.

Obiit Primor.

Anno 1725 advocatus Viennam fuit Marchio de Prie, ubi paulo post vitam, ad 74 annos protractam finit; vices illius interim supplavit Comes Daunius, donec adveniret *Elisabetha*, Cæsaris soror nata maxima, Belgii Gubernatrix. Princeps vero Eugenius illam

illam dignitatem ultro abdicavit, factusque est Vicarius regnorum & provinciarum, quas Cæsar possidebat in Italia. Daunius autem ad gubernandum Ducatum Mediolanensem abiit. Novæ Gubernatrici additi sunt Ministri, Viscontius, Rubemper, Pentenrieder; Baro Zumiungenius vero, qui copiis in Sicilia hæcenus præfuerat, militiæ Belgicæ præfectus est.

Elisabetha
Gubernatrix.

Postquam hoc anno pax Viennensis & Fœdus Hannoveranum erant contracta, pars utraque conabatur, Hollandos attrahere. At illi hoc anno neutri accedebant.

Ultrajecti adhuc remanserant Canonici, qui ad Jansenismum deficientes, suæ sectæ Episcopum hoc anno elegerunt, quem Græcus quidam Episcopus consecravit. Pontifex omnes pro merito ab Ecclesia per censuram removet.

Anno 1726 Hollandi ad fœdus Hannoveranum accesserunt, (additis tamen quibusdam limitationibus) ad id maxime permoti per commercium Ostendæ, in dies magis magisque efflorescens, cui Hispania per pacem Viennensem insignia privilegia concesserat. Hinc ea conditione subscripserunt, ut Gallia, Anglia, & Borussia, omnes vires impenderent, ad illud disturbandum. Imperator autem obnitebatur, non posse se Hollandis promissa in tractatu limitaneo subsidia præstare, si commercium Belgii abscondatur.

Holl. ad
fœdus Ha-
nov.

Anno 1727 non exigua inter fœderati Belgii provincias erat contentio de recipiendo Vicario; aliquæ enim Principem Diezensem eligebant: aliæ vero detestabantur, donec ætate proveheretur.

Obiit Isaacus Hornbeckius, per septem annos magnus Pensionarius seu Syndicus, 75 ætatis anno, vir de Republica optime meritus. Successit Simon Slingelandus.

Anno 1728 Hollandi in Congressu Sueffionensi omnibus viribus rursus instabant, ut societas Ostendana abrogetur, Belgisque Avstriacæ navigatio in Indias interdicatur. Volabant ultro citroque scripta, quibus pars utraque jura sua adstruebat. Petierunt tandem Flandri, ut saltem tres aut quatuor naves mittere in Chinam annuatim liceat; sed neque id impetrare poterant, Hollandis Monopolium sibi solis vindicantibus. Dissolutus dein re infecta Congressus Sueffionensis per Hispanensem, cui Batavi accesserunt, illeceßi promissione disturbandi Ostendana commercia.

Congressus
Sueffionen-
sis.

Obiit in exilio Paradanus Abbas Ulierbencensis, capitalis hostis Constitutionis *Unigenitus*, & auctoritatis Pontificiæ.

Anno 1729 facta est dicta accessio Hollandorum ea lege, ut tres coronæ Fœderatæ Hollandis assistant in causa Ostendana & Frisæ Orientalis: ipsi vero pro casu necessitatis præstent 4000 pedum, & 1000 equites. Hispania plura illis offert commoda in favorem commercii, satis gnara, hunc esse hamum, quo attrahantur hi pisces.

Senatus Bruxellensis ædes ligneas dirui jussit, & construi lapideas, oblata pauperibus pecunia, censu trium pro centum, sub hypotheca novarum ædium.

Anno 1730 Elisabetha Archidux, Belgii Austriaci Gubernatrix, spectavit supplicationem piam, quot annis ad Ubios institui solitam, ob victoriam, quam olim Brabantini a Duce Luxemburgensi reportarunt.

Neupergius Luxemburgi Præfectus prodicionem detexit; cuius 18 complices capite plecti jussit.

Anno 1731 totum palatium Gubernatricis cum Archiviis & rebus pretiosis in cineres abiit. Damnum ad 18 miliones florenorum Hollandicorum æstimabatur.

Cum Cæsar & Anglus novam Viennæ conventionem iniissent, invitarunt etiam Fœderatum Belgium; sed quantum illi trahebant, tantum Gallus retrahebat, ut adeo hoc anno ad subscriptionem permoveri non posset.

Princeps Carolus Henricus Friso, ex Domo Nassovio-Dienziensi, Princeps Auriacus appellatus, cum 20 esset annorum, electus est a Frisonibus Gubernator seu Vicarius.

Anno 1732 Comes Viscontius Neapolin Prorex abiit, illique in munere Primi Ministri apud Gubernatricem successus est Harrachius. Baro vero Zumiungenius, copiarum in Belgio Præfectus, obiit æt. 72.

Hollandi hoc anno subscripserunt Viennensi tractatui, inter Cæsarem & Anglum inito, cum certis tamen conditionibus; inter quas fuit abrogatio Ostendanae navigationis, & sponsio pro Sanctione Pragmatica. Duabus tamen adhuc navibus cursus in Indiam fuit permixtus, ut societas Ostendana possit ibidem res suas componere, & quæ jam comparaverat, inde avehere.

Abrogatio
Ostendanae
commercii.

Anno

Anno 1733 rogarunt Hollandi Imperatorem, ne Polonica electioni se misceat; fecius enim, si bellum propterea oriretur, non habituros se pro casu fœderis. Respondit, se negotium illius electionis procul a se habere, modo Reipublicæ relinquatur libertas; si bellum propterea sibi inferretur, scituros Fœderatos Ordines, ad quid per Tractatum limitaneum aliaque pacta adstringantur.

Gallia tum Gubernatrici tum etiam Batavis pro Belgio *neutralitatem* obtulit. Cum autem Gallia, Hispania, & Sardinia fœdus inirent contra Cæsarem, is promissa ab Hollandis subsidia per Uhlesfeldium petiit. At prævalente Fenelono, *neutralitatem* amplexi sunt.

Incidit in hunc annum partitio hæreditatis Auriacæ, de qua in Borussia. Hanc minori Principis Auriaci ætate administravit Fœderata Respublica. Jam vero facta inter Regem Borussia & memoratum Principem conventionem, exorta est controversia de Marchionatu *Flissingensi*, quem Wilhelmus III Rex Angliæ sibi emptio. *Hæreditas Auriacæ.* ne comparaverat, Seelandiæ vero Provincia independentem sibi, que proprium reddere volebat, eminentis domini titulo, oblati Principi sexcentis florenorum millibus. Respondit Princeps, si Flissinga sibi debeatur, non esse venalem; si non debeatur, cur offerretur pecunia? Rex etiam Angliæ pro causa Principis se interposuit, ut hæreditas illi sua relinquatur.

Anno 1734 Horatius Walpolus Hagam extra ordinem Legatus venit, cum Fœderatis Ordinibus ideam pacis concepturus, quæ belligerantibus Principibus proponeretur. Quamvis enim Anglia & Hollandia bello se non finerent implicari, progressus tamen trium Coronarum in Italia atque ad Rhenum ita aspexerunt, ut jam proximus videretur ardere Ucalegon, & Europæ bilans nimium inclinari.

Comes Welderanus Leodium abiit, ibique Catholicam Religionem professus est. Pesterus vero, Hollandicis Legationibus notus, jam septuagenarius, muneribus omnibus exutus in carcerem conjectus est.

Postquam Batavis suboluit, jacta anno 1735 fuisse inter Cæsarem & Gallos pacis præliminaria, haud satis æquo animo ferebant, se non consultis id esse factum: erantque solliciti, ne aliquid minus sibi gratum in illis contineretur. Nec omnino placuit, Galliam Lotharingia fore augendam.

Anno 1736 Dux Armbergius omnium in Belgio Austriaco copiarum supremus Præfectus est renuntiatus: Hornius vero S. R. I. Princeps.

Hollandi copias suas a 54700 ad 44400 reducebant. Anno sequenti Slingelando demortuo in præcipuo Pensionarii munere suffectus est Antonius Van der Heim, qui prius fuerat Thesaurarius.

Anno 1738 transactus inter querelas Hispaniæ, Angliæ, & Hollandiæ de abreptis invicem navibus. Cæsar commerciorum tractatum cum Hollandis tentavit. Sed his monopolium suum in Belgio præplacuit. Anno autem sequenti cum Gallia ejusmodi tractatum renovarunt, plura insignia privilegia per illum adepti; quod bello Anglo-Hispanico se non miscerent.

Anno 1740 post mortem Cæsaris Elisabetha Gubernatrix, nomine Reginæ Mariæ Theresiæ, ab Ordinibus Belgii homagium recepit. Composuit etiam dissidia, cum Episcopo Leodiensi propter aucta telonia orta. Complevit legiones, atque in omnem partem sollicitudinem exporrexit, si quis forte adversus impetus irrueret.

Hollandi
Sancti. Prag.
non defen-
dunt.

Casus jam erat & tempus, quo Hollandi prout Regina requirebat, Sanctionem Pragmaticam debebant defendere. Sed aliud est promittere, aliud promissis stare. Offerebant sua bona pro pace officia. hoc totum.

Fratrem Carolum Imperatorem ad perenne & tranquillum regnum anno 1741 secuta est Maria Elisabetha Gubernatrix Belgii, æt. 60. Dictus interim Gubernator Harrachius, donec Carolus Dux Lotharingiæ, cui ea Præfectura fuerat destinata, possessionem caperet.

Quamvis Hollandi copias suas anno 1742 ad 70000 auxisse dicantur, ut tamen Reginæ auxilia mitterent, permoveri non poterant, ne quidem tunc, cum Angli in Belgium venirent, & ad superiorem Rhenum ascenderent; interim vero, cum Hispani Anglique bello essent commissi, utriusque gentis commercia ingenti emolumento faciebant sua.

Anno tandem 1743 miserunt 20000 Fœderatis suis, Reginæ Hungariæ & Angliæ ad Rhenum superiorem, Relschachio Barone & Cartereto Anglo Hagæ urgentibus. Obiit Franciscus Van de Meer, qui 19 annos fuit Reipublicæ Legatus in Hispania.

Harrachio Vice-Gubernator Belgii successit Königs-Eckius, Carolo Lotharingo bello adversus Gallos distento.

Art.

Art. VI.

*Bellum successionis Austriacæ etiam in Belgium detonat.
Gallorum magni ibidem progressus, Archistratego Mauritio
Saxone, & Lövvendalsio ejus Legato. Occupata tota
Flandria & Brabantia Austriacæ, cum Na.
murca, Montibus &c.*

At vero anno 1744 Carolo cum serenissima conjuge in Belgium veniente Königseckius primi Ministri munere functus est. Ingens toto Belgio personuit lætitia; sed in summum luctum brevi mutata, dum Con. Gubernatrix Archidux, mortuam prolem enixæ, obiit anno æt. 27, 15 Dec. In eo felix, quod Belgii calamitatibus subtrahita fuerit.

Quippe Rex Galliarum, indicto Reginae & Anglis bello, expedi- *Progressus* tionem in Belgium suscepit, Noallio & Mauritio Saxone Ducibus. *Gallorum* Et favebat fortuna; nam 16 Maji Warnetonum, Cortracum, & *in Belgio.* Harlebecum fuerunt occupata. Venit tunc in castra Wassenarus Batavorum Legatus, pacem aut inducias petiturus; respondit Rex, satis diu studiosum illius animum a se demonstratum. Mox ad Meninam admotus exercitus, derivatisque undis 28 Maji, præsentem Rege apertæ viæ obsidionales: 4 Junii Hollandicum præsidium 1400 hominum discessum passum, urbem deditit, & Slusas abiit. 26 Junii Ipræ: 29 Knockium: 30 Junii Duxmûda: 10 Julii Furnæ expugnata.

Victoria dum ita curreret, nuntiatum Regi, Principem Carolum, trajecto Rheno, theatrum belli in Alsatia figere. Quare 19 Julii cum magna copiarum parte in Alsatiam properans, Metis gra- *Rex e Belgio* vi morbo correptus est. In Belgio vero Mauritius Saxo cum 40000 *Metas.* relictus, diruto Cortraco, adversus fœderatorum 60000 exercitum, ex Anglis, Belgis, & Hollandis conflatum, excubavit. Anglos ducebat Waldius, sed cum tot munimenta diripi otiosi spectarent, Arembergio Principi tandem delatum est totius exercitus imperium. Experimentum is sui facturus digno operæ pretio ad Insulas expugnandas se accinxit; sed tergiversantibus Batavis, cæptis desistere debuit, & hyematum concedere.

Batavi interea, quibus periculum erat propius, trahente hinc Reischachio & Trevoro, inde Fenelono & Abbate Villano retra-

hentibus, in utramque partem claudicabant. Quamvis enim 6 milia in Angliam adversus Prætendentem misissent, & copias suas cum Anglo-Austriacis conjunxissent, necessitatis tamen obtentu, & auxiliorum, vi fœderum antiquiorum illis debitorum, id apud Gallos excusabant. De cætero nullum sibi cum Rege bellum esse. Parceret igitur munimentis limitaneis, suo præsidio per pacem Ultrajectensem & alia pacta publica commissis. Veruntamen, licet Franci magna cum humanitatis significatione has eorum excusationes & preces exciperent, donato etiam a Rege Wallenariorum Legato; opportunior tamen aptiorque Belgium erat Martis campus; quam ut ab eodem depelli se paterentur.

Igitur Galli anno 1745 cum Austriaci a Rheno in Bohemiam adversus Borussum essent averſi, magno cum exercitu primo jam vere in Belgium sub Mauritio de Saxonia moverunt, atque 25 Aprilis Tornacum, insigne munimentum, obsederunt. Harcourtius oppugnabat: Mauritius cum exercitu oppugnantes protegebat.

Pugna Tornacensis.

Nihilominus Dux Cumbriæ Regis Angliæ filius, qui fœderato exercitui hoc anno præfuit, obsidionem solvere conatus, Gallosque ingenti ardore aggressus, Fontenaco oppido occupato, prima jam eorum munimenta, suggestus & loricas superaverat, cum immanibus hostium ignibus cedere, & Athum sub tormentorum jactu se recipere debuit, Gallis fugientes non persequentibus, sed oppugnationis operi instantibus. De numero occisorum, sauciorum, captorum, immensum variant scriptores. Hoc certum, grandem utrinque fuisse stragem, egregiamque laudem deberi Gallis, qui inter duos ignes, urbis videlicet, & fœderati exercitus, qui oppugnantes oppugnavit, victores hostem propulerint.

Tornacum, quamvis sub Dortho Præfecto strenue pergeret resistere, 21 Maji se dedere coactum est, arx vero primum 19 Junii præsidio, quod 5000 adhuc capitibus constabat, liber quidem abitus permissus, ea tamen lege, ne per biennium militaret. Galli, ne per tot locorum præsidia robur exercitus distraherent, arcem demoliti sunt.

Löwendalium.

Urbes expugnatae.

Löwendalium 11 Julii Gandavum expugnavit, 16 vero arcem, præsidio capto. Erat autem Comes *Wallenarius de Löwendal* ex regio Danorum sanguine oriundus, Varsoviæ Catholicam Religionem amplexus, Polonicam primum & Saxonica militiam supremum excubiarum Præfectus secutus, ad Russicam dein translatus, rei tormentariae Præfectus & Gubernator Kioviensis constitutus est. Demum anno 1743 in Galliam profectus, Mauritiæ supremi Ducis Vicarius,

carlus, Ordinis S. Spiritus Eques, & Franciæ Mareschallus creatus est, bellis deinceps Belgicis inclarescens, atque pars magna expugnationum, quæ prono velut alveo deinceps fluebant.

Quippe 17 Julii Brugæ & Aldenarda se dediderunt, accedente brevi Alsto, 11 Aug. Dendermondo, & 22 ipsa etiam Ostenda, atque 7 Sept. Neoportus capto præsidio. Flandria Austriaca autem in potestatem redacta, Galli in Hannoniam progressi, 8 Oct. Athum extorserunt. Nec hyeme cessatum, qua rigente Mauritius Bruxellas, urbem Belgii principem occupavit.

Si quæras, qua ratione fieri potuerit, ut Gallus una expeditione firmissima tot claustra, dum adesset fœderatus exercitus, perfringere valuerit, consideres velim collectas hic ferme Franciæ vires, Duces præstantes, rem tormentariam instructissimam, populum unius labii, Regis præsentiam, animos generosæ pubis, ex prospero successu ferocioris; ex altera vero parte militem diversarum Nationum & linguarum, strage Tornacensi accisum, nec satis sibi contentientem, per munimenta in præsidia dispersum, & magnam partem in Angliam adversus Prætendentem dimissum, Batavorum nutantium & trepidantium teporem, cum Regem in se irritare nollent: fugitantes denique prælium, ne uni velut alex fortuna Reipublicæ objiceretur. Adde confusionem gentis utriusque maritimæ ob apparatus simulatum, ad juniorem etiam Prætendentis filium in Britanniam trajiciendum.

Anno 1746 Galli suas prosequerantur victorias, Bruxella, Antverpia, Montibus Hannoniæ, Namurco, quantis nominibus expugnatis. Et quidem jam 27 Jan. rigente summa hyeme, Comes Mauritius, totius Gallici exercitus Archistrategus, dignum se, dignum Heroum fastis opus aggressus, expeditionem, prorsus inexpectatam in Brabantiam, & quidem adversus ipsam urbem principem, Gubernatorum Sedem, suscepit, quam, interceptis Lovanium & Vilvorda, corona cinxit. Amnes & paludes, glacie concretæ, firmum advehendæ rei tormentariæ tergum præbebant; & quod iustuosissimum, plerique belli Duces in ea urbe erant conclusi cum Duinio Hollando, cui urbis defensio fuit commissa.

8 Febr. viæ obsidionales fuerunt apertæ: muri tormentis quasi fati ruinas agebant. Intentabatur totius militiæ assultus. 19 Febr. Capitulatione cum Kaunicio Pro-Gubernatore Belgii, & Duinio ratione præsidii Hollandici inita, 10000 cum Ducibus capta sunt; salvis Archiviis, Bibliothecis, & mobilibus pretiosis Aulae. Kaunicio cum suis rei politicæ administris liber Antverpiam concessus abitus;

Causæ adversæ fortunæ.

Mauritii victoriæ.

Bruxellæ capte.

abitus, Duces sub fide nobili dimissi: milites gregarii in Flandriam Gallicam abducti. Princeps Waldeccius, qui cum suis Anglicis & Hannoveranis copiis ad Antverpiam confidebat, succurrere non poterat, quia digresso praesertim cum sex Hassorum millibus Frederico Principe in Scotiam, infirmior erat, quam, ut 50000 Gallorum posset invadere.

Laus Mouri-
ni. Magisterium hic suum implevit Saxo: velut Semi-Deus propterea exceptus Parisiis; & superavit aliquid supra hostes, invidiam videlicet alienigena, fatentibus etiam æmulis, a Germano Gallum posse discere. Bruxellis praefectus Löwendahlius, æstimantibus Francis in utroque heroe, uti virtutem militarem, ita regium sanguinem.

Antverpia
dedita. Quietis militis ad Aprilem tunc spatium datum. 4 Maji Rex ipse Bruxellis exceptus est; & brevi post *Antverpia*, quæ Gallis venientibus fuit aperta; quam dispari modo, ac Alexandri Farnesii tempore. Arci, quam Comes Widenfis defendit, vim experiri placuit. At nihil tam firmum ars & natura constituit, quod ignes nostri sæculi non possint perfringere. 31 Maji se dedit, praesidio libero habitu concessa ad fœderatum exercitum, qui Bredam recessit, auctus 10000 Hannoveranis, & 6000 Hassis.

Montes. Series oppugnationum ad *Montes Hannoniæ* permunitam urbem jam pervenit, quam Estræus & Boufflerus 7 Junii infestare ceperunt; sed Rex ejus expugnationem Principi Contyo commisit. 18 fossæ obsidionales apertæ. De septem suggestibus 65 tormentis bellicis, & 45 mortariis urbs verberabatur, quæ 13 deditionem fecit, protento vexillo candido. Praesidium captum. Philipsthalius Princeps, & Nava Hollandus in testimonium egregiæ defensionis dimissi liberi. Appendix fuit Fanum S. Gisleni, 24 Jul. deditum.

Carolofor-
gium.
Huia. Secutum est *Carolo Regium*, 2 Aug. superatis loriceis expugnatum, capto praesidio cum Praefecto Delfortio octogenario. Löwendahlius interea *Huam* Leodiensem urbem impetu cepit, ut fœderatis inde cibaria abscinderentur.

Namurcum. Supererat *Namurcum*, munimentum celebre, quod Princeps Claremontanus Ducis Borbonii filius cum 61 cohortibus & 47 turmis, 130 tormentis, 45 mortariis, aliisque metallinis machinis, & 5 suggestibus, 12 Sept. cepit impetere, 20 Sept. urbs, 30 castrum fuit traditum, praesidio in urbes Gallicas abducto.

Fœderatus interim exercitus sub Bathiano & Waldeccio 17 Julii Breda in Leodiensem agrum movit, ut Trajectum ad Mosam tutum praestaret. Venit huc in castra Princeps Carolus, Belgii Au-

Austriaci Gubernator, ut copiarum imperium, quæ ad 75000 ascensisse scribuntur, susciperet. Conatus is equidem est, expugnationes urbium sistere; sed eas Saxo, velut ad latus incedens, cum majore exercitu protexit.

Tandem vero, post plures velitationes, haud procul Leodio ad pagum *Rocoux* ventum est ad acre prælium; in quo denique Mauritius victoriam retulit. Fœderati, relicto campo Martio, Trajectum se receperunt, Galli vero *Leodium* occuparunt. Quia *Pugna ad Rocoux. Leodium.* autem Episcopus Theodorus, quamvis neutri parti adhæreret, gravia passus est damna, Rex Christianissimus ei Leodium aliaque loca restitui, simulque in compensationem damni 1120000 librarum solvi jussit, cum promisso, nulla in agro Leodiensi figendi hyberna: illa Galli in Brabantia & vicinis locis, Austriaci in Luxemburgensi, Trevirensi, Coloniensi, Juliacensi tractu ceperunt, Angli vero, Batavi, Hannoverani, Hassi, in Hollandico. Carolus Viennam, Mauritius Lutetiam abiit.

Interea vero, dum arma undique perstreperent, & Hollandi jam proximi viderentur ulterioribus Franciæ progressibus, Bredæ in Brabantia Hollandica institutus est congressus pacis. Sed gladii humano sanguine necdum satis erant hebetati, ut cudi possent in vomeres. Unde tota hyems apparando bello impensa, formataque Hagæ Comitum idea futuræ expeditionis. Regina promisit 60000 armatorum, Anglia 40000, totidem Hollandia. Supremus vero Belgici Imperator belli Dux Cumbriæ lectus.

Obierunt Heymius, magnus Reipublicæ Pensionarius, & Fagelus Status Secretarius: cui successit Gillesius, qui cum Wäsfenærio Parisios abiit, pacis negotium præparaturus.

Art. VII.

Flandria Hollandica occupata, cum Berga ad Zomam. Pugna ad Laffeldam. Wilhelmus Friso Princeps Auriacus, electus Gubernator a Fœderatis Ordinibus. Eorum Regimen quale sit.

Cum autem Gallia nulla ratione Hollandos a Fœderatis posset avellere, statuit Rex, id armis extorquere. Igitur Löwendahlus ¹⁷² *Flandria* 17 Aprilis 1747 ex una, Contadus ex altera parte in Flandriam Holl. occu- Hollandicam irrupere, atque in ea Slusam, Cataractam Gandaven-pate.

Pars X.

Y y y

sem

sen (*Sas Van Gent*) munitam urbem, Wasiam regionem, Hulstium, Sandbergam, Axelam, aliaque munimenta occuparunt; ut adeo intra mensis spatium tota Flandria Hollandica in Regis potestatem esset redacta.

Trepidatum non modo in vicina Selandia, sed tota Batavia ad tantos tamque celeres progressus, muniti portus, armatus civis, implorata Anglia: solo, quod mirum, fœderato exercitu, qui tamen ad centum millia ascendisse dicitur, se non movente, Mauritio vero jocante, quod sibi togato & crepidato tam longa, tamque quæta hyberna concederentur.

Pugna ad
Laffeldam.

15 Junii Saxo, Cumbriæ Principem excitandum ratus, postquam Rex Christianissimus ipse Bruxellas venerat, Trajectum versus duxit exercitum. Cumberlandus, hoc animadverso, exercitum suum inter Trajectum & Gallos locavit. Austriaci dextrum, Angli, Hannoverani, Hassi sinistrum cornu, Hollandi mediam aciem constituebant. Acris hic ad *Laffeldam* in agro Leodiensi pagum, non ultra sesqui leucam Trajecto distitum, pugna inter sinistram fœderatorum & dextram Gallorum alam densas inter pluvias conferta est. Vicerunt Galli. Cæsa feruntur aut vulnerata Fœderatorum, maxime Anglorum, ultra novem millia, octingenti capti, quos inter Mülordi Ligonierus, Seutonius, Albemarlus, Comes Isenburgicus. Præda memorabilis reportata, 29 machine tormentariæ, 9 vexilla, 7 labara &c. nec incruenta Gallis victoria fuit; sex enim millia aut cæsa aut fauciata narrantur. Comes quoque de Bavaria, supremi Ducis Gallici Legatus in hoc prælio cecidit.

Löwendalium
Bergum ad
Zomam ex-
pugnat.

Post pugnam Princeps Cumberlandiæ, de quo non constat mihi, quid in ea gesserit, exercitum reliquum ad Trajectum retraxit, ut illam protegeret, & communionem cum Germania apertam servaret. Mauritius, cum oppido difficilem Trajecti expugnationem cerneret, in Tungris substitit, Löwenthalium tamen, ut fructus victoriæ legeret, ad expugnandam *Bergum ad Zomam*, munitionissimam natura & arte in Hollandica Brabantia urbem, dimisit. Sanguinolentum prorsus & pertinax fuit opus. Defendit illam cum numeroso præsidio Princeps Hassio-Philipssthalius, suspensa eventus expectatione Europa: sed Galli nolebant dici, ad hunc scopulum fortunam suam & vires impegisse. Igitur cum continua verberatione totam propemodum urbem in lapidum acervum convertissent, trino universali assultu tentato, 16 Sept. in eandem irruerunt. Hassus cum Cronstromio multisque præsidiariis fuga evaserunt, 1500 vero intercepti sunt. Præda multa, in hanc rupem depor-

deportata, in manus hostium venit. Quamvis autem Löwendahlius direptionem prohibuisset, non tamen semper est in potestate Ducis, manus iratas & prædæ cupidas coercere.

Tantum munimentum cum cecidisset, proriore deinceps fuere ad deditionem castra ad Scaldin complura. Berga expugnata, Rex Lovanio Versailles rediit. Exercitus autem hybernatum concessere, Fœderati in Brabantiam Hollandicam, Galli in Austriacam, quam occupatam tenebant.

Postquam Gallus terras Batavorum invaserat, magna apud eos hoc anno facta est mutatio. Populus fremens Wilhelmum, cognomento *Frisonem*, Principem Auriacum, ex Familia Nassovio-Friso Vica-Diezensi natum, Regis Angliæ generum, Gubernatorem, seu potius *Bataviam*, tunc Vicarium Reipublicæ deposcebat. Frisia, Geldria, Zuphania, Gröninga, Omelandia, jam ante eum elegerant. Sed reliquæ provinciae constanter reluctabantur. Jam vero Selandia, ut Regi Angliæ, a quo auxilium contra Gallos expectabat, gratum quid præstaret, signum extulit, & Vicarium proclamavit, eique Flissingam atque patrimonialia bona reddidit. Secutæ sunt provincia Hollandica, Ultrajectina, & Transilalanica, ut adeo ab omnibus septem provinciis eligeretur Vicarius, Archithalassus, & Capitaneus Reipublicæ, & quidem jure hæreditario aliisque privilegiis adjectis.

Nam conclusum ab Ordinibus 1 Vicariatus Septem Provinciarum sit hæreditarius, ita quidem, ut Wilhelmi filius, si quem sit *Quibus conditionibus*, nascutus, succedat, atque hujus filia in defectu masculi. 2 Carolina, quatuor tunc annos nata, cum suis masculis descendentibus. 3 Si Carolina sine masculis decederet, succederet ejus soror juxta ordinem primogenituræ, cum suis legitimis masculis. 4 Nullus tamen Vicarius Regiam aut Electoralem Dignitatem obtineat. 5 Reformatæ sit religionis, & in Batavia educatus. 6 Si fœmina Vicariatum obtineat, nulli Regi aut Electori nubat, neque alterius religionis Principi sine consensu Reipublicæ. (*Quo postea indigebat Carolina, cum Nassovio-Weilburgensi, Lutherana professionis Principi nuberet.*)

7. Si ad fœminam Vicariatus sit devolvendus, in omnibus Collegiis & Consiliis Status sit præfens. 8 Tempore belli renuntiet summus Dux, qui reformatæ sint religionis, nec Reges, nec Electores: Statibus autem fidem jurent, & obsequium. 9 Tempore minoris ætatis mater filiorum tutelam & Vicariam potestatem gerat. Id quod dein anno 1751 Wilhelmo mortuo evenit, ubi

Y y 2

vidua,

vidua, Regis Angliæ filia, ad cujus favores aucupandos haud dubie statuta sunt ista, tutelam & Vicariam potestatem exercuit.

Cum Wilhelmo, qui *Levarde* in Frisia sedem fixerat, nuntiata electio esset, cum Coniuge & Carolina, unica, quam tunc habebat, filia Hagam abiit, ibique, iuramento coram Ordinum Deputatis deposito, possessionem novæ suæ dignitatis cepit, quantam nemo ante ipsum ab anno 1672 habuit. Nam Wilhelmus III quinque tantum provinciarum fuerat Vicarius.

Regimen
Batavorum.

Nam facile autem definias, qualis electo Vicario, Regiminis forma vigeat apud Batavos; non est Monarchica, quia Vicarius est Vicarius & Gubernator, & non pollet suprema & independente potestate: nec perfecte Aristocratica, propter derivatam magnam Auctoritatem in Vicarium hereditarium, Maris Præfectum & Generalem Reipublicæ Capitaneum, qui supremos belli Duces constituit; uti etiam propter populum, non raro pro libidine dominantem, & ea, quæ sibi sunt placita, extorquentem, prout hanc ipsam Vicarii electionem extorsit. Nec tamen propterea est Democratica, tum quia Hagæ Comitum sunt Deputati singularum Provinciarum, quos *Generales Status* appellant, penes quos est præcipuum robur, Consilium item Status, & rei maritimæ Collegium: tum etiam propter Vicarii Universalis prærogativas. Quælibet provincia est sui dominæ, imo etiam pars provinciæ, & non nisi nexu quodam arbitrario cum alijs conjuncta. Hinc tot lites, & insanabiles dissensiones. In id tamen conspirant, ut commercia, spiritus & anima sua, floreat, nullum membrum ab exteris lædatur, secta Calviniana inter alias multas dominetur. Hinc ad supremam militiæ Præfecturam neminem admittunt, nisi sit hujus confessionis; cum tamen videant apud Catholicos in Germania Seckendorffios, in Gallia Mauritios Saxones, Lutheranos homines, supremo militari hoc munere fungi.

Novus Vicarius militiæ Hollandicæ Præfecturam *Cronstraco* detulit: cui detractantes subijci Princeps Waldeccius, & Comes Lippensis Bückeburgicus, deposito baltheo, in patriam redierunt.

Art.

Art. VIII.

Trajectum expugnatum. Pax Aquisgranensis. De Vicarii Gubernatione. Batavorum de nuptiis Carolinæ scrupulus. Ultimo bello Neutrales.

Anno 1748 cum Galli jam Flandriam Brabantiamque occupasset, Fœderati totis viribus torrenti obstitendum rati, ingentem exercitum in Belgio congregarunt, Russis etiam 35000 ab extremis finibus accitis. At Galli sub Mauritio Saxone & Löwendalio, antequam Fœderatorum copiarum convenerant, Aprili ineunte Trajecto ad Mosam admoti, tanta vi urbem præmunitam impetebant, ut Aylva Præfectus 10 Maji ex mandato Auriaci eam dederet. Löwendalio urbis Præfectura delata, Mauritio Belgii conquisti Gubernatore, Præliminaribus pacis jam conceptis & induciis publicatis, Bruxellas concedente.

Conclusa denique 18 Oct. Aquisgrani Gallos inter, Anglos & Hollandos pace, Rex Christianissimus ablata in Belgio munimenta, quamvis plura diruta, urbesque restituit, ea lege, ut Philippo Principi genero suo tres in Italia Ducatus, Parmæ, Placentiæ & Guastallæ traderentur.

Anno 1749 confectis bellis Princeps Carolus Alexander Imperatoris frater ad suam Belgii Præfecturam rediit, festiva admodum solennitate exceptus Bruxellis, assumptoque in primum ministrum Marchione de Botta, sapientissime provincias gubernavit, quas ejus loco Armbergius Dux administraverat.

Wilhelmus quoque Friso, Angliæ Regis gener, Vicarius hæreditarius Reipublicæ regimen suum prudenter auspicari satagebat; sed impedire non potuit, quo minus, sicut in Romana olim Republica plebs adversus Magistratus & patritios insurgeret, gravibusque discordiis collideretur. Ortæ sunt ex tum ex aliis fontibus, tum ex pecuniaria taxa, ad extinguenda debita, ultimo bello contracta, singulis capitibus imposita. Cedere tandem plebi oportuit, & moderari exactiones. Cæterum Princeps Hasso-Philipsdalius ab Ordinibus præfectus est Tornaco, Burmannia Ipris, Austriacis urbibus limitaneis.

Anno 1750 Princeps Carolus inter Lovanium & Bruxellas ca-nalem est auspiciatus in commodum commerciorum, sumptoque in manus ligone primus fodere cœpit. Nassovius vero Fœderatæ Reipublicæ Vicarius Ludovicum Ernestum Brunsvicensem Principem

supremum campi Mareſchallum, Generalem Capitaneum & Archithalaſſum renuntiavit, qui in caſum ſuæ mortis viduæ tutrici aſſiſteret, quamvis ab Imperio rei tormentariæ præfectura eſſet ornatus.

Obiit.

Anno 1751 poſtquam Wilhelmus Naſſovius Auriacus, Friſo cognominatus, Flüſſingam Domus Auriacæ patrimonium a Seelandiæ provincia recepit, morte abreptus eſt, anno æt. 40, Vicarius 4, reliſtis Wilhelmo quadrimo, & Carolina octenni ſub tutela matris Anglicanæ, quæ Vicariam deinceps poteſtatem exercuit. Vicarium ad æternitatem ſecutus eſt Baro Cronſtrom, natione Suecus, Gubernator Sylvæ Ducis. Succēſſit Princeps Beveranus.

Inter ultimo bello neurii.

Bello ultimo, Angliam inter & Galliam illinc, atque Boruſſiam inter, & Auſtriam hinc exorto, Fœderati Ordines ſe non miſcuerunt, ſed neutras partes amplexi ſunt, quamvis vehementer ab Anglis incitati; at negabant Batavi, caſum eſſe fœderis, cum non conſtet, Gallos fuiſſe aggreſſores, nec Britanniam vim eſſe paſſam. Irritati propterea Angli, multas Hollandis naves diripere, territorium etiam eorum ingreſſi. Hinc tot querelæ, totque contentiones: hinc miſſi Londinum deputati, qui naves repeterent.

Ægre quidem habuit Batavos, quod Regina Imperatrix Neoportum & Oſtendam, ut ab invaſione Anglorum tutiores eſſent, depoſiti inſtar cuſtodiendas interim Gallico præſidio tradiderit, non tamen eam ob rem a neutralitatis conſiliis ſibi recedendum putabant.

Borum ſcriptus.

Anno 1760 Carolina, Wilhelmi IV Friſonis, Batavorum Vicarii filia, nupſit Carolo Principi Naſſovio-Weilburgenſi, Chilarchæ, & Bergæ ad Zomam Gubernatori. Scrupulum Hollandis religio Lutherana ſponſi injecerat; ſed tandem re compoſita, nuptiæ magna cum ſolennitate ſunt celebratæ.

Paciconſcindiæ locum Fœderati Ordines offerebant Bredam. Deſignabatur Auguſta. Sed neutra urbs operis apud ſe conſummati gloriam retulit. Multum interea inter provincias conſultabatur, præſertim poſtquam Hiſpania quoque in partem belli venit, de augendis copiis, & inſtruendis claſſibus, decretumque ferebatur, campeſtribus legionibus tredecim armatorum millia, maritimis vero viribus triginta bellicas addendas, ſive ad ſecuritatem navigationum commercioꝝque, ſive a ſe pertineret hic apparatus. Non legimus tamen opere ipſo fuiſſe completum. Opportunius fortasſe viſum, optimis fructibus pacis frui, & liberâ per orbem mercatura, tum Europæ belligeranti aut occluſa eſſent maria, aut pyratibus claſſibus prædæque eſſent expoſita.

CAPUT

CAPUT IX.
De Statu Helvetiæ
SÆCULO XVIII.

Art. I.

*Turba Toggenburgica. Calvinistæ Toggenburgici Abbati S. Galli
Domino suo rebelles. Tigurini & Bernates eis assistunt,
& bellum movent. Monasteria expilant. Stadlerus
a Svitensibus capite plexus.*

Toggenburgum superiori in Turgoja provincia, proprios olim ha-
buit Comites; ad Baronies tum devolutum, venditum fuit ^{1773.} Causa Tog-
genburgica,
anno 1468 Ulrico Abbati S. Galli, & quidem cum alto dominio,
omni superioritate territoriali, & jurisdictione, alta & bassa, quam
etiam diuturna possessione usuque exercuit, ac subditi, homaglo
præstito, editoque juramento non raro sunt contestati.

At vero, postquam Ulricus Zwinglius (cujus infelix patria
erat Toggenburgum) superfeminavit zizania, diroque Schismate
scidit Ecclesiam, multi ex ea provincia in illius errores prolapsi,
pro genio hujus sectæ gentisque, conati sunt subjectionis jugum ex-
cutere, & populare regimen inducere, obistente & jura sua, ut
par erat, defendente Monasterio S. Galli.

Nunquam vero gens illa Domino suo magis se opposuit, quam
ineunte hoc sæculo, ubi novo Lichtensteigæ senatu constituto,
jurisdictionem civilem & criminalem, jus fœderum, belli & pacis,
totiusque regionis administrationem ac regimen, liber velut popu-
lus, sibi arrogavit, usurpavitque.

Obtendebant autem fœdus & Jus quoddam provinciale, sub
protectione Svitensium & Glaronensium jam anno 1440 erectum,
juramentum suum, patriæ præstitum, & pacem publicam, anno
1531 initam, quibus intentionem suam fundatam dicebant. At ve-
ro nemo est, qui nesciat, his omnibus nullum esse robur, sine con-
sensu illius, cujus interest, maxime Domini territorialis. Male
profecto foret provisum regnis & principatibus, si subditi privatis
inter se pactis, vel cum tertio initis, domino suo subtrahere possent
parendi

parendi obsequium. Notum est scitum Juris, rem inter alios ad am tertio non nocere. Aliud litterarum emptionis, a Friderico III Imperatore confirmatarum, homagia jurata Principi, & longava consuetudo clamant. Et quamvis Abbas Jus illud statutarium Toggiorum approbasset, id aliter factum intelligi non posset, nisi salvo jure territoriali supremo, & independente.

**Tigurini &
Bernates se
miscent.**

Verum Toggii anno 1707 prolati multis, quibus se pressos dicebant, gravaminibus Tigurinos & Bernates implorant, qui, defensione eorum suscepta, Principi Abbati scribunt, 1 Jus Provinciale manifeste pro Toggii facere: 2 exiguum emptionis pretium, 14500 florenos, satis indicare, populum illum magnis gaudere privilegiis & exemptionibus. 3 Senatum & tribunal patrum in contractu Raperschwilano anni 1538 esse fundatum. 4 Administrationem regionis soli competere Senatui patrio, a solis Toggii constituendo, non vero exteris. 5 Sine consensu Toggiorum non esse locum appellationi ad Abbatem. 6 Gravamina Evangelicorum esse tollenda. 7 Jus constituendi sibi parochos ad populum pertinere.

Non modo Princeps, sed etiam Cantones Helvetiarum, praesertim Svitensis & Glaronensis, Protectores Toggii, qui causam pluribus legationibus & congressibus jam tractaverant, indigne tulerunt, Tigurinos & Bernates, ad quos negotium non spectaret, velut iudices aut arbitros, in quos non esset compromissum, ferre sententiam, omnino incompetentem. Neque enim Toggios, sine consensu alterius partis potuisse illis prorogare Jurisdictionem.

Quare Princeps S. Galli protestatus est, se istos articulos neque ut consilium, minus ut sententiam posse a se recipi: atque Cantionibus neutris arbitrium deferri voluit; quamvis id soli Svitenses & Glaronenses sibi vindicarent.

**Senatum
Sensitum
ant.**

Verum Tigurini & Bernenses, viribus suis freti, Toggios animarunt, ut conceptis strenue insisterent, atque articulis a se conceptis inhærerent. At opus non erat, currentibus calcar addere. Numerosum mox Senatum constituunt, ita quidem, ut in pleno sint 80 Patres, in minore 24, in arcano 12, qui consilio, sapientia, auctoritate Republicam in sacris juxta ac profanis gererent. Quanta inde secuta sit Religionis Orthodoxae perniciēs, facile aestimabit, qui spiritum Zwinglianum & Calvinianum novit.

Svitenses, qui hactenus cum Glaronensibus pro partibus Toggiorum, seu Protectores eorum steterant, ubi Tigurinorum & Bernatium attentata viderant, neque solam Principis causam, sed Reli-

Religionis agi, consilia sua mutanda publicis in Comitibus censuerunt.

Unus erat maxime, qui hactenus populum Svitensem adversus Abbatem S. Galli incitabat, Josephus Antonius Stadlerus, Senator Stadler Svitens & in causa Toggiana saepius Cantonis Legatus. Capite is Sytens capite sententia publice carnificis manu plexus est; quod turbarum plexus, Toggienfium fuerit inceptor, contumaciam Toggiorum adversus Dominum suum foverit, tum alias, tum per litterarum commercium cum Kellero, Toggio, affine suo: Svitenfes plures pecunia Toggiana corruptos, in partes suas traxerit: sex articulos Tiguri nos & Bernenses promoverit, uti etiam Calvinismum apud Toggios, illum Svitium quoque inducturus, si potuisset: propriis denique litteris, ac confessione, tum in tormentis, tum extra illa facta, convictus fuerit tanquam auctor turbarum, falsarius, proditor patriæ, & veritatis, a qua libertas & Religio dependisset. Alii quidam Senatores depositi & in exilium ejeti sunt. (anno 1708)

Tum vero Svitium, graviter ferens, quod Tigurum & Berna falcem in alienam messem mitterent, cernensque, quo eorum consilia vergerent, cum Catholicis Cantonibus reliquis violentiæ obstitendum, & Religionis in Toggio oppressæ tuteiam assumendam putavit.

Princeps Interea S. Galli per Legatum Cantonibus significavit, se a subditis sui Comitatus fuisse spoliatum suis juribus, dominio, superioritate territoriali, officiales suos expulsos, imponi ab illis tributa, ædituum Catholicum occisum, Monasterium S. Joannis obsideri vi armata: Toggium contra omnia jura sursum deorsum volvi. Petitque auxilia contra rebelles hos suos subditos.

Protestantes conveniunt primum Aravii, dein Tiguri, Catholici vero Lucernæ. Hi mediationem offerebant; illi sex articulis suis inhærebant. Denique Badenam communis omnium Cantonum Congressus indictus.

Propositæ ibidem partis utriusque querelæ. Princeps Mediatores elegit Lucernam, Uraniam, Solodorum: Toggii Tigurum, Bernam, Basileam. Hos Imperator per Legatum suum Trautmannsdorffium monuit, ne Abbatem S. R. I. Principem lædant, Toggenburgum esse feudum Imperii.

Art. II.

Bellum Helveticum.

174.
Tigurini bel-
lum infe-
runt.

Monaster.
S. Galli spo-
liant.

21 T

Bellum.

Sed nec Mediatores convenire poterant, nec Cæsaris ratio habita. Contra vero tum Togglî, tum Tigurini anno 1712 armis correptis bellum intulerunt. Et primo quidem Toggenburgici Calvinistæ Monasteria S. Joannis, in quo Religiosi San-Gallenfes habitabant, & Magdenaviense Monialium, vi armata invaserunt spoliaruntque. Dein Tigurini quatuor millia peditum armatorum, & tres turmas equitum, cum 12 tormentis bellicis Toggenburgo ad-moverunt, Toggîisque juncti, Ductore Rabholzio, hostili grassatione omnia implerunt. Quatuor alia millia in Turgojam se infuderunt, Principe cum suis Religiosis trans Acronium profugiente, postquam Monasterium suum urbi San-Gallensi, quæ neutrarum erat partium, in depositum commisit. Sed postea Tigurini illud occupatum spoliarunt, pretiosis rebus, ipsis adeo templi campanis Tigurum avectis.

Cum Catholici quinque Cantones, Lucerna, Urania, Svitium, Subsylvania, & Tugium, tantas Tigurinatorum violentias cernerent, scriptum publicum edunt, quo conqueruntur, Tigurinos, cum Mediatores de turbis Toggîis tranquille sopiendis agerent, armata manu invasisse Toggenburgum Catholicum, Turgojam, veterem etiam San-Gallensem provinciam; ac proin, a Svitenibus protectori-bus se invitatos, vim vi repellere se esse coactos.

Igitur, cum Bernates quoque ex altera parte imminerent, ut cum Tigurinîs se conjungant, fœderati Catholici, ut eam conjunctionem impedirent, Badenam, Mellingham, Bremgartam, liberæ provincie intermedias urbes, occuparunt.

Tigurini autem Frauenfeldam, Rhenoviensem tractum, Sonnenbergam, Denickenum, Fischingham, Wilam, Melingham, Bremgartam, ad quam velitatione victos Catholicos dicunt, ac denique Badenam expugnant, in qua præsens aderat Trautmansdorffius, Legatus Cæsareus, cui discessuro naves negatæ sunt: duæ etiam plæ in ejus domum injectæ.

Quantas calamitates, exactiones, contributiones, oppressio-nes passæ sint Domus Religiosæ, Einsidæ, Muris, Wettingæ, Rhenavii, prorsus innoxia; quot templa, urbes, oppida vastata, ex-plata, nulla penna potest exprimere. Quamvis hæc non tam

jussu

jussu Magistratus, quam furentis militis rapacitate & insolentia sint patrata.

Quinque Cantones, numero inferiores ex Italicis Præfecturis evocabant copias, sed artibus hostium factum, ut non venirent. Venerunt autem illis auxilio mille Vallesiani, per legationem rogati, qui tamen per aliquot menses otiose circumducti, se cum patria proditos rati, quod Bernenses ex altera parte Vallesiæ imminerent, iterum redierunt, milite gregario non exaudiente Ducum imperium, imo & in patria adversus præpositos sibi magistratus inolescens, quod falso putaret, cum Bernatibus colludi, illosque Vallesiam invasuros, milite patrio in Helvetiam emissio. At vero Bernates propugnaculum, quod ad pontem Agaunensem, qui fines utriusque gentis dividit, cum suggestu tormentario erexerant, rursus demoliti sunt; tumultusque plebis conquievit.

Vallesiani
succurrunt.

Interim autem Cantones, qui neutras partes sequebantur, uti Glarona, Friburgum, Solodorum, Basilea, Schaffhusium, Abbatiscella, cum urbibus fœderatis San. Gallensi, Milhusana, Biclensi ad Aquas duras (seu Zurzachii) de pace cum Tigurinis acturi, convenerunt.

Cæsar quoque non modo per suum ad Helvetos Legatum, sed propriis etiam litteris, Posonio datis ad Tigurinos & Bernenses, Cæsaris litteræ. prout etiam ad Comitata Ratisbonensia, & Circulum Svevicum, graverit questus est, provincias Imperii Principis injuste invasas, & sanguine inundatas, Monasterium S. Galli aliaque expilata, antiquissimam Bibliothecam direptam, templa vastata, statuas confractas, sacra polluta, Religiosos viros, ipsum adeo Legatum suum contra jus gentium indigne habitum, naves ad discessum negatas, pilas igniarias in ejus ædes emissas, subvasallos Imperii ad homagium adactos.

Non commissurum se, addebat, ut Toggenburgum, Comitatus & antiquissimum feudum Imperii eripiat Principi Imperii. Adhæc pactis & fœderibus Helveticis (de anno 1469, 1531, 1599) caveri, nequis status causis alterius subditorum se misceat, quod factum a duobus Cantonibus, ad quos res Toggenburgicæ nihil pertinebant. Petiit denique Cæsar, ut per arbitros turbæ & lites componerentur, copię abducantur, Princeps in integrum restituatur.

At duo Cantones fœderati his tam parum sunt moti, ut majori etiam ardore bellum prosequerentur, Badenam, Rapperschwilam, Wesenam expugnarent, in Svitenfes, quin & Lucernenses terras, contra ac promiserant, irumpentes, & per Hollandicum Viennæ

Holl. Legati
responsio.

Legatum proponerent, ad Helvetos pertinere, res Toggenburgi ordinare, illud non esse feudum Imperii; Abbatem ad Imperium nihil contribuere; solo titulo esse Imperii Principem, sicut allos plures in Helvetia; eum se dudum ad Helvetos applicuisse, ad quatuor præsertim Cantones, Tigurum, Lucernam, Svitium, Glaronam, Protectores, atque per hoc ab omni externa protectione se subtraxisse: communem causam passuram, si Bernates legiones suas, stipendiis Hollandicis militantes, in patriam revocare cogerentur. At Cæsar, hæc vane jactari ratus, suo institit proposito.

Atque, accedentibus Gallici & Sabaudici Legatorum, prout etiam Cantonum neutrorum studiis, id effectum, ut Aravii Congressus ad componendam pacem institueretur: conventumque tandem in aliquot articulos, quibus subscripserunt ex Catholicis Lucerna & Urania.

Prælium ad
Vilmergam.

Sed tres reliqui Cantones necdum eo ventum censebant, ut pacem illam acceptare cogerentur, rusticis quoque Illustrissimi cujusdam Cantonis obstrepentibus, bellum continuatum est, donec ad pugnam prope *Vilmergam* (ad quam superiore sæculo Catholici tam gloriose triumpharunt, subsequente annua solenni memoria) ventum tandem est.

Catholici in colliculo positi hostem in fugam jam conjecerant, cum opportuno eo loco deserto, in plana descendentes, ut hostem fugitivum persequerentur, ab eo, inversa fronte strenue dimicante, victi, & in fugam compulsi sunt.

Vulgare murmur varia de hoc prælio sparfit, quæ nolim commemorare: hoc solum dico, non esse, cur A catholici inde superbiunt. Discordiæ Catholicorum, & rusticorum insolentiæ debuerunt victoriam: prout etiam pacem, quæ brevi post Aravii secuta est.

Art. III.

Pax Araviensis, & Badensis.

175.

Longum foret, omnes articulos in *extenso* recensere; igitur tantum, quæ notabiliora mihi videntur, summatim referam.

Badena, Bremgartum, Mellinga, quæ octo antiquioribus Cantonibus fuerant communes, Tigurinīs & Bernatibus ceduntur, prout etiam Rappervilla, quæ ad Urios, Svicios, Subsylvanos,

&c

& Glaronenses spectaverat; salvo tamen in his civitatibus jure Glaronensium, qui bello se non miscuerant: salvis etiam pristinis harum urbium juribus & privilegiis; salva denique per omnia Religione Catholica, ejusque libero exercitio.

Berna in communionem gubernationis Turgojæ, Rheni vallis, & Sargantii assumitur. Statuitur amnestia. Causa vero Toggenburgica, propter quam bellum coeptum est, ad amicam compositionem remittitur.

De Religione in locis communis gubernationis 32 articuli sunt promulgati, videlicet, ut ubi mixta est, pars utraque pari jure fruatur, & in exercitio suo permaneat. Majora negotia ad diatras remittantur. Causæ Ecclesiasticæ Catholicorum, uti matrimoniales & quæ ad cultum Divinum aut disciplinam spectant, coram eorum Judice Ecclesiastico tractentur, quin gubernator se miscere possit.

Pars neutra ad alterius ceremonias, processiones, ritus, festa teneatur. Nemini tamen licet ea impedire, aut ludibrio habere. Pacis arti-
culi. Gubernatores & subditi jurent juxta ritum suæ religionis. Ubi templum utrique religioni est commune, altera in æstate ad horam usque octavam, in hyeme usque ad nonam utatur, altera postea: intra hebdomadam utrique pateat ad suas functiones. Baptisterium & cœmeterium quælibet pars suum habeat.

Utrilibet fas est, novum templum suis sumptibus pro se erigere; sed tunc amittit jus in antiquum. Si pars altera suis sumptibus vellet templum ampliare, id licitum esto, absque tamen præjudicio cultus Divini, sacristiæ, & altarium Catholicorum. Protestantibus permittitur, ad aliud vicinum suæ religionis templum exire.

Ubi sola Protestantium religio exercetur, soli bona Ecclesiæ administrent. Ubi vero est mixta, & bona templi necdum sunt divisa, dividantur: nullaque pars alteri postea contribuere teneatur. Collatores Beneficiorum, quæ Tigurinæ synodo sunt incorporata, ex tribus, sibi præsentatis, unum eligant. De bonis, a personis Ecclesiasticis relictis, in communibus Præfecturis, nihil detrahatur.

Pax publica anni 1531 aboletur; hæc autem eidem substituitur. In Turgovia, Rheni valle, & Comitatu Sargantino officiales sint mixti, aut alternent. Pupillis tutores suæ religionis dentur. Justitia indifferenter utriusque religionis consortibus administretur. Peregrini non assumantur in cives in Præfecturis communibus sine consensu omnium Cantonum, ibi gubernantium.

Si bellum oriretur inter Cantones coimperantes, communes provinciae neutras partes sequantur. Nulla munimenta in iis construantur sine consensu omnium, quorum interest. Personae ad mortem condemnatae nullo modo compellantur mutare religionem. Convitia vetantur. Altera Religio appelletur *Catholica*, altera *Evangelica*. Quoad iustitiam, hereditates, successiones utriusque sit par & aequa conditio. In Diæti Corporis Helvetici duo sint Protocolista, alter Catholicus, alter ex Protestantibus.

Pax dura.

Ex his apparet, quam dispar hic fuerit paciscendi conditio. Cantones Catholici saeculo XVI & XVII insignes de Protestantibus retulerunt viatorias, nihil tamen istis per pacem fuit ademptum, sed omnia in integrum restituta. Hac autem pace, cum Protestantes per discordiam Catholicorum essent victores, plures urbes & districtus in liberis praefecturis sub traxerunt; cum tamen ob solum Toggenburgum Tigurini & Bernates se bellum gerere profiterentur.

Quia autem etiam Religioni Catholicae haec pax erat perniciofa, cum in locis mixtis dividenda essent bona Ecclesiastica, quae haecenus perceperant Catholici, & Tigurini atque Bernenses eam in commodum suae sectae exequabantur, plurimae ortae sunt lites, praesertim Frauenfeldae, Zurzachii, Diessenhofii, Episcopi Cellae, Arbonae, Episcopo etiam Constantiensi & Curiensi graviter conquerentibus.

Protestantium agendi modus.

Habent hoc nempe Protestantes; quando Catholici vel pugilum terram occupant, aut more pristino, in locis praesertim mixtis, volunt vivere, altum clamant, variosque in sacris & civilibus ponunt obices: ipsi vero, ubi viribus praevalent, sese intrudunt, omniaque ad ingenium sectae suae invertunt.

Experta hoc est isto quoque saeculo non modo Grisonia, Vallis Tellina, Wormil, & Clavennae Comitatus, Grisonibus subditi, sed Vallis etiam Rhenana (Rheinthal) Toggenburgum, Sargantiinus, & Badensis Comitatus, Turgoja, atque contentae in ea, Frauenfelda, Zurzachium, Episcopi-Cella, Arbona, Diessenhofium, Steina, Clingnavia, Neokirchium, Wasserstelsium aliaque loca non pauca, in quibus non modo, intrusis in Senatum, & officia publica Protestantibus, & quidem majori numero, sed in sacra quoque grassati, Ecclesiasticos nostros fructibus spoliaverunt, eaque Ministeriis attribuerunt, Episcopum Constantiensem jurisdictione sua, qua temporali qua Ecclesiastica privaverunt, non attenta demonstratione antiquissimi juris,

Appel-

Appellant quidem ad pacem suam Araviensem, quam pro arbitrio suo interpretantur. Sed quomodo tertius, Episcopus e.g. Constantiensis, qui nullam belli partem habuit, jurisdictione sua, dudum jure quæsitæ, & per plura sæcula quiete possessa, privari potuit?

Compaciscentes septem Cantones, inquit, supremos esse Turgojæ, aliarumque, quas supra dixi, civitatum Dominos. Hoc non disputo (quamvis Episcopo etiam Constantiensi &c. in pluribus ex illis temporalis quoque Jurisdictio competat, & inter Condominos etiam sit Glarona, quæ nec in bello nec in pace partem ullam habuit, neque consensisse legitur). At demus, septem Cantones compaciscentes, plenos fuisse Dominos in temporalibus, num etiam in sacris & spiritualibus?

Compaciscentes quinque Cantones Catholici nunquam sibi arrogarunt Jurisdictionem Ecclesiasticam & Spiritualem, & hinc aperte sunt protestati, intentionis suæ non fuisse, tertium jure suo quæsito privare. Non igitur in spoliaciones illas jurium & honorum Ecclesiasticorum consenserunt, nec consentire potuerunt, cum scirent, ea a jurisdictione & dominio temporali esse exempta. Imo neque Protestantes erant eorum Domini, nec jurisdictionem in illa habuerunt. Quomodo ergo de re & jure alieno disponere poterant? At illi, viribus suis feroces, via facti progressi sunt, solique, sub prætextu executionis circa bona & jura Ecclesiastica pro lubitu disposuerunt, de quibus, tanquam alienis, pacisci non poterant.

Interea, cum Princeps San. Gallensis paci Araviensi non esset inclusus, Tigurini & Bernenses ditiones ejus per quinque adhuc annos usurparunt, & in verba sua adegerunt. Tentata quidem Indignitas in S. Gallum. Rosaci anno 1714 concordia, sed cum Toggii declararentur liberi, & Imperator manum apposuisset, noluit Princeps habere ratum tractatum, sibi & Monasterio suo tam perniciosum. Atque sic hæsit negotium usque ad annum 1717, quo post quinquennale exilium, & toleratas forti animo ab heterodoxis gravissimas persecutiones pientissime obiit Leodegarius Lucernas, ex familia Burgisseria natus, S. R. I. Princeps, Comes & Dominus Toggenburgi, ad S. Galli Abbas.

In

In ejus locum electus est in Monasterio Mereraviensi Josephus Rudolphi, natus Laybaci in Carinthia, cujus agnati Oenipontum transfulerunt domicilium, in Academia ibidem Jurisprudentiæ Professores celebres.

Pax Badens
tum S. Gallo- Novus hic Præful anno sequenti 1718 cum Tigurinīs & Bernatibus *Badenæ* pacem inicit; qua in suas provincias, etiam Toggenburgicas, restituitur, asserto dominio & superioritate territoriali, salvis tamen etiam Toggiorum subditorum juribus & privilegiis.

Senatus Toggenburgicus constet 60 viris, 30 Catholicis & 30 Protestantibus, a communitatibus eligendis, sed ex Toggiiis. Gubernatorem, quemcunque placuerit, constituere est penes solum Abbatem Principem. Sola Religio Catholica & Zwingliana aut Helveticæ Confessionis, tolerantur. Abbati & Monasterio omnia ablata restituantur. Jus confirmandi pastores, etiam Acatholicos, est penes Abbatem.

Multa alia constituuntur, circa senatum, emptionem bonorum immobilium ad manus mortuas devenientium, libertatem religionis utriusque, scholas, divisionem fructuum, templa construenda, Synodum, Ministros Acatholicos in una ex quatuor urbibus Acatholicis, videlicet Tiguri, Bernæ, Basileæ, aut Scaphusii examinandos, circa electiones communitatum, collationes Principis &c.

Si autem circa hæc vel alia oriretur inter Principem & Toggios subditos controversia, ea coram sex Cantonibus, quorum tres Princeps, tres vero Toggii nominabunt, vel amica compositione, vel juris ordine, non vero via facti, decidentur. In Turgoia & Rhenana valle pax Araviensis observetur, sitque plena amnestia.

Hanc autem conventionem, necessitate & temporum calamitate extortam, Clemens XI Papa per Breve, in Archivio custodiendum, irritam declaravit. Nec cessarunt deinceps gravamina & querelæ, ab utraque parte propositæ, ob diversam pacis interpretationem, prout contigit etiam post pacem Westphalicam.

Art. IV.

*Acerba pacis executio. Fœdus Cath. Cantonum cum Gallia.
Cur Proteſtantes non acceſſerint?*

Vix pax Araviensis erat confecta, cum Tigurum & Berna triumphantes, executionem illius adversus Catholicos pro arbitrio susceperunt. Nulla amplius pacta, privata & publica, quantumvis antiqua & roborata, nullæ Consuetudines & usus vetusti valebant. Divisa Ecclesiarum bona cum A Catholicis, Senatores novi ex eadem gente constituti, in angustias conjecti Catholici, erecta nova templa, prout factum Badenæ, Catholicis sub A Catholicâ dominatione nec genere ausis.

176.
Executio
Protest.

Interceſſerant quidem Cantones Catholici, nunquam suæ intentionis fuisse, ut authentica pacta usque per nuperam transactionem convellerentur, neque ut Episcopo Constantiensi, tanquam tertio, jura sua diminuerentur. Sed pars averſa nullas aures audiendi habuit; quia timeri se credebat, & pro lubitu dominari posse.

Interea autem septem Cantones, ex integro Catholici, una cum Vallesiana Republica, non modo *Fœdus Aureum*, ut vocant, *Fœdus cum Gallia.* anno 1585 erectum, 1655 repetitum, de Religione Catholica conservanda ac defendenda renovarunt, sed antiquum etiam cum Gallia Rege 35 articulis, typo impressis, comprehensum. Summatim duntaxat aliquos refero.

1. Quamvis non omnes Cantones ad hunc tractatum concurrant, omnes tamen ad illum subscribendum invitentur, ut necessitatem illius videant.

2. Antiqua fœdera cum Gallia renovantur, præsertim anno 1521 & 1663 inita.

3. Hoc fœdus omnes, etiam futuros Reges Gallia obliget, ad servandam perpetuam cum Helvetis pacem.

4. Si Gallia invaderetur, sive ab externis sive internis viribus, Helveti implorati permittent Regi 16000 virorum, sed non plures, conducere, non mari sed terra militaturos. Conductio autem eorum fiet sumptibus Regis, qui etiam belli officiales potest constitutere, sed ex locis Helvetia, in quibus milites conducuntur, eligendos; nec dimittantur, nisi solutis ex integro stipendiis.

5. Si Corpus Helveticum, aut Canton, aut Status aliquis ab externo invaderetur, Gallia mittet tantas copias, quantæ petentur. Si autem internæ turbæ oriantur, Gallia, a parte gravata requisita, primum mitibus utatur remediis, dein vero, si ista non proficerent, viribus suis lædentem coget, ut intra limites Helvetici fœderis consistat.

6. Helveti, sub Gallicis stipendiis militantes, liberi sint a contributionibus, nisi negotientur, aut commercia tractent.

7. Si autem his abuterentur, merces amittant, & ab Helveticis suis Judicibus puniantur.

8. Tempore belli singuli quot mensibus accipiant 17 libras Gallicas, Duces vero superiores 1960 libras: pacis vero tempore illi 16 libras, isti 1000.

9. Si Centurio 175 conduxerit, cohors habeatur pro completa: pro deficientibus vero 25 viris Capitaneus stipendium percipiet; quia Rex numerum Officialium auxit.

10. Si autem numerus sit infra 175, Centurio nihil habeat præcipuum.

11. Si Centurionis cohors bello sit attrita, 4 aut 5 menses ei concedantur, ut illam reintegrare possit.

12. Centurioni singulis mensibus pro tota cohorte solvatur stipendium.

13. Quando fit delectus militum, Rex pro qualibet cohorte, ad 200 viros computata, anticipato vult solvere 6000 libras, quæ tamen postea subtrahentur.

14. Conducti necessaria in finibus Galliæ recipient, & dimissi usque ad fines Helvetiæ.

15. Vacantibus Ducum officiis Rex Officiales ex eadem legione substituet, habita ratione agnatorum, eorumque, quos Canton commendabit.

16. Inferiores Officiales proponant eos, quos Centurionis munere dignos judicaverint.

17. Captivis, ægrotis, aut in obsequio Regis absentibus, nihil detrahatur.

18. Si Capitaneus dimittatur, subrogetur alius ex eodem Cantone. Si autem cum cohorte sua abdicetur, non tenentur Helveti sub alio militare.

19. Supplementa copiarum a Cantone, per quem transeunt, ad desertionem non sollicitentur, aut conducantur.

20. Nul-

20. Nullus Gallus militet adversus Helvetos, & nullus Helvetus adversus Galliam.

21. Si Rex aut Delphinus expeditionem ipse suscipiat, Helvetii milites eum sequantur.

22. Si Rex vellet rursus ingredi in possessionem regionum, prout in fœdere, cum Francisco I inito, continetur, Helveti non assistent.

23. Si Galliæ & Helvetiæ sit bellum contra tertium, neutra pars sine altera pacem faciet.

24. Helveti in Galliâ tanquam incolæ habeantur; igitur hæreditabunt, & hæreditates eorum in Helvetiam transferantur: possunt etiam negotiari, modo se legibus loci conforment.

25. Iisdem libertatibus Galli in Helvetia fruantur.

26. Rex confirmat omnia privilegia, quæ unquam Nationi Helveticæ in Galliâ sunt concessa.

27. Hostes Galliæ & Helvetiæ, apud neutram tolerantur, sed extradantur.

28. Uti etiam fures & raptores.

29. Liber sit utrinque militum transitus, sic tamen, ut incolæ nullum detrimentum patiantur.

30. Pars utraque se obligat, Actoribus promptam administrare justitiam.

31. In hoc fœdere excipiuntur Papa, Sedes Apostolica, Sacrum Cardinalium Collegium, Sacrum Romanum Imperium, Domus Austriaca, Florentia, & Domus Medicæ.

32. Condemnatum in Galliâ etiam in Helvetia persequi oportet, si ibi resideat, & vicissim.

33. Omnes pensiones continuentur, & accurate solvantur, prout Solodori usitatum, & in valore Helvetico.

34. Quamvis autem plures ab obligationibus hujus fœderis fuerint excepti; si tamen quis eorum vel Galliâ vel Helvetiam invaderet, pars altera illi succurrat.

35. Hoc fœdus semper sancte observetur, & omnibus aliis fœderibus, ab anno 1521 initis præponatur. *Hæc est summa hujus fœderis, anno 1715 contracti.*

Quamvis autem hoc fœdus in plerisque articulis conveniat cum eo, quod anno 1663 omnes Helvetiæ Cantones inierunt cum Galliâ, ipsique etiam Acatolici sint invitati, nec appareat, quod ipsis displicere admodum possit; displicuit tamen, id præsertim, quod articulo V conventum est. Suspicati sunt etiam, nescio quos, articulus

Cur Protest.
non accesserit
1715

A a a a

articulus

ticulos secretos, sibi periculosos. Sed tantum suspicati sunt, memores forte eorum, quæ adversus Catholicos acta sunt, non sine imagine prætenſæ dominationis.

Alii suspicabantur, id inter alia actum, ut, rescisso tractatu Araviensi, Badenæ Comitatus iterum fiat communis quinque Cantonibus Catholicis, qui in bellum tracti sunt. Sed, quod dixi, res tota intra suspicionem, fortassis non optime sibi consciam, stetit.

Hoc fœdus Regis Christianissimi nomine inivit Comes de Luc, ejusdem ad Helvetos Legatus, qui paulo post Viennam Orator abiit. Caracciolo autem, Pontificio Lucernæ Nuntio A Catholicis varia affinxerunt, quæ non nisi odium, & ideæ male conceptæ, ipsis suggererunt. Trautmansdorffium, Cæsaris Legatum, non legimus contra hoc fœdus aliquid movisse, cum Imperium cum Domino Austriaca fuerit exceptum.

Art. V.

Varia sectæ inter Protestantes Helvet. Crisis de illis, Causa Barenthalensis. Formula consensus Helveticigraves dissensus excitat, & discordias inter ipsos Protestantes.

377.
Varia sectæ
in Helvet.
A pluribus jam annis in A Catholicis Cantonibus diversæ sectæ emerſerant, uti Socinianorum, Pietistarum, Arminianorum, Visionariorum, qui privato suo spiritui inhærentes, & scripturas sacras pro libidine interpretantes, varios errores disseminarunt. Quare Tigurum, Berna, Basilea, Scaphusium, severe prohibuerunt anno 1717, ne id genus homines tolerentur, sed omnes ad confessionem Helveticam & libros symbolicos remitterentur. Plures propterea virgines cæsi in exilium ejeti sunt, cum comminatione, capite luituros, si redirent. Hæc est libertas conscientiæ, toties jactata.

Verum non video, cur homines istos persequerentur, cum ad purum Verbum Dei & inspirationes cælestes se referrent. An non Zwingliani & Calvinistæ id ipsum faciunt? Confessionem suam & libros symbolicos ex verbo Dei extractos, inquirunt. Unde hoc sciunt? quinam extraxerunt? nunquid homines fallibiles, qui spiritui suo, innitentes Sacram Scripturam pro lubitu sunt interpretati?

vel

vel unde sciunt, hunc sensum suum esse sensum Scripturæ, præsertim cum multi hominum milliones Scripturam aliter, ac ipsi, interpretentur?

Ut quid ergo Sociniani, Pietistis, Quackerianis aliisque enthusiastis irascuntur, cum eodem fundamento nitantur, nempe Scripturæ, secundum suum spiritum & phantasiam intellectæ atque expositæ? si dicas, nigrum esse illorum spiritum; an non hoc ipsum tibi potest regerere? quis jam inter vos erit judex? Scriptura? at pars utraque ad illam appellat. De ipso sensu Scripturæ inter vos est quæstio. Si dicas, tuum sensum esse clarum, ille suum clarissimum dicet. Si unum locum Scripturæ per alium velis explanare, idem ipse faciet, & textus textibus cumulabit.

Profecto, nisi judex aliquis visibilis & infallibilis in terris agnoscatur, nulla unquam erit certitudo, quo sensu controversi Scripturæ textus accipiendi veniant. Si ferram contentioni ad te trahas, alter iisdem viribus ad se retrahet. Incerta, dubia, fluctuantia erunt omnia, in præjudicium providentiæ Christi erga suam Ecclesiam, cui tam magnifice assistentiam suam, stabilitatem, & infallibilitatem promisit. An vacua sint promissa Evangelica?

Certe, qui solam Scripturam controversiarum judicem constituit, idem facit, ac ille, qui solum Corpus Juris forensium causarum judicem assignat. Corpus Juris non est judex, sed debet esse in Republica judex, qui secundum illud pronuntiet. Pars utraque litigans se refert ad leges: sed judex decidere debet, cui leges faveant. Leges fundamentum sunt judicandi, sed non sunt judex. Geneva, memor fortassis, cui Domino obsequium subtraxerit, suisque munimentis non satis fidens, illa hoc tempore mirum in modum perfecit auxilium. Bernates & Tigurini ducenta thalorum millia ad hoc opus suppeditarunt, & quidem in viginti annos absque censu.

Non tanta fuit concordia inter Abbatem Petrohusanum, & Creuzlingensem, qui de prioritate loci certabant. ^{Lis inter} Lis ad Romanam aulam fuit delata, & Casaream. Illa per Rotam pronuntiavit pro Creuzlingano, allegans consuetudinem, ista cum Circulo Suevico pro Petrohusano, allegans pariter possessionem, & prioritatem Status, eo quod esset Prælati S. R. Imperii, simulque contra forum Romanum excepit, eo quod hæc causa temporalis, ut inquebat, ad Imperatorem spectaret.

A a a a

Plus

Causa Bärenthal.

Plus rumoris excitavit causa *Bärenthalensis*. Quippe Bärenthalii, loco ad Principem Sigmaringanum spectante, Jacobus Beck, Philosophiæ Studiosus, & Joannes Tannefel, faber lignarius, alatis Tiguro libris, plebem pervertebant. Datus uterque in corcerem primum in Præfectura Speichingenfi, Austriacæ ditionis, tum Viennæ, quo abducti sunt.

Ingentes hæc res motus excitavit. Tigurini, ad quos nihil pertinebat, non modo pecunia, libris, subsidiis errores fanaticæ hujus plebeculæ fovebant, sed etiam ad Regem Borussiae & Ducem Wirtembergiæ litteras dabant, querelarum plenas: Anglia insuper & Hollandia in partes tractæ. Ratisbonæ ingens gravamen propositum, & ad *Dislatum* datum.

Denique, cum totum Corpus Evangelicum (ut se ipsum appellat) altum clamaret, & minaretur, captivi libertate donati sunt, Bärenthalenses vero, qui erroribus suis inhærebant, Mönshelmium, Wirtembergiæ ditionis pagum, migrarunt. Ubi, cum ipsi nescirent, quid crederent, Ministellus Tigurinus, a quo magis perverterentur, illis datus est. (anno 1720)

Tigurini Præcones eodem anno relationem publicarunt hujus causæ falsis & exaggerationibus plenam; prout ostendit P. Emmanuel Koffler S. J. tunc temporis superior Residentiæ Rottwilensis, scripto in lucem edito.

Formula
Consensus

Cæterum ex Protestantibus non tantum multi in Pietismum, aliasque sectas abierunt, sed inter se ipsos etiam vehementer collisi, alter alterum damnabat. Magnam causam dabat dissensionem nova *Formula consensus*, quam Acatolici in Helvetia ediderant, & ad quam omnes adigebant, ad demonstrandam forte libertatem conscientiæ, quam olim identidem ingeminabant.

Reprobata;

Ægerrime hoc ferebant, non Lutherani solummodo, in alterum extremum discedentes, sed Calvinistæ quoque. Unde Rex Borussiae ad Cantones Acatolicos scripsit anno 1722, graviter conquestus, quod homines adigere vellent ad novam suam Formulam, in qua plura difficilia contineantur, præsertim de prædestinatione, quæ non modo ab aliis Protestantibus, sed etiam ab ipsis Reformatis non admittantur: neminem cogi posse ad confessionem, de cujus veritate non sit convictus. Doctrinam de generali & particulari gratia non esse clare expressam in Scriptura Sacra.

Scriptis

Scriptit etiam ad eosdem Rex Angliæ, relatum sibi, scriptum quoddam, quod *Formulam consensus* appellarent, inter Protestantes Germaniæ magnas turbas excitare, ac proin neminem ad subscriptionem cogendum.

Est autem hæc Formula Consensus nova confessio, a confessione Helvetica diversa, a Joanne Henrico Heideggero, famoso Pracone Tigurino, fabricata, quæ, sicut olim liber Concordiæ Lutheranorum, graves inter Protestantes motus concitavit, manifestum argumento, quanta in Corpore Evangelico sit unitas fidei. Tigurini & Bernates eandem acceptarunt, eamque in Lausanensem Academiam inducere volebant, sed cum magna Professorum contradictione. A Basileensibus quoque & Neocomensibus Theologis fuit rejecta, & a Werenfelsio strenue confutata. Quia nova.

Eo vero hæc Formula importunior visa est, quod hoc ipso tempore Corpus Evangelicum, sic dictum, laboraret Ratisbonæ, ut inter Protestantes unitas aliqua fidei & fraternitas inducere. Unio questur. Quare a Corpore Evangelico anno 1722 Conclufum fuit, formatum, & ad Dictaturam traditum; quo acerbè querebatur, negotium *Unionis* a quibusdam pacis osoribus (Protestantibus) pessime fuisse traductum, scriptisque etiam publicis acerbissimis verbis & expressionibus reprehensum, quæ remedium requirant, ut Unum Corpus Evangelicum constitui possit, absque Theologicis controversiis & dissensionibus, sicut omnes Augustanam Confessionem profitentur. Sed frustra.

Vetat deinde, ne pars altera Protestantium alteram convitiis appetat, jubetque, ut se invicem *Evangelicos*, vel *Augustana Confessionis Consortes* appellent: si autem necessaria foret distinctio, Lutherani vocarentur *Evangelici*, Calvinistæ vero *Evangelice Reformati*: salvis cujusque regionis, civitatis aut loci constitutionibus Ecclesiasticis, consuetudinibus, ritibus, ceremoniis.

Volebant igitur Legati isti Protestantes unum corpus conficere, licet membra in pluribus principalibus fidei articulis, uti circa Cœnam Domini, &c. inter se toto cælo distarent, modo convenirent in hoc fidei suæ articulo, quo Papa sit Anti-Christus, & Ecclesia Romana meretrix Babylonica.

Scriptit

Scriptis deinde hoc Corpus Evangelicum ad Tigurinos & Bernates, hortaturque, ut ad Formulam Consensus neminem contra suam conscientiam cogant. Responderunt duo Cantones, se nihil magis optare, quam Unionem inter Evangelicos, sperare autem, libros suos symbolicos, inter quos esset Formula Consensus, jam anno 1675 confectam & receptam, nullum posituram obicem, cum secundum Verbum Dei sit formata.

Lausana re-
pict Formu-
lam.

Cum dein Bernenses iterato urgerent, ut Lausanna Formulæ subscriberet, hæc recurrit ad Regem Angliæ, qui anno 1723 ad Protestantæ Helvetiæ rescripsit, ægro animo se accepisse, quod Formulæ, apud potiores Protestantæ tam scandalosæ, & a quibusdam etiam Helvetiæ locis rejectæ, adhuc insistant. Petit denique, ut subscriptionem a nemine exigant. In eundem ferme sensum illis Rex Borussiae scripsit, voluitque, ut omnino aboleatur Formula.

Aliique.

Nec Reges tantum isti, sed privati quoque, & quidem, quod fieri solet, vehementius in illam calamos A catholicos acuerunt. Amstelodami in Hollandia, Hamburgi, Rostochii, Helmstadii in Germania, aliisque ex locis acerba contra eam scripta prodierunt, nec amplius Formula consensus, sed dissensus & discordiæ appellabatur. Sed Præcones Tigurini vlces reddebant; nolunt enim videri debitores; quamvis aliquando sint, quod propria experientia didici.

Rixæ propter
illam.

Abbatiscellenses Zwingliani Formulam abrogarunt. Quæ res in synodo urbis San - Gallensis, ad quam pertinent, non levis rixas excitavit, prout etiam in Grisonia, Basileæ, Neocomi &c.

Hæc eum in finem retuli, ut prudens lector videat, quam immerito Protestantæ nobis objiciant Controversias nostras, cum ipsimet iisdem obruantur. Ubi hoc adhuc ingens discrimen intercedit; quiscunque vel in uno articulo a professione fidei nostræ recedit, non amplius noster est: ipsi autem, quamvis in multis discordent, maneant tamen fratres, & Unius Corporis Evangelici membra. Hæc est unitas ipsorum Ecclesiæ.

Art.

Art. VI.

Causa Udlingenschevilenfis graves lites excitat. Componitur.

Papæ epistola. Causa Dotis Monialium.

In annum 1725 incidit *causa Udlingenschevilenfis*, quæ Lucernam cum Episcopo Constantiensi, Nuntio Apostolico, ipsoque adeo summo Pontifice collisit. Res quoad substantiam sic habet.

178.

Udlingenschwilæ, pago in Præfectura Habsburgensi Lucernensis ditionis, Præfectus loci festo Dedicationis templi populo saltandi licentiam dedit, negavit Parochus Andermatt, saltumque publice interdixit.

Hæc scintilla magnum excitavit incendium. Senatus quippe *Causa Ud-Lucernensis*, jurisdictionem suam læsam ratus, Parochum iterato Udlingenschwil accersivit, monito etiam de hoc Commissario Episcopali. At Parochus opposita exceptione fori, se scripto excusavit, absque facultate superiorum Ecclesiasticorum comparere se non posse.

Igitur Senatus Parochum, ceu contumacem, deposuit, atque ditione Lucernensi excedere iussit, alio in ejus locum electo, cui tamen confirmatio Ecclesiastica & cura fuit negata. Nuntius & Episcopus Parochum restitui petierunt. Recusavit Senatus. Quare Nuntius, Dominicus Passioneus clam Lucerna excessit, & Altorffium, oppidum nobile in Uraniensi Cantone situm, abiit, scripto relicto, quo Immunitatem Ecclesiasticam violatam questus est. Episcopus quoque, factum improbens, scripta ad Senatum epistola jura sua læsa fuisse, opponebat.

Respondit Senatus, saltum rem esse mere temporalem, juris-Argumenta ditioni Senatus subjectam sæpiusque ab eodem, aut a Præfectis lo-Senatus. corum permissum, aut negatum. Parochum igitur in jura Senatus involasse: male consultum fore Principi aut liberæ Reipublicæ,

cujus potestas in suo territorio non sit minor ac Regia, si refractarium Clericum non posset citare ad audiendum verbum Principis, eumque, in contumacia persistentem, e ditione sua relegare. Ufu ac consuetudine, longa traditione a Majoribus accepta, & præsumptione privilegii antiquissimi, se esse munitos. Adhæc Clericum permanere partem civitatis, membrum ipsius, civem Reipublicæ. Immunitatem Ecclesiasticam non esse concessam in ruinam Status publici. Parentem posse Clericum filium immorigerum & inquietum domo expellere, cur non & Respublica refractarium, ne subditi seducantur?

Par: X.

B b b b

Repo.

Parochi.

Repositum, privilegium fori toti corpori Ecclesiastico fuisse concessum; Episcopum Clericorum in sua Diœcesi esse Judicem ordinarium: judicariam ejus in Clericos, & causas Ecclesiasticas potestatem a Christo fuisse institutam, ab Apostolis stabilitam, a sanctis Patribus frequentatam, a summis Pontificibus & Imperatoribus confirmatam. Non negari supremo Principi aut Reipublicæ independenti jurisdictionem etiam in Clericos, in casibus exceptis, videlicet, si committant crimen perduellionis, proditiōis patriæ, læsæ Majestatis, in quantum necessarium est ad tuitionem Reipublicæ, cum moderamine inculpatæ tutelæ exercendam: at hunc casum nequaquam esse talem, sed subiectum jurisdictioni Episcopali. Clericos per sacros ordines eximi a potestate sæculari, ut tanquam relictari non possint ad tribunal laicum. Eos proin esse cives Reipublicæ, sed exemptos & privilegiatos. Neque exemptionem istam ad ruinam Status politici tendere, exemplo felicissimorum & potentissimorum Imperatorum ac Regum demonstrari. Parochum denique, ab Ecclesia institutum, a Catholico Principe, sine ullo ad potestatem Ecclesiasticam recursu deponi, qui nullo crimine excepto teneatur, rem videri omnino novam.

Causa ad Papam.

Denique negotium ad ipsum summum Pontificem fuit delatum anno 1726, qui ad Lucernates scripsit, cum dolore se intelligere, acta aliqua, paucis instigantibus, fuisse contra debitam sacræ auctoritati venerationem, quæ Ecclesia a filiis non expectasset, nedum ab ejusdem Defensoribus. Responderunt, nec se nec alium Catholicum Principem teneri, Ecclesiasticum, non solum non confidentem, sed manifeste & obstinate injuriosum, seditiosum, & verba Principis audire respuentem, in ditione sua tolerare: suæ Sanctitatis judicio relinqui, an non in his circumstantiis providendum fuerit, ut alius substituatur, ne populus cultu Divino, & Sacramentorum administratione careat.

Papa quatuor Cardinalibus negotium commisit examinandum, quibus visum, destituendo parochum, & alium substituendo actum contra sacros Canones.

Causa componitur.

Catholici Cantones communi nomine ad Papam scripserunt, petieruntque, ut causa amica compositione finiatur; quod tandem anno 1727 factum. Lucerna judiciales citationis terminos Cancellariæ officialium errori attribuit. Mandatum eligendi novum parochum revocavit. Papa autem concessit, ut parochus Andermatt neque ad parochiam Udlingenschwilensem, nec territorium Lucernense admittatur, novusque cum consensu Episcopi eligatur, cum

ex-

exclusionem tamen Milleri (qui Andermatto subrogatus fuerat) pro hac vice. Andermattus vero Constantiam abiit, ubi in Collegiata Ecclesia S. Joannis Canonice est potitus.

Papa dein paternam & charitate plenam scripsit Epistolam, quam hic subjungendam duxi. Sic habet:

Benedictus Papa XIII.

Dilecti filii,

Salutem & Apostolicam Benedictionem!

„ Quod de eximia vestra in nos & hanc S. Sedem observantia no- Litteræ Pa-
 „ bis pollicebamur, ut nostram videlicet pro vindicanda Ec- pæ.
 „ clesiastica Immunitate sollicitudinem religio & pietas vestra leni-
 „ ret, paternique animi dolorem filialis Lucernensium obedientia
 „ prorsus abstergeret, opportune repræsentarunt litteræ vestræ,
 „ die 26 mensis Decembris anni 1726 proxime elapsi ad nos datæ,
 „ atque a dilecto filio Comite de Julianis nobis redditæ, quas zeli
 „ vestri pro Ecclesiastica libertate tuenda testimoniis insignes, & re-
 „ verentiæ significationibus refertas, studiosissime complexi
 „ sumus.

„ Ingenti enim cum animi voluptate intelleximus, parochum
 „ Ecclesiæ Udligenswilensis Leontium an der Matt non vestro jussu,
 „ sed inconsiderate ab incautis vestræ Cancellariæ Ministris fuisse ad
 „ curiam judicialiter accersitum: mandatum præterea, quo commu-
 „ nitati Udligenswilensi indixeratis, ut novum parochialis ejus Ec-
 „ clesiæ Rectorem eligerent, vos revocasse, adituros venerabilem
 „ fratrem Episcopum Constantiensem, ut, quæ ante dictus Leon-
 „ tius perperam gessit, in acta referat & cognoscat, suoque jure ir-
 „ ritam nullamque declaret nominationem, a communitate factam
 „ presbyteri de Müller, eumque hac sola vice a nominatione
 „ excludat.

„ His profecto dilecti filii sapientiæ & obsequii luculentissimis
 „ argumentis tanta consolatione repleti sumus, tantoque supera-
 „ bundavimus gaudio, ut nihil nobis ad uberem plenamque lati-
 „ tudinem deesse videatur, quam ut occasiones nanciscamur, re ipsa
 „ vobis declarandæ, præclaræ, studiosæ, paternæque voluntatis,
 „ Dum autem merito gratulamur confirmatas & auctas vestra vir-

B b b b 2

,, tute

„tute Lucernensis nominis laudes, quibus Ecclesiasticæ vos liber-
 „tatis Defensores prædicat hæc Sancta Sedes, vobis Dilecti Filii
 „pignus præcipuæ charitatis & Apostolicam Benedictionem pera-
 „manter impertimur.

Datum Roma apud S. Petrum sub annulo Piscatoris
 25 Jan. 1727.

Cæterum plura de hac causa ultro citroque scripta fuerunt edita, & inter illa *Lucerna lucens Aletopbili ad Aretophitum*, 6 Mart. 1726 edita, & in Gallicum dein versa. Tres in ea quæstiones proponuntur, 1 an ad parochum spectet, die festo saltum permittere, vel prohibere, an vero ad Magistratum sæcularem? 2 an Magistratus possit Clericum ad iudicium suum citare. 3 An Magistratus possit Clericum, mandatis non obtemperantem, ditione sua expellere?

Causa dotis Monialium. Antequam hæc causa agitaretur, Lucernenses interdixerunt, ne ingredientibus Monasterium ultra 1100 florenos importarent; quod propter Moniales ordinatum fuit. At interposuit se Nuntius, Immunitatem Ecclesiasticam tali statuto violari questus. Sed & hæc controversia fuit composita, re in pristinum statum reposita, ipso Pontifice id urgente, & legem Senatus irritante.

Cum tempore defectionis Lucernenses plures Sacerdotes in Vallesiam misissent, ut Religio ibidem conservaretur, hoc periculo depulso, impetrarunt a Sede Apostolica, ut fructibus unius Canoniciatus Beronensis frui liceret, donec sumptus, in eam rem facti, compensarentur. Istis autem reparatis, Pontifex facultatem eis dedit, singulis decenniis renovandam, ut fructus illos in stipendia pro studiosis Vallesianis possint applicare. Verum anno 1724 sublati iis stipendiis, Canoniciatus ille est restitutus, fructibus uni ex 12 Expectantibus attributis.

Art. VII.

Capitulare Mediolanense cum Rhaetis renovatur. Calvinistarum insolentia. Querelæ Episcopi Constantiensis. Disputatio de Apylo. Item Tigurina. Miles gloriosus Peracberi.

Anno 1726 Renovatum est a Grisonibus *Capitulare Mediolanense* seu fœdus cum Imperatore. Erectum illud fuerat cum Rege Hispaniæ anno 1639, ratione Ducatus Mediolanensis defendendi, postea verò, cum Mediolanum ad Cæsarem esset devolutum, cum Cæsare: A Catholicis Grisones mutatum illud volebant, quia in eo præscribitur, ut Vallem Tellinam, Wormii & Clavennæ Comitatus soli incolant Catholicis; sed Catholicorum constantia, & Wenferi ejusque successoris Risenfelsii Legati Cæsarei, auctoritate effectum est, ut hic etiam articulus maneret insertus; unde 4000 Calvinistæ, qui irreperant, excedere debuerunt; quamvis postea anno 1729 rursus irruerint: prout etiam in ipsam Grisoniam, ubi cum duas ferme tertias constituent (etsi in Religionis negotiis majora non valeant) pluribus locis, post confectam etiam pacem, se violentè intruserunt, Episcopo Curienti & Catholicis frustra se opposentibus. Contra vero, cum aliqui mercatores Catholicis venirent in suburbium Curiae, in quo est Ecclesia Cathedralis & Aula Episcopi S. R. I. Principis, cum ædibus Canoniorum, Magistratus urbis, ex integro A Catholicis, non acquievit, donec dimitterentur.

Anno 1727 obiit Blasius Bender Abbas ad S. Blasii, per plures annos Cæsareus ad Grisonès Legatus; cui successit Wenferus, & huic brevi avvocato Risenfelsius, qui tandem effecit, ut Calvinistæ vi Capitalaris ex Valle Tellina, Wormio, & Clavenna emigrarent, operam etiam jungente Episcopo Comensi, ad cujus Diocesis provinciae illæ pertinent.

Münsterthalii, loco Basileensi Episcopo subiecto, Bernenses in jura Episcopi involabant, prætenso titulo protectionis, qui tam Münsterthalmen vix alius erat, quam quod incolæ a fide Catholica defecissent. Lis inde orta, acriterque agitata.

Cum Episcopi soleant certis temporibus statum suæ Diocesis Romæ Congregationi Cardinalium, ad negotia Episcoporum deputatæ, exponere, prodiit libellus hoc titulo: *Relatio concernens statum modernum Episcopatus Constantiensis, provincia Moguntina, nomine Joannis*

nis Francisci &c. in visitatione sacrorum liminum, suo ordine ac loco humilissime offerenda pro anno 1712. Roma typis Josephi Nicolai de Martiis, superiorum consensu.

Querela Episcopi Con-stantiensis.

In hac relatione, in quantum ad Helvetos spectat, conqueritur Episcopus, jurisdictionem suam sæpe turbari, non tantum in temporalibus sed etiam spiritualibus: in pluribus locis parochum singulis annis a communitate, suis nempe parochianis, debere petere, ut in parochia quasi confirmetur, quo impediatur animarum pastores, ne delicta illorum libere audeant reprehendere: ad alias causas non posse plus applicari, quam Magistratus concedat: causam debitorum, quæ ab Ecclesiastica contrahuntur, ad tribunalia sæcularia trahi: Beneficia Ecclesiastica plus offerentibus obtingere, atque hinc Simoniacam pravitatem passim invaluisse: Jura Episcopalia, cathedralicum, subsidium charitativum, quartam Decimalem, primos fructus, non agnosci: sacros Canones, Concilium Tridentinum, non aliter recipi, nisi in quantum prætenis suis libertatibus non obstat.

Abbas Muren-
sis S. R. I.
Princeps.

Placet subungere aliqua magis particularia. Anno 1702 Placidus Abbas Murenfis, ex nobili Zurlobiorum Tugli familia natus, opera & studio Trautmannsdorffii, Cæsarei ad Helvetos Legati, ultro oblato, creatus est ab Imperatore S. R. I. Princeps, haud æquò animo Helvetis id ferentibus. Et fuit Placidus vir magnus, qui diuturno feliceque regimine Cænobium Murense a Domo Austriaca fundatum dotatumque, ad summum splendorem perduxit, atque coemptis in Helvetia, & Suevia bonis locupletavit, Geraldo successore vitæ sanctimonia ejus vestigiis religiosissime insistente.

Studiosi homicidæ
causa.

1705 ex Studiis quispiam, Civis Lucernensis filius, in caupona famulam cellariam cultro confoderat. Fugit in Collegium S. J. quod 40 armatis obsidetur. Reposcitur. Opponitur privilegium asyli. Disputatur, an sit homicidium proditorium. Ad Episcopum pertinere decisionem, & sine ejus consensu reum non posse extradi, contendit Collegium. Interea vero reus in turrim veteris hospitalis contigui evadit, ibique deprehensus debita pena afficitur.

Misio.

Habita fuit Tugli sacra Missio a PP Fontana & Mariana S. J. Italis, per interpretem prædicantibus innumera hominum multitudine concurrente; & dein etiam in aliis Helvetiæ & Vallesiæ locis: prout etiam ab aliis in Valle Tellina.

Dillier.

1717 Joannes Baptista Dillier, Sarnensis, dimissus e Societate nostra, libellum edidit, quod *Horologium Arithmetico-Morale* appellavit; quo vaticinans proximum Protestantium erroris interitum, A Catholicis deridendi se tanquam falsum prophetam occasionem præbuit.

1718 Tigurini alterum fidei suæ sæculum solenniter celebrarunt, atque ad disputationem, quam Præsides Joanne Jacobo Hottingero, Theologiæ Professore, & Respondente Lavatero, instituebant, exteros etiam invitarunt. Quo audito, Josephus Sonnenbergius S. J. clanculario litterarum commercio cum Tigurinīs se ad disputandum obtulit. Qua occasione Peracherus *Militem suum gloriosum* edidit, libellum infamem, dignum propudioso Apostata.

Disp. Tigurina.

1723 Subsilvania Stantii & Sarnæ publice ad rogam condemnavit libellum auctoris, qui Dissertationes Menstruas scripsit, tanquam injurium sanctæ antiquæ Religionī Catholicæ; & Beato Nicolao de Rupe. Tigurini contra combusserunt Catechismum, Rosaci editum.

1724 Kellerus, Ordinis sacri Apostata, Tigurum fugit, commune ejusmodi hominum receptaculum, scripsitque *Nemesis Romano-Catholicam, examinatam & examinatam*. Sed infelix Scriptor in lacum se immerisit & suffocavit.

Art. VIII.

Fœdus Aureum renovatum cum Vallesianis. Waldenses recepti a Protest. in Helvetia. Seditio Genevensis. Episcopi Basileensis fœdus cum Gallia.

Anno 1728 L. B. de Federspiel, S. R. I. Principe & Episcopo Curienti defuncto, a Capitulo electus est Josephus Benedictus L. B. de Rost, murmurantibus licet Grisonibus, eo quod esset exterus; nec modicas deinceps, urbs præsertim Curientis Calviniana, ei molestias facessabant.

Deputati Episcopi Constantiensis super variis controversiis Dieffenhofii transactionem inierunt cum Bernensibus & Tigurinīs, qui Episcopo cesserunt Arburgum & Episcopi Cellam, quas a pace Araviensi communiter possiderant, salva tamen religione, Calvinistica reformata.

VI Capitulationis e Valle Telina ejiciendi erant omnes Calvinistæ. Plures ex his Clavennam migrarunt, ubi Catholici multa propterea passi sunt. Cum erroris contagium in Occitanicæ & Septentrionalis provinciis adhuc serperet, omnes Calvini affectu Edicto Regio rursus jussi sunt emigrare.

Valle-

Fœdus Au-
rographi.

Vallesiani cum Cantonibus Catholicis *Fœdus Aureum* anno 1533 erectum, renovarunt. Cæsareus Legatus in Helvetia erat Riesenfeldius, Gallicus Bonacus, Hispanus Cornecus. (anno 1728) Anno sequenti Curia in Rhœtia cives contra Senatum insurgent, ex spiritu Calvinii turbulento.

Waldenses
recepti.

Rex Borussiae cum Cantonibus A Catholicis & Geneva consilium iniit, quomodo consulendum expulsi a Rege Sardiniae Waldensibus. Perfuga in eorum urbibus & provinciis distributi: missae intercessionis &c. An Catholici tanto fervore pro alienis subditis forent?

1731 Wensero, Cæsareo apud Grisones Ministro successit Comes *Wolkensteinus*. Anno sequenti Bonacus Christianissimi Regis ad Helvetos Legatus cum tota Republica Helvetica fœdus renovare conabatur, sed multas oppositiones apud A Catholicos invenit.

Episcopo Basileensi non parum molestiae inferebant contumaces subditi, praesertim *Libromontani*, qui ad Tiguros & Bernates recurserunt; Princeps vero ad Imperatorem, qui Reichensteinium misit, ut causam examinet & componat.

Anno 1733 orto inter Cæsarem & Gallum bello, multi in Helvetia asylum invenerunt, praesertim Basileae, quo urbes Sylvestres & Marchio Durlacensis confugerant. Quantum autem Franciae Legatus Muraltus fœderis renovationem urgebat, tantum Cæsareus, Marchio de Prie, obsistebat, cui concessum est, ut duas Legiones Helvetas conscriberet, quae Friburgum, Constantiam, & urbes Sylvaticas defenderent.

Turbæ Ge-
nevenses.

Anno 1734 Genevæ cives, armis correptis, adversus Senatum insurgent, quod ad muniendam magis civitatem nova tributa imposuisset. Exarsisset haud dubie acrius bellum civile, nisi Tigurini & Bernenses Legati intervenissent, & flammam restinxissent. Liberis civium suffragiis decretum in decennium pro munitionibus subsidium; interdictum vero Senatui, (ex illo sex gradu defectis) ne absque consensu civitatis extraordinaria tributa imponeret.

Basileenses.

Anno 1736 lis inter piscatores Basileenses & Hüningsenses usque ad rixas & caedes exarsit. Gallia Suntgois & Alsatis omni cum Basileensibus commercio interdixit. Et timebantur majora. Sed intercesserunt Cantones reliqui. Consul Frey, qui turbas impedire debuisset, Parisios deprecatum missus, interveniente Angliae Ministro veniam impetravit.

1737 Vehementior Genevæ tumultus recrudit. Quatuor cives Syndicum probro exceperant. Comprehenſi & in cuſtodiam ducti ſunt. Irritati cives, arreptis armis, inſurgunt; cumque plures eorum a milite præſidiario necarentur, adverſus ipſam curiam, minarum pleni, procedebant. Tanto furori compeſcendo impares erant Tigurini & Bernenſes Legati. Implorata igitur a Senatu Francia, miſit Marchionem Lautrechium. Sed durior erat cervix, quam ut ſtatim ſecti poſſet. In annum ſequentem protracſta contentio. Tandem a conciliatoribus propoſita tranſactio placuit.

Magiſtratus, qui conſtat ex 15 intimis, 60 mediis, & 200 magni Conſilii Senatoribus, confirmatur in ſuis juribus & ſtatu, quem fundamentales hujus Reipublicæ leges requirunt. Sine conſenſu generalis Conſilii (quod trinum prædictum Senatorum ordinem complectitur) contributiones ne imponantur. Munitionum ſumptus ad annum uſque 1750 continuentur. Ut omnes ſciant civitatis leges, conſciatur codex, quo omnes comprehendantur. Eidem Codici omnia publica Ediſta & Ordinationes inſcribantur; Præſidium civitatis conſtet 720 capitibus. Hujus conventionis Turbæ Gene- conciliatores erant ſponſores ſuorum Principalium nomine. Cu-ve compe- ſum in rei memoriam numiſma, in quo viſeſatur ara, ſlammis ac- ſitæ.
cenſa, conſiſtentibus a lateribus Juſtitia & Pace, jacente Diſcordia, cum lemmate ſubſcripto: *Juſtitia & Pax oſculata ſunt*: ex altera parte vero oliva cum inſcriptione: *Diſſidia Genevæ compoſita bonis officiis & arbitrio Ludovici XV Regis Francorum.*

Aſta hæc ſunt anno 1728, quo Solodorum venit Courtevilleus, Legatus Franciæ, Lucernam vero Marchio d' Iſtia nomine Regis utriuſque Siciliæ.

Cum Epicoſopus Baſſleeniſis per 5 jam annos cum ſubditis ſuis contendiſſet, nec Helvetorum opera aut Imperii diſſidia eſſent, Epicoſopi Baſ- compoſita, Princeps anno 1739 cum Gallia ſædus pepigit: quo ſil. ſædus
illa ad compeſcendos ſubditos auxilia promittit, libertatem vero cum Gallia,
Rauracis in Gallia, qua Helveti fruuntur. Epicoſopus autem promittit, ſe ingruente bello neutras partes ſecuturum; ſimulque Gallis dat poteſtatem in Rauracia conducendi militem. Aëgris auribus audita eſt in Imperio hæc unio, præſertim, quod cauſa Epicoſopi & ſubditorum Viennæ in Judicio Auſtico penderet.

Anno 1740 600 Galli in Rauraciam & Bruntrutum, sedem hodie Principis, Duce Broglio, Marefchalli filio, immigrarunt, qui contumaciam frangerent. Inquisitum in auctores turbarum. Alii timore percussi ad obedientiam redierunt.

Helveti ne-
gant transi-
tum.

Orto dein bello propter successionem Austriacam, Helveti, Vallesii, & Grifones, quamvis ab utraque parte sollicitati, ut copias præberent, neutri tamen concesserunt; sed pro uno, ut ajunt, viro se staturos, declararunt, si aut Hispani, qui Sabaudiam, & Lacum Genevensē oberrabant, viam in Italiam per Vallesiam, aut Princeps Carolus Austriacus per Basileam in Alsatiam quæreret.

Urbes Syl-
vestres.

Anno 1744 Marchio de Prie Minister Austriacus nomine Reginæ apud Rempubicam questus est, quod se non opposuisset Gal-
lis, urbes Sylvaticas invadentibus, prout tamen debuissent, vigore Unionis perpetuæ, anno 1511 cum Maximiliano I Imperatore initæ. Sed responderunt Helvetii, illam Unionem post mortem Caroli VI non amplius subsistere; aut potius cum Carolo VII Imperatore continuandam fore, qui per Comitem Frobergium eis neutralitatem obtulisset.

Rheinavii in Abbatem electus est P. Bernardus Rusconi Lucernensis.

Helv. neu-
trales.

Anno 1745 Marchio Prieus negotium de civitatibus Sylvestribus vi fœderis defendendis urgere perrexit, questus insuper de negata Brigantinis emptione alimentorum in Valle Rhenana, atque impedita navigatione in Lacu Acronio. Curtelius vero Legatus Gallicus vehementer hortabatur, ut in sua neutralitate persisterent Cantones; qui Badenæ congregati hoc ipsum statuerunt. Secuti sunt exemplum Grifones; quamvis Comes Welspergius, Minister Austriacus, & Salisius Anglicus, omni ope conniterentur, eos in partes Reginæ Hungariæ pertrahere.

Anno 1747 venit ex Hollandia Bernam Harenus, qui a Protestantibus Cantonibus deposcebat 12000 virorum, vi fœderis defensivi, anno 1712 percussi, Batavis, ut dicebat, debitorum. Verum Gallia, & pluribus Cantonibus, qui perfectam neutralitatem Reipublicæ utilissimam existimabant, reluctanter nihil evicit. Censebant videlicet prudentes, viam mediam, prout fert situs locorum,

locorum, inter Domum Austriacam & Borboniam, rebus suis esse tutissimam.

Anno 1748 Solodorum venit novus Regis Christianissimi Legatus ad Helvetiæ Ordines Renatus Paumius D^r Argenfon. Bernæ feliciter detecta est conjuratio quorundam turbulentorum civium contra Senatum, quem putabant libertati suæ nimium detrahere, & alios cives, quamvis dignos, a muneribus publicis excludere.

Anno 1751 Dux Sabaudiaæ fœdus Lucernæ renovavit cum Cantonibus Catholicis, ad defensionem mutuam.

Helveti in Italia, ut suo loco diximus, possident quatuor Præfecturas, Luganum, Lucarnum, Mendrisium, & Malvasiam, quas anno 1512 in compensationem, quod Maximilianum Sfortia Ducatui Mediolanensi restituisent, acceperunt. Querebantur anno 1752 Helveti, quod Mediolanenses fines violarent. Sed congressu habito lis fuit amice decisa.

Anno 1753 Chavignius, novus Gallia Legatus, Solodorum venit, invitatisque Reipublicæ Deputatis legationis suæ fidem fecit. Sicut etiam anno sequenti Nuntiorum Apost. mutatio est suscepta; nam Acciajuolo ad Legationem Lusitanicam digresso successus est primum Hieronymus Spinola, Nuntiatura Colonienſi perfunctus, sed eo mox ad Legationem Hispanicam avvocato, designatus est Octavius Buffalini, Archiep. Chalcedonensis, qui tamen primum anno sequenti Lucernam venit.

Berna anno 1755 novum Senatorem accepit, Christophorum Dohna, Belliducem Borussicum; quod ejus Familia jam dudum jus civitatis ibidem obtinuisse. Quamvis autem Helvetia bello ultimo neutras partes sequeretur, suis magis juribus & dominiis conservandis intenta, quam alienis conquiendis, Berna tamen anno 1760 se armavit, in quem finem, non constat.

CAPUT X

De Statu Lotharingæ

SÆCULO XVIII.

Art. I.

Lotharingia ante mutationem.

181. Post pacem Ultrajectensem Jacobus Stuartus in Lotharingiam ex Gallia discessit. Negatus propterea Londini accessus ad Aulam Legato Lotharingico. At Dux se excusavit, quod privare eum non possit jure gentium.

Renovatio feud. Anno 1715 Leopoldus Josephus Dux duos fratres amisit, Carolum Josephum Electorem Trevirensensem, & Franciscum Josephum Abbatem Stabulensem & Malmedensem. Uterque variolis obiit. 1718 totum Lunevillensis Aulæ ædificium in cineres abiit, 60 personis combustis, & trium millionum damno. 1719 Dux coram throno Cæsareo homagium præstitit, & feuda a Romano Imperio dependentia, renovavit; ubi illi titulus *Regiæ Celsitudinis* in Diplomate est attributus; prout etiam factum priore anno in Gallia, dum Parisiis cum conjuge, Regentis sorore, versaretur. Emita Duce Mammarancio Comitatum Lignii, quem cum Barri Ducatu univit.

Teschen. 1722 Imperator Duci pro suis in Ducatum Monferratensem præfensionibus Ducatum Teschenensem in Silesia attribuit. Anno sequenti obiit Leopoldus Ducis Princeps hæreditarius 16 ætatis anno, magno non Patris modo dolore, sed Aulæ etiam Viennensis, in qua ad magnas spes educabatur; sed temperavit luctum Franciscus Stephanus, in fratris defuncti locum suffectus, & Viennæ deinceps in spes summas, Moderatore Cobenzlio, educatus, 15 tunc annorum Princeps, omnibus naturæ & gratiæ donis ornatissimus.

Obit Leop.

Dux autem regnans, Pater Francisci, duobus Comitatibus Domum suam auxit, *Dachstulensi*, quem quadringentis florenorum millibus emit a Comite Oettingano-Balderensi; (sed hæc emptio postea fuit rescissa) & *Falckensteinio*, cum Comite Manderfeldio controverso, quem Consilium Aulicum Viennense ipsi adjudicavit, allo.

allodialibus bonis Domui Manderscheidiaë relictis. Litem etiam Dux movit Electori Palatino propter jus Wildfanglatus.

Ex Domo Lotharingica obiit hoc anno 1723 Carolus Henricus Princeps Valdemontius, Caroli III Ducis filius naturalis, ætatis 74; qui partes Domus Borbonicæ secutus, pro Philippo V sub initium huius seculi fuit Gubernator Mediolani. Filius vero ejus, Carolus Thomas, Cæsari militans, jam anno 1704 in Italia ad Ostiliam occubuit. Tota autem Valdemontia hæreditas, cum deficeret successio, ad Lotharingicam regnatricem Domum est devoluta.

Anno 1729 obiit Leopoldus Josephus Carolus Dux Lotharingiaë, ætatis 50, Eques Aurei Velleris, anno 1679 per pacem Ryswicensem restitutus; cum Lotharingia per annos 28 in manibus Gallorum antea hæssisset. Pro sua in Mantuam & Montem Ferratum præensione accepit a Cæsare Ducatum Teschenensem sub feudali nexu. Conjugem habuit Elisabetham, Philippi I Ducis Aurelianensis filiam natu minimam, atque ex ea genuit, præter complures alios liberos, jam defunctos, Franciscum Stephanum, Augustissimum Modernum Imperatorem, & Carolum Alexandrum, Magnum Teutonici Ordinis Magistrum, & Gubernatorem Belgii, cum Anna Carolina.

Anno 1730 Dux regnans Franciscus Stephanus Parisios profectus, Investituram in Barri Ducatum a Rege accepit. Inde redux Lotharingiam suam in optimum ordinem disposuit; atque Duci Bipontino Investituram contulit in iis feudis, quæ a Lotharingia dependent. A Cæsare vero petiit renovari feudum Mussipontanum, Nomenense, Blamontanum, Falckensteinense, Clermontanum, Salmense, Phalzburgense, Saarwerdenense, pluraque alia.

Anno 1731 lustratis Aulis, Bruxellensi, & Anglicana, Nancei Academiæ Equestrem erexit pro Nobilitate Lotharingica, ut bonis artibus, & equestribus exercitiis imbuatur.

Postquam Dux 1732 Viennam rediit, 1733 orto bello Polonico Galli Lotharingiam occuparunt. 1735 in Præliminaribus pacis conventum, ut Dux Lotharingiam retineat usque ad mortem Magni Ducis Florentiæ, Stanislaò vero Regi quamprimum Ducatus Barrensis tradatur, proventus vero Duci compensentur.

At vero Galli post præliminares istas passionem urgebant, ut uterque Ducatus, Lotharingicus videlicet & Barrensis non primum post mortem Ducis Florentini, sed statim Stanislaò Regi tradatur, Duci autem Lotharingiaë interim quot annis tres librarum Gallicarum stiv. milliones a Francis persolverentur.

Anno sequenti, postquam Dux Lotharingæ optimam partem elegit, atque Mariam Theresiam Archiducem nuptiali sibi fœdere conjunxit, conventio nova Imperatorem inter & Galliam fuit inita, 17 articulis comprehensa.

1. Quamprimum Cæsar & Imperium in possessionem eorum, quæ vi Præliminarium ei fuerunt addicta, venerit, præsidium Hispanicum ex munitis Florentiæ urbibus abscesserit, & permutatio, a Rege utriusque Siciliæ, & ejus patre Hispaniæ Rege fuerit ratificata, præter Barri etiam Lotharingæ Ducatus Regi Stanislao cedetur.

2. Post mortem autem Stanislai hi Ducatus coronæ Gallicæ incorporentur.

4. Gallia spondet Duci Francisco Stephano eventualem successionem in Magno Ducatu Florentino.

5. Utraque Majestas procurabit sponsonem eorum Principum, qui in pace Risvicensi pro Lotharingia caverunt.

6. Domus Lotharingica retinet titulos, insignia, & prærogativas, sicut hætenus, in cessum tamen Ducatum jus nullum habeat.

7. Gallia solvet Duci usque ad mortem Gastonis 4 miliones cum 500000 librarum annuatim. Recipit etiam in se debita Ducatus, quæ ascenderunt ultra 8 miliones librarum.

8. 9. 10. Continetur dos viduæ matris: item Carolo Principi, ejusque sororibus præstanda a Gallis, donec Dux in plenam ac liberam possessionem Thuscæ veniat.

11. 12. 13. Dux Vidua Lunevillæ plena libertate fruatur. Duci Francisco ceduntur omnia bona mobilia. Lotharingia nomen suum semper retineat, & specialis sit provincia.

14. **Conditiones.** Foundationes, sententiæ latæ, decreta, immunitates & privilegia Ecclesiarum, Nobilitatis & tertii status, atque nominatim Universitatis Mussipontanæ, inconcussa perpetuo maneant.

15. Omnes Officiales & famuli Domus Lotharingicæ retineant pristinas libertates, exemptiones & privilegia: atque nec ipsi subje-
cti sint Juri *Albinagii*, seu Juri Principis in hæreditatem peregrinorum, quod alias in Gallia viget.

16. Litteræ, documenta, & instrumenta utriusque Ducatus Regi Stanislao tradantur, exceptis iis, quæ personas & Familiam Ducalem concernunt, uti sunt pacta dotalia, testamenta &c. eorum autem, quæ sunt communia, utrique parti copię dentur.

17. Hæc acta conventioni generali inferantur, & intra mensem mutuo commutentur.

Actum Viennæ 28 Aug. 1736.

Dux ipse etiam his actis subscripsit, contestatus, quamvis difficillimum sibi accidat, avitam ac paternam hæreditatem suæ Domus fidosque suos subditos derelinquere, se tamen ex veneratione Utriusque Majestatis, & amore pacis, in Europa conservandæ, in Præliminaria & conventionem consentire,

Art. II.

Lotharingia post mutationem sub Stanislao Rege.

Anno 1737 Lotharingiæ & Barri Ducatus Regi Stanislao fuerunt traditi. Is igitur, Versaliis Lunevillam profectus, capta Stanislaus in possessione, summa mansuetudine & moderatione Regimen orsus possessionem. est, ut Lotharingi eo facilius pristinos suos Dominos, multo gratissimos, obliviscerentur, & amorem in se transferrent. Quapropter Aulam suam ex Lotharingis potissimum constituit; non tamen oblitus Polonicæ suæ gentis, ex qua eminet Comes *Ossolinski*, Thesaurarius ante Coronæ Polonicæ, utriusque fortunæ socius & comes individuus; quem ditione Lignya donatum supremum Aulæ suæ Præfectum constituit, qui tamen anno sequenti obiit. *Ossolinski obiit.* Academiâ insuper pro nobili juventute Lotharingica & Polonica perfecit. Acad. Nobil.

Anno 1738 Princeps pietissimus sceptrum & coronam Regiæ Cælorum publice in templo obtulit; salutato prius Versaliis Genaro. Aliquot autem legiones Gallicanæ in provinciam venerant, quarum Ductores diligenter Aulam invisebant.

Anno 1739 Rex Stanislaus, salutis etiam æternæ subditorum suorum ut confuleret, sacras Missiones per Lotharingiam fundavit, ac ad eas Patres Societatis Jesu selegit, qui rudes doctrina fidei & Sacre Missionum imbuere, atque peccatores in semitam vitæ Christianæ reducerent. Octo autem personas ad sanctum hoc opus destinavit, quæ provincias obeuntes munere suo Apostolico fungerentur.

Anno

Anno 1740 Bitisio munimenta, per pacem Badensem detracta, fuerunt restituta. 1743 Rex Stanislaus post prælium Dettingense non amplius Lunevillæ, ordinaria sua Sede, securum se esse ratus, Nancejum concessit; cum famosus Menzelius cum volatili manu in Lotharingiam irrupisset, prædasque ageret.

Rex Lud.
Metis.

Sequenti vero anno, cum Austriaci in Alsatiâ irrupissent, etiam Nanceio relicto, Metas primum, dein Meudonem, in Galliam se recepit. Rex autem Ludovicus, postquam Metas pervenerat, periculosa febris correptus, ab 8 Aug. ad 22 decubuit, morientium sacramentis jam provifus. Sed placuit Deo, Ludovicum multum Anatum Franciæ suæ, totique Ecclesiæ diutius conservare. Accurrit cum Delphino & Regia Familia Regina Coniux. 23 Aug. jam ita convalescerat, ut Schmettavium Borussicum, & Wachtendonckium Palatinum Ministrum ad alloquium potuerit admittere.

Digresso ex Alsatia hoste, Rex Stanislaus Lunevillam rediit, ubi postquam ad Socerum Gener invisit, hic 2 Oct. Sarburgo, & Tabernis Argentinam venit. In Brisgoviam inde delatus, expugnato Friburgo, Versaliam reversus est.

Obit mater
Ducia.
et c.

Obit Commencii, Vitalitio suo, Elisabetha Aurelianensis, Magni Hetruriæ Ducis Mater æt. 68. Principatus autem ad Lotharingæ Ducatum rediit.

Anno 1747 ad vitam æternam transiit Catharina, Stanislai Regis Coniux, Henrici Opalinski Pofnanix Castellani filia, æt 67. Vidit adhuc Nepotem, Delphinum Franciæ, cum Saxonica Principe conjunctum.

Stanislaus autem Rex bonarum artium uti gnarus, ita æstimator æquissimus, Nancei præter Academiam Nobilium, Societatem litteratorum, cum insigni Bibliotheca erexit, tantaque suavitate, amore, & moderatione subditos suos regit, ut Regis clementissimi ac beneficentissimi nomen sit sortitus.

Anno 1749 visitato Rege genero, Commencium in Ducatu Barrensi recessit, ibique arcem reparari iussit. Venit eo cum familia sua Princeps Craen, qui Florentiæ hætenus erat Præfæctus. Anno sequenti, factio rursus Lutetiam itinere, Lunevillam rediit.

Prout singulis ferme annis, ita etiam 1752 invisit ad Regem generum, Reginam filiam, Delphinum nepotem, neptes, pronepotem, Ducem Burgundiæ, licet jam 76 annum ætatis ageret. Anno sequenti novum pronepotem nactus est, Ducem Andegavensem, & anno 1754 Bituricensem. Ad utrumque invisit, sequenti vero arcem suam Regiam Lunevillæ incendio conflagrare vidit, eamque rursus construxit, per longævam suam vitam (quod magnarum mentium est) utramque fortunam pari animo ferre doctus.

CAPUT

CAPUT XI.
Status Hungariæ
SÆCULO XVIII.

§. I.

Novi civilis belli initia.

Ineunte Sæculo XVIII nova, eaque gravissima, rebellio pæne totam Hungariam corripuit. Auctor illius præcipuus Franciscus Leopoldus Ragozius, nepos Georgii Ragozii, qui dum contra Ke-
minium de Transylvaniæ Principatu contenderet, 1660 ad Claudio-
polim a Turcis prælio victus interijt: filius vero Francisci Ragozii, qui matris Bathoriæ cura a Zrinii & Nadaſti conspiratione abſtractus, privatam deinceps vitam egit. Hujus vidua Zrinia (Töckelio de-
nupta) se cum filio (de quo loquimur) Francisco Leopoldo Ragozio 1688 cum Mongatſina arce Cæsareis deditit. Hic liberalibus disciplinis probe imbutus, conjugem sibi aſcivit Haſſo-Rhenofenſem, Principis Imperii titulum incaſſum a Cæsare precatus.

Non deerant, qui hominem, se ipſo non malum, repulſæ dolore, & objectis Majorum imaginibus, in ſpes magnas accenderent, hosque inter *Berezinius* comprimis, implacabili Germanorum odio inflammatus.

Uebatur Ragozius familiariter domi ſuæ Longevallio Procen-
tione Lotharingo. Hunc Pariſios ablegat, datis ad Regem litte-
ris, quibus Procerum populi-que Hungarici pronam voluntatem ju-
gum Austriacum abjiciendi ſignificat, petitque, militem & pecu-
niam ſubmitti. Nationem eo reſpicere, ut regnum formam, Po-
lonico ſimilem, induat, aut potius, ut Hungaria & Polonia in u-
num regnum coaleſcant, quo potentius hinc Austriacis, inde Tur-
cis reſiſti poſſit.

Longevallius hanc epiſtolam recta Viennam ad Cæsaream Au-
lam deſert: diſſimulare juſſus, reſponſumque reſerre, Pariſios ad
Regem abiit. Generalia duntaxat promiſſa Viennam primum, ad
Ragozium deſin cum retuliſſet, cum novis mandatis, admonito
clam Cæsare, Lutetiam proficiſcitnr.

Pariſ. X.

D d d d

Ne

**Captivus in
carcerem
Neostad.
ducitur, cum
sociis.**

Ne autem malum ulterius serpat, per Solarium Comitem Ragozium cum Symaio & Vayo comprehensus, Neostadiensem in arcem captivus abducitur, Berezenio celeri fuga in Poloniam evadente.

Evadit.

Ragozium proprio chyrographo se convictum videns, Lechmannum centurionem, custodiæ Præfectum, promissis corrumpit, ut adeo hic, excubitore alio missio, fugæ occasionem faceret. Ragozium itaque gregarii veste indutus, saccoque onustus, vigilias cæteras innoxius pertransiit, paratoque equo exceptus avolavit.

**In Poloniam
ad Bereze-
nium.**

Centurio, diffractas fenestræ crates, funemque in vallum pendulum monstrans, hac, ait, evasit, simulque fugitivum persequi properat. Verum turbida fronte perfidiæ indicium præferens, sistere gradum, gladiumque ponere iussus, quæstione habita, quatuor in partes distractus est. Ragozium vero in Poloniam ad Berezenium fugit, atque cum eo nova pendendæ patriæ consilia excoxit. (1701.)

**Inermis
Hungaria.**

His occasione præbuit Cæsarearum legionum ex Hungaria ad bellum Bavaricum & Italicum deductio, indeque oblata genti, a Germanico dominatu perpetuo alienæ, & per tributorum magnitudinem tunc non leviter irritatæ, plena turbandi facultas.

**Seditionis
occasio.**

Quippe Leopoldus Cæsar, contra ac Erdædus, ararii Præses, aliique, quibus integra fides, Hungariæ Procures suaserant, flagrante undique bello, necessitate ac magni fœderis respectu motus, deductis copiis, inermem prope Hungariam reliquit. Nec de tributorum gravitate quidquam remissum, sed in tantis necessitatibus majora insuper fuerunt imperata. Post pacem Carlovicensem plura propugnacula fuerant dejecta, tum ut militi ac sumptibus parceretur, tum ut majoris momenti urbibus prospici melius possit. Factum autem, ut ne his quidem de præsidio, annona, & bellico apparatu satis esset provisum, unaque in campo Montecuculi cataphracta legio superesset. His fontibus, dictu incredibile, quanta procella & veluti diluvium totum regnum inundaverit.

**A duobus
grassatoribus
initium.**

A tenuibus principiis orta tempestas. Duo grassatores, *Kisus* & *Eisfus*, cum anno 1703 magni ad Italicum & Boicum bellum delectus fierent, latronum sibi gregem adjunxerunt. Mittunt e tribu sua duos Legatos in Poloniam ad Ragozium, eique obsequia sua deferunt. Laudantur tanquam primi liberatores servientis patriæ; jubentur, quot possent, conspirationi suæ delectuum specie aggregare: arma, vexilla, publicas litteras a Ragozio submissum iri.

Jam-

Jamque multitudo tumultuantium convenerat, quos *Károlyus* Comes, submissis a *Nigrellio*, superioris Hungariae Gubernatore, copiis fudit, caesis eorum centum septuaginta; Etseum jam e rustico Tribunalum cum aliis, ceteros in sylvas dispergit.

Venit interea exeunte Junio (1703) ex Polonia *Ragozius*, atque ad *Mogatsinum*, castrum olim suum, duo grassatorum millia invenit. Missis circum litteris, tyrannidem Germanicam, veterem gentis gloriam, servitutis dedecus, recuperandae libertatis opportunitatem extollit: sollicitat, promittit, minatur.

Mirum dictu: torrentis instar rapidi ad eum superior Hungaria omnis devolvitur. *Tokaino* ad *Danubium* usque, indeque ad *Transylvaniam* fines Germanica praefidia omnia obsidentur: qua vi, qua proditione capiuntur: *Károlyus*, & *Csakius*, seu fidelitatis gratiam opinione minorem retulerant, seu populari turbine abrepti, seu fundorum vastatione in desperationem acti, ad *Ragozium* & *Berezenium* deficiunt, factionique se Duces praebent.

Ragozio in superiore Hungaria jam dominante, *Berezenius* Inferiorem incendiis, populationum, suppliciorum terrore, vi, dolo, ad defectionem compellit: ut adeo anno 1704 tanta fuerit Hungariae ruina, perduellionis astus tam incitatus ardensque, ut multis simul locis bellum erumpens, momentoque hac illac transvolans, e duobus & septuaginta Comitatibus nullum prope intactum relinqueret: indeque ab Austriae finibus ad *Valachiam* *Moldaviae*que limites perpetuum quoddam incendium flagraret.

Neque Hungariae finibus se continebat furor, sed *Berezenio* ductore, in *Moraviam* & *Austriam* fines irrumpens, tanto omnes terrore concussit, ut incolae passim diffugerent, & *Viennae* velut ab obsidione Turcica trepidaretur, praesertim cum simul nuntiaretur, ex altera parte a Gallo-Bavarico exercitu *Passavium* jam esse captum. Quapropter, ut incendiis metu liberarentur *Viennae* Suburbia, undique aperta, *Eugenii* Principis consilio, amplissimo circum ambitu sunt cincta aggeribus, quos hodie ad justae propemodum munitionis formam, ad securitatem splendoremque regiae urbis, atque vestigialium augmentum, muro lateritio convestitos cernimus.

Et sane necessarium illud sepimentum fuit, cum perduelles incendiarii usque ad *Viennae* Suburbia grassarentur, ipsis adeo Caesaris hortis, una ab urbe leuca distantibus, incendio deformatis.

D d d d 2

Tristes

Tristes simul ferebantur nuntii, Papienses, Vesprienses, Bathiani Hussaros una defecisse: Karolyum cum viginti millibus Neostadium tendere: Ozkayum Sopronii oppidum extimum cepisse: Budam arcte obsideri: Insulam Schüttam, & Comaromium proxima deditioni: Quinque Ecclesias esse direptas, Ariam captam.

Pacem oblatam respuit.

Dum hunc in modum, vel sciviente brama, sursum deorsum versaretur Hungaria, Eugenius Princeps Posonium profectus, per fidos homines Berezenio, qui Ragozii regni que erat potens, pacem obtulit. At ille typho elatus omnes conditiones rejecit. Quare Eugenius per Palfyum & Forgathium Comites Regni Coronam ex Posoniensis arcis turri Viennam deportavit.

Cum igitur spes nulla pacis superesset, Heisterus, ab obsidione Kueffsteini avocatus, in Hungariam mittitur. Ardua sane erat provincia: legiones paucae: hostis nullo loco consistens: Hungaria in ejus manibus: obsidiones circumferre lentum & difficile: urbibus captis nullus praesidio imponendus miles: domita provincia terrore absterfo in pristinam perduellionem relapsura: Schlickius, & Palfyus ob copiarum paucitatem tantae procellae jam ante impares.

Heisterus in Hungariam cum 5000.

Verum Heisterus cum quinque millibus, (modico sane pro tanta mole subsidio) in Hungariam profectus, multos dedititios recepit, multos vi ad obsequium redegit, Karolyo praesertim ad Albam Regalem profligato. Consilium autem dedit, ut dedititii Comitatus exarmentur, ne terrore remoto, ut facere consueverant, tam facile ad ingenium redeant; sed a Senatu Aulico rejectum id effecit, ut multae deinceps illustres victoriae caesae redderentur.

Plures refert victorias.

Ad Jaurinum ab hostium multitudine cinctus, & cum suis quinque millibus in orbem pugnans, nobilem refert victoriam, adeo quidem, ut major esset cadaverum numerus quam viventium. Ne victoriam prosequeretur, panis rerumque penuria obsistit. Reddidero vices Hungari, Ritsano primum, dein Rabata victo: lateque per Styriam populatione circumlata.

Vices reddidit.

Postulata.

De pace dein rursus actum: postularunt Hungari: tributa abolerantur; Heisterus & Rabutinius Hungaria abscedant; Caesar Posonii aut Budae sedem figat; Ragozio Transylvaniae Principatus postliminio reddatur. Germanus miles oppidis omnibus excedat.

Atraciores haec erant conditiones, quam ut a Caesare iniri possint. Resumptum igitur bellum. Sub exitum Decembris Ragozius, Berezenius, Karolyus, quamvis triginta millia sub signis haberent, ab Heistero ad Tyrnaviam magna clade affecti. Sed cum ob ciborum

riorum

riorum inopiam fugientes persequi non posset, spatium se colligendi naëti, tanquam victores per regnum dominabantur, Austriæ ipsi & Moraviæ incendia & populationem rursus inferentes. (anno 1704.)

§. 2.

Belli Hungarici Progressus.

Anno 1705 *Heistero* Marechallo, Duci præstanti, sed ob militarem libertatem, quam ut parendi contumaciam accepit Consilium Aulicum, amoto in Hungaria Armorum Præfectura suffectus est *Herbevillius*, quarta post obitum Cæsaris Leopoldi die. 185.
Heistero
suffectus
Herbevillius.

Quamvis autem *Heisterus* insignes de perduellibus reportarit victorias, multaque eorum millia ceciderit; quia tamen ingens erat multitudo, & bellum hoc volatile venationi simile, ultima insuper egestas Cæsareos premebat, ut propterea hosti circumvolitanti insisteri non posset, & multæ urbes arcesque fame perirent, prout sub hoc ipsum tempus Vivarinum, Eperiesinum, Agria, Cassovia, heu quantis impendiis Turcis nuper ereptæ! ob rerum penuriam Ragozio se dediderant, afflictum undique Hungariæ statum *Herbevillius* invenit. Miseræ facies.

Quin ultra Hungariam in Transylvaniam quoque & Sclavoniam, quam Palfyus Croatia Bannus cum fida Austriacis gente hætenus defenderat, procellosus turbo defæviit. *Rasciani* Valachique agri sui populatione accensi, & alias ab Hungaris animo alieni, magno numero se conglomérant, ac *Herbersteinio*, *Essekini* Præfecto, Ductore, in fugam Hungaros conjiciunt. Tum vero iidem *Rasciani*, obnitente frustra *Herbersteinio*, populationem, rapinas, cædes late circumferunt. Et quia Græcanici schismatis homines, facem præferentibus Popis, odio Latinae Religionis ardebant, Quinque Ecclesias, urbem Catholicam, sæde diripiunt. Nihil hic barbaræ crudelitatis omissum: spoliata & incensa templa, sacra polluta, sacerdotes atrociter interempti, interque eos duo Franciscani, Jesuitæ quatuor, religione & doctrina præstantes viri: ut adeo talibus amicis plus metus esset, quam ab hostibus. Rascianorum rabies.

Amici præ hostibus timendi.

Porro *Herbevillius*, novus belli in Hungaria Imperator, post finitum per *Höchstadianam* victoriam bellum Boicum, exactosque e Germania Gallos, duabus legionibus Danicis, aliisque copiis au-

Herbevill.
cædis feditionos.

aus, occasionemque prælio decernendi aucupatus, ad Biberpurgum Palsyorum arcem, tribus a Posonio milliaribus distant, eandem invenit: ubi triginta millium exercitum, in quo plures erant Ductores Galli, unaque Germanorum ex transfugis constata legio, pugna profligatum in fugam conjecit. Capta 30 minoris formæ tormenta, signa militaria 46, cum magna vi bellicæ & annonariæ penus. Sed plus fugæ quam cædis illatum.

Cur victoriæ
frustraretur.

Germanus quippe miles, disciplinæ militari assuetus, statario pugnandi genere valet; Hungari autem, qui se omnes milites nasci dicunt, Parthorum more bella gerunt. Rapto frequenter vivunt, nec impedimentorum mole, prout Germani, onerati, vim potissimam in primo impetu, & equorum celeritate reponunt. Neque e prælio fugere probro ducunt, mox redituri, si occasio ferat, & rursus pugnaturi. Victi etiam toto prælio se iterum mox conglobarunt, & tanquam non victi sed victores essent, pristino more sunt grassati. Quæ sane causa fuit, ut tot illustres Cæsareorum victoriæ sine fructu evanescerent.

Wagn.

Et post hanc ipsam Cæsareorum victoriam Hungari non modo per Hungariam universam & Transylvaniam tumultuabantur, sicut antea; sed Moravam quoque transgressi, more quasi annuo, ferro & igne Viennam terruerunt, dum ex mœnibus suis flammam, vicosque ardentes conspiceret.

Wagn.

Digresso subin Herbevillio cum exercitu, ut Transylvaniam, in exitum ruentem, sustentaret, Bothyanus & Ozkayus in supera & infera Hungariam in Moravia, Silesia, Styria, Austria, ad Viennæ usque suburbia terrore, cædibus, incendiis, omnia miscebant, Palsyo, qui residuum Cæsareorum manipulum ducebat, in Austriam ejecto, atque ad sistendum torrentem impari. (1735)

Vires in Italiam
eversæ.

Josephus Imperator ad Insubriam vindicandam nervos ærarii, legionum robur, seque totum cum applicasset, ad edomandam Hungariam curæ minus impendit & apparatus. Ad defensionem igitur magis, quam inferendum respiciebatur. Sed & defensio erat ardua, quod non uno cum exercitu res esset, sed vagans per totam Hungariam, Sclavoniam, & Transylvaniam bellum, extinctumque uno loco incendium pluribus aliis vehementius exardesceret, injecto Cæsareis dubio, quo primo accurrerent.

Induciæ

Induciæ tum quidem, Angli Hollandique Legati opera, initæ, sed a seditionis non servatæ, & Austriaci rebus noxiæ. Resumptis armis, dum Herbevillius procul in Transylvania abesset, Hungarico bello præfectus est Guido Stahrenbergius, Palsyo missionem petente.

Breves.

te. Verum Cæsar virum fide ac bello præstantem iussit in statione persistere: meminisset, ne Regibus quidem adversus vulgi dicatam aliud esse armorum genus, quam contemptum. Quare cum copiarum parte ad bellum profectus Schütam Insulam expugnavit; Stahrenbergius vero *Strigomium*, paulo ante amissum recuperavit. (anno 1706)

Anno 1707 populatorium in Hungaria bellum laboris quidem & iterum multum, memorabilem eventum nihil habuit, nullas ^{bellum va-} nobiles pugnas, nullas claras oppugnationes, sed vaga & volitans ^{gum & vo-} undique percurratio. Id male contentis, quo nomine appellabantur, ^{litans.} propositum, Austriæ, Styriæ, Moraviæ, terrorem inferre, & continente discursu circumducere & fatigare statarium Germanum militem. Stahrenbergio prorogatum imperium. Vivarinum is oppugnare & Cassoviam destinaverat, sed plures se obices interponebant, donec annus efflueret, nullo memorabili operæ & impensarum pretio.

Anno 1708 Guido Stahrenbergius, capto a perduellibus Maximiliano fratre, in Hispaniam missus, ubi opportunior bellicæ virtuti es- ^{Heisterus re-} set campus. Hungariæ vero bello rursus præfectus est ^{sumit impo-} *Heisterus*, ^{rium.} quo nemo melius pervicaces contundere atque comescere noverat. Sed vir asperioris indolis & adulari nescius, majori apud Cæsarem, quam Proceres ejus Aulicos bellicæ consilium, gratia valebat. Totam ille Hungariam longo usu mente sua habebat descriptam. Palantes opprimere subito, præsens adesse, cum procul abesse credebatur, hostes velut reti concludere, atque ad prælium adigere ad miraculum callebat. Unde etiam neminem magis formidabant.

Et sanè mox experti sunt, adesse Heisterum. Magna quippe usus celeritate, Ragozium & Berezenium ad Trenchinium affecutus, ^{Cædit Rago-} grandem refert victoriam. Non alias toto hoc civili bello plus cla- ^{zium.} dis datum. Cæsa 6000, multi capti: cum 50 signis, tormentis 14, impedimentis omnibus. Institit victor fugientibus, quos interne- cione delessent, nisi sylvarum latibulis multi vitam servassent. Tan- tus nihilominus victoriæ fructus fuit, ut ab ea die perduelles (qui confederati volebant dici) nullum justum exercitum possent edu- cere, pluresque ad pacem gratiamque Cæsaris respicerent. Hos inter fuit Joannes *Ozkajus*, (formidabile hætenus Moravicis testis nomen) qui cum tota sua legione ad Cæsareas partes transit, Palfyi comprimis opera adductus. Idem cum legione sua facere tentaverat Bezeredius, magni vir nominis, sed ab amico, cui confiderat, proditus, cum aliis legionis suæ Ductoribus, captus, mortisque supplicio affectus est.

Ozkajus cum legione sua ad Cæsarem redit.

Heisterus

Heister re-
prehensus.

Heisterus porro, recepto Nitriæ amplissimo Comitatu, amnestiam reddituris promulgat: tantisque pro Republica rebus gestis, acrem a Consilio Aulico reprehensionem accepit: sibi consilium re-scriptis consilii morem non gessisse: ararii Præfectos acerbius insectarum: de occupando Vivarino promissis non stetisse: Trenchinien- si victoria non satis usum.

Animose re-
spondet.

At ille martia libertate, quæ criminis sibi darentur, vel ab igno- rantia, vel invidia proficisci, reposuit: aliud esse ratiocinari in con- clavi, quo sapere videantur, qui belli rudes essent, aliud pro even- tuum varietate consilium in arena capere. Ea esse trimestri expe- ditione gesta, quæ nemo sibi persuasisset, hostibus ad petendam pa- cem adactis. Vivarini occupationem, in tanta copiarum paratusque paucitate, a se non promissam. Querelas de ararii administratoribus ju- stas fuisse: vanis solatiis toties deludi egenum militem, qui sanguinem vitamque Reipublicæ immolat. Rerum penuria hoc & superioribus bellis optima sæpe consilia fuisse frustrata, vitio eorum, qui ex officio curare debuissent.

Anno 1709 male contenti, Trenchinien- si superioris anni præ- lio fracti, inducias petierunt ex formula *uti possidetis*, sed animo non bono: tempus liquidum, quo se colligerent, quærebant, solli- citando interim ex Polonia suppetias, & delectus in Turcico etiam solo, ære Gallico, habentes.

At vero Palsius cum Ozkayo, quem nuper cum legione suæ ad Cæsarem transisse diximus, asperrima hyeme Arvensem Comita- tum, montosum & sylvestrem, Poloniæ & Silesiæ conterminum pæne subegit, multis Nobilium cum Ravayo Barone ad Regias par- tes traductis: Heistero interea Hungariam Inferiorem, ut Austria se- cura esset, edomante: interceptis Simonthorna, Vesprinio, & Sec- sinio, munita Kohariorum Comitum arce, cum Gafio castro, situ prævalido.

Poloni in
Hung.

Venerat inter hæc ex Polonia Potockius, Kioviæ Palatinus, Svecicæ adversus Augustum Regem factionis caput, a Russis Polo- nia exactus, qui Ragozianis cum copiis suis, quas adduxerat, se jungebat. Sed opportune alter Polonus, Lubomirius Princeps, cum quinque suorum millibus ad Cæsareas partes transgressus, opi- tulante Ebergenio Austriaco Duce, Potockio fuso, magnum capti- vorum numerum, Svecos, Gallos, Polonos, interceptit.

Sicking.

Nec minorem stragem *Sickingius* & *Löffelholz* fecerunt, No- vignadensi Comitatu Regi asserto, traductisque ad eundem plus quin- quaginta tribunis & centurionibus, coactione potius quam volun-
tate

tate Ragozio adstrictis. Certe plurimi ex Hungaris, praesertim Catholicis, nequaquam alieno a Rege suo erant animo, sed populatibus agrorum & incendiis in partes, quas detestabantur, fuerant abrepti. Protestantes vero plerique, Rege suo ejurato, toto hoc bello Ragozii partes sectabantur: relicto documento, quam periculosa sit conditio Principis, qui hujus fidei homines in provinciis suis tolerare cogitur. Ladislaum *Ozkajum*, ad Regem nuper reducem, postquam sinceræ & integræ fidei plura exempla dederat, per infidias intercipiunt, atque Vivarinum abductum loci Prætor, Calvinista ferox & virulentus, per eum, quo tonfore alias usus fuerat, obtruncari jubet. Fortiter mortem tulit, commendata filiorum tutela Palfyo.

*Ozkajus-
captus & in-
teremptus.*

Neque impune Vivarino crudelitas abiit. Quippe Heisterus cum Palfyo, contra Consilii Aulici sententiam, munimentum, jam Vivarinum sex annis multarum in utramque Hungariam calamitatum seminarium, acri oppugnatione ad deditionem compulit: cum rebus mobilibus abire permitti incolæ: de fundis Aulæ gratiam implorare iussit. (1710)

Löffelholzius expugnavit Leutsoviâ, cum arce Scepusiensi: Cufanus Marchio Zolnokinum: Palfyus Agriam: Virmontius Part-Ducum gefeldam, & Eperiesinum. Sickingius ad Ipolum Ragozianos profligavit, Hochbergius ad Egersegiam; ubique magna cum strage.

Jamque post tot cædes, amissæque omnia prope munimenta, ad pacem adacti videbantur, cum *Balogbus*, celebris pervicacium Ductor, ultimos velut conatus exerturus, cum agmine, non admodum numeroso, omnem ferme Inferiorem Hungariam igni ferroque populatur. Victus denique, captusque capite crudelitate munit. Traducti tunc iterum ad meliorem causam complures Nobiles, quos inter Andraſius, Redayus &c. (1710)

§. 3.

Belli Hungarici Finis, & Pax.

Annus tandem 1711 calamitoso bello finem, & pacem attulit, omnium bonorum votis diu suspiratam. Cum enim renitentibus sola superesset Cassovia, Munkasium, & arces paucæ, Joannes Palfyus, cujus singularis & in bello virtus & in Regem fides enituit, populares suos ad pacem per litteras est cohortatus: desinerent tandem se turbulentis consiliis perdere: sævitum satis in materna viscera.

Pars X.

E e e

ra:

Paldi litteræ ra : inclitum regnum abiisse in triste bustum, miseramque solitudinem : squalere ambustas urbes, diruta oppida, vacuos sine colonis pagos : quos ferrum, fames, exilium non sustulit, pestilentia raptos.

Si a Tartaris, Turcis, barbaris illata fuisset vařitas, mitius tolerandam fore : at cives mutuis cædibus occumbere, florentem antea patriam exscindi, summaque imis misceri, nullis sat lachrymis deplorari posse. Libertatis legumque tuitionem defectioni obtendi, quibus tamen ab æquitate & clementia Austriaca nullum periculum. Unius hominis, regnum affectantis, ambitioni tot Hungarorum milia fuisse immolata. Quæ autem spes, Austriam, adversus Turcas omnino necessariam, regno, a duobus jam sæculis possesso dejici se passuram, aut tutam fore Hungariam Rege Ragozio ? neque in Francia spem reponerent, cui alias satis negotii, ut ab infelici bello suo se expediat. Respicerent se ipsos & perpenderent etiam, quo loco res sint renitentium, quam arcte contractæ : consulerent, dum tempus adhuc est, fortunis, liberis, sibi.

Carolus alii-
que redeunt
ad Regem
suum.

Movit oratio plures, maxime Alexandrum *Carolium*, qui primus nascentem seditionem detectam Viennam nuntiaverat, sed neglectus ab Aulicis, ut sua a populatione servaret, in partes fœderatorum deflexit. Jam vero conciliatus Regi, cum ipso Palfyo de fide & contumaces reducendi studio certare visus : ipsum adeo Ragozium est adhortatus, ut se patriamque a ruina liberet. Idque effecit, ut cum Palfyo in colloquium concederet. Sed Transylvaniæ spe inescatus, fiduolaque, in pace universali non minorem sui quam Baviaræ Principum rationem a Rege Franciæ habitum iri, oblatam clementiam respuit ; atque in Poloniam, nunquam in patriam rediturus, fugit.

Karolus erga
Regem suum.

Karolus autem, traditis, quæ suæ potestatis erant, munitis arcibus copiisque, omni studio contendit, ut plures pluresque ad Regis obsequium adduceret : tempus adesse, aiebat, quo amnestiam amplexi, vitam & libertatem sibi, patriæ tranquillitatem obtineant. Eadem ad Cassovienses perscripsit, evicitque, ut urbem permunitam dederent.

Cassoviam
eidem tradit.

Copis iura-
mentum
præit.

Tum vero inclinatis ad pacem omnibus, idem Karolus fidelitatis Sacramentum præit, subsequente exercitu, velut in aciem composito ; signiferos longa serie vexilla demittere, tympana in unum locum jubet conjicere. Quibus per Germanos dimachas sublati, Palfyo pacis authori grates dicit, gratulaturque : hic vicissim tanti operis confecti laudem in Karolium refert : qui hymnum Ambrosianum concini jussit. Ex 149 signis nonnulla Viennam transmissa.

In toto hoc negotio singulari Palfyus usus est prudentia, dum sollicite cavit, ne quid de morte Josephi Cæsaris ad Ragozianos ex-Palfyus mens ferretur, totum alicuique negotium fortassis abrupturos. Vientem Cæsarem nam autem perscripsit, inter Austriaca prodigia referendum, quod etiam habuit ea mors ipsos adeo duodecim dies celata fuerit, Karolyo amice excusavit Palfyus, quod elinguem Cæsarem per aliquot dies loquentem fecerit.

Pacificationis autem hæc erant capita.

1. Ragozio, si tres intra hebdomades, exauctorato milite, urbium arciumque præsidia dimiserit, libertas, dignitas, fortunæ redduntur.

2. In arcibus suæ ditionis Regium Regiis sumptibus præsidium habeto: vel in Poloniam, salvo tamen Vasalli officio, demigrato. Filii restituuntur.

3. Eadem gratia fruuntur Magnates, Prælati, majoris ordinis milites, qui in regno degunt. Arma autem bona fide ponunt.

4. Gregarii eadem amnestia comprehenduntur. Ad penates & agriculturam reversi, nec vi ad militiam trahuntur.

5. Cæterarum Nationum militibus, Gallis, Italis, Polonis liber ad suos redditus conceditur, transfugis exceptis, ad sua rursus signa traducendis.

6. Religiones, leges, immunitates, immotæ sunt.

7. Controversiæ in Comitibus ad regni leges judicantur.

8. Mortuorum pupillis & viduis bona, nisi alienata jam fuerint, Regis clementia redduntur. De alienatis ad Comitibus refertur.

9. Dignitates autem ac munia ne inter bona censentur: atque de his aulæ iudicium esto.

10. Hungari ac Transylvani captivi liberi sunt.

11. Horum approbatio quamprimum ab aula procurator, & promulgator.

12. Si quis alterum ob partes in hoc bello susceptas verbis aut factis lacegat, severe plectitur.

13. Transylvania huic pacificationi inclusa esto.

14. Ut experiantur Ordines, Regiam Clementiam fatali hoc bello nihil erga se imminutam esse, si quid ad incolumitatem suam pertinere existimaverint, libere in Comitibus flagitante.

His pactis ab Hungaris & Transylvanis agminum Ductoribus
1 Maji 1711 singillatim fuit subscriptum: atque universim facile
octodecim millia Regi, patriæ, sibi, fuerunt reddita.

Manipulus
grassatorum
compescitur.

Supererat prædandi dulcedine retenta legio 800 capitum, e
Sveris, Polonis, Russis, Turcis, perfugisque Germanis scelerata
factionis colluvies. In quos missus Actonus, in fugam actos di-
pavit. Ad Comitatum autem capita mandata circummisit Palfyus,
ut vagos grassatorum manipulos, antequam mora augeantur, intra
sylvarum latibula omni diligentia persequantur, deprehensosque
supplicio tollant.

Munimenta
Ragozi. qui
in Galliam
fugit, de-
duntur.

Pacato jam reliquo regno, duo adhuc munimenta Ragoziano
præsidio tenebantur, *Unguarinum*, & *Munkisinum*: illud admotis copiis
Palfyo, hoc Löffelholzio se dedit. *Berezenius* vero, totius sedi-
tionis auctor & moderator, cum Antonio Esterhasio, aliisque non-
nullis Nobilibus, exilium patriæ, a se combustæ, prætulit.

Palfyus vero ad reparandas ruinas omni studio incubuit. Mi-
nores arces, prædonum, qui nunquam defuturi essent, asyla, di-
rui voluit: Zolnokinum vero, Tibisci frænum, & cum Transylva-
nia nexum, prout & Tokainum ac Zattmarinum, ejusdem Transyl-
vaniæ janua, fortius communiri.

Fides & con-
stantia Hun-
garorum.

Atque hic tandem perniciosissimi fuit belli civilis finis, miseri
semper, & præ aliis bellis calamitosi: hæc illa pax, in hanc usque
diem per quadraginta & ultra annos ab Inclita & Generosa Natione
Hungarica sanctissime observata. Quin, mutatis etiam rebus, con-
stanti fide periclitanti Austriæ valido fuit præsidio, versoque in amo-
rem odio, pristinam seditionum labem, quæ tamen nullatenus fuit
omnium, dudum absterfit.

§. 4.

Carolus VI Rex. Bellum Turcicum. Victoria Petrovardina.
Temesia expugnata. Belgradum oppugnatum, & post
victoriam expugnatum. Eugenii gloria.

187.
Carolus VI
coronatus
Rex.

Anno 1712 post initam pacem in Regni Comitibus, Pofonii ha-
bitis, Carolus VI Imperator, magna cum solennitate coronatus est
Rex Hungaria. Corona S. Stephani, quæ belli tempore Viennæ
fuerat asservata, Hungaris fuit reddita, ac novo Regi imposita.

Con

Consecratoris munus obiit Cardinalis Saxo-Zeizius, Archiepiscopus Strigoniensis, Hungariæ Primas, assistentibus Zackio, Erdödio, Collonitio, Episcopis, Paulo Esterhasio Palatino Hungariæ; Joanne Palfy, Vicario Croatiæ, multisque aliis Regni Proceribus. Ragozium vero in Galliam exulatum abiit.

Sequenti anno Esterhasio defuncto Palatinus Hungariæ suffectus est *Nicolaus Palfy*. Obiit quoque Michael Abassius, stirpis sue ultimus, jam dudum Viennam translatus; Transylvaniam vero Cæsar per Vicarios suos gubernavit, & munimenta, novis exstructis propugnaculis & castellis, reparavit, præsertim Albam Juliam (Weissenburgum) cui arcem adjecit, *Carolo-burgum* appellatam.

Nicol. Palfy
Palatinus.

Abassius
obiit Viennæ.

Jam anno 1714 Turcæ sub Achmete III Venetis bellum denuntiaverant, eo quæsito prætextu, quod jam ab anno 1699 Peloponesum, sive *Moream* injuste possiderent, Dalmatarum seditionem fovissent, nihilque occasionis prætermiserint, quo Turcarum navigationes & commercia turbare possent.

Prætextus
belli Turcici.

Anno 1715 una expeditione totam Peloponnesum sub jugum miserunt, plus octoginta Christianorum millibus in barbaram servitutem abstractis. Non adeo felix fuit eorum in Dalmatiam expeditio, Singo strenue resistente.

Morea emissæ.

Succumbendum tamen haud dubie fuisset Venetis immani Musmannorum apparatui, quem terra marique instruxerant, nisi Imperator venisset auxilio. Is etenim, intercedente pro Venetis, imo pro tota Italia, quæ discrimini erat exposita, Clemente XI summo Pontifice, bellum Turcis denuntiavit, isto cum Venetis fœdere.

Cæsar optulatur.

Turcæ instituta solenni, multorumque millium frequentia celebrata, Meccam ad sepulchrum Mahometis peregrinatione, faustum armorum successum sunt precati: atque sub *Ali Bassa* Vizirio, Su tani genero, cum ducentis armatorum millibus Albam Græcam (*Belgradum*) usque fante progressi. Eugenius Princeps exercitum, plusquam dimidia parte-minorem, opposuit, multa millia in capite suo circumferens.

Quinta Augusti anno 1716 ad *Petrovaradinum*, commisso cruento prælio, Christianus exercitus insigni victoria est potitus, cæsis in Petrovaradinæ acie triginta, ut fertur, Turcarum millibus, quinque vero millibus in fuga trucidatis. Inter cæsos fuit ipse Vizirius cum Bassis quindecim: inter captivos vero 56 Bassæ, cum 485 inferiorum belli officialium. Ex Cæsareis quatuor millia aut cæsa aut vulnerata numerabantur, atque inter illos Breunerus, Gehlenus, & Wallensteinus tribuni. Præda varii generis prorsus ingens fuit relata.

Eugenii ad
victoria.

Eugenius, Muselmannis terrore perculsis, tanta victoria utendum ratus, victorem exercitum *Timeofarino*, urbi amplæ & permunitæ, applicuit, quam Turcæ anno 1552 Christianis ereptam, 164 jam annos possederant.

Temessiam
expugnat.

Commodum accidit, ut circumjectum urbi solum, quod paludibus frequens pluvia tempestate accessum negasset, sudo constanter cælo esset exsiccatum. Unde oppugnatio ex ordine & regulis rei militaris adornari poterat. 2 Sept. viæ obsidionales sunt apertæ. 1 Oct. Palanka Suburbium impetu captum, 12 Oct. urbs ipsa gratiæ Imperatoris se permisit. Tentabant quidem Turcæ & Tartari obsidionem solvere, sed a Steinvilio Lotharingo, Transylvaniae Gubernatore fortiter repulsi sunt. Atque hoc pacto Cæsar adeptus est permunitam adversus Turcas urbem cum regione, 650 pagos complectente. Alexander autem Dux Wirtembergiæ factus est Temesvarini Gubernator.

Belgradum
obsidet.

Anno 1717 cum Cæsar Eugenium in Hungariam mitteret, hortatus est, ut cujusdam periculis Ducis in bello directionem sequeretur, miranti Christi in crucem affixi effigiem porrexit, cujus ductu militaret. Et sane secutus est. Nam primo Turcas Danubio submovit. Tum ponte navali transmissio flumine 18 Julii obsidionem Belgradi cæpit, eamque per mensem est prosecutus, præsentibus 35 Principibus, aliisque Nobilibus innumeris, sub tanto Doctore artem militarem discere cupientibus. Illos inter eminebant duo Duces Bavariae, Emmanuel Princeps Portugalliae, Alexander Dux Wirtembergiæ &c.

28 Julii imminebat hostilis exercitus, obsidionem soluturus, valloque se muniit. Res plena videbatur periculi. Christianæ copiae stabant mediæ inter inhumanem Turcarum exercitum, & urbem, triginta armatorum millibus ferocem.

Victoria ad
Belgradum.

Tandem vero, postquam utraque acies hoc situ 14 diebus perstitit, Eugenius heroico prorsus facinore, simul & oppugnationem est prosecutus, & 16 Aug. 40000 millibus, hostium, qui 200000 superabant, castra munita est adortus; Palfyo dextrum, Alexandro Wirtembergico lævum cornu ducente; tantaque fortitudine pugnatum, ut quinque horarum spatio parta sit ingens victoria.

Fugientes, quæ cuique patebat via, nostri, summopere lassati, non sunt persecuti; nisi quod *Esterbasius* cum Hussarorum manipulo *Orsovam*, a fugientibus desertam, occupavit. *Viardus* vero Dux Cæsareus

sareus in Transylvaniam fuga evadere tentantes, ita exceperit, ut plura eorum millia caderent.

Altero a pugna die (17 Aug.) Alba Græca, postquam ignis paulo ante præcipuam pulveris officinam, cum plurimum millium ja-^{Quod se de-} dedit. Æura, in altum vibraverat, nullaue solvendæ obsidionis spes esset, candidum vexillum extulit, atque pacisci petiit. Eugenius retento in urbe apparatu bellico, sua victis permisit. Viginti vi-
rorum millia excefferunt, decem millia, quia ultro volebant, re-
tenta sunt.

Ex nostris cecidere *Heister*, 18 vulneribus conspicuus, ^{Heister caesit.}
Lobkovitius, *Haubenus*, *Dahlbergius*, *Regalus*, *Bredæ* Guber-
nator.

Gemina immani clade attriti Turcæ, geminisque Hungariæ cla-
vibus privati, pacem petierunt. Difficillimum accidit Cæsari, e me-
diis avelli victoriis, planumque ad Turcam Europa submovendum
iter, a Christianis impediri. Quia tamen Alberonius in Mediter-
raneo turbabat, & Angli Hollandique pacem vehementer urgebant,
seque illius Sequestros & Mediatore interponebant, *Passarovici*,
Servici oppido, pax coaluit in sequentes 20 articulos, ex formula
potissimum, *uti possidetis*.

§. 5.

Pax Passarovicensis.

I. Aluta fluvius ex parte Poloniæ, Transylvaniæ, Moldaviæ,
& Valachia: limes & terminus esto.

II. Infra Danubium vero fluvius Timockus in Servia.

III. A Drina ad Unnam Savus ad Cæsarem pertineat.

IV. Ad Unnam retinet Turca vetus Novium.

V. Novum vero Novium ad Christianos pertineat.

VI. In Croatia fines maneant, prout in pace Carlovicensi
sunt fixi.

VII. Determinatio limitum quantocius per Commissarios fiat.

VIII. Nec deinceps violentur.

IX. Unde in finibus constituentur perpetui Commissarii, qui
lites illico componant.

X. Et

X. Et transgressores pacis puniantur.

XI. Christiani in Turcia ne premantur: sed omni protectione fruantur.

XII. Captivi commutentur & redimantur.

XIII. Commercium sit liberum, atque de eo tractatus ineatur. Prædonibus nulla receptacula concedantur.

XIV. Omnes rebelles puniantur.

XV. Ragozi, Bereceni, Esterhafi, Forgatsch, Vay, & Czacki, aliique renitentes ac fugitivi, poterunt quidem in Turcia subsistere, non tamen in finibus utriusque Imperii.

XVI. Polonia sit huic paci inclusa.

XVII. Legati utrinque mittantur.

XVIII. Qui secundum dignitatem tractentur.

XIX. Fiat ratificatio intra 30 dies.

XX. Hæ Induciæ 24 annis subsistant: & interea extendi possint.

Hanc pacem nomine Cæsaris inierunt *Virmondus Comes*, & *Talmannus*, Consiliarius Aulicus: nomine Sultani Ibrahim Aga, & Mehemet Aga, Cameræ Præsides. Mediatorum officio fungebantur, Suttonus nomine Angliæ, & Colyerus Hollandiæ nomine. (anno 1718.)

Pacis cum
meda.

Multo quidem hæc pax, gemina expeditione procurata, sanguine stetit, non parum tamen terræ, præter binamaximi momenti munimenta, firmissima Hungariæ & Transylvaniæ claustra, eorumque districtus, Cæsari adjectum est. Quippe illius territorium ad 70 in Longitudine, 30 in Latitudine, & in toto ambitu ad 180 milliaria Hungarica protensum dicitur, ditione Cæsarea late in Valachiam excurrente & Serviam.

Pax cum
Venetis.

Veneti, qui post amissam Moream, non satis provisam, conducto, ex Germania præsertim, valido exercitu, cui Schulenburgium præferant, instructaque classe terra marique rem strenue gesserant, atque Corecyram contra Turcarum invasionem fortiter defenderant, & ipsi Ruzzinum Passlarovicium ad pacem faciendam Legatum miserunt; quem tamen Turcæ initio admittere detrahebant, cum solis Venetis bellum prosequi cupientes. At vero cum Cæsar aut nullam, aut universalem cum omnibus Christianis pacem ineundam diceret, etiam cum illis ad 24 annos factæ sunt induciæ.

Præter

Præter aliquot loca in Dalmatia & Albania munimentumque Ifmachium Venetis cessa, Insulamque Cerigo restitutam, tria munimenta, Butrintus, Prevesa, & Voinissa, Turcis hoc bello erepta, Venetis fuerunt relicta, sed Morea, celebre olim Spartano-
rum regnum, fuit perditæ.

Demum subjunctus est commerciorum Tractatus inter Cæsareos & Turcas, quo stipulati sunt, ut navigatio per flumina & maria sit libera, ita, ut naves, Cæsareis vexillis distinctæ, portibus Turcicis secure recipiantur. A mercatoribus invehentibus & evehentibus merces non plus exigatur, quam tria pro centum: nec Turcici Ministri ulla munera exigant, nec ullo modo commercia turberent. In præcipuis emporiis constituantur Consules. Propter damna, a Melitensibus Turcæ illata aut inferenda, nulla vindicta, aut *Repressalia* exerceantur contra Cæsareos. Peregrinantes ad loca sacra nulla afficiantur molestia.

Tractatus
commer-
cialis.

His ita compositis non parum temporis impensum est determinandis utriusque nationis limitibus, figendisque terminis. Comes autem Virmondus destinatus est Constantinopolim Legatus Cæsaris. Ragozio ad Pontum Euxinum sedes assignata.

§. 6.

*Religionis dissidia. Novus Episcopatus, Senatus, & leges,
Franciscus Dux Lotbaringæ Prorex Hungariæ,
Coloniæ in Hungaria.*

Anno 1719 bello Turcico finito, recruduerunt non levia de Religione in Hungaria certamina, Protestantibus variis querelis aures Cæsaris pulsantibus. Constituti propterea Budæ 24 Judices, qui secundum leges Hungaricas pronuntiarent. 12 ex eis erant Catholici, totidemque Protestantes. Verum tanta erat dissensio, ut anno sequenti hæc commissio absque fructu fuerit soluta.

129.
Religionis
dissidia.

Alexander Dux Wirtembergiæ renuntlatus fuit a Cæsare Gubernator Serviæ & Albæ Græcæ. Budæ vero Gubernator Löffelholz successit Daunius; Steinvillio Gubernator Transylvaniæ Virmondus: qui anno sequenti Königseckio locum fecit: Mercius vero Gubernator Temesvarinus est designatus. Ut autem Transylvanis & Valachis, qui in ditionem Cæsaris concesserant, melius esset provium, novum Episcopatum pro illis erigi curavit. Domui vero

Novus Epi-
scopatus pro
novis terris
conquisitis.

Pars X.

F f f f

sua

suæ prospexit, dum Sanctionem Pragmaticam de futura successione in Comitibus Poseniensibus promulgavit anno 1721.

Peculiaris
Senatus
Hungaricus.

Coloniz.

Anno sequente Buda ferme tota in cineres abiit, 700 hominibus disrupa turri pulveraria obrutis. Obiit etiam Collonitschius, Archiepiscopi Viennensis nepos, ultimus Illustrissimæ hujus Familiæ de statu sæculari. Plures vero Austriaci Nobiles in Status Hungariæ fuerunt assumpti. Peculiarem autem anno 1724 Senatum, ex solis Hungaricis Proceribus constitutum, Cæsar erexit, eique Nicolaum Palfy, Regni Palatinum, Præsidentem dedit. Utque fertile solum Pannonicum plures cultores haberet, plures ex Germania Coloniz eo deduxit, maxime in agrum Temesvarinum. Munitæ insuper Alba Græca seu Belgradum, & Orsova.

Anno 1725 mortuo Cardinali Saxonico, Archiepiscopo Strigoniensi ac Regni Primati successit Emericus Esterhâsius, in Jaurinensi vero Episcopatu Sinzendorffius, Cancellarii Aulici filius.

Anno 1728 quasdam urbes & oppida Hungariæ Archiducatus Austriæ unire conabatur Imperator, Belgradum cum districtu Regno Hungariæ paratus adjungere. Sed Hungari, detrimentum coronæ afferri credentes, tantopere se opponebant, ut Cæsar a proposito desistendum putaverit. Mongazium autem Lothario Comiti Schönbornio Elefctori Moguntino, Surzinum & Surduckum ejusdem Nepoti Friderico, S. R. I. Procancellario, donavit.

Anno 1729 Rex statuit, ut bona *Rusticalia*, ab Ecclesiasticis aut Nobilibus empta, contributioni sint obnoxia, sicut antea fuerant. In futurum autem legem *Amortizationis* tulit; jussitque, ut utrique de jure suo in subditos authenticis documentis edoceant, salvis cæteroquin privilegiis. Transylvani hæc onera 50000 florenis redemerunt. Ubi illis simul promissum dicitur, Principatum Transylvaniæ nunquam Hungariæ incorporatum iri.

Anno 1730 Imperator plura in Slavonia bona attribuit militibus bene meritis. Obiit Valachiæ Princeps (*Hospodar*) Maurocordatus, Græcæ religionis, Sultano vestigalis.

Dux Loth.
Protex
Hung.

Anno 1732 *Franciscus* Dux Lotharingiæ a Cæsare renuntiatus est Prorex Hungariæ, atque cum magna gentis lætitia exceptus, munimenta visitavit. Cum Protestantes se vellent extendere, novasque Ecclesias erigere, remissi sunt ad Decreta Comitiorum, quibus limites ipsis fuerant positi.

Anno 1733 obiit Comes Draskovicus, *Bannus*, seu Præfex Croatiae, Dalmatiæ, & Slavoniæ, cui successit Princeps Josephus Ester-

Esterhásius, supremus Excubiarum Præfectus Cæsareus: Comes vero Bathiani supremus Aulæ Præfectus est renunciatus.

Anno 1734 habita Comitia Pofonii in Hungaria, & Hermanftadii seu Cibinii in Tranſylvania; in quibus decreta Imperatori pecunia pro bello Polonico. Plures hoc anno ex Austria in Tranſylvaniam emigrarunt. Proteſtantes
turbant. Proteſtantes autem in regno, multis ſeſterminis reſtringi paſſi, ingeminabant frivolas ſuas querimonias. Delegati ad cauſam hanc examinandam Cardinales Kolloniſchius & Sinzendorffius, cum P. Tönnemanno Cæſaris conſeſſario, aliisque etiam ſæcularibus viris.

Anno 1735 Ordines Hungariæ Regi præbuere 640000 florenos cum frumento, ſubſidium, ut vocant, *Charitativum* pro bello Gallico. Cæſar autem eis conceſſit, ut in quinquennium fructus ſuos & pecora libere educere valeant.

Quia Cardinalis Cienfuegos Archiepiſcopatum Montis Regalis in Sicilia, & Card. Althan Barenſem in Neapolitano regno amiſerat, datus eſt illi Episcopatus Quinque Eccleſiarum, huic vero Weizenus in Hungaria.

Conglobarunt ſe 800 prædones, quos ad Aradum obvallatos aggreſſus Traunius prope delevit. Superſtites carnicifici ſunt traditi.

§. 7.

*Bellum Turcicum ob Moſcos ceptum, & minus feliciter
geſtum, ſub Seckendorffio & Walliſio. Strages ad
Kroſkam. Turca ad Belgradum.*

Cum Cæſar pacem Turcas inter & Moſcos in *Niemerovenſi* congreſſu fruſtra conatus eſſet reducere, Ottomanno Aſoffium & Oza-
covium repente, omnemque ob damna, a Tartaris illata, ſatisfa-
ctionem recuſante, Imperator officii ſui eſſe putabat, amicam & fo-
deratam ſibi Ruſſiam potenti auxilio ſuſtentare. 1790.
Bellum
Turcicum
ob Moſcos
ceptum.

Quapropter anno 1737 grandem Cæſar exercitum in Hungariam miſit, cui Fridericum Henricum Comitem *Seckendorffium*, Lutheranae A Secken-
profeſſionis hominem præfecit: qui exercitum, contra, ac Magnus dorſſio male
Eugenius facere conſueverat, multas ſimul vulpes capturus, in geſtum.
multas partes diviſit. Principem Saxo-Hildburghuſium in Boſniam
cum parte exercitus miſit, ubi ad *Bagnalucam*, quam obſidebat, con-
ſerto

ferto prælio, magnam passus cladem, eiectus est, Raina chio cum suis abscisso & caeso.

Wallisius in Transylvaniam missus, ut inde in Valachiam Turcicam irrumperet: sed a Turcis caesus & retrusus est. Kevenhüllerus secundum Danubium procedere iussus, cum sex legionibus & mille Hussaris, ad Widdinum occupandum, redire compulsus, ad Timocum velut in casses hostium incidit, fuissetque ad internecionem caesus, nisi sua & militis sui virtute viam fugæ perfregisset, graviter de Seckendorffio, succurrere negligente, questus.

Pfefferkornius ad Kossavam caesus. Esterhásio cum 33 cohortibus & 20 turmis ad Unnam in Croatia iussu consistere, defuit agendi occasio. Pallavicinus cum classe octo bellicarum & 5 triremium Danubium obtinere iussus impar classi Turcicæ, duas bellicas amisit.

Seckendorffius autem, belli Imperator, cum robore exercitus in Servia substitit. Occupata Nissa, præsidio destituta, sed iterum amissa, Tribuno *Doxat* urbis Præfecto Belgradum ob deditionem præcipitem in questionem tracto. Suscepta Zwornickæ oppugnatione, sed soluta, oppugnantibus Belgradum sub tormentorum protectionem confugientibus. Ut adeo Seckendorffius tota hac expeditione multa fecerit, nihil perfecit, florentissimumque Christianum exercitum misere attriverit, cum quo Eugenius Thraciam occupasset.

Quapropter Viennæ, negato Cæsaris alloquio, in custodiam ductus est. Vitio maxime datum, quod exercitum, in multas partes dissectum, variis itineribus otiose, imo ad perniciem, circumductum perdiderit, creditumque, quod si, munimentis limitaneis iusto præsidio firmatis, secundum Danubium unitis viribus processisset, insignem Christiani nominis hostibus plagam fuisset illaturus. Hoc certum, Montecuculos, Carolos Lotharingos, Ludovicos Badenses, Heisteros, Eugenios Sabaudos, summos belli Imperares, per gesta Seckendorffii non parum fuisse laudatos.

Præcipitatis superiore anno rebus, difficile fuit anno 1738 ruentem imperum sistere. Exercitus priori non erat comparandus; crevit hostibus animus, decrevit nostris, plures opportunæ occasiones amissæ. Ardua proin Comiti *Königseckio* demandata est provincia, dum successor Seckendorffii est renuntiatus.

Turcæ jam ineunte Martio ad expeditionem accincti, 24 Martii Uzizam, castrum arduæ rupi impositum, expugnarunt, dein vero Novam Orsovam, quam in Danubii Insula ab anno 1729 Christia-

ni

Datus pro-
pterea in
custodiam.

Königseckius
belli Impe-
rator.

ni constructam gemina arce egregie firmaverant, tum munitum transitum Meadiæ, & Semendriam, Christianis ultra Savum Semlinum propulsis.

Königseckius 28 Maji in castra ad Belgradum venit, promotis quo Grotskam, Caransebes, Zlatinam castris, 4 Junii ad Corniam sunt locata, ubi Ottomannorum turma fuit caesa. Meadia a nostris recepta, sed mox rursus post infelicem dimicationem amissa. Ratskæ, transitus ad Savum, obsidium Hildburgshufius, abactis Turcis, solvit. Quibus gestis in hyberna concessum.

Orsova præsertim jactura Christianis acerba accidit. Ad ejus nuntium Kornbergius, urbis illius Præfectus, licet 83 diebus eandem defendisset, Belgradi jussus est custodiri, Vienna existimante, Orsovam per se ipsam & duabus arcibus tantopere munitam, absque vitio non potuisse expugnari. Sed Kornbergius, dum defensionem sui paravit, in custodia morbo extinctus est.

Fatum acerbius fuit Tribuni Doox, qui ob deditam præpro-
pere, ut dicebatur, Nissam, Belgradi carnificis manu cecidit. Fuit
Calvinista ex ditione Bernensi, 38 annis Architectus militaris.

Anno 1739 ut singulis annis, quo noxium nihil magis ad bō-
num publicum esse potest, novus belli Imperator, renuntiatus est
Olivierius Wallisus Marefchallus, qui tandem res jam inclinatas ad
Groskam omnino præcipitavit, dum Christianum exercitum per sal-
tus & angusta viarum in locum insidiarum, velut in pedicas & cas-
ses duxit.

Cum enim non dubitaret, Belgradum esse Turcarum scopum, illis
obviam procedendum censuit, & ad Kroskam opportunum locum oc-
cupandum; præcessit igitur cum equitatu, Hildburgshufio cum peditatu
subsequi jussu. Consilii hujus consilii Turcæ, præoccuparunt opportu-
na ad nocendum loca, atque copias & tormenta ita disposuerunt, ut in
subeuntem equitatum Christianum stygia velut peste fulminarent,
antequam in aciem se posset disponere. Hinc strages potius, quam
pugna ordinata fuit, eo pluribus cæsis, quo plures per angustias pe-
netrabant. Venit quidem Neupergius cum 13000 suppetiis, sed
adeo omnia confusa invenit, ut desperata victoria, attritæ copię
Belgradum, qua via cuique patebat, se fuga reciperent: cumque
nec ibi se tutas satis crederent, transmissio Danubio, in Bannatum
Temeswariensem immigrarunt, atque ad leve immanis jacturæ sola-
tium 15000 Turcarum ibidem oppressa victaque in fugam Vipalan-
ckam usque propulerunt.

F f f f 3

22 Julii

22 Julii fuit, qua infelix laniena Kroskana patrata est, equitatu nobilissimo tormentis potissimum aliaque igniaria grandine prostrato. Circa numerum caesorum, ut fieri consuevit, varius omnino erat computus, aliis in immensum illum augmentibus, aliis forte plus iusto minuentibus. Hoc certum, quod nimium magnus fuerit, & cum ingenti rei Christianae detrimento conjunctus.

Nam Magnus Vezirius *Mahmet Pasha*, tantae victoriae fructus lecturus, ad Belgradum, firmissimum adversus Ottomanicam potentiam aggerem, illico exercitum admovit, eamque tota vi oppugnare cepit. Quamvis autem Succovius strenue eandem propugnaret, quia tamen Christianae copiae magis erant accisae, quam ut obsidionem possent solvere, Caesar Neubergio potestatem fecit, conciliatore Villenovano, Galliae Legato, pacem ineundi. Is igitur in castra Turcica ad Belgradum progressus 18 Aug. in probrosum tractatum praecipis ruebat.

§. 8.

Praeliminaria Pacis Belgradensis.

1791.

1. Belgradum & Sabazum traduntur Turcis, cum iure tamen novas munitiones, a Caesare constructas, demolendi.
2. Caesareis fas sit, rem armamentariam, cibariam, aliaque bona mobilia, cum omnibus navibus in Danubio & Savo avehere.
3. Tota Servia ceditur Turcis. Bosnia ad fines pacis Carolo-vidensis reducitur. Danubius & Savus fines determinent.
4. Valachia Austriaca ceditur Turcis.
5. Prout etiam Orsova cum Insula. Caesar vero retinet Bannatum Temmeswarinum, cum diruta Meadia.
6. Post quintum a subscriptione Praelimumarium istorum diem inchoetur demolitio novarum Belgradi munitionum & operum, relictis interea obsidibus in castris Turcicis. Quamprimum autem ea demolitio ad portam Wurtembergicam facta fuerit, 500 Turcae eam portam occupabunt, & per aggerem a reliquis partibus maneant separati, donec demolitio sit absoluta.
7. Hostilitas cesset a die subscriptionis: omnibusque incolis amnestia promittitur. Decem post diebus fiat initium Tractatui pacis Definitivo. Et post ratificationem Praelimumarium sub eadem mediatione Legati Gallici inchoetur pacificatio cum Russia.

Sicut

Sicut autem subscriptio horum Præliminarium 1 Sept. a Neupergio facta, sic Tractatus etiam Definitivus ita præcipitabatur, ut Instrumentum pacis jam esset confectum signatumque, antequam Dalmannus cum nova instructione & ratihabitione Præliminarium advenire posset. Constabat autem hoc pacis Instrumentum 23 articulis, quorum epitomen subjungo.

§ 9.

Pax Belgradensis. Crises de illa.

Primi VI articuli continent id, quod in Præliminaribus conventum est.

VII. Tractat de navigatione & piscatione in Danubio & Savo.

VIII. De venia danda subditis, qui durante bello alterutri parti adhæserunt.

IX. De captivis soluto lytro redimendis.

X. De libertate commerciorum.

XI Sultanus Algerianis, Tunetanis, Tripolitanis, & Dulcignotis prædationes prohibeat.

XII. Agit de teloniis, & quantum pro mercibus solvendum.

XIII. Intra mensem commissarii fines determinent.

XIV. Termini autem fixi maneant immoti.

XV. Si lis inde oriatur, Commissarii eandem ocus componant.

XVI. Omnis hostilis irruptio prohibetur.

XVII. Si bellum oriretur, possint subditi cum bonis suis se subtrahere.

XVIII. Rebellibus non præbeatur asyllum.

XIX. Czackius tamen potest remanere in Turcia, non tamen in locis limitaneis.

XX. Quomodo Legati utrinque recipiendi.

XXI. Ratificationes intra 30 dies commutandas.

XXII. Pax 27 annos duret.

XXIII.

XXIII. Etiam Tartarorum Princeps & omnes Tartarorum nationes hanc pacem servant. Secus graviter puniendi.

Actum ad Belgradum sub tentoriis
18 Sept. 1739.

Adjuncta sunt alia duo puncta: 1. hanc pacem non ob stare foederi cum Russis, utpote quod esset perpetuum 2. Cum Schmettavius pronuntiaret, ad demolitionem novarum Belgradi munitio- num 6 menses requiri, conventum est, ut intra 45 dies dimidia urbs Turcis dederetur, ea tamen lege, ne demolitio impediatur.

Pax depro-
perata,

Displicet
Caesari.

Paradoxa cum hac pace, ita praecipitata, orbis Christianus non fuit contentus, minime vero Caesar, quia per illam uno istu abscissa sunt, quae Princeps Eugenius anno 1717 Christianis terris adjecit. Quare Caesar per Legatos suos in Aulis Europaeis, quan- tum sibi displiceret, significavit, de negotio deproperato conque- stus; quippe jam ante ratificationem suam, ad valorem roburque totius pacificationis necessariam, exemplo inaudito, coeptam Belgradi demolitionem; cum igitur res non amplius esset integra, coa- ctum se permittere, quod emendari amplius non poterat.

In epistola maxime, propria manu ad Russiae Imperatricem scripta, dolorem suum testatus, multa, inquebat, se in vita sua passum aspera, sed nunquam tanta correptum animi agritudine: id unum in tanta calamitate sibi esse solatio, quod nullam in iis, quae tristitia acciderant, partem habuerit.

Quid culpae
datum Wal-
lisio.

Varius tunc sermo per omnes pagellas volabat. Plerique culpam in Wallisium, Neupergium, & Villanovanum rejicie- bant: in primum quidem, quod contra regulas militares non explorata hostium statione situque, copias per fauces in locum insidiarum improvide deductum, cladi objecerit, qua jam equi- tatus affectus fuisset, antequam peditatus e viarum praeruptis an- gustiisque eluctari poterat: quod lentus & imprudens ubique ho- stem praev venire & stationem opportunam capere passus sit: quod denique in suis Viennam datis epistolis scripserit, Belgradum im- par esse ulteriori defensionis, litteras vero Succovii, contrarium scribentis, suppresserit. Privatus propterea militari Imperio, & Arresto subiectus.

Neu-

Neupergio datum vitio, quod contra instructionem, a Cæsare acceptam, totum pacificationis negotium egerit, nec eo tempore, Quid Neupergio. quo in castris Turcarum fuit, ullam informationem Viennam misit. rit, atque, dissuadente conciliatore Legato Gallico, Belgradum obtulerit; mox dein jam 2 Sept. capta demolitione, ac porta una Turcis aperta, coegerit quodammodo Cæsarem, Præliminaria habere rata. Excusavit hæc acta Neupergius Vezirii minis, abrupturum se tractatum, nisi absque mora hæc fierent.

Alii altiori quadam auctoritate Neupergium hæc fecisse, sunt suspicati, quo fundamento nescio, nisi quod ex levitate pænæ & intentione occulta, prout linguæ hominum sunt audaces, id conjectari posse autumabant.

Sunt alii, qui prudenter a Neupergio actum dicunt; pacem enim fuisse necessariam: exercitum Cæsareum strage Kroskana morbisque adeo fuisse attritum accisumque, ut nec solvere obsidionem, nec hosti, in Hungariam irrupturo, potuisset resistere: Russos, propter quos cum Turcis pax esset fracta, tum venatorio cum Tartaris bello fuisse distentos, tum ad unam vel alteram Moldaviæ urbem lentos hæsisse. Fuisse proin prudentis hosti victori potius cedere, quam integram Pannoniam in discrimen adducere.

Crisis de pace.

Alii illud insuper observant, quod si ex eventu metienda essent consilia, factum provide. Si enim in annum sequentem, quo mortuus est Imperator, productum fuisset bellum Turcicum, in tanto Europæ motu magnum Domum Austriacam orbemque Christianum omnem fuisse damnum incursum.

Cæterum Turcæ non modicam offerebant pecuniæ summam, ut munimenta Belgradi relinquerentur ipsis integra; sed tenori pacificationis standum erat, silebique iure suo usi Christiani, iis manibus præclaras munitiones disjecere, quibus easdem ingenti labore sumptuque, ex bonis Ecclesiasticis potissimam partem desumpto, construxerant. Quatuor omnino menses triste hoc laboriosumque demolitionis solatium absumperat, cum finiente anno 1739 nostri emigrantes, infidelibus locum cessere. Stabat tamen adhuc arx, Cæsareo custodita presidio, donec per legatos facta fuisset mutua pactorum commutatio; interim vero Vezirius quinque nobiles, Grossum, Salmensem, Guicciardum, Wallisum, Herbortum, cum obsides secum Cpolin abduxit; ubi omnes Christiani captivi dimissi sunt liberi. Secuta est mox etiam pax Russica: quod suo loco dicitur.

Nova Belgradi munimenta diruta.

Pars X.

G g g g

Anno

Ulefeld
Cpolim.

Anno 1740 Legatus Cæsaris Cpolin abiit Comes Antonius Ulefeldius, cujus Majores ex Dania in Austriam domicilium transtulerant, eumque etiam post mortem Cæsaris Maria Theresia, quæ pacem Belgradensem ratam habuit, in hac dignitate confirmavit. A Sultano vero Orator Viennam missus Ali Bassa. Tum vero milites Christiani etiam arcem Belgradensem demoliti sunt, & rudera reliquerunt. Utinam conventum fuisset, ne possent amplius destruere.

Meadiam & Orfovam veterem, ad Bannatum Temeswarlensem pertinentes, Turcæ Cæsari restituerunt, sed prius dirutas. Orfovam vero Novam cum munitionibus, a Cæsare constructis, retinuerunt. Finibus quoque per Commissarios designatis, quinque obsides, large a Sultano donati, remissi sunt. Mariam Theresiam Hungari vi Sanctionis Pragmaticæ, dudum acceptatæ, post mortem Patris mox Reginam suam salutarunt,

§. 10.

Hungariæ Comitia. Postulata. Maria Theresia Pofonii coronatur. Nuntiata irruptione in Austriam, decernitur insurrectio. Movent in hostem.

1793.
Regni Co-
mitia.

Anno 1741 habita sunt Pofonii Regni Comitia, prius a Regi-na indicta. 18 Maji frequentes in curia aderant 4 Regni Status, Prælati videlicet, Regni Barones, Status Equestres, & Deputati liberorum Ordinum. Vices Ducis Lotharingæ, Hungariæ Palatini absentis, obiit Joannes Palfy de Erdædi. 34 Viennam deputati, qui Reginam ad comitia & coronationem invitarent. Caput hujus Legationis Comes Erdædi Episcopus Erlaviensis capita obtulit, quæ sibi concedi Status petebant. Acceptavit Regina, & Comiti Bathyano, Cancellario Hungariæ Aulico, discutienda tradidit. Hæc autem erant Ordinum Postulata.

Postulata
Ordinum.

1. Ut confirmatio jurium & privilegiorum regni inferatur Capitulationi Regiæ.
2. Ut civile regimen in Hungaria, Bannatu Temeswarino, Sclavonia, & Servia, non amplius sit subiectum militari.
3. Ut Regina nullum cum Turcis tractatum ineat, Statibus inficis, atque ut Hungari non secus ac Austriaci in Aula habeantur.

4. Solu-

4. Solutio copiarum non amplius per Commissarios Militares sed per Nacionales reguletur juxta ordinem anni 1722.

5. Erecta Viennæ Cancellaria Hungarica ex solis Hungaris constet; idemque circa Regni Ministeria observetur.

6. Ut Hungaris liceat suos fructus in Austriam & Styriam evehere, tertius nummus, pro peregrinis mercibus solvi hætenus solitus, abrogetur: atque ut Venetis in Hungaria boves emere liceat, sublato Monopolio.

7. Nobilitas ab omnibus oneribus sit libera: & quod a quolibet Comitatu præstandum est, sit proportionatum.

8. Dignitas Palatini juxta Decretum Regis Mathiæ de anno 1485 integre rursus restituatur.

9. Omnia Ecclesiarum Catholicarum Ministeria incolis conferantur: & ordinationes, in favorem Protestantium factæ, executioni mandentur.

Protestantes in Hungaria mittebant Viennam, qui pro libero religionis exercitio, & abrogatione gravaminum precarentur. Sed Regina per Cancellarium eis respondit, standum ordinationibus anni 1731, & 1736.

Posthæc Regina, comitante Serenissimo Coniuge, ejusque fratre Carolo 19 Junii Posonium iter suscepit, obviam eunte Colozensi Maria Theresia Episcopo cum 40 Deputatis a regni ordinibus, & spatio semihoræ resu-
reliquis Episcopis ac Prælati, cum Esterhasio, Banno Croatiae & Dalmatiæ, præcipuaque Nobilitate, usque ad pontem, qui Hungariam ab Austria dividit; ubi ab Esterhasio de Galantha, Archiepiscopo Strigoniensi, Hungariæ Primati, oratione excepta est, cui clementissime respondit.

Die sequenti Regina in arcis aula, ubi Ordines Regni erant congregati, comparuit, thronoque insidens, per Cancellarium suum Aulicum propositionem fecit, quam ipsa latino sermone facunde est prosecuta, non tam Reginam quam Matrem se exhibituram pollicita, discussisque postulatis gravamina ablaturam.

Eloquenti huic orationi respondit Primas, gratisque actis, nomine Statuum, indissolubilem fidem spondit. Tum vero Ordines, Regina co-
in curiam Regiam progressi, relegabant factam propositionem, at-
que ex arcis turri sacram coronam, sceptrum, sanctam crucem, cum ense S. Stephani ad Reginam detulerunt: electoque prius Joanne Palfy Regni Palatino, coronatio a Strigoniensi Archiepiscopo

po Primatē suscepta est in templo S. Martini, cum maxima solennitate, consuetisque ceremoniis, quas longum foret enarrare.

Postulato-
rum confir-
matio differ-
tur.

Post absolutam coronationem Status Reginæ consuetum donum obtulerunt, centum florenorum millia. Sed petierunt rursus sua Postulata confirmari, novaque alia addiderunt. Responsum, facturam Reginam, quæ sine coronæ & dignitatis suæ præjudicio fieri possint; nunc tamen res tanti momenti non posse omnes expediri: in proximis Comitibus hoc negotium posse absolvi. Proposita etiam quæstio de assumptione Conjugis in Con-Regentem: quæ initio pluribus displicuit. Sed postquam Regina diserte explicuit, nullum per hoc Regno afferri præjudicium; cum suprema & innata regia potestas nihilominus penes Reginam & Regnum resideat, Dux Lotharingiæ cum conjugē & Josepho Archiduce, pridie Vienna adveſto, throno insidens, agnitus est Con-Regens.

Nuntiatur ir-
ruptio.

Reginæ ora-
tio.

Interea vero, dum hæc agebantur Posenii, nuntiata est irruptio Electoris Bavarie & Gallorum in superiorem Austriam. Quare Regina 11 Sept. Regni Ordines in Regiam arcem convocat, atque mæſta voce sermone latino proponit summa coronæ suæ pericula, suæ personæ, filii, totiusque Domus verti incolumitatem, vitam, & spiritum. In forti & generosa Natione Hungarica, populo suo, collocari jam suam fiduciam, nec dubitare, quin Reginam suam & Filiolum in spem Regni natum, adversus potentissimos hostes pro sua fide & magnanimitate sit defenfura.

Universalis
insurrectio
decernitur.

Hæc aliaque cum Regina esset prolocuta, Regni Ordines alta voce, sanguinem & vitam pro Majestate sua se profunderē paratos, sunt contestati: decretaque est universalis Nationis excitatio & sub signa evocatio, ita, ut e populo 30000 selecti in 13 pedestres legiones distribuantur, Nobiles vero omnes, qui possent, equos conscendant, propriisque mereantur stipendiis: similis autem evocatio fieret in Croatia quoque, Dalmatia, Sclavonia, Transylvania &c. accesserunt tres legiones Hungaricæ ex Italia, Palsyana, Giulana, Vettesiana. Jam mense Octobri 15000 Nobiles insurgentes cum equis suis ad Posenium metati dicuntur, Reginæ imperium opperientes.

Responſio
Ordinis
Ecclēſ.

Ordo Ecclesiasticus etiam in sumptuum partem vocatus, ut decimas in bellum impenderet, fuit imploratus. At ille respondit, insurrectionis negotium esse personale, Palatinatibus proprium, quod

quod cum bonis Ecclesiasticis, omnino exemptis, nihil commune habeat. Si decimas aliquando Clerus contribuerit, in bellis duntaxat id factum Turcicis, in quibus religionis etiam defensio agebatur. Neque integrum sibi esse, absque Sedis Apostolicæ indulto in petita consentire. Regina, sedatis pro sua pietate discordiis, liberale Cleri subsidium acceptandum censuit. Hungariæ porro Regnum primum declaravit; cum hætenus cum Bohemia de prioritate controverteret.

Anno 1742 ineunte Hungariæ & finitimarum gentium copię ad expeditionem erant accinctæ. Constabant etenim non modo ex Hungaris, sed etiam ex Croatis, Sclavonibus, Rascianis, Transylvanis, Uskociis, Morlachis, Maroschis, Warasdinis, peregrinæ linguæ, habitus, & morum hominibus, qui partim in Austriam, partim in Bohemiam, partim etiam per Tyrolin in Bavariam profecti, legionibus, disciplina militari imbutis, miscebantur. *Insurgentium ex-tes*, uti vocantur, nobiles equites magno numero in Bohemiam mo-*pedicio*. verunt. Esterhásius, Andrásius, Vivarius, Bethlemus, Forgatschius, singuli singulas legiones conduxerunt, & in Bavariam duxerunt. Adjecit Archiepiscopus Colossensis Hussarorum aliquot turmas, habitu & apparatu præ aliis visendas. Quid copię istæ Reginæ, ab omnibus Principibus desertæ, in superiori Austria, Bavaria, & Bohemia præstiterint, in *Hist. Germ.* diximus.

Anno 1743 varia ex Hungaria, Transylvania, aliisque Pannoniæ, Daciæque provinciis supplementa ad exercitus in Bohemiam, & Bavariam mittebantur; & quia gentes istæ, in Germania nunquam antea visæ, strenue rem gerebant, Regina omnes eis suas libertates & privilegia confirmavit. Comitum autem Bathyani Bannum Croatiae constituit, & Kalnockium Tribunalis legionis Transylvanicae, recens erectæ.

§. II.

Nova insurrectio in Borussia. Sclavonia Hungariæ unita. Comitissa. Mors Traunii, Joannis Palsfy. Bathyani Palatinus. Protestantium querela.

Postquam anno 1744 Rex Borussiae Bohemiam denuo invasit, Regina se Posenium ad Regni, quæ indixerat, Comitissa contulit, laudatæ Gente Hungarica ob insignia hætenus præstita belli obsequia, *174.* *Nova insur-*
rectio.

sequia, ac præsertim ob heroicum tractum Rheni, non modo Bohemiæ, sed etiam Hungariæ a novo inexpectato hoste imminens periculum ob oculos posuit. Generosa Natio, Borussia indignata, universalem rursus *insurrectionem* decrevit, atque id effecit, ut hostis, Bohemia & Moravia expulsus, Silesiæ etiam parte fuerit multatus. Insurgentes autem, qui ad 25000 numerabantur, a Rudolpho Palsio, & Esterhasio Regni Marefchallo ducebantur.

Nadaſtio
reſtituta bo-
na.

Comiti *Nadaſtio* ob res fortiter bello gestas Regina omnia avi sui bona reſtituit, quæ a Leopoldo Imperatore Fiſco olim fuerant addiſta. Palsius Palatinus generoso ſonipede & pretioſo enſe donatus.

Obiit Ernestus Baro *Petraſchius*, Generalis Caſtrorum Præſectus. Anno vero ſequenti Emericus Esterhaſius, S. R. I. Princeps, Archiepiſcopus Strigoniensis, Primas Regni, Conſiliarius Intimus, qui ante 5 annos Reginam unxit & coronavit. Succedit Sigismundus Comes Kolloaitſius Archiepiſcopus Viennensis.

Anno 1746 Regiæ mandato omnes Hungari, armis ferendis apti, a 20 ad 40 ætatis annum ſunt conſignati, quorum numerus ad centum octoginta millia aſcendiſſe dicitur. Princeps autem Hildburghuſius militiam in Croatia magna cum laude ordinavit, in quatuor legiones regulares diſtributam, Herberſteiniam, Petazziam, Guicciardiam, & Dilleſiam. Quævis legio contineat 4 agmina, quodvis agmen 1000 viros.

Ludovicus Comes Bathianus officium ſupremi Regni Cancellarii ob virium debilitatem abdicavit, eoque ornatus eſt Leopoldus Comes Nadaſtius, Pro-Cancellarii vero Comes Barkocius.

Anno 1747 Peſti celebrata eſt Dieta Præſide Esterhaſio, Regni Mareſchallo. Propoſitæ in ea quærelæ Proteſtantium; in quorum favorem peroravit Nadaſtius Cancellarius, quamvis Catholicus. Conceſſum etiam Hungariæ Nationi, ut quot annis 4 menſibus res venales libere exportare aut evehere valeant.

ſclavonia,
juncta Hun-
garie.

Regnum Slavoniæ unitum eſt hoc anno cum Regno Hungariæ, in 4 Comitatus diviſum, Comite Karolio & Draskovicio, Commiſſariis Regiis hoc opus perſcientibus. Engelshovio vero Tribuno mandatum, ut eam gentem diſciplina militari imbuat, atque ad modum Croatia in legiones & agmina pedeftria diſtribuat. Samuel autem

tem Mikovinus Hungariam dimetiri iussus est, & pro quolibet Comitatu mappam geographicam conficere, atque in ea omnes fluvios, amnes, lacus, paludes, montes & sylvas exprimere. Sunt autem in superiori Hungaria 35 Comitatus, & in inferiori 13.

Anno 1748 obiit Hermanstadii seu Cibinii in Transylvania Ferdinandus Traunius 71 ætatis anno, heros prudentia & virtute militari clarus. Successit ei Gubernator Transylvaniæ in militaribus Comes Brounius; civilibus vero præest Hallerus. Uterque autem Gubernator Cibinii residet. Traunil obt.
tua.

Quia Dux Mutinæ ultimo bello Borbonicas partes fuerat secutus, Regina privavit eum bonis in Hungaria sitis, quæ Carolus VI parenti ejus donaverat. Sed cum Aquisgranensi transactione ex integro esset restituendus, eadem anno 1749 recepit, ea tamen lege, ut *melioramenta* compensaret.

Perpetuæ Protestantium querelæ obstrepunt, adimi sibi Ecclesiis; quas videlicet contra leges regni aut construxerant aut rapuerant Catholicis, turbatis Reipublicæ temporibus. Jaurinenfis præfertim Academia, recens ædificata, erat eis fudes in oculis.

Anno 1751 celebrata sunt Posonii Comitata Regni, præsentem Regina, cum Augustissimo conjugē, & tribus Archiducibus filiis. Comitata re-
Primum, quod susceptum fuit negotium, electio erat Palatini; gali.
quippe Joannes Palfy de Erdödi, quo nemo magis fide, integritate, constantia, auctoritate, Domui Austriacæ fuerat addictus, hoc anno ætatis 92 Palatini dignitatem pientissima morte vacantem reliquit.

Regina pro more quatuor Illustres viros proposuit, Ludovicum Esterhasium, & Ludovicum Bathianum, Catholicos, Comitem Revayum & Baronem Zayum, Protestantes. Ex his unanimi voto electus est Comes *Batbyanus*, jam ab anno 1732 Hungariæ Cancellarii munere summa integritate persunctus. Comes Batbyani Pa-
letinus.

Palatino constituto, Regina Ordinum postulata, sigillo clausa, reddidit, atque Viennam rediit, relicto Dietrichsteinio Principe, qui nationis gravamina reciperet, atque Regiæ proponeret.

Dum Comitata Posonii agebantur, Imperator Schemnicium, Cremnitium, aliasque ad urbes Montenses, in inferiori Hungaria sitas, profectus est, ut auri, aliasque metallorum fodinas videret. Excurrit etiam utraque Majestas in castra, ad Pesthum non procul Buda magno cum apparatu constructa.

Archiepiscopus Strigoniensis jam quinque annis vacaverat. Tandem Regina ad illum nominavit Nicolaum Comitem Czacki Colossensem ante Archiepiscopum, qui factus est simul Primas Regni, Apost. Sedis Legatus natus, Cancellarius Regius, & Princeps Imperii. Multæ aliæ a Regina factæ promotiones.

Protestan-
tium que-
relæ.

Cum Protestantes identidem gemerent, quod non permetterentur pro libidine grassari, scripto etiam ad Regem Borussia libello supplici, Padanus Vesprimiensis Episcopus, qui ab eis ad Catholicos transierat, libellum illum confutavit, edito libro de hæreticis & apostatis, atque demonstravit, nullum illis in Hungaria jus competere, cum Episcopi & Clerus contra omnes permissiones, vi metuque extortas, semper sint protestati.

§. 12.

Concilium Albanum, anno 1703.

1795-

Celebratum est anno 1703 a Vincentio Zamajevich, Archiepiscopo Antibarensi, Apostolico Visitatore, Servia Primate; cui interfuerunt alii duo Archiepiscopi, & quatuor Episcopi Græcorum unitorum, pluresque apud Albanenses Missionarii. Tractatum de fide, eamque prædicandi ratione, & Ecclesiasticorum Canonum observatione; de Sacramentis: de personis in Ecclesiastica dignitate constitutis: de Parochis &c. Sub pœna excommunicationis prohibetur, ne Turcarum præsidium imploretur, ad evitandas censuras Ecclesiasticas. Tolle jubet abusum, quo non nisi post annum ætatis 16, 18, aut etiam 20 ad Sacramentum pœnitentiæ accedebatur; aut quo in paternos baptismi assumebantur infideles & schismatici: aut infantes, a Turcis oblatis ad baptismum, ad eum solummodo finem, ut a sordibus corporis abluantur, & ab incurso noxiorum animalium custodiantur, baptizabantur. Tolle denique jubet eam gentis illius persuasionem, septem duntaxat annis servandum esse jejunium quadragesimale.

CAPUT

CAPUT XII.

De Bohemia

Primis sæculi XVIII annis Bohemia nihil peculiare habuit, quod cum rebus Germanicis non fuerit conjunctum. Quod autem Josephus Imperator anno 1708 in Comitibus Ratisbonensibus Electoratam Bohemiæ in omnia jura sessionis & voti in Electorali Collegio non tantum in Comitibus generalibus, sed aliis etiam Imperii Conventibus introduxerit, Part. VIII & IX dictum est.

§. I.

Canonizatio S. Joannis. Varii obitus. Borussia in Silesiam. Pugna ad Molviciam. Capta Praga. Mutata scena, recepta Praga, Maria Theresia Regina coronata.

Anno 1728 habita ab Ordinibus Silesiæ Dieta Principum, in qua postulatam Cæsaris propositum, ut videlicet contribuerentur, pro fundo Militari 1646666, pro Camerali 100000, & pro munitionibus 30000 floreni. 196.

Anno 1729 Bohemiæ specialis honor & solatium accessit ex Canonizatione S. Joannis Nepomuceni Martyris, quem anno 1383 Wenceslaus in Moldavam præcipitari jussit, quod nollet prodere, quæ Regina in sacro tribunali confessa esset. Pretiosa ejus tumba in templo Cathedrali Pragæ ad latus summi altaris supra geminam aram sublimis pendet; ad quam sacrificium Missæ offerre potuisse Deo, magno mihi fuit solatio. Lingua ejus incorrupta in altari laterali visitur, sanctum ac perenne Sacramentalis sigilli monumentum. Miracula, quæ Deus per hunc Sanctum patrat, numerari non possunt omnia, evidenti argumento, cultum ejus Deo esse gratum. Canonizatio S. Joannis.

Anno 1730 in Comitibus Regni, Pragæ celebratis, a Comitibus Dietrichsteinio, & Clario ab Altringen nomine Regis postulati sunt pro quanto Militari duo florenorum miliones: pro Camerali 150000: pro munitionibus 30000: pro extraordinario 470000.

Anno 1731 obiit Ferdinandus Comes Kühnburgius, Archiepiscopus Pragensis, primum Cæsaris Camerarius, dein Episcopus Lubacensis, Legatus ad Aulam Lusitanam, denique anno 1710 Archiepiscopus Pragæ. Obit Archiepisc. Prag.

Part. X.

H h h h

episco-

episcopus. Non parum promovit Canonizationem cultumque S. Joannis, Bohemiæ Patroni. Anno 1723 Pragæ coronavit utramque Cæsareo - Regiam Majestatem. Successit Daniel Mayerus, Cathedralis ante Præpositus & Generalis Vicarius.

Anno 1732 ad familiare colloquium Pragæ congressi sunt Imperator & Rex Borussiae. Creditum, in eo actum de sponione Sanctionis Pragmaticæ, & successione Juliacensi. Uratislaviæ obiit Franciscus Ludovicus, Comes Palatinus, Elector Moguntinus, Archiepiscopus Uratislaviensis; cui successus est per electionem Capituli Philippus Ludovicus Sinzendorffius, magni Status Ministri filius, Episcopus ante Vivarini in Hungaria.

Anno 1733 non diu perfunctus Archiepiscopi Pragensis dignitate Mayerus obiit, Bohemiæ Primas, Universitatis Cancellarius perpetuus: cui successit Adamus Comes *Wratislavius*. Verum ille paulo post apoplexia tactus, locum reliquit Comiti Mauritio *Manderscheidio* de Blanckenheim, origine Westphalo.

Anno 1734 viginti millia Bohemicæ militiæ, pro tuenda patria, aliisque in Germania Austriacis provinciis designari iussa, cum legiones, disciplina imbutæ, vel ad Rhenum vel in Italiam essent advocatæ.

Anno 1735 octo Russorum legiones equestres Lascius in Bohemiam duxit, atque inde per Palatinatum superiorem, lentis licet passibus, Rhenum versus. Anno sequenti absoluta fuit insignis Statua, S. Joannem Nep. referens. Anno vero 1737 Aula Saxonica Neohusium in Bohemiam concessit, ubi Wilhelmina Amalia, mater Reginæ, eandem expectabat. 1738 Ernestus Comes Lichtensteinus ab Episcopatu Seccaviensi translatus ad Olomucensem. Anno vero sequenti bona temporalia in feudum accepit.

Anno 1740 mortuo Cæsare Fridericus II Rex Borussiae, postquam subscriptam a patre Sanctionem Pragmaticam defensurum se recepit, irruit cum exercitu in Silesiam, protestatus, se nullatenus hostili animo id fecisse, sed ad jura sua vindicanda, ne alius illa præoccupet, id ipsum misso Gottero Viennam Legato contestatus. Interea vero in dies ulterius in Silesiam penetrabat, direptis variis provinciis.

Uratislaviæ, quæ præsidium Austriacum, privilegia sua obtinens, prius admittere detestaverat, *neutralitas* primum a Rege Borussiae fuit promissa, dein vero occupata est, præsidio imposito. Regina vero sub Neupergio copias in Silesiam misit. Certatum interea pluribus ultro citroque juris Deductionibus.

Anno

Anno 1741 Rex progressus suos in Silesia profecutus ad *Molvicium* Neupergium cædit, *Briegam* expugnat, &, insuperhabita *Pogna* ad transactione *Schnöllandorffensi*, *Neussa* capta, in superiorem etiam *Sil.-Molvicium*. *Silesiam*, *Glazensem Comitatum*, & *Moraviam* sese infudit, ubi *Olomucium* intercept. Susceptum *Uratislaviæ* homagium: custodiæ datus *Episcopus*.

Bavaricus Inter hæc exercitus, superiori *Austria* occupata, ad-junctis auxiliariis *Galliæ* copiis, in *Bohemiæ* progressus, *Pragæ* se applicuit, venientibus in auxilium 24000 *Saxonibus*, 10000 vero *Borussorum* in *Circulo Reginæ-Gradiensis* eminus ad terrorem incutiendum se ostentantibus.

Tot hostibus cum undique se cinctam, & tribus in locis a *Gallis*, *Bavaris*, & *Saxonibus* invasam cerneret, dedere se coacta fuit: *Pragam* capiunt. *Austriacis*, qui 40000 censebantur, cum urbi succurrere non possent, *Budovicium* se recipientibus.

Anno 1742 versa est belli alea; licet enim a foederatis expugnata esset *Egra*, & *Austriaci* ad *Zaslaviam* a *Borussis* victi, tamen, cum *Saxones* & *Borussi* a foedere recederent, *Austriaci* vero cum *Hungaris* *Bavariam* invaderent, obsessi sunt *Pragæ* *Galli*, & tandem deserere eandem sunt coacti, quo pacto *Bohemia*, *Egra* & *Comitatu Glacensi* exceptis, ad *Reginæ* obsequium rediit.

Anno 1743 tandem etiam *Egra* fuit 7 Sept. expugnata, *Gallico* præsidio capto, & per *Bohemiæ* distributo. *Regina* vero *Pragam* cum magna solennitate ingressa, recepto homagio, a *Lichtensteinio*, *Episcopo Olomucensi* coronata est. Ad *Archiepiscopum Pragensem* alias hoc munus pertinet; sed quia *Electori Bavarie* nimium favere visus fuerat, gratia excidit, prout etiam *Comites de Bubna*, *Kaiserstein*, *Ferdinandus de Kolowrat*, *Carolus Lascanschy* &c. *Principis Fürstenbergici*, *Comitis Königsfeldii*, & viduæ *Ferdinandi Mariæ Ducis Bavarie* bona, in *Bohemia* sita, ærario publico sunt addicta, illa *Reichstadio* in *Bavariam* iussa recedere.

§. 2.

Borussus redit in *Bohemiæ*. *Pragam* capit, & amittit cum parte *Silesiæ*. Sed *Fridbergensi*, *Sopparviano*, *Sorano*, & *Kesseldorffensi* pralio victor, pacem *Dresdensem* init. *Schaffgotsius Uratislaviensis Episcopus*: quem *Legatus Apostolicus* consecrat.

Anno 1744 Rex *Borussie*, inita *Unione Francofordiensi*, postquam *Princeps Carolus* in *Alsatiam* exercitum trajecerat, numerofo

197.

H h h h a

cum

His ite-
m in Bo-
hemiam.

cum milite in Bohemiam denuo irruit, auxilii Cæsari oppresso feren-
di obtentu Pragam jam cum magna Bohemiæ parte occupaverat, cum
advenientibus Carolo Principe & Saxonibus copiis, relicta Praga &
Bohemia, in Silesiam se recepit; retractis etiam copiis, quæ Mora-
viam vastaverant. Austriaci vero fugientium hærentes vestigiis, Si-
lesiam superiorem, Neissa & Cosela exceptis, Brandenburgicis ademe-
runt. Atque hac ratione intra duorum mensium spatium Rex Bo-
hemiam occupavit, & amisit. (*vid. Germanica*)

Sed repulsus.

Schaffgotsch
Coadjutor.

Cardinali Sinzendorffio, Episcopo Uratislaviensi, novi quid ac-
cidit. Rex illi & Capitulo Cathedrali nuntiarı jussit, ob publicas
utilitates renuntiatum a se Coadjutorem Episcopi (45 tunc annos
nati, viribus integris) Gothardum Schaffgotschium, Canonicum
Uratislaviensem, omniaque deinceps Beneficia Ecclesiastica se col-
laturum. Permittendum, quod impediri non poterat.

Borussii vi-
torie.

Anno 1745 non eadem, qua anno superiore in Borussos feli-
cite, gestum est bellum. Quippe casus *Fridbergensi* prælio in Sile-
sia Austriacis & Saxonibus, Hungaris vero ad *Soppaviam*, rursusque
ad *Sooram*, Saxones primum in Lusatiam, dein vero in Saxoniam
reversi ad *Kesseldorffium* victi, pacem Dresdensensem sanxerunt. (*vid.*
Germanica)

Plura Judæorum millia Praga expulsa, permissio tamen in reliquo
regno & Moravia domicilia. Obiit Sternbergius Bohemiæ Vicarius,
seu Gubernator; cui successus est Princeps Lobkovicius.

Kinski S.R.I.
Princeps.

Anno 1747 Imperator Stephanum Kinskium ex antiqua Bohe-
miæ Familia cum omnibus suis successoribus S. R. I. Principem crea-
vit. Celebrata Pragæ Dieta, in qua actum de contribuenda pecu-
nia & milite ad bellum Belgicum & Italicum, Buquojo, Kolowrato,
Zenitio Commissariis Regiis.

Schaffgotsch
Episc. Ura-
tislav.

Quomodo, mortuo Sinzendorffio Episcopo Uratislaviensi, sus-
fectus sit Gothardus Schaffgotschius, jam antea electus Coadjutor, alias
diximus, Rege Investituram in temporalibus prætendente, eamque
per Comitem Müncoviū exercente; licet opponeretur, hunc Epi-
scopatum olim Archiepiscopo Gnesnensi in Polonia fuisse subiectum,
dein vero ab eo exemptum, immediate a Sede Apostolica dependisse.
Sicut autem Rex Catholicis Berolini novum templum concessit, sic &
Calvinistis Uratislaviæ. Ratio nempe Status hæc suadebat.

Anno 1748 celebratum Pragæ Comitium, Comite Haugvicio
Præside. Actum de Russorum per Bohemiam transitu ordinando.
Idem factum in Moravia, ubi Cæsarea utraque Majestas transeun-
tes Moscoviticas legiones præfens inspexit, atque Repninum earum
Ducem

Ducem large donavit. Ex Bohemia per superiorem Palatinatum & Franconiam iter tribus agminibus prosequébantur.

In Silesiam venit Archintus, Legatus Apostolicus, qui nomine Pontificis, compositis quibusdam controversiis, Episcopum inter & Canonicos Uratislavienses exortis, Schaffgotio Bullam confirmationis in Episcopatu obtulit. Neque enim Rex Borussiae juris dictionem in spiritualibus impediébat. Suscepta dein magna cum solennitate Consecratio in Ecclesia Cathedrali Uratislaviensi, præsentibus etiam Status Ministris. Similiter Rosenberga electio libera novi Abbatis & Iræpositi a Canonicis Regularibus fuit peracta.

Legatus
Apost. in
Silesiam.

1749 præter alias Ordinationes politicas, in Bohemia & Moravia peractas, Cancellaria Bohemica cum Austria fuit conjuncta, Harrachio Præsidente. Uratislavia vero, fulmine in turrin pulverariam illapso, grandi incendio est devastata.

Princeps Aurspergius Investituram super Münsterbergensi in Silesia Principatu per procuratorem a Rege Berolini accepit. Idem Rex anno 1751 cum fratribus suis in Silesiam profectus, copias suas iustravit, atque militaria earum exercitia præfens inspexit. Adversæ acies non aliter certabant, ac si hostili conspectu dimicarent. Celeritas, promptitudo, & in armis tractandis dexteritas omnium admirationem meruit.

Obiit Pragæ Hermannus Comes Ogilvius, supremus Castellorum Præfectus, Consiliarius bellicus, & tribunus, 71 ætatis anno. Pragæ hostibus Reginae bis tradere debuit, videlicet anno 1741 Gallis, Bavaris, & Saxonibus; dein anno 1744 Regi Borussiae. Ortus fuit ex vetusta in Hibernia familia, quæ etiamnum ibidem floret, jam pater domicilium in Bohemiam transtulerat, variis in ea muneribus perfunctus.

Anno 1754 obiit Pragæ Comes Chotekius 80 æt. anno, relictis duobus filiis, Joanne & Rudolpho, summis hodie apud Augustissimam Reginam muneribus fungentibus.

Anno 1756 bellum gravissimum Bohemiae quoque incubuit, de quo postea in Appendice plura. Post *Lobcosiciam* ancipitem pugnam, anno 1757 ad Pragam commissa atrocior. Oppugnata vehementer triurbis. *Planiana* victoria obsidionem solvit; expulsus Bohemia Borussia, qui tamen per frequentia agmina postea rursus irrupit, regnumque vastavit; quod dein, retruso in Saxoniam & Silesiam bello, aliquantum respiravit.

Hæc omnia ob rerum connexionem uberius tum in Appendice, tum in Germanicis & Borussiae relata invenies.

H h h h 3

CAPUT

CAPUT XIII.

Status Poloniæ

SÆCULO XVIII.

§. I.

*Suecus in Poloniam. Electus Stanislaus. Poloniæ diffidia.
Suecus in Saxoniam. Pax Alt-Ranstad. turbata
Religio in Silesia.*

198.

Aug. in
Livoniam.

Anno 1700 Augustus Rex Poloniæ, isto cum Mosco fœdere, Livoniam, quam vi pacis Olivenfis Suecus possidebat, invasit, Rigamque per Flemmingium, qui Saxones ducebat, nequidquam oppugnavit. Irritatus Carolus XII Suecorum Rex, cæso Russo, trajectoque Duna, Saxones invasit, vicique, inde vero, occupato in Curlandia Mietavio, in Lithuaniam & Poloniam movit, Vilna & Varavia interceptis, quamvis Primas, alique protestarentur, hoc bellum a Saxonibus, absque Reipublicæ consensu susceptum, nihil ad se pertinere.

Car. XII in
Poloniam.

Verum Carolus, non quieturum se reposuit, donec Poloniæ, exauthorato Augusto, alium sibi Regem eligeret. Divisa tunc erat Respublica, quibusdam cum Sapieha & Primate, Cardinale Ragiozkio Caroli partes secutis, & Confœderationem contra Regem suum ineuntibus, aliis Augusto adhærentibus, & Carolum Reipublicæ hostem declarantibus. (1703.)

Electus
Stanisl.

Æstuantis instar pelagi fluctuante Poloniæ atque Lithuania, Rex uterque arma circumferebat; & Carolus quidem in Borussia Polonica, Elbinga, Thorurcio, & Marienburgo occupatis, Varaviam Comitæ indixit, in quibus, deposito Augusto, electus a quibusdam in Regem est Stanislaus Leszcynski, Polesiæ Palatinus, ex clarissima & pervetusta Familiâ; parte alia Augustum Regem suum venerante, & cum eo Varaviam expugnante. Löwenhauptius autem Suecus & Sapieha Princeps Lithuanos & Saxones prælio vicerunt, prout etiam Meierfeldus ad Polesiam.

Verum

Verum cum Augustus a Mosco millibus aliquot fuisset auctus, recta Varfaviam movit, parumque aberat, quin Stanislaum cum sua Familia, Primate, Lubomirskio confederationis Marefchallo, & pluribus Senatoribus, adhuc ibidem congregatus, interciperet; reliquis fuga elapsis. Aliqui Magnates capti sunt, cum Poshanienfi Episcopo, qui Stanislaum fratrem suum Regem promulgaverat. Traditus hic fuit Nuntio Apostolico, eum reposcenti, a quo Romanam missus, ibidem mortuus est. Hornius vero, qui cum 600 Suecis in arcem confugerat, dedere se coactus est Augusti arbitrio: dum interim Carolus Lembergum caperet, recepta paulo post Varfavia.

At vero Wisnowiskius cum manipulo Saxonum, Polonorum, & Moscorum, Sapieham, Stanislaum Ducem, aggressus, multis caesis, captisque, re armamentaria & impedimentis eundem exiit. Vices reddidit Suecus, caesis magna strage Saxonibus, Augusto Rege Dresdam se recipiente. (1704)

Anno 1705 Stanislaus cum Catharina conjuge Warfaviae coronatus est a Leopolitano Episcopo, praesente huic solennitati Carolo XII Suecorum Rege. Primas vero, Cardinalis Ragioskius Gedani mortem oppetit, censura Romana, cum clero Stanislaum adhaerente, perstrictus; quia Pontifici, qui nolebat, Augustum regno exui, parere detrectaverat.

Inter haec autem res Augusti in Polonia in dies arctiores fiebant, caesis in Curlandia Russis, & in Polonia Saxonibus, & Polonis, qui partes Augusti adhuc sequebantur.

Igitur Augustus, cum bello in Occidente flagrante auxilia alia obtinere non posset, congressus cum Petro Moscoviae Duce foedus ^{Foedus cum} renovavit. Promittit Russus, se foederatis suis astiturum milite & ar- ^{Mosco.} gento ad finem usque belli: restitutum Reipublicae omnia loca, a Cosaccis in Ukrania & a Moscis in Lithuania occupata; permittitur denique Religionem Catholicam in Moscovia liberam, & templum Capucinum in urbe Moscu.

Contra vero pars Stanislaum addicta, ut Suecis arctius se jungeret, in has leges cum iis convenit, ut nulla pars Reipublicae ^{Cum Sueco.} ab ea abscinderetur, neque gubernatio mutaretur, aut cum Rege Augusto ulla fieret transactio, nisi abdicato regno, neque cum Zaro, donec omnia damna illata reparasset; aut Suecia bellum finiret, usque dum tota Respublica cum Rege Stanislaum esset tranquilla. Ad hunc finem obtinendum posse Suecum in Polonia conducere militem, & peragrarum cum exercitu omnes provincias, omnesque contractus adver-

adversus Sueciam decerni irritos. Domum Sapienſia reſtituendam in integrum: Electorem Brandeburgicum agnoſcendum Regem, ſi Stanislaum ille Regem recognoſcat. Proteſtantes in Polonia fruuntur libertate, qua haſtenus.

Hoc totum erat, quod Carolus pro hominibus ſuae religionis obtinere poterat. Volebat illis concedi templa; ſed Episcopos Caminiecī adeo zeloſe ſe oppoſuerat, ut a petitione ſua deſiſtendum duceret. Scripſerunt exinde confederati ad Papam litteras, quibus ſignificabant, Stanislaum eſſe electum coronatumque Regem, rogabantque, ne deinceps amplius reciperet nominationes ab Auguſto. At hic ad flammas damnavit libellos, qui editi fuerant a Stanislai ſeſſatoribus contra cenſuras Pontificis adverſus clerum, qui eidem Stanislao adhærebat.

Secuta eſt Suecorum ad *Frauenſladium* victoria, qua Saxones ruſus fuerunt gravi clade affecti.

Suecus in
Saxoniam.

Anno 1706 cum Carolus XII cerneret, Auguſtum Regem poſt tot clades adhuc validum, accurrentibus identidem ex Saxonia novis ſubſidiis, fontem hunc ut obſtrueret, Saxonicam expeditionem decrevit. Unde cum exercitu, ne quidem ſalutato Caſare, in Siſleſiam movit, ubi pro arbitrio in favorem Lutheranorum diſpoſuit, indeque in Luſatiam, atque Saxoniam, ignes minatus, ſi quis ſe auderet opponere, aut lares deſerere.

Incredibile diſtu, quantum pecuniæ fuerit exactum, qua dein militem numeroſum ex Germania conduxit Suecus, quot incendiis, rapinis, vaſtationibus ſævitum. Certe tanta erat calamitas opulentiæ alias provinciæ, ut Rege Auguſto in Polonia diſtento, Imhofius & Pſingſtius Senatores *Alt-Ranſladenſem* pacem inierint, turpiſſimam ſane & plenam ignominiam.

Pax Ranſlad.

Conventum ſiquidem, ut Auguſtus Regnum Poloniæ abdicet; Stanislaum Regem agnoſcat; Sobieſkios Principes, quos intercepto in cuſtodiam abduxerat, libertati reſtituat; ſœderi cum Moſco renuntiet; Suecis hyberna in Saxonia concedat.

Indignitas hujus tractatus totam Europam ſermonibus implevit. Incredibile viſum, ab Auguſto, qui validum adhuc in Polonia habebat exercitum, multosque Procereſ ſibi conſentientes, a potenti inſuper ſocio, Petro Moſcoviæ Duce, erat ſuffultus, datam Legatis poteſtatem, pacem duram adeo conſciendi. Miſſos propterea in cuſtodiam Imhofium & Pſingſtium referunt.

Quam

Quam autem sancte tractatus iste a Suecis sit observatus, ex eo mox patuit, quod Mardefeldius, quem Carolus in Polonia cum parte copiarum reliquerat, licet de conventionem constaret, Augustum praelio sit aggressus, sed damno suo ingenti, cum victus cladem insignem retulerit. Interea autem duo Reges amico congressu se mutuo salutarunt. Scripsisse etiam epistolam ad Stanislaum, Sueco petente, Augustus fertur, qua Regem salutarit, meliora, ac sibi accidissent in Polonia, tempora precatus. Patkulius gente Suecus, ad Augusti castra transgressus, extradi Carolo debuit, capite truncandus.

Anno 1707 Carolus exhaustam denique Saxoniam deserit, 40000 millium educens exercitum, quamvis cum 14000 tantum ingressus esset, auctum videlicet tantopere auro Saxonico. In Silesia substitit, multaque in favorem Lutheranorum circa religionem mutavit. Adempta Catholicis templa, & Protestantibus tradita, protestante licet Casare; sed non ea erant tempora, quibus injuriam vindicare potuisset. Silesia Religio-
nem turbat.

Pax Ransstattenensis diversis in Polonia animis fuit accepta, multumque in Saxonia irrita esse dicebant; neque enim Augustum coronam, a Republica acceptam, absque hujus assensu potuisse abdicare, ac proinde thronum non esse vacuum. Alii ad novam Regis electionem procedendum putabant, plurimi autem Stanislaum Regem suum agnoscebant; qui reditu Caroli in Poloniam aucti sunt.

Anno 1708 præter civiles discordias, nihil actum memorabile, Stanislaus secundum Ransstadenſia pacta regnum nactus, Augusto vero in Saxonia ruinas reparante.

Anno 1709 Pultavensis Suecorum clades aliam omnino faciem rebus Polonicis induxit. Augustus cum Germano exercitu e Saxonia rediit: Stanislaus, cum Crassavio Chiliarcha, qui Suecorum legiones aliquot in Polonia retinuerat, in Pomeraniam Suecicam se recepit.

Augustus porro publico monumento declaravit; abdicatio nem regni fuisse irritam, cum duo Ministri mandatum sint transgressi; neque enim intentionis suæ unquam fuisse, coronæ renuntiare, quod facere non potuisset sine consensu unanimi Reipublicæ, a qua illam accepisset, ac propterea duos Ministros, qui tractatui Ransstattenſi subscripſissent, fuisse condemnatos, alterum capitis, ad perpetuos carceres alterum. Adhæc electionem Stanislai neque liberam fuisse, neque concordem, cum pars sibi adhærens nunquam eo potuerit adigi, ut thronum vacuum declararet:

denique tractatum illum vi & metu injusto fuisse extortum, ac roin nullas sortitum vires.

Contra hæc varia pro Stanislao scripta sunt edita; non esse vero simile, Pfingstium & Imhofium in puncto tanti momenti non fuisse instructos, Augustum, ne Saxonia penitus opprimeretur, amore patriæ & subditorum, tractatum habuisse ratum; demonstrari id ex congressu cum Rege Sueciæ, & litteris, ad ipsum Stanislauum datis, neque, cum Augustus eligeretur, consensum nationis fuisse unanimem, nec satis liberum. Quid ex istis veritati sit consentaneum, prudentis lectoris judicio relinquo: dolendum, non dari dominium duorum in solidum, cum uterque fuerit dignissimus: quamvis utrique corona fuerit spinis contexta.

Rex Augustus, throno rursus conscenso, in id incubuit, ut animorum æstus defervesceret, & Polonia, immanibus tot annorum calamitatibus fessa, in quietem reponeretur. Mosci tamen adhuc pertinaciter incubabant provinciis, non sine tacita, ut securus esset, Regis voluntate, at invita omnino Republica, quæ eos exactos volebat, Turca etiam id postulante, sed conatu irrita.

§. 2.

Augustus iterum Rex agnitus. Turbæ recrudescunt Polonos inter & Saxones. Transactio Lublinsis. Juramentum Militiæ.

199.

Augustus
Rex agnitus.

Anno 1712 in Regni Comitibus, Varfoviæ celebratis, Augustus iterato agnitus est Rex legitimus, qui Nationi privilegia sua & jura confirmat. Inquisitum etiam in media, quibus Russis persuaderi posset, ut Polonia excedant, & pax cum Suecis componi. Stanislaus ad Regem Sueciæ in Turcia invisit. Potokyus autem ejus amicus a Baurio tribuno Russico cum sua turba in fugam conjectus est: Jablonoskius in Saxoniam captivus abductus. Plures alii Dantisci comprehensi, quod Stanislao adhæssissent.

1713 Rex Augustus in Pomeraniam adversus Suecos expeditionem suscepit. Turcicus legatus pro Stanislao, ejusque amicis, fugitivis aut captivis intercessit, ut restituerentur. Annuebatur petito sub conditione, si se submitterent. Plures id præstiterunt cum Kiowskio, Wiesniowskio, Smigelskio.

1714

1714 Pax Carlovicensis Polonos inter & Turcas, cum illius ruptura timeretur, confirmata est. In Pomerania autem Augustus vi foederis ad octo millia adversus Suecum habuit.

1715 Inter ipsos Polonos & Saxones ventum ad arma. Occasio hæc fuit. Priore anno Augustus plures in Poloniam adduxerat copias adversus Carolum Sueciæ Regem, si iter ex Turcia per Poloniam tentaret, paratas. Cum autem is alia via Stralsundam evafisset, & arcte obsideretur, postularunt Poloni de libertate sua solliciti, ut miles Saxonicus rursus abduceretur. Quod cum non illico præstaretur ex integro, aliquot veitationibus fuit certatum, Flemmingio Saxonibus præfecto. Tandem vero anno

1716 tumultus fuit Ravæ compositus his conditionibus:

1. Cesset omnis hostilitas.
2. Comitia celebrentur.
3. In iis de habitu Saxonum tractetur.
4. Interea a Polonis alantur.
5. Confœderatio Polonorum interim persistat.
6. Ecclesiastici & Nobiles a contributionibus sint liberi.
7. Deposita in urbe Zamolscio (a Flemmingio astu occupata) dominis suis restituantur, subsistente interim in illa præsidio Saxonico, donec res componatur.
8. Cum Suecia pax ineatur.
9. Russi abscedant ex Polonia.

Conventio
Polonica
cum Saxonibus.

Hanc conventionem cum ægre ferrent multi ex Polonis, mox ad vim & arma redierunt. Lemberga ab iis capta, sed brevi a Saxonibus recepta. In Posnaniam ventum ad manus, succumbente Saxone: qui tamen ad Dobrozymum vices reddidit.

Zaro dein mediatore Lublini institutus novus pacis congressus, Dolorughio præside, factis induciis. Postularunt Poloni, ut miles Saxo intra duos menses recedat. Rex promittat, pacta servare. Frustrata. Sancita foederatorum sint salva. Ablata restituantur. Captivi liberentur. In Polonia nullus Saxo sit Officialis bellicus. Nec Oeconomiae præsit exterus. Condemnatis a tribunalibus Rex veniam non concedat. Debita solvantur a Saxonibus.

Augustus graviter ferens sibi leges præscribi, Majestatem non eo deprimendam putabat: Respublica libertates suas servandas integras; unde conveniri non poterat, sed commissæ prælio copiae: quo vi-
cti licet a Bosenio Poloni Posnamiam, capto Seidlitzo tribuno, expugnaverunt.

Imminebant exteri, Tartari pro Republica, cui Turca favebat, Russi pro Augusto Rege. Quare Poloni, facile prospicientes, quam cruentum belli theatrum in patria sua esset erigendum, promiores transactioni aures dederunt. Inita hæc est *Lublini* in hæc puncta.

Transactio
Lublinensis.

1. Sit pax in Polonia & Lithuania, serventurque illæsa jura & prerogativæ Majestatis, Senatus, & Nobilitatis more majorum.

2. Exterus miles post ratihabitam hanc conventionem abscedat, nec deinceps reducatur, exceptis 1200 Saxonibus, quos Rex suis sumptibus ad corporis custodiam retinere potest: Dux autem eorum juret fidem Regi & Reipublicæ: nec alii Saxones in Polonia remaneant, excepta Cancellaria Saxonica, quæ tamen sex tantum personis constet, nec Polonicis rebus se immisceat.

Rex nunquam sine consensu totius Reipublicæ bellum offensivum suscipiat. Singulis bienniis Comitia convocet: neque ultra tres menses extra Poloniam subsistat. Neque extra illam degens officia distribuatur. Nec Polonica negotia per Saxones, nec Saxonica per Polonos tractentur. Nemo, nisi judicialiter convictus & condemnatus, in carcerem detur.

Articuli.

Omnes gratiæ expectativæ circa Beneficia Ecclesiastica, dignitates & officia, irritæ sunt, sub pœna inhabilitatis ad futura. Dignitates Poloniæ non dentur Lithuanis, qui non degunt in Polonia, nec Dignitates & Officia Ducatus Lithaniæ incolis Regni Poloniæ, qui in Lithuania non degunt, conferantur, sub pœna amissionis. Excipiuntur tamen moderni possessores.

3. Omnes tempore belli ortæ confusiones aboleantur, regnumque secundum leges antiquas fundamentales administretur. Unde omnia fœdera sublata, & nova prohibita sunt: prout etiam evocatio status equestris ad expeditiones bellicas, quæ ad solum Regem spectat, secundum leges Regni. Militia Nationalis ita ordinetur, ut nullo extero auxilio adversus Suecos aut alios regni hostes opus sit.

4. Dissidentes in religione cultum suum in templis antiquis sinantur peragere. Nova contra, quæ tempore belli fuerunt constructa, diruantur. Reliqui Dissidentes devotioni suæ in privatis domibus, attamen sine concione & cantu permittuntur vacare. Ministris externorum Principum exercitium religionis tantum pro suis domesticis liberum esto.

Decreta, in favorem Episcopi & Capituli Cujaviensis lata, adversus Dantiscum ratione juris Ecclesiastici, executioni mandentur.

5. Mili-

5. Militiam Status Reipublicæ una cum Rege solvant: Ducesque belli jurent, se gladio non ufuros nisi ad mandatum Reipublicæ. Quod si non fecerint, pœnam læsæ majestatis incurrant.

6. Principes Sobieskii, Jacobus & Constantinus, pro se & suis bonis securitatem habeant, atque pro iis, quæ ipsi debentur, satisfactionem. Sed Regi & Reipublicæ fidem jurent.

7. Nemo præsumat, incolas regni extra fines ejusdem, aut provincias, ad illud pertinentes, educere.

8. Sit amnestia universalis; ac propterea omnes condemnationes, tempore belli factæ, cassantur, una cum omnibus decretis, omnesque captivi liberantur. Ab hac tamen amnestia excluditur Stanislaus Leszinski, cum omnibus ei adhærentibus, nisi intra tres menses ad Rempublicam redierint.

9. Sit etiam sublata Confœderatio Sendomiriensis, de Reipublicæ libertate licet optime merita.

10. 30 Jan. 1717 miles Saxo abscedat, & militia confœderatorum dissolvatur: Ducesque, imperio deposito, Regis gratiam experiantur. Illic pacis tractatus actis Comitiorum inseratur, & deinceps pro regula serviat. Quicumque autem se opposuerit, pro hoste patriæ habeatur. Illi quoque puniantur, qui deinceps cum externis potestatibus aut hostibus commercium habuerint.

Paci huic subscripsit Princeps Doloruki tanquam Mediator (Commissarii item Regis & confœderatorum: Præfeti autem copiarum Reipublicæ, quæ pacis tempore secundum Ordinationem 18 Dec. 1716 factam 15000 circiter conficiunt) Regi & Reipublicæ jurarunt, hos articulos pacis se defensuros, copiis non nisi ad arcendos hostes & quietem patriæ ufuros, pro securitate Regis & Reipublicæ; cum externis nullum commercium habituros: electionem Regis liberam nullatenus turbaturos, sed in finibus regni adversus vim externam excubaturos: se ipsos a communibus contributionibus non exempturos: militiam ab omni insolentia, vi, prædatione cohibitueros, curatueros denique, ne belli Officiales ex Dissidentium religione in præjudicium Catholicorum nimium au-geantur.

Dantiscanæ civitati, quæ contra Suecos nihil hactenus præstiti Russi hærent terat, Zarus sub comminatione vindictæ præscripsit, quænam dein in Polonia, ceptis auxiliis usque ad finem belli Suecici præstari oporteat. Russi, post confectam etiam Regem inter & Polonos pacem, Polonia excedere tergiverfabantur, ita, ut toto adhuc anno 1717 aliqua tur-

mæ atque cohortes in eadem subsisterent, non sine gravi Polonorum molestia.

§. 3.

Russi tandem Polonia excedunt. Poloni Curlandiam feudum suum defendunt. Sobiesky calamitas propter filiam. Causa Thorenensis. Protestantium querela. Polonorum responsio.

Borussi postulata. Causa Curlandica circa electionem Mauriti.

260.
Ad ann.
1717.

Anno 1718 Russi tandem exceſſerunt Polonia, quietem naſta, qua a multis jam annis caruit, internis externisque fluctibus jaſtata; unde quidam dixit, macros annos jam elapſos, ſucceſſuros deinceps pingues: id quod Legatus quoque Turcicus, ad Regem miſſus, Reipublicæ augurabatur, ſinceram Sultani amicitiam conteſtatus.

Stanislaus.

Stanislaus poſt mortem Caroli XII, poſtquam Guſtavus Samuel Bipontini Ducatus poſſeſſionem adiit, reliſta ea provincia in Alſatiam conceſſit, jam Weiſſenburgi, jam Tabernis, jam Argentina degens. Dicitur voluiſſe ſe Regi Auguſto ſubmittere, ſi bonis ſuis in Polonia, quæ ſiſco fuerant addiſta, una cum Regio titulo frui ſineretur. Sed hic ei negabatur. Poniatowski vero, aliiſque, qui partes ejus ſecuti fuerant, cum Rege ſunt conciliati.

Curlandia.

1719 Curlandia, feudum Poloniae, Ruſſicis adhuc præſidiis tenebatur, obtentu Annæ, reliſta a Friderico Wilhelmo Duce, anno 1711 ſine liberis deſuncto, viduæ, Petri I ex fratre Joanne neptis (quæ poſtea in ſolium Moſcoviæ fuit eveſta) Hanc ſponſam petebat Fridericus Brandeburgicus, Svetenſis linæ, ut hoc pacto Curlandia poſt mortem Ferdinandi, ultimi ex Kettleriana familia Ducis, jam anno 1655 nati, & tunc adhuc cœlibem vitam agentis, Domui Brandeburgicæ infereretur. Et ambebat pars utraque hoc conubium, Zaro & Boruſſi vota iſta probantibus. At toto niſu ſe oppoſuit Polonia, non commiſſura, ut exteri Principes de feudo alieno diſponant. Atque proteſtatione ſua id effecit, ut hæc conſilia effectus deſtituerit. At Curlandia multum adhuc diſputationis pariet.

Jac. Sobiesky.
kl.

Jacobus Sobiesky, joannis III Poloniae Regis filius, natu maximus, qui ex Italia rediens Olavii in Sileſia (quod pignoris titulo poſſidebat) domicilium fixerat, hoc anno eam urbem arcemque, mo

imo totam Silesiam deferere debuit, quod non efficeret, ut filia Jacobo III Angliæ Regi desponsa, in captivitatem Oenipontanam, ex qua evaserat, rediret. Dandum hoc erat amicitie Anglicanæ. Confiscato pignore, Princeps in Poloniam abiit: postea tamen fuit restitutus, summis per Europam familiis sanguine vel affinitate junctus.

Obiit Princeps Radzivilius Dux Olyckenfis, Lithuanie Cancellarius; cui solenniter parentatum. Successorem in dignitate habuit Principem Wiefniovitum.

1720 jactis quibusdam cum Svecia Præliminaribus ad pacem borealem, Brunsvici ineundam, Lubomirski Princeps in Sveciam abiit, Poloniæ nomine Friderico coronam gratulaturus; Episcopus vero Cracoviensis ad Brunsvicensem Congressum Legatus.

Cardinali Salerno Rex Augustus propria manu Galcerum imposuit.

1721 in Comitibus agebatur de exauctorando Comite Flemmingio, qui militi Saxonico, ad corporis custodiam relicto, præerat. Annuit ultro Flemmingius, fuerantque a Rege designati Lubomirskius & Dænhofius. Sed magnatibus inter se dissentientibus Comitibus soluta sunt.

1722 Rex multas dignitates & Officia distribuit, Ermelandico præsertim Episcopo ad Gnesnensem Archiepiscopatum & Primum Rex munera Poloniæ nominato. Cæterum Rex singulis prope annis in Poloniam, publica di- & inde in Saxoniam profectus est, ut utrobique cura vigili rei publicæ provideret.

1723 satis pacata fuerunt omnia in Polonia, Rege licet in Saxonia absente. Obiit primogenita Jacobi Sobiesky, Mauritiæ Principis Turenii ex Domo Bullionica sponsa, qui post ejus mortem sororem Carolinam duxit. Sed in nuptiarum apparatu & ipse occubuit. Quare ejus frater Godofredus Carolinam sibi junxit; Pontifice in impedimento dispensante.

Anno 1724 Historia Polonica nihil famosius habet, quam causam *Thorunensem*, quæ ingentes in Europa motus excitavit. Ea sic habet: Thorunii in Borussia Catholici dum per cœmiterium processionem solennem, deportato Venerabili Sacramento, instituunt, Studiosorum quidam Catholicus Lutherano proterve adstanti pileum manu decussit. Conglobantur mox Lutherani, & Studiosum illum male exceptum, in carcerem abripiunt. Studiosi Gymnasii S. J. eundem repetunt: at frustra. Lutherani alterum etiam ex Studiosis captivum abducunt. Illi Lutheranum quendam

com-

Epithalamium in
lessum.

Causa The-
runensis.

comprehensum ad Gymnasium ducunt, brevique iterum liberum dimittunt.

Protest. insolentia.

Armati mox cives Lutherani Gymnasium circumstant, illudque una cum Collegio & templo S. J. invadunt, confringunt, lacerant obvia: sacras imagines conscindunt, proculcant, & in ignem, quem in platea excitaverant, projiciunt: neque blasphemis clamoribus abtinent. Sacerdotem ex Societate, vim sacrilegam prohibere volentem, ferro & sudibus proturbant.

Disperguntur quidem a milite Polonico praesidiario. Sed rursus, interfecto uno ex militibus, vim arcere conantibus, in globum coacti irrumpunt in Collegium, illudque spoliunt & devastant.

Quinque omnino horas tumultus hic & furor Lutheranorum tenuit, in sacra & profana grassantium.

Polonorum sententia.

Natio Polonica, potissimam partem apprime Catholica, exhorruit, ubi petulans facinus inaudit. Missi igitur a Rege & Republica Thorunum Commissarii, tum ex Ecclesiasticis, tum ex saecularibus Senatoribus, aliisque coronæ officialibus electi, qui causam istam rite examinarent, atque ad regni Senatum referrent. Hic novum tribunal erexit, Varsoviæ, in quo causa ista cognosceretur & judicaretur.

Pronuntiata tandem sententiâ, ut aliqui ex reis morte plecterentur, alii carcere, alii multa pecuniaria punirentur. Statutum insuper, ut Senatus Thorunensis media parte ex Catholicis constet, ad militiam quoque urbis Catholici Officiales admitterentur. Templum B. V. M. ad Catholicos transferretur. Lutheranum Gymnasium urbe excederet, & alibi sedem figeret. Denique duo Praecones Lutherani proscriberentur.

Röfnerus capite ple-

Missus ad executionem sententiæ Princeps *Lubomirskius* cum aliis Commissariis. Promulgata Varsoviensis tribunalis sententiâ, *Röfnerus* Praeses cum octo aliis capite plexi sunt: reliqua pariter secundum sententiam executioni data.

Dici non potest, quantos hæc executio inter Protestantes motus concitavit. Pacem Olivensem, quæ Borussia Polonicis libertatem religionis indulgeat, violatam questi: vim a Catholicis inchoatam: quidquid secutum levis plebeculæ esse piaculum: *Röfnerum* ac Senatum Thorunensem fuisse insontem.

Protest. que relæ.

Itane vero? pax Olivenfis a Senatu Regio ipsoque Rege fuit violata? permittit illa Thoruni Lutheranis liberum religionis exercitium: an non etiam Catholicis? an Lutheranis concedit truculentam petulantemque violentiam in personas & sacra Catholica? an
Rex

Rex & Senatus Catholicus complicatis manibus tanta subditorum suorum crimina intueri debet? Patrent hæc Catholici in civitate Lutheranis subiecta; heu! quæ pœnæ plectendo scelere?

At vis a Catholicis fuit inchoata, inquirunt. Proh quanta vis, si adolescens petulanter adstanti sacratissimo Mysterio pileum manu decutiat! Ergo urbs ruat in arma: cædes patrentur, invadantur ædes, spoliuntur, devastentur, sacra omnia sursum deorsum eant. Quoties hoc ipsum contigit in aliis civitatibus, ut juvenis homini irreverenti pileum decusserit; quis prudens propterea tantas insolentias excitandas putavit. Manerent domi, aut discederent tali tempore, quo sacra nostra peragimus; Deo injuriam & despectum publice fieri, non ferendum putamus.

Sed vilis duntaxat plebeculæ, dicunt, fuisse tumultum: Rōne-
rus urbis Præfectus & Senatus fuerunt innocui. Verum, qui ex officio deberet publicas turbas impedire, & non impedit, an dicemus innocuum? deinde cur P. Rectori Secretarius Senatus est minitatus? cur milites civitatis Lutherani a tergo furentis plebeculæ steterunt armati? cur portæ urbis fuerunt clausæ, cum tumultus ingrueret? ne videlicet Catholica suburbia accurrerent. Nihil a Rege & Republica præcipitatum: nil actum temere: omnia probe & exacte fuerunt examinata, donec ferretur sententia. Despectum Numinis, sacrilegam petulentiam, vim publicam armatamque, invasiones truculentas, cædesque, direptiones, concussiones, rapinas, vindicare debuit scelerum ultrix justitia, in eo etiam temperata clementia, quod pluribus reis pepercerit.

Heterodoxi nihilominus quas minas non intenterunt? & Svecus, & Danus, & Prussus, & Anglus, quin & Hollandus quandoque Polonorum
tor extulerunt clamores? quas vindictas coquebant? at Rex Augustus
gustus atque animosa Natio, non esse sibi exteris rationem de iis reddendam rati, quæ in regno suo agerent, id solum responderunt, secundum
leges regni acta esse, quæcunque acta essent; tam violentas subditorum
seditiones, concussiones, & enormes excessus in nullo regno, recte ordinato, impunes fore. Executionem Thorunensem justam esse delictorum penam. Non pertinere ad alios, de hac justitia judicare. Non querere se, quid alibi agatur, an justæ sint Catholicorum
oppressiones, sed nec velle, ut alii sibi leges præscribant, quarantque, quid agatur in Polonia.

Hanc generosæ gentis animositatem expertus est Finckius, Legatus Anglicus, ne quidem admissus, quod acerbius latam Reipublicæ sententiam, executionemque illius perstringeret.

Par. X.

K k k k

Anno

Postulata Bo-
russi.

Anno 1715 Rex Borussiae, executione Thorunenſi offenſus, Poloniſ postulat 1. ut ſal Halla in Boruſſiam libere & abſque veſtigali traducatur. 2. Ut telonia in Polonia & Lithuania auferantur. 3. Poloni Boruſſos transfugas remittant. 4. Propter dominia quædam ſibi ſatiſſeri petit, & ſines ocuſ determinari, Regiumque titulum ſibi tribui. 5. Episcopum Cuiavienſem puniri, quod alienum in territorium ſacerdotes Catholicos induxiſſet. 6. Scire petit, cur interceſſio ſua pro Thorunenſibus non ſit audita. An, & quid Poloni reſponderint, non invenio.

Conſul Cur-
landica.

Anno 1726 cauſam Thorunenſem excepit *Curlandica*. Cum enim Ferdinandus Dux ſeptuagenarius jam eſſet, & adhuc cœlebs, Status Curlandiæ, in futurum ſolliciti, ſucceſſorem elegerunt Comitem Mauritium de Saxonia. Indigne hoc ferebat tum Ferdinandus Dux, tum Ruſſia, quæ Gottorpienſem eligi optaverat, tum etiam Polonia, ad ſe pertinere exiſtimans de Curlandia & Semigallia, tanquam ſeudo ſuo, in eventum aperturæ diſponere.

Electio Mau-
ritii.

Res Grodnenſibus in Comitiiſ fuit propoſita, ſtatutumque, ut Mauritius, quod nec in Comitiiſ comparuiſſet, nec acta ſuæ electioniſ ad illa miſiſſet, proſcriberetur, & pro hoſte patriæ haberetur. 2. Ut Mieravium mitterentur, qui cauſam examinarent, & Curlandiam in ſtatum ſuum reponerent.

Irritata a
Polonia.

1727 Commiſſio Mietaviſiſ electionem Mauritiſ irritam declaravit, addita prohibitionem, ne is unquam Curlandiam intraret. Statibus vero provinciæ mandatum, ut Reipublicæ fideles cum nullo unquam extero Principe de electione novi Ducis tractarent. Quo animo Rex Auguſtus hæc ſanguiniſ ſui fata tulerit, facile eſt conſpicere. Verum providentia ad majores lauros palmasque Mauritium reſervavit.

Cofacci.

Anno 1729 Coſacci in Uckrania turbabant. Plures ſub protectionem Turcicam ſe receperunt. Querela ad Gubernatorem Cozimenſem delata, reſpondit iſ, Coſaccos liberam videri gentem, quæ modo a Turciſ, modo a Poloniſ protectionem quærant. At Poloni hoc reſponſo non contenti, immiſſo exercitu renitentes ad obſequium reduxerunt.

Obiit Varſoviæ Vincentius Santini Nuntius Apoſtolicus; cui ſucceſſit Paolucciſ.

Comitia diſ-
ſoluta.

Anno 1730 indiſta a Rege fuerant Comitia Grodnenſia; jamque Varſoviam uſque pervenerat, cum aliqui Deputati Provinciarum protectionibus ſiſ effecerunt, ut diſſolverentur, antequam initium acciperent. Idem fere accidit anno ſequenti, Deputato Bo-
ruſſico

russico protestante; unde Rex ipse, qui peracto longo itinere Grod-
ni præsens jam aderat, re infecta iter remetiri Dresdam debuit.
Doluit etiam Dissidentibus, dissoluta fuisse Comitia, in quibus ad
commendationem Protestantium Principum sperabant, se varios
circa religionem favores impetraturos. Sors eadem comitiorum fuit
anno 1732.

§. 4.

*Obitus Augusti II. Electio duorum competitorum. Russorum
irruptio. Augusti III coronatio. Gedani expugna-
tio. Pax Polonica.*

Anno 1733 obiit Varsoviæ Fridericus Augustus Rex Poloniæ, anno æt. 63, Regni 36, Electoratus 39; Primas Regni Theodo-
rus *Potocki* Archiepiscopus Gnesnensis, sede vacante pro more re-
gimen auspicatus est: Comes vero *Poniatowski* Regni copias rege-
bat. Primas Regni Varsoviam convocavit Status de negotio ele-
ctionis deliberaturos. Habitis aliquot congressibus *generalem confæderationem* inierunt, 61 articulis comprehensam, atque a Primate, 8
octo Episcopis, 296 Senatoribus & provinciarum legatis sub-
scriptam juratamque.

In iis statutum, neminem nisi Piasum vel Polonum esse eligen-
dum, qui Catholicam Religionem profiteatur. Electionem debere
esse omnino liberam, eamque 25 Aug. loco consueto intra War-
savianam & Wolam esse suscipiendam.

Duo autem præcipui erant coronæ Candidati, Fridericus Augu-
stus videlicet, Saxonie Elector, Regis defuncti filius, a Rege Ja-
gellone descendens: alter Stanislaus Lescinsky, Regis Franciæ So-
cer, jam anno 1704 electus in Regem, cujus pater fuerat Thesau-
rarius Poloniæ, mater ex Illustri Familia Jablonowskia.

Stanislao adhærebat Primas cum non paucis Magnatum. At
vero Cæsar & Imperatrix Russiæ ceu sponsores libertatis confædera-
tionem illam improbant, cuique votum suum relinqui liberum de-
bere contententes. Reipsa Stanislaum, cum Gallia intime conjun-
ctum, averfabantur habere vicinum. Quare, ut efficacius id,
quod mente conceperant, assequerentur, Anna Imperatrix copias
militares in Lithuaniam duxit, Cæsar quoque exercitum in Silesia
colle-

Atum Poloniæ finibus admovit, ut electionis libertatem adversus Primatis, ut dicebant, machinationes protegerent.

Electio
discessit.

Nihilominus 25 Aug. Primas Potoki, cum *Regimentario* Poloniæ Poniatowski, multisque aliis Stanislaum, in loco electionis præsentem, Regem renuntiavit. Regimentarius vero Lithuanie Wisniowski cum multis Nobilibus, protestatione interposita, campo electionis excessit, atque ad Moscos se contulit, proditor & hostis patriæ propterea declaratus. Spoliatum Warfaviæ palatium Löwenwoldi Legati Russici, uti etiam Cracoviæ palatium Regium.

At vero, cum Mosci Vistula trajecta Warfaviam occupassent, Stanislaus cum Primate Dantiscum fugit, & copiis Polonicis, quas Potokius novus Regimentarius duxerat, dispersis, nova electio fuit indicta ab Episcopo Poshnienensi, munere Primatis fungente. Electus est Elector Saxonie, & ab eodem Poshnienensi Rex *Augustus III* proclamatus; cujus nomine Wackerbartus *palla conventa*, 76 articulis comprehensa, confirmavit, Rex vero Augustus, postquam electio Dresdam fuerat nuntiata, amnestiam universalem promulgari iussit.

Sed Josephus Potoki, frater Primatis, Kioviæ Præfectus, nihilo secius in majori & minori Polonia, uti etiam Lithuania magnos motus excitavit; sed postquam Dux Weissenfelsius, & Tribunus Baudissius cum copiis Saxonice advenere, quies aliquanta fuit reddita.

Stanislaus
Gedanum.

Quia autem Rex Stanislaus Dantiscum confugerat, Lascius Russicum urbi illi admovit exercitum, relictis ad Varsoviæ 15000 sub Lubrasio. Weissenfelsius vero occupata Poshania Dantisco omne auxilium interclusit.

Saxo coro-
natus.

Anno 1734 Rex Augustus III magno cum comitatu Cracoviam ingressus, atque 17 Jan. in Ecclesia Cathedrali a Lipskio Episcopo loci summa cum solennitate una cum Regina Maria Josepha inter sacra Missarum Officia fuit coronatus. Celebrata dein Cracoviæ fuerunt Regni Comitæ, sed propter magnum numerum, Regi Stanislaui adhuc adherentium, nihil admodum perfici in iis potuit; nisi quod aliqua officia a Rege Augusto sint distributa, & confederatio quædam fuerit inita. Rex autem cum Regina in Saxoniam rediit.

Rex

Rex Stanislaus, quod dictum, cum Primate & Montia Legato Gallico Gedanum seu Dantiscum se receperat; igitur Russi sub Gedanum. Lascio ad eam urbem expugnandam se accinxerant. Urbs autem obfessum. promissis a Gallia subsidii confisa, animosam defensionem præparavit. 20 Martii cæpta obsidio. 28 viæ obsidionales apertæ. 20 Maji venerunt suppetiæ Gallicæ, 2400 viri, ad Vistulæ Osium (*Wielka Wodzisław*) munimentum, milliari a Gedano disticum, appulsæ. Sed Dux Weissenfelsius cum majoribus, multo copiis Saxonibus 24 Junii hoc munimentum ad deditionem compulit.

Gedanum, cum jam in tertium mensem multas calamitates esset perpeßum, nec ulla solvendi obsidionem via appareret, Legatos, qui cum Russis & Saxonibus transigerent, misit. At hi antea omnia Stanislaus Regem, Primatem, & Marchionem de Monte sibi tradi postularunt. Igitur Stanislaus 8 Julii mutato habitu noctu ex urbe evasit, salvusque Regiomontum pervenit. Postridie Deditionem. deditionis leges sunt conceptæ.

1. Urbs agnoscit Augustum III, legitimum suum Regem, etque fidem & obedientiam pollicetur. 2. Privilegia tamen & jura urbis confirmantur. 3. Promittitur amnestia. 4. Milites peregrini sint captivi. 7. Urbs nunquam assistet hostibus Russiæ. 8. Solennem Conditiones. Deputationem mittet Petroburgum, veniam precaturam. 9. Millionem thalerorum Russis solvet pro sumptibus. 10. Campanæ 30000 aureorum redimantur. 15. Urbs millionem solvet ob dimissum Stanislaus, nisi culpam diluat. &c.

Multi Poloniæ Magnates, qui cum Rege Stanislao Gedanum se receperant, Regi Augusto se subjecere, & 2 Julii urbs Eidem homagium præstitit. Rex Münchium gladio, Lascio annulo magni pretii donavit.

Toto anno 1735 Rex Augustus cum Regina Varsoviæ versatus, de Republica constituenda deliberabat, ubi id ei felix faustumque accidit, ut Josephus Potoki, Kiovix Palatinus, coronæ exercitui præfectus, Primatis frater, cum copiis suis se submitteret. Supplicatum etiam Regi, ut Primas regni, qui Gedanum Thorunium Potoki Fr. captivus fuerat abductus, liberaretur. Quod ubi obtentum, Pri- tres ad Aug. mas Varsoviæ profectus, ac Regi se subjiciens, in gratiam fuit receptus, sequentibus exemplum pluribus Proceribus, atque integris provinciis.

Indixerat equidem Rex Comitæ, contra quæ tamen, qui Stanislaus adhuc cum Comite Tarlo, Lublinensi Gubernatore, adhuc

~~~~~

rehabant,

rebant, vulgato per provincias scripto, protestabantur: cumque provinciarum deputati nolent Comitiorum Marefchallum eligere, nisi prius exterius miles e regno esset dimissus, res effectui caruit; quamvis jam octo Legiones Russorum, & quatuor Saxonum in Germaniam essent dimissæ, atque Rex promitteret, postquam omnia in Polonia conquiescerent, omnes exteræ copias inde abductum iri, exceptis 1100 Saxonibus, jam anno 1717 Regi ad corporis custodiam concessis.

Interea autem toto hoc anno Stanislaus Regiomonti morabatur: ejus autem adhaerentes, comes Tarlo cum Rudzinskio, Steinfisto, Sapieha, Pozievio &c., per Poloniam adhuc cohortes suas & turmas circumferebat, donec de Præliminaribus, Viennæ initis, fuit nunciatum, conventumque, ut Stanislaus Poloni regni possessionem abdicaret, Regium tamen titulum retineret. Quo factoque plerique omnes Poloni ad obsequium Regis Augusti flexi, amnestia, ab eo promulgata, frui voluere.

Pax Polonica.

Anno 1736 habita Comitia, in quibus pax tandem inita, 343 articulis contenta; quibus, præter alia multa, statuitur, ut omnes priores Confederationes, & scripta, contra Augustum III edita, sint abolita. Respublica eum agnoscit legitimum suum Regem, & pro hoste patriæ habebit, qui adversus eum aliquid machinaretur. Electio sit libera; privilegia rata; Saxones & Russi intra 40 dies Polonia excedant: secus hostes patriæ habendi, quin Rex id læsæ Majestatis suæ crimen reputet. Retinere tamen potest 1200 Saxones pro corporis custodia, quorum Dux Reipublicæ fidem jurabit, & jurisdictioni Marefchalli coronæ subiectus erit.

Curabit Rex, ut personæ abductæ & loca omnia restituantur. Solus deinceps omnia coronæ officia conferet. Dissidentibus permittitur sua religio. Amnestia sit universalis. Regina, si fiat vidua, assignantur 200000 floreni, & insuper 2000 aureorum pro scatulla: Curlandiæ, postquam Kettleriana Familia fuerit extincta, permittitur libera electio Ducis, qui tamen confirmationem a Rege petet. Comitiorum Marefchallus prima die eligendus &c. Post hanc Conventionem Rex, donatis Senatoribus, collatisque variis officiis, in Saxoniam rediit, relictis 1200 Saxonibus sub Comite Sulkovskio.

Republica sic constituta, omnes Principes Augustum Regem agnoscunt. Marchio de Monte e custodia liber dimittitur. Deducuntur ab ostio Vistulæ Saxonica copiae, & munimentum Gedanis red-

redditur. Rex Augustus, Sulkovskius, Brühlus ab Anna Imperatrice Russiæ ordine S. Andreæ donantur. Comites de Tarlo &c., in gratiam recepti.

## §. 5.

*Obitus Ferd. Ducis Curlandiæ. Electio Bironii. Capitulatio. Ejectus in exilium. Comitatus regni dissoluta. Beveranus electus Dux Curlandiæ, & depositus, Russorum revocatione. Mors misera Comitatus de Tarlo. Contentio de Augusto ab Austria abstrahendo.*

Anno 1737 obiit Ferdinandus Dux Curlandiæ, ad Religionem Catholicam conversus, ultimus Kettlerianæ familiæ, cujus proavus Gothardus Kettler, cum esset in Livonia & Curlandia Magister ordinis Teutonici, eidem utramque provinciam, ducta uxore, perfide eripuit, atque, sicut Borussia Magister, sub protectionem Poloniæ confugit, atque ab ea Ducatum clientelari ac fiducia jure possidendum accepit.

Cum igitur Ferdinandus nulla relicta prole obisset, ad Status Provinciales, secundum conventionem cum Polonis initam, devoluta est electio Ducis. Tres erant Candidati, Mauritius Saxo, Regis frater naturalis, Princeps Hassio-Homburgicus, Ernestus Comes Bironius, natus 1690 in Curlandia, Camerarius Annæ Imperatricis, cujus favore electus est Dux Curlandiæ & Semigalliæ; qui per Finckensteinium a Rege Poloniæ confirmationem electionis petiit.

Antequam tamen illa impertiretur, Reipublicæ Delegati has Mietavii ei leges jurandas proposuerunt. 1. Quod homagium personaliter Poloniæ præstare velit. 2. Catholicis liberum Religionis suæ exercitium permittere. 3. Tempore belli 500 pedites aut 100 equites præbere Reipublicæ. 4. Polonis & Lithuanis, in Curlandia domicilium figentibus, æquales libertates indulgere. 5. Bona, a Kettlerianis pignori aut hypothecæ subiecta, reluere. 6. Sub nullius alterius protectionem concedere. 7. Nemini jus *Indigenatus* seu incolatus largiri, sed petitores ad Comitatus regni remittere. 8. Curare, ut Acta Curialia, & Archivia, a Suecis Rigam asportata, restituantur.

Rex

Rex hoc anno Senatus Consilium habuit, in quo actum de futuris Generalibus Comitibus; de controversia circa Jus Patronatus per Concordatum cum Sede Apostolica finienda: de Legato Niemroviam ad Congressum pacificationis mittendo, de Neapolitanis creditis reposcendis: de violentis delectibus militum coercendis.

Obit Jac.  
Sobieski.

Obiit, Jacobus Sobiesky, Joannis Poloniae Regis filius, ætatis 70. Genuit ex Hedvige; Philippi Wilhelmi Electoris Palatini filia, (præter Carolinam, ex duobus fratribus Ducibus Bullionis uni desponsatam, alteri nuptam) Clementinam, Jacobo Eduardo Stuarto, Angliæ Regi datam conjugem; ex qua nepotes nati sunt Carolus Eduardus, & Henricus Benedictus, suos cum Bullionia heredes. Verum Princeps Radzivilius bona Domus Sobieskiæ, in Polonia sita, ab iis emit.

Anno 1738 inchoata sunt Varsoviæ Comitia: sed cum aliqui Deputati Provinciales a Rege exigenter, ut impediret Russorum transitum per Poloniam, hoc autem non tam facile ac tam cito fieri posset, dissoluta sunt.

Lipskio Cardinali Rex ipse pileum imposuit. Post obitum Potokii ex Episcopo Cracoviensi factus est Archiepiscopus Gnesnensis & Primas Regni. Verum renuntiavit his dignitatibus, & recepit Episcopatum Cracoviensem.

Anno 1739 Bironius electus Dux Curlandiæ, cum æger esset, per Finckensteinium Varsoviæ coram throno Regio, homagio præstito; feudum recepit, sumptu mille thalerorum.

Zembackius Episcopus Cujaviæ renunciatus Archiepiscopus Gnesnensis ac Primas Regni. Alexander Ferdinandus Princeps de Thurn & Taxis a Rege adscriptus Ordini Equestri Albæ Aquilæ.

Comitia  
dissoluta.

Anno 1740 in Comitibus Varsoviensibus tractandum erat de pace cum vicinis Principibus servanda; de solutione militiæ facienda; de munimentis limitaneis reparandis, & armamentariis instruendis; de Elbingensi territorio, titulo pignoris a Rege Borussiae detento, relucendo; de commerciis augendis, re monetaria emendande. Verum inter provinciarum nuntios super his tantæ ortæ sunt discordiæ, ut absque comitali Decreto discederetur; Rege in Saxoniam redeunte.

In Posnaniensi Palatinatu Borussia Monasterium, quod Paradysum appellatur, fuerunt deprædatis, quia Abbas in suo territorio delectus militum vetabat. Poloni in Ducatu Crosnensi, quem Borussia occupaverant, usi sunt Repressaliis jure retorsionis.

Anno

Anno 1741, cum Ducatus Curlandiæ per ruinam Bironii vacare a Russis nuntiaretur, Respublica Status provinciae monuit, ut Biron deponeret ad electionem novi Ducis procederent. Electus est Ernestus situs, Brunsvico-Beveranus Princeps Ulrici Frater. At vix ascenderat, cum, nova in Russia revolutione omnia invertente, lapsu gravio- & Beveranus.  
re ruit, & fuga salutis suae consulere debuit. Quamvis enim Curlandia feudum esset Poloniae, & Regem veneraretur suum Dominum, Russi tamen, quia militare suum in ea habebant praesidium, omnia pro arbitrio versabant, Polonis, potentiam veritis, & pacis amore conniventibus.

Unde etiam in bello Successionis Austriacae neutras partes secuti sunt, aliquot duntaxat Legiones ad tutelam Regni in finibus locatae sunt. Quin bello divites facti videri possunt, cum plurimo frumento, aliisque alimentis magno pretio Borussiae juxta & Austriacis in Silesia venditis, grandem pecuniae vim patriae importarent.

Rex hoc anno in Poloniam non venit, Vicariatu Imperii & bello adversus Austriam districtus.

Anno 1742 Rex *Fraustadium*, urbem ad fines Poloniae, tribus duntaxat milliaribus Glogavia distantem, Senatus Consilium indixit; *Fraustadium*  
quo multi Poloniae Proceres convenerunt. Rex plures quaestiones se S. C.  
illis proposuit.

1. Quomodo interna Poloniae quies firmanda, cum Rex propter bellum Germanicum in regno suo subsistere non possit? *Responsum*, Regi non defore media, quibus etiam eminus, tractis in curarum partem Primate, Senatoribus, Status & belli Ministris tranquillitati consulere possit.

2. Quomodo commercium praesenti bello conservandum? *Responsum*, Conservandam Balthici libertatem, finesque a Coronae Duce tutandos.

3. Quanta Summa determinanda pro reparando Caminico? *Responsum*, 16000 florenos Polonicos ex aulario coronae esse desumendos.

Collatis tum pluribus Regni Dignitatibus, creatisque Albæ Aquilæ Equitibus Rex Dresdam rediit.

Anno 1743 Princeps Radzivilius causam obtinuit ratione bonorum Domus Sobieskiae adversus Comitem de Tarlo, qui illa hypothecario duntaxat jure possederat. At Comes a Senatu ad Comitiam Regni appellavit. Princeps Lubomirskius jam anno superiore plura bona in Moravia coemerat, hoc vero insuper arcem

& ditionem Seloviciam, pretio, ut scribitur, 400000 florenorum supra millionem.

Rex Elisabetham, Russiæ Imperatricem, in Ordinem Equestrem Candidæ Aquilæ assumpsit.

Anno 1744 inchoata sunt Grodnæ Regni Comititia tam feliciter, ut auspiciatum omnino exitum sortitura crederentur. Adherent 162 Provinciarum & Civitatum Deputati, qui Comititem Oginsky elegerunt Mareschallum Comitiorum. Materia tractanda proposita, de administranda Justitia, restituendis Commerciis, reparandis metalli fodinis, domestica & externa securitate firmanda, copiarum augmento. Actum quoque de supplendis Coronæ Officiis, quæ ad initium Comitiorum completa esse debent.

At subito cursum tam auspiciato cœptorum stitit Deputatus Wisnensis, qui publice fassus est ultro, a Wallenrodo Legato Borussiae sibi & novem aliis Commissariis datam pecuniam, eum in finem, ut Comititia disturbarent, ne videlicet in favorem Regis seu Electoris Saxoniae, cujus territorium Borussiae fuerant ingressi, aut Reginae Bohemiae, in quam hostiliter denuo irruperant, aliquid statueretur.

Deputatus, quem dixi, pecuniam acceptam (3000 aurei fuerant promissi, & 350 traditi) in medium projecit, comminatus, se reliquos novem, ejusdem culpæ reos, nominaturum, nisi se ipsos manifestarent. At illi tacuerunt. Quare eos prodidit. Pars negavit: pars fassa est. Inde autem exorto tumultu, quidam Regionarii Nuntii, cum proditores patriæ compellarentur, ex Congressu eruperunt, nec reduci amplius poterant; atque hac ratione ad votum Wallenrodi Comititia dissoluta sunt.

Habitu dein a Rege Senatus Consilium, quo deliberatum, quomodo his in turbis provideri queat, ne Respublica detrimentum patiatur, statutumque, ut a Rege Borussiae satisfactio petatur. Pecuniam, a Nuntio Wisnensi projectam, Orphanotrophio Varfaviensi Rex donavit, illum vero, in suam protectionem assumptum, 2000 thaleris ex Coronæ thesauro remuneratus est.

Mors misera Comititæ Tarlo. Comes Adamus Tarlo, Lublinensis Palatinus, singulari cum Comite Poniatowsky certamine congressus, gladioque confossus perijt. Meliori fato obiit Wisniovitius, Vilsæ Palatinus, ultimus ex stirpe Jagellonica.

Fran-



Francofurtenfis unio omnem conatum adhibuit, ut Augustum III Poloniæ Regem ab Austria ad se attraheret; quare Legatus Borussicus adhuc ante finem hujus anni 1744 Varaviae eidem, si unioni accederet, obtulisse fertur, ut Regnum Bohemiæ dividatur, atque sex Circuli Regi Poloniæ, qua Electori Saxoniae, obtingant; præterea pars Moraviæ, Teschenfis Principatus, cum transitu Jablunæ, ut communionem cum Polonia habeat: Borussia omnem operam collaturam, ut regnum Poloniæ hæreditarium Domui Saxonicae evadat: Confraternitatem hæreditariam constituendam Domos inter Bavaricam, Saxonicam & Brandenburgicam, vi cujus Bohemia & Silesia obveniant superstiti reliquis. Certamen de Saxone.  
Galliam eadem Saxoniae præstituram subsidia, quæ Anglia promississet: sex memoratos Bohemiæ Circulos mox Electori tradendos.

Verum hic tam splendidis promissis nequaquam se passus est abstrahi a fœdere Austriaco, sed arctius adhuc eidem se adstrinxit, inito 8 Jan. 1745 Varaviensi tractatu, Austriam inter, Saxoniam, & utramque Potentiam Maritimam, prout in Germanicis dictum, sancito.

Mortuo dein Carolo VII Imperatore, Franciæ & Borussiae Reges adhuc ardentius institerunt, ut Regem Poloniæ lucrarentur, oblata etiam Cæsarea Dignitate. At ille memorabili constantia fide sua stetit, quamvis videret, quanto discrimini se & provincias suas objiceret. Conjunxit igitur copias suas cum Austriacis, donec Fridbergensi, Sorano, & præsertim Kesseldorffensi prælio victus, in pacem Dresdensensem consensit.

Obiit Theodorus, Princeps Lubomirsky, Cracoviæ Palatinus, Regiæ Hungariæ Generalis Marefchallus, qui frustra conatus fuerat, Poloniam ad Austriacas & Saxonicas partes pertrahere.

## §. 6.

*Obitus Reginæ. Ejus liberi. Carolus Princeps tertio-genitus eligitur Dux Curlandiæ.*

Postquam Rex cum Familia sua sub initium anni 1746 Dresdam rediit, atque Saxoniam suam calamitatibus, quas bellum intulerat, hiantem composuit, cum Regina ad Comitum Varaviensium

LIII 2

pro-

profectus est. Electus Mareſchallus Princeps Lubomirſkius, Caſimiræ Præfectus, & Rawæ Deputatus. Stanislaus vero Zaluſkius, Magnus, ut vocant, Coronæ Cancellarius, materiam tractandam Regis nomine Comitibus propoſuit: quomodo videlicet proventus Reipublicæ augeri poſſent: quomodo abuſus tribunalium tollendi: amicitia inter Illuſtres Familias concilianda: augendus Coronæ exercitus. Verum cum inde contentiones orirentur, abruptum eſt rurfus Comitium.

Anno 1747 Polonia Regem ſuum non vidit; quia apparandis tergeminis nuptiis in Saxonia detinebatur. Vacantia nihilominus Regni Officia & Dignitates diſtribuit. Zaluſkius Regni Cancellarius nominatus Episcopus Cracoviensis.

Ad Archiepiſcopatū Gneſneſem & Primatum Poloniae Rex nominavit Komorowski, Præpoſitum Cracoviensem, (1748) cui Pontifex præter Confirmationem ſpecialia alia privilegia conceſſit. Poſtquam Henricus, Comes Brühlus, primus Electoris Saxoniæ Miniſter probavit, familiam ſuam ex Polonia oriundam eſſe, magnos in ea fundos ſibi comparavit. Inter cætera Sierakovichium emit a Regina Galliae, ad quam materno jure ſpectabat, duobus, ut fertur, millionibus. (1749.)

Rex petit,  
Bironium  
reſtitui.

Rex, datis ad Eliſabetham Ruſſiæ Imperatricem litteris, ſuo & Reipublicæ nomine petit, ut Erneſtus Bironius, anno 1740 in exilium ejeſtus, libertati & Curlandiæ Ducatui reſtitueretur. Sed impetrari id non poterat. Comitibus Regni propter diſceſſum & perſtinaciam unus Deputatus rurfus ſunt diſſoluta. Unde Rex cum conjuge Dredam rediit: poſtquam varia officia diſtribuit, & Varſoviæ Equites Candidæ Aquilæ creavit, Carolum Anſelmum Principem hæreditarium de Taxis, Principes Radzevilius & Lubomirſkius, L. B. Weſſenbergium, apud Reginam Auſtriæ Præfectum, Comites Potokium, & Oſſoliński. (anno 1750.)

Anno 1756 exorto graviffimo bello Polonia neutras quidem partes ſecuta eſt, non tamen propterea indemnis abiit, jam Ruſſis, jam Boruſſis eandem inviſentibus, & illis etiam hyberna in eadem ſigentibus.

●bit Regina.

Anno 1757 plentiſſime, ut vixit, obiit Dredæ, multas belli calamitates forti animo perpeſſa, Maria Joſepha, Regina Poloniae, & Electrix Saxoniæ, nata anno 1699 ex Joſepho Imperatore, nupta Viennæ Friderico Auguſto, moderno Regi Poloniae; ex quo genuit 11 proles, 5 mafculas, & 6 fœmineas, omnes hodieum viventes, videlicet, 1. Fridericum Electoralem Principem, deſponſum Mariæ

Liberi.

Am

Antoniae, Caroli VII Imperatoris filiae, fœdci jam nunc octo liberorum matri. 2 *Franc. Xaverium* bellicis gestis Ducem clarum. 3 *Carolus* Curlandiae Ducem. 4 *Albertum*, bellicis quoque muneribus conspicuum. 5 *Clementem* Ratisbonensem & Frisingensem Episcopum.

Ex filiabus 1 *Amatiam*, Caroli III Hispaniarum Conjugem, in cœlis jam regnantem. 2 *Annam Soubian*, Maximiliano Josepho Bavariae Electori desponsam. 3 *Josepham* Galliae Delphino nuptam. 4 *Christinam*. 5 *Elisabetham*. 6 *Cunigundam*.

Anno 1758 Regis Poloniae luctum ob amissam conjugem leuissimam, & dolorem ob oppressam Saxoniam, aliquantum temperavit solatium, quod attulit creatio *Caroli Principis* in Ducem Curlandiae & Semigalliae, atque homagium ab Ordinibus eidem præstitum. Nemo tunc reclamabat, sed Status universi, Mietavii congregati, publicum gaudium, his explosis centum majoribus machinis, compulsionem campanarum, & nocturna urbis illuminatione sunt contestati, quod tot annis capite destituti, dignum in Saxonico Principe Ducem sint consecuti.

Electio  
Caroli.

### §. 7.

#### *Concilium Zamoscienſe anno 1720.*

Celebratum est hoc Concilium apud Ruthenos in Polonia, Præsidente Grimaldo Archiepiscopo Edesseno, Legato Apostolico, præsentibus quatuor Archiepiscopis, duobus Episcopis, cum Exarcha totius Russiæ, pluribusque Archimandritis. Præmissa & subscripta ab omnibus Professio Fidei secundum formam Concilii Trid. lectæ litteræ Clementis XI, quibus eos ad hoc Concilium invitavit. Philippi cujusdam hæresis damnata, qui Divinarum Personarum distinctas naturas asseruit, negavitque Sacramenta. Nefas esse dixit, libros impressos legere. Cruces argenteas damnavit, quia Christus in lignea fuit mortuus.

204.

## CAPUT XIV.

## Status Sveciæ

## SÆCULO XVIII.

## §. I.

*Polonus & Russus invadunt Svecum in Livonia. A quo vincuntur. Irruit in Poloniam, ubi Varsoviæ & Cracoviam occupat; Regemque novum eligi imperat. Expilat Saxoniam. Movet in Russiam; vincit ad Mobilaam, ad Pultavam & Boristensem, penitus profligatur. Fugit in Turciam.*

205.  
Bella Boronica.

**I**neunte Sæculo XVIII Augustus Rex Poloniæ, indicto Svecis bello, Livoniam invasit, Riga per Flemmingium obsidione cincta. Creditum, Daniam fuisse hujus incentricem belli, ne Svecus Gotorpiensi possit succurrere, in cujus provincias Rex Daniæ irruerat, easque, sola Töninga dempta, occupaverat. Advolarunt in Ducis auxilium Sveci cum Luneburgicis, qui nolebant, Danum in Holsatia crescere. Cum autem Rex Sveciæ in Zelandiam irruisset, jamque Hafniæ immineret, Danus cum Holsato pacem *Travendalsensem* iniit, quam vide in Danicis.

Caroli XII  
victoria.

Petrus autem Moscoviæ Dux, magnorum spirituum Princeps, haustaque per Europam regnandi arte instructus, inito cum Rege Poloniæ fœdere, Svecis bellum indixit, locum ad Balthicum ut munimentum quæreretur, & ambitioni suæ velificans, Nationem Russicam, hæcenus ferme ignotam, & neglectam, in Europæ lucem æstimationemque extraheret. Ardua quidem, cum inconditus populus militari disciplina necdum esset subactus, omnia expertus est; nam cum Narviam obsideret, a superveniente Carolo XII Svecorum Rege immani prorsus clade fuit affectus. (*Anno 1700*)

Ingens tunc nomen Caroli, 19 ætatis annum necdum egressi, gentium ubique cepit inclarescere, praesertim ubi *Dunam* transgressus, & castra Saxonica adortus, alteram victoriam reportavit. Cum autem *Mietavium*, principem Curlandiæ urbem expugnasset, & cum victo-

re

re exercitu Poloniæ immineret, Primas, datis ad eum litteris, ad pacem adhortatus est, bellum hoc, inquit, non esse Reipublicæ, sed Saxonum & Moscorum cum Sveciæ. (1701).

Respondit Carolus, coactum se ad bellum contra Regem Augustum, a quo injuste contra *pacta conventa* esset appetitus. Medium aliud non superesse, quam ut tanquam inhabilis ad regendam Reipublicam in Saxoniam remittatur: se aggressurum hostem, ubicunque ille versaretur.

Poloniam ingressus *Vasaviam* occupavit, prout etiam Dünemundam, nobile in Livonia munimentum, quod anno superiore Saxones occupaverant.

Non ita felix Svecis fluxit annus 1702, quo Russi magna in Livonia clade eos affecerunt. At vero Carolus XII dimisso tantisper Mosco, totus in Augustum Poloniæ Regem incubuit, eumque ad *Cliffonum* in Polonia prælio vicit, quamvis minori instructus esset co-Pugna ad Cliffonum. piarum numero (1702). At cecidit ea in pugna Dux *Holsato-Got-torpiensis*, fororius Caroli, ac belli focus. Victor exercitus Cracoviam, mox ingressus est; Augustus vero Sendomiriæ Senatum suorum partium congregavit, a quo Suecus Reipublicæ hostis fuit declaratus. Oginskius Vilnæ in Lithuania Præfectus 600 Svecos occidit, 400 captivos abducit. Wisniowiskius quoque manipulum eorundem cædit. Sapieha autem, potens in Lithuania Familia, ad Svecos transit, quod Augustum Regem sibi minus faventem crederet. Nec minus ei adversabatur Cardinalis Ragiozkus Archiep. Gnesnensis ac Regni Primas.

Hac Poloniæ dissensione haud operosum admodum erat Sueco Augustum Regem vincere, atque id efficere, ut anno 1704 Sta-In Saxoniam. nislæus Lescynski Rex Poloniæ a multis optimatibus eligeretur, anno sequenti coronatus.

Anno 1706 Carolus, relicto in Polonia Mardefeldio, cum 14 Suecorum millibus in Saxoniam irrupit. Lipsiæ portis apertis illum excepit. Quantis dein exactionibus opprefferit Saxoniam, alias diximus. Certe tanta erat calamitas, ut pacem Rastadiensem, quantumvis dure, utpote qua Augustus coronam abdicavit, extorqueret. Sed necdum miseriarum finis; toto anno Svecus preffit nobilissimam provinciam, pecuniisque extortis, non modo exercitum non minuit, sed grandibus etiam incrementis auxit, Protestantibus passim ex Germania, ipsaque adeo Helvetia ad eum accurrentibus. Certe in omnem Europam terrorem sparsit, suspensis expectatione

Statione populis, in quem irrueret, metuentibus maxime Imperatore, Anglis & Batavis, ne Galliæ socius accederet.

At ille votorum potitus in Saxonia atque Polonia, expeditionem in Moscoviam adornavit, Petrum quoque Czarum throno dejecturus. In tres igitur partes suas copias divisit. Secum in Polonia 40000 habuit, in Livonia sub Löwenhauptio 15000, in Finnia sub Meidellio 9000.

Et Moscoviam.

Zarus tanta tempestate territus pacis condiciones proposuit, quas respuens Carolus, in Moscovia se pacem facturum reposuit. Ad Russorum igitur fines progressus, ad *Mobilam* memorabili eos prælio fundit. In Ucraniam inde movens, cum cibaria deficerent, Löwenhauptum cum suis 15000 & 8000 curribus, comæatu onustis ex Livonia accivit. Verum ille, cum imperata facturum ad *Prondam* fluvium venisset, in Moscos incidit, paratos ad prælium, atque ab iis ita confusus est, ut 5000 concisi, 300 capti, reliqui dissipati sint, 8000 curribus cum omni annona & apparatu bellico in Russorum manus dilapsis.

Ad Pultavam & Boristhem ad internecionem casus.

Carolus hac clade minime territus, sed proposito suo, plane audaci, in cor ipsum Moscoviæ penetrandi, insistens, *Pultavam*, in Kioviensi ditione urbem, obsidere cœpit. Zarus plurimum sua interesse ratus, hunc Russiæ aggerem conservari, ad solvendam obfidionem occurrit.

Aderat jam fatalis epocha, unde Carolus XII Suecorum Rex gloriæ suæ finem, & immanium calamitatum principium duceret, grandi futurus documento posteris, terminos humanæ ambitioni esse positos, quos ultra non procedat, nec magnam fortunam, conjunctam cum audacia, procul esse a præcipitio.

Fugit in Turciam.

Commisâ quippe ad Pultavam 27 Junii 1709 est pugna decretoria, quam præsentia utriusque Principis animabat: eamque tandem obtinuit Petrus victoriam, cui pares non multas legas. Novem Suecorum millia in acie cæsa, capta 3000 cum omnibus impedimentis, re armamentaria, castrisque ditissimis. Pars hæc tantum erat victoriæ, complementum accessit ad Boristhem; cum enim Carolus cum exercitus reliquiis, in Poloniam rediturus, eo profugeret, Menzikoffius fugientes assecutus est, Regeque jam ultra flumen provento, octodecim Suecorum millia captivos cum Löwenhaupto, eorum Duce, se dediderunt. Quis hoc credidisset de gente, & telluris suæ genio & longo bello durata? sed hæc est timoris vis. Ubi sese infuderit, ferrata etiam pectora colliquefcunt.

Caro-

Carolus Rex, ad cuius nomen totus Septentrio intremuerat, per vastas solitudines prope solus penetrans, fuga præcipiti in Turciam evasit; & primum quidem Ozakovii se abscondit, dein vero Tegini (Bender) a Bassa receptus est. Atque hoc pacto, cum pugna ad Pultavam esset Carolo, quod Pompejo Pharsalica, una dies omnes lauros & palmas uno istu succidit. Felicior tamen fuit Carolus abavunculo suo Gustavo Adolpho; cui per duos duntaxat annos sævire in Germania licuit.

Quamvis autem vires & fortuna Carolum destituerint, non tamen magnitudo animi, quem vel inter Turcas luculente demonstravit. Sollicitare istos & instigare non desit, ut Russiæ bellum inferrent, & obtinuit. Sed Vezirius præcipiti pace spes delusit. Sancitum equidem, ut liber & securus Regi concederetur transitus, sed Turca executionem non urgente, Carolus exul vivere debuit.

## §. 2.

*Sveci ubique casti, Bremam, Tönningam, Stetinum, Finiam amittunt. Rex captivus. Stralsundam redit. Contra 5 Reges certat, etiam Stralsundam & Rügiam amittit. Faciat tamen brachia. Occumbit. Effigies.*

Anno 1712 Fridericus IV Rex Daniæ Stadam, præcipuum Ducatus Bremensis munimentum, Svecis vi eripuit, totamque provinciam fidem sibi jurare coegit. Verum paulo post a Steinbockio, Danum. commisso in Mechlenburgicis prælio cæsus, in Holsatiam se recepit: Russis Stralsundam & Insulam Rügiam irritò conatu tentantibus.

At versa fuit belli alea anno 1713, Svecis multo infelicissimo. Nam postquam Comes Steinbockius Altonam incendio ferme deleta, verat, imminentibus undique magno numero Russis, Danis, & Saxoniis *Tönningæ* mœnibus cum copiis suis se includit. At cum tres federati urbem arcta obsidione cingerent, & annona obfessos deficeret, cum exercitu suo, ad tredecim millia virorum excurrente, captivum se dedere coactus est.

Hæc tanta ruina mox alias non leviores traxit: nam & Tönninga Danis tradita solo æquatur, & Holsatia Ducalis vastata, & *Stetinum* ad Russos. princeps Pommeraniæ munimentum, a Russis expugnatur, atque, cum Imperium hanc urbem Moscovitis nollet concedere, Borussia, & Holsatis præsidium cum aliis locis in *sequestrium* datur. Nec in

Part. X.

M m m m

in

**Sveci in Fin-** in Finlandia fors Svecorum melior; nam *Abrensfeldio*, qui novem  
**nia cæsi.** eorum millia collegerat, a Gallicinio acie victo ac profligato, tota  
 Finlandia ad Russos transit.

Quod denique miserrimum, Rex Carolus, qui prope Teginam  
 seu *Bender* propugnaculum sibi construxerat, a Turcis Tartarisque  
**Carolus Rex** oppugnatus, vulneratus, atque captivus, privati & facinorosi in-  
**captivus.** star hominis Demoticam, locum quinque ab Adrianopoli in Thracia  
 leucis distitum, abstractus est. Hæc nempe erat Turcarum fides,  
 cui coronatum caput se crediderat. Et gratiæ loco habere debuit,  
 quod Sultanus, hæc inscio se patrata fuisse, diceret.

Tot calamitatum pertæsus Rex, anno 1714 Stralsundam rediit,  
**Stralsundam** Regnum suum nobilissimis provinciis, & dimidio sui exutum con-  
**redit.** tuens, simulque novas iterum clades passurus a fœderatis, Danis  
 præsertim & Russis, terra marique cadentibus Svecorum re-  
 liquias.

Retinere potuisset Rex Carolus Wisnariam, Wolgastum, Stral-  
 fundam cum Insula Rügen, si tractatu sequestri stare voluisset. At  
 ille animo ferox pactionem omnem, nisi omnia sibi restitueren-  
 tur, respuens, Stetinum a Brandenburgis repetiit. Hannoveranus  
**Brema ad** vero, cum Bremensem Ducatum a Danis pecunia emcret, par-  
**Hannovera-** ter huic bello involutus est.  
**mum.**

Cum quinque igitur hostibus prævalidis, Moscoviæ Imperatore,  
 Regibusque Poloniæ, Daniæ, Borussia, & Angliæ, qua Hanno-  
 verano Electore, laceræ Sveciæ dimicandum fuit, singulis ex  
**5 Reges con-** prostrato Colosso membrum aliquod sibi decerpentibus: solo ve-  
**tra Svecos.** ro Holsato-Gottorpiensi, & Hasso-Cassellano Svecum juvare vo-  
 lentibus magis quam valentibus. Gallia alias erat Sveciæ fiducia,  
 at illa longo gravissimoque Hispanicæ successionis bello attrita,  
 proprios Penates tueri debuit. Accessit mors Regis Ludovici,  
 quæ omnem auxilii spem abruptit.

igitur Carolus, sola mente non dejectus, unus contra omnes  
**Sveci etiam** arma, ut ut hebetata, circumtulit, conatu magno, sed irrita. Nam  
**Stralsund.** anno 1715 a quinque Regibus undique concisus, Insulam quoque  
**& Rügen** Rügen, Stralsundam, & reliqua, quæ in Germania adhuc habe-  
**perdunt.** bat, loca amisit; vindicante cælo Germaniam, igni ferroque olim  
 vastatam.

Carolus nihilominus impetrare a se non potuit, ut pacem pe-  
 teret, sed bellum spirans, cum quodam dicere videbatur: *aut Ca-*  
*sar, aut nihil.* Quippe, postquam Stralsundam jam non amplius de-  
 fendi posse viderat, inde elapsus rigente hyeme magna inter pericula  
 mare



mare trajecit in Scaniam, ubi, quasi puderet Holmiam Regiam suam ingredi, subsistens, reparandis copiis belloque omnes vires impendit, adeo quidem, ut collectis brevi ex bellatrice illa gente octo-  
 decim millibus, expeditionem in Daniam adornaret.

Hyems erat perfrigida, quæ Balthicum glacie ita obduxerat, ut firmum militi gressum præbere videretur; sed, quasi etiam elementa in perniciem Svecorum conspirassent, resoluta leni temperie subito glacie, multi aquis sunt hausti. Ne tamen nihil egisse putaretur, anno 1716 in Sundico Insulam Huenam, Uraneburgo Tychonis olim celebrem, occupavit: indeque in Norvegiam penetrans, Christianiam & Friderici Hallam expugnavit quidem, sed affluentibus magno numero Danis easdem relinquere & viam in Sveciam relegere coactus est. (anno 1716). Fortassis intenta Russi & Dani in Scania expeditio calcar addidit.

Anno 1717 Carolus Rex Lundæ in Scania subsistens bello apparando incubuit. Cumque Sveci piratæ Balthicum infestum redderent, & Anglicas etiam atque Hollandicas naves interciperent, Georgius Rex Angliæ classem, 26 bellicis validam, Bingio commisit, in Balthicum ducendam, ut prædones inhiherentur.

Wismaria, in pace Westph. Svecis cessa, priore anno a fœderatis expugnata, hoc anno 1717 munimentis suis, quæ habuerat firmissima, a Danis nudata est.

Demum annus 1718 Carolo XII Svecorum Regi vitæ turbulentæ finem attulit; cum enim bipartito exercitu, quorum alterum ipse ducebat, alterum Ahrenfeldio commiserat, in Norvegiam irrupisset, & sæviente bruma Friderici Hallam obsideret, 11 Dec. glande plumbea percussus occubuit, anno ætatis 37, regni 20. Filius fuit Caroli XI, nepos Caroli Gustavi, cui Christina regnum cesserat. Princeps excelsi & Martii omnino spiritus, ad audaciam usque & temeritatem generosi, atque in rerum asperis admiranda magnitudine & periculorum contemptu sibi constantis.

Primum regni dimidium super aera eum extollere videbatur, alterum ad calamitatum abyssum præcipitavit. Cum devicta Polonia & Saxonia victorem exercitum in Moscos duceret, eorum quoque Imperatorem throno dejecturus, anno 1709 Pultava & Boristhenes stiterunt victoriam, exercitu ejus ad internecionem ferme deleti. Cum paucis in Turciam fugit, ibique summa inter capitis discrimina quicque annis versatus est, captivusque in Thraciam abstractus, 1714 Strahlsundam rediit: 1715 in Sveciam,

M m m m a

regnum

Id est nihil minus la-  
certos.

Donec oc-  
cubuit.

Elogium.

regnum undique mutilatum intueri coactus: illudque reparandi spes heroem in Norvegia sepelivit 1718.

Cœlibem vitam duxit. Ex Sophia vero sorore seniore nepotem reliquit Carolum Fridericum Ducem Holstatiæ, & Ulricam sororem juniorem, Friderico Principi Hassio desponsam. Supererat etiam Gustavus Samuel ex eadem Domo Bipontina, qui Ducatum obtinuit.

Quia autem Caroli XII singularia prorsus sunt fata, & historiam totius Septentrionis complectuntur, juvat hic ea, memoriæ gratia, in unum cumulum conjicere.

Carolus XII Sveciæ Rex, dum Augustus Rex Poloniæ & Petrus I Moscoviæ Imperator Livoniam ei nituntur eripere, utrumque vicit, scriptisque ad Polonos litteris jubet, ut Saxonem in patriam remittant, aliudque caput sibi eligant. (anno 1701)

Mosci cladem reponunt. Carolus nihilominus in Poloniam effusus, ad Clifsonam Saxones cædit, amisso tamen Gottorpiensi fororio, & suffoso, cui insidebat, equo, graviter læsus, fracta coxendice. Victor exercitus, nemine obistente, Cracoviam ingreditur. Sendomiriæ autem Carolus hostis Reipublicæ declaratur. (anno 1702)

Saxones rursus prælio superantur. Initoque fœdere cum Rege Borussiæ, Carolus Thorunium occupat, civibus Lutheranis colludentibus, Saxonico præsidio capto. Idem fuit Elbingæ fatum. Pax negatur Augusto. (1703)

Stanislaus Lescynsky eligitur Rex Poloniæ (26 tunc annum ætatis agens) contradicente parte, Augusto adhærente; quæ ad Selburgum a Svecis vincitur, & ad Posnaniam. Augustus autem 6000 Russis & 4000 Cosaccis ad Varsoviæ cladem Svecis reddit, multis eorum cæsis aut captis: rursusque ad Polangam. Svecus vero Lembergum intercipit, relataque victoria Saxones Polonia expellit. (1704)

Löwenhauptus in Curlandia gravi strage profligat Moscos. Sed Petro cum magna multitudine imminente, Rigam se recepit. Augustus autem Moscis adhuc ætius se adstrinxit, Carolo cum Polonis in nova pacta eunte. (1705)

Fraustadiana relata victoria Carolus cum exercitu Lusatiam & Saxoniam ingreditur, & utraque expilata, Traßatum Ransstadensem extorquet. A Maderfeldio Augusti copiæ iterum cæduntur in Polonia. (1706)

Carolus

Carolus non obstante tractatu Rastadiensi Saxoniam ingentibus exactionibus vexare pergit. (1707.)

Innovatis multis in favorem Lutheranorum in Silesia (in quem finem etiam ab Imperatore, bello Hispanico tunc distento, concessionem, rei Catholicæ noxiam, extorsit) regressus in Poloniam, Russiæ quoque Imperatorem folio suo dejicere statuit. Et videbatur cæptis aspirare fortuna; nam ingressus fines Russiæ, gemino prælio hostes fudit. Sed Löwenhauptus, cum vellet Regi annonam, qua laborabat, adducere, a Moscæ cæsus, cum reliquis ad Regem penetravit. (1708.)

Carolus, superato Boristhene in extremam Vohliniam penetravit, Pultavam urbem, in qua dives horreum annonarium Moscorum erat reconditum, expugnaturus. Ad pugnam decretoriam ibi eventum, qua ad internecionem cæsi sunt Sueci, reliquæ vero ad Boristhem fugientes, a Menzicovio captæ sunt, & inter eas præcipui Duces, Löwenhauptus, Rinschildius, Wirtembergius Princeps &c. Rex natando per Boristhem evasit per varia desertæ in Turciam, primum quidem Ozakovium, dein vero Teginum. Et Bender. huc tandem evaserunt tot octo annorum triumphus Caroli XII Suecorum Regis, quem velut Alexandrum, aut Cæsarem sui sæculi Protestantibus celebrabant, ut vel apud barbaros asylum quæreret. Pompejum aptius dixeris in campis Pharfalicis, cui unus ictus omnes lauros incidit. (1709.)

Retro lapsa tunc siquidem est tota Suecorum gloria. Residui in Polonia cum Stanislao fugam arripuerunt. Augustus in thronum repositus. Cum Zaro, Dano, Brandeburgo, Hannoverano, Polono Sueciæ attritæ dimicandum. Adeo advolarunt omnes, ut Leoni prostrato jubar evellant. Primus erat Danus, infusus Scaniæ, ubi Helsingburgum, aliaque loca occupavit, sed a Steinboeckio gravi clade est multatus. Zarus victor plures in Livonia urbes cepit. (1710.)

Mosco in Turcas averso, Danus Rostochium occupavit, atque Pomeraniam ingressus Stralsundam & Wismariam tentavit (1711.) Sultanum sollicitat Carolus, ut securam viam in Sueciam sibi pandat. Promittit ille, idque cum Mosco in pacem deducit. Sed nulla fit executio (1712.)

Varnizæ prope Teginum præsens vitæ discrimen subit; dum Chamus Tartarorum, & Seraskierus cum militum globo in domo sua eum aggrediuntur. At ille stricto gladio, pluribus Turcis interfecit, viam sibi aperit, accepto vulnere in capite (1713.)

M m m m ;

Dum

Dum a Dano & Mosco ejus provinciæ diripiuntur, cum 4. duntaxat comitibus iter ingreditur, ut Stralsundam servet. (1714.)

Cum illam defendere non ultra posset, clam evadit in Sueciam, pacem omnem respuens, nisi omnia ablata sibi restituantur (1715.)

Collecto milite irrumpit in Norvegiam, sed viam in Sueciam relegere cogitur. (1716.)

Novum exercitum comparat adversus Russos, Danos, Polonos, Brandenburgos, Hannoveranos (1717.)

Irrumpens denuo in Norvegiam glande plumbea sternitur. Et sic tandem quievit; si tamen quievit. (1718.)

### §. 3.

*Litem de Successione abscindunt Status, dum regnum electivum statuunt. Eliguntque Ulricam, novamque regni formam statuunt. Suas Regine eligunt ejus conjugem, & Capitulatione circumscribunt.*

207.  
Lis de successione.

Igitur mortuo absque liberis Carolo XII orta est quæstio, cui nam ex tribus illis personis jus successionis in regno competat. Omnes tres descendebant ex Catharina, Gustavi Adolphi Regis sorore, Joanni Casimiro, Duci Bipontino nupta, cui Gustavus Samuel gradu erat propior, simulque sexus prærogativa gaudebat. At forores Caroli XII & ultimo huic possessori sanguine, & primo acquirenti propiores erant linea.

Igitur quæstio maxime vertebatur, an præferendus sit primogenitæ sororis, jam defunctæ, filius, matrem repræsentans, an vero secundogenita, adhuc vivens.

Status eligunt Ulricam junio rem.

Sed quæstiones istas uno ictu amputarunt Status Sueciæ, dum declararunt, Sueciam non esse regnum hæreditarium, sed electivum; nemini proin, Rege sine descendentibus mortuo, jus ad illud competere: nec summam deinceps, & independentem a Statibus Regiam potestatem esse debere.

Acceptavit conditionem Ulrica, soror defuncti junior, & mox electa fuit Regina, protestante Friderico, & jus suum sibi reservante.

Comitia novæ leges condunt.

Anno 1719 congregata sunt regni Comitia, ex Statu Equestri, Ecclesiastico, Civili, & Rustico conflata. In his conditi sunt multi articuli, quorum magis notabiles videntur.

1. Religio maneat in statu pristino.
2. Regina iustitiam administret secundum leges: novæ vero sine consensu Ordinum ne introducantur.
3. Regnum perpetuo electivum maneat.
4. Suprema potestas sit penes Reginam & Comitiam simul, & extra ista penes eandem Reginam, & Senatum regni. Hic autem constet 24 personis, eligendis a Regina ex iis, quos regni Status proposuerint. Nullus tamen sit exterus.
5. Senatus bonum & libertatem regni tueatur, quin necesse sit, ut Reginæ mandatum expectet.

6. Vacante throno regimen sit penes Senatores regni.  
 7. Reginæ fas sit, Comites, Barones & Nobiles creare.  
 8. Singulis saltem trienniis Comitiam Regni celebrentur.  
 In reliquis statuatur, quot debeant esse in Consilio aulico, bellico, marino, camerali, commerciali, revisorio &c.

Tum vero Upsaliæ Regina fuit coronata ab Archiepiscopo, uti vocant, Upsalensi & Comite Gyllensternio: Coniux vero Reginæ Fridericus Castellanus supremus belli Præfectus fuit renuntiatus: Regni Mini-  
stri.  
 Regni Officiales Guldenstern, Reinschild, Horn, Cronhielm. Senatores etiam regni electi: indistinctaque in annum sequentem Comitiam, in quibus regiminis forma ulterius ordinetur. Denique Görzius Baro capite plexus, quod Regi defuncto noxia, ut fertur, suggessisset consilia.

Anno 1720 Fridericus Hasso-Castellanus Princeps, Ulricæ Reginæ Coniux, & armorum superiore anno creatus Præfectus, in Fridericus Regem Sueciæ ab Ordinibus regni electus est. Comitiam in hanc rem celebrata sunt, in quibus Regina id petiit. Obstabat Friderico potissimum religio Calviniana, in qua in Hassia fuerat educatus. Sed Regina Status securos reddidit, conjugem facile ad Lutheranam professionem transiturum. Fridericus  
Hassus Rex  
eligitur.

Quo audito pronas omnes Reginæ aures dabant; Capitulationibus etiam tamen confecerunt, quam novus Rex juraret. Et Capitula-  
tionibus ele-  
genter describitur.  
 Notabilia ejus puncta hæc videntur.

1. Religionem Lutheranam publice profiteatur.
2. Solis Lutheranis officia conferat.
3. Nulli alteri Religioni conventus publici concedantur. Legatis privatim in domo sua conceditur.
4. Rex non minorem Reginæ amorem & æstimationem exhibeat.
5. Secundum novam formam introductam regat.

6. Prin-

6. Principibus Regiis non dentur in subsidium vitæ aut dotem bona immobilia, sed pecunia.

7. Nulla graviora negotia in aula expendantur, sed in regni senatu, & destinatis Collegiis.

8. Statibus semper liberum sit, convocationem Comitiorum petere.

9. Minora belli officia Rex conferet: at majora non nisi cum consensu totius senatus.

10. Nemo sine prævio ordinario processu officio suo privetur.

11. Privilegia quatuor Statuum Rex non diminuat, aut mutet.

12. Dispositio de publicis pecuniis in senatu, & Collegiis destinatis fiat.

13. Nulli exteri ad officia admittantur: nec Rex pro Germanicis suis provinciis plures officiales habeat, quam sit necesse.

14. Germanicis provinciis non renuntiet.

15. In absentia Regis senatus gubernet.

16. Rex tantum pro suis descenditibus & uxore successionem prætendat in regno. Postea electio libera esto.

17. In Decretis & Ordinationibus nihil mutet.

18. Res monetaria reducatur ad taxam, quæ fuit tempore Caroli XI.

19. Circa Universitates & Jus patronatus nihil mutetur.

20. Idem circa stipendia, nec fas sit Regi piis causis aliquid demere.

21. Qui contra hanc conventionem aliquid moliri ausus fuerit, tanquam proditor puniatur.

Huic Capitulationi, qua Regem circumscripsit Suecia, illico subscripsit Fridericus, ac dein edita publice professione fidei Lutheranæ, cœnam Lutheranam sumpsit, credens, ut præferebat, se vere corpus Christi sumere, quod hætenus negaverat. Acta hæc sunt Carlspergæ; coronam vero accepit Holmiæ, simulque a 4 regni Ordinibus homagium.

**Nova Statuta.** Antequam autem Comititia solverentur, formatus est Regni Recessus in hanc sententiam.

1. Confirmant Status electionem Regis, & ejus filiorum, quos ex Regina esset suscepturus.

2. Regina resumat regimen, si Regi supervivat.

3. Si autem nullum filium relinquerent, locum habeat nova electio.

4. Suprema & independens Regia potestas in perpetuum subla-  
ta esto.

5. Initii cum Anglia, Dania, Borussia pacis ac fœderum tracta-  
tus confirmantur.

6. Cum Russia bellum continuetur, donec pax honesta obti-  
neatur &c.

Subscripserunt 4 Status: rusticus tamen non nisi cum protesta-  
tione contra ea, quæ in præjudicium suum possent vergere.

## §. 4.

*Pax cum Electore Hannoverano.*

Post mortem Caroli Regis Sueci, tot cladibus & jacturis fessi,  
totque hostibus impares, cum in dies magis attererentur, & hinc Da-  
nus ex Norvegia irrueret, inde Russi ad ipsa prope Holmiæ mœnia  
prædas agerent, ad pacem serio respexerunt. Quia autem diffici-  
lius erat, cum omnibus fœderatis simul eandem pangere, cum sin-  
gulis seorsim tractare cœperunt: & primo quidem Holmiæ jam anno  
1719 cum Georgio Electore Hannoverano, cui Ducatum Bremen-  
sem & Verdenssem, a Rege Daniæ venditum meminimus; cesserunt  
Sueci juri suo in utrumque, jam per P. W. adquisito; illudque una  
cum jure voti & sessionis in Hannoveranum transfulerunt. Hic vero  
propterea millionem thalerorum Suecis solvit; eundemque Electro-  
rem, relictis fœderatis suis Borealibus, socium Suecis accessisse, in-  
de est colligere, quod mox Anglia prævalidam classem sub Norrisko  
Archithalasso immiserit Balthico, Suecos defensuram.

## §. 5.

*Pax cum Rege Borussia.*

Mediante dein per Milordum Carteret Anglia, cum Rege Bo-  
russiæ sub initium anni 1720 *Holmiæ* pax fuit conclusa: cujus hæc  
summa.

1. Sit pax constans inter Sueciam & Borussiam.

2. Et amnestia cum liberatione captivorum sine lytro.

3. Suecia cedit Prussię Stetinam, cum districtu inter Viadrum seu Oderam, & Penum fluvium; insulas item Wollinum & Usedom, ut adeo Penum sit deinceps limes Pommeranię Suecię & Borussię.

4. Suecia ratione Pommeranię votum & sessionem in Comitibus Imperii habeat.

5. Borussus religionem in cessa Pommeranię parte ne mutet.

6. Subditi privilegiis acceptis gaudeant.

7. Proprietariis vi amnestię erepta restituuntur.

8. Debita publica solvuntur.

9. Archivia extraduntur.

10. Ad Penum nulla telonia eriguntur. Commercia promoventur.

11. Pars utraque conetur libertatem a vectigalibus in Sundico a Dania obtinere.

12. Res veredaria ordinetur.

13. Borussus bello inter Suecos & Russos ne se misceat.

14. Borussus solvet Suecis duos milliones Hamburgi.

15. Suecia autem insuper cedit Borusso duas urbes, Damum & Gelnavium trans Viadrum. Contra vero Borussus teneatur operam suam impendere, ut Sueci honestam ab hostibus suis pacem obtineant.

16. Pax Westph. subsistat in omnibus, in quibus ei per hanc pacem non fuit derogatum.

17. Paciscentes curabunt, ut Cæsar alique Principes hujus pacis sint sponsores.

Plures additi sunt articuli, qui tamen minoris ad eruditionem, quam solam hic intendimus, videntur esse momenti.

## §. 6.

### *Pax cum Rege Danię.*

210.

Eodem anno 1720. pax cum Danię quoque Rege, interlocutore eodem Cartereto, Anglię Legato, fuit composita; cujus notabiliores conditiones sunt.

1. Sit pax perpetua inter Daniam & Sueciam, cum plena amnestia.

2. commercium terra marique sit omnino liberum.

3. Renunciatur utrinque omnibus sæderibus, quę huic paci sunt contraria.

4. Dania



4. Dania bello, inter Suecos & Moscos adhuc vigenti, se non immisceat.

5. Cum Dux Holfatiæ huic paci ratione Schlesvicensis Ducatus se possit opponere, Suecia promittit, quod nullatenus se sit oppositura iis, quæ a Gallia & Anglia mediantibus in favorem Daniæ essent pronuntianda.

6. Dania cedit Sueciæ Pomeraniam usque ad Penum fluvium, Stralsundam, Insulam Rügiam, Marstrandam munimentum in Norvegia, omniaque alla illi erepta; cum Wismaria.

7. Contra vero Suecia Daniæ in Sundico vestigal solvat, sicut alit, ita ut nulla sit inter Nationes differentia. Ac insuper sexcenta thalerorum millia Hamburgi.

8. Hac pecunia a Suecis soluta, Danus prædicta loca illis tradet.

9. Exules restituantur. Orituræ vero controversiæ per Commissarios componantur.

10. Captivi sine lytro liberi sunt.

11. Fines in Laplandia per Commissarios determinantur secundum veteres tractatus.

12. Quot hebdomadis Postea Suecica per Daniam, & Danica per Scaniam libere transeat.

13. Omnes priores conventiones de novo confirmantur.

14. Wismaria non amplius muniatur.

15. Veredi in alieno territorio cornua non inflanto.

### §. 7.

#### *Pax cum Polonia.*

Cum Augustus Rex Poloniæ cerneret, Regem Angliæ, Borussiae, & Daniæ, pacem cum Suecis tractare, noluit esse ultimus; ac proin eodem anno 1720 conventionem iniit, qua Suecia Augustum legitimum Poloniæ Regem agnovit, eumque, quem post Augusti mortem Respublica esset electura, pariter se agnituram promisit.

Præliminaria hæc duntaxat appellabantur, nam ad pacem universalem totius Septentrionis, quam videlicet omnes, qui bello illi Boreali erant impliciti, essent inituri, se referebant. Sed pax cum Moscis necdum satis maturuerat.

N n n n 2

§. 8.

## §. 8.

*Pax cum Russia.*

212.

Contrariis omnino principiis erant imbuti, Carolus XII Rex Sueciæ, & eo defuncto regni Status atque Rex Fridericus. Ille cum Russis pacem faciendam putabat, ut reliquis Borealibus hostibus majori vi posset occurrere.

Quapropter suos in Insulam Aland legatos mittebat, qui cum Moscis ibidem tractarent. At vero post ejus mortem Suecia cum reliquis hostibus paciscendum existimavit, ut eo potentius in Moscum posset incumbere, dissolvitque Congressum Alandinum.

Indignatus Zarus, terra marique legiones infudit Sueciæ, qui eandem igni ferroque devastarent. Et sensit Suecia ultrices flammæ, plus viginti urbibus, 1361 oppidis in cineres aut alias in ruinam datis, arifodinis quoque, quibus abundat Suecia, ingenti damno destructis. Et quamvis Anglica classis, Balthico invecata, sisteret aliquantum impetum, terrestres tamen populationes prohibere non potuit.

*Pax Neostadensis.*

Quare versis in pacem cum hoc etiam potenti hoste Suecorum animis, *Neostadium* in Finnia delectus est congressui locus, in quo tandem in hæc potissimum pacta conventum. (Anno 1721.)

1. Pax esse jubetur perpetua cum plena amnestia, qua omnes fruantur, exceptis Cosaccis, qui ad Suecos transferantur.

2. Diebus 14 lapsis post signatam pacem cessent hostilia.

3. Livonia, Estonia, Ingria, cum parte Careliæ, a Suecis in Russos transferuntur.

4. Finniæ vero partem potissimam Zarus restituit, cum duobus thalerorum millionibus.

5. Suecis conceditur annua exportatio certæ quantitatis frumenti.

6. Zarus se non miscebit novæ in Suecia regiminis formæ, aut successioni in regno.

7. Determinantur limites.

8. Subditis in cæsis provinciis sua relinquantur privilegia; uti etiam religio Lutherana.

9. Bona confiscata restituantur, absque tamen perceptis fructibus.

10. Captivi sint liberi.

11. Zarus

11. Zarus Poloniæ Regem & Rempubliam huic paci vult inclusos, tanquam fideles suos confœderatos. Sueci vero includunt Angliam: iis tamen exceptis, in quibus Zarus se gravatum putat.

12. commercium utrinque sit liberum.

Pacem hanc composuerunt nomine Sueciæ Lillienstetus, & Strömfeidius, nomine Zari vero Brucius, & Ostermannus, Westphalus.

Post pacem hanc *Neostadiensem*, qua tot provinciæ Russiæ sunt adjectæ, Petrus I. Magnus Moscoviæ Dux titulum *Imperatoris*, a Synodo & Senatu Russico sibi delatum, acceptavit: dictus a suis *Petrus Magnus*, *Pater Patriæ*, *Russorum Imperator*: Imperatoris titulum ei mox detulerunt Rex Borussia, Hollandi, Sueci, aliique verò tardius.

### §. 9.

*Fœdus Russicum. Causa Ducis Gottorpiensis. Conditiones, quibus Suecia accessit fœderi Hannoverano. Societas mercatoria Cbinensis. Tractatus subsidialis primum cum Gallia, dein cum Anglia. Sinclari cædes.*

Anno tandem 1722 Suecia, pace undique composita, in mediocritate sua conquivit; ruinis suis reparandis intenta. Convocata sunt hoc fine in annum sequentem Regni Comitia, in quibus multa disputatio cum statu Russico, æqualitatem cum tribus reliquis Statibus in omnibus exigente.

Anno 1724 omnino fœdus Russos inter & Suecos coaluit, cui postea etiam Cæsar accessit. Confirmatur in eo pax *Neostadiensis*, spondeturque auxilium, si pars alterutra invaderetur. Suecus mittet 10000, Russus 16000: adjecta utrinque classe, sumptu proprio. Neutrapars contraria his pacta inibit, nec pacem aut inducias sine altero. Hoc defensivum fœdus 12 annis vigeat.

Additus articulus secretus, in hunc sensum: cum Dux Schlesvico-Holsatæ, jam per tot annos Schlesvicensi Ducatu sit priva tus, utriusque autem partis interfit, ut restituatur, atque hoc pacto plena quies in Septentrionem reducatur, ideo obligant se ad omnia bona officia, apud Danicam aliasque aulas efficaciter impendenda, ut hic publicæ tranquillitatis obex omnino tollatur.

N n n n ;

Obi.

Obtinuit insuper Bassevitiſius, Ducis Legatus, ut Suecia promitteret, se post mortem Regis & Reginae in electione novi Regis rationem habituram Holſtiae Ducis, interim vero in annos singulos 48000 thalerorum in subsidium eidem praebituram.

Proniores in his Dux invenit Status senatumque Sueciae, atque adeo ipsum etiam Regem Fridericum, quam Ulricam Reginam, suam materteram, quae nescio quo odio nepotem suum perſequebatur, fortassis ideo, quia filium fororis, natu majoris, esse meminerat.

Partes Ducis gnaviter adjuvabat Bestucheffius Russiae Legatus, Holmiae praesens; qui multum etiam laborabat, ut controversiae de finibus, in Finnia determinandis, componerentur. Dux autem, quem duximus, ea apud Moscoviae Imperatorem valebat gratia, ut Annam, primogenitam suam filiam, ei conjugem daret, atque hoc pacto ad geminum regnum spem acciperet; quippe, si primogeniturae jus valeat, debebatur ei corona Sueciae, & per Legatum suum Bassevitiſium apud illam gentem sedulo instabat, ut saltem post mortem Friderici & Ulricae Rex designaretur, *Celsitudinis Regiae* titulo non tantum ab utroque Imperatore, Romanorum & Russorum, sed ab ipsa etiam Suecia, quae cum nuper praeterierat, decoratus.

Anno 1726. Rex Angliae vehementer instabat, ut Suecia foederi Hannoverano accederet, utque aptius ad persuadendum diceret, misit Wagerum Archithalassum cum classe in Balthicum, qui Holmiam, negotium confecturus, abiit. Rex, Imperatorem, Russum, & Hispanum, qui ad pacem Viennensem acceptandam hortabantur, reveritus respondit, rem eam tanti esse momenti, ut ad Status regni referri debeat. Convocata igitur Comitia, quae in annum usque 1727 protracta foederi tandem Hannoverano subscripserunt in hanc sententiam.

1. Promittit Suecia foederi accedere, & si casus foederis contingeret, tria peditum, & duo millia equitum mittere.

2. Gallia & Anglia Sueciam in foedus recipiunt, omnesque hujus conditiones servabunt.

3. Actus hujus accessionis a Rege & Corona Sueciae, uti etiam a Regibus Galliae & Angliae duos intra menses ratus habebitur. Additi sunt septem articuli separati in hunc sensum.

1. Sicut Hannoveranum foedus defensivum non alium finem respicit, quam ut quies & pax in Europa, ac praesertim Septentrio-

ne

Suecia accedit  
foederi  
Hannoverano.

Quibus conditionibus.

ne conservetur, sic alii tractatus per hanc accessionem minime infringuntur, sed potius roborantur.

2. Cum Suecia extra Europam impræsentiarum nihil possideat, sponso illius ultra eandem non porrigitur.

3. Promissæ auxiliares copiæ non mittantur in Italiam aut Hispaniam.

4. Per ea, quæ articulo V fœderis Hannoverani de rebus Imperii dicuntur, Suecia non intelligitalia, nisi quæ a Statibus Imperii consueto more sunt recepta.

5. Accedit quoque Suecia separatis tractatus Hannoverani articulis, quia non sunt contrarii obligationibus, quibus Rex, ceu Status Imperii Imperatori & Imperio est devinctus.

6. Nullus ex fœderatis tractatum ineat, huic contrarium.

7. Contra omnes hostiles incursus promptissime succurratur. Neque negentur auxilia prætextu proprii belli.

Secreto adjecto articulo Sueciæ ab Anglia & Gallia promittuntur per triennium quot annis 50000 Sterlingarum. Suecia vero ultra prædicta 5000 adhuc 10000 armatorum, stipendiis fœderatorum nutrienda spondet, revocanda tamen, si defensio patriæ exigere.

Anno 1728 venit Holmiam Legatus Turcicus, qui restitui petiit pecunias, quæ Carolo XII in exilio suo fuerant subministratæ. Id solum constat, hunc exactorem solenniter fuisse exceptum, etque in singulos menses 300 aureos ab aula fuisse numeratos, & cum discederet, mille, ipsius vero comitatu 400 Ducatos, pro more Sueciæ in discessu talium Legatorum.

Upsaliæ erecta Academia Scientiarum, pro excolendis studiis Philosophicis, Mathematicis & Arithmeticis.

Anno 1730 mortuo Carolo Hassiæ Landgravo successit filius Fridericus Rex Sueciæ, qui tamen administrationem Wilhelmo fratri suo juniore tanquam Vicario commisit. Instituta hoc anno nova mercatorum Societas, in Chinam navigantium, oblustantibus ne *Navigatio in Chinam.* quidquam Hollandis: cum cautum sit, ut non attingantur portus & loca, Europæis nationibus subdita. 19 Articuli pro hac Societate ordinanda concepti sunt, atque Rex ipse protectionem suam eidem addixit. In Comitibus generalibus 24 Regni Senatores ad 16 reduci sunt.

Post ultimum bellum Russicum Suecia reparandis salinis & ærifodinis erat intenta. At vero anno 1732 Sparro Archithalasso mandavit, ut naves bellicas ad 42 augeat, cum reliquo rei maritimæ apparatu.

apparatu. Inita etiam est cum Polonia concordia, quæ a Carolo XII jam ante plures annos fuerat interrupta.

Tract sub-  
sidiorum.

Anno 1733 Gallia per Legatum suum Casteia Sueciam sollicitavit, ut in favorem Stanislai turbis Polonicis se immisceret, permoveri tamen non poterat, nisi, ut veterem cum Francia amicitiam renovaret, & ad servandam pacem Olivensem, cujus esset sponfor, Polonos per suum Varsoviæ legatum hortaretur.

Anno 1734 Comititia Regni Holmiæ celebrata approbarunt novum Corpus Juris Suecici, omisis legibus antiquatis & inutilibus, declaratisque obscuris ac dubiis, ad recentiora tempora accommodatum.

Turbæ mo-  
vet.

Anno 1735, ut Gallia Sueciam a fœdere Russico retraheret, per Legatum Casteia Tractatum subsidiorum, quæ annuatim 450000 thalerorum conficere dicuntur, renovavit, reservata tamen ratificatione Regis Christianissimi. Cum autem Suecia nihilominus fœdus defensivum cum Russis de novo confirmasset, Rex Tractatum subsidiorum ratum habere noluit: id maxime objiciens, quod Stanislao & Dantisco recusasset succurrere. Suecia autem cum Anglia Tractatum subsidiorum iniit iisdem conditionibus, quibus ante cum Francia. (1736) Anno sequenti Comes Casteia 2000 aureis pro more donatus, locum Legati reliquit Comiti San-Severino Italo; qui anno 1738 Subsidiorum Tractatum renovavit, promissis in annos singulos 300000 thaleris, qui a Gallia hoc anno præstiti sunt Sueciæ, ut a Russis & Anglis abstraheretur. Anno 1739 abdicati sunt Senatores, qui Gallis fuerant adversi, adnitente Comite Tefino, Comitiorum Marechallo, Gallicis partibus admodum addicto.

Sinclæria  
cadet.

Eodem anno Suecia, recepto chirographo Caroli XII, quo se Turcis obligaverat, iniit cum Sultano fœdus defensivum, oppositum velut fœderi Austriaco-Russico. Sinclærus Suecus excubiarum Præfectus, cum Cpoli rediret, occultis litteris instructus, in Silesia a duobus larvatis fuit interemptus, ac litteris spoliatus; quæ res multam in Europa suspensionem, altosque clamores excitavit, ut adeo Aula Viennensis & Petroburgensis datis ad Legatos suos litteris sint publice contestatæ, se non modo cadis Sinclæriæ nullam habere partem, sed etiam illam tanquam infame latrocinium detestari.

## §. 10.

*Belli cum Russis Causæ. Suecorum clades. Löwenhaupt belli Imperator capite plexus. De successore eligendo. Tres Competitores. Minitantur Sueci, se Principem Daniæ electuros, ut pacem a Russis obtineant.*

Per Sincläri cædem, fœdus Turcicum, Cæsaris & Annæ, 214  
 Russiæ Imperatricis obitum, adventum Classis Gallicanæ in Balthicum,  
 per soluta subsidia, Antini Franciæ Legati flabella, impedire conan-  
 tis, ne Russiæ successioni Austriacæ, belloque inde orto, se miscere  
 posset; per turbas denique Russicas, & spem Sueciæ recipiendi,  
 quæ 20 ante annos per pacem Nüstadiensem Moscis cedere coge-  
 batur, sparsa sunt Russici belli semina: præparatæ classes, auctæ  
 copiæ, & sub Löwenhauptio in Finniâ traductæ: denique 8 Aug. <sup>bellum cum</sup>  
 1741 Holmiæ plenis in Comitibus decretum ac publice promulgatum <sup>Russis.</sup>  
 adversus Russos bellum.

Additæ belli causæ: ruptam a Russis pacem Nüstadiensem, &  
 jus gentium: contra Articulum VII miscuisse se Moscos in res Sue-  
 ciæ, formam regiminis, negotium successionis: additas minas: ne-  
 gatam Sueciæ subditis in tribunalibus Russicis justitiam: contra Ar-  
 ticulum VI potius aliis nationibus quam Suecis concessam licentiam,  
 frumenti exportandi: interfectum a Russis Sinclärum, & litteris  
 spoliatum. <sup>Causæ.</sup>

Mosci vero ad 50000 ad Wyburgum in Finniâ sub Lascio, su-  
 premo belli Præfecto, collecti, & ipsi Suecis bellum indixerunt,  
 conquesti, fractam ab illis pacem Nüstadiensem, non aliter ac ho-  
 stes Russos habitos: ac denique nunc bello petitos: inter barbaros  
 etiam non facile auditum esse, bellum indici, antequam rationes  
 belli publicentur.

Sed a verbis brevi ventum ad verbera. Wrangelius cum tri-  
 bus millibus prægressus, ad *Wilmanstrandum* ad internecionem a La-  
 scio cæsus est. Löwenhauptus vero, qui serius advenerat, in hy-  
 berna cum exercitu suo concessit, sparsis tamen libellis, affuturum a <sup>Cæsi Sueci</sup>  
 se Elisabethæ, & si exterum Ministerium abdicetur, nullum Sue-  
 cis cum Russis bellum fore. <sup>Lascio,</sup>

Et sane Elisabetha, ad thronum eveستا, haud alieno erat a  
 pace animo; unde ad eam, conciliatore Franciæ Legato Chetar-  
 dio, componendam, quatuor mensium inducias concessit. Sueci

Part X.

O o o o

repo.

reposebant Careliam cum parte Livoniæ. At, dum Russia mallet accipere quam dare, spe in totam Finniam porrecta, resumpta sunt arma 1742.

Apparatus.

Löwenhauptus sub signis habebat 28000 pedites & 13000 equites, non annumeratis Regiis Custodiis, & machinatoribus. Classis vero Suecorum, quam Siæsterna gubernabat, 24 bellicis majoribus, & 20 minoribus navibus constabat, quibus impositi dicuntur 22000, qua remiges, qua milites nautici. Contra vero Russorum in castris ad Wiburgum censebantur 70000, militari disciplina subacti, cum 12000 promiscuæ multitudinis. In Ingria remanebant 10000, & in Esthonia & Livonia 13000. Classarii in portu Cronstadiensi numerabantur 8000, præter 15000, qui in 70 triremibus continebantur.

Sueci de-  
bellati.

Dum Russi Fridrichshamo imminebant, Sueci eam incenderunt, atque munimentum hosti permisere. Fugientes persecuti sunt Moscici ad *Helsingfortum* usque, permunitam in Finnia Suecorum urbem, ad quam classis Suecica pariter se applicabat: sed a classe Russica ita ibidem includebatur, ut sine pugna elabi non posset. Terris quoque exercitus, quamvis sub tutela & præsidio tormentorum staret, ita tamen a Russorum ignibus infestabatur, ut 4 Sept. 1742 Capitulatione inita, *Helsingfortum*, ad mare Finnicum in peninsula situm, Russis cum tota provincia Nulandia relinquerent, impetrata tamen facultate in Sueciam se recipiebant.

Dimisso exercitu & classe Suecica, facile fuit Russis cum Aboæ & *Biörneburgo* potissimam Finniæ partem subigere, præsertim, cum milites Finlandici, ad 8000 æstimati, uolent patriam deferere, sed relictis Suecis, in verba Russorum jurarent.

Löwenhaupt  
capite præ-  
mo.

Löwenhauptus cum suo Legato *Budenbrockio*, ob rem male gestam, jam ante exautoratus, *Holmiam*que revocatus, in custodiam datus est, & in quæstionem vocatus, coram sex tribunis, quorum Præses *Hamiltonus*. Löwenhauptus ea excusatione se defendebat, ideam belli, sibi propositam, fuisse observatam: ligatas sibi fuisse manus, quo minus libere ageret; donec *Holmia* venirent imperia, optimas occasiones fuisse elapsas: classem detrectasse obsequium, prout etiam plures Duces sui exercitus: mediam denique propemodum copiarum partem morbis interlisse.

Sed hæc argumenta non valuerunt eum morti subtrahere; quippe anno sequenti ex sententia Comitiorum damnatus, e carcere elapsus, sed a fuga retractus, & carnificis manu capite plexus est, rusticorum præsertim Ordine adversus conjugis & liberorum lachry-



lachrymas, atque clientelarum, gratiam implorantium, preces inflexibili. Ita finit Löwenhauptus anno ætatis 51, quem paulo ante Sueci Comitiorum Mareſchallum, & ſupremum belli Imperatorem elegerant. Idem ferme ſupplicium Budenbrockius quoque, gente Pomeranus, ſubiit.

Alterum caput, quod in Comitibus Regni agitabatur, erat electio ſucceſſoris. Obierat quippe jam anno 1741 Ulrica Eleonora, Caroli XII ſoror, natu minor, anno 1718 ad ſolum eveſta: cumque anno 1720 ipſius voluntate Ordines regni ſceptrum in conjugem Fridericum tranſtulſſent, ea fuit adjecta conditio, ut, ſi Ulrica improlis decederet, integrum eſſet Statibus, Friderico Rege adhuc vivente, ſucceſſorem deſignare.

Tres maxime Candidati in deliberationem veniebant: & primus quidem Carolus Petrus Ulricus, Dux Holſtæ-Gottorpienſis, ex Waſſorum genere deſcendens: ipſius ſiquidem avia paterna Hedvigis ſoror erat Caroli XII natu major. Quare, ſi ſanguinem Regium ſpectes, nemo illo erat propior. Et expediebat Sueciæ, ut benignam a Ruſſis pacem impetraret, illum eligere. Sed religionem Græcam aſſumpſerat: ſtatutum autem a Suecis fuerat, neminem eligendum, qui Lutheranus non eſſet.

Alter fuit Fridericus Haſſiæ Princeps, Regis Sueciæ ex fratre Wilhelmo nepos, gener Regis Angliæ, a quo in his belli infauſti turbis auxilii opportuni ſpes. Et alliciebat Regis patrui gratia.

Tertium Gallia commendabat Chriſtianum IV Ducem Bipontinum.

Denique 5 Nov. 1742 electus eſt 239 ſuffragiis Dux Holſtæ Ulricus, contra 237, quæ Haſſo favebant. Miſſi in Moſcoviam, qui nuntium electionis ferrent Bondeus, Hamiltonus, Schäferus. At Ulricus jam denuntiatus fuerat ſucceſſor in Imperio Ruſſico; nec conſtat, cur non acceptarit electionem, utramque aliquando coronam conjuncturus, aut cur Eliſabetha Imperatrix non omnem ſuam, ut id fieret, auctoritatem impenderit.

Commendabat autem illa Ordinibus Sueciæ Adolphum Fridericum, Ulrici ex eadem Gottorpiana Familia agnatum, & antea tutorem, hodiernum Regem Sueciæ, in gratiam Eliſabethæ & Ulrici anno 1743 electum, ut mox videbimus.

Tertium caput, in Comitii deliberandum erat, quomodo post tantas clades pax a Russis esset impetranda. Et sane accommodum huic fini medium fuit Ulrici electio, quamvis politica duntaxat, cum facile Sueci præviderent, eam ad effectum non deducendam. Nihilominus per eandem, uti & spem, Ulrici agnatum Adolphum Fridericum electum iri, tantopere Elisabetham Imperatricem flexerunt, ut in pacem componendam consentiret.

## §. II.

*Congressus Aboensis. Pax. Adolphus Gottorp. electus successor in favorem Russiae. Dablenfes rustici rebelles. Nuptiae Adolphi cum Borussia. Natus eis Gustavus filius. Fœdera. Medicus capite plexus.*

215.  
Congressus  
Aboensis,

Igitur ineunte Martio 1743 Russia Aboam ad pacis congressum misit Alexandrum Romanzow, cum Tribuno de Lubras, Suecia vero Hermannum de Cederncreuz, cum Status Secretario Nolkeno. Sed multis inter se parafangis distabant. Russi ex interdicto uti possidetis transigere volebant: Sueci non modo Finlandiam, nuper armis occupatam, sed Livoniam quoque, pace Nüstadiensis Russis cessam, reposcebant; ut adeo pacis negotium in longum protraheretur, magnique ex parte utraque ad bellum continuandum apparatus fierent: nihil tamen admodum magnum gestum. Insula Aland, quæ media est inter mare Balthicum, sinum Bothnicum, & sinum Finnicum, recepta a Russis, rursusque amissa.

Tandem Sueci categoricam a Russis responsionem petebant, quantum ex acquisitis sibi cedere vellent, additis minis, se hæreditarium Danicæ Principem in successorem electuros, nisi Finnam aliaque plura redderent.

Russi, ne id fieret, & Dania ac Suecia aliquando sub unum caput redirent, faciliores paci Suecorumque postulatis aures præbuerunt. Unde Aboæ 1743 27 Junii a Commissariis subscripta sunt præliminaria: quibus statuitur, ut cesset hostilitas terra marique. Ut Suecia ad commendationem Imperatricis & Magni Principis Adolphum Fridericum Holstatæ Principem eligat in successorem coro-

næ

*nae Suecicae.* Reliqui articuli distinctius comprehenduntur in articulis pacis, 7 Aug. conclusæ.

1. 2. 3. Sit pax & amnestia perpetua.

4. Suecia cedit Russiæ iterum omnes regiones, quas art. 4. & 8. pacis Nüstadiensis eidem cessit.

5. Ex Finnia provinciam Kymenegard, monumenta Fridrichsham, Wilmanstrand, Pittis, Nyslot cum districtu.

6. Russiæ restituit Sueciæ reliqua, quæ in Finnia occupaverat, uti Aboam, Biörneburg, Insulam Aland, Cajaniam, Bothniam, Tavastum, Nulandiam, partem Carelia.

7. Fluvius Kümene, in sinum Finnicum influens, limites utriusque Nationis determinet.

8. 9. Religio, jura, privilegia, in locis cessis sint salva.

10. 11. 12. 13. In Finnia maneat omnia munimenta, arces &c. in statu præfenti: quæ tamen Russi intolerant, abducere possunt. Cessent contributiones. Captivi reddantur sine lytro. Sueci possint certam frumenti quantitatem ex provinciis ad sinum Finnicum emere.

14. 15. 16. commercium sit liberum. In naufragio merces salventur, & dominis suis restituantur.

17. 18. Si Russicæ naves bellicæ Suecicum monumentum præternavigant, primi eas salutent explosione tormentorum Sueci, & vicissim. In mari autem sibi occurrentes salutationem omittant, donec hæc res componatur.

19. 20. Confirmatur pax Nüstadiensis. Omnes differentiæ per Commissarios complanentur.

21. Hæc pax intra tres septimanas ratificabitur.

Additum fuit, Regem Sueciæ non usurum titulis provinciarum, per pacem Nüstadiensem aut istam cessarum; sed solam Imperatricem iis posse uti.

Per hanc pacem utrique parti videtur satisfactum; nam Suecia integras provincias recepit, hoc bello abstractas; Russiæ vero pluribus locis est aucta; & obtinuit successorem in regno Sueciæ, quem optaverat. Nam

Adolphus  
Holstius elec-  
tus succes-  
sor.

Electus paulo post cum magna solennitate est successor Adolphus Fridericus, atque Hamburgo in Sueciam deductus: ubi postquam Regi fidem juravit, primus ei in Senatu regni locus est datus.

Dahlenfes re-  
belles.

*Dahlenfes* rustici, inconditum hominum genus, ad 4000 conglobati Holmiam processerunt. At portas oclusas invenerunt. Rex ipse equo insidens egressus ad quietem eos est hortatus. Verum illi armata vi in urbem irruerunt, ubi velut in loco capto grassantes, rejecto Adolpho, Principem Danie successorum eligi postularunt; sed reversæ opportunæ copie navales eos dispersis sclopis urbe eiecerunt. Missi dein in terram eorum milites, rebelles ad obsequium coegerunt.

Matrimo-  
nium suc-  
cessoris.

Anno 1744 Adolphus Fridericus, successor electus, sponsam suam, Ludovicam Ulricam, Borussia Regis sororem, in Suecia excepit, & postquam illa Lutheranam professionem edidit, matrimonio sibi iunxit.

Venit illico Borussia Holmiam Legatus Finckensteinius, Lubrahus Russicus, Rumpsius Hollandus: Tessinus vero Berolinum abiit. Russi milites, rebus cum Dania compositis, liberaliter donati, Suecia excefferunt.

Anno 1745 Sueci Judæis & Jansenistis Gothenburgi liberum cultus sui exercitium concesserunt.

Filius natus.

Anno 1746 Adolpho successor natus est filius, qui Gustavi nomen accepit. Patrini erant Rex Fridericus, Elisabetha Imperatrix Russiæ, Rex Borussia, & Ordines Regni Sueciæ.

Orientalis Sueciæ Societas a Comitibus confirmata est in 20 annos, concessumque, ut trans Promontorium Bonæ Spei libere commercari possit. Gothenburgensi e portu naves solvere jubentur, atque in illum rursus invehi.

Fœdera.

Anno 1747 nullum quidem in Suecia fuit bellum, varii tamen motus eandem colliserunt, gemina præsertim factio, quarum altera Russica dicebatur, altera Borussia, aut Gallica. Illa persuadere conabatur accessum ad fœdus defensivum, Austriacos inter & Moscos percussum, allaborante in id Holmiæ Korfio Legato Russo. At prævaluit altera, ita quidem, ut Suecia cum Borussia fœdus

foedus icerit, & subsidiorum tractatum, 1738 cum Gallia initum, renovavit. Promisit Lanmarius Legatus, pensuram Franciam eam pecuniæ summam, quam a novem jam annis solverat, trecenta videlicet Imperialium millia.

Plura verbis & scriptis in utramque partem spargebantur, præfenti etiam Sueciæ Regiminis formæ, ut credebatur, perniciofa. Captus Springerus Mercator Holmienfis; qui quæftioni feveræ fubjectus, cum fententia effet pronuntianda, e carcere elapfus, in domum Legati Anglici profugit. Extrahitur armata manu, jus gentium inclamante legato. Lata in reum fententia, quod propter feditiofa, & inimica in Status regni confilia agitata, & vetito litterarum commercio nutrita, capitis pœnam fit promeritus; hanc tamen in perpetuum Marstrandii carcerem mutari.

Gravius punitus eft Blaquellus, Regis Medicus, quod clanculariis machinationibus fucceffionem in regno, ab Ordinibus ftatutæ, intervertere, & Regis auctoritatem independentem reddere attentavit. Caput illi carnificis manu decuffum. Cremati quoque tres libelli, quorum auctores latebant. Contra vero Comes Teflinus, a Legato Ruffico aliisque accufatus, quod partes Gallicas illicitis modis promoviffet, caufa a Comitiorum Deputatis cognita, abfolutus, primique Miniſtri dignitate ornatus eft.

Bona Comitæ Löwenhauptii & Baronis Buddenbrockii, qui in eodem fermento capite plexi fuerant, Fiſco illata, hæredibus rogantibus a Comitibus fuit reſtituta.

Cum Imperatrix Ruſſiæ cum Imperatrice Romana foedus iniiffet, Sueci copias in Finniam transportarunt, locaque Ruſſiæ vicina munierunt, vel ut bellum inferrent, vel ut in Galliæ gratiam Ruſſos a ferendo Auſtriacis auxilio continerent.

## §. 12.

*Obitus Friderici Regis. Adolphus Fridericus coronatur. Bellum gerit in Pomerania contra Boruſſos.*

Anno 1748 Friderico Rege gravi infirmitate detento, ſucceſſor Adolphus, præoccupata induſtria, curas ſuas regno dependit,

316.

ex

ex Borussia conjuge filium alterum nactus Carolum. Suspicio non levis Suecos in fermentum agitavit, ne regnum adeptus regiminis formam mutaret, Tessino Comite præsertim, ejus ministro tam Gallis grato, quam Russis inviso, accusato, quod independentis Monarchiæ consilia Domino suo inspiraret.

Obitus Regiæ.

Promulgatio  
& coronatio  
novi Regis.

Anno 1751 obiit Fridericus Rex Sueciæ anno ætatis 75, regni 31, Landgraviatus Hassiæ 21, Princeps optimæ indolis, cui præter religionem nihil deerat. Regnum per uxorem Ulricam est consecutus, quamvis mutilum, & Ordinibus obnoxium. Nolebant enim redire Caroli XII tempora. Unde etiam ab Adolpho Friderico novo Rege juramentum publicum exigebant, quo sponderet, se juxta formam, anno 1720 introductam regnaturum, in quam jam antea etiam, (1743) cum successor declararetur, juraverat, religionem videlicet, jura, & libertatem se tuturum perpetuo, habiturumque pro hostibus & proditoribus patriæ, qui conarentur independentem potestatem reducere. Suscepta dein coronationis solennitas, non Upsaliæ, prout alias consuetum, sed Holmiæ, nec Regi duntaxat hic honor collatus, sed Reginæ quoque Ludovicæ Ulricæ. Primas partes in his solennitatibus eloquentia sua condecorandis habuit Carolus Gustavus Comes Tessinus, Regni Cancellarius, Senator, ac Moderator Gustavi, Regii Principis.

Cum Rex Borussia anno 1756 Saxoniam occupasset, Rex Sueciæ, cujus vas pacis Westphaliæ obligatum se credidit, eandem tueri. Involutus igitur ultimo contra Borussum bello, militem in Pomeraniam misit, qui reciprocantis instar marini æstus fluxit & refluxit, procurrit & recurrit; victor in æstate, victus in autumno, prout in appendice referetur.

Postquam autem Russiæ novus Imperator a fœdere recessit, etiam Suecia cum Rege Borussia pacem iniit, relicta Saxonia in ejus manibus.

CAPUT XV.

Status Borussiae

SÆCULO XVIII.

§. 1.

*Frid. I Rex primus Borussiae. Cur sibi coronam imposuerit.  
Rex salutatur a Caesare & Protestantibus; reclamante  
Ordine Teut. Coloniensem agrum invadit. Geldriam  
capit. Causa Novocomensis.*

**A**nno hujus sæculi primo Fridericus I Elector Brandenburgicus & 217.  
Dux Borussiae, non tam amplitudine, credo, quam multitu- *Frid. I & Re-*  
dine provinciarum elatior, sibi ipsi Regiomonte in Borussia coro- *gem dicit.*  
nam imposuit, seque Regem dixit, fastique rationem, missis ad  
Europæos Principes Legatis, reddidit.

Borussiam, inquebant, antiquis temporibus regnum fuisse;  
& quamvis postea clientelari jure fuerit innexa Poloniae, hoc ta-  
men nexu dudum per pacta publica, cum Rege Casimiro inita dis-  
soluta, supremum se & nemini, nisi Deo, obnoxium dominium  
illius esse consecutum, cuivis autem domino, ab aliis potestatibus *Argumenta.*  
independenti, fas esse de re sua disponere, formamque aut titulum  
pro arbitrio designare, neque rem istam novi esse exempli.

Aristobulum, Judæ Machabæi pronepotem, Alexandri M. suc-  
cessores, Rodolphum Burgundiæ Comitem, Rogerium utriusque  
Siciliæ, & Boleslaum Poloniae Ducem, a se ipsis creatos esse Reges.  
Henricum VIII Angliæ Regem Ducatum Hiberniæ ad regni honores  
judicasse supremam in terris dignitate. Fridericum quoque provin-  
cias opesque possidere, tanto fastigio non impares.

Romanum Imperium nihil inde detrimenti passurum; Fridericum  
fore Regem Borussiae, independentis ab Imperio, simulque Electo-  
rem Imperii, qualis ante fuisset; nec ullam in Comitibus sedem, nec  
potestatem novam, aut prærogativam accessuram. Archiduces Au-  
striacos Hungariæ & Bohemiæ, Oldenburgicos Comites Daniæ,  
*Part. X.* *P p p p* *Bipon-*

Bipontinum Ducem Sueciæ, atque novissimè Electorem Saxonie Poloniæ Regna consecutos, nec inde quidquam derogatum Germanæ Reipublicæ.

Quin imò pertinere ad Majestatem & gloriam Imperii, in civibus suis tot Reges ostentare posse, & in vassalis coronata capita. Neque opponi posse pactum cum Polonia, ut extincta hac Electorum stirpe feudi nexus in agnatos hæredes recidat; nam & Neapolis Regnum Romanæ Ecclesiæ beneficiario jure esse obnoxium.

Imperator, ut in illa temporum difficultate potentem amicum haberet, omnium primus Regem salutavit, Borussiaque regnum a Cæsare. declaravit. Quæ res Friderico adeo placuit, ut & Imperatorem, ceu Christianorum Principum caput, cujus esset Reges creare, prout Angliæ, Poloniæ, Bohemiæ, Daniæ &c. Regna ex hoc fonte profluxissent, Dignitatis suæ Regiæ auctorem prædicaret, & decem armatorum millia ad bellum Hispanicum promitteret, remissis centum Imperialium millibus, quos ei Cæsar debebat.

Quam levi autem impendio Imperator hæc commoda est consecutus, tam adversa Catholicorum quorundam voces audiebantur; quo usque progrediretur Cæsar in exaltandis augendisque Protestantibus; nuper Hannoveranum renunciatum Electorem, nunc Borussia Regem, non levi Catholicæ rei præjudicio. Galli potissimum erant, qui ad constandam invidiam hæc objectabant. Alii futuras in electione & capitulatione Cæsarea turbas formidabant. Certe Austria postea experta est, quam Domum exaltavit. Protestantes vero Reges ac Respublicæ sine cunctatione novo Regi novam dignitatem gratulabantur. Galli vero & Hispani primum post pacem Ultrajectensem agnoverunt Regem.

At vero Equitum Teutonicorum ordo, contestatione gravissima, in acta publica relata, juribus suis, quibus nunquam renuntiasset, sibi cautum voluit. Quomodo autem Albertus Brandeburgicus, Magister hujus Ordinis, Borussia ad se taxerit, alias meminimus.

Bello dein Hispanico Rex Borussia Rhenobergam, Electoris Colonienfis urbem permunitam, diuturna obsidione pressit, Cohornius Bonnam. Quamvis autem Borussia milites, in Belgium potissimum translati, non admodum multum pro tantis viribus præstitisse legantur, reportarunt tamen in præmium locatæ operæ Geldiam.



Alio insuper distractus in privata commoda, causam communem languidius adjuvabat. Anno 1703 cum Carolus XII Sueciae Rex Poloniam opprimeret, Regemque Augustum persequeretur, tractatum cum eo iniit, quo se obstrinxisse fertur, ad invadendam Rempublicam, si illa contra Suecos se declararet. Eodem anno Geldriam urbem Borussia expugnavit post quinque mensium obsidionem.

Geldriam  
capit.

Anno 1707 orta est controversia de Principatu Novi Castri, Neuchast, seu Neoburgi, vel Novocomi, in 17 Castellanas divisi, quarum sola Landeronia est Catholica. Ad Domum Longavillanam pertinuerat, quæ 250 annis hunc Principatum (Comitatu Burgundiae & Helvetiae interjectum) possederat. Ea autem extincta familia 17 erant, qui se hæredes ferebant, Galli potissimum Principes; Domui Longavillanae innexi. At omnibus prævaluit Rex Borussiae, ex Domo Nassovia, Auriaca, & Catalaunensi, jus suum accersens. Reponebant Galli, familias istas nunquam possedisse Novocomum, & adesse propiores Domus Langavillanae hæredes, Contios & Aurelianenses. Neque ea erant tempora, quibus Ludovicus Rex propter hunc exilem Principatum multum virium ac sumptuum posset impendere, tot cladibus attrita Gallia. Adhæc Angli, Hollandi, Bernates & incolæ Calviniani, aperte favebant Borussia. Imperatori necessaria erant ejusdem subsidia. Atque hac ratione Borussia, sua fretus & sociorum potentia, possessionem adiit, atque in ea per pacem Ultrajectensem fuit confirmatus, extincto etiam, quod allegaverant, jure coronæ Gallicæ, asserentes, Novocomum feudum esse Burgundiae, ac proin; emortua Domo Longevillæ, eisdem esse apertum.

Causa Neo-  
comensis

Orange.  
Chalon.

## §. 2.

*Meursia augetur. Obiit. Succedit Frid. Wilb. Pacem Ultrajecti-  
nit cum Gallia. Conditiones. Stetinum emit a Russo. Causa  
Auriaca. Leibnicio succedit Gundling Præs. Acad. scient.  
Coccejus obiit. Dissensio cum Casare. Miscet se causa  
Thorunensi &c. accedit fœderi Hannoverano. Obiit  
Czauvinus, & Metternich Catholicus, Thoma-  
sius, Gundling. Causa Limpurgica.*

218.  
Meursia.

Anno 1712 Meursiam Rex Borussiae Hollandis eripuit. Pertinuerat illa ad Domum Auriacam, ex Comitatu anno 1706 in Principatum commutata.

Obiit Frid.  
III.

1713 obiit Fridericus III Rex primus Borussiae, ætatis anno 56, regni Borussiae 13, Electoratus 25. Successit *Fydericus Wilhelmus* filius: qui Dohnam Pommeraniæ & novæ Marchiæ, Ilgenium Borussiae, Prinzenum Geldriæ & Clivæ, Bartholdum Marchiæ Brandenburgicæ, Blaspielum Westphalicis Provinciis, Cameckum Halberstadio & Magdeburgo gubernatores præfecit. Ejus copiæ hoc tempore 40000 circiter constare dicebantur.

219.  
Pax Ultrajecti. Conclufa est hoc anno pax Ultrajecti, inter Galliam & Borussiae quoque, quam in Hispanicis exhibui. Statuitur amnestia & amicitia. Pax West. sit salva. Geldria Hispanica transfertur in Borussiae, prout Carolus II possedit: salva religione. Gallia agnoscit Prussum tanquam supremum Dominum Principatus Neocomensis (*Neuchatel*) Prussus cedit Galliæ Principatum Auriacum. Helvetia paci includitur. Separato articulo Gallia Borussiae agnoscit Regem. Rhenobergam Borussiae reddet Colonienfi, salvis tamen suis præfessionibus.

Stetinum ad  
Borussiae.

Expugnatum a Russis Stetinum, quod dein Borussiae pro 500000 thaleris concessum. Berlini celebratum primum Reformatæ, ut prætendunt, religionis sæculum.

1714 Borussiae Stetinum in sequestrum accepit. Milites numerabat 42000. Regimen Ducatus Magdeburgici translatum Halla Magdeburgum.

1715.

1715. Cum reliquis foederatis Borealibus Suecum Germania expulit. Hoc anno in Saxoniam & Marchiam Brandenburgicam venerunt novi prophetae, quales olim erant Lutherus, Calvinus, Munzerus. Sed fortior spiritus expulit minus fortem.

1716. Elector Viennae per Comitem Metternichium praestito homagio Investituram suorum feudorum coram throno Caesareo accepit, etiam ratione Principatus Meursii. Lis inter lineam Onolsbaensem & Baruthanam a iudicio Aulico decisa, ut in munere condirectorii alternent singulis trienniis.

1717. Rex bona Equestria, soluto nexu feudali, declaravit allodialia & absolute hereditaria, reservato tamen non exiguo capone annuo. Plures Equites illa Regi vendebant. Judaeos expulit, quod nolent solvere, quantum petebatur.

1718. In puncto hereditatis Auriacae etiamnum inter Borussiae, & Nassovio - Diezanum, cujus causam Hollandi propugnabant, fervebat controversia, contestante per exceptionem fori declinatoriam Boruffo, hanc causam a tribunalibus Belgicis definiri non posse; sed aliis utendum mediis. Ad eandem hereditatem litigiosam pertinet Herstallum, de quo in Belgicis.

Cum Domo Mechlenburgica confirmata fuit fraternitas & unio hereditaria.

In Borussia agri inculti & prata gratis distributi, ut cultores alliciantur, & frequentia populi augeatur. Pannificium etiam, fabricae, artes mechanicae ad perfectionem deductae auctaeque, ut pecunia attrahatur, aut saltem in subditis provinciis retineatur. Praesertim vero militiae augendae impensum studium, ut adeo 70000 milites numerarentur: inter quos multi procero corpore, per Europam conquesti. Doctissimo Leibnizio mortuo successus Gundlingius Praeses Academiae Scientiarum.

1719. Rex multum conquestus de oppressionibus, ut praetendit, Calvinistarum in Polonia & Palatinatu, armorum minas adjecit, & repressalia Magdeburgi & Mindae imperavit.

Magdeburgum, alias jam munitum, novis propugnaculis eximie instructum.

Francofurti ad Viadrum aetate 77 annorum clausit Henricus Coccejus, illustre sidus jurisprudentiae politicae.

In provinciis Regis hoc anno 306000 nati infantes scribuntur.

Anno 1720 per pacem cum Suecis Rex in Pommerania non parum terrarum ditionibus suis adjecit, prout dictum in Suecicis. Peregrinationem instituit in Hollandiam, ibique Amstelodamum, Hagam, Roterodamum &c. vixit: salutatoque Hannoveræ socero, Berlium rediit.

1721. Rex novos conquestus obtinuit in Pommerania; tum vero Borussia aliasque provincias suas visitavit: ubi tribunalia, fabricas, opera publica, commercia, artificum tribus, omniaque ad politicam spectantia rite ad emolumentum tum suum, tum subditorum ordinavit, ejectis etiam omnibus peregrinis medicis, qui deinde affines regiones inundarunt.

**Causa Tecklenburg.**

1722. *Causa Tecklenburgensis* in Westphalia non parum negotii facessabat. De Comitatu illo inter Comites Bentheimenses & Solmenses jam dudum lis vertebatur. Isti anno 1707 jus suum Electori Brandenburgico vendebant: ac proin hic in litem cum Bentheimensibus successit. Agitata fuit illa Viennæ in Judicio Aulico, a quo plura mandata adversus Brandenburgum sunt emissa, executione Hannoverano & Wolferbyitano commissa; quæ tamen propter potentiam & renitentiam possidentis nunquam fuit suscepta. Hæc, uti & sic dicta *repressalia*, propria auctoritate facta, aliaque plura Aulam Cæsaream ab aliquot annis alienarunt, supremi in Imperio Judicis officium violatum pluribus scriptis demonstrantem. Certe tantum exarsit dissensio, ut bellum timeretur.

**Frigus inter Aulam Vien. & Boruss.**

1723. Rex multas exterarum familias in Borussia introduxit, ut loca sterilia ac deserta, præsertim in traktu, Lithuanie imminente, ad fertilitatem perducerent. Berolini Collegium Medico-Chirurgicum constituit, sex Professoribus constans, qui Medicas, Chirurgicas, Anatomicas, Botanicas, Chymicas, Mathematicas operationes & demonstrationes exhiberent.

**Rex se miscet causis Thorn.**

1724. Rex primus causæ Thorunensi se miscuit, aliosque Protestantes exemplo & hortatu traxit, ac si Borussia esset Europæ arbitra. Hinc illa etiam ab Aula Cæsarea aversio. Deferbuerat quidem aliquantum contentionis æstus, sed non omnino subsidit. Propterea

**Accedit fœderi Hannoverano.**

Anno 1725. Rex fœderi Hannoverano, adversus pacem Vienneensem concepto, promptè subscripsit: suscepto etiam Hannoveram ad Angliæ Regem socerum suum itinere.

Obiit Berolini Stephanus *Chauvinus* ex Gallia fugitivus, auctor *Lexici Philosophici*. Successorem in Cathedra Philosophica habuit *Paschalem*, popularem suum.

1726. Cum Rex, executione Thorunenſi, quamvis re inter alios acta, offensus, varia postulata & prætenſiones adverſus Poloniam formaret, hæc, nequaquam territa, Elbingam cum Dynaſtiis Dragmaſi, & Oſtenda repetiit.

Verum non modo Catholicis ubique ſe inſenſum exhibuit Fri-<sup>Inſenſus</sup>dericus, ſed etiam Lutheranis: quod vel ex eo eſt colligere, quod <sup>Catholicis &</sup>ſubditis ſuis omnibus ſevere prohibuerit, ne ad Academiam Witten-<sup>Lutheranis.</sup>bergenſem accedant. Litterarum tamen æſtimationem præſtulit, dum (ſicut pater Leibnizium) Gundlingium Baronem creavit, ſuumque Camerarium.

1727. Agebatur de fœdere deſenſivo, Cæſarem inter & Boruſſum; ſed quia obtineri non potuit, ut Domus Soliſbacenſis jure ſuo in Ducatus Juliæ & Montium cederet, aut abſolutum id non fuit, aut effectus illius latuit.

Extincta linea ſeniore Domus Baruthanæ, ſucceſſit ex altera Georgius, qui hætenus Rottenburgi ad Tuberam ſedem fixerat, non obſtante prætenſione Regis Borussiae ob debitum 800000 thalerorum.

Obiit Ratiſbonæ Comes Metternichius, Brandenburgicus ad Metternich-<sup>am-obit</sup> Comitibus Legatus, qui paulo ante mortem Catholica ſacra eſt <sup>Catho-licus.</sup>

Anno 1713 apertum Imperio fuerat feudum Comitatus *Limpurgenſis*, jam a Cæſare Leopoldo Regi Borussiae promiſſum. Sed Wolrathus ultimus poſſeſſor undecim filias reliquerat, quæ rogarunt Cæſarem, ut interim, donec, quæ bona ſint feudalia, & quæ allodialia, eſſet definitum, in poſſeſſione relinquantur. Cauſam is delegavit Bambergenſi, Herbiſpolenſi, & Würtembergenſi. Judicium vero Aulicum anno 1728 Inveſtituram Regi contulit, ſalvo tamen jure ſiſtarum Limpurgenſium, & ulteriori cauſæ diſcuſſione.

Obiit 1728 Chriſtianus *Thomasius*, æt. 74, magnum jurispru-<sup>Mon The-</sup>dentia decus, editisque libris clarus. Regis Borussiae Conſiliarius in-<sup>maſſi,</sup>timus, Academiae Fridericianæ Director & Profeſſor Primarius. Sunt in Marchia Brandenburgica Proteſtantes, qui Equitum Melitenſium S. Joannis nomen gerunt, etiam conjugati, Sonneburgi. Tales hoc anno plures creati ſunt.

Anno 1729 Boruſſici conductores militum in agro Brunſvicenſi cuſtodia ſunt traditi, quod ſubditos vi abſtraxiſſent, neque quere-<sup>lis</sup>liis unquam reſponſum fuerit. Ne ſcintilla iſta in apertam belli flammam erumperent, Ducis Saxo-Gothani opera effectum. Querela iſta non erat unius Domus Brunſvicenſis.

Obiit

Et Gundlingil.

Obiit Nicolaus Hieronymus Gundlingius, Academiæ Hallensis famofus Profeflor, de re litteraria, præfertim de Jure Publico, civilis, feudali, & studio Hiftorico bene meritus.

Anno 1730 Rex cum filio ad varias Germaniæ aulas inuifit. Fillam primogenitam Culmbacenfi defpondit. (1731) Friderico autem Principi hæreditario Elifabetham Beveranam.

### §. 3.

219.

*Divifio hæreditatis Auriacæ. Causam Juliacenſem cum Palatino vult transfigere. Obiit. Succedit Fridericus II Heros invictiſſimus. Geſta in Sileſia. Pax. Ludvigum, Böhmerum, Wolffium, Hoffmannum, viros doctiſſimos colit. Irruit denuo in Bobemiam. Friſiam Orientalem occupat. Lis de illa. Pignus luit.*

Diviſio hæreditatis Auriacæ.

Anno 1732 Berolini diviſa tandem eſt pinguis hæreditas Auriacæ, quam Wilhelmus III Rex Angliæ reliquit, inter Domum Brandenburgicam & Naſſovio-Diezenſem hætenus controverſa.

Rex Boruſſiæ retinet Principatum Meuriæ, & Comitatum Lingeniſem in Germania, Præfeſturam Montfortenſem in Geldria: plures ditiones in Hollandia: arcem Graveſand: Heriſtallum cum diſtrictu in agro Leodiſi. Telonium Genepenſe in Brabantia cum ditione Turnhutenſi: Domum Hagæ, cum omnibus proviſionibus & melioramentis.

Principi autem Diecenſi, Friſiæ Gubernatori, ceduntur reliqua, uti Gertrudenberga, Uliſſinga, Comitatus Bûrenſis, Breda, Gravia, aliæque multæ ditiones, decimæ, in Hollandia, & aliis provinciis. Utraque Domus poteſt uti titulis & inſignibus ſucceſſionis Auriacæ. Princeps recipit in ſe omnia debita, paſſiva & activa Auriacæ. Prætereo plura alia particularia bona ac jura, hinc atque inde ceſſa.

Anno 1733 Imperator per Seckendorffium cum Rege tractatum iniit, quo hic decem armatorum millia promiſit adverſus Gallos: qui tamen ita properarunt, ut primum menſe Junio anni ſequentis in caſtra venerint, Chetardio retardante. Sicut autem Franciſcus Stephanus Magnus Dux Heturriæ jam ante, ſic anno iſto Princeps Eugenius Junior Berolinum venit, cum omni honoris ſignificatione a Rege exceptus.

Anno

Anno sequenti Rex cum filiis Friderico, Wilhelmo, Henrico, & Leopoldo Dessavio, ad Rhenum profectus, a Magno Eugenio <sup>Rex Rhodanus</sup> singulari cum apparatu exceptus est. Postquam autem omnia lustravit, domum rediit. Obiit Alexander de Wartensleben, omnium Marschallorum antiquissimus, Gubernator Berolini, magna apud Regem pollens gratia: & anno sequenti Georgius Marchio Baruthanus, nono Regiminis sui anno. Successit filius Fridericus, 24 ætatis anno. Rex Societatem Scientiarum Berolinensem 3000 librorum auxit, & Cameram rerum naturalium plus quam trecentis raris monumentis.

Anno 1736 Stanislaus Rex Poloniae Regiomonte Berolinum venit, Regio more exceptus, atque inde in Franciam abiit.

Anno sequenti Rex cum Electore Palatino Carolo Philippo transire voluit, imploratis etiam Anglis Hollandisque. Igitur per Degenfeldium, Ministrum suum, significandum curavit, quamvis vi Tractatus, anno 1670 initi, Juliacensis Ducatus ad Domum Brandenburgicam pervenire debeat post extinctam Domum Neoburgicam, Regem tamen Borussiae Ducatum illum post mortem Electoris Principi Solisbacensi restitutum, modo illi Ducatus Montensis, cum Düsseldorfio, Ravensteinio, Winnenthalio, & Breckensfando cedantur. Quo facto spondet Rex, se thalerorum millionem Solisbacensi soluturum, & tribus ejus fratris defuncti filiabus 15000, & singulis pro dote 30000. At Elector respondit, se de manifestis juribus Principis Solisbacensis nihil posse remittere; quæcunque anno 1670 pacta sint inita, non potuisse iis, tanquam inter alios actis, juribus tertii præjudicium afferri.

Rex Berolini pro emigrantibus ex Bohemia novum templum extruxit. Munimenta Scettini reparavit auxitque.

Anno 1738 Rex cum filiis Friderico & Wilhelmo Mindam, Hamum, & Vefaliam profectus, tres ibidem legiones, Dessaviam, Dohniam, & Berckiam lustravit. Ad aulas dein alias assymbolus divertit. Anno vero sequenti in Borussia abiit, cura in omnes provincias, late diffusas, exporrecta. Neque magnis æconomio in paucis claro sua itinera sumptibus consistere. Chetardium Marchio Valory sublevavit.

Annus 1740 fatalis fuit magnis Principibus, nam Romano Imperio, Russiae, & Borussiae caput abstulit. Et quidem *Fridericus* <sup>Obitus Regis.</sup> *Wilhelmum*, Borussiae Regem ultima Maji hydrope extinxit Pozdami, postquam 51 annis vixit, & 27 regnavit.

Libert.

Ex Sophia Dorothea, Georgii Ludovici, Hannoverani Electoris, & Regis Angliæ filia, genuit 14 liberos, septem masculos, & totidem fœminas. Ex illis superstites reliquit, Fridericum successorem, natum 1712, Wilhelmum natum 1722, Henricum natum 1726, Ferdinandum, natum 1730.

Ex fœminis prima nupsit Marchioni Culmbacensi, altera Onolsbacensi, tertia Carolo Duci Brunsvicensi, quarta Marchioni Suetensi, quinta Adolpho Friderico Regi Sueciæ. *Fridericus II* vero desponsus est Elisabethæ Christinæ Ferdinandi Alberti Ducis Beverani filia.

Frid. succedit  
heros clariss.

28 Annorum erat Heros iste, cum regnare cœpit; deinceps vero tanta gessit, quæ omnis stupeat posteritas. Homagium recepit Regiomonti in Borussia 16 Jul. in Marchia Brandeburgica 2 Aug. & Magdeburgi per procuratorem, Vessaliæ in Clivia 29 Aug. tum variis terris sub nomine Comitum de Ruppini peragrat, Brunsvici fratrem Wilhelmum, supremum militiæ Marefchallum, ac Gubernatorem Pomeraniæ, 18 tunc annorum juvenem, despondit cum Ludovica Amalia conjugis suæ sorore.

Prima gesta.

A bellis regimen orsus, copias propter Herstallum Leodiensis primum agro, atque defuncto Carolo VI Silesiæ infudit; quæ omnia supra de rebus Germaniæ sunt relata. Ovans Berolinum regressus aulam Ministris, militiam Ducibus instruxit, creavit Comites, & Equites Nigræ Aquilæ; quin novum Ordinem *Pour les Merites*, fundavit.

Anno 1741 post victoriam *Molvicensem* ab Inferiore Silesia homagium recepit, & in superiorem quoque, imo & in Moraviam & Bohemiam, direpto Glacio, irrupit. *Ludwigum*, inter eruditos celebrem, Cancellarium Magdeburgensem creavit: Christianum *Wolffium*, famosum Philosophum ac Mathematicum, Marpurg Hallam reduxit, unde a Præconibus fuerat expulsus. Samuellem *Schmettau* ab Austriacis castris ad sua traduxit. Denique cum Regina Hungariæ pacem iniit, tota ferme parte Silesia. Hallæ Saxonum obiit *Hoffmannus* Medicus celeberrimus.

Quomodo anno 1744 irruerit Rex denuo in Bohemiam, Pragæ expugnarit, brevique, advenientibus Austriacis & Saxonis copiis, eam rursus reliquerit, in Silesiam redierit, dictum est in Germanicis.

Ludo.



Ludovicam Ulricam sororem suam, anno 1720 natam Rex despondit Adolpho Friderico, electo in Suecia successori, hodierno Regi Sueciæ.

Justus Henningus *Böhmerus*, Consiliarius Regis intimus & Professor Hallæ Saxonum, renunciatus est Cancellarius Ducatus Magde-<sup>Böhmerus</sup>burgici, magno litteratis incitamento, cum viderent, homines eru-<sup>Cancellarius.</sup>ditos tanto Regi esse in pretio.

Obiit hoc anno Aurici Carolus *Edzardus* Princeps Frisiæ Orientalis, æt. 28, stirpis suæ ultimus. Rex Borussiae, misso milite, ocius Rex Frisiæ provinciam possessionem cepit, exacto homagio, eo juris obtentu, Orientalem quod Imperatores Leopoldus, Josephus, & Carolus VI hoc seu occupat-<sup>um</sup> dum, si Imperio aperiretur, Domui Brandeburgicæ (data *expectantia*) promississent.

Crediderant autem Batavi Embdenæ civitati & Statibus provincialibus supra millionem ducenta florenorum millia, & Principi Ezardo defuncto trecenta millia, sub hypotheca ditionum. Hol-<sup>Baravis m-</sup>landi igitur præsidium Embdenæ aliisque locis imposuerunt; quæ res-<sup>trum resti-</sup>varias lites concitavit. At Rex Borussiae, restituto Hollandis credito, provinciam ab eorum jure pignoratitio redemit: simulque Investituram a Cæsare, & Votum in Collegio Principum postulavit.

Sed intercessit Elector Hannoveranus, pacta confraternitatis atque unionis hæreditariæ, cum Principibus Ostfrisiæ inita, ob-<sup>Causa agitata.</sup>tendens. Magna inde contentio, scriptis & Juris Deductionibus ultro citroque fervide agitata. Accessit tertius competitor Comes Widenensis, qui promiscuum esse feudum prætendit, illudque filiis suis, quorum mater & avia fuissent prognatæ ex familia Ostfrisia, vindicavit. Sed Borussio suæ mansit possessio, cujus confirmationem Monachii a Vicario Imperii petiit, obtinuitque.

Cæterum Rex per Andrium, suum Londini Ministrum, Neucastllo Secretario Status scriptum hoc anno tradidit, quo causas Cur bellum novæ suæ in Bohemiam irruptionis exposuit. Plenum est querela instaurarum in Hungariæ Reginam: omnia ab ea rejecta pacis consilia. Electionem Cæsaream, ab ipso etiam Rege Angliæ, ut Elector Hannoverano, communiter factam, ab ea declaratam irritam, electumque throno suo rursus deturbandum, vel, ut consortem æqua potestate fruiturum recipiat, cogendum. Copias Imperatoris ex Imperio pulsas. Membra in caput concitata. His se permotum Imperatori succurrere, prout Anglia & Hollandia Regiæ succurrissent, & cum Angliæ re-<sup>sponder.</sup>alio Imperii Principibus unionem inire; nullatenus vero ut dominationem suam extendat, sed ut Germana libertas conservetur, &

pax æqua obtineatur. Quid facturam Magnam Britanniam, si in ejus Regnis talis tragœdia exhiberetur, aut, si quis Regi coronam detrahere, & Prætendenti alicui imponere conaretur? Sicut igitur nullus Germanus cogitet, rebus Anglicis se immiscere; sic sperare Regem, Anglicanam Nationem non missuram falcem in alienam mellem. De cætero se debita Silesiæ, per tractatum Uratislaviensem sibi impoſita, usque ad ultimum assensum soluturum. Hujus scripti multa exemplaria Minister Borussicus in populum sparsit, indignante Rege Angliæ, & privatum Articulum Unionis Francofurtensis objiciente, quo Bohemia inter Cæsarem & Borussum fuisset divisa.

## §. 4.

*Gesta in Silesia & Saxonia. Ordinem Processus Judicialis per Coccejum reformat. Las ob sponſionem pacis Dresdensis ab Imperio procurandam. De Montium Ducatu. Exstruitur templum Catholicum & sacellum pro militibus Berolini. Regis bellicæ & politicæ virtutes.*

276.  
Rex ubique  
victor triumphat.

Anno 1745 Rex, parta *Fridbergensi* in Silesia victoria, ac subin etiam Sohrana, bellum in Lusatiam atque Saxoniam transtulit. Kefseldorffense denique prælium pacem Dresdensis peperit; prout supra in Germanicis prolixius relatum. Rex autem Berolinum triumphans ingressus est, comitantibus Wilhelmo & Henrico fratribus, atque Ferdinando Brunſvicensi, gloriosæ expeditionis sociis. Distributæ Belliducibus urbes & provinciæ gubernandæ, rerum feliciter non minus ac fortiter gestarum præmia. Flancio commissa Memelia, Budenbrockio Uratislavia, Kleistio Colberga, Kalchsteinio Glogavia, Dasſovio Vefalia. Geslerus supremi Ducis Legatus, natus in Suevia, sed oriundus ex Helvetia, propter heroica, in pugna præsertim *Fridbergensi* edita, cum tota sua familia Comitibus dignitate, Honoribus, & opibus auctus.

Novus processus  
judicialis.

Ut autem Rex *Fridericus* non tantum summum belli Imperatorem, sed Politices quoque & Justitiæ vindicem se probaret, per Coccejum Baronem, Jurisprudentiæ decus, ad decurtandas lites, novum Processus Judicialis ordinem constituit. Catholicis vero copiam fecit, Berolini propriis eorum sumptibus Ecclesiam construendi. Ferberus ab arcano Regi consilio Spandavi capite plexus est

est propter vetitum cum hoste commercium, propria, ut fertur, manu proditus, convictusque.

Quoniam vis per pacem Dresdensis composita viderentur dissidentium Principum controversia, nova tamen mox iterum Domum in Novam ter Austriacam & Borussicam succrescebat. Potissima vertebatur circa sponsonem Imperii; nam summi contrahentes Art. IX pacis Dresdensis receperant, curatum iri, ut Imperii Ordines vades illius pacis sponsoresque accedant.

Nec abnuvit Austria; sed voluit, ut etiam simul sponso Imperii, anno 1732 praestita de ordine successionis Austriacae, in Sanctione Pragmatica comprehenso, renovaretur. Plura, satis prolixa, in hanc rem scripta utrinque sunt publicata.

Excipiebant Borussi, successionem Austriacam nihil commune habere cum pace Dresdensi, aut hujus sponsonem; cum ergo Regina laudato Art. IX promiserit, curaturam se, ut vadimonium Imperii impetretur, Decreto Commissorio Caesaris hoc esse urgendum, quia de successione Austriaca quaestio, de qua nihil in pace Dresdensi, misceatur.

Sed replicabant Austriaci, Regem non modo memorato saepius Art. IX pro omnibus provinciis & ditionibus Reginae spondisse, sed jam dudum antea, tum privatim, tum etiam anno 1732 cum toto Imperio, fide interposita, pro Sanctione Pragmatica, & contento in ea successionis ordine cavisse. Si igitur petat, ut Regina fidem suam liberet, merito jure reciproco exigi, ut & ipse suam exolvat, & Imperium sponsonem suam pro Sanctione Pragmatica renovet, idque eo magis, quod Ordines nunquam pro pace Dresdensi caverint, bene vero Sanctione Pragmatica. Certe explorati juris esse, ut quod quisque juris in alterum statuit, eodem & ipse utatur.

Postquam haec rationum momenta Bernesius Caesareus Legatus Berolini obtulerat, Brandenburgicum Ministerium longa Deductione anno 1747 *Duplicando* respondit, disparem esse rationem sponsonis Borussiae & Austriacae; nam anno 1728 inter Carolum VI Imperatorem & Fridericum Wilhelmum Regem Borussiae arcanum foedus Berolini fuisse percussum, quo Rex sponsonem pro Austriaca successione suscepit quidem, sed ea conditione & cautione, ut Caesar Regi spondeat possessionem Ducatus Montium, post obitum Palatini Electoris Caroli Philippi obtinendam, atque sub eadem conditione datum a Rege postea suffragium in Comitibus pro sponsonem Sanctionis Pragmaticae.

Arcana decernunt

De Montium  
Ducatu.

At vero postea Cæsarem anno 1737 ab hoc fœdere recessisse, atque per Legatum suum Hagæ Comitum Franciæ & Hollandis declarasse, se pro casu obitus Electoris Palatini Comitem Palatinum (Modernum Electorem) in possessionem Juliæ & Montium, armata etiam, si opus sit, manu, introduiturum, atque in hanc rem anno 1739 Versaliis peculiarem tractatum fuisse initum, a Lichtensteinio oratore Cæsareo, & Ameloto Regio Status Secretario subscriptum.

Cum igitur Austria ab arcano Berolinenſi fœdere recesserit, neque Regem se amplius eo obstrictum credidisse. Hæc aliaque, tum ultro citroque ventilata, publicis in monumentis extant. Ut tamen Cæsar benevolum erga Regem animum ipso opere demonstraret, infœdationem Frisiæ Orientalis, a Vicario Imperii anno 1745 eidem factam, confirmavit.

Initium tem-  
pli Catholici  
Berolini.

Anno 1747 positus est nomine Regis a Comite Haackio primus lapis Berolini pro templo Catholico, Cereemonias ritu Catholico peragente Turno, Abbate Premetensi Ordinis Cisterciensis. Lapidum supponebatur numisma, cujus ex una parte Regis effigies visebatur, ex altera hæc inscriptio: *Fautori suo Religio Romano-Catholica die 13 Julii 1747*, adjectis litteris Regiæ concessionis, lingua Germanica & Gallica. Lapidem tegebat bractea cuprea, cui impressum erat nomen Benedicti XIV Papæ, & Regis Friderici II, cum nomine S. Hedvigis Patronæ Silesiæ.

Aliud ædificium Berolini Rex molitus est pro infirmis militibus, adjecta gemina capella, altera Protestantibus, altera pro cultu Divino Catholicis destinata. Frons hujus domus hanc inscriptionem præfert: *læſo & invicto Militi*. Potsdami quoque novum palatium voluptuarium erexit; cui nomen *Sans Soucy*, hoc est, *sine cura* imposuit.

Laus Regiæ.

Verum raro sine curis fuit, uti militaribus, ita politicis artibus & æconomicis excellens hic Princeps. Tondebat quidem oves, sed ut vellera possent succrescere, eis providit: agriculturam, commercia, artes mechanicas, & quidquid pecuniam, rerum agendarum nervum, subditis afferre posset, exporrigente se in omnem partem sollicitudine, florentem ad statum perduxit. Hinc Svinemundanus portus navigationibus aptatus: immisit naves mercatoriæ pelago: Embdanus in Ostfrisia portus Indias cum Europa conjunxit. Dici sane de Magno hoc Principe posset, quod ille quondam: *utinam nosſet eſſet*!

## §. 5.

*Codex Fridericianus introductus. Embdena navigatio. Obiit Böhmerus, & Wolffius. Lis ob jus Stapulae. Aliquid de bello ultimo & Mecklenburgico Ducatu.*

1748 Regiae Scientiarum Academiae novum ornamentum accessit a Cardinale Quirino & Scipione Maffeo, qui Academiae illi, cuius Praeses erat Clarissimus Maupertuis, sunt associati. Ordinatio Processus Judicialis ad decurtandas lites, a Corcejo, Cancellario & Arcani Senatus Ministro confecta, per Provincias Regis fuit introducta. Fridericus ex linea Brandeburgica collateraliter Dux Baruthanus filiam suam magnas inter solennitates despondit Duci Würtembergico regnanti.

Anno 1749 Rex, seu supremus Dux Silesiae, throno insidens, Principi Lobkovicio seditenti genua Saganum Principatum jure beneficiario possidendum tradidit: prout etiam Schaffgotzio, Episcopo Uratislaviensi Principatum Neustiae & Grotkaviae.

Obiit Justus Heninges Böhmerus, Hallae Professor Jurisprudentiae famosus, Cancellarius Magdeburgicus, & Regius Senator. Scripsit Jus Canonicum, quale ab homine Lutherano expectetur. Cum Protestantes nullum habeant Jus Ecclesiasticum, Pontificum Decretalibus uti coguntur; sed illas mutilant, variant, & pro libidine ad suas ideas detorquent, praesertim ubi de matrimonio aliisque Sacramentis, de sacris Ordinibus, usu Pallii, Immunitate Ecclesiastica, potestate Pontificis & Episcoporum, de Regularibus, eorumque votis, de Beneficiis Ecclesiasticis, & Concordatis Germaniae loquuntur.

Anno 1750 & 51 Rex cum fratribus suis & Ferdinando Brunsvicensi Principe, comite assiduo, visitandis ordinandisque provinciis suis impendit. Singulari apud eum valuit gratia famosus Voltaire, Philologus, quem Camerarium suum renuntiavit, 3000 thalerorum pensione auctum; qui tamen postea gratia excidit, & Genevam discessit. Embdenae Societati mercatoriae, sub protectionem assumptae, insignia privilegia collata.

1752 Rex duas naves mercatorias Embdena in Chinam misit, dissimulantibus Anglis & Hollandis. Anglos tamen nautas dimittere oportuit, cum lege cautum esset, ut nullus Anglicus peregrinis in navibus serviat. Ut justitiae administratio promoveretur, Rex in lites & processus pendentes inquiri jussit, atque 9366 invenit; ex quibus eodem adhuc anno 6802 per sententiam sunt expediti. Nobiles

221.

Codex Fridericianus.

Böhmeri obitus.

biles 20mo, civium vero filios 21mo ætatis anno *Majores* declaravit, sic tamen, ut usque ad 24um annum capitalia & bona immobilia alienare non possent. Pomeraniam 59 pagis, & 876 familiis auxit. Tres Borussiae Circulos in octonos divisit, deductis eo coloniis.

Enkdena  
navigatio.

1753 *Enkdena navigatio* in solam Chinam hætenus erat destinata, unde oneraria hoc anno venerat, jam vero etiam in Bengala commercandi privilegium eidem Societati mercatoria fuit concessum, ea tamen lege, ne merces venderet in provinciis, in quibus erectæ sunt fabricæ Regis. Arx Marchionis Baruthani cum templo aulico tota propemodum in cineres redacta.

Wolffius  
obit.

1754 Ericum de *Plotbo* renunciavit Arcani Status Ministrum, suumque ad Comitum Ratisbonensium Legatum. Obiit Hallæ Saxonum Baro Christianus *Wolffius*, 75 æt. anno, natione Silesius, famosus Philosophus & Mathematicus, intimus Regis Consiliarius, Academiæ Hallensis Cancellarius, Senior, & Professor Matheos, Juris Naturæ & Gentium, contra quod tamen non uno duntaxat loco impegit. Cum res physicas ita explicaret, ut etiam miracula Christi e medio tollere videretur, urgentibus Prædicantibus Halla excedere debuit, sed postea magno cum applausu fuit reductus. Viri docti laudem ei nemo ademerit.

Lisob Jus  
Stapulae.

1755. Initus fuit jam anno 1728 Saxoniam inter & Brandeburgiam Tractatus Commercialis, quo Lipsiæ Jus *Stapulae*, a Cæsare Imperio ei dudum collatum, asserebatur, quo videlicet merces per urbem & certum illius districtum transvectæ publice venales ad certum tempus exponi debent. Hoc vero anno Magdeburgum simile Jus *Stapulae* cepit exercere, atque mercibus, Lipsiam deferri solitis, vestigal imponere. Declinatis igitur terris Brandeburgicis merces Hamburgo Lipsiam deportabantur, longiore licet via.

Ventum tandem ad transactionis tractatum. Verum anno sequenti, cum majora jam agitentur consilia, Commissarii Brandeburgici re infecta sunt advocati.

Fridericus Marchio Baruthanus hoc anno, peragrata Gallia, Avenione substitit, indeque Genuam transmissus, Italiam visit. Rumore autem serpente de mutandæ religionis consilio, Rex Borussiae per suum Ratisbonæ Legatum, significasse dicitur, mirari se, illum rumorem spargi, cum ex Familia sua ab aliquot centenis annis nemo religionem mutarit. Incredibile est, Regem eruditissimum hæc dixisse; cum notorium sit, Flectores Brandeburgicos a Luthero ad Calvinum transiisse, & Christianum Wilhelmum, Joannis Sigismundi Electoris fratrem, Relig. Catholicam Viennæ fuisse amplexum.

Quantum

Quantum anno 1756 fuerit bellum excitatum, omnes novimus, satisque experta est Saxonia, Bohemia, Borussia, Pomerania, Silesia, De Bello ubi Moravia, Lusatia, Mecklenburgum: pugnae cruentae, Lobosicia, Praemogensis, Planiana, Rosbacensis, Preslaviensis, Lissana, Jägersdorffensis, Zorndorffensis, Hochkirchenensis, Kunnersdorffensis, Torgaviensis, omnes a Rege Borussiae confectae, testes. Quot urbes oppugnatae, aut expugnatae, aut ignibus infestatae? Wittenberga, Torgavium, Lipsia, Dresda, Praga, Regio-Gradecium, Zittavia, Budissa, Olomucium, Berolinum, Uratislavia, Schweidnizium, Cystrinum, Regiomontum, Colberga, Glacium, quanta nomina! loquuntur. In appendice uberior de his erit sermo.

Anno 1760 Wernerus Dux Borussiae in Mecklenburgicum Ducatum movens, litteras patentes praemisit ad Magistratus & Praefectos, De Mecklenb. Ducatu quibus eos totamque Schwerinensem provinciam Regi Borussiae subiectam esse declaravit, exegitque sub incendiorum comminatione, praeter ingentem pecuniae vim annonam & cibaria pro suis copiis. Respondit Ducis Schwerinensis nomine Lantingshusius, militiae Suecicae Praefectus, adhortando Provinciales, ut Duci Domino suo fidem servent; non esse in Werneri potestate, alienos subditos a vinculo subjectionis absolvere, & alterius Domini potestati subicere. Si autem Regis voluntate haec attententur, apertam fore rupturam pacis Westphalicae, sub sponsione & fideiussione coronae Suecicae constitutae. Prohibet denique, ne quidquam contribuant Borussiae, sine Ducis Domini sui consensu, promittitque Ducatus tutelam. Verum, cum Sueci recederent, praevalet potentiae cedendum fuit. Exactus a Wurtembergensi Principe Imperialium millio cum magno apparatu rei annonariae. Surgebat nihilominus tantos inter fragores Ducis liberalitate Buzoviae nova studiorum Universitas, tranquilla Musarum sedes.

Anno 1761 Dux Schwerinensis subtraxit oculos patriae servientis spectaculo, atque Lubecam modo, modo Hamburgum concessit; juvenilis quoque pubes recessit, ne sub signa cogeretur. Copiae vero militares Mecklenburgicae adhuc in Insula Rugia morabantur; quia Dux nolebat vim vi repellere, sed via juris Ratisbonae, quamvis frustra, procedere conabatur; cum inter armorum strepitum leges non exaudiantur.

Quinta Maji 1762 novum Russiae Imperatorem inter & Regem Borussiae per Goltzum Baronem, & Woranzovium Comitem pax fuit composita, qua opimiorem Borussiae quidem poterant appetere. Reddita Pomerania atque Borussia, Schweidnicio & Glazio adhuc sub potestate Austriaca persistentibus, Rhenanis vero provinciis, Geldria & Clivia, sub praefidiis Gallicis detentis, donec & illas annus 1763 restituit.

Part. X.

R I I I

CAPUT

# CAPUT XVI.

## Status Daniæ

### SÆCULO XVIII.

#### §. 1.

*Damus Holsatiam Ducalem invadit. Pax Travendalenfis, rupta post Pultavanam Sueci cladem. Dani, a Suecis ad Helfsinburgum victi, Scania ejiciuntur. Rostochium capiunt.*

222.

Anno 1700 Dux Holsato-Gottorpiensis munimenta quædam sua in ditione erexerat, Suecico recepto præsidio, quod indigne ferens Rex Daniæ, Wittenbergum cum 12 armatorum millibus Holsatiæ Ducali immisit, eamque totam propemodum occupavit, Tönninga obsidione tentata. At accurrentibus in auxilium Ducis inde Suecis, hinc Luneburgicis, inita est Pax Travendalica his conditionibus.

Pax Travendalica,

Omnium, quæ bello acta sunt, sit oblivio & amnestia, qua etiam fruantur Lubeca & Hamburgum. Tractatus antiqui renovantur. Uterque Holsatiæ Ducatus, Regalis videlicet & Ducalis, maneat æquales, ita quidem, ut Rex & ejus successores neque ratione Ducatus Holsato-Schlesvicensis ullam sibi prærogativam aut jus in Gottorpienses possit arrogare. Rex Duci in damnorum compensationem solvat 260000 Thaleros Imperiales, neque a Suecis aliquid repetet. Domus Luneburgica nullum feret auxilium Regi Poloniæ, qui Livoniam invasit, contra quem & Moscum Carolus XII Rex Sueciæ bellum apparat.

Post pultavanam pugnam rupta.

Conquievit dein Dania, paci huic insistens, quamdiu Rex Sueciæ in Polonia & Saxonia tumultuabatur. At postquam is anno 1709 fuit per cladem Pultavanam fractus, Fridericus IV Rex, percussus cum Augusto Poloniæ rursus Rege, & Petro Magno Duce fœdere, Suecis bellum denunciavit; regiones septentrionales ab aliquot annis a Suecis fuisse turbatas, inqueiebat; notam abunde esse inquietam & ferocem Caroli indolem, quæ in ipsa etiam Regum capita



pita grassetur: perspectum insuper ejus in se animum & consilia, ambitione & ubique dominandi libidine turgentia. Daniam variis affectam injuriis. Et quæ sunt plura similia, a Suecis postea confutata.

At ferro efficacius fortiusque quam penna disputarunt Sueci, dum Danos, Ranzovio ductore in Scaniam trajectos, atque insigni ad *Helsingburgum* prælio a *Steinbockio* victos, in Zelandiam suam rejecerunt.

Dani, Russicis auxiliis succinxi, alteram aleam tentandam putarunt, & in Scaniam expeditionem repetendam. Commissum navale prælium, quod ventorum turbines disjecere.

Cum expeditio in Sueciam minus prosperum successum habuisset, ad Germanicas Suecorum ditiones Rex animum consiliaque convertit, & primo quidem Rostochium expugnavit, dein vero Stralsundam & Wismariam infestare est aggressus, sed conatu irrita.

## §. 2.

*Annis sequentibus feliciores Dani Stadam cum Bremensi Ducatu occupant. Profligato captoque Steinbockio, plures urbes. Pax.*

*Quæ Slesvicensis Ducatum Danis attulit. Accedunt fœderi Hannoverano. Succedit Friderico IV Christianus VI, qui fœdus init cum Cæsare, Russia, ac dein etiam Sueco.*

*Subsidia dat Anglo præ Gallo. Filio Sueciæ coronam imponere conatur, ut tria regna conjungat. Sed*

*Holsatus eligitur. Promittit tamen Suecia senon miscere causæ Slesvicensi.*

Anno 1712 Dani expugnata Stada Bremensem Ducatum occupant. Sed paulo post in Megapolitano Ducatu a Suecis acie sunt <sup>225.</sup> Sueci a Dani victi. At anno sequenti Dani, Russi & Saxones Steinbockium, <sup>226.</sup> Suecorum Ducatorem, ad *Tönningam* in Holsatia, eo adegerunt, ut cum toto suo exercitu more militari captivum se dederet. Tönningæ vero (quæ ad Ducem Gottorpiensem pertinebat) munimenta solo æquata sunt; anno 1714 insuper Insulam Heilglandiam Suecis eripuerunt Dani: & anno sequente Insulam Rügiam; 1715 Stralsundam,

fundam, Rege ipso Friderico IV triginta sex armatorum millia in Pomeraniam ducente.

Anno 1716 Dani Suecos, in Norvegiam irrumpentes, retulerunt. Intenta vero in Scaniam irruptio effectu caruit. Proximo anno Wislmaria, Suecis erepta, a Danis munimentis omnibus est exuta. Magnus Steinbockius victor victusque obiit in Danica captivitate. Dani magna solennitate alterum fidei Lutheranæ sæculum celebrarunt. Documento aptiore fateri non poterant, quam antiqua sit sua fides & Ecclesia. Anno 1718 Daniæ vires in defendenda Norvegia erant occupatæ, in quam Carolus Sueciæ Rex magna ferocia irruerat, sed mortem reportavit: postquam Sueci fuerunt in patriam. 1719 munimentum Marstrandense expugnarunt Dani cum castello Carlsteinio. Danckwartus vero urbis Præfectus ob deditionem a Suecis capite plexus est. Adveniente sub Norisio classe Anglica induciæ sex mensium Suecos inter & Danos fuerunt initæ. 1720 mediante Anglia tandem pax est consecuta, cujus articulos, aliaque ad hoc bellum pertinentia prolixius in Suecicis dedimus. Fructus belli præcipuus erat Ducatus Schlesvicensis, a Suecia sub cautione Gallia & Angliæ Dano concessus, non attenta protestatione Gottorpiensi.

Pax cum  
Suecia.

Anno 1721 obiit Ludovica Mechlenburgica, Friderici IV Daniæ Regis uxor. Altero post illius sepulturam die Rex publicavit suum conjugium cum Reventlavia, Cancellarii sui filia, quam, jam ab anno 1713 cognitam, Schlesvicensem Ducem creaverat. Non dabatur ei initio Reginae titulus, donec Rex ipse postea illum eidem tribuit. Hübnerus in suis tabellis genealogicis diligenter annotat pellices & proles illegitimas Catholicorum Principum: cur non etiam Lutheranorum?

Pluribus dein annis Rex bona pace fruebatur, & visitando Norvegiam, Slesvicum, Holsatiam, Oldenburgum, suas extra Daniam provincias, quæ ex usu esse videbantur, ordinavit: punita etiam conspiratione, quæ in Norvegia fuerat detecta.

Cum anno 1726 Russiæ Imperatrix, instructa classe, Ducem Holsatiæ in Ducatum Schlesvicensem restituere cogitaret, classis Danica Anglica juncta ad Livoniam excubabat, impediri que, ne illa emitti posset. Cæterum fœderati Hannoverani vehementer urgebant, ut Dania tractatui illorum socia accederet. quod tandem anno 1727 obtinuerunt.

Dania ad fœ-  
deris Hanno-  
veranum.

Anno 1728 ingens incendium Hafniam prope in cineres redegit. Conflata nihilominus nova mercatorum Gröningensis societas. Navigatum in Gröningam, sed nullo operæ pretio. Varia etiam inita consilia, quibus Indica Orientalis societas languenti commercio succollaret. In Lapponiam quoque extensa lucrandi cupiditas, merces, modo peregrinæ sint, facile emptores inventuras rata.

Anno 1730 obiit *Fridericus IV* Rex Daniæ, æt. 60, Regni 31. *Friderico IV* Regina vidua, Comitis Reventlavii filia, mox ab Aula recessit. <sup>fulcedit</sup> Funus Rotschildam, Regum Daniæ sepulchrum, delatum. Successit *Christ. VI* sit filius *Christianus VI* natus 1699 ex prima patris conjuge Mechlenburgica. Anno sequenti unctus & coronatus est ab Episcopis. Creati plures Equites Ordinis Elephantini, & Dannebrogici. Reventlavii Comites muneribus dejecti: aliis, ut fieriamat, ascendentibus, aliis descendentibus.

Anno 1732. Rex Ordinem *Fidelitatis* fundavit, in quem multos utriusque sexus suscepit. Triplex inde fœdus initum, inter Cæsarem, Russiam & Daniam. Septem articulis constat.

1. & 2. Promittitur constans amicitia, & promotio communis utilitatis.

3. Excluduntur omnia fœdera, huic contraria. Promittitur defensio omnium provinciarum, defacto possessorum.

4. Præsertim vero Rex Daniæ cavet spondetque pro Sanctione <sup>Fœdus cum</sup> Cæsaris Pragmatica. <sup>Cæsare &</sup>

5. Si pars contrahentium invaderetur in Europa, reliquæ <sup>Russia.</sup> assistent; nec arma ponent, donec ex integro fuerit satisfactum.

6. & 7. Liberum est aliis, huic Tractatui accedere. Intra 3 menses fiat ratificationum commutatio.

*Actum Hafnia 26 Maji 1732.*

Præterea separato articulo promittit Rex Daniæ millionem thalerorum, si Gottorpiensis Dux desistat a sua præensione in Ducatum Schlesvicensem; danturque ei duo anni ad deliberandum.

Anno 1734. Rex vi fœderis Cæsari ad Rhenum misit 6000 virorum, quos ipse Altonæ lustravit; Hamburgum inde & Oldenburgum progressus, comitante conjuge Baruthana. Cum vero Gallica & Russica classis in Balthico ob bellum Polonicum appareret, <sup>Cum Suecia</sup> Dania & Suecia, sepositis simultatibus, fœdus defensivum percuferunt; quo promittitur amicitia & communis commodi cura, cum sponsione pro iis, quæ actu possident. Pro casu invasionis alter contrahens alteri assitat 2000 equitibus, & 6000 peditibus, 4 tormenta

R r r r g

mentis

mentis campestribus, & 6 navibus bellicis, probe instructis, atque pluribus etiam, si necessitas requirat, iisque sit liber ingressus in portus alterius. Hoc fœdus non obstat tractatibus, cum aliis initis.

*Actum Holmiæ 5 Oct. 1734.*

Subscripserunt pro Rege Daniæ Sestadius Legatus, pro Rege Sueciæ Hornius cum aliis 5 Ministris. Sed nullus erat hostis. Classis Gallicæ ac Russicæ Dantis cum erat scopus.

Anno 1736 Rex salubri consilio prohibuit, ne quis aurum vel argentum in vestimentis portet. Annis sequentibus litis aliquid intercessit cum Hollandis propter telonium in freto Oresundico, & piscationem.

Anno 1739 Gallus & Anglus certabant, quis alter alteri Danum præripiat. Chavignius Franciæ Legatus invitabat Regem, ut Tractatui subsidiorum, cum Suecis anno superiore concluso, accederet, promissis, ut fertur, in annos singulos octingentis florenorum millibus. Sed prævenit Titleus Anglus, qui cum Rege pactum icit.

Confirmantur tractatus anteriores. Dania alet 1000 equites & 5000 pedites. Anglia autem solvet tribus annis 25000 thaleros, cum delectuum sumptibus. Anglia assidet Daniæ terra marique.

Anno 1740 cum Galli Westphaliæ ingrederentur, Rex Angliæ petiit promissas auxiliares copias, & impetravit: in Holsatiam missæ, trajectoque Albi cum Hannoveranis se conjunxerunt.

Anno 1742 & 43. Cum in Suecia agitaretur negotium de successore in regno eligendo, Rex Daniæ Principem suum hæreditarium vehementer commendabat, omnia, si eum eligerent, pollicitus tria sic Regna, Sueciæ, Daniæ, Norvegiæ rursus conjunctum iri, sicut per Unionem Calmariensem 1398 fuissent conjuncta: offerebat fœdus off- & defensivum, cum 12 navibus bellicis, & 12000 armatorum.

Berckentinus Holmiam missus, cum Gyllenborgio Sueciæ Cancellario, Tessino, Wrangelio aliisque regni senatoribus negotium egit. Prædicantibus & rusticis placuit Danus, atque obtinenda per eum regnorum unio, non autem Nobilium & civium Ordinibus. Hinc isti de industria Comitia differebant, donec pax Aboana esset composita, ut dein velut cogerentur Adolpho Holsato suffragium dare. Et sane hæc erat callida senatorum politica, ut & haberent successorem, quem volebant, & simul per comminationem Dani eligendi terrerent Russos, metuentes, ne per Danum tria

illa

Rex tria  
regna unire  
cogitat per  
alium.

illa regna coalescerent, atque hoc pacto obtinerent pacem, non ut victi sed victores.

Cum dein Holsatus electus esset, Rex Daniæ, ut creditur promum, id graviter ferens, electionem irritam dixit, eo quod maior Statuum pars Principi Regio suffragium dedisset: certam insuper sibi datam spem, imo assecurationem, ratione Ducatus Schlesvicensis in pace Aboana, peculiari articulo sibi securitatem iri præstitum, jam vero nec mentionem de eo factam.

Holsæum  
electum  
graviter  
fert.

Reposuit Comes Tessin Legatus Suecicus, Principem Regium ante electionem habuisse quidem Statum Ecclesiasticum & rusticum sibi faventes, at in ipsa electione mutasse sententiam. De Schlesvicensi causâ Russos noluisse tractari, sed eam in aliud tempus remissam.

At vacuum hanc excusationem esse Rex existimans, terra marique bellum apparavit. Sed ubi videt Suecos non timide responsuros, & insuper totas Russiæ vires in se pugnaturas, iram suam temperandam aliquantum duxit, atque id tantummodo petendum, ut Adolphus, successor declaratus, suo in Holsatiam juri renuntiet; quo amicitia inter utrumque regnum restaurari posset.

Proposita hæc postulata sunt Adolpho successoris. Is autem respondit, coactam sibi renuntiationem istam videri; dein non ad se, tutorem hæctenus duntaxat, sed ad Fridericum Principem Russiæ, ceu caput Domus Holsato-Gottorpiæ pertinere, de Holsatiæ juribus disponere. Atque hoc pacto petitionem odiosam a se amoliendam putavit. Senatus autem Sueciæ reposuit, jam art. 6 pacis, anno 1720 conclusæ, promissum a Suecis, se nec directe nec indirecte immisturos in causam Schlesvicensem, aut Duci Holsatiæ in hac parte opitulaturos. Hanc autem sufficientem utique esse cautionem pro Daniæ, ultra quam non appareat, quid exigi vel ab amica vel hostili etiam gente possit, præsertim cum jam primo articulo fœderis defensivi, anno 1734 isti, a Suecis cautum sit pro omnibus conditionibus, a Daniæ possessis.

Regius Princeps, qui excidit spe Sueciæ, ad alia vota transit, & Regiam Principem thori consortem sibi adlegit, Ludovicam videlicet, Georgii II Britannici Regis filiam, magno cum apparatu in diversis prius arcibus voluptuariis, ac denique Hafniæ exceptam.

## §. 3.

*Succedit Frid. V Angli gener. Quamvis Sevenſi Tractatui per Linardum fidejuſſor acceſſerit, toto tamen ultimo bello neutras partes ſecutus eſt. Comitem S. Germani copiis præſcit.*

224.

Quamvis anno ſuperiore omnia bellum, Sueciam inter & Daniam gerendum ſpirare videbantur, hoc (1744) induſtria Comitſ Teſſini Legatſ Sueci, imminens procella amica conventionem eſt averſa. Dania renuntiat prætenſioni ad coronam Suecicam. Hæc vero renovat tractatum anni 1720, & 1734, quo promiſit, cauſæ Schleſvicenſi ſe non miſcere. Similitates quoque inter Aulam Danicam & Ruſſicam ſunt compoſitæ.

Ut Rex Chriſtianus VI Fridericiam, novam ac munitam urbem, incolis & commercantibus frequentem redderet, poteſtatem fecit Catholicis, Calviniſtis & Judæis, templa pro ſe conſtruendi.

Anno 1745. Rex ſubſidiorum tractatum in duos annos prorogavit. Gallia promittit 1200000 Imperialium. Dania autem nulli externo præbebit auxilia. Quæ proin, cum Prætendentis filius in Scotiam ſolveret, Anglia fruſtra petens a Dano, ab Haſſia obtinuit.

Obit Chriſt.  
VI.Succedit  
Frid. V.

Anno 1746 obiit Chriſtianus VI Rex Daniæ & Norvegiæ, æt. 47, regni 16. Funus Rotſchildam, conſuetum Regum Maſſolæum, deportatum. Ex Sophia Culmbacenſi reliquit ſucceſſorem Fridericum V, natum 1723, Angliæ Regis generum. Qui, Aula ſua conſtituta, cum Algerianis tranſegit, ne naves, ſub vexillis Danicis in Mediterraneo comparentes, deprædarentur. Pro quo Piratarum beneficio Legatus Danicus obtulit non modicam vim rei armamentariæ.

Anno 1747. Rex Fridericus V cum conjuge ſua Friderico-burgi ſoleni pompa fuit coronatus.

Cum Rege Utriuſque Siciliæ Tractatum commercialem iniit, 40 articulis comprehenſum.

1749. Rex solenne per omnes suas provincias triduum indixit, quo celebraretur memoria XII Regum, qui ex Domo Oldenburgica per tria secula continua serie regnassent. Oratores & Poetæ hic pharetras suas exhaurerunt.

Fœdus cum Sueciis in alios 15 annos prorogatum. Ut annoſæ lites amputarentur, Rex viva voce Reſeſſus formari coram Judicibus juſſit, abolitis ſcriptorum ambagibus.

Magno vitæ periculo in examinanda re armamentaria Rex defunctus, amiſit Reginam conjugem, Georgii II Angliæ Regis filiam, in puerperio una cum prole extinctam.

Solus ferme Europæos inter Principes Rex Daniæ nullas in partes abiit, dum bellum ultimum totam prope Europam, quin Afiam quoque, Africam & Americam pervagaretur. Consultius videlicet viſum Regi ſapientiſſimo, populos a Deo ſibi conceditos in pace tranquilla gubernare, quam belli calamitatibus & incertis eventibus exponere. Maria interim, aliis turbida, & oppreſſula, Daniæ erant aperta & pacata, ingenti commerciorum proventu. Sevenſi equidem tractatui, Gallis fatali, per Linardum Comitem ſponſor & fidejuſſor acceſſerat; ſed neſcio, quo ſato, optima ejus, quod præſumendum, intentio fuerit fruſtrata.

Cum claſſis Anglica in Balthicum ventura nuntiaretur, Danus acceſſit tractatui, anno 1759 Ruſſiam inter & Sueciam pro ſecuritate & libertate navigationum & commerciorum inito, atque in eum uſum ſex naves bellicas inſtruxerat. Nec minus eruditioni conſulebat, dum viros doctos in Thraciam, Syriam, & Arabiam ablegavit, ut doctrinæ monumenta inde eruerent.

Comes de S. Germano, poſtquam a caſtris Gallicis ad Danicam tranſierat, Regis voluntate hauſt procul Hamburgo 15000 armatorum caſtra locaverat.

Similia caſtra in Holfatia Rex poſuerat, vel ad exercendum militem, vel demonſtrandum, quantum momentum eſſet additurus, ſi alterutri belligerantium parti ſe ſe adjungeret.

Anno 1762, poſtquam novus Ruſſiæ Imperator pacem cum Boruſſis percuſſerat, Daniæ minitari videbatur, ut Regem Holfatiæ poſſeſſione dejiceret. Faſtus utrinque apparatus; ſed poſtquam Imperator throno ſuo fuit deturbatus, cauſa Berolini ſuit compoſita.

# CAPUT XVII.

## Status Moscoviæ

### SÆCULO XVIII.

#### §. 1.

*Carolus XII Petrum I variis primum cladibus affecit, sed ad Pultavam penitus est profligatus. Zarus Livoniam occupat. Turcam primum vincit, dein vero conclusus pacem obtinuit.*

325.

Petrus vincitur a Car.

Sub initium sæculi XVIII Moscovia, hætenus in tenebris ferme sepulta, nec magno nexu Europæ cohærens, a Petro I arte militari exulta, vires suas, & immensam provinciarum amplitudinem noscere & æstimare cœpit. Ut adeo non modicam hodie partem Historiæ constituat. Suecia visa idonea, quam bello appetere, cui alias jam Augustus Poloniæ Rex bellum indixerat. Huic fœdere junctus Petrus *Narvam* obsedit; sed Carolus XII Sueciæ Rex cum parva, in comparatione Moscovitici exercitus multitudine, manu Russos immani illata clade penitus profligavit. (1701.)

Narvam & Mieraviam capit.

Digresso dein Sueco in Poloniam ad Augustum Regem profligandum, Moscus Livoniam pressit; expugnat anno 1704 *Narvam*, cum memorabili Suecorum clade. Mittit aliquot millia Regi Augusto in Poloniam. Occupat *Mietaviam*; a Löwenhauptio tamen victus, copias suas ad propriam defensionem ex Polonia revocavit.

Decretoria ad Pultavam victoria.

Vario deinceps Marte certatum ad annum usque 1709, qui in suo principio Moscoviam in magnum discrimen adduxit, in decursu vero ad fastigium gloriæ & felicitatis provexit; quippe, cum Carolus XII Sueciæ Rex dejecto Augusto Poloniæ throno, Petrum quoque Magnum Moscoviæ Ducem e dignitatis apice præcipitare constitutum haberet, cum valido & victoriis affueto exercitu in Russiam movit, & Pultavam, munitam in Ucraina urbem, obsedit.

At incidit in herœm, bellicarum non minus, quam politicarum, quas per Europam didicerat, artium gnarum, Petrum I, qui commissa pugna acerrima grandem Colossus uno veluti ictu penitus pro-



prostravit, captis, quæ cladi Pultavanzæ supererant, ad Boristhenem Suecorum reliquis, ipsoque Rege in parte felicitatis ponere coactis, quod rimam invenerit, per quam penetraret in asylum Turcicum. Zarus vero triumphum solennem egit, ingressusque est Moscuam eques, latera stipantibus hinc Menzikohio, illinc Doloruckio. Captivi Sueci pedites sequebantur, quos inter eminebant, Comes Piper, primus Sueciæ Minister, Reinschildus, Löwenhauptus, Schlippenbachius, Roseus, Stackelbergius, Hamilton, alique plures agminum Duces & Chiliarchæ. Post hos vehebantur capta Suecorum arma, tormenta bellica, machinæ &c.

Initium hoc magnitudinis Russicæ, & decrescantis Sueciæ. Omnia siquidem deinceps Zaro in Livonia, Ingria, & Finnia fuerunt proniora. Nam Riga, Dünemundam, Pernavium, Revalium cum tota Livonia, atque Wiburgum, Abonam, aliasque urbes in Finnia expugnavit (anno 1710.)

Capitulum Livonia.

Progressibus Moscorum ulterioribus intercessere Turcæ, qui a Carolo Sueciæ Rege permoti sunt, ut Russis bellum denuntiarent, quo Carolus & Stanislaus in regnum reducerentur. Primum in Russicas provincias irruptionem fecerunt Tartari, sed a Galizio strenue sunt repulsi. Zarus, tracto in suas partes Cantemirie Principe, in Moldaviam movet, inde in Turciam penetraturus. Ad Pruthum pugna confertur, qua Russus victor non levem Tartaris & Turcis cladem infert.

In Turciam movet.

Verum accurrentibus undique magno numero cum majoribus machinis Turcis, conclusus veluti fuit caudinas inter furcas Russorum exercitus. Petrus magnitudine periculi territus, pacem a Vizirio petiit, aureoque, ut fertur, ariete barbari pectus perfringit. Sancitur pax in has leges.

Primum vincit. Deinde concluditur.

1. Assacum (Asof) præclarum ad Ostia Tanais munimentum, Moscus Turcis restituat, cum omnibus ab eo dependentibus.
2. Tangaroeum, Camenecium, aliæque munitiones, recens a Russis constructæ, solo æquantur.
3. Zarus se non amplius misceat rebus Polonicis, Cosaccis, aut Tartaricis.

4. Sueciæ Regi liber permittatur transitus ad suas provincias. Quamvis autem hæc pax Pruthena Turcis fuerit admodum proficua, ob receptum præsertim Assacum, non desuere tamen scriptores, qui cum Aurignio Vezirum grandis imprudentiæ ob præcipitatem hanc pacem accusent.

Pacem obti-  
net.

Eam fuisse Russici exercitus inclusi conditionem, inquit, ut una die ad interneclonem concidi, Stanislaus in regnum, & Carolus in Status suos potuisset restitui, Portæ Ottomanicæ majora comoda provideri, & omnia, quæ ex Pultayensi clade consecuta sunt, damna reparari. Sed tractatus isti facilius sunt concepti, quam executioni dati. (1711.)

### §. 2.

*Pax cum Turcis. Prosecutio belli cum Suecis. Zari! filius  
Alexius fugit. Obiit in carcere: relicto Petro filio. Pax  
Suecica. Imperatoris titulus. Expeditio ad Caspium.  
Holfatus gener Zari: Hujus mors. Elogium.  
Stemma.*

226.  
Conventio  
cum Turcis.

Post Pruthenam pacem, cum Turcis initam, Russi anno 1712 Tanain (Asof) permunitam ad Paludem Mæoticam & Ostia Tanais urbem, iisdem reddiderunt. Cum autem Turcæ novum bellum, ob retentas in Polonia copias, & forte etiam in favorem Caroli XII apud eos adhucdum exulantis, minitarentur, nova iterum conventio est inita. Vi cujus Russi intra tres menses Poloniam desererent, nec reverterentur: Carolo regressum ad suum regnum concederent. Intra Tanain & Circassiam nulla munimenta construerent. Kioviam & Ucraniam retinerent, cum Cosaccis tamen ultra Boristhenem nihil negotii haberent.

Continuatio  
belli Suecici.

Anno 1713 Zarus expeditionem in Holfatiam & Finniam feliciter suscepit; prout dictum in Suecicis. Anno sequenti Russi Ahrenfeldium terrestri, Wartrangum navali prælio superarunt. 1715 pro Rege Augusto & Saxonibus Russi ad 30000 in Polonia contra confederatos Polonos & Lithuanos excubabant. 1716 & sequenti Zarus, continuato quamvis adversus Suecos bello, peregrinationem in Germaniam, Hollandiam, Galliam suscepit, comitantibus Doloruckio, Schaffroffio, & Coarrackino, primæ in Moscovia dignitatis proceribus. Multa de his itineribus scribuntur & dicuntur, quæ longum fuerit enarrare. Hoc certum, eum omnia lustrasse, & pro excolenda prudenti & ordinata politica varia documenta hausisse.

Zarovich  
fuga.

Anno 1718 Alexius (Zarovizium Mosci dicunt) primo genitus Zari filius, ob conceptam, ut quidam putant, in patrem conspirationem, cum is ex peregrinis regionibus rediret, fugam arripuit:

puit: & primo quidem Viennam ad Aulam Cæsaream, & præsertim Imperatricem Elisabetham, cujus sororem Conjugem habuerat. Sed cum Imperator Zarum nollet offendere, Neapolim profectus est. Verum etiam ibi ab exploratoribus deprehensus, in Moscoviam ad patrem, graviter offensum iratumque, reductus est.

Ubi in conspectum patris venit, procumbens in genua veniam inter lachrymas petiit. Promissa illi, si causam fugæ, omnesque illius suosores fideliter aperiret.

Interim tamen Zarus Status suos, ecclesiasticos & sæculares <sup>Abdicavit.</sup> convocavit, & coram illis, Alexio, ex prima uxore genito, tanquam inepto & reo abdicato, Petrum, ex secunda uxore, sibi charissimum, natum successorem declaravit. Atque huic dispositioni omnes Proceres debebant subscribere.

Severa dein quæstio in Principem habita. Princeps Kikinus & <sup>In carcere</sup> Patriarcha Rostoffensis ceu complices conspirationis in vitam Zari <sup>obit.</sup> rota contriti, Alexius vero in arctam abductus fuit custodiam: & tandem a commissione delegata capitis condemnatus. At, dum hæc aguntur, extinctus est, morte an naturali, an veneno parato, incognitum. Altiori hæc judicio relinquuntur.

Credibile videtur, Alexium fuisse insontem, nec fugisse, nisi, Relicto ne artibus novercæ adigeretur renuntiare juri successionis, juniore Petro filio, fratri destinatæ. Reliquit autem superstitem filium Petrum ex Carolina, Welfertano-Blanckenburgici Ducis filia, Imperatricis sorore, genitum; qui postea ad solium evectus est.

Anno 1719 mortuus est Petrus, sexto ætatis anno, quem Zarus, ex secunda conjuge susceptum, anno priorè successorem suum solenni ritu designaverat: neque alium amplius habuit filium.

Cum Suecis in Insula Aland pacis ineundæ rationem inierat. Verum illi tractatu abrupto bellum prosequébantur. Quare Zarus exandescens, validissimam classem, 40000 armatorum, ut narratur, instructam, sub Apraxino pelago immisit, quæ variis in locis Suecia <sup>con-</sup> exscensu facto, Sueciam misere devastabat, donec Sueci calamitatibus fessi pacis consilia susciperent.

Anno 1720 pergebant nihilominus Mosci variis invasionibus Sueciam premere, donec classis Anglicana impetum aliquantum continuit. Interea autem Zarus suum Petroburgum novis ædificiis ac palatiis ad omnem splendorem auxit.

1721. Tandem pax cum Suecis Neostadii in Finnia coaluit; Pax <sup>cum</sup> quam in Sueciis exhibui. Accessit Russiæ Livonia, Ingria, Esto-Suecia <sup>et</sup> Finnia, pars Careliæ & Finniæ.

**Titulus Imperatoris.**

Hoc anno Zarus titulum *Imperatoris Russorum*, ab Ordinibus Moscoviæ splendida solennitate sibi delatum, accepit: quem jam a Maximiliano I Cæsare Magno Moscoviæ Duci datum dicebant. Alii ex Europæ Statibus eum mox hoc charactere venerati sunt, alii vero tardius, nec sine difficultatibus.

Imperator Chinenfis Russis mercatoribus potestatem fecit, ut quot annis bis in Imperium suum venire liceat; quapropter Zarus solennem ad eum legationem misit. In regno Siberiæ multi adhuc erant gentiles Tartari; quorum multi ad Græcam religionem sunt conversi.

1722 Edictum promulgavit, ut parentibus liberum sit, quemcunque ex filiis suis bonorum immobilium hæredem scribere, non attento ordine ætatis. Pro Domo autem sua sibi libertatem reservavit, quemcunque successorum designandi.

**Expeditio in Georgiam.**

Post hæc novam expeditionem ad mare usque Caspium suscepit, ea intentione aut prætextu, ut Sophum Persiæ Regem contra Mirweisium aliosque rebelles subditos tueretur. Astracano Derbentum venit, quam urbem expugnavit: sicut ab Occidente, sic ab Oriente protendens fines Imperii, Musulmanno ex obliquo lividis oculis hæc grandia incrementa aspiciente.

1723. Ulterius progressus plura ad mare Caspium loca occupavit, ad Schirvanam usque Perfarum provinciam. Venit etiam Persicus in Moscoviam Legatus, a *Thamasio* juniore Sophio missus, cui inito fœdere Russiæ Imperator auxilia promisit, reservatis sibi iis, quæ ad Caspium conquiescerat. Sed non legimus deturbato Perfarum Regi multum auxilii fuisse allatum.

**Schaffiroffii senæ.**

Schaffiroffius Cancellarius & primæ admissionis Minister ad mortem condemnatus gratiæ debuit, quod exulare licuerit.

Anno 1724 Zarus cum tota Aula sua, optimatibus & Principum Ministris Moscuam concessit, ibique Catharinam Conjugem suam Majoris & Minoris Russiæ Imperatricem magnifica solennitate coronavit, Novogrodenfi Archiepiscopo sacris operante. Adduxit Zarus exemplum veterum Imperatorum Græcorum, Justiniani, Heraclii, Basilii, Conjuges suas coronantium. Prælusit nempe iis, quæ anno sequente facturus erat.

**Nolatus Zari gener.**

Accessit solennitas altera, qua Zarus Annam, filiam suam nata maximam despondit Friderico, Holsato-Gottorpiensi Duci, qui, a Corona Suecica exclusus, spes suas ad Moscoviæ Imperatorem attulit, & jam per triennium apud eundem commoratus, cum

Mo-

Monarchæ amorem æstimationemque meruit, ut generum suum eligeret.

Anno 1725 ineunte obiit Petrus I Alexievizius, Russorum Imperator, Stranguriæ morbo oppressus: Princeps vere magnus, qui Russiam e barbarie extraxit, & toti mundo conspicuam reddidit. Ville, obscurum & ignotum prope erat Moscorum nomen, at ille ad summum potentie & gloriæ apicem evehit. Attrita Suecia, multata Persia, Livonia, Esthonia, Ingria, Carelia, Finlandia, Astracanum regnum, Derbentum, ipsum adeo mare Caspium, perpetua sunt virtutis & magnitudinis monumenta. Carolum XII Sueciæ Regem, quem ceu heroem vinci nescium totus expavit Septentrio, fregit, & quidem solus, dum adhuc esset integer, & ovans victoriis. Tota deinceps vita trophæis signata, ad immortale suum & gentis decus. Obitus Zar. Elogium.

At non militaribus duntaxat Moscoviam imbuat artibus, terra marique potens, sed civilibus quoque & politicis, quas Europam peragrando apud cultas Nationes didicerat. Nauticam, architectonicam, mechanicam, commercia ad fastigium provexit, accitis magno pretio magistris. Ut Europæ esset propior, indeque velut auram politioem spiraret, Petroburgum jam anno 1703 in Careliæ & Ingriæ finibus condidit, splendore, magnitudine, opulentiâ, præcipuis Europæ urbibus parem, quam commerciorum centrum, suamque regiam esse voluit.

Quæ itinera confecerit, cogitando vix assequi possumus: uno sæpius anno quatuor orbis plagas emensus, non ire, non currere, sed volare videbatur. Jam in Polonia, jam in Pommerania, jam in Holsatia, jam in Dania, jam in Hollandia, jam in Gallia, jam iterum in Germania, jam Riga, jam Petroburgi, jam Moscuæ, jam in Persia visebatur. Utinam ita cucurrerit, ut comprehendat, & magnam civitatem attigerit.

Obiit anno ætatis 53, regnavit 5. annis cum fratre Joanne 37 annis solus. Res gestæ pluribus sæculis regnasse prædicarent. Patrem habuit Alexium Michaelovizium ex gente Romanovia, anno 1676 mortuum. Reliquit is tres filios, qui omnes regnarunt, Theodorum natu maximum, qui patri successit. Sed post 6 annorum Imperium improlis obiit 1682. Successerunt ei duo fratres juniores Joannes & Petrus, qui in quintum annum simul regnarunt. Profapia.

Quia

Quia autem Joannes senior debilitate mentis & oculorum laborabat, abdicavit simultaneum Imperium, illudque in solum Petrum, fratrem juniorem transtulit, regnandi artibus adeo excellentem, ut natura, quod senioribus fratribus negaverat, huic soli reservasse videatur.

Porro Joannes reliquit duas filias, in Historia Russica memorabiles: 1. Catharinam, Duci Mechlenburgico nuptam. 2. Annam Duci Curlandiæ collocatam, postea Imperatricem.

**Genealogia.** Petrus autem I duas Conjuges habuit: 1. Eudoxiam Lampuchinam, Magnatis Russici filiam, ex qua genuit *Alexium*, qui, propter fugam gratia patris excidens, in carcere mortuus est. Habuit is Conjugem Carolinam, Weiserbyto-Blanckenburgicam, Romanæ Imperatricis sororem, ex qua reliquit *Petrum II* postea Imperatorem.

Ex secunda Conjuge *Catharina Alfendeylia*, in Livonia, ex officiali bellico, ut fertur, nata, vel, ut alii volunt, bello Livonico capta, progeniit 1. *Annam*, Carolo Friderico Duci Holsato-Gottorpiensi desponsam, ex qua natus est *Carolus Petrus Ulricus* 1728. 2. *Elisabetham*, Moscoviæ Imperatricem: cui, dum hæc scribo, defunctæ successit memoratus Carolus Petrus Ulricus 1762. Sed eodem anno throno & vita deturbatus, Conjuge Anhaltina habenas capeffente.

Hanc Genealogiam intelligat necesse est, qui Historiam hujus temporis Moscoviticam vult intelligere, quia omnes personæ sunt notabiles.

Cæterum Petrus I Imperator Russiæ primam uxorem, postquam ex ea *Alexium* genuit, divortio, jam anno 1698 a se separatam, monasterio incluserat, in quo diu superstes vixit, post mortem mariti liberata. Quam ob causam hoc Petrus fecerit, & quomodo secundum matrimonium constare potuerit, me latet.

## §. 3.

*Succedit uxor secunda Catharina. Erectio Academiae Petroburgensis. Mors Catharinae. Succedit Alexii filius Petrus II.*

*Schaffiroffi & Menzicoffi ruina. Münchii potentia.*

*Tract. cum Hisp. Pax cum Persis.*

*Obitus Petri II.*

Vivente adhuc Petro Senatus & Synodus jurabant, se eum accepturos successorem, quem aut quam ipse nominaret. Nomina-<sup>227.</sup> Succedit Ca-  
vit autem Catharinam alteram uxorem suam, quam jam ante Imperatricem coronaverat. Igitur illa mox post mortem mariti proclamata est haeres Imperii, quod summa omnium voluntate est auspiciata; anno ætatis 42, secutaque rationem status, quam maritus iniverat.

Prima inter negotia in eam curam incubuit, ut Petroburgi Academiam scientiarum artiumque, a Petro jam designatam, erigeret, Academia  
in qua Philosophia maxime, Mathesis, & litteræ humaniores docerentur. Advocati magno pretio peritissimi Professores, Insulani ex  
Gallia, Bernullii ex Helvetia, Bülfingeri, Beckensteinii, aliique  
ex Germania.

Principes quoque Germaniæ, Holsti & Homburgici Aulam Petroburgensem illustrarunt. Singulari autem apud Imperatricem gratia valuit Carolus Fridericus Dux Gottorpiensis, cujus sponsalia cum Anna Imperatricis filia in matrimonium transierunt. Nihil omis-  
sum, ut Ducatum Schlesvicensem consequeretur; adornata propterea classis, quam tamen, ne excurreret, classis Anglica Danicæ juncta, continuerunt.

Irata erat Moscis Anglia, quod Catharina ad pacem Viennemensem accessisset, novum fœdus icisset cum Cæsare, qui paci Neostadiensi accessit. Non omissa in his tractatibus causa Schlesvicensis, in favorem Gottorpiensis urgenda. Sed vigilabat Danus, & per accessum ad fœdus Hannoveranum præcavit.

Catharina, postquam duos annos sapienter regnavit, e rerum humanarum theatro abcessit, anno ætatis 44. Ante mortem memorabile testamentum condidit, quo Petrum Alexiowiczium (quod sane Imp. obiit  
mirum) Alexii in carcere mortui filium duodecimum tunc ætatis annum agentem, successorem denominavit, nullo sanguinis vinculo

*Part. X.*

*T t t*

*sibi*

Succedit  
Alexiovicus  
Petrus II.

sibi junctum, quamvis duas haberet filias, Annam & Elisabetham, ex Petro I susceptas ac regno aptas. Fortassis dedit Cæsaris favori & Imperatricis Romanæ, cujus ex sorore nepos erat Petrus, ratione, quæ masculum fœminis præfert: prout etiam hoc testamento ordinavit pro futuris temporibus.

Testamen-  
tum.

Non tamen præterit filias suas, sed grandem eis dotem cum ampla pensione annua reliquit, cum omnibus bonis mobilibus. Voluitque, ut Petrus, donec 16 ætatis annum impleret, sub earum tutela & administratione, uti etiam Ducis Gottorpiensis, & Consilii Aulici, quod novem præcipuis Imperii proceribus constaret, educaretur.

Ordinavit præterea, ut, si Petrus absque liberis decederet, ei succederet Anna, Gottorpiensi nupta, cum suis descenditibus; si autem tales non relinqueret, Imperium devolveretur ad Elisabetham, secundam Petri I & Catharinæ filiam, quam hodie felicissime regnantem conspiciamus.

Obligavit etiam novum Imperatorem, ut Domum Holsatam defendat, omnemque Duci Carolo opem præstet ad obtinendum Ducatum Schlesvicensem, & si is throno Russo admoveretur, cum regno Sueciæ amicitiam & conjunctionem colat. Quæ idem Dux in Moscovia percepit, nullatenus cadant in debitum, quod ab eo exigatur. Imperatori Petro Principis Menzikoffii filiam desponderi voluit. Concordiam denique totius Familiæ commendavit, jussitque Imperatorem Romanum requiri, ut ultimæ huic voluntati sponsor accedat.

Ruina Men-  
zikovii &  
Schaffiroffii.

*Petrus II* igitur adeptus Imperium, & coronatus Moscæ, sponsalia cum Menzikovia contraxit. Verum illa non tantum hoc jam anno 1727, quo nata sunt, fuerunt rescissa, verum Princeps ipse Menzikovius, postquam ad summam dignitatem fuerat evehctus, & per 40 annos officia sua Imperio consecravit, primusque Minister, Imperatorem ipsum habiturus erat generum, non raro in rebus humanis exemplo, subito gratia omni excidit, adeo quidem, ut nefarii instar hominis, in custodiam datus, exilium dein, non rediturus, sit passus.

Criminali illi dabatur, quod Alexium, patrem Imperatoris, ad mortem usque sit persecutus, suæque fuerit Petro I, ut primam suam uxorem, Alexii matrem repudiatam, in Monasterium detruserit, multosque alios in exitium præcipitarit, atque pecuniam publicam in privatos usus converterit. Hæc & alia narrabantur. Fortassis nimis potentis invidia, consueta aulis machina, rotam versabat.

Quo



Quo autem profundius Menzikovius est prolapsus, tanto altius Ostermannus fuit evectus: Schaffiroffius ab exilio revocatus. Doloruckii, Gallizini, Gallowini, Apraxini, Kurakini quoque in altum sublatis.

Carolus Fridericus, Dux Holstatiæ, cum Anna conjuge, quamvis inter tutores Imperatoris & Imperii Administratores a Catharina fuerit designatus, post sexennem in Moscovia commorationem, non ultra subsistendum ratus, Kielam in patriam rediit. Carolus autem ejus patruelis, moderni Sueciæ Regis frater, destinatus sponsus Elisabethæ, hodie regnantis, Petroburgi obiit (anno 1727.)

Petrus II igitur ad solium evectus, splendido cum comitatu Ducis de Liria, aliorumque Legatorum, abiit Petroburgo Novogroden-<sup>Petrus II coronatus.</sup> sius. Petrus II coronatus. in templo cathedrali inter Missæ solennia coronatus est. Ausum est gaudium, dum ex Holstatiâ nuntiatum est, Duci Gottorpiensi ex Anna Petrowna (Petri I filia) natum Carolum Petrum Ulricum, qui tamen brevi matrem amisit. Funus Kiela Petroburgum deportatum. Obiit quoque Nathalia, juvenis Imperatoris soror unica (1728)

Præcipua apud novum Monarcham gratia valuit Christophorus Münchius, quem, Germanus licet esset, in Frisia Orientali patre Cor-<sup>Münchii possit.</sup> filiaro Principis natus, copiis suis præfecit, totamque ejus familiam Comitum dignitate ornavit; postquam ingentis operis Canalem Ladoganum, commerciis opportunum, duxit, & Chinensem etiam mercaturam promovit, auxitque Petroburgum novis munitis, ædificato etiam pro Lutheranis templo. Nec minus favit Academia Petroburgensi, quæ commentarios suos scribere aggressa, Europam crisi suæ subjecit, confidentibus Musis in loco hætenus inculto.

Anno 1729 suâsu Ostermanni Procancellarii Petrus adhuc duas Academiâs scientiarum erexit, alteram Dörpta, Novogrodi alteram: in suburbiis autem Moscæ tria templa: primum pro Catholicis, <sup>Tract. cum</sup> alterum pro Anglicis, tertium pro Hollandis; utque commercia la-<sup>Hispan.</sup> tius extenderentur, initum est inter Russos & Hispanos sædus commerciale, opera Ducis de Liria. Conventum in eo, ut merces Russicæ in portubus Hispaniæ dimidium tantum ejus pendat; quod aliæ nationes pendere consueverunt. Eodem privilegio in portubus Russiæ gaudeant naves Hispanæ. Liquores autem omnino sint a vestigali immunes. Hispanis liceat, in Moscovia bellicas & mercatorias naves fabricare: Russis vero quot annis navem unam in Americam mittere, ibique negotiari.

Pax cum Persia.

Cum *Effesso* quoque Persiæ usurpatore pax inita. Imperator Russiæ Persiæ restituit provincias Astrabat, & Tabristan ad mare Caspium, cum ea tamen conditione, ut a regno Persiæ non alienentur; contra vero retinet Derbentum, & regiones circumjectas; ubi plura loca nominantur. Lites confinium per Commissarios componantur. Commercia utrinque sint libera.

Obit hoc anno in exilio infelix Menzikovius, quem totus veluti orbis tempore Petri I adoraverat. Hæc mundi fiducia.

Obit Petrus II.

Anno 1730 Petrus II Imperator Russiæ, cum sponsalia, cum Catharina, Principis Doloruckii Status Ministri filia, per nuptias vellet complere, variolis extinctus est, in flore juventutis, ætatis nempe anno 15, Imperii 3.

#### §. 4.

*Succedit Anna Joannis filia. Doloruckii ruina. Navigatio per mare boreale. Tartari invadunt Cosaccos. Bellum Polonicum. Bellum Turcicum. Involvitur Casar. Pax Belgradensis macra.*

228.

Succedit Anna Curlandica.

Extincta Domus Romanowiæ mascula in Petro II progenie, ad fœminas ex eadem Familia devolutum est Imperium. Supererant earum quatuor, Catharina, Caroli Leopoldi Ducis Mechlenburgici Conjux, Anna, Friderici Curlandiæ Ducis vidua, & Proscovia cœlebs; omnes tres natæ ex Joanne Alexievicio: quarta vero Elisabetha, Petri I filia.

Ex his Senatui & Ordinibus Imperii placuit *Anna*, jam ab anno 1711 vidua, quam Petrus II proposuerat. Missi igitur nomine totius corporis Russici Metavium in Curlandiam tres Legati, a Senatu Dolorukius, a Statibus Gallizinus, a militia Leontifus, qui nuntium deferrent.

Anna mox altera die Moscuam profecta, a Novogrodenfi Archiepiscopo est coronata, atque consilio creano, quod Monarchicam potestatem coarctare voluerat, abrogato, Senatum constituit, & novos S. Andreæ Equites creavit; inter quos Soltikovius Aulæ Præfectus, Weisbachius tribunus, & Wratislavius Legatus Cæsareus. Schaffiroffius, olim Procancellarius, in exilium missus, commercii præfectus, Ostermannus & Bironius S. R. I. Comites a Cæsare

a Cæsare renuntiati. Jaguzinskius equestri torque donatus ad Aulam Borussicam ablegatus, Romanzovius Constantinopolim, Gallowkinus Parisiis Hagam, Löwenwoldus Viennam. Gallicinus Camerae, Princeps Nariskinus, ab exilio revocatus, dictus Præses commerciorum.

Quo altius autem isti ascenderant, eo profundius dejectus Alexius Princeps *Doloruckius*. Omnia is sub Petro II in Aula poterat, adeo quidem, ut, dum Imperator ejusdem libi filiam desponsisset, in societatem velut Imperii vocatus videretur. At versa subito fortunæ rota, pro versatili rerum humanarum genio, additis fisco Domus opulentæ bonis, cum tota sua familia in exilium ejectus est.

*Doloruckii  
tragedia.*

Culpæ datum, quod sanitatem Petri Imperatoris neglexisset, imo per immodicas venationes, rigente bruma institutas, corripisset. Eidem filiam suam absque præseitu regnatricis familiæ clam desponsasset, imo obtrusisset, fisco etiam Petri testamento, quo hanc sponsam post fata sua Imperii hæredem declarasset. Aulam pro libidine versasset: pecuniam publicam defraudasset: cumque fratres Alexii & agnati horum aut complices aut conficii fuissent, eandem exilii pœnam ipsis subeundam. Accessit casus Principis Sapiëha, militiæ præfectura exuti.

*Culpa.*

Beringius centurio, ut commercia cum Japonia, China, & India Orientali faciliora redderentur, jussus est per mare Boreale viam tentare; cumque ad 67 gradum latitudinis navigando pervenisset, regressus, viam inventam nuntiabat.

*Navigatio  
per mare  
boreale.*

Anno 1731 Anna Imperatrix novum senatum bellicum constituit, assumptis in eum Trubezkio, Weisbachio, Lascio, Münchio, Soltikovið, Ufchakovio, Schwerino, Fortio, Löwenwoldio, Hochnuthio, aliisque pluribus. Ut vero nobilis juvenus Russica bonis artibus & militari præsertim disciplina aptius imbueretur, equestrem Moscuvæ Academiam, heroum seminarium, erexit.

Ne autem successio in Russiæ Imperio turbas aliquando excitaret, Petri I patrui sui exemplo juramentum a Proceribus & populo exegit, eum successorem se recepturos, quem ipsa esset designatura; id enim in Russia summi Imperantis esse proprium, ut successorem sibi possit statuere. Præstitum juramentum: missitantes exulatum missi. Magni vero & infelicis Menzikovii filius, e Siberia revocatus, custodiæ corporis præfectus.

Cum in Persia, interempto Esseffo usurpatore, Princeps Thamas paterno throno fuisset restitutus, Anna Schaffirovium Ispahanum gratulatum misit, qui cernens, summam rerum penes *Kudicanum*, militiae Praefectum, esse, illius quoque benevolentiam captavit.

Moscuam vero, ubi Imperatrix toto anno versabatur, venerunt Legati Junschini Sinarum Imperatoris, ut felix regimen precarentur, & amicitiam renovarent. Solenniter auditi, & gratiis actis cum largis muneribus dimissi sunt.

Tartari in  
Cotiacos.

Cum Turcis pax dubia; nam Crimmæi Tartari Cosaccorum regiones late vastabant, actisque prædis grandia damna inferebant. Russiæ Legatus querelam detulit ad Sultanum, qui misso Moscuam Legato promisit, se Chamum ejusque subditos coerciturum, ut pacem deinceps sanctius colant. Sed verba hæc data, quia bellum inter Turcas & Persas recruderat; serio nihil actum, cum Tartari non desinerent, prædationibus suis Moscoviæ subditos affligere.

Præter Eudoxiam, primam Petri I conjugem, sed repudiatam & in Monasterium detrusam, atque a Petro II nepote suo liberatam, obiit Proscovia, soror Imperatricis Annæ natu minima, quæ cælibem semper vitam duxerat.

Mæniti  
dignitas.

Anno 1732 Anna Imperatrix Petroburgum redux, *Mincium*, hujus urbis Praefectum, Praesidem Imperialis Collegii, & supremum armorum Praesidem edixit, copiasque suas terra marique auxit, ut adeo 230437 capita numerarentur, reparatis ubique munitionibus, ampliatisque. Et, quia Tartari non desinebant populari Ucraniam, ductus est agger, multo milite custoditus. Canalis Ladoganus absolutus.

Novus rursus e regno Sinenfi aderat Legatus, amicitiam & commercia confirmaturus. Princeps Hasso-Homburgicus, provinciis ad mare Caspium a Persis reportatis praefectus. Teutonicæ aliarumque nationum homines ad militaria atque civilia munera promoti. Academia Equestris, Moscuæ erecta, tanta sumpsit incrementa, ut 325 nobiles Russi, Livones, & Esthones in ea educarentur.

Anno 1733. Imperatrix amisit & alteram suam sororem, natu majorem, Catharinam, Carolo Leopoldo Duci Mechlenburgo-Suerinensi nuptam, ex quo genuit *Elisabetham Christianam*, quæ nomen Annæ cum Religione Russica assumpsit, ceu hæres veluti presumptivus coronæ, Regiæ Celsitudinis titulo propterea honorata. Læta ac tristitia illius fata exhibebunt anni sequentes. Princeps Beveranus

An-

Antonius Ulricus, futurus ejus sponfus, venit Petroburgum, magno cum honore exceptus.

Miscuit se hoc anno Imperatrix electioni Polonicæ, atque co-  
 Annæ se mi-  
 busdam impiorata. Graviter id tulit Sultanus, qui propterea Cal-  
 fect electioni  
 mucos Tartarosque in ditiones Russorum irruere & impune grassari  
 Polon.  
 permisit, quin oleum flammæ affudit, erupturus in apertum bellum,  
 nisi bellum Perlicum adhucensem in vagina continuisset. Sed & Russia  
 pruriens in vindictam manus inhibuit, Polonico adhuc bello distracta.

Ex Academia Equestri Nobilium Juvenum extracta est prima co-  
 hors, cujus caput Princeps Repninus, exercitiis bellicis, quorum coram  
 Imperatrice illustre specimen dabant, probe imbuta. Templum  
 Gallicum Petroburgi consecratum.

Anno 1734 Tartari, Sultani subditi, ad Pontum Euxinum & Grassati  
 mare Caspium, pergebant in ditiones Russicas grassari, prædari, Tart.  
 urere, trucidare, in barbaram servitutem abstrahere. Russia adhuc  
 bello Polonico suspensa, hoc anno satis habuit, apud Portam que-  
 relas deponere, quamvis absque remedio.

Multam quoque controversiam attulit causa Marchionis de  
 Monte, Legati Gallici, quem postulantibus Russis Dantiscum tra-  
 dere debuit. Jus gentium læsum, querebatur Marchio: se Legati  
 characterem nunquam posuisse, nec quidquam eo indignum egisse.

At Russi reponebant, eum ab Imperatrice sua nunquam fuisse  
 Causa Men-  
 agnitum Ministrum publicum, præsertim post mortem Augusti II. chionis de  
 Non posse proin Legati sanctitatem obtendi. Præterea plura ab Monte.  
 eo gesta hostilia in favorem Stanislai: conductam legionem; non  
 Legati sed militis actam personam: sparsos libellos inimicos, popu-  
 los concitatos adversum Moscos. Pessimam fore summorum Impe-  
 rantium conditionem, si hostem apertum, Legati nomine abuten-  
 tem, non possent persequi. Igitur Marchio Elbingam abductus  
 est in custodiam. Dantiscani vero Petroburgum Legatos depreca-  
 tum miserunt. Gemina quoque Legatio ex Persia a Kullcano nomi-  
 ne Junioris Sophi venit, amicitiam cum Russia renovatura.

Initus cum Anglis Tractatus Commerciorum in 15 annos.  
 Gens quædam, ultra Caspium mare posita, cum suo Chano Russiæ Aulæ Ministri,  
 Imperatrici se ultro subiecit, missis inteam rem Petroburgum Legatis.  
 Princeps Homburgicus & Kurakinus, Comites item Münchius, Oster-  
 mannus, Apraxinus, ad præcipuos honores promoti. Obiit vero  
 Comes Galloskin Cancellarius Russiæ.

Anno

Anno 1735. Tartarorum Crimensium Chanus, collecto 80000, ut narratur, exercitu, Dagestanam Russorum provinciam aggressus, eam gentem ad rebellionem pertraxit, Russosque vicit, occiso Weisbachio eorum Duce. Finito bello Polonico missus in Uckraniam cum exercitu adversus Tartaros Münchius, supremus armorum Præfectus.

Antonius Ulricus Beveranus Princeps custodiæ corporis præfectus, Homburgicus rei tormentariæ. Obiit Comes Löwenwoldus, intimæ admissiois Minister.

Bellum cum  
Tartaria.

Cum pluribus jam annis Crimæi seu Præcopenses Tartari gratificationibus suis Russici Imperii subditis gravissima damna intulissent, connivente aut etiam probante Turcia, Anna Imperatrix id non ultra ferendum rata, finito bello Polonico, 80000 exercitum sub Münchio & Lascio Ducibus in eos misit. (anno 1736.)

Præcopium

Asof

Capta.

Primo expugnantur eorum ad utramque Tanais ripam castra & munitiones, tum caeso Chano *Præcopium*, permunitam Crimææ urbem, capto 2550 Tartarorum Turcarumque præsidio, extorquent. Cecidit pariter ingens munimentum Tanais (*Asof* aut *Asof* vulgo nuncupatum). Liber abitus concessus numerofo Turcarum præsidio. Fatum hujus urbis secutæ sunt plures. Penetratum in interiora Crimææ Peninsulæ: incensa Chani sedes. Sed Cassa volentem victoriam stitit.

Nec minus fortiter atque feliciter bellum gessit *Donducombus*, Calmuckorum, qui Russico subsunt Imperio, Ductor. Is etenim cum 40000 in Cubanam (in qua Asof) Tartariam, insignem victoriam reportavit, cæsis multis, captis pluribus, sub protectionem Russorum confugientibus plurimis.

Kulicanus, supremus in Persia belli adversus Turcas Præfectus, missa legatione fidem dedit, se nullam, in qua Russia non comprehenderetur, cum Turcis initurum pacem. Secutus mox ad Imperatricem Legatus alter, qui nuntiavit, Kulicanum sub titulo *Schach Nadyr* thronum Persicum conscendisse, constantemque cum Russia culturum amicitiam. (anno 1736.)

Niemirowiensis congressus.

Anno 1737. Quamvis *Niemirowii* congressus ad conciliandam pacem Russos inter & Turcas institueretur, Casarum omnem lapidem moveret, ut ea componeretur, bellum nihilominus majori adhuc atque anno superiore vi continuabatur; quippe Anna Imperatrix duos grandes exercitus in hostem misit, Münchio alterum,

Lascio

Ozakovium.

Lascio commissum alterum. Ille Ozakovium, viginti Turcarum milibus & centum tormentis firmatum, & alioquin situ & opere per-munitam urbem expugnavit generoso assultu. Præsidium cum magno rei armamentariæ apparatu captum. Numerus eorum, qui utrinque caesi scribuntur, est incredibilis. De 17 Turcarum, & 18 Moscorum millibus quidam memorant. Hoc certum, Seraskierum, multosque Duces aut cæsos, aut captos, novem quoque caudas equinas in manus venisse.

Quamvis autem occupationes tot locorum ingenti Russis steterint impendio, tamen, quod mirum videri posset, dirutis munimentis, Precopium cum Crimæa deseruerunt, annonæ haud dubie compulsi inopia. Geminam quoque classem Russi Euxino immiserunt, quarum altera Münchio ad Ozakovium præsto esset, altera Lascio in Crimæa.

Anno 1738. Münchius, ut Benderam, & Chozimum occu-Münchius male admi-  
paret, per difficillima itinera & ambages copias (cum Cæsareis in nistrat.  
Servia debuisset succurrere) circumduxit, vix alio operæ pretio, quam ut suum attereret exercitum, atque provincias vastaret, in Ukraniam tandem & Poloniam se recipere coactus, Tartaris Turcisque reddentibus verbera, quæ acceperant. Classis autem Russica Afosium sub tormentorum præsidium serecepit.

Anno 1739. Mosci, relata a Turcis insigni victoria, Chozimum, munitissimam in Moldavia urbem, occuparunt, cum Jassio ad Pruthum Hospodarii sede, tota provincia in Russiæ protectionem concedente. Ad Teginam dein (Bender) Bessarabiæ munimentum expugnandum se accinxit Münchius, cum de pace nuntiatum esset.

In ea Russia nec Cæsaris socii, nec sui ipsius satis memor fuisse videtur; nam post tot victorias, post tot munimenta capta, postPax macta.  
sufum humani sanguinis diluvium, post tot damna a Tartaris illata, fructus vix alius fuit reportatus, quam ut loca capta redderentur, & pristini Imperii utriusque fines manerent iidem. Taurunum (Belgradum, Alba Graca) belli sacrificium esse debuit; socio lente suas suppetias.

Ozakovium, Cozinum, Afosium (quanta nomina!) restituent, sed ultimum dejectis munimentis, non amplius restituendis. Ne Russici Cosacci, aut Calmuckii Turcicos Tartaros aut alios subditos infestent, interdicitur, & vicissim. Transgressores puniuntur. Cubanenses Tartari sint liberi, & veluti limes utriusque gentis. Captivi sine lytro reddantur, exceptis, qui religionem mutarunt.

Pars X.

U u u u

Naves

Articuli.

Naves Russicæ Ponto Euxino abstinere. De cætero commercia libera sunt. Si dissidia oriantur, per Gubernatores componuntur. Russi absque tributo in terram sanctam peregrinantur. Circa titulum Imperatricis conveniatur. Legati Russici excipiantur, sicut aliorum magnorum Principum. Ratificationis instrumenta intra tres menses Marchioni de Villeneuve Mediatori extraduntur.

*Actum in castris ad Belgradum 18 Sept. 1739.*

Subscriperunt Ludovicus Salvator Marchio de Villeneuve, nomine procuratorio.

Mehmet Pascha, Magnus Vizirius. Rex Galliæ autem hujus pacis fidejussor accessit.

Villeneuve  
Mediator.

*Nota.* Tam Cæsar, quam Imperatrix Marchioni Villanovano, Gallico ad Sultanum Legato, in castris Turcicis ad Belgradum præsentem potestatem fecerunt, eorum nomine pacem componendi, sub reservatione tamen ratificationis. Conceptum autem fuit pacis, tam Cæsareæ, quam Russicæ instrumentum lingua Italica & Turcica.

3. Oct. sub eadem mediatione Gallica per eundem Procuratorem Nissæ adjecti sunt articuli tres, qui ad fines determinandos spectant, conventumque, ut ex parte Occidentali Boristhenis versus Poloniam maneant limites, anno 1705 determinati: ex parte Orientali ad fontes Boristhenis a flumine Saliva usque ad flumen Berda ducatur linea.

Nuptiæ  
neptis.

Dum pax ista conficeretur, Petroburgi solennes nuptiæ contractæ sunt inter Antonium Ulricum, Principem Brunsvico - Beveranum, natum 1714, & Annam, Imperatricis ex defuncta sore Catharina (Carolo Leopoldo Duci Mechlenburgico nupta) neptem, præsumptivam Russiæ hæredem, præsentem etiam Elisabetha Petri I filia.

Erupit hoc anno proditio Doloruckiana, seu Dolghoruckiana, qua familia ista, in exilium ejecta, conabatur Regimen mutare. Sed quia multi conjuraverant, facinore detecto, auctores capite plexi sunt: quos inter erant ex principe Dolgoruckiana gente Basilii pluribus antea legationibus perfunctus, Sergius, & Joannes. Basilii fratres, quod prodicionem non detexissent, exilio multati: in quo Alexius, Catharinæ Petri II sponsæ parens, jam perierat.

Loco



Loco Ofteinii Comititis Petroburgum venit Legatus Cæsareus Marchio de Botta, Marchio de Chetardie Gallicus. Crammus Brunsvicensis ob nuptias gratulatum venit.

## §. 5.

*Obiit Anna Imp. succedit Joannes pronepos. Mater Bironio dejecta tutelam arripit. Sed mox cum filio & marito a throno ad carcerem ducitur: Elisabetha, Petri I filia, ad coronam vocata. Holsatus successor declaratus. Procerum plurium ruinæ.*

Anno 1740 obiit Anna Rufforum Imperatrix, ætatis 47, Imperii 10. Ante mortem autem plures adhuc Nobiles cum Comite Wolinsky capitis damnavit ceu Majestatis reos; dein successionis ordinem præscripsit.

Nominavit igitur successorem, ex ordine primogenituræ, Joannem, trium mensium infantem, suum ex Catharina sorore pronepotem. Quippe Catharina ex Carolo Leopoldo Duce Mechlenburgico genuit Annam, hæc ex Antonio Ulrico Beverano Joannem, destinatum successorem. Tutor ei datus Bironius, Dux Curlandiæ, apud Annam Imperatricem singulari valens gratia. In hanc Ordinationem jurare debuerant Primores Imperii.

Mortua Anna Joannes proclamatus Imperator, eique homagium præstitum, & Bironio tutori ac Regenti Imperii jurata fides.

At grandium semper tragœdiarum theatrum fuit Moscovia. Vix Ernestus Bironius, ex nobili factus Comes, ex Comite Dux Curlandiæ, ex Duce supremus Imperii Russici Moderator, cum eccel repente, versa fortuna, concubina nocte e lecto extractus, cum tota familia Schlüsselburgum captivus abducitur, atque Anna mater Joannis Imperatoris tutrix proclamatur, Beveranus veropater Imperatoris supremus armorum Præfectus: edito *Manifesto*, quod vocant, Bironium, tametsi ab Anna Imperatrice renuntiatus fuisset tutor Imperatoris, merito tamen eo munere fuisse privatum, quod vix illud auspicatus plura contra leges Imperii egisset; Parentes Imperatoris, non sine comminationibus, habuisset despectui: pretiosa subtraxisset, ærarium expilasset &c. mortem propterea meritum, sed eam in perpetuum carcerem mutari, bonis tamen omnibus confiscatis.

U u u u a

Igitur

Aulam ordi-  
nat.

Igitur mater, suscepto pro vagiente in cunis filio regimine, Münchium primum post conjugem suum Imperii Ministrum dixit; Ottermannum, Procancellarii haftenus. functum munere classium Praefectum, Zerraskium Cancellarium, Galloskinum Procancellarium, Ernestum Münchii filium Aulae Praefectum. Nariskium, Kurakinum, Reppinum, Gallovinum, Uschakovium, Löwenwoldum, Lapuchinum, allosque dignitatibus & honoribus auxit. Romanzovium vero Cpolin legavit. Reliquis vero Aulis significandum curavit, Russiam, Austriæ junctam foedere, Archiduci Mariae Theresiae missuram auxilia.

Ingens mu-  
tatio.

Obvallata sic Anna fixisse sibi & filio Fortunam videbatur. At protasis hæc duntaxat erat, quam post rerum involutionem horrenda mox exceptit catastrophe; quippe anno sequenti 1741 5 Dec. *Elisabetha*, Petri I filia, cum militum cohorte conclave Tutricis Annæ ingressa, eam cum filio Imperatore & conjugæ Antonio Ulrico primum in privatum suum domicilium, dein vero Rigam abduci iussit, ibique custodiri.

Capens Imp.  
cum matre,  
& patre,  
multisque  
proceribus.

Princeps vero Hasso-Homburgicus Elisabethæ nomine Münchium, Ottermannum, Galloskinum, Löwenwoldum, Mengdenum, aliosque, quos utraque Anna præcipuis Imperii muneribus atque dignitatibus admoverat, comprehensos captivosque in custodiam abduxit.

Altera vero die, 6 Dec. Elisabetha convocato Senatu, Ordine Ecclesiastico, atque Ministris, sibi fidis, Imperatricem se dixit, applaudente populo.

Elisabetha  
Imperatrix.

Si mireris tam subitam revolutionem, cogita gratam apud Russos Petri I memoriam, in amore filia redundantem: hujus dotes ad omnia summa natas: alienationem animorum a gente Teutonica, primas Imperii dignitates præripiende, inclinationem potiorum in Imperantem patrium atque domesticum, quam exterum, eumque infantem, invidiam Procerum, quos Anna neglexerat; non nullas denique *Cbetardii* artes, quibus ut Russiam a ferendis Archiduci auxiliis averteret, & Suecum comparandum hostem, & domiturbandum aliquid forte putavit.

Ottermanni  
& Münchii  
machinae.

Ut autem universæ Nationi, quo jure Elisabetha tam grandem mutationem suscepisset, apertius constaret, causas illius typo impressas vulgavit: nempe secundum testamentum Catharinae matris suæ Imperatricis, anno 1727 defunctæ, sibi post Petrum II fuisse debitum thronum, Ottermannum autem, testamento illo suppresso, Annam Curlandicam studiis suis ad sceptrum promovisse, eique morienti

rienti successione ordinem porrexisset, quo Annae Mecklenburgicæ filiolus, duorum mensium puer, Imperator declarabatur, atque hæc omnia Münchium auctorem habuisse aut adiutorem.

Imperium porro, novo constituto Senatu ad eum ferme modum composuit, quo tempore Petri I parentis sui erat comparatum. Nova Acta.  
 Lecti Senatores, Trubezkij armorum Præfectus, Zerkasky Cancellarius, Tribunus Soltikow Aulae Moderator, Zischenichew, Ufchakow, Gallowin, Kurakin, Nariskin, Galliskin &c. Ministri Aulae. Negotiis externis præfectus Zerasky Cancellarius cum Pro-cancellario Bestuchew, Gallowin & Kurakin.

Anno 1742 Elisabetha Imperatrix, cum esset cœlebs, ut futurae successioni provideret, Carolum Petrum Ulricum, suum ex sorore Anna Petrowna nepotem, Caroli Friderici Holstato Gottorpiensis Ducis filium, 16 tunc annos natum Petroburgum accivit, ad mores Russiæ educandum. Palatium illi cum Aula assignatum. Paulo post autem Imperatricem Moscuam comitatus est. Ubi coronatio summa cum solennitate peracta fuit. A Novogrodenfi Archiepiscopo unctæ est: coronam vero sibi ipsi imposuit, atque sceptrum & Pomum Imperiale in manus sumpsit.

Solennem hunc actum alter exceptit, quo Princeps Carolus, ejurato Lutheranismò, Russicæ Religionis professionem in Ecclesia sub Missæ solenniis, coram tota aula edidit, crucem, sacras Reliquias Holstato di- & Imagines osculo veneratus; nomenque mutavit, dictus dein tus success-  
 ceptus *Petrus Foedorowicz*, id est: Friderici filius. Unctus dein ab eodem Novogrodenfi, *Magnus Princeps*, & *Successor in Imperio* ab Imperatrice est renuntiatus, tributo eidem etiam Imperatrici *Altitudinis* titulo. Finita Missa, omnes præsentés, crucem osculati, fidem eidem jurarunt. Paulo post a suo Holmiæ Legato nuntium accepit, se a Suecis quoque successorem in regno fuisse electum.

Ad finem anni Elisabetha Imperatrix per Comitem Bestuchef cum Anglia fœdus defensivum iniit. Si Russia bello petatur, mittet Fœdus cum Anglia 12 bellicas, 700 tormentis, & 1560 viris instructas. Si Anglia Anglia. invadatur, mittet Russia 10000 pedites & 2000 equites: vel pro his 300000 aureos Russicos, (*Rubel*) quorum unus duos florenos conficit. Si Russia bellum sit cum Turcis, Tartaris, aut Persis, Anglia non obligatur: neque Russia adversus Italiam, Hispaniam, & Lusitaniam.

Regina Hungariæ ab Elisabetha subsidia petiit, vi fœderis pristini; sed ob bellum Suecicum copiæ hoc anno impetrari non poterant. Promissa tamen pecunia.

Exules.

Oftermannus, Münchius, Gallofkin, Löwenwold, aliique ad capitis supplicium damnati sunt; jamque educti fuerant ad ferale pegma, & Oftermannus caput securi subjecerat, cum accepta vitæ gratia, omnes in exilium missi sunt: Dolgoruckii vero, adhuc superstites, revocati. Anna Mechlenburgica cum conjuge Brunsvico-Beverano, & duobus filiis adhuc Rigæ in Livonia custodita. Blonius, Dux olim Curlandiæ, & Russiæ Administrator, tutorque Imperatoris, ex Siberia in micitis exilium translatus.

Chetardio, large ab Imperatrice donato, suffectus Franciæ Legatus Dallon. Neohusius Caroli VII Cæsaris Legatus pariter Petroburgum venit; sed quia ejus litteræ Imperialem titulum Elisabethæ non tribuebant, non sunt receptæ, donec adderetur.

## §. 6.

*Nuptiæ Holsati successoris cum Anhaltina. Chetardius & Botte Legati Sacrificium Status. Renovatio fœderis cum Austria.*

*Tarditas auxiliorum. Magni obitus. Cultus bonarum artium. Mittuntur tandem ad Rhenum subsidia, sed mox pace facta redeunt. Mors Comitissæ Laschy.*

230.

Ut nullus annus sit expers magnorum in Russia motuum turbarumque, dum exteri tumultus per pacem, cum Suecis initam, conquiescunt, interna rursus erupit proditio (anno 1743.)

Nova Conspiratio.

*Lapuchina* Domus prioris jam conspirationis suspecta, cumque Löwenwoldo, intimo suo amico officiis & dignitatibus privata, assumptis in facinoris societatem Bestucheffia aliisque fœminis, consilium coquebant, deijciendi Elisabetham, & Annam Mechlenburgicam restituendi. At scelere detecto, aliis lingua exsecta, alii in exilium sunt relegati.

Marchionis de Botta causæ.

Arguebatur conspirationis particeps Marchio de Botta, Legatus Reginæ Hungariæ; quæ res, his præsertim temporibus minime opportuna, similitatem quandam & dissidentiam inter utramque Aulam inducebat. Negabat Marchio, se ullam in ea conspiratione habuisse partem: sed id a se actum tantummodo, quod in mandatis habuisset, ut scilicet Antonio Ulrico Brunsvicensi, Reginæ cognato, ejusque conjugi Annæ ac prolibus libertatem ab Imperatrice Elisabetha

betha impetrare conaretur. Sed, dum Aula utraque *Manifesta* sua per Europam dispergit, longius prolata est negotii delicati compositio.

Chetardius ex Gallia Petroburgum rediit, valuitque pristina apud Imperatricem, obsequii memorem, gratia. Wichium Angliæ Legatum Tirawlejus sublevavit. Famosus Comes Woldemarus de *Lincenal*, qui ab anno 1737 Russiæ militaverat, missione impetrata, ad Gallica castra transit; ubi mox promotus gestis inclaruit. Judæi tota Russiæ ejeſti, interdicto reditu. De bello cum Suecis gesto, & pace hoc anno secuta, in rebus Suecicis dictum.

Anno 1744 venit Moscuam, ubi Imperatrix morabatur, Sophia Augusta, Anhaltino-Serveſtani Principis filia, destinata conjux Carolo Petro Ulrico, seu Petro Feodorovicio, Imperatricis ex sorore nepoti & successori declarato.

Sponsalia Anhaltinæ cum Petro Feodorovicio.

9 Julii Græcam professionem Sophia edidit, assumpto nomine Catharinæ Alexiewinæ, & titulo Imperatoris Altitudinis. Sequenti dein die celebrata sunt publice sponsalia.

Variis suspicionibus agitabatur Russiæ. Et primo quidem, non satis Dünemündæ secure asservata videbatur Anna Mechlenburgica, cum conjuge Antonio Ulrico Brunsvicensi, & filiolo Iwane III, quem post Annæ Imperatricis mortem successorem in Russico throno proclamatum, indeque ab Elisabetha deſectum fuisse diximus. Nam separati sunt ab invicem. Et Anna quidem deportata est in Monasterium Insulæ prope Archangelopolin, conjux in arcem Ivano-Gradensem, haud procul Narva, filius Ivan in aliud Monasterium, metu videlicet, ne forte turbis exortis ad rerum clavum reducerentur. Hinc Imperatrix, rescissis omnibus actis, nomina eorum, ne ulla extet memoria, ubique eradi jussit: homagiorum & juramentorum formulæ flammis publice traditæ.

Separatio priorum Imperatorum.

Hic metus in magnas pariter præcipitavit calamitates duos Marchiones magnorum Principum Ministros, Bottam videlicet, & Chetardium Gallicum. Et iste quidem, dum quadriennio abhinc Legatus esset, non parum contribuit, ut Elisabetha ad thronum eveheretur, quod Dux Ant. Ulricus nimium memor futurus crederetur gentis, ex qua ortus esset. Sed postea, cum Elisabetha Austriacis amior esse videretur, quam Gallia forte exspectarat, Chetardius, quamvis jam nactus Legatum successorem Allionem, in Moscovia tamen privatus quodammodo subsistit.

Chetardius

Cum autem suspicio in eum caderet, quod adversus Imperatricem aliquid machinaretur, jussus est Russiæ excedere, exutus insignibus

bus

bus Ordinis S. Andreae, & donis pretiosis, quibus eum Elisabetha, ceu optime de se meritum, exornaverat. Cum in Galliam venisset, quo eum querela præcefferat, assignatum sibi locum exilii invenit, factus Sacrificium Status.

Et Botta  
fata.

Haud multum dissimile fatum obtigit Marchioni de Botta; qui, cum Austriacus in Russia Legatus esset, visus est in Ant. Uiricum, Reginae Hungariae propinquum, ejusque conjugem & filium propensior, quam delicata illa & suspiciosa Moscoviae tempora ferrent, intercedens etiam pro eo dimittendo libero, & in Germaniam remittendo. Elisabetha ad Mariam Theresiam querelam detulit, petiitque, ut causa illius cognosceretur. Faciendum id, ut Russia servaretur amica. Indicta primum Marchioni domestica custodia; dein vero in arcem Graecensem abductus est, simulque jussus Rosenbergius Reginae in Russia Legatus significare, displicere Aulae Viennensi, quæ Botta egisset, ac propterea tandiu eum captivum fore, donec Imperatrix Russiae libertatis gratiam eidem impertiat. Elisabetha satisfactum sibi asserens, Marchionem dispositioni Reginae permisit; quæ eundem liberatum in Italiam ad legionem suam dimisit, ubi rursus in causa Genuensi varia fata expertus est.

Dum Imperatrix Moscuæ degebat, vices ejus Petroburgi egit *La-  
AuleMinistri.* scius Hibernus Comes, & sub eo Repninus Princeps. Alexius Bestucheff erat Cancellarius Imperii, Romanzovius Vice-Cancellarius, Gallicinus ab Intimo Consilio: Carolus & Gustavus Bironii, Bismarckius, & Schönbergius e captivitate dimissi liberi. Antiochus Cantimir Princeps Russiae Legatus Parisiis obiit. A Neuhausio Legato Caesareo delatus Elisabethae Imperatricis titulus.

Petuntur  
Russica auxi-  
lia.

Anno 1745 Austria & Saxonia ab Imperatrice petierunt auxilia, vi foederis; sed Rex Borussiae effecit, ut neutras partes sequeretur; quantumvis Saxo, ceu Vicarius Imperii Romano-Germanici Principem Feodorovicium ratione Ducatus Holsato Gottorpiensis, data venia ætatis, Majorem declararet; qui dein solennes cum Sophia Anhaltina nuptias celebravit, præsentem etiam hujus matrem.

Fœdus Defensivum ictum Sueciam inter & Russiam. Ab Alione Legato Gallico delatus Elisabethae titulus Imperatricis, quo facto, ad alloquentium fuit admittus. Tirawleo Legato Anglico successit Hyndfordus, natione Scotus: Gyllenborgo Sueco Barkius: Gersdorffio Saxoni Pezoldus, Rosenbergio Austriaco Bretlachius.

Obiit

Obiit magnus ille Russiæ Cancellarius Henricus Offermannus, gente Westphalus, in Siberiensi exilio, 66 æt. anno: Gollovinus, Obiit Offermannus Zernichevius, Wisniacovius, magni in aula viri, eandem carnismanni viam sunt ingressi.

Anno vero sequenti (1746) humanæ vitæ comœdiam clausit Anna Mechlenburgica; cujus mater erat Catharina Joannis Zari filia, Et aliorum. Petri I neptis ex fratre: nata 1718, nupta Antonio Ulrico Principi Brunsvico-Beverano 1739. Ex eo genuit anno 1740 Ivanem, quem eodem anno Russiæ Imperatrix Anna, utpote suum ex sorore pronepotem, Imperii hæredem declaravit, sub tutela Bironii Curlandiæ Ducis. Bironium Anna, Ivanis mater, stravit, Annam Elisabetha, Petri I filia, 1741. Abducta Anna primum Rigam in custodiam, dein separata a conjuge & liberis in Monasterium anno 1744 detrusa, ubi in flore ætatis obiit, felicior futura, si relicto mundo versatili, Monasterium ultro fuisset ingressa.

Jam anno 1726 Carolus VI Cæsar cum Catharina, Russiæ Imperatrice, fœdus defensivum inierat, vi cujus, cum Russia a Turcis bello premeretur, Turcam in Pannonia aggressus est, ingentia propterea damna passus. Aequissimum proin erat, ut orto post mortem Caroli VI gravissimo de successione Austriacæ bello, Russia vigore ejusdem fœderis, Reginam, undique pressam, adjuvaret. Sed tum Russicæ turbæ, tum causa Bottana, tum potentes Reginæ hostes, sufflaminabant implementum fœderis ad annum usque 1746; quo renovatum est.

Vi hujus fœderis Russia pro casu invasionis mittet Reginæ & Imperatrici Mariæ Theresiæ 30000 armatas, puta, 20000 peditum, Renovatur 10000 equitum, donec quies sit reducta. Totidem mittet Regina fœdus, invasæ Russiæ, ea tamen limitatione, ne Russicæ copiæ ducantur in Italiam, aut contra Regem Hispaniæ, nec Austriacæ in Persiam. Excipitur etiam casus, quo pars implorata proprio bello esset implicata. Pars implorans transitum per alienas terras procuret. Præfectus copiarum auxiliarium subiectus sit supremo Duci partis impetrantis: salva tamen religione, pœnis, & belli usu secundum Nationum consuetudinem. Lites a Commissariis utriusque partis judicentur. Neutra pars (NB.) sine præscitu & consensu alterius inducias aut pacem ineat. Legati in aulis exteris sibi mutuo sint auxilii. Perduellibus nullum præbeatur asyllum, sed extradantur. Reges Poloniæ & Angliæ ad hoc fœdus invitentur.

Quamvis autem hoc fœdus debeat esse perpetuum, & etiam successores ligare, statuuntur tamen more fœderum 25 anni; qui sine

Pars X

Xxxx

hoc

Russicorum  
subsidiorum  
cardines.

hoc anno 1762, quo Petrus Feodoroviz, successor Elisabethæ, ab eo desivit, necdum sunt elapsi. Subscripsit nomine Imperatricis Mariæ Theresiæ Joannes Franciscus Baro Bretlachius, supremus vigiliarum Præfectus, Legatus, Petroburgi; nomine vero Elisabethæ Imperatricis Alexius Bestucheff, Cancellarius Russicus. Secutæ sunt ratificationes utriusque Imperatricis.

Obierunt 1. duo fratres Bironii Carolus & Gustavus, agnati Ernesti Ducis quondam Curlandiæ, & Russiæ pro Ivane III Administratores. 2. Basilii Dolgoruckius Marefchallus Castrensis, consilii bellici Præfes, cum familia sua variis fati clarus, æt. 79, agnatus ejus Sergius Dolgoruckius, Catholicam Religionem amplexus, in patriam redux Græcam profiteri coactus est.

Imperium &  
artes promo-  
vet.

Elisabetha Imperium, patris sui exemplo, optime terra marique ordinavit, non minus in politicis quam militaribus, erectis variorum operum fabricis, metallorum fodinis, in Siberia maxime, mire cultis, commerciis ad florem perductis. Litteraturæ quoque & Academiæ scientiarum & artium eximie favit, auctis illius conventibus, ut ad 53298 aureos Russicos, quorum quilibet duos Imperiales constituit, ascenderent, unita etiam eidem artium & rerum naturalium Camera, magna per incendium damna passa. Universam Russiam geometrice dimetiri, & geographice descriptam in Atlantem Russicum 19 mapparum referri jussit; cumque Stöllero Franconi Professori Academico mandasset, ut ultra Siberiam peninsulam Kamshaca exploret, inde redux nuntiavit, se Asiam cum America ea ex parte deprehendisse conjunctam.

Hollandi tractatum commerciorum cum Russis erigere volebant, sed Anglis clam obsistentibus nihil impetrarunt.

Nova fœderatio.

Anno 1747 conata est quidem aula quædam semina discordiæ inter Suecos & Russos ratione finium spargere, ne isti Reginæ Hungariæ promissas copias auxiliares possent mittere. Sed tempestatem dissipavit Anglia, quæ non modo accessit fœderi defensivo Russo-Austriaco, sed peculiarem etiam cum Moësis subsidiorum tractatum pepigit Petroburgi per Legatum suum Hindfordum, cui accesserunt Batavi.

Lentitudo  
Russorum.

Russia promittit, se hoc adhuc anno 30000 virorum ad fines Livoniæ promoturam, & 50 triremes paratas habituram. Pro his solvet Anglus 100000 librarum Anglicarum. Adjecta alia conventio circa modum & tempus has copias transmittendi per Poloniam & Moraviam. Verum hoc anno istæ tam tarde coibant, & sequenti tam lente procedebant, ut vix non in proverbium abiret, quo de lento homine dicebatur: *properas, sicut Russi.*

Jaco-



Jacobus Keith, Scotus, jam a tempore Petri I militaribus in Russia obsequiis bene meritus, missione impetrata, ad Regem Borussiae transit. Frater ipsius, qui cum Prætententis filio in Scotiam solverat, volebat in Moscovia fratri succedere, sed ab Anglico Legato tam atris coloribus fuit depictus, ut nihil obtineret.

## §. 7.

*Intellecta pace redeunt Russi, felices, quod putarint, se timeri. Lis de finibus. Lascey obitus. Bellum cum Borusso. Obiit Imperatrix.*

*Succedit nepos Petrus III, qui fœdus rumpit, & cum Lutheranismum vellet introducere & omnia mutare, depositus & extinctus est. Uxor vero coronata.*

Anno 1748 Elisabetha Imperatrix secundum subsidiorum tractatum Anglorum & Hollandorum stipendiis misit 30000 armatorum per Poloniam & Germaniam, adversus Gallos militaturos, Duce Repninio Principe. Verum cum tardo itinere versus Rhenum pervenissent, pacem Aquisgrani conclusam intelligunt. Quare, unde venerant, redeundum fuit. Id autem solatii & honoris secum reportarunt, quod crederent, adventu suo perterritos Gallos, e medio victoriarum in Belgio cursu in pacem fuisse abreptos.

Toto anno 1749 Imperatrix cum Petro Ulrico Duce Holsatiæ, suo ex sorore nepote, quem Petrum Foederovicium ac Magnum Principem appellabant, in urbe Moscuæ residebat, atque rem maritimam in eum statum, quo sub Petro I patre suo fuerat, redegit. Pedestrem quoque exercitum, auctum probeque instructum in Finnam misit, ut paratus ibidem excubet adversum Suecos, cum quibus longa ac molesta de Finniæ limitibus erat contentio. Borussus Sueco favit, visusque similitatis cum Russia causam aut accepisse aut querere. Certe Legati utrinque, Principe non salutato, discessere.

Cum dein anno 1751 mortuo Friderico Suecorum Regi successisset Adolphus Fridericus Dux Holsato-Gottorplensis, intentus fuit sollicitudo Russiæ, ne novus hic Rex introductam in Suecia regiminis formam mutaret, & independentem sibi potestatem arrogaret, data is solenni fide Imperatricem ab hac cura absolvit, atque sic pax & concordia fuit firmata.

Obiit hoc anno clarissimus Heros Petrus Lascey, Gubernator Rigiæ, natus in Hibernia; Gallicam dein militiam secutus, Russia denique obsequiis se addixit, ad armorum imperium summasque dignitates

gnitates pro suis meritis & constanti in Elisabetham fide, ad cuius coronam non parum contulit, promotus. Obiit anno æt. 85, in Religione Catholica, quam semper, etiam inter Schismaticos, eximie coluit. Filium reliquit, supremi Ducis Legatum, in Saxonia militantem, fratremque in Hispania Tribunum.

Comitem Rastumonskium in supremum belli Ducem a Cosacis electum, Imperatrix singulari cum solennitate confirmavit Moscæ. Qui dein Kioviam profectus amplissime fuit receptus.

Bellum cum  
Boruffo.

Cum anno 1756 Borussæ Rex in Saxoniam & Bohemiam moveret, Elisabetha Imperatrix Russiæ vi antiqui fœderis defensivi obligatam se credidit, Reginæ Hungariæ, Bohemiæ &c. & Electori Saxonis assistere. Comparato igitur missoque, quamvis lente, prout Russorum ferme mos fert, exercitu, egregiam fidelemque navavit operam, tametsi fortassis in aula esset Russica, qui non eandem ac Imperatrix voluntatem circumferret, ut ea, quæ circa Bestuchium, Apraxinum &c. & post mortem Elisabethæ acta sunt, videretur tralucere.

Designati autem sunt belli Imperatores, primum Apraxinus, dein Fermorius, postea Soltikofius. Gesta autem eorum ac belli rationem postea in appendice latius aliquantum explicabimus.

Obiit Imperatrix.

Annus 1762 grandem Moscoviæ multationem attulit; nam 5 Januarii obiit Elisabetha Imperatrix, Petri I filia secundogenita, post Petrum II nepotem ex fratre Alexio & Annam consobrinam (dejecto Joanne III infante) proclamata Imperatrix anno 1741, Moscæ coronata 1742, nata 1709. Imperavit feliciter annos 20, vixit 52, desponsa fuerat anno 1727 cum Duce Holsato-Eutino; sed eo ante nuptias mortuo cœlibem vitam duxit, virago summis virtutibus ornata.

Petrus III de-  
gener.

Successit *Petrus III* seu Foederovicus, Carolus Petrus Ulricus appellatus, antequam ejurato Lutheranismò Græcam Religionem assumeret, Elisabethæ ex Anna forore, Duci Holsato-Gottorpiensi nupta, nepos, jam ante ab Elisabetha matertera hæres Imperii designatus.

Fœdus rum-  
pit.

At is tristi suo fato præludit, dum status & religionis systema subvertere nixus est. Nam imprimis, ruptis fœderum vinculis, socios deseruit, atque cum Rege Borussæ primum inducias pepigit, dein etiam pacem. Revocatus, qui cum Austriacis se conjunxerat, e Silesia cum copiis Zernicheffius; reddita Borussæ & Pommeraniæ urbes, tanto sanguine & labore paratæ; assumpta militaris forma

nor

normaque Borussica; dono accepta a Rege legio Siburgica, tantaque amicitia imbibita, ut copias suas cum Borussicis conjuncturus videretur, aut Dano propter Holsatiam illaturus bellum.

Adhæc illustres exules, Bironium, Curlandiæ quondam Ducem, & Imperii Russici Administratorem, ab Anna constitutum, Münchium, supremum ante belli Imperatorem, aliosque Lutheranos homines e Siberia revocavit, ac præcipuis muneribus ornavit.

Exules Lutheranos revocat.

Denique, quod infelici Principi cervicem fregit, magna erat in Lutheranos, qualis olim erat, propensio; nam templum illis erexit, in quod, desertis Russorum Ecclesiis, cum iisdem precaturus conveniebat frequens. Cum autem Archiepiscopus Novogrodenfis intercederet, in exilium missus est. Plures alias mutationes circa Clerum & Monachos molitus est, ut adeo speciem præberet alienigenis ritibus Græcis animi, timereturque, ne Lutheranam sensim religionem induceret, propter politicas quoque novationes apud gentem, moris sui tenacem, exosus erat.

Lutheranicum eonatur introducere.

Conspiratione igitur inita, Catharina, Petri III Imperatoris uxor, Imperatrix publice est proclamata, ejus vero septennis filius, Paulus Foederovicus, quem ex Petro III susceperat, hæres & successor Catharinæ matris. Acta hæc sunt 9 & 10 Julii 1762.

Depositor.

Petrus quidem, throno dejectus, omnia tentavit, ut ruinam sisteret, sed Russi omnes ejus conatus præverterant, & pauci Holsatæ (600 duntaxat erant) quos apud se habebat, impares erant, ut impetum ruentem cohiberent. Octo solummodo dies Petrus calamitati suæ superfuit, 17 Julii extinctus, anno ætatis 34, Imperii mense octavo.

Extinguitur.

Igitur Catharina II (Alexievna) Petri III conjux, Joannis Augusti Ducis Anhaltino-Servestani (Anhalt-Zerbst) filia, nata anno 1729, Græcam Religionem anno 1745 in nuptiis professæ (Sophia Friderica Augusta antea appellata) thronum Russicum conscendit, ac Moscuæ coronata est anno 1762. Pacem cum Borusso initam primum improbavit, dein vero ratam habuit.

Catharina II coronatur.

Anno 1763 Bironio, quem ab exilio revocaverat, Ducatum Curlandiæ, a Carolo Saxonie Principe possessum, jure postliminii restitui voluit, missis in Curlandiam copiis. Multa ultro citroque dicta & scripta, de quibus memoratum aliquid in Polonicis.

Bironium Curlandiam restituit.

## CAPUT XVIII.

## De rebus Turcicis &amp; Persicis.

## §. 1.

*Qualis successio. Bellum frequens cum Mosco. Crisis de pace.  
Moream occupant. Bellum pace Passarovicensi  
finitum.*

212.  
Modus succe-  
dendi.

Anno 1703 Mustapha II, qui anno 1695 patruo suo successerat, a Turcis ob ignaviam est depositus, & in ejus locum intrusus Achmetes III frater junior, quamvis haberet Mustapha filium. Ex quo videas, Turcas, licet haftenus ex stirpe Osmanni I semper suos Imperatores desumpserint, nullatenus tamen servare ordinem primogenituræ, sed, uti persæpe contigit, præterito filio, fratrem mortui aut depositi vel etiam strangulati ad Imperii coronam vocare, indeque rursus ad depositi filios redire. Hoc ut evitarent Imperatores, fratres suos agnatosque interimere, aut perpetuis includere carceribus consueverant.

Studium  
pæcis.

Quietem tunc aliquam Europæ indulsit Mustapha atque Achmetes, & sane mirum est, barbaros datæ Carlovici fidei adeo fuisse memores tenacesque, ut totis 14 annis, quibus bellum Hispanicum tenuit, quoque Principes Christiani in mutuas strages fuerant armati, eandem sanctè observarent; cum facile seditione Hungarica in rem suam uti, & incrementum capere potuissent.

Bellum Rus-  
sicum.

Anno tamen 1710 bello cum Moscis sunt collisi. Confirmata quidem anno superiore fuerat pax Carlovicensis, sed ea conditione, ne Zarus se opponat redditui Sueciæ Regis per suas ditiones; hanc autem conditionem impletam non fuisse querebantur Turcæ, cum in sinibus collocatæ fuerint Moscorum copiæ, ad eundem interceptiendum. Suberat alia quoque causa, quæ Ottomannos ad bellum denuntiandum permovit; quia scilicet Russi plures ad mare nigrum arces ac munitiones construxerant.

Anno

Anno 1711 Petrus Magnus Moscorum Dux in Moldaviam cum 80000 profectus, a Turcis & Tartaris cinctus, eas in angustias *Mos.* fuit redactus, ut ferro aut fame sibi pereundum cerneret, nisi pacem rogaret. Obtinuit illam ea lege, ut Assacum redderet, munitiones, recens constructas demoliretur, Polonorum rebus se non misceat, neque Cosaccorum aut Tartarorum Sueco liberum in suas ditiones transitum permittat.

Reprehendunt Politici Vizirium grandis erroris, atque imprudentiæ, aut potius prævaricationis, quod corruptus *Crisis de Pace.* pecunia tam opportunam occasionem Moscos delendi neglexisset, eosque dimisisset, antequam conditiones essent impletæ: una die reparari potuisse cladem ad Pultavam, reduci Carolum in suum regnum, Stanislao rursus imponi coronam: Imperium Ottomanicum in Moscoviam extendi. Zarum promissis non stetisse, Carolo exuli permanendum in Turcia: nec redactam occasionem rei tam bene gerendæ per depositionem Vizirii.

Cum igitur Zarus non omnes pacis leges impleret, Sultanus *Quam Zarus arma resumpsit, donec anno 1712 sollicitantibus Anglis & Batavis non servas.* nova pax Constantinopoli est confecta; conventum, ut Carolus Rex reducatur: Zarus copias Polonia deducat, aliæque addita, quæ in Russicis memoravimus. Sed & hæc conventio effectu fuit destituta. Perrexit Zarus reditum Sueco intercludere, Poloniam milite suo continere, Pomeraniam infestare.

Quare Achmetes exandescens, protensis caudis equinis, ad bellum revertitur: sed lente illud initio fuit administratum. In *Turcæ Moream rapiunt.* Venetis, pace Carlovicensi fracta, versa belli consilia.

Nam anno 1715 sui securos aggressi Turcæ, duorum mensium spatio totam Moream, pacis fiducia minus provisam, expugnaverunt, cum duabus urbibus, quas in regno Candie Veneti retinuerant, Suda videlicet & Spinalonga.

Qua autem fortuna bellum hoc gravissimum a Mosco, Venetis & Cæsare sit gestum, & relicta Turcis Morea per inducias Passarovicenses anno 1718 finitum, in Hungaricis retulimus.

*Rebellio Miriveisii. Rex trucidatus. Tamas filius a Mosco, Miriveis a Sultano auxilia petit. Uterque addicit, sed in suum commodum. Esref occidit Miriveisum & regem se dicit. Turcas vincit. Tamas per Kulicanum Esrefsum vincit & perimit. Turcas profugat. Achmetes a throno ad carceres, Mabometes e carcere ad thronum.*

1723.  
Turcæ &  
Mosci in  
Persiam.

Anno 1723 & sequentibus, cum Miriveisus Candahariæ Princeps adversus Regem suum rebellis, Persiam invasisset, Turcæ & Mosci sub prætextu Regem throno dejectum juvandi exercitus suos in fines Persiæ miserunt, sed decerpendo provincias pro se ipsis in turbido piscari visi sunt. Hoc certe anno Turcæ Carducensem in Georgia provinciam occuparunt. Quos progressus Mosci ad Caspium mare fecerint, alias est memoratum. Altera quidem Natio alterius in Oriente incrementis invidebat, sed, quod dici solet, ensis ensen in vagina retinebat.

Pluribus deinceps annis bellum Persas inter & Turcas fervebat, parte utraque egregie cadente causaque, urbs Tauris a Persis amissa, receptaque.

Miriveisii  
rebellio.

Persiæ autem regnum hoc tempore prope eversum fuit; nam provinciarum præfectis aliis alibi tumultuantibus, *Miriveisus* Candahari provinciam ad magni Mogolis fines satrapa, cum *Aguanis* suis, rebellionem excitata, urbibusque passim sub jugum missis, ad ipsa Ispahani (quæ caput regni est) mœnia penetrat.

Rex persæ  
pau.

Sophus Rex Persiæ (*Husein* appellatus) longo pacis otio & voluptatibus enervatus, resistendo impar fugam arripuit; sed inde retractus a rebellibus, oculisque orbatus, cum duobus filiis barbara crudelitate perimitur, tertio filio, eoque natu minimo (quem *Sophum Tamas* appellant) furori subtrahito, qui deinceps gravissimas inter difficultates cum rebellibus varia fortuna bellum gessit.

Sophus Tamas.

Misso is Petroburgum usque Legato, a Petro I auxilia petiit. Addixit ille prolixè, numerosumque exercitum in Persiæ fines per Wolgam, Astracanum Casanumque regnum adduxit. Sed sibi non Sopho provincias conquestivit, prout alias dictum. Miriveisus contra usurpator regni & prædo publicus, missa Constantinopolim Le-

Legatione, cum honore excepta, subsidia petiit, impetravitque : sed pariter sibi militatura.

Obiit quidem circa annum 1725 Miriweis, ab *Esfesso*, agnato suo, ut narratur, interemptus, sed nulla inde Persiæ quies, *Esfesso* *Esfess.* Miriweisii locum occupante, regiumque sibi titulum arrogante. Sopho Tamas per montes & deserta vagante cum exili manipulo ex Christianis potissimum constante. *Esfess* cum Turcis congressus, anno 1727 gravi eos ad Taurim clade affecit. Tandem vero pax inita. *Esfess* agnitus Rex Persiæ. Turcæ autem pluribus locis aucti sunt.

Anno 1728 Sultanus, bonarum artium amator, exemplo hætenus in Turcia non viso, typographiam Cpoli erigi curavit, opponente se licet Mussio, qui id religioni noxium censebat. Cui mox libri lingua Turcica, Arabica, Persica.

Anno 1730, postquam Sophus Tamas, per *Kulicannan* *Esfesso* *Kulican Tur-* ad interneccionem caso & interempto, Ispahanum Thronumque *cas profligat.* paternum receperat, urbes, ab eodem *Esfesso* Turcis cessas, repetit: cumque reddere nollent, bellum eis denunciavit. Accepta Cpoli denuntiatio, redditaque, protensa cauda equina. Sultanus ipse, præludens ruinæ suæ expeditionem suscepit. Sophus Tamas, vel potius Kulicanus, ipsius belli Præfectus, cum 50000 obviam processit, atque ad urbem Taurim ingenti Turcas clade prostravit. Impetu capta Tauris. Octo Tartarorum millia a Turcis ad Persas transgressa. Totus exercitus Turcarum aut casus, aut in præcipitem fugam averfus.

Tristis hic nuntius Cpolin perlatus, in tantam plebem furiosam egit rabiem, ut quidam, sublato Mahometis vexillo, turbam Sultan, in ad rebellionem concitarent. Huic conjuncti Janitsari, caput Vezir-carcerem, & aliorum duorum Ministrorum deposcebant. Sultanus furoribus his victimis satiandum sperans, misit. At effera plebs, carcere perfracto, Mahometem, depositi Mustaphæ II filium, eductum throno imposuit, Imperatorem vero suum Achmetem III, postquam 29 annos sceptrum tenuerat, in eundem carcerem detrustit. *Mahomet* *carcere ad* *thronum,*

## §. 3.

*Rebellio Cpoli recrudescit. Tamas Sophus, erutis oculis in carcerem trusus a Kulicano, & ejus filius infans ibrono impositus. Accipit a Turcis, & strenue reddit verbera. Confernatio Cpoli. Vizirius depositus. Bonneval Apostata. Ragozi obitus.*

834.

Mahometes V, Achmetis nepos, postquam 29 annos in carcere jacuerat, a Mustio coronatus, ne se absente nova seditio recrudesceret, Seraskierum adversum Persas misit, donec Vizirius esset constitutus.

Principi Ragozi, uti & Comitibus Bonnevallio, & Marfiglio, qui ad Turcas confugerant, pristina vitæ subsidia confirmavit.

Villenovanus Legatus Christianissimi Regis Peræ, Cpolis suburbio, magna solennitate celebravit nativitatem Delphini. Illuminatum erat ejus palatium multis, more Turcico, varii coloris, ampullis & lampadibus vitreis. Tormentorum e navibus Gallicis explosione datum festivitati initium. Dicta a P. Guardiano Capucinatorum panegyris, cantatus hymnus Ambrosianus, cum omnibus exteris Oratoribus hospites adhibiti mensæ 250. Christianis mancipiis (ad duo millia erant) missa ad triremes cibaria, exhibita a Turcis comædia.

Rebellio  
aliqua,

Anno 1731 turbulentum adhuc erat Turcarum Imperium; nam, cum auctores seditionis, superiori anno excitatæ, plecterentur, caritatem etiam alimentorum multi quererentur, bellumque a Persis, religionis confortibus, in Christianos transferri postularent, nova rebellio coaluit. Conglobata tria millia de plebe per urbem tumultuabantur, sed novus Vizirius, prælato Mahometis vexillo, 3500 armatos in eos duxit, & plerosque occidit. Primorum etiam Ministrorum capitibus, velut pilis, lusum.

Tamas a Kulicano in carcerem datus.

Bellum Persicum variante fortuna gestum est. Bis caesi Persæ, semel Turcæ. Tamas autem Rex in vitæ licentiam diffuens, turpem & Persicò nomini indignam cum Ottomannis pacem iniit, itaque quartam propemodum Persiæ partem ignavus cessit. Quam ob rem anno sequenti a Kulicano, supremo suo armorum Præfeco throno dejectus, & oculis orbatus in carcerem ductus est; ejus vero filius Abas III quinque mensium infans Rex proclamatus.

Kuli.



Kulicanus tutor Regis & administrator regni a Turcis provincias, per noxiam pacem a Sopho Tamas cessas, repetiit, cumque recusassent reddere, bellum eis denuntiavit. P. f. ad  
thronum.

Soltanus, convocato *Divano*, seu supremo suo consilio in *Seraglio*, seu palatium suum, & deliberatione de bello gerendo habita, omnes per *Asiam Bassas*, id est, provinciarum Gubernatores, adversus Persas valido cum exercitu procedere iussit, cui Osmanem *Seraskierum* sive Ducem praefecit; cum magni *Vezirii*, seu primi Ministri, cujus alias est majores exercitus regere, praesentia in Aula turbata esset necessaria. Kulican in  
Turcas.

Haud procul Bagdado commissum anno 1733 atrox praelium, quo tanta clade prostrati sunt Persae, ut Kulicano nihil superesset, quam simulata petitione pacis ad reparandum exercitum tempus lucrari. Quod ubi est consecutus, invasit Turcas, sui velut securos, grandemque ab iis reportavit victoriam. Culpa rejecta fuit in Principem Tartarorum, qui praedando retardati serius advenerant. Quo minus Kulicanus victoriae fructus legeret, obstitit novus exercitus, a vicinis Bassis in subsidium missus. Id tamen effecit haec clades, ut Turcae bello Polonico miscere se non possent. Clades data  
acceptamque.

Annus 1734 nullo justo praelio fuit insignitus. Vellitationibus secundis agebant Persae, & Bagdado incaustum tentato, Taurin cum aliis praclaris urbibus expugnarunt.

Comes Alexander Bonneval, Tribunus quondam Caesareus Bonmetai (quem ob delicta in carcerem datum, indeque elapsum ad Turcas Apostata confugisse alias diximus) abjurata religione Christiana, hoc anno, assumpto Achmetis nomine, circumcisis fertur, magna in sceleris praemium apud Sultanum valiturus gratia.

Kulicanus anno 1735 Bassam Temicensensem in Georgia oppressum gravi strage prope delevit. Tum vero adversus majorem multo & praecipuum Ottomanorum exercitum progressus, parva insigni victoria, hominem ei cladem intulit, cadentibus in acie 14 Bassis cum ipso Kiuperlo, supremo Turcarum Duce, castrisque direptis, omni opulentia plenis. In aërio castris 180000 thaleri leonini dicuntur inventi, quos Kulicanus inter strenuos suos pugiles distribuit. Kulican pro-  
Angli Turcas.

Ad nuntium tantae stragis tota Cpolis intremuit. Alii Bassa Magnus Vezirius depositus, suffectus Ismael, qui tamen & ipse post lapsum duorum mensium fuit deturbatus. Cum necdum satiaretur rabies furentis populi, sed Sultani quoque corona nutaret, is 50 rebellibus iussit caput demerj, aliis fauces elidi, aliis in exilium

Y Y Y Y

ejectis.

ejectis. Kulcanus victoria usus, Tifflin, & Irvanum, permunitas urbes Musulmannis eripuit.

Obitus Ragozi.

Obiit hoc anno Franciscus Leopoldus Princeps Ragozi Radossi in Turcia, anno ætatis 69, constans semper in fide Catholica. Anno 1701 e carcere Neostadiensi elapsus, reliquam ætatem in exilio egit. Conjugem habuit ex Domo Hassowanfridenſi. Josephus filius natu major mortuo patre Neapoli in Galliam profugit ad conjugem Bethuniam.

### §. 4.

*Kulcan Rex Persiæ sub nomine Sebach Nadyr cum Turcis pacem componit, restitutis finibus, qui ante bellum fuerant. Persicum bellum excipit Russicum & Hungaricum.*

355.

Cum durante hoc bello Persico Russi identidem apud Fulgidam Portam instarent, ut Tartarorum irruptiones in Russicas provincias earumque deprædationes coerceret, facileque appareret, Moscovitas illas non ultro inultas laturos, ne simul cum duabus potentissimis gentibus sibi bellum esset, omni studio in id incubuit, ut bellum cum Persis qualicunque pace finiretur.

Pax cum Persis.

Nec Kulcanus, ad solum Persiæ jam eveſtus, ut vulnera Persiæ, per tot annorum tumultus inflicta, perſanaret, alienum a pace, si honesta offerretur, animum habuit.

Sancita igitur pax ea lege, ut fines utriusque Imperii essent iidem, qui ante bellum & turbas Persicas fuerant: ut Persis Meccam ad sepulchrum Mahometis secure & absque vexigali peregrinari liceat: Kulcanus Rex Persiæ agnoscat: Russi, gens alienæ sectæ, a pace ista sint exclusi. Quam conditionem Kulcanus contra fidem datam adjlci passus est. (anno 1736.)

Cæterum, licet Persæ non minus quam Turcæ sint Mahometani, altera tamen gens alteram pro hæretica habet, quia Turcæ Omari, Persæ vero Ali interpretationem Mahometis sequuntur.

Finis belli Persici initium Turcis fuit belli Moscovitici; quod supra in Historia Russica fuit relatam.

Niemerovi congressus.

Anno 1737 magno Legatorum apparatu inchoatus est congressus Niemerovi urbe ditionis Polonicæ pro pangenda pace Russos inter & Turcæ, conciliatore Cæsare; sed cum Turcæ Asoffum repeterent, nullamque satisfactionem pro damnis præteritis, & securitatem

tatem in futurum præstare vellent, solutus est, bellumque acrius recrudit; Cæsare etiam in partem tracto, qui Turcis denunciaverat per Dalmannum, suum Cpoli Legatum, nisi pacem facerent, fœdere cum Russis se arma arripere coactum iri.

Magnus Vezirius depositus, quod Ozakovio non subvenisset. Idem fatum subiit successor, quod bellum non satis feliciter geretur, idem aliis; ut adeo ortum inter Veziriorum & occasum vix possis distinguere. Tantas mutationes traxit furor populi Cpolitani & metus Sultani; qui, tametsi summa potestate imperet, tamdiu tamen, prout tot funesta exempla demonstrant, coronam gestat, quamdiu plebi & Janitaris placuerit. Unde non raro Ministros etiam optimos plebejo furori suæque securitati immolare cogitur. Depositus etiam Tartarorum Chamus, quod lineam Præcopensensem negligentius defendisset.

Bellum cum  
Moscis,

Bonnevallius Apostata infamis Josephum Ragozium ex Gallia Cpolim pellexit ea spe, quod Sultani auxilio his belli motibus Transylvaniam sit recepturus. Sultanus, cum Principatum dare non posset, Principem dixit. Edito scripto Hungaros & Transylvanos sollicitavit Ragozium, sed hoc adhuc anno desideriis & spebus suis fuit immortuus.

Cæterum expeditio adversus Cæsareos nimium fortunata Tur- Et Cæsare.  
cis fuit, cæsis ad Banialucam, Cossavam, ad Timocum, & in Valachia dispersis Christianis copiis: Seckendorffio propterea in questionem vocato; prout in *Hist. Hungaria* memoratum.

Anno 1738 Turcæ Ussizam, Novam Orsovam cum gemina arce, Meadiam, Semendriam expugnarunt. Legatus Gallicus, Anglicus & Hollandicus, pro pace, cum Cæsare & Russia intercessere. Sed Musulmanni Assosium & Ozakovium repetebant, Cæsari nihil restitutori. Bellum igitur prosequi placuit sub novo Vezirio Mehemet Bassa: qui adversus Cæsarem missus est ad Danubium & Savum cum præcipuo exercitus robore, in Russos Tartaris ferme tantum expeditis.

Anno 1739 Ottomanni sub Vezirio Ali Bassa, occupatis jam accessibus, Belgradum expeditionis suæ finem statuebant. Suspensus ad id Wallisus ad *Kroskam*, pagum inter Belgradum & Semendriam me- *Kroskam*.  
dium, se opponere constituit; sed Turcæ, hoc consilium subodorati, prævenierunt, locoque ibidem & sibi & tormentis suis, quorum ingentem vim secum traxerant, electo, subeuntes ex saltuum & rupium faucibus Cæsarcos ita exceperunt, ut ingentem eorum stragem ederent, fugientesque persecuti etiam a Belgrado depelle-

Belgradum  
amissum.

rent, atque ad hoc, novis operibus permunitum, &, ut creditum, invincibile propemodum munimentum tota vi expugnandum incumberent Secuta est pax, pro Christianis sane dura. Amissum (Bannatu Temeswarino excepto) quidquid pax Passarovicensis attulerat. *De quo videatur Hist. Hung.*

### §. 5.

*Vezirius depositus ob pacem Belgradensem. Kulican Mogoria Imperatorem debellat, & vestigalem reddit. Ab Oriente in Occidentem reversus Turcas profligat.*

236.

Vezirius  
depositus.

Anno 1740. Plebs Cpolitana seditionem excitavit adversus Magnum Vezirium Mehemet Bassa, quod victoria Kroskana non melius situs, sed pacem cum Christianis pro opportunitate temporum nimis macram inierit. Sultanus & sapientiores, quamvis satis perspicerent, pacem cum duabus potentissimis nationibus non potuisse gloriosam magis utilemque confici, præsertim propter Belgradum & Orsovam reportatam, Vezirium tamen, ad sedandas populi turbas deponi oportuit, atque ad gubernationem Gedda amandari. In illius locum successit Nisange Bassa.

Alexander Gika, qui ad Belgradum interpretis munere fungebatur, Princeps Moldaviæ a Sultano fuit renuntiatus. Monumentum vero Chozim a Russis fuit rursus Turcis traditum. Tartarorum Principi suffectus Selimus Girey.

Quamvis anno 1741 Sultanus non levi tentatione pulsaretur ad invadendum, in illis Christianorum turbis Bannatum saltem Temesinum, sanctimonia tamen pacis Belgradensis generose eandem vicit, toto tempore belli Austriaci quietus.

Digressio Ulefeldio Pecklerus remanet Cpolin interpres.

Bassa, qui præpropere Chozimum Russis tradidisse fuerat accusatus, cute de corpore detracta, elisoque gutture periit, bonis omnibus publicatis. Ulefeldio Constantinopoli digresso, remansit Pecklerus *Residentis*, ut vocant, titulo. Romanzovius vero, post compositas varias de titulo & ceremoniis litibus, Cpolin ingressus est Legatus Russicus. Bonnevalius Præfectus Ægypti renuntiatus esse dicitur.

Anno

Anno 1742 jam iterum depositus Vezirius, Rhodum relegatus est in exilium; quia per avaritiam odiosum se reddidit apud Sultanium & populum.

Anno 1743 recruduit bellum Persicum; quia Turcæ volebant tradere ultimi Sophi filium, qui ad eos confugerat, cum Kulicanus coronam arripuit, & Persis negabant liberum Medinam accessum ad sepulchrum Ali, cujus interpretationem sequebantur Persæ, Turcæ vero Omari. Kulicanus seu *Schach Nadyr* aliquot in Turcomannia, & Diarbeckia loca eripuit. Igitur Cpoli caudæ equinæ e palatio Imperatoris sunt protensæ, copiæque in Orientem missæ.

Antequam autem hæc fierent, Kulicanus expeditionem in provinciam Candaharum suscepit, cujus famosi Miriweisii filius se Kulicanum Regem dixerat, atque hoc debellato in Magni Mogolis Imperio Mogoriam, eorum exercitum infudit, eique victo & capto coronam quidem restituit, sed plura regna & provincias detraxit, ac potentissimum Imperatorem sibi vespigalem fecit. Filius autem ejus Tartaros ad mare Caspium Persiæ subiecit.

Anno 1744 continuatum est bellum Turco - Persicum. Rex Kulicanus Nadyr cum 150000, ut fertur, armatis Babylonem movit (quæ *Bagdatum* hodie appellatur) eamque, omnia oppugnatione corona cinxit. Turcæ vero Sephium, qui ad eos confugerat, Regem Persiæ proclamarunt, ut eo nomine factiones in Persia excitarent.

Anno 1745 Sultanus Achmeti Seraskiero Mahometem, Bosnia Bassam, substituit; qui pugnandi avidus, Persas obvallatos aggressus, ingenti strage affectus est. Turcarum 30000 cæsa dicuntur, cum ipso Mahomete belli Imperatore. Contremuit iterum Cpolis ad nuntium cladis, & prope a seditione aberat. Accessit grande incendium officinæ navalis, quo 18 bellicæ cum omni apparatu nautico conflagrarunt.

Anno 1746 pax inter Persas & Turcas fuit constata, cujus basis statuitur determinatio finium utriusque Imperii, qualis prioræ sæculo sub Amurathe IV fuit. Plura etiam statuunt de unitate religionis; & peregrinationibus Meccam, quam Turcæ & Persæ sacram habent, quia in ea natum credunt prophetam suum Mahometem, & Medinam, ubi sepultum putant.

## §. 6.

*Kulican sectam Turcarum proficitur. Induciæ, pace Belgradensi 1739 initæ, ad 30 annos prorogata. Illustres Vizeriorum & Bassarum rutinæ. Bonnevalii interitus. Kulicanus peremptus. Schach Adil Cidarim rapit, non sine novis motibus. Mahometi V succedit Osmanes III, & huic Mustapha III. Periculum Melitæ ob navem Turcicam.*

227.  
Kulicani  
secta.

Sophus in  
carcere.

Hactenus Turcæ & Persæ, quamvis utrique Mahometem & Alcoranum colerent, tanquam hæreticos se invicem insectabantur, quia Turcæ Sonnisticæ erant sectæ, quæ Omari interpretationem sequebatur, Persæ vero Siatisticæ, juxta Alii diversam Alcorani interpretationem. At vero Kulicanus Sonnisticam Turcarum sectam professus, in tota Persia illam introduci voluit. Hinc Mustius pacem cum Persis, seu religionis fociis, urgebat, & arma in Christianos converti voluit. Sophium autem, quem Regem Persiæ antea Turcæ proclamaverant, perpetuo carceri incluserunt.

Pencklerus, qui Cpoli residebat, tanquam Orator extraordinarius Cæsareus est deputatus, ut Sultano Francisci I electionem ad Imperatoriam dignitatem nuntiaret. Sed quia in litteris mandati viscebatur titulus Regis *Jerosolymæ*, non fuit admissus, donec alias litteras Viennæ obtinuisset.

Anno 1747, postquam Mahometes V facta cum Persis pace, copias suas ex Asia reduxerat, periculum fuit, ne, conversis in mutuam perniciem Christianorum Principum armis, Hungariam invaderet. Sed Penckleri Cæsarei, Porteri Anglici, & Neplefii Russici, Legatorum industria effectum, ut induciæ, anno 1739 ad Belgradum initæ, ad 30 annos prorogarentur. Imo tractatus etiam commerciorum cum Porta initus a Cæsare ratione Florentiæ, moxque naves onerariæ ex portu Liburno Cpolin trajectæ sunt.

Castellanes Legatus Gallicus, quod negotia cum Porta minus feliciter gessisset, cum Desallerio est commutatus. Russicus graviter questus de iterata Tartarorum Crimensem in Ucraniam irruptione. Citatus Cpolim Chanus, tanquam Vassallus, & reprehensus, quod inquietos & rapaces suos subditos non magis contine-

ret.

Tractatus  
commerc.  
cum Turcæ.

ret. Misere hoc anno prope Cpolim periit famosus Comes Alexander *Bonnevalius*, transfuga & turpis Apostata, æt. 75, sub nomine *Bonnevallii*. Osmanni Bassæ; cuius vitam degenerem quidam scripsit. Solymannus filius ejus adoptivus hæreditatem petiit, quam Vizirius obsequaverat. Moldaviæ Princeps (*Hospodarem* appellant) a Sultano præfectus Valachiæ, & hujus Princeps, mutatis clypeis, Moldaviæ. Piget scribere, depositum Vizirium, pluresque Bassas ac Ministros Aulæ Ottomanicæ; quia nihil frequentius, quam ascensus & descensus. Sed non Turciæ duntaxat, sed mundi est genius, ut adeo dici possit non raro, quod Tullius quondam, dum Julii Cæsaris tempore plures brevi Consules Romani fuissent evecti dejectique, dixisse fertur: *properemus gratulatum, dum adhuc est Consul.*

Interitus

Bonnevallii.

Mundi genius.

Grande hujus inconstantiae, & humanarum dignitatum, sursum deorsum euntium, documentum est etiam Persia. Quantas illa vel solo dimidio hoc sæculo tragicas mutationes revolutionesque vidit! *Kulicanus Nadyr*, magnus ille bellator, alterque Tamerlanes, qui Persia subjugata, Sophis Regibus dejectis, Esfresso tyranno interempto, Magno Mogoriæ Imperatore sub jugum misso, Magno Turcarum Monarcha sæpius devicto, atque ad pacem adducto, Persiæ solum apicemque gloriæ scanderat, hoc anno 1747 Isphani proprio in palatio, a suis Ducibus barbare fuit interemptus, & quidem consilio & mandato sui agnati *Ali Kulicani*, qui per gradus, parricidali sanguine cruentatos, ascendit ad thronum Persicum, *Schach Adil*, quod Justum dominatorem signat, assumpto nomine; qui mox ad Sultanum Oratorem misit, ut pacem confirmaret. Lue contagiosa, quod frequens, Cpoli grassante, Imperator, Mustio depositus, urbe excessit, sequentibus Legatis exterorum Principum. (1748.)

Schach Nadyr interemptus.

Schach Adil.

In locum Musti depositi, Mahometes V succedit Effatum Esfendi; qui tamen mox anno sequenti, quia cum Vezirio non conveniebat, Synopen ad mare Euxinum in exilium migrare debuit.

Novus Persiæ Rex Adil, solum per cruentatos gradus Persiæ ascendens, bello est appetitus a nepote Kulicani; qui tamen ad urbem Taurin prælio victus est. (1749.)

Suecia, conquesta per Legatum de bellico in Russia apparatu, fœdus cum Turcis renovavit (1750.)

1752. Obiit Princeps Wallachiæ Georgius Gika, Græcanicæ religionis. Principatum vero emit a Sultano ejus filius Mathias Woda. Mehemetes Vizirius, ad sedandum populi tumultum depositus,

Part. X.

Z z z z

tus,

tus, Cairo in Ægypto præfectus est. Anno sequente Hollandis Mercatoribus, ad preces Legati, permissum, ut Cpoli templum erigerent.

Obiit Mahomet V.

Succedit frater Osmanes III. pacificus.

Anno 1754 obiit *Mahomet V* Turcarum Imperator, æt. 59, Imperii 25. Vizirius, Janitariorum Præfectus, Turcicæ superstitionis Præfes, cum Imperii Cancellario, aliisque Ministris præcipuis Sultanum renuntiavit *Osmanem III*, defuncti fratrem, anno 1699 natum, Principem mansuetum, & amantem pacis; quod, ut etiam Mustapha III successsor, satis demonstrarunt bello ultimo, dum nullis flagellis ad frangendam pacem impelli se permiserunt. Apud Turcas nulla coronatio est usitata: sed post juratam Alcorano & Mahometi fidem Mustius, tanquam supremus sacrorum antistes, novo Imperatori acinacem circumdat.

Petrus *Schwachelmus* in munere Legati Cæsarei sublevavit, Henricum *Pencklerum*, qui 14 annis apud aulam Turcicam illud gesserat.

Annus 1755 præter Mustium quatuor Vizirios depositos vidit, totidemque novos, aula æstus instar marini influxus & refluxus agitata. Mirum, tales a mortalibus Appeti Dignitates, quæ dum oriuntur moriuntur.

Melitæ periculum obnavem Turcicam.

Bello ultimo, inter Europæos Principes anno 1756 exorto, Turcia se non immiscuit, fide induciarum sancte servata. Annus tamen 1760 facile magnum potuisset excitare incendium. In navi Turcica, quæ singulis annis tributum in Archipelago colligit, vehabantur 70 Christiana mancipia. Hæc cultris armata, 300 Turcas, qui erant in navi, aggressi, alios occiderunt, alios, ut in mare proflirent, adegerunt, navique potiti, velis explicatis, Melitam eandem deduxerunt, cum præda non exigua.

Sultanus ira commotus minitatur Insulæ excidium, nisi navis illa sibi ocius restitueretur: cumque Melitenses navem retinerent, magnum classiarum apparatus instruit. Verum conciliatore Gallico Legato, restituta a Melitenfibus navi, tempestas conquievit; quamvis Equites jam ex omni Europa Melitam fuissent evocati, seque Insula ad fortem & magnanimam defensionem, reparatis munitis, præparasset.

Quan-



Quanta autem fide Turcia pacem servabat cum Christianis Principibus, bellis se se atterentibus, tantum barbarum eidem concivit plurium Basiarum rebellio, & Persiæ, a 40 jam annis perpetuis motibus agitata, vicina.

Imperarunt autem hoc sæculo Sultani, Mustapha II ad annum 1704, Achmetis III ejus frater ad annum 1730, quo fuit depositus. Sultant, Mahomet V, Mustaphæ II filius, ad annum 1754, Osmannus III, ejus frater. Mustapha III, Achmetis III depositi filius, qui ab anno 1757 in hodiernam diem feliciter imperat. Ultimus erat suæ familiæ; jam vero natus est ei filius ingenti cum plausu & jubilo totius Constantinopolis.

## §. 7.

*Concilium Montis Libani. Anno 1738.*

Huic synodo orthodoxæ interfuere, cum Patriarcha Antiocheno Praside, 14 Episcopi Maronitæ, duo Syri, totidem Armeni, multi Abbates, alique de Clero, Ecclesiæ Romanæ unito, plures. Recepta in illa Decreta, a Sacra Congregatione de Propaganda Fide eidem proposita: actumque de limitibus & divisione Diæcesium: de subsidio, Episcopo conferendo, dum sacros Ordines confert, & sacrum oleum distribuit. Quia scilicet propter Turcarum persecutiones & oppressiones non habebant Episcopi, unde viverent.

Benedictus XIV Romanus Pontifex anno 1741 hanc Synodum confirmavit, prout in Constitutionibus hujus Pontificis Parte XI, memorabitur, sub clausula tamen, in Approbatione Conciliorum Orientalium consueta, quod scilicet Pontifex per eam approbationem nihil derogatum velit Constitutionibus Antecessorum suorum Ecclesiæ Universalis Antistitem, & Conciliorum Generalium Decretis super ritibus cæterarum Nationum.

## CAPUT XIX.

## Compendium Belli novissimi.

## Art. I.

*Bellum Boruffo-Austriacum, ab anno 1756 incobatum.*

239.

Origo Aca-  
dia.

**B**ellum grave, & in hanc usque diem magna animorum viriumque contentione gestum, quodque omnem prope Europam (ut fert hodiernus bellorum usus) in partes traxit, brevi, quod soleo, stylo adumbrare aggrediar. Origo illius ex novo orbe accersita. *Acadia*, Borealis Americæ pars, Gallos inter Anglosque, incertis limitibus, controversa, gentem utramque bello collisit, cæpto ab Anglis direptione navium.

Fœdus Angli-  
cum.

Cum autem metueret Anglus, ne Gallus, Batavis medias partes amplexis, Hannoveranas provincias invaderet, cum Boruffo sub initium anni 1756 Westmonasterii *fœdus* iniit, 4 articulis comprehensum, quibus Germaniæ securitati cavetur, ut, si exteri copias in Germaniam ducerent, pars utraque junctis viribus resisteret. Subscripserunt pro Rege Angliæ Hardvicius Cancellarius, Granvillus Arcani Consilii Præses, Hollesius Dux de Newcastle Thesaurarius, Holdernessius Status Secretarius, & Toxius pariter Secretarius Status. Pro Rege Boruffiæ vero Michelius Legatus.

Gallia hoc fœdere se peti rata, 1 Maji 1756 Versaliis *Neutræ* Tractatum iniit cum Imperatrice & Hungariæ, Bohemiæ &c. Regina, cui & ipsi fœdus illud Angliæ cum Rege Boruffiæ non admodum placuit. Convenit, ut Regina turbis Americanis se non misceat, sed cum Gallia amicitiam servet, neutrique parti se addicat; Rex vero Christianissimus nec Belgium nec alias Reginæ provincias aggrediatur. Quod etiam Regina respectu ditionum Galliæ promittit.

Gallo-Au-  
striacum.

Eadem die Versaliis additus est tractatus *mutuæ defensionis*, in neminis præjudicium, sed ad firmandam magis inter utrumque contrahentem pacem & amicitiam, conservandamque Europæ quietem. Novem constabat capitibus.

I. Sit perpetua & seria amicitia & unio inter Regem Christianissimum, & Reginam Hungariæ, Bohemiæ &c. eorumque hæredes & successores, provincias, & subditos, sine omni exceptione, aut quocunque prætextu.

II. Pax Westphalica, omnesque postea inter utramque Majestatem initii tractatus pacis confirmantur, ac si de verbo ad verbum essent inserti.

III. Regina pro omnibus terris & dominis, quæ rex in Europa possidet, spondet cavetque, solo præsentis bello, inter Galliam Angliamque excepto.

IV. Rex vero promittit, omnia regna & dominia Reginæ secundum ordinem Sanctionis Pragmaticæ contra quoscunque invasores defendere.

V. Vi mutuæ hujus sponsonis & cautionis pars utraque unitis viribus ad pacem conservandam incumbet, atque ad avertendam invasionem hostilem officia sua pro viribus interponet.

VI. Si autem bona officia non sufficerent, pars altera in vaso cum 24000 viris armatis assistet; excepto tamen rursus præsentis bello, Franciam inter & Angliam exorto.

VII. Hæc subsidia constent 18000 peditibus, & 6000 equitibus, mittentis sumptibus alendis. Pars impetrans vero illis de hybernæ providebit, illique liberum sit, pro illa militia pecunias exigere, de mense ad mensem solvendas, ita, ut pro mille peditibus 8000 floreni Rhenani mittantur.

VIII. Pars utraque sibi reservat jus, alios quoque huic tractatui, qui mere est defensivus, associandi.

IX. Hunc Tractatum utraque Majestas propria manu ratum habebit, & intra 6 menses ratificationes mutuo commutentur, vel adhuc citius, si fieri possit.

Subscripserunt nomine Regis Rovilleus Status Secretarius, & Petrus de Bernis Abbas Metensis; nomine Reginæ vero Comes Georgius Stahrenbergius, Cæsarearum Majestatum apud Christianissimum Regem Orator.

Additi sunt duo articuli separati. 1. Quod neutri parti debeat esse præjudicio, quod alterius nomen priori loco in hoc tractatu sit positum. 2. Neque, quod lingua Gallica fuerit conceptus.

Jam antequam Tractatus iste esset conclusus, mense videlicet Aprilis, Gallica classis ex portubus Brestano & Telonis Martii ex Minorca, currit, atque a Duce Richelio Minorica fuit expugnata, cum Por-

tu Magonis & S. Philippi munimento, cum ingenti Anglorum dolore, quem sensit Bingius, eorum archithalassus, morte multatus.

In Germania interim vere & æstate servebat apparatus belli. Borussus Horneburgi in Principatu Halberstadiensi 40000 castra posuit: in Bohemia quoque & Moravia colligebatur miles.

Regina autem per suos apud exterarum aularum Ministros palam est contestata, Tractatum cum Francia initum mere esse defensivum, sparsos autem rumores de contentis in eo privatis articulis, de Silesia recuperanda, de electione Romanorum Regis, deque causa Principis Hassiæ conversi, omni carere fundamento. Collectas aliquas in Bohemia & Moravia copias ad nullius læsionem pertinere, sed propter ingentes belli apparatus, quos Rex Borussia faceret, in omnem casum aggressionis, ad vim vi repellendam, præparatas.

Rex Borussia vero copias Bohemicas, & Russicas, Curlandiæ imminentes, obtendens, per Klinggräsum, suum Viennæ Legatum, declarari præcise postulavit, an bellum sibi hoc vel sequenti anno sit inferendum. Mirata Regina, cum stabilem pacem, & non ad unum annum duntaxat, vel alterum annum extensam, iniisset, super præciso hoc postulato, respondit, videri Regem hoc, coronata inter capita inusitato, quæstionis modo, bellum querere; cum pax inter eos Dresdæ constans esset sancita, neque data sit Regi causa ad ejusmodi diffidentiam. Cæterum nullum cum Moscovia pactum esse initum ad invadendum Regem Borussia.

Borussus in  
Saxoniam

Rex hac declaratione non contentus, cum, & sibi & militibus suis ingenti confusus, bellum appetere videretur, tribus agminibus, quorum unum ipse, alterum Ferdinandus Princeps Brunsvicensis, tertium Beveranus ducebat, in Saxoniam movit, totamque, nemine obistente, occupavit, ut provincias suas ex hoc latere, ut agebat, tegetet, restituendam, ubi præsentis defunctus esset periculo, sacri instar depositi. Sed an depositi leges observatæ fuerint, judicent alii.

Ut hunc in Saxoniam ingressum orbi probaret, necessitatem opposuit præveniendi Austriacos, & terrarum suarum securitati prospiciendi, optare se, propediem adesse felicem horam, qua illam Electori possit reddere. Quantas autem deinceps misera Saxoniam sit passa calamitates, notius est, quam ut referre sit necessum.

Quin illico in Bohemiam irrueret, remoram aliquam injiciebat miles Saxonicus, in castris ad Pirnam munitis se continens, quia nihil a tergo volebat intutum relinquere. Quæ mora *Bruno*, quem

Regina

Regina belli Imperatorem designaverat, spatium aliquod concessit, ut posset ad tutandos fines legiones adducere. Castra autem metatus est ad Budinum.

Cum igitur Rex cerneret, Saxones in castris, natura & arte permunitis, hinc Königsteinio, inde Sonnensteinio tectos, montibus. In Bohemiam. que ita esse obvallatos, ut temerarium foret, eos aggredi, parte exercitus ad illos includendos relicta, cum altera in Bohemiam progressus in ipsis finibus ad Petrovaldam, repulsis ter a Peronio Borussis, damnum passus est.

Tandem vero 1 Octobris (1756) ad Lobosicium oppidum uterque exercitus in conspectum venit, commissaque pugna admodum cruenta, de qua pars utraque victoriam sibi attribuit. Dicebant Borussi, quamvis magno sibi labore & sanguine, ob depellendos ex collibus & vinetis Austriacos hæc pugna, a septima matutina ad se. Pugna Lobosicia. cundam usque pomeridianam continuata, constiterit, victoriam tamen penes se stetisse, cum Austriacos acie depulerint, multisque eorum cæsis, 700 cum Lobcovicio captivos abduxerint.

Austriaci negabant, se acie excessisse, sed tota nocte in eadem perstitisse, primumque altera die in castra Budinum se recepisse, quia annonam suam & impedimenta in iis reliquissent: Borussos numero fuisse multo superiores, & ignium celeritate continua obstitisse, quominus Austriaci plenam referrent victoriam: plures tamen hostium cecidisse, Regemque ipsum mox in Saxoniam se recepisse, expertum robor militiæ Austriacæ: magnam laudem tribuunt etiam Odonello Hiberno, & Radicato Pedemontano, qui in acie cecidit.

Quin imo Brunius cum selectis octo millibus expeditionem mox in Saxoniam suscepit, ut inclusum Saxonicum exercitum liberatum sibi associaret. Sed, quamvis Austriaci per plures dies in loco conjunctionis condito expectarent, Saxones tamen non comparebant; unde illis, omnium rerum penuriam passis, ad castra Budinum recedendum fuit, effectu salubriter destinata destituente.

At caro stetit Saxonis copiis sua mora, sive eam impossibilitati, sive corruptæ fidei imputes; nam, cum evadere tentassent, a Borussis circumfusæ, captivas more militari se tradere coactæ sunt. Sed Borussi in fidem Regis adactas, sua sub signa coegerunt, deplorabili sane & exitiali fato florentis exercitus. Rex nihilominus suos ex Bohemia eductos, ubi aerem minus salubrem fenserant, per Saxoniam in hyberna distribuit.

Saxones  
obtruncantur.

Rex

Rex vero Poloniæ, postquam Saxones Borussia se dediderant, cum filiis, Xaverio, & Carolo, Varsoviæ abiit, Regina cum Principe Electorali Dresdæ remanente, atque ad calamitates forti animo ferendas pectus obfirmante.

Interea vero, dum hæc in Saxonia & Bohemia agebantur, alius Borussia exercitus, qui 33 cohortibus & 55 turmis constabat, Schwerino duce e Silesia in Bohemiam prorupit, cui oppositus erat Princeps Piccolomineus. Nulla inter eos iusta conferta pugna, plures tamen acres velitationes, fortuna ferme alternante, quin pars altera posset alteram loco opportuno depellere. Austriaci autem ad Regiæ Gradecium, Borussia vero ad Jaromirum castra, ex quibus utrinque procursum, collocaverant. Tandem vero hyeme appetente, Schwerinus cum suo milite Glacium & in Silesiam ad stativa rediit, Austriaci in Bohemia persistentibus.

## Art. II.

### *Prosecutio Belli anno 1757.*

#### §. 1.

#### *Bellum Austriaco-Borussicum.*

240.

Neque tamen quieti vel hyems fuit. Variis procurfionibus actum, commissaque velitaria certamina. Prima Januarii 1757 Loscius (magni illius 1750 in Russia defuncti Mareschalli filius) ad Ostetricum Borussia oppressit. 20 Febr. Maquirus, natione Hibernus, excursionem in Lusatiam apparavit, misso cum levioris armaturæ milite, Löwensteinio, Lichtensteinio, & Laudono, qui, ad Hirschfeldam in Lusatia velitari cum Borussia concursu, rem fortiter gesserunt, & feliciter, ad Zittaviam usque propulso hoste.

Carolus Prin-  
ceps belli  
Imperator.

Parabatur inter hæc strenue bellum, ad expeditionem anni 1757 traductæ in Bohemiam Italicæ & Belgicæ copiæ, auxilium Hungaricæ, duæ legiones a Moguntino & Heribopolitano submissæ, singulæ legiones Equestres mille capitibus constare iussæ. Suppletos solerter hiatus, quos bellum prioris anni intulerat, commutati aut redempti captivi. Aliquot legiones Ulanorum ex Polonia cum quatuor Saxonicis adductæ, hisque omnibus supremus belli Imperator impositus Princeps Carolus, Cæsaris Frater, ex Belgio advectus, cui Brunius

datus

datus Legatus : Kollovratus Moraviæ præfectus. Accefferunt Nobilissimi Volones, Xaverius & Carolus Saxoniae Duces, Principes, Bipontinus, Mutinensis, Ludovicus Würtembergicus, ac demum etiam ipse Dux regnans Würtembergiæ cum legionibus suis; quæ tamen, cum invitæ adversus Borussia irent, non exiguas ei molestias facebant.

Nec minus Borussia, quamvis jam aliis copiis abundaret, impigre se armavit, præsertim per Saxoniam, quæ & argentum & supplementa contribuere non parce jubebatur, sacro deposito strenue in usum verfo. Nec deerant volones infignes, Dani, Batavi, Baruthani, Brunsvicensis. Instruxit etiam quatuor levioris armaturæ procurforum agmina, contra Hungaros, Croatas, Sclavonios, sub Noblio, Mayrio, Kalbeno, Angello Italo, tribunis.

Austriaci 20000 sub Principe Armburgo ad Egram collocaverant, ut Desflavio opponerentur, ad Chemnitium metant. Quippe Rex Borussiae quatuor agminibus in Bohemiam movit; quorum primum, quem dixi, Desflavio Egram versus ducebat, plus terroris, quam vis illaturum. Alterum Rex ipse in Montem Album ad Pragam ducebat. Tertium sub Beverano ex Lusatia in Bohemiam irrupit, atque 21 Aprilis ad Reichenbergam Austriacos in fugam compulit. Quartum Schwerinus ex Silesia duxit, atque ad Pragam cum Rege se conjunxit.

Sexta Maji ad Pragam cruentum omnino commissum est praelium. Rex dextrum cornu tuebatur, Schwerinus laevum; in hoc pugna Præ- tanto impetu Austriaci invehebantur, ut, multis cæsis, ter illud regni- genis. pellerent, ipsum Schwerinum, quo Ducem & bellatorem majorem Rex non habuit, exanimem sternerent; sed hac ratione, cum Aus- Sverinus occumbit. triaci in dextro cornu fugientem hostem insequerentur, divisa fuit ala dextra a sinistra; quod, cum cerneret Rex, in mediam vacui- tatem se injectit, atque, advocatis novis copiis, totum eornu circumdedit, tantaque vi incubuit, ut victores fugam circumspicere coacti, qua cuique patebat via, diffugerent; pars tamen eorum aliqua, viam per medios hostes sibi aperuerunt, ut cum sinistra ala conjuncti, cum illa Pragæ, ad eam defendendam, sese injicerent, reliqui vero dispersi Benefschavii rursus se congregarunt, atque sub Beckio non levi hosti plagam intulerunt.

De numero caſorum & captorum nihil certi ſtatui poteſt; quia, ſicut amat contingere, pars utraque cladem ſuam minuere, & alteram augere ſatagit. Hoc certum, quod plurimi utrinque ceciderint, ſauciatique fuerint; quos inter etiam erat *Brunius*, paulo poſt deſunctus Pragæ.

Et *Brunius*.

Obſidione hac victoria Rex Pragæ obſidione cingere conatus eſt. 19 Maji majora ad eam oppugnandam tormenta ſunt adveſta. Quia autem magna exercitus pars in urbem conſugerat, non audebant Boruſſi irruptionem tentare, ſed tormentis & ignibus miſſilibus non tam munimenta, quam domus quatiebantur. Faſta eſt quidem terna eruptio e civitate, ſed quia Boruſſi ſuggeſtibus circum urbem erectis, tormenta undique in ſubeuntes habebant diſpoſita, non magnum inde emolumentum capi poterat.

Obſidio Pragæ.

*Mayer* procurſor.

Interea autem, dum Pragenſis obſidio ſerveret, *Mayerus*, notus procurſor, per Bohemiam, Palatinum, Franconiam vagatus, cum aliquot millibus per horrea annonaria ſparſit incendia, & tractum Norimbergensem, Schwobacensem, Fürthanum, Hohenloensem, aliosque vicinos hoſpitatione militum, & exactionibus oppreſſit (ſolo agro Baruthano immuni) donec a Bambergensi & Herſepolitana militia terris iſtis depulſus, ad Regem in Bohemiam rediit, ſimulque Danubium, Nicarum, Mænum ab ingenti, quem incuſſerat, metu, aliquantum liberavit.

Creditur, hæc expeditio, quæ plus terriculamenti, quam virium habuit, a Rege adornata, in vindictam, quod Comititia Imperii Ratiſbonæ, reclamantibus licet vehementer quibusdam Proteſtantibus, bellum in Boruſſum, ceu Imperii inſaforem, per majora multo ſuffragia decreverint, *Tripla* pro rata imperato.

Ex eodem fonte profluxit altera Boruſſorum in Thuringiam, adverſus Erfordiam maxime, ſuſcepta expeditio prædatoria. Tradita urbs, præſidio in arcem conſugiente. Exacta vis ingens pecuniæ, quæ cum repræſentari non poſſet, abducti obſides.

Interea pugna *Planiana* ſeu *Collina* rerum ſtatum vehementer immutavit; quippe poſt prælium Pragenſe 16000 Auſtriaci, qui in dextro cornu ſtrenue dimicaverant, ab hoſte circumfuſi, aperta ſibi ferro via, cum re tormentaria & impedimentis Beneſchavium penetrarunt, eiſque jungebantur Moraviæ copię, atque illæ, quas *Daunius* Dux Mareſchallus Leopoldus Comes *Daunius* ex Auſtria recens adduxerat, & quæ ſub Piccolomineo ſteterant, ut adeo juſtum 50000 conſtituerent exercitum. Cum hoc Daunius, ſupremus ejus Præſectus & *Nadaſtius* Equitum Magiſter quartis caſtris inter plures velitationes

*Daunius* Dux Mareſchallus Leopoldus Comes *Daunius* ex Auſtria recens adduxerat, & quæ ſub Piccolomineo ſteterant, ut adeo juſtum 50000 conſtituerent exercitum. Cum hoc Daunius, ſupremus ejus Præſectus & *Nadaſtius* Equitum Magiſter quartis caſtris inter plures velitationes

nes



nes ad Planianum pervenit. Rex Borussiae, relicta ad obsidionem Pragae copiarum parte, praelii percupidus supervenit. Commissa ita <sup>Pugna Pl</sup>que pugna acerrima. Repressi septies incurrentes Borussi, magna <sup>niana.</sup> cum strage.

Videbatur magnanimo Regi, victoriis assueto, impossibile, tergum hosti vertere; sed tandem, ni totum vellet immolare exercitum, Austriae virtuti cedendum fuit, relicta huic plena victoria (18 Junii 1757). Secundum relationem Austriacam Borussus uno hoc pertinaci praelio amisit viginti virorum millia; ex quibus 6500 in acie occubuerunt; capta supra septem millia; 3000 desertores recepti, cum 22 signis militaribus, 45 tormentis majoribus, multisque curribus armamentariis & annonariis. Ex Austriacis non ultra 6000 desiderata memorant.

Magna ex illa die Daunii fama, uti etiam Nadasti, (qui cum decem, ut fertur, millibus Equitum ultima impressione facta, fessum hostilem fregit exercitum) aliorumque Ducum, quorum virtus bellicae peritiae enituit. Allam, ab hac relatione diversam ediderunt Borussi, jacturam suam minucentes.

Magnitudo tamen victoriae ex nullo certius, quam effectu potest colligi. Soluta mox Pragae obsidio, ubi jam ultima prope erat <sup>Soluta Pra-</sup>cibarium caritas. Tribuni Keith castra, quae in Monte Albano <sup>ga obsidio.</sup>habebat munita, a Carolo Principe in fugam compulsa, 800 Borussorum caesis, 1100 fauciatis. Praeterea 1800 aegri ac vulnerati reliqui dicuntur, octo machinae majores, aliusque locuples belli apparatus. 380 a *Laudobno*, fugientibus insistente, capti.

Abacto sic Borussico exercitu, 44000 Austriacorum Praga egressa, cum Dauniano victore exercitu se conjunxerunt; atque expugnata Gabela Borussos tota Bohemia expulerunt. <sup>Borussi Bo-</sup>Quin *Zittavia*, a <sup>hemia pulsi.</sup>Putkamero Pomerano defensa, in bustum ferme conversa, atque <sup>Austriaci in</sup>ad deditionem compulsa, in interiora Lusatiae, pluribus urbibus <sup>Lusatiam.</sup>interceptis, penetratum, Borusso ubique cedente.

Sed non modicum detrimentum Austria passa est jactura Maximiliani Ulyssis *Brunii*, seu *Browni*, ex vulneribus, in pugna Prageni accepto, 26 Junii Pragae mortui. Ex nobili atque Catholica Hiberniae <sup>Obit Bru-</sup>familia erat oriundus. Pater ejus anno 1690 cum Jacobo II patria <sup>nus.</sup>egressus, Caesari deinceps militavit. Filius ejus Ulysses, natus anno 1705, per varios militiae gradus ad summum armorum imperium est elatus; quod in Italia & Bohemia praestata cum, laude gessit. Aurei Velleris Eques, Gubernator Transylvaniae, ac postea, ad bellum Borussicum evocatus, Praga praefectus est.

A a a a a

Baro

Janus in Si-  
lcia.

Baro Janus, excubiarum Præfectus, Protestanticæ licet profes-  
sionis homo, Domui Austriacæ fideli obsequio adhærens, mense Ju-  
lio Silesiam cum manipulo ingressus, Landishutum & Strigoviam  
occupavit, cæso Creuzenio Schweidnicii Præfecto. Sed cum Bo-  
russi augerentur, montium præsidio defendere se debuit.

Winterfeld  
cæsus.

Aliam felicem expeditionem Carolus Princeps contra *Winter-  
feldium* prope Görlitium in Lusatia adornavit. Pugnatum acriter;  
viæti Borussi, vulnerato lethalter ipso Winterfeldio, cum 2000  
aliis, cæsis aut captis. Rex mortem Winterfeldii magis, quam co-  
piarum jacturam deplorasse dicitur. Natus fuit in Uckermarchia,  
Dux belli præstans, Colbergæ Præfectus.

5 Sept. Austriaci *Budissam* occuparunt, capto præsidio. Bo-  
russos dein Silesiam ingressos insecuti sunt Austriaci, commissis al-  
quot velitaribus certaminibus. Occisus Tribunus Vettes, Hun-  
garus.

Expediçio  
Berolina.

Memorabilis est expeditio, quam Andreas *Haddick*, nobilis Un-  
garus, castrorum Præfectus, Berolinum mense Octobri suscepit.  
Cum 4000 solummodo militibus potissimum Hungaris *Berolinum* pro-  
fectus, a Magistratu civico, misso tubicine, 30000 thaleros pe-  
tiit, & Deputatos, cum quibus paciscatur; nisi intra horæ spatium  
venirent, plumbeos imbres comminatus. Cum autem civitas in  
dando responso moras neëteret, quatuor machinis suis campestri-  
bus catenas, quibus sublicius pons suspendebatur, perfregit, ut  
pons decideret. Unde per portam cum suis irruens obistere con-  
atos stravit, & suburbium occupavit, Regina Spandavium receden-  
te. Postquam autem Deputati 185000 Imperiales præsentave-  
rant, Haddicus (accepto nuntio de accelerantibus subsidii) re-  
cessit in Silesiam ad exercitum. Borussi aliter non nihil hanc irruptionem  
retulerunt; negare tamen non possunt, totum Berolinum in-  
gente terrore fuisse percussum.

Schweidni-  
cium captum.

12 Nov. Austriaci, Bavari, & Wirtembergenses, *Schweidni-  
cium*, in signe munimentum, magna fortitudine trium hebdomadam  
spatio expugnarunt, capto præsidio. Oppugnationem dirigebat  
Nadaustius.

Victoria  
Preslaviensis.

Post expugnatum Schweidnicium Austriaci Principem Bevera-  
num, qui cum 40000 ad *Uratislaviam* munitis se castris continebat,  
adorti sunt trino aggressione loco, perruptisque munitionum re-  
pagulis, plenam victoriam reportarunt (22 Nov.). De occisorum,  
captorum, fauciorum, desertorumque numero nihil certi statui potest,  
cum relationes toto cælo distare videantur. Hoc solum dici potest,  
fuisse

fuisse utrinque magnum. Borussi noctu partim Uratislaviam fugerunt, partim Viadrum transgressi se collegerunt. Victores vero in hostium castris sub armis perstiterunt.

Fructus victoriæ, præter gloriam, grandemque apparatus *Beveranus* bellicum, fuit geminus: 1 Dux *Brunsvico-Beveranus*, supremus capius, hujus exercitus Imperator, dum 24 Nov. ad recognoscendum prope solus egrederetur, captus, & Znoymam in Moraviam abductus. *Preslavia* 2 Urbs *Uratislavia*, omni opulentia plena deditione accepta, præscripta. *Glogaviam* abducto.

Anni 1757 (quo plura, quam toto reliquo bello gesta sunt) initium res Austriæ in magnum discrimen adduxerat. Pugna Pragensis infelix, triurbs valde oppugnata. Medium plenum erat gloriosis victoriis. Planiana clades hostem ferocem fregit, & Bohemia expulit. Lusatia & Silesia illata victricia signa: cæsus Winterfeldius, expugnatum Schweidnizium: hostis, castris licet munitis obvallatus, ingenti prælio ad Uratislaviam victus, urbs ipsa Silesia princeps subacta. Sed finis infelix fatalem annum clausit catastrophe, una die (quæ est rerum humanarum vicissitudo) adimente, quod totius prope anni expeditio large contulerat.

Quippe Rex Borussiae a Rosbacensi, quam ab Imperialibus & Gallicis copiis retulerat, victoria cum victore exercitu mira celeritate per Saxoniam & Lusatiam redux in Silesiam, conjunctisque sibi, quas *Beveranus* duxerat, legionibus, ad *Lissam* vel *Leutberg* <sup>Pugna ad</sup> *nam* Austriacum exercitum in aciem dispositum, sibi obviantem, <sup>Lissam.</sup> invenit. Confertum mox prælium atrox, cujus eventus Austriacis multo funestissimus. Primi dicuntur statione excessisse Wirtembergici, fortassis admodum inviti. Hiatus iste turbavit proximos ordines. Secuta confusio, & fuga luctuosa. Cæcorum, fauciorum, captorum, tum in acie tum in fuga, piget numerum scribere. Victores illum in immensum augent, minuunt visi.

Complementum victoriæ erat Uratislaviæ oppugnatio & deditio. <sup>Deditio</sup> Ad 17000 (quod inauditum) se captivos tradidisse, in relationibus suis memorant Borussi. Crediderim, plurimos ex istis fuisse ægrotos aut faucios, qui nec intra muros hosti resistere potuerint, aut eruptionem ex ea tentare. *Sprecherus* Griso urbi fuerat præfectus, Calvinianæ confessionis homo. *Beckius* dicitur noluisse Capitulationi subscribere.

Tanta multitudo capta, & reliquo exercitu in Bohemiam, Moraviamque dilapso, facile erat Borussia, totam Silesiam adhuc ante finem Decembris recuperare. Solum Schweidnitium, tanto impendio captum, restitit. Sed, cum nemo esset, qui obsidionem solveret, tandem & ipsum communi Silesiæ fato cecit.

Mense Novembri, cum Austriaci Silesiæ subigendæ essent intenti, *Izenblizius* & *Mareschallus Keitb*, ut eorum vires diverterent, e Saxonia in Bohemiam effusi, horreum Leutomericum, quod annona erat fartum, incenderunt, imperatis Pragam usque contributionibus. Sed accurrentibus cum milite *Marſchallo* rei tormentariæ Præfecto & *Haddickio*, viam Chemnitium in Saxoniam relegere coacti sunt.

### §. 2.

#### *Initia Belli Gallo - Westphalici anno 1757.*

24E

Rex Galliæ, sponsor Pacis Westphaliæ, & Regiæ Hungariæ junctus fœdere, jure se obstrictum credidit, spoliato Electori Saxonie succurrere, & Regiæ promissa 24000 auxilia mittere. Quare ad finem Februarii 1757 sub Principe *Subiso* & *Marſchallo* Comite *Eltrao* exercitum per Brabantinum, Leodiensem, Trevirenses, Juliacensem, & Coloniensem agrum, adversus Borussum duci jussit.

Transmissio Rheno ad Disseldorpium in castra conveniunt copiarum, quibus sub *Domballo* Tribuno se adjungere Cæsarea aliquot agmina. Mensibus Martio & Aprili Clivia, Meursium, Marchia, & cum his Vefalia, Duisburgum, Lippstadtum, Soestum, Hamma occupatæ, sola Geldria vim tempore aliquanto experiri ausa. Coloniarum quoque, & Monasterio impositum præsidium, ut inde facilius in Frisiam Orientalem esset transitus.

Cum Rex Borussiae paucas in Westphalia haberet copias, Rex Angliæ, rejectis pro Germania neutris partibus, ipsi oblatis, exercitum coegit ex Hannoveranis, Brunsvicensibus, Hassicis, Saxo-Gothanis, Lippo-Bickeburgicis, 50000 capitibus constantem, quem primum sub *Zastrovio* Pomerano, dein vero sub *Cumbria Duce*, filio suo, Gallis opposuit. Quapropter isti Bentheimium Comitatum, quem jure pignoris Hannoveranus prætendebat, simulque Borussiae Comitatus, Tecklenburgensem & Lingensem occuparunt.

runt, querelam licet Hannoveranus ad Comititia Imperii deferret, & auxilia contra Gallos, seu ditiones suas invadentes, peteret.

Cumberlandus, postquam ex Anglia advenit, copias Hammellæ conjunxit, atque cum illis *Bilefeldam*, principem Ravenspergensis Comitatus civitatem, processit, ubi castra sua fixit. Prima per *Schulenburgium* suscepta velitatio 4 Maji cum Fischero, famoso procurfore Gallico. *Castrovius Paderbornam* Colonienſi eripuit. Occupata *Ritterga*, ad *Caunizium Viennensem* Cancellarium spectans; quæ injurias belli non modice fuit experta.

Verum, cum imminerent Galli, motis castris, Cumbrius cum exercitu suo trans *Visurgim* se recepit (13 Junii) cujus trajectum Gallorum Francis prohibere omni ope adlaboravit. Sed 16 Julii totus Galli progressus. *Cassella* occupavit. Moxque Hannoveranis terris infusus, *Mindam* Hannoveranam, *Göttingam*, simulque per *Davetam* Marchionem totum *Principatum Frisia Orientalis* cum urbe & portu *Embdano* subegit.

Notandum autem, quod Galli terras, ad Hannoveranum (seu hostem suum) spectantes nomine proprio, eas vero, quæ ad Borussia pertinebant, utpote qui hostis Galliæ non esset, nomine Imperatoris & Reginae occuparint, easque Regimini Austriaco, cujus caput Comes de *Pergm*, gubernandas in civilibus & politicis reliquerint.

Hannoverani porro fugam suam ad Hammelliam, non leve momentum, stiterunt; *Haslenbeci* autem, pago, horæ spatio ab Hammellia recedente, 26 Julii commissum est prælium, in paucis memorabile. Hannoverani una ex parte monte & sylva, altera ex parte paludibus altisque fossis tegebantur. Estræus eos per Chevertum maxime, ex collibus locisque opportunis deturbabat, tantaque vi ignium infestabat, ut Dux Cumbriæ receptui caneret, atque Hammelliam primum, dein ulterius, servatis tamen ordinibus profugeret. Quo minus eos Estræus mox insequeretur, epistola notæ manus, qua insidiæ nuntiabantur, inhibuit. Primus victoriæ fructus erat *Hammellia* occupata.

Hæc dum strenue ageret Estræus, mediis ex victoriis subito revocatus armorum imperium *Richelio* Duci tanquam antiquiori *Marſchallo* jubetur tradere. Paruit illico, atque *Aquisgranum* ad thestræus Richelio imperium tradit. *mas* abiit. Ortus fuit ex familia *Lovisia de Tellier*, sed propter matrem Estræam, cujus hæreditatem acceperat, Comitæ Estræi nomen assumpsit.

**Kloster  
Seven.**

Accesserunt, Hastenbecensis victoriæ complementa, mense Augusto Nienburgum, Hannovera, Brunsvicum, Verda, Hildesia, Brema, & Septembri Harburgum, ut adeo tota propemodum Westphalia & Inferior Saxonia Gal'orum præsiidiis teneretur, nihilque ferme præter Stadum Hannoverano, ejusque sociis, superesset, recedente semper magis magisque Cumberlando; nec operosum magnopere fuisset illam quoque expugnare, atque Fœderatos aut in Oceanum aut ultra Albin ejicere; cum Richelius 8 Sept. *Monasterio - Sevensem*, Gallis perniciosam, Daniæ Rege urgente, & per *Linarium* Comitem cavente, Conventionem iniit, cujus summam hic juvat attexere.

### *Conventio Sevenfis.*

242.

1. Intra 24 horas cesset hostilitas.
2. Hassi, Brunsvicenses, Saxo-Gothani in suas provincias revertantur, cum litteris commeatus seu securi transitus, quas Dux Richelius eis dabit. In suis autem regionibus dividuntur, prout inter Regem Galliarum, & eorum Dominos conventum fuerit.
3. Hannoverani trans Albin se recipient, exceptis sex ad summum millibus, qui sub sponsione Regis Daniæ manebunt Stadæ, nullam tamen hostilitatem exercent. Designatus districtus Stadæ ad dimidium milliarius. Viæ recessus trans Albin per utriusque partis Commissarios ordinentur. Galli in occupatis locis usque ad pacem remaneant.
4. Donec determinentur limites, Galli in Bremensi Ducatu non procedant ultra Ostum fluvium: in omnibus autem, quas ceperunt, possessionibus persistent. Omnibus his articulis Rex Daniæ accedit tanquam vas & sponsor.

Ab hac conventionē omnis mali origo, quod deinceps per Gallis noxis, plures annos Gallis incubuit. Debellari ex illa parte potuisset brevi tempore, unico monumento restante; sed Richelius, ut Fœderatos redderet neutros, & quiete parta, in Borussia iret, quod etiam Austriaci urgebant, fidei datæ, & sponsioni Daniæ confusus, copiis modicis in locis occupatis relictis, exarmatis ne quidem hostibus, adversus Borussos processit.

Vix autem cum maxima copiarum parte recesserat, ut Halberstadtum occuparet, & Marchiam Brandeburgicam per velites tentaret, insurgentes Fœderati (*Hannoverani* & socii) *Harburgum* oppugnaverunt, Gallis ex Verdeni & Bremensi provincia pulsus: id facino-

facinori suo prætexentes, Gallos contra conventionem priores exercuisse hostilia, cum tamen nihil eorum cum veritate possent edicere; nempe, qualis religio, talis fides.

Galli, fiducia tractatus initi, plurimis locis dispersi, hyeme Eorum fuga. que rigente, ultra Visurgim Rhenumque adeo sunt rejeſti, pluribusque locis caſi. Commodabat nempe Fæderatis Rex Boruſſiæ *Ferdinandus* Brunsvicenfem, regnantis Brunſvici & Welfſerbyti Ducis Caroli fratrem, præſtantem bello heroem, diſciplina Boruſſica probe imbutum; quo ductore retro lapſa eſt res Gallica. Ferdinandus Princeps. Miſi ſingulis annis novi Duces; ſicut fieri conſuevit, re minus proſpere geſta. Reſumpti ultimo belli anno, qui primo, Subiſius & Eſtræus. Sed cauſa vulnerata, res non amplius erat integra, Angliſ præſertim magno numero accurrentibus, Anglicoque argento dominante.

### §. 3.

#### *Bellum Boruſſo- Imperiale. Anno 1757.*

Quod omnes prope Imperii Ordines adverſus Regem Boruſſiæ arma corripuerint, memoratum ſupra eſt. Inſtruſtum commune ærarium, ex decretis 30 menſibus proſectionis Romanæ conſlatum. Exercitus circa Norimbergam conjunctus, eique a Cæſare præfectus Princeps Joſephus Saxo- Hildburgſhuſius. Finis, Boruſſum depellere Saxonia, eamque Electori reſtituere. Rex Galliæ, præter exercitum ſub Eſtræo Hannoveraniſ eorumque focis oppoſitum, alium Subiſio Principi commiſit, Imperiali conjungendum. Regina quoque Hungariæ addidit aliquot legiones, Bretlachiam, & Trautmansdorffiam cataphractorum equitum, Spleniam & Seezeniam Huſſarorum, cum Croatis, quibus Laudonus præerat.

Menſe primum Auguſto 1757 in Saxoniam movit collectus hic ex pluribus nationibus exercitus. Occupata Erfordia, Gotha, Jena, Vinaria Rex Boruſſiæ, reſiſto in Sileſia adverſus Auſtriacos Beverano Principe, cum parte ſui exercitus novo huic ſuo hoſti occurrendum putavit.

In Saxoniam igitur proſectus, 5 Nov. ad *Roſbachum*, haud procul Merſeburgo, Imperiales & Gallicas copias aggreſſus, memorabilem victoriam retulit, aſtu & calliditate ſupplente, quod militum numero deerat. Quippe in adverſo colle, ubi conſpici non pote-

*Pars X.*

B b b b b

rant,

rant, tormenta aliasque machinas cum pugnacissimo milite abscondit; a fronte vero copias suas varie circumagendo remissius pugnando, fugam etiam simulando, in locum insidiarum hostem pertraxit, plumbeaque grandine tam vehementer incubuit, ut hostem in plenam fugam averteret, imperiales quidem in Franconiam, Gallos vero in Hassiam. Rex vero magnis itineribus in Silesiam properavit, ibique pariter per Lissanam victoriam gloriosam expeditionem coronavit.

## §. 4.

*Bellum Russo - Borussicum anno 1757.*

244.

Jure fœderis defensivi, 22 Maji Aulam inter Viennensem & Petroburgensem initi, Augustissima Imperatrix & Regina Hungariæ, Bohemiæ, mense Septembri, cum Borussus in Bohemiam irrueret, petiit promissa auxilia. Coibat Russorum exercitus, sed pro more hujus gentis, lente admodum in Livonia sub *Apraxino* supremo armorum Præfeco, ut adeo non nisi Majo anni 1757 finibus suis egrederetur, quamvis Elisabetha Imperatrix jam 11 Januarii anni ejusdem Tractatui Versaliensi accessisset.

Mense igitur Majo 1757 Mosci tribus agminibus, quorum primum *Apraxinus*, alterum *Lapuchinus*, tertium *Lievenus* ducebat, per Poloniam & Lithuaniam terris Regis Borussiae imminabant. Missa simul classis ad infestanda Borussiae littora, 9000 continenti exposita: quibus *Fermerus* 28000 ex Samogitia adduxit. *Memmelia*, insignem munimentum, expugnata; inde vero in interiora Borussiae penetratum, *Lewaldo* nequidquam obistente.

Ad *Fiedersdorfium* ventum ad prælium 30 Aug. pugnatum utrinque acriter. Tandem vero Russi completam retulerunt victoriam, plurimis in acie cæsis, fauciatibus, captisque. Borussi adscribunt victoriam hostium multitudini, Russi suæ virtuti, adduntque, Borussorum fuisse 40000.

Verum Mosci noverant vincere, non autem uti victoria. Nam non modo fugientem hostem non sunt persecuti, aut in ulteriora Borussiae progressi, sed fugientium instar, desertis, quæ occupaverant, locis, recesserunt, sola retenta *Memmelia*. Proditione id ætûm credebatur, mandante clam illo, qui postea, fracto fœdere, palam Borussis favit, ex socio factus hostis. At ille brevi pœnam perfidiæ luit.

## §. 5.



## §. 5.

*Bellum Sueco - Borussicum anno 1757.*

Anno 1756 Suecia, vas Pacis Westphalicæ, pro mittendis auxiliis contra Borussum, pacem illam invasione Saxonix & Bohemix violantem, ab Aula Cæsarea interpellata, 14 Martii per Legatum suum Ratisbonæ declaravit, Sueciam vi ejusdem pacis Westphalicæ obstrictam esse, oppressis Imperii Statibus succurrere. Quem in finem 17000 Suecorum sub *Sternbergio* in Pommeraniam transmissa, non nisi mense Septembri 1757 contra Borussos aliquid, ad speciem saltem, tentandum existimarunt.

245.

Occupata absque vi Insula Ugedomia, Anclamum civitas, *Urbes quam munimentum Penamundanum, Uckermunda, Demminum, Suene- facile captae, munda, cum Prenzlavia, urbe præcipua in Uckermannia, & Wol- tam facile amissa. lino Insula.* Verum, superveniente *Leowaldo*, post discessum Rustorum ex Borussia, hæc omnia, ferme quam facile occupata, tam facile rursus sunt amissa. Suecos in Suecis requireres. Recesserunt, & sub Stralsundæ tutela se abscondebant. Umbratile videbatur bellum. Regina Sueciæ est soror Regis Borussia, & Rex affinis: natio utraque confessionis Protestanticæ.

## Art. III.

*Prosecutio belli anno 1758.*

## §. I.

*De bello Austriaco - Borussico anno 1758.*

Dilapso post cruentum ad Lissam prælium Austriaco exercitu in Bohemiam, pars utraque ad reparandas ruinas, novamque expeditionem in annum 1758 instaurandam curas suas intendit. Accitæ ex Italia & Belgio suppetiæ, atque ad complendas Legiones, bello accisas, novi delectus habiti. Rex Borussia pari modo, conscripto novo milite, vocatisque etiam sub signa sua captivis, Austriacis, Suecicis, Gallicis, hiatus suos explevit, &, quod potissimum

246.

B b b b b 2

tissimum erat, renovato cum Anglia opimo fœdere, quatuor Imperialium milliones, qui 670000 Sterlingarum Anglicarum conficiunt, annuatim sibi pendendos, est stipulatus; adjecta ea lege, ut neutra pars sine altera pacem ullam aut conventionem pangat.

Schafgotius  
Romam.

Post Lissanam victoriam, deditamque Borusso Uratislaviam, *Schafgotius*, Episcopus ad eundem scripsit epistolam, qua significavit, se, cum gratia Regis excidisset, profecturum Romam, ibique ad finem usque belli substitutum. Rex graviter illum discessum tulit, missoque responso, eundem ingratitude, & perfidiæ postulavit.

Copix interea neque hybernis quiete frui poterant. Commissæ velitationes plures. Memorabilis est illa, qua Simschönus Borussos, Troppaviam aggressuros, repulit, cæsis eorum centenis aliquot.

Schweidn-  
cium amis-  
sum.

Pulso Jano, vigilum Præfecto, ex Comitatu Glacensi, Borussi se accingebant ad oppugnationem *Schweidnicii*, cui præfectus erat Comes *Thürheimius*; a mense jam Decembri superioris anni, ne cibaria inferrentur, illud cinctum corona habebant. Cæpta est oppugnatio 1 Aprilis. 16ta munimentum se dedit; capto præsidio. Tantundem temporis Austriaci anno priore impenderant eundem expugnando.

Keith op-  
pugnat Olo-  
mucium.

Schweidnicio subacto, Rex 1 Maji in Moraviam duxit exercitum, *Olomucium*, quod Ernestus *Marschallus*, Saxo, Lutheranae confessionis, defendebat, ibidem expugnaturus. Præfecit huic negotio Jacobum *Keith*, Berolini Præfectum, natione Scotum, qui primum in patria anno 1715 Jacobi Regis partes secutus, in Hispania dein militavit; sed cum Calvinum ejurare nollet, dimissus, & in Moscoviam translatus, ad summos honores militares est eluctatus. Demum ad servitia Regis Borussiae transit, atque in prælio Hochkirchenensi postea occubuit. Ad Olomucium expugnandum eundem adjutores dati Fouquetus, Traskovius, Rebentischius, Schenckendorffius.

Solvitur ob-  
sidio.

Ad primam usque Julii a medio Majo cruenta ducebatur obsidio; quam tandem solvere Borussi cogeantur, imminente hinc cum exercitu per montium juga Daunio, inde, captis a Laudone & Jano plus mille curribus, comœatu militari annonaque, quam *Puttkammerus* & *Zietzenus* e Silesia adducebant, interclusis. Captus ille: hic in Silesiam fugit. Nec parum desperationem urbis expugnandæ auxit Bülovius, qui mille ducentorum auxilia eidem inje-

cit,

cit. Numerum occisorum captorumque non addo; quia scriptores nimium quantum variant.

Soluta obsidione Rex cum exercitū ex Moravia in Bohemiam Rex in Bohemiam movit, atque sub medium Julii ad Regio - Gradecium castra collocavit. Sequebatur exercitus Austriacus, præmissis cum copiis Lascio, Russici Mareschalli filio, & Antonio Tillier, Berna oriundo, cujus pater Franciscus Tillier præfectus fuerat Friburgo in Brisgovia, anno 1719. Cum Viennæ gravi morbo laboraret, Catholicam Religionem professus, atque anno 1739 mortuus. In itinere plures velitates incidebant pugnae, proniore plerumque Austriacæ fortuna.

Cum autem interea Russi ac Sueci Regis provincias invaderent, relictis permunitis, quæ ad Regino - Gradecium habuerat, castris, exercitum ex Bohemia in Silesiam trajecit, atque ad Landishutum 9 Augusti <sup>Pugna Zorndorf.</sup> metatus est, relictoque ibi valido præsidio, cum 33 turmis & 14 cohortibus, 11 Augusti adversus Russos processit, ac 25 Augusti secundum cum eis prælium ad Cystrinum, vel *Zorndorf* iniiit, Laudohno interrim munimentum Peiz in Lusatia Brandenburgica occupante.

Cum Rex contra Russos dimicaret, Daunius, advocatis etiam Imperialibus copiis, in Saxoniam duxit exercitum, quam Henricus Regis frater occupabat. Hic cum hosti impar videretur, Rex magnis itineribus in Saxoniam advolvit, fratrem Saxoniamque periculo erepturus.

Per integrum tum ferme mensem haud procul Dresda castra adversastabant, loci opportunitate utrinque permunita, donec Daunius suo cum exercitu 5 Oct. in Lusatiam recessit. Secutus est Rex, atque ad pagum *Hochkirchium* 14 Oct. Austriaci, commisso cruento prælio, plena sunt potiti victoria, Borussia in fugam actis, castrisque eorum in potestatem victoris venientibus. Centum tormenta bellica feruntur erepta. 28 signa Tillierus, excubiarum Præfectus Viennam detulit. Decem armatorum millia in acie cæsa, aut capta, aut vulnerata memorantur, atque hos inter Jacobus Keith supremus aciei structor, Franciscus Dux Brunsvicensis, summus vigiliarum Præfectus occubere. Mauritius Princeps Anhaltinus, cum graviter saucius Budissam veheretur, captus, cum aliis 500. Fatenturque in relationibus suis ipsi Borussi, Regem omnesque majores copiarum Duces, aut contusionem passos, aut corporis sui, vel equorum vulnera. Majorem adhuc multo cladem inferendam fuisse hosti, scribunt aliqui, nisi Princeps quidam A Catholicus suo defuisset officio.

B b b b b j

Sed

Sed neque Austriacis incruenta fuit victoria; unde Daunius hosti fugienti non insistendum duxit. Sed neque procul ille aufugit, propinguis in collibus, paludibus munitis, copias suas colligens, ac brevi post 7000, a fratre Henrico ex Saxonia adductis, auctus.

Utterque exercitus mutuo aspectu defixus hærebat ad 25 usque Octobris, quo die Rex, castris solutis, legiones ex Lusatia in Silesiam traduxit, ut obsidionem *Neisse*, quam Austriaci inchoaverant, disturbareret. Daunius, Laudobno insequi jussu, in Saxoniam rediit, occasione *Dresdæ* expugnandæ inhians.

Soluta obsidio  
Neussæ.

*Neissæ* obsidio *Devillio* Equitum Magistro, & Comiti *Harschbio*, rei tormentariæ Præfecto, fuerat commissâ; jamque per plures dies, erectis suggestibus, ex machinis majoribus munimentum fuerat impetitum, cum circa finem Novembris, Rege imminente, recedendum fuit, relicto non modico apparatu bellico. Idem erat fatum *Coselanzæ* obsidionis.

St Cosel.

Izenbliz.

Schmettau  
suburbia  
incendit.

Cum Daunius ex Lusatia profectus in Saxoniam *Dresdæ* appropinquaret, opposuit se *Fridericus Izenbliz*, supremi castrorum Præfecti Legatus, ex Marchia veteri oriundus, miles plenus fulgure. *Schmettau* vero *Dresdæ* Præfectus, quamvis Austriaci nullam omnino adhuc vim exeruissent, suburbia incendi jussit subito, cum homines alto sopore essent demersi, unde factum, ut multi incendio conflagrarent, alii nudi ex lectis profugerent, quo eos suprema calamitas abstraxerat. Quæ res multas querimonias, in ipsis adeo *Ratisbonæ* Comitibus Imperii concivit.

Daunius, tum ut ulteriorem ruinam *Dresdæ* sisteret, tum quia rex ex Silesia, *Neissa* liberata, Saxoniz imminebat, in Bohemiam hybernatum se recepit; Borussos suos per afflictam potissimum Saxoniam distribuyente.

## §. 2.

### *Bellum Borussico - Imperiale. anno 1758.*

247.  
Frid. Bipont.  
belli imp.

Imperiales copiz quinque Circulorum, Bavarici, Suevici, Franconici, & utriusque Rhenani novum hoc anno caput accepere, dum *Hilburgsbustus Friderico Duci Bipontino* fasces tradidit. Stativa Prætoria, quibus interea præerat *Ludovicus Fürstenbergius*, rei tor-

men-

mentariæ Præfectus, primum Norimbergæ, tum Bambergæ figebantur. Rei annonariæ cura Judæis erepta, atque *Vilsecco* Comiti commissa.

Non diu hybernorum quiete frui licuit; quippe Joannes *Mayerus*, qui sequiore thoro Viennæ natus, ac postea jam Cæsarea, jam Saxonica signa secutus, sub initium belli hujus ad Borussica castra transit, cum sua velitum cohorte Februario jam & Martio mense in Thuringia & Franconiæ finibus obturbabat. Nici non potest, quanta hic veles cum prædatorio suo manipulo damna intulerit. Mense Majo cum Driefeno in Franconiam irruit, atque Bambergam occupavit, & postquam eandem expilavit, abstractis sex oblidibus 10 Junii recessit.

Mayeri prædatorio.

Imperialis interea exercitus ad Egram in Bohemia metabatur, in Saxoniam inde irrupturus. Quod sane permovit Driefenum & Mayerum, ut Franconia relicta, in Saxoniam ad Henrici Principis copias properarent. Velitares pugas, quarum multæ commissæ sunt, non commemoro, cum alternante fortuna sint susceptæ, & ad reissum non multum contulerint. Dux Bipontinus, conjunctus cum Daunio, Dresdam & Pirnam tentavit; sed a Rege cum exercitu superveniente coactus fuit recedere. Felicius fuit in expugnando *Sonnensteinio*, castro munito monti imposito, quod modicum intra spatium subegit, capto præsidio.

Sonnensteinis captum.

Munitis dein ad hoc munimentum castris se continuit, donec, inopia cibariorum, quæ a Borussis fuerant interclusa, laborans, 14 Oct. inde digressus, Rege ad liberandam Neissam profecto, ad occupandam Lipsiam, Torgaviam, & Wittenbergam se accinxit, consilio sane optimo, sed propter accurrentes novos ex Marchia hostes, effectu suo destituto, ut adeo ad hyberna in Franconia capienda redire fuerit coactus, ducta in finibus catena, cui defendendæ primum Haddickius, dein vero Maquirus præerat: sed nullis repagulis arceri satis poterat vis hostilis, quo minus levibus certaminibus dimicandum fuerit.

## §. 3.

*Bellum Boruffo-Rufficum, anno 1758.*

248. **Ruffi**, renovato sub finem anni 1757 cum Austria & Francia  
**Fermor.** *fœdere, Apraxino* propter prioris anni perfidiam *Wilhelmum Fermor*, natione Germanum, sed bellis Rufficis innutritum, substituerunt. Occupata sub initium anni 1758 *tota Borussia* Brandenburgica. Accessere mense Martio *Elbinga & Thorunium*, memorabiles in Borussia Polonica urbes. *Iliam Soltikovius*, hanc *Gallicinus* cepit. *Gedanum* omne præsidium reliquit.

**Ruffi in Marchiam.** Sub finem Junii Ruffi transmissa *Vistula* in Pomeraniam Brandenburgicam & novam Marchiam irrupere. Quorum ut progressus steteret, accitus est *Mareschallus Dobna*, qui adversus Suecos missus fuerat. Non tamen impedire poterat, quo minus *Cystrinum* firmissimum munimentum obsiderent; & expugnassent haud dubie, nisi *Rex* fulminis instar e *Silesia* venisset suppetias.

**Pugna ad Zorndorff.** 25 Augusti ad *Zorndorffium* vicum, non plus uno milliari *Cystrino* distitum, commissum est Borussia inter & Ruffos sanguinolentum prælium, quod ipsas adeo decem horas pertinaci ardore est continuatum. Nunquam ita variatum in describenda pugna, & asserenda victoria. Pars utraque hanc sibi solenni hymno accinuit: utraque ab altera prius desertum aciei campum asserit: utraque alterius ruinas jacturasque in immensum auget, suasque minuit. Hoc certum, noctem diremisse prælium, & altera adhuc die adversas stetisse acies, atque tormentis fulminantes, ad 30 usque Augusti in eadem statione hæsisse: tum vero Ruffos primum *Landspærgam*, postea autem in Pomeraniam recessisse.

Certum quoque videtur, *Moscovitas* multo majorem cladem jacturamque fuisse passos; cum ipsi fateantur, utrumque suum cornu, dissolutis ordinibus in confusionem adductum, Borussia vero lisdem servatis fortiter dimicasse, legiones præsertim equestres. *Relaciones Berolinenses* numerum casorum captorumque Rufforum ad viginti millia extollunt, capta vero tormenta ultra centum.

Post *Zorndorffensem* pugnam *Rex* in Saxoniam movit, subventurus *Henrico fratri*, ab *Austriacis & Imperialibus* copiis in angustias redacto. Ruffi vero expeditionem memorabili opere coronaturi, totum *Octobrem* expugnanda *Colbergæ*, permunitæ in *Pommerania* urbi, consecrarunt, ut maritimo itinere facilius comineatu, quo laborabant, possent instrui, & hybernis stationem oport-

portunam figere. Verum sub initium Novembris, tonando fessi, in utramque Borussia hyematum concessere.

Cum sub initium hujus anni timeretur adventus classis Anglicanae in Balthicum, operationibus Sueciae & Russiae obviatura, utraque hæc Potestas 26 Aprilis Holmiæ sædus leit, vi cuius Russia 15 bellicas naves majores & 4 minores, Suecia vero 10 majores & 4 minores Balthico immittat, ut combinata hæc classis adversus Anglos excubet.

## §. 4.

*Bellum Boruffo-Suecicum anno 1758.*

Finiente jam anno 1757 Borussi Lewaldo duce, exactis e Pomerania Borussia Suecis, sua receperant, duo duntaxat munimenta si demas, Anclamum & Penemündam, quæ tamen ipsa etiam in eunte anno 1758 sunt expugnata. Sueci vero Stralsundam & in Insulam Rügiam profugerunt, ubi Sternbergio Archistratego subrogatus est comes *Rosenus*, Borussis in Pomeraniam Suecicam Stralsundam usque irrumpentibus impar. *Lewaldo* vero successit *Debna*; qui diviso exercitu, partem adversus Suecos, ad Balthicum jam reclusos, adhibuit, partem alteram in Ducatum Megalopolitanum misit, qui gravissimis exactionibus & hospitacionibus hostilibus toto hoc bello fuit afflictus, non alia, credo, ex causa, nisi quia Dux Suerinensis liberum in Comitibus Imperii suffragium tulit. Accessere Borussis Wismaria & Rostochium, in Pomerania vero Suecica Greifswalda, Wolgastum, Grimma, cum horreis frumentariis & annonariis, ut adeo Sueci vel voluerint vinci a levi Borussorum manu, vel degenerem a Majorum virtute infirmitatem prodiderint. Sed quid? Regina Sueciae soror erat Regis Borussiae. Alius forte sensus erat Senatus Suecici, alius aulae.

Mense tandem Julio videbantur Sueci serio velle bellum in Pomerania gerere, saltem ut amissa recuperarent. Nam aucti legionibus aliquot, Stralsunda sua prorepentes, cum Borussi contra Moscos magnam partem fuissent advocati, Anclamum, Penemündam, cum insula Usedomia occuparunt, atque in Uckermarchiam, obsistente ferme nemine, effusi, ipsi etiam Stettino minari visi sunt. Verum postquam Borussorum vires, alio ante abstractæ, se collegerunt, Sueci rursus ad mare usque Balthicum repulsi sunt, æstu velut marino fluctus suos cientes, & resorbentes.

*Bellum Gallico-Hannoveranum, anno 1758.*

250.

Quamvis Angli, Hannoverani, Hassi, Brunsvicenses, Saxo-Gothani, Vinarienses, Borussi, inter se *confederati* contra Gallos bellum gererent, nervum ministrante Anglia, *Gallico-Hannoveranum* nihilominus appellandum censeo, quia cis & trans Visurgim adversus Hannoveranos, Borussorum socios gestum est; quam autem felix fuit Gallis initium, Fœderatis ad ostia ferme Albis Stadamque protrusis, tam sævum eis vulnus intulit conventio *Sevenfis*, a Richelio Duce inita; nam sub initium hyemis, Francis per provincias dispersis, Fœderati, rupto contractu, Gallos in Hassiam usque pepulere.

Nam postquam Galli Borussos aggressi Halberstadtium expugnaverunt, Ferdinandus Princeps Brunsvicensis, Dux præclarus, a Rege Borussiae, ut Fœderatis copiis præffet, commodatus, castra ad Lüneburgum locavit, indeque dimissis cohortibus variis in locis Gallos infestavit: cumque Bremensem etiam Ducatum essent ingressi, Dux Broglia prævertendum ratus, Bremam Civitatem Imperialem Cæsaris nomine occupavit.

Gallorum  
fuga.

Verum cum Borussi duce Henrico Principe ex una parte Halberstadtium recepissent, atque Gallis insisterent, ex altera vero parte Ferdinandus Princeps eosdem urgeret, Brunsvicum, Guelferbytum, Goslarium, Hildeshemium, Hoyam, Verdam, Bremam, Hannoveram, Göttingam, Nienburgum, aut ultro deseruerunt, aut deserere coacti sunt, ut adeo nullus ad Visurgim Gallis locus superesset, præter Hameliam & Mindam, quam, cum valido munita esset præsidio, ex ordine expugnare oportuit. Captum præsidium; idem ne fieret Hammelia, urbem ultro deseruit: prout etiam Lipstadtium, Monasterium, Soestum, Ravenspergam, Paderbornam, Frisiam Orientalem, omnesque ferme provincias Westphalicas usque ad Rhenum. Atque hæc omnia hyemis tempore acta sunt.

Prælium ad  
Crevelt.

Appetente vere Fœderatus exercitus, ducibus Ferdinando, ejusque nepote Carolo, Principe hæreditario Brunsvicensi, trajecto Rheno, plures urbes & oppida occupavit, prædasque usque in Geldriam egit. Ventum denique prope *Creveltum* in Mærsiæ Principatu ad prælium 23 junii. Victoria penes fœderatos stetit. Dūf-

Contad suefeldorpium & Ruremonda victoriæ præmium fuere. *Princeps Clare-*

17079-



*montanus*, qui *Richelio* successerat, post pugnam istam Marchioni *cedit* *Claro* *Contado* supremam belli Præfecturam tradidit. Novi hujus Impera-  
toris præclara fuerunt initia; nam hostem Rhenum remetiri coegit,  
eumque strenue est infecutus. Tum vero uterque exercitus in ad-  
versa Lippæ ripa ad Octobrem usque otiose consistens, mutuo aspe-  
ctu delectari videbatur. Nec actum aliquod, nisi ut Gallorum ma-  
nipulus Ducem *Holfato* *Gottorpiensem* invaderet, & clade aliqua  
multaret: pars utraque subsidia in *Hassiam* mitteret, *Gallique* *Mo-*  
*nasterium* frustra tentarent. Concessum denique in hyberna. *Galli*  
*Rhenanum*, *Fœderati* *Westphalicum* agrum infederunt.

Interea autem, dum hæc ad *Vifurgim*, *Rhenum* & *Lippam* ge-  
sta sunt, Mars non minus in *Hassia* fremuit. *Galli*, quos ducebat *Gesta* in *Hæ-*  
*Subisus Princeps*, mense Martio, imminente *Borussico* agmine, *Hæ-*  
*naviam* recesserunt. At auctus subsidiis, *Marpurgum* tursus, & *Cas-*  
*selam* cepit, *Issemburgo* non auso resistere.

Ad *Sangerbusium* 23 Julii commissa est pugna, qua *Galli* victo. *Galli* bis vi-  
res *Fœderatas* copias non levi clade affecerunt; nec segniter usi vi-  
*etoria*, in *Hannoveranas* ditiones signa protulere, captis *Eimbacio*  
& *Göttinga*.

Altero prælio ad *Lutterbergam* *Subisus* suppetiis, quas *Chever-*  
*tus* adduxerat, auctus, *Fœderatos*, quibus *Zastrovius*, *Oberber-*  
*gus*, & *Issemburgus* præerant, iterum profligavit. Verum cibario-  
rum inopia victorem adegit, ut imposito *Gießæ* præsidio, *Hana-*  
*viam* recederet, atque ad *Mœnum* & *Rhenum* hyberna distribueret.  
Accessit pro anni coronide *Rbenoselfa*, mense Decembri a *Castrisio*  
expugnata.

## Art. IV.

*Prosecutio Belli anno 1759.*

### §. I.

*De Bello Borusso-Austriaco.*

Cum olim, velut jure Gentium, aut tacita conventionē, ex 251.  
humanitatis ratione profecta, quies hybernis concederetur, ut mi-  
liti, expeditionibus militaribus fesso, respirare aliquantum liceret, quies.  
novo autem bellandi more hoc etiam solatium illi subtrahendum vide-  
mus: prout experientia plane demonstrat. Nam & hoc anno,  
rigente licet bruma, variis procurfionibus, & velitationibus Mars  
infremuit.

Ccccc 2

Atque

De villi Silesia  
pulsus a Fou-  
queto.

Atque ut alia præteream, mense jam Martio, *Beckius* Baro, bellator eximius, ut Borussos obstrepentes compesceret, cohortem Borussicam ad Greiffenbergam cecidit. *Fouquetus* vero *Deu-lium*, Silesia pulsum, Olomucium usque est persecutus, sed annonæ propter inopiam viam in Silesiam repetere coactus est, mense Aprilis.

Sub Idem tempus Princeps *Henricus*, Regis Borussiae frater, frequens in hac scena actor, irrumpens e Saxonia in Bohemiam horrea annonaria Domus Austriacæ diripuit, & immanibus exactio-nibus populum, tot jam damna passum, afflixit.

Castris se  
continent.

Post multa leviora certamina exercitus uterque stativis egres-sus in Silesiæ finibus ad Junium usque aditum in castris se munitis continuit, visumque utrique grave, stationem tam opportunam deferere. Tandem Borussus, commisso fratri *Henrico* bello Silesio, cum parte exercitus adversus Russos procurrit, quibus *Daunius*

Rex in Russos.

*Laudobnem* cum 18000 subsidium misit, ipse vero cum reliquo exer-citu in Lusatiam movit, ubi monumentum *Pritz* expugnavit, capto more militari præsidio.

Sequitur  
Laudon.

*Henricus* Princeps, cum Imperialis exercitus præcipuas Saxoniae urbes occupasset, nec *Finckius* Mareschallus, ad defensionem Saxoniae relictus, resistendo par esset, caeso *Vehla*, Tribuno Austriaco, ex Silesia per Lusatiam in Saxoniam celeri gressu contendit, insequente cum suo exercitu belli Imperatore *Daunio*, cujus copiae ad *Pretschum* cladis aliquid accepere. Austriaci ad *Dresdam*, Borussi ad *Torgaviam* metati sunt castra; donec Rex 5 Novembris a Russica expeditione redux, ad *Torgaviam* Legiones suas, cum iis, quas *Henricus* frater duxerat, conjunxit, captaque *Misnia* urbe, *Dresda* imminebat, ut regiam illam civitatem in potestatem suam iterum redigeret: sed cum validiora *Daunii* castra perspiceret, quam ut aggredi illa auderet, fame Austriacos depellere cogitabat.

Adio Maxe-  
na cum  
Finck.

Hoc consilium ut exequeretur, *Fridericum Finckium*, cum valida manu *Dippoldiswaldam* misit, ut comneatum, ex Bohemia venientem, intercluderet; at *Daunius*, Imperator uti cautus, ita in omnem occasionem rem bene gerendi intentus, occupatis circum collibus, *Finckium* ad *Maxenam* 21 Nov. ita includit, atque ex omni parte ignea grandine infestavit, ut, armis positis, se cum toto suo exercitu captivum dedere fuerit coactus. Novem capti sunt majores ordinum Ductores, præter *Finckium* videlicet, in Borussia natum, atque ex Russica militia ad Borussicam translatus, *Rebentischius* Baro, supremus vigilarum Praefectus, *Wunschius*, *Pietenus*, *Gersdorffius*, *Bredovius*, *Vasoldus*, *Linstorius*, *Moselus*, cum multis

multis inferioribus belli Ducibus, & gregariis, quos Austriaci ad 14000 extulerunt, minuentibus numerum Borussis. Captivi isti primum in magnum ad Dresdam hortum sunt abducti, dein vero in Bohemiam, Austriam, Tyrolin, Sueviam.

Præterea totus apparatus bellicus in potestatem venit. 114 Labra & vexilla, multæ tubæ & tympana, aliaque signa victoriciæ Viennæ sunt asportata. Augusta lætitia, cum de victoria, quam Beckius a cohorte Borussia ad Misniam reportavit, fuit nuntiatum. Per utrumque hoc certamen grande Regi damnum fuit allatum, ut adeo per submissas Hannoveranas copias fuerit supplendum.

Quando Austriaci & Borussi e Silesia in Lusatiam atque inde in Saxoniam excessere, reliqui sunt rei tormentariæ Præfectus Harschius & Devillius Magister Equitum, Bohemiam adversus Fouquetum defensi, qui pluribus secundis certaminibus hostem fregerunt.

## §. 2.

*De Bello Boruffo-Imperiali anno 1759.*

Jam mense Februario Borussiae copiae Erfordiam, quam vigiliam Præfectus Quasco tuebatur, occuparunt. Imperiales autem, cum quibus plures Austriacæ legiones se conjunxerant, ex hybernis Franconicis prodibant, easque rursus Fridericus Dux Bipontinus bel-  
 252.  
 li Imperator pucebat, & sub eo Durlacensis rei tormentariæ Præfectus; Badensis, Serbellonius, Albanus, Equitatus Præfecti: Bretlachius, Baro Kolb, Princeps Stolbergius, Maquirus, Trautmansdorffius, belli Imperatoris Legati: Nagelius, Rosenfeldus, Gurcius, Rodt, Müstingus, Lobkovicius, Vogbera, Kiefeldus, Neubosius, Lajnskius, Riedt, supremi vigiliarum Præfecti.

Sub initium Maji Borussi sub Henrico Principe, Hulseno, & Finckio Franconiæ imminabant. Ad Ascham levis contigit conflictus, quo Borussi superiores Maquirum compulerunt, ut per Kemnathum, Vilscheggium, Ambergam, aliasque superioris Palatinatus terras Norimbergam se reciperet, quo Imperiales copiae, relicta in manibus hostium Bambergæ, aliisque Franconiæ locis, profugerant.

Præterea jacturas, quas passæ sunt hac irruptione Imperii copiae, & querimonias Franconiæ, Bambergensem Episcopatum septem  
 3  
 intra menses ad avertenda incendia septingenta Imperialium millia  
 Bambergæ calamitas.  
 Ccccc 3 debuisse

debuiffe pendere, obfides abductos, commiffos a levioris armaturæ Boruffis velitibus enormes exceffus.

Imperialium  
felices pro-  
greffus.

Irrumpentibus in Marchiam Ruffis & in Silefiam Auftriacis, coacti funt Boruffi Franconia, Thüringia, imo & multis Saxoniz locis excedere mense Junio & Julio; fecutus eft Imperialis exercitus, atque urbes & oppida relicta occupavit; alia vero vi ad deditionem adegit, facta etiam procurfione in *Halberftadienfem*, *Hallenfem*, & *Hebenfteinenfem*, Brandenburgicæ ditionis provincias.

Tota jam Saxonia, excepta Dresda, Lipfia, Mifnia, Torgavia & Wittenberga, victricibus Imperialium armis fubacta, *Lipfia* quoque 5 Augufti fuit expugnata; 14 Aug. *Torgavia*; 21 Aug. *Wittenberga*; 27 *Mifnia*, ac denique etiam, quod caput erat, 4 Sept. *Dresda*.

Siftuntur.

Sed mox res prospere geftæ retro lapfæ funt, clades non exigua a Wunfchio Tribuno ad *Torgojam* illata Imperialibus; capta urbs, & brevi etiam *Lipfia*. 13 Sept. ad Corbicium cum Finckio certatum æquo ferme Marte. Plus cladis acceptum ad Mifniam. Atque huic rerum ftatui mense Octobri fupervenit Auftriacus & Borufficus ex Lufatia exercitus, prout fuperiore §. meminimus. Tandem vero mense Decembri Imperialis exercitus, poftquam multa tulit fecitque, in Franconicum Circulum hybernatum rediit.

### §. 3.

#### *De Bello Ruffo-Boruffico 1759.*

253.

Sultowski  
captus.

Quamvis Rufforum copiz fub finem fuperioris anni ex Marchia & Pommerania recefferint, Imperatrix tamen Elifabetha, firmiter hærebat fœderi, cum Auftria, Gallia, & Suecia inito. Unde pro expeditione hujus anni plures in Polonia ædes annonarias erexerant; has ut destruerent, Boruffi mense Martio in Poloniam irruerunt, ac Principem Sulkovski, quod Ruffis favere videretur, captivum abduxere. Ruffi contra levioris armaturæ, prædis per Pomeraniam & Marchiam actis damna illata vindicabant.

Soltikow  
Generalif-  
simus.

*Soltikovius*, fupremus belli Imperator, exercitum per Poloniam ducebat, ut in Silefiam irrueret. Venienti occurrunt Boruffi *Wiedelo* duce. Ad Pofnaniam munitis in castris ad Julium ufque menfem uterque hæret exercitus; donec 23 ejusdem Ruffi ad *Krym* & *Zulicaviam* conferto prælio infigni funt potiti victoria, atque fugientes Boruffos

Boruffos insecuti, *Crossenam & Francofordiam* ad Viadrum occuparunt, *Bis vincit*  
 atque cum *Laudobno*, qui viginti prope Austriacorum millia adduxerat, *Boruffos.*  
 rat, se conjunxerunt.

Rex Boruffiæ, qui hætenus adversus Daunium pugnabat in Silesia, audita Kayana clade, accito cum valida manu ex Saxonia Henrico fratre, Austriacis eundem opposuit, ipse vero cum 60000 exercitu in Marchiam profectus 23 Aug. ad *Kunersdorfium* prope Viadrum & Francofurtum, cruentam prorsus ac pertinacem pugnam conferuit. *Pugna ad Kunersdorf.* Fausa erant Boruffis initia, ut adeo victoriam in manibus tenere putarent; nam Russos e pluribus jam collibus, quibus Martis campus assurgebat, jam depulerant, cum denique sub vespere labore, æstu, & siti fessi, in effusam fugam sunt coniecti, *Laudobno* ad plenam victoriam multum conferente. Cæsa multa mortaliū millia, captaque ingens præda.

Minor exspectatione pro magnitudine victoriæ fructus fuit, nam licet *Haddicus* etiam cum Russis se conjunxisset; non tamen legimus, memorabile quid a victoribus gestum. Uterque exercitus per varia itinera se mutuo circumducebat. Uterque in Silesiam movit: atque ineunte Novembri Russi in Poloniam redierunt. Rex autem magnam copiarum partem in Saxoniam adversus Imperiales copias, ibidem dominantes, jam ante dimiserat. Denique Rex etiam atque Daunius cum maxima virium parte per Lusatiam in Saxoniam concessere; relictis in Silesia hinc Fouqueto, inde Devillio & Harschio. *Reditus in Saxoniam.*

De bello Suecos inter & Boruffos hoc anno gesto piget scribere; nam fluxus & refluxus anni prioris recurrit. Sueci in Insulam Rügiam & Stralsundam fuerant retrusi. Post Kunersdorffensem autem Borufforum cladem, magna copiarum, quæ in Pomerania militaverant, pars ad defensionem Marchiæ a Rege accita, prodeundi rursus Suecis, & per Pomeraniam se extendendi occasionem fecit. At ante finem anni iterum repulsi sunt; lufumque Anclamo, Demmino, Penemunda, Wollino &c. velut pila.

## §. 4.

*Bellum Gallo - Hannoveranum anno 1759.*

254.

Gallicæ copiæ sub finem anni 1758 hyberna ad Rhenum, Mænum, & in Hassia fixerant, fœderati vero ad Rhenum, in Westphalia & Hassia Inferiore, Prætoria statione Monasterii collocata.

Rex autem Angliæ cum Wilhelmo Hassiæ Landgravio fœdus, anno 1755 percussum, renovavit in hæc puncta.

I. Inter utrumque contrahentem, eorumque successores sit sincera unio.

II. Renovantur antiquiora pacta.

III. Rex spondet, non depositurum se arma, donec Landgravius ex integro fuerit restitutus.

IV. Rex 12000 Hassorum sub stipendiis suis retinebit, adjectis pro Landgravio subsidiis, an. 1755 promissis.

V. Stipendiariis istis copiis Rex pro arbitrio suo utetur.

VI. Hic tractatus 4 annos teneat.

Adjectus fuit articulus separatus, quo Rex promittit 97582 libras sterlingarum pro 6992 militibus, præter eos, qui jam essent sub stipendiis Anglicis, sustentandis, ad defensionem Hassiæ & compensationem damnorum.

Parlamentum Anglicanum nervum belli large suppeditavit, Pitto, qui adversam aulæ partem ante sequebatur, postquam Secretarius Status fuerat renunciatus, facunde perorante. Bavaricæ ac Palatinæ copiæ, quæ stipendiis Gallicis militaverant, cum tractatus subsidiarius non amplius renovaretur, domum sunt reversæ. Bavaricæ autem in exercitu Austriaco, Palatinæ in Gallico meruerant.

Subissus Princeps, qui in Hassia bellum gerebat, petito transitu Francofordiam ad Mænum occupavit. Wezlaria vero ab utraque belligerantium parte libera ab hospitacione est declarata.

Ineunte vere Imperiales copiæ Hirschfeldæ Principatum invaserunt, Gallicæ Marpurgum, ad vindicandas immanes contributiones, quas Hannoverani a Fuldensibus extorserant.

Sub finem Martii & initium Aprilis, Fœderatorum exercitus, Ducibus Ferdinando, Principe hæreditario Brunsvicensi, Holstato, Isemburgo, Anhaltino, capta Meinunga, Wasinga, Fulda, pluribusque

busque secundis velitationibus commissis, Franconia jam imminabant, trepidantibus Herbitoli, Francofordia & aliis civitatibus. Sed metum exemit Brogius, qui 13 Aprilis, conserto ad *Bergam* cum fœderatis prælio, aggressores strenue repulit. Ingens certe laus debetur Francis, & eorum præsertim Duci Brogio, qui, accitis ex 80 stationibus summa celeritate copiis, ad vicum Bergenfem sapientissime ordinavit aciem, & Germaniam contra Germaniam fortissime defendit. Inter fœderatos cum multis aliis cecidit Princeps Isenburgicus. Blaselus Tribunus cum velitibus varias eodem tempore clades, Grimbergæ præsertim, intulit Fœderatis.

Marpurgum mox, Cassella, Göttinga, Rietberga, Mûnda ad Visurgim, Monasterium subacta sunt, inde a Rheno totius Gallici exercitus Imperatore Contado, hinc ex Hassia fœderatos propellente Brogio.

Cum autem res Gallorum felicissime florerent, dies una præclare gesta, & spes in futurum prope omnem evertit. Erat hæc dies ipsis fatalis prima Augusti, qua haud procul a Mûnda commissum est prælium, Gallis sane infauissimum, fortuna plenam fœderatis deferente victoriam.

Galli Mûndam se recepere, trajectoque Visurgi, quas occupaverant, urbes, ac denique cum Cassella & Marpurg omnem propemodum Hassiam amiserunt, præter complura capitum millia machinas currules, aliumque apparatus bellicum. Accessit ad Fuldam clades Würtembergicorum, quorum 10000 sub stipendiis Gallicis militabant. Tandem etiam Monasterium in manus fœderatorum relapsum est. Princeps vero hæreditarius Brunsvicensis cum valida manu in Saxoniam movit, Borussia contra Austriacos & Imperiales futurus auxilio.

## Art. V.

Prosecutio Belli anno 1760.

### §. 1.

#### *Bellum Borussia-Austriacum.*

Sub initium hujus anni Rex Angliæ atque Borussia, ut viderentur pacem optare, desiderium componendæ Europæ præferebant. <sup>255.</sup> Spes pacis Rex Stanislaus Nancejum, congressus locum, offerebat, Batavi ostentata.

Paris X.

D d d d d

Bredam,

Bredam. Nec abnuebant Austria, Russia, Gallia, sed Polonia quoque & Sueciæ Reges invitari volebant. Spes pacis mox evanuit.

Castra ad  
Dresdam.

Ad bellum terra marique prosequendum versa consilia; quin is erat animi ardor, ut nec rigente hyeme refrigeret. Pertinaci ad Dresdam statione adversa castra consistebant. *Maquiro* urbem strenue propugnante.

Assio ad  
Cosdorf.  
Et Landis-  
butum.

Sub finem Februarii *Beckius* Borussos ad *Cosdorfium* aggressus, Zettericium, eorum Ducem, cum aliis belli officialibus captivum abduxit. Majorem victoriam *Laudobnus*, post plura minora certamina, 22 Junii ad *Landisbutum* in Silesia retulit; nam captos inter erat ipse *Fouquetus de la Motte*, rei summæ in Silesia præfectus, cum *Schenckendorffio*, *Malachowskio*, majoribus ordinum Ductoribus, & quinque gregariorum millibus, præter cætos quam plurimos, magnamque vim rei tormentariæ &c.

Captus a  
Laudono  
Fouquet.

Glazium  
captum.

Fructus hujus victoriæ fuit *Glacium*, munimentum præstans, levi opera 26 Julii expugnatum, prædialiis multis cum aggressoribus conspirantibus: eadem ferme etiam hora novum munimentum, veteri adjectum, se dedit. Præsidium utriusque more militari captum, cum ingenti vi rei armamentariæ & annonariæ.

*Laudobnus*, ut victoriarum cursum prosequeretur, magna celeritate cum selectis copiis *Uratislaviam* contendit. Jamque coepta erat oppugnatio, cum *Henricus* Princeps accurrens eandem solvit.

\ Dum hæc in Silesia acta sunt, Austriacus exercitus sub *Daunio*, & Borussicus sub Rege, ad Dresdam stabant. Cum captivorum commutatio tentata non procederet, ad novos delectus, ut legiones complerentur, versa studia, novaque subsidia provincialibus imperata.

Lascy, Beck.  
Riedt.

*Daunius* 3 Maji castra, quæ tota hyeme *Pirnæ* fixerat, in suburbium *Dresdæ* transtulit, dimissis, quæ *Laudohni* copias augerent, in Silesiam suppetiis. *Lascius* autem, *Riedus*, *Beckius*, alique Duces plura, minora quidem, secunda tamen prælia conferebant.

Strategema.

Mense Junio, præter velitares aliquot id genus pugnas, & traditiones nonnullarum cohortum atque turmarum, nihil admodum actum. Julius majores mutationes sublit. Quippe, cum Rex *Daunium* munitis, quæ ad *Dresdam* habebat, castris vi nulla posset depellere, strategemate utendum ratus, cum exercitu in *Lusatiam* movit. *Daunius* haud dubius, Regem in Silesiam, ut resibi suas labantes firmaret, profecturum, Saxonia excedentem infecutus primum,



primum, dein etiam prævertendum existimans, Ottendorffium usque, Silesiæ oppidum, castra promovit.

Rex, hoc conspecto, reflexo ex Lusatia itinere, ad *Dresdam* Rex in Silesiam. *oppugnandam occurrit.* Daunius vero, ut urbi succurreret, in Saxoniā rediit, & obsidionem solvere hostem adegit.

Ad Augusti initium Rex in Silesiam abiit. Secutus est Daunius, seque cum Laudohno conjunxit. Ab eo vero rursus separatus Pugna ad Laudohnus 15 Aug. haud procul Lignicio cum universo Borussiae Lignicetum. exercitu coactus configere, gravem cladem accepit, amissis, si Borussiae fides est, ultra decem millibus. Certe hoc prælium magnarum rerum ideam non parum confudit. Per itus & reditus consumptus September.

Octobri uterque exercitus in Saxoniam rursus fuit delatus, atque 3 Novembris non procul *Torgavia* gravissimo prælio collisus. Ad Torgavia. Borussiae structis ordinibus e sylva erumpentes, ter vehementi impetu in Austriacos sunt inveni, totiesque insigni cum fortitudine repulsi sunt, ut adeo jam certa haberetur victoria, Viennam etiam nuntiata. Verum cum *Daunius*, pede globo sauciatus, commissio *Odo-* Daun vulneratus. *nello* imperio, Torgaviam esset translatus, Borussiae noctis subsidio, deturbatis Austriacis, colles ad *Sipitium*, Zieitheno ductore, occuparunt. Victoria in hoc vertebatur; nam, cum Austriaci, die illucescente, cernerent, totam suam aciem vehementi ignium pesti & globorum grandini ex collibus illis esse expositam, pulvis etiam & plumbum deficeret, Torgavia relicta, *Dresdam* se receperunt, Borussiae insequente. Scriptores quidam memorant, Austriacos in pugna Torgaviensi amisisse 10000 armatorum, Borussiae vero ultra 20000. Utraque demum pars copias, pugnis & itineribus fessas, per hyberna distribuit, Austriaci circum *Dresdam*, Borussiae per reliquam Saxoniam, jam alias exhaustam. Daunius Viennam concessit, Rex Lipsiam. Laudohnus in Bohemia, Golzius in Silesia hybernavit.

## §. 2.

### De Bello Borussiae - Imperiali anno 1760.

Princeps *Biportinus*, supremus copiarum Imperialium Dux, 256. hyemem Viennæ transegerat, ubi aureo Vellere, & Ordine Theresiano fuit insignitus; copiis vero per Franconiam distributis *Ser-Serbelloni belloniarum* interim præfecit, qui Prætoriam stationem Bambergæ fixit.

D d d d d 2

Fluic

Haddick.

Huic successit *Haddicus*, donec Bipontinus 3 Maji in castra venit, resumpturus Imperium. *Lufinskius*, *Kiefeldus*, *Stolbergius* &c. pluribus velitationibus hostem infestarunt, viamque in Saxoniam Imperialibus præpararunt. Qui 22 Junii *Dresdam* attigere, interceptis, quæ in itinere occurrerant, urbibus & oppidis.

Legiones  
Aulniacæ.

Conjunxerant se illis legiones Augustissimæ Imperatricis & Reginæ, Pallavicina, Saxo-Gothana, Maquiria, Esterhasia, Lambergica, & duæ Herbiopolenses, & ex Hussaria Haddickiana, Baronena, cum Bannalistis & Croatis.

Imminente ad obsidendam *Dresdam* mense Julio Rege Borussia, Imperialis exercitus, cum se imparem cerneret, auxilio urbis præsidio, recessit *Plavenam*. Augusto vero mense, Rege in Silesiam digresso, rediit, adversum *Hylsenum*, quem Rex cum manipulis aliquot in Saxonia reliquerat, præliaturus. Validam quoque manum Dux *Württembergiæ* eodem mense adduxerat ad liberandam Saxoniam; partem velut extra ordinem Imperialis exercitus legiones istæ constituerant.

Pugna ad  
Strehlam.

Bipontinus Dux quærebat occasionem, cum *Hülse*no configendi. Prolusum velitatione ad *Waldheimium*, 12 Aug. inter Kleistum & Centurionem Otto, cujus venatorius manipulus in fugam compulsus est. Sequebatur 20 Aug. majus prælium ad *Strehlam* urbem inter Imperiales & *Hülse*ni copias. Multum sanguinis utrinque fusus; tandemque victoria, Bipontini Ducis, Haddickii Magistri Equitum, *Stolbergii* Principis, *Guasce* Comititis, *Kiefeldi*, aliorumque Ducum virtute parta, penes Imperiales stetit, hoste *Torgam* se recipiente.

*Lufinskius* interea Tribunus peculiari cum manipulo plures *Thuringiæ* & *Saxoniz* urbes, Halamque *Brandenburgicam* occupaverat, ac demum *Württembergiæ* Duci junctus, ab exercitu recessit, *Lanthierio* in ejus locum suffecto.

Würtem-  
bergici.

*Württembergicæ* copiæ, Gallicis stipendiis solutæ, e *Franconia* domum sunt reductæ, ibique supplementis auctæ, invitante Cæsare, ductæ sunt in *Saxoniam*, ad eandem Domino suo vindicandam, componendumque turbatum pertinacibus bellis Imperium. *Hailbrunnæ* Dux legiones suas congregaverat, atque inde mense Augusto in *Saxoniam* duxit, cumque *Lipsiæ* deditionem posceret, respondit Præfectus, si urbs invaderetur, se & illam & suburbia redacturum in cineres. Reposuit Dux, si quid Borussia in *Lipsiam* essent attentaturi, se in *Hallam* retorsum. Occupata mox *Lipsia*.

Post

Post pugnam Streblensem Imperialis exercitus *Torgaviam* cepit, mense Septembri, capto praesidio, Hülseno vero non sine clade *Wittenbergam* se recipiente. Sed Bipontinus cum suis Imperialibus & Württembergicis fugientem persecutus, mense Octobri *Wittenbergam* expugnavit, captumque rursus praesidium. Res vero armamentaria cum reliqua praeda *Torgaviam* est deportata, exuta *Wittenberga* munitionibus quibusdam.

Lipſia, Torgavia, Wittenberga capta.

At vero adveniente Octobri mense Rege Borussiae, o quantum mutata est rerum facies. Relicta mox *Wittenberga*; ex *Lipſia*, tegente nebula, a *Kleſeldo* eductae copiae, & post infelix ad *Torgaviam* praelium, haec etiam urbs, quantumvis munita, est deserta. Imperialis vero exercitus, relicta *Saxonia*, in *Franconiam* rediit, ut adeo *Saxonia* ad eum sit reducta statum, quo ante expeditionem fuerat, nisi quod a pluribus exercitibus magis fuerit devastata.

Et rursus amissa.

## §. 3.

*De Bello Sueco - Borussia anno 1760.*

Summa etiam hyeme non desiere velitares pugnae, postea etiam continuatae, ludicra velut certamina, quae causae communi parum profuerant, nisi quod aliquae Borussiae copiae in *Pommeraniam* fuerint abstractae, quae alias Austriacis & Imperialibus incubuisent.

257.

*Landingsbusius*, Suecorum Archistrategus, jam mense Januario *Anclamum* subita irruptione oppressit, capto *Montesfelo*, Borussiae in *Pommerania* supremo Duce. At *Stutterheimius* *Anclamum* mox recepit, Suecosque trans Penum rejecit, non tamen sine nauulo. *Mechlenburgo* - *Suerinus* Ducatus interea, quamvis partem belli nullam haberet, gravibus, more prioribus annis consueto, exactionibus premebatur, volente, sed non potente id impedire. Duce: qui propterea querelas suas ad Comitum Imperii *Ratisbonam* detulit, sed arduum erat remedium.

Appetente aestate, cum Borussiae, copiis alio avocatis, paucum militem in *Pommerania* reliquisset, Sueci rursus animosi, circumlati per omnem prope *Pommeraniam* victricibus signis, ipsi adeo *Stetino* minitari sunt visi. In *Uckermarchiam* quoque effusi, metebant palmas, & trophaea erigebant. *Passewalkium*, *Prenzlavia*,  
d d d 3 aliaque

aliæque urbes occupatæ. Ad Taschenbergam commissæ velitaris pugna, victoribus Suecis, quia numero multo superioribus. Secundis his in rebus *Ebrenschwerdtius* erat dextera Landingshusii suæ premi Ducis, ex altera vero parte *Bellingius* Stuttersheimil.

At vero cum mense Octobri *Fridericus Eugenius* Princeps Württembergicus, (filius tertio genitus *Alexandri* Stuttgardo-Württembergici Ducis) nova adduceret in Pomeraniam auxilia, bello illi præfectus, aliam rebus faciem rursus induxit. Recessit ille quidem in Marchiam, antequam Russi Berolinum occuparent, sed reliquit *Bellingium*, *Stuttersbeimium* & *Wernerum*. Repulsus priorum annorum exemplo Suecus ex Uckermarchia totaque Pommerania Brandenburgica; ut adeo tempore verno seminarent Sueci, in æstate meterent, in autumno omnia rursus amitterent, in hyeme Stralfundæ suæ incubarent.

#### § 4.

#### De Bello Russo - Borussico.

258.

Postquam Moscæ æstatem variis motibus per Borussiam, Pomeraniam & Poloniam consumpserant, non magno admodum operæ pretio, aut ad causam communem emolumento, mense tandem Octobri, urgente Aula Viennensi, in Marchiam Brandenburgicam duce *Soltikowio* irruptionem fecerunt. Daunus, supremus militiæ Austriacæ Imperator, in hunc finem *Lascium* cum 14000 misit, ut cum Russis se conjungeret.

*Soltikowius* sexta Octobris Francofurti ad Viadrum stationem Berolinum fixerat, præmisso Berolinum cum viginti millibus *Zernischewio*, cui *Lascius* quoque se conjunxerat. Unitæ hæ vires nona Octobris Berolinum occuparunt potius quam expugnarunt, Principe Württembergico, qui septem duntaxat millia habuisse dicitur, tantæ multitudini se non auso opponere, sed Spandaviam recedente, ut munimentum illud defenderet. Neque *Golzius* iis erat viribus, ut discrimini se vellet committere.

Rex igitur, cum Marchiam suam periclitari intelligeret, accelerato gressu Silesia excessit. Russi, nuntiato ejus adventu, relicto Berolino, primum Landsbergam, inde vero in Poloniam recesserunt. Lentitudo & tergiversatio Russorum jam tum tribuebatur artibus Aulæ Borussicæ & Londinensis, maxime vero Petro Ulrico, desti-

nato

nato successori in throno. Quali is fuerit in Austriam & commune fœdus animo, mox post mortem Elisabethæ Imperatricis luculente patuit.

## Art. VI.

### Prosecutio Belli anno 1761.

259.

Postquam hostilis uterque exercitus hyemem in Saxonia transigerat, appetente vere, Rex Borussia, qui Lipsiæ hyemaverat, Henrico fratre in Saxonia relicto, potiorum copiarum, quibus abundabat, partem in Silesiam transtulit, *Laudobno* jam impare tantæ molli resistere, donec venirent suppetiæ. Quas ubi ex Hungaria & Saxonia obtinuit, 19 junii ad Hartmansdorffium Borussia agmen acri velitatione aggressus, 190 eorum cepit, reliquos in fugam egit. Neque in Saxonia res admodum magna gesta est. Mutua æstimatione aut metu suspensus miles, castris, opportune locatis, se continuit, exilibus duntaxat certaminibus, & copiarum translationibus belli speciem præbentibus.

Ex altera parte acrius aliquantum certatum. Mense jam Februario ad Langensalzam Gallis clades illata a Borussia & Fœderatis, ad Marpurgum a Gallis est reddita, cæso *Breidenbachio*. Galli nihilominus, *Marpurgo* deserto, arcem præsidio munitam retinebant. *Fritzlaria* ab Hannoveranis capta. Recedentibus Gallis insisterant illi; jamque Mæno & Francofordiæ imminabant, cum *Broglia* Dux, copiis, quas a Rheno Inferiore *Mijus* adduxerat, auctus, hostem, undis velut retroactis, per Hassiam redire coegit.

Ad *Grimbergam* ventum ad acre prælium. Victoria penes Gallos stetit, Broglia summi Ducis insigni virtute parta 21 Martii. Ca. Grymbervpta cum Rhedeno, equitum Magistro, Hannoveranorum duo militum, præter 10 signa, & 19 majores machinas, quæ in manus venerunt. Soluta Cassellæ obsidio, quam Fœderati inchoaverant, desertaque tota Hassia, quam hyemis occasione occupare tentaverant, in stativa concessere.

Interea autem, dum verno tempore Galli atque Hannoverani, quam hyems negaverat, quietem capiunt, Imperiales & Borussia copiae in Thuringia velitatione collisæ, ad *Salsfeldam* 2 Aprilis cladis aliquid dederunt & acceperunt. Finiente autem Aprili, postquam Dux *Bipontinus* belli Imperatoris, quam sapienter gesserat,

Bipontinus  
abdicat imperium.

rat, potestatem abdicaverat, Serbellonius successor in castra venit, atque omnia ad futuram in Saxoniam expeditionem adornavit.

Mense Junio Dux Broglio per Hassiam adversus Hannoveranas provincias legiones suas duxit, fugientique hosti non sine illata clade institit. Alter vero Gallorum exercitus, Ductore Subisio Principe, a Rheno Inferiore in Westphaliā movit, ut adeo Fœderati a Broglio ad Septentrionem, a Subisio vero ad Orientem propellerentur. Jamque spem conceperant, protrusis ad Albim hostibus, primæ expeditionis fortunam reducendi. Sed cum Ferdinando erat negotium, qui unitis, Anglis, Hannoveranis, Brunsvicensibus, Hassiis, Gothanis, aliisque fœderatis copiis, 15 Julii ad *Fillingsbusum* Broglio exercitum memorabili prælio est aggressus. Multum eo die sanguinis utrinque fufum, inclinate ferme ad Gallos victoria. Suspendit nox pugnam, quæ altera die vehementius recruduit, cum non exigua Gallorum clade, qui tamen servatis ordinibus se receperunt. Fatentur Galli, ad 2400 suorum quæ cæcos qua captos, Fœderati ad 5000 eos extendunt, suam vero cladem mille capitibus definiunt.

Condixerant Subisius & Broglio, 16 Julii se copias conjuncturos, quod si contigisset, alium haud dubie res habituræ fuissent exitum. Cur autem factum non sit, varii sunt rumores sparsi.

Fructus alius hujus victoriæ Fœderatis vix fuit, nisi quod *Schrieterus* & *Lucknerus* cum suis velitis varia Gallorum frumentaria horrea incenderint, atque ad Bredelarum aliquid cladis sub finem Julii intulerint. Inter itus & reditus, procursiones, velitationes consumptus Augustus & September. Octobri autem *Xaverius*, Princeps Saxoniarum, qui tota hac expeditione Saxones suos, cum Gallis commixtos, strenue ducebat, *Guelserbyum*, insigne munimentum, expugnavit, capto præsidio, Brunsvicum quoque subacturus, nisi affluentibus undique Fœderatorum copiis prudenter cessisset multitudini.

Mense Novembri ad Embecum convenit hostilis exercitus, pugnamque respicere videbatur occasio; verum cibariorum defectus, & ingruens brumæ rigor ad hyberna respicere cogebat; hæc Broglius per Thuringiam, Hassiam, atque circum Göttingam distribuit; Ferdinandus vero Dux sedem Prætoriam Hildesie fixit, Sporkenus Hammelæ, Princeps Brunsvicensis in Westphalia, prout etiam Milordus Gramby cum suis Anglis, Lucknerus Embeci, loco procursionibus opportuno.

Dum

Pugna ad  
Fillingsbusum.

Princeps  
Xaverius  
Welpherby-  
rum expu-  
gnat.

Dum hæc Principem inter Ferdinandum & Ducem Broglium in Hæssa & ad Visurgim gesta sunt, Subisianus exercitus adversus Principem hæreditarium Brunsvicensem ad Lippam bellum gessit. Velitationes plures commissæ, justum prælium nullum. Extendebant se ex hac parte Galli per Monasteriensæ agrum: occupata *Frissa* *Frissa Orientalis*, rusticis conglomeratis necquicquam se opposentibus. Tentata quoque Brema, Anglorum receptaculum; sed defectu tormentorum expugnari non potuit. Felicius a *Condeo* Principe occupatum castrum Meppense. Et quia Fœderati domibus annonariis inhiaverant, multis in locis vices ipsis sunt redditæ, magnam partem a *Wurmsero*, nobili præcurfore. Adulto autem Octobri Subisianæ copię cis & trans Rhenum hybernatum concessere; militia vero, quam *Regiam Domum* appellant, Parisios abiit.

Condeo.

Wurmser.

Mense Julio Russi tandem Silesiæ imminebant, atque occasionem quærebant, qua cum Laudohnno se conjungerent; istam nacti licet, non tamen audebant permunita Borussia castra aggredi. Quapropter *Butterlinus*, supremus Russorum Dux, se rursus separavit a Laudohnno, relictis tamen sub certis conditionibus apud exercitum Austriacum viginti Russorum millibus, sub *Zernichese* Comite, *Zernichese* contra vero Beckius Baro cum sex equestribus legionibus Russos ad Viadrum est comitatus.

Butterlin  
Mosc. Dux.

Zernichese.

Rex Borussia, cum Platenum Tribunum ad destruenda Russorum horrea annonaria in Poloniam misisset, munitis suis castris egressus, longius a Schweidnicio recessit, id agens, ut Austriacos ex editis munitisque locis proliceret. Verum Laudohnnus Divino quodam consilio Regis absentia in rem suam usus, copias ex variis Legionibus lectas sub Amadeo vigilum Præsfecto ad expugnandum impetu *Schweidnicium* mittit. Omnia summa alacritate & incredibili in tanto motu & instrumentorum apparatu silentio sunt adornata.

Die 1 Oct. sub auroram munitiones extimæ sunt occupatæ, *Schweidnia* applicatæ scalæ, transensa mœniæ, machinæ ad urbem inversæ, *captum*. atque tres intra horas inaudita felicitate urbs munitissima, præsidio & re armamentaria instructissima, est subacta. Præsidium militare 3776 capitibus constans, cum Zastrovio Præsfecto captum: præda ingens, 222 majores machinæ, cum omni apparatu bellico in manus victoris venit, cui 1400 qua cæsis, qua vulneratis, quos inter 97 Russi, hæc victoria stetit. A Borussia hac de expugnatione nulla edita est relatio. Rex autem, quod Heroum est, magno illam animo accepisse fertur, laudato etiam Zastrovio, quod, quantum fieri potuit, cum præsidiario suo milite restitit.

Pars X.

E e e e

Haud

Haud multo post concessum in hyberna, quæ Rex Uratislavia, ut securitati illius consuleret, fixit. Laudohous Viennam abiit, postquam copias aliquas ad Daunium in Saxoniam miserat.

Schweidnicii fatum Colbergæ excepit, longiori opere ex ordine expugnata; quippe Butturlinus, postquam Russos suos ab **Et Colbergæ.** Austriaci separavit, per Marchiam Brandenburgicam in Pommeraniam progressus, omnem curam intendit, ut commercium Colbergam inter & Stettinum abscinderet. Capta proin Treptovia, urbs intermedia, cæsq; Borussorum cohors. Butturlinus vero, commissa Romanzovio Colbergæ expugnatione, cum parte copiarum ad Vistulam hyematum abiit.

Sub initium Septembris urbs terra marique oppugnari cepit, tenuitque obsidio usque ad 16. Decembris. Conabatur quidem Princeps Würtembergicus, qui Borussis in Pommerania præerat, eandem solvere, sed frustra. Capto præsidio cecidit Colbergæ, Russorum fortitudine & constantia prostrata. Sed ultimum hoc erat Russorum facinus; mortua enim Elisabetha Imperatrice, aliam profus faciem Russia induit.

Sueci interea, ut obsidio Colbergenfis protegeretur, securus in Pommerania citeriore, Borussos infestabant. Nulla tamen res admodum magna gesta est, nisi quod Deminum, & alia quædam loca sint a Suecis capta. Intra procurisiones & velitares pugnas bellum hoc Pommeranum stetit. Demum Sueci hyberna in sua Pommerania fixerunt, Borussi pro more in Ducatu Mechlenburgico, Princeps Würtembergicus Rostochii. Dux vero Megalopolitanus, ut oculos subtraheret provinciæ suæ tristi spectaculo, deserto Schwerino, Lubecam abiit.

**Augusta pro**  
**pace desti-**  
**nata.** Inter Martios armorum fragores dulce pacis nomen insonuit; dum belli, in sextum jam annum protracti, invidiam quævis belligerantium pars amoliri a se nitebatur. Aula Viennensis, Petroburgensis, Parisiensis, Varsaviensis, Holmiensis, Augustam Vindelicorum pacificationis locum, suumque pacis consilium per Legatum Russicum Aulæ Londinensi ac Ministris Borussicis proponebant. Annuebant huic pacis propositioni Aula Londinensis & Berolinensis cum suis Fœderatis, jam ante a se significatæ. Deputati jam Augustam ad congressum Ministri, conductæ domus, parata sedulo omnia, tota Europa in spem pacis erecta.

Sed necdum hebetata satis erat ferri acies, quin acuebatur magis, veniente in partem, ut totam Europam bellum pervaderet, *Hispania.* Conciliatoris hætenus partes assumpserat, sed Tractatus quidam Domus Borbonicæ bello occasionem dedit. In-



Innoxius erat hic Tractatus, ad neminis offensionem pertinens, sed ad sinceram concordiam unionemque defensivam inter Principes ejusdem Familiæ intentus, præcipue vero inter Galliæ, Hispaniæ, <sup>Tractatus</sup> & Siciliæ Reges. Quamvis autem domestica hæc conventio <sup>Domus Bor-</sup> 15 Aug. 1761 inita clam haberetur, suboluit tamen *Bristola*, legato <sup>bonica.</sup> Anglico, cui eo temporis articulo omnia videbantur suspecta. Petiit igitur ab aula Hispana, eum sibi tractatum communicari, simulque præcisum responsum a Rege exegit, an cogitet, fœdus cum Gallia adversus Angliam percutere: si responsum negaretur, pro belli declaratione se habiturum ac ocus discessurum.

Acerbe Rex eam Ministri postulationem tulit, atque revocato Comite de *Fuentes*, suo ad Aulam Londinensem Oratore, omni subditis suis cum Anglis commercio interdixit, detentis, quæ in portubus Hispanis sub anchoris stabant, navibus Anglicis, velut deposito, donec, quas partes Anglia sit amplexura, appareat.

Anglia, hæc ubi fuerant nunciata, protinus bellum adversus Hi- <sup>inita belli</sup> spanos declaravit, missaque in Americam classem, & pyratibus, qui <sup>Hispani</sup> mare infestum redderent, expeditis, naves Hispanorum diripiebant, & eorum Insulis minabantur. Nec vacuæ fuerunt minæ, prout Havana postmodum experta est.

## Art. VII.

### *Prosecutio Belli anno 1762.*

Sub initium hujus anni agmen Platenum, e Pommerania in Saxoniam redux, Imperiales copias infestabat; at vero, postquam istæ se collegerant, Platenus pluribus certaminibus fractus, multisque suorum amissis in fugam fuit compulsus, capto etiam, præter alias plures urbes, per irruptionem Merseburgo. Nulla hybernis quies; nam Henrici quoque Principis exercitus perpetuo motu volebatur, Imperialibus castris punctimque varias ejus cohortes fortiter vincentibus.

Hyeme autem inter velitationes exacta, severior ad *Freyberg*. Pugna *Frey-* <sup>260</sup> *gam* 12 Maji scena aperta est; quippe Seidlicius, Hülßenus & Stut. <sup>bergensis.</sup> *terheimius*, collectis, quæ in Saxonia erant, copiis *Borussicis*, *Stolbergium* Principem, & *Maquirum* Comitem, qui Imperiales ducebant, majoribus viribus prælio aggressi, victoria potiti sunt, quæ tamen, præter captam *Freybergam* & *Chemnicium*, non magnos fructus tulit. Quin imo jussu *Serbelloni* *Stolbergius* &

Lucinskius juncti geminam mox cladem reddiderunt, primum quidem ad Chemnicium, dein vero ad Kesseldorffium. Tandem vero, cum Borussi novis supplementis augerentur, Imperiales ad fines Franconia: ex Saxonia recesserunt.

In Silesia interim princeps uterque exercitus ad novam expeditionem se impigre accingebat; quamvis, mutato tantopere Russiæ systemate, Austriaci, digresso cum suis Zernechesio, minuerent, Borussi vero, venientibus, qui a Russis & Suecis captivi fuerant detenti, non parum augerentur.

Zernischef  
jubetur ab  
Austr. rece-  
dere.

Schweidnitz  
exercitus amif-  
sum.

At vero, cum, Russis & Suecis a fœdere Austriaco privata cum Rege Borussiae conventionem recedentibus, Rex omnes copias, quas illis opposuerat, adversus solos Austriacos & Imperiales jam posset colligere, imo novus Russiæ Imperator non modo *Zernischefium* cum milite ab Austriaco exercitu separasset, sed etiam cum Borussis conjunxisset, mirum non fuit, quod Daunius ex editis locis montanis, quæ ad defendendum Schweidnicium occupaverat, ignium vi, & copiarum multitudine prævalente, fuerit dejectus, atque a Schweidnicii communione seclusus. Unde factum, ut urbs, sibi permessa, post diuturnam cruentamque oppugnationem, ac strenuam defensionem, se dedere tandem, atque captivam tradere fuerit coacta.

Factum triste  
Gradecii.

Hæc dum in Silesia agebantur, Borussi, milite abundantes, sub Kleisto ex Saxonia, & Reizensteinio ex Silesia, in Bohemiam irrumpebant, sub diram necessitatem contributiones, quocunque venerant, abductis etiam obsidibus, incolas, alias jam exhaustos, adigentes. Sacrificium triste fuit *Regino-Gradacium*. Quidquid civis velles corrogare, offerebant, ut incendium averterent. Civitas nihilominus a Cosaccis, barbara gente, contra Austriam jam militante, expilata, & crudo incendio prope fuit deleta. Tentabat equidem Imperialis exercitus afflictae Bohemiae succurrere, sed a Seidlitzio repulsus est. Felicius fuit Löwensteinius, qui irrupentes hostes quater repulit.

A Viadro & Albi ad Visurgim jam & Rhenum convertimur. Hannoverani cum suis Fœderatis, graviter ferentes, Göttingam a Gallis teneri occupatam, sub ipsos brumæ rigores varios insultus at incassum, tentabant. Nec minus Eichsfeldia direptionibus fuit pressa. Sed non feriabantur Gallorum arma, in Hannoveranum & Brunsvicensem agrum non raro illata, cæsis, in quas offenderant, hostilibus turmis. At Brunsvicensis Junior Arensbergæ arcem ur-

hemque, ad Colonienſem ſpectantem, expugnavit, Mureto ſtrenue licet illam propugnante.

Præſudia hæc velut erant expeditionis bellicæ. *Subiſio*, in locum Ducis *Broglia*, in Galliam revocati, ſuffecto, Rhenuſ obtigit *Broglia* reſuperior, *Eſſao*, qui lauroſ ad Viſurgim jam initio belli meſſuerat, *vocatus*. inferior. Quibus *Subiſio* præerat, ex hybernis ad Caſſellam in Haſſia conveniebant. 24 Junii ad *Grebenſteinian* commiſſa eſt pugna, *Pugna ad Fœderatiſ* fauſta. Victi Galli cum magna hominum & impedimen- *Grebenſtein*. torum jactura Caſſellam ſe receperunt. Altero mox certamine, quamvis fortiter dimicarent, receptui canere compulſi ſunt.

Favente magis fortuna uſi ſunt Galli ad Rhenum Inferiorem, ubi *Condeus* Fœderatoſ, quos Brunſvicenſis Princeps Fridericus du- *Condeus* vi- cebat, bis vicit, capto Scheitero cum non paucis aliis. Fœderati *tor*. nihilo ſecius arcem Waldecianam 11 Julii expugnabant. *Göttinga* Galli ultro exceſſere, deſtruſtis tamen ante munimentis & apparatu anno- *Göttinga*. nario. At ecce! mox Præfecto mandatur, ut urbem laceram re- petat. Fœderati verò *Fuldæ* expugnant, & exactionibus premunt, *Fuldæ* capta. Gallico capto præſidio. Procurſorium velut per provincias erat bellum; clades ultro citroque non leves illatæ.

Cum Hiſpania & Gallia Luſitaniam a fœdere Anglicano non poſſent abducere, atque in ſuam ſocietatem pertrahere, dimiſſis utrinque legatis, & belli declaratione facta, Hiſpani ſub initium *Hiſpani in* Maji 1762 ſub Archiſtratego Marchione de *Sarria* in Regnum Por- *Luſitaniam*. tugalliæ penetrarunt. Prima, quæ ſe oppoſuit, *Miranda* occurrit; ſed, poſtquam turris pulveraria incenſa mœnium ruinas & hiatus egit, ſe captam cum præſidio dedit. Eandem ſortem ſubierunt *Bragantia*, *Cabeça*, *Moncornum*, præſidio elapſo, reliqtæ vacuæ.

Angli, probe gnari, propter ſe peti Luſitaniam, quantique *Angliæ auxi-* ſua interſit, Luſitana conſervari commercia, auxilia condixerunt. *lia*. Miſſæ naves cum 10000 armatorum, ductore *Lippenſi Bickenburgico*, qui prius ad Viſurgim militaverat. Collecta quoque Luſitanorum ad 30000, a *Tiravoleo* Anglo exercitiis militaribus imbuta, & ad bel- lum præparata. Acceſſit multitudo agreſtium, qui, præter æſtivos calores & alimentorum defectum, Hiſpanorum progreſſus retardab- ant, quo minus fructus, quos ſperaverant, meterent.

## Art. VIII.

## De Bellis Ultra-Marinis annis ultimis.

161.

Non Europam duntaxat peragratum est bellum, atrocitate sua ferox, magnitudine præliorum & provinciarum vastatione fecundum, sed tranatis maribus in Asiam etiam, Africam, & Americam perripuit. Solus Turca, quod mireris, dum christiani in mutua viscera grassarentur, quievit, quamvis forte non semel lacessitus.

In Americam maxime tempestas detonuit; unde prima etiam origo mali propter controversos fines. Datum initium a direptione navium; ventum ad urbes, insulas, provincias: Acadia, Canada, Pensilvania, Ludoviciana, Martinicia, Havana, Quadalupa, agebantur.

Anglorum  
spolia.

Et quidem anno 1758 Angli occupabant *Nazaram*, *Ticonderogum*, *Quebecum* Canadæ urbem principem: maria omnia velut obsessa habebant 125, ut fertur, navibus bellicis majoribus, minoribus varii generis prope innumeris. Gallos ducebant *Moncalmus* & *Vaudrevillius*, Anglos *Amborsus*, *Townsendus*, *Johnsorus*.

Quebec.

Anno 1759 in manus Anglorum delapsus est munimentum *Montreal*, postquam Galli fortiter illud defenderant. Atque hoc pacto Angli *Canada* seu *Nova Francia* possessionem adepti sunt.

Montreal.

S. Domingo.

Anno 1760 accessit Insula S. Dominici; & anno sequenti Insula *Martinique* (*Martinica*) ex *Antillis* præcipua.

Martinique.

Terra Nova,

Anglis ere-  
pta.

Galli autem interea Terram Novam (*Terre Neuve*) spatiosam Insulam cum suis munimentis Anglis eripuerunt, direptisque non raro navibus damna sua strenue ulsi sunt.

Havana.

Cum Hispania etiam cum Anglis bello fuisset collisa, Angli *Havanam*, Insulæ Cubæ urbem præcipuam, anno 1762 occuparunt, magno Hispaniæ detrimento.

Ponticheri.

In Orientalem quoque Indiam pervasit bellum Anglo-Gallicum, præsertim in *Coromandelis* oram. Sunt ibi duæ urbes famosæ, *Ponticbertum*, quæ ad Gallos, & *Madras*, quæ ad Anglos spectat; averso aspectu illæ se se hoc bello intuebantur; quin imo torvo vultu congredebantur. Nam primum Galli *Madras* aggrediebantur, effectui conatui non respondente. Felicior fuit Anglus, qui *Ponticherium* tandem expugnavit, multis tamen suorum amissis, falvisque Religionibus. (15 Jan. 1761.) Neque tam vis hostilis, quam alimentorum defectus, Gallos ad deditionem compulit.

Sura.

*Suratam* jam prius Angli eripuerant, prout etiam Carangolium &c. *Surata.* Pugna & velitationes non paucae confectae sunt, magna utrinque fortitudinis commendatione. Multitudini non raro partis unius cedere virtus alterius debuit. Cæterum plures utrinque erant Indi in urbibus, & præliis socii, quam Europæi.

Persia perpetuo suo malo, internis videlicet diffidiis, ac revolutionibus laborat, varijs per provincias tyrannis Imperium fluctuans diserpentibus. Atque ut totum orbem bellum pervagetur, amplum Sinarum Imperium, pacis alias artium quam belli amantius, supremis his temporibus cum Indis & Tartaris collisum, porrectis ad Bengalam usque finibus, grandibus duabus provinciis auctum est.

## Art. IX.

### *Pacificaciones Varie.*

Jam 26 Martii 1761 Aula Viennensis, Parisiensis, Petroburgensis, Varsaviensis, ac Holmiensis, ut suspicionem a se amolirentur, quod morentur negotium pacis, Angliæ & Borussia Regibus, eorumque federatis, quod insinuatum supra, Augustam Vindelicorum congressus locum offerebant. Sed Europæ spem armorum tumultus suffocavit.

Dum autem hæc consilia pacis, Augustæ conciliandæ frangebant, Comitium Ratisbonense fervebat. Major suffragiorum pars negotium conficiendæ pacis Cæsari committendum a Statibus censebat, absque ullo tamen in futurum præjudicio. Obluctabatur minor, negabatque, ubi de singulorum juribus agitur, majora prævalere, sed *ut in partes* locum esse. Catholici omnes priores *Conclusum* pacificationes confirmandas judicabant, Protestantes Rivicensem *ex de pace* ex-  
cipiebant. Conceptum nihilominus secundum *Majora* conclusum Imperii, quod Cæsar ratum habuit.

Eodem tempore, quo de Congressu Augustano agebatur, Gallia quoque & Anglia tractabant. Missus Londinum *Buffus*, Parisius & *Stanlaus*. Ille Interdicto *uti possidetis* standum putabat: hic ter *Stanlaus de* minum possessionis ad tempus ratificatæ pacis referri voluit. Cum *pace tra-* non conveniretur, Gallia cessionem Canada, sub certis tamen *cliant.* conditionibus, obtulit, Insulæ item Minoricæ, Hassiæ, Hanoviæ, eorum-

Conditio-  
nes.

eorumque locorum, quæ in ditione Hannoverana tenet occupata. Repetiit vero caput Bretanicum, seu Portum Regium. Geldriam, Vefaliam, aliaque ad Rhenum Inferiorem loca Borussica non posse cedi, cum sint in potestate Regina Imperatricis. Omnes naves, ante belli declarationem ereptas, restituendas: captos, sine lytro remittendos.

Anglia vero postulavit, totam absque reservatione cedi Canadæ, Senegalliam insuper, Goream, Minoricam, omnes urbes & regiones, in Germania occupatas, ne Borussicis quidem exceptis: Ostendam & Neoportum illico evacuari: bellum usque ad ratificationem pacis continuari: captivos liberari: Dunkercæ munimenta portumque ad Ultrajectensis pacis normam dirui: captas naves retineri: libertatem, assistendi fœderatis in Germania: societates in India Orientali sibi relinqui. Contra vero Gallis vult restituere Calonesum (*Bellisle*), Quadaluppam, & Marigalantam, permittere insuper capturam piscium in littore Terræ Novæ.

Pax frustra-  
ta.

Tandem, postquam a 26 Martii usque ad 20 Sept. fuit tractatum, Legatus uterque domum recessit, continuatumque terra marique bellum, quin imo auctum, cum Hispanus etiam indignatus, quod Anglia conditiones pacis tam opimas non acceptarit, socius Gallis accesserit.

Mutatio  
Russiæ.

In Septentrione, postquam Elisabetha Russiæ Imperatrix 5 Januarii 1762 obiit, ingens facta est rerum mutatio; nam Petrus III vix fuit ad thronum evedus; cum prodere visus est, qua mente fuerit hastenus in fœdus, quod Elisabetha, ejus matertera cum Aula Viennensi, Versalienfi, Varfaviensi, & Holmiensi initum, quantum in se erat, fideliter custodiverat.

Induciarum  
conditiones.

Nam, licet primis diebus aliud præferre videretur, brevi tamen, die videlicet 16 Martii 1762 Stargardiæ clam suis Fœderatis cum Rege Borussicæ fecit inducias. Viadrus in Pommerania statutus terminus, qui utrumque exercitum separaret. Borussi non ingrediantur Poloniam, nec Russi Silesiam, Zernichewio autem cum suis copiis liber per eandem concedatur transitus, ut ad Russicum exercitum se possit recipere. Commercia libera sunt. Subscripserunt Dux Beveranus & Princeps Wolconskius.

Imperator Russiæ cum has inducias pangeret, omnes bello implicitos Principes ad pacem hortatus est. Secuta est hortantem Suecia; nam mense maio 1762 tam Russi quam Sueci cum Borussia pacem inierunt, ea lege, ut omnia in statum pristinum, quo ante bellum fuerant, restituerentur, adjectis duntaxat quibusdam conditionibus. Rex Borussia pro pacis beneficio Moscorum Imperatori legionem Borussicam donavit.

Tantopere cum jam hiaret fœdus, ad pacis consilia versi sunt omnium animi; atque imprimis Gallia, sequente Hispania. Prælimi- Et Gallia.  
naria sub initium Decembris anno 1762 cum Anglis pepigit in hæc capita. 1 Statuitur amnestia. 2 Gallia cedit Angliæ *Canadam*, Insulam *Bretoviam*, *Acadium*, *Insulas Granatenses*. 3 Catholica Religio Conditiones.  
in his provinciis sit salva: possintque Galli, venditis bonis, libere discedere. 4 Conceditur Gallis jus ad littora Terræ Novæ atisque locis piscandi, piscesque exsiccandi. 5 Relinquitur Gallis Insula *S. Petri*, & *Miquelon*, pro piscatoribus cum obligatione, ne muniantur. 6 Urbs & portus *Dunkercensis* ad eum statum redigatur, qui anno 1748 per pacem *Aquisgranensem* fuit definitus.

7. Anglia præterea restituit Franciæ Insulam *Quadalupam*, *Mariagalantam*, *Desradam*, *Martinicam*, *Bellinsulam*. 8. Insulæ neutrales sic divisæ sunt, ut Insulæ *S. Dominici*, *S. Vincentii*, & *Tabago* ad Anglos, Insula vero *S. Lucie* ad Gallos spectet. 9 In *Africa* Insula *Gorea* Gallis, *Senegallia* vero Anglis relinquitur. 10 In *India* Orientali restituuntur Galliæ loca, quæ initio belli in ora *Coromandelis*, *Malabariæ*, *Orixæ* & *Bengalæ* habuit.

11. *Minorica* Insula cum munimento *S. Philippi* restituitur Angliæ, eo in statu, quo fuit tempore expugnationis.

12. Gallia restituit omnes, quas occupatas tenet, regiones urbesque, ad Electorem *Hannoveranum*, *Landgravium Hassiæ*, *Duces Brunsvicenses*, & *Comites Lippeneses*, pertinentes, in statu, quo fuerunt tempore occupationis. 13. Reges Galliæ & Angliæ promittunt, se porro fœderatis suis in Germania non adstituros. 14. *Geldriam*, *Cliviam*, *Vesaliam*, *Mœrsiam*, aliasque urbes, ad Regem Borussia pertinentes, interim Galli nomine Imperatricis præfidiis occupatas teneant, donec res ista componatur.

15. Regi Hispaniæ restituantur, quæ Angli in Insula Cuba occuparunt, nominatim Havana, in eo statu, quo fuerunt tempore occupationis. Hispani vero Lusitania excedant, restitutis quæ occuparant &c.

Postea 10 Februarii 1763 Parisiis Pacis Tractatu Definitivo hæc alique puncta confirmata fuerunt a Duce Choiseullo nomine Regis Franciæ, a Marchione Grimaldo nomine Regis Hispaniæ, & a Duce Betfordo nomine Regis Angliæ.

Denique etiam Pax inter Reginam Hungariæ &c. & Regem Borussiae 15 Februarii 1763 in arce Huberti (*Hubertsburg*) in Saxonia fuit conclusa. Illius hæc est summa.

I. Cesset omnis hostilitas. Sit plena amnestia & amicitia. Neutra pars in præjudicium alterius quidquam agat, aut permittat.

II. Omnis hostilitas, damnaque illata perpetuæ oblivioni dentur, nullaque inde compensatio unquam petatur: bonaque fisco ad dicta suis dominis restituantur.

III. Regina renuntiat omnibus prætensionibus in ditiones Regis Borussiae, præsertim in eas, quæ per articulos Præliminares Uratislavienses, & pacem Berolinensem cessæ sunt: prout etiam Rex renuntiat omnibus prætensionibus in ditiones Reginæ.

IV. Si forte post obsignationem hujus Tractatus damnum inferretur, fideliter reparetur.

V. Regina restituet Glacensem Comitatum, Geldriam, Vesiham in eo statu, quo fuerunt, dum occuparentur, omniaque alia loca, quæ Rex ante bellum habuerat. Similiter Rex copias suas ex omnibus ditionibus Reginæ Regisque Poloniæ, juxta Tractatum, eadem die initum, educet, & in terras suas reducet.

VI. Quamprimum hæc conventio fuerit signata, cessent omnes exactiones; & si quid forte extorqueretur, illico restituatur. Si quæ contributiones necdum fuerint præstitæ, sint remissæ. Omnesque obsides gratis liberentur.

VII. Omnes bello capti sine lytro dimittantur, solutis tamen debitis, ab illis contractis. Remittuntur quoque alimenta, illis præbita. Idem circa copias Imperiales observandum.

VIII. Dimittantur quoque, qui coacti fuerunt alterius castra sequi.

IX. Regina restituet Regi omnia instrumenta & documenta, quæ sunt in locis restituendis.

X. In



X. Incolis Glacensis Comitatus sit liberum alio discedere.

XI. Rex ratas habet collationes Beneficiales, in Ducatu Clivenfi a Regina factas.

XII. Uratislaviensis Tractatus Præliminaris, Tractatus Definitivus Berolinensis de anno 1742, & Tractatus limitum ejusdem anni confirmantur, quatenus præsentini non sunt contrarii.

XIII. Commercia inter utriusque summi contrahentis subditos promoveantur.

XIV. Rex in Silesia Religionem Catholicam conservabit in statu, quo fuit tempore Tractatus Præliminaris Uratislaviensis, prout etiam incolarum possessiones, jura, & privilegia: salva tamen libertate conscientiarum Protestantium, & jure Regio.

XV. Renovantur obligationes, in Tractatu Berolinensi susceptæ, solvendi debita, pro quibus Silesia hypothecæ est subjecta.

XVI. Regina spondet pro omnibus ditionibus Regis, & Rex pro omnibus, quæ Regina habet in Germania.

XVII. Rex Poloniæ comprehenditur hac pace secundum normam peculiaris Tractatus, hac eadem die inter utrumque Regem inita.

XVIII. Rex renovabit Tractatum, cum Elestore Palatino anno 1741 ratione Juliacæ & Montensis successionis initum, sub iisdem conditionibus, quibus conclusus est.

XIX. Totum Imperium omnesque Status hac pace comprehenduntur. Confirmatur etiam pax Westphalica, cum aliis Imperii Constitutionibus.

XX. Includuntur huic paci utriusque partis fœderati & amici, alio tractatu nominandi.

XXI. Commutatio & ratificatio hujus Tractatus fiat intra 15 dies post subscriptionem & signationem.

*Actum in Castro S. Huberti 15 Febr. 1763.*

Signarunt hunc Tractatum, qui eundem conceperunt, Gabriel Collenbachius Consiliarius Aulicus, & Fridericus Herzbergius Consiliarius Regius.

## CAPUT XX.

## Historia Probabilismi:

seu

## D i s s e r t a t i o

## De Ufu Opinionum Probabilium.

263.

**D**e hac equidem materia aliqua jam supra libro III occasione *Litterarum Provincialium*, & rigidæ, quam Jansenistæ præferunt, morum doctrinæ, ex P. Daniele aliisque retuli; sed quia a centum jam annis nulla quæstio vehementius est agitata, ad hunc Eruditionis apparatus pertinere arbitror, de lege dubia prolixius aliquantum hoc loco differere.

Sensum quidem meum ea super re aperui jam *part. I c. 2 q. 6*, hic autem non tam meam, quam aliorum mentem recensebo, innoxiam ratus fore Probabilismi relationem Historicam, & contrariæ multo gravissimæ, eum mihi maxime præfigens scopum, ut ostendam, quam immerito ab imperitis aut malevolis Societati Jesu Probabilismus tanquam proprius attribuitur, qui innumeris aliis ex omni Ordine & Natione est communis, quemque nulla ordinatione Societas suis præscripsit, sed omnibus liberum reliquit, quam probabiliorum censerent, docendi sententiam, prout plures ex illis magno ardore severiorem ore & calamo docuerunt, & etiamnum docent.

Cæterum, quod dixi, non Auctorem aut Doctorem ago, sed compilatorem & historicum relatorem, eorum præcipue, quæ P. Gravina vir eruditissimus Italice potissimum recentissime hac de materia scripsit; quæ ego in synopsis contraho.

Art. I.

*Definitio opinionis probabilis. An unus Doctor faciat probabilem?*

*Diversitas scriptorum. Jansenistarum in Probabilismum primus furor. An Probabilismus origine sit Thomisticus?*

*An Anti-Probabilismus Jansenistis aliquid debeat?*

*Quid Jesuita praestiterint circa Probabilismum.*

P. Josephus Maria Gravina S. J. Panormi in Sicilia edidit anno 1755. *Tractatus Apologeticus de Probabilismo adversus Magistrum Vincentium Diez, Illustrissimi Ordinis PP. Praedicatorum, Studii Generalis S. Dominici ibidem Regentem.*

264.

Hoc opus eruditissimum, quod P. Gravina in tres partes dividit, aestimari potest velut complementum absolutissimum eorum, quæ San- Vitalis, Ghezzi, Lecchi, Bovius, Richelmi, Gagna, Balla, Carpani, Lagomarsini, Nocetti, Zacharias, adversus Concinam, Dinellum, Patuzium &c. doctissime scripserunt. Quare alienum non fuerit, ex hoc opere, Italice potissimum scripto, & in Germania perraro, aliqua excerpere, & brevissime referre.

Primam partem Gravina in 40 Dialogos subdividit. In 2 definit opinionem probabilem, quæ nempe solidis sibi nixa rationibus, classicisque testibus patronis, nulli certo principio, nullique, vel conventioni, vel legi, vel censura adversetur publica.

In 3 ait, unum vel alterum auctorem tanti valere posse apud æquos rerum aestimatores, ut instar multorum vel solus opinionem reddat extrinsecus probabilem. Affertque in hanc rem testimonium duorum celeberrum Thomistarum, Melchioris videlicet Cani l. 8 de loc. Theol. c. 10, ubi scribit: *In scholastica disputatione plurium auctoritas obruere Theologum non debet; sed si paucos viros, modo graves, secum habeat, poterit sane adversus plurimos stare; non enim hæc numero judicantur, sed pondere.* Item Barnabam Callegum de Vera, qui in *Resol. Moral. de consc. dub.* 21 de conscientia probabilis ait: *Noster Angelicus Doctor multa scripsit & docuit contra alios, qui ante ipsum scripserunt; & tamen ejus opiniones statim, ac ab ipso tradita sunt, existimata sunt probabiles, tum propter maximam ejus auctoritatem apud Theologos, tum quia non levibus, sed rationalibus fundamentis ductus est ad sic opinandum.*

In quem sensum scripsit ipse S. Augustinus l. XI contra Jul. c. 10 n. 36. *Me delectat non numerare multitudinem, sed appendere paucitatem.*

F f f f f 3

Con-

Consentit Jus Civile, dum l. 1 c. de vet. fur. enuct. §. sed neque 6 ait: sed neque ex multitudine auctorum, quod melius & aequius est, judicatore; cum possit unius forsitan, & deterioris sententia & multos & majores in aliqua parte superare.

Imo & Ignatius Camargo S. J. vehemens Probabiliorista (ex quo Concina aliique Anti-Probabilista multa descriperunt) Reg. Honest. Mor. l. 1 contro. 3 art. 3 ait, opinionem gravium Doctorum, imo etiam unius tantum aliquando, licet rarissime, etiam contra plurimum aliorum, vel etiam communissimam, esse posse quandoque regulam sufficientem ad bonum operandum, dummodo fiat operanti propria, & omnibus inspectis vera existimetur ab ipso.

Distinguit deinde Gravina inter scriptores; & alios appellat classicos, qui apud doctos, in praxi, tribunalibus, scholis, ita sunt recepti, tantique nominis, ut eos tuto sequi possimus: alios vero summistas: hosque rursus in duplici classe; alios nempe, qui Auctorum sententias colligunt, easque examinant, & rationibus firmant, atque sic veluti suas faciunt; quales ex PP. Dominicanis fuerunt Cajetanus in sua Summa, Sylvester Prieras in sua Summa Sylvestrina, Fumus in Summa, quæ Armilla dicitur: ex PP. Franciscanis Angelus de Clavasio in sua Summa Angelica, ex Societate Jesu Toletus, Emmanuel Sa, Bufenbaum, Taberna &c. ex Clero seculari Ostiensis. &c. Et hos quoque dicendos Auctores.

Alios vero Summistas, qui sine examine, crisi, ac declaratione aliorum doctrinam describunt, cum Gellio vocat Proletarios, quasi triviales, quos nomine Auctorum indignos censet, sed Collectores & Compilatores dicendos, quales sunt Gratianus & alii compilatores Juris Canonici. Qui non aliam habent auctoritatem, ac fontes, ex quibus hauserunt: prout etiam, qui jurantes in verba Magistri, eum ut ovis ovem, anas anatem, grus gruem sequuntur. Non modicam tamen etiam compilatores Reipublicæ litterariæ utilitatem præstant, dum ea, quæ sunt dispersa, colligunt, aut in synopsis contracta lectori, cui aut fontes desunt, aut tempus vel patientia in evolvendis multis voluminibus deficit, unum velut sub conspectum ponunt.

Sunt, qui etiam ab Historico testes & probationes requirunt. At vero Historicorum Principes, Livius, Cæsar, Tacitus, Curtius, Thucydides, Dionysius Halicarnassæus, Xenophon, & ipse Historiæ Conditor Herodotus, nullos testes produxerunt, nec indicarunt monumenta, ex quibus, quæ scripserunt, desumpserunt. Quod exemplum celeberrimi postea Historici sunt secuti. Historici est,

est, res gestas narrare; an credere velit, lectori debet relinquere.

Cæterum non est dubium, inter ipsos etiam Auctores classicos diversos esse auctoritatis gradus, sed hos designare, e. g. an S. Thomas sit præhabendus S. Bonaventuræ, an schola Thomistica Scotistica, difficile nimium invidiosumque foret.

In Dialogo V Gravina ostendit, Montalcium & Wendrockium odio Jesuitarum in probabilismum insurrexisse; idque vel ex ipsa Melchioris *Leydeckeri* Calvinistæ *Historia Jansenismi*, anno 1695 Ultrajæci impressa, comprobatur.

In VII negat, nos homines ab iis, quæ sunt probabiliora, absterre, imo suaderi a nobis, ut ea sequantur: solam obligationem negari; eo quod probabilius nobis sit, eam non dari.

In VIII *Laxissimum* docentem, licitum esse sequi opinionem, quantumvis tenuiter probabilem, merito esse damnatum, & non nisi per calumniam confundi cum probabilismo, gravi fundamento nixo.

In IX *Rigorismo* doceri, semper standum pro lege, quamvis ea probabilius non existat. Hunc amplexum fuisse Natalem Alexandrum T. 7 *sua Theol. pag. 151.*

In X asserit, tria hæc meridiana luce evidentiora esse. 1. *Probabilissimum, totus quantus est, Thomisticum esse origine.* 2. *Diuturnam Probabilismi adolescentiam acceptam in primis referendam esse Thomistis.* 3. *Anti-Probabilismum (furioso & calumnioso æstu defensum) stragema esse sectæ Jansenianæ, nec non cursum ejusdem magna ex parte illius sectæ operis esse, & laboris.* Addit quartum: *Id unum Jesuitarum esse proprium, ut probabilissimum, pluribus nominibus alienum, limitarent, arctarent, emendarint, perfecerint, & contra Jansenianos furores propugnarent.*

Probabilissimum, prout in præsentī in Academia disceptatur, acceptum in primis referendum Inclito Prædicatorum Ordini, multis de causis, sed potissimum ejus spectata origine, probat ex Alberto M. qui celebri apud antiquos Thomistas canone *Frater simplex*, sic scripserit: *Frater simplex, vel quilibet homo cum salute sequi potest in consiliis, quamcunque opinionem voluerit, dummodo alicujus magni Doctoris opinionem sequatur.* Regulam hanc celebratam fuisse a quampluribus Thomistis, S. Antonino, Humberto, & præsertim a Joanne Nider in *Consolatorio Timoratae Conscientiæ* part. 3 c. 11 & 12, ubi eandem regulam exhibet expositam a Bernardo Claramontensi his verbis: *ex quo opiniones sunt inter magnos Doctores, & Ecclesia non determinavit alteram*

*alteram partem, teneat, quam voluerit, dummodo iudicium in hoc resideat propter dicta eorum, saltem quos reputat peritos.*

In Dial. XI affert probationem aliam, cur probabilissimum origine Thomisticum dicat, quod videlicet Seraphinus Cavalli, Prædicatorum Ordinis Generalis Magister præcepto formali Bartholomæum Medina anno 1577 adegerit, ut Ethicam suam in 12 publici juris faceret, quam & *aurearum expositionum* elogio honestare placuerit. In hoc autem opere Medina probabilissimum clare defendit; & sic non *rimulam*, ut Eckardus scribit, sed plenam portam aperuit.

Quasi vero rimula sit quæstio, quam Medina *Magnam* appellat, & ex professo contra Cardinalem Cajetanum *q. 19 art. 6 & tractat*, atque 4 argumentis, 3 confirmationibus apertissimum probabilissimum propugnat, contrariamque sententiam confutat. Repetitque hanc doctrinam in *Instructiōe confessoriorum*, Cardinali Alexandrino Protectori Ordinis Dominicani a Petro Gonzalez, qui eam italice reddidit, inscripta, & 10 intra annos quinque recusa. Et quidem probabilissimum propugnat in omnibus negotiis, etiam in maximum præjudicium tertii vergentibus, etiam in materia sacramentorum; ut Gravina Dial. XII testatur.

Ubi addit, eandem rimulæ amplitudinem anno 1683 exemplum esse Joannem a S. Thoma celeberrimum Thomistam, in *1. 2 t. 1 disp. 12 art. 3*, ubi ait: *stante hac certitudine, seu probabilitate practica, in quacunque materia licite procedi potest - - etiamsi opposita pars tutior, & probabilior appareat.* His addi possunt, quos supra allegavi.

Idem Gravina Dial. 22 laudat M. Barnabam Gallegum de Vera, qui anno 1648. Madriti edidit opus de *conscientia probabil. dub. 1* ait: *secunda sententia, quæ est longe probabilior, mihi magis placet, licitum esse in praxi sequi sententiam minus probabilem, & minus tutam, dummodo sit practice probabilis. - - Hæc igitur secunda sententia communior est inter Thomistas.*

Dial. XIII pergit ad probandum alterum membrum suæ propositionis, diuturnam nempe probabilissimi adolescentiam acceptam in primis referendam esse Thomistis. Probat autem 1 auctoritate P. Stephani de Champs, qui in quæst. facti c. 5 anno 1659 scripsit: *Recentiores (Thomistæ) tam admirabili consensu patrocinium probabilissimi susceperunt, ut ex his, qui post Medinam, id est, ab annis fere centum, de hac controversia scripserunt, nullum plane viderim vel legerim, ab auctoribus, tractatu hoc toto citatis, appellatum, qui vel in speciem contrariam docuerit.*

2. Ex P. Daniele, qui Epist. 2 ad P. Serry idem testatur, nempe a Medina usque ad annum 1659 Thomistas omnes, qui hanc materiam tractarunt, secutos esse Medinae doctrinam, neminemque toto eo tempore eandem impugnasse. Certe adhuc anno 1644 universus Prædicatorum Ordo Romæ congregatus in Generalibus Comitibus, sub Reverendissimo P. Thoma Turco Generali Ordinis Magistro Ordin. 21 Joannem Ildephonsum Baptistam formali obedientiæ præcepto adegit, ut in lucem emitteret sua commentaria in 1. 2, in quibus probabilismum ex professo defendit, dum solide tractat de conscientia probabili Tom. 3, ubi concl. 7 dub. 6 n. 601 docet inter alia: licitum esse, habere intentionem consultandi varios Doctores, donec aliquis vere doctus & pius proponat opinionem, quæ consultanti saveat.

Lopez vero ejusdem S. Ordinis p. 1 Instruct. Consc. c. 120 ait, quod confessor penitenti, probabilem DD. opinionem sectanti, negare absolutionem non potest, licet confessor ipse contrariam opinionem probabiliter censcat. citatque Lopez Medinam. Unde patere ait Gravina, non modo objectivum, sed etiam subjectivum probabilismum a Medina fuisse traditum.

In XIV refert, a P. Alexandro P. Danieli septem objectos fuisse Thomistas, qui medio eo tempore, nempe ab anno 1577 ad annum 1659 probabilismum rejecissent, videlicet Dominicum Gravina, Martinum de Prado, Tapiam, Mercorium, Baronium, Gonetum, Contensonem. At respondisse Daniele, tres primos esse probabilistas, cum Gravina l. 2 de objecto revelationum scripserit: licitum est tenere multoties opinionem probabilem, relicta probabiliore, quando vera esset probabilitas. Prado autem T. 1 pag. 15 ajat: quando opiniones sunt æque probabiles, potest quis sequi, quam voluerit. & pag. 18: Sæpe in praxi licitum est, sequi opinionem minus probabilem, relicta probabiliore. Tapia t. 1 anno 1654 edito pag. 77 asserat: opinio etiam minus probabilis & minus tuta, dum tamen sit probabilis practice, potest eligi tuta conscientia, relicta probabiliiori & tutiori. & n. 6 addat: etiamsi alienam non putes probabilem, posse te deponere dictamen proprium & adherere alienæ.

Cum Mercorius apparuit, liber P. Dechampii jam fuerat editus; hinc eo in publicum producto, P. de Champs adjecit appendicem, in qua Mercorium, qui primus post Jansenistas belli signum extulit, inconstantia arguit. Tres reliqui libros suos ediderunt post annum 1659, quo de Champs scripserat, & quidem Baronius primum anno 1665, & eodem ferme tempore Gonetus, Contensonus vero 1676; manere proin integrum de Champii testimonium,

Part. X.

G 888

ab

ab anno 1577 ad 1659 nullum fuisse ex PP. Dominicanis, qui probabilismo contradiceret.

Dial. XV refert ex Dechampion & Daniele, *veteres Theologos Parisienses solenni Decreto Anti-tutorismum approbare*: omnes vero omnino Doctores Sorbonæ, usque ad adventum Janfenistarum, approbasse probabilismum. Ex Cardenas vero, qui anno primum 1680 opus suum contra Jacobum a S. Dominico scripsit, *Sententiam de vera probabilitate practica admittenda, secure ad praxin quiescere in quadam pacifica quasi possessione in regnis Hispanicum, in quibus Theologia felicissima floret; amplecti hanc sententiam omnes Academiæ, Collegia, Studia Generalia & privata, sive Thomistarum, sive Scotistarum, sive Jesuitarum, ut nullus aut fere nullus sit in his regnis Theologus, qui dissentiat: ut adeo ultra centum annos, nempe ab anno 1577 ad 1680 nullus aut vix ullus in tota Hispania fuerit Theologus, qui dissentiret.*

Denique ex eodem Dechamps: Ex Gallia Isambertus clamavit communiter Doctores: Ex Hispania Montefinus, Navarra, Greg. Martinez: *hæc sententia est communis in scholis: hæc est communio Theologorum: hæc est sententia communis*; Ex Italia Bonacina, Roggius, Bossius: *Ita communiter Theologi, itque, ut ita dicam, infirmi: Ita omnes publici Professores Theologia; Ex Germania Caramuel Episcopus: Illa sententia hodie est omnium.*

A Dialogo XVI Gravina tertium suæ propositionis membrum probat, videlicet, *Anti-Probabilismi, Anti-Jesuitici, criminarii, ac turbulenti, (non autem modesti, temperati, pacifici) initium merum fuisse stratagemata sectæ Janfenianæ, nec non Anti-Probabilismi cursum magna ex parte ejusdem sectæ operis fuisse & laboris.* Probat autem ex Leydeckeri Historia Janfeniana lib. 3 de dogmatibus Janfenismi, ubi tanquam certum ponit, *Sancyrarum & Janfenium, collatis studiis Ethicæ Jesuitarum, tanquam pro aris & focis tutandis, oppugnasse, præsertim dogmata de probabilismo, quasi-Jesuitico.* Ex odio ergo Janfenistarum & spiritu vindictæ in Jesuitas, præcipuos suos adversarios, quibus omnia decreta, edicta, sententias, contra se latas, adscribebant, ortum esse bellum illud vehemens anti-Jesuiticum, a Sancyrano & Janfenio cæptum, ab Arnaldo, Montaltio, Wendrockio, Gerberonio, Quesnello, & Symmists continuatum: euntibus in eorum partem sociis, quos pudere debuisset, tales duces sequi.

Igitur, licet Janfenistæ probe scirent, doctrinam de probabilismo origine esse Dominicanam, progressu vero omnibus cum ipsis communem, solos tamen Jesuitas metam designarunt, in quam



quam communi studio, ira, odio, vindicta collimarent. Hinc *Littera illæ Provinciales, Moralis Præctica Jesuitarum, Theatra Jesuitica.*

Fatetur ipse Wendrockius, omnium maxime virulentus, in tertia *Nota præambula ad Litteras Provinciales, quod Jesuitis tribuantur, quæ ipsi ab aliis hauserint.*

Ut tamen solos posset Jesuitas reprehendere, maligne scripsit: *Alii scriptores fere sibi peccant, aut certe non multis; Jesuita toti Ecclesiæ peccant, quam suis novitatibus inficiunt. Latebant hæc dogmata in Bibliothecarum angulis; paucis nota, paucis nocebant. At ipsa Jesuita super tella prædicabant, in aulis Regum, in familias privatorum, in curias Magistratum invexerunt: additque, quod in illo Casuistarum grege, numero, auctoritate, fama principatum obtineant, suosque vel alienos errores acrius defendant, latius disseminant.*

Quæ sane Jansenistarum iste triarius non minori odio in Jesuitas, quam contemptu scholarum Catholicarum effudit, maxime vero Illustrissimi Ordinis PP. Prædicatorum, & scholæ Thomisticæ, a qua Jesuitæ doctrinam de probabilismo hauserunt; quam fulgentissimam atque multo ornatissimam scholam Sanvitalis Jesuita appellavit mundi magistram, oraculum sapientiæ, in orbe terrarum sapientiæ, sanctitatis, & zelo animarum clarissimam; quam certe Societas Jesu veneratur, dignamque multi ex illa censuerunt, cujus doctrinam circa usum opinionum probabilium, cum pluribus tamen limitationibus, sequentur.

In *Dial. XVII* Gravina iterum Sancyranum & Jansenium antesignanos recentiorum antiprobabilistarum statuit, hujusque calumnias in probabilismum refert: prout etiam narrat ea, quæ Caramel epist. 4 ad Cardinalem Pallavicinum scripsit. *Erant Lovanii, inquit, cum jam mortuo Jansenio executores testamenti de clandestina ejus Augustini editione secretissime deliberarunt. Et D. LIBERTUS FROMONDUS, inter novæ hujus doctrinæ affectus coryphæus, ut viam supercunctura aperiret errori, aut verius, ut illum, nihil simile Academia Doctoribus prævidentibus disseminaret, has propositiones: Probabilitatum usus est res nova: Non potest non condemnari apud DEUM, qui relinquens viam tutam insistit opinioni probabili &c. conatus est in scholas intrudere, se opposentibus viris doctis & piis; additque: ante annos paucos Janseniani in Gallia, ut doctrinam Jansenii, ab Innocentio X condemnatam, sub larvæ pietatis revocarent, pium & doctum probabilitatum usum juni criminati, prævidentes, illo semel proscripto, Jansenianam necessario hæresin resurrecturam. Protestatur tamen P. Gravina, quod ultimæ huic Ca-*

ramuelis reflexioni nullatenus se immisceat; nec ego illam meam facio, sed historice duntaxat eandem cum illo præcise refero.

Ceterum prima Fromondi propositio est falsa, & contra certam Historiam. Secunda inducit tutiorissimum universalem, & si loquitur universaliter de omni opinione probabili, ab Alexandro VIII fuit damnata in hac *Struickii* Jansenistæ propositione: *non licet sequi opinionem, vel inter probabiles probabilissimam.*

In Dial. XVIII eandem materiam prosequitur, ducitque epocham Probabilissimi *Medtiani*, sub propriis & formalibus terminis & formulis concepti, ab anno 1577; epocham vero Antiprobabilissimi *Sancyranam* ab anno 1632, *Jansenianam* vero ab anno 1640; quia iis temporibus Sancyranus & Jansenius in probabilissimum Catholicum invehiri cœperunt.

*Dial. XIX* ait, hæc non eo narrari, ut impugnatio probabilissimi ullo modo hæresis nota afficiatur; cum Catholice impugnari possit, & a pluribus etiam Jesuitis impugnetur: cum liberum illis sit, probabilissimum (verum tamen, solidum & limitatum) defendere, vel impugnare. Sed eo hæc spectare, ut adversarii Catholici, maxime Thomistæ, desinant Jesuitis attribuire probabilissimum, tanquam proprium, cujus ipsi sunt auctores, quique deinde, ipsis ducibus, factus est omnibus communis; perspiciantque, non sanctos viros studio pietatis primos adversus probabilissimum arma arripuisse turbulenta, & furiosa, sed perfidos hæreticos, ut bellum, quo premebantur, in Jesuitas transferant, quos cœu impugnatores suos habebant exosos. An vero gloriosum sit viro Catholico, illorum vestigia premere, & linguam maledicam & calumniantem discere, ipsis considerandum relinquimus. Modo regnaret semper charitas & recta intentio; quamque severam sentiendi vivendique regulam aliis præscribimus, ipsi servaremus!

*Dial. XX* Conclusionem suam, hætenus probatam, inserit, initia nimirum Anti-Probabilissimi (turbulenti, convitiantis, & cum inimico strepitu propositi) merum esse stratagema sectæ Jansenianæ, ejusdemque cursum magnam partem fuisse eorum operis & laboris; cum etiam post Sancyranum & Jansenium non desierint, in Probabilissimum tonare; prout ex scriptis Arnaldi, Pascalii, Nicolii, Fromondi, Gerberonii, & Quesnelli constat.

*Dial. XXI* repetit, a Capite & Corpore Ordinis Prædicatorum duos scriptores, Medinam & Ildephonsum præcepto fuisse adactos, ut probabilissimum suum evulgent; non autem constare, quod Cajetanus, Mercorus, Baronius, Gonetius, Contenson, Alexander,

Serry,

Serry, Jacobus a S. Dominico, aut ullus alius Thomista coactus fuerit, suum probabiliorismum edere. Ex Jesuitis autem nulli unquam fuisse imperatum, ut probabilissimum prælo committat. Atque vel ex hoc etiam patere, an probabilissimus *Jesuiticus* sit dicendus, an *Thomisticus*.

Dial. XXIII quantum membrum suæ propositionis probat, nempe, id unum *Jesuitarum esse suum & proprium, ut probabilissimum, pluribus nominibus alienum, ardeant, emendarint, perfecerint, & contra Jansenianos furores propugnarint*; probatque 1 ex P. de Champs, qui c. 8 copiosos exhibet indices Jesuitarum probabilistarum, qui etiam ante censuras damnarunt probabilissimum Ministri Sacramentorum, Judicis, Medici, Magistri docentis &c. 2 Ex eo, quod nulus sciat *Jesuitarum*, qui probabilissimum docuerit tam amplum, vagumque, nullis circumscriptum terminis, ac docuere insignes Thomistæ, uti Medina, Candidus, Joannes a S. Thoma, (*in omnibus negotiis, in quacunque materia, in qualibet materia*) neque contenti sunt Jesuitæ quacunque probabilitate, etiam tenui, dubia, incerta, aut per momenta sententiæ oppositæ eversa. Sed requirunt probabilitatem veram, certam, Theologicam, practicam, absolutam, & comparativam, nixam nempe rationibus gravibus ac solidis, quæ virum prudentem movere possint ad assensum. Deinde requirunt ultimum dictamen intellectus, ex principiis directis vel reflexis, omnino certum moraliter; unde nullum est peccati, saltem formalis, periculum.

3. Ex eo, quod solerter discrimen Jesuitæ faciant inter probabilitatem mere *speculativam & practicam*, item inter quæstiones *juris & facti*, quod P. Suarez assignavit, laudatus a Morino propterea. Quibus distinctionibus probabilissimus multum limitatur, temperatur, coarctatur, restringitur. Imo, si ex duabus opinionibus probabilibus, illa, quæ stat pro lege, manifeste sit probabilior, illi adhærendum & secundum illam agendum, omnino censeo, nec licitum esse sequi manifeste minus probabilem, stantem pro libertate, sive dein hæc adhuc maneat probabilis, sive non.

Addit P. Gravina, si quis ex Jesuitis laxam aliquam sententiam docuerit, eum passim a suis oppugnari.

## Art. II.

*Quatuor paradoxa. Probabilissimum esse tutum: anti-probabilissimum periculosum: illum degenerare non posse in laxissimum: hunc autem in rigorissimum facile degenerare.*

265.

Dial. XXIV Gravina quatuor propositiones, in speciem paradoxas ponit. 1 *Ufus probabilissimi maxime tutus est.* 2 *Ufus probabilioris maxime periculosus est.* 3 *Probabilissimus germanissimus degenerare minime potest in laxissimum.* 4 *Probabiliorissimus germanissimus in rigorissimum debet excurrere.* Primam dein propositionem probat: ex eo, quod lex dubia sit lex nulla, ut obliget: idque constare, ait, ex utroque jure, & auctoritate Doctorum, cum ejus existentia non sit sufficienter promulgata.

2. Ex eo, quod probabilitas opinionis minus probabilis non elidatur a probabiliore.

Dial. XXV allegat P. Laurentium Berti famosum probabilioristam, ex Inclito Augustinianorum Ordine, qui T. 4 de Theol. Discipl. l. 21 c. 15 scribit: *probabilem rationem, quam contraria nequeat labefactare, & quæ a veritate non abhorreat, etiam nos dicimus inculpatam & innocentem.* Si ergo probabilis ratio non eliditur, innocentem illi adheremus. Eadem est Baronii sententia.

Dial. XXVI probabilissimum probat exemplo Machabæorum contra communio rem sententiam die festo pugnantium, Apostolorum, declarantium, Christianos legi Mosaicæ non esse obnoxios; Antiochenorum, tempore Juliani, ne fame perirent, idolothytis vescendum, contra opinionem Ecclesiæ Constantinopolitanæ; item exemplo controversiæ de paschate celebrando, & baptismo, ab hæreticis collato. Ubi sane Polycrates & Firmilianus cum suis Asianis, & S. Cyprianus cum suis Africanis Episcopis, opinioni minus probabili adhæserunt.

Dial. XXVII ex S. Augustino, l. 20 cont. Faust. c. 75 & ep. 47 ad Publicol. de bello justo vel injusto, licito vel illicito idolothytorum usu sic tractante, ut utramlibet opinionem eligi posse doceret.

Dial. XXVIII argumentum petit ab obedientia Religiosa, quæ secundum SS. Patres exigit, ut pareatur superiori in omnibus rebus, in quibus nullum manifestum est peccatum.

Dial.

*Dial. XXIX* ex usu Principum & populorum, præsertim circa exercitium *Jurisdictionis*: item ab auctoritate Thomistarum, & Academicarum, nominatim etiam Sorbonæ, ducibus Gamachæo, Isamberto, Duvallo, ante Jansenismi Eclypsin, qua Sorbona sit infuscata.

Item ex Christiano Lupo, ex Ordine S. Augustini eruditissimo scriptore, qui *Dissertat. de probabil. c. 3* demonstret, quod *Ecclesia Catholica circa humanas leges semper permisit uti sententia probabili. c. 4* quod etiam circa Divini juris materiam. *c. 6* quod Romani quoque Pontifices sua Rescripta quandoque formant ex istiusmodi probabilibus sententiis. *c. 7* quod *Ecclesia semper admisit probabiles sententias, etiam circa jus naturale. c. 5 & 8* hæc firmat exemplis.

Item ex libro, cui titulus: *Lydius lapis recentis Antiprobabilismi*, a Doctoribus Salmanticensibus composito; in quo *Sessio 24* hic titulus præfigitur: *opinio benigna ex praxi summorum Pontificum apprime confirmatur.*

Uti etiam ex Thesi Francisci Solis, Ordinis de Mercede, celebris Doctoris Salmanticensis, qua dicit: *Dispensationes & Gratia, quas summi Pontifices, immixti opinionibus, communi Doctorum judicio minus probabilibus, concessere, notæ sunt omnibus usque adeo, ut, cum de illarum veritate nullus sit ambigendi locus, neque lateat, quantum hoc Anti-probabilistas fulmen exarmet, aliqui eorum, ad eludendum argumentum, sint causati, in his eventibus Pontifices Maximos opiniones, minus receptas, veras existimasse, communiores vero & plausibiliores falsas proinde reputasse.*

Adjungitur exemplum dispensationis in voto solenni castitatis, & matrimonio rato. Adrianum VI ad solam opinionem Cajetani in hoc dispensasse. Huc pertinet etiam responsum Urbani VIII, ut Missionarii in convertendis barbaris sequantur sententias probabiles, barbaris magis favorabiles. Quam exultarent Jansenistæ, si probabilismus condemnaretur, ut possent dicere, Pontifices in doctrina morum errasse!

*Dial. XXX* adducit argumentum ex Autoritate S. Francisci Salesii, qui probabilissimum PP. Lessii & Reginaldi approbarit, non sine elogio. Hoc autem adeo displicuisse ex Anti-probabilistis cuidam (Hyacintho Serry) ut de magno ac docto hoc sancto scribere non horreret: *quidquid primo mentem subibat, id probabat, modo pietatis speciem præferret.*

*Dial. XXXI* ostendit, censuras, quibus laxæ quædam propositiones fuerunt notatæ, nullatenus profluxisse ex probabilismo vero & genuino, nihilque cum eo habere commune. Sicut neque

Joannis

Joannis Caramuellis, Episcopi Vigevanensis, *Apologema pro antiquissima & universalissima doctrina de probabilitate*, quo Fagnanum refutavit. In Caramuelem pro solita sua modestia invehit est P. Vincentius Baronius Dominicanus. Sed non minus Theologia Moralis Baronii, quam Apologema Caramuellis Romæ confixa est. Ipsi autem genuinis probabilistis displicuit Caramuellis amplius nimium & laxus probabilismus; unde ejus doctrinam ad examen vocarunt Andreas Mendo, Joannes Cardenas, & Honoratus Fabri, eandem velut vitem luxuriantem putantes.

*Dial. XXXII* affert exemplum Ludovici de Ponte & Pauli Segneri, qui voce & calamo pro probabilissimo pugnarunt: item Joannis Berreyarca, Aloysii Baldinuci, & Francisci de Hieronymo, celeberrimum Missionarium & animarum directorum, qui sibi austeri, aliis vero benigni, ad animarum salutem procurandam optimam viam esse putabant, si secundum salubrem usum opinionum probabilium procederent. Eundem fuisse sensum Constantini Roncaglia, ex congregatione Matris Dei, eruditi expurgatoris laxarum Natalis Alexandri, probabilioristæ, propositionum, de quo jam alias in hoc apparatu notaveram, quod, postquam in scholis probabiliorismum docuerat, audiendis confessionibus admotus, sententiam mutavit; candide fassus, aliud esse ad pulpitum scribere, & in schola prælegere, aliud in praxi exercere.

*Experimento*, inquebat, *vidi*, nihil ad praxin deservire questionem, an licitum sit sequi minus probabile in conspectu probabilioris: quis enim vel studendo, & præcipue, dum audit confessiones, potest omnia momenta utriusque partis librare, & inde definire: hoc est minus probabile, hoc est probabilius? hoc esset onus intolerabile. Satis mihi fuit in praxi, sequi sententias, quas rationabili fundamento innixas prævi, & ita credidi, me satisfecisse conscientiæ absque eo, quod judicem me constituerem inter minus probabilem, & magis probabilem. *De Conse. opinat. sive de opin. probab. q. 1, & tr. 1 de alt. Hum. c. 11.*

Hos viros probos, doctos, & vitæ sanctimonia claros, Gravina opponit Cardinali de Aguirre (qui tamen ingenue fassus est, se materiam istam non satis examinasse) aliisque, depravari per probabilissimum disciplinam morum lamentantibus.

*Dial. XXX* respondet ad objectionem petitam ex c. *Juvenis de sponsal. & c. significasti de Homicid.* ubi dicitur, in dubiis tutiorem viam esse eligendam. Verum, si verba ista adeo stricte & universaliter essent in vim præcepti accipienda, summus tutorismus & consequen-

sequenter Rigorismus esset introducendus, nec licitum esset, sequi probabiliorum, imo neque probabilissimam, si opposita sit tutior.

Utrum eligere viam tutiorem esse consilii, non præcepti, ait S. Antoninus T. 1. Summa l. 3 c. 10, & Sylvester Prieras S. Palatii M. ac dein Generalis Ordinis, in Summa sua Sylvestrina V. confessio scribit: licet sit tutius, statim, habita opportunitate, confiteri, tamen non est tutius tenere, quod sic obligemur; quia viri timorati haberent maximas occasiones peccandi.

Idem habet jus utrumque; sic Reg. 65 de R. J. in 6, & 171 ff. de R. J. In pari causa potior est conditio possidentis. & II. semper eod. In dubiis benigniora præferenda sunt. & l. si fuerit de re dub. In rebus ambiguis humanior sententia est præferenda; consonat cap. fin. de transact.

Gravina discordiam istam componit, dicendo, in dubio pratico tutiorem esse eligendam: in dubio vero speculativo (excepto possessore, cui causa adjudicanda, & exceptis questionibus facti, in quibus tutior eligenda) eligi posse pro arbitrio; pro aliis tamen eligenda benigniora, si sint vere probabiliora.

Doceri hoc, teste Nidero Dominicano in Consol. tim. Consc. part. 3. c. 11, a B. Humberto de Romanis, Generali Prædicatorum in Expos. Constit. Ord. Prædicat. his verbis: Quia fructus animarum impediri solet per nimiam austeritatem in consiliis & opinionibus (terrentur enim ex hoc homines in tantum, ut salutem negligant) idcirco relaxanda est, quantum fieri potest, austeritas, & agendum est benigne cum hominibus; quia sic melius trahuntur ad salutem, cum sententiæ mitiores tenentur.

Consonat Ostiensis in cap. sed vir de cognat. spir. ubi sunt diversæ opiniones, inquit, & diversa jura, semper humanior est præferenda.

Cæterum confundi non debet dubium cum opinione. Dubium strictè dictum est suspensio intellectus inter duas sententias, opinio est assensus intellectus, uni præstitus. Hinc Vasquez in 1. 2 t. 1 disp. 62 c. 9 ait: commune axioma (tutior pars est eligenda) intelligitur solum in dubiis, non in opinionibus; nempe, quando dubium tale est, ut judicium conscientie cum assensu colligi non possit: sed etiam dubia semper conscientia maneat, sicut revera intelligunt Navarrus & Sylvester. Si nempe dubium practicum, in quo operari nunquam licet, per ultimum dictamen conscientie, moraliter certum, non deponatur, operans peccat. Quod plane contingere videtur in adversariorum sententia; cum enim principia reflexa rejiciant, nullam certitudinem consequi possunt ultimi dictaminis, quia illud manet intra fines meræ probabilis, & opinionis, conjunctæ cum formidine peccati.

*Dial. XXXIV* ait, selectiora in oppugnando probabilismo armari esse calumnias, uti, quod nobis regula honestatis sit probabilitas, eaque dubia; cum tamen ea nobis non sit, nisi certitudo moralis *Judicii Reflexi*, quo formatur proximum, ultimum, practicum conscientia dictamen, moraliter certum. Neque probabilitas directa est dubia, sed requiramus certo existentem, veram ac solidam.

Aliam calumniam refert, quod dicant, alium nobis probabilismum esse, dum valemus, & alium, dum morimur: quod probabilistarum prudentia sit prudentia carnis, prudentia Pilati, Christum condemnantis. Verum calumnias, convicia, mendacia, sarcasmos, maledicas declamationes, non nisi risu & contemptu esse excipiendas.

Pilatus scivit, Christum esse innocentem, & accusationes moras esse calumnias & imposturas Judæorum; consequenter non potuit licite sequi eorum testimonia, quæ non erant convenientiæ; ac proinde nullam habuit probabilitatem, quod liceat Christum condemnare. Imo ad hoc, ut possit Judex condemnare ad mortem, Jura requirunt probationes luce meridiana clariores. Unde patet, quam inepte & ridicule P. Berti, Augustinianus, & P. Diez, Dominicanus Pilatum faciunt Probabilistam.

*Dial. XXXV* Gravina procedit ad secundam suam probationem, quod usus probabiliorismi sit maxime periculosus, eo quod, reiectis principiis reflexis, non habeatur ulla certitudo ultimi dictaminis conscientiæ, sed vel in dubio practico, vel cum opinione probabilis, cum formidine peccati esset operandum, ut prius fuit insinuatum.

Præterea in principiis Probabilioristarum inveni moralem impossibilitatem assequendi honesti in dubitationibus; propterea systema Haberti, Sorbonici, de *Delectatione Vitricæ*, moralem secum ferente necessitatem peccati, a suis Gallis, Abbate de Maas, & P. Daniele Janfenismi nomine notari. Desperationi hinc sensum viam sterni, præsertim si quis probabiliorismo abutatur ad introducendum Rigorismum. Hinc tantum abesse, ut probabiliorismus sit licentiæ frænum, ut potius sit calcar.

Scribit enim P. Gregorius Martinez, celebris Doctor ex inclita PP. Prædicatorum Familia, *T. 1 super 1. 2 q. 19 art. 6. Homines prebi & timorati semper sunt securi, si probabilem sequantur. - - Alias essent infiniti scrupuli Fidelium, urian secissent, vel non fecissent securum probabiliorismum, vel minus probabilem.*

Idem advertit P. Alphonsus Sarafà de *art. semper gaud. part. 2 tract. 5 §. 3* his verbis: „An est credibile, legem a Deo latam, quæ



„ quæ in infinitas hominem angustias adigat, & quæ vix ab ullo,  
 „ imo a nemine possit observari? quid enim? certe, si probabilio-  
 „ rem in omnibus opinionem sequi debeo, ex mente Dei, etiam  
 „ mihi onus incumbit, diligenter inquirendi, quæ sit probabilior.  
 „ An vero tantum onus humanæ vires ferunt? . . . Nam, cum  
 „ sciat homo, se falli posse, non tantum momenta causa ipse ex-  
 „ pendere, sed aliis etiam expendenda dare debet, ne forte pec-  
 „ cet, si adversa probabilior fortasse sit opinio. Et cum hodie ap-  
 „ pareat sæpe minus probabile, quod heri videbatur multo proba-  
 „ bilius, continuo cogetur actionem institutam abruptere, & to-  
 „ ties eam mutare, quoties probabilitatis pondera variantur, aut  
 „ ipsis incrementi quidpiam adjicitur aut adimitur.

„ Rursum, si probabilitas actionis ex doctorum virorum au-  
 „ thoritate existit, quotiescunque probabilis occurrit opinio, an-  
 „ tequam ex ea, quid agendum sit, conscientia decernat, exami-  
 „ nare debet, quot pro ea stent Auctores. An non plures pro  
 „ contraria? rursus: an æque graves? an æque docti? denique,  
 „ an omnes rem pari studio excusserint? ab his enim circum-  
 „ stantiis pendet major vel minor opinionum probabilitas. . . .  
 „ Profecto legi huic ut satisfiat, non Theologos modo, Jurisque  
 „ omnis peritissimos esse erit necesse, sed & ingenio doctrinaque  
 „ Angelos superare. Sane nihil quidquam rerum in orbe fiet, si  
 „ tanta accuratatione examinanda sunt omnia: & tamen examinanda  
 „ prorsus sunt, si præceptum sit, non agere, nisi quod probabi-  
 „ lior fert sententia. Quis autem credat, talem legem homini a  
 „ Deo datam, (cujus jugum suave est & onus leve, & cujus  
 „ mandata gravia non sunt) si vero data non est lex, quo pa-  
 „ cto obstringimur?

Confirmatur exemplo Judicis in foro externo; quia ille debet  
 ferre sententiam pro eo, cujus causa est probabilior, quanto tem-  
 pore sæpe pro unica causa recte decidenda opus est! quot ultro-  
 citroque testibus, instrumentis, præsumptionibus, probationibus!  
 quot exceptionibus, replicis, duplicis, triplicis, expensionibus, ut  
 Judex cognoscere possit, utrius causa sit probabilior! Idem plane  
 fieri deberet in judice sui ipsius, si probabilitas causæ ad ho-  
 neste agendum non sufficeret, nec nisi secundum probabiliorem  
 deberet judicare se ipsum ac dirigere. Idem a Judice sacro in  
 tribunali sacro sedente. Circumstant non raro in Germania unicam  
 confessionalem simul ultra 50 pœnitentes; plures ex illis volunt con-  
 fessionem generalem deponere, aliqui debent priores confessiones

confiteri. Miserum sane confessarium! miseros pœnitentes, si non possent secundum sententiam vere probabilem procedere! si in tot diversissimis causis, in circumstantiis in infinitum variabilibus, semper sub peccato tenerentur probabiliora inquirere. Quoties deberet confessiones abrumpere, e confessionali surgere, adire Bibliothecas, auctores legere, numerare, ponderare, aut alios consulere, fortassis etiam cum scandalo pœnitentium, aut periculo violandi sigillum. Alia certe est praxis etiam eorum, qui probabilissimum ore exhibant, opere sequuntur.

Fateatur P. Thyrsus Gonzalez, Societatis Jesu Generalis, probabiliorista vehemens, T. 3 *select. Disp. d. 50*, se, dum Missionarium ageret, uno die tempore matutino audivisse 68 confessiones generales. Mirum profecto & incredibile, si Probabiliorista iste, in tot diversis causis tam brevi tempore judicandis, nunquam usus est opinione probabili. Ego de me fateor; sine scrupulo sequor sententias, quæ mihi apparent vere probabiles (nisi oppositæ appareant probabiliores) & tamen magnas in confessionibus audiendis sentio difficultates; si vero in tot occurrentibus dubiis non possem secundum opinionem probabilem procedere, sed necesse semper foret, in probabiliorum inquirere, viderentur insuperabiles. Post omnes torturas, in pœnitentem & se ipsum exercitas, confessarius sæpe non potest judicare; hoc est probabilius, hoc est minus probabile. Gratulor probabilioristis, si ipsi tanto sint ingenio, tanta spiritus discretionem, tanta doctrina, ut semper id possint. Non credo. Facile est, ore dicere: hoc est probabilius: sed sincere & prudenter id semper judicare, in praxi moraliter est impossibile. Hominem se esse neget, qui aliter sentit. Certe piissimus & doctissimus Gerson ait: *varia suboriantur circumstantiæ, pro quarum diversitate diversificari debet judicium; ut vix possit aliqua in moralibus generalis regula tradi, quæ in particularibus casibus exceptionem non admittat.* Et paulo ante dixerat: *Itaque debes quilibet nunquam oblivisci, quam incerta est scientia nostra, ita, ut idem sæpe homo brevi temporis momento nunc in banc, nunc in oppositam feratur sententiam.*

Profecto si Doctor post expensas longo & diligenti studio duas contrarias sententias sæpe adhuc manet dubius, nec potest se resolvere, quam probabiliorum judicet; quomodo id fieri poterit in actibus humanis, propriis & alienis innumeris, in casibus & circumstantiis infinitis? Recole testimonium Constantini Roncaglia supra allatum.

Aliud

Aliud foret, si major probabilitas per se ipsam esset manifesta, tunc enim secundum illam agere oporteret, si stet pro lege contra libertatem; neque tunc esset tanta difficultas, ut per se patet.

*Dial. XXXVI* monstrat Gravina, quod obligatio Judicis, Medici, Magistri, Ministri sacramentorum, sequendi opinionem probabiliorum, nullo modo suffragetur probabiliorismo; quia in illis probabilitas non est practica, cadens supra *licentiam actionis*, sed speculativa, cadens supra probabilitatem causae, medicinae, materiae sacramentalis. Unde non datur hic probabilitas, quam nos exigimus, nempe practica, versans circa *licentiam actionis*. Non enim est probabile, quod Judex possit ferre sententiam pro eo, qui habet causam minus probabilem, aut Medicus dare medicinam, minus probabiliter bonam, aut baptizans adhibere aquam dubiam, aut minus probabiliter veram, quando potest habere aquam certo veram ac naturalem. Ac proin, ut dixi, non datur hic probabilitas *practica circa licentiam actionis*: sed probabilitas mere speculativa circa causam, medicinam, aut materiam sacramenti. Quod utinam melius notaretur.

Et ratio ulterior est, quia per nullum dictamen Judex, Medicus, aut Minister sacramenti potest avertere damnum proximi, aut ejus periculum, sicut exercens actum probabiliter licitum per dictamen reflexum, moraliter certum, potest avertere peccatum saltem formale atque offensam Dei, & ejus periculum. Hinc baptizans neque potest adhibere aquam, probabiliter validam, si possit habere certo veram ac validam. Unde argumentum retorquetur.

*Dial. XXXVII P.* Gravina probat suam tertiam propositionem, quod *probabilissimus germanissimus degenerare minime possit in laxissimum nisi probabilissimus deferatur*. Nam genuinus probabilissimus, ut inquit, & laxissimus involvunt contradictoria. Siquidem ille est vera, solida, practica, & certa probabilitas, non autem iste. Ille nititur fundamento gravi ac solido, non autem iste. Ille non est contentus probabilitate quacunque tenui, incerta, aut per oppositam probabilitatem elisa: bene vero iste. Ille proscribit opinionem, quae est contra certam aliquam legem, certum principium, certam conventionem, legitimam censuram: non autem iste.

Allegat dein P. Gravina multos Doctores, praesertim S. Thomam, ac Thomistas, quorum testimonio & autoritate probat, probabilissimum esse Thomisticum, Dominicanum, legibus conformem, plium, Christianum, ac proin nihil cum laxismo habere commune.

Hhhhh 3

*Dial.*

*Dial. XXXVIII* probat quartam propositionem, quæ videri posset paradoxa, quod videlicet *probabiliorismus germanissimus in Rigorismum excurrat, & simul laxissimum inducat*. Primam partem constare ex ipso systemate Probabilioristarum, quod præcipiat moraliter impossibilia, si obligationem imponat, semper inquirendi in probabiliora. Alteram ex historia patescere: *Montenistas, Novatianos & præcipue Tertullianum*, dum summum rigorem affectabant, in gravissimos errores fuisse prolapsos. Idem *Audians* in Asia evenisse. *Donatista* in Africa totam Ecclesiam corruptam clamabant. Quantus rigor *Flagellantium* in Italia, Quackerianorum in Anglia! quid *Clemangius* in Gallia, *Nienfius* in Germania, alique damnatæ memoriæ Auctores, magis accusabant, quid Lutherani & Calvinistæ magis vociferabantur, quid Jansenius, Sancyranus, Arnaldus, Quesnellus, alique Jansenistæ, quam corruptam Ecclesiæ disciplinam? quam morum severitatem Jansenistæ & Convulsionarii cum Diacono *Paris* hypocrita, & Michaele Molinos ejusque Quietistis & Lutheranis Pietistis, externe præferebant! Similes *Pbarisæis* hypocritis, quos Christus descripsit, apparentes in vestimentis ovium, intus autem lupos rapaces.

Hoc in eum duntaxat finem adducere visum, ut appareat, quam facile probabiliorismus (de se inculpatus) in rigorismum degeneret, & rigorismus in laxissimum; cum tot homines, a probabiliorismo in rigorismum, atque ab hoc in gravissimos errores sint prolapsi. Et quinam erant quadraginta illi Doctores sorbonici, qui cum P. Alexandro famoso illi *Casui Conscientiæ* subscripserunt Parisiis? certe Probabilioristæ erant: prout etiam lymphata *Appellantium* turba.

Unde P. Gravina ait: *duce experientia patet, probabiliorismum impedimento suis sedatoribus non fuisse, quo minus in quamplures inciderint laxissimæ opiniones. Cajetanum testamur, cujus sexcenta circumferuntur laxissima opiniones - - cum autem Cajetanum nominamus, fundatorem & Achillem Probabiliorismi profecto intelligimus.*

Abstinet tamen, ut Cajetanum, Alexandrum, aliosque probabilioristas, ullo modo cum prædictis hæreticis, qui externe Rigorismum præferebant, comparemus. Probabiliorismus Catholice teneri & defendi potest. Sed id ostendere erat animus, probabiliorismum magis quam probabilissimum periculosum esse. Quod ex eo quoque confirmari potest, etiam probabilistis, si quas laxas tradiderunt sententias, eas probabiliores visas fuisse: nemo enim facile, præsertim in moralibus, doctrinam proponit in publicum, qui eam non probabiliorē opposita arbitretur. Unde etiam probabilista-  
rum

rum exerrantes propositiones probabiliorismo potius quam probabilismo sunt adscribendæ.

*Dial. XXIX & XL* concludit, atque, cum probabilioristæ in praxi omnia sibi licita putent, quæ probabilistæ, contentionem de sectanda opinione probabiliori (cum nihil negotii habeat ad componendos mores) nihil ad severioris Ethicæ cultores pertinere, & esse mere speculaticem: non esse proin, cur Patres aliqui ex Illusterrimo Ordine S. Dominici tantas tempestates in Italia & Gallia (Germania quoque) ridentibus hæreticis, concitent, totque calumniis & convitiis Jesuitas, velut morum corruptores, insectentur, cum nihil isti doceant, nisi quod a Thomistis & præsertim antiquioribus, forte doctioribus, acceperunt. Optandum sane foret Ecclesiæ, ut utraque sacra Familia arma, quibus fratres in fratres insurgunt, conjungerent, atque in hæreticos, Ecclesiæ hostes, converterent. Impugnant illi identidem virulentissimis scriptis librisque sanctam Ecclesiam, & vix ulli aut pauci sunt ex probabilioristis, qui eam defendant, præsertim in Germania.

### Art. III.

*Mens S. Thomæ, Muti Vitellesci & Instituti S. J. Vasquez, Pallavicini, Sanchez. Quinam ex Jesuitis sint probabilioristæ?*

In parte II P. Josephus Gravina singillatim confutat P. M. Vincentium Diez, studii Generalis S. Dominici Panormi Regentem, atque ad singulas ejus objectiones respondet. Ego aliquantum obiter hic eruditionis gratia referam.

166.

Conclusionem 3 objicit P. Diez S. Thomam, quod quodlib. 3 Art. 10 dicat: *In his, quæ pertinent ad fidem & bonos mores, nullus excusatur, si sequatur erroneam opinionem alicujus Magistri; in talibus enim ignorantia non excusat.* Resp. Hanc Doctōris Angelici sententiam esse verissimam. Non enim est probabilis opinio erronea, seu quæ est contra fidem aut bonos mores, id est, contra testimonium S. Scripturæ aut definitionem Ecclesiæ. Ex quo infert Steph. Spinola: ergo in iis, quæ ad fidem & bonos mores pertinent, excusatur quis, sequendo opinionem sui Doctōris, si non est erronea & contra manifestum scripturæ testimonium? quod est idem ac quando est probabilis; quia exceptio firmat regulam in non exceptis. In talibus autem, quæ manifeste erronea

nea

nea sunt, non excusat ignorantia; quia est *vincibilis*. Alias enim excusarentur hæretici, sequentes doctrinam sui Magistri, Lutheri &c. Ita exponit S. Thomam Joannes Nider Dominicanus in suo *Consol. timor. Consc.* c. XI, additque: *Hæc verba S. Thomæ non possunt intelligi, nisi de illis, ubi manifeste patet ex Scriptura aut Ecclesiæ determinatione, quod sit contra legem DEI, & non de iis intelligit, ubi illud non apparet.* Cæterum, quantum pertinet ad S. Thomam, Jeremias de Padua ex Ord. S. Francisci in *Probabilismo, metodo matheinat. demonstrato P. I Supp. XI* ait: *D. Thomas centenas de moribus opiniones libertati faveriet contra antiquos docuit.* Et P. Cardenas *P. III Crispi Disp. 56 c. 8* scribit: *Nil evidentiùs dici potest, quam quod S. Thomas in materiis probabilibus, & in consensu diversarum opinionum doceat nos sapissimè eam partem, quæ stat pro libertate contra legem.* Postea subjungit, plus quam ducentas hujusmodi opiniones in S. Thoma reperiri. Idem testatur Moya.

Obj. 2. P. Mutius Vitellescus Generalis Societatis anno 1617 ad Superiores Societatis scripsit, monuitque, ut curent, eas doceri sententias, quæ tutiores, graviores, majorisque nominis Auctorum suffragiis sunt frequentate, quæ bonis moribus conducunt magis: nec dicant: *tueri quis potest, probabilis est, auctore non caret.*

*Resp.* P. Mutius voluit, ut Professores & Doctores nostri in scholis librisque non dicant probabile, quod forte non est probabile, aut tenuiter est tantum probabile; sed, prout publicos Doctores decet, rem bene examinent, & ea, quæ probabiliora sibi videntur, doceant, præsertim circa materias morum: hoc enim est officium Doctoris publici, qui ex quasi-contractu ad id obligatur, sicut Judex, Medicus &c. Si tamen ex iis, quæ isti docent, tantquam sibi probabiliora, alii veram probabilitatem certamque colligant, nequaquam obstat P. Mutius, quin eam sequantur.

Nam idem ipse, cum Urbanus VIII respondisset, circa matrimonia Infidelium, rem omnino gravissimam, usu adhibendas sententias probabiles, quæ ex infidelitate conversis magis essent favorabiles, ita omnino agi a suis voluit.

Quantum vero ad ipsum probabilismum spectat, seu ad usum opinionum vere probabilium, Probabilistæ ex multis gravissimis rationibus jure existimant, sententiam suam esse tutiorem, gravio-  
*rem, majorisque nominis Auctorum suffragiis frequentatam, quæ pietati bonisque moribus conducatur magis.* Unde voluntati P. Generalis perfecte obsequuntur. Bene hic notandum, quod R. P. Sylvester Prieras Generalis PP. Dominicanorum, supra jam laudatus, in Summa sua *V. confessio sac.* sapientissime dixit: *Licet sit tutius, statim consiteri, . . . non tamen*

*tutius*

statius est, tenere, quod sic obligamur; quia viri timorati haberent maximas occasiones peccandi. Sic etiam tutius est, in concursu duarum opinionum probabilium, sequi eam, quæ stat pro lege; non tamen est tutius, docere & tenere, quod ad hoc obligemur. Tutius & probabilius est docere, quod non obligemur semper probabiliozem sequi. Qui habet intellectum bene dispositum, capit facile, quod dicimus. Cepit optime doctissimus Augustinianus Bartholomæus Solonius T. 1 *Contr. de Just. & Jur. in 2. 2 quest. 63 a. 11*, ubi scribit: eligenda est opinio, ut alii volunt, probabilior: sed quod liceat amplecti probabilem, creditam veram, est opinio probabilior, cum habeat plures & gravissimos Auctores, & firmitiora fundamenta, quam opposita, maxime cum aliorum argumenta facile solvantur, nostra non ita: ergo licet eam sequi.

Ad id, quod P. Mutius dixit, non nullorum ex Societate sententias, in rebus præsertim ad mores spectantibus, plus nimio liberas, esse periculosas; respondet Theodorus Eleutherius; fecisse eum, quod prudentes Superiores solent, qui minimos subditorum excessus, vehementer exaggerant, ut graviores impediunt.

Pertinet huc etiam, quod S. Thomas dicit in *Epist. ad Galat. Lect. 3 in c. 2*, quamvis in illa dubitatione opinionum, an liceat vesci cibis, lege vetitis, abstinere fuerit tutius, non tamen fuisse tutius, christianos ad hoc obligare. Quia talis doctrina alienasset Gentiles a fide christiana; hinc reprehensum Petrum a Paulo, qui tamen, ne Judæi scandalizarentur, Timotheum circumcidit. Sic etiam dicimus, magis securum esse docere, quod non detur obligatio, sequendi semper tutiora.

Obj. 3. P. Suarez dicit *lib. 6 de leg. c. 8: in casu dubio, in quo judicari non potest probabiliter, an casus comprehendatur sub legis obligatione, nec ne, recurrendum esse ad superiorem, si fieri possit, vel si non possit, servandam esse legem; nam, si in casu formidoloso & probabili hoc fieri debet, multo magis in dubio.*

Et Vasquez ait, decipi eos, qui putant, eum, qui dubitat, an lex aliqua lata fuerit & promulgata in curia ea lege non teneri, eo quod ipsi non satis promulgata videatur: siquidem in dubiis tutiorem partem esse eligendam.

*Resp. 1 ad 1.* Suarez loquitur de casu, quo constat de existentia legis; nam tunc lex est in possessione; consequenter, qui præten- dit exemptionem, eam probare debet, vel, si id non possit, superiorem accedere, aut legem servare. Nam licet speculative esset probabilis exemptio, non tamen practice, si lex est in possessione: hoc est; si licet sit probabilis exemptio, non tamen probabile est, quod lege non teneatur, si lex est in possessione, & æque probabile est, quod non sit

exemptus. Sic, qui certo scit, se peccatum grave commississe, & dubitat, an fuerit confessus, aut etiam speculativam probabilem rationem habeat, quod fuerit confessus, tenetur confiteri, nisi per rationem probabiliorem, aut iudicium probabilius, possit præceptum consistendi a possessione sua deicere.

*Resp. 2.* Forte melius ad propositum, quod P. Suarez loquatur de casu dubio, in quo non potest judicari probabiliter, an casus comprehendatur sub lege: objectionem proin non esse ad rem: cum Probabilistæ loquantur de casibus, in quibus judicari potest probabiliter. Nam paulo ante posuerat hanc conclusionem pro casu tertio:

*Tertio dicendum est: qui probabiliter judicat, legem non comprehendere casum illum, secure potest excusari ab obligatione legis, etiamsi formidet, vel utrinque habeat rationes probabiles dubitandi: citatque Cajetanum, Sotum, Medinam, Navarrum &c. ex ratione, quia licet sequi iudicium probabile, conscientiam dubiam practice deponendo.*

Loquitur autem de casu, quo superior a subdito conveniri non potest; nam, si illum possit accedere, hoc omnino faciendum docet, etiam pro casu probabilitatis. Et hoc est, quod dicit per verba illa: *si in casu formidoloso & probabili hoc fieri debet, multo magis in casu dubio*; id est, conveniri superior & consuli, si possit adiri.

P. Vasquez in ea est sententia, quod ad legem constituendam sufficit promulgatio, facta in Curia Principis & non requiratur, ut etiam in provinciis promulgetur, tunc scientes illam legem obligari: prout ait t. 2 in r. 2 disp. 156 c. 2 n. 7, illum quoque obligari, qui dubitat de promulgatione; quia in dubio practico tutior pars est eligenda. Per hoc tamen non negat, eum, qui dubitat de promulgatione sufficienti, si habeat rationem vere probabilem, posse dubium practicum deponere, & sic ab obligatione excusari. Aliud tamen omnino foret, si dubium practicum non posset deponere; nam tunc lege obligaretur; non tamen si legem invincibiliter ignoraret; prout rursus dicit Vasquez l. c. n. 8: *quodsi ad aliquorum notitiam non pervenerit, (publicatio illa in Curia) hoc non tollet veram rationem legis, sed subditus excusabitur ab observatione illius.*

*Obj. 4.* Instituto Societatis 4 p. c. 3 n. 4 ita præcipitur: *separatur in quavis facultate securiorem, & magis approbatam doctrinam.* Quæ constitutio in pluribus congregationibus fuit approbata, præsertim in XII<sup>mo</sup> anno 1682, ubi nova laxioresque opiniones doceri & typis mandari prohibentur, statuta etiam in transgressores pœna.

*Resp.* Probabilismus non est res nova, sed dudum a Thomis introducta; quos deinceps innumeri ex omni Ordine & Natio-



ne Doctores sunt secuti. Hinc Probabilistæ suam doctrinam tutiorem, & auctorum suffragiis magis approbatam existimant, nullatenus vero laxam, cum veram, absolutam, solitam, Theologicam, & practicam probabilitatem requirant, dependenter a qua dein dictamen conscientiæ moraliter certum formari queat.

Probabilioristæ potius illi dicendi sunt laxi, qui principia reflexa rejiciunt, nullumque proin dictamen ultimum & proximum conscientiæ moraliter certum formare possunt, consequenter agunt in dubio practico, cum probabilioritas judicium non faciat certum, sed dubium positivum relinquat, præsertim cum, ut inquit Philosophus, *multa falsa sint probabiliora veris.*

Igitur, dum nostra Societas vetat doceri *laxiores* opiniones, nullatenus intellexit verum probabilissimum, sed propositiones laxas in materiis particularibus: id est: prohibuit, ne aliquid licitum, aut probabile dicant, quod tale non est. Quo observato nullum erit periculum laxitatis. Et hinc summi Pontifices nunquam damnarunt probabilissimum verum, limitatum, restrictum, ac temperatum, qualem Jesuitæ defendunt, sed illimitatum, vagum, laxum, exorbitantem, qualem aliqui ex Patribus Dominicis cum Medina & Joanne a S. Thoma, Petro Ledesma, Vincentio Candido defenderunt: *in omni materia, in omnibus negotiis*, non distinguendo inter probabilitates, solidas & tennes, speculativas & practicas, in questionibus facti & juris.

Bene etiam hic notandum, quod docet Cardinalis Sfortia Palavicinus T. 1 in 1. 2 disp. 9 q. 4 c. XI n. 12: *quærenda quidem est, inquit, major securitas, sed major securitas sententiæ; non major securitas actionis: sicut etiam in condenda lege quærendum est optimum; sed optimum in jubendo, non optimum in faciendo. Lex enim, per quam juberemur facere omnia optima, esset pessima, & inobservabilis, & perpetua causa delicti, & damnationis. Sic etiam, si induceretur opinio, quod semper teneremur facere illam actionem, quæ in agendo securior est, etiam a transgressione materiali, hæc opinio non solum non esset tutior, sed maxime exposita periculo frequentis transgressionis formalis. Quare tutior est opposita.*

Et idem omnino dicendum de majori probabilitate: quærenda est major probabilitas sententiæ, non vero actionis &c. Quo sensu Doctor Eximius, T. 2 de Relig. Tract. 4 l. XL c. 33. scripsit: quod sequendo probabilissimum eligatur pars tutior; quia hæc (sententia de probabilissimo) est tutissima & practice certa, & secundum rectam rationem

*nem potest dici tutior, quia majus periculum animarum incurreretur, si tot vincula in casibus dubiis eis injicerentur.*

Huc etiam pertinet, quod docuit celeberrimus Magister Dominicus Bannez S. Theresiæ Director, cujus Systema de Prædeterminationibus physicis Thomistæ passim amplectuntur, loco supra citato, *quasdam opiniones versari circa actionem aliquam exercendam, ut, an aliquis contractus sit licitus: quasdam vero versari circa res, an e.g. hæc domus mea sit. Dicimus ergo, concludit, quod de opinionibus primi generis verum est, posse hominem sequi opinionem probabilem, relicta probabiliori. Ubi sane optime distinguit inter probabilitatem speculativam (in secundo genere) & practicam (in primo.)*

Obj. 5 Præterea probabiliorismum tuerentur, inquit P. Diez, ex Societatis Theologis dignitate & doctrina gravissimi, tres Cardinales, Bellarminus, Toletus, Pallavicinus, item Ferdnandus Rebelus, Paulus Comitulus, Andreas Blancus (*Candidus Filaretus*) Mutius Vitellescus, Thyrsus Gonzalez, Ludovicus Scildere, Michael Elizalda (*Antonius Cella Dei*) Ignatius Camargo, Thomas Muniefa, Ægidius Estrix, Gabriel Antoine, Franciscus Malatra, Josephus Alpharo, Joannes Blanchet, Adamus Ehrentreich, Edmundus Simonet, Joannes Gisbertus, Hieronymus Placentia, Dominicus Nunnez, & alii. In rebus fidei, & in articulo mortis tantum tueretur Antiprobabilismum Sanchez.

*Resp.* Si isti 23 ex omni natione, & alii, ut addit P. Diez, probabiliorismum defenderunt, quare adversarii Probabilismum *Jesuiticum* appellant? cur illi proprium attribuunt, quod nativitate & educatione est Dominicanum, quod factum deinde commune ex omni natione & gente Doctoribus, cui tam multi Jesuitæ sunt contrarii?

Cæterum istos P. Gravina ita ventilat & cribrat, ut Diezio pauci remaneant. Alios enim ostendit fuisse probabilitas, uti tres illos Cardinales (*Conclus. 18*). Idem *Conclus. 4* probat de A. R. P. Mutio Vitellesco. Idem de Gisberto, Scildere, Sanchez *Conclus. 17*. P. Alpharus P. Thyrsum soluta oratione, P. Blanchet ligata laudarunt. Alios amphibios esse ostendit. P. Thyrsun, Elizalde (*Cella Dei*) Estrix, Comitolum, Camargum, Anti-Probabilistas fuisse non negat.

Quod

Quod de P. Thoma Sanchez P. Diez asserit, eum aliam statuisse Theologiam *pro nunc* in vita, & aliam *pro tunc* in morte, Gravina inter calumnias numerat. Cæterum plures sunt actus, ad quos in articulo mortis homo tenetur, ad quos non semper in vita tenebatur, uti ad actus fidei, spei, & charitatis eliciendos, ad confessionem peccatorum, ad quam, dum valeret, non statim tenebatur post commissæ peccata. Imo ipse S. Thomas, testante Cano, *Relect. de penit. p. 6.* docuit, in morte confessionem faciendam per interpretem, licet in vita ad hoc non detur obligatio. Igitur vi præcepti specialis tunc urgentis poterit moribundus obligari ad aliquid, ad quod nunc, dum valet, non obligatur, vel saltem non statim.

#### Art. IV.

*Alia objectamenta, circa P. Thyrsium, Innocentium XI & XII &c. Contensoni exclamationes. Quid de Tamburino, Guimenio, Piroto, Bibliotheca Fansenifica? Quid Sacri Ordines? Conventus cleri Gallicani de anno 1700.*

Obj. 6. Bellarminum, Pallavicinum, Toletum, Comitolum, & Gonzalez, comparari posse cæteris Jesuitis universis, ait Laurentius Berti. Istos autem fuisse probabilioristas: & quidem Pallavicinum relicto probabilismo transisse ad probabiliorismum.

267.

*Resp.* Gravina, Bellarmino, omni doctrinæ genere multo ornatissimo deberi primatum, ipso Clemente VIII, dum in Cardinalem Collegium eum assumeret, attestante, *parem illi in doctrina esse neminem.* Toletum etiam & Pallavicinum fuisse doctissimos. Negat autem, eos unquam fuisse probabilioristas. Recensere, quanta perfectio in Episcopo requiratur, aut approbare librum alicujus probabilioristæ, non esse argumenta, quæ probabilioristam probent. Comitolum & Thyrsium Gonzales (sicut etiam Elizaldam, Camargum, Æstrisium. Secretarium P. Thyrsi, Munieslam, Blancum) non esse inter primos Societatis Doctores, nec comparandos Eximio Suarezio, profundissimo Vasquezio, solidissimo Sanchezio, Eminentissimo Lugoni, consultissimo Molinæ, Lessio, Laymanno, Palao,

Palao, Pirringhio, Azorio: summis Theologis, Valentia (quem Clemens VIII. *Doctorem Doctorem* appellavit) Tannero, Coninck, Dicastillo, Esparza, Ruiz, Viva, Gormaz, Arriaga, Platelio, Martinonio: nec eruditissimis viris, Petavio, Sirmondo, Duæo.

Quid memorem Canisium, & Gretserum, Lutheranorum & Calvinistarum malleos? Quid Ripaldam Janfenistarum, Fontanam Quesnellistarum flagellum? Quid viros doctissimos, Dechampium, Granadum, Maldonatum, Hurtadum, Amicum, Raynaudum, Illungium, Tamburinum, Salas, Henriquez, Filiuccium, Turrianum, Ragusam, Haunoldum, Raflerum, Reginaldum, Escobarium, Bardium, Arsdekinum, Lacroix, Baunium, Bernalium, Cornelium a Lapide, Menochium, Tirinum, Cardenam, Delrium, Fagundez, Gobatum, Gibalinum, Moyam, Danielelem, Segneri, Fabri, Mayrium, Gormazium, Ulloam, Baldellum, duos Perezios, Prapositum, Tancredum, Terillum, Marinum? quid alios innumeros Theologiae Positivæ, Scholasticæ, Moralis, Polemicæ, Asceticæ, Mysticæ, Paræneticæ, Criticæ, Doctores? quid plurimos, eosque celebres Jurisprudentiæ Sacrae Interpretes, qui libris doctissimis mundum illustrarunt? quod vel sola provincia Germaniæ superioris tales orbi dedit, uti Laymannos, Haunoldos, Friderichios, Pirringios, Wagnereckios, Wiestneros, Schmalzgrueberos, Pichleros, aliosque plurimos?

Non dico, quod hi omnes probabilissimum docuerunt, sed aliquos memoravi, ut ostenderem, audacius, quam verius dici, quinquos viros posse cæteris omnibus comparari.

Obj. 7. Ut in Societate communis evaderet probabilioris doctrina, eliminata minus probabili, suam contulit operæ efficacem Innoc. XI & XII, dum librum P. Thyrsi Gonzalez in lucem emitti curarunt, non sine elogio, editoque decreto, quo P. Generalis jubetur suis interdiceret, ne scribant pro opinione minus probabili, aut impugnent sententiam oppositam.

Resp. P. Gravina, hæc a P. Concina & P. Diez scribi sublesta fide. Decretum hoc esse apocryphum, repertum forte in armario, in quod conjiciuntur decreta apocrypha, vel ob-aut subrepticia. Mala fide hic testem adduci P. Gagna: cum is decretum istud prætextum ostendat esse confictum.

Obj. 8.

Obj. 8. Ante annum 1577 omnes Dominicani Probabiliorismum asseruerunt, teste Cordubensi, qui communem asserit, & Coratio, qui centum allegat.

*Resp.* Hoc facilius est asserere, quam probare. Non raro contingit, ut pars utraque sententiam suam communem dicat. Coratius centum in confuso allegat, sine pondere, numero, & mensura.

Caterum antiqui hanc materiam aut non satis & ex professo examinarunt, ut testatur Navarrus in *Enchir.* c. 27 n. 289, ubi ait, quod plures eam (Anti-Probabilismi opinionem) sequantur, tanquam oves alia alias, quæ præcedunt, sine iudicio sequentes: communioem enim ad hoc existimarem, inquit, illam, quam sex vel septem auctores classici, rem ex professo tractantes, assererent, quam probatam a quinquaginta, sola fere auctoritate priorum ductis. Quin & arbitror, utramque posse dici communem, quando utraque habet octo vel decem assertores graves, & cum iudicio eam deligentes.

Aut igitur veteres, qui ante Medinam scripserunt, hanc materiam ex professo suis momentis non ponderarunt, aut ex falsis principiis fuerunt inducti, uti, quod semper tutiora sequi oporteat, quod ne quidem probabiliorum, aut probabilissimam, relicta securiore, liceat sequi; quod nulla dari possit ignorantia invincibilis Juris naturæ; & sic non tam probabiliorismum, quam tutiorismum & rigorismum tradiderunt. Aliqui locuti sunt de actibus tendentibus in præjudicium tertii, de Iudice, Medico, Ministro sacramenti: alii de dubio practico &c.

Multi autem jam ante Medinam probabilissimum docuerunt: nam P. Vasquez in 1. 2 q. 62 c. 4 testatur, quod jam antea in scholis communis fuerit. Et Thomas Sanchez l. 1 in *Decal.* c. 9 n. 14 jam suo tempore 30 auctores pro probabilismo citavit, inter quos decem sunt Dominicani, & quidem aliqui priores Medina, uti Victoriam, Sotum, S. Antoninum, Tabienam.

Neque dicas, Medinam primum statui probabilistam, & ejusdem inventorem. Ergo omnes ante ipsum contrariam illi sententiam propugnarunt; nam *Resp.* Medina statuitur primus, quia ex professo materiam istam in propriis terminis methodo scholastica examinavit, solidis argumentis firmavit, contrarias objectiones solvit. Antiquiores autem Doctores, licet multi ex illis ejusdem fuerint

fuerint cum Medina sententiæ, non ea ac ille, industria, & perse-  
cutione id præstiterunt. Unde Medina nullatenus est inventor probabi-  
lismi, sed eundem magis excoluit, perfecit, illustravit, ut omnes  
scholæ & Doctores deinceps per integrum ferme sæculum ejus doctri-  
nam, quoad substantiam, sequerentur.

Obj. 9. Probabilissimi doctrina, ut prohibeatur, delata fuit ad qua-  
tuor Summos Pontifices, Alex. VII, Innoc. XI, & XII, atque Clemen-  
tem XI a Prælati Flandriæ & Hispaniæ, & a PP. Estrix, & Camargo  
S. J. tanquam corruptæ morum disciplinæ & omnis mali fons & ori-  
go pestifera. Vehementissime vero in eandem detonuit Vincentius  
Centenſon Dominicanus in sua ad Alex. VII epistola; ubi inter alia  
exclamat: *exurge Beatissime Pater! perimus jane! perimus! - - - Casu-  
istarum nubes, opinionum nebula sic ruerunt, ut nisi caveas, totus fiet Chri-  
stiani mundi una tempestas. - - - exurge, Beatissime Pater! quare obdormis?  
& ne repellas in finem. - - Et, siquidem judicas, Ecclesiam Gallicanam  
juste moveri, moveatur omnium Magistra Romana.*

*Resp.* Aliud est accusari, aliud damnari. Accusatus est proba-  
bilissimus, & a pluribus, & sæpius, & acerbissime. At vero nullus  
eum unquam Pontifex damnavit, ne quidem Innoc. XI acerrimus  
doctrinæ censor. Quid sentis de reo, qui vehementer accusatur,  
sed a Judicibus nunquam condemnatur. Damnata sunt ab Alex. VII  
& Innoc. XI multæ propositiones laxæ & temerariæ. Si probabilis-  
mus esset eorum fons, ante omnia hunc obstrui oportuisset. At  
damnatus est probabilissimus Thomæ Tamburini, inquit P. Diezius,  
item Guimenii, seu larvati Matthæi Moya: uti etiam Apologia Ca-  
suiſtarum Joannis Pirot, Bibliotheca Jansenistica P. de Colonia.

*Resp.* Tamburinum, dum dixit, licitum esse sequi opinionem  
etiam tenuiter tantum probabilem, modo e probabililitatis finibus  
non egrediatur, incaute fuisse locutum. Nullus alius ex Jesuitis hoc  
docet; sed omnes requirunt probabiliter veram, Theologicam,  
practicam, absolute talem; hoc est, nixam ratione gravi, quæ vi-  
rum prudentem movere possit ad assensum. Et in hac sententia, si  
contextus, & ea, quæ tradidit alibi, considerentur, etiam fuit Tam-  
burinus. Nam loquitur conditionate, si opinio in comparatione  
cum opposita probabilitate adhuc maneat vere probabilis.

Guimenius, quicumque ille sit, non est *Auctor*, sed merus *Summist*: qui compilavit varias opiniones, & Auctorum sententias, quin eas veras aut falsas enuntiet, aut examinandas duxerit. P. Moya autem in suis operibus de insigni sua doctrina optime est meritus.

Eadem ferme, ac Guimenti, est ratio Piroti, cujus librum Societas nunquam approbavit, neque sub nomine Piroti fuit editus. Collegit Auctor Apologiæ in eo multas sententias, rigidas & laxas, præsertim Thomistarum, nec usus satis est crisi in iis discernendis. Nec tamen auctor dixit cum Jansenistis, Apologiam ad Clerum Gallicanum & Sedem Apostolicam deferentibus, an propositiones contineantur in suo libro, an sint intelligendæ in sensu damnato, esse questionem facti, in qua decidenda Pontifex, imo Ecclesia tota, non sit infallibilis, prout Jansenistæ loquuntur de propositionibus Jansenii. Nihil horum objectit Apologista, sed condemnationi adquevit. Si autem intra terminos veræ ac solidæ probabilitatis hæssisset, nulla opus fuisset condemnatione.

Auctor *Bibliotheca Jansenistica* finem optimum sibi præfixerat, ut videlicet præmuniat Catholicos contra librorum & libellorum torrentem, quo Jansenistæ Europam inundaverant; qui libri tanto sunt periculosiores, quanto sub dulcedine Historiæ magis curiositatem alliciunt, amœnitate styli delectant, atque sub simulatæ disciplinæ & ascese velo devotos incautos facilius decipiunt.

Cæterum sua probabilioristas severitas neutiquam a condemnatione absolvit, ut in Natali Alexandro, Vincentio Baronio, Hyacintho Serry, Thomæ Menghino, Ordinis Prædicatorum famosis scriptoribus, videmus.

Obj. 10. Postquam probabilitatis detecta fuit abortiva deformitas, Prædicatorum Capituli Generalis 1656 ordinatione, & omnium Religiosorum conspiratione taliter fuit impugnata, ut evidenter intelligeretur, quam aliena semper fuerit ab animo Religionis.

*Resp.* Fatetur ergo P. Diez, ante annum 1656 viguisse in sacro suo Ordine probabilissimum, cum tunc primum ejus abortiva deformitas, ut humanissime loqui placet, fuerit detecta. Et ex hoc ipso colligitur, quam alienus semper fuerit ab animo Religionis Prædicatorum, prout etiam ex eo, quod P. Ildephonsus a Capitulo Generali jussus fuerit, opus suum, in quo probabilissimum defendebat, in publicam lucem emittere, & Medina a Réverendissimo suo P. Generali.

*Par. X.*

K k k k k

Obj. 11.

Obj. II. Sacri Ordines, S. Francisci, Carmelitarum, Augustinianorum, Præmonstratenses, Trinitarii, Theatini, Congregationis Oratorii in Gallia, Benedictinorum, potissimum Maurina, Helvetica, Hispanica, Germanica, Italica, Anti-Probabilissimum tuerentur, nominatim Cardinalis de Aguirre, Card. Sfondrati, *Gabriel Gerberon*, Joannes Mabillon, Gardius, Torres, Gomez, Larditus. Ex Ordine S. Francisci, Alexander de Ales, S. Bonaventura, Scotus, S. Bernardinus Senensis, Angelus de Clavasio, Trovamaia, Faber, Cardinalis de Laurea. Matthæucius, Durantus, Henno, Rabeus, Ciaffonius, Recanatus, Paulus a Lugduno, Cajetanus a Bergamo, Palluncitus, Bonadonus, Cardinalis Casinus; quibus adjungendi Theologi non Regulares innumeri.

*Resp.* Si numerus ingens Probabilistarum ex omni ordine & gente petatur, consuli possunt longissimi Catalogi, quos consecerunt, Sarasa, Terillus, Cardenas, Fabri, Dechamps, Gobat, Zacharias, Ralslerus, Flander, Anglus, Hispanus, Gallus, Germanus, Italus. Quibus accesserunt recentiores innumeri, qui tum libris editis, tum propositis Thesibus, tum in prælectionibus Academicis probabilissimum propugnant, & quidem tanquam probabiliorem, & pro salute animarum tutiorem.

Observat hic P. Gravina, quod si evanescant decem Dominici probabilistæ, cum toto Prædicatorum Ordine comparati, ut inquit P. Diez, quid censendum de octo Auctoribus, cum toto amplissimo, antiquissimo, & multo doctissimo Ordine S. Benedicti comparatis? non parum vero miratur, quod inter illos octo Probabilioristas etiam recensetur *Gabriel Gerberon*. Causa admirationis est notior, quam ut memorari debeat. Signum est, quod Diezius alios, quos pro se citet, non invenerit. Alias plane hunc allegare erubuit.

De eruditissimo Illustratore Conciliorum Hispaniæ Cardinale de Aguirre alias dictum; ipsummet falsum esse, se materiam de probabilitate minus examinasse. Et in præfatione ad *Concil. Hisp.* ait, Probabilistas esse innumerabiles, ut cum Poeta dici possit: *obvium numero.*

Octo autem allegatis Terillus opponit S. Bernardum, Abbatem Panormitanum, Caramuelem, Dionysium Carthusianum; & P. Dechamps Petrum Lorca, Petrum de S. Josepho, Carolum Malletum; Gregorium Sayrum. Et quot alii, etiam in Germania nostra & Helvetia, ex Illustrissimo & eruditissimo Ordine S. Benedicti probabilissimum acriter defendunt? nuper admodum doctissimus quidam Abbas



Abbas, me audiente, dixit, omnes in suo Monasterio pro probabilissimo stare, uno excepto; questusque ei, eundem a quibusdam tam acerbis calumniis criminari.

P. Nicolaus Monsia Benedictinus Cassinensis anno 1694 librum edidit, sub titulo, *crisis probabilistis*, contra nostrum P. Thyrsus: in quo probabilissimum egregie defendit, testaturque, quod ille in Congregatione sua Cassinensi sit communior. De Card. Aguirre pag. 67 hæc scribit: *Neque putamus, banc nostram (pro probabilissimo) sententiam esse contra doctissimam & piissimam mentem per omnia Eminentissimi Cardinalis de Aguirre, ex sacra Benedictina Familia assumpti, quamvis dictus Reverendissimus auctor (P. Thyrsus) Dissert. 13 a n. 79 & seqq. multa loca ejusdem Eminentissimi recitet. Nam idem Eminentissimus ibidem protestatur, se cognovisse, banc questionem esse gravissimam, eamque ex instituto minime resolvisse, sed potius extirpendo eam libasse, ut apparet ex Dissert. 13 n. 84 in fine.*

Quantum ad *Scrapsici Ordinis* Doctores spectat, P. Gravina primos octo ex recensitis dubios esse ostendit. Reliquis 12 opponit ex P. Dechamps 12 alios ex schola subtili, probabilissimi assertores, videlicet Angles, Pelbartum, Villalobos, Portellum, Poncium, Marcantium, Hauzeur, Basseum, Longum, Calpese, Gefvaldum, Raggium.

His addi possunt alii 12, nimirum Henrick, Mastrius, Neusser, Lupus, Posnanienfis, Sporer, Baro, Delgadillus, Boscus, Boyvinus, Borullus, Bervodinus: atque insuper Philippus, Sichenus, Fulgentius de Trinitate, Felix Potestas.

P. Jeremias de Padua Franciscanus librum edidit, cui titulus: *Probabilissimus Methodo Mathematica demonstratus*, in quo prædictis addit Okamum & Majorem, atque probabilissimum tanquam veritatem demonstrabilem proponit: Cajetanus del Pezzo in *addit. ad Moralem P. Potesta app. 1 pag. 1* testatur, Scotistas fere omnes Probabilissimo patrocinari.

Certe in Germania passim ab illis defenditur tum in scholis tum editis libris, cum celeberrimo Doctore Anacleto Reiffenstuel, qui in sua *Theologia Morali*, anno 1692 edita, *Tr. 1 d. 3 q. 4 concl. 11 n. 52 & 53* Probabiliorismum rejicit, & Probabilissimum communionem inter Theologos asseverat. P. Panger in sua *Theologia Scholastica Morali Polemica*, anno 1732 Augustæ cum singulari elogio sui sacri ordinis edita, *T. 2 d. 3 q. 7* quinque argumentis Probabilissimum defendit, & 11 Objectiones solvit, testaturque, Scotum quo.

quoque fuisse Probabilitatem. Credo autem, scholam subtilem non minus doctam esse & piam, ac Thomisticam. Quamvis multi doctissimi etiam Thomistæ eandem probabilissimi sententiam sine amplexu, ut supra demonstratum fuit, imo eandem per Medinam, aliosque ita de novo illustrarint, ut communem fecerint.

Ex *Auguſtiniana* sacra Familia pro licito usu opinionis probabilis P. Gravina citat eruditissimum P. Christianum Lupum, clarissimos viros, Salonium, Poncium, Bejam, Aragonium; quorum opera cum approbatione censorum & superiorum S. Ordinis fuerunt edita.

Ex S. *Carmelitarum* Ordine primo loco ponit Joannem Baconium *Doctorem Resolutum*, tanquam caput scholæ Carmelitane. Hunc sequuntur præclarissimi, Petrus Carnejus, Joannes Baptista Lezana, Urbanus de Assumptione, Franciscus Bonæ Spei, Andreas Laus.

Ex *Theatinis* Cajetanus Petius, Andreas Lanfrancus, Antonius Naddi, Antoninus Diana, Novarinus, Pasqualigus, Delbene, Gualdus &c. Quid de Incognito Ordine *Servorum B. V. Mariæ* dicam, in quo multi viri doctrina & eruditione clarissimi Probabilissimum acerrime propugnant, prout in celeberrimo studio Generali Oenipontano non raro ipse vidi? Honoris gratia aliquos nomino lectores doctissimos, amicitia mihi dudum conjunctissimos, Ferdinandum Gassmayr, Joannem Gienger, Gabrielem Schenck, Provinciæ Præsides, Alexium Blanck, Zachariam Rathgeb, omnes lectores ornatissimos.

Memorabile est, quod Contenson acerrimus Probabiliorista T. 1 Theol. *Mensis & Cor lris* l. 6 Diss. 3 c. 2 fatetur: Probabilissimi licentiam, inquit, ab aliis (nempe a Thomistis) hauserunt Jesuitæ, & cum Jesuitis non pauci alii ex omnibus Ordinibus & Academiis, nonnulli etiam Sorbonici sæculi hujus Doctores sectantur. - - Non sunt Theologorum Societatis Jesu propria (sententiæ de usu opinionum probabilium) sed multis aliis communes. Unde si Probabilistarum cateroam in aciem producere liberet, magnam partem conficerent aliorum Institutorum & Ordinum Professores, quos probabilitatis dogma pervasit.

Et sane pervasit ipsum etiam clarissimum Ordinem Prædicatorum, plurium Docto-um textus supra attulimus, juvat hic eos unum aspectum objicere. A P. Dechamps, probabilissimi fautores, & assertores, exacte citantur S. Thomas, S. Antoninus, B. Albertus M. Petrus Paludanus, Didacus Alvarez, Barthol. Ledesma, Silvester

Silvester Prieras, Joannes Viguerius, Barthol. Medina, Ludovicus Lopez, Franciscus Victoria, Thomas Marcado, Joan. Paulus Nazarius, Dominicus Bannez, Jacobus Nunnez, Gregorius Martinez, Petrus Ledesma, Vincentius Candidus, Joan. Bapt. Ildephonfus, Paulus de Blanchis, Joan. Bapt. Hacquetus.

His 21 P. Zacharias adjungit alios decem, uti Petrum Tapia, Acacium de Velasco, Balthazarem Navarete, Thomam Villar, Barnabam Gallegum de Vera, Franc. Lopez, Joan. a S. Thoma, Dominicum Gravina, Joan. Martinez de Prato, Vincentium Ferre. Accedunt, testibus Sarasa, Gobat, & Moya, Joan. Nider, Ulricus Engelbertus, Umbertus de Romanis, Bernardus Claramontanus, Barthol. Fumus, Melchior Canus, Joan. de Friburgo, Dominicus Soto, Marcus Serra, cujus Theologia, in qua quinque validis argumentis probabilissimum propugnat, ab Ordine fuit approbata, ac primum Valentia, ac dein Romae anno 1553 cum magnis encomiis edita, ipsique Rev.<sup>mo</sup> P. Generali Joanni Bapt. de Marinis dedicata.

Agmen 43 Probabilistarum ex inclita Familia S. Dominici claudant Martinus de Ledesma, Joannes de Cruce, & Ludovicus Bancelus, qui in *Theol. sua Thomist. tr. 11 de Act. Hum. q. 5 a. 5* ait: *ad hoc, ut possimus in conscientia sequi aliquam opinionem, sufficit quidem, quod directe & objective sit vere probabilis, & vere tuta, licet sit minus probabilis & tuta, sed tamen requiritur, quod reflexe & approbative sit probabilior & tutior: . . . Multa sunt, quae tutius est facere; sed simul etiam tutius est, non se credere obligatum ad ea facienda. . . . Nisi moraliter ipsi constet de tali obligatione.*

Obj. 12. Conventus Cleri Gallicani numerosissimus, (quem Concina Concilium Nationale appellat, magis amplum, quam unquam viderit hoc regnum) totam Ecclesiam Gallicanam representans, cum Parochis innumeris, probabilissimum, ceu mall omnis fontem, anno 1700 damnavit.

*Resp.* Secundum computum P. Gravina Ecclesia Gallicana componitur ex 18 Archiepiscopis, 112 Episcopis, 44000 Parochis, plus 300 Capitulis, 22 Universitatibus, ultra 14777 Domibus Religiosis, 1356 Abbatibus. In Conventu autem illo aderant, unus Cardinalis, nempe Noallius, & cum eo Archiepiscopi quatuor, Episcopi decem, ex omni reliquo Clero viginti: atque ad hunc numerum redactum fuit numerosissimum Concina Concilium Nationale totius regni, innumerabilis Diezii parochorum multitudo. In Ger-

Kkkkk 3

mania

mania autem superiore, credo, vix decimus quisque erit ex parochiis, qui genuinum probabilissimum rejiciat.

Deinde etiam Probabilitas docent, cum dubio pratico nunquam licitum esse operari; imò ultimum ac proximum dictamen conscientiae requirunt omnino certum, quod dubium omne excludat. Et in hoc sensu Conventus ille potest intelligi; prout etiam Prælati Hispaniæ & Belgii in sua ad Clementem XI epistola, aut intelligi possunt loqui de probabilitate *notabiliter* minore, quam plurimi ex Societate nostra rejiciunt.

## Art. V.

*Probabilioristas in gravissimos errores & laxitates incidisse. Tres centurias exhibet Gravina. Eorum maledicentia. De Natali Alexandro, & Van - Elpen. Probabilismus probatur ex SS. PP. Jure utroque, 43 Dominicanis. Transactionis idea.*

268.

Parte 3 P. Gravina demonstrat, ab experientia constare, Probabiliorismum impedimento suis sectatoribus non fuisse, quo minus in plurimas inciderent laxissimas opiniones, idque exemplo Cajetani ostendit, cujus 150 lapsus exhibet circa Baptismum, pœnitentiam, Eucharistiam, matrimonium, Decalogum, præcepta Ecclesiastica, Simoniam, justitiam, aliasque materias varias.

Tres deinde errorum laxarumque opinionum Centurias, citatis exacte locis, proponit, in quos sacri cujusdam Ordinis Scriptores Probabilioristas incidisse probat. In prima centuria exhibet laxas eorum sententias & errores contra doctrinam de Sacramentis, actibus humanis &c. In 2 centum errores contra Theologiam Dogmaticam, quos docuerint, Eckardus, Montefonus, Grabon, Contenson, Natalis Alexander, Hyacinthus Serry, alique multi.

In tertia errorum centuria enumerat singillatim centum laxas & laxissimas Antiprobabilistarum propositiones contra bonos mores, uti de sigillo Sacramentali, de Sacramentis, de intentione Ministri, de pœnitentia, de confirmatione, de præceptis Ecclesiasticis, de confessione & communione, de amore Dei, de quinto & sexto præcepto Decalogi.

Plurimæ

Plurimæ ex his trecentis propositionibus sunt adeo enormes, ut, si Jesuitæ illas docuissent, tanquam pestem humani generis ex orbe terrarum exturbandos aliqui clamarent; & tamen isti volunt esse Probabilioristæ. Infert jure optimo P. Gravina, prætersum probabiliorismum minime impedire, quo minus ejus laudatores in laxismum & gravissimos errores incidant.

*Capite 4* Gravina exhibet enormem maledicentiam Probabilioristarum, qua in benigniorem sententiam ejusque assertores invehuntur, præsertim Vincentius Baro, cujus convitiis in Theophylum Raynaudum ingentem Catalogum ordine alphabeti proponit.

Subjungit furiosas declamationes Vincentii Contenson, quibus novus iste Jeremias lamentatur exitium orbis, Ecclesiæ ruinam, per probabilium inductam. Addit maledictorum plaustra, quæ Vincentius Diez in P. Gravina & benigniorem sententiam exponerat.

*Cap. 5* ostendit, quod plures ex probabilioristis degenerarint in Laxones & Rigoristas, secundum quos ne quidem ex probabilibus probabilissimam liceret sequi relictâ tutiore, nominatim *Natalis Alexander*, qui tamen, simul in aliis laxista, multas propositiones erroneas docuit, ut ostendunt in Notis suis ejus censores ex Sacro Ordine, & Roncaglia ac Mansi in ejus correctione, uti etiam P. Gravina in centuria secunda, classes V, ubi refert, Alexandrum fuisse inter Appellantes ad futurum concilium atque huic appellationi schismaticæ fuisse immortuum. Insuper quam alienus fuerit a doctrina factionis Jansenisticæ, patet etiam ex eo, quod *casui* illi famoso conscientia subscripserit, & *Dissert. 26 in Hist. Eccles. Sac. 3*, hanc propositionem scripserit: *Gratia sufficiens non importat potentiam proximam ad resistendum*. Huic non multum ab similem proponit Zegerum Bernardum *Van-Essen*, canonistam Lovaniensem, in moralibus Rigoristam, Imperio & Sacerdotio perniciosum, Hollandici schismatici, & Richerismi fautorem, Jansenisticæ factionis amicum, suspensum a Divinis & functionibus Academicis, ac propterea Ultrajectum fugitivum, ibique mortuum in schismate anno 1728, vivum paradigma laxissimi Rigoristæ. In ordine factionis Jansenisticæ sub nomine *Antonini* latuit. Coddeum constanter habuit pro legitimo Vicario Apostolico, licet a Papa depositum; deciditque cum

cum Quesnello. quod Clerus in Hollandia bona conscientia possit recurrere ad Magistratum Protestanticum ad obtinendum Vicarium sui generis, & arcendum, quem Papa designaverat. Ejus opera Canonistica Romæ fuerunt damnata.

Cap. 6 allegat SS. Patres, usus opinionum probabilium faventes, uti Augustinum, Hieronymum, Bernardum, Anselmum, Basilium, & Ecclesiæ Doctores alios, uti S. Bonaventuram, & S. Thomam. 1. 2 q. 105 art. 2 ad 8 ait: *In rebus humanis non potest haberi demonstrativa probatio, sed sufficit aliqua conjecturalis, secundum quam Rbetor persuadet.*

Cap. 7 recenset 43 Dominicanos probabilistas: & Cap. 8. Doctores ex eodem sacro Ordine, qui doctrinam Moralem Jesuitarum laudarunt, & approbarunt. Imo Reverendissimi Patres Generales, cum universalibus capitulis, & sanctis, uti Pio V. Pontifice, Ludovico Bertrando &c. laudibus & æstimatione Societatem celebrarunt. Hinc odium in Jesuitas nequaquam est commune Illustrissimo Ordini, sed personis quibusdam proprium, quæ eo altius se extollendas existimant, quo profundius Jesuitas depresserint.

Cap. 9 ex principiis utriusque Juris probat usum opinionum probabilium: uti ex eo, quod *in dubiis melior sit conditio possidentis*; quod *lex dubia sit lex nulla*: quod *in obscuris minimum sit sequendum*; quod *in dubiis favendum reo*; quia *jura sunt promissa ad absolvendum, quam ad condemnandum.*

Item ex praxi primæ christianæ ætatis, qua Ecclesia admodum benigna fuit in administrando sacramento pœnitentiæ, (teste clarissimo Morino l. 4 *Comm. Hist. de Discipl. in admin. sac. pœnit. c. 9.*) usque ad hæresin Montanistarum, de laxitate conquerentium, prout solent Jansenistæ; alligantes onera, quæ ipsi nolunt portare, prout Christus genti cuidam exprobravit, quæ discipulos ejus ceu legis transgressores accusaverat.

Denique ex usu & praxi Sanctorum, qui Christi exemplo, *cujus jugum suave est, & onus leve*, quique singulari cum benignitate peccatores in gratiam receperat, atque a se disci voluit, *quia mitis est & humilis corde*, hujus, inquam, Divinissimi Magistri sui, qui  
agnus

agnus appellari voluit, exemplo sancti ejus miram in pœnitentes mansuetudinem præferebant. *Leni nos jugo suo subdidit*, inquebat S. Aug. Melius excusamur apud DEUM propter multam misericordiam, quam per nimiam severitatem, dicebat S. Thomas; item: Si Deus benignus, ut quid Sacerdos ejus austerus vult apparere?

S. Raymundus de Pennafort in Summ. de pœnit. & remiss. § 21 agebat: unum tamen consulo, quod non sis nimis pronus judicare mortalitæ peccata, ubi tibi non constet per certam scripturam, esse mortalitæ: sed potes dicere, esse peccata, & inducere homines ad pœnitentiam de talibus; alias enim possent induci homines cito in desperationem.

In eandem sententiam ivit S. Antoninus, qui i p. Summ. tit. 3 c. 10 § 10 reg. 7 ait, quod misericordia præpenderat juris rigori secundum Jurisperitos, & quod secundum hanc virtutem possumus præcepta DEI, Ecclesiæ, Prælatorum benigne interpretari. Ecce mentem Sanctorum ex Sacro Ordine S. Dominici, longe diversam a mente & calamo aliquis Contensonii, Concina, Dinelli, Patuzzi, Reicharti, declamatorum, ad imitationem Sancyrani, Jansenii, Quesnelli ejulantium.

Idem sensus fuit Gersonis l. de vita spirit. animæ Lect. 4 Coroll. 11, ubi ait: Ex his elicio doctrinam salubrem pro DD. Theologicis, ne sint faciles asserere, actiones aliquas aut omissiones esse peccata mortalitæ. - - Per tales assertiones publicas nimis duras, generales & stridas, præsertim in non certissimis (qualia sunt omnia probabilia) nequaquam eruantur homines a luto peccatorum, sed in illud profundius, quia desperatius, immerguntur. - - Quid prodest, imo quod non obest, coarctare plus justo mandatum DEI, quod est latum nimis? quid insuper expedit, amariius graviusque redere illud jugum Christi, quod suave est, & onus ejus leve? - - præstabitur sedulius obsequium Domino, & Patri tantæ mansuetudinis, cujus mandata gravia non sunt.

Accedit venerabilis P. Joannes Nider, illustre sidus Ordinis Prædicatorum, qui Consol. Tim: Consc. p. 3 c. 24 ait: Valde periculosum est diffinire, aliquid esse peccatum mortale, nisi hoc constet multum evidenter. Probatque hoc suum assertum auctoritate S. Augustini & S. Thomæ. Et Gabriel Biel in 4 sent. dist. 15 q. 13 a. 2 concl. 3 ait: incautum & malum est, asserere, aliquem actum fore peccatum mortale, ubi illud nec sufficienti auctoritate, nec evidenti ratione ostendi potest; nam hoc

est ponere laqueum ambulanti, & inducere certum mortale, ubi morale non est, velesse, certum non est. Item Petrus Aragonius in 2. 2. q. 83 a. 13 dub. 15, ubi hæc habet: Certe videtur valde durum, & a pietate christiana alienum, mittere aliquem in infernum, aut dicere, quod peccat mortaliter, sine evidenti & certa ratione. Videantur hæc omnia prolixius & exactius deducta apud P. Gravina *Ibid.* 9 Art. 3.

Cap. ult. P. Gravina adversario suo ideam quandam pacificationis aut amicæ transactionis proponit. Assumendam utrinque Theologiam mentis & cordis, non verbis tantum, ut Theologiam Consonantem, sed re constantem. Illam ad iudicium intellectus, hanc ad operationem voluntatis pertinere. Probabiliorissimum nihil ad hanc facere, cum voluntatem non faciat meliorem. Documenta varia de Ordine quodam Religioso ex Antonio Senensi, S. Antonino &c. affert Gravina. Sed ego, qui Ordinem illum Illustrissimum summopere veneror, & cum quibusdam ejus membris sincera amicitia junctus sum, hæc omnia missa facio. Quamvis enim quidam non cessent, minimam nostram Societatem persequi, denigrare, ac sparsis etiam libellis inimicis lacerare, inique tamen ageretur, si privatorum quorundam livor toti Ordini tribueretur, qui Generalibus etiam suis in Capitulis specialis in nos amoris argumenta dedit. Neque odiosa commemoranda sunt, quando de amica compositione agitur.

Hæc ut perficiatur, Gravina suadet, ut omnes dicamus corde & animo cum Gabriele Gualdo Theatino *Disp. de Bapt. Inf. in Ut. disp. 6 n. 3.* In scholis probabilista acerrimus sum: in moribus probabiliorista. Cum antiquis probabilitatem doceo, cum recentioribus probabilioris probabilitatem sequor. Ita vivamus & nos, aliis benigni, nobis rigidi, rosam imitantes, quæ aliis floret, fragratque, sibi dum riget, spinis circumsepta. Hac via sanctos ille, eademque sanctum fore Diezium, & alios sanctos facturum, ait Gravina; refertque exemplum memorabile P. Bernardini Piccini, animarum celebris Directoris, in se ipsum rigidi, in alios, quod bonarum mentium est, mitis & benigni.



Hunc dicere solitum accepimus, se experientia edoctum & usu diuturno, homines, præsertim adolescentes, patientia magis & misericordia, quam pœnis & terculamentis a culparum consuetudine avocari. Secutus proin est doctrinæ genus non austerum, sed moderatum temperatumque, quod Christianæ mansuetudini animarumque salutis accomodatius cognovisset.

Et sane experientia compertum habemus, eos, qui constanter Societatis hominibus utuntur conscientiæ arbitris & animarum directoribus, pios plerumque esse vitæque compositæ, nec diu eorum uti opera, si vitam suam non emendent. Non enim ita inepte benigni sunt, ut peccata non dicant peccata, aut emendationem vel obligationes non urgeant. Dixit quidam: *ne dixeris probabilistas nimium benignos: nullus Jesuita me voluit absolvere; probabiliorista me facile absolvit.* Non pauci fuerunt, qui, dum viverent, a Jesuitis abhorrebant, cum autem ad mortem ventum fuisset, eos accersiebant, & de peccatis confessi, eorum directioni se committebant. Alii dixerunt, se ideo nolle Jesuitis confiteri, quia nimis rigide contritionem & emendationis propositum urgerent.

Denum adhortatur adversarios, ut arma, quæ toties in Jesuitas strinxerunt, stringuntque continuo, in hæreticos & hostes Ecclesiæ convertant, qui de nostris litigiis exultant, & triumphum canunt, ut verissimum omnino hic sit tritum illud: *inter duos litigantes tertius gaudet.* Si autem pergant, convitiis, calumniis, maledictis nos laceessere, vitio nobis vertere non posse, si nos defendamus, memores illius sententiæ, quam ipse Tractatibus suis Apologeticis de Probabilismo præfixit, ex S. Thoma quodlibet 10 q 6 art. 13, ubi scripsit: *Hi, . . . quibus incumbit ex officio, vel ex statu perfectionis aliorum salutem providere, peccant, nisi insaniam propriam juxta posse repellant.* Ego vero, quæ hæcenus dixi, per narrationem mere historicam ex aliis retuli, quin mea faciam. Ad apparatus enim eruditionis non tam spectat, ex proprio sensu loqui, quam gesta, scripta, & doctrinam aliorum narrare.

Si arbiter ego essem, libenter concederem, non esse licitum, sequi sententiam manifeste minus probabilem, aut quando altera clare cognoscitur, esse probabilior, modo adversarii concedant, non dari

obligationem semper dimetiendi gradus probabilitatis; quia hoc in praxi sæpe est impossibile. Quis enim de infinitis quæstionibus probabilibus cum fundamento semper dicat, quænam sint probabiliores? Profecto hæc obligatio maximis anxietatibus foret obnoxia.

Hoc autem temperamento adhibito, neque rigorismi neque laxismi (quantum ad hanc materiam) esset periculum: onus non imponeretur nimium: sententia utraque combineretur, pax & concordia hac transactione facile componeretur.

